

SC.17.PL.7.



APB25







D I V I  
**THOMAE**  
AQUINATIS  
DOCTORIS ANGELICI  
ORDINIS PRAEDICATORUM  
O P E R A.

EDITIO ALTERA VENETA

ad plurima exempla comparata, & emendata.

A C C E D U N T

Vita, seu Elogium eius a IACOBO ECHARDO diligentissime concinnatum,  
& BERNARDI MARIAE DE RUBEIS in singula Opera  
Admonitiones praevis.

**TOMUS VICESIMUS SECUNDUS**


complectens SUMMAE THEOLOGICAE SECUNDAM SECUNDAE  
usque ad quaestionem c.



VENETIIS, MDCCLVI.

Cudebat SIMON OCCHI

EX PRIVILEGIO EXCELLENTISSIMI SENATUS.



III

# FR. JO. FRANC. BERNARDI MARIAE

## DE RUBEIS

### ORDINIS PRAEDICATORUM

# ADMONITIO PRAEIVIA.

De Secunda Summæ Theologicæ Parte, quam minime Sanctus Thomas ex alio Scriptore, sed alter ex Aquinate defloravit: deque Speculi Moralis, nomine Vincentii Bellovacensis insigniti, vero Auctore, ejusque ætate.

## C A P U T I.

*Franciscus Garcias, primus adseruisse videtur, Sanctum Thomam suam Summæ Theologicæ secundam partem deflorasse ex Speculo Morali. Validissima repugnant generalia argumenta. De emortuali Vincentii Bellovacensis anno. Num ejusdem Bellovacensis dici debeat fœtus Speculum Morale, dubium ingerunt gravissimi Scriptores.*

- I. **S**UMMAM Theologicam, germanum esse factum Sancti Thomæ Aquinatis, minimeque ab alio aut aliquibus consodalibus post sacram ejusdem Apotheosim, sive post annum æræ vulgaris 1323. collectam consecratamque fuisse, perspicuis & invictis argumentis contra Joannem Launojum confecimus. Invidiosa quæstio sequitur, cujus movendæ excitandæque occasionem præbet *Speculum Morale*, sub nomine Vincentii Bellovacensis Ordinis Prædicatorum insignis alumni vulgatum: in quo partes illæ duæ *Summæ Theologicæ*, quas *Primam Secundam*, & *Secundam Secundam* appellare solemus, fere integræ, iisdemque verbis leguntur. Hinc orta controversia, ingentibus moliminibus hætenus agitata, quisnam ab altero acceperit: an ex Vincentio transcripserit Thomas, an ille ex isto?

Franciscus Garcias Hispanus, Cœnobii nostri Valentini in Provincia Aragoniæ alumnus, in Libello, quem *Tarracœ apud Philippum May anno 1578. typis edidit sub titulo: Emendationis erratorum, quæ librorum aut typographorum incuria in Summa Theologica Sancti Thomæ hætenus admissa reperiebantur*; primus videtur, & imprudens, in Præfatione scripsisse: *Aperitissimum esse, ex Speculo Morali Vincentii Bellovacensis mutuassee S. Thomam ferme omnia, quæ in his duobus Codicibus (Prima 2. & Secunda 2.) de virtutibus, & vitiis scripta reliquit. In hanc sententiam ivit Petrus de Alva & Astorga suis in Opusculis, Nodus indissolubilis, Sol veritatis, Judicium Salomonis: mentemque suam his ferme verbis frequentius aperit, non aliter*

*Primam Secundam, & Secundam Secundam* esse Doctoris Angelici, quam Commentarii in *Epistolam ad Romanos* Hieronymi sint, (verum interpretem Rufinum Aquilejensem nesciebat Alva,) qui eos fatetur ex Origene se transcripsisse: nec aliter, quam libri in *Hexaemeron* sint Sancti Ambrosii, qui integros transtulit ex Basilio: eisdemque duas demum partes Theologiae Summae ex Vincentii Bellovacensis Morali Speculo surreptas esse.

II. Tam apertum plagii crimen, immo vel ipsam suspicionem ejus, removere ab Aquinate nisi sunt Docti quique, prudentesque Viri. Militant pro Doctore Angelico tot alia Opera ejus, proprio Marte confecta: militantque *Summa Theologica* pars prima, & pars tertia, selectissima eruditione, solidissimis documentis, methodo perspicua, subtili ratiocinatione repletæ, vim maximam ingenii ejus præferentes ad opera parturienda aptissimam. Summam integram expende, partesque in dubium vocatas confer cum indubiis. Idem in Opere toto stylus apparet, ac individuum partium omnium inter se connexionem nemo non deprehendit: se Articuli omnes, ac singuli eodem ex fonte scaturisse palam demonstrant: fulget æque in hisce partibus, ac in aliis elucubrationibus eminentissima Thomæ sapientia: ordo, dictio, nitor, brevitās, soliditas, notæque cæteræ unum indicant parentem.

Accedunt validissima argumenta, quæ sententiā fere præjudicatam evincunt contra Vincentium, aut alium Speculi Moralis auctorem. Constat quippe omni remota dubitatione, Thomam allegari aliquibus in locis a Vincentio, ejusque non paucos Articulos totidem verbis describi. Nempe in *Speculo Naturali* libro xxii. Cap. lxxiv. legimus: *Qualiter Angelus animam doceat, Thomas de Aquino*: quo loco surrepta sunt verba, & documenta, quæ ipse Aquinas habet in Quæstione xi. de Veritate Articulo iiii. Item Capite lxxxii. hæc habentur: *Quid sit Prophetia, Thomas*: ex quo scilicet desloravit Vincentius, quæ disserit omnia de eodem Prophetiæ argumento, ad caput usque xcv. eaque licet cuique legere Quæstione xii. de Veritate Articulo i. iv. v. vi. vii. viii. ix. xii. xiiii. Denique Capite ci. *Qualiter raptus sit ad id, quod est supra naturam, Thomas de Aquino*, usque ad Caput cx. prostant quinque Quæstionis xiiii. de Veritate Articuli, verbotenus descripti. Suas porro de Veritate quæstiones ab Aquinate habitas Parisiis post annum 1257. quo scilicet Vincentius adhuc vitam agebat, florabatque, alia Dissertatione jam ostendimus.

Se denique non Auctorem Speculi, quod in *Tres* dumtaxat *Partes* tributum dicemus infra, sed collectorem, & confarcinatorem candide ac vere fatetur Bellovacensis: „Mihi omnium Fratrum minimo, (inquiens in Prologi Capite i.) plurimorum libros assidue revolventi, ac longo tempore „studiose legenti, visum est tandem, accedente etiam Majorum meorum „consilio, quosdam flores pro modulo ingenii mei electos ex omnibus fere „quos legere potui, sive nostrorum, idest Catholicorum Doctorum, sive „gentilium, scilicet Philosophorum, & Poetarum, & ex utrisque Historico- „rum, in unum Corpus Voluminis quodam compendio & ordine summatum „redigere. “ Iterum Capite iv. pro sui animi candore sic habet: *Præsertim cum hoc ipsum opus utique meum simpliciter non sit, sed illorum potius, ex quorum dictis fere totum illud contexui: nam ex meo pauca, vel nulla apposui & ipsorum igitur est auctoritate, nostrum autem sola ordinatione.*

III. Hinc Vincentii, ac Thomæ consilium cum pateat in libris conscribendis, nemo non videat, si cui plagium, illi potius, quam isti assignandum esse. At gravis illa ac difficilis militat oppositio, quomodo Vincentius, qui

qui antiquior est Aquinate, *Theologicam Summam* extremis vitæ istius annis consecratam expilare potuerit? Vita migrasse Bellovacensem anno 1240. putabat Franciscus Garcias: ad annum 1256. obitum ejus producit Antonius Senensis, quem plures alii Bibliographi exceperunt. Errant omnes: manifestumque errorem evincunt Quæstiones *de Veritate*, a Thoma post annum 1257. pertractatæ, in *Speculo Naturali* insertæ.

Jacobi Echardi sententia est, non ante annum 1263. ad plures obiisse Vincentium, neque ultra annum 1264. vitam ejusdem prorogari posse: quoniam tempore *Summam suam Theologicam* non ediderat Aquinas, testimonium ferente Ptolomæo Lucensi in *Histor. Eccl. Libro xxii. Capite xxix.* per hæc verba: *Hujus ( Clementis IV. Summi Pontificis ) tempore ( a die 5. Mensis Februarii anni 1265. quo ad Summum Sacerdotium evehctus est, ) dictus Doctor scripsit Summam, quam in tres partes divisit . . . . Istius ergo Summæ tres partes quasi scripsit tempore istius Pontificis, vacationis sequentis, ( a die 29. Novembris anni 1268. ad annum 1271. diemque 1. Septembris, quo Gregorius X. cum absens foret, electus fuit; vel ad annum insequentem 1272. diemque 27. Martii, quo thiaræ pontificiæ ipse accepit. )* Qua posita utriusque, Bellovacensis, & Aquinatis, chronographia, nodus intricatissimus apparet, quem neque Alexandri gladius secare possit.

Hinc aliam ineunt alii chronographiæ rationem, Bellovacensis vitam producentes ad annum 1274. & ultra: quo tempore biennium & amplius elapsum erat. post consecratam ab Aquinate Summæ suæ *Theologicæ primam Secundæ, & secundam Secundæ.* Hinc prædicto biennio, vel etiam latiore spatio temporis, quo Vincentius aut synchronus fuit Aquinati adhuc vitam agentis, aut illi superstes, potuisse ab illo partem Summæ istius transcribi, ac inferi *Morali Speculo*, prima est responsio Vedastinorum Ordinis S. Benedicti Monachorum in Duacensi operum Bellovacensis editione anni 1624.

Ab emortuali ejusdem Bellovacensis anno 1264. non recedunt alii plerique, accuratiore calculo chronographiæ rationes subducentes, Albertus Castellanus, Ildephonsus Baptista, Alphonsus de Ribera, Joannes a S. Thoma, Jo. Paulus Nazarius, Vincentius Ferre, Seraphinus Piccinardus. Nondum ergo implicatissimum quomodo fecerit illi? Videre Bellovacensis, inveniunt, ante annum 1264. potuerit vel integram *Theologicam Thomæ Summam*, vel *Primam Secundæ, & Secundam Secundæ*, in prima contextura delineatas, adhuc informes, & imperfectas, nondum manu ultima perpolitas, ac publici juris factas. Quidni enim quæstiones ad partem moralem spectantes longe ante parasset Aquinas, quam operi suo eximio manum ultimam imponeret? Quidni Bellovacensis quæstiones easdem sibi communicatas defloraverit, convaseritque, ut *Speculum Morale* compingeret?

IV. Conjecturis hujusmodi minime sibi factum satis, faretur Bellarminus De Scriptoribus Ecclesiasticis in *Elogio S. Thomæ Observat. 111.* Hinc, in „ his angustiis, inquit, nihil mihi occurrit, nisi *Speculum illud Morale* forte, „ tasse non esse Vincentii Bellovacensis, sed alicujus Auctoris posterioris, „ qui . . . secundam partem Sancti Thomæ, ( scilicet 1. 2. & 2. 2. ) in com- „ pendium redigere voluerit: id quod videtur posse confirmari ex eo, quod „ *Speculum Morale* gravius multo esse videtur, quam sint *Speculum Doctri- „ næ, & Historiæ*, quæ tria sine dubio sunt Vincentii Bellovacensis. „ Paulo diversa Monachorum Vedastinorum conjectura est: Vincentium Bellovacensem, qui *Speculum* quadruplex pollicitus fuerat, morte præventum non composuisse partem illam, quæ titulo *Speculi Moralis* inscribenda erat:

Audio-

studiosum porro aliquem post obitum ejus, ad perfectionem Operis, cui *Speculum Morale* deerat, supplementum addidisse, ex illis quæstionibus ad mores pertinentibus confectum, quas in *Prima Secunda*, & in *Secunda Secunda* tradiderat Sanctus Thomas. In hanc fertur etiam conjecturam Natalis Alexander, qui tamen putat, *Morale Speculum* compositum fuisse, perfectumque a Bellovacensi: verisimile esse, ut nescio quo fato exciderit illud: in ejusque supplementum substituta a juniore quopiam, ac supposita fuisse excerpta ex *Prima* & ex *Secunda Secunda* Sancti Thomæ, titulo eisdem tributo *Speculi Moralis*.

## C A P U T II.

*Genuinum Vincentii Bellovacensis opus vetustissimi optimæ notæ codices in tria Specula tributum præstant, rejecto Speculo Morali. Idem confirmant synchroni testes probatissimi. Quod etiam evincitur, inita ejusdem Speculi Moralis comparatione cum tribus genuinis, Naturali, Doctrinali, Historiali.*

I. **I**TA conjecturis in obscura controversia indulgebant Viri doctissimi, ea permoti existimatione, quam doctrinæ sublimitate, ingenii acuminē, ac proprio quodam operum stylo, ac nitore, sibi Sanctus Thomas comparavit; cui vel levissima plagii suspicio nonnisi per injuriam affingi queat. Auspicato demum, Disque faventibus factum, ut Jacobus Echardus insignis Ordinis Prædicatorum alumnus, improbo labore Codicibus vetustis perquisitis ac lustratis, ipsoque Speculo Morali accuratissima indagine expenso, luce meridiana clarius deprehendit, Vincentium Bellovacensem delaudato Speculo Morali edendo nunquam cogitasse: Opus immane suum in tria dumtaxat Specula, *Naturale*, *Doctrinale*, *Historiale* partitum esse; Moralis ejusdem Speculi confarcinatorem longe Bellovacensi, & Aquinate recentiorē dici debere. Luculentissimum hocce de argumento vulgavit Opusculum Parisiis typis anno 1708. sub titulo, *S. Thomæ Summa suo Auctori vindicata, sive de Vener. Fratris Vincentii Bellovacensis Scriptis Dissertatio*: quod etiam opus insertum legitur in Elogiis ipsius Bellovacensis, & S. Thomæ Tomo I. Scriptorum Ordinis Prædicatorum, quos post Jacobum Quetifum ipse Echardus recensuit, complevit, vulgavitque Parisiis anno 1716.

Dissertationum nostrarum ratio postulat, ut hanc celebrem relinquere intactam quæstionem non liceat. Nova non proferam ego argumenta, cum omnia prævenerit, pertractaveritque Doctissimus Auctor. Ipsam ejus luculentissimam Dissertationem in pauciora capita contraham, ut veritas facti, quæ tandem splendidissime illuxit, uno veluti conspectu innotescat.

Ajo primum, *Speculum Morale* falso hactenus tributum Vincentio Bellovacensi sive in Manuscriptis Codicibus, sive in editis exemplis. Primum argumentum suppeditat vetustus optimæ notæ Codex *Speculi Doctrinalis*, quem Parisiensis Bibliotheca Sorbonæ possidet ex legato *Magistri Petri de Lemoviciis Socii Domus* ejusdem Sorbonæ, ut in fine ejusdem Codicis adnotatum legitur. Quo vitam duxerit, ac floruerit tempore Petrus ille Lemovicensis, accuratissime perquirat laudatus Echardus. Temporarias accipe sequentes notas. Exstat in eadem Bibliotheca Sorbonica Collectio quædam Mi-

Sermo-



*Sermonum*, quos Theologi Parisienses a *Festo SS. Simonis & Juda anni 1272. ad Festum S. Martini anni 1273.* habuerunt. Ad Sermonem 34. hæc appiſſa legitur adnotatio: *Sermo Fratris Egidii de Aurelianis ad Beguinas in Dominica III. adventus: & fuit sermo peroptimus, in quo fuit Magister Petrus Lemovicensis.* Alius ibidem ſervatur Codex, *Diſtinctiones bonas continens ſecundum ordinem Alphabeti a Magistro Petro de Lemovicis: quæ nempe Diſtinctiones nihil aliud ſunt, quam varii conceptus ab eodem Petro Lemovicenſi ex aliorum Concionantium ore excepti, & ordine alphabetico diſpoſiti.* Verbo, *Ortus*, Chriſtus naſci debuiſſe dicitur de Beata Virgine anno 1263. ideſt, ante annos mille ducentos, tres & ſexaginta. Hæc ſatis cuique ſunt, ut lude certoque tempus innotefcat, quo vitam agebat florebatque Petrus de Lemovicis; ſimulque conſtet antiquitas, ac optima nota Codicis Vincentiani Speculi Doctrinalis.

Prologus primo Voluminis loco, tum in editis, tum in Mſs. exemplis, proſtat in Capita plura tributus: quem in eiſdem editis exemplis, aliſque pluribus manuſcriptis Codicibus interpolatum depravatumque fuiſſe, ubi Operis partitione exhibetur, ex laudato vetuſto optimæ notæ Codice luculentiffime evincitur. Partem hanc prologi a falſario vitiatam ſub oculos ponere præſtat.

Ex Codice Petri de Lemovicis.

Ex aliis vulgatis exemplis.

Caput XVI. „ De Trifarîa diviſione totius operis.

„ . . . Quapropter ipſum opus univverſum, quod Speculum majus vocabatur, in tres partes principales, tamquam in tria Volumina, vel opuſcula perfectæ, & a ſe invicem ſeparata diſtinxî. Quorum etiam unumquodque Speculi nomine diſiſim intitulavi. Prima itaque pars continet totam Hiſtoriam naturalem: & hæc vocatur Speculum Creatoris. Secunda totam ſeriem Doctrinalem, & hæc vocatur Speculum Scientiarum. Tertia vero totam Hiſtoriam temporalem, & hæc vocatur Speculum Hiſtoriarum. Prima ſiquidem proſequitur naturam, & proprietatem omnium rerum: ſecunda materiam, & ordinem omnium artium: tertia vero ſeriem omnium temporum. Alia ſequuntur, quæ trifariam tantum partitionem illuſtrant.

Cap. XVI. „ De Quadrifarîa diviſione totius operis.

„ . . . Quapropter ipſum opus univverſum in quatuor partes principales, tamquam in quatuor Volumina perfectæ, & a ſe invicem ſeparata diſtinxî. Quarum una continet totam ſcilicet Hiſtoriam naturalem: alia vero totam ſeriem Doctrinalem: tertia vero totam eruditionem Moralem: quarta totam Hiſtoriam Temporalem. Prima ſiquidem proſequitur naturam & proprietatem omnium rerum: ſecunda vero materiam, & ordinem omnium artium: tertia proprietates & actus omnium virtutum, & virtiorum: quarta ſeriem omnium temporum. Alia ſequuntur, quæ partitionem quadrifarîam magis declarant.

## CAPUT XVII.

## De materia uniuscujusque partis.

„ Igitur *prime partis* fundamentum  
 „ est historia sacra, ab ipso princi-  
 „ pio usque ad ejectionem hominis  
 „ lapsi de Paradiso: cui videlicet  
 „ Historiæ interseruntur ea, quæ per-  
 „ tinent ad naturam cæli, & mundi:  
 „ & in fine adijciuntur cuncta,  
 „ quæ pertinent ad ruinam vel se-  
 „ quelam peccati. Porro fundamen-  
 „ tum *secundæ partis* est reparatio la-  
 „ psi. Fundamentum vero *tertiæ par-*  
 „ *tis* est, primo quidem historia ho-  
 „ minis usque ad imperium Nero-  
 „ nis, inde verò . . . usque ad diem  
 „ istum . . .

Investiæ depravationis partes alias notat Echardus, integri *vulgati* Prolo-  
 gi collatione facta cum *Prologo*, qui prostat in vetusto citato Codice Ms.  
 optimæ notæ. Hinc duo colliguntur. 1. Vincentium Bellovacensem de *Spe-*  
*culo Morali*, quod a tribus aliis *Naturali*, *Doctrinali*, *Historiali* distinctum  
 sit, elucubrando edendoque ne quidem cogitasse. 2. *Speculum idem Morale*  
 falso hætenus eidem Bellovacensi tributum fuisse.

Codicis hujus, qui tam insigne splendidumque suppeditat argumentum,  
 fidem augent & confirmant duo alia *Speculi Doctrinalis*, ac *Prologi* præmissi  
 exemplaria Manuscripta: in quibus *trifaria* tantum Speculi, quod Bellova-  
 censis concepit consecitque, occurrit partitio. Servatur alterum in ditissi-  
 ma Bibliotheca, olim Colbertina: alterum videre, ac iustrare licet in Bi-  
 bliotheca Majoris Conventus Parisiensis Eremitarum S. Augustini. Inquis  
 vero, longe plures Mss. Codices reperiri, eisque typis edita exempla con-  
 sonare omnia, quæ vulgatum Prologum cum partitione *quadrifaria* repræ-  
 sentant. Reponam ego, editionum fidem majorem non esse fide & aucto-  
 ritate Codicum ita se habentium, ex quibus illæ prodierunt: Codicesque  
 hujusmodi longe nota, ac ætate inferiores esse Codice laudato Sorbonico,  
 qui manum Sæculi tertidecimi ad finem vergentis præfert, surque anti-  
 quitatis ac fidei certissimum signum habet in nomine *Petri de Lemovicis*,  
 quem anno 1263. & 1272. florentem, adeoque synchronum Vincentio Bel-  
 lovacensi vidimus. Codices alios duos, Colbertinum, & Augustinianum,  
 quemcumque ad annum referas, pro sententia nostra militare constat: id-  
 que saltem palam ex iis fieri nemo non videt, *quadrupartitam* Operis Vin-  
 centiani divisionem nondum eo tempore investiæm cognitamque, atque non-  
 dum *Speculum Morale* in lucem editum, quo Librarius eisdem manu exa-  
 rabat.

II. Codicibus, ac *trifariis* laudati Speculi partitioni, fidem maximam ad-  
 dunt synchroni testes. Primus adest, qui Codicem Petri de Lemovicis his  
 verbis propria manu scriptis adnotabat: „ *Iste liber est pauperum Magi-*  
 „ *stro-*

„ Igitur *prime partis* fundamentum  
 „ est historia sacra, ab ipso princi-  
 „ pio creationis rerum usque requiem  
 „ Sabbati: cui etiam interseruntur  
 „ ea, quæ pertinent ad naturam cæ-  
 „ li & mundi. Fundamentum *secun-*  
 „ *dæ partis* est hominis lapsi repara-  
 „ tio, quantum ad intellectum. Et  
 „ fundamentum *tertiæ partis*, quan-  
 „ tum ad affectum est hominis repa-  
 „ ratio. *Quartæ partis* fundamentum,  
 „ primo quidem Sacra Scriptura a  
 „ creatione hominis . . .

„strorum de Sorbona, ex legato Magistri Petri de Lemoisis, quondam socii Domus hujus . . . In hoc Volumine continetur 1. pars Speculi Majoris, videlicet novem libri primi ipsius. Quod quidem Speculum habet tria nomina secundum tres ejus partes. Quarum prima vocatur *Speculum Naturale*: secunda vero, *Speculum Doctrinale*: tertia vero pars ejus vocatur *Speculum Historiale*. Animadvertite tria nomina Speculi Majoris, quod est integrum Vincentianum opus: itemque tres ejus partes, tresque titulos Speculi Naturalis, Doctrinalis, Historialis. Quartum ergo Speculum, quod *Morale* dicitur, non agnoscebat Anonymus hic adnotator.

Sequitur Henricus Gandavensis, quem vita Tornaci migrasse anno 1293. refert Joannes Molanus in Ms. Bibliotheca Sacra. Sic habet ille de Scrip- toribus Eccl. Capite xlii. „Vincentius ejusdem Ordinis (Prædicatorum) dicitur scripsisse quoddam Opus magni ingenii & laboris: quod prætitu- lavit *Triplex Speculum, Historiale, Allegoricum, & Morale*. „Quo in testimonio digna sunt animadversione quæmplura. 1. Ex aliorum relatu (dicitur scripsisse) Vincentii nostri Opus recenseri ab Henrico. 2. Famam Operis viguisse, quod prætitulatum esset *Triplex Speculum*, non quadruplex. 3. Partem *Historialem* optime laudari, non ita reliquas duas. 4. *Allegori- cum* quod inscribitur Speculum, idem esse cum *Naturali*: ita dictum ob ea, quæ ipse Vincentius habet in utroque Prologo, genuino, & vulgato, Ca- pite xlviii. inquit: *Hoc est igitur Speculum, quod licet Naturale sit, totum tamen per quasdam rerum similitudines, & integumenta figurarum ad edificationem morum referri valeat*. 5. Speculum denique, *Morale* ab Ganda- vensi appellatum, non aliud intelligi debere, nisi *Speculum Doctrinale*, propterea quod Scientiæ in eodem ab Auctore pertractatæ ad Ethicam *universalem* pertinent, *Monasticam, Economicam, Politicam*; ad jus utrumque, *Ci- vile, & Canonicum*; & ad omnia generatim, quæ hominis totius, ejus- que morum reformationem complectuntur. Hæc habet præ oculis, Lector: disertissimumque deprehendes Gandavensis testimonium pro *triplici* dumtaxat Speculo Vincentiano, *Naturali, Doctrinali, Historiali*. Qua de re adhuc in- fra agendum.

Tertius testis accedit Joannes Hautfney, Auctor *Tabule* in Speculum Historiale. In Mss. Codicibus, quos plures vidit Jacobus Echardus, nun- cupata legitur æ Tabula S. tituli Sanctæ Priscæ Presbytero Cardinali: qui alius non est, quam Simon de Archiaco Gallus Sanctonensis, Archiepiscopus Viennæ: primus enim ille est (verbis utor laudati Echardi) ab obitu Bel- lovacensis, cujus noxien ab S. inobnetur, & tituli Sanctæ Priscæ Cardinalis fue- rit, ad purpuram scilicet evelsus die 20. Decembris anno 1320. a Joanne XXII. teste Bernardo Guidonis presente & oculato: & revera in Codice Ms. ejusdem Tabule Monasterii nostri Pissiacensis legitur, Simoni. Tabulæ præfigitur Proæ- mium, in quo hæc habentur: „F. Vincentius de Belvaco, cum Collegis suis Ordinis Prædicatorum . . . tres Summas egregias ac peritiles compila- larunt . . . Prima enim dicitur *Speculum Naturale*, in qua appropriate tra- ctantur Speculabilia, per quæ exercitatur intellectus in cognitione veri. „Secunda, *Speculum Morale*, in qua tractantur moralia, per quæ excitatur affectus in operatione boni. Tertia, *Speculum Historiale*, in qua tractantur gesta & dicta Virorum illustrium, per quæ confortatur memoria &c. „Expende tres tantum Operis Vincentiani partes. Animadvertite rursum Operis ejusdem divisionem juxta numerum trium animæ facultatum, intellectus, voluntatis, & memoriæ. Hinc collige, Speculum tunc *Morale* appellatum non aliud esse, quam *Speculum Doctrinale*.

S. Th. Opus Tomus XXII.

b

Co-

Codicem Ms. optimæ notæ, in quo eadem Joannis Hautfuney Tabula continetur, servat Bibliotheca Veneta SS. Joannis & Pauli, ubi descripta superior verba propriis oculis perlegi.

Quidni vero eo titulo *Speculi Moralis* insigniri potuerit Speculum, quod Auctor *Doctrinale* appellavit? Ad morum quippe instructionem plures pertinent libri in eodem contenti. Libros aliquos, eorumque titulos accipe: „Liber quintus incipit agere de practicis, sive *Moralibus Scientiis*: & agit „de *Monastica*, tamquam quæ priorem locum inter has tenet, eo quia „*vitam propriam* unumquemque componere decet: habet autem 177. Capitula . . . . „Liber sextus adhuc agit de *Monastica scientia*, & est quasi complementum quinti libri. In illo namque *generaliter* agitur de moribus vel habitibus, bonis & malis, idest de virtutibus, & vitiis: in hoc autem, primo „quidem describuntur particulariter mores hominum cujuscumque conditionis, „ac sexus, & ætatis: postmodum autem in universali de bona & mala hominum vita . . . . habet Capitula 134. . . . Liber octavus incipit agere de „*Politica*, quæ pertinet ad regimen Civitatum. Agit itaque de Civitatibus, „earumque Rectoribus: & etiam de legibus ac de jure multiplici, de personis publicis & privatis, de rebus quoque sacris & non sacris: & habet „Capitula 152. . . . Liber nonus agit de actionibus, sive de illa parte juris, „quæ pertinet ad actiones. Continet ergo processum causarum ac litium, „& ordinem judiciorum: habet autem Liber iste 130. Capitula . . . . Liber „decimus agit de criminibus, sive judiciis criminum, quæ committuntur in „Deum, secundum quod pertinent ad utrumque forum, seculare videlicet, „& ecclesiasticum: habet autem Capitula 160. . . . Liber undecimus agit simili modo de criminibus, quæ committit homo in proximum, vel etiam „in seipsum: habet autem liber iste 154. Capitula. „Viden' magnam *Speculi Doctrinalis* partem, ad mores hominum, & ad Scientiam Moralem attingentem: ut mirum non sit, Speculum idem appellari potuisse, appellatumque esse *Speculum Morale*.

III. Tot vero argumenta, quæ mores hominum illustrant, cum eodem in *Speculo Doctrinali* versaverit Bellovacensis, de bono scilicet & malo, de virtutibus & vitiis, de criminibus in Deum, proximum, & seipsum, deque rebus sacris & non sacris; notum sit compertumque, consilium Auctoris non fuisse, ut *Speculum Morale* ab aliis distinctum elucubraret. Hoc primum argumentum esto inter ea, quæ *infra* dicuntur, sive quæ ex ipso opere in se ipse spectato, comparatoque cum *Speculo Morali* depromi possunt.

Alia duo subministrant verba utriusque Prologi, quæ habentur Capite 111. „Denique quoniam, ut superius dictum est, ex diversis Auctoribus hoc opus „contextum est, ut sciatur quid cujusque sit, singulorum dictis eorum nomina annotavi: ac ne facile transpoderentur de locis propriis, nequaquam „in margine . . . . sed inter lineas ipsas, sicut fecit Gratianus in Compilatione Canonum, ea inserui. Interdum etiam ea, quæ ipse vel a Majoribus meis, scilicet modernis Auctoribus, didici, vel in quorundam scriptis, notabilia reperi, nomine meo, idest Auctoris, intitulavi . . . . Ut autem „hujus operis partes singulas lectori facilius elucescant, ipsum opus totum „per libros, & libros per Capitula distinguere volui. „Hæc postrema tene verba. Speculum Morale confer cum tribus aliis, *Naturali*, *Doctrinali*, & *Historiali*, quæ germanos Bellovacensis sætus agnoscit natio omnis. Hæc tria vero sunt in libros divisa, & libri tributim in capita. Non ita Speculum Morale, quod in libros dividitur, in partes libri distributi sunt, & singulæ partes in Divisionibus.

*ſtiſſiones, & iſta in Articulos. Cur ordinem mutaviſſet Vincentius, nulla mutationis facta alicubi mentione, nec reddita cauſa?*

Priora ejuſdem loci verba recole, quæ Bellovacenſis bonam fidem pateſciunt, plenamque ſinceritatem. Datam fidem liberat ille in triplici Speculo, *Naturali, Doctrinali, Hiſtoriali*; nihil quod ſuum non eſt, ſibi arrogans: Scriptorumque nomina, a quibus accepit, non in *marginem* notans, ſed *intra lineas* inferens. V. g. hæc, & ſimilia paſſim occurrunt. Libro I. Speculi Naturalis Capite 1. *De diverſis Mundi acceptionibus, ex libro qui dicitur imago mundi*: Capite 11. *De duobus Mundis exiſtentibus; Hermes, qui & Mercurius & Trimegiftus, ad Aſclepum*: Capite 111. *Quod Mundus archetypus ipſe ſit Dei filius; Baſilius in Hexameron libro primo*: Capite 1v. *Quid ſit Deus*; Dionyſius in libro de Divinis Nominibus, & ſic deinceps. Eadem fulget bona fides Bellovacenſis in Speculo Doctrinali. Quæ pauca ſequuntur, proſero exempla: nempe libro, qui ſecundus in editis numeratur, Capite x. *De primis Philoſophis, qui naturam ſcrutati ſunt*; Auguſtinus de Civitate Dei libro octavo: Capite x11. *De diverſis generibus Philoſophorum; Iſidorus in libris Etymolog.* octavo libro: Capite x111. *De definitionibus Philoſophiæ; Richardus.* Cætera conveniunt omnia. Notandumque diligenter eſt, Capita occurrere, quibus Auctor ſi nomen *infra lineas* non præſtigetur: eademque intelligi accepta debere ex Auctore proxime antea citato. Ab hac non diſcedit metho- do Bellovacenſis in Speculo Hiſtoriali, ubi paſſim *infra Capitulum lineas* lau- dantur *Aſta Sanctorum, & Chronica*, & Scriptores alii, ſacri & profani, qui ſacram ſeculareque hiſtoriam ſcripſere. Integrum modo evolve, lege, ac perlege *Speculum Morale*. Varius paſſim Diſtinctionum, & Articulorum ſtylus apparet: quæ varietas diverſos abſque dubio Scriptores indicat, quin eorum nomina adnotetur. Superis grates: hi namque Scriptores, deſlorati, atque transcripti, ſin omnes, innotescunt aliqui, quos *infra* dabimus. Id jam vero ſatis eſt, ut *Morale Speculum*, in quo Bellovacenſis bona fides deſideratur, nihilque ingenii ejus agnoſcitur, non ab ipſo, ſed a ſalfario conſarcinatore emiſſum innotescat.

Atque tria utique Specula, *Naturale, Doctrinale, Hiſtoriale*, cohzrent ſibi invicem, ſibiſque mutuo perhibent teſtimonium. In Speculo Doctrinali, quod ſecundum juxta mentem conſiliumque Auctoris locum tenet in Opere, epilogus præmittitur Speculi Naturalis: ſiquidem a Capite primo ad quintum uſque, compendio colliguntur, quæ latiore calamo in Speculo Naturali pertractata ſunt *de lapſu hominis, ac hominis lapſi miſeria*: indeque ſit gradus ad reparationem hominis per doctrinam, & ſtudioſum Philoſophiz. Idem epilogus tum Speculi Naturalis, tum etiam Doctrinalis primo loco apparet in Speculo Hiſtoriali. A primo capite ad 47. incluſive compendio perſtringuntur, quæ in Naturali Speculo latiffime diſſeruit Auctor *De Deo, de Angelis, de homine, deque hominis lapſu*: & a Capite octavo & quadrageſimo uſque ad 55. breviter agitur *de reparatione hominis per penitentiam & virtutes, deque ſcientiis quæ date ſunt homini lapſo in remedium, de præſticiis & mechanicis artibus*, ac demum *de ſermocinalibus ſcientiis, & artibus Magicis*: quæ omnia, & ſingula argumenta luculentiore ſermone in Speculo Doctrinali illuſtrantur. Atqui compendium id genus deſideratur in Speculo Morali: quæve in ipſo late pertractantur, compendio nullo perſtringuntur in poſtremo Speculo, quod eſt Hiſtoriale. Cum ergo prædicto Morali Speculo deſit nexus ille, quo ſimul Specula ſua colligavit Vincentius: cum illud etiam Speculum Morale duorum præcedentium, *Naturalis, & Doctrinalis*, mentionem ingerat nullam: ac poſtremum Hiſtoriale nullum perhibeat de Morali

testimonium; evidens compertumque signum est, neque de illo edendo cogitasse Bellovacensem.

Animadvertione demum digna profero verba Prologi genuini Capite XVIII. „Hunc autem libellum nostrum apologeticum (qui nempe est ipse Prologus) propter praedictas causas a principio Operis huc usque protractum, quia pariratione respondet cuilibet parti, totum in uniuscujusque Capite inserendi putavi. “ Interpolatis verbis eundem sensum effert vulgatus Prologus Capite XIX. „Hunc autem Prologum propter causas praedictas a principio operis huculque protractum, quia pari jure correspondet unicuique parti, totum in cujuslibet Capite inferendum judicavi, ut simul cum totius partis Capitulis adjunctis locum repleat unius libri. “ Ad mentem Auctoris, tribus genuinis ejusdem Speculis, *Naturali, Doctrinali, Historiali*, praefixus habetur Prologus ille, seu libellus apologeticus, unus idemque: sed illum non habet ulla *Speculi Moralis* editio, nec ullus Codex manuscriptus. Quid ita? Tanta scilicet falsarii confarcinatoris cautio non fuit, ut suppositum illud Speculum cum praemisso laudato Prologo prodire curaret juxta mentem consiliumque Bellovacensis.

## CAPUT III.

*Auctores deflorati in Speculo Morali sunt Aquinate, & Vincentio Bellovacensi recentiores: ac primo Petrus de Tarentasia, postea Innocentius Papa V. Item Anonymus Auctor de consideratione Novissimorum. Et Stephanus de Borbone interpolatus. Denique Richardus de Mediavilla.*

I. Quam longe distat ergo *Speculum Morale* ab ingenio, & bona fide, & consilio Vincentii Bellovacensis, quem Speculi triplicis, *Naturalis, Doctrinalis, Historialis*, verum parentem nemo nescit! Penitiori examine ipsius Speculi Moralis viscera scrutanda sunt. Opus est ex aliorum lucubrationibus surreptis, convasatisque compaginatam, nominibus eorum, si de non bona, suppressis. Sunt illi vero inter alios, qui adhuc latent, *Petrus de Tarentasia*, postea *Innocentius Papa V. Stephanus de Borbone*, Anonymus Auctor de *consideratione novissimorum*, *Richardus de Mediavilla*: quos tam supina negligentia, & oscitantia transcripsit confarcinator, ut notas temporarias aut reliquerit, aut invexerit, quae certo demonstrant, longe post obitum Sancti Thomae confarcatum illud opus fuisse. Hinc evidens confurgit demonstratio, Articulos illos quamplurimos, qui in *Speculo Morali*, & in *Summa* Divi Thomae totidem verbis reperiuntur, non ab Aquinate surreptos ex alio; sed ex Aquinate falsarium quemdam recentiorem transcripsisse.

Age vero: quod ajo, invictis argumentis demonstrandum est. Primum depradatum Scriptorem profero Petrum de Tarentasia. Vitam produxit ille ad annum 1276. diemque 22. Junii, postquam Sedem Petri tenuit menses quinque, diesque duos. Commentarios elucubravit in *Quatuor Sententiarum libros*, quos nemo dubitat, compendium quoddam esse doctrinae ab Aquinate traditae in suo in eisdem libros Commentario. Sed opus illud non scriptum, editumque a Petro ante annum 1267. evincit diligentissimus Echarius: quo nempe Vir clarissimus ad Sententias suis lectionibus explanandas, Parisiis pro forma, ut inquebant, Magisterii adsignatus fuit. Atqui vero in *Speculo Morali* plus viginti Articuli ex eodem Tarentasienis Commentario

surte-

surrepti prostant, quos indicat singulos Echardus : unde post annum 1267. confarcinator ejusdem vitam agebat.

II. Tractatum quemdam *De consideratione Novissimorum* praestant Codices Manuscripti, ac typis edita exempla. Servant illos frequentius Bibliothecae : editumque prostat exemplum in typographiae incunabulis, absque nota loci, anni, typothetae in 4. sub hoc titulo : *Sermones de quatuor Novissimis*. Tres primi Sermones verbis toridem sunt tres primae Distinctiones libri primi *Speculi Moralis* : tresque priores partes Libri secundi ejusdem *Speculi*, de morte, de judicio, de inferno, compactae confectaeque sunt ex dicti Tractatus parte secunda, tertia, & quarta : ac demum ejusdem Libri secundi pars quarta, vocibus & sententiis, eadem est cum parte quinta laudati Tractatus. Plagium jam certo, & perspicue innotescit. Superest, ut quandonam scripserit Tractator iste Anonymus, retegatur.

Temporis notam felicissime & auspicato detexit Echardus in ejusdem Tractatus Sermone II. *De judicio extremo*, ubi haec habentur : „ Nuper diebus „ istis etiam Christiani nostri propter eorum peccata nefaria, quae magis „ tacenda censui, quam pandenda, iusto Dei judicio per manus infidelium „ nefandorum truncati, captivati, vel in fugam conversi, de Terra sancta „ promissionis, quam Dominus Jesus sua benedicta nativitate, conversatio- „ ne, & morte sacratissima consecravit, turpissime sunt ejecti, quia flagi- „ tiosam eorum vitam non poterat amplius sustinere. “ Animadvertite nu- „ peram illam ejectionem, quae contigisse dicitur, de Terra sancta promissionis. Illa nempe est, quando Aconem, seu Ptolemaidam civitatem Saraceni ob- „ sederunt, ceperuntque anno 1291. ut Historiae produnt. Tunc enim Acone „ deleta, teste Ptolemaeo Lucensi in Histor. Eccles. Libro xxiv. Capite xxiii. „ deletur omnes in circuitu regiones : & sic de Regno Hierosolymitano, nec de „ Terra promissionis, ( Haec nota verba, quibus utitur & Auctor ille Anony- „ mus, ) remansit aliquid, quod non sit a Saracenis occupatum. Christianorum „ peccata nefaria inter excidii causas numerat laudatus Auctor : eademque pa- „ titer inculcat Sanutus Libro 3. P. 12. Capite 21. apud Raynaldum num. 8. „ cum carnalia, inquires, ceteraque peccata continue angerentur in fratribus sa- „ deris baptismalis, nec de malis vellent converti, nec per poenitentiam ad viam „ redire iustitiae &c. Luculentissimus locus hic est, quo evincitur, *Speculum „ Morale* non esse factum Vincentii Bellovacensis anno 1264. vita functi : ejus- „ demque Operis auctorem post annum 1291. vitam egisse, & *Summam Theo- „ logicam* S. Thomae expulasse.

III. Temporarum posteriorem notam exhibent alia verba, quae habentur Libro III. *Speculi Moralis* Parte 111. Distinctione 1. *De Superbia* : „ Ad „ idem etiam facit consideratio infirmitatis alienae : sicut de Josaphat, & „ Barlaam dicitur, quod cum Josaphat videret secum leprosum & decrepi- „ tum senem ; & audiens, quod humana miseria poterat ad hoc devenire, „ ingemuit intra se humiliatus. Item dicitur, quod Odo Episcopus Pari- „ siensis cum comederet, despicabiliores pauperes faciebat ante se poni, alios „ hinc, & alios inde. Hoc idem faciebat Beatissimus Ludovicus. Ad idem et- „ iam valent exempla. “ Siste Lector, expende illa verba, Hoc idem fa- „ ciebat Beatissimus Ludovicus. Ludovicum IX. Francorum Regem intellige- „ bat Scriptor, ipsumque sine dubio mortali vita functum, Sanctorumque ca- „ talogo inscriptum : quod accidit 3. Idus Augusti, anno Christi 1297. & „ Pontificatus Bonifacii VIII. anno tertio. Itaque *Speculi Moralis* auctor prodit „ se anno 1297. posteriorem, longeque juniorem Vincentio Bellovacensi, & „ Thoma Aquinate.

Inte-

Integra prædicta Distinctio prima de Superbia, aliæque plures, quæ in eodem *Speculi Moralis* libro tertio, & secundo, ac primo reperiuntur, transscriptæ sunt, surreptæque omnes, eodem aliquando retento, aliquando nonnihil immutato ordine, aut verbatenus, aut aliquibus additis subtractisque, ex Opere de septem Donis Spiritus Sancti, a Stephano de Borbone Ordinis Prædicatorum confectio. Accuratissimam instituit Echardus collationem: eoque in loco quo de agimus, adnotat, Vincenziastrum solam illam de suo addidisse lineam, Hoc idem faciebat Beatissimus Ludovicus, loco exempli Sancti Martini, quod in germano Stephani de Borbone opere legitur. Mortem obiit hic auctor in Conventu Lugdunensi, teste Bernardo de Guidonis, anno 1262. Non ita scilicet sibi cavit confarcinator, quin falsariorum more notas appingeret chronicas, Scriptorum ætati, quos deprædabatur, repugnantes.

IV. Postremum denique argumentum, quo *Speculum Morale* evincitur confectum ab confarcinatore sequioris ætatis, promittitur ex libri III. parte decima, Distinctionis decimæ Article 3. Insignis tocusest, ubi quæritur: *Utrum illi, qui confessi sunt alicui potestatem superioris habenti, teneantur eodem anno confiteri suo Parochiali Sacerdoti?* Inter alia, quæ sequuntur accipe verba: „Præterea Papa in Privilegio concessio Minoribus & Prædicatoribus, super confessionibus audiendis, declarando videtur dicere, quod in illo Statuto, „*Omnis utriusque sexus*, intelligitur Presbyter Parochialis ille, qui in communi usu sic vocatur, in hoc quod dicit: *quod confessi Fratribus, teneantur semel in anno suis Presbyteris Parochialibus confiteri, prout statuit Concilium generale*. Cum enim dicendo, *Presbyteris*, excludat non Presbyteros, & per hoc quod dicit, *suis*, excludat non habentes jurisdictionem super eos: videtur, quod per hoc quod dicit, *Parochialibus*, excludit Episcopos; alias illud verbum, *Parochialibus*, ibi poneretur pro nihilo. Ubicumque autem Papa aliud dicit per modum declarationis juris, si Bullatum est, ad omnes se extendit, etiam si non sit insertum inter alias Decretales: ergo cum Episcopus non sit super Statutum, confessi sibi vel alicui auctoritate ejus, tenentur eodem anno suo Curato inferiori semel confiteri. Non sic autem, dicendum est de confidentibus Papæ, vel habentibus ejus auctoritatem absolute, quia Papa est super Concilium generale.

Nihil hæsitans, memoratum Papam intellige Martinum II. dictum IV. Datum ab illo, quod dicitur privilegium *Fratribus Minoribus, & Prædicatoribus*, non aliud est quam Bulla ejus, quæ incipit, *Ad fructus uberes*. Integram referunt Martene & Durand Ascetæ Congregationis S. Mauri Tomo I. Theauri Anecdotorum col. 1172. & Joannes Launojus in Opusculo, cui titulus *Explicata Ecclesiæ traditio circa Canonem, omnis utriusque sexus*, Capite tertio. Quæ Papa & Privilegii verba citato loco referuntur, ipsissima sunt in Bulla: Volumus autem, quod hi qui *Fratribus* confitebantur eisdem, *suis Parochialibus Presbyteris confiteri saltem semel in anno, prout generale Concilium statuit, nihilominus teneantur*: quæ apud antiquiores Pontifices frustra quæras. Data Bulla legitur apud Urbem-veterem iv. idus Januarii, Pontificatus nostri anno primo. Launojus adnotat: Hic annus Martini primus incidit in annum Christi 1281, stylo scilicet veteri, ut exponit Echardus: in cursu erat quippe annus 1282. stylo novo. In Cathedram Petri descendit Martinus anno 1281. die 28. Februarii: unde 4. idus Januarii, seu die 10. ejusdem mensis anno 1282. adhuc primus annus Pontificatus labebatur. Jam ergo chronica nota fulget, quæ luce meridiana clarius patet, *Speculum Morale* factum esse ætate longe posteriore tum Vincencio Bellovacensi, tum Thoma Aquinate: eamque controversiam in auras abire, quæ vocat in quæstionem, num ex Bellovacensi Thoma-



Thomas, an ille transcripserit ex isto: sed plagium denique certo innoscere, quo *Summam Theologicam* Aquinatis Recentior quispiam expilaverit.

Vis auctur argumenti mirum in modum; propterea quod laudat *Distinctionis* decimae primus Articulus, ac tertius citatus, & quintus totidem verbis prostant apud Richardum de Mediavilla Ordinis Minorum in *Libri quarti Sententiarum Distinctione* xvii. Articulo 111. Quaestione 1. 11. & 111. Nempe Articulo 1. citato quaeritur in Speculo Morali, *utrum necesse sit cuilibet confiteri proprio Sacerdoti: & responso est, quod proprius Sacerdos quadrupliciter potest accipi* &c. Articulo 111. *utrum illi, qui confessi sunt alicui potestatem superioris habenti, teneantur eodem anno confiteri suo Parochiali Sacerdoti: Dicendum, quod Episcopus habet ordinariam jurisdictionem* &c. Articulo v. *utrum confessi Confessori non Sacerdoti, quem Parochialis Sacerdos posuit loco sui* &c. Dicendum, quod tales tenentur illa eadem peccata, si illorum sunt memores, iterum confiteri Sacerdoti &c. Quae omnia sunt integre partes illae, quae Articuli vel Quaestionis corpora dici consueverunt, apud Mediavillam exstantes Quaestione 1. 11. & 111. Insignis ille Ordinis Minorum Scriptor circa annum 1300. obiisse dicitur a Pittæo: hoc vero tempore superstes judicatur a Wadingo, anno scilicet M. CCC. II. ubi num. 10. de Viro clarissimo mentionem ingerit. Neque praedictas tantum quaestiones Mediavillae surripuit Consecrator Speculi Moralis: quamplures etiam alias deprædatis indicat omnes doctissimus diligentissimisque Echardus. Finem liti impositum, nemo jam non videt.

C A P U T IV.

*Alia quaedam indicia & argumenta, quae plagiarium exhibent, genuinum Sancti Thomae opus expilantem. Quo vitam tempore egerit ille, cuiusvis fuerit professionis? Quo sensu plagiarium dici debeat?*

I. **D**ubium jam omne eliminatum est, certoque constat, Auctorem Speculi Moralis, cum Aquinate longe recentior sit, *Summam* ejus *Theologicam* in iis expilasse locis, ubi ipsissimis concepti, scriptique verbis occurrunt Articuli Opere in utroque. Pars ista farraginis, quo diligentius accuratiusque expenditur, eo plura ob oculos ponit evidentissimum plagii signa. Hoc argumenti genus diligentissimo criterio versat Jacobus Echardus: illudque antea proposuerat, ac illustraverat Vincentius Ferre Tomo I. *De Virtutibus Theologicis, & vitiis oppositis*, in Quaestione Prolegomena de vero auctore Secundae partis *Summae Theologiae*. Selectiora, quae habent illi, profero.

Animadvertite, ex quaestionibus 114. quibus *Prima Secunda* constat, septem supra septuaginta reperiri in *Speculo Morali*, deesse triginta septem: pariterque ex quaestionibus 189. quas complectitur *Secunda Secunda*, centum legi & quadraginta quinque in eodem *Morali Speculo*, & abesse quatuor & triginta: eorumque quaestionum Articulos plusquam quadraginta integros omitti. Ita vero inserti Articuli sunt, qui insunt; ut pars illa, quae *Corpus* dicitur, frequentius transcribatur, adjiciatur aliquando Argumentum proliquis *sed contra*; modo etiam Responso *ad primum* occurrat, modo *ad secundum*, modo *ad tertium*, modo etiam *ad duo*, modo denique *ad omnia*; sed & ipsa interscantur aliquando opposita Argumenta cum Responsonibus. Hæc signa sunt pla-

plagiarii cuiusdam, qui Thomæ Articulos, aut integros, aut ex parte, pro ut ejus postulabat consilium, surripiebat.

In ea, quam innuimus, Articulorum multitudine, sex dumtaxat exceptis, mutili sunt omnes. Corpus Articuli transcribitur, cæteris partibus aut omnino prætermisissis, aut earum aliquibus tantum apposisis. Ita vero apponuntur v. g. responsiones argumentorum, ut argumenta nulla appareant; & ipsa, quæ in Responsionibus doctrina traditur, speciem nullam solutionis ad argumenta præbeat: insulseque conjuncta sit corpori Articuli per voces illas, *nota, item, sciendum autem*, similesque. Fac vero, ipsa reddi argumenta, quæ suppressa fuerunt, habenturque in Summa Theologica; his etiam addi argumentum prolusorium *Sed contra*; tum conjungi doctrinam, quæ in Speculo Morali legitur, eamque poni loco corporis Articuli. Quid inde? Quæ nempe in eodem Speculo additamenta leguntur, vocibus illis, *item, nota, sciendum*, exclusis, totidem apparent Responsiones ad superiora argumenta. An evidentiùs haberi signum potest, integros quosdam Articulos existasse, quide truncati fuerint? Illos nempe, quos proprio Marte scripsit Aquinas, mutilavit postea plagiarius Confarcinator.

Festivum, lepidumque quidpiam non prætereo, quod addidit in tertio Articulo quæstionis sexagesimæ primæ ex Prima Secundæ. Quarit Doctor Angelicus, *utrum alie virtutes magis debeant dici principales, quam iste*, (quatuor Cardinales?) Tria opponit argumenta: sequitur Argumentum, *Sed contra*: corpus (ut vocant) Articuli succedit, quod his verbis clausum legitur in eadem Summa Theologica: *Et sic etiam cessant objectiones, quia alie virtutes possunt habere aliquas alias principalitates; sed iste dicuntur principales ratione materia, ut supra (in ipso Corpore) dictum est*. Idem occurrit Articulus in Speculo Morali Libro 1. Parte 3. Distinctione 6. Hoc est, argumentis prætermisissis, Corpus integrum legitur, ac insuper totidem verbis clausula superior. At nullæ cum objectiones appareant, cur admonetur lector, cessare objectiones? Nimirum plagiarius plagii sui signa reliquit. Animadvertite, apud Thomam legi: *Et sic etiam cessant objectiones*, quæ nempe in prima parte Articuli positæ sunt. Vocem unam addit plagiarius, *Et sic etiam* (inquiens) *cessant alie objectiones*, quæ scilicet venire in mentem possunt.

Sex illos Articulos, quos integros adnotavimus proflare in Speculo Morali, recensera præstat, ex Secunda Secundæ depromptos. Primus est, ex quæstione 80. *de justitia annexis virtutibus*: qui habetur in Speculo Libro 1. Parte 3. Dist. 60. Item ex quæst. 128. *de Mollitie* articulus primus: quem Speculum præstat eodem in Libro, eademque Parte, Dist. 9. Art. 1. Tum etiam ex qu. 95. articulus 8. *de divinatione quæ fit per sortes*, in Speculo proflat Libro 3. Parte 3. Dist. 27. art. 7. Denique ex qu. 96. articulus 1. 111. & 14. *de Superstitionibus observantium*: qui referuntur in Speculo in eodem Libro 3. & Parte 3. Dist. 18. art. 2. 3. 4. Plagii signum præferunt sex isti Articuli, qui solidi & integri inter plusquam mille alios truncatos, mutilosque relictis sunt. Apertissime namque loquuntur, & alios omnes integros existitisse, eisdemque mutilos factos pro instituto confarcinatoris: adeoque ex Summa D. Thomæ, ubi habentur integri, absque dubio surreptos.

In hisce Articulis detruncatis, qui Speculo Morali insunt, frequentius occurrunt superioris alicujus loci indices, ut supra dictum est, ut supra habitum est, ut ex supradictis apparet, ut ex predictis patet. Similes indices passim in eisdem habentur Articulis, quos Theologica Summa complectitur, loca denotantes vel in superioribus Secunda Secundæ quæstionibus, vel in Prima Secundæ, vel in prima Parte, ubi de argumento, quod indicatur, data disseritur opera. Non

ita in

ita in Speculo, in quo Articuli, ad quos Lectorem remittunt indices illi, non *supra*, sed postea, vel etiam nullibi reperiuntur. An ita sibi solet illudere verus Auctor, tamque frequenter sui immemor esse? Se prodit ipsum plagiarius, qui *Theologicam Summam* in Speculo præceps transcribebat.

Dignissima denique Jacobi Echardi animadversio est: tot S. Thomæ quæstiones, quæ prostant in Morali Speculo, non esse puras, sed quamplurimis alienis admixtas: sunt enim primo Quæstiones alternatim aliquando positæ: hoc est ex Aquinate una, altera ex alio: vel ex uno plures, pluresque ex altero: præterque in aliquibus Thomas, subsequitur in aliis. In ipsis Articulis eadem conficitur alienorum commixtio: cum ita variegati compareant nonnulli, ut sex lineæ sint unius, sex lineæ pluresque sint alterius. *Hoc solum videas, (inquit Echardus: ) permissio postea iudicium, quem plagiarium existimes. An ita censeas, Thomam autem suum hac & illac sparsum minutatim intra hos arena cumulos collegisse, quæque deerant solum supplevisse? Hæc duo plane sunt certissima: hinc eum, quisquis ille sit, qui Articulus Summæ, & Speculo communes excogitavit primus, & scripto commendavit, hominem fuisse ingenii excelsioris, & iudicii acerrimi: contra, qui Articulus illos tam sapienter excogitatos alienis tot, & tantis commisit, revera nihili censendum. Illum quis omni summo hæsitante non dixerit continuo S. Thomam? Ac istum Speculi Moralis, quisquis ille fuerit, non dixerit Auctorem? Illumque verum Quæstionum illarum, eorumque Articulorum parentem, ac istum plagiarium & alienifactoris depravatorem?*

II. Quæstiunculæ superfunct, quæ paucis dirimantur, ut colophon demum Opusculo nostro imponatur. Inquiritur primo, quo verisimilius tempore floruerit conficator Speculi Moralis, illudque publici juris fecerit? Jam egimus Capite II. num. 11. de quadam in *Speculum Historiale* Tabella, quam post annum 1320. confecit Joannes Hautfuney. Memorantur in ea tresdumtaxat Vincentii Bellovacensis Summæ: quæ item recensetur sub titulo *triplicis Speculi, Naturalis, & Moralis* seu Doctrinalis, & *Historialis*. Ergo jam constat, ætate illa ignotam fuisse *quadrifariam* Operis Vincentiani partitionem: ignotum etiam *Speculi Moralis* a Doctrinali discrimen, atque nondum interpolatum depravatumque Auctoris prologum. Antiquior adduci Scriptor nullus potest, qui partitionis *quadrifartite* meminerit: neque Codices Mss. *Speculi Moralis* comparuere, qui ante illum annum exarati fuerint. Unus allegari Stephanus de Salanhaco potest, in cujus Tractatu de *Quatuor, in quibus Deus Prædicatorum Ordinem insignivit*, Vincentii opus memoratur, *quatuor Speculis distinctum*. Mortem obiit Vir illustris anno 1390. At negotium inde facessat nullum, cum prædictus Tractatus modo purus non existet, qualem Salanhacus elucubravit. Additamentis ubique insertis, adjectisque capitibus integris, & longioribus interpolatum fuisse a Bernardo de Guidonis, qui vita mortali migravit anno 1331. evincit Echardus.

Conditionem, professionemque Plagiarii, quem Thoma & Bellovacensis recentiorum vidimus, altera perquirat quæstio. Laudato Echardo duo sunt hæc in re pene certissima. 1. Hominem fuisse votis religiosis adstrictum. 2. ad Ordinem Prædicatorum non pertinere. Peculiarem Ordinem definire non audeat: tot vero conjecturas accumulatur, quas Petro de Alva animadvertere si licuisset, nihil hæsitans *Morale Speculum* sui Ordinis alumno vindicasset.

III. Notari ergo ne plagiarii nomine jure queat, quisquis ille fuerit? Nomen nos frequentius adhibuimus: quo vero sensu, & intellectu, declarandum. Quæstiunculam movit Theophilus Raynaudus Erotemate x. de malis ac bonis libris Partitione 1. §. vi. eamque scite ac prudentissime dirimit E-

S. Th. Operum Tomus XXII.

c

char-

chardus. *Plagii* crimen admittebant olim, qui Civem Romanum ingenuum, libertinum, servumque alienum celabant, vendiderant, vixerant, comparaverant: contra quos lex Fabia rogata est. Ad librorum furtum, alienique Operis acceptionem vox ea extenditur. Surreptas Quaestiones Thomae, surreptisque Articulos ejus, & haec omnia celata sub nomine Vincentii Bellovacensis, res est apertissima. Dolo & invido id factum consilio, vel etiam ipse traduceretur tamquam plagarius, qui suos fecerit Scriptoris antiquioris labores.

Non longe fortasse a vero abeat ille, qui existimet, ea mente farraginem illam *Speculi Moralis* aliorum Tractatibus, Quaestionibus, Articulis compactam fuisse, ut in librorum penuria subsidium praesto foret Concionatoribus praefertim, ac iis qui proximorum confessionibus excipiendis addicti sunt. An vero absolvi omni plagio debeat farraginis confarcinator? Pro crimine amolendo ea verba faciunt, quae in Prologo interpolato, vulgatoque habentur Capite XIX. In tertia vero (Parte, seu Speculo Morali) virtutes ac vicia describendo, non potui, ut supra dixi, omnium Librorum Moraliū, etiam quos in promptu habebam, omnes flores in unum colligere; sed de multis pauca pro modulo meo eligere. Candor animi videtur illucescere, quo fatetur confarcinator, aliorum flores in eodem Morali Speculo collectos in unum proponi. Minui notam plagii constat. Verum adhuc vituperatione dignum est: tum depraedatos Scriptores, proprio appellatos nomine, non legi: tum suppositum opus Vincentio Bellovacensi fuisse, qui Thoma Aquinate aliquot annos antiquior est. Hinc enim debita gloria illi frustrantur, Auctores, qui nondum innotescunt, transcriptique sunt in Speculo: ac ansa praeterea data ut in dubium vocaretur, utrum S. Thomas proprio Marte *Primam Secundae*, & *Secundam Secundae* elucubraverit; an potius utramque expilaverit, majorem partem, ex Bellovacensi?

At ipsum denique plagium, imminutum etiam, purgatumque quodammodo, longe abest ab Aquinate: quod immo eo magis grave in ipso appareret, si Quaestiones Articulosque ex Vincentio Bellovacensi deflorasset, quem neque propriumquam nomine appellavit, neque ulla indicavit generali nota: quod a Confarcinatore factum adnotavimus. Facinus istud admitti qua ratione ab Aquinate potuerit, qui cum acerrimo praeditus esset ingenio ad Opera proprio Marte cudenda aptissimo, & sanctitatis eximiae prerogativa excelleret, ab alienis foetibus ullo sibi modo vindicandis alienissimus esse debuit?

# I N D E X

## QUAESTIONUM, ET ARTICULORUM

Quae in hoc volumine continentur.

### SECUNDAE SECUNDAE PARTIS

### SUMMAE THEOLOGICAE

#### QUAESTIO PRIMA.

De virtutibus, & vitiis in speciali : & primo de virtutibus theologicis : & primo de fide quantum ad eius obiectum.

- 5 *utrum sit necessarium ad salutem credere aliqua explicitè.*
- 6 *utrum ad credendum explicitè omnes tenentur equaliter.*
- 7 *utrum habere fidem explicitam de Cbristo semper sit necessarium ad salutem.*
- 8 *utrum credere Trinitatem explicitè sit de necessitate salutis.*
- 9 *utrum actus fidei sit meritorius.*
- 10 *utrum ratio humana diminuat meritum fidei.*

#### QUAESTIO III.

De fide quantum ad actum eius exteriorum, qui est confiteri.

- 1 *utrum confessio sit actus fidei.*
- 2 *utrum confessio sit necessaria ad salutem.*

#### QUAESTIO IV.

De fide quantum ad ipsum habitum fidei, & quantum ad ipsam fidem.

- 1 *Quid sit fides.*
- 2 *in qua vi anima sit sicut in subiecto.*
- 3 *utrum forma eius sit caritas.*
- 4 *utrum eadem numero sit fides formata, & informis.*
- 5 *utrum fides sit virtus.*
- 6 *utrum sit una virtus.*
- 7 *de ordine eius ad alias virtutes.*
- 8 *de comparatione certitudinis eius ad certitudinem virtutum intellectualium.*

#### QUAESTIO V.

De habitu fidei quantum ad habentes ipsam.

- 1 *utrum Angelus, aut homo in sua prima conditione habuerit fidem.*

C 2 2 UTNUM

#### QUAESTIO II.

De fide quantum ad actum eius interiorum, qui est credere.

- 1 *quid sit credere, quod est actus interior fidei.*
- 2 *quos modis dicatur.*
- 3 *utrum credere aliquid supra rationem naturalem sit necessarium ad salutem.*
- 4 *utrum credere ea ad qua ratio naturalis pervenire potest, sit necessarium.*

## xx INDEX QUAEST. ET ARTIC.

- 1 *utrum demones habeant fidem.*
- 2 *utrum haeretici errantes in uno articulo fidei habeant fidem de aliis articulis.*
- 4 *utrum fidem habentium unus alio habeat maiorem fidem.*

### QUAESTIO VI.

De habitu fidei quantum ad eius causam.

- 1 *utrum fides sit homini infusa a Deo.*
- 2 *utrum fides informis sit donum.*

### QUAESTIO VII.

De fide ipsa quantum ad suos effectus.

- 1 *utrum timor sit effectus fidei.*
- 2 *utrum purificatio cordis sit effectus fidei.*

### QUAESTIO VIII.

De correspondentibus virtuti fidei, & primo de dono intellectus.

- 1 *utrum intellectus sit donum Spiritus sancti.*
- 2 *utrum possit simul esse in eodem cum fide.*
- 3 *utrum intellectus, qui est donum, sit speculativus tantum, vel etiam practicus.*
- 4 *utrum omnes qui sunt in gratia, habeant donum intellectus.*
- 5 *utrum hoc donum inveniat in aliquibus absque gratia.*
- 6 *quomodo se habeat donum intellectus ad alia dona.*
- 7 *quae beatitudinum respondeat dono intellectus.*
- 8 *utrum in fructibus fides respondeat dono intellectus.*

### QUAESTIO IX.

De correspondentibus virtuti fidei quantum ad donum scientiae.

- 1 *utrum scientia sit donum.*
- 2 *utrum sit circa divina.*
- 3 *utrum sit speculativa, vel practica.*
- 4 *quae beatitudinum ei respondeat.*

## QUAESTIO X.

De fide quantum ad vitia opposita, & primo de infidelitate in communi.

- 1 *utrum infidelitas sit peccatum.*
- 2 *utrum infidelitas sit in intellectu sicut in subiecto.*
- 3 *utrum sit maximum peccatorum.*
- 4 *utrum omnis actio infidelium sit peccatum.*
- 5 *De speciebus infidelitatis.*
- 6 *De comparatione eorum ad invicem.*
- 7 *utrum cum infidelibus sit disputandum de fide.*
- 8 *utrum sint cogendi ad fidem.*
- 9 *utrum sit eis communicandum.*
- 10 *utrum possint Christianis fidelibus praesse.*
- 11 *utrum ritus infidelium sint tolerandi.*
- 12 *utrum pueri infidelium sint invitati parentibus baptizandi.*

## QUAESTIO XI.

De vitiis oppositis fidei quantum ad haesim.

- 1 *utrum haeresis sit infidelitatis species.*
- 2 *utrum haeresis sit proprie circa ea quae sunt fidei.*
- 3 *utrum haeretici sint tolerandi.*
- 4 *utrum revertentes ad fidem sint recipiendi.*

## QUAESTIO XII.

De vitiis oppositis fidei quantum ad apostasiam.

- 1 *utrum apostasia ad infidelitatem pertineat.*
- 2 *utrum propter apostasiam a fide subditi absolvantur a dominio praesidentium apostatarum.*

## QUAESTIO XIII.

De vitiis oppositis confessioni fidei, & primo de blasphemia in generali.

- 1 *utrum blasphemia opponatur confessioni fidei.*
- 2 *utrum blasphemia semper sit peccatum mortale.*

- 3 *utrum blasphemia sit maximum peccatum.*  
4 *utrum blasphemia sit in damnatis.*

8 *utrum sit posterior caritate.*

### QUAESTIO XVIII.

De spe quantum ad subiectum eius.

De blaphemia in speciali, quæ est peccatum in Spiritum sanctum.

- 1 *utrum blasphemia, vel peccatum in Spiritum sanctum sit idem quod peccatum ex certa malitia.*  
2 *de speciebus huius peccati.*  
3 *utrum sit irremissibile.*  
4 *utrum aliquis possit peccare in Spiritum sanctum a principio, antequam alia peccata committat.*

- 1 *utrum spes sit in voluntate sicut in subiecto.*  
2 *utrum spes sit in beatis.*  
3 *utrum spes sit in damnatis.*  
4 *utrum spes in viatoribus habeat certitudinem.*

### QUAESTIO XIX.

De dono timoris, quod respondet spei.

### QUAESTIO XV.

De vitiis oppositis dono intellectus, scilicet de cæcitate mentis, & hebetudine sensus.

- 1 *utrum cæcitas mentis sit peccatum.*  
2 *utrum hebetudo sensus sit aliud peccatum a cæcitate mentis.*  
3 *utrum hac vitia a peccatis carnalibus oriuntur.*

- 1 *utrum Deus debeat timeri.*  
2 *utrum timor convenienter dividatur in filialem, initialem, servilem, & mundanum.*  
3 *utrum timor mundanus semper sit malus.*  
4 *utrum timor servilis semper sit bonus.*  
5 *utrum sit idem in substantia cum filiali.*  
6 *utrum adveniens caritate excludatur timor servilis.*  
7 *utrum timor sit initium sapientiæ.*  
8 *utrum timor initialis sit idem in substantia cum timore filiali.*  
9 *utrum timor sit denuo Spiritus sancti.*  
10 *utrum crescat crescente caritate.*  
11 *utrum timor maneat in patria.*  
12 *Quid respondeat ei in beatitudinibus, & fructibus.*

### QUAESTIO XVI.

De præceptis pertinentibus ad prædicta, scilicet ad fidem, & dona scientiæ, & intellectus.

- 1 *utrum in veteri lege dari debuerint præcepta credendi.*  
2 *utrum convenienter in veteri lege tradantur præcepta pertinentia ad scientiam, & intellectum.*

### QUAESTIO XX.

De spe quantum ad vitia opposita, & primo de desperatione.

### QUAESTIO XVII.

De spe quantum ad ipsam spem.

- 1 *utrum spes sit virtus.*  
2 *utrum obiectum eius sit beatitudo æterna.*  
3 *utrum unus homo possit sperare beatitudinem alterius per virtutem spei.*  
4 *utrum homo licite possit sperare in beamine.*  
5 *utrum spes sit virtus theologica.*  
6 *de distinctione eius ab aliis virtutibus theologicis.*  
7 *utrum spes præcedat fidem.*


- 1 *utrum desperatio sit peccatum.*  
2 *utrum desperatio possit esse sine infidelitate.*  
3 *utrum sit maximum peccatorum.*  
4 *utrum oriatur ex accidia.*

### QUAESTIO XXI.

De presumptione.

- 1 *cui obiecto innisatur presumptio.*  
2 *utrum presumptio sit peccatum.*  
3 *utrum presumptio opponatur spei.*  
4 *utrum causetur ex inani gloria.*

QUAE-



# XXII INDEX QUAEST. ET ARTIC.

## QUAESTIO XXII.

De praeceptis pertinentibus ad spem, &  
ad donum timoris.

- 1 *utrum fuerit dandum aliquod praeceptum  
pertinens ad spem.*
- 2 *utrum fuerit dandum aliud praeceptum  
pertinens ad timorem.*

## QUAESTIO XXIII.

De ipsa caritate secundum se.

- 1 *utrum caritas sit amicitia.*
- 2 *utrum sit aliquid creatum in anima.*
- 3 *utrum sit virtus.*
- 4 *utrum sit virtus specialis.*
- 5 *utrum sit una virtus.*
- 6 *utrum sit maxima virtutum.*
- 7 *utrum sine ea possit esse aliqua vera vir-  
tus.*
- 8 *utrum sit forma virtutum.*

## QUAESTIO XXIV.

De caritate in comparatione ad subie-  
ctum.

- 1 *utrum caritas sit in voluntate sicut in  
subiecto.*
- 2 *utrum caritas causetur in homine ex  
actibus praecedentibus, vel ex infu-  
sione.*
- 3 *utrum infundatur secundum capacitatem  
naturalium.*
- 4 *utrum augeatur in habente ipsam.*
- 5 *utrum augeatur per additionem.*
- 6 *utrum quolibet actu augeatur.*
- 7 *utrum augeatur in infinitum.*
- 8 *utrum caritas via possit esse perfecta.*
- 9 *utrum convenienter distinguantur tres gra-  
dus caritatis, scilicet incipiens, pro-  
ficiens, & perfecta.*
- 10 *utrum caritas possit diminui.*
- 11 *utrum caritas semel habita possit  
amitti.*
- 12 *utrum amittatur per amara alicui pec-  
cati mortalis.*

## QUAESTIO XXV.

De caritate quantum ad eius obiectum,  
quod scilicet sint ex caritate diligen-  
da.

- 1 *utrum solus Deus sit ex caritate dili-  
gendus, vel etiam proximus.*
- 2 *Utrum caritas sit ex caritate diligen-  
da.*
- 3 *utrum creaturae irrationales sint ex ca-  
ritate diligenda.*
- 4 *utrum aliquis ex caritate possit seipsum  
diligere.*
- 5 *utrum possit ex caritate diligere corpus  
proprium.*
- 6 *utrum peccatores sint ex caritate dili-  
gendi.*
- 7 *utrum peccatores seipsos diligant.*
- 8 *utrum inimici sint ex caritate dili-  
gendi.*
- 9 *utrum sint eis signa amicitiae exhibenda.*
- 10 *utrum Angeli sint ex caritate diligen-  
di.*
- 11 *utrum daemones.*
- 12 *utrum convenienter enumerentur quatuor  
ex caritate diligenda, scilicet Deus,  
proximus, corpus proprium, & nos ipsi.*

## QUAESTIO XXVI.

De caritate quantum ad ordinem  
diligendorum.

- 1 *utrum aliquis ordo sit in caritate.*
- 2 *utrum homo debeat Deum plus diligere  
quam proximum.*
- 3 *utrum plus quam seipsum.*
- 4 *utrum se plus quam proximum.*
- 5 *utrum debeat homo plus diligere proxi-  
mum quam corpus proprium.*
- 6 *utrum plus unum proximum, quam alium.*
- 7 *utrum plus proximum meliorem quam  
magis sibi coniunctum.*
- 8 *utrum magis coniunctum sibi secundum car-  
nis affinitatem, vel secundum alias ne-  
cessitudines.*
- 9 *utrum magis filium quam patrem.*
- 10 *utrum magis patrem quam matrem.*
- 11 *utrum uxorem plus quam patrem, vel  
matrem.*
- 12 *utrum magis benefactorem quam bene-  
ficiatum.*
- 13 *utrum ordo caritatis maneat in patria.*

QUAE-



# INDEX QUAEST. ET ARTIC. xxiii

## QUAESTIO XXVII.

De caritate quantum ad eius actum principalem, qui est dilectio.

- 1 *utrum amare sit magis proprium caritatis quam amari.*
- 2 *utrum amare, prout est actus caritatis, sit idem quod benevolentia.*
- 3 *utrum Deus sit propter seipsum amandus.*
- 4 *utrum possit in hac vita immediate amari.*
- 5 *utrum possit amari totaliter.*
- 6 *utrum eius dilectio habeat modum.*
- 7 *utrum diligere amicum sit melius quam diligere inimicum.*
- 8 *utrum diligere Deum sit melius quam diligere proximum.*

## QUAESTIO XXVIII.

De interioribus effectibus caritatis, & primo de gaudio, quod est interior effectus consequens principalem actum caritatis, qui est dilectio.

- 1 *utrum gaudium sit effectus caritatis.*
- 2 *utrum huiusmodi gaudium compatitur secum tristitiam.*
- 3 *utrum istud gaudium possit esse plenum.*
- 4 *utrum huiusmodi gaudium sit virtus.*

## QUAESTIO XXIX.

De effectibus caritatis quantum ad pacem, quae est interior effectus consequens dilectionem.

- 1 *utrum pax sit idem quod concordia.*
- 2 *utrum omnia appetant pacem.*
- 3 *utrum pax sit effectus caritatis.*
- 4 *utrum pax sit virtus.*

## QUAESTIO XXX.

De effectibus caritatis quantum ad misericordiam, quae est interior caritatis effectus.

- 1 *utrum malum sit causa misericordiae ex parte eius cui miseremur.*
- 2 *quorum sit misereri.*
- 3 *utrum misericordia sit virtus.*
- 4 *utrum sit maxima virtutum.*

## QUAESTIO XXXI.

De effectibus exterioribus caritatis, & primo de beneficentia.

- 1 *utrum beneficentia sit actus caritatis.*
- 2 *utrum sit omnibus beneficendum.*
- 3 *utrum magis coniunctis sit magis beneficendum.*
- 4 *utrum beneficentia sit virtus specialis.*

## QUAESTIO XXXII.

De exterioribus effectibus caritatis quantum ad elemosynam.

- 1 *utrum elemosyna largitio sit actus caritatis.*
- 2 *utrum convenienter distinguantur elemosynarum genera, ponendo septem elemosynas spirituales, & septem corporales.*
- 3 *utrum elemosyna spirituales sint potiores elemosynis corporalibus.*
- 4 *utrum elemosyna corporales habeant effectum spirituales.*
- 5 *utrum dare elemosynam sit in precepto.*
- 6 *utrum corporalis elemosyna sit danda de necessario.*
- 7 *utrum sit danda de iniuste acquisito.*
- 8 *quorum sit dare elemosynam.*
- 9 *quibus sit elemosyna danda.*
- 10 *quis sit modus elemosynae faciendae.*

## QUAESTIO XXXIII.

De exterioribus effectibus caritatis quantum ad correctionem fraternam.

- 1 *utrum fraterna correctio sit actus caritatis.*
- 2 *utrum fraterna correctio sit sub precepto.*
- 3 *utrum hoc preceptum extendat se ad omnes, vel solum ad prelatos.*
- 4 *utrum subditi teneantur ex hoc precepto prelatos corrigere.*
- 5 *utrum peccator possit corrigere.*
- 6 *utrum aliquis debeat corrigere eum qui ex correctione sit deterior.*
- 7 *utrum secreta correctio debeat precedere denuntiationem.*
- 8 *utrum testium inductio debeat precedere denuntiationem.*

QUAE-

## XXIV INDEX QUAEST. ET ARTIC.

### QUAESTIO XXXIV.

De vitiiis oppositis caritati, & primo de odio, quod opponitur ipsi dilectioni.

- 1 *utrum Deus possit odio haberi.*
- 2 *utrum odium Dei sit maximum peccatum.*
- 3 *utrum odium proximi semper sit peccatum.*
- 4 *utrum sit maximum inter peccata quae sunt in proximum.*
- 5 *utrum sit vitium capitale.*
- 6 *ex quo capitali vitio oriatur.*

### QUAESTIO XXXV.

De vitiiis oppositis caritati quantum ad accidiam, quae opponitur gaudio caritatis, quod est de bono divino.

- 1 *utrum accidia sit peccatum.*
- 2 *utrum accidia sit speciale vitium.*
- 3 *utrum sit peccatum mortale.*
- 4 *utrum sit vitium capitale.*

### QUAESTIO XXXVI.

De vitiiis oppositis caritati quantum ad invidiam, quae opponitur gaudio de bono proximi.

- 1 *utrum invidia sit tristitia de bonis alienis.*
- 2 *utrum invidia sit peccatum.*
- 3 *utrum invidia sit peccatum mortale.*
- 4 *utrum invidia sit vitium capitale, & de filiabus eius.*

### QUAESTIO XXXVII.

De discordia, quae opponitur effectui caritatis, qui est pax.

- 1 *utrum discordia sit peccatum.*
- 2 *utrum sit filia inanis gloriae.*

### QUAESTIO XXXVIII.

De contentione, quae opponitur paci quantum ad os.

- 1 *utrum contentio sit peccatum mortale.*
- 2 *utrum sit filia inanis gloriae.*

### QUAESTIO XXXIX.

De schismate, quod opponitur paci quantum ad opus.

- 1 *utrum schisma sit speciale peccatum.*
- 2 *utrum sit gravius infidelitate.*
- 3 *utrum schismatici habeant aliquam potestatem.*
- 4 *qua sit conveniens poena schismaticorum.*

### QUAESTIO XL.

De bello, quod opponitur paci quantum ad opus.

- 1 *utrum aliquod bellum sit licitum.*
- 2 *utrum clericis sit licitum bellare.*
- 3 *utrum liceat bellantibus uti insidiis.*
- 4 *utrum liceat in diebus festis bellare.*

### QUAESTIO XLI.

De rixa, quae opponitur paci quantum ad opus.

- 1 *utrum rixa sit peccatum.*
- 2 *utrum rixa sit filia ira.*

### QUAESTIO XLII.

De seditione, quae opponitur paci quantum ad opus.

- 1 *utrum seditio sit speciale peccatum.*
- 2 *utrum sit peccatum mortale.*

### QUAESTIO XLIII.

De scandalo, quod opponitur caritati quantum ad beneficentiam.

- 1 *quid sit scandalum.*
- 2 *utrum scandalum sit peccatum.*
- 3 *utrum sit speciale peccatum.*
- 4 *utrum sit peccatum mortale.*
- 5 *utrum perfectiorum sit scandalizari.*
- 6 *utrum eorum sit scandalizare.*
- 7 *utrum spiritualia bona sint dimittenda propter scandalum.*
- 8 *utrum temporalia sint propter scandalum dimittenda.*

QUAE-

QUÆSTIO XLIV.

De præceptis caritatis.

- 1 utrum de caritate sint danda præcepta.
- 2 utrum unum tantum, vel duo.
- 3 utrum duo sufficiant.
- 4 utrum convenienter præcipiatur ut Deus ex toto corde diligatur.
- 5 utrum convenienter addatur, ex tota mente.
- 6 utrum hoc præceptum possit in via impleri.
- 7 de hoc præcepto, Diliges proximum tuum sicut teipsum.
- 8 utrum ordo caritatis cadat sub præcepto.

QUÆSTIO XLV.

De dono sapientiz, quod respondet caritati.

- 1 utrum sapientia debeat numerari inter dona Spiritus sancti.
- 2 utrum sit in intellectu sicut in subiecto.
- 3 utrum sapientia sit speculativa tantum, vel etiam practica.
- 4 utrum sapientia quæ est donum, possit esse cum peccato mortali.
- 5 utrum sit in omnibus habentibus gratiam gratum facientem.
- 6 utrum respondeat ei septima beatitudo, quæ est, Beati pacifici.

QUÆSTIO XLVI.

De stultitia, quæ opponitur sapientiz.

- 1 utrum stultitia opponatur sapientia.
- 2 utrum stultitia sit peccatum.
- 3 utrum stultitia sit filia luxurie.

QUÆSTIO XLVII.

De prudentia secundum se.

- 1 utrum prudentia sit in voluntate, vel in ratione.
- 2 utrum, si est in ratione, sit in practica tantum, vel etiam in speculativa.
- 3 utrum sit cognoscitiva singularium.
- 4 utrum sit virtus.
- 5 utrum sit virtus specialis.
- 6 utrum præstet finem virtutibus moralibus.

S. Th. Operum Tomus XXII.

- 7 utrum constituat medium in eis.
- 8 utrum præcipere sit proprius actus eius.
- 9 utrum sollicitudo vel vigilantia pertineat ad prudentiam.
- 10 utrum prudentia se extendat ad regimen multitudinis.
- 11 utrum prudentia quæ est respectu proprii boni, sit eadem species cum ea quæ se extendit ad bonum commune.
- 12 utrum prudentia sit in subditis, an solum in principibus.
- 13 utrum inveniat in malis.
- 14 utrum inveniat in omnibus bonis.
- 15 utrum infus nobis a natura.
- 16 utrum perdat per oblivionem.

QUÆSTIO XLVIII.

De prudentia quantum ad partes suas in generali.

Quæ sint partes prudentiæ.

QUÆSTIO XLIX.

De singulis prudentiæ partibus quasi integralibus.

- 1 de memoria, utrum sit pars prudentiæ.
- 2 de intellectu, vel intelligentia, utrum sit pars prudentiæ.
- 3 de docilitate, utrum sit pars prudentiæ.
- 4 de solertia, utrum sit pars prudentiæ.
- 5 utrum ratio sit pars prudentiæ.
- 6 utrum providentia sit pars prudentiæ.
- 7 utrum circumspectio sit pars prudentiæ.
- 8 utrum cautio sit pars prudentiæ.

QUÆSTIO L.

De speciebus prudentiæ, quæ sunt ad multitudinem.

- 1 utrum legis passiva debeat poni species prudentiæ.
- 2 utrum politica sit pars prudentiæ.
- 3 utrum æconomica.
- 4 utrum militaris.

d

QUÆ-

QUAESTIO LI.

De prudentia quantum ad virtutes ei adiunctas, quae sunt partes quasi potentiales.

- 1 *utrum subdulia sit virtus.*
- 2 *utrum sit specialis virtus a prudentia distincta.*
- 3 *utrum syneſis sit specialis virtus.*
- 4 *utrum gnomo sit specialis virtus.*

QUAESTIO LII.

De dono consilii, quod respondet prudentiae.

- 1 *utrum consilium debeat poni inter septem dona Spiritus sancti.*
- 2 *utrum donum consilii respondeat virtuti prudentiae.*
- 3 *utrum donum consilii maneat in patria.*
- 4 *utrum quinta beatusudo, quae est, Beati misericordes, respondeat dono consilii.*

QUAESTIO LIII.

De vitiis oppositis prudentiae, & primo de imprudentia.

- 1 *utrum imprudentia sit peccatum.*
- 2 *utrum sit speciale peccatum.*
- 3 *utrum precipitatio, seu temeritas sit peccatum sub imprudentia contentum.*
- 4 *utrum inconsideratio sit speciale peccatum sub imprudentia contentum.*
- 5 *utrum inconstantia sit vitium sub imprudentia contentum.*
- 6 *utrum huiusmodi vitia oriantur ex luxuria.*

QUAESTIO LIV.

De negligentia.

- 1 *utrum negligentia sit peccatum speciale.*
- 2 *utrum negligentia opponatur prudentiae.*
- 3 *utrum negligentia sit peccatum mortale.*

QUAESTIO LV.

De vitiis oppositis prudentiae, quae habent similitudinem cum prudentia.

- 1 *utrum prudentia carnis sit peccatum.*
- 2 *utrum sit peccatum mortale.*
- 3 *utrum astutia sit peccatum speciale.*
- 4 *utrum dolus sit peccatum ad astutiam pertinens.*
- 5 *utrum fraus ad astutiam pertineat.*
- 6 *utrum sollicitudo temporalium rerum sit licita.*
- 7 *utrum sit licitum quod aliquis sit sollicitus in futurum.*
- 8 *utrum praedicta vitia oriantur ex avaritia.*

QUAESTIO LVI.

De praeceptis pertinentibus ad prudentiam.

- 1 *utrum de prudentia fuerit dandum aliquod praeceptum inter praecepta Decalogi.*
- 2 *utrum in veteri lege fuerint convenienter posita praecepta prohibitiva de vitiis oppositis prudentiae.*

QUAESTIO LVII.

De iustitia, & primo de iure.

- 1 *utrum ius sit obiectum iustitiae.*
- 2 *utrum ius convenienter dividatur in ius naturale, & positivum.*
- 3 *utrum ius gentium sit idem quod ius naturale.*
- 4 *utrum ius dominativum, & ius paternum debeant distingui.*

QUAESTIO LVIII.

De iustitia.

- 1 *quid sit iustitia.*
- 2 *utrum iustitia semper sit ad alterum.*
- 3 *utrum iustitia semper sit virtus.*
- 4 *utrum sit in voluntate sicut in subiecto.*
- 5 *utrum sit virtus generalis.*
- 6 *utrum, secundum quod est virtus generalis, sit idem in essentia cum omni virtute.*
- 7 *utrum sit aliqua iustitia particularis.*

8 *utrum*

# INDEX QUAEST. ET ARTIC. XXVII

- 8 *utrum iustitia particularis habeat propriam materiam.*
- 9 *utrum sit circa passionem, vel circa operationes tantum.*
- 10 *utrum medium iustitiae sit medium rei.*
- 11 *utrum actus iustitiae sit reddere unicuique quod suum est.*
- 12 *utrum iustitia sit praecipua inter omnes virtutes morales.*

## QUAESTIO LIX.

### De iustitia.

- 1 *utrum iniustitia sit speciale vitium.*
- 2 *utrum iniusta agere sit proprium iniusti.*
- 3 *utrum aliquis possit iniustum pati volens.*
- 4 *utrum iniustitia ex suo genere sit peccatum mortale.*

## QUAESTIO LX.

### De iudicio.

- 1 *utrum iudicium sit actus iustitiae.*
- 2 *utrum sit licitum indicare.*
- 3 *utrum iudicandum sit per suspensiones.*
- 4 *utrum dubia sint in maiorem partem interpretanda.*
- 5 *utrum iudicium sit semper secundum leges scriptas proferendum.*
- 6 *utrum iudicium per usurpationem pervertatur.*

## QUAESTIO LXI.

De partibus iustitiae, & primo de partibus subiectivis, quae sunt species iustitiae, scilicet commutativa, & distributiva.

- 1 *utrum distributiva, & commutativa sint duae species iustitiae.*
- 2 *utrum eodem modo in eis medium accipitur.*
- 3 *utrum sit earundem uniformis vel multiplex materia.*
- 4 *utrum secundum aliquam earum specierum iniustum sit idem quod contrapassum.*

## QUAESTIO LXII.

De restitutione, quae est actus commutativae iustitiae.

- 1 *utrum restitutio sit actus commutativae iustitiae.*
- 2 *utrum sit necessarium ad salutem omne ablatum restitui.*
- 3 *utrum oporteat illud multiplicatum restituere.*
- 4 *utrum oporteat restitui quod quis non abstulit.*
- 5 *utrum oporteat restitui ei a quo acceptum est.*
- 6 *utrum oporteat restituere eum qui accepit.*
- 7 *utrum aliquem alium.*
- 8 *utrum sit statim restituendum.*

## QUAESTIO LXIII.

De vitiis oppositis praedictis iustitiae partibus, & primo de acceptione personarum, quae opponitur iustitiae distributivae.

- 1 *utrum personarum acceptio sit peccatum.*
- 2 *utrum habeat locum in dispensatione spiritualium.*
- 3 *utrum habeat locum in exhibitione honoris.*
- 4 *utrum habeat locum in iudiciis.*

## QUAESTIO LXIV.

De vitiis oppositis commutativae iustitiae, & primo de homicidio, per quod infertur nocumentum proximo in persona.

- 1 *utrum occidere animalia bruta, vel etiam plantas, sit peccatum.*
- 2 *utrum occidere peccatorem sit licitum.*
- 3 *utrum hoc liceat privatae personae, vel solum publicae.*
- 4 *utrum hoc liceat clerico.*
- 5 *utrum liceat alicui occidere seipsum.*
- 6 *utrum liceat alicui occidere hominem iniustum.*
- 7 *utrum liceat alicui occidere hominem se defendendo.*
- 8 *utrum homicidium casuale sit peccatum mortale.*

# XXVIII INDEX QUAEST. ET ARTIC.

## QUAESTIO LXV.

De iniuriis in personam proximi commissis.

- 1 *utrum muliere aliquem in membro in aliquo casu sit licitum.*
- 2 *utrum liceat parentibus verberare filios, & dominis servos.*
- 3 *utrum liceat aliquem hominem incarceratione.*
- 4 *utrum aggravetur peccatum ex hoc quod predicta iniuria inferuntur in personas aliis coniunctas.*

## QUAESTIO LXVI.

De furto, per quod inferitur nocumentum proximo in rebus.

- 1 *utrum possessio exteriorum rerum sit homini naturalis.*
- 2 *utrum licitum sit quod aliquis rem aliquam possideat quasi propriam.*
- 3 *utrum furtum sit occulta acceptio rei alienae.*
- 4 *utrum rapina sit peccatum specie differens a furto.*
- 5 *utrum omne furtum sit peccatum.*
- 6 *utrum furtum sit peccatum mortale.*
- 7 *utrum liceat furari in necessitate.*
- 8 *utrum omnis rapina sit peccatum mortale.*
- 9 *utrum rapina sit gravius peccatum quam furtum.*

## QUAESTIO LXVII.

De iniustitia iudicis in iudicando.

- 1 *utrum aliquis possit iuste iudicare eum qui non est sibi subditus.*
- 2 *utrum liceat iudici sententiam ferre contra veritatem, quam novit, propter ea quae sibi proponuntur.*
- 3 *utrum iudex possit aliquem condemnare non accusatum.*
- 4 *utrum possit licite penam relaxare.*

## QUAESTIO LXVIII.

De his quae pertinent ad iustam accusationem.

- 1 *utrum homo accusare teneatur.*

- 2 *utrum accusatio facienda sit in scriptis.*
- 3 *quomodo accusatio sit vitiosa.*
- 4 *qualiter male accusantes sint puniendi.*

## QUAESTIO LXIX.

De iniustitia ex parte rei, sive accusati in sua defensione.

- 1 *utrum peccet quis mortaliter negando veritatem, per quam condemnaretur.*
- 2 *utrum liceat alicui calumniose se defendere.*
- 3 *utrum liceat alicui iudicium subterfugere appellando.*
- 4 *utrum liceat alicui damnato per violentiam se defendere, si adu faculas.*

## QUAESTIO LXX.

De iniustitia ex parte testis in testificando.

- 1 *utrum homo teneatur ad testimonium ferendum.*
- 2 *utrum duorum, vel trium testimonium sufficiat.*
- 3 *utrum alicuius testimonium repellatur abique eius culpa.*
- 4 *utrum perhibere falsum testimonium sit peccatum mortale.*

## QUAESTIO LXXI.

De iustitia, quae fit in iudicio ex parte advocatorum.

- 1 *utrum advocatus teneatur praestare patrocinium cause pauperum.*
- 2 *utrum aliqui debeant arceri ab officio advocati.*
- 3 *utrum advocatus peccet iniustam causam defendendo.*
- 4 *utrum peccet pecuniam accipiendo pro suo patrocinio.*

## QUAESTIO LXXII.

De iniuriis verborum, quae fiunt extra iudicium. Ex primo de contumelia.

- 1 *quid sit contumelia.*
- 2 *utrum omnis contumelia sit peccatum mortale.*
- 3 *utrum*

3 utrum

- 3 *utrum oporteat contumeliosos reprimere.*  
4 *de origine contumelie.*

QUAESTIO LXXIII.

De detractioe.

- 1 *quid sit detractio.*  
2 *utrum detractio sit peccatum mortale.*  
3 *de comparatione eius ad alia peccata.*  
4 *utrum peccet aliquis audiendo detractio-  
nem.*

QUAESTIO LXXIV.

De fufuratione.

- 1 *utrum fufurratio sit peccatum diftinctum  
a detractioe.*  
2 *quod horum fit gravior.*

QUAESTIO LXXV.

De derifione.

- 1 *utrum derifio fit speciale peccatum di-  
ftinctum ab aliis peccatis, quibus per  
verba nocumentum proximo inferitur.*  
2 *utrum derifio fit peccatum mortale.*

QUAESTIO LXXVI.

De maledictione.

- 1 *utrum licite poffit aliquis maledicere ho-  
mini.*  
2 *utrum licite poffit aliquis maledicere ir-  
rationali creaturae.*  
3 *utrum maledictio fit peccatum mortale.*  
4 *de comparatione eius ad alia peccata.*

QUAESTIO LXXVII.

De fraude, quae committitur in emptio-  
nibus, & venditionibus.

- 1 *utrum liceat aliquid vendere plus quam  
valeat.*  
*utrum venditio reddatur iniufta, & illi-  
cita propter defeftum rei venditae.*  
3 *utrum venditor teneatur dicere vitium rei  
venditae.*  
4 *utrum liceat negotiando vendere aliquid  
plus quam fit emptum.*

QUAESTIO LXXVIII.

De ufura.

- 1 *utrum fit peccatum accipere ufuram pro  
pecunia mutuata.*  
2 *utrum liceas pro eodem quamcumque com-  
moditatem accipere.*  
3 *utrum aliquis teneatur reftituere id quod  
de pecunia ufuraria iufto lucro lucratus  
eft.*  
4 *utrum liceas mutuo accipere pecuniam sub  
ufura.*

QUAESTIO LXXIX.

De duabus partibus quafi integralibus iu-  
ftitiae, quae funt facere bonum, & de-  
clinare a malo.

- 1 *utrum duo praedicta fint partes iuftitiae.*  
2 *utrum transgreffio fit speciale peccatum.*  
3 *utrum omiffio fit speciale peccatum.*  
4 *de comparatione omiffionis ad transgreffio-  
nem.*

QUAESTIO LXXX.

De partibus potentialibus iuftitiae, sci-  
licet de virtutibus annexis.

Quae virtutes iuftitiae anneftantur.

QUAESTIO LXXXI.

De fingulis virtutibus iuftitiae annexis, &  
primo de religione fecundum fe.

- 1 *utrum religio confiftat tantum in ordine  
ad Deum.*  
2 *utrum religio fit virtus.*  
3 *utrum religio fit una virtus.*  
4 *utrum religio fit fpecialis virtus.*  
5 *utrum religio fit virtus theologiae.*  
6 *utrum religio fit praeferenda aliis virtu-  
tibus moralibus.*  
7 *utrum religio habeas exteriores actus.*  
8 *utrum religio fit eadem cum fanctitate.*

QUAESTIO LXXXII.

De actibus interioribus religionis, & pri-  
mo de devotione.

- 1 *utrum devotio fit fpecialis actus.*  
2 *utrum devotio fit actus religionis.*  
3 *utrum*

- 3 *utrum contemplatio, seu meditatio sit causa devotionis.*  
 4 *utrum letitia sit devotionis effectus.*

## QUAESTIO LXXXIII.

De oratione.

- 1 *utrum oratio sit actus appetitiva virtutis, vel cognitiva.*  
 2 *utrum convenient sit orare.*  
 3 *utrum oratio sit actus religionis.*  
 4 *utrum solus Deus sit orandus.*  
 5 *utrum oratione sit aliquid determinate petendum.*  
 6 *utrum orando debeamus temporalia petere.*  
 7 *utrum pro aliis orare debeamus.*  
 8 *utrum debeamus orare pro inimicis.*  
 9 *de septem petitionibus orationis dominica.*  
 10 *utrum orare sit proprium rationalis creaturae.*  
 11 *utrum sancti in patria orent pro nobis.*  
 12 *utrum oratio debeat esse vocalis.*  
 13 *utrum attentio requiratur ad orationem.*  
 14 *utrum oratio debeat esse diuturna.*  
 15 *utrum oratio sit efficax ad impetrandum quod petitur.*  
 16 *utrum oratio sit meritoria.*  
 17 *de speciebus orationis.*

## QUAESTIO LXXXIV.

De actibus exterioribus latræ, & primo de adoratione, per quam aliquis corpus suum ad Deum venerandum exhibet.

- 1 *utrum adoratio sit actus latræ.*  
 2 *utrum adoratio importet actum interiorem, vel exteriorem.*  
 3 *utrum adoratio requirat determinationem loci.*

## QUAESTIO LXXXV.

De actibus latræ, quibus aliquid de rebus exterioribus Deo offertur, & primo de sacrificiis.

- 1 *utrum offerre sacrificium Deo sit de lege natura.*  
 2 *utrum soli Deo sit sacrificium offerendum.*  
 3 *utrum Deo offerre sacrificium sit specialis actus virtutis.*  
 4 *utrum omnes teneantur ad sacrificium offerendum.*

## QUAESTIO LXXXVI.

De oblationibus, &amp; primitiis.

- 1 *utrum aliqua oblationes sint de necessitate precepti.*  
 2 *quibus oblationes debeantur.*  
 3 *de quibus rebus oblationes fieri debeant.*  
 4 *utrum homines de necessitate teneantur ad oblationes primitiarum.*

## QUAESTIO LXXXVII.

De decimis.

- 1 *utrum homines teneantur ad solvendas decimas de necessitate precepti.*  
 2 *utrum homines teneantur de omnibus rebus decimas dare.*  
 3 *utrum decime debeantur solum clericis.*  
 4 *utrum clerici teneantur decimas dare.*

## QUAESTIO LXXXVIII.

De voto, per quod ex cultu latræ aliquid Deo promittitur.

- 1 *quid sit votum.*  
 2 *quid cadat sub voto.*  
 3 *utrum omne votum obliget ad sui observationem.*  
 4 *utrum expediat aliquid vovere, & aliquid sit utile.*  
 5 *utrum vovere sit actus latræ, vel religionis.*  
 6 *utrum sit magis meritorium facere aliquid ex voto, quam sine voto.*  
 7 *de solemnitate voti, per quid scilicet solemnizetur.*  
 8 *utrum illi qui sunt subiecti potestati alterius, possint vovere.*  
 9 *utrum pueri possint voto obligari ad religionis ingressum.*  
 10 *utrum votum sit dispensabile, vel commutabile.*  
 11 *utrum in solenni voto continentia possit dispensari.*  
 12 *utrum requiratur in dispensatione voti Superioris auctoritas.*

## QUAESTIO LXXXIX.

De iuramento, per quod assumitur nomen divinum ad verba confirmanda.

- 1 *quid sit iuramentum.*  
 2 *utrum iuramentum sit licitum.*

3 *utrum*



# INDEX QUAEST. ET ARTIC. XXXI

- 3 *utrum iustitia, indicium, & veritas sint comites inramenti.*
- 4 *utrum inramentum sit actus laticæ.*
- 5 *utrum inramentum sit appetendum, & frequentandum tamquam utile, & bonum.*
- 6 *utrum liceat iurare per creaturam.*
- 7 *utrum inramentum sit obligatorium.*
- 8 *quæ sit maior obligatio, utrum inramenti, vel voti.*
- 9 *utrum in inramento possit dispensari.*
- 10 *quibus, & quando liceat iurare.*

## QUAESTIO XC.

De adiuratione, per quam assumitur nomen divinum.

- 1 *utrum liceat adiurare homines.*
- 2 *utrum liceat adiurare demones.*
- 3 *utrum liceat adiurare irracionales creaturas.*

## QUAESTIO XCI.

De laude Dei.

- 1 *utrum Deus sit ore laudandus.*
- 2 *utrum in laudibus Dei sint capus adhibendi.*

## QUAESTIO XCII.

De superstitione, quæ opponitur religioni.

- 1 *utrum superstitio sit vitium religioni contrarium.*
- 2 *utrum superstitio habeat plures partes, seu species.*

## QUAESTIO XCIII.

De speciebus superstitionis, & primo quantum ad indebitum cultum veri Dei.

- 1 *utrum in cultu veri Dei possit esse aliquid perniciosum.*
- 2 *utrum possit ibi esse aliquid superfluum.*

## QUAESTIO XCIV.

De idololatria.

- 1 *utrum idololatria sit species superstitionis.*
- 2 *utrum idololatria sit peccatum.*

- 3 *utrum sit gravissimum peccatorum.*
- 4 *utrum causa idololatriæ sit ex parte hominis.*

## QUAESTIO XCV.

De divinationibus.

- 1 *utrum divinatio sit peccatum.*
- 2 *utrum sit species superstitionis.*
- 3 *de speciebus divinationis.*
- 4 *utrum divinatio quæ fit per demones, sit licita.*
- 5 *utrum divinatio quæ fit per astra, sit licita.*
- 6 *utrum divinatio quæ fit per somnia, sit licita.*
- 7 *utrum divinationes quæ fiunt per anguria, & alias huiusmodi observantias, sint licitæ.*
- 8 *utrum divinatio quæ fit per sortes, sit licita.*

## QUAESTIO XCVI.

De superstitionibus observantiarum.

- 1 *utrum uti observantiis, puta artis notoria ad scientiam acquirendam, sit licitum.*
- 2 *utrum uti observantiis ad immutationem corporum (puta ad sanitatem, & huiusmodi) sit licitum.*
- 3 *utrum uti observantiis ad præcognoscendum aliqua fortuna, vel infortunia, sit licitum.*
- 4 *utrum uti suspensionibus sacrorum verborum ad collum sit licitum.*

## QUAESTIO XCVII.

De tentatione qua Deus tentatur.

- 1 *in quo consistat Dei tentatio.*
- 2 *utrum tentare Deum sit peccatum.*
- 3 *cui virtuti opponatur, utrum scilicet religioni.*
- 4 *utrum tentare Deum sit gravius peccatum quam superstitio.*

## QUAESTIO XCVIII.

De periurio.

- 1 *utrum falsitas requiratur ad periurium.*
- 2 *utrum periurium semper sit peccatum*

3 *utrum*

# XXXII INDEX QUAEST. ET ARTIC.

- 3 *utrum semper sit peccatum mortale.*
- 4 *utrum peccet ille qui iniungit iuramentum petiuro.*

## QUAESTIO C.

De simonia.

## QUAESTIO XCIX.

De sacrilegio.

- 1 *quid sit sacrilegium.*
- 2 *utrum sit speciale peccatum.*
- 3 *de speciebus sacrilegii.*
- 4 *de pena sacrilegii.*

- 1 *quid sit simonia.*
- 2 *utrum liceat pro sacramentis pecuniam accipere.*
- 3 *utrum liceat pecuniam accipere pro spiritualibus actibus.*
- 4 *utrum liceat vendere ea quae sunt spiritualibus annexa.*
- 5 *utrum solum munus a manu facias simoniacum, an etiam munus a lingua, & ab obsequio.*
- 6 *de pena simoniaci.*

## F I N I S.

*Errorum*

*pag. 64. col. 1. lin. ult. uisi per ludzorani*

*corrigi sic.*

*si pueri ludzorani.*

D I V I

D I V I  
T H O M A E  
A Q U I N A T I S  
D O C T O R I S A N G E L I C I  
S U M M A E T H E O L O G I C A E  
S E C U N D A S E C U N D A E.

P R O L O G U S.



OST communem considerationem de virtutibus, & vitiis, & aliis ad materiam moralem pertinentibus, necesse est considerare singula in speciali. Sermones enim morales universales minus sunt utiles, eo quod actiones in particularibus sunt. Potest autem aliquid in speciali considerari circa moralia dupliciter: uno modo ex parte materię ipsius moralis, puta cum consideratur de hac virtute, vel hoc vitio; alio modo quantum ad speciales status hominum, puta cum consideratur de subditis, & contemplativis, vel quibuscunque aliis differentiis hominum. Primo ergo considerabimus specialiter de his quę pertinent ad omnes hominum status. Secundo vero specialiter de his quę pertinent ad determinatos status. Est autem considerandum circa primum, quod si seorsum determinaremus de virtutibus, donis, vitiis, & pręceptis, oporteret idem multoties dicere. Qui enim sufficienter vult tractare de hoc pręcepto, *Non machaberis*, necesse habet inquirere de adulterio, quod est quoddam peccatum, cuius etiam cognitio dependet ex cognitione oppositę virtutis. Erit ergo compendiosior, & expeditior considerationis via, si simul sub eodem tractatu consideratio procedat de virtute, & dono sibi correspondente, & vitiis oppositis, & pręceptis affirmativis, vel negativis. Erit autem hic considerationis modus conveniens ipsis vitiis secundum propriam speciem. Oñsensum est enim supra ( 1. 2. quęst. XVIII. lxxii. & lxxiii. ) quod vitia, & peccata diversificantur specie secundum materiam, vel obiectum, non autem secundum alias differentias peccatorum, puta cordis, & operis; vel secundum infirmitatem, ignorantiam, & malitiam, & alias huiusmodi differentias. Est autem eadem materia quam & virtus recte operatur, & vitia opposita a rectitudine recedunt. Sic ergo, tota materia morali ad considerationem virtutum reducta, omnes virtutes sunt ulterius reducendę ad septem: quarum tres sunt theologice, de quibus primo est agendum; alię vero quatuor sunt cardinales, de quibus posterius agetur. Virtutum autem intellectualium una quidem est prudentia, quę inter cardinales virtutes continetur, & numeratur. Ars vero non pertinet ad scientiam moralem, quę circa agibilia versatur, cum ars sit *ratio factibilium*, ut supra dictum est ( 1. 2. quęst. lvi. art. 3. & 4. ) Alię vero tres intellectuales virtutes, scilicet sapientia, intellectus, & scientia, communicant etiam in nomine cum donis quibudam Spiritus sancti. Unde simul etiam de eis considerabitur in consideratione donorum virtutibus correspondentium. Alię vero virtutes morales omnes aequaliter reducuntur ad virtutes cardinales, ut ex supra dictis patet ( 1. 2. quęst. lxi. art. 3. ) Unde in consideratione alicuius virtutis cardinalis considerabuntur etiam omnes virtutes ad eam qualitercumque pertinentes, & vitia opposita. Et sic nihil moralium erit prętermisissimum.

*J. Tb. Oper. Tom. XXII.*

A

QUAE.

## QUAESTIO I.

De fide,

in decem articulos divisa.

**C**irca virtutes igitur theologicas primo erit considerandum de fide; secundo de spe; tertio de caritate.

Circa fidem vero quadruplex consideratio occurrit: prima quidem de ipsa fide; secunda de donis intellectus, & scientiæ sibi correspondentibus; tertia de vitiis oppositis; quarta de præceptis ad hanc virtutem pertinentibus.

Circa fidem vero primo erit considerandum de eius obiecto; secundo de eius actu; tertio de ipso habitu fidei.

Circa primum quaeruntur quatuor.

Primo, utrum obiectum fidei sit veritas prima.

Secundo, utrum obiectum fidei sit aliquid complexum, vel incomplexum, id est res, an enunciabile.

Tertio, utrum fidei possit subesse falsum.

Quarto, utrum obiectum fidei possit esse aliquid vitium.

Quinto, utrum possit esse aliquid scitum.

Sexto, utrum credibilia debeant distinguí per certos articulos.

Septimo, utrum iidem articuli subsint fidei secundum omne tempus.

Octavo de numero articulorum.

Nono de modo tradendi articulos in symbolo.

Decimo, cuius sit fidei symbolum constitutuere.

## ARTICULUS I.

*Utrum obiectum fidei sit veritas prima.*

III. dist. xxiv. quæst. I. ar. 2. & ver. quæst. xiv. art. 8. & quæst. xviii. art. 2. cor.

**A**D primum sic proceditur. Videtur quod obiectum fidei non sit veritas prima. Illud enim videtur esse obiectum fidei quod nobis proponitur ad credendum. Sed non solum proponuntur nobis ad credendum ea quæ pertinent ad Divinitatem, quæ est veritas prima, sed etiam ea quæ pertinent ad humanitatem Christi, & Ecclesiæ sacramenta, & creaturarum conditionem. Ergo non solum veritas prima est fidei obiectum.

3. Præterea. Fides, & infidelitas sunt

circa idem, cum sint opposita. Sed circa omnia quæ in sacra Scriptura continentur, potest esse infidelitas: quicquid enim horum homo negaverit, infidelis reputatur. Ergo etiam fides est circa omnia quæ in sacra Scriptura continentur. Sed ibi multa de hominibus continentur, & de aliis rebus creatis. Ergo obiectum fidei non solum est veritas prima, sed etiam veritas creata.

3. Præterea. Fides caritati condiditur, ut supra dictum est (1. 2. quæst. lxxi. art. 3.) Sed caritate non solum diligimus Deum, qui est summa bonitas, sed etiam diligimus proximum. Ergo fidei obiectum non est solum veritas prima.

Sed contra est quod Dionysius dicit vii. cap. de div. Nomin. (ante fin. lect. 5.) quod fides est circa simplicem, & semper existentem veritatem. Hæc autem est veritas prima. Ergo obiectum fidei est veritas prima.

Respondeo dicendum, quod cuiuslibet cognoscitivi habitus obiectum duo habet, scilicet id quod materialiter cognoscitur, quod est sicut materiale obiectum; & id per quod cognoscitur, quod est formalis ratio obiecti: sicut in scientia Geometriæ materialiter scita sunt conclusiones; formalis vero ratio sciendi sunt media demonstrationis, per quæ conclusiones cognoscuntur.

Sic igitur in fide si consideremus formalem rationem obiecti, nihil est aliud quam veritas prima. Non enim fides de qua loquimur, assentit alicui, nisi quia est a Deo revelatum. Unde ipsi veritati divinæ fides innititur tamquam medio. Si vero consideremus materialiter ea quibus fides assentit, non solum est ipse Deus, sed etiam multa alia; quæ tamen sub assensu fidei non cadunt, nisi secundum quod habent aliquem ordinem ad Deum, prout scilicet per aliquos Divinitatis effectus homo adiuatur ad tendendum in divinam fruitionem.

Et ideo etiam ex hac parte obiectum fidei est quodammodo veritas prima, inquantum nihil cadit sub fide nisi in ordine ad Deum; sicut etiam obiectum medicinæ est sanitas, quia nihil medicina considerat nisi in ordine ad sanitatem.

Ad primum ergo dicendum, quod ea quæ pertinent ad humanitatem Christi, & ad sacramenta Ecclesiæ, vel ad quicumque creaturas, cadunt sub fide, inquantum per hæc ordinamur ad Deum, & eis etiam assentimus propter divinam veritatem.

Et

Et similiter dicendum est ad secundum de omnibus illis quæ in sacra Scriptura traduntur.

Ad tertium dicendum, quod etiam caritas diligit proximum propter Deum; & sic obiectum eius proprie est ipse Deus, ut infra dicitur (quaest. xxv. art. 1.)

## ARTICULUS II.

*Utrum obiectum fidei sit aliquid complexum per modum enuntiabilis.*

*I. dist. xlv. in exp. lit. & III. dist. xxiv. art. 1. quæst. 2. & I. contra cap. vii. & ver. quæst. xlv. art. 8. cor. & ad 5. & 12. & art. 12. cor.*

**A**D secundum sic proceditur. Videtur quod obiectum fidei non sit aliquid complexum per modum enuntiabilis. Obiectum enim fidei est veritas prima, sicut dictum est (art. præc.) Sed prima veritas est quid incomplexum. Ergo obiectum fidei non est aliquid complexum.

2. Præterea. Expositio fidei in symbolo continetur. Sed in symbolo non ponuntur enuntiabilia, sed res: non enim dicitur ibi, quod Deus sit omnipotens, sed *Credo in Deum omnipotentem*. Ergo obiectum fidei non est enuntiabile, sed res.

3. Præterea. Fidei succedit visio, secundum illud I. ad Corinth. xiii. 12. *Videmus nunc per speculum in ænigmate, tunc autem facie ad faciem: nunc cognosco ex parte, tunc autem cognoscam, sicut & cognitus sum*. Sed visio patriæ est de incompleto, cum sit ipsius divinæ essentia. Ergo etiam fides viæ.

Sed contra. Fides est media inter scientiam, & opinionem. Medium autem, & extrema sunt eiusdem generis. Cum ergo scientia, & opinio sint circa enuntiabilia, videtur quod similiter fides sit circa enuntiabilia; & ita obiectum fidei, cum sit circa enuntiabilia, est aliquid complexum.

Respondendo dicendum, quod cognita sunt in cognoscente secundum modum cognoscentis. Est autem modus proprius humani intellectus ut componendo, & dividendo veritatem cognoscat, sicut in l. dictum est (quaest. lxxxv. art. 5.) Et ideo quæ sunt secundum se simplicia, intellectus humanus cognoscit secundum quandam complexionem; sicut e converso intellectus divinus incomplexe cognoscit ea quæ sunt secundum se comple-

Sic ergo obiectum fidei dupliciter considerari potest. Uno modo ex parte ipsius rei creditæ; & sic obiectum fidei est aliquid incomplexum, scilicet res ipsa de qua fides habetur. Alio modo ex parte credentis; & secundum hoc obiectum fidei est aliquid complexum per modum enuntiabilis.

Et ideo utrumque vere opinatum fuit apud antiquos, & secundum aliquid utrumque est verum.

Ad primum ergo dicendum, quod ratio illa procedit de obiecto fidei ex parte ipsius rei creditæ.

Ad secundum dicendum, quod in symbolo tanguntur ea de quibus est fides, inquantum ad ea terminatur actus credentis, ut ex ipso modo loquendi apparet. Actus autem credentis non terminatur ad enuntiabile, sed ad rem. Non enim formamus enuntiabilia, nisi ut per ea de rebus cognitionem habeamus, sicut in scientia, ita & in fide.

Ad tertium dicendum, quod visio patriæ erit veritatis primæ, secundum quod in se est, secundum illud I. Ioan. iii. 2. *Scimus quoniam cum apparuerit, similes ei erimus, quoniam videbimus eum sicuti est*: & ideo visio illa erit non per modum enuntiabilis, sed per modum simplicis intelligentiæ. Sed per fidem non apprehendimus veritatem primam sicut in se est: unde non est similis ratio.

## ARTICULUS III.

*Utrum fidei possit subesse falsum.*

*III. P. quæst. xlv. art. 2. ad 4. & III. dist. xxiv. quæst. iii. & potent. quæst. iv. art. 1. in princ. cor.*

**A**D tertium sic proceditur. Videtur quod fidei possit subesse falsum. Fides enim dividitur in spei, & caritati. Sed spei potest aliquid subesse falsum, multi enim sperant se habituros vitam æternam, quam non habebunt; similiter etiam & caritati, multi enim diliguntur tamquam boni, qui tamen boni non sunt. Ergo & fidei potest aliquid subesse falsum.

2. Præterea. Abraham credidit Christum nasciturum, secundum illud Ioan. viii. 56. *Abraham pater vester exultavit ut videret diem meum: vidit, & gavisus est*. Sed post tempus Abrahæ Deus poterat non incarnari: sola enim sua voluntate carnes accepit; & ita esset falsum quod

A 2

Abra-

Abraham de Christo credidit. Ergo fides potest fuisse falsum.

3. Præterea. Fides antiquorum fuit quod Christus esset nasciturus; & hæc fides duravit in multis usque ad prædicationem Evangelii. Sed, Christo iam nato, etiam antequam prædicare inciperet, falsum erat Christum nasciturum. Ergo fides potest fuisse falsum.

4. Præterea. Unum de pertinentibus ad fidem est ut aliquis credat sub sacramento altaris verum corpus Christi contineri. Potest autem contingere, quando non recte consecratur, quod non est ibi verum corpus Christi, sed solum panis. Ergo fides potest fuisse falsum.

Sed contra. Nulla virtus perficiens intellectum se habet ad falsum, secundum quod est malum intellectus, ut patet per Philosophum in VI. Ethic. (cap. 11.) Sed fides est quædam virtus perficiens intellectum, ut infra patebit (quæst. xv. art. 2. & 3.) Ergo ei non potest fuisse falsum.

Respondendo dicendum, quod nihil subest alicui potentia, vel habitui, aut etiam actui, nisi mediante ratione formati obiecti; sicut color videri non potest nisi per lucem, & conclusio sciri non potest nisi per medium demonstrationis. Dictum est autem (art. 1. huius quæst.) quod ratio formalis obiecti fidei est veritas prima: unde nihil potest cadere sub fide, nisi inquantum stat sub veritate prima, sub qua nullum falsum stare potest, sicut nec non ens sub ente, nec malum sub bonitate. Unde relinquitur quod fidei non potest subesse aliquid falsum.

Ad primum ergo dicendum, quod quia verum est bonum intellectus, non autem est bonum appetitivæ virtutis; ideo omnes virtutes quæ perficiunt intellectum, excludunt totaliter falsum: quia de ratione virtutis est quod se habeat solum ad bonum. Virtutes autem perficientes partem appetitivam non excludunt totaliter falsum: potest enim aliquis secundum iustitiam, aut temperantiam agere, habens aliquam falsam opinionem de eo circa quod agit. Et ita cum fides perficiat intellectum, spes autem, & caritas appetitivam partem, non est similis ratio de eis.

Et tamen neque etiam spei subest falsum: non enim aliquis sperat se habiturum vitam æternam secundum propriam potestatem (hoc enim esset præsumptio; sed secundum auxilium gratiæ;

in qua si perseveraverit, omnino, & infallibiliter vitam æternam consequetur.

Similiter etiam ad caritatem pertinet diligere Deum, in quocumque fuerit: unde non refert ad caritatem, utrum in isto sit Deus, qui propter Deum diligitur.

Ad secundum dicendum, quod Deum non incarnari secundum se consideratum fuit possibile etiam post tempus Abrahæ; sed secundum quod cadit sub præscientia divina, habet quandam necessitatem infallibilitatis, ut in I. dictum est (quæst. xiv. art. 13. & 15.) & hoc modo cadit sub fide. Unde prout cadit sub fide, non potest esse falsum.

Ad tertium dicendum, quod hoc ad fidem credentis pertinebat post Christi nativitatem quod crederet eum quandoque nasci. Sed illa determinatio temporis, in qua decipiebatur, non erat ex fide, sed ex coniectura humana. Possibile est enim ex coniectura humana hominem fidem falsum aliquid æstimare; sed quod ex fide falsum æstimet, hoc est impossibile.

Ad quartum dicendum, quod fides credentis non refertur ad has species panis, vel illas, sed ad hoc quod verum corpus Christi sit sub speciebus panis sensibilis; quando recte fuerit consecratum. Unde si non sit recte consecratum, fidei non suberit propter hoc falsum.

#### ARTICULUS IV. 4

*Utrum obiectum fidei possit esse aliquid visum*

1. 2. quæst. lxxvii. art. 3. cor. ad 1. & III. P. quæst. vii. art. 3. cor. & ad 3. & III. dist. xxiv. art. 2. quæst. 1.

**A**D quantum sic proceditur. Videtur quod obiectum fidei sit aliquid visum. Dicit enim Dominus Thomæ Ioan. xx. 29. *Quia vidisti me, Thomas, credidisti.* Ergo de eodem est visio, & fides.

2. Præterea. Apostolus I. ad Cor. xiii. 12. dicit: *Videmus nunc per speculum in ænigmate*: & loquitur de cognitione fidei. Ergo id quod creditur, videtur.

3. Præterea. Fides est quoddam spirituale lumen. Sed sub quolibet lumine aliquid videtur. Ergo fides est de rebus visis.

4. Præterea. *Quilibet sensus visus nominatur*, ut Augustinus dicit in Lib. de verbis Domini (serm. xxxiii. cap. v. cit. med.) Sed fides est de auditis, se-

secundum illud ad Rom. x. 17. *Fides ex auditu*. Ergo fides est de rebus visis.

Sed contra est quod Apostolus dicit ad Hebr. xi. 1. quod *fides est argumentum non apparentium*.

Respondendo dicendum, quod fides importat assensum intellectus ad id quod creditur. Assentit autem intellectus alicui dupliciter. Uno modo quia ad hoc movetur ab ipso obiecto, quod est vel per seipsum cognitum, sicut patet in principiis primis, quorum est intellectus; vel per aliud cognitum, sicut patet de conclusionibus, quarum est scientia. Alio modo intellectus assentit alicui, non quia sufficienter movetur ab obiecto proprio, sed per quamdam electionem voluntarie declinans in unam partem magis quam in aliam: & si quidem hoc sit cum dubitatione, & formidine alterius partis, erit opinio; si autem sit cum certitudine absque tali formidine, erit fides.

Illam autem videri dicuntur quæ per seipsum moveant intellectum nostrum, vel sensum ad sui cognitionem. Unde manifestum est quod nec fides, nec opinio potest esse de ipsis visis aut secundum sensum, aut secundum intellectum.

Ad primum ergo dicendum, quod Thomas aliud vidit, & aliud credidit, hominem vidit, & Deum credens confessus est, cum dixit: *Dominus meus, & Deus meus*.

Ad secundum dicendum, quod ea quæ subsunt fidei, dupliciter considerari possunt. Uno modo in speciali: & sic non possunt esse simul visa, & credita, sicut dictum est (in cor. art.) Alio modo in generali, scilicet sub communi ratione credibilis: & sic sunt visa ab eo qui credit. Non enim crederet, nisi videret ea esse credenda vel propter evidentiam signorum, vel propter aliquid huiusmodi.

Ad tertium dicendum, quod lumen fidei facit videre (a) quæ creduntur. Sicut enim per alios habitus virtutum homo videt illud quod est sibi conveniens secundum habitum illum; ita etiam per habitum fidei inclinatur mens hominis ad assentiendum his quæ conveniunt rebus fidei, & non aliis.

Ad quartum dicendum, quod auditus est verborum significantium ea quæ sunt fidei, non autem est ipsarum rerum del-

5. Tb. Oper. Tom. XXII.

(a) Ita dicit omnes. Codd. Alcan. & Camer. videre esse quæ creduntur. In margine Alcan. est credibilia, ut legatur esse credibilia. (b) In Vulgata desit mea.

quibus est fides; & sic non oportet ut huiusmodi res sit visæ.

ARTICULUS V.

5

Utrum ea quæ sunt fidei, possint esse scita.

Sup. art. 4. & infr. quæst. iv. art. 1. & III. P. quæst. vii. art. 3. & III. dist. xxiv. art. 2. quæst. 2. & 3. & 1. contra cap. viii. & veri. quæst. xiv. art. 9.

Ad quintum sic proceditur. Videtur quod ea quæ sunt fidei, possint esse scita. Ea enim quæ non sciuntur, videntur esse ignota: quia ignorantia scientiæ opponitur. Sed quæ sunt fidei, non sunt ignota: horum enim ignorantiam ad infidelitatem pertinet, secundum illud I. ad Tim. i. 13. *Ignorans feci in incredulitate (b) mea*. Ergo ea quæ sunt fidei, possunt esse scita.

2. Præterea. Scientia per rationes acquiritur. Sed ad ea quæ sunt fidei, a sacris auctoribus rationes inducuntur. Ergo ea quæ sunt fidei, possunt esse scita.

3. Præterea. Ea quæ demonstrativo probantur, sunt scita, quia demonstratio est syllogismus faciens scire. Sed quædam quæ in fide continentur, sunt demonstrative probata a Philosophis, sicut Deum esse, & Deum esse unum, & alia huiusmodi. Ergo ea quæ sunt fidei, possunt esse scita.

4. Præterea. Opinio plus distat a scientia quam fides; cum fides dicatur esse media inter opinionem, & scientiam. Sed opinio, & scientia possunt esse aliquo modo de eodem, ut dicitur in I. Poster. (text. ult.) Ergo etiam fides, & scientia.

Sed contra est quod Gregorius dicit (hom. xxvi. in Evang. a med.) quod *apparentia non habent fidem, sed agnitionem*. Ea ergo de quibus est fides, agnitionem non habent. Sed ea quæ sunt scita, agnitionem habent. Ergo de eis quæ sunt scita, non potest esse fides.

Respondendo dicendum, quod omnis scientia habetur per aliqua prætutopia per se nota, & per consequens visa: & ideo oportet, quæcumque sunt scita, aliquo modo esse visa.

Non autem est possibile quod idem ab eodem sit visum, & creditum, sicut supra dictum est (art. præc.) Unde etiam impossibile est quod ab eodem idem sit

A 3 sci-

scitum, & creditum. Potest tamen contingere ut id quod est visum, vel scitum ab uno, sit creditum ab alio. Etenim quæ de Trinitate credimus, nos visuros speramus, secundum illud I. ad Corinth. xii 12. *Videmus hunc per speculum in ænigmatibus, tunc autem facie ad faciem*: quam quidem visionem iam Angeli habent: unde quod nos credimus, illi vident. Et sic similiter potest contingere ut id quod est visum, vel scitum ab uno homine etiam in statu viæ, sit ab alio creditum, qui hoc demonstrative non novit.

Id tamen quod communiter omnibus proponitur hominibus ut credendum, est communiter non scitum: & ista sunt quæ simpliciter fidei subsunt. Et ideo fides, & scientia non sunt de eodem.

Ad primum ergo dicendum, quod infideles eorum quæ sunt fidei, ignorantiam habent: quia (a) nec vident, aut sciunt ea in seipsis, nec cognoscunt ea esse credibilia. Sed per hunc modum fideles habent eorum notitiam, non quasi demonstrative, sed in quantum per lumen fidei vident esse credenda, ut dictum est (ar. præc. ad 2. & 3.)

Ad secundum dicendum, quod rationes quæ inducuntur a Sanctis ad probandum ea quæ sunt fidei, non sunt demonstrativæ, sed persuasiones quædam manifestantes non esse impossibile quod in fide proponitur: vel procedunt ex principiis fidei, scilicet ex auctoritatibus sacræ Scripturæ, sicut dicit Dionysius 11. cap. de div. Nom. (par. 1. lect. 1.) Ex his autem principiis ita probatur aliquid apud fideles, sicut etiam ex principiis naturaliter notis probatur aliquid apud omnes. Unde etiam Theologia scientia est, ut in principio operis dictum est (I. P. quæst. 1. art. 2.)

Ad tertium dicendum, quod ea quæ demonstrative probari possunt, inter credenda numerantur, non quia de ipsis simpliciter sit fides apud omnes, sed quia præexiguntur ad ea quæ sunt fidei, & oportet ea saltem per fidem præsupponi ab his qui eorum demonstrationem non habent.

Ad quartum dicendum, quod, sicut Philophsus ibidem dicit, a diversis hominibus de eodem omnino potest haberi scientia, & opinio, sicut & supra dictum est (in

corp.) de scientia, & fide; sed ab uno & eodem potest haberi scientia, (b) & fides de eodem secundum quid, scilicet de subiecto, sed non secundum idem: potest enim esse quod de una & eadem re aliquis aliquid sciat, (c) & aliquid aliud opinetur: & similiter de Deo potest aliquis demonstrative scire quod sit unus, & credere quod sit trinus. Sed de eodem secundum idem non potest esse simul in uno homine scientia nec cum opinione, nec cum fide; alia tamen, & alia ratione. Scientia enim cum opinione simul esse non potest simpliciter de eodem: quia de ratione scientiæ est quod id quod scitur, existimetur esse impossibile aliter se habere; de ratione autem opinionis est quod id quod est opinatum, existimetur possibile aliter se habere. Sed id quod fide tenetur, propter fidei certitudinem existimatur etiam impossibile aliter se habere. Sed ea ratione non potest simul idem, & secundum idem esse scitum, & creditum: quia scitum est visum, & creditum est non visum, ut dictum est (in corp. art.)

## ARTICULUS VI. 6

*Utrum credibilia sint per certos articulos distinguenda.*

III. dist. xxv. quæst. 1. art. 1. corp. & art. 2. ad 6. & I. Cor. xv. princ.

**A**D sextum sic proceditur. Videtur quod credibilia non sint per certos articulos distinguenda. Eorum enim omnium quæ in sacra Scriptura continentur, est fides habenda. Sed illa non possunt reduci ad aliquem certum numerum propter sui multitudinem. Ergo superfluum videtur articulos fidei distinguere.

2. Præterea. Materialis distinctio, cum in infinitum fieri possit, est ab arte prætermittenda. Sed formalis ratio obiecti credibilis est una, & indivisibilis, ut supra dictum est (art. 1. hui. quæst.) scilicet veritas prima; & sic secundum rationem formalem credibilia distinguere non possunt. Ergo prætermittenda est credibilium materialis distinctio per articulos.

3. Præterea. Sicut a quibusdam dicitur,

(a) Ita optime cod. Alcan. Edisti passim: nec vident, nec sciunt ea in seipsis, ut cognoscant ea esse credibilia. Nunc Garcia depravatam locum putans ex Tarraco, remouet hæc in seipsis ut cognoscunt ea. Unde edit. Patav. habent nec vident, nec sciunt ea esse credibilia. (b) Ita cum cod. Alcan. (qui post verbum potest addit quidem) aliisque veteres ediciones, & Nicolaus. Garcia, quem sequuntur edit. Patavina, emendat & opinio. (c) Al. & aliquis.



tur, *articulus est indivisibilis veritas de Deo, articulus nos ad credendum*. Sed credere est voluntarium: quia, sicut Augustinus dicit (tract. xxvi. in Ioan. aliquant. a princ.) *nullus credit nisi volens*. Ergo videtur quod inconvenienter distinguantur credibilia per articulos.

Sed contra est quod Hieronymus dicit: *Articulus est perceptio divinae veritatis tendens in ipsam*. Sed perceptio divinae veritatis competit nobis secundum distinctionem quandam: quae enim in Deo unum sunt, in nostro intellectu multiplicantur. Ergo credibilia debent per articulos distinguui.

Respondeo dicendum, quod nomen articuli ex Graeco videtur esse derivatum, *ἄρθρον* enim (a) in Graeco, quod in Latino *articulus* dicitur, significat quandam coaptationem aliquarum partium distinctionum: & ideo particula corporis sibi invicem coaptatae dicuntur membrorum articuli: & similiter in Grammatica apud Graecos dicuntur articuli quaedam partes orationis coaptatae aliis dictionibus ad exprimendum earum genus, numerum, vel casum: & similiter in Rhetorica articuli dicuntur quaedam partium coaptationes. Dicit enim Tullius in IV. Rhetoricae (ad Heren. aliquant. ante med.) quod *articulus dicitur, cum singula verba intervallis distinguuntur caesa oratione, hoc modo: in Acrimonia, voce, vultu adversarios perterriturissim*.

Unde & credibilia fidei christianae dicuntur per articulos distinguui, in quantum in quasdam partes dividuntur, habentes aliquam coaptationem ad invicem. Est autem obiectum fidei aliquid non visum circa divina, ut supra dictum est (ar. 4. hu. quæst.) Et ideo ubi occurrit aliquid speciali ratione non visum, ibi est specialis articulus; ubi autem multa secundum eandem rationem sunt cognita, vel non cognita, ibi non sunt articuli distinguendi: sicut aliam difficultatem habet (b) ad videndum, quod Deus sit passus, & aliam, quod mortuus resurrexerit: & ideo distinguitur articulus resurrectionis ab articulo passionis. Sed quod sit passus, mortuus, & sepultus, unam & eandem difficultatem habent; ita quod, uno suscepto, non est difficile alia suscipere: & propter hoc omnia hæc pertinent ad unum articulum.

Ad primum ergo dicendum, quod aliqua sunt credibilia, de quibus est fides

secundum se; aliqua vero sunt credibilia, de quibus non est fides secundum se, sed solum in ordine ad alia; sicut etiam (c) in scientiis quædam proponuntur ut per se intenta, & quædam ad manifestationem aliorum. Quia vero fides principaliter est de his quæ videntur speramus in patria, secundum illud Heb. 11. 1. *Fides est substantia sperandarum rerum*; ideo per se ad fidem pertinent illa quæ directe nos ordinant ad vitam æternam; sicut sunt tres personæ omnipotentis Dei, mysterium incarnationis Christi, & alia huiusmodi: & secundum ista distinguuntur articuli fidei. Quædam vero proponuntur in sacra Scriptura ut credenda, non quasi principaliter intentata, sed ad prædictorum manifestationem; sicut quod Abraham habuit duos filios, quod ad tactum ossium Elisei suscitatus est mortuus, & alia huiusmodi, quæ narrantur in sacra Scriptura in ordine ad manifestationem divinæ maiestatis, vel incarnationis Christi: & secundum talia non oportet articulos distinguere.

Ad secundum dicendum, quod ratio formalis obiecti fidei potest accipi dupliciter. Uno modo ex parte ipsius rei creditæ; & sic ratio formalis omnium credibilium est una, scilicet veritas prima: & ex hac parte articuli non distinguuntur. Alio modo potest accipi ratio formalis credibilium ex parte nostri; & sic ratio formalis credibilis est ut sit non visum: & ex hac parte articuli fidei distinguuntur, ut visum est (in corp. art.)

Ad tertium dicendum, quod illa definitio datur de articulo magis secundum quamdam etymologiam nominis, prout habet derivationem latinam, quam secundum eius veram significationem, prout a greco derivatur: unde non est magni ponderis. Potest tamen sic dici, quod licet ad credendum necessitate coactionis nullus ardeatur, cum credere sit voluntarium, ardeatur tamen necessitate finis: quia *accidentem ad Deum oportet credere: & sine fide impossibile est placere Deo*, ut Apollolus dicit Heb. 11. 6.

A 4

A R-

(a) Nicolaus graece. (b) Ita codices, & editi omnes. An ad credendum? conclusiva est Nicolai. (c) Ita Nicolaus & edit. Patav. 1712. Al. in aliis scientiis.

## ARTICULUS VII.

*Utrum articuli fidei secundum successionem temporum creverint.*

*Inf. quest. cxxxiv. art. 6. cor. & III. dist. xxv. quest. 11. art. 2. quest. 1. & I. Cor. 11. princ.*

**A**D septimum sic proceditur. Videtur quod articuli fidei non creverint secundum temporum successionem. Quia ut Apostolus dicit ad Heb. 11. 1. *fides est substantia sperandarum rerum*. Sed omnitempore sunt eadem speranda. Ergo omnitempore sunt eadem credenda.

2. Præterea. In scientiis humanis ordinatis per successionem temporum augmentum factum est propter defectum cognitionis in primis qui scientias invenerunt, ut patet per Philosophum in 11. Metaph. (tex. 1. & 2.) Sed doctrina fidei non est inventa humanitus, sed tradita a Deo: *Dei enim donum est*, ut dicitur Ephel. 11. 8. Cum ergo in Deum nullus defectus scientiæ cadat, videtur quod a principio cognitio credibilium fuerit perfecta, & quod non creverit secundum successionem temporum.

3. Præterea. Operatio gratiæ non minus ordinate procedit quam operatio naturæ. Sed natura semper initium sumit a perfectis, ut Boetius dicit in Lib. III. de consolatione (prosa x. parum a princ.) Ergo etiam videtur quod operatio gratiæ a perfectis initium sumpserit; ita quod illi qui primo tradiderunt fidem, perfectissime eam cognoverunt.

4. Præterea. Sicut per Apostolos ad nos fides Christi pervenit; ita etiam in veteri testamento per priores patres ad posteriores devenit cognitio fidei, secundum illud Deut. xxxii. 7. *Interroga patrem tuum, & annuntiabit tibi*. Sed Apostoli plenissime fuerunt instructi de mysteriis: acceperunt enim *secus tempore prius, ita & ceteris abundantius*, ut dicit Glossa (interl.) super illud Rom. viii. *Nos ipsi primitiis spiritus habentes*. Ergo videtur quod cognitio credibilium non creverit per temporum successionem.

Sed contra est quod Gregorius dicit (hom. xvi. in Ezech. a med. & Hugo de S. Viñ. Lib. I. de Sacram. art. x. cap. vi.) *Secundum incrementa temporum crevit scientia sanctorum Patrum... & quanto*

*viciniores advenit Saluatoris fuerunt, tanto sacramenta salutis plenius percepserunt.*

Respondeo dicendum, quod ita habent in doctrina fidei articuli fidei, sicut principia per se nota in doctrina quæ per rationem naturalem habetur: in quibus principii ordo quidam invenitur, ut quædam in aliis implicite contineantur; sicut omnia principia reduciuntur ad hoc sicut ad primum, *Impossibile est simul affirmare, & negare*, ut patet per Philosophum in IV. Met. (tex. 9. & seq.) Et similiter omnes articuli implicite continentur in aliquibus primis credilibus, scilicet ut credatur Deus esse, & providentiam habere circa hominum salutem, secundum illud ad Heb. xi. 6. *Accedentem ad Deum oportet credere quia est, & quod inquirentibus se remuneratur sit*. In esse enim divino includuntur omnia quæ credimus in Deo æternaliter existere, in quibus nostra beatitudo consistit; in fide autem providentiæ includuntur omnia quæ temporaliter a Deo dispensantur ad hominum salutem, quæ sunt via in beatitudinem: & per hunc etiam modum aliorum subsequentium articulorum quidam in aliis continentur; sicut in fide redemptionis humanæ implicite continentur & incarnatio Christi, & eius passio, & omnia huiusmodi.

Sic ergo dicendum est, quod quantum ad substantiam articulorum fidei, non est factum eorum augmentum per temporum successionem: quia quæcumque posteriores crediderunt, continebantur in fide præcedentium patrum, licet implicite. Sed quantum ad explicationem crevit numerus articulorum: quia quædam explicite cognita sunt a posterioribus, quæ a prioribus non cognoscebantur explicite. Unde Dominus Moyli dicit Exod. vi. 2. (a) *Ego sum Deus Abraham, Deus Isaac, Deus Iacob: & nomen meum Adonai non indicavi eis: & David dicit (Psal. cxviii. 100.) Super senes intellexi: & Apostolus dicit ad Ephel. 11. 5. In aliis generationibus non est (b) agnitus (mysterium Christi) sicut nunc revelatum est sanctis Apostolis eius, & Prophetis.*

Ad primum ergo dicendum, quod semper fuerunt eadem speranda apud homines a Christo. Quia tamen ad hæc speranda homines non pervenerunt nisi per Christum, quanto a Christo fuerunt remotiores secundum tempus, tanto a con-

secu-

(a) *Vulgate*: Ego Dominus, qui apparui Abraham, & Isaac, & Iacob, in Deo omnipotente: & nomen meum &c. (b) *End.* agnitus filius hominum.

secutione sperandorum longinquiores erant. Unde Apostolus dicit ad Hebr. xi. 13. *Iuxta fidem defuncti sunt omnes isti non acceptis repromissionibus, sed a longe eas aspicientes.* Quanto autem aliquid a longinquioribus videtur, tanto minus distincte videtur: & ideo bona speranda distinctius cognoverunt qui fuerunt aduentui Christi vicini.

Ad secundum dicendum, quod profectus cognitionis dupliciter contingit. Uno modo ex parte docentis, qui in cognitione proficit, sive unus, sive plures per temporum successionem: & ista est ratio augmenti in scientiis per rationem humanitatis inventis. Alio modo ex parte addicentis; sicut magister, qui novit totam artem, non statim a principio tradit eam discipulo, quia capere non posset, sed paulatim condescendens eius capacitati: & hac ratione profecerunt homines in cognitione fidei per temporum successionem. Unde Apostolus ad Galat. xii. comparat statum veteris testamenti pueritiae.

Ad tertium dicendum, quod ad generationem naturalem duae causae praexistunt, scilicet agens, & materia. Secundum ergo ordinem causae agentis naturaliter prius est quod est perfectius; & sic natura a perfectis sumit exordium: quia imperfecta non ducuntur ad perfectionem, nisi per aliqua perfecta praexistentia. Secundum vero ordinem causae materialis prius est quod est imperfectius: & secundum hoc natura procedit ab imperfecto ad perfectum. In manifestatione autem fidei Deus est sicut agens, qui habet perfectam scientiam ab aeterno; homo autem est sicut materia recipiens influxum Dei agentis: & ideo oportet quod ab imperfectis ad perfectum procederet cognitio fidei in hominibus: & licet in hominibus quidam se habuerint per modum causae agentis, quia fuerunt fidei doctores; tamen manifestatio spiritus datur talibus ad utilitatem communem, ut dicitur I. ad Cor. xii. & ideo tantum dabatur parvulis, qui erant instructores fidei, de cognitione fidei, quantum oportebat pro tempore illo populo tradi vel nude, vel in figura.

Ad quartum dicendum, quod ultima consummatio gratiae facta est per Christum: unde & tempus eius dicitur *tempus plenitudinis* ad Galat. iv. Et ideo illi qui fuerunt propinquiores Christo, vel ante, sicut Ioannes Baptista, vel post, sicut Apostoli, plenius mysteria fidei co-

gnoverunt: quia & circa statum hominis hoc videmus, quod perfectio est in iuventute, & tanto habet homo perfectiorem statum vel ante, vel post, quanto est iuvenuti propinquior.

## ARTICULUS VIII. 8

*Utrum articuli fidei convenienter enumerentur.*

*II. dist. xxv. quaest. 1. art. 2. Et op. xii. cap. cclv. Et op. v. per tot.*

**A**D octavum sic proceditur. Videtur quod inconvenienter articuli fidei enumerentur. Ea enim quae possunt ratione demonstrativa sciri, non pertinent ad fidem, ut apud homines sint credibilia, sicut supra dictum est (art. 5. huius quaest.) Sed Deum esse unum potest esse scitum per demonstrationem: unde & Philosophus hoc in XII. Met. (text. 52. & seq.) probat, & multi alii Philosophi ad hoc demonstrationes induxerunt. Ergo Deum esse unum non debet poni unus articulus fidei.

2. Praeterea. Sicut de necessitate fidei est quod credamus Deum omnipotentem; ita etiam quod credamus eum omnia scientem, & omnibus providentem: & circa utrumque horum aliqui erraverunt. Debuit ergo inter articulos fidei fieri mentio de sapientia, & providentia divina, sicut & de omnipotentia.

3. Praeterea. Eadem est noecia Patris, & Filii, secundum illud Ioan. xiv. 9. *Qui videt me, videt & Patrem.* Ergo unus tantum articulus debet esse de Patre, & Filio, & eadem ratione de Spiritu sancto.

4. Praeterea. Persona Patris non est minor quam Filii, & Spiritus sancti. Sed plures articuli ponuntur circa personam Spiritus sancti, & similiter circa personam Filii. Ergo plures articuli debent poni circa personam Patris.

5. Praeterea. Sicuti personae Patris, & personae Spiritus sancti aliquid appropriatur, ita & personae Filii secundum Divinitatem. Sed in articulis fidei ponitur aliquod opus appropriatum Patri, scilicet opus creationis; & similiter aliquid opus appropriatum Spiritui sancto, scilicet quod *locutus est per Prophetas*. Ergo etiam inter articulos fidei debet aliquid opus appropriari Filio secundum Divinitatem.

6. Praeterea. Sacramentum Eucharistiae habet specialem difficultatem praemul-

multis articulis. Ergo de eo debuit poni specialis articulus. Non videtur ergo quod articuli sufficienter enumerentur.

Sed in contrarium est auctoritas Ecclesiae sic enumerantis. (Vid. etiam cap. *Qui Episcopus* dist. xxiii.)

Respondeo dicendum, quod, sicut dictum est (art. 4 & 6. huius quaest.) illa per se pertinent ad finem quorum visione in vita aeterna perfruemur, & per quae dicemur ad vitam aeternam. Duo autem nobis videnda proponuntur; scilicet occultum Divinitatis, cuius visio nos beatos facit; & mysterium humanitatis Christi, per quod in gloriam filiorum Dei accessum habemus, ut dicitur ad Rom. v. Unde dicitur Ioan. xvii. 3. *Hec est vita aeterna ut cognoscant te Deum verum, & quem misisti Iesum Christum.* Et ideo prima distinctio credibilium est quod quaedam pertinent ad maiestatem Divinitatis, quaedam vero pertinent ad mysterium humanitatis Christi, quod est pietatis sacramentum, ut dicitur I. ad Tim. iv.

Circa maiestatem autem Divinitatis tria nobis credenda proponuntur. Primo quidem unitas Divinitatis; & ad hoc pertinet primus articulus: secundo Trinitas personarum; & de hoc sunt tres articuli secundum tres personas: tertio vero proponuntur nobis opera Divinitatis propria: quorum primum pertinet ad esse naturae; & sic proponitur nobis articulus creationis; secundum vero pertinet ad esse gratiae; & sic proponuntur nobis sub uno articulo omnia pertinentia ad sanctificationem humanam; tertium vero pertinet ad esse gloriae; & sic proponitur nobis alius articulus de resurrectione carnis, & de vita aeterna. Et ita sunt septem articuli ad Divinitatem pertinentes.

Similiter etiam circa humanitatem Christi ponuntur septem articuli: quorum primus est de incarnatione, sive de conceptione Christi; secundus de natiuitate eius ex Virgine; tertius de passione eius, & morte, & sepultura; quartus est de descensu ad inferos; quintus est de resurrectione; sextus de ascensione; septimus de adventu ad iudicium; & sic in universum sunt quatuordecim.

Quidam tamen distinguunt duodecim articulos fidei, sex pertinentes ad Divinitatem, & sex pertinentes ad humanitatem. Tres enim articulos trium personarum comprehendunt sub uno: quia eadem est cognitio trium personarum. Articulus vero de opere glorificationis

distinguunt in duos, scilicet resurrectionem carnis, & gloriam animae. Similiter articulum conceptionis, & natiuitatis coniungunt in unum.

Ad primum ergo dicendum, quod multa per fidem tenemus de Deo quae naturali ratione investigare Philosophi non potuerunt, puta circa providentiam eius, & omnipotentiam, & quod ipse solus sit colendus: quae omnia continentur sub articulo unitatis Dei.

Ad secundum dicendum, quod ipsum nomen Divinitatis importat provisionem quandam, ut in I. dictum est (quaest. xiii. art. 8.) Potentia autem in habentibus intellectum non operatur nisi secundum voluntatem, & cognitionem. Et ideo omnipotentia Dei includit quoddammodo omnium scientiam, & providentiam. Non enim posset omnia quae vellent, in istis inferioribus agere, nisi ea cognosceret, & eorum providentiam haberet.

Ad tertium dicendum, quod Patris, & Filii, & Spiritus sancti est una cognitio quantum ad unitatem essentiae, quae pertinet ad primum articulum; quantum vero ad distinctiōnem personarum, quae est per relationes originis, quoddammodo in cognitiōne Patris includitur cognitio Filii: non enim esset Pater, si Filium non haberet, quorum nexus est Spiritus sanctus. Et quantum ad hoc bene moti sunt qui posuerunt unum articulum trium personarum. Sed quia circa singulas personas sunt aliqua attendenda, circa quae contingit esse errorem, quantum ad hoc de tribus personis possunt poni tres articuli. Arius enim credidit Patrem omnipotentem, & aeternum; sed non credidit Filium coequalem, & consubstantialē Patri: & ideo necessarium fuit apponere articulum de persona Filii, ad hoc determinandum. Et eadem ratione contra Macedoniam necesse fuit ponere articulum tertium de persona Spiritus sancti. Et similiter etiam conceptio Christi, & natiuitas, & etiam resurrectio, & vita aeterna secundum unam rationem possunt comprehendī sub uno articulo, in quantum ad unum ordinantur; & secundum aliam rationem possunt distinguī, in quantum eorum habent speciales difficultates.

Ad quartum dicendum, quod Filio, & Spiritui sancto convenit nuntiā ad sanctificandam creaturam; circa quod plurima credenda occurrunt; & ideo circa personam Filii, & Spiritus sancti plures articuli.

vinculi multiplicatur, quam circa personam Patris, quæ nunquam mittitur, ut in I. dictum est (quaest. XLIII. artic. 4.)

Ad quintum dicendum, quod sanctificatio creaturæ per gratiam, & consummatio per gloriam fit etiam per donum caritatis, quod appropriatur Spiritui sancto, & per donum sapientiae, quod appropriatur Filio: & ideo utrumque opus pertinet ad Filium, & ad Spiritum sanctum per appropriationem secundum rationes diversas.

Ad sextum dicendum, quod in sacramento Eucharistiae duo possunt considerari: unum scilicet quod sacramentum est; & hoc habet eandem rationem cum aliis effectibus gratiae sanctificantis: aliud est quod miraculose ibi corpus Christi continetur; & sic concluditur sub omnipotentia, sicut & omnia alia miracula, quæ omnipotentiae attribuantur.

# ARTICULUS IX.

*Utrum convenienter articuli fidei in symbolo ponantur.*

III. dist. XXV. quaest. 11. art. 2. & opus. V. & VI.

**A**D nonum sic proceditur. Videtur quod inconvenienter articuli fidei in symbolo ponantur. Sacra enim Scriptura est regula fidei, cui nec addere, nec subtrahere licet: dicitur enim Deut. 10. 2. *Non addetis ad verbum quod vobis loquor, neque auferetis ab eo.* Ergo illicitum fuit aliud symbolum constituere, quasi regulam fidei, post sacram Scripturam editam.

2. Præterea. Sicut Apostolus dicit ad Ephes. 4. 5. *una est fides.* Sed symbolum est professio fidei. Ergo inconvenienter traditur multiplex symbolum.

3. Præterea. Confessio fidei, quæ in symbolo continetur, pertinet ad omnes fideles. Sed non omnibus fidelibus convenit credere in Deum, sed solum illis qui habent fidem formatam. Ergo inconvenienter symbolum fidei traditur sub hac forma verborum, *Credo in unum Deum.*

4. Præterea. Descensus ad inferos est unus de articulis fidei, sicut supra dictum est (art. præc.) Sed in symbolo (a) Patrum non fit mentio de descensu ad inferos. Ergo videtur insufficienter collectum.

5. Præterea. Sicut Augustinus dicit exponens illud Ioan. XIV. 1. *Creditis in Deum, & in me credite* (tract. XXIX. in Ioan. a med.) „Petro, aut Paulo credimus; sed non diciunt credere nisi in Deum.“ Cum ergo Ecclesia catholica sit pure aliquod creatum, videtur quod inconvenienter dicatur: *In unum, sanctam, catholicam, & apostolicam Ecclesiam.*

6. Præterea. Symbolum ad hoc traditur ut sit regula fidei. Sed regula fidei debet omnibus preponi, & publice. Quodlibet ergo symbolum deberet in Missa cantari, sicut symbolum Patrum. Non videtur ergo esse convenientis editio articulorum fidei in symbolo.

Sed contra est quod Ecclesia universalis non potest errare: quia a Spiritu sancto gubernatur, qui est spiritus veritatis: hoc enim promisit Dominus discipulis Ioan. XVI. 13. dicens: *Cum venerit ille Spiritus veritatis, docebit vos omnem veritatem.* Sed symbolum est auctoritate universalis Ecclesiae editum. Nihil ergo incongruens in eo continetur.

Respondeo dicendum, quod, sicut Apostolus dicit ad Hebr. XI. 6. *accedentem ad Deum oportet credere.* Credere autem non potest aliquis, nisi ei veritas, quam credat, proponatur. Et ideo necessarium fuit fidei veritatem in unum colligi, ut facilius posset omnibus proponi, ne aliquis per ignorantiam fidei a veritate deficeret.

Et ab huiusmodi sententiarum fidei collectione nomen symboli est acceptum.

Ad primum ergo dicendum, quod veritas fidei in sacra Scriptura diffuse continetur, & variis modis, & in quibusdam obscure; ita quod ad eliciendum fidei veritatem ex sacra Scriptura requiritur longum studium, & exercitium, ad quod non possunt pervenire omnes illi quibus necessarium est cognoscere fidei veritatem: quorum plerique aliis negotiis occupati studio vacare non possunt. Et ideo fuit necessarium ut ex sententiis sacrae Scripturae aliquid manifestum summarie colligeretur, quod proponeretur omnibus ad credendum: quod quidem non est additum sacrae Scripturae, sed potius ex sacra Scriptura sumptum.

Ad secundum dicendum, quod in omnibus symbolis eadem fidei docetur veritas; sed ibi oportet populum diligentius instrui de fidei veritate, ubi errores insurgunt, ut fides simplicium per hæreticos corruptatur. Et hæc fuit causa

(a) Ita codd. Edito quidam antiquorum Patrum.

sa quare necesse fuit edere plura symbola, quæ in nullo alio differunt, nisi quod in uno plenius explicantur quæ in alio continentur implicite, secundum quod exigebat hæreticorum instantia.

Ad tertium dicendum, quod confessio fidei traditur in symbolo quasi ex persona totius Ecclesiæ, quæ per hanc unitur. Fides autem Ecclesiæ est fides formata. Talis enim fides invenitur in omnibus illis qui sunt numero, & merito de Ecclesia. Ed ideo confessio fidei in symbolo traditur, secundum quod convenit fidei formatæ; ut etiam si qui fideles fidei formatam non habent, ad hanc formam pertinere studeant.

Ad quartum dicendum, quod de descensu ad inferos nullus error erat exortus apud hæreticos; & ideo non fuit necessarium aliquam explicationem circa hoc fieri; & propter hoc non reiteratur in symbolo Patrum, sed supponitur tamquam prædeterminatum in symbolo Apostolorum. Non enim symbolum sequens abolet præcedens, sed potius illud exponit, ut dictum est (in respons. ad 2.)

Ad quintum dicendum, quod indicatur, in sanctam Ecclesiam catholicam, hoc est intelligendum secundum quod fides nostra refertur ad Spiritum sanctum, qui sanctificat Ecclesiam; ut sit sensus, *Credo in Spiritum sanctum sanctificantem Ecclesiam*.

Sed melius est, & secundum communem usum, ut non ponatur ibi in, sed simpliciter dicatur, *Sanctam Ecclesiam catholicam*, sicut etiam Leo Papa dicit (Hoc hab. Rufinus in exposit. symb. inter op. Cypriani.)

Ad sextum dicendum, quod quia symbolum Patrum est declarativum symboli Apostolorum, & etiam fuit conditum fide iam manifestata, & Ecclesia pacem habente, propter hoc publice in Missa canatur. Symbolum autem Apostolorum, quod tempore persecutionis editum fuit, hodie nondum publicata, occulte dicitur in Prima, & in Completorio, quasi contra tenebras errorum præteritorum, & futurorum.

## ARTICULUS X. 10

*Utrum ad summum Pontificem pertineat fidei symbolum ordinare.*

*Infr. quæst. xi. art. 2. ad 3. & pot. quæst. x. art. 4. ad 13.*

**A**D decimum sic proceditur. Videtur quod non pertineat ad summum Pontificem fidei symbolum ordinare. Nova enim editio symboli necessaria est propter explicationem articulorum fidei, sicut dictum est (art. præc.) Sed in veteri testamento articuli fidei magis ac magis explicabantur secundum temporum successionem, propter hoc quod veritas fidei magis manifestabatur secundum maiorem propinquitatem ad Christum, ut supra dictum est (art. 7. huius quæst. in corp. & ad 1.) Cesante ergo tali causa in nova lege, non debet fieri maior ac maior explicatio articulorum fidei. Ergo non videtur ad auctoritatem summi Pontificis pertinere nova editio symboli.

2. Præterea. Illud quod est sub anathemate interdictum ab universali Ecclesia, non subest potestati hominis aliquius. Sed nova symboli editio interdicitur est sub anathemate auctoritate universalis Ecclesiæ: dicitur enim in gelis (a) primæ Ephesinæ Synodi (P. II. ad. vi. in decreto de fide) quod *perfecto symbolo Nicænæ Synodi, decrevisse sancta Synodus aliam fidem nulli licere proferre, vel conscribere, vel componere præter definitum a sanctis Patribus qui in Nicæa congregati sunt cum Spiritu sancto*; & subditur anathematis poena: & idem etiam reiteratur in gelis Chalcedonenis Synodi (P. II ad. v. sub fin.) Ergo videtur quod non pertineat ad auctoritatem summi Pontificis nova editio symboli.

3. Præterea. Athanasius non fuit summus Pontifex, sed Alexandrinus Patriarcha; & tamen symbolum constituit, quod in Ecclesia canatur. Ergo non magis videtur pertinere editio symboli ad summum Pontificem quam ad alios.

Sed contra est quod editio symboli facta est in Synodo generali. Sed huiusmodi Synodus auctoritate solius summi Pontificis potest congregari, ut habetur in Decret. dist. xvii. (cap. iv. & v.)

Er.

(a) Ita codices, & editi veteres libri, quibus adherent etiam Patav. edit. Nicolatus domini vocem primam: quia secunda Synodus non Concilium, sed latrocinium fuit.

Ergo editio symboli ad auctoritatem summi Pontificis pertinet.

Respondeo dicendum, quod, sicut supra dictum est (in arg. 1.) nova editio symboli necessaria est ad vitandum insurrentes errores. Ad illius ergo auctoritatem pertinet editio symboli ad cuius auctoritatem pertinet finaliter determinare ea quae sunt fidei, ut ab omnibus inconcussa fide teneantur. Hoc autem pertinet ad auctoritatem summi Pontificis, ad quem maiores, & difficiliore Ecclesiae quaestiones referuntur, ut dicitur in Decretalibus, extra de baptismo, cap. *Maiores*. Unde & Dominus Luc. xxii. 32. Petro dicit, quem summum Pontificem constituit: *Ego pro te rogaui, Petre, ut non deficiat fides tua: & tu aliquando converſus confirma fratres tuos*. Et huius ratio est, quia una fides debet esse totius Ecclesiae, secundum illud I. Cor. 1. 10. *Idipſum dicatis omnes, & non sint in vobis schismata*: quod servari non posset, nisi quaestio fidei exorta determinetur per eum qui toti Ecclesiae praesert; ut sic eius sententia a tota Ecclesia firmiter teneatur. Et ideo ad solam auctoritatem summi Pontificis pertinet nova editio symboli, sicut & omnia alia quae pertinent ad totam Ecclesiam, ut congregare Synodum generalem, & alia huiusmodi.

Ad primum ergo dicendum, quod in doctrina Christi, & Apostolorum veritas fidei est sufficienter explicata. Sed quia perverſi homines apostolicam doctrinam, & ceteras doctrinas, & scripturas pervertunt ad sui ipsorum perditionem, sicut dicitur II. Petr. ult. ideo necessaria fuit temporibus procedentibus explicatio fidei contra insurgentes errores.

Ad secundum dicendum, quod prohibitio, & sententia Synodi se extendit ad privatas personas, quarum non est determinare de fide: non enim per huiusmodi sententiam Synodi generalis ablata est potestas sequenti Synodo novam editionem symboli facere, non quidem aliam fidem continentem, sed eandem magis expositam. Sic enim quaelibet Synodus observavit, ut sequens Synodus aliquid exponeret supra id quod praecedens Synodus exposuerat, propter necessitatem alicuius haereticis insurgentis. Unde pertinet ad summum Pontificem, cuius auctoritate Synodus congregatur, & eius sententia confirmatur.

(a) *Al. inquisitus.*

Ad tertium dicendum, quod Achanasius non composuit manifestationem fidei per modum symboli, sed magis per modum cuiusdam doctrinae, ut ex ipso modo loquendi apparet. Sed quia integram fidei veritatem eius doctrina breviter continebat, auctoritate summi Pontificis est recepta, ut quasi regula fidei habeatur.

## QUAESTIO II.

*De actu fidei,*

*in decem articulos divisa.*

**D**Einde considerandum est de actu fidei: & primo de actu interiori; secundo de actu exteriori.

Circa primum quaeruntur decem.

Primo, quid sit credere, quod est actus interior fidei.

Secundo, quot modis dicatur.

Tertio, utrum credere aliquid supra rationem naturalem sit necessarium ad salutem.

Quarto, utrum credere ea ad quae ratio naturalis pervenire potest, sit necessarium.

Quinto, utrum sit necessarium ad salutem credere aliqua explicito.

Sexto, utrum ad credendum explicite omnes aequaliter teneantur.

Septimo, utrum habere fidem explicitam de Christo semper sit necessarium ad salutem.

Octavo, utrum credere Trinitatem explicite sit de necessitate salutis.

Nono, utrum actus fidei sit meritorius.

Decimo, utrum ratio humana diminuat meritum fidei.

## ARTICULUS I. 11

*Utrum credere sit cum assensione cogitare.*

III. dist. xxiii. quaest. 11. art. 2. & ver. quaest. xvi. art. 1.

**A**D primum sic proceditur. Videtur quod credere non sit cum assensione cogitare. Cogitatio enim importat quamdam inquisitionem: dicitur enim *cogitare*, quasi *coagitare*, vel *simul agitare*. Sed Damascenus dicit in IV. Lib. (orth. Fid. cap. xii.) quod *fides est non (a) inquisitivus assensus*. Ergo cogitare non pertinet ad actum fidei.

2. Praeterea. Fides in ratione ponitur, ut infra dicitur (quaest. xv. art. 2.)

Sed

Sed cogitare est actus cogitativæ potentiae: quæ pertinet ad partem sensitivam, ut in primo dictum est (quæst. lxxviii. art. 4.) Ergo cogitatio ad fidem non pertinet.

3. Præterea. Credere est actus intellectus: quia eius obiectum est verum. Sed assentire non videtur esse actus intellectus, sed voluntatis, sicut etiam consentire, ut supra dictum est (1. 2. quæst. xv. art. 1. ad 3.) Ergo credere non est cum assensione cogitare.

Sed in contrarium est quod Augustinus sic definit credere in Lib. de prædestinatione sanctorum (cap. 11. cir. med.)

Respondet dicendum, quod cogitare tripliciter sumi potest. Uno modo communiter pro qualicumque actuali consideratione intellectus, sicut Augustinus dicit in XIV. de Trin. (cap. vii. a med.) *Hanc nunc dico intelligentiam, qua intelligimus cogitantes.* Alio modo dicitur cogitare

magis proprie consideratio intellectus, quæ est cum quadam inquisitione, antequam perveniat ad perfectionem intellectus per certitudinem visionis: & secundum hoc Augustinus dicit XV. de Trin. (cap. xvi. in princ.) quod *Dei Filius non cogitatio dicitur, sed Verbum Dei dicitur.* Cogitatio quippe nostra perveniens ad id quod scimus, atque inde formata, verbum nostrum est. Et ideo Verbum Dei sine cogitatione Dei debet intelligi, non aliquid habens formabile, quod possit esse informe. Et secundum hoc cogitatio proprie dicitur motus animi deliberantis, nondum perfecti per plenam visionem veritatis. Sed quia talis motus potest esse vel animi deliberantis circa intentiones universales, quod pertinet ad intellectivam partem, vel circa intentiones particulares, quod pertinet ad partem sensitivam; ideo cogitare secundo modo sumitur pro actu intellectus deliberantis; tertio modo pro actu virtutis cogitativæ.

Si ergo cogitare sumatur communiter secundum primum modum, sic hoc quod dicitur cum assensione cogitare, non dicit totam rationem eius quod est credere. Nam per hunc modum etiam qui considerat ea quæ scit, vel intelligit, cum assensione cogitat. Si vero sumatur cogitare secundo modo, sic in hoc intelligitur tota ratio huius actus qui est credere. Actuum enim ad intellectum pertinentium quidam habent firmam assensionem abique tali cogitatione; sicut cum aliquis considerat ea quæ scit, vel intel-

ligit: talis enim consideratio iam est formata. Quidam vero actus intellectus habent quidem cogitationem informem absque firma assensione; sive in neutram partem declinent, sicut accidit dubitanti; sive in unam partem magis declinent, sed (a) tententur aliquo levi signo, sicut accidit suspicanti; sive uni parti adhæreant, tamen cum formidine alterius, quod accidit opinanti. Sed actus iste qui est credere, habet firmam adhæssionem ad unam partem; in quo convenit credens cum sciente, & intelligente: & tamen eius cognitio non est perfecta per (b) manifestam visionem; in quo convenit cum dubitante, suspicante, & opinante: & sic proprium est credentis ut cum assensu cogitet.

Et propter hoc distinguitur iste actus qui est credere, ab omnibus actibus intellectus, qui sunt circa verum, vel falsum.

Ad primum ergo dicendum, quod fides non habet inquisitionem rationis naturalis demonstrantis id quod creditur; habet tamen inquisitionem quamdam seorum per quæ inducitur homo ad credendum; puta quia sunt dicta a Deo, & miraculis confirmata.

Ad secundum dicendum, quod cogitare non sumitur hic, prout est actus cogitativæ virtutis, sed prout pertinet ad intellectum, ut dictum est (in corp. art.)

Ad tertium dicendum, quod intellectus credentis determinatur ad unum, non per rationem, sed per voluntatem: & ideo assensus hic accipitur pro actu intellectus, secundum quod a voluntate determinatur ad unum.

## ARTICULUS II. 12.

*Utrum convenienter distinguantur actus fidei per hoc quod est credere Deo, credere Deum, & credere in Deum.*

III. dist. xxxii. quæst. 11. art. 2. quæst. 2. & ver. quæst. xiv. art. 7 ad 7. & Ioan. 1x. lect. 3. & Rom. 1v.

Ad secundum sic proceditur. Videtur quod inconvenienter distinguantur actus fidei per hoc quod est credere Deo, credere Deum, & credere in Deum. Unius enim habitus unus est actus. Sed fides est unus habitus, cum sit una virtus. Ergo inconvenienter ponuntur plures actus fidei.

2. Præ-

1. Et tenentur. (b) A. maximam.



2. Præterea. Id quod est commune omni actui fidei, non debet poni ut particularis actus fidei. Sed *credere Deo* invenitur communiter in quolibet actu fidei, quia fides innititur primæ veritati. Ergo videtur quod inconvenienter distinguatur a quibusdam aliis actibus fidei.

3. Præterea. Id quod convenit etiam non fidelibus, non potest poni inter fidei actus. Sed *credere Deum esse* convenit etiam infidelibus. Ergo non debet poni inter actus fidei.

4. Præterea. Moveri in finem pertinet ad voluntatem, cuius obiectum est bonum, & finis. Sed credere non est actus voluntatis, sed intellectus. Ergo non debet poni differentia una eius quod est *credere in Deum*, quod importat motum in finem.

Sed contra est quod Augustinus hanc distinctionem ponit in Lib. de verbis Domini ( sen. lxi. cap. xi. ) & super Ioan. ( tract. xxi. a med )

Respondeo dicendum, quod actus cuiuslibet potentie, vel habitus accipitur secundum ordinem potentie, vel habitus ad suum obiectum. Obiectum autem fidei potest tripliciter considerari. Cum enim credere ad intellectum pertineat, prout est a voluntate motus ad assentiendum, ut dictum est ( art. præc. ad 3. ) potest obiectum fidei accipi vel ex parte ipsius intellectus, vel ex parte voluntatis intellectum moventis.

Si quidem ex parte intellectus, sic in obiecto fidei duo possunt considerari, sicut supra dictum est ( quæst. 1. art. 1. ) Quorum unum est materiale obiectum fidei : & sic ponitur actus fidei *credere Deum* : quia, sicut supra dictum est ( ibid. ) nihil proponitur nobis ad credendum, nisi secundum quod ad Deum pertinet. Aliud autem est formalis ratio obiecti, quod est sicut medium, propter quod tali credibili assentitur : & sic ponitur actus fidei *credere Deo* : quia, sicut supra dictum est ( ibid. ) formale obiectum fidei est veritas prima, cui inhaeret homo, ut propter eam creditis assentiat.

Si vero consideretur tertio modo obiectum fidei, secundum quod intellectus est motus a voluntate, sic ponitur actus fidei *credere in Deum*. Veritas enim prima ad voluntatem refertur, secundum quod habet rationem finis.

Ad primum ergo dicendum, quod per ista tria non designantur diversi actus fidei, sed unus & idem actus habens diversam relationem ad fidei obiectum.

Et per hoc patet responsio ad secundum.

Ad tertium dicendum, quod *credere Deum* non convenit infidelibus sub ea ratione qua ponitur actus fidei. Non enim credunt Deum esse sub his conditionibus quas fides determinat : & ideo nec vere Deum credunt : quia, ut Philosophus dicit IX. Metaph. ( text. 22. ) in simplicibus defectus cognitionis est solum in non attingendo totaliter.

Ad quartum dicendum, quod, sicut supra dictum est ( 1. 2. quæst. ix. art. 1. ) voluntas movet intellectum, & alias vires animæ in finem : & secundum hoc ponitur actus fidei *credere in Deum*.

## ARTICULUS III. 13

*Utrum credere aliquid supra rationem naturalem sit necessarium ad salutem.*

III. dist. xxiv. art. 3. & I. cont. cap. v. & III. cap. cxviii. & cli. & v. quæst. xiv. art. 10.

AD tertium sic proceditur. Videtur quod credere aliquid supra rationem naturalem non sit necessarium ad salutem. Ad salutem enim, & perfectionem cuiuslibet rei ea sufficere videntur quæ conveniunt ei secundum suam naturam. Sed ea quæ sunt fidei, excedunt naturalem hominis rationem, cum sint non apparentia, ut supra dictum est ( quæst. 1. art. 4. ) Ergo credere non videtur necessarium esse ad salutem.

2. Præterea. Periculose homo assentit illis in quibus non potest iudicare, utrum illud quod ei proponitur, sit verum, vel falsum, secundum illud Iob xii. 11. *Nonne auris verba diiudicat?* Sed tale iudicium homo habere non potest in his quæ sunt fidei : quia homo non potest ea resolvere in principia prima, per quæ de omnibus iudicamus. Ergo periculosum est talibus fidem adhibere. Credere ergo non est necessarium ad salutem.

3. Præterea. Salus hominis in Deo consistit, secundum illud Psal. xxxvii. 18. *Salus autem iustorum a Domino.* Sed invisibilia Dei per ea quæ facta sunt, intellecta conspiciuntur, semper terna quoque virtus eius, & Divinitas, ut dicitur Rom. 1. 20. quæ autem conspiciuntur intellectu, non creduntur. Ergo non est necessarium ad salutem ut homo aliqua credat.

Sed contra est quod dicitur Hebr. xi. 6. *Sine fide impossibile est placere Deo.*

Respondeo dicendum, quod in omnibus

bus naturis ordinatis invenitur quod ad perfectionem naturæ inferioris duo concurrunt; unum quidem quod est secundum proprium motum; aliud autem quod est secundum motum superioris naturæ; sicut aqua secundum motum proprium movetur ad centrum, secundum autem motum Lunæ movetur circa centrum secundum fluxum, & refluxum. Similiter etiam orbes planetarum moventur propriis motibus ab Occidente in Orientem, motu autem primi orbis ab Oriente in Occidentem. Sola autem natura rationalis creata habet immediatum ordinem ad Deum: quia ceteræ creaturæ non attingunt ad aliquid univernale, sed solum ad aliquid particulare, participantem divinam bonitatem vel in essendo tantum, sicut inaniam, vel etiam in vivendo, & cognoscendo singularia, sicut plantæ, & animalia. Natura autem rationalis, in quantum cognoscit universalem boni, & entis rationem, habet immediatum ordinem ad univernale ensendi principium.

Perfectio ergo rationalis creaturæ non solum consistit in eo quod ei competat secundum suam naturam, sed in eo etiam quod ei attribuitur ex quadam supernaturali (a) participatione divinæ bonitatis. Unde & supra dictum est (1. 2. quæst. 111. art. 8.) quod ultima beatitudo hominis consistit in quadam supernaturali Dei visione. Ad quam quidem visionem homo pertingere non potest nisi per modum addiscentis a Deo doctore, secundum illud Ioan. vi. 45. *Omnis qui audit a Patre, & didicit, venit ad me.* Huius autem disciplinæ fit homo particeps non statim, sed successive, secundum modum suæ naturæ. Omnis autem talis addiscentis oportet quod credat, ad hoc quod ad perfectam scientiam perveniat; sicut etiam Philosophus dicit (Lib. 1. Elench. cap. 11.) quod oportet addiscentem credere.

Unde ad hoc quod homo perveniat ad perfectam visionem beatitudinis, præcigitur quod credat Deo, tamquam discipulus magistro docenti.

Ad primum ergo dicendum, quod quia natura hominis dependet a superiori natura, ad eius perfectionem non sufficit cognitio naturalis, sed requiritur quedam supernaturalis, ut supra dictum est (in corp.)

Ad secundum dicendum, quod sicut homo per naturale lumen intellectus assen-

dit principis, ita homo virtuosus per habitum virtutis habet rectum iudicium de his quæ conveniunt illi virtuti: & hoc modo etiam per lumen fidei divinitus infusum homini, homo assentit his quæ sunt fidei, non autem contrariis: & ideo nihil periculi, vel damnationis inest his qui sunt in Christo Iesu, ab ipso illuminati per fidem.

Ad tertium dicendum, quod invisibilia Dei altiori modo quantum ad plura percipit fides, quam ratio naturalis ex creaturis in Deum procedens. Unde dicitur Eccli. 111. 25. *Proxima super sensum hominis offensa sunt ibi.*

#### ARTICULUS IV. 14

*Utrum credere ea quæ ratione naturali probari possunt, sit necessarium.*

III. dist. xxiv. art. 3. quæst. 1. & 1. cons. cap. 1v. & ver. quæst. xiv. art. 10. corp. & Boet. Trin. quæst. 111. art. 1.

**A**D quartum sic proceditur. Videtur quod ea quæ ratione naturali probari possunt, non sit necessarium credere. In operibus enim Dei nihil superfluum invenitur, multo minus quam in operibus naturæ. Sed ad id quod per unum potest fieri, superflue apponitur aliud. Ergo ea quæ per naturalem rationem cognosci possunt, superfluum esset per fidem accipere.

2. Præterea. Ea necesse est credere de quibus est fides. Sed non est de eodem scientia, & fides, ut supra habicum est (quæst. 1. art. 4. & 5.) Cum ergo scientia sit de omnibus illis quæ naturali ratione cognosci possunt, videtur quod non oporteat credere ea quæ per naturalem rationem probantur.

3. Præterea. Omnia scibilia videntur esse unius rationis. Si ergo quedam eorum proponuntur homini ut credenda, pari ratione omnia huiusmodi necesse esset credere. Hoc autem est falsum. Non ergo ea quæ per naturalem rationem cognosci possunt, necesse est credere.

Sed contra est, quia necesse est credere Deum esse unum, & incorporeum: quæ naturali ratione a Philosophis probantur.

Respondetur dicendum, quod necessarium est homini accipere per modum fidei non solum ea quæ sunt supra rationem,

(a) Ita ex margine cod. Tarrac. emendavit Garzia, quem sequuntur Nicolai, & recentiores passim. Cod. Alcan. editio Rom. aliæque versu perfectione.

nem, sed etiam ea quæ per rationem cognosci possunt: & hoc propter tria. Primo quidem ut citius homo ad veritatis divinæ cognitionem perveniat. Scientia enim ad quam pertinet probare Deum esse, & alia huiusmodi de Deo, ultimo hominibus addiscenda proponitur, præsuppositis multis aliis scientiis: & sic non nisi post multum tempus vitæ suæ homo ad Dei cognitionem perveniret. Secundo ut cognitio Dei sit communior. Multi enim in studio scientiæ proficere non possunt vel propter hebetudinem ingenii, vel propter alias occupationes, & necessitates temporales vitæ, vel etiam propter torporem addiscendi: qui omnino Dei cognitione fraudarentur, nisi proponerentur eis divina per modum fidei. Tercio propter certitudinem. Ratio enim humana in rebus divinis est multum deficiens. Cuius signum est, quia Philosophi de rebus humanis naturali investigatione percurantes in multis erraverunt, & sibi ipsi contraria sentierunt. Ut ergo esset indubitata, & certa cognitio apud homines de Deo, oportuit quod divina eis per modum fidei traderentur, quasi a Deo dicta, qui mentiri non potest.

Ad primum ergo dicendum, quod investigatio naturalis rationis non sufficit humano generi ad cognitionem divinum, etiam quæ ratione ostendi possunt: & ideo non est superfluum ut talia credantur.

Ad secundum dicendum, quod de eodem non potest esse scientia, & fides apud eundem; sed id quod est ab uno scitum, potest esse ab alio creditum, ut supra dictum est (quæst. 1. art. 5.)

Ad tertium dicendum, quod etsi omnia scibilia conveniant in ratione scientiæ, non tamen conveniunt in hoc quod æqualiter ordinant ad beatitudinem: & ideo non æqualiter omnia proponuntur ut credenda.

## ARTICULUS V.

*Utrum homo teneatur ad credendum aliquid explicite.*

*I. dist. xxxiii. art. 5. corp. & III. dist. xxv. quæst. 1. art. 2. quæst. 3. & ver. quæst. xiv. art. 11.*

**A**D quintum sic proceditur. Videtur quod non teneatur homo ad credendum aliquid explicite. Nullus enim te-

*(a) Vulgata: in dexteram maxillam tuam, præbe illi & alteram.*

netur ad id quod non est in eius potestate. Sed credere aliquid explicite non est in hominis potestate: dicitur enim Rom. x. 14. *Quomodo credent in illum quem non audierunt? quomodo audient sine prædicante? quomodo autem prædicabunt, nisi mittantur?* Ergo credere aliquid explicite homo non tenetur.

2. Præterea. Sicut per fidem ordinamur in Deum, ita etiam per caritatem. Sed ad servandum præcepta caritatis homo non tenetur, sed sufficit sola præparatio animi, sicut patet in illo præcepto Domini quod ponitur Matth. v. 39. *Si quis percusserit te (a) in una maxilla, præbe ei & aliam;* & in aliis consimilibus, ut Augustinus exponit in Lib. I. de ser. Dom. in monte (cap. xix. & seq.) Ergo etiam non tenetur homo explicite aliquid credere, sed sufficit quod habeat animum præparatum ad credendum ea quæ a Deo proponuntur.

3. Præterea. Bonum fidei in quadam obedientia consistit, secundum illud Rom. 1. 5. *Ad obediendum fidei in omnibus gentibus.* Sed ad virtutem obedientiæ non requiritur quod homo aliqua determinata præcepta observet, sed sufficit quod habeat promptum animum ad obediendum, secundum illud Psal. cxviii. 60. *Paratus sum, & non sum turbatus, ut custodiam mandata tua.* Ergo videtur quod etiam ad fidem sufficiat quod homo habeat promptum animum ad credendum ea quæ ei divinitus proponi possunt, absque hoc quod explicite aliquid credat.

Sed contra est quod dicitur ad Hebr. xi. 6. *Accedentem ad Deum oportet credere, quia est, & quod inquirentibus se remunerator est.*

Respondetur dicendum, quod præcepta legis, quæ homo tenetur implere, dantur de actibus virtutum, qui sunt via perveniendi ad salutem. Actus autem virtutis, sicut supra dictum est (quæst. lx. art. 5.) sumitur secundum habitudinem habitus ad obiectum. Sed in obiecto cuiuslibet virtutis duo possunt considerari: scilicet id quod proprie & per se est obiectum virtutis, quod necessarium est in omni actu virtutis; & iterum id quod est per accidens, sive consequenter & habens ad propriam rationem obiecti: sicut ad obiectum fortitudinis proprie & per se pertinet sustinere pericula moris, & agredi hostes cum periculo propter bonum commune; sed quod homo armetur, vel ens percutiat in bello ius-

B

sto,

sto, aut aliquid huiusmodi faciat, redu-  
citur quidem ad obiectum fortitudinis,  
sed per accidens.

Determinatio ergo virtuosus actus ad  
proprium & per se obiectum virtutis est  
sub necessitate praecepti, sicut & ipse  
virtuosus actus; sed determinatio actus  
virtuosus ad ea quae accidentaliter, vel  
secundario se habent ad proprium & per  
se virtutis obiectum, non cadit sub ne-  
cessitate praecepti, nisi pro loco, & tem-  
pore. Dicendum est ergo, quod fidei ob-  
iectum per se est id per quod homo bea-  
tus efficitur, ut supra dictum est (quaest.  
I. art. 8.) Per accidens autem, aut se-  
cundario se habent ad obiectum (a) fi-  
dei omnia quae in sacra Scriptura divi-  
nitus tradita continentur, sicut quod Ab-  
raham habuit duos filios, quod David  
fuit filius Iai, & alia huiusmodi.

Quantum ergo ad prima credibilia,  
quae sunt articuli fidei, tenetur homo  
explicite credere, sicut & tenetur habe-  
re fidem; quantum autem ad alia credi-  
bilia non tenetur homo explicite crede-  
re, sed solum implicite, vel in prae-  
paratione animi, in quantum paratus est  
credere quicquid divina Scriptura conti-  
net. Sed tunc solum huiusmodi tenetur  
explicite credere quando hoc ei consti-  
terit in doctrina fidei contineri.

Ad primum ergo dicendum, quod si  
in potestate hominis esse dicatur aliquid  
excluso auxilio gratiae, sic ad multa te-  
netur homo ad quae non potest sine gra-  
tia reparare; sicut ad diligendum Deum,  
& proximum, & similiter ad credendum  
articulos fidei. Sed tamen hoc potest  
cum auxilio gratiae: quod quidem auxi-  
lium quibuscumque divinitus datur, miseri-  
corditer datur; quibus autem non datur, ex  
iustitia non datur; in poenam praecedentis,  
aut saltem originalis peccati, ut Augustinus  
dicit in Lib. de correptione & gratia  
(cap. v. & vi.)

Ad secundum dicendum, quod homo  
tenetur ad determinate diligendum ea  
diligibilia quae sunt propriae & per se ca-  
ritatis obiecta, scilicet Deum, & proxi-  
mum. Sed obiecto procedit de illis prae-  
ceptis caritatis quae quasi consequenter  
pertinent ad obiectum caritatis.

Ad tertium dicendum, quod virtus  
obedientiae propriae in voluntate consi-  
stet; & ideo ad actum obedientiae suffi-  
cit promptitudo voluntatis subiectae prae-  
cipienti, quae est propria & per se ob-  
iectum obedientiae. Sed hoc praeceptum,

vel illud per accidens, vel consequenter  
se habet ad proprium & per se obiectum  
obedientiae.

## ARTICULUS VI. 16

*Utrum omnes aequaliter teneantur ad habendum fidem explicitam.*

III. dist. xxv. quaest. II. art. 1. quaest. 2. 3. &  
4. & IV. dist. xxiv. quaest. 1. art. 3.  
quaest. 2. & ver. quaest. xiv. art. 11.

**A**D sextum sic proceditur. Videtur  
quod aequaliter omnes teneantur ad  
habendum fidem explicitam. Ad ea enim  
quae sunt de necessitate salutis, omnes  
teneantur, sicut patet de praeceptis cari-  
tatis. Sed explicatio credendorum est de  
necessitate salutis, ut dictum est (art.  
prae.) Ergo omnes aequaliter tenentur  
ad explicite credendum.

2. Praeterea. Nullus debet examinari  
de eo quod explicite credere non tenetur.  
Sed quandoque simplices examinan-  
tur de minimis articulis fidei. Ergo om-  
nes tenentur explicite omnia credere.

3. Praeterea. Si minores non tenentur  
habere fidem explicitam, sed solum im-  
plicitam, oportet quod habeant fidem  
implicitam in fide maiorum. Sed hoc vi-  
detur periculosum: quia posset contingere  
quod illi maiores errarent. Ergo vi-  
detur quod minores etiam debeant habere  
fidem explicitam. Sic ergo omnes ae-  
qualiter tenentur ad explicite credendum.

Sed contra est quod dicitur Iob 1. 14.  
quod boves arabam, & asina pascebantur  
iuxta eos: quia videlicet minores, qui si-  
gnificantur per asinas, debent in creden-  
dis adherere maioribus, qui per boves  
significantur, ut Gregorius exponit in II,  
Moral (cap. xvi.)

Respondeo dicendum, quod explicatio  
credendorum fit per revelationem divi-  
nam. Credibilia enim naturalem ratio-  
nem excedunt. Revelatio autem divina  
ordine quodam ad inferiores pervenit per  
superiores, sicut ad homines per Ange-  
los, & ad inferiores Angelos per supe-  
riores, ut patet per Dionysium in caelest.  
Hierar. (cap. iv. & vii.) Et ideo pari  
ratione explicatio fidei oportet quod  
perveniat ad inferiores homines per ma-  
iores. Et ideo sicut superiores Angeli,  
qui inferiores illuminant, habent ple-  
norem notitiam de rebus divinis quam  
inferiores, ut dicit Dionysius xii. cap.  
caelest.

(a) Ita cod. Alcam. Tarraz. alique, & editi plurimi. Al. virtutis.

caelest. Hierar. ita etiam superiores homines, ad quos pertinet alios erudire, tenentur habere pleniorē notitiā de credendis, & magis explicitē credere.

Ad primum ergo dicendum, quod explicatio credendorum non aequaliter (a) quantum ad omnes est de necessitate salutis: quia plura tenentur explicitē credere maiores, qui habent officium alios instruendi, quam alii.

Ad secundum dicendum, quod simplices non sunt examinandi de subtilitatibus fidei, nisi quando habetur suspicio quod sine ab haereticis depravati: qui in his quae ad subtilitatem fidei pertinent, solent fidem simplicium depravare. Si tamen inventiuntur non pertinaciter pervertē doctrinā adherere, si in talibus ex simplicitate deficiant, non eis imputatur.

Ad tertium dicendum, quod minores non habent fidem implicitam in fide maiorum, nisi quatenus maiores adherent doctrinā divīnē. Unde & Apostolus dicit I. ad Corinth. iv. 16. *Imitatores mei estote, sicut & ego Christi*. Unde humana cognitio non fit regula fidei, sed veritas divīna; a qua si aliqui maiorum deficiant, non praedicant fidei simplicium, qui eos rectam fidem habere credunt, nisi pertinaciter eorum erroribus in particulari adherere contra universalis Ecclesiae fidem, quae non potest deficere, Domino dicente Luc. xxi. 32. *Ego pro te rogaui, Petre, ut non deficiat fides tua*.

## ARTICULUS, VII. 17

*Utrum explicitē credere mysterium incarnationis Christi sit de necessitate salutis apud omnes.*

*IV. dist. xxv. quest. 11. art. 2. quest. 2. & quest. 111. art. 4. & IV. dist. vi. quest. 11. art. 2. quest. 1. cor. & ad Hebr. xi.*

**A**D septimum sic proceditur. Videtur quod credere explicitē mysterium incarnationis Christi non sit de necessitate salutis apud omnes. Non enim tenetur homo explicitē credere ea quae Angeli ignorant: quia explicatio fidei fit per revelationem divīnam, quae pervenit ad homines mediātibz Angelis, ut dictum est (art. prae. & I. P. quest. cxi. art. 1.) Sed etiam Angeli mysterium incarnationis ignorant: unde querebant in Psal. xxxiii. 8. *Quis est iste Rex gloriæ* & Isai. lxiii. 1. *Quis est iste qui venit*

*de Edem*? ut Dionysius exponit cap. vii. cael. Hierarch. (a med.) Ergo ad credendum explicitē mysterium incarnationis Christi homines non tenebantur.

2. Præterea. Constat beatum Iohannem Baptistam de maioribus fuisse, & propinquissimum Christo: de quo Dominus dicit Matth. xi. 11. *Inter natos mulierum nullus maior eo surrexit*. Sed Iohannes Baptista non videtur incarnationis Christi mysterium explicitē cognovisse, cum a Christo quæsierit: *Tu es qui venturus es, an alium expectamus?* ut habetur Matth. xi. 3. Ergo non tenebantur etiam maiores ad habendam explicitam fidem de Christo.

2. Præterea. Multi Gentilium adepti sunt salutem per ministerium Angelorum, ut Dionysius dicit ix. cap. caelest. Hierar. (a med. & cap. iv. circ. med.) Sed Gentiles non habuerunt fidem de Christo nec explicitam, nec implicitam, ut videtur, quia nulla eis revelatio facta fuit. Ergo videtur quod credere explicitē incarnationis Christi mysterium non fuerit omnibus necessarium ad salutem.

Sed contra est quod Augustinus dicit in Lib. de correptione & gratia (cap. vii. cite. princ. & plenius epist. exc. olim clvii. parum a princ.) *illa fides sana est qua credimus, nullum hominem, siue maioris, siue parve ætatis, liberari a contagio mortis, & obligatione peccati, nisi per unum mediatorem Dei, & hominum Iesum Christum*.

Respondeo dicendum, quod, sicut supra dictum est (art. 5. huius quæst. & quæst. 1. art. 8.) illud proprie & per se pertinet ad obiectum fidei per quod homo beatitudinem consequitur. Via autem hominibus veniendi ad beatitudinem est mysterium incarnationis, & passionis Christi: dicitur enim Act. iv. 12. *Non est aliud nomen datum hominibus in quo oporteat nos salvos fieri*. Et ideo mysterium incarnationis Christi aliquantulum oportuit omni tempore esse creditum apud omnes, diversimode tamen, secundum diversitatem temporum, & personarum.

Nam ante statum peccati homo habuit explicitam fidem de Christi incarnatione, secundum quod ordinabatur ad consumptionem gloriæ, non autem secundum quod ordinabatur ad liberationem a peccato per passionem, & resurrectionem: quia homo non fuit præcius peccati futuri. Videtur autem incarnationis Christi præcius fuisse per hoc quod dixit:

B 2 Pre

(a) Ita mss. & editi omnes libri. Theologi legendum putant quantum ad omnia.

*Propter hoc relinquit homo patrem, & matrem, & adhaerebit uxori suae, ut habetur Genes. 11. 24. Et hoc Apostolus ad Ephes. v. 32. dicit sacramentum magnum esse in Christo, & Ecclesia: quod quidem sacramentum non est credibile primum hominem ignorasse.*

Post peccatum autem fuit explicite creditum mysterium incarnationis Christi, non solum quantum ad incarnationem, sed etiam quantum ad passionem, & resurrectionem, quibus humanum genus a peccato, & morte liberatur: aliter enim non praepararent Christi passionem quibusdam sacrificiis & ante legem, & sub lege: quorum quidem sacrificiorum significatum explicite maiores cognoscebant; minores autem sub velamine illorum sacrificiorum credentes ea divinitus esse disposita de Christo venturo, quodammodo habebant velatam cognitionem. Et, sicut supra dictum est (quæst. 1. art. 7. in corp. & ad 1. & 4.) ea quæ ad mysteria Christi pertinent, (a) tanto distinctius cognoverunt, quanto Christo propinquiores fuerunt.

Post tempus autem gratiæ revelatæ tam maiores, quam minores tenentur habere fidem explicitam de mysteriis Christi, præcipue quantum ad ea quæ communiter in Ecclesia solemnizantur, & publice proponuntur; sicut sunt articuli incarnationis, de quibus supra dictum est (quæst. 1. art. 8.) Alias autem subtiles considerationes circa incarnationis articulos tenentur aliqui magis, vel minus explicite credere, secundum quod convenit statui, & officio uniuscuiusque.

Ad primum ergo dicendum, quod Angelos non omnino latuit mysterium regni Dei, sicut Augustinus dicit V. super Genes. ad litt. (cap. xix. parum a princ.) quasdam tamen rationes huius mysterii perfectius cognoverunt Christo revelante.

Ad secundum dicendum, quod Ioannes Baptista de adventu Christi in carne non quæsit, quasi hoc ignoraret, cum ipse hoc expresse confessus fuerit, dicens: *Ego vidi, & testimonium perhibui, quia hic est Filius Dei, ut habetur Ioan. 1. 34. Unde non dixit, Tu es qui venisti? sed Tu es qui venturus es?* quærens de futuro,

non de præterito. Similiter non est credendum quod ignoraverit eum ad passionem venturum: ipse enim dixerat (Ioan. 1. 29.) *Ecce agnus Dei, ecce qui tollis peccata mundi*, prænuntiatus eius immolationem futuram. Et tamen hoc Prophetæ alii etiam non ignoraverunt, sed ante prædixerunt, sicut præcipue patet in Isa. 1111. Potest ergo dici, sicut Gregorius dicit (hom. vi. in Evang. parum a princip.) quod inquisivit ignorans, an ad infernum eiet in propria persona descensurus. Sciebat autem, quod virtus passionis eius extendenda erat usque ad eos qui in limbo detinebantur, secundum illud Zach. 1x. 11. *Tu quoque in sanguine testamenti tui emisisti vinclis de lacu, in quo non est aqua*: nec hoc tenebatur explicite credere, antequam esset impletum, quod per seipsum deberet descendere.

Vel potest dici, sicut Ambrosius dicit super Luc. (super illud cap. vii. *Et nuntiaverunt Ioanni*) quod non inquisivit ex dubitatione, seu ignorantia, sed magis ex pietate.

Vel potest dici, sicut Crysolomus dicit (hom. xxxvii. in Matth.) quod non inquisivit, quia ipse ignoraret, sed ut per Christum (b) satisfaceret suis discipulis: unde & Christus ad discipulorum instructionem respondit, signa operum ostendens.

Ad tertium dicendum, quod multis Gentilium facta fuit revelatio de Christo, ut patet per ea quæ prædixerunt. Nam Iob. xix. 25. dicitur: *Scio, quod Redemptor meus vivit*. Sibylla etiam prænuntiavit quædam de Christo, ut Augustinus dicit (Lib. XIII. cont. Faust. cap. xv.). Invenitur etiam in historiis Romanorum, quod tempore Constantini Augusti, (c) & Irenæ matris eius inventum fuit quoddam sepulcrum, in quo iacebat homo auream laminam habens in pectore, in qua scriptum erat: *Christus nascetur ex Virgine, & ego credo in eum. O Sol, sub Irenæ & Constantini temporibus iterum videbis.* (Vid. Baron. ad annum Christi 780.) Si qui tamen salvati fuerunt quibus revelatio non fuit facta, non fuerunt salvati absque fide Mediatoris: quia eorum non habuerunt fidem explicitam, habue-

(a) Ita ex cod. Tarrac. Bannex, Garcia, Theologi, edit. Colonienfis, Nicolai, & edit. Patav. Cod. Alcan. tanto diffusius. Quidam codd. male tanto difficultius: unde edit. Rom. *Venera apud Iunias 1588. atque veteres sc.* Et, sicut supra dictum est, ea quæ ad mysteria Christi pertinent, tanto difficultius cognoverunt, quanto a Christo remotiores fuerunt, & tanto facilius cognoverunt, quanto Christo propinquiores fuerunt. (b) Ita cum cod. Tarrac. atque Garcia, Nicolai, & edit. Patav. *Vires editi cum cod. Alcan. satisfactores.* (c) Ita hic. & infra emendat optime Nicolaus. Al. & Helæx, & mox sub Helæx, contra historia falsam.

runt tamen fidem implicitam in divina providentia, credentes Deum esse liberatorem hominum secundum modos sibi placitos, & secundum quod aliquibus veritatem cognoscitibus Spiritus revelasset, secundum illud Iob xxxv. 11. *Qui docet nos super iumenta terra.*

ARTICULUS VIII. 18

*Utrum explicite credere Trinitatem sit de necessitate salutis.*

III. dist. xxv. quest. 11. art. 2. quest. 4. cor. & ad 1 & in expos. lit. & IV. dist. 1. quest. 11. art. 2. quest. 1. cor. & veri. quest. xiv.

**A**D octavum sic proceditur. Videtur quod credere Trinitatem explicite non fuerit de necessitate salutis. Dicit enim Apostolus ad Hebr. xi. 6. *Credere oportet accedentem ad Deum, quia est, & quia inquirentibus se remunerator est.* Sed hoc potest credi absque fide Trinitatis. Ergo non oportebat explicite fidem de Trinitate habere.

2. Præterea. Dominus dicit Ioan. xvii. 6. *Pater, manifestavi nomen tuum hominibus:* quod exponens Augustinus (tract. cvi. in Ioan. ante med.) dicit: „Non id nomen tuum quod vocaris Deus, sed id quo vocaris Pater meus:“ & postea subdit etiam: „In hoc quod Deus fecit hunc mundum, notus in omnibus gentibus: in hoc quod non est cum diis falsis colendus, notus in Iudæa Deus: in hoc vero quod pater est huius Christi, per quem tollit peccata mundi; hoc nomen eius prius occultum hominibus, nunc manifestavit eis.“ Ergo ante Christi adventum non erat cognitum quod in Divinitate esse paternitas, & filio. Non ergo Trinitas explicite credebatur.

3. Præterea. Illud tenemur explicite credere in Deo quod est beatitudinis obiectum. Sed obiectum beatitudinis est bonitas summa, quæ potest intelligi in Deo etiam sine personarum distinctione. Ergo non fuit necessarium explicite credere Trinitatem.

Sed contra est quod in veteri testamento multipliciter expressa est Trinitas personarum, sicut statim in principio Genes. (1. 26.) dicitur ad expressionem Trinitatis: *Faciamus hominem ad imaginem, & similitudinem nostram.* Ergo a prin-

S. I. Oper. Tom. XXII.

(a) Ita cum cod., Alcon, & Tarrac. Nicolai, & edit. Patav. Al. visio.

cipio de necessitate salutis fuit credere Trinitatem explicite.

Respondeo dicendum, quod mysterium incarnationis Christi explicite credi non potest sine fide Trinitatis: quia in mysterio incarnationis Christi hoc continetur quod Filius Dei carnem assumpserit, quod per gratiam Spiritus sancti mundum renovaverit, & iterum quod de Spiritu sancto conceptus fuerit.

Et ideo eodem modo quo mysterium incarnationis Christi ante Christum fuit explicite creditum a maioribus, implicite autem, & quasi obumbrate a minoribus; ita etiam & mysterium Trinitatis.

Et ideo etiam post tempus gratiæ divulgatæ tenentur omnes ad explicite credendum mysterium Trinitatis; & omnes qui renascuntur in Christo, hoc adpiscuntur per invocationem Trinitatis, secundum illud Matth. ult. 19. *Euntes docete omnes gentes, baptizantes eos in nomine Patris, & Filii, & Spiritus sancti.*

Ad primum ergo dicendum, quod illa duo explicite credere de Deo omni tempore, & quoad omnes necessarium fuit; non tamen est sufficiens omni tempore, & quoad omnes.

Ad secundum dicendum, quod ante Christi adventum fides Trinitatis erat occultata in fide maiorum; sed per Christum manifestata est mundo, & per Apostolos.

Ad tertium dicendum, quod summa bonitas Dei secundum modum quo nunc intelligitur per effectus, potest intelligi absque Trinitate personarum; sed secundum quod intelligitur in seipsa, prout videtur a beatis, non potest intelligi sine Trinitate personarum. Et iterum ipsa (a) missio personarum divinarum perducit nos in beatitudinem.

ARTICULUS IX. 19

*Utrum credere sit meritum.*

III. P. quest. vii. art. 3. ad 2.

**A**D nonum sic proceditur. Videtur quod credere non sit meritum. Principium enim meriti est caritas, ut supra dictum est (1. 2. quest. cxiv. art. 4.) Sed fides est præambula ad caritatem, sicut & natura. Ergo sicut actus naturæ non est meritorius, quia naturalibus non meremur, ita nec actus fidei.

2. Præterea. Credere medium est inter

B 3 opi-

opinari, & scire, vel considerare scita. Sed consideratio scientiæ non est meritoria; similiter autem nec opinio. Ergo etiam neque credere est meritorium.

3. Præterea. Ille qui assentit alicui rei, credendo, aut habet causam sufficienter inducentem ipsum ad credendum, aut non. Si habet sufficientem inductivum, ad credendum, non videtur hoc ei esse meritorium: quia non est ei iam liberum credere, & non credere. Si autem non habet sufficientem inductivum ad credendum, levitatis est credere, secundum illud Eccli. xix. 4. *Qui cito credit, levis est corde*: & sic non videtur esse meritorium. Ergo credere nullo modo est meritorium.

Sed contra est quod dicitur ad Hebr. xi. 23. *quod sancti per fidem adepti sunt repromissiones*: quod non esset, nisi credendo mererentur. Ergo ipsum credere est meritorium.

Respondeo dicendum, quod, sicut supra dictum est (1. 2. quæst. cxv. art. 3. & 4.) actus nostri sunt meritorij, in quantum procedunt ex libero arbitrio merito a Deo per gratiam. Unde omnis actus humanus, qui subicitur libero arbitrio, si sit relatus in Deum, potest meritorius esse.

Ipsam autem credere est actus intellectus assentientis veritati divinæ ex imperio voluntatis a Deo motæ per gratiam; & sic subiacet libero arbitrio in ordine ad Deum: unde actus fidei potest esse meritorius.

Ad primum ergo dicendum, quod natura comparatur ad caritatem, quæ est merendi principium, sicut materia ad formam; fides autem comparatur ad caritatem sicut dispositio præcedens ultimam formam. Manifestum est autem quod subiectum, vel materia non potest agere nisi virtute formæ; neque etiam dispositio præcedens, antequam forma adveniat; sed postquam forma advenit, tam subiectum, quam dispositio præcedens agit in virtute formæ, quæ est principale agendi principium, sicut calor ignis agit in virtute formæ substantialis. Sic ergo neque natura, neque fides sine caritate possunt producere actum meritorium; sed, caritate superveniente, actus fidei fit meritorius per caritatem, sicut

& actus naturæ, & actus naturalis liberi arbitrii.

Ad secundum dicendum, quod in scientia duo possunt considerari, scilicet ipse assensus scientis in rem scitam, & consideratio rei scitæ. Assensus autem scientiæ non subicitur libero arbitrio, quia scientis cogitur ad assentiendum per efficaciam demonstrationis: & ideo assensus scientiæ non est meritorius. Sed consideratio actualis rei scitæ subiacet libero arbitrio: est enim in potestate hominis considerare, vel non considerare. Et ideo consideratio scientiæ potest esse meritoria, si referatur ad finem caritatis, idest ad honorem Dei, vel utilitatem proximi. Sed in fide utrumque subiacet libero arbitrio: & ideo quantum ad utrumque actus fidei potest esse meritorius. Sed opinio non habet firmum assensum: est enim quiddam debile, & infirmum, secundum Philosophum in I. Posterior. (text. 44.) unde non videtur procedere ex perfecta voluntate: & sic ex parte assensus non multum videtur habere rationem meriti; sed ex parte considerationis actualis potest meritoria esse.

Ad tertium dicendum, quod ille qui credit, habet sufficientem inductivum ad credendum: inducitur enim auctoritate divinæ doctrinæ miraculis confirmatæ, & quod plus est, interiori instinctu Dei invitantis: (a) unde non leviter credit. Tamen non habet sufficientem inductivum ad sciendum: & ideo non tollitur ratio meriti.

## ARTICULUS X. 29

*Utrum ratio inductiva ad ea quæ sunt fidei, minuatur meritum fidei.*

III. dist. xxiv. art. 3. quæst. 3. & 1.  
con. cap. viii.

Ad decimum sic proceditur. Videtur quod ratio inductiva ad ea quæ sunt fidei, diminuat meritum fidei. Dicit enim Gregorius in quadam homilia (xxvi. in Evang. in princip.) quod *fides non habet meritum, cui humana ratio præbet experimentum*. Si ergo ratio humana sufficienter experimentum præbet, totaliter excludit meritum fidei. Videtur ergo quod qualiscumque ratio humana inducta ad

(a) Ita codd. Alcan. & Paris. Nicolaus, & edit. Patro. 1713. optime. Edit. Rom. aliæ vetustæ, Theologi ex cod. Camer. alique, & edit. Patro. 1698. unde non leviter credit, cum habeat sufficientem inductivum ad credendum: & ideo non tollitur ratio meriti. Edit. Colon. erronee proferunt. Tamen non habet sufficientem inductivum ad credendum &c.



ea quæ sunt fidei, diminuat meritum fidei.

2. Præterea. Quicquid diminuit rationem virtutis, diminuit rationem meriti: quia *felicitas virtutis est premium*, ut Philosophus dicit in 1. Ethic. (cap. ix. cir. princ.) Sed ratio humana videtur diminuire rationem virtutis ipsius fidei: quia de ratione fidei est quod sit non apparentium, ut supra dictum est (quæst. 1. art. 4. & 5.) Quanto autem plures rationes inducuntur ad aliquid, tanto minus hoc est non apparens. Ergo ratio humana inducta ad ea quæ sunt fidei, meritum fidei diminuit.

3. Præterea. Contrariorum contrariæ sunt causæ. Sed id quod inducitur in contrarium fidei, augeat meritum fidei, siue sit persequio cogentis ad recedendum a fide, siue etiam sit ratio aliqua hoc persuadens. Ergo ratio coadiuvans fidem aminorat meritum fidei.

Sed contra est quod I. Pet. III. 15. dicitur: *Parati semper ad satisfactionem omni poscenti nos rationem de ea, quæ in vobis est, fide, & sp.* Non autem ad hoc induceret Apostolus, si per hoc meritum fidei diminueretur. Non ergo ratio diminuit meritum fidei.

Respondeo dicendum, quod, sicut dictum est (art. præc.) actus fidei potest esse meritorius, inquantum subiacet voluntati non solum quantum ad usum, sed etiam quantum ad assensum. Ratio autem humana inducta ad ea quæ sunt fidei, dupliciter se potest habere ad voluntatem credentis.

Uno quidem modo sicut præcedens; puta cum aliquis (a) aut non haberet voluntatem, aut non haberet promptam voluntatem ad credendum; (b) nisi ratio humana induceretur: & sic ratio humana inducta diminuit meritum fidei. Sic etiam supra dictum est (1. 2. quæst. xxiv. art. 3. ad 1. & quæst. lxxvii. art. 6. ad 2.) quod passio præcedens electionem in virtutibus moralibus diminuit laudem virtuosius actus. Sicut enim homo actus virtutum moralium debet exercere propter iudiciū rationis, non propter passionem; ita credere debet homo ea quæ sunt fidei, non propter rationem humanam, sed propter auctoritatem divinam.

Alio modo ratio humana potest se habere ad voluntatem credentis consequenter. Cum enim homo habet promptam voluntatem ad credendum, diligit verita-

tem creditam, & super ea excogitat, & amplectitur, si quas rationes ad hoc invenire potest: & quantum ad hoc ratio humana non excludit meritum fidei, sed est signum maioris meriti. Sic etiam passio consequens in virtutibus moralibus est signum promptioris voluntatis, ut supra dictum est (1. 2. quæst. xxiv. art. 3. ad 1.) Et hoc significatur Ioan. iv. 42. ubi Samaritani ad mulierem, per quam ratio humana figuratur, dixerunt: *Iam non propter tuam loquelam credimus.*

Ad primum ergo dicendum, quod Gregorius loquitur in casu illo, quando homo non habet voluntatem credendi ea quæ sunt fidei, nisi propter rationem inductam. Quando autem homo habet voluntatem credendi ea quæ sunt fidei, ex sola auctoritate divina, etiam si habeat rationem demonstrativam ad aliquid eorum, puta ad hoc quod Deus esse; non propter hoc tollitur, vel diminuitur meritum fidei.

Ad secundum dicendum, quod rationes quæ inducuntur ad auctoritatem fidei, non sunt demonstrationes, quæ in visionem intelligibilem intellectum humanum reducere possunt; & ideo non desunt esse non apparentia: sed remouent impedimenta fidei, ostendendo non esse impossibile quod in fide proponitur: unde per tales rationes non diminuitur meritum fidei, nec ratio fidei. Sed rationes demonstrativæ inductæ ad ea quæ sunt fidei præambula, non tamen ad articulos, etiam diminuant rationem fidei, quia faciunt esse apparens id quod proponitur; non tamen diminuant rationem caritatis, per quam voluntas est prompta ad ea credendum, etiam si non apparent: & ideo non diminuitur ratio meriti.

Ad tertium dicendum, quod ea quæ repugnant fidei, siue in consideratione hominis, siue in exteriori persecutione, inquantum augent meritum fidei, inquantum ostenditur voluntas magis promptæ, & firma in fide. Et ideo etiam Martyres maius fidei meritum habuerunt, non recedentes a fide propter persecutiones; & etiam sapientes maius meritum fidei habent, non recedentes a fide propter rationes Philosophorum, vel hæreticorum contra fidem inductas. Sed ea quæ conveniunt fidei, non semper diminunt promptitudinem voluntatis ad credendum: & ideo non semper diminunt meritum fidei.

B 4

QUAE-

(a) Ita cod. & editi passim. Al. aut tantum haberet. (b) Ita autem cod. & editi communi. Al. nisi quia ratione humana induceretur.

## QUAESTIO III.

*De exteriori actu fidei,  
in duos articulos divisa.*

**D**Einde considerandum est de exteriori fidei actu, qui est confessio. & circa hoc quaruntur duo.

Primo, utrum confessio sit actus fidei.

Secundo, utrum confessio fidei sit necessaria ad salutem.

## ARTICULUS I. 21

*Utrum confessio sit actus fidei.*

III. dist. xvii. quæst. iii. art. 2. quæst. 3.  
Et Rom. x. lect. 2.

**A**D primum sic proceditur. Videtur quod confessio non sit actus fidei. Non enim idem actus pertinet ad diversas virtutes. Sed confessio pertinet ad poenitentiam, cuius ponitur pars. Ergo non est actus fidei.

2. Præterea. Ab hoc quod homo confiteatur fidem, retrahitur interdum per timorem, vel etiam propter aliquam confusionem: unde & Apostolus ad Ephes. ult. 19. petit orari pro se, ut detur sibi cum fiducia notum facere mysterium Evangelii. Sed non recedere a bono propter confusionem, vel timorem pertinet ad fortitudinem, quæ moderatur audaciam, & timores. Ergo videtur quod confessio non sit actus fidei, sed magis fortitudinis, vel constantiæ.

3. Præterea. Sicut per fidei fervorem inducitur aliquis ad confitendum fidem exterius, ita etiam inducitur ad alia exteriora bona opera facienda: dicitur enim Gal. v. 6 quod fides per dilectionem operatur. Sed alia exteriora opera non ponuntur actus fidei. Ergo etiam neque confessio.

Sed contra est quod II. ad Thessal. i. super illud, *Et opus fidei in virtute*, dicit Glossa (ordin.) id est, confessionem, quæ proprie est opus fidei.

Respondendo dicendum, quod actus exteriores illius virtutis proprie sunt actus ad cuius fines secundum suas species referuntur; sicut ieiunare secundum suam speciem refertur ad finem abstinentiæ, quæ est compescere carnem: & ideo est actus abstinentiæ.

Confessio autem eorum quæ sunt fidei,

secundum suam speciem ordinatur, sicut ad finem, ad id quod est fidei, secundum illud II. ad Corinth. iv. 13. *Habentes eundem spiritum fidei credimus...* propter quod & loquimur. Exterior enim locutio ordinatur ad significandum id quod in corde concipitur. Unde sicut conceptus interior eorum quæ sunt fidei, est proprie fidei actus, ita etiam & exterior confessio.

Ad primum ergo dicendum, quod triplex est confessio, quæ in Scripturis laudatur. Una est confessio eorum quæ sunt fidei: & ista est proprius actus fidei, utpote relata ad fidei finem, sicut dictum est (in corp.) Alia est confessio gratiarum actionis, sive laudis: & ista est actus laudis, ordinatur enim ad honorem Deo exterius exhibendum, quod est finis laudis. Tertia est confessio peccatorum: & hæc ordinatur ad deletionem peccati, quæ est finis poenitentiae: unde pertinet ad poenitentiam.

Ad secundum dicendum, quod removens prohibens non est causa per se, sed per accidens, ut patet per Philosophum in VIII. Phyl. (tex. 32.) Unde fortitudo, quæ removet impedimentum confessionis fidei, scilicet timorem, vel erubescenciam, non est proprie, & per se causa confessionis, sed quali per accidens.

Ad tertium dicendum, quod fides interior mediante dilectione causat omnes exteriores actus virtutum mediantibus aliis virtutibus, imperando, non eliciendo; sed confessionem producit tamquam proprium actum, nulla alia virtute mediante.

## ARTICULUS II. 22

*Utrum confessio fidei sit necessaria ad salutem.*

III. dist. xxix. art. 8. quæst. 2. ad 3. Et Rom. x. lect. 2. & cap. xiv. lect. 3.

**A**D secundum sic proceditur. Videtur quod confessio fidei non sit necessaria ad salutem. Illud enim videtur ad salutem sufficere per quod homo attingit finem virtutis. Sed finis proprius fidei est coniunctio humanæ mentis ad veritatem divinam, quod potest etiam esse sine exteriori confessione. Ergo confessio fidei non est necessaria ad salutem.

2. Præ-

2. Præterea. Per exteriorem confessionem fidei homo fidem suam alii homini patefacit. Sed hoc non est necessarium nisi illis qui habent alios in fide instrueretur. Ergo videtur quod minores non teneantur ad fidei confessionem.

3. Præterea. Illud quod potest vergere in scandalum, & perturbationem aliorum, non est necessarium ad salutem: dicit enim Apostolus I. ad Corinth. x. 32. *Sine offensione estote Iudeis, & Gentibus, & Ecclesie Dei.* Sed per confessionem fidei quandoque ad perturbationem infideles provocantur. Ergo confessio fidei non est necessaria ad salutem.

Sed contra est quod Apostolus dicit ad Rom. x. 10. *Corde creditur ad iustitiam; ore autem confessio fit ad salutem.*

Respondeo dicendum, quod ea quæ sunt necessaria ad salutem, cadunt sub præceptis divinæ legis. Confessio autem fidei, cum sit quoddam affirmativum, non potest cadere nisi sub præcepto affirmativo. Unde eodem modo est de necessariis ad salutem, quo modo potest cadere sub præcepto affirmativo divinæ legis. Præcepta autem affirmativa, ut supra dictum est (1. 2. quæst. lxxi. art. 5. ad 3. & quæst. lxxxviii. art. 1. ad 2.) non obligant ad semper, etsi semper obligent; obligant autem pro loco, & tempore secundum alias circumstantias debitas, secundum quas oportet actum humanum limitari ad hoc quod sit actus virtutis.

Sic ergo confiteri fidem non semper, neque in quolibet loco est de necessitate salutis, sed in aliquo loco, & tempore, quando scilicet per omissionem huius confessionis subtraheretur honor debitus Deo, & etiam utilitas proximis impendenda; puta si aliquis interrogatus de fide taceret, & ex hoc crederetur vel quod non haberet fidem, vel quod fides non esset vera, vel alii per eius taciturnitatem averterentur a fide. In huiusmodi enim casibus confessio fidei est de necessitate salutis.

Ad primum ergo dicendum, quod finis fidei, sicut & aliarum virtutum, referri debet ad finem caritatis, qui est amor Dei, & proximi: & ideo quando honor Dei, vel utilitas proximi hoc exposcit, non debet esse contentus homo ut per fidem suam ipsi veritati divinæ coniungatur, sed debet fidem exterius confiteri.

Ad secundum dicendum, quod in casu necessitatis, ubi fides periclitatur, quilibet tenetur fidem suam aliis propalare, vel ad instructionem aliorum fidelium, live confirmationem, vel ad reprimendum infidelium insultationem; sed aliis temporibus instruere homines de fide non pertinet ad omnes fideles.

Ad tertium dicendum, quod si turbatio infidelium oriatur de confessione fidei manifestata, absque aliqua utilitate fidei, vel fidelium, non est laudabile in tali casu fidem publice confiteri: unde Dominus dicit Matth. vii. 6. *Nolite sanctum dare canibus, (a) neque margaritas vestras spargere ante porcos... ne conversi dirumpant vos.* Sed si utilitas fidei aliqua speretur, aut necessitas adsit, contempta perturbatione (b) infidelium, debet homo publice fidem confiteri: unde Matth. xv. 12. dicitur, quod cum discipuli dixissent Domino, quod Pharisæi auditio eius verbo scandalizati sunt, Dominus respondit: *Sinite illos, scilicet turbare: cæci sunt, & duces cæcorum.*

## QUAESTIO IV.

De ipsa fidei virtute,

in octo articulos divisa.

**D**Einde considerandum de ipsa fidei virtute: & primo quidem de ipsa fide; secundo de habentibus fidem; tertio de causa fidei; quarto de effectibus eius.

Circa primum quarantur octo.

Primo, quid sit fides.

Secundo, in qua vi animæ sit sicut in subiecto.

Tertio, utrum forma eius sit caritas.

Quarto, utrum eadem numero sit fides formata, & informis.

Quinto, utrum fides sit virtus.

Sexto, utrum sit una virtus.

Septimo de ordine eius ad alias virtutes.

Octavo de comparatione certitudinis eius ad certitudinem virtutum intellectualium.

(a) *Vulgata*: neque mittatis margaritas vestras ante porcos &c. (b) *Ita codices & editi* passim. Alii fidelium.

## ARTICULUS I. 23

*Utrum haec sit competens fidei definitio: Fides est substantia sperandarum rerum, argumentum non apparentium.*

III. dist. XXIII. quest. 2. II. art. 2. & ver. quest. XIV. art. 2. & I. 2. quest. XLV. art. 3. cor. & Rom. 1. lect. 6. & ad Heb. XI.

**A**D primum sic proceditur. Videtur quod sic incompetens fidei definitio quam Apostolus ponit ad Hebr. XI. 1. dicens: *Fides est substantia sperandarum rerum, argumentum non apparentium.* Nulla enim qualitas est substantia. Sed fides est qualitas, cum sit virtus theologica, ut supra dictum est (I. 2. quest. LXII. art. 3.). Ergo non est substantia.

2. Præterea. Diversarum virtutum diversa sunt objecta. Sed res speranda est obiectum spei. Non ergo debet poni in definitione fidei, tamquam eius obiectum.

3. Præterea. Fides magis perficitur per caritatem quam per spem: quia caritas est forma fidei, ut infra patebit (art. 3. huius quest.). Magis ergo poni debuit in definitione fidei, res diligenda quam res speranda.

4. Præterea. Idem non debet poni in diversis generibus. Sed *substantia*, & *argumentum* sunt diversa genera non subalternata posita. Ergo inconvenienter fides dicitur esse *substantia*, & *argumentum*. Inconvenienter ergo describitur fides.

5. Præterea. Per argumentum veritas manifestatur eius ad quod inducitur argumentum. Sed illud dicitur esse apprensus cuius veritas est (a) manifestata. Ergo videtur oppositum implicari in hoc quod dicitur, *Argumentum non apparentium*: quia argumentum facit rem prius non apparentem postea apparere. Ergo male dicitur, *Rem non apparentium*. Inconvenienter ergo describitur fides.

In contrarium sufficit auctoritas Apostoli.

Respondeo dicendum, quod licet quidam dicant, prædicta Apostoli verba non esse fidei definitionem, quia definitio indicat rei quidditatem, & essentiam, ut habetur VI. Met. (text. 19.). tamen si quis recte consideret, omnia ex quibus fides potest definiri, in prædicta descriptione tanguntur, licet verba non ordinentur sub forma definitionis; sicut et-

iani apud Philosophos prætermittit syllogistica forma syllogismorum principia tanguntur.

Ad cuius evidentiam considerandum est, quod cum habitus cognoscantur per actus, & actus per objecta; fides, cum sit habitus quidam, debet definiri per proprium actum in comparatione ad proprium obiectum. Actus autem fidei est credere, sicut supra dictum est (quest. II. art. 2. & 3.) qui actus est intellectus determinati ad unum ex imperio voluntatis. Sic ergo actus fidei habet ordinem & ad obiectum voluntatis, quod est bonum, & finis, & ad obiectum intellectus, quod est verum. Et quia fides, cum sit virtus theologica, sicut supra dictum est (I. 2. quest. LXXXII. art. 3.) habet eadem pro obiecto, & fine, necesse est quod obiectum fidei, & finis proportionabiliter sibi correlative. Dictum est autem supra (quest. I. art. 1. & 4.) quod veritas prima est obiectum fidei, secundum quod ipsa est non visa, & ea quibus propter ipsam inhæretur: & secundum hoc oportet quod ipsa veritas prima se habeat ad actum fidei, per modum finis secundum rationem rei non visæ; quod pertinet ad rationem rei speratæ, secundum illud Apostoli ad Rom. VIII. 25. *Quod non videmus speramus.* Veritatem enim videre, est ipsam habere. Non autem sperat aliquis id quod iam habet: sed spes est de hoc quod non habetur, ut supra dictum est (I. 2. quest. LXXII. art. 4.). Sic ergo habitudo actus fidei ad finem, qui est obiectum voluntatis, significatur in hoc quod dicitur: *Fides est substantia rerum sperandarum.* Substantia enim solet dici prima inchoatio cuiuscunque rei, & maxime quando, tota res sequens continetur virtute in primo principio; puta si dicamus, quod prima principia indemonstrabilia sunt (b) substantia scientiæ, quia scilicet primum quod in nobis est de scientia, sunt humilissimi principia, & in eis virtute continetur tota scientia. Per hinc ergo modum dicitur fides esse *substantia rerum sperandarum*, quia scilicet prima inchoatio rerum sperandarum in nobis est per assensum fidei, quæ virtute continet omnes res sperandas. In hoc enim speramus beatificari quod videbimus aperta vitiosius veritatem, cui per fidem adheremus, ut patet per ea quæ supra de felicitate dicta sunt (I. 2. quest. III. art. 8. & quest. IV. art. 3.).

He-

(a) N. n. manifestata. (b) Ita edic. passim cum MSS. Al. substantia.

Habitudo autem actus fidei ad obiectum intellectus, secundum quod est obiectum fidei, designatur in hoc quod dicitur *argumentum non apparentium*; & sumitur *argumentum* pro argumenti effectu. Per argumentum enim intellectus inducitur ad inhaerendum alicui vero: unde ipsa firma adhesio intellectus ad veritatem fidei non apparentem vocatur hic *argumentum*. Unde alia littera habet *convictio* (ut legit Aug. tract. lxxix. in Ioan.) quia scilicet per auctoritatem divinam intellectus credentis vincitur ad assentiendum his quae non videntur. Si quis ergo in formam definitionis huiusmodi verba reducere velit, potest dicere, quod *fides est habitus mentis, quo inchoatur vita aeterna in nobis, faciens intellectum assentire non apparentibus*.

Per hoc (a) autem fides ab omnibus aliis distinguitur quae ad intellectum pertinent. Per hoc enim quod dicitur *argumentum*, distinguitur fides ab opinione, suspitione, & dubitatione, (b) per quae non est adhesio intellectus firma ad aliquid; per hoc autem quod dicitur *non apparentium*, distinguitur fides a scientia, & intellectu, per quae aliquid fit apparenz; per hoc autem quod dicitur *substantia sperandarum rerum*, distinguitur virtus fidei a fide communiter sumpta, quae non ordinatur ad beatitudinem speratam.

Omnes autem aliae definitiones, quaecumque de fide dantur, explicationes sunt huius quam Apostolus ponit. Quod enim dicit Augustinus (tract. xl. in Ioan. a med. & Lib. II. Q. Evang. quaest. xxxix. in princ.) *Fides est virtus qua creduntur quae non videntur*; & quod dicit Damascenus (Lib. IV. orth. Fid. cap. xxi.) quod *fides est non inquisitivus consensus*; & alii dicunt, quod *fides est certitudo animi quaedam de absentibus supra opinionem*, & *infra scientiam*, idem est ei quod Apostolus dicit, *Argumentum non apparentium*. Quod vero Dionysius dicit vii. cap. de div. Nom. (vers. fin. lect. 5.) quod *fides est manens creditum fundamentum, collocans nos in veritate*, & *in ipsis veritatem ostendens*, idem est ei quod dicitur, *Substantia rerum sperandarum*.

Ad primum ergo dicendum, quod *substantia* non sumitur hic secundum quod est genus generalissimum contra alia genera divinum, sed secundum quod in quolibet genere invenitur quaedam similitudo

substantiae, prout scilicet primum in quolibet genere, continens in se alia virtute, dicitur esse substantia illorum.

Ad secundum dicendum, quod cum fides pertineat ad intellectum, secundum quod imperatur a voluntate, oportet quod ordinetur, sicut ad finem, ad obiecta illarum virtutum quibus perficitur voluntas; inter quas est spes, ut infra patebit (quaest. xviii. art. 1.) Et ideo in definitione fidei ponitur obiectum spei.

Ad tertium dicendum, quod dilectio potest esse & visorum, & non visorum, & praesentium, & absentium; & ideo res diligenda non ita proprie adaptatur fidei, sicut res speranda; cum spes semper sit absentium, & non visorum.

Ad quartum dicendum, quod *substantia*, & *argumentum*, secundum quod in definitione fidei ponuntur, non important diversa genera fidei, neque diversos actus, sed diversas habitudines unius actus ad diversa obiecta, ut ex dictis patet (in corp. art.)

Ad quintum dicendum, quod argumentum quod sumitur ex propriis principiis rei, facit rem esse apparentem; sed argumentum quod sumitur ex auctoritate divina, non facit rem in se esse apparentem: & tale argumentum ponitur in definitione fidei.

## .. ARTICULUS II. 24

*Utrum fides sit in intellectu sicut in subiecto.*

**A**D secundum sic proceditur. Videtur quod fides non sit in intellectu sicut in subiecto. Dicit enim Augustinus in Lib. de praedest. sanctorum (implic. cap. v. in fin.) quod *fides in creditum voluntate consistit*. Sed voluntas est alia potentia ab intellectu. Ergo fides non est in intellectu sicut in subiecto.

2. Praeterea. Assensus fidei ad aliquid credendum provenit ex voluntate Deo obediens. Tota ergo laus huius ex obedientia esse videtur. Sed obedientia est in voluntate. Ergo & fides: non ergo est in intellectu.

3. Praeterea. Intellectus est vel speculativus, vel practicus. Sed fides non est in intellectu speculativo, cum nihil dicat de evitabili; & fugiendo, ut dicitur in III. de Anima (text. 34. & 46.) non est ergo principium operationis. Fides

(a) Al. enim. (b) Ita editiones quas vidimus omnes, quam lectionem probat Garcia. In codd. ante vocem *adhesio* est vox alia abbreviata, quae potest legi *prima*, vel *plena*.

autem est *quæ per dilectionem operatur*. ut dicitur ad Galat. v. 6. Similiter etiam nec in intellectu practico, cuius obiectum est verum contingens factibile, vel agibile. Obiectum enim fides est verum æternum; ut ex supra dictis patet (quæst. 1. art. 1.) Non ergo fides est in intellectu sicut in subiecto.

Sed contra est quod fides succedit visio patriæ, secundum illud I. ad Cor. xiii. 12. *Videmus nunc per speculum in ærismate, tunc autem facie ad faciem*. Sed visio est in intellectu. Ergo & fides.

Respondeo dicendum, quod cum fides sit quidam virtus, oportet quod actus eius sit perfectus. Ad perfectionem autem actus qui ex duobus activis principiis procedit, requiritur quod utrumque activorum principiorum sit perfectum. Non enim bene potest secari, nisi & securus habeat artem, & ferra sit bene disposita ad iecandum. Dispositio autem ad bene agendum in illis potentis animæ quæ se habent (a) ad opposita, est habitus, ut supra dictum est (1. 2. quæst. xlix. art. 4. ad 1. 2. & 3.) Et ideo oportet quod actus procedens ex duobus talibus potentis sit perfectus habitu aliquo præexistente in utraque potentiarum. Dictum autem est supra (quæst. 11. art. 1. & 2.) quod credere est actus intellectus, secundum quod movetur a voluntate ad assentiendum. Procul autem huiusmodi actus a voluntate, & ab intellectu; quorum utrumque natum est per habitum perfici secundum prædicta. Et ideo oportet quod tam in voluntate sit aliquis habitus, quem in intellectu, si debeat actus fidei esse perfectus; sicut etiam ad hoc quod actus concupiscibilis sit perfectus, oportet quod sit habitus prudentiæ in ratione, & habitus temperantiæ in concupiscibili. Credere autem immediate est actus intellectus: quia obiectum huius actus est *verum*, quod proprie pertinet ad intellectum.

Et ideo necesse est quod fides, quæ est proprium principium huius actus, sit in intellectu sicut in subiecto.

Ad primum ergo dicendum, quod Augustinus fidem accipit pro actu fidei, qui dicitur consistere in credentium voluntate, in quantum ex imperio voluntatis intellectus credibilibus assentit.

Ad secundum dicendum, quod non solum oportet voluntatem esse promptam ad obediendum, sed etiam intellectum esse bene dispositum ad sequendum im-

perium voluntatis; sicut oportet concupiscibilem esse bene dispositum ad sequendum imperium rationis & ideo non solum oportet esse habitum virtutis in voluntate imperante, sed etiam in intellectu assentiente.

Ad tertium dicendum, quod fides est in intellectu speculativo sicut in subiecto, ut manifeste patet ex fidei obiecto. Sed quia veritas prima, quæ est fidei obiectum, est finis omnium desideriorum, & actionum nostrarum, ut patet per Augustinum in I. de Trin. (cap. viii. in med.) inde est quod per dilectionem operatur, sicut etiam intellectus speculativus extensione sit practicus, ut dicitur in III. de Anima (text. 49)

### ARTICULUS III. 25

*Utrum caritas sit forma fidei.*

*Inf. quæst. xxv. art. 2. & III. dist. xxii. quæst. 111. art. 1. quæst. 2. & dist. xxvii. quæst. 11. art. 4. quæst. 2 & ver. quæst. xiv. art. 5 & quæst. 11 art. 3.*

**A**D tertium sic proceditur. Videtur quod caritas non sit forma fidei. Unumquodque enim sortitur speciem per suam formam. Eorum ergo quæ ex opposito dividuntur, sicut diversa species unius generis, unum non potest esse forma alterius. Sed fides, & caritas dividuntur ex opposito I. ad Corinth. xiii. sicut diverse species virtutis. Ergo caritas non potest esse forma fidei.

2. Præterea. Forma, & id cuius est forma, sunt in eodem, quia ex his fit unum simpliciter. Sed fides est in intellectu, caritas autem in voluntate. Ergo caritas non est forma fidei.

3. Præterea. Forma est principium rei. Sed principium credendi ex parte voluntatis magis videtur esse obedientia quam caritas, secundum illud ad Rom. 1. 5. *Ad obediendum fidei in omnibus gentibus*. Ergo obedientia magis est forma fidei quam caritas.

Sed contra est quod unumquodque operatur per suam formam. Fides autem per dilectionem operatur. Ergo dilectio caritatis est fidei forma.

Respondeo dicendum, quod, sicut ex superioribus patet (1. 2. quæst. 1. art. 3. & quæst. xvii. art. 6.) actus voluntarii speciem recipiunt a fine, qui est voluntatis obiectum. Id autem a quo aliquid

spe-

(a) Ita cum mss. edid. possim. Edit. Rom. aliæque vetustæ ad obiecta.

speciem fortitur, se habet ad modum formae in rebus naturalibus. fit ideo cuiuslibet actus voluntarii forma quodammodo est finis, ad quem ordinatur: tum quia ex ipso recipit (a) speciem; tum etiam quia modus actionis oportet quod respondeat proportionabiliter fini. Manifestum est autem ex praedictis (art. 1. huius quaest.) quod actus fidei ordinatur ad obiectum voluntatis, quod est bonum, sicut ad finem. Hoc autem bonum quod est finis fidei, scilicet bonum divinum, est proprium obiectum caritatis.

Et ideo caritas dicitur forma fidei, inquantum per caritatem actus fidei perficitur, & formatur.

Ad primum ergo dicendum, quod caritas dicitur esse forma fidei, inquantum informat actum ipsius. Nihil autem prohibet, unum actum a diversis habitibus informari, & secundum hoc ad diversas species reduci ordine quodam, ut supra dictum est (1. 2. quaest. xviii. art. 6. & 7. & quaest. lvi. art. 2.) cum de actibus humanis in communi ageretur.

Ad secundum dicendum, quod obiectum illa procedit de forma interinseca. Sic autem caritas non test forma fidei, sed prout informat actum eius, ut supra dictum est (in corp. art.)

Ad tertium dicendum, quod etiam ipsa obedientia, & similiter spes, & quaecumque alia virtus posset precedere actum fidei, rationaliter formatur a caritate, sicut iuxta patebit (quaest. xxiii. art. 8.) & ideo ipsa caritas ponitur forma fidei.

## ARTICULUS IV. 26

Utrum fides informis possit fieri formata, vel e converso.

III. dist. xxiii. quaest. 111. art. 4. & IV. dist. xvii. quaest. 11. art. 1. quaest. 3. cor. & veni. quaest. xiv. art. 7. & ad Rom. 1. lect. 6.

**A**D quantum sic proceditur. Videtur quod fides informis non fiat formata, nec e converso. Quia, ut dicitur I. ad Corinth. xii. 10. cum veneris quod perfectum est, evacuabitur quod ex parte est. Sed fides informis imperfecta est respectu formatae. Ergo, adveniente fide formata, fides informis excluditur, ut non sit unus habitus numero.

2. Praeterea. Illud quod est mortuum,

non fit vivum. Sed fides informis est mortua, secundum illud Iac. 11. 20. *Fides sine operibus mortua est*. Ergo fides informis non potest fieri formata.

3. Praeterea. Gratia Dei adveniens non habet minorem effectum in homine fidei quam infidei. Sed adveniens homini infidei causat in eo habitum fidei. Ergo etiam adveniens fidei, qui habebat prius habitum fidei informis, causat in eo alium habitum fidei.

4. Praeterea. Sicut Boetius dicit, *accidentia alterari non possunt*. Sed fides est quoddam accidens. Ergo non potest eadem fides quandoque esse formata, & quandoque informis.

Sed contra est quod Iacobi 11. super illud, *Fides sine operibus mortua est*, sicut Glossa (interlin.) „ quibus revivimus, scit. “ Ergo fides quae erat prius mortua, & informis, fit formata, & vivens.

Respondeo dicendum, quod circa hoc fuerunt diversae opiniones. Quidam enim dixerunt, quod alius est habitus fidei formatae, & informis; sed adveniente fide formata, tollitur fides informis: & similiter homini post fidem formatam peccanti mortaliter, succedit alius habitus fidei informis a Deo infusus. Sed hoc non videtur esse conveniens quod gratia adveniens homini aliquod Dei donum excludat; neque etiam quod aliquod Dei donum homini infundatur propter peccatum mortale.

Et ideo alii dixerunt, quod sunt quidem diversi habitus fidei formatae, & informis; sed tamen, adveniente fide formata, non tollitur habitus fidei informis, sed simul manet in eodem cum habitu fidei formatae. Sed hoc etiam videtur esse inconveniens quod habitus fidei informis in habente fidem formatam remaneat otiosus.

Et ideo aliter dicendum, quod idem est habitus fidei formatae, & informis. Cuius ratio est, quia habitus diversificatur secundum illud quod per se ad habitum pertinet. Cum autem fides sit perfectio intellectus, illud per se ad fidem pertinet quod pertinet ad intellectum. Quod autem pertinet ad voluntatem, non per se pertinet ad fidem; igitur quod per hoc fidei habitus possit diversificari. Distinctio autem fidei formatae, & informis est secundum id quod pertinet ad voluntatem, id est secundum caritatem, non autem secundum illud quod pertinet ad intellectum. Unde fides formata,

(a) Ita edit. Parav. Omnes aliae formam.

ra, & informis non sunt diversi habitus.

Ad primum ergo dicendum, quod verbum Apostoli est intelligendum, quando imperfectio est de ratione imperfecti: tunc enim oportet quod adveniente perfecto, imperfectum excludatur; sicut adveniente aperta visione, excluditur fides, de cuius ratione est ut sit non apparentium. Sed quando imperfectio non est de ratione rei imperfectae, tunc illud numero idem quod erat imperfectum, fit perfectum; sicut pueritia non est de ratione hominis, & ideo idem numero qui erat puer, fit vir. Informitas autem fidei non est de ratione (a) fidei, sed per accidens se habet ad ipsam, ut dictum est (in corp.). Unde ipsamet fides informis fit formata.

Ad secundum dicendum, quod illud quod facit vitam animalis, est de ratione ipsius, quia est forma essentialis eius, scilicet anima: & ideo mortuum fieri vivum non potest; sed aliud specie est quod est mortuum, & quod est vivum. Sed id quod facit idem esse formatam, vel vivam, non est de essentia fidei. Et ideo non est simile.

Ad tertium dicendum, quod gratia facit fidem, non solum quando fides de novo incipit esse in homine, sed etiam quamdiu fides durat. Dictum est enim supra (P. I. quæst. civ. art. 1. & 1.2. quæst. civ. art. 9.) quod Deus semper operatur iustificationem hominis, sicut Sol semper operatur illuminationem aeris. Unde gratia non minus facit adveniens fideli quam adveniens infideli: quia in utroque operatur fidem: in uno quidem confirmando, & perficiendo; in alio de novo creando.

Vel potest dici, quod hoc est per accidens, scilicet propter dispositionem subiecti, quod gratia non causat fidem in eo qui habet; sicut e contrario secundum peccatum mortale non tollit gratiam ab eo qui eam amisit per peccatum mortale præcedens.

Ad quartum dicendum, quod per hoc quod fides formata sit informis, non mutatur ipsa fides, sed mutatur subiectum fidei, quod est anima; quod quandoque quidem habet fidem sine caritate, quandoque autem cum caritate.

## ARTICULUS V. 27

### Utrum fides sit virtus.

1.2. quæst. lxxv. art. 1. & III. d. ff. xxii. quæst. 11. art. 4. quæst. 1. & quæst. 117. art. 1. quæst. 2. & veri. quæst. xiv. art. 3. & 6.

**A**D quintum sic proceditur. Videtur enim quod fides non sit virtus. Virtus enim ordinatur ad bonum: nam virtus est quæ bonum facit habentem, ut dicit Philosophus in II. Ethic. (cap. vi.) Sed fides ordinatur ad verum. Ergo fides non est virtus.

2. Præterea. Perfectior est virtus infusa quam acquisita. Sed fides propter sui imperfectionem non ponitur inter virtutes intellectuales acquisitas, ut patet per Philosophum in VI. Ethic. (cap. 111. circ. princ.) Ergo multo minus potest poni virtus infusa.

3. Præterea. Fides formata, & informis sunt eiusdem speciei, ut dictum est (art. præc.) Sed fides informis non est virtus, quia non habet connexionem cum aliis virtutibus. Ergo nec fides formata est virtus.

4. Præterea. Gratia gratis datæ, & fructus distinguuntur a virtutibus. Sed fides enumeratur inter gratias gratis datas I. Corinth. xxi. & similiter inter fructus ad Galat. v. Ergo fides non est virtus.

Sed contra est quod homo per virtutes iustificatur: nam iustitia est tota virtus, ut dicitur in V. Ethic. (cap. 1.) Sed per fidem homo iustificatur, secundum illud ad Rom. v. 1. Iustificati ergo ex fide pacem habeamus &c. Ergo fides est virtus.

Respondeo dicendum, quod, sicut ex prædictis patet (1.2. quæst. lv. art. 3. & 4.) virtus humana est per quam actus humanus redditur bonus. Unde quicumque habitus est semper principium boni actus, potest dici virtus humana. Talis autem habitus est fides formata. Cum enim credere sit actus intellectus assentientis vero ex imperio voluntatis, ad hoc quod iste actus sit perfectus, duo requiruntur: quorum unum est ut infallibiliter intellectus tendat in suum obiectum, quod est verum; aliud autem est ut voluntas infallibiliter ordinetur ad ultimum finem, propter quem assentit vero.

(a) Ita codd. Terrac. Alcan. & Camer. sed Nicolaius, & edit. Patav. fidei perfectam. Al. fidei neque perfectæ, neque imperfectæ: sicut de ratione rei perfectæ. Theologi notant imperfectam esse possum a D. Thoma: quo fundamento retinent tamen nostram ledignam.



vero. Et utrumque invenitur in actu fidei formatæ. Nam ex ratione ipsius fidei est quod intellectus semper feratur in verum: quia fidei non potest subesse falsum, ut supra habitum est (quæst. 1. art. 3.) Ex caritate autem, quæ format fidem, habet anima quod infallibiliter voluntas ordinetur in finem bonum. Et ideo fides formata est virtus.

Fides autem informis non est virtus: (a) quia etsi habeat perfectionem debitam actus fidei informis ex parte intellectus, non tamen habet perfectionem debitam ex parte voluntatis; sicut etiam si temperantia esset in concupiscibili, & prudentia non esset in rationali, temperantia non esset virtus, ut supra dictum est (1. 2. quæst. lxxv. art. 4. & quæst. lxxv. art. 1.) quia ad actum temperantiae requiritur & actus rationis, & actus (b) concupiscibilis, sicut ad actum fidei requiritur actus voluntatis, & actus intellectus.

Ad primum ergo dicendum, quod ipsum verum est bonum intellectus, cum sit eius perfectio: & ideo, in quantum per fidem intellectus determinatur ad verum, fides habet ordinem in bonum quoddam; sed ulterius, in quantum fides formatur per caritatem, habet etiam ordinem ab bonum, secundum quod est voluntatis obiectum.

Ad secundum dicendum, quod fides de qua Philosophus loquitur, innititur rationi humanæ non ex necessitate concludenti, cui potest subesse falsum: & ideo talis fides non est virtus. Sed fides de qua loquimur, innititur veritati divinæ, quæ est infallibilis, & ita non potest ei subesse falsum: & ideo talis fides potest esse virtus.

Ad tertium dicendum, quod fides formata, & informis non differunt specie, sicut in diversis speciebus existentes; differunt autem sicut perfectum, & imperfectum in eadem specie. Unde fides informis, cum sit imperfecta, non pertingit ad perfectam rationem virtutis: nam virtus est perfectio quædam, ut dicitur in VII. Physic. (text. 17. & 18.)

Ad quartum dicendum, quod quidam ponunt, quod fides, quæ connumeratur inter gratias gratia datas, est fides informis.

Sed hoc non convenienter dicitur: quia gratia gratis datæ, quæ ibi enume-

rantur, non sunt communes omnibus membris Ecclesiæ. Unde Apostolus dicit: *Divisiones gratiarum sunt*: & iterum: *Alii datur hoc, alii datur illud*. Fides autem informis est communis omnibus membris Ecclesiæ: quia informitas non est de substantia eius, secundum quod est donum gratiarum.

Unde dicendum est, quod sumitur ibi pro aliqua fidei excellentia; sicut pro *constantia fidei*, ut dicit Glossa (interl. ibid.) vel pro *sermone fidei*. Fides autem ponitur fructus, secundum quod habet aliquam delectationem in suo actu ratione certitudinis: unde ad Galat. v. ubi enumerantur fructus, exponitur fides de *invisibilibus certitudo*.

## ARTICULUS VI. 38

*Utrum fides sit una virtus.*

III. dist. xxxi. quæst. 11. art. 6. quæst. 2. & IV. dist. 1. quæst. 11. art. 2. quæst. 5. cor. & ver. quæst. xiv. art. 12. & Rom. v. lect. 5. fin. & lect. 6. & 11. Corinth. iv. lect. 1. fin.

**A**D sextum sic proceditur. Videtur quod non sit una fides. Sicut enim fides est donum Dei, ut dicitur ad Ephes. v. ita etiam sapientia, & scientia inter dona Dei computantur, ut patet Ila. xl. Sed sapientia, & scientia differunt per hoc quod sapientia est de æternis, scientia vero de temporalibus, ut patet per Augustinum XIII. de Trinit. (cap. xix. a princ.) Cum ergo fides sit de æternis, & de quibusdam temporalibus, videtur quod non sit una fides, sed distinguatur in partes.

2. Præterea. Confessio est actus fidei, ut supra dictum est (quæst. 11. art. 1.) Sed non est una & eadem confessio fidei apud omnes: nam quod nos confitemur factum, antiqui patres constabantur futurum, ut patet Iai. vii. 14. *Ecce virgo concipiet*. Ergo non est una fides.

3. Præterea. Fides est communis omnibus fidelibus Christi. Sed unum accidens non potest esse in diversis subiectis. Ergo non potest esse una fides omnium.

Sed contra est quod dicit Apostolus ad Ephes. iv. 5. *Unus Dominus, una fides*.

Respondeo dicendum, quod fides, si sumatur pro habitu, dupliciter potest con-

(a) Ita ex codicibus editi omnes. Nicolai cum Theologis sic ordinat: quia etsi actus fidei informis habeat perfectionem debitam ex parte intellectus &c. (b) Ita cod. Turrac. Alcan. Parsi. cum Nicolao & edit. Patav. Al. concupiscentiæ.

considerari. Uno modo ex parte obiecti; & sic est una fides: obiectum enim formale fidei est veritas prima, cui etiam inherendo credimus quaecumque sub fide continentur. Alio modo ex parte subiecti; & sic fides diversificatur, secundum quod est diversorum. Manifestum est autem quod fides, sicut & quilibet alius habitus, ex formali ratione obiecti habet speciem, sed ex subiecto individuatur. Et ideo si fides sumatur pro habitu quo credimus, sic fides est una specie, & differens numero in diversis.

Si vero sumatur pro eo quod creditur, sic etiam est una fides: quia idem est quod ab omnibus creditur; & si sint diversa credibilia, quae communiter omnes credunt, tamen omnia reducuntur ad unum.

Ad primum ergo dicendum, quod temporalia quae in fide proponuntur, non pertinent ad obiectum fidei, nisi in ordine ad aliquod aeternum, quod est veritas prima, sicut supra dictum est (quaest. 1. art. 1.) Et ideo fides una est de temporalibus, & aeternis. Sectus autem est de sapientia, & scientia, quae considerant temporalia, & aeterna secundum proprias rationes utrorumque.

Ad secundum dicendum, quod illa differentia praeteriti, & futuri non contingit ex aliqua diversitate rei creditae, sed ex diversa habitudine credentium ad unam rem credam, ut etiam supra habitum est (1. 2. quaest. cxi. art. 4. & quaest. cvii. art. 1. ad 1.)

Ad tertium dicendum, quod illa ratio procedit de diversitate fidei secundum numerum.

## ARTICULUS VII. 29

*Utrum fides sit prima inter virtutes.*

1. 2. quaest. vi. art. 6. & III. dist. xxi. quaest. 11. art. 5. & ver. quaest. xiv. art. 2. cor. & ad 1. & 2. & art. 3. ad 4.

**A**D septimum sic proceditur. Videtur quod fides non sit prima inter virtutes. Dicitur enim Luc. xii. in Glossa (ordin. Ambr.) super illud *Dico vobis amicitias meas*, quod fortitudo est fidei fundamentum. Sed fundamentum est prius eo cuius est fundamentum. Ergo fides non est prima virtus.

2. Praeterea. Quaedam Glossa (interl.

Castiod.) dicit (a) super illum Psalm. *Noli emulari* (in ea verba *Spera in Domino* Psalm. xxxvi.) quod „ spes intro- „ ducit ad fidem. “ Spes autem est virtus quaedam, ut infra dicitur (quaest. xvii. art. 1.) Ergo fides non est prima virtutum.

3. Praeterea. Supra dictum est (art. 2. hu. quaest.) quod intellectus credentis inclinatur ad assentiendum his quae sunt fidei, ex obedientia ad Deum. Sed obedientia est etiam quaedam virtus. Non ergo fides est prima virtus.

4. Praeterea. Fides informis non est fundamentum, sed fides formata, sicut in Glossa (interl. & ord. Aug. Lib. de fid. & operib. cap. xvi. sup. illud *Fundamentum enim aliud* &c.) dicitur 1. ad Cor. xii. Formatur autem fides per caritatem, ut supra dictum est (art. 3. huius quaest.) Ergo fides a caritate habet quod sit fundamentum. Caritas ergo est (b) magis fundamentum quam fides: nam fundamentum est prima pars aedificii: & ita videtur quod sit prior fide.

5. Praeterea. Secundum ordinem actuum intelligitur ordo habituum. Sed in actu fidei actus voluntatis, quem perficit caritas, praecedit actum intellectus, quem perficit fides, sicut causa, quae praecedit effectum. Ergo caritas praecedit fidem. Non ergo fides est prima virtutum.

Sed contra est quod Apostolus dicit ad Hebr. xi. 1. quod *fides est substantia sperandarum rerum*. Sed substantia habet rationem primi. Ergo fides est prima inter virtutes.

Respondeo dicendum, quod aliquid potest esse prius altero dupliciter: uno modo per se; alio modo per accidens. Per se quidem inter omnes virtutes prima est fides. Cum enim in agibilibus finis sit principium, ut supra dictum est (1. 2. quaest. xxi. art. 3. & quaest. xxxiv. art. 4. ad 1.) necesse est virtutes theologicas, quarum obiectum est ultimus finis, esse priores ceteris virtutibus. Ipse autem ultimus finis oportet quod prius sit in intellectu quam in voluntate: quia voluntas non fertur in aliquid, nisi prout est in intellectu apprehensum. Unde cum ultimus finis sit quidem in voluntate per spem, & caritatem, in intellectu autem per fidem; necesse est quod fides sit prima inter omnes virtutes: quia naturalis cognitio non potest attingere ad Deum, se-

(a) Ita ex codicibus editi veteres, Nicolai & edit. Patav. super illud, *Spera in Domino* in Plal. xxxvi. *Noli emulari*, quod spes &c. ex margine in textum translata annotatione. (b) Ita cum cod. Tarrac. & Alcan. edit. Patav. *Al. maius*.

secundum quod est obiectum beatitudinis, prout tendit in ipsum spes, & caritas.

Sed per accidens potest aliqua virtus esse prior fide. Causa enim per accidens est per accidens prior. Removeere autem prohibens pertinet ad causam per accidens, ut patet per Philosophum in VIII. Phyl. (tex. 32.) Et secundum hoc aliquae virtutes possunt dici per accidens priores fide, inquantum removeant impedimenta credendi; sicut fortitudo removeat inordinatum timorem, impediens fidem; humilitas autem superbiā, per quam intellectus recusat se submittere veritati fidei: & idem potest dici de aliis virtutibus, quamvis non sint vere virtutes, nisi praesupposita fide, ut patet per Augustinum in Lib. IV. contra Iulianum (cap. 111.)

Unde patet responso ad primum.

Ad secundum dicendum, quod spes non potest universaliter introducere ad fidem. Non enim potest spes haberi de aeterna beatitudine, nisi credatur possibile: quia impossibile non cadit sub spe, ut ex supra dictis patet (1. 2. quaest. xl. art. 1.) Sed ex spe aliquis introduci potest ad hoc quod perseveret in fide, vel quod fidei firmiter adhæreat: & secundum hoc dicitur spes introducere ad fidem.

Ad tertium dicendum, quod obedientia dupliciter dicitur. Quandoque enim importat inclinationem voluntatis ad implendum divina mandata; & sic non est specialis virtus, sed generaliter includitur in omni virtute: quia omnes actus virtutum cadunt sub praeceptis legis divinae, ut supra dictum est (1. 2. quaest. c. art. 2.) Et hoc modo ad fidem requiritur obedientia. Alio modo potest accipi obedientia, secundum quod importat inclinationem quantum ad implendum mandata, secundum quod habent rationem debiti; & sic obedientia est specialis virtus, & pars iustitiae: reddit enim superiori debitum, obediendo (a) sibi: & hoc modo obedientia sequitur fidem, per quam manifestatur homini quod Deus sit superior, cui debeat obedire.

Ad quartum dicendum, quod ad rationem fundamenti non solum requiritur quod sit primum, sed etiam quod sit aliis partibus aedificii connexus. Non enim esset fundamentum, nisi ei aliae partes aedificii cohaerere. Connexio autem spiritalis aedificii est per caritatem, secundum illud Colos. 111. 14. *Super omnia*

*S. Tb. Oper. Tom. XXII.*

(a) Nicolaus vi; sed msi. & edipsi possunt ut hic. (b) Fulgata: Si non credideritis, non permanebitis.

*caritatem habere, quae est vinculum perfectionis.* Et ideo fides sine caritate fundamentum esse non potest; nec tamen oportet quod caritas sit prior fide.

Ad quintum dicendum, quod actus voluntatis praerogatur ad fidem, non tamen actus voluntatis caritate informatus; sed talis actus praesupponit fidem: quia non potest voluntas perfectio amore in Deum tendere, nisi intellectus rectam fidem habeat circa ipsum.

## ARTICULUS VIII. 30

*Utrum fides sit certior scientia & aliis virtutibus intellectualibus.*

III. dist. XXIII. quaest. 11. art. 2. quaest. 3. & III. cont. cap. cliv. & ver. quaest. x. art. 12. ad 15. & Ioan. iv. lect. 5. fin.

**A**D octavum sic proceditur. Videtur quod fides non sit certior scientia, & aliis virtutibus intellectualibus. Dubitatio enim opponitur certitudini: unde videtur illud esse certius quod minus potest habere de dubitatione, sicut est albus quod est nigro impermixtius. Sed intellectus, & scientia, & etiam sapientia non habent dubitationem circa ea quorum sunt; credens autem interdum potest pati motum dubitationis, & dubitare de his quae sunt fidei. Ergo fides non est certior virtutibus intellectualibus.

2. Praeterea. Visio est certior auditu. Sed fides est ex auditu, ut dicitur ad Rom. x. 17. in intellectu autem, & scientia, & sapientia includitur quaedam intellectualis visio. Ergo certior est scientia, vel intellectus quam fides.

3. Praeterea. Quanto aliquid est perfectius in his quae ad intellectum pertinent, tanto est certius. Sed intellectus est perfectior fide: quia per fidem ad intellectum pervenitur, secundum illud Iia. vii. 9. (b) *Nisi credideritis, non intellegitis*, secundum aliam litteram (LXX. *Interp.*) & Augustinus dicit etiam de scientia XIV. de Trinit. (cap. 1. a med.) quod *per scientiam roboratur fides*. Ergo videtur quod certior sit scientia, vel intellectus quam fides.

Sed contra est quod Apostolus dicit I. ad Thessalon. 11. 13. *Cum accepissetis a nobis verbum auditus, scilicet per fidem, accepistis id, non ut verbum hominum, sed sicut vere est, verbum Dei.* Sed ni-

C

hil

hil est certius verbo Dei. Ergo scientia non est certior fide, nec aliquid aliud.

Respondendo dicendum, quod, sicut supra dictum est (1. 2. quest. lxxii. art. 4. ad 2.) virtutum intellectualium duae sunt circa contingentia, scilicet prudentia, & ars: quibus praefertur fides in certitudine ratione suae materiae, quia est de aeternis, quae non contingit aliter se habere: tres autem reliquae intellectuales virtutes, scilicet sapientia, scientia, & intellectus, sunt de necessariis, ut supra dictum est (1. 2. quest. lxxii. art. 2. ad 3.) Sed sciendum est, quod sapientia, & scientia, & intellectus dupliciter dicuntur: uno modo, secundum quod ponuntur virtutes intellectuales a Philosopho in VI. Ethic. (cap. xii. vi. & vii.) alio modo, secundum quod ponuntur dona Spiritus sancti.

Primo modo dicendum est, quod certitudo potest considerari dupliciter. Uno modo ex causa certitudinis; & sic dicitur esse certius illud quod habet certiores causam: & hoc modo fides est certior tribus praedictis: quia fides innititur veritati divinae, tria autem praedicta inniuntur rationi humanae.

Alio modo potest considerari certitudo ex parte subiecti; & sic dicitur esse certius quod plenius consequitur intellectus hominis: & per hunc modum, quia ea quae sunt fidei, sunt supra intellectum hominis, non autem ea quae subsunt tribus praedictis; ideo ex hac parte fides est minus certa.

Sed quia unumquodque iudicatur simpliciter quidem secundum causam suam, secundum autem dispositionem, quae ex parte subiecti est, iudicatur secundum quid; inde est quod fides est simpliciter certior; sed alia sunt certiora secundum quid, scilicet quoad nos.

Similiter autem si accipiantur tria praedicta, secundum quod sunt dona praesentis vitae, (a) comparantur ad fidem sicut ad principium, quod praesupponit; Unde etiam secundum hoc fides est eis certior.

Ad primum ergo dicendum, quod illa dubitatio non est ex parte causae fidei, sed quoad nos, in quantum non plene assequimur per intellectum ea quae sunt fidei.

Ad secundum dicendum, quod ceteris paribus visio est certior auditu; sed si ille a quo auditur, multum excedit vi-

sum videntis, sic certior est auditus quam visus; sicut aliquis parvae scientiae magis certificatur de eo quod audit ab aliquo scientifico, quam de eo quod sibi secundum suam rationem videtur: & multo magis homo certior est de eo quod audit a Deo, qui falli non potest, quam de eo quod videt propria ratione, quae falli potest.

Ad tertium dicendum, quod perfectio intellectus, & scientiae excedit cognitionem fidei quantum ad maiorem manifestationem, non tamen quantum ad certiores inhaesionem: quia tota certitudo intellectus, vel scientiae, secundum quod sunt dona, procedit a certitudine fidei; sicut certitudo cognitionis conclusionum procedit ex certitudine principiorum. Secundum autem quod scientia, & sapientia, & intellectus sunt virtutes intellectuales, inniuntur naturali luminari rationis, quod (b) deficit a certitudine, & a verbo Dei, cui inniuntur fides.

## QUAESTIO V.

*De habentibus fidem,*

*in quatuor articulos divisa.*

**D**Einde considerandum est de habentibus fidem: & circa hoc quaeruntur quatuor.

Primo, utrum Angelus, aut homo in prima sui conditione habuerit fidem.

Secundo, utrum daemones habeant fidem.

Tertio, utrum haeretici errantes in uno articulo fidei habeant fidem de aliis articulis.

Quarto, utrum fidem habentium unus alio habeat maiorem fidem.

## ARTICULUS I. 31

*Utrum Angelus, aut homo in prima sui conditione habuerit fidem.*

*Sup. quest. xi. art. 7. cor. & III. P. quest. 1. art. 3. ad 3.*

**A**D primum sic proceditur. Videtur quod Angelus, aut homo in sua prima conditione fidem non habuerit. Dicit enim Hugo de sancto Victore in suis sententiis (sc. Lib. I. de sacram. part. x. cap. xi. ante med.) quod quia homo oc-

(a) Al. cooperatur. (b) Ita editi passim. Codd. Caprer. Alcan. & alii deficit a certitudine a verbo Dei. An deficit certitudine (vel in certitudine) a verbo Dei?

*lum contemplationis non habet apertum, Deum, & quæ in Deo sunt, videre non valet.* Sed Angelus in statu suæ primæ conditionis ante confirmationem, vel lapsum, habuit oculum contemplationis apertum: *videbat enim res in Verbo*, ut Augustinus dicit in II. super Genes. ad lit. (cap. viii.) & similiter primus homo in statu innocentie videtur habuisse oculum contemplationis apertum: dicit enim Hugo de sancto Victore in suis sententiis (loc. cit. part. vi. cap. xiv.) *quod novit homo in primo statu Creatorem suum, non ea cognitione qua foris auditu solo percipitur, sed ea qua intus per inspirationem ministratur; non ea qua Deus modo a credentibus absens fide quaeritur, sed ea qua per præsentiam contemplationis manifestius cernebatur.* Ergo homo, vel Angelus in statu primæ conditionis fidem non habuit.

2. Præterea. Cognitionis fidei est ænigmatica, & obscura, secundum illud I. ad Corinth. xiii. 12. *Nunc videmus per speculum in ænigmate.* Sed in statu primæ conditionis non fuit aliqua obscuritas neque in homine, neque in Angelo: quia tenebrositas est pœna peccati. Ergo fides in statu primæ conditionis esse non potuit neque in homine, neque in Angelo.

3. Præterea. Apostolus dicit ad Roman. x. 17. *quod fides est ex auditu, auditus autem per verbum Dei.* Sed hoc locum non habuit in primo statu angelicæ conditionis, aut humanæ: non enim erat ibi auditus ab alio. Ergo fides in statu illo non erat neque in homine, neque in Angelo.

Sed contra est quod Apostolus dicit ad Hebr. xi. 6. *Accedentem ad Deum oportet credere quia est, & quod inquirentibus se remunerator sit.* Sed Angelus, & homo in sui prima conditione erant in statu accedendi ad Deum. Ergo fides indebent.

Respondendo dicendum, quod quidam dicunt, quod in Angelis ante confirmationem, & lapsum, & in homine ante peccatum non fuit fides, propter manifestam contemplationem, quæ tunc erat de rebus divinis. Sed cum fides sit *argumentum non apparentium*, secundum Apostolum (Heb. xi.) *& per fidem credantur ea quæ non videntur*, ut Augustinus dicit (tr. xl. in Ioan. 2. med. & Lib. II. Qq. Evang. quest. xxxix. in princ.) illa sola manifestatio excludit fidei rationem, per quam redditur apprensus, vel

visum id de quo principaliter est fides. Principale autem obiectum fidei est veritas prima, cuius visio beatos facit, & fidei succedit. Cum ergo Angelus ante confirmationem, & homo ante peccatum non habuerit illam beatitudinem quia Deus per essentiam videtur, manifestum est quod non habuit sic manifestam cognitionem quod excluderetur ratio fidei.

Unde quod non habuerit fidem, hoc esse non potuit, nisi quia penitus ei erat ignotum id de quo est fides. Et si homo, & Angelus fuerunt creati in puris naturalibus, ut quidam dicunt; forte posset teneri, quod fides non fuerit in Angelo ante confirmationem, nec in homine ante peccatum. Cognitionis enim fidei est supra naturalem cognitionem de Deo non solum hominis, sed etiam Angeli.

Sed quia in primo iam diximus (quest. lxxii. art. 3. & quest. xcv. art. 1.) quod homo, & Angelus creati sunt cum dono gratiæ; ideo necesse est dicere, quod per gratiam acceptam, & nondum consummatam fuerit in eis inchoatio quædam speratæ beatitudinis: quæ quidem inchoatur in voluntate per spem, & caritatem, sed in intellectu per fidem, ut supra dictum est (quest. iv. art. 7.) Et ideo necesse est dicere, quod Angelus ante confirmationem habuit fidem, & similiter homo ante peccatum.

Sed tamen considerandum est, quod in obiecto fidei est aliquid quasi formale, scilicet veritas prima super omnem naturalem cognitionem creaturæ existens, & aliquid materiale, sicut id cui assentimur, inhærendo primæ veritati. Quantum ergo ad primum horum, communiter fides est in omnibus habentibus cognitionem de Deo, futura beatitudine nondum adepta, inhærendo primæ veritati; sed quantum ad ea quæ materialiter credenda proponuntur, quædam sunt credita ab uno quæ sunt manifeste scita ab alio, etiam in statu præsentis, ut supra dictum est (quest. i. art. 5. & quest. xi. art. 4. ad 2.) Et secundum hoc etiam potest dici, quod Angelus ante confirmationem, & homo ante peccatum quædam de divinis mysteriis manifesta cognitione cognoverunt, quæ nunc non possumus cognoscere nisi credendo.

Ad primum ergo dicendum, quod quamvis dicta Hugonis de sancto Victore magistralia sint, & robur auctoritatis habeant; tamen potest dici, quod

contemplatio, quæ tollit (a) necessitatem fidei, est contemplatio patriæ, quæ supernaturalis veritas per essentiam videtur. Hanc autem contemplationem non habuit Angelus ante confirmationem, nec homo ante peccatum; sed eorum contemplatio erat altior quam nostra, per quam magis de propinquo accedentes ad Deum, plura manifeste cognoscere poterant de divinis effectibus, & mysteriis, quam nos possumus. Unde non inerat eis fides, quæ ita quæreret Deus absens, sicut a nobis quæritur: erat enim eis magis præsens per lumen sapientiæ, quam sit nobis; licet nec eis esset ita præsens, sicut est beatis per lumen gloriæ.

Ad secundum dicendum, quod in statu primæ conditionis hominis, vel Angeli non erat obscuritas culpæ, vel poenæ; inerat tamen intellectui hominis, & Angeli quædam obscuritas naturalis, secundum quod omnis creatura tenebra est comparata immensitati divini luminis: & talis obscuritas sufficit ad fidei rationem.

Ad tertium dicendum, quod in statu primæ conditionis non erat auditus ab homine exterior loquente, sed a Deo interior inspirante; sicut & Prophetæ audiebant, secundum illud Psal. lxxxv. 9. *Audiam quid loquatur in me Dominus Deus.*

## ARTICULUS II. 32

*Utrum in demonibus sit fides.*

III. dist. xxiii. quæst. 111. art. 3. quæst. 1. & ver. quæst. xiv. art. 9. ad 4.

**A**D secundum sic proceditur. Videtur quod in demonibus non sit fides. Dicit enim Augustinus in Lib. de prædest. sanct. (cap. v. in fi.) quod *fides consistit in credentium voluntate*. Hac autem voluntas bona est, qua quis vult credere Deo. Cum ergo in demonibus non sit aliqua voluntas deliberata bona, ut in l. dictum est (quæst. lxiv. art. 2. ad 5.) videtur quod in demonibus non sit fides.

2. Præterea: Fides est quoddam donum divinæ gratiæ, secundum illud Ephes. 1. 8. *Gratia estis salvati per fidem: donum enim Dei est*. Sed demones dona

gratula amiserunt per peccatum, ut dicitur in Gloſſa (ordin. Hieron.) super illud Oſæ 111. *Ipsi respiciunt ad deos alienos, & diligunt vinacia utrumum*. Ergo fides in demonibus post peccatum non remansit.

3. Præterea. Infidelitas videtur esse gravius peccatum inter peccata, ut patet per Augustinum (trat. lxxxix. in Ioan. a princ.) super illud Ioan. xv. *Si non venissem, & locutus eis non fuisset, peccatum non haberent; nunc autem excusationem non habent de peccato suo*. Sed in quibusdam hominibus est peccatum infidelitatis. Si ergo fides esset in demonibus, aliorum hominum peccatum esset gravius peccato demonum: quod videtur esse inconveniens. Non ergo fides est in demonibus.

Sed contra est, quod dicitur Iac. 11.

19. *Dæmones credunt, & contremiscunt*.

Respondeo dicendum, quod, sicut supra dictum est (quæst. 1. art. 2. & quæst. 11. art. 1.) intellectus credentis assentit rei creditæ, non quia ipsam videat vel secundum se, vel per resolutionem ad prima principia per se visa, (b) sed propter imperium voluntatis moventis intellectum. Quod autem voluntas moveat intellectum ad assentiendum, potest contingere ex duobus: uno modo ex ordine voluntatis ad bonum; & sic credere est actus laudabilis: alio modo quia intellectus convincitur ad hoc quod iudicet esse credendum his quæ dicuntur, licet non convincatur per evidentiam rei: sicut si aliquis Propheta prænuntiaret in sermone Domini aliquid futurum, & adhiberet signum, mortuum suscitando; ex hoc signo convinceretur intellectus videntis, ut cognosceret manifeste hoc dici a Deo, qui non mentitur; licet illud futurum quod prædicitur, in se evidens non esset. Unde per hoc ratio fidei non tolleretur.

Dicendum est ergo, quod in fidelibus Christi laudatur fides secundum primum modum: & secundum hoc non est in demonibus, sed solum secundo modo; vident enim multa manifesta indicia, ex quibus percipiunt doctrinam Ecclesiæ a Deo esse; quamvis ipsi res ipsas quas Ecclesia docet, non videant; puta Deum esse trinum, & unum, vel aliquid huiusmodi.

Ad

(a) Ita mss. & editi plurimi. Edit. Patav. rationem fidei. (b) Ita ex cod. Tarrac. optime Garcia: quam lectionem confirmat cod. Al an. sed sunt moventis intellectum. Al. sed quia convincitur per auctoritatem divinam assentire his quæ non vider, & propter imperium voluntatis moventis intellectum, & obediens Deo. Neque alius omittit & obediens Deo.

Ad primum ergo dicendum, quod dæmonum fides est quodammodo coacta ex signorum evidentiā: & ideo non pertinet ad laudem voluntatis ipsorum quod credunt.

Ad secundum dicendum, quod fides quæ est donum gratiæ, inclinat hominem ad credendum secundum aliquem effectum boni, etiam si sit infirmis: unde fides quæ est in dæmonibus, non est donum gratiæ; sed magis coguntur ad credendum ex perspicacitate naturalis intellectus.

Ad tertium dicendum, quod hoc ipsum dæmonibus displicet quod signa fidei sunt tam evidentiā, ut per ea credere compellantur: & ideo in nullo malitia eorum minuitur per hoc quod credunt.

ARTICULUS III. 33

*Utrum qui discredet unum articulum fidei, possit habere fidem informem de aliis articulis.*

- III. dist. xxiii. quæst. iiii. art. 3. quæst. 2. & ver. quæst. xiv. art. 10. ad 10. & quol. vi. quæst. iv. art. 1.

**A**D tertium sic proceditur. Videtur quod hæreticus qui discredet unum articulum fidei, possit habere fidem informem de aliis articulis. Non enim intellectus naturalis hæretici est potentior quam intellectus catholici. Sed intellectus catholici indiget adiuvari ad credendum quemcumque articulum fidei dono fidei. Ergo videtur quod nec hæretici aliquos articulos fidei credere possint sine dono fidei informis.

2. Præterea. Sicut sub fide continentur multi articuli fidei; ita sub una scientiā, puta Geometria, continentur multæ conclusiones. Sed homo aliquis potest habere scientiā Geometriæ circa quasdam geometricas conclusiones, aliis ignoratis. Ergo homo aliquis potest habere fidem de aliquibus articulis fidei, alios non credendo.

3. Præterea. Sicut homo obedit Deo ad credendum articulos fidei, ita etiam ad servanda mandata legis. Sed homo potest esse obediens circa quædam mandata, & non circa alia. Ergo potest habere fidem circa quosdam articulos, & non circa alios.

Sed contra. Sicut peccatum mortale contrariatur caritati ita discredere unum articulum contrariatur fidei. Sed caritas

*S. Tb. Oper. Tom. XXII.*

non remanet in homine post unum peccatum mortale. Ergo neque fides, postquam discredet unum articulum fidei.

Respondeo dicendum, quod in hæretico discredente unum articulum fidei non manet fides neque formata, neque informis.

Cuius ratio est, quia species cuiuslibet habitus dependet ex formali ratione obiecti; qua sublata, species habitus remanere non potest. Formale autem obiectum fidei est veritas prima, secundum quod manifestatur in Scripturis sacris, & doctrina Ecclesiæ, quæ procedit ex veritate prima. Unde quicumque non inhæret sicut infallibili, & divinæ regulæ, doctrinæ Ecclesiæ, quæ procedit ex veritate prima in Scripturis sacris manifestata, ille non habet habitum fidei; sed ea quæ sunt fidei, alio modo tenet quam per fidem: sicut si aliquis tenet mente aliquam conclusionem, non cognoscens medium illius demonstrationis, manifestum est quod non habet eius scientiā, sed opinionem solum. Manifestum est autem quod ille qui inhæret doctrinæ Ecclesiæ, tamquam infallibili regulæ, omnibus assentit quæ Ecclesia docet: alioquin si de his quæ Ecclesia docet, quæ vult tenet; & quæ non vult non tenet, non iam inhæret Ecclesiæ doctrinæ, sicut infallibili regulæ, sed propriæ voluntati. Et sic manifestum est quod hæreticus, qui pertinaciter discredet unum articulum fidei, non est paratus sequi in omnibus doctrinam Ecclesiæ: si enim non pertinaciter, iam non est hæreticus, sed solum errans. Unde manifestum est quod talis hæreticus circa unum articulum fidem non habet de aliis articulis, sed opinionem quamdam secundum propriam voluntatem.

Ad primum ergo dicendum, quod alios articulos fidei de quibus hæreticus non errat, non tenet eodem modo sicut tenet eos fideles, scilicet simpliciter inhærendo primæ veritati; ad quod indiget homo adiuvari per habitum fidei; sed tenet ea quæ sunt fidei, propria voluntate, & iudicio.

Ad secundum dicendum, quod in diversis conclusionibus unius scientiæ sunt diversa media, per quæ probantur; quorum unum potest cognosci sine alio: & ideo homo potest scire quasdam conclusiones unius scientiæ, ignoratis aliis. Sed omnibus articulis fidei inhæret fides propter unum medium, scilicet propter veritatem primam propositam nobis in

C 3 Scri-

Scripturis secundum doctrinam Ecclesiae intelligentis sane. Et ideo qui ab hoc medio decidit, totaliter fide caret.

Ad tertium dicendum, quod diversa praecepta legis possunt referri vel ad diversa motiva proxima; & sic unum sine alio servari potest: vel ad unum motivum primum, quod est perfecte obedire Deo; a quo decidit quicumque unum praeceptum transgreditur, secundum illud Iacobi 1. 10. *Qui offendit in uno, factus est omnium reus.*

#### ARTICULUS IV. 34

*Utrum fides possit esse maior in uno quam in alio.*

III. dist. xxv. quæst. 11. art. 2. quæst. 1.

**A**D quartum sic proceditur. Videtur quod fides non possit esse maior in uno quam in alio. Quantitas enim habitus attenditur secundum obiecta. Sed quicumque habet fidem, credit omnia quæ sunt fidei: quia qui deficit ab uno, totaliter amittit fidem, ut supra dictum est (art. præc.) Ergo videtur quod fides non possit esse maior in uno quam in alio.

2. Præterea. Ea quæ sunt in summo, non recipiunt *magis* neque *minus*. Sed ratio fidei est in summo: requiritur enim ad fidem quod homo inhaereat primæ veritati super omnia. Ergo fides non recipit *magis*, & *minus*.

3. Præterea. Ita se habet fides in cognitione gratuita, sicut intellectus principiorum in cognitione naturali: eo quod articuli fidei sunt prima principia gratuita cognitionis, ut ex dictis patet (quæst. 1. art. 7.) Sed intellectus principiorum æqualiter invenitur in omnibus hominibus. Ergo & fides æqualiter invenitur in omnibus fidelibus.

Sed contra. Ubicumque invenitur parvum, & magnum, ibi invenitur maius, & minus. Sed in fide invenitur magnum, & parvum: dicit enim Dominus Petro Matth. xiv. 31. *Modica fidei quare dubitasti?* Et mulieri dixit Matth. xv. 28. *Mulier, magna est fides tua.* Ergo fides potest esse maior in uno quam in alio.

Respondetur dicendum, quod, sicut supra dictum est (1. 2. quæst. lxx. art. 1. & 2. & quæst. cxiii. art. 4.) quantitas habitus ex duobus attendi potest: uno modo ex obiecto; alio modo secundum participationem subiecti,

Obiectum autem fidei potest dupliciter considerari: uno modo secundum formalem rationem; alio modo secundum ea quæ materialiter credenda proponuntur. Formale autem obiectum fidei est unum & simplex, scilicet veritas prima, ut supra dictum est (quæst. 1. art. 1.) Unde ex hac parte fides non diversificatur in credentibus, sed est una specie in omnibus, ut supra dictum est (quæst. iv. art. 6.) Sed ea quæ materialiter credenda proponuntur, sunt plura; & possunt accipi vel magis, vel minus explicite: & secundum hoc potest unus homo plura explicite credere quam alius; & sic in uno potest esse maior fides secundum maiorem fidei explicationem.

Si vero consideretur fides secundum participationem subiecti, hoc contingit dupliciter. Nam actus fidei procedit & ex intellectu, & ex voluntate, ut supra dictum est (quæst. 11. art. 1. & 2. & quæst. iv. art. 2.) Potest ergo fides in aliquo dici maior uno modo ex parte intellectus, propter maiorem certitudinem, & firmitatem; alio modo ex parte voluntatis, propter maiorem promptitudinem, seu devotionem, vel confidentiam.

Ad primum ergo dicendum, quod ille qui pertinaciter discedit aliquid eorum quæ sub fide continentur, non habet habitum fidei; quem tamen habet ille qui non explicite credit omnia, sed paratus est omnia credere. Et secundum hoc ex parte obiecti unus habet maiorem fidem quam alius, inquantum plura explicite credit, ut dictum est (in corp.)

Ad secundum dicendum, quod de ratione fidei est ut veritas prima omnibus præferatur; sed tamen eorum qui eam omnibus præferunt, quidam certius, & devotius se ei subiciunt quam alii: & secundum hoc fides est maior in uno quam in alio.

Ad tertium dicendum, quod intellectus principiorum consequitur ipsam naturam humanam, quæ æqualiter in omnibus invenitur; sed fides consequitur donum gratiæ, quod non est æqualiter in omnibus, ut supra dictum est (1. 2. quæst. cxiii. art. 4.) Unde non est eadem ratio.

Et tamen secundum maiorem capacitatem intellectus unus magis vel minus cognoscit veritatem principiorum quam alius.



## QUAESTIO VI.

De causa fidei,

in duos articulos divisa.

**D**Finde considerandum est de causa fidei: & circa hoc quaeruntur duo. Primo, utrum fides sit homini infusa a Deo.

Secundo, utrum fides informis sit donum Dei.

## ARTICULUS I. 35

Utrum fides sit homini a Deo infusa.

*III. cont. cap. cliv. princ. & ver. quæst. lvi. art. 3. cor. & opusc. 1. cap. xxxi. & Eph. 11. lect. 3.*

**A**D primum sic proceditur. Videtur quod fides non sit homini infusa a Deo. Dicit enim Augustinus XIV. de Trin. (cap. 1. a med.) quod per scientiam gignitur in nobis fides, nutritur, defenditur, & roboratur. Sed ea quæ per scientiam in nobis gignuntur, magis videntur acquisita esse quam infusa. Ergo fides non videtur in nobis esse ex infusione divina.

2. Præterea. Illud ad quod homo pergitur audiendo, & videndo, videtur esse ab homine acquisitum. Sed homo pergitur ad credendum & videndo miracula, & audiendo fidei doctrinam: dicitur enim Ioann. 14. 33. *Cognovit pater, quia illa hora erat in qua dixit et Jesus: Filius tuus vivit: & credidit ipse, & domus eius tota.* Et Rom. x. 17: dicitur, *quod fides est ex auditu.* Ergo fides habetur ab homine tanquam acquisita.

3. Præterea. Illud quod consistit in hominis voluntate, ab homine potest acquiri. Sed fides consistit in credentium voluntate, ut Augustinus dicit in Lib. de prædest. Sanctorum (cap. v. circ. fin.) Ergo fides potest esse ab homine acquisita.

Sed contra est quod dicitur ad Ephel. 11. 8. *Gratia estis salvati per fidem; & hoc non ex vobis. . . . ne quis gloriatur. . . . donum enim Dei est.*

Respondeo dicendum, quod ad fidem duo requiruntur. Quorum unum est ut homini credibilia proponantur; quod requiritur ad hoc quod homo aliquid ex-

plite credat. Aliud autem quod ad fidem requiritur, est assensus credentis ad ea quæ proponuntur. Quantum ergo ad primum horum, necesse est quod fides sit a Deo. Ea enim quæ sunt fidei, excedunt rationem humanam, unde non cadunt in cognitionem hominis, nisi Deo revelante. Sed quibusdam quidem revelantur immediate a Deo, sicut sunt revelata Apostolis, & Prophetis; quibusdam autem proponuntur a Deo mittente fidei prædicatores, secundum illud Rom. x. 15. *Quomodo prædicabunt, nisi mittantur?*

Quantum vero ad secundum, scilicet ad assensum hominis in ea quæ sunt fidei, potest considerari duplex causa: una quidem exterius inducens, sicut miraculum visum; vel persuasio hominis inducentis ad fidem: quorum neutrum est sufficiens causa: videndum enim unum & idem miraculum, & audientium eandem prædicationem quidam credunt, & quidam non credunt. Et ideo oportet ponere aliam causam interioriorem, quæ movet hominem interius ad assentiendum his quæ sunt fidei.

Hanc autem causam Pelagiani ponebant solum liberum arbitrium hominis: & propter hoc dicebant, quod initium fidei est ex nobis, inquantum scilicet ex nobis est quod parati sumus ad assentiendum his quæ sunt fidei; sed consummatio fidei est a Deo, (a) per quem nobis proponuntur ea quæ credere debemus.

Sed hoc est falsum: quia cum homo assentiendo his quæ sunt fidei, eleverit supra naturam suam, oportet quod hoc inlit ei ex supernaturali principio interiorius movente; quod est Deus. Et ideo fides quantum ad assensum, qui est principalis actus fidei, est a Deo interiorius movente per gratiam.

Ad primum ergo dicendum, quod per scientiam gignitur fides, & nutritur per modum exterioris persuasionis, quæ fit ab aliqua scientia; sed principalis, & propria causa fidei est id quod interiorius movet ad assentiendum.

Ad secundum dicendum, quod etiam ratio illa procedit de causa proponente exterius ea quæ sunt fidei, vel persuadente ad credendum vel verbo, vel facto.

Ad tertium dicendum, quod credere quidem in voluntate credentium consistit; sed oportet quod voluntas hominis præ-

(a) Ita cum codicibus edis. Patav. Al. per quam.

præparetur a Deo per gratiam, ad hoc quod eleveetur in ea quæ sunt supra naturam, ut supra dictum est (in cor. & quæst. 11. art. 3.)

## ARTICULUS II. 36

*Utrum fides informis sit donum Dei.*

III. dist. XXXII. quæst. 111. art. 2. & ver. quæst. XIV. art. 7. cor. & Rom. VIII. lect. 3.

**A**D secundum sic proceditur. Videtur quod fides informis non sit donum Dei. Dicitur enim Deuter. XXXII. 4. quod *Dei perfecta sunt opera*. Fides autem informis est quoddam imperfectum. Ergo fides informis non est opus Dei.

2. Præterea. Sicut actus dicitur deformis propter hoc quod caret debita forma; ita etiam fides dicitur informis propter hoc quod caret debita forma. Sed actus deformis peccati non est a Deo, ut supra dictum est (1. 2. quæst. LXXIX. art. 2. ad 2.) Ergo neque etiam fides informis est a Deo.

3. Præterea. Quemcumque Deus sanat, totaliter sanat: dicitur enim Ioan. VII. 23. *Si circumcisionem accipit homo in sabbato, ut non solvatur lex Moysi; mihi indignamini, quia totum hominem sanum feci in sabbato?* Sed per fidem homo sanatur ab infidelitate. Quicumque ergo donum fidei a Deo accipit, simul sanatur ab omnibus peccatis. Sed hoc non fit nisi per fidem formatam. Ergo sola fides formata est donum Dei. Non ergo fides informis est a Deo.

Sed contra est quod quædam Glossa (August. in fragm. serm. de 3. panib.) dicit I. ad Cor. XIII. quod *fides quæ est sine caritate, est donum Dei*. Hæc autem est informis. Ergo fides informis est donum Dei.

Respondeo dicendum, quod infirmitas privatio quadam est. Est autem considerandum, quod privatio quandoque quidem pertinet ad rationem speciei, quandoque autem non, sed supervenit rei iam habenti propriam speciem: sicut privatio debite commutationis humorum est de ratione speciei ipsius ægritudinis; tenebrositas autem non est de ratione ipsius diaphani, sed ei supervenit. Quia ergo cum assignatur causa alicuius rei, intelligitur assignari causa eius, secundum quod in propria specie existit; ideo quod non est causa priva-

tionis, non potest dici esse causa illius rei ad quam pertinet privatio, sicut ex-assens de ratione speciei illius: non enim potest dici causa ægritudinis quod non est causa dissemperantia humorum; potest tamen dici aliquid esse causa diaphani, quamvis non sit causa obscuritatis, quæ non est de ratione speciei diaphani.

Infirmitas autem fidei non pertinet ad rationem speciei ipsius fidei, cum fides dicatur informis propter defectum cuiusdam exterioris formæ, sicut dictum est (quæst. IV. art. 4.) Et ideo illud est causa fidei informis, quod est causa fidei simpliciter dicte. Hoc autem est Deus, ut dictum est (artic. præc.) Unde relinquatur quod fides informis sit donum Dei.

Ad primum ergo dicendum, quod fides informis etsi non sit perfecta simpliciter perfectione virtutis, est tamen perfecta quadam perfectione quæ sufficit ad fidei rationem.

Ad secundum dicendum, quod deformitas actus est de ratione speciei ipsius actus, secundum quod est actus moralis, ut supra dictum est (I. P. quæst. XLVIII. art. 1. ad 2. & 1. 2. quæst. LXX. art. 6.) dicitur enim actus deformis per privationem formæ intrinsecæ, quæ est debita commensurationi circumstantiarum actus. Et ideo non potest dici causa actus deformis Deus, qui non est causa deformitatis, licet sit causa actus, in quantum est actus.

Vel dicendum, quod deformitas non solum importat privationem debite formæ, sed etiam contrariam dispositionem: unde deformitas se habet ad actum, sicut salitas ad fidem. Et ideo sicut actus deformis non est a Deo, ita nec aliqua fides falsa; & sicut fides informis est a Deo, ita etiam actus qui sunt boni ex genere, quamvis non sint caritate formati, sicut plerumque in peccatoribus contingit, sunt a Deo.

Ad tertium dicendum, quod ille qui accipit a Deo fidem absque caritate, non simpliciter sanatur ab infidelitate, quia non removetur culpa præcedentis infidelitatis; sed sanatur secundum quid, ut scilicet cesset a tali peccato. Hoc autem frequenter contingit quod aliquis desinit ab uno actu peccati, etiam Deo hoc faciente, qui tamen ab actu alterius peccati non desinit, propria iniquitate suggerente. Et per hunc etiam modum datur aliquando homini a Deo quod cre-

dat;

dae; non tamen datur ei caritatis donum; sicut etiam aliquibus absque caritate datur donum prophetiae, vel aliquid simile.

QUAESTIO VII.

*De effectibus fidei,*

*in duos articulos divisa.*

**D**Einde considerandum est de effectibus fidei: & circa hoc quaeruntur duo.

Primo, utrum timor sit effectus fidei. Secundo, utrum purificatio cordis sit effectus fidei.

ARTICULUS I. 37

*Utrum timor sit effectus fidei.*

**A**D primum sic proceditur. Videtur quod timor non sit effectus fidei. Effectus enim non praedit causam. Sed timor praedit fidem: dicitur enim Eccli. 12. 8. *Qui timeris Deum, credite illi.* Ergo timor non est effectus fidei.

2. Praeterea. Idem non est causa contrarium. Sed timor, & spes sunt contraria, ut supra dictum est (1. 2. quaest. xxxiii. art. 2.) Fides autem generat spem, ut dicitur in Glossa (interl. sup. illud, *Abram genuit Isaac*) Matth. 1. Ergo non est causa timoris.

3. Praeterea. Contrarium non est causa contrarii. Sed obiectum fidei est quoddam bonum, quod est veritas prima; obiectum autem timoris est malum, ut supra dictum est (1. 2. quaest. xlii. art. 1.) Actus autem habent speciem ex obiecto, secundum supra dicta (1. 2. quaest. xviii. art. 2.) Ergo fides non est causa timoris.

Sed contra est quod dicitur Iac. 1. 19. *Daemones credunt, & contremiscunt.*

Respondendo dicendum, quod timor est quidam motus appetitivae virtutis, ut supra dictum est (1. 2. quaest. xxii. art. 2. & quaest. xlii. art. 1.) Omnium autem appetitivorum motuum principium est bonum, vel malum apprehensum. Unde oportet quod timoris, & omnium appetitivorum motuum sit principium aliqua apprehensio. Per fidem autem fit in nobis quaedam apprehensio de quibusdam malis poenalis, quae secundum divinum iudicium inferuntur: & per hunc modum fides est causa timoris, quo quis timet a Deo puniri; qui timor est servilis.

Est etiam causa timoris filialis, quo quis timet separari a Deo, vel quo quis refugit su Deo comparare, reverendo ipsum, in quantum per fidem hanc estimationem habemus de Deo, quod sit quoddam immensum, & altissimum bonum, a quo separari est pessimum, & cui velle aequari est malum.

Sed primi timoris, scilicet servilis, est causa fides informis; & secundi timoris, scilicet filialis, est causa fides formata, quae per caritatem facit hominem Deo adherere, & ei subiaci.

Ad primum ergo dicendum, quod timor Dei non potest universaliter praedecere fidem: quia si omnino eius ignorantiam haberemus quantum ad praemia, vel poenas, de quibus per fidem instruimur, nullo modo eum timeremus. Sed, supposita fide de aliquibus articulis fidei, puta de excellentia divina, sequitur timor reverentiae, ex quo sequitur ulterius ut homo intellectum suum Deo subiaciat ad credendum omnia quae sunt promissa a Deo. Unde ibi sequitur: *Et non evacuabitur merces vestra.*

Ad secundum dicendum, quod idem secundum contraria potest esse contrarium causa, non autem idem secundum idem. Fides autem generat spem, secundum quod facit nobis estimationem de praemiis, quae Deus retribuit iustis; est autem causa timoris, secundum quod facit nobis estimationem de poenis, quas peccatoribus infligere vult.

Ad tertium dicendum, quod obiectum fidei primum, & formale est bonum, quod est veritas prima; sed materialiter fidei proponuntur etiam credenda quaedam mala; puta quod malum sit Deo non subiaci, vel ab eo separari; & quod peccatores poenalia mala sustinebunt a Deo: & secundum hoc fides potest esse causa timoris.

ARTICULUS II. 38

*Utrum purificatio cordis sit effectus fidei.*

IV. dist. xiv. quaest. 1. art. 4. ad 3. & ver. quaest. xxvii. art. 1. ad 6.

**A**D secundum sic proceditur. Videtur quod purificatio cordis non sit effectus fidei. Puritas enim cordis praecipue in affectu consistit. Sed fides in intellectu est. Ergo fides non causat cordis purificationem.

2. Praeterea. Illud quod causat cordis pu-

purificationem, non potest simul esse cum impuritate. Sed fides simul potest esse cum impuritate peccati, sicut patet in illis qui habent fidem informem. Ergo fides non purificat cor.

3. Præterea. Si fides aliquo modo purificaret cor humanum, maxime purificaret hominis intellectum. Sed intellectum non purificat ab obscuritate, cum sit cognitio enigmatica. Ergo fides nullo modo purificat cor.

Sed contra est quod dicit Petrus Ad. xv. 9. *Fide purificans corda eorum.*

Respondeo dicendum, quod impuritas uniuscuiusque rei consistit in hoc quod rebus vilioribus immiscetur: non enim dicitur argentum esse impurum ex permutatione auri, per quam melius redditur, sed ex permutatione plumbi, vel stanni. Manifestum est autem quod rationalis creatura dignior est omnibus temporalibus, & corporalibus creaturis: & ideo impura redditur ex hoc quod temporalibus se subiicit per amorem.

A qua quidem impuritate purificatur per contrarium motum, dum scilicet tendit in id quod est supra se, scilicet in Deum: in quo quidem motu primum principium est fides. *Accedentem enim ad Deum oportet credere*, ut dicitur Heb. xi. 6. Et ideo primum principium purificationis cordis est fides, qua purificatur impuritas erroris; quæ si perficiatur per caritatem formatam, perfectam purificationem causat.

Ad primum ergo dicendum, quod ea quæ sunt in intellectu, sunt principia eorum quæ sunt in affectu, in quantum scilicet bonum intellectum movere affectum.

Ad secundum dicendum, quod fides etiam informis excludit quandam impuritatem sibi oppositam, scilicet impuritatem erroris; quæ contingit ex hoc quod intellectus humanus inordinate inhæret rebus se inferioribus, dum scilicet vult secundum rationes rerum sensibilium metiri divina. Sed quando per caritatem formatur, tunc nullam impuritatem secum compatitur, quia *universa delicta operis caritas*, ut dicitur Prov. x. 32.

Ad tertium dicendum, quod obscuritas fidei non pertinet ad impuritatem culpæ, sed magis ad naturalem defectum intellectus humani, secundum statum præsentis vite.

## QUAESTIO VIII.

*De dono intellectus,  
in octo articulos divisa.*

**D**Einde considerandum est de dono intellectus, & scientiæ, quæ respondent virtuti fidei: & circa donum intellectus quaeruntur octo.

Primo, utrum intellectus sit donum Spiritus sancti.

Secundo, utrum possit simul esse in eodem cum fide.

Tertio, utrum intellectus, qui est donum Spiritus sancti, sit speculativus tantum, vel etiam practicus.

Quarto, utrum omnes qui sunt in gratia, habeant donum intellectus.

Quinto, utrum hoc donum inveniat in aliquibus absque gratia.

Sexto, quomodo se habeat donum intellectus ad alia dona.

Septimo de eo quod respondet huic dono in beatitudinibus.

Octavo de eo quod respondet ei in fructibus.

## ARTICULUS I. 39

*Utrum intellectus sit donum Spiritus sancti.*

*III. dist. xxxv. quæst. 11. art. 2. quæst. 1.  
& 11. art. 1. lect. 2.*

**A**D primum sic proceditur. Videtur quod intellectus non sit donum Spiritus sancti. Dona enim gratuita distinguuntur a donis naturalibus, superadduntur enim eis. Sed intellectus est quidam habitus naturalis in anima, quo cognoscuntur principia naturaliter nota, ut patet in VI. Ethic. (cap. vi.) Ergo non debet poni donum Spiritus sancti.

2. Præterea. Quia divina participatur a creaturis secundum eorum proportionem, & modum, ut patet per Dionysium in lib. de div. Nom. (cap. 14. lect. 5. & 16.) Sed modus humanæ naturæ est ut non simpliciter veritatem cognoscat, quod pertinet ad rationem intellectus, sed discursivè, (quod est proprium rationis) ut patet per Dionysium in vii. cap. de div. Nom. (lect. 2.) Ergo cognitio divina, quæ hominibus datur, magis debet dici donum rationis quam intellectus.

3. Præ-

3. Præterea. In potentiis animæ intellectus contra voluntatem dividitur, ut patet in III. de Anima (text. 48.) Sed nullum donum Spiritus sancti dicitur voluntas. Ergo etiam nullum donum Spiritus sancti debet dici intellectus.

Sed contra est quod dicitur Isa. xi. 2. *Requiescet super eum spiritus Domini; spiritus sapientiae, & intellectus.*

Respondeo dicendum, quod nomen intellectus quamdam intimam cognitionem importat: dicitur enim *intelligere*, quasi *intus legere*. Et hoc manifeste patet considerantibus differentiam intellectus, & sensus: nam cognitio sensitiva occupatur circa qualitates sensibiles exteriores; cognitio autem intellectiva penetrat usque ad essentiam rei. Obiectum enim intellectus est *quod quid est*, ut dicitur in III. de Anima (text. 26.)

Sunt autem multa genera eorum quæ interiorius latent, ad quæ oportet cognitionem hominis quasi intrinsecus penetrare. Nam sub accidentibus latet natura rei substantialis; sub verbis latent significata verborum; sub similitudinibus, & figuris latet veritas figurata; (res (a) enim intelligibiles sunt quodammodo interiores respectu rerum sensibilibus, quæ exterius sentiuntur) & in causis latent effectus, &c. e converso. Unde respectu horum omnium (b) potest dici intellectus.

Sed cum cognitio hominis a sensu incipiat quasi ab exteriori, manifestum est quod quanto lumen intellectus est fortius, tanto potest magis ad intimam penetrare. Lumen autem naturale nostri intellectus est finitæ virtutis: unde usque ad determinatum aliquid pertingere potest. Indiget ergo homo supernaturali lumine, ut ulterius penetret ad cognoscendum quædam quæ per lumen naturale cognoscere non valet: & illud lumen supernaturale homini datum vocatur donum intellectus.

Ad primum ergo dicendum, quod per lumen naturale nobis inditum (c) tantum cognoscuntur quædam principia communia, quæ sunt naturaliter nota. Sed quia homo ordinatur ad beatitudinem supernaturalem, ut supra dictum est (quæst. 11. art. 3. & 1. 2. quæst. 111. art. 8.)

necesse est quod homo ulterius pertingat ad quædam altiora: & ad hoc requiritur donum intellectus.

Ad secundum dicendum, quod discursus rationis semper incipit ab intellectu, & terminatur ad intellectum: ratiocinamur enim procedendo ex quibusdam intellectibus; & tunc rationis discursus perficitur, quando ad hoc pervenimus ut intelligamus id quod prius erat ignotum. Quod ergo ratiocinamur, ex aliquo precedenti intellectu procedit. Donum autem gratiæ non procedit ex lumine naturæ, sed superadditur ei, quasi perficiens ipsum. Et ideo ista superadditio non dicitur *ratio*, sed magis *intellectus*: quia ita se habet lumen superadditum ad ea quæ nobis supernaturaliter innotescunt, sicut se habet lumen naturale ad ea quæ primordialiter cognoscimus.

Ad tertium dicendum, quod *voluntas* nominat simpliciter appetituum motum absque determinatione alicuius excellentiæ; sed *intellectus* nominat quandam excellentiam cognitionis penetrantis ad intimam: & ideo supernaturale donum magis nominatur nomine intellectus quam nomine voluntatis.

## ARTICULUS II. 40

*Utrum donum intellectus possit simul esse cum fide.*

AD secundum sic proceditur. Videtur quod donum intellectus non simul habeatur cum fide. Dicit enim Augustinus in Lib. lxxxiii. Qq. (quæst. xiv.) quod id quod intelligitur, intelligentis comprehensione finitur. Sed id quod creditur, non comprehenditur, secundum illud Apostoli ad Philipp. 111. 12. *Non quod iam comprehenderim, aut quod perfectus sim.* Ergo videtur quod fides, & intellectus non possint esse in eodem.

2. Præterea. Omne quod intelligitur, intellectu videtur. Sed fides est de non apparentibus, ut supra dictum est (quæst. 1. art. 4. & quæst. iv. art. 1.) Ergo fides non potest simul esse in eodem cum intellectu.

3. Præterea. Intellectus est certior quam scientia. Sed scientia, & fides non possunt esse de eodem, ut supra dictum est.

(a) Ita cum cod. Alcan. alique Nicolai, & edit. Rom. Al. omisso signo parentheſis; res etiam intelligibiles. (b) Ita cum cod. Al. an. edit. Rom. & Nicolai. Edit. Patav. & Garcia cum cod. Tarrac. potest dici intellectus; si tamen cognitio hominis a sensu incipiat quasi ab exteriori. Manifestum est autem quod &c. (c) Ita cum Garcia editi passim. Edit. Rom. cum cod. Alcan. statim cognoscuntur.

est ( quaest. 1. art. 4. & 5. ) Multo ergo minus intellectus, & fides.

Sed contra est quod Gregorius dicit in Lib. I. Moral. ( cap. xv. a princ. ) quod *intellectus de auditis mentem illustrat*. Sed aliquis habens fidem potest esse illustratus mente circa audita: unde dicitur Lucæ ult. quod *Dominus aperuit discipulis suis sensum, ut intelligerent Scripturas*. Ergo intellectus potest simul esse cum fide.

Respondeo dicendum, quod hic duplici distinctione est opus: una quidem ex parte fidei; alia autem ex parte intellectus.

Ex parte quidem fidei distinguendum est, quod quædam per se directe cadunt sub fide, quæ naturalem rationem excedunt, sicut Deum esse trinum, & unum, Filium Dei esse incarnatum; quædam vero cadunt sub fide, quasi ordinata ad ista, secundum aliquem modum, sicut omnia quæ in Scriptura divina continentur.

Ex parte vero intellectus distinguendum est, quod dupliciter dici possumus aliqua intelligere. Uno modo perfecte, quando scilicet pertingimus ad cognoscendum essentiam rei intellectus, & ipsam veritatem enuntiabilis intellectui, secundum quod in se est: & hoc modo ea quæ directe cadunt sub fide, intelligere non possumus durante statu fidei; sed quædam alia ad fidem ordinata etiam hoc modo intelligi possunt. Alio modo contingit aliquid intelligi imperfecte, quando scilicet ipsa essentia rei, vel veritas propositionis non cognoscitur quid sit, aut quomodo sit; (a) sed tamen cognoscitur quod ea quæ exterius apparent, veritati non contrariantur, inquantum scilicet homo intelligit quod propter ea quæ exterius apparent, non est recedendum ab his quæ sunt fidei. & secundum hoc nihil prohibet, durante statu fidei, intelligere etiam ea quæ per se sub fide cadunt.

Et per hoc patet responsio ab obiectione primæ tres rationes procedunt, secundum quod aliquid perfecte intelligitur; ultima autem ratio procedit de intellectu eorum quæ ordinantur ad fidem.

## ARTICULUS III. 45

*Utrum donum intellectus sit speculativum tantum, an etiam practicum.*

*Inf. art. 6. corp. & ad 3.*

**A**D certum sic proceditur. Videtur quod intellectus, qui ponitur donum Spiritus sancti, non sit practicus, sed speculativus tantum. *Intellectus enim*, ut Gregorius dicit in I. Moral. ( cap. xv. a princ. ) *altiora quædam penetrat*. Sed ea quæ pertinent ad intellectum practicum, non sunt alta, sed quædam infima, scilicet singularia, circa quæ sunt actus. Ergo intellectus, qui ponitur donum, non est intellectus practicus.

2. Præterea. Intellectus qui est donum, est dignius aliquid quam intellectus qui est virtus intellectualis. Sed intellectus, qui est virtus intellectualis, est solum circa necessaria, ut patet per Philosophum in VI. Ethic. ( cap. vi. ) Ergo multo magis intellectus qui est donum, est solum circa necessaria. Sed intellectus practicus non est circa necessaria, sed circa contingencia aliter se habere, quæ opere humano fieri possunt. Ergo intellectus qui est donum, non est intellectus practicus.

3. Præterea. Donum intellectus illustrat mentem ad ea quæ naturalem rationem excedunt. Sed operabilia humana, quorum est practicus intellectus, non excedunt naturalem rationem, quæ dirigit in rebus agendis, ut ex supra dictis patet ( 2. 2. quaest. lxxii. art. 2. & quaest. lxxi. art. 6. ) Ergo intellectus qui est donum, non est intellectus practicus.

Sed contra est quod in Psal. cx. 10, dicitur: *Intellectus bonus omnibus scientibus eum*.

Respondeo dicendum, quod, sicut dictum est ( art. præc. ) donum intellectus non solum se habet ad ea quæ primo & principaliter cadunt sub fide, sed etiam ad omnia quæ ad fidem ordinantur. Operationes autem bonæ quemdam ordinem ad fidem habent. Nam *fides per dilectionem operatur*, ut Apostolus dicit ad Gal. v. 6. Et ideo donum intellectus etiam ad quædam operabilia se extendit, non quidem ut circa ea principaliter versetur, sed inquantum in agendis regulamur rationibus æternis; quibus con-

(a) Ita cod. Alcan. Editi passim habent ex García: sed tamen cognoscimus &c. Edit. Rom. aliique veteres: sed tamen cognoscitur, secundum quod ea &c.

spiciendis, & consulendis, secundum Augustinum de Trinit. (Lib. XII. cap. VII. in h.) inheret superior ratio, quæ dono intellectus perficitur.

Ad primum ergo dicendum, quod operabilia humana, secundum quod in se considerantur, non habent aliquam excellentiæ altitudinem; sed secundum quod referuntur ad regulam legis æternæ, & (a) ad finem beatitudinis diuinæ, sic altitudinem habent, ut circa ea possit esse intellectus.

Ad secundum dicendum, quod hoc ipsum pertinet ad dignitatem doni, quod est intellectus, quod intelligibilia æterna, vel necessaria considerat, non solum secundum quod in se sunt, sed etiam secundum quod sunt regulæ quædam humanorum actuum: quia quanto virtus cognoscitiva ad plura se extendit, tanto nobilior est.

Ad tertium dicendum, quod regula humanorum actuum est ratio humana, & lex æterna, ut supra dictum est (1. 2. quæst. LXXI. art. 6.) Lex autem æterna excedit naturalem rationem. Et ideo cognitio humanorum actuum, secundum quod regulatur a lege æterna, excedit naturalem rationem, & indiget supernaturali lumine doni Spiritus sancti.

#### ARTICULUS IV. 43

*Utrum donum intellectus inest omnibus habentibus gratiam.*

**A**D quantum sic proceditur. Videtur quod donum intellectus non inest omnibus habentibus gratiam. Dicit enim Gregorius II. Moral. (cap. XXVI. aliquant. a princ.) quod *donum intellectus datur contra hebetudinem mentis*. Sed multi habentes gratiam adhuc patiuntur mentis hebetudinem. Ergo donum intellectus non est in omnibus habentibus gratiam.

2. Præterea. Inter ea quæ ad cognitionem pertinent, sola fides videtur esse necessaria ad salutem: quia per fidem Christus inhabitat in cordibus nostris, ut dicitur Ephes. III. Sed non omnes habentes fidem habent donum intellectus; immo qui credunt, debent orare ut intelligant, sicut Augustinus dicit in Lib. XV. de Trinit. (cap. XXVII. ante med.) Ergo donum intellectus non est necessarium ad salutem. Non ergo est in omnibus habentibus gratiam.

3. Præterea. Ea quæ sunt communia omnibus habentibus gratiam, numquam ab habentibus gratiam subtrahuntur. Sed gratia intellectus, & aliorum donorum aliquando se utiliter subtrahit: quandoque enim *dum sublimia intelligendo in elationem se animus erigit, in rebus imis, & vilibus gravi hebetudine pigrescit*, ut Gregorius dicit in II. Moral. (cap. XXVI. ante med.) Ergo donum intellectus non est in omnibus habentibus gratiam.

Sed contra est quod dicitur in Psalm. LXXXI. 5. *Nescierunt, neque intellexerunt, in tenebris ambulat*. Sed nullus habens gratiam ambulat in tenebris, secundum illud Ioan. VIII. 12. *Qui sequitur me, non ambulat in tenebris*. Ergo nullus habens gratiam caret dono intellectus.

Respondeo dicendum, quod in omnibus habentibus gratiam necesse est esse rectitudinem voluntatis: quia per gratiam præparatur voluntas hominis ad bonum, ut Augustinus dicit (Lib. I. Retract. cap. XXII. circ. fin. & Lib. de prædest. sanct. cap. 1.) Voluntas autem non potest recte ordinari in bonum, nisi præexistente aliqua cognitione veritatis: quia obiectum voluntatis est bonum intellectum, ut dicitur in III. de Anima (tex. 34. & 49.) Sicut autem per donum caritatis Spiritus sanctus ordinat voluntatem hominis, ut directe moveatur in bonum quoddam supernaturale; ita etiam per donum intellectus illustrat mentem hominis, ut cognoscat veritatem quamdam supernaturalem, in quam oportet tendere voluntatem rectam.

Et ideo sicut donum caritatis est in omnibus habentibus gratiam gratum facientem, ita etiam donum intellectus.

Ad primum ergo dicendum, quod aliqui habentes gratiam gratum facientem possunt hebetudinem pati circa aliqua quæ sunt præter necessitatem salutis; sed circa ea quæ sunt de necessitate salutis, sufficienter instruuntur a Spiritu sancto, secundum illud I. Ioan. 11. 27. *Unctio eius docet vos de omnibus*.

Ad secundum dicendum, quod etsi non omnes habentes fidem plene intelligant ea quæ proponuntur credenda; intelligunt tamen ea esse credenda; & quod ab eis nullo modo est deviandum.

Ad tertium dicendum, quod donum intellectus numquam se subtrahit sanctis circa ea quæ sunt necessaria ad salutem; sed circa alia interdum se subtrahit, ut non omnia ad liquidum per intellectum pene-

(a) Ita codices passim, & editi. Al. ad fidem.

penetrare possint, ad hoc quod superbia materia subtrahatur.

## ARTICULUS V. 43

*Utrum donum intellectus inveniat etiam in non habentibus gratiam gratum facientem.*

**A**D quintum sic proceditur. Videtur quod intellectus donum inveniat etiam in non habentibus gratiam gratum facientem. Augustinus enim exponens illud Psalmi. *cxviii. Concupivit anima mea deficere inificationes tuas* (conc. xii. parum a princ. & conc. viii. cir. fin.) dicit: *Præcolat intellectus, & tarde sequitur humanus, atque infirmus affectus.* Sed in omnibus habentibus gratiam gratum facientem est promptus affectus propter caritatem. Ergo donum intellectus potest esse in his qui non habent gratiam gratum facientem.

2. Præterea. Dan. x. dicitur, quod *intelligentia opus est in visione prophetica*; & ita videtur quod prophetia non sit sine dono intellectus. Sed prophetia potest esse sine gratia gratum facientem, ut patet Matth. vii. 22. ubi dicentibus, *In nomine tuo prophetavimus*, respondetur, *Numquam novi vos.* Ergo donum intellectus potest esse sine gratia gratum facientem.

3. Præterea. Donum intellectus respondet virtuti fidei, secundum illud Isa. vii. 9. secundum aliam litteram (LXX. Interp.) *Nisi credideritis, non intelligetis.* Sed fides potest esse sine gratia gratum facientem. Ergo etiam donum intellectus.

Sed contra est quod Dominus dicit Ioan. vi. 45. *Omnis qui audit a Patre, & didicit, venit ad me.* Sed per intellectum audita addiscimus, vel penetramus, ut patet per Gregorium in I. Moral. (cap. xv. ante med.) Ergo quicumque habet intellectus donum, venit ad Christum; quod non est sine gratia gratum facientem. Ergo donum intellectus non est sine gratia gratum facientem.

Respondetur dicendum, quod, sicut supra dictum est (1. 2. quæst. lxxviii. art. 1. & 2.) dona Spiritus sancti perficiunt animam, secundum quod est bene mobile a Spiritu sancto. Sic ergo intellectualis lumen gratia ponitur donum intellectus, inquantum intellectus hominis est bene mobilis a Spiritu sancto. Huismodi autem motus consideratio in hoc est quod homo apprehendat veritatem circa

finem. Unde nisi usque ad hoc moveatur a Spiritu sancto intellectus humanus, ut rectam æstimationem de fine habeat, nondum consecutus est donum intellectus, quantumcumque ex illustratione Spiritus sancti alia quædam præambula cognoscatur.

Rectam autem æstimationem de ultimo fine non habet nisi ille qui circa finem non errat, sed ei firmiter inheret, tamquam optimo; quod est solum habentibus gratiam gratum facientem: sicut etiam in moralibus rectam æstimationem habet homo de fine per habitum virtutis. Unde donum intellectus habet nullus sine gratia gratum facientem.

Ad primum ergo dicendum, quod Augustinus nominat intellectum quantumcumque illustrationem intellectualem; quæ tamen non pertingit ad perfectam doni rationem, nisi usque ad hoc mens hominis deducatur ut rectam æstimationem habeat homo circa finem.

Ad secundum dicendum, quod intelligentia quæ necessaria est ad prophetiam, est quædam illustratio mentis circa ea quæ Prophetis revelantur; non est autem illustratio mentis circa æstimationem rectam de ultimo fine, quæ pertinet ad donum intellectus.

Ad tertium dicendum, quod fides importat solum assensum ad ea quæ proponuntur; sed intellectus importat quandam perceptionem veritatis, quæ non potest esse circa finem, nisi in eo qui habet gratiam gratum facientem, ut dictum est (in corp. art.) Et ideo non est similis ratio de intellectu, & fide.

## ARTICULUS VI. 44

*Utrum donum intellectus distinguatur ab aliis donis.*

**A**D sextum sic proceditur. Videtur quod donum intellectus non distinguatur ab aliis donis. Quorum enim opposita sunt eadem, ipsa quoque sunt eadem. Sed *scientiæ opponitur stultitia, habetudini intellectus, præcipationi consilium, ignorantie scientia*, ut patet per Gregorium II. Moral. (cap. xxvi. aliquant. a princ.) Non videntur autem differre stultitia, habetudo, ignorantia, & præcipitatio. Ergo nec intellectus distinguitur ab aliis donis.

2. Præterea. Intellectus qui ponitur virtus intellectualis, differt ab aliis intellectualibus virtutibus per hoc sibi proprium.



prium quod est circa principia per se nota. Sed donum intellectus non est circa aliqua principia per se nota: quia ad ea quæ naturaliter per se cognoscuntur, sufficit naturalis habitus primorum principiorum; ad ea vero quæ supernaturalia sunt, sufficit fides, quia articuli fidei sunt sicut prima principia in supernaturali cognitione, sicut dictum est (quæst. 1. art. 7.) Ergo donum intellectus non distinguitur ab aliis donis intellectualibus.

3. Præterea. Omnis cognitio intellectiva vel est speculativa, vel practica. Sed donum intellectus habet se ad utrumque, ut dictum est (art. 3. huius quæst.) Ergo non distinguitur ab aliis donis intellectualibus, sed omnia in se completur.

Sed contra est quod quæcumque connumerantur ad invicem, oportet ea esse aliquo modo ab invicem distincta: quia distinctio est principium numeri. Sed donum intellectus connumeratur aliis donis, ut patet lra. xi. Ergo donum intellectus est distinctum ab aliis donis.

Respondeo dicendum, quod distinctio doni intellectus ab aliis tribus donis, scilicet pietate, fortitudine, & timore, manifesta est: quia donum intellectus pertinet ad vim cognoscitivam, illa vero tria pertinent ad vim appetitivam.

Sed differentia huius doni intellectus ad alia tria, scilicet sapientiam, scientiam, & consilium, quæ etiam ad vim cognoscitivam pertinent, non est adeo manifesta. Videtur autem quibusdam quod donum intellectus distinguatur a dono scientiæ, & consilii per hoc quod illi duo pertineant ad practicam cognitionem, donum autem intellectus ad speculativam; a dono vero sapientiæ, quod etiam ad speculativam cognitionem pertinet, distinguatur in hoc quod ad sapientiam pertinet iudicium, ad intellectum vero capacitas intellectus eorum quæ proponuntur, seu penetratio ad intima eorum. Et secundum hoc supra numerum donorum assignavimus (1. 2. quæst. lxxiii. art. 4.)

Sed diligenter intuenti donum intellectus non solum se habet circa speculanda, sed etiam circa operanda, ut dictum est (art. huius quæst.) Et similiter etiam donum scientiæ circa utrumque se habet, ut infra dicetur (quæst. seq. art. 2.) Et ideo oportet aliter eorum distinctionem accipere. Omnia enim hæc qua-

tuor dona ordinantur ad supernaturalem cognitionem, quæ in nobis per fidem fundatur. *Fides autem est ex auditu*, ut dicitur Rom. x. 17. Unde oportet aliqua proponi homini ad credendum non sicut visa, sed sicut audita, quibus per fidem assentiat. Fides autem primo quidem & principaliter se habet ad veritatem primam, secundario ad quædam circa creaturas considerata, & ulterius se extendit etiam ad directionem humanorum operum, secundum quod per directionem operatur, ut ex dictis patet (quæst. iv. art. 2. ad 3.)

Sic ergo circa ea quæ fidei proponuntur credenda, duo requiruntur ex parte nostra. Primo quidem ut intellectus penetretur, vel capiantur: & hoc pertinet ad donum intellectus. Secundo autem oportet ut de eis homo habeat iudicium rectum, ut æstimet his esse in hærendum, & ab eorum oppositis recedendum. Hoc ergo iudicium quantum ad res divinas, pertinet ad donum sapientiæ; quantum vero ad res creatas, pertinet ad donum scientiæ; quantum vero ad applicationem ad singularia opera, pertinet ad donum consilii.

Ad primum ergo dicendum, quod prædicta differentia quatuor donorum manifeste competit distinctioni eorum quæ Gregorius ponit eis esse opposita. Hebetudo enim acuitatis opponitur: dicitur enim per similitudinem intellectus acutus, quando potest penetrare ad intima eorum quæ proponuntur. Unde hebetudo mentis est per quam mens ad intima penetrare non sufficit. Stultus autem dicitur ex hoc quod perverse indicat circa communem finem vitæ: & ideo proprie opponitur sapientiæ, quæ facit rectum iudicium circa universalem causam. Ignorantia vero importat defectum mentis etiam circa quæcumque particularia: & ideo opponitur scientiæ, per quam homo habet rectum iudicium circa particulares causas, scilicet circa creaturas. Præcipitatio vero manifeste opponitur consilio, per quod homo ad actionem non procedit ante deliberationem rationis.

Ad secundum dicendum, quod donum intellectus est circa prima principia cognitionis gratiæ; aliter tamen quam fides: nam ad fidem pertinet eis assentire, ad donum vero intellectus pertinet mente penetrare ea quæ dicuntur.

Ad tertium dicendum, quod donum in-

intellectus pertinet ad utramque cognitionem, scilicet speculativam, & practicam, non quantum ad iudicium, sed quantum ad apprehensionem, ut capiantur ea quæ dicuntur.

### ARTICULUS VII. 45

*Utrum dono intellectus respondeat sexta beatitudo, scilicet Beati mundo corde &c.*

1. 2. quæst. xciv. art. 3. cor. fin. & ad 1. & III. dist. xxxiv. quæst. 1. art. 4. & 6. cor.

**A**D septimum sic proceditur. Videtur quod dono intellectus non respondeat beatitudo sexta, scilicet *Beati mundo corde, quoniam ipsi Deum videbunt*. Mundicia enim cordis maxime videtur pertinere ad affectum. Sed donum intellectus non pertinet ad affectum, sed magis ad vim intellectivam. Ergo prædicta beatitudo non respondet dono intellectus.

2. Præterea. Actus. xv. 9. dicitur: *Fide purificans corda eorum*. Sed per purificationem cordis acquiritur mundicia cordis. Ergo prædicta beatitudo magis pertinet ad virtutem fidei quam ad donum intellectus.

3. Præterea. Dona Spiritus sancti perficiunt hominem in præsentia vita. Sed visio Dei non pertinet ad vitam præsentem: ipsa enim beatos facit, ut supra habitum est (1. 2. quæst. lxx. art. 8.) Ergo sexta beatitudo continens visionem Dei non pertinet ad donum intellectus.

Sed contra est quod Augustinus dicit in Lib. I. de ser. Dom. in monte (cap. iv. ante med.) *Sexta operatio Spiritus sancti, quæ est intellectus, continet mundiciæ corde, qui purgato oculo possunt videre quod oculis non vidit*.

Respondendo dicendum, quod in sexta beatitudine, sicut & in aliis, duo continentur: unum per modum meriti, scilicet mundicia cordis; aliud per modum præmii, scilicet visio Dei, ut supra dictum est (1. 2. quæst. lxx. art. 2. & 4.) & utrumque pertinet aliquo modo ad donum intellectus.

Est enim duplex mundicia. Una quidem præambula, & dispositiva ad Dei visionem, quæ est depuratio affectus ab inordinatis affectionibus: & hæc quidem mundicia cordis fit per virtutes, & dona, quæ pertinent ad vim appetitivam.

Alia vero mundicia cordis est, quæ est quasi completiva respectu visionis divinæ: & hæc quidem est mundicia mentis depuratæ a phantasmatibus, & erroribus, ut scilicet ea quæ de Deo proponuntur, non accipiantur per modum corporalium phantasmatum, nec secundum hæreticas perversitates: & hanc mundiciam facit donum intellectus.

Similiter etiam duplex est Dei visio: una quidem perfecta, per quam videtur Dei essentia; alia vero imperfecta, per quam etsi non videamus de Deo quid est, videmus tamen quid non est: & tanto in hac vita Deum perfectius cognoscimus, quanto magis intelligimus eum excedere quicquid intellectu comprehenditur. Et utraque Dei visio pertinet ad donum intellectus: prima quidem ad donum intellectus consummatum, secundum quod erit in patria; secunda vero ad donum intellectus inchoatum, secundum quod habetur in via.

Et per hoc patet responsio ad obiecta: nam primæ duæ rationes procedunt de prima mundicia; tertiæ vero de perfecta Dei visione. Dona autem & hic nos perficiunt secundum quamdam inchoationem, & in futuro implebuntur, ut supra dictum est (in corp. art. & 1. 2. quæst. lxx. art. 2.)

### ARTICULUS VIII. 46

*Utrum in fructibus fides respondeat dono intellectus.*

III. dist. xxxiii. quæst. 1. art. 3. cor. fin.

**A**D octavum sic proceditur. Videtur quod in fructibus fides non respondeat dono intellectus. Intellectus enim est fructus fidei: dicitur enim Iſai. vii. 9. *Nisi credideritis, non intelligetis*, secundum aliam litteram (LXX Interp.) ubi nos habemus: *Si non credideritis, non perverbebis*. Non ergo fides est fructus intellectus.

2. Præterea. Prius non est fructus posterioris. Sed fides videtur esse prior intellectu: quia fides est fundamentum totius spiritualis ædificii, ut supra dictum est (quæst. iv. art. 2. & 7.) Ergo fides non est fructus intellectus.

3. Præterea. Plura sunt dona pertinentia ad intellectum quam pertinentia ad appetitum. Sed inter fructus ponitur tantum unum pertinens ad intellectum, scilicet fides; omnia vero alia pertinent ad

ad appetitum. Ergo fides non magis videtur respondere intellectui quam sapientiae, vel scientiae, seu consilio.

Sed contra est quod finis uniuscuiusque rei est fructus eius. Sed donum intellectus videtur principaliter ordinari ad certitudinem fidei, quae ponitur fructus. dicit enim Glossa (interl. sup. illud. *Fructus autem spiritus*) ad Gal. v. quod fides quae est fructus, est de invisibilibus certitudo. Ergo in fructibus fides respondet dono intellectus.

Respondendo dicendum, quod, sicut supra dictum est (1. 2. quæst. lxx. art. 1.) cum de fructibus ageretur, fructus spiritus dicuntur ultima, & delectabilia, quae in nobis proveniunt ex virtute Spiritus sancti. Ultimum autem, & delectabile habet rationem finis, qui est proprium obiectum voluntatis. Et ideo oportet quod illud quod est ultimum, & delectabile in voluntate, sit quodammodo fructus omnium aliorum quae pertinent ad alias potentias.

Secundum hoc ergo genus doni, vel virtutis perfectientis aliquam potentiam potest accipi duplex fructus: unus quidem pertinet ad suam potentiam; alius autem quasi ultimus pertinet ad voluntatem; & secundum hoc dicendum est, quod dono intellectus respondet pro proprio fructu fides, scilicet fidei certitudo; sed pro ultimo fructu respondet ei gaudium, quod pertinet ad voluntatem.

Ad primum ergo dicendum, quod intellectus est fructus fidei, quae est virtus. Sic autem non accipitur fides, cum dicitur fructus, sed pro quadam certitudine fidei, ad quam homo pervenit per donum intellectus.

Ad secundum dicendum, quod fides non potest universaliter praecedere intellectum. non enim posset homo assentire credendo aliquibus propositis, nisi ea aliquantulum intelligeret. Sed perfectio intellectus consequitur fidem, quae est virtus; ad quam quidem intellectus perfectionem sequitur quadam fidei certitudo.

Ad tertium dicendum, quod cognitionis practicae fructus non potest esse in ipsa, quia talis cognitio non scitur propter se, sed propter aliud; sed cognitio speculativa habet fructum in seipsa, scilicet certitudinem eorum quorum est. Et ideo dono consilii, quod pertinet solum ad cognitionem practicam, non respondet aliquis fructus proprius. Donis autem sapientiae, intellectus, & scien-

*S. Tb. Oper. Tom. XXII.*

(1) *Al. beatitudo.*

tiae, quae possunt etiam ad speculativam cognitionem pertinere, respondet solum unus fructus, qui est (a) certitudo signata nomine fidei. Plures autem fructus ponuntur pertinentes ad partem appetitivam: quia, sicut iam dictum est (in corp.) ratio finis, qui importatur in nomine fructus, magis pertinet ad vim appetitivam quam intellectivam.

## QUAESTIO IX.

*De dono scientiae,*

*in quatuor articulos divisa.*

**D**Einde considerandum est de dono scientiae: & circa hoc quaeruntur quatuor.

Primo, utrum scientia sit donum.

Secundo, utrum sit circa divina.

Tertio, utrum sit speculativa, vel practica.

Quarto, quae beatitudo ei respondeat.

## ARTICULUS I. 47

*Utrum scientia sit donum.*

*Sup. quæst. VIII. art. 2. cor.*

**A**D primum sic proceditur. Videtur quod scientia non sit donum. Dona enim Spiritus sancti naturalem facultatem excedunt. Sed scientia importat effectum quemdam naturalis rationis: dicit enim Philosophus in I Posteriorum (tex. 5.) quod *demonstratio est syllogismus sciens scire*. Ergo scientia non est donum Spiritus sancti.

2. Praeterea. Dona Spiritus sancti sunt communia omnibus sanctis, ut supra dictum est (quæst. praeced. art. 4. & 1. 2. quæst. lxxviii. art. 2. & 6.) Sed Augustinus XIV. de Trinit. (cap. 1. sub. hn.) dicit, quod *scientia non possent plurimi fideles, quamvis polleant ipsa fide*. Ergo scientia non est donum.

3. Praeterea. Donum est perfectius virtute, ut supra dictum est (1. 2. quæst. lxxviii. art. 8.) Ergo unum donum sufficit ad perfectionem ipsius virtutis. Sed virtuti fidei respondet donum intellectus, ut supra dictum est (quæst. viii. art. 2.) Ergo non respondet ei donum scientiae: nec apparet cui alii virtuti respondeat. Ergo cum dona sint perfectiones virtutum, ut supra dictum est (1. 2. quæst.

D

*lxxviii.*

lxviii. art. 2. & 8.) videtur quod scientia non sit donum.

Sed contra est quod Isaia x. computatur inter septem dona.

Respondeo dicendum, quod gratia est perfectior quam natura. Unde non deficit in his in quibus homo per naturam perfici potest. Cum autem homo per naturalem rationem assentit secundum intellectum alicui veritati, dupliciter perficitur circa veritatem illam: primo quidem quia capit eam; secundo quia de ea certum iudicium habet.

Et ideo ad hoc quod intellectus humanus perfecte assentiat veritati fidei, duo requiruntur. Quorum unum est quod sane capiat ea quae proponuntur: quod pertinet ad donum intellectus, ut supra dictum est (quaest. viii. art. 6.) Aliud autem est ut habeat certum, & rectum iudicium de eis, discernendo scilicet credenda a non credendis: & ad hoc necessarium est donum scientiae.

Ad primum ergo dicendum, quod certitudo cognitionis in diversis naturis invenitur diversimode, secundum diversam conditionem uniuscuiusque naturae. Nam homo consequitur certum iudicium de veritate per discursum rationis: & ideo scientia humana ex ratione demonstrativa acquiritur. Sed in Deo est certum iudicium veritatis absque omni discursu per simplicem intuitum, ut in I. dictum est (quaest. xiv. art. 7.) & ideo divina scientia non est discursiva, vel ratioe naturalis, sed absoluta, & simplex: cui similis est scientia quae ponitur donum Spiritus sancti, cum sit quaedam participata similitudo ipsius.

Ad secundum dicendum, quod circa credenda duplex scientia potest haberi. Una quidem per quam homo scit quid credere debeat, discernens credenda a non credendis: & secundum hoc scientia est donum, & convenit omnibus sanctis. Alia vero est scientia circa credenda, per quam homo non solum scit quid credi debeat, sed etiam scit fidem manifestare, & alios ad credendum inducere, & contraditores convincere: & ista scientia ponitur inter gratias gratis datas, quae non datur omnibus, sed quibusdam. Unde Augustinus post verba inducitur subiungit: *Aliud est scire tantummodo quid homo credere debeat; aliud scire, quemadmodum hoc ipsum quod creditur, & piis opuletur, & contra impiorum defendatur.*

Ad tertium dicendum, quod dona sunt

perfectiora virtutibus moralibus, & intellectualibus; non sunt autem perfectiora virtutibus theologicis; sed magis omnia dona ad perfectionem theologicarum virtutum ordinantur sicut ad finem. Et ideo non est inconveniens, si diversa dona ad unam virtutem theologiam ordinantur.

## ARTICULUS II. 48

*Utrum scientiae donum sit circa res divinas.*

III. dist. xxxv. quaest. 11. art. 3. quaest. 1.

**A**D secundum sic proceditur. Videtur quod scientiae donum sit circa res divinas. Dicit enim Augustinus XIV. de Trin. (cap. 1. a medi.) quod *per scientiam gignitur fides, nutritur, & roboratur*. Sed fides est de rebus divinis: quia obiectum fidei est veritas prima, ut supra habitum est (quaest. 1. art. 1.) Ergo & donum scientiae est de rebus divinis.

2. Praeterea. Donum scientiae est dignius quam scientia acquisita. Sed aliqua scientia acquisita est circa res divinas, sicut scientia Metaphysicæ. Ergo multo magis donum scientiae est circa res divinas.

3. Praeterea. Sicut dicitur Rom. 1. 20. *invisibilia Dei per ea quae facta sunt, intellecta conspiciuntur*. Si ergo est scientia circa res creatas, videtur quod etiam sit circa res divinas.

Sed contra est quod Augustinus XIV. de Trin. (cap. 1. a medi. & Lib. XII. cap. xiv. cir. prin.) dicit: *Rerum divinarum scientia proprie sapientia nuncupatur; humanarum autem proprie scientia nomen obtinet*.

Respondeo dicendum, quod certum iudicium de re aliqua maxime datur ex sua causa: & ideo secundum ordinem causarum oportet esse ordinem iudiciorum. Sicut enim causa prima est causa secundae, ita per causam primam indicatur de causa secunda. De causa autem prima non potest iudicari per aliam causam: & ideo iudicium, quod fit per causam primam, est primum, & perfectissimum.

In his autem in quibus aliquid est perfectissimum, nomen commune generis appropriatur his quae deficient a perfectissimo; ipsi autem perfectissimo adaptatur aliud speciale nomen, ut patet in Logis.

gis. Nam in genere convertibilium illud quod significat quod quid est, speciali nomine definitum vocatur; quæ autem ab hoc deficiunt, convertibilia existentia, nomen commune sibi retinent, scilicet quod propria dicuntur.

Quia ergo nomen scientiæ importat quandam certitudinem iudicii, ut dictum est (art. præced.) si quidem certitudo iudicii sit per altissimam causam, (a) habet speciale nomen, quod est sapientia: dicitur enim sapiens in unoquoque genere qui novit altissimam causam illius generis, per quam potest de omnibus iudicare; simpliciter autem sapiens dicitur qui novit altissimam causam simpliciter, scilicet Deum. Et ideo cognitio divinarum rerum vocatur sapientia; cognitio vero rerum humanarum vocatur scientia, quasi communi nomine importante certitudinem iudicii appropriato ad iudicium, quod sit per causas secundas: Et ideo sic accipiendo scientiæ nomen, ponitur donum distinctum a dono sapientiæ: unde donum scientiæ est solum circa res humanas, vel solum circa res creatas.

Ad primum ergo dicendum, quod licet ea de quibus est fides, sint res diviniæ, & æternæ; tamen ipsa fides est quoddam temporale in animo credentis. Et ideo scire quid credendum sit, pertinet ad donum scientiæ; scire autem ipsas res creditas secundum seipsas per quamdam unionem ad ipsas, pertinet ad donum sapientiæ. Unde donum sapientiæ magis respondet caritati, quæ unit mentem hominis Deo.

Ad secundum dicendum, quod ratio illa procedit, secundum quod communiter nomen scientiæ sumitur. Sic autem scientia non ponitur speciale donum, sed secundum quod restringitur ad iudicium quod sit per res creatas.

Ad tertium dicendum, quod sicut supra dictum est (quæst. I. art. 2.) quilibet cognoscitivus habitus formaliter quidem respicit medium per quod aliquid cognoscitur, materialiter autem id quod per medium cognoscitur. Et quia id quod est formale, potius est; ideo illæ scientiæ quæ ex principiis mathematicis concludunt circa materiam naturalem, magis cum mathematicis connumerantur, utpote eis similiores, licet quantum ad materiam magis convenient cum natu-

rali: & propter hoc dicitur in II. Physicor. (tex. 20.) quod sunt magis naturales. Et ideo cum homo per res creatas Deum cognoscit, magis videtur hoc pertinere ad scientiam, ad quam pertinet formaliter, quam ad sapientiam, ad quam pertinet materialiter; & converso cum secundum res divinas iudicamus de rebus creatis, magis hoc ad sapientiam quam ad scientiam pertinet.

### ARTICULUS III. 49

Utrum scientiæ donum sit scientia practica.

Inf. quæst. III. art. 2. ad 2. & III. dist. xxxv. art. 3. quæst. 1.

**A**D tertium sic proceditur. Videtur quod scientia quæ ponitur donum, sit scientia practica. Dicit enim Augustinus XII. de Trinit. (cap. xiv. cir. prin.) quod actio qua exterioribus rebus utimur, scientiæ deputatur. Sed scientia, cui deputatur actio, est practica. Ergo scientia quæ est donum, est scientia practica.

2. Præterea Gregorius dicit I. Moral. (cap. xv. a. ned.) Nulla est scientia, si utilitatem pietatis non habet; & valde inutilis est pietas, si scientiæ discretionem caret. Ex qua auctoritate habetur quod scientia dirigit pietatem. Sed hoc non potest competere scientiæ speculative. Ergo scientia quæ est donum, non est speculative, sed practica.

3. Præterea. Dona Spiritus sancti non habentur nisi a iustis, ut supra habitum est. (quæst. præc. art. 5.) Sed scientia speculative potest haberi etiam ab iniustis, secundum illud Iac. iv. 17. Scienti bonum facere, & non facienti, peccatum est illi. Ergo scientia quæ est donum, non est speculative, sed practica.

Sed contra est quod Gregorius dicit in I. Moral. (loc. cit.) Scientia in die suo convivium parat; quia in ventre ventris ignorantia ieiunium superat. Sed ignorantia non tollitur totaliter nisi per utramque scientiam, scilicet speculative, & practica. Ergo scientia quæ est donum, est speculative, & practica.

Respondeo dicendum, quod, sicut supra dictum est (quæst. præc. art. 8.) donum scientiæ ordinatur, sicut & donum.

D 2

(a) Ita ex cod. Tarrac. Garcia, & editi passim. In cod. Altan. habet speciale nomen, quia est speciale nomen, quod est sapientia. Edit. Rom. si quidem certitudo iudicii sit per altissimam causam illius generis, per quam potest de omnibus iudicare, habet speciale nomen, quod est sapientia &c.

num intellectus, ad certitudinem fidei. Fides autem primo & principaliter in speculatione consistit, in quantum scilicet inheret primæ veritati. Sed quia veritas prima est etiam ultimus finis, propter quem operamur, inde etiam est quod fides ad operationem se extendit, secundum illud Galat. v. 6. *Fides per dilectionem operatur.*

Unde etiam oportet quod donum scientiæ primo quidem & principaliter respiciat speculationem, in quantum scilicet homo scit quid fide tenere debeat; secundario autem se extendit etiam ad operationem, secundum quod per scientiam credibilem, & eorum quæ ad credibilia consequuntur, dirigimur in agendis.

Ad primum ergo dicendum, quod Augustinus loquitur de dono scientiæ, secundum quod se extendit ad operationem: attribuitur enim ei actio, sed non sola, nec primo: & hoc etiam modo dirigit pietatem.

Unde patet solutio ad secundum.

Ad tertium dicendum, quod, sicut dictum est (quæst. viii. art. 5.) de dono intellectus, non quicumque intelligit, habet donum intellectus, sed qui intelligit quasi ex habitu gratiæ: ita etiam de dono scientiæ est intelligendum quod illi soli donum scientiæ habeant qui ex infusione gratiæ rectum iudicium habent circa credenda, & agenda, ita quod in nullo de viat a rectitudine iustitiæ. Et hæc est scientia sanctorum, de qua dicitur Sap. x. 10. *Iustum deduxit Dominus per vias rectas . . . & dedit illi scientiam sanctorum.*

#### ARTICULUS IV. 30

*Utrum dono scientiæ respondeat tertia beatitudo, scilicet Beati qui lugent &c.*

1. 2. quæst. lxi. art. 3. ad 3. & inf. quæst. cxxi. art. 2. & III. dist. xxxiv. quæst. 1. art. 4. cor. fin. & art. 6. cor.

**A**D quartum sic proceditur. Videtur quod scientiæ non respondeat tertia beatitudo, scilicet *Beati qui lugent, quoniam ipsi consolabuntur.* Sicut enim malum est causa tristitiæ, & luctus; ita etiam bonum est causa lætitiæ. Sed per scientiam principaliter manifestantur bona quam mala, quæ per bona cognoscuntur: rectum enim est iudex iustis, & obliqui, ut dicitur in I. de Anima (tex.

85.) Ergo prædicta beatitudo non convenienter respondet scientiæ dono.

2. Præterea. Consideratio veritatis est actus scientiæ. Sed in consideratione veritatis non est tristitia, sed magis gaudium, dicitur enim Sapient. viii. 16. *Non habet amaritudinem illius conversatio, nec tedium convicius illius, sed lætitiæ, & gaudium.* Ergo prædicta beatitudo non convenienter respondet dono scientiæ.

3. Præterea. Donum scientiæ prius consistit in speculatione quam in operatione. Sed secundum quod consistit in speculatione, non respondet sibi luctus: quia intellectus speculativus nihil dicit de imitabili, & fugiendo, ut dicitur in III. de Anima (tex. 49.) neque dicit aliquid lætum, & triste. Ergo prædicta beatitudo non convenienter ponitur respondere dono scientiæ.

Sed contra est quod Augustinus dicit in Lib. de sermone Domini in monte (cap. iv. parum a princ.) *Scientia convenit lugentibus, qui didicerunt quibus malis victi sunt, quæ quasi bona appetierunt.*

Respondeo dicendum, quod ad scientiam proprie pertinet rectum iudicium creaturarum: Creaturæ autem sunt ex quibus homo occasionaliter a Deo avocatur, secundum illud Sap. xiv. 11. *Creaturæ factæ sunt in odium . . . & mulplicam pedibus insipientium, qui scilicet rectum iudicium de his non habent, dum æstimant in eis esse perfectum bonum: unde in eis finem constituendo peccant, & verum bonum perdunt.* Et hoc damnata homini innotescit per rectum iudicium de creaturis, quod habetur per donum scientiæ.

Et ideo beatitudo iustus ponitur respondere dono scientiæ.

Ad primum ergo dicendum, quod bona creata non excitant spirituale gaudium, nisi quatenus referuntur ad bonum divinum, ex quo proprie confurgit gaudium spirituale. Et ideo directe quidem spiritualis pax, & gaudium consequens respondet dono sapientiæ; dono autem scientiæ respondet quidem primo luctus de præteritis erratis, & consequenter consolatio, dum homo per rectum iudicium scientiæ creaturas ordinat in bonum divinum. Et ideo in hac beatitudine ponitur luctus pro merito, & consolatio consequens pro præmio; quæ quidem inchoatur in hac vita, perficitur autem in futura.

Ad secundum dicendum, quod de ipsa con-

consideratione veritatis homo gaudet; sed de re circa quam considerat, veritatem, potest tristari quandoque: & secundum hoc luctus scientiæ attribuitur.

Ad tertium dicendum, quod scientiæ, secundum quod in speculatione consistit, non responderet beatitudo aliqua: quia beatitudo hominis non consistit in consideratione creaturarum, sed in contemplatione Dei; sed aliquantulum beatitudo hominis consistit in debito usu creaturarum, & ordinata affectione circa ipsas: & hoc dico quantum ad beatitudinem viæ. Et ideo scientiæ non attribuitur aliqua beatitudo pertinens ad contemplationem, sed intellectui, & sapientiæ, quæ sunt circa divina.

# QUAESTIO X.

*De infidelitate in communi,  
in duodecim articulos divisa.*

Consequenter considerandum est de vitiis oppositis: & primo de infidelitate, quæ opponitur fidei; secundo de blasphemia, quæ opponitur confessioni; tertio de ignorantia, & hebetudine, quæ opponuntur scientiæ, & intellectui.

Circa primum considerandum est de infidelitate in communi, secundo de hæresi; tertio de apostasia a fide.

Circa primum queruntur duodecim. Primo, utrum infidelitas sit peccatum. Secundo, in quo sit sicut in subiecto. Tertio, utrum sit maximum peccatorum.

Quarto, utrum omnis actio infidelium sit peccatum.

Quinto de speciebus infidelitatis.

Sexto de comparatione earum ad invicem.

Septimo, utrum cum infidelibus sit disputandum de fide.

Octavo, utrum sint cogendi ad fidem.

Nono, utrum sit cum eis communicandum.

Decimo, utrum possint Christianis infideles præesse.

Undecimo, utrum ritus infidelium sint tolerandi.

Duodecimo, utrum pueri infidelium sint invicis parentibus baptizandi.

## ARTICULUS I.

*Utrum infidelitas sit peccatum.*

*Infr. quæst. xxxiv. art. 2. ad 2. & II. dist. xxxix. quæst. 1. art. 2. ad 4.*

Ad primum sic proceditur. Videtur quod infidelitas non sit peccatum. Omne enim peccatum est contra naturam, ut patet per Damascenum in II. lib. (orthod. Fid. cap. iv. & xxx.) Sed infidelitas non videtur esse contra naturam: dicit enim Augustinus in Lib. de prædestinatione sanctorum (cap. v. cir. in.) quod *posse habere fidem, sicut posse habere caritatem, nature est omnium hominum; habere autem fidem, quemadmodum habere caritatem, gratiæ est fidelium.* Ergo non habere fidem, quod est infidelium, non est contra naturam. Et ita non est peccatum.

2. Præterea. Nullus peccat in eo quod vitare non potest, quia omne peccatum est voluntarium. Sed non est in potestate hominis quod infidelitatem vitet; quam vitare non potest nisi fidem habendo: dicit enim Apostolus ad Rom. x. 14. *Quomodo credent ei quem non audierunt? Quomodo autem audient sine predicante?* Ergo infidelitas non videtur esse peccatum.

3. Præterea. Sicut dictum est (1. 2. quæst. lxxxiv. art. 4.) sunt septem vitia capitalia, ad quæ omnia peccata reducuntur. Sub nullo autem horum videtur contineri infidelitas. Ergo infidelitas non est peccatum.

Sed contra. Virtuti contrariatur vitium. Sed fides est virtus, cui contrariatur infidelitas. Ergo infidelitas est peccatum.

Respondeo dicendum, quod infidelitas dupliciter accipi potest: uno modo secundum puram negationem, ut dicatur infidelis ex hoc solo quod non habet fidem; alio modo potest intelligi infidelitas secundum contrarietatem ad fidem, quæ scilicet aliquis repugnat auditui fidei, vel etiam contemnit ipsam, secundum illud Isaie lxxxv. 1. *Quis credidit auditui nostro?* & in hoc proprie peritur ratio infidelitatis; & secundum hoc infidelitas est peccatum.

Si autem accipiatur secundum negationem puram, sicut in illis qui nihil audierunt de fide, non habet rationem peccati, sed magis poenæ: quia talis i-

ignorantia divinatorum ex peccato primi parentis consecuta est.

Qui autem sic sunt infideles, damnantur quidem propter alia peccata, quæ sine fide remitti non possunt; non autem damnantur propter infidelitatis peccatum. Unde Dominus dicit Joann. xv. 22. *Si non venissem, & locutus eis non fuisset, peccatum non haberem: quod exponens Augustinus* (tract. lxxxix. in Ioan. ante med.) dicit, quod „loquitur „de illo peccato quo non crediderunt „in Christum.“

Ad primum ergo dicendum, quod habere fidem non est in natura humana; sed in natura humana est ut mens hominis non repugnet interiori instinctui, (a) & exteriori veritatis prædicationi. Unde infidelitas secundum hoc est contra naturam.

Ad secundum dicendum, quod ratio illa procedit de infidelitate, secundum quod importat simplicem negationem.

Ad tertium dicendum, quod infidelitas, secundum quod est peccatum, oritur ex superbia; ex qua contingit quod homo intellectum suum non vult subicere regulis fidei, & sano intellectui patrum: unde Gregorius dicit XXXI. Moral. (cap. xvii. a. med.) quod *ex inani gloria oriuntur novitatum presumptiones. Quamvis posset dici, quod sicut virtutes theologicæ non reducuntur ad virtutes cardinales, sed sunt priores eis; ita etiam vitia opposita virtutibus theologicis non reducuntur ad vitia capitalia.*

## ARTICULUS II. 53

*Utrum infidelitas sit in intellectu sicut in subiecto.*

II. dist. xxxvi. quest. 1. art. 2. ad 4.  
& III. dist. xxiii. quest. 11.  
art. 3. quest. 1. ad 4.

**A**D secundum sic proceditur. Videtur quod infidelitas non sit in intellectu sicut in subiecto. Omne enim peccatum in voluntate est, ut Augustinus dicit in Libro de duabus animabus (cap. x. & xi.) Sed infidelitas est quoddam peccatum, ut dictum est (art. præc.) Ergo infidelitas est in voluntate sicut in subiecto, non in intellectu.

2. Præterea. Infidelitas habet rationem peccati ex eo quod prædicatio fidei contemnitur. Sed contemptus ad voluntatem pertinet. Ergo infidelitas est in voluntate.

3. Præterea. II. ad Corint. 11. super illud, *Ipse Satanas transfiguravit se in angelum lucis*, dicit Glossa (ord. Augusti in Enchirid. cap. lx.) quod „si angelus „malus se bonum fingat, etiam credatur „bonus, non est error morbidus, si facit, vel dicit quæ bonis angelis congruunt. Cuius ratio esse videtur propter rectitudinem voluntatis eius qui ei inhæret, intendens bono Angelo adherere. Ergo totum peccatum infidelitatis esse videtur in perversa voluntate. Non ergo est in intellectu sicut in subiecto.

Sed contra. Contraria sunt in eodem subiecto. Sed fides, cui contrariatur infidelitas, est in intellectu sicut in subiecto. Ergo & infidelitas in intellectu est.

Respondendo dicendum, quod, sicut supra dictum est (1. 2. quest. lxxiv. art. 1. & 2.) peccatum dicitur esse in illa potentia quæ est principium actus peccati. Actus autem peccati potest habere duplex principium. Unum quidem primum, & universale, quod imperat omnes actus peccatorum; & hoc principium est voluntas, quia omne peccatum est voluntarium. Aliud autem principium actus peccati est proprium, & proximum, quod elicit peccati actum; sicut concupiscibilis est principium gulae, & luxuriæ; & secundum hoc gula, & luxuria dicuntur esse in concupiscibili. Dissentire autem, qui est proprius actus infidelitatis, est actus intellectus, sed moti a voluntate, sicut & assentire.

Et ideo infidelitas, sicut & fides, est quidem in intellectu sicut in proximo subiecto, in voluntate autem sicut (b) in primo motivo. Et hoc modo dicitur omne peccatum esse in voluntate.

Unde patet responsio ad primum.

Ad secundum dicendum, quod contemptus voluntatis causat dissentium intellectus, in quo perficitur ratio infidelitatis: unde causa infidelitatis est in voluntate; sed ipsa infidelitas est in intellectu.

Ad tertium dicendum, quod ille qui credit malum angelum esse bonum, non dissentit ab eo quod est fidei: quia *sententia*

(a) Ita mss. & editi passim. Cod. Alcan. exteriori veritati prædicationis. (b) Ita melioris nota codices, Nicolaus, & edit. Patav. Al. in proximo motivo, nem in principio mouit.



*sus corporis fallisus; mens vero non remouetur a uera, uestaque sententia, ut ibidem dicit Glossa. Sed si aliquis Sata-næ adhereret, cum incipit ad sua adducere, idest ad mala, & falsa, tunc non caret peccato, ut ibidem dicitur.*

ARTICULUS III. 53

*Utrum infidelitas sit maximum peccatorum.*

*Inf. quest. xxxix. art. 2. & III. P. quest. lxxx. art. 3. cor. & mal. quest. 11. art. 10. & ad 2. & quest. 111. art. 8. ad 1. & Km. 11. lect. 2. & Heb. x. lect. 3.*

**A**D tertiam sic proceditur. Videtur quod infidelitas non sit maximum peccatorum. Dicit enim Augustinus (Lib. IV. de baptis. contra Donatist. cap. xx. in princ.) & habetur vi. quest. 1. *Utrum catholicum pessimis moribus alicui hæretico, in cuius vita præter id quod hæreticus est, non inveniunt homines, quod reprehendant, præponere debamus, non audeo precipitare sententiam.* Sed hæreticus est infidelis. Ergo non est simpliciter dicendum, quod infidelitas sit maximum peccatorum.

2. Præterea. Illud quod diminuit, vel excusat peccatum, non videtur esse maximum peccatorum. Sed infidelitas excusat, vel diminuit peccatum: dicit enim Apostolus I. ad Timoth. 1. 13. *Prius sui blasphemus, & persecutor, & consuetudinosus; sed misericordiam consecutus sum, quia ignorans feci in incredulitate.* Ergo infidelitas non est maximum peccatorum.

3. Præterea. Maiori peccato debetur maior poena, secundum illud Deuteronom. xxv. 2. *Pro mensura peccati erit & plagarum modus.* Sed maior poena debetur fidelibus peccantibus, quam infidelibus, secundum illud ad Hebr. x. 29. *Quanto magis putatis deteriora mereri supplicia qui Filium Dei conculcauerit, & sanguinem testamenti pollutum duxerit, in quo sanctificatus est?* Ergo infidelitas non est maximum peccatorum.

Sed contra est quod Augustinus dicit, exponens illud Ioann. xv. *Si non remissem, & locutus eis non fuisset, peccatum non haberent* (tract. lxxxix. in Ioan. a princip.) „Magnum quidem quod-

dam peccatum sub generali nomine vult intelligi. Hoc enim est peccatum „(scilicet infidelitatis) quo tenentur „cuncta peccata. „Infidelitas ergo est maximum peccatorum.

Respondendo dicendum, quod omne peccatum formaliter consistit in averseione a Deo, ut supra dictum est (1. 2. quest. lxxxi. art. 6. & quest. lxxxi. art. 3.) Unde tanto aliquod peccatum est gravius, quanto per ipsum homo magis a Deo separatur. Per infidelitatem autem maxime homo a Deo elongatur, quia nec veram Dei cognitionem habet; per falsam autem cognitionem ipsius non appropinquat ei, sed magis ab eo elongatur. Nec potest esse quod quantum ad quid Deum cognoscat qui falsam opinionem de eo habet: quia id quod ipse opinatur, non est Deus. Unde manifestum est quod peccatum infidelitatis est maius omnibus peccatis quæ contingunt in peruersitate morum. Secus autem est de peccatis quæ opponuntur aliis virtutibus theologis, ut infra dicitur (quest. xx. art. 3.)

Ad primum ergo dicendum, quod nihil prohibet peccatum quod est gravius secundum suum genus, esse minus grave secundum aliquas circumstantias. Et ideo Augustinus noliit præcipitare sententiam de malo catholico, & hæretico alias non peccante: quia peccatum hæretici, etsi sit gravius ex genere, potest tamen ex aliqua circumstantia alleviari, & e converso peccatum catholici ex aliqua circumstantia aggruari.

Ad secundum dicendum, quod infidelitas habet ignorantiam adiunctam, & habet (a) renitum ad ea quæ sunt fidei; & ex hac parte habet rationem peccati gravissimi; ex parte autem ignorantie habet aliquam rationem excusationis, & maxime quando aliquis ex malitia non peccat, sicut fuit in Apostolo.

Ad tertium dicendum, quod infidelis pro peccato infidelitatis gravius punitur quam alius peccator pro quocumque alio peccato, considerato peccati genere; sed pro alio peccato, puta pro adulterio, si committatur a fidei, & ab infideli, ceteris paribus, (b) gravius peccat fidelis quam infidelis tum propter notitiam veritatis ex fide, tum etiam propter sacramenta fidei, quibus est imbutus, quibus peccando contumeliam facit.

D 4. A R-

(a) Ita cod. Tarrac. & Alcan. Theologi, Nicolai, & edit. Rom. dissensum. Edit. Patav. penitentiam. (b) Ita edit. Rom. & Theologi ex mss. Garcia, Nicolai, & edit. Patav. gravius punitur, quia gravius peccat fidelis &c.

## ARTICULUS IV. 54

*Utrum omnis actio infidelis sit peccatum.*

II. dist. VII. quest. 1. art. 2. cor. 1. fi.  
 & dist. XII. quest. 1. art. 1. & mal.  
 quest. 11. art. 3. ad 7. &  
 Ro. XIV. fi.

**A**D quartum sic proceditur. Videtur quod quaelibet actio infidelis sit peccatum. Quia super illud Rom. XIV. *Omne quod non est ex fide, peccatum est*, dicit Glossa (ord. ex Lib. Sentent. Prosp. cap. CVI.) "Omnis infidelium vita est peccatum." Sed ad vitam infidelium pertinet omne quod agunt. Ergo omnis actio infidelis est peccatum.

2. Præterea. Fides intentionem dirigit. Sed nullum bonum potest esse quod non est ex intentione recta. Ergo in infidelibus nulla actio potest esse bona.

3. Præterea. Corrupto priori, corrumpitur & posterius. Sed actus fidei præcedit actus omnium virtutum. Ergo cum in infidelibus non sit actus fidei, nullum bonum opus facere possunt, sed in omni actu suo peccant.

Sed contra est quod de Cornelio adhuc infideli existente dictum est (Act. x.) quod acceptæ erant elemosynæ eius Deo. Ergo non omnis actio infidelis est peccatum, sed aliqua eius actio est bona.

Respondetur dicendum, quod, sicut supra dictum est (1. 2. quest. lxxxv. art. 1. & 2.) peccatum mortale tollit gratiam gratum facientem, non autem totaliter corrumpit bonum naturæ. Unde cum infidelitas sit quoddam peccatum mortale, infideles quidem gratia carent, remanent tamen in eis aliquod bonum naturæ. Unde manifestum est quod infideles non possunt operari bona opera quæ sunt ex gratia, scilicet opera meritoria; tamen bona opera ad quæ sufficit bonum naturæ, aliquando operari possunt.

Unde non oportet quod in omni suo opere peccent; sed quandoque aliquod operantur ex infidelitate, tunc peccant. Sicut enim habens fidem potest aliquod peccatum committere in actu, quem non refert ad fidei finem, vel venialiter, vel etiam mortaliter peccando; ita etiam infidelis potest aliquem actum bonum facere in eo quod non refert ad finem infidelitatis.

Ad primum ergo dicendum, quod ver-

bum illud est intelligendum, vel quia vita infidelium non potest esse sine peccato, cum peccata sine fide non tollantur: vel quia quicquid agunt ex infidelitate, peccatum est. Unde ibid. (non in Gloss. sed ex Aug. Lib. IV. contr. Iulian. cap. III.) subditur: *Quia omnis infideliter vivens, vel agens, vehementer peccat.*

Ad secundum dicendum, quod fides dirigit intentionem respectu finis ultimi supernaturalis; sed lumen etiam naturalis rationis potest dirigere intentionem respectu alicuius boni connaturalis.

Ad tertium dicendum, quod per infidelitatem non corrumpitur totaliter in infidelibus ratio naturalis, quin remaneat in eis aliqua veri cognitio, per quam facere possunt aliquod opus de genere bonorum. De Cornelio tamen sciendum est, quod infidelis non erat; alioquin eius operatio accepta non fuisset Deo, cui sine fide nullus potest placere. Habebat autem fidem implicitam, nondum manifestata Evangelii veritate. Unde ut eum in fide plenius instrueret, mittitur ad eum Petrus.

## ARTICULUS V. 55

*Utrum sint plures infidelitatis species.*

Inf. quest. 11. art. 1. cor. & quest. XCIV. art. 1. ad 1.

**A**D quintum sic proceditur. Videtur quod non sint plures infidelitatis species. Cum enim fides, & infidelitas sint contraria, oportet quod sint circa idem. Sed formale obiectum fidei est veritas prima, a qua habet unitatem, licet multa materialiter credat. Ergo etiam obiectum infidelitatis est veritas prima. Ea vero quæ discedit infidelis, materialiter se habent in infidelitate. Sed differentia secundum speciem non attenditur secundum principia materialia, sed secundum principia formalia. Ergo infidelitatis non sunt diversæ species, secundum diversitatem eorum in quibus infideles errant.

2. Præterea. Infinitis modis potest aliquis a veritate fidei deviare. Si ergo secundum diversitates errorum diversæ species infidelitatis assignentur, videtur sequi quod sint infinitæ infidelitatis species; & ita huiusmodi species non sunt considerandæ.

3. Præterea. Idem non invenitur in di-

diversis speciebus. Sed contingit aliquem esse infidelem ex eo quod errat circa diversa. Ergo diversitas errorum non facit diversas species infidelitatis. Sic ergo infidelitatis non sunt plures species.

Sed contra est quod unicuique virtuti opponuntur plures species vitiorum. Bonum enim contingit uno modo, malum vero multipliciter, ut patet per Dionysium iv. cap. de div. Nom. (par. 4 lect. 22.) & per Philopolum in II. Eth. (cap. vi. a med.) Sed fides est una virtus. Ergo ei opponuntur plures infidelitatis species.

Respondeo dicendum, quod quaelibet virtus consistit in hoc quod attingit regulam aliquam cognitionis, vel operationis humanæ; ut supra dictum est (1. 2. quest. iv art. 4. 64. art. 1.) Attingere autem regulam est uno modo circa unam materiam; sed a regula deviare contingit multipliciter: & ideo uni virtuti multa vitia opponuntur. Diversitas autem vitiorum quæ unicuique virtuti opponuntur, potest considerari dupliciter. Uno modo secundum diversam habitudinem ad virtutem: & secundum hoc determinatæ sunt quedam species vitiorum quæ opponuntur virtuti; sicut virtuti morali opponitur unum vitium secundum excessum ad virtutem, & aliud vitium secundum defectum a virtute. Alio modo potest considerari diversitas vitiorum oppositorum uni virtuti secundum corruptionem diversorum quæ ad virtutem requiruntur: & secundum hoc uni virtuti, puta temperantiæ, vel fortitudini, opponuntur infinita vitia, secundum quod infinitis modis contingit diversas circumstantias virtutis corrumpi, ut a reſtitutione virtutis recedatur. Unde & Pythagorici malum posuerunt infinitum.

Sic ergo dicendum, quod si infidelitas attendatur secundum comparisonem ad fidem, diversæ sunt infidelitatis species, & numero determinatæ. Cum enim peccatum infidelitatis consistat in renitendo fidei, hoc potest contingere dupliciter. Quia aut renititur fidei nondum susceptæ; & talis infidelitas est Paganorum, sive Gentilium: aut renititur fidei christianæ susceptæ; & hoc vel in figura, & sic est infidelitas Iudæorum; vel in ipsa manifestatione veritatis, & sic est infidelitas hæreticorum. Unde in generali possunt assignari tres prædictæ species infidelitatis.

Si vero distinguantur infidelitatis species secundum errorem in diversis quæ ad fidem pertinent, tunc non sunt determinatæ infidelitatis species: possunt enim errores in infinitum multiplicari, ut patet per Augustinum in Lib. de hæresibus (cir. fi.)

Ad primum ergo dicendum, quod formalis ratio alicuius peccati potest accipi dupliciter. Uno modo secundum intentionem peccantis; & secundum hoc id ad quod convertitur peccans, est formale obiectum peccati: & ex hoc diversificantur eius species. Alio modo secundum rationem mali; & sic illud bonum a quo receditur, est formale obiectum peccati. Sed ex hac parte peccatum non habet speciem, immo est (a) privatio. Sic ergo dicendum est, quod infidelitatis obiectum est veritas prima, sicut a qua recedit; sed formale eius obiectum, sicut ad quod convertitur, est sententia falsa quam sequitur: & ex hac parte eius species diversificantur. Unde sicut caritas est una, quæ inhæret summo bono; sunt autem diversa vitia caritati opposita, quæ per conversionem ad diversa bona temporalia recedunt ab uno summo bono, & iterum secundum diversas habitudines inordinatas ad Deum: sic etiam fides est una virtus ex hoc quod adhæret uni primæ veritati; sed infidelitatis species sunt multæ ex hoc quod infideles diversas falsas sententias sequuntur.

Ad secundum dicendum, quod obiectio illa procedit de distinctione specierum infidelitatis secundum diversa, in quibus erratur.

Ad tertium dicendum, quod sicut fides est una, quia multa credit in ordine ad unum; ita infidelitas potest esse una, etiam si in multis erret, inquantum omnia habent ordinem ad unum. Nihil tamen prohibet hominem in diversis infidelitatis speciebus errare; sicut etiam potest unus homo diversis vitiis subiacere, & diversis corporalibus morbis.

A R-

(a) Ita ex mss. Theologi, & Nicolai. Al. privatio speciei.

## ARTICULUS VI. 56

*Utrum infidelitas Gentilium, seu Paganorum sit ceteris gravior.*

**A**D sextum sic proceditur. Videtur quod infidelitas Gentilium, sive Paganorum sit gravior ceteris. Sicut enim corporalis morbus tanto est gravior, quanto salutis principalioris membri magis contrariatur; ita peccatum tanto videtur esse gravior, quanto contrariatur ei quod est principalius in virtute. Sed principalius in fide est fides unitatis divinæ, a qua deficient Gentiles multitudinem deorum credentes. Ergo infidelitas eorum est gravissima.

2. Præterea. Inter hæreticos tanto hæresis aliquorum detestabilior est, quanto in pluribus, & principalioribus veritati fidei contradicunt; sicut hæresis Arii, qui separavit Divinitatem, detestabilior fuit quam hæresis Nestorii, qui separavit humanitatem Christi a persona Filii Dei. Sed Gentiles in pluribus, & principalioribus secedunt a fide quam Iudei, & hæretici: quia omnino nihil de fide recipiunt. Ergo eorum infidelitas est gravissima.

3. Præterea. Omne bonum est diminutivum mali. Sed aliquid bonum est in Iudeis, quia continentur vetus Testamentum esse a Deo: bonum etiam est in hæreticis, quia venerantur novum Testamentum. Ergo minus peccant quam Gentiles, qui utrumque testamentum detestantur.

Sed contra est quod dicitur II. Pet. 21. 21. *Meius erat illis non cognoscere viam iustitiæ, quam post cognitionem retrorsum converti.* Quod Gentiles non cognoverunt viam iustitiæ; hæretici autem, & Iudei aequaliter cognoscentes deseruerunt. Ergo eorum peccatum est gravior.

Respondeo dicendum, quod in infidelitate, sicut dictum est (art. præc.) duo possunt considerari. Quorum unum est comparatio eius ad fidem: & ex hac parte aliquis gravior contra fidem peccat qui fidei renititur susceptæ, quam qui renititur fidei nondum susceptæ; sicut gravior peccat qui non implet quod promissus, quam si non impleat quod nunquam promissus. Et secundum hoc infidelitas hæreticorum, qui profitentur fidem Evangelii, & ei renituntur eam corrumpentes, gravior est peccatum quam lu-

daeorum, qui fidem Evangelii nunquam susceperunt. Sed quia susceperunt eius figuram in veteri lege, quam male interpretantes corrumpunt; ideo etiam eorum infidelitas est gravior peccatum quam infidelitas Gentilium, qui nullo modo fidem Evangelii susceperunt.

Aliud quod in infidelitate consideratur, est corruptio eorum quæ ad fidem pertinet. Et secundum hoc, cum in pluribus errent Gentiles quam Iudei, & Iudei quam hæretici; gravior est infidelitas Gentilium quam Iudaeorum, & Iudaeorum quam hæreticorum: nisi forte quorundam, puta Manichæorum, qui etiam circa credibilia plus errant quam Gentiles. Harum tamen duarum gravitatum prima præponderat secundæ quantitate ad rationem culpæ: quia infidelitas habet rationem culpæ, ut supra dictum est (art. 1. h. quæst.) magis ex hoc quod renititur fidei, quam ex hoc quod non habet ea quæ sunt fidei: hoc enim videtur, ut dictum est (ibid.) magis ad rationem peccati pertinere. Unde, simpliciter loquendo, infidelitas hæreticorum est peiora.

Et per hoc patet responsio ad obiecta.

## ARTICULUS VII. 57

*Utrum sit cum infidelibus publice disputandum.*

II. Tim. 11. lect. 2.

**A**D septimum sic proceditur. Videtur quod non sit cum infidelibus publice disputandum. Dicit enim Apostolus II. Tim. 11. 14. *Noli verbis contendere: ad nihil enim utile est, nisi ad subversionem audientium.* Sed disputatio publica cum infidelibus fieri non potest sine contentione verborum. Ergo non est publice disputandum cum infidelibus.

2. Præterea. Lex Martiani Augusti per canones confirmata (tit. de sum. Triu. & fide cath. Lib. 1. Cod. cap. *Nemo*) sic dicit: *Iniuriam facit iudicio religiosissimi Synodi, si quis semel iudicata, aut recte disposita revolvat, & publice disputare contendat.* Sed omnia quæ ad fidem pertinent, sunt per sacra Concilia determinata. Ergo graviter peccat, iniuriam Synodo faciens, si quis de eis quæ sunt fidei, publice disputare præsumat.

3. Præterea. Disputatio argumentis aliquibus agitur. Sed argumentum est ratio rei dubiæ faciens fidem: ea autem quæ

quæ sunt fidei, cum sint certissima, non sunt in dubitationem adducenda. Ergo de his quæ sunt fidei, non est publice disputandum.

Sed contra est quod Aët. ix. 23. dicitur, quod Saulus invalecebat, & confundebar Iudeos: & quod loquebatur Gentibus, & disputabat cum Grecis.

Respondet dicendum, quod in disputatione fidei duo sunt consideranda: unum quidem ex parte disputantis; aliud autem ex parte audientium. Ex parte quidem disputantis est consideranda intentio. Si enim disputet tamquam de fide dubitans, & veritatem fidei pro certo non supponens, sed argumentis experiri intendens; proculdubio peccat, tamquam dubius in fide, & infidelis. Si autem disputet aliquis de fide ad confutandum errores, vel etiam ad exercitium; laudabile est.

Ex parte vero audientium considerandum est, utrum illi qui disputationem audiunt, sint instructi, & firmi in fide, aut simplices, & in fide titubantes. Et quidem coram sapientibus in fide firmis nullum periculum est disputare de fide.

Sed circa simplices est distinguendum. Quia aut sunt solliciti, sive pulsati ab infidelibus, puta Iudeis, vel hæreticis, sive Paganis, nitentibus corrumpere in eis fidem; aut omnino non sunt solliciti super hoc, sicut in terris in quibus non sunt infideles. In primo casu necessarium est publice disputare de fide, dummodo inveniantur aliqui ad hoc sufficientes, & idonei, qui errores confutare possint: per hoc enim simplices in fide firmabuntur, & tolletur infidelibus decipiendi facultas; & ipsa taciturnitas eorum qui resistere deberent pervertentibus fidei veritatem, esset erroris confirmatio. Unde Gregorius in II. Pastoral. (cap. iv. in princ.) *Sicut incauta locutio in errorem pertrahit; ita indiscretum silentium eos qui erudiri poterant, in errore derelinquit.*

In secundo vero casu periculosum est publice disputare de fide coram simplicibus; quorum fides ex hoc est firmior, quia nihil diversum audierunt ab eo quod credunt. Et ideo non expedit eis ut verba infidelium audiant disputantium contra fidem.

Ad primum ergo dicendum, quod Apostolus non prohibet totaliter disputationem, sed inordinatam, quæ magis sit

contentione verborum quam firmi ita sententiarum.

Ad secundum dicendum, quod lex illa prohibet publicam disputationem de fide quæ procedit ex dubitatione fidei, non autem illam quæ est ad fidei (a) confirmationem.

Ad tertium dicendum, quod non debet disputari de his quæ sunt fidei, quasi de eis dubitando, sed propter veritatem manifestandam, & errores confutandos. Oportet enim ad fidei confirmationem aliquando cum infidelibus disputare: quandoque quidem detendendo fidem, secundum illud I. Petri iii. 15. *Parati semper ad satisfactionem omni poscenti vos rationem de ea, quæ est in vobis, spe, & fide.* Quandoque autem ad convincendos errantes, secundum illud ad Titum i. 9. *Ut sis potens exhortari in doctrina sana, & eos qui contradicunt, arguere.*

# ARTICULUS VIII. 38

Utrum infideles compellendi sint ad fidem.

IV. dist. xiii. quæst. ii. art. 1. ad 6.

**A**D octavum sic proceditur. Videtur quod infideles nullo modo compellendi sint ad fidem. Dicitur enim Matthæi xiii. quod servi patristamias, in cuius agro erant zizania seminata, quaerierunt ab eo, *Vis imus, & colligimus ea?* & ipse respondit: *Non, ne forte colligentes zizania, eradicetis simul cum eis &riticum: ubi dicit Chrysostomus (hom. xlvii. in Matth. aliquant. a princ.)* „Hæc dicit Dominus prohibens occisionem fieri. Nec enim oportet interficere hæreticos: quia si eos occideritis, necesse est multos sanctorum simul subverti.“ Ergo videtur quod pari ratione nec aliqui infideles sint ad fidem cogendi.

1. Præterea. In Decr. dist. xlv. (cap. v. & in Concil. Tolet. IV. can. lvi.) sic dicitur: *De Iudeis præcipit sancta Synodus, nemini deinceps ad credendum vim inferre.* Ergo pari ratione nec alii infideles sunt ad fidem cogendi.

3. Præterea. Augustinus dicit (traçt. xxvi. in Ioan. aliquant. a princ.) quod *cetera potest homo nolens, credere vero non nisi volens.* Sed voluntas cogi non potest. Ergo videtur quod infideles non sint ad fidem cogendi.

4. Præ-

(a) Ita Nicolaus, & edit. Patav. cum mss. Al. confirmationem.

4. Præterea. Ezech. xviii. 32. dicitur ex persona Dei; *Nolo mortem (a) peccatoris*. Sed nos debemus voluntatem nostram conformare divinæ, ut supra dictum est (1. 2. quæst. xix. art. 9. & 10. Ergo etiam nos non debemus velle quod infideles occidantur.

Sed contra est quod dicitur Luc. xiv. 23. *Exi in vias, & sapes, & compelle intrare, ut impleatur domus mea*. Sed homines in domum Dei, id est in sanctam Ecclesiam, intrant per fidem. Ergo alii qui sunt compellendi ad fidem.

Respondeo dicendum, quod infidelium quidam sunt qui nunquam susceperunt fidem, sicut Gentiles, & Iudæi: & tales nullo modo sunt ad fidem compellendi ut ipsi credant: quia credere voluntatis est: sunt tamen compellendi a fidelibus, si adit facultas, ut fidem non impediatur vel blasphemis, vel malis persuasionibus, vel etiam apertis persecutionibus. Et propter hoc fideles Christi frequenter contra infideles bellum movent non quidem ut eos ad credendum cogant, quia si etiam eos vicerint, & captivos haberent, in eorum libertate relinquerent an credere velint; sed propter hoc ut eos compellant, ne fidem Christi impediatur.

Alii vero sunt infideles qui quandoque fidem susceperunt, & eam proterunt, sicut hæretici, & (b) quicumque apostata: & tales sunt etiam corporaliter compellendi, ut impleant quod promiserunt, & teneant quod semel susceperunt.

Ad primum ergo dicendum, quod per illam auctoritatem quidam intellexerunt esse prohibitam non quidem excommunicationem hæreticorum, sed eorum occisionem, ut patet per auctoritatem Chrysostomi inductam. Et Augustinus ad Vincentium (epist. xcliii. olim xlviii. ante med.) de se dicit: *Hæc primitus mea sententia erat, neminem ad unitatem Christi esse cogendum, verbo esse agendum, disputatione pugnandum. Sed hæc opinio mea non contradicentium verbis, sed demonstrantium superabatur exemplis. Legum enim terror ita profuit, ut multi dicant: Gratias Domino, qui vincula nostra dirupit. Quod ergo Dominus dicit, Sinite utraque crescere usque ad messem, qualiter intelligendum sit, apparet ex hoc quod subditur: Ne forte colligentes zizaniam, eradicetis simul cum eis & triti-*

*cum.* Ubi satis ostendit (sicut Augustinus dicit contra epistolam Parmeniani Lib. III. cap. 11. a med.) cum metus iste non subest, id est quantum do ita cuiusque crimen notum est omnibus, & execrabile apparet, ut nullos prorsus, vel non tales habeat defensores, per quos possit schisma contingere, non dormiat severitas disciplinæ.

Ad secundum dicendum, quod Iudæi, si nullo modo acceperunt fidem, nullo modo sunt cogendi ad fidem; si autem acceperunt fidem, oportet ut fidem necessitate cogantur retinere, sicut eodem capitulo dicitur.

Ad tertium dicendum, quod sicut vivere est voluntatis, reddere autem necessitatis, ita accipere fidem est voluntatis, sed tenere eam acceptam est necessitatis. Ed ideo hæretici sunt compellendi ut fidem teneant. Dicit enim Augustinus ad Bonifacium Comitem (epist. clxxxv. olim l. parum ante med.) *Ubi est quod isti clamare consueverunt, liberum esse credere, vel non credere? cui vim Christus inulsi? agnoscat in Paulo prius cogentem Christum, & postea docentem.*

Ad quartum dicendum, quod, sicut in eadem epistola (a med.) Augustinus dicit, nullus nostrum vult aliquem hæreticum perire. Sed aliter non meruit habere pacem domus David, nisi Absalon filius eius in bello, quod contra patrem gerebat, fuisset extinctus. Sic Ecclesia sabbolica, si aliquorum perditione ceteros colligit, dolorem materni janat cordis sanctorum liberatione populorum.

## ARTICULUS IX. 59

*Utrum cum infidelibus possit communicari.*

IV. dist. xiiii. quæst. 11. art. 3. cor. & dist. xviii. quæst. 11. art. 1. quæst. 1. & quol. x. art. 11. & 1. Cor. v. fin.

**A**D nonum sic proceditur. Videtur quod cum infidelibus possit communicari. Dicit enim Apostolus ad Corin. x. 27. *Si quis vocat vos infidelium ad carnem, & vultis ire, omne quod vobis apponitur, manducate:* & Chrysostomus dicit (hom. xxv. super epist. ad Hebr. vers. fin.) *Ad mensam paganorum si volueris ire, sine ulla prohibitione permissi-*

(a) *Vulgata morientis.* (b) *Ita cum codd. Tarrac. Alcan. Paris. aliisque edis passim. Al. quandoque.*

mus. Sed ad cœnam alicuius ire est ei communicare. Ergo infidelibus licet communicare.

2. Præterea. Apostolus dicit I. ad Corin. v. 12. *Quid mihi est de his qui foris sunt, iudicare?* Foris autem sunt infideles. Cum ergo per iudicium Ecclesiæ aliquorum communio fidelibus inhibeat, videtur quod non sit inhiendum fidelibus cum infidelibus communicare.

3. Præterea. Dominus non potest uti servo, nisi ei communicando, saltem verbo, quia dominus movet servum per imperium. Sed Christiani possunt habere servos infideles, vel Iudæos, vel etiam Paganos, sive Saracenos. Ergo possunt licite cum eis communicare.

Sed contra est quod dicitur Deuter. xxi. 2. *Non inibis cum eis sedus, nec miseraberis eorum, neque sociaberis cum eis: connubia: & super illud Levit. xv. Mulier, quæ redeunt mense &c. dicit Gloisa (ordin.),* Sic oportet ab idololatria abstinerere, ut nec idololatras, nec eorum discipulos contingamus, nec cum eis communionem habeamus.

Respondet dicendum, quod communio alicuius personæ interdicitur fidelibus dupliciter: uno modo in pœnam illius cui communio fidelium subtrahitur; alio modo ad cautelam eorum quibus interdicitur ne alii communicent. Et utraque causa ex verbis Apostoli accipitur I. ad Corinth. v. Nam postquam sententiam excommunicationis protulit, subdit pro ratione: *Nescitis, quia madicum fermentum totam massam corrumpit?* Et postea rationem subdit ex parte pœnæ: per iudicium Ecclesiæ illatæ, cum dicit: *Nonne de his qui intus sunt, vos iudicatis?*

Primo ergo modo non interdicit Ecclesia fidelibus communionem infidelium, qui nullo modo fidem christianam receperunt, scilicet Paganorum, vel Iudæorum, quia non habet de eis iudicare spirituali iudicio, sed temporaliter, in casu cum inter Christianos commorantes aliquam culpam committunt, & per fideles temporaliter puniuntur. Sed isto modo, scilicet in pœnam, interdicit Ecclesia fidelibus communionem illorum infidelium qui a fide suscepta deviant, vel

corrumpendo fidem, sicut hæretici, vel etiam totaliter a fide recedendo, sicut apostatæ: in utroque enim horum excommunicationis sententiam proferit Ecclesia.

Sed quantum ad secundum modum, videtur esse distinguendum secundum diversas condiciones personarum, & negotiorum, & temporum: Si enim aliqui fuerint firmi in fide, ita quod ex communione eorum cum infidelibus conversio infidelium magis sperari possit quam fidelium a fide aversio, non sunt prohibendi infidelibus communicare, qui fidem non susceperunt, scilicet Paganis, vel Iudæis; & maxime si necessitas urgeat. Si autem sint simplices, & infirmi in fide, de quorum subversione probabiliter timeri possit, prohibendi sunt ab infidelium communione; & præcipue ne magnam familiaritatem cum eis habeant, vel absque necessitate eis communicent. Et per hæc patet solutio ad primum.

Ad secundum dicendum, quod Ecclesia contra infideles non habet iudicium quoad pœnam spirituales eis infligendam; habet tamen iudicium super aliquos infideles quoad temporalem pœnam infligendam; ad quod pertinet quod Ecclesia aliquando propter aliquas speciales culpas subtrahit aliquibus infidelibus communionem fidelium.

Ad tertium dicendum, quod magis est probabile quod servus, qui regitur imperio domini, convertatur ad fidem domini fidelis, quam ex converso: & ideo non est prohibitum, quin fideles habeant servos infideles. Si tamen domino periculum immineret ex communione talis servi, deberet eum a se abicere, secundum illud mandatum Domini, Matth. xviii. 8. *Si pes tuus scandalizaverit te, abscinde eum, & proice abs te.*

(a) Ad argumentum in oppositum dicendum, quod Dominus illud præcipit de illis gentibus, quarum terram ingressi erant Iudæi, qui erant proni ad idololatriam; & ideo timendum erat ne per continuam conversationem cum eis alienarentur a fide: & ideo ibidem sub-

(a) In mss. (in quibus desit) Et per hæc patet solutio ad primum) primo loco ponitur quod hic proferuntur et, & respondet argumento Sed contra: unde omnia susceperunt, ut patet in edit. Rom. an. 1570. quæ postea notat ad marginem Deest solutio prioris argumenti. Theologi idem præterierunt; sed loco Ad primum erit dicendum substatuerunt optime Ad argumentum in oppositum, erit dicendum: in cuius fine addunt: Solutio colligenda est ex dictis in corp. Nicolaus primus coordinavit, ut hic, quem secuta sunt edit. Paris. hoc loco legimus: Ad quartum, quod in contrarium obicitur, dicendum &c.

Subditur: *Quia seducet filium suum, ne sequatur me.*

## ARTICULUS X. 60

*Utrum infideles possint habere praelationem, seu dominium supra fideles.*

**A**D decimum sic proceditur. Videtur quod infideles possint habere praelationem, vel dominium supra fideles. Dicit enim Apostolus I. ad Timoth. vi. 1. *Quicumque sunt sub iugo servi, dominos suos omni honore dignos arbitrentur: & quod loquatur de infidelibus, patet per hoc quod subdit: Qui autem fideles habent dominos, non contemnant.* I. Petri ii. 18. dicitur: *Servi subditi estote in omni tempore dominis, non tantum bonis, & modestis, sed etiam dyscolis.* Non autem hoc præcipitur per doctrinam apostolicam, nisi infideles possint fidelibus præesse. Ergo videtur quod infideles possint fidelibus præesse.

2. Præterea. Quicumque sunt de familia alicuius principis, subsunt ei. Sed fideles alii erant de familia infidelium principum: unde dicitur ad Philipp. iv. 22. *Salutate vos omnes sancti, maxime autem qui de Caesaris domo sunt, scilicet Neronis, qui infidelis erat.* Ergo infideles possunt fidelibus præesse.

3. Præterea. Sicut Philosophus dicit in I. Politic. (cap. iii. ante med.) servus est instrumentum domini in his quæ ad humanam vitam pertinent, sicut & minister artificis est instrumentum artificis in his quæ pertinent ad operationem artis. Sed in talibus potest fidelis infideli subiacere: possunt enim fideles infidelium coloni esse. Ergo infideles possunt fidelibus præesse etiam quantum ad dominium.

Sed contra est quod ad eum qui præest, pertinet habere iudicium super eos quibus præest. Sed infideles non possunt iudicare de fidelibus: dicit enim Apostolus I. ad Corinth. vi. 1. *Audet aliquis vestrum habere negotium adversus alterum, iudicari apud iniquos, idest infideles, & non apud sanctos?* Ergo videtur quod infideles fidelibus præesse non possint.

Respondetur dicendum, quod circa hoc dupliciter loqui possumus. Uno modo de dominio, vel praelatione infidelium super fideles de novo instituenda: & hoc nullo modo permitti debet: cederet enim hoc in scandalum, & in periculum fidei:

de facili enim illi qui subiiciuntur aliorum iurisdictioni, immutari possunt ab eis quibus subsunt, ut sequantur eorum imperium, nisi illi qui subsunt, fuerint magnæ virtutis; & similiter infideles contemnunt fidem, si fidelium defectus cognoscant. Et ideo Apostolus prohibuit ut fideles non contendant iudicio coram iudice infideli. Et ideo nullo modo permittit Ecclesia quod infideles acquirant dominium super fideles, vel qualitercumque eis præficiantur in aliquo officio.

Alio modo possumus loqui de dominio, vel praelatione iam præexistente. Ubi considerandum est, quod dominium, & praelatio introducta sunt ex iure humano; distinctio autem fidelium, & infidelium est ex iure divino. Ius autem divinum, quod est ex gratia, non tollit ius humanum, quod est ex naturali ratione. Ideo distinctio fidelium, & infidelium secundum se considerata non tollit dominium, & praelationem infidelium supra fideles.

Potest tamen iusse per sententiam, vel ordinationem Ecclesiæ auctoritatem Dei habentis tale ius dominii, vel praelationis tolli: quia infideles merito suæ infidelitatis mererentur potestatem amittere super fideles, qui transferuntur in filios Dei.

Sed hoc quidem Ecclesia quandoque facit, quandoque autem non facit. In illis enim infidelibus, qui etiam temporali subiectione subiiciuntur Ecclesiæ, & membris eius, hoc ius Ecclesia statuit ut servus Iudeorum, cum fuerit factus Christianus, statim a servitute liberetur nullo pretio dato, si fuerit vernaculus, idest in servitute natus: & similiter si infidelis existens fuerit emptus ad servitium; si autem fuerit emptus ad mercedem, tenetur cum infra tres menses exponere ad vendendum. Nec in hoc iniuriam facit Ecclesia: quia cum ipsi Iudei sint servi Ecclesiæ, potest disponere de rebus eorum; sicut etiam Principes secularis multas leges ediderunt circa suos subditos in favorem libertatis. In illis vero infidelibus qui temporaliter Ecclesiæ, vel eius membris non subiacent, prædictum ius Ecclesia non statuit, licet posset instituere de iure: & hoc facit ad scandalum vitandum; sicut etiam Dominus Matthæi xvii: ostendit, quod poterat se a tributo excusare, quia liberi sunt filii; sed tamen mandavit tributum solvi ad scandalum vitandum. Ita etiam & Paulus, cum dixisset, quod servi do-



minos suos honorare, subiungit: *Ne nomen Domini, & doctrina blasphemetur.*

Unde patet responsio ad primum.

Ad secundum dicendum, quod illa praelatio Caesaris praeexistebat distinctioni fidelium ab infidelibus. Unde non solvebatur per conversionem aliquorum ad fidem: & utile erat quod aliqui fideles locum in familia Imperatoris haberent, ad defendendum alios fideles; sicut beatus Sebastianus Christianorum animos, quos in tormentis videbat deficere, confortabat, & adhuc latebat sub militari chlamyde in domo Diocletiani.

Ad tertium dicendum, quod servi subfiliuntur dominis suis ad totam vitam; & subditi praefectis ad omnia negotia, sed ministri artificum subduntur eis ad aliqua specialia opera: unde periculosius est quod infideles accipiant dominium, vel praelationem super fideles, quam quod accipiant ab eis ministerium in aliquo officio. Et ideo permittit Ecclesia quod Christiani possint colere terras Iudaeorum: quia per hoc non habent necesse converteri cum eis. Salomon etiam expetiit a Rege Tyri magistros operum ad ligna caedenda, ut habetur III. Reg. vi. Et tamen si ex tali communicatione, vel convictu subversio fidei timeretur, esset penitus interdicendum.

## ARTICULUS XI. 61

*Utrum infidelium ritus sint tolerandi.*

**A**D undecimum sic proceditur. Videtur quod ritus infidelium non sint tolerandi. Manifestum est enim quod infideles in suis ritibus peccant, eos servando. Sed peccato videtur consentire qui non prohibet, cum prohibere possit, ut habetur in Glossa (ordin. Ambrosii) Roman. i. super illud, *Non solum qui faciunt, sed & qui consentiunt facientibus.* Ergo peccant qui eorum ritus tolerant.

2. Praeterea. Ritus Iudaeorum idololatriae comparantur: quia super illud Gal. v. *Nolite iterum iugo servitutis contineri*, dicit Glossa (interl.): „Non est levior, huius legis servitus quam idololatria.“ Sed non sustineretur quod idololatriae ritum aliqui exercerent; quinimmo Christianorum Principes templa idolorum primo claudi, & postea dirui fecerunt, ut Augustinus harrat XVIII. de civit. Dei (cap. xl. in fin.) Ergo secundum hoc etiam ritus Iudaeorum tolerari non debent.

3. Praeterea. Peccatum infidelitatis est gravissimum, ut supra dictum est (arg. 3. huius quaest.) Sed alia peccata non tolerantur; sed lege puniuntur, sicut adulterium, furtum, & alia huiusmodi. Ergo etiam ritus infidelium tolerandi non sunt.

Sed contra est quod in Decret. dist. xlv. cap. *Qui sincera*, dicit Gregorius de Iudaeis (Lib. XL. Regist. epist. xv. in fin.) *Omnes infirmitates suas, sicut habemus ipsi. & patres eorum per longa volentes tempora tenuerunt, liberam habeant observandi, celebrandique licentiam.*

Respondeo dicendum, quod humanum regimen derivatur a divino regimine, & ipsum debet imitari. Deus autem quantumvis sit omnipotens, & summe bonus, permittit tamen aliqua mala fieri in universo, quae prohibere posset; ne eis sublati, maiora bona tollerentur, vel etiam peiora mala sequerentur. Sic ergo & in regimine humano illi qui praesunt, recte aliqua mala tolerant, ne aliqua bona impediatur, vel etiam ne aliqua mala peiora incurrantur, sicut Augustinus dicit in Lib. II. de ordine (cap. iv. cir. med.) *Aufer moerorices de rebus humanis, turbaveris omnia libidinis.* Sic ergo quamvis infideles in suis ritibus peccent, tolerari possunt vel propter aliquod bonum quod ex eis provenit, vel propter aliquod malum quod vitatur.

Ex hoc autem quod Iudaei ritus suos observant, in quibus olim praegrabatur veritas fidei, quam tenemus, hoc bonum provenit quod testimonium fidei nostrae habemus ab hostibus; & quasi in figura nobis representatur quod credimus. Et ideo in suis ritibus tolerantur.

Aliorum vero infidelium ritus, qui nihil veritatis, aut utilitatis afferunt, non sunt aliquoties tolerandi, nisi forte ad aliquod malum vitandum, scilicet ad vitandum scandalum, vel dissidium, quod ex hoc posset provenire, vel impedimentum salutis eorum qui paulatim sic tolerati convertuntur ad fidem. Propter hoc enim Haereticorum, & Paganorum ritus aliquando Ecclesia toleravit, quando erat magna infidelium multitudo.

Et per hoc patet responsio ad obiecta.

## ARTICULUS XII. 62

*Utrum pueri Iudeorum, & aliorum infidelium sint invitati parentibus baptizandi.*

III. P. quæst. lxx. art. 10. & quol. 11  
quæst. lxx. art. 2. & quol. 118. quæst. v.  
art. 2. cor.

**A**D duodecimum sic proceditur. Videtur quod pueri Iudeorum, & aliorum infidelium sint baptizandi parentibus invitatis. Maius enim est vinculum matrimoniale quam ius patriæ potestatis in pueris: quia ius patriæ potestatis potest per hominem solvi; cum filius famulus emancipetur; vinculum autem matrimoniale non potest solvi per hominem, secundum illud Matth. xix. 6. *Quod Deus coniunxit, homo non separet.* Sed, propter infidelitatem solvitur vinculum matrimoniale: dicit enim Apostolus I. ad Corinth. vii. 15. *Quod si infidelis discedis, discedat: non enim servitus subiectus est frater, aut soror in baptismo:* & Canon (caus. xxxviii. quæst. 11. cap. si infidelis) dicit, quod si coniux infidelis non vult sine contumelia sui Creatoris cum altero stare, tunc alter coniugum non debet et cohabitare. Ergo multo magis propter infidelitatem tollitur ius patriæ potestatis in suos filios. Possunt ergo eorum filii baptizari eis invitatis.

2. Præterea. Magis debet homini subveniri circa periculum mortis æternæ quam circa periculum mortis temporalis. Sed si aliquis videret hominem in periculo mortis temporalis, & ei non setret auxilium, peccaret. Cum ergo filii Iudeorum, & aliorum infidelium sint in periculo mortis æternæ, si parentibus relinquuntur, qui eos in sua infidelitate informant, videtur quod sint eis aucterendi, & baptizandi, & in fide instruendi.

3. Præterea. Filii servorum sunt servi, & in potestate dominorum. Sed Iudei sunt servi Regum, & Principum. Ergo & filii eorum. Reges ergo, & Principes habent potestatem de filiis Iudeorum facere quod voluerint. Nulla ergo erit iniuria, si eos baptizent invitatis parentibus.

4. Præterea. Quilibet homo magis est Dei, a quo habet animam, quam patris carnalis, a quo habet corpus. Non ergo est iniustum, nisi per Iudeorum carna-

libus parentibus auferantur, & Deo per baptismum consecrentur.

5. Præterea. Baptismus efficacior est ad salutem quam prædicatio: quia per baptismum statim tollitur peccati macula, reatus peccati, & aperitur ianua cæli: Sed si peccatum sequitur ex defectu prædicationis, imputatur ei qui non prædicavit, ut habetur Ezech. xiii. & xxxiii. 6. de eo qui videt gladium venientem, & non insonuerit tuba. Ergo multo magis, si pueri Iudeorum damnentur propter defectum baptismi, imputatur ad peccatum eis qui potuerunt baptizare, & non baptizaverunt.

Sed contra est quod nemini facienda est iniuria. Fieret autem Iudeis iniuria, si eorum filii baptizarentur, eis invitatis: quia amitterent ius patriæ potestatis in filios iam hæres. Ergo eis invitati non sunt baptizandi.

Respondeo dicendum, quod maximam habet auctoritatem Ecclesiæ consuetudo, quæ semper est in omnibus æmulanda: quia & ipsa doctrina catholicorum Doctorum ab Ecclesia auctoritatem habet. Unde magis standum est auctoritati Ecclesiæ quam auctoritati vel Augustini, vel Hieronymi, vel cuiuscunque Doctoris. Hoc autem Ecclesiæ usus nunquam habuit quod Iudeorum filii invitatis parentibus baptizarentur; immo fuerint retroactis temporibus multis catholici Principes potentissimi, ut Constantinus, Theodosius, quibus familiares fuerunt sanctissimi Episcopi, ut Sylvester Constantino, & Ambrosius Theodosio, qui nullo modo prætermisissent ab eis impedire, si hoc esset consonum rationi. Ex ideo periculosum videtur hanc assertionem de novo inducere, ut præter consuetudinem in Ecclesia hætenus observatam, Iudeorum filii invitatis parentibus baptizentur.

Et huius ratio est duplex. Una quidem propter periculum fidei. Si enim pueri nondum ulum rationis habentes baptismum susceperent, postmodum cum ap perfectam ætatem pervenirent, de facili posset a parentibus induci ut relinquerent quod ignorantes susceperunt: quod vergeret in fidei detrimentum.

Alia vero ratio est, quia repugnat iustitiæ naturali. Filii enim naturaliter est aliquid patris: & primo quidem a parentibus non distinguitur secundum corpus, quando in matris utero continetur; postmodum vero, postquam ab utero egreditur, antequam ulum liberi arbitrii

bitrii habeat, continetur sub parentum cura, sicut sub quodam spirituali utero: quamdiu enim usum rationis non habet puer, non differt ab animali irrationali: unde sicut bos, vel equus est alicuius, ut utatur eo cum voluerit, secundum ius civile, sicut proprio instrumento; ita de iure naturali est quod filius, antequam habeat usum rationis, sit sub cura patris. Unde contra iustitiam naturalem esset, si puer, antequam habeat usum rationis, a cura parentum subtrahatur, vel de eo aliquid ordinetur invitis parentibus. Postquam autem incipit habere usum liberi arbitrii, iam incipit esse suus; & potest quantum ad ea quae sunt iuris divini, vel naturalis, sibiipsum providere: & tunc est inducendus ad fidem non coactione, sed persuasione; & potest etiam invitis parentibus consentire fidei, & baptizari; non autem antequam habeat usum rationis. Unde de pueris antiquorum patrum dicitur, quod salvati sunt in fide parentum: per quod datur intelligi, quod ad parentes pertinet providere filiis de sua salute, praecipue antequam habeant usum rationis.

Ad primum ergo dicendum, quod in vinculo matrimoniali uterque coniugium habet usum liberi arbitrii, & uterque potest invito altero fidei assentire. Sed hoc non habet locum in puero, antequam habeat usum rationis; sed postquam habet usum rationis, tunc tenet similitudinem, si converti voluerit.

Ad secundum dicendum, quod a morte naturali non est aliquis eripiendus contra ordinem iuris civilis; puta si quis a suo iudice condemnatur ad mortem temporalem, nullus debet eum violenter eripere: unde nec aliquis debet rumpere ordinem iuris naturalis, quo filius est sub cura patris, ut eum liberet a periculo mortis aeternae.

Ad tertium dicendum, quod Iudaei sunt servi Principum servitutis civili, quae non excludit ordinem iuris naturalis, vel divini.

Ad quartum dicendum, quod homo ordinatur ad Deum per rationem, per quam eum cognoscere potest. Unde puer, antequam usum rationis habeat, naturali ordine ordinatur in Deum per rationem parentum, quorum curae naturaliter subiacet: & secundum eorum dispositionem sunt circa ipsum divina agenda.

Ad quintum dicendum, quod periculum quod sequitur de praedicatione omissa, non imminet nisi eis quibus com-

*J. Tb. Oper. Tom. XXII.*

missum est officium praedicandi. Unde Ezech. III. 17. praemittitur: *Speculatorem dedi te filius Israel.* Providere autem pueris infidelium de sacramentis salutis pertinet ad parentes eorum. Unde eis imminet periculum, si propter subtractionem sacramentorum eorum parvuli detrimentum salutis patiantur.

## QUAESTIO XI.

*De haeresi,*

*in quatuor articulos divisa.*

**D**Einde considerandum est de haeresi: circa quam quaeruntur quatuor.

Primo, utrum haeresis sit infidelitatis species.

Secundo de materia eius circa quam est.

Tertio, utrum haeretici sint tolerandi.

Quarto, utrum revertentes sint recipiendi.

## ARTICULUS I. 63

*Utum haeresis sit infidelitatis species.*

*Sup. quaest. x. art. 5. & infra quaest. xciv. art. 1. ad 1.*

**A**D primum sic proceditur. Videtur quod haeresis non sit infidelitatis species. Infidelitas enim in intellectu est, ut supra dictum est (quaest. praec. art. 2.) Sed haeresis non videtur ad intellectum pertinere, sed magis ad vim appetitivam: dicit enim Hieronymus (sup. illud Galat. v. *Manifesta sunt opera*) & habetur in Decret. xxiv. quaest. III. (cap. xxvii.) *Haeresis graece ab electio- ne dicitur, quod scilicet eam sibi unusquisque eligat disciplinam quam putat esse meliorem.* Electio autem est actus appetitivae virtutis, ut supra dictum est (1. 2. quaest. XIII. art. 1.) Ergo haeresis non est infidelitatis species.

2. Praeterea. Vitium praecipue accipit speciem a fine: unde Philosophus dicit in V. Ethic. (cap. 12. a princ.) quod *ille qui machatur, ut fureretur, magis est fur quam machus.* Sed finis haeresis est commodum temporale, & maxime principatus, & gloria; quod pertinet ad vitium superbiae, vel cupiditatis: dicit enim Augustinus in Lib. de utilitate credendi (cap. 1. cir. princ.) quod *haeretici est qui alicuius temporalis commo-*

*di,*

di, & maxime glorie, principatusque sui gratia fallas. ac novas opiniones vel gignit, vel sequitur. Ergo hæresis non est species infidelitatis, sed magis superbiæ.

3. Præterea. Infidelitas, cum sit in intellectu, non videtur ad carnem pertinere. Sed hæresis pertinet ad opera carnis: dicit enim Apostolus ad Galat. v. 19. *Manifesta sunt opera carnis, quæ sunt fornicatio, immunditia: & inter cetera postmodum subdit, dissensiones, sectæ, quæ sunt idem quod hæreses.* Ergo hæresis non est infidelitatis species.

Sed contra est quod fallitas veritati opponitur. Sed hæreticus est qui fallas, vel novas opiniones vel gignit, vel sequitur. Ergo opponitur veritati, cui fides innitur: ergo sub infidelitate continetur.

Respondendo dicendum, quod nomen hæresis, sicut dictum est (in argum. 1.) electionem importat. Electio autem, ut supra dictum est (1. 2. quæst. xiiii. art. 3.) est eorum quæ sunt ad finem, præsupposito fine. In credendis autem voluntas assentit alicui vero tamquam proprio bono, ut ex supra dictis patet (quæst. iv. art. 3. & 5.) Unde quod est principale verum, habet rationem finis ultimi; quæ autem secundaria sunt, habent rationem eorum quæ sunt ad finem.

Quia vero quicumque credit, alicuius dicto assentit; principale videtur esse, & quasi finis in unaquaque credulitate ille cuius dicto assentitur; quasi autem secundaria sunt ea quæ quis tenendo vult alicui assentire. Sic ergo qui recte fidem christianam habet, sua voluntate assentit Christo in his quæ vere ad eius doctrinam pertinent.

A rectitudine ergo fidei christianæ dupliciter quis potest deviare. Uno modo quia ipse Christo non vult assentire: & hic habet quasi malam voluntatem circa ipsum finem; & hoc pertinet ad speciem infidelitatis Paganorum, & Iudæorum. Alio modo per hoc quod intendit quidem Christo assentire, sed deficit in eligendo ea quibus Christo assentiat: quia non eligit ea quæ sunt vere a Christo tradita, sed ea quæ sibi propria mens suggerit.

Et ideo hæresis est infidelitatis species, pertinens ad eos qui fidem Christi profitentur, sed eius dogmata corrumpunt.

Ad primum ergo dicendum, quod hoc modo electio pertinet ad infidelitatem,

sicut & voluntas ad fidem, ut supra dictum est (in cor. art.)

Ad secundum dicendum, quod viria habent speciem ex fine proximo; sed ex fine remoto habent genus, & causam: sicut cum aliquis mœchatur, ut furetur, est ibi quidem species mœchiæ (a) ex proprio fine, & obiecto; sed ex fine ultimo ostenditur quod mœchia ex furto oritur, & sub eo continetur, sicut effectus sub causa, vel sicut species sub genere, ut patet ex his quæ supra de actibus dicta sunt (1. 2. quæst. xviii. art. 6. & 7.) in communi. Unde & similiter in proposito, hnis proximus hæretis est adherere falsæ sententiæ propriæ; & ex hoc speciem habet; sed ex fine remoto ostenditur causa eius, scilicet quod oritur ex superbia, vel cupiditate.

Ad tertium dicendum, quod sicut hæresis dicitur ab eligendo, ita *secta* dicitur a sectando, sicut illudus dicit in Lib. VIII. Erym. (cap. iiii.) Et ideo hæresis, & secta idem sunt; & utrumque pertinet ad opera carnis, non quidem quantum ad ipsum actum infidelitatis respectu proximi obiecti, sed ratione causæ: quæ est vel appetitus finis imdebiti, secundum quod oritur ex superbia, vel cupiditate, ut dictum est (in argum. 2.) vel etiam aliqua phantastica illusio; quæ est principium errandi, ut etiam Philosophus dicit in *Metaph.* (tex. 24.) Phantasia autem quodammodo ad carnem pertinet, in quantum actus eius est cum organo corporali.

## ARTICULUS II. 64

*Utrum hæresis sit propriæ circa ea quæ sunt fidei.*

IV. dist. xlii. quæst. ii. art. 1. ad 6. & II. Cor. xi. lect. 4.

**A**D secundum sic proceditur. Videtur quod hæresis non sit propriæ circa ea quæ sunt fidei. Sicut enim sunt hæreses, & sectæ in Christianis; ita etiam fuerunt in Iudæis, & Phariseis, sicut illudus dicit in Lib. VIII. Etymol. (cap. iiii. v. & v.) Sed eorum dissolutiones non erant circa ea quæ sunt fidei. Ergo hæresis non est circa ea quæ sunt fidei, sicut circa propriam materiam.

2. Præterea. Materia fidei sunt res quæ creduntur. Sed hæresis non solum

(a) Ita cum miss. possim veteres edidit. Theologi, & edit. Paris. an. 1711. ex proximo: *perin. de est.*

est circa res, sed etiam circa verba, & circa expositiones sacrae Scripturae: dicit enim Hieronymus ( sup. illud Gal. v. *Hæreses, invidiæ &c.* ) quod quicumque aliter Scripturam intelligit quam sensus Spiritus sancti effragitat, a quo scripta est, licet ab Ecclesia non recesserit, tamen hereticus appellari potest: & alibi dicit, ( cit. in IV. sentent. dist. xiii. sed ex Hieron. non occurrit ) quod ex verbis inordinate prolatis fit hæresis. Ergo hæresis non est proprie circa materiam fidei.

3. Præterea. Etiam circa ea quæ ad fidem pertinent, inveniuntur quandoque sacri Doctores dissentire, sicut Hieronymus, & Augustinus circa cessationem legalium; & tamen hoc est absque vitio hæresis. Ergo hæresis non est proprie circa materiam fidei.

Sed contra est quod Augustinus dicit contra Manichæos ( ubi non occurrit, hab. autem Lib. XVIII. de civit. Dei cap. li. cir. princ. ) *Qui in Ecclesia Christi morbidum aliquid, præsumunt quid sapiant, si corrigi, ut sanum, rectumque salvant, resistunt contumaciter, suaeque perfidæ, & mortifera dogmata emendare nolunt, sed descendere persistunt, heretici sunt.* Sed pestifera, & mortifera dogmata non sunt nisi illa quæ opponuntur dogmatibus fidei, per quam iustus vivit, ut dicitur Rom. i. Ergo hæresis est circa ea quæ sunt fidei, sicut circa propriam materiam.

Respondendo dicendum, quod de hæresi nunc loquimur secundum quod importat corruptionem fidei christianæ. Non autem ad corruptionem fidei christianæ pertinet, si aliquis habet aliquam falsam opinionem in his quæ non sunt fidei, puta in geometricalibus, vel in aliis humilioribus, quæ omnino ad fidem pertinere non possunt; sed sola quando aliquis habet falsam opinionem circa ea quæ ad fidem pertinent.

Ad quam aliquod pertinet dupliciter, sicut supra dictum est ( art. præc. & quæst. i. art. 6. ad i. & quæst. ii. art. 5. ) uno modo directe, & principaliter, sicut articuli fidei; alio modo indirecte, & secundario, sicut ea ex quibus negatis sequitur corruptio alicuius articuli: & circa utraque potest esse hæresis, eo modo quo & fides.

Ad primum ergo dicendum, quod sic-

ut hæreses Iudæorum, & Phariseorum erant circa opiniones aliquas ad Iudaismum, vel (a) ad Pharisaism pertinentem; ita etiam Christianorum hæreses sunt circa ea quæ pertinent ad fidem Christi.

Ad secundum dicendum, quod ille dicitur aliter exponere sacram Scripturam quam Spiritus sanctus elargitur, qui ad hoc expositionem sacrae Scripturae retorquet quod contrariatur ei quod est per Spiritum sanctum revelatum. Unde dicitur Ezech. xiii. 6. de falsis prophetis:

*Qui perseveraverunt confirmare sermonem, scilicet per falsas expositiones Scripturae. Similiter etiam per verba quæ quis loquitur, suam fidem profitetur: est enim confessio actus fidei, ut supra dictum est ( quæst. iii. art. 1. ) & ideo, si sit inordinata locutio circa ea quæ sunt fidei, sequi potest ex hoc corruptio fidei. Unde Leo Papa in quadam epist. ad Proterium Episcopum Alexandrinum ( cxxx. Venetæ Edit. ) dicit: Inimici crucis Christi omnibus falsis, & verbis nostris insidiantur, ut si ullam illis vel tenuem occasionem demus, nos Nestoriani sensui etiam congruere mentiantur.*

Ad tertium dicendum, quod, sicut Augustinus dicit ( epist. xliii. al. elxii. in princip. ) & habetur in Decret. xxiv. quæst. i. cap. Dixit Apost. *Si qui sententiam suam, quamvis falsam, atque perversam, nulla pertinaci animositate descendunt, querunt autem cauta solitudine veritatem, corrigi parati, cum invenerint, nequaquam sunt inter hereticos deputandi: quia scilicet non habent electionem contradicentem Ecclesiae doctrinæ.* Sic ergo aliqui doctores videntur dissensisse vel circa ea quorum nihil interest ad fidem utrum sic, vel aliter teneantur, vel etiam in quibusdam ad fidem pertinentibus, quæ nondum erant per Ecclesiam determinata; postquam autem essent auctoritate universalis Ecclesiae determinata, si quis tali ordinationi pertinaciter repugnaret, hereticus censureretur. Quæ quidem auctoritas principaliter refidet in summo Pontifice. Dicitur enim xxiv. quæst. i. ( cap. xii. ) *Quoties fidei ratio ventilatur, arbitror, omnes fratres nostros, & coepiscopos non nisi ad Petrum, (b) id est ad sui nominis, & honoris auctoritatem referre debere: contra cuius auctoritatem nec Hieronymus, nec Augustinus, nec aliquis sacrorum Do-*

a) Ita cum mss. pluribus veteres edis. & Patav. 1712. Al. Philosophiam: item Pharisaismum.  
b) Ita ex Decr. resistit Nicolai. Al. id est sui nominis auctoritatem: item id est ad sui nominis auctoritatem.

florum suam sententiam defendit. Unde dicit Hieronymus (Pelagius) ad Damasum Papam (in exposit. Symb. in fin.) *Hæc est fides, Papa beatissime, quam in catholica didicimus Ecclesia; in qua si minus perire, aut parum caute forte aliquid positum est, emendari cupimus a te, qui Petri fidem, & sedem tenes. Si autem hæc nostra confessio Apostolatus tui iudicio comprobatur, quicumque me culpare voluerit, se imperitum, vel malevolum, vel etiam non catholicum, non me hæreticum comprobabit. (a)*

## ARTICULUS III. 65

*Utrum hæretici sint tolerandi.*

IV. dist. XIII. quæst. 61. art. 1. cor. & quodlib. x. art. 15.

**A**D tertium sic proceditur. Videtur quod hæretici sint tolerandi. Dicit enim Apostolus II. ad Timotheum 11. 24. *Servum Dei operet mansuetum esse, & modestia corripientem eos qui resistunt veritati; ne quando det illis poenitentiam Deus ad cognoscendam veritatem, & respiciant a laqueis diaboli.* Sed si hæretici non tolerantur, sed morti traduntur, auferitur eis facultas poenitendi. Ergo hoc videtur esse contra præceptum Apostoli.

2. Præterea. Illud quod est necessarium in Ecclesia, est tolerandum. Sed hæreses sunt necessariae in Ecclesia: dicit enim Apostolus I. ad Corint. 11. 19. *Oportet hæreses esse, ut & qui probati sunt, manifesti fiant in vobis.* Ergo videtur quod hæretici sunt tolerandi.

3. Præterea. Dominus mandavit Matth. XIII. servis suis ut zizania permitterent crescere usque ad metum; quæ est finis sæculi, ut ibidem exponitur (in Glossa interl.) Sed per zizania significantur hæretici, secundum expositionem Sanctorum. Ergo hæretici sunt tolerandi.

Sed contra est quod Apostolus dicit ad Tit. 11. 10. *Hæreticum hominem post primam, & secundam correptionem devi-*

*ta, sciens quia subversus est qui huiusmodi est.*

Respondeo dicendum, quod circa hæreticos duo sunt consideranda: unum quidem ex parte ipsorum; aliud vero ex parte Ecclesiae. Ex parte quidem ipsorum est peccatum, per quod merentur non solum ab Ecclesia per excommunicationem separari, sed etiam per mortem a mundo excludi. Multo enim gravius est corrumpere fidem, per quam est animæ vita, quam fallere pecuniam, per quam temporali vitæ subvenitur. Unde si falsari pecuniæ, vel alii malefactores statim per sæculares Principes iuste morti traduntur, multo magis hæretici statim ex quo de hæresi convinctur, possunt non solum excommunicari, sed & iuste occidi.

Ex parte autem Ecclesiae est misericordia ad errantium conversionem: & ideo non statim condemnas, sed post primam, & secundam correptionem, ut Apostolus docet; postmodum vero si adhuc pertinax invenitur, Ecclesia de eius conversione non sperans, aliorum salutis providet, eum ab Ecclesia separando per excommunicationis sententiam; & ulterius relinquit eum iudicio sæculari a mundo exterminandum per mortem. Dicit enim Hieronymus. (sup. illud Galat. v. *Medicium firmentum*) & habetur xxiv. quæst. 111. (cap. xvi.) *Resecanda sunt putrida carnes, & scabiola ovis a caulis repellenda, ne tota domus, massa, corpus, & pecora ardeant, corrumpantur, putrescant, insereant. Arius in Alexandria una scintilla fuit; sed quoniam non statim oppressus est, totum orbem eius flamma populata est.*

Ad primum ergo dicendum, quod ad modestiam illam pertinet ut primo, & secundo corripiatur: quod si redire noluerit, iam pro subverso habetur, ut patet in auctoritate Apostoli inducta (in arg. Sed cont.)

Ad secundum dicendum, quod utilitas quæ ex hæreticis provenit, est præter intentionem hæreticorum, dum scilicet constantia fidelium comprobatur, ut Apostolus dicit; & ut excutiamus pigritiam,

(a) Hucusque S. Thomas. Nicolaus addit sequentia. \* Et epistola 57. ad eundem. 11 Quia Christi vineam exterminant vulpes, mihi cathedram Petri censui consulendam. Nullum prius mun nisi Christum sequens, beatitudini tue, id est cathedræ Petri, communionem conficior; super illam Petram Ecclesiam edificatam (scio: qui non colligit secum, spargit. Obsecro ergo beatitudinem tuam ut mihi epistolis tuis vel lacrimarum, vel dicendarum trium hypostasicon detur auctoritas. " Et Cyrillus Alexandrinus in Thesauris: " Ut membra maneamus in capite nostro, Apostolico Throno, Romanorum Pontifice; a quo nostrum est querere, quid credere, & quid tenere debeamus, ipsum rogantes, ipsum venerantes p. æ omnibus loco illius qui ipsum edificavit: " ut iam in IV. Sent. dist. xiv. qu. 1. art. 1. quæstionc. 3. notatum est. - 1

tiam, divinas Scripturas sollicitius in-  
tuentes, sicut Augustinus dicit (Lib. I.  
de Gen. con. Manich. cap. 1. cir. med.)  
Sed ex intentione eorum est corrumpere  
fidem; quod est maximi nocuementi.  
Et ideo magis respiciendum est ad id  
quod est per se de eorum intentione, ut  
excludantur, quam ad hoc quod est prae-  
ter eorum intentionem, ut sustinean-  
tur.

Ad tertium dicendum, quod, sicut  
habetur in Decc. xxiv. quæst. iiii. (cap.  
Notandum) aliud est excommunicatio, &  
aliud eradicatio. Excommunicatur enim  
ad hoc aliquis, ut ait Apostolus (I Cor.  
v. 5.) ut spiritus eius saluus fiat in die  
Domini. Si tamen totaliter eradicentur  
per mortem hæretici, non est etiam contra  
mandatum Domini; quod est in co-  
calu intelligendum, quando non possunt  
extirpari zizania sine extirpatione triti-  
ci, ut supra dictum est (quæst. præc.  
art. 8. arg. 1.) cum de infidelibus in  
communi ageretur.

## ARTICULUS IV. 66

*Utrum revertentes ab hæresi sint ab  
Ecclesia recipiendi.*

*Quol. xx. art. 16.*

**A**D quartum sic proceditur. Videtur  
quod revertentes ab hæresi sint o-  
mnino ab Ecclesia recipiendi. Dicitur eni-  
m Hiereni. iiii. 1. ex persona Domini:  
*Fornicatus es cum amatoribus multis; ta-  
men revertere ad me, dicit Dominus.*  
Sed Ecclesie iudicium est iudicium Dei,  
secundum illud Deuteronom. 1. 17. Ita par-  
vum audieris, ut magnum; neque acci-  
pietis cuiusquam personam, quia Dei iu-  
dicium est. Ergo si aliqui fornicati fue-  
runt per infidelitatem, quæ est spiritualis  
fornicatio, nihilominus sunt recipiendi.

2. Præterea. Dominus Matth. xviii.  
Petro mandat, ut fratri peccanti dimittat  
non solum septies, sed usque septuagies  
septies: per quæ intelligitur, se-  
cundum expositionem Hieronymi (cum  
hunc loc.) quod quotiescumque aliquis  
peccaverit, est ei dimittendum. Ergo  
quotiescumque aliquis peccaverit in hæ-  
resi relapsus, erit ab Ecclesia susci-  
piendus.

3. Præterea. Hæresis est quedam in-  
fidelitas. Sed alii innates volentes con-  
verti ab Ecclesia suscipiuntur. Ergo et-  
iam hæretici sunt recipiendi.

*S. Tb. Oper. Tom. XXII.*

Sed contra est quod Decretalis Ad  
abolendam (de hæreticis cap. ix.) dicit,  
quod si aliqui post abiterationem erroris  
deprehensi fuerint in abiterationem hæresim  
recidisse, seculari iudicio sunt relinquen-  
di. Non ergo ab Ecclesia sunt reci-  
piendi.

Respondendo dicendum, quod Ecclesia  
secundum Domini institutionem, carita-  
tem suam extendit ad omnes non solum  
amicos, verum etiam inimicos, & per-  
sequentes, secundum illud Matth. v. 44.  
*Diligite inimicos vestros, benefacite his  
qui oderunt vos.* Pertinet autem ad ca-  
ritatem ut aliquis bonum proximi & ve-  
lit, & operetur. Est autem duplex bo-  
num. Unum quidem spirituale, scilicet  
salus animæ, quod principaliter respicit  
caritas: hoc enim quilibet ex caritate  
debet alii velle. Unde quantum ad hoc,  
hæretici revertentes, quotiescumque re-  
lapsi fuerint, ab Ecclesia recipiuntur ad  
penitentiam, per quam impenditur eis  
via salutis.

Aliud autem est bonum quod seculario  
respicit caritas, scilicet bonum  
temporale, sicut est vita corporalis, pos-  
sessio mundana, & bona fama, & di-  
gnitas ecclesiastica, sive secularis: hoc  
enim non tenemur ex caritate aliis vel-  
le nisi in ordine ad salutem æternam &  
eorum, & aliorum. Unde si aliquid de  
huiusmodi bonis existens in uno impedi-  
re possit æternam salutem in multis,  
non oportet quod ex caritate huiusmodi  
bonum ei velimus, sed potius ut veli-  
mus eum illo carere: tum quia salus  
æterna præferenda est bono temporali:  
tum quia bonum multorum præfertur  
bono unius. Si autem hæretici rever-  
tentes semper recipiuntur, ut confer-  
varentur in vita, & aliis temporalibus  
bonis, posset in præiudicium salutis a-  
liorum hoc esse: tum quia si relaberentur,  
alios incurrerent: tum etiam quia  
si sine poena evaderent, alii securus in  
hæresim laberentur. Dicitur enim Ec-  
cle. viii. 11. *Etenim quia non cito pro-  
fertur contra malos poenitentia, absque ti-  
more suo suis hominum perpetravit ma-  
ta.*

Et ideo Ecclesia primo quidem rever-  
tentes ab hæresi non solum recipit ad  
penitentiam, sed etiam conservat eos  
in vita, & interdum restituit eos dis-  
pensative ad ecclesiasticas dignitates  
quas prius habebant, si videantur vere  
conversi: & hoc pro bono pacis tre-  
quenter legitur esse factum. Sed quando

*E 3*

*re*

recepti iterum relabuntur, videtur esse signum inconstantiae eorum circa fidem: & ideo ulterius redeunt recipiuntur quidem ad poenitentiam, non tamen ut liberentur a sententia mortis.

Ad primum ergo dicendum, quod in iudicio Dei semper recipiuntur redeunt: quia Deus scrutator est cordium, & vere redeunt cognoscit. Sed hoc Ecclesia imitari non potest: praesunt enim, eos non vere reverti qui cum recepti fuissent, iterum sunt relapsi: & ideo eis viam salutis non denegat, sed a periculo mortis eos non tuetur.

Ad secundum dicendum, quod Dominus loquitur Petro de peccato in eum commissio, quod est semper dimittendum, ut fratri redeunti parcatur. Non autem intelligitur de peccato in proximum, vel in Deum commissio, quod non est nostri arbitrii dimittere, ut Hieronymus dicit (sup. illud Matth. xviii. *Si peccaverit in te*). Sed etiam in hoc est a lege modus statutus, secundum quod congruit honori Dei, & utilitati proximorum.

Ad tertium dicendum, quod alii infideles, qui numquam fidem acceperant, conversi ad fidem nondum ostendunt aliquod signum inconstantiae circa fidem, sicut haeretici relapsi: & ideo non est similis ratio de utroque.

## QUAESTIO XII.

de apostasia,

in duos articulos divisa.

**D**Einde considerandum est de apostasia: & circa hoc quaeruntur duo. Primo, utrum apostasia ad infidelitatem pertineat.

Secundo, utrum propter apostasiam a fide subditi abiolvantur a domino praesidentium apostatarum.

### ARTICULUS I. 67

*Utrum apostasia pertineat ad infidelitatem.*

**A**D primum sic proceditur. Videtur quod apostasia non pertineat ad infidelitatem. Illud enim quod est omni peccati principium, non videtur ad infidelitatem pertinere: quia multa peccata sine infidelitate existunt. Sed apostasia videtur esse omnis peccati princi-

pium: dicitur enim Eccli. x. 14. *Initium superbiae hominis apostatare a Deo*: & postea subditur: *Initium omnis peccati superbia*. Ergo apostasia non pertinet ad infidelitatem.

2. Praeterea. Infidelitas in intellectu consistit. Sed apostasia magis videtur consistere in exteriori opere, vel sermone, aut etiam in interiori voluntate: dicitur enim Proverb. vi. 12. *Homo apostata, vir inutilis, gradienti ore perverso, annuit oculis, terit prae, digito loquitur, pravo corde machinatur malum, & in omni tempore iurgia seminat*. Si quis etiam se circumcideret, vel sepulcrum Mahumeti adoraret, apostata reputaretur. Ergo apostasia non pertinet directe ad infidelitatem.

3. Praeterea. Haeresis, quia ad infidelitatem pertinet, est quaedam determinata species infidelitatis. Si ergo apostasia ad infidelitatem pertineret, sequeretur quod esset quaedam determinata species infidelitatis: quod non videtur secundum praedicta (quaest. x. art. 5.) Non ergo apostasia ad infidelitatem pertinet.

Sed contra est quod dicitur Ioan. vi. 17. *Multis discipulorum eius abierunt retro*; quod est apostatare: de quibus supra dixerat Dominus: *Sunt quidam ex vobis qui non credunt*. Ergo apostasia pertinet ad infidelitatem.

Respondendo dicendum, quod apostasia importat retrocessionem quamdam a Deo. Quae quidem diversimode fit secundum diversos modos quibus homo Deo coniungitur. Primo namque coniungitur homo Deo per fidem: secundo per debitam, & subiectam voluntatem ad obediendum praecipit eius: tertio per aliqua specialia ad supererogationem pertinentia, sicut per religionem, & clericaturam, vel sacrum ordinem.

Remoto autem posteriori, remanet prius, sed non convertitur. Contingit ergo aliquem apostatare a Deo retrocedendo a religione, quam professus est, vel ab ordine quem suscepit: & haec dicitur apostasia religionis, seu ordinis. Contingit etiam aliquem apostatare a Deo per nientem repugnantem divinis mandatis. Quibus duabus apostasis existentibus, adhuc potest remanere homo Deo coniunctus per fidem.

Sed si a fide discedat, tunc omnino a Deo retrocedere videtur. Et ideo simpliciter, & absolute est apostasia, per quam aliquis discedit a fide, quae vocatur apostasia perfidia. Et secundum hunc

mo-



modum apostasia simpliciter dicta ad infidelitatem pertinet.

Ad primum ergo dicendum, quod obiectio illa procedit de secunda apostasia, quæ importat voluntatem a mandatis Dei resilientem, quæ invenitur in omni peccato mortali.

Ad secundum dicendum, quod ad fidem pertinet non solum credulitas cordis, sed etiam protestatio interioris fidei per exteriora verba, & ista: nam confessio est actus fidei. Et per hunc etiam modum quedam exteriora verba, vel opera ad infidelitatem pertinent, in quantum sunt inidelitatis signa, per modum quo signum sanctitatis janum dicitur. Auctoritas autem inducta etiam potest intelligi de omni apostata, verissime tamen convenit in apostatam a fide. Quia enim fides est primum fundamentum rerum sperandarum, & sine fide impossibile est placere Deo; sublata fide, nihil remanet in homine quod possit esse utile ad salutem eternam: & propter hoc dicitur Prov. vi. 13. *Homo apostata vir inutilis*. Fides enim est vita anime, secundum illud Rom. i. 17. *Iustus ex fide vivit*. Sicut ergo sublata vita corporali, omnia membra, & partes hominis a debita dispositione recedunt; ita sublata vita iustitiæ, quæ est per fidem, apparet inordinatio in omnibus membris: & primo quidem in ore, per quos maxime manifestatur cor; secundo in oculis; tertio in instrumentis motus, quarto in voluntate, quæ ad malum tendit. Et ex his sequitur quod iurgia seminet, alios intendens separare a fide, sicut & ipse recessit.

Ad tertium dicendum, quod species alicuius qualitatis, vel formæ non diversificantur per hoc quod est terminus motus a quo, vel ad quem; sed potius e converso secundum terminos motuum species attenduntur. Apostasia autem respicit infidelitatem ut terminum ad quem est motus recedentis a fide. Unde apostasia non importat determinatam speciem infidelitatis, sed quamdam circumstantiam aggravantem, secundum illud II. Pet. ii. 21. (a) *Melius erat eis veritatem non cognoscere, quam post cognitam retroire*.

## ARTICULUS II. 68

*Utrum Princeps propter apostasiam a fide amittat dominium in subditos, ita quod ei obedire non teneantur.*

AD secundum sic proceditur. Videtur quod Princeps propter apostasiam a fide non amittat dominium in subditos, quin ei teneantur obedire. Dicit enim Ambrosius, (vel potius Augustinus super illud Psal. cxxiv. *Non relinquet Dominus virgam*;) & habetur II. quæst. 111. (cap. *Julianus*) quod Julianus Imperator, quamvis esset apostata, habuit tamen sub se Christianos milites, quibus cum dicebat, *Produce aciem pro defensione reipublice*, obediebant ei. Ergo propter apostasiam Principis, subditi non absolventur ab eius dominio.

2. Præterea. Apostata a fide infidelis est. Sed infidelibus dominis inveniuntur aliquid sancti viri fideliter servisse, sicut Ioseph Pharaoni, & Daniel Nabuchodonosor, & Mardocheus Assuero. Ergo propter apostasiam a fide non est dimittendum quin Principi obediat subditi.

3. Præterea. Sicut per apostasiam a fide receditur a Deo, ita per quodlibet peccatum. Si ergo propter apostasiam a fide perderent Principes ius imperandi subditis fidelibus, pari ratione propter peccata alia hoc amitterent. Sed hoc patet esse falsum. Non ergo propter apostasiam a fide est recedendum ab obedientia Principum.

Sed contra est quod Gregorius VII. dicit: (ut habetur caus. iv. xv. quæst. vi.) *Nos sanctorum prædecessorum statuta tenentes, eos qui excommunicatis fidelitate, aut iuramenti sacramento sunt conficti, apostolica auctoritate a sacramento absolvimus; & ne eis fidelitatem observent, omnibus modis prohibemus, quousque ad satisfactionem veniant*. Sed apostata a fide sunt excommunicati, sicut & hæretici, ut dicit Decretalis extra, de hæreticis, cap. *Ad abominandum*. Ergo Principibus apostatantibus a fide non est obediendum.

Respondeo dicendum, quod, sicut supra dictum est (quæst. x. art. 10.) infidelitas secundum seipsum non repugnat domino: eo quod dominum introducit est de iure gentium, quod est ius

E 4 hab-

(a) *Pulchra*: Melius enim erat illis non cognoscere viam iustitiæ, quam post agnitionem rectorum converti &c.

humanum; distinctio autem fidelium, & infidelium est secundum ius divinum, per quod non tollitur ius humanum. Sed aliquis per infidelitatem peccans potest sententialiter ius domini amittere, sicut etiam quandoque propter alias culpas.

Ad Ecclesiam autem non pertinet punire infidelitatem in illis qui numquam fidem susceperunt, secundum illud Apostoli I. ad Corinth. v. 12. *Quid mihi de his qui foris sunt, iudicare?* Sed infidelitatem illorum qui fidem susceperunt, potest sententialiter punire: & conveniens in hoc puniuntur quod subditis fidelibus dominari non possint: hoc enim vergere posset in magnam fidei corruptionem: quia, ut dictum est (art. præc. arg. 2.) *homo apostata pravo corde machinatur malum, & iurgia seminat*, intendens homines separare a fide.

Et ideo quam cito aliquis per sententiam denunciatur excommunicatus propter apostasiam a fide, ipso facto eius subditi sunt absoluti a dominio eius, & iuramento fidelitatis, quo ei tenebantur.

Ad primum ergo dicendum, quod illo tempore Ecclesia in sui novitate nondum habebat potestatem terrenis Principes compellendi: & ideo toleravit, sive Iuliano apostata obediendo in his quæ non erant contra fidem, ut maius periculum fidei vitaretur.

Ad secundum dicendum, quod alia ratio est de infidelibus aliis, qui numquam fidem susceperunt, ut dictum est (in corp.).

Ad tertium dicendum, quod apostasia a fide totaliter separat hominem a Deo, ut dictum est (art. præc.) quod non contingit in quibuscumque aliis peccatis.

### QUAESTIO XIII.

*De peccato blasphemie in generali,  
in quatuor articulis divisa.*

**D**einde considerandum est de peccato blasphemie, quod opponitur confessioni fidei: & primo de blasphemia in generali; secundo de blasphemia quæ dicitur peccatum in Spiritum sanctum.

Circa primum quaeruntur quatuor.

Primo, utrum blasphemia opponatur confessioni fidei.

Secundo, utrum blasphemia semper sit peccatum mortale.

Tertio, utrum blasphemia sit maximum peccatum.

Quarto, utrum blasphemia sit in damnatis.

### ARTICULUS I. 69

*Utrum blasphemia opponatur confessioni fidei.*

*II. dist. xiv. in exp. lit. ad 9. & Ioan. x. lect. 5. in princip.*

**A**D primum sic proceditur. Videtur quod blasphemia non opponatur confessioni fidei. Nam blasphemare est contumeliam, vel aliquid convicium inferre in iniuriam Creatoris. Sed hoc magis pertinet ad malevolentiam contra Deum quam ad infidelitatem. Ergo blasphemia non opponitur confessioni fidei.

2. Præterea. Ad Ephel. iv. super illud, *Blasphemia tollatur a vobis*, dicit Gloss. (interl.) „Quæ fit in Deum, vel in Sanctos.“ Sed confessio fidei non videtur esse nisi de his quæ pertinent ad Deum, qui est fidei obiectum. Ergo blasphemia non semper opponitur confessioni fidei.

3. Præterea. A quibusdam dicitur, quod sunt tres blasphemie species: quarum una est, cum attribuitur Deo quod ei non convenit; secunda est, cum ab eo removeretur quod ei convenit; tertia est, cum attribuitur creaturæ quod Deo appropriatur: & sic videtur quod blasphemia non solum sit circa Deum, sed etiam circa creaturas. Fides autem habet Deum pro obiecto. Ergo blasphemia non opponitur confessioni fidei.

Sed contra est quod Apostolus dicit I. ad Timoth. i. *Præsumptus, blasphemus, & persecutor*: & postea subiit: *Ignorans veri in incredulitate mea*. Ex quo videtur quod blasphemia ad infidelitatem pertineat.

Respondetur dicendum, quod nomen blasphemie importare videtur quandam derogationem alicuius excellentis bonitatis, & præcipue divinæ. Deus autem, ut Dionysius dicit i. cap. de div. Nom. (a med. lect. 2.) est ipsa essentia veræ bonitatis. Unde quicquid Deo convenit, pertinet ad bonitatem ipsius; & quicquid ad ipsum non pertinet, longe est a ratione perfectæ bonitatis, quæ est eius essentia. Quemque ergo vel negat aliquid de Deo quod ei convenit, vel asserit de eo quod ei non convenit, derogat divinæ bonitati.

Quod

Quod quidem potest contingere dupliciter: uno quidem modo secundum solam opinionem intellectus; alio modo coniuncta quadam affectus detestatione: sicut e contrario fides Dei per dilectionem perficitur ipsius. Huiusmodi ergo derogatio divinae bonitatis vel est secundum intellectum tantum, vel etiam secundum affectum. Si consistat tantum in corde, est cordis blasphemia; si autem exterius prodeat per locutionem, est oris blasphemia. Et secundum hoc blasphemia confessioni opponitur.

Ad primum ergo dicendum, quod ille qui contra Deum loquitur, convicium inferre intendens, derogat divinae bonitati, non solum secundum (a) falsitatem intellectus, sed etiam secundum pravitatem voluntatis detestantis, & impediens pro posse divinum honorem: quod est blasphemia perfecta.

Ad secundum dicendum, quod sicut Deus in Sanctis suis laudatur, inquantum laudatur opera quae Deus in Sanctis efficit; ita & blasphemia quae fit in Sanctos, ex consequenti in Deum redundat.

Ad tertium dicendum, quod secundum illa tria non possunt proprie loquendo distinguere diversae species peccati blasphemiae. Attribueretur enim Deo quod ei non convenit, vel removere ab eo quod ei convenit, non differunt nisi secundum affirmationem, & negationem: quae quidem diversitas habitus speciem non distinguit, quia per eundem scientiam innocentis falsitas affirmationum, & negationum, & per eandem ignorantiam utroque modo erratur; cum negatio probetur per affirmationem, ut habetur I. Poster. (text. 40. & Lib. IV. Metaph. text. 16.) Quod autem ea quae sunt Dei propria, creaturis attribuantur, ad hoc pertinere videtur quod aliquid ei attribuitur quod ei non convenit: quicquid enim est Deo proprium, est ipse Deus. Attribueretur autem id quod est Dei proprium, sicuti creaturae, est ipsum Deum dicere idem creaturae.

## ARTICULUS II. 70

*Utrum blasphemia semper sit peccatum mortale.*

*Ad Col. III. lect. 2.*

**A**D secundum sic proceditur. Videtur quod blasphemia non semper sit

peccatum mortale. Quia super illud ad Coloss. III. 8. *Nunc autem desinite & vos omnia &c.* dicit Glossa (ord. Ambrosii.) „Post maiora prohibet minora.“ Et tamen subdit de blasphemia. Ergo blasphemia inter peccata minora computatur, quae sunt peccata venialia.

2. Praeterea. Omne peccatum mortale opponitur alicui praecepto Decalogi. Sed blasphemia non videtur alicui eorum poni. Ergo blasphemia non est peccatum mortale.

3. Praeterea. Peccata quae absque deliberatione committuntur, non sunt mortalia: propter quod primi motus non sunt peccata mortalia, quia deliberationem rationis praecedunt, ut ex supra dictis patet (1. 2. quest. lxxiv. art. 10.) Sed blasphemia quandoque absque deliberatione procedit. Ergo non semper est peccatum mortale.

Sed contra est quod dicitur Lev. xxiv. 16. *Qui blasphemaverit nomen Domini, morte morietur.* Sed poena mortis non inferitur nisi pro peccato mortali. Ergo blasphemia est peccatum mortale.

Respondeo dicendum, quod, sicut supra dictum est (1. 2. quest. lxxii. art. 5.) peccatum mortale est per quod homo leparatur a primo principio spiritualis vitae, quod est caritas Dei.

Unde quaecumque caritati repugnant, ex suo genere sunt peccata mortalia. Blasphemia autem secundum genus suum repugnat caritati divinae, quia derogat divinae bonitati, ut dictum est (art. praec.) quae est obiectum caritatis: & ideo blasphemia est peccatum mortale ex suo genere.

Ad primum ergo dicendum, quod Glossa illa non est sic intelligenda, quod omnia quae subduntur, sint peccata mortalia; sed quia cum supra non expressisset nisi maiora, postmodum etiam quaedam minora subdit: inter quae etiam quaedam de maioribus ponit.

Ad secundum dicendum, quod cum blasphemia opponatur confessioni fidei, ut dictum est (art. praec.) eius pronuntiatio reducitur ad prohibitionem ininfirmitatis, quae intelligitur in eo quod dicitur: *Ego sum Dominus Deus tuus &c.*

Vel prohibetur per id quod dicitur: *Non assumes nomen Dei tui in vanum.* Meis enim in vanum assumunt nomen Dei qui aliquid falsum de Deo asserunt, quam qui per nomen Dei aliquid falsum confirmant.

Ad

(2) Ita ord. dicam. Codices possunt veritatem, Eliti plures vanitatem, Theologi seriositatem.

Ad tertium dicendum, quod blasphemia potest absque deliberatione ex surripione procedere dupliciter. Uno modo quod aliquis non advertat, hoc quod dicit, esse blasphemiam: quod potest contingere, cum aliquis subito ex aliqua passione in verba imaginata prorumpit, quorum significationem non considerat; & tunc est peccatum veniale, & non habet proprie rationem blasphemiae. Alio modo quando advertit, hoc esse blasphemiam, considerans significatam verborum; & tunc non excusatur a peccato mortali, sicut nec ille qui ex subito motu irae aliquem occidit iuxta se sedentem.

## ARTICULUS III. 71

*Utrum peccatum blasphemiae sit maximum peccatum.*

III. P. quæst. lxxx. art. 3. cor. & IV. dist. ix. art. 3. quæst. 3. cor. & mal. quæst. 11. art. 10. corp.

**A**D tertium sic proceditur. Videtur quod peccatum blasphemiae non sit maximum peccatum. Malum enim dicitur, quia nocet, secundum Augustinum in Enchirid. (cap. xii.) Sed magis nocet peccatum homicidii, quod perimit vitam hominis, quam peccatum blasphemiae, quod Deo nullum nocementum potest inferre. Ergo peccatum homicidii est gravius peccato blasphemiae.

2. Præterea. Quicumque peierat, inducit Deum testem falsitatis; & ita videtur eum asserere esse falsum. Sed non quolibet blasphemus usque ad hoc procedit ut Deum aiteret esse falsum. Ergo peritium est gravius peccatum quam blasphemia.

3. Præterea. Super illud Psal. lxxiv. 6. *Nolite extollere in altum cornu vestrum*, dicit Glossa (interl. & ord.) „Maximum (a) est vitium excusationis peccati.“ Non ergo blasphemia est maximum peccatum.

Sed contra est quod Isai. xlviii. super illud, *Ad populum terribilem &c.* dicit Glossa (ord. Hieron.) „Omne peccatum blasphemiae comparatum levius“ est.

Respondeo dicendum, quod, sicut supra dictum est (art. 1. huius quæst.) blasphemia opponitur confessioni fidei:

& ideo habet in se gravitatem infidelitatis; & aggravatur peccatum, si superveniat detestatio voluntatis; & adhuc magis, si prorumpat in verba; sicut & laus fidei augetur per dilectionem, & confessionem.

Unde cum infidelitas sit maximum peccatum secundum suum genus, sicut supra dictum est (quæst. x. art. 3.) consequens est quod etiam blasphemia sit peccatum maximum ad idem genus pertinens, & ipsam aggravans.

Ad primum ergo dicendum, quod homicidium, & blasphemia si comparentur secundum obiecta in quæ peccatur, manifestum est quod blasphemia, quæ est directe peccatum in Deum, præponderat homicidio, quod est peccatum in proximum. Si autem comparentur secundum effectum nocendi, sic homicidium præponderat: plus enim homicidium nocet proximo quam blasphemia Deo. Sed quia in gravitate culpæ magis attenditur intentio voluntatis perverſæ quam effectus operis, ut ex supra dictis patet (1. 3. quæst. lxxiii. art. 3. & 8.) ideo cum blasphemus intendat nocementum inferre honori divino, simpliciter loquendo, gravius peccat quam homicida. Homicidium tamen primum locum tenet (b) in poenitentia inter peccata in proximum commissa.

Ad secundum dicendum, quod super illud ad Ephes. iv. *Blasphemiam tollite a vobis*, dicit Glossa (ord. August. Lib. contr. mendac. cap. xix. circ. fin.) „Peius est blasphemare quam peierare.“ Qui enim peierat, non dicit, aut sentit aliquid falsum de Deo, sicut blasphemus; sed Deum adhibet testem falsitatis, non tamquam assumens Deum esse falsum testem, sed tamquam sperans quod Deus super hoc non testificetur per aliquod evidens signum.

Ad tertium dicendum, quod excusatio peccati est quoddam circumstantia aggravans omne peccatum, etiam ipsam blasphemiam: & pro tanto dicitur esse maximum peccatum, quia quodlibet facit magis.

A R-

(a) Glossa: „Maximum est vitium excusationis, per quam quasi cornu erigit qui peccata sua per alios nititur excusare.“ (b) Ita codices, & editio Rom. Edit. passim unitus in poenitentia.

## ARTICULUS IV. 72

Utrum damnati blasphemant.

III. P. quest. lxxiii. art. 2. &amp; Ioan. viii. lect. 6.

**A**D quantum sic proceditur. Videtur quod damnati non blasphemant. Deterrentur enim nunc aliqui mali a blasphemando propter timorem futurarum poenarum. Sed damnati has poenas experiuntur, unde magis eas abhorrent. Ergo multo magis a blasphemando compescuntur.

2. Præterea. Blasphemia, cum sit gravissimum peccatum, est maxime demeritorium. Sed in futura vita non est status merendi, neque demerendi. Ergo nullus erit locus blasphemiae.

3. Præterea. Eccle. xi. 3. dicitur, quod in quocumque loco signum ceciderit, ibi erit. Ex quo patet quod post hanc vitam homini non accrescit nec meritum, nec peccatum, quod non habuit in hac vita. Sed multi damnabuntur qui in hac vita non fuerunt blasphemii. Ergo nec in futura vita blasphemabunt.

Sed contra est quod dicitur Apoc. xvi. 9. *Asteterunt homines estu magno, & blasphemaverunt nomen Domini habentis potestatem super has plagas*: ubi dicit *Magis* (forte vetus, nam in moderna non habetur) quod „in inferno positi, quamvis sciant se pro meritis puniri, dolebunt tamen, quod Deus tantam potentiam habeat quod plagas eis inferat.“ Hoc autem esset blasphemia in presenti. Ergo & in futuro.

Respondetur dicendum, quod, sicut dictum est (art. præc. & art. i. huius quest.), ad rationem blasphemiae pertinet detestatio divinae bonitatis. Illi autem qui sunt in inferno, retinebunt perveriam voluntatem averfam a Dei iustitia, in hoc quod diligunt ea pro quibus puniuntur, & vellent eis uti, si possent, & odiunt poenas quæ pro huiusmodi peccatis infliguntur. Dolent tamen etiam de peccatis quæ commiserunt, non quia ipsa odiant, sed quia pro eis puniuntur.

Sic ergo talis detestatio divinae iustitiae est in eis interior cordis blasphemia. Et credibile est quod post resurrectionem erit in eis etiam vocalis blasphemia, sicut in Sanctis vocalis laus Dei.

Ad primum ergo dicendum, quod ho-

mines deterrentur in presenti a blasphemia propter timorem poenarum, quas se putant evadere. Sed damnati in inferno non sperant se posse evadere: & ideo tamquam desperati seruntur ad omne quod eis perveria voluntas suggerit.

Ad secundum dicendum, quod mereri, & demereri pertinent ad statum viæ: unde bona in viatoribus sunt meritoria, mala vero demeritoria. In beatis autem bona non sunt meritoria, sed pertinentia ad eorum beatitudinis præmium: & similiter mala in damnatis non sunt demeritoria, sed pertinent ad damnationis poenam.

Ad tertium dicendum, quod quilibet in peccato mortali decedens tertium voluntatem detestantem divinam iustitiam quantum ad aliquid. & secundum hoc poterit ei inesse blasphemia.

## QUAESTIO XIV.

De blasphemia in Spiritum sanctum, in quatuor articulos divisa.

**D**Einde considerandum est in speciali de blasphemia in Spiritum sanctum: & circa hoc quaruntur quatuor.

Primo, utrum blasphemia, vel peccatum in Spiritum sanctum sit idem quod peccatum ex certa malitia.

Secundo de speciebus huius peccati.

Tertio, utrum sit irremissibile.

Quarto, utrum aliquis peccare possit in Spiritum sanctum a principio, antequam alia peccata committat.

## ARTICULUS I. 73

Utrum peccatum in Spiritum sanctum sit idem quod peccatum ex certa malitia.

II. dist. xlii. art. 1. & 2. & mal. quest. lxi. art. 14. & quest. vii. art. 1. & Rom. ii.

**A**D primum sic proceditur. Videtur quod peccatum in Spiritum sanctum non sit idem quod peccatum ex certa malitia. Peccatum enim in Spiritum sanctum est peccatum blasphemum, ut patet Matth. xii. Sed non omne peccatum ex certa malitia est peccatum blasphemum: contingit enim multa alia peccatorum genera ex certa malitia committi.

mitti. Ergo peccatum in Spiritum sanctum non est idem quod peccatum ex certa malitia.

2. Præterea. Peccatum ex certa malitia dividitur contra peccatum ex ignorantia, & contra peccatum ex infirmitate. Sed peccatum in Spiritum sanctum dividitur contra peccatum in filium hominis, ut patet Matth. xii. Ergo peccatum in Spiritum sanctum non est idem quod peccatum ex certa malitia: quia quorum opposita sunt diversa, ipsa quoque sunt diversa.

3. Præterea. Peccatum in Spiritum sanctum est quoddam genus peccati, cui determinatæ species assignantur. Sed peccatum ex certa malitia non est speciale genus peccati, sed est quædam conditio, vel circumstantia generalis, quæ potest esse circa omnia peccatorum genera. Ergo peccatum in Spiritum sanctum non est idem quod peccatum ex certa malitia.

Sed contra est quod Magister dicit xliiii. dist. II. Lib. Sententiarum, quod ille peccat in Spiritum sanctum, cui malitia propter se placet. Hoc autem est peccare ex certa malitia. Ergo idem videtur esse peccatum ex certa malitia quod peccatum in Spiritum sanctum.

Respondetur dicendum, quod de peccato, seu blasphemia in Spiritum sanctum tripliciter aliqui loquuntur. Antiqui enim Doctores, scilicet Athanasius (in tract. super illud Matth. xii. *Quicumque dixerit &c.*) Hilarius (can. xxi. in Matth.) Ambrosius (super illud Luc. xii. *Quicumque verbum in Spiritum sanctum dixerit*) Hieronymus (super cap. xii. Matth.) & Chrysostomus (hom. xliiii. in Matth. a med.) dicunt esse peccatum in Spiritum sanctum, quando ad litteram aliquid blasphemiam dicitur contra Spiritum sanctum; five Spiritus sanctus accipitur secundum quod est nomen essentiale conveniens toti Trinitati, cuius qualibet persona & spiritus est, & sanctus est, five prout est nomen personale unius in Trinitate personæ. Et secundum hoc dicitur super Matth. xii. blasphemia in Spiritum sanctum contra blasphemiam in filium hominis. Christus enim operabatur in filiis hominum, concedendo, bendo, & alia huiusmodi faciendo; & quædam divinitus, sicut et omnes enciendo, mortuos suscitando, & alia huiusmodi: quæ quidem agebat & per vir-

tutem propriæ Divinitatis, & per operationem Spiritus sancti, quo secundum humanitatem erat repletus. Iudei autem primo quidem dixerant blasphemiam in filium hominis, cum dicebant eum *voracem, potatorem vini, & publicanorum amatorem*, ut habetur Matth. xi. Postmodum autem blasphemaverunt in Spiritum sanctum, dum opera quæ ipse operabatur virtute propriæ Divinitatis, & per operationem Spiritus sancti, attribuebant principi demoniorum. Et propter hoc dicuntur in Spiritum sanctum blasphemasse.

Augustinus autem in Lib. de verbis Domini (serm. xi. cap. xiv. xv. & xxi.) blasphemiam, vel peccatum in Spiritum sanctum dicit esse finalem impoenitentiam, quando scilicet aliquis perleverat in peccato mortali usque ad mortem. Quod quidem non solum verbo oris fit, sed etiam verbo cordis, & operis, non uno, sed multis. Hoc autem verbum sic acceptum dicitur esse contra Spiritum sanctum, quia est contra remissionem peccatorum, quæ fit per Spiritum sanctum, qui est caritas & Patris, & Filii. Nec hoc Dominus dicit Iudeis, quasi ipsi peccarent in Spiritum sanctum, nondum enim erant finaliter impoenitentes; sed admonuit eos, ne taliter loquentes ad hoc pervenirent quod in Spiritum sanctum peccarent. Et sic intelligendum est quod dicitur Marc. iii. 29. ubi postquam dixerat, *Qui autem blasphemaverit in Spiritum sanctum &c.* subiungit Evangelista: *Quoniam dicebant: Spiritum immundum habet.*

Alii vero aliter accipiunt, dicentes, peccatum, vel blasphemiam in Spiritum sanctum esse, quando aliquis peccat (a) contra appropriatum bonum Spiritui sancto: sic enim Spiritui sancto appropriatur bonitas, sicut & Patri appropriatur potentia, & Filio sapientia. Unde peccatum in Patrem dicitur esse, quando peccatur ex infirmitate; peccatum autem in Filium, quando peccatur ex ignorantia; peccatum autem in Spiritum sanctum, quando peccatur ex certa malitia, idest ex ipsa electione mali, ut supra expolitum est (1. 2. quest. lxxviii. art. 1. & 3.)

Quod quidem contingit dupliciter. Uno modo ex inclinatione habitus vitiosi, qui malitia dicitur, & sic non est idem peccare ex malitia quod peccare in Spiritum sanctum. Alio modo contingit ex eo

(a) Ita cod. Alex. & editi nonnulli. Al. contra appropriatum bonum sibi: Item: contra appropriatum Spiritui sancto. Editi possunt: contra appropriatum bonum Spiritus sancti.

eo quod per contemptum abiicitur, & removetur id quod electionem peccati poterat impedire, sicut spes per desperationem, & timor per praesumptionem, & quaedam alia eiusmodi, ut infra dicitur (art. seq. & quaest. xx. & xxi.) Haec autem omnia quae peccati electionem impediunt, sunt effectus Spiritus sancti in nobis: & ideo sic ex malitia peccare est peccare in Spiritum sanctum.

Ad primum ergo dicendum; quod sicut confessio fidei non solum consistit in professione oris, sed etiam in professione operis; ita etiam blasphemia Spiritus sancti potest considerari & in ore, & in corde, & in opere.

Ad secundum dicendum, quod secundum tertiam acceptionem blasphemia in Spiritum sanctum distinguitur contra blasphemiam in filium hominis, secundum quod filius hominis est etiam filius Dei, idest Dei virtus, & Dei sapientia. Unde secundum hoc peccatum in filium hominis erit peccatum ex ignorantia, vel ex infirmitate.

Ad tertium dicendum, quod peccatum ex certa malitia, secundum quod provenit ex inclinatione habitus, non est speciale peccatum, sed quaedam generalis conditio peccati; prout vero est ex speciali contemptu effectus Spiritus sancti in nobis, habet rationem specialis peccati: & secundum hoc etiam peccatum in Spiritum sanctum est speciale genus peccati: & similiter secundum primam expositionem. Secundum autem secundam expositionem non est speciale genus peccati: nam finalis impenitentia potest esse circumstantia cuiuslibet generis peccati.

## ARTICULUS II. 74

*Utrum convenienter assignentur sex species peccati in Spiritum sanctum, scilicet desperatio, praesumptio &c.*

*Inf. quaest. xxxvi. art. 4. ad 2. & II. dist. xlii. art. 4. & Rom. xii. lect. 1. fin.*

**A**D secundum sic proceditur. Videtur quod inconvenienter assignentur sex species peccati in Spiritum sanctum, scilicet desperatio, praesumptio, impenitentia, obstinatio, impugnatio veritatis agnitae, & invidentia fraternae gratiae: quas species ponit Magister xlii. dist. II. Lib. Sententiarum. Negare enim divinam iustitiam, vel misericordiam, ad infidelitatem pertinet. Sed per desperationem aliquis relictit divinam misericordiam, per praesumptionem autem divinam iustitiam. Ergo unumquodque eorum potius est species infidelitatis, quam peccati in Spiritum sanctum.

2. Praeterea. Impenitentia videtur respicere peccatum praeteritum, obstinatio autem peccatum futurum. Sed praeteritum, vel futurum non diversificant speciem virtutis, vel vitii: secundum enim eandem fidem qua credimus Christum natum, antiqui crediderunt eum nasciturum. Ergo obstinatio, & impenitentia non debent poni duae species peccati in Spiritum sanctum.

3. Praeterea. *Gratia, & veritas per Iesum Christum facta est*, ut habetur Ioan. 1. 17. Ergo videtur quod impugnatio veritatis agnitae, & invidentia fraternae gratiae magis pertineant ad blasphemiam in Filium quam ad blasphemiam in Spiritum sanctum.

4. Praeterea. Bernardus dicit in Lib. de dispens. & praecip. (cap. xi. cir. med.) quod *nolle obedire est resistere Spiritui sancto*. Glossa etiam (ord. sup. illud *Inter haec hircum*) dicit *Lev. x. quod simulata poenitentia est blasphemia Spiritus sancti*. Scilicet etiam videtur directe oppositum Spiritui sancto, per quem Ecclesia unitur. Et ita videtur quod non sufficiens tradantur species peccati in Spiritum sanctum.

Sed contra est quod Augustinus (Fulgentius) dicit in Lib. de fide ad Petrum (cap. iii. inter med. & fin.) quod *illi qui desperant de indulgentia peccatorum, vel qui sine meritis de misericordia Dei praesumunt, peccant in Spiritum sanctum*: & in Enchirid. (cap. lxxxiii.) dicit, quod *qui in oblatione mentis diem claudis extremum, reus est peccati in Spiritum sanctum*: & in Lib. de verbis Domini (serm. xi. cap. xiv. & xv. & xxi.) dicit, quod *impenitentia est peccatum in Spiritum sanctum*: & in Lib. I. de serm. Dom. in monte (cap. xxii. circ. princ.) dicit, quod *invidia facibus fraternitatem impugnare, est peccatum in Spiritum sanctum*: & in Lib. de (a) unico bapt. (Lib. VI. de Baptis. cont. Donatist. cap. xxxv. in princ.) dicit, quod *qui veritatem contemnit, aut circa fratres malignus est, quibus veritas revelatur, aut circa Deum ingratus, cuius inspiratione Ecclesia instruitur*. Et sic videtur quod peccet in Spiritum sanctum.

Ref.

(a). Ita possum. Nicolaius omisit unico.

Respondeo dicendum, quod secundum quod peccatum in Spiritum sanctum tertio modo accipitur, convenienter praedictae species ei assignantur: quae distinguuntur secundum remotionem, vel contemptum eorum per quae potest homo ab electione peccati impediri. Quae quidem sunt vel ex parte divini iudicii, vel ex parte donorum ipsius, vel etiam ex parte ipsius peccati. Avertitur enim homo ab electione peccati ex consideratione divini iudicii (quod habet iustitiam cum misericordia) & per spem, quae confurgit ex consideratione misericordiae remittentis peccata, & praemiantis bona; & hoc tollitur per *desperationem*: & iterum per timorem, qui confurgit ex consideratione divinae iustitiae punientis peccata; & hic tollitur per *presumptionem*, dum scilicet aliquis praesumat se gloriam posse adipisci sine meritis, vel veniam sine penitentia. Dona autem Dei, quibus retrahimur a peccato, sunt duo: quorum unum est agnitio veritatis, contra quod ponitur *impugnatio veritatis agnitae*, dum scilicet aliquis veritatem fidei agnitam impugnatur, ut licentius peccet; aliud est auxilium interioris gratiae, contra quod ponitur *invidentia fraternalis gratiae*, dum scilicet aliquis non solum invidet personae fratris, sed etiam invidet gratiae Dei crescenti in mundo. Ex parte vero peccati duo sunt quae hominem a peccato retrahere possunt. Quorum unum est inordinatio, & turpitudinis actus, cuius consideratio inducere solet in homine penitentiam de peccato commisso; & contra hoc ponitur *impenitentia*, non quidem eo modo quo dicit permanentiam in peccato usque ad mortem, sicut supra impenitentia accipiebatur (sic enim non esset speciale peccatum, sed quaedam peccati circumstantia) sed accipitur hic impenitentia, secundum quod importat propositum non penitendi. Aliud autem est parvitas, & brevitatis boni quod quis in peccato quaerit, secundum illud Rom. vi. 21. *Quem ergo fructum habuistis tunc in illis in quibus nunc erubescitis?* Cuius consideratio inducere solet hominem ad hoc quod eius voluntas in peccato non firmetur; & hoc tollitur per *obstinatorem*, quando scilicet homo firmat suum propositum in hoc quod peccato inhaereat. Et de his duobus dicitur Hierem. viii. 6. *Nullus est qui agat penitentiam super peccato suo, dicens, Quid feci?* quantum ad primum: *Omnes conversi*

*sunt ad cursum, quasi equus impetu vadens ad praedium, quantum ad secundum.*

Ad primum ergo dicendum, quod peccatum desperationis, vel praesumptionis non consistit in hoc quod Dei iustitia, vel misericordia non credatur, sed in hoc quod contemnatur.

Ad secundum dicendum, quod obstinatio, & impenitentia non solum differunt secundum praeteritum, & futurum, sed secundum quasdam formales rationes ex diversa consideratione eorum quae in peccato considerari possunt, ut dictum est (in corp. art.)

Ad tertium dicendum, quod gratiam, & veritatem Christus fecit per dona Spiritus sancti, quae hominibus dedit.

Ad quartum dicendum, quod nolle obedire pertinet ad obstinationem; simulatio penitentiae ad impenitentiam; schisma ad invidentiam gratiae fraternalis, per quam membra Ecclesiae uniuntur.

### ARTICULUS III. 79

*Utrum peccatum in Spiritum sanctum sit irremissibile.*

III. P. quaest. lxxxvi. art. 3. ad 2. & 3. & II. dist. xliiii. art. 4. & mal. quaest. iiii. art. 14. & 15. & quol. ii. quaest. viiii. art. 1. & Rom. 11.

**A**D tertium sic proceditur. Videtur quod peccatum in Spiritum sanctum non sit irremissibile. Dicit enim Augustinus in Lib. de verbis Domini (serm. xi. cap. xiii. in princ.) *De nullo desperandum est, quamdiu patientia Domini ad penitentiam eum adducit.* Sed si aliquod peccatum esset irremissibile, esset de aliquo peccatore desperandum. Ergo peccatum in Spiritum sanctum non est irremissibile.

2. Praeterea. Nullum peccatum remittitur, nisi per hoc quod anima sanatur a Deo. Sed omnipotenti medico nullus insanabilis languor occurrit, sicut dicit Glossa (vetus Augustini) super illud Psalm. cxi. *Qui sanat omnes infirmitates tuas.* Ergo peccatum in Spiritum sanctum non est irremissibile.

3. Praeterea. Liberum arbitrium se habet ad bonum, & malum. Sed quamdiu durat status vitae, potest aliquis a quacunque virtute excidere, cum etiam Angelus de caelo ceciderit: unde dicitur Iob iv. 18. *In Angelis suis reperit pravita-*



*vitatem: quanto magis qui habitant domos luteas? Ergo pari ratione potest aliquis a quocumque peccato ad statum iustitiae redire. Ergo peccatum in Spiritum sanctum non est irremissibile.*

Sed contra est quod dicitur Matth. xii. 31. *Qui dixerit verbum contra Spiritum sanctum, non remittetur ei neque in hoc saeculo, neque in futuro: & Augustinus dicit in Lib. I. de sermone Domini in monte (cap. xxi.). aliquant. a princ.) quod tanta est labes huius peccati, quod humilitatem deprecandi subit, non potest.*

Respondeo dicendum, quod secundum diversas acceptiones peccati in Spiritum sanctum, diversimode irremissibile dicitur. Si enim dicatur peccatum in Spiritum sanctum huius impenitentia, sic dicitur irremissibile, quia nullo modo remittitur. Peccatum enim mortale in quo homo perleverat usque ad mortem, poenitentia in hac vita non remittitur per poenitentiam, nec etiam in futuro dimittetur.

Secundum autem alias duas acceptiones dicitur irremissibile, non quod nullo modo remittatur, sed quia, quantum est de se, habet meritum ut non remittatur: & hoc dupliciter. Uno modo quantum ad poenam. Qui enim ex ignorantia, vel infirmitate peccat, minorem poenam meretur; qui autem ex certa malitia peccat, non habet aliquam excusationem, unde eius poena minuitur. Similiter etiam qui blasphemabat in Filium hominis, eius Divinitate nondum revelata, poterat habere aliquam excusationem propter infirmitatem carnis, quam in eo aspiciebat; & sic minorem poenam merebatur. Sed qui ipsam Divinitatem blasphemavit, opera Spiritus sancti diabolo attribuens, nullam excusationem habebat, unde eius poena diminueretur: Et ideo dicitur secundum expositionem Chrysostomi (hom. xlii. in Matth. a. med.) hoc peccatum Iudeis non remitti neque in hoc saeculo, neque in futuro; quia pro eo passi sunt poenam & in praesenti vita per Romanos, & in futura vita in poena inferni: sicut etiam Athanasius (in tract. sup. illud Matth. xii. *Quicumque dixerit verbum &c.*) inducit exemplum de eorum parentibus, qui primo quidem contra Moysen contenderunt propter defectum aquae, & panis; & hoc Dominus sustinuit patienter, habebant enim excusationem ex infirmitate carnis: sed postmodum gravius peccaverunt, quasi blas-

phemantes in Spiritum sanctum, beneficia Dei, qui eos de Aegypto eduxerat, idolo attribuentes, cum dixerunt: *Hi sunt dii tui, Israel, qui te eduxerunt de terra Aegypti.* Et ideo Dominus & temporaher levavit eos puniti, quia ceciderunt in die illa quasi viginti tria milia hominum; & in futuro eis poenam comminatur, dicens: *Ego autem in die ultionis visitabo hoc peccatum eorum.* (Vide Exod. xxxiii.)

Alio modo potest intelligi quoad culpam: sicut aliquis dicitur morbus incurabilis secundum naturam morbi, per quem tollitur id per quod morbus potest curari, puta cum morbus tollit virtutem naturae, vel inducit fastidium cibi, & medicinae, licet talem morbum Deus possit curare; ita etiam peccatum in Spiritum sanctum dicitur irremissibile secundum suam naturam, inquantum excludit ea per quae fit remissio peccatorum. Per hoc tamen non pracluditur via remittendi; & sanandi omnipotentiae, & misericordiae Dei, per quam aliquando tales quasi miraculose spiritualiter sanantur.

Ad primum ergo dicendum, quod de nemine desperandum est in hac vita, considerata omnipotentia, & misericordia Dei; sed considerata conditione peccati, dicuntur aliqui filii dissidentiae, ut habetur ad Ephel. 11.

Ad secundum dicendum, quod ratio illa procedit ex parte omnipotentiae Dei, non secundum conditionem peccati.

Ad tertium dicendum, quod liberum arbitrium remanet quidem semper in hac vita vertibile; tamen quandoque abiicit a se id per quod verti potest ad bonum, quantum in ipso est. Unde ex parte sua peccatum est irremissibile, licet Deus remittere possit.

#### ARTICULUS IV. 76

*Utrum homo possit primo peccare in Spiritum sanctum.*

II. dist. xliii. art. 3. & ver. quæst. 11. art. 13. ad 1.

**A**D quantum sic proceditur. Videtur quod homo non possit primo peccare in Spiritum sanctum, non praesuppositis aliis peccatis. Naturalis enim ordo est ut ab imperfecto ad perfectum quis moveatur. Et hoc quidem in bonis apparet, secundum illud Proverb. iv. 8. *lustrum semita quasi splens lux cre-*

scit, & proficit usque ad perfectum diem. Sed perfectum dicitur in malis quod est maximum malum, ut patet per Philosophum in V. Metaph. (text. 21.) Cum ergo peccatum in Spiritum sanctum sit gravissimum, videtur quod homo ad hoc peccatum perveniat per alia peccata minora.

2. Præterea. Peccare in Spiritum sanctum est peccare ex certa malitia, sive ex electione. Sed hoc non statim potest homo, antequam multoties peccaverit: dicit enim Philosophus in V. Eth. (cap. vi. in princ. & cap. viii. a med.) quod *est homo possit iniuria facere, non tamen potest statim operari sicut iniustus*; scilicet ex electione. Ergo videtur quod peccatum in Spiritum sanctum non possit committi nisi post alia peccata.

3. Præterea. Pœnitentia, & impœnitentia sunt circa idem. Sed pœnitentia non est nisi de peccatis præteritis. Ergo etiam neque impœnitentia, quæ est species peccati in Spiritum sanctum. Peccatum ergo in Spiritum sanctum præsupponit alia peccata.

Sed contra est quod facile est in conspectu Dei subito non stare pauperem, ut dicitur Eccli. xi. 23. Ergo e contrario possibile est secundum malitiam dæmonis fuggerentis, ut statim aliquis inducatur ad peccatum gravissimum, quod est peccatum in Spiritum sanctum.

Respondeo dicendum, quod, sicut dictum est (art. 1. huius quæst.) peccare in Spiritum sanctum uno modo est peccare ex certa malitia. Ex certa autem malitia dupliciter peccare contingit, sicut dictum est (ibid.) Uno modo ex inclinatione habitus; quod non est proprie peccare in Spiritum sanctum; & hoc modo peccare ex certa malitia non contingit a principio. Oportet enim actus peccatorum præcedere, ex quibus causetur habitus ad peccandum inclinans.

Alio modo potest aliquis peccare ex certa malitia, abiciendo per contemptum ea per quæ homo retrahitur a peccato; quod proprie est peccare in Spiritum sanctum, sicut dictum est (art. 1. huius quæst.) Et hoc etiam plerumque præsupponit alia peccata: quia, sicut dicitur Proverb. xviii. 3. *impius, cum in profundum peccatorum venerit, contemnit*.

Potest tamen contingere quod aliquis in primo actu peccati in Spiritum sanctum peccet per contemptum, tum propter libertatem arbitrii, tum etiam propter multas dispositiones præcedentes,

vel etiam propter aliquod vehementem motum ad malum, & debilem affectum hominis ad bonum. Et ideo in viris perfectis hoc vix, aut numquam accidere potest, quod statim a principio peccent in Spiritum sanctum. Unde dicit Origenes in I. Periarch. (cap. xii. in fi.) *Non arbitror quod aliquis ex his qui in summo perfectionis gradu constitunt, ad subitum evacuetur, aut decidat; sed paulatim, ac per partes eum decidere necesse est*.

Et eadem ratio est, si peccatum in Spiritum sanctum accipitur ad litteram pro blasphemia Spiritus sancti. Talis enim blasphemia, de qua Dominus loquitur, semper ex malitiæ contemptu procedit.

Si vero per peccatum in Spiritum sanctum intelligatur finalis impœnitentia, secundum intellectum Augustini (serm. xi de verbo Domini cap. xiv. xv. & xxi.) quæstionem non habet: quia ad peccatum in Spiritum sanctum requiritur continuatio peccatorum usque in finem vitæ.

Ad primum ergo dicendum; quod tam in bono, quam in malo ut in pluribus proceditur ab imperfecto ad perfectum, prout homo proficit vel in bono, vel in malo; & tamen in utroque unus potest incipere a maiori quam alius: & ita illud a quo aliquid incipit, potest esse perfectum in bono, vel in malo secundum genus suum; licet sit imperfectum secundum seriem processus hominis in melius, vel in peius proficiens.

Ad secundum dicendum, quod ratio illa procedit de peccato commisso ex malitia, quando est ex inclinatione habitus.

Ad tertium dicendum, quod si accipiat impœnitentia, secundum intentionem Augustini (loc. sup. cit.) secundum quod importat permanentiam in peccato usque ad finem, sic planum est quod impœnitentia præsupponit peccata, sicut & pœnitentia. Sed si loquamur de impœnitentia habituali, secundum quod ponitur species peccati in Spiritum sanctum, sic manifestum est quod impœnitentia potest esse etiam ante peccata: potest enim ille qui numquam peccavit, habere propositum vel pœnitendi, vel non pœnitendi, si contingeret eum peccare.

## QUAESTIO XV.

*De vitiis oppositis scientiae, & intellectui, in tres articulos divisa.*

**D**Einde considerandum est de vitiis oppositis scientiae, & intellectui. Et quia de ignorantiae, quae opponitur scientiae, dictum est supra (1. 2. quaest. lxxvi.) cum de causis peccatorum ageretur, querendum est nunc de cæcitate mentis, & hebetudine sensus, quae opponuntur dono intellectus: & circa hoc queruntur tria.

Primo, utrum cæcitas mentis sit peccatum.

Secundo, utrum hebetudo sensus sit aliud peccatum a cæcitate mentis.

Tercio, utrum hæc vitia a peccatis carnalibus oriantur.

## ARTICULUS I. 77

*Utrum cæcitas mentis sit peccatum.*

**A**D primum sic proceditur. Videtur quod cæcitas mentis non sit peccatum. Illud enim quod excusat a peccato, non videtur esse peccatum. Sed cæcitas mentis excusat a peccato: dicitur enim Ioan. ix. 41. *Si cæci essetis, non haberetis peccatum.* Ergo cæcitas mentis non est peccatum.

2. Præterea. Pœna differt a culpa. Sed cæcitas mentis est quædam pœna, ut patet per illud quod habetur Isa. vi. 10. *Excæca cor populi huius: non enim esset a Deo, cum sit malum, nisi pœna esset.* Ergo cæcitas mentis non est peccatum.

3. Præterea. Omne peccatum est voluntarium, ut Augustinus dicit (in Lib. de vera relig. cap. xiv. in princ.) Sed cæcitas mentis non est voluntaria: quia, ut Augustinus dicit X. Confes. (cap. xxiii. a med.) *cognoscere veritatem lucem omnes amant: & Eccl. xi. 7. dicitur: Dulce lumen, & delectabile oculis videre Solem.* Ergo cæcitas mentis non est peccatum.

Sed contra est quod Gregorius XXXI. Moral. (cap. xvii. a med.) cæcitatem mentis ponit inter vitia quæ causantur ex luxuria.

Respondeo dicendum, quod sicut cæcitas corporalis est privatio eius quod est principium corporalis visionis; ita etiam cæcitas mentis est privatio eius

quod est principium mentalis, sive intellectualis visionis.

Cuius quidem principium est triplex. Unum quidem est lumen naturalis rationis; & hoc lumen, cum pertineat ad speciem animæ rationalis, numquam privatur ab anima; inspicitur tamen quandoque a proprio actu per impedimenta virtutum inferiorum, quibus indiget intellectus humanus ad intelligendum, sicut patet in amentibus, & nitiosis, ut in I. dictum est (quaest. lxxxiv. art. 7. & 8.)

Aliud autem principium intellectualis visionis est aliquod lumen habituale naturali lumini rationis superadditum: & hoc quidem lumen interdum privatur ab anima; & talis privatio est cæcitas, quæ est pœna, secundum quod privatio luminis gratiæ quædam pœna ponitur. Unde dicitur de quibusdam Sap. ii. 21.

*Excæcavit illos malitia eorum.*

Tertium principium visionis intellectualis est aliquod intelligibile principium, per quod homo intelligit alia: cui quidem principio intelligibili mens hominis potest intendere, vel non intendere; & quod ei non intendat, contingit dupliciter: quandoque quidem ex hoc quod habet voluntatem spontaneam se avertentem a consideratione talis principii, secundum illud Psal. xxxv. 4. *Noluit intelligere, ut bene ageret:* alio modo per occupationem mentis circa alia quæ magis diligit, quibus ab inspectione huius principii mens avertitur, secundum illud Psal. lxxii. 29. *Supercecidit ignis, scilicet concupiscentiæ, & non viderunt Solem.* Et utroque modo cæcitas mentis est peccatum.

Ad primum ergo dicendum, quod cæcitas quæ excusat a peccato, est quæ contingit ex naturali defectu non potestis videre.

Ad secundum dicendum, quod ratio illa procedit de secunda cæcitate, quæ est pœna.

Ad tertium dicendum, quod intelligere veritatem cuilibet est secundum se amabile; potest tamen per accidens esse alicui odibile, inquantum scilicet per hoc homo impeditur ab aliis quæ magis amat.

## ARTICULUS II. 78

*Utrum hebetudo sensus sit aliud peccatum a cecitate mentis.*

**A**D secundum sic proceditur. Videtur quod hebetudo sensus non sit aliud a cecitate mentis. Unum enim est contrarium. Sed dono intellectus opponitur hebetudo, ut patet per Gregorium in II. Moral. (cap. xxvi. aliquant. a princ.) cui etiam opponitur cecitas mentis, eo quod intellectus principium quoddam visivum designat. Ergo hebetudo sensus est idem quod cecitas mentis.

2. Præterea. Gregorius in XXXI. Moral. (cap. xvii. a med.) de hebetudine loquens, nominat eam *hebetudinem sensus circa intelligentiam*. Sed hebetari sensu circa intelligentiam nihil aliud est videtur quam intelligendo deficere; quod pertinet ad mentis cecitatem. Ergo hebetudo sensus idem est quod cecitas mentis.

3. Præterea. Si in aliquo differunt, maxime videntur in hoc differre quod cecitas mentis est voluntaria, ut supra dictum est (art. præc.) hebetudo autem sensus est naturalis defectus. Sed defectus naturalis non est peccatum. Ergo secundum hoc hebetudo sensus non est peccatum: quod est contra Gregorium (loc. cit.) qui consummat eam inter vitia quæ ex gula oriuntur.

Sed contra est quod diversarum causarum sunt diversi effectus. Sed Gregorius XXXI. Moral. (ibid.) dicit, quod hebetudo sensus oritur ex gula, cecitas autem mentis ex luxuria: hæc autem sunt diversa vitia. Ergo & ipsa sunt diversa vitia.

Respondendo dicendum, quod hebes acuto opponitur. Acutum autem dicitur aliquid ex hoc quod est penetrativum: unde & hebes dicitur aliquid ex hoc quod est obtusum, penetrare non valens. Sensus autem corporalis per quamdam similitudinem penetrare dicitur medium, in quantum ex aliqua distantia suum obiectum percipit, vel in quantum potest quasi penetrando minima, vel intima rei percipere. Unde in corporalibus dicitur aliquis esse acuti sensus qui potest percipere sensibile aliquod ex remotis vel videndo, vel audiendo, vel olfaciendo; & e contrario dicitur sensus hebetari qui non percipit nisi ex propinquo, & magna sensibilia.

(a) Ita mss. & edid. passim. Al. cōm.

Ad similitudinem autem corporalis sensus dicitur etiam circa intelligentiam esse aliquis sensus, qui est aliorum primorum, & extremorum, ut dicitur in VI. Ethic. (cap. viii. cir. fi.) sicut etiam sensus est cognoscitivus sensibilibus quali quorundam principiorum cognitionis. Hic autem sensus, qui est circa intelligentiam, non percipit suum obiectum per medium distantie corporalis, sed per quamdam alia media; sicut cum per proprietatem rei percipit eius essentiam, & per effectum percipit causam. Ille ergo dicitur esse acuti sensus circa intelligentiam qui statim ad apprehensionem proprietatis rei, vel etiam effectus, naturam rei comprehendit, & qui usque ad minimas condiciones rei considerandas pertingit; ille autem dicitur hebes circa intelligentiam qui ad cognoscendam veritatem rei pertingere non potest nisi per multa ei expolita; & tunc etiam non potest pertingere ad perfecte considerandum omnia quæ pertinent ad rei rationem.

Sic ergo hebetudo sensus circa intelligentiam importat quamdam debilitatem mentis circa considerationem spiritualium bonorum; cecitas autem mentis importat omnimodam privationem cognitionis ipsorum. Et utrumque opponitur dono intellectus, per quod homo spiritualia bona apprehendendo cognoscit, & ad eorum intima subtiliter penetrat. Habet (a) autem hebetudo rationem peccati, sicut & cecitas mentis, in quantum scilicet est voluntaria; ut patet in eo qui affectus circa carnalia, de spiritualibus subtiliter discutere fastidit, vel negligit.

Et per hoc patet responsio ad obiecta.

## ARTICULUS III. 79

*Utrum cecitas mentis, & hebetudo sensus oriuntur ex peccatis carnalibus.*

**A**D tertium sic proceditur. Videtur quod cecitas mentis, & hebetudo sensus non oriuntur ex vitiis carnalibus. Augustinus enim in Lib. I. Retra. (cap. iv. cir. princ.) retrahens illud quod dixerat in Soliloquiis (Lib. I. cap. 1. a princ.) *Deus, qui non nisi mundos verum scire voluisti*, dicit, quod *responderi potest, multos etiam immundos multa vera scire*. Sed homines maxime

est.

efficiuntur immundi per vitia carnalia. Ergo cæcitas mentis, & hebetudo sensus non causantur a vitiis carnalibus.

2. Præterea. Cæcitas mentis, & hebetudo sensus sunt defectus quidam circa partem animæ intellectivam; vitia autem carnalia pertinent ad corruptionem carnis. Sed caro non agit in animam, sed potius e contrario. Ergo vitia carnalia non causant cæcitatem mentis, & hebetudinem sensus.

3. Præterea. Unumquodque magis patitur a propinquiori quam a remotiori. Sed propinquiora sunt menti vitia spiritualia quam carnalia. Ergo cæcitas mentis, & hebetudo sensus magis causantur ex vitiis spiritualibus quam ex vitiis carnalibus.

Sed contra est quod Gregorius XXXI. Moral. (cap. xviii. a med.) dicit, quod hebetudo sensus circa intelligentiam oritur ex gula, cæcitas autem mentis e luxuria.

Respondeo dicendum, quod perfectio intellectualis operationis in homine consistit in quadam abstractione a sensibilibus phantasmatibus: & ideo quanto intellectus hominis magis fuerit liber a huiusmodi phantasmatibus, tanto potius considerare intelligibilia poterit, & ordinare omnia sensibilia; sicut & Anaxagoras dicit, quod oportet intellectum esse immixtum, ad hoc quod imperet, & agens oportet quod dominetur super materiam, ad hoc quod possit eam movere, ut narrat Philosophus VIII. Physic. (tex. 37.) Manifestum est autem quod delectatio applicat intentionem ad ea in quibus aliquis delectatur. Unde Philosophus dicit X. Ethic. (cap. iv. & vi.) quod unusquisque ea in quibus delectatur, optime operatur; contraria vero nequaquam, vel debilitat.

Vitia autem carnalia, scilicet gula & luxuria, consistunt circa delectationes tactus, ciborum scilicet, & venereorum, quæ sunt vehementissimæ inter omnes corporales delectationes. Et ideo per hæc vitia intentio hominis maxime applicatur ad corporalia, & per consequens debilitatur operatio hominis circa intelligibilia; magis autem per luxuriam quam per gulam, quanto delectationes venereorum sunt vehementiores quam ciborum. Et ideo ex luxuria oritur cæcitas mentis, quæ quasi totaliter spiritualium bonorum cognitionem excludit; ex gula autem hebetudo sensus, quæ reddit hominem debilem circa huiusmodi

di intelligibilia. Et e converso oppositæ virtutes, scilicet abstinentia, & castitas, maxime disponunt hominem ad perfectionem intellectualis operationis. Unde dicitur Dan. i. 17. quod pueris his, scilicet abstinentibus, & continentibus, dedit Deus scientiam, & disciplinam in omni libro, & sapientia.

Ad primum ergo dicendum, quod quamvis aliqui vitiis carnalibus subditi possint quandoque subtiliter speculari aliqua circa intelligibilia, propter bonitatem ingenii naturalis, vel habitus superadditi; tamen necesse est ut ab hac infirmitate contemplationis eorum intentio plerumque retrahatur propter delectationes corporales: & ita immundi possunt aliqua vera scire; sed ex sua immundicia circa hoc impediuntur.

Ad secundum dicendum, quod caro non agit in partem intellectivam alterando ipsam, sed impediendo operationem ipsius per modum prædium.

Ad tertium dicendum, quod vitia carnalia quo magis sunt remota a mente, eo magis eius intentionem ad remotiora distrahant; unde magis impediunt mentis contemplationem.

## QUAESTIO XVI.

De præceptis fidei, scientiæ, & intellectus, in duos articulos divisa.

**D**Einde considerandum est de præceptis pertinentibus ad prædicta: & circa hoc quarantur duo.

Primo de præceptis pertinentibus ad fidem.

Secundo de præceptis pertinentibus ad dona scientiæ, & intellectus.

## ARTICULUS I. 80

Utrum in veteri lege debuerint dari præcepta credendi.

Inf. quest. xxii. art. i. corp. & iii. cont. cap. cxviii.

**A**D primum sic proceditur. Videtur quod in veteri lege dari debuerint præcepta credendi. Præceptum enim est de eo quod est debitum, & necessarium. Sed maxime necessarium est homini quod credat, secundum illud Hebr. xi. 6. *Sine fide impossibile est placere Deo*. Ergo maxime oportuit præcepta dari de fide.

2. Præterea. Novum testamentum continetur in veteri, sicut figuratum in figura, ut supra dictum est (1. 2. quæst. cxi. art. 1. & 3.) Sed in novo testamento ponuntur expressa mandata de fide, ut patet Ioan. xiv. 1. *Creditis in Deum, & in me credite*. Ergo videtur quod in veteri lege etiam debuerint aliqua præcepta dari de fide.

3. Præterea. Eiusdem rationis est præcipere actum virtutis, & prohibere vitia opposita. Sed in veteri lege ponuntur multa præcepta prohibentia infidelitatem; sicut Exod. xx. 3. *Non habebis deos alienos coram me*: & iterum Deuter. xiii. mandatur quod non audiant verba prophetæ, aut somniatoris, qui eos a fide Dei vellet avertere. Ergo in veteri lege etiam debuerunt præcepta dari de fide.

4. Præterea. Confessio est actus fidei, ut supra dictum est (quæst. xii. art. 1.) Sed de confessione, & promulgatione fidei dantur præcepta in veteri lege: mandatur enim in Exod. xii. quod filii suis interrogantibus rationem assignent paschalis observantiz: & Deuter. xiii. mandatur quod ille qui disseminat doctrinam contra fidem, occidatur. Ergo lex vetus præcepta fidei debuit habere.

5. Præterea. Omnes libri veteris testamenti sub lege veteri continentur: unde Dominus Ioan. xv. 25. dicit, in lege esse scriptum: *Odio habuerunt me gratis*: quod tamen scribitur in Psalm. (xxxiv. & lxxviii.) Sed Eccli. 11. 8. dicitur: *Qui timetis Dominum, credite illi*. Ergo in veteri lege fuerunt præcepta danda de fide.

Sed contra est quod Apostolus ad Rom. xii. legem veterem nominat *legem fidei*, & dividit eam contra *legem fidei*. Ergo in lege veteri non fuerunt præcepta danda de fide.

Respondendo dicendum, quod lex non imponitur ab aliquo domino nisi suis subditis: & ideo præcepta legis præsupponunt subiectionem cuiuslibet recipientis legem ad eum qui dat legem. Prima autem subiectio hominis ad Deum est per fidem, secundum illud Hebr. xi. 6. *Accedentem ad Deum oportet credere, quia est*: & ideo fides præsupponitur ad legis præcepta: & propter hoc Exod. xx. 2. id quod est fidei, præmittitur ante legis præcepta, cum dicitur: *Ego sum Dominus Deus tuus, qui eduxi te de ter-*

*ra Aegypti*: & similiter Deuter. vi. 4. præmittitur: *Audi Israel: Dominus Deus tuus unus est*: & postea statim incipit agere de præceptis.

Sed quia in fide multa continentur ordinata ad fidem qua credimus Deum esse, quod est primum, & principale inter omnia credibilia, ut dictum est (quæst. 1. art. 1. & 7.) ideo, præsupposita fide de Deo, per quam mens humana Deo subiiciatur, possunt dari præcepta de aliis credendis; sicut Augustinus dicit super Ioan. (tract. lxxxiii. a med.) quod plurima sunt nobis de fide mandata, exponens illud, *Hoc est præceptum meum*. Sed in veteri lege non erant secreta fidei populo exponenda: (a) & ideo, supposita fide unius Dei, nulla alia præcepta sunt in veteri lege data de fide.

Ad primum ergo dicendum, quod fides est necessaria tanquam principium spiritualis vitæ; & ideo præsupponitur ad legis susceptionem.

Ad secundum dicendum, quod ibi etiam Dominus præsupponit aliquid de fide, scilicet fidem unius Dei, cum dicit *Creditis in Deum*; & aliquid præcipit, scilicet fidem incarnationis, per quam unus est Deus, & homo: quæ quidem fidei explicatio pertinet ad fidem novi testamenti: & ideo subdit, *Et in me credite*.

Ad tertium dicendum, quod præcepta prohibitiva respiciunt peccata quæ corrumpunt virtutem. Virtus autem corrumpitur ex particularibus defectibus, ut supra dictum est (1. 2. quæst. xviii. art. 4. ad 3. & quæst. xix. art. 6. ad 1. & art. 7. ad 3.) Et ideo præsupposita fide unius Dei in lege veteri fuerunt danda prohibitiva præcepta, quibus homines prohiberentur ab his particularibus defectibus, per quos fides corrumpi posset.

Ad quartum dicendum, quod etiam confessio, vel doctrina fidei præsupponit subiectionem hominis ad Deum per fidem: & ideo magis potuerunt dari præcepta in veteri lege pertinentia ad confessionem, vel doctrinam fidei, quam pertinentia ad ipsam fidem.

Ad quintum dicendum, quod in illa etiam auctoritate præsupponitur fides, per quam credimus Deum esse: unde præmittit, *Qui timetis Dominum*: quod non posset esse sine fide. Quod autem addit, *Credite illi*, ad quædam credibilia specialia referendum est, & præcipue ad illa

(a) Ita *ms.* & *dirij possim.* *Col. Altan.* ideo præsupposita fide de Deo, nulla &c.

illa quæ promittit Deus sibi obedientibus : unde subdit : *Et non evacuabitur merces vestra.*

## ARTICULUS II. 81

*Utrum in veteri lege convenienter tradantur præcepta pertinentia ad scientiam, & intellectum.*

*Inf. quæst. xlv. art. 2. ad 3. & quæst. xlix. art. 1. ad 2.*

**A**D secundum sic proceditur. Videtur quod in veteri lege inconvenienter tradantur præcepta pertinentia ad scientiam, & intellectum. Scientia enim, & intellectus ad cognitionem pertinent. Cognitio autem præcedit, & dirigit actionem. Ergo præcepta ad scientiam, & intellectum pertinentia debent præcedere præcepta pertinentia ad actionem. Cum ergo prima præcepta legis sint præcepta Decalogi, videtur quod inter præcepta Decalogi debuerunt tradi aliqua præcepta pertinentia ad scientiam, & intellectum.

2. Præterea. Disciplina præcedit doctrinam: prius enim homo ab alio discit quam alium doceat. Sed dantur in veteri lege aliqua præcepta de doctrina, & affirmativa, ut præcipitur Deuter. iv. 9. *Docebis ea filios, aut nepotes tuos; & etiam prohibitiva, sicut dicitur Deuter. xv. 2. Non additis ad verbum quod vobis loquor, neque auferetis ab eo.* Ergo videtur quod etiam aliqua præcepta dari debuerunt inducentia hominem ad discendum.

3. Præterea. Scientia, & intellectus magis videntur necessaria sacerdoti quam regi. unde dicitur Malach. ii. 7. *Labia sacerdotis custodiunt scientiam, & legem requirunt ex ore eius; & Osee xv. 6. dicitur: Quia repulisti scientiam, repellam & ego te, ne sacerdos tu fungaris mihi.* Sed regi mandatur quod adducat scientiam legis, ut patet Deuter. xvii. Ergo multo magis debuit præcipi in lege quod sacerdotes legem addicerent.

4. Præterea. Meditatio eorum quæ ad scientiam, & intellectum pertinent, non potest esse in dormiendo: impeditur etiam per occupationes extraneas. Ergo inconvenienter præcipitur Deuter. vi. 7. *Meditaberis (a) ea sedens in domo tua & ambulans in itinere, dormiens, atque conjurgens.* Inconvenienter ergo traduntur.

S. Tb. Oper. Tom. XXII.

(a) Vagina in es.

tur in veteri lege præcepta ad scientiam, & intellectum pertinentia.

Sed contra est quod dicitur Deut. iv. 6. *Audientes universi præcepta hæc, dicant: En populus sapiens, & intelligens.* Respondeo dicendum, quod circa scientiam, & intellectum tria possunt considerari: primo quidem acceptio ipsius; secundo usus eius; tertio vero conservatio ipsius. Acceptio quidem scientiæ, vel intellectus fit per doctrinam, & disciplinam: & utrumque in lege præcipitur. Dicitur enim Deuter. vi. 6. *Erunt verba hæc quæ ego præcipio tibi, in corde tuo:* quod pertinet ad disciplinam: pertinet enim ad disciplinam ut cor suum applicet his quæ dicuntur: quod vero subditur, *Et narrabis ea filiis tuis,* pertinet ad doctrinam.

Usus vero scientiæ, vel intellectus est meditatio eorum quæ quis scit, vel intelligit: & quantum ad hoc subditur: *Et meditaberis sedens in domo tua &c.*

Conservatio autem fit per memoriam & quantum ad hoc subditur: *Et ligabis ea quasi signum in manu tua, erunq; & movebuntur inter oculos tuos; scribeque ea in limine, & affixi domus tue:* per quæ omnia iugem memoriam mandatorum Dei significat: ea enim quæ continue sensibus nostris occurrunt vel tactu, sicut ea quæ in manu habemus, vel visu, sicut ea quæ ante oculos sunt continue, vel ad quæ oportet nos sæpe recurrere, sicut ad ostium domus, a memoria nostra excidere non possunt. Et Deuter. iv. 9. manifestius dicitur: *Ne obliviscaris verborum quæ viderunt oculi tui; & ne excidant de corde tuo cunctis diebus vite tue.*

Et hæc etiam abundantius in novo testamento tam in doctrina evangelica, quam apostolica, mandata leguntur.

Ad primum ergo dicendum, quod sicut dicitur Deut. iv. 6. *hæc est vestra scientia, & intellectus coram populo.* Ex quo datur intelligi, quod scientia, & intellectus fidelium Dei consistit in præceptis legis. Et ideo primo sunt proponenda legis præcepta, & postmodum homines sunt inducendi ad eorum scientiam, vel intellectum: & ideo præmissa præcepta non debuerunt poni inter præcepta Decalogi, quæ sunt prima.

Ad secundum dicendum, quod etiam in lege ponuntur præcepta pertinentia ad disciplinam, ut dictum est (in corp.) Expressius tamen præcipitur doctrina quam

F 3

disci-

disciplina: quia doctrina pertinet ad maiores, qui sunt sui iuris immediate sub lege existentes, quibus debent dari legi praecepta; disciplina autem pertinet ad minores, ad quos praecepta legis per maiores debent pervenire.

Ad tertium dicendum, quod scientia legis est adeo annexa officio sacerdotis, ut simul cum iniunctione officii intelligatur etiam & scientiae legis iniunctio: & ideo non oportuit specialia praecepta dari de instructione sacerdotum. Sed doctrina legis Dei non adeo est annexa regali officio: quia rex constituitur super populum in temporalibus; & ideo specialiter praecipitur ut rex instruat de his quae pertinent ad legem Dei per sacerdotes.

Ad quartum dicendum, quod illud praeceptum legis non est sic intelligendum, quod homo dormiendo meditetur de lege Dei; sed quod dormiens, id est vadens dormitum, de lege Dei meditetur: quia ex hoc etiam homines dormiendo adipiscuntur melioraphantasmata, secundum quod pertranseunt motus a vigilantibus ad dormientes, ut patet per Philosophum in I. Ethic. (cap. ult. cir. med.). Similiter etiam mandatur ut in actu suo aliquis meditetur de lege, non quod semper actu de lege cogitet, sed quod omnia quae facit, secundum legem moderetur.

## QUAESTIO XVII.

*De spe secundum se,*

*in octo articulos divisa.*

Consequenter post fidem considerandum est de spe: & primo de ipsa spe; secundo de dono timoris; tertio de virtutibus oppositis; quarto de praeceptis ad hoc pertinentibus. Circa primum occurrit primo consideratio de ipsa spe; secundo de subiecto eius.

Circa primum quaeruntur octo.

Primo, utrum spes sit virtus.

Secundo, utrum obiectum eius sit beatitudo aeterna.

Tertio, utrum unus homo possit sperare beatitudinem alterius per virtutem spei.

Quarto, utrum homo licite possit sperare in homine.

Quinto, utrum spes sit virtus theologica.

Sexto de distinctione eius ab aliis virtutibus theologis.

Septimo de ordine eius ad fidem.

Octavo de eius ordine ad caritatem.

## ARTICULUS I. 82

*Utrum spes sit virtus.*

III. dist. XVII. quest. II. art. 1. & vir. quest. IV. art. 1.

Ad primum sic proceditur. Videtur quod spes non sit virtus. Virtute enim nullus male utitur, ut dicit Augustinus in Lib. II. de lib. arb. (cap. XVIII. circ. si. & cap. XIX.). Sed ipse aliquis male utitur: quia circa passionem spei contingit esse medium, & extrema, sicut & circa alias passiones. Ergo spes non est virtus.

2. Praeterea. Nulla virtus procedit ex meritis: quia *virtutem Deus in nobis sine nobis operatur*, ut Augustinus dicit (conc. XXVI. sup. illud Psal. cxviii. *Feci iudicium*, & Lib. de grat. & lib. arb. cap. XVII.). Sed spes est ex gratia, & meritis proveniens, ut Magister dicit XXVI. dist. III. Lib. Sent. Ergo spes non est virtus.

3. Praeterea. *Virtus est dispositio perfecta*, ut dicitur in VII. Physic. (tex. 17. & 18.). Spes autem est dispositio imperfecta, scilicet eius qui non habet id quod sperat. Ergo spes non est virtus.

Sed contra est quod Gregorius in I. Moral. (cap. XVI.) dicit, quod per tres litteras Iob significantur haec tres virtutes, fides, spes, caritas. Ergo spes est virtus.

Respondeo dicendum, quod, secundum Philosophum in II. Ethic. (cap. VI. cir. princ.) *virtus uniuscuiusque rei est quae bonum facit habentem, & opus eius bonum reddit*. Oportet ergo, ubique invenitur aliquis actus hominis bonus, quod respondeat alicui virtuti humanae. In omnibus autem regulatis, & mensuratis bonum consideratur per hoc quod aliquid propriam regulam attingit; sicut dicimus, vestem esse bonam, quae nec excedit, nec deficit a debita mensura. Humanorum autem actuum, sicut supra dictum est (quest. VIII. art. 3. ad 3.) duplex est mensura: una quidem proxima, & homogenea, scilicet ratio; alia autem suprema, & excedens, scilicet Deus: & ob hoc omnis actus humanus attingens ad rationem, aut ad ipsum Deum, est bonus. Actus autem spei, de qua nunc loquimur, attingit ad Deum. Ut enim su-



upra dictum est ( 1. 2. quæst. xl. art. 1. ) cum de passione spei ageretur, obiectum spei est bonum futurum arduum possibile haberi. Possibile autem est aliquid nobis dupliciter : uno modo per nosmetipsos ; alio modo per alios, ut patet in III. Ethic. ( cap. 111. cir. med. ) In quantum ergo speramus aliquid ut possibile nobis per divinum auxilium, spes nostra attingit ad ipsum Deum, cuius auxilio innititur.

Et ideo patet quod spes est virtus, cum faciat actum hominis bonum, & debitam regulam attingentem.

Ad primum ergo dicendum, quod in passionibus accipitur medium virtutis per hoc quod attingitur ratio recta ; & in hoc etiam consistit ratio virtutis. Unde & in spe bonum virtutis accipitur, secundum quod homo attingit sperando regulam debitam, scilicet Deum. Et ideo spe attingente Deum nullus potest male uti, sicut nec virtute morali attingente rationem : quia hoc ipsum quod est attingere, est bonus usus virtutis. Quamvis spes, de qua nunc loquimur, non sit passio, sed habitus mentis, ut infra patebit ( art. 5. huius quæst. & quæst. xvii. art. 1. )

Ad secundum dicendum, quod spes dicitur ex meritis provenire quantum ad ipsam rem expectatam, prout aliquis sperat beatitudinem vel adepturum ex gratia, & meritis ; (a) vel quantum ad actum spei formatæ. Ipse autem habitus spei, per quam aliquis expectat beatitudinem, non causatur ex meritis, sed pure ex gratia.

Ad tertium dicendum, quod ille qui sperat, est quidem imperfectus secundum (b) considerationem ad id quod sperat obtinere, quod nondum habet, sed est perfectus quantum ad hoc quod iam attingit propriam regulam, scilicet Deum, cuius auxilio innititur.

## ARTICULUS II. 83

*Utrum beatitudo æterna sit obiectum proprium spei.*

III. dist. xxvi. quæst. 11. art. 3. co. fi. & ad 2. & vtrius quæst. 14. art. 1. & 4. cor. fi.

**A**D secundum sic proceditur. Videtur quod beatitudo æterna non sit ob-

iectum proprium spei. Illud enim homo non sperat quod omni animi sui motum excedit ; cum spei actus sit quidam animi motus. Sed beatitudo æterna excedit omnem humani animi motum : dicit enim Apostolus I. ad Corinth. 11. 9. quod in cor hominis non ascendit. Ergo beatitudo non est proprium obiectum spei.

2. Præterea. Petitio est spei interpretativa : dicitur enim in Psal. xxxvi. 5. *Revela Domino viam tuam, & spera in eo, & ipse faciat.* Sed homo petit licite a Deo non solum beatitudinem æternam, sed etiam bona præsentis vite tam spiritualia, quam temporalia, & etiam liberationem a malis, quæ in beatitudine æterna non erunt, ut patet in oratione dominica Marth. vi. Ergo beatitudo æterna non est proprium obiectum spei.

3. Præterea. Spei obiectum est arduum. Sed in comparatione ad hominem multa alia sunt ardua quam beatitudo æterna. Ergo beatitudo æterna non est proprium obiectum spei.

Sed contra est quod Apostolus ad Heb. vi. 19. dicit : *Habemus spem incedentem*, id est incedere facientem, ad interiora velaminis, id est ad beatitudinem cælestem ; ut Glossa ( interl. ) ibidem exponit. Ergo obiectum spei est beatitudo æterna.

Respondeo dicendum, quod, sicut dictum est ( art. præc. ) spes, de qua nunc loquimur, attingit Deum, innitens eius auxilio ad consequendum bonum speratum. Oportet autem effectum esse causæ proportionatum. Et ideo bonum quod proprie, & principaliter a Deo sperare debemus, est bonum infinitum, quod proportionatur virtuti Dei adiuvantis : nam infinitæ virtutis est proprium ad infinitum bonum perducere. Hoc autem bonum est vita æterna, quæ in fruitione ipsius Dei consistit. Non enim minus aliquid ab eo sperandum est quam sit ipse ; cum non sit minor eius bonitas, per quam bona creaturæ communicat, quam eius essentia.

Et ideo proprium, & principale obiectum spei est beatitudo æterna.

Ad primum ergo dicendum, quod beatitudo æterna perfecte quidem in cor hominis non ascendit, ut scilicet cognosci possit ab homine viatore, quæ, & qualis sit ; sed secundum communem rationem, scilicet boni perfecti, cadere potest in apprehensione hominis : & hoc modo

F 4 mo.

(a) Ita mss. & editi libri quot vidimus. Theologi alicuius reputant hæc verba vel quantum ad actum spei formatæ. (b) Ita codices, & editi. Rom. Lugdun. Nicolai ; hic tamen ad marginem non respicit comparationem, ut legunt Theologi, & editi. Fano.

rootas spei in ipsam confurgit. Unde & signanter Apostolus dicit ( Heb. vi. 19. ) quod *spes incedit usque ad interiora velaminis*: quia id quod speramus, est nobis quasi adhuc velatum.

Ad secundum dicendum, quod quæcumque alia bona non debemus a Deo petere nisi in ordine ad beatitudinem æternam. Unde & spes principaliter quidem respicit beatitudinem æternam; alia vero quæ petuntur a Deo, respicit secundario in ordine ad beatitudinem æternam: sicut & fides principaliter quidem respicit Deum, & secundario respicit ea quæ ad Deum ordinantur, ut supra dictum est ( quæst. 1. art. 1. )

Ad tertium dicendum, quod homini qui anhelat ad aliquid magnum, parvum videtur omne aliud quod est eo minus: & ideo homini speranti beatitudinem æternam, habito respectu ad istam spem, nihil aliud est arduum; sed habito respectu ad facultatem sperantis, possunt etiam quædam alia esse ardua. Et secundum hoc eorum potest esse spes in ordine ad principale obiectum.

### ARTICULUS III. 84

*Utrum aliquis possit sperare alteri beatitudinem æternam.*

III. P. quæst. VII. art. 4. ad 3. & III. dist. XXV. in fi. exp. lii. & vii. quæst. IV. art. 4. cor.

**A**D tertium sic proceditur. Videtur quod aliquis possit sperare alteri beatitudinem æternam. Dicit enim Apostolus Philipp. 1. 6. *Confidens hoc ipsum, quia qui cepit in vobis opus bonum, perficiet usque in diem Christi Iesu*. Perfectionem autem illius diei erit beatitudo æterna. Ergo aliquis potest alteri sperare beatitudinem æternam.

2. Præterea. Ea quæ a Deo petimus, speramus obtinere ab eo. Sed a Deo petimus quod alios ad beatitudinem æternam perducatur, secundum illud Iacobi ult. 16. *Orate pro invicem, ut salvemini*. Ergo possumus aliis sperare beatitudinem æternam.

3. Præterea. Spes, & desperatio sunt de eodem. Sed aliquis potest desperare de beatitudine æterna alicuius; alioquin frustra diceret Augustinus in Lib. de verb. Dom. ( serm. xi. cap. xlii. in princ. ) de nemine esse desperandum, dum vivit.

Ergo etiam potest sperare aliquis alteri vitam æternam.

Sed contra est quod Augustinus dicit in Enchir. ( cap. viii. cir. med. ) quod *spes non est nisi rerum ad eam pertinentium qui earum spem gerere debetur*.

Respondeo dicendum, quod spes potest esse alicuius dupliciter. Uno modo absolute; & sic est solius boni ardui ad se pertinentis.

Alio modo ex præsuppositione alterius; & sic potest esse etiam eorum quæ ad alium pertinent. Ad cuius evidentiam sciendum est, quod amor, & spes in hoc differunt, quod amor importat quamdam unionem amantis ad amatum; spes autem importat quamdam motum, five profectionem appetitus in aliquod bonum arduum. Unio autem est aliquorum distinctorum; & ideo amor directe potest respicere alium, quem sibi aliquis unit per amorem, habens eum sicut seipsum. Motus autem semper est ad proprium terminum proportionatum mobili. Et ideo spes directe respicit proprium bonum, non autem quod ad alium pertinet. Sed præsupposita unione amoris ad alterum, iam aliquis potest sperare, & desiderare aliquid alteri, sicut sibi: & secundum hoc aliquis potest sperare alteri vitam æternam, in quantum est ei unicus per amorem: & sicut est eadem virtus caritatis, qua quis diligit Deum, seipsum, & proximum; ita etiam est eadem virtus spei, qua quis sperat sibi ipsi, & aliis.

Et per hoc patet responsio ad obiecta.

### ARTICULUS IV. 85

*Utrum aliquis possit licite sperare in homine.*

Inf. quæst. XXV. art. 1. ad 3. & IV. cont. cap. vii.

**A**D quartum sic proceditur. Videtur quod aliquis possit licite sperare in homine. Spei enim obiectum est beatitudo æterna. Sed ad beatitudinem æternam consequendam adjuvamus patrociniis Sanctorum: dicit enim Gregorius in I. Dialog. ( cap. viii. a med. ) quod *prædestinatio iuvatur precibus Sanctorum*. Ergo aliquis potest in homine sperare.

2. Præterea. Si non potest aliquis sperare in homine, non esset reputandum alicui in vitium quod in eo aliquis sperare.

rare non possit. Sed hoc de quibusdam in vitium dicitur, ut patet Hierem. xi. 4. *Unusquisque a proximo suo se custodiat, & in omni fratre suo non habeat fiduciam.* Ergo licite potest aliquis sperare in homine.

3. Præterea. Peticio est interpretativa spei, sicut dictum est (art. 1. hu. quæst. arg. 2.) Sed licite potest homo aliquid petere ab homine. Ergo licite potest sperare de eo.

Sed contra est quod dicitur Hierem. xvii. 5. *Maledictus homo qui confidit in hominibus.*

Respondeo dicendum, quod spes, sicut dictum est (art. 1. hu. quæst. & 1. 2. quæst. xi. art. 7.) duo respicit, scilicet bonum, quod obtinere intendit, & auxilium, per quod illud bonum obinetur. Bonum autem quod aliquis sperat obtinendum, habet rationem causæ finalis; auxilium autem per quod aliquis sperat illud bonum obtinere, habet rationem causæ efficientis.

In genere autem utriusque causæ invenitur principale, & secundarium. Principalis enim finis est finis ultimus; secundarius autem finis est bonum quod est ad finem. Similiter principalis causa agens est primum agens; secundaria vero causa efficiens est agens secundarium instrumentale. Spes autem respicit beatitudinem æternam sicut finem ultimum, divinum autem auxilium sicut primam causam autentem ad beatitudinem.

Sicut ergo non licet sperare aliquod bonum præter beatitudinem, sicut ultimum finem, sed solum sicut id quod est ad finem beatitudinis ordinatum; ita etiam non licet sperare de aliquo homine, vel de aliqua creatura, sicut de prima causa movente in beatitudinem. Licet autem sperare de aliquo homine, vel de aliqua creatura sicut de agente secundario, & instrumentali, per quod aliquis adjuvatur ad quæcumque bona consequenda in beatitudinem ordinata. Et hoc modo ad Sanctos convertimur, & ab hominibus etiam aliqua petimus; & viuperantur illi de quibus aliquis confidere non potest ad auxilium ferendum.

Et per hoc patet responsio ad obiecta.

## ARTICULUS V. 86

*Utrum spes sit virtus theologica.*

III. dist. xxvi. quæst. 11. art. 2. & vir. quæst. iv. art. 1. ad 6. & 7. & art. 2. cor. & ad 19. & 16.

**A**D quantum sic proceditur. Videtur quod spes non sit virtus theologica. Virtus enim theologica est quæ habet Deum pro obiecto. Sed spes non habet solum Deum pro obiecto, sed etiam alia bona quæ a Deo obtinere speramus. Ergo spes non est virtus theologica.

1. Præterea. Virtus theologica non consistit in medio duorum vitiorum, ut supra habitum est (1. 2. quæst. lxxv. art. 4.) Sed spes consistit in medio præsumptionis, & desperationis. Ergo spes non est virtus theologica.

2. Præterea. Expectatio pertinet ad longanimitatem, quæ est species fortitudinis. Cum ergo spes sit quadam expectatio, videtur quod spes non sit virtus theologica, sed moralis.

3. Præterea. Obiectum spei est arduum. Sed tendere in arduum pertinet ad magnanimitatem, quæ est virtus moralis. Ergo spes est virtus moralis, & non theologica.

Sed contra est quod I. ad Cor. xiii. connumeratur spes fidei, & caritati, quæ sunt virtutes theologicæ.

Respondeo dicendum, quod cum differentia specificæ per se dividant genus, oportet attendere, unde habeat spes rationem virtutis, ad hoc ut sciamus sub qua differentia virtutis collocetur.

Dictum est autem supra (art. 1. hu. quæst.) quod spes habet rationem virtutis ex hoc quod attingit supremam regulam humanorum actuum: quam attingit & sicut primam causam efficientem, inquantum eius auxilio innititur; & sicut ultimam causam finalem, inquantum in eius fruitione beatitudinem expectat. Et sic patet quod spei, inquantum est virtus, principale obiectum est Deus. Cum ergo in hoc consistat ratio virtutis theologicæ, quod Deum habeat pro obiecto, sicut supra dictum est (1. 2. quæst. lxxi. art. 1.) manifestum est quod spes est virtus theologica.

Ad primum ergo dicendum, quod quæcumque alia spes adipisci expectat, sperat in ordine ad Deum sicut ad ultimum finem, vel sicut ad primam causam efficientem, ut dictum est (art. præc.)

Ad

Ad secundum dicendum, quod medium accipitur in regularis, & mensuratis, secundum quod regula, vel mensura attingitur; secundum autem quod exceditur regula, est superfluum; secundum autem defectum a regula est diminutum. In ipsa autem regula, vel mensura non est accipere medium, & extrema. Virtus autem moralis est circa ea quae regulantur ratione, sicut circa obiectum proprium: & ideo per se convenit ei esse in medio ex parte proprii obiecti. Sed virtus theologica est circa ipsam regulam primam non regulatam alia regula, sicut circa proprium obiectum; & ideo per se, & secundum proprium obiectum non convenit virtuti theologicae esse in medio; sed potest sibi competere per accidens ratione eius quod ordinatur ad principale obiectum: sicut fides non potest habere medium, & extrema in hoc quod innitatur primae veritati, cui nullus potest nimis iniuri; sed ex parte eorum quae credit, potest habere medium, & extrema; sicut unum verum est medium inter duo falsa: & similiter spes non habet medium, & extrema ex parte principalis obiecti, quia divino auxilio nullus potest nimis iniuri; sed quantum ad ea quae confidit aliquis se adepturum, potest ibi esse medium, & extrema, in quantum vel praesumit ea quae sunt supra suam proportionem, vel desperat de his quae sunt sibi proportionata.

Ad tertium dicendum, quod expectatio quae ponitur in definitione spei, non importat dilationem, sicut expectatio quae pertinet ad longanimitatem; sed importat respectum ad auxilium divinum; sive id quod speratur, differatur, sive non differatur.

Ad quartum dicendum, quod magnanimitas tendit in arduum, (a) sperans aliquid quod est suae potestatis: unde proprie respicit operationem aliquorum magnorum. Sed spes, secundum quod est virtus theologica, respicit arduum alterius auxilium assequendum, ut dictum est (art. 1. huius quæstionis.)

## ARTICULUS VI. 87

*Utrum spes sit virtus distincta ab aliis virtutibus theologis.*

III. dist. xxvi. quæst. 11. art. 3. quæst. 1. & vir. quæst. 11. art. 3. cor. & quæst. 14. art. 3. ad 9.

**A**D sextum sic proceditur. Videtur quod spes non sit virtus distincta ab aliis virtutibus theologis. Habitus enim distinguuntur secundum obiecta, ut supra dictum est (1. 2. quæst. 14. art. 2.) Sed idem est obiectum spei, & aliarum virtutum theologiarum. Ergo spes non distinguitur ab aliis virtutibus theologis.

2. Præterea. In Symbolo fidei, in quo fidem pronтемur, dicitur: *Expecto resurrectionem mortuorum, & vitam venturi sæculi*. Sed expectatio futuræ beatitudinis pertinet ad spem, ut supra dictum est (art. præc. & 2. huius quæstionis.) Ergo spes a hęc non distinguitur.

3. Præterea. Per spem homo tendit in Deum. Sed hoc proprie pertinet ad caritatem. Ergo spes a caritate non distinguitur.

Sed contra. Ubi non est distinctio, ibi non est numerus. Sed spes connumeratur aliis virtutibus theologis: dicit enim Gregorius in I. Moral. (cap. xvi.) esse tres virtutes, spem, fidem, & caritatem. Ergo spes est virtus distincta ab aliis virtutibus theologis.

Respondeo dicendum, quod virtus aliqua dicitur esse theologica ex hoc quod habet Deum pro obiecto, cui inhaeret. Potest autem aliquis alicui inhaerere dupliciter: uno modo propter seipsum; alio modo in quantum ex eo in aliud devenitur. Caritas ergo facit hominem Deo inhaerere propter seipsum, mentem hominis uniens Deo per affectum amoris.

Spes autem, & fides faciunt hominem inhaerere Deo sicut cuidam principio, ex quo aliqua nobis proveniunt. De Deo autem provenit nobis & cognitio veritatis, & adeptio perfectæ bonitatis. Fides ergo facit hominem Deo inhaerere, in quantum est nobis principium cognoscendi veritatem: credimus enim, ea vera esse quae nobis a Deo dicuntur. Spes autem facit Deo inhaerere, prout est in nobis.

(a) Ita off. & alii possunt. Theologi operans legendum putant. Nicolaus sperans habet, sed utrumque superfluum existimat, sic in margine copians tendit in arduum aliquid.

bis principium perfectæ bonitatis, inquantum scilicet per spem divino auxilio in-  
nitimur ad beatitudinem obtinendam.

Ad primum ergo dicendum, quod Deus secundum aliam & aliam rationem est obiectum harum virtutum, ut dictum est (in corp.). Ad distinctionem autem habitum sufficit diversa ratio obiecti, ut supra habitum est (1. 2. quæst. lrv. art. 2.).

Ad secundum dicendum, quod expectatio ponitur in Symbolo fidei, non quia sit actus proprius fidei, sed inquantum actus spei præsupponit fidem, ut infra dicitur (art. seq.). Et sic actus fidei manifestatur per actus spei.

Ad tertium dicendum, quod spes facit tendere in Deum sicut in quoddam bonum finale adipiscendum, & sicut in quoddam adiutorium efficax ad subveniendum; sed caritas proprie facit tendere in Deum, uniendo affectum hominis Deo, ut scilicet homo non sibi vivat, sed Deo.

## ARTICULUS VII. 88

*Utrum spes præcedat fidem.*

1. 2. quæst. lxi. art. 4. cor. & III. dist. xxviii. quæst. 11. art. 5. & virt. quæst. 11. art. 3. ad 15.

**A**D septimum sic proceditur. Videtur quod spes præcedat fidem. Quia super illud Psalm. xxxvi. *Spes in Domino, & fac bonitatem*, dicit Glossa (interl. Cassiod.) „Spes est introitus fidei, inagium salutis.“ Sed salus est per fidem, per quam iustificamur. Ergo spes præcedit fidem.

2. Præterea. Illud quod ponitur in definitione alicuius, debet esse prius, & magis notum. Sed spes ponitur in definitione fidei, ut patet Heb. xi. 1. *Fides est substantia sperandarum rerum*. Ergo spes est prior fide.

3. Præterea. Spes præcedit actum meritorium: dicit enim Apostolus I. ad Cor. ix. 10. *quod qui arat, debet arare in spe fructus percipiendi*. Sed actus fidei est meritorius. Ergo spes præcedit fidem.

Sed contra est quod Matth. 1. 2. dicitur: *Abraham genuit Isaac*, idest fides spem, sicut dicit Glossa (interlin.).

Respondendo dicendum, quod fides absolute præcedit spem.

Obiectum enim spei est bonum futurum arduum possibile haberi. Ad hoc

ergo quod aliquis speret, requiritur quod obiectum spei proponatur ei ut possibile. Obiectum autem spei est uno modo beatitudo æterna, & alio modo divinum auxilium, ut ex dictis patet (art. præc. ad 3. & art. 2. hu. quæst.). Et utrumque eorum proponitur nobis per fidem, per quam nobis innotescit quod ad vitam æternam possumus pervenire, & quod ad hoc paratum est nobis divinum auxilium, secundum illud Heb. xi. 6. *Accedentem ad Deum oportet credere quia est, & quia inquirentibus se remunerator est*. Unde manifestum est quod fides præcedit spem.

Ad primum ergo dicendum, quod, sicut Glossa ibidem subdit, spes dicitur *introitus fidei*, idest rei creditæ, quia per spem intratur ad videndum id quod creditur.

Vel potest dici, quod est *introitus fidei*, quia per eam homo intrat ad hoc quod stabilizatur, & periciatur in fide.

Ad secundum dicendum, quod in definitione fidei ponitur res speranda, quia proprium obiectum fidei non est apparens secundum seipsum. Unde fuit necessarium ut quadam circumlocutione designaretur per id quod consequitur ad fidem.

Ad tertium dicendum, quod non omnis actus meritorius habet spem præcedentem; sed sufficit, si habeat concomitantem, vel consequentem.

## ARTICULUS VIII. 89

*Utrum caritas sit prior spe.*

1. 2. quæst. lxi. art. 4. & III. dist. xxvi. quæst. 11. art. 3. quæst. 2. & virt. quæst. 11. art. 3.

**A**D octavum sic proceditur. Videtur quod caritas sit prior spe. Dicit enim Ambrosius super illud Luc. xvii. *Si habueritis fidem, sicut granum sinapis &c.* „Ex fide est caritas, ex caritate spes.“ Sed fides est prior caritate. Ergo caritas est prior spe.

2. Præterea. Augustinus dicit XIV. de civit. Dei (cap. ix. ante med.) quod *boni motus, atque affectus ex amore, & sancta caritate veniunt*. Sed sperare, secundum quod est actus spei, est quidam bonus animi motus. Ergo derivatur a caritate.

3. Præterea. Magister dicit xxvi. dist. III. Lib. Sentent. quod spes ex meritis pro-

provenit, quæ præcedunt non solum operatam, sed etiam spem, quæ natura præcedit caritatem. Ergo caritas est prior spe.

Sed contra est quod Apostolus dicit I. Timoth. 1. 5. *Finit præcepti caritas et de corde puro, et conscientia bona gloria* (interl.), idest spe. "Ergo spe est prior caritate.

Respondendo dicendum, quod duplex est ordo. Unus quidem secundum viam generationis, & naturæ, secundum quem imperfectum prius est perfectio. Alius autem ordo est perfectionis, & formæ, secundum quem perfectum naturaliter prius est imperfecto. Secundum ergo primum ordinem spes est prior caritate. Quod sic patet: quia spes, & omnis appetitivus motus ex amore derivatur, ut supra habitum est (1. 2. quest. IV. art. 1. & 2.) cum de passionibus ageretur.

Amor autem quidam est perfectus, quidam imperfectus. Perfectus quidem amor est quo aliquis secundum se amatur; ut puta cum aliquis secundum se vult alicui bonum, sicut homo amat amicum. Imperfectus amor est quo quis amat aliquem, non secundum ipsum, sed ut illud bonum sibi ipsi proveniat, sicut homo amat rem quam concupiscit. Primus autem amor pertinet ad caritatem, quæ inhæret Deo secundum seipsum; sed spes pertinet ad secundum amorem: quia ille qui sperat, aliquid sibi obtinere intendit.

Et ideo in via generationis spes est prior caritate. Sicut enim aliquis introducit ad amandum Deum per hoc quod timens ab ipso puniri cessat a peccato, ut Augustinus dicit super primam Canonicam Ioan. (tract. IX. ante med.) ita etiam spes introducit ad caritatem, inquantum aliquis sperans remunerari a Deo accenditur ad amandum Deum, & servandum præcepta eius. Sed secundum ordinem perfectionis caritas prior est naturaliter: & ideo, adveniente caritate, spes perfectior redditur, quia de amicis maxime speramus. Et hoc modo dicit Ambrosius (loc. cit. in arg. 1.) quod *spes est ex caritate*.

Unde patet responsio ad primum.

Ad secundum dicendum, quod spes, & omnis motus appetitivus ex amore provenit aliquo, quo scilicet aliquis amat bonum expectatum. Sed non omnis spes provenit a caritate, sed solum motus spei formatæ, quæ scilicet aliquis sperat bonum a Deo ut amico.

Ad tertium dicendum, quod Magister loquitur de spe formata, quam naturaliter præcedit caritas, & merita ex caritate causata.

## QUAESTIO XVIII.

*De subiecto spei,*

*in quatuor articulos divisa.*

Deinde considerandum est de subiecto spei: & circa hoc quaruntur quatuor.

Primo, utrum virtus spei sit in voluntate sicut in subiecto.

Secundo, utrum sit in beatis.

Tertio, utrum sit in damnatis.

Quarto, utrum in viatoribus habeat certitudinem.

### ARTICULUS I. 99

*Utrum spes sit in voluntate sicut in subiecto.*

1. 2. quest. XI. art. 2. & III. dist. XXV. quest. 1. art. 5. & verit. quest. IV. art. 2.

Ad primum sic proceditur. Videtur quod spes non sit in voluntate sicut in subiecto. Spei enim obiectum est bonum arduum, ut supra dictum est (quest. præc. art. 1. & 1. 2. quest. XI. art. 1.) Arduum autem non est obiectum voluntatis, sed irascibilis. Ergo spes non est in voluntate, sed in irascibili.

2. Præterea. Et ad quod ipsum sufficit, superflue apponitur aliud. Sed ad percipiendum potentiam voluntatis sufficit caritas, quæ est perfectissima virtutum. Ergo spes non est in voluntate.

3. Præterea. Una potentia non potest simul esse in duobus actibus, sicut intellectus non potest simul multa intelligere. Sed actus spei simul potest esse cum actu caritatis. Ergo cum actus caritatis manifeste pertineat ad voluntatem, actus spei non pertinet ad ipsam. Sic ergo spes non est in voluntate.

Sed contra. Anima non est capax Dei nisi secundum mentem, in qua est memoria, intelligentia, & voluntas, ut patet per Augustinum in Lib. XIV. de Trin. (cap. III. & VI.) Sed spes est virtus theologica habens Deum pro obiecto. Cum ergo non sit neque in memoria, neque in intelligentia, quæ pertinet

nent ad vim cognoscitivam, relinquitur quod sit in voluntate sicut in subiecto.

Respondeo dicendum, quod, sicut ex praedictis patet (quaest. iv. art. 1. & I. Part. quaest. lxxxvii. art. 2.) habitus per actus cognoscuntur. Actus autem spei est quidam motus appetitivae partis, cum sit eius obiectum bonum. Cum autem sit duplex appetitus in homine, scilicet appetitus sensitivus, qui dividitur per irascibilem, & concupiscibilem, & appetitus intellectivus, qui dicitur voluntas, ut in I. habitum est (quaest. lxxxii. art. 5.) illi motus qui sunt in appetitu inferiori, sunt cum passione; in superiori autem sine passione; ut ex supra dictis patet (I. Part. quaest. lxxxii. art. 5. ad 1. & 2. quaest. lxxxii. art. 3. ad 3.).

Actus autem virtutis spei non potest pertinere ad appetitum sensitivum: quia bonum, quod est obiectum principale huius virtutis, non est aliquod bonum sensibile, sed bonum divinum. Et ideo spes est in appetitu superiori, qui dicitur voluntas, sicut in subiecto; non autem in appetitu inferiori, ad quem pertinet irascibile.

Ad primum ergo dicendum, quod irascibilis obiectum est arduum sensibile. Obiectum autem virtutis spei est arduum intelligibile, vel potius supra intellectum existens.

Ad secundum dicendum, quod caritas sufficienter perficit voluntatem quantum ad unum actum, qui est diligere; requiritur autem alia virtus ad perficiendum ipsam secundum alium actum eius, qui est sperare.

Ad tertium dicendum, quod motus spei, & motus caritatis habent ordinem ad invicem, ut ex supra dictis patet (quaest. xvii. art. 8.) Unde nihil prohibet utrumque motum simul esse unius potentiae; sicut & intellectus potest simul multa intelligere ad invicem ordinata, ut in I. habitum est (quaest. lxxxv. art. 4.)

## ARTICULUS II.

*Utrum spes sit in beatis.*

1. 2. quaest. lxxxv. art. 4. & 5. & III. dist. xxvi. quaest. ii. art. 5. quaest. 2. & dist. xxxi. quaest. ii. art. 1. quaest. 2. & 3. & ver. quaest. vii. art. 4.

**A**D secundum sic proceditur. Videtur quod spes sit in beatis. Chri-

stus enim a principio suae conceptionis fuit perfectus comprehensor. Sed ipse habuit spem; cum ex eius persona dicitur in Psal. xxx. 2. *In te Domine speravi*, ut Glossa (interlin.) exponit. Ergo in beatis potest esse spes.

2. Praeterea. Sicut adeptio beatitudinis est quoddam bonum arduum, ita etiam eius continuatio. Sed homines, antequam beatitudinem adipiscantur, habent spem de beatitudinis adeptione. Ergo postquam sunt beatitudinem adepti, possunt sperare beatitudinis continuationem.

3. Praeterea. Per virtutem spei potest aliquis beatitudinem sperare non solum sibi, sed etiam aliis, ut supra dictum est (quaest. xvii. art. 3.) Sed beati, qui sunt in patria, sperant beatitudinem aliis; alioquin non rogarent pro eis. Ergo in beatis potest esse spes.

4. Praeterea. Ad beatitudinem Sanctorum pertinet non solum gloria animae, sed etiam gloria corporis. Sed animae Sanctorum, qui sunt in patria, expectant adhuc gloriam corporis, ut patet Apoc. vi. & XII. super Gen. ad lit. (cap. xxxv.) Ergo spes potest esse in beatis.

Sed contra est quod Apostolus dicit ad Rom. viii. 24. *Quod videt quis, quid sperat?* Sed beati fruuntur Dei visione. Ergo in eis spes locum non habet.

Respondeo dicendum, quod substracto eo quod datur speciem rei, resolvitur species, & res non potest eadem remanere; sicut remota forma corporis naturalis, non remanet idem secundum speciem. Spes autem recipit speciem a suo obiecto principali, sicut & ceterae virtutes, ut ex supradictis patet (quaest. praec. art. 5. & 6. & 1. 2. quaest. lii. art. 2.) Obiectum autem principium eius est beatitudo aeterna, secundum quod est possibilis haberi ex auxilio divino, ut supra dictum est (art. 1. & 2. quaest. praec.)

Quia ergo bonum arduum possibile non cadit sub ratione spei, nisi secundum quod est futurum; ideo cum beatitudo iam non sit futura, sed praesens, non potest ibi esse virtus spei. Et ideo spes, sicut & fides, evacuat in patria, & neutrum eorum in beatis esse potest.

Ad primum ergo dicendum, quod Christus, etsi esset comprehensor, & per consequens beatus quantum ad divinam fruitionem, erat tamen simul viator quantum ad passibilitatem naturae, quam adhuc gerebat; & ideo gloriam impassibili-

bilitatis, & immortalitatis sperare potuit, non tamen ita quod haberet virtutem spei, quæ non recipit gloriam corporis sicut principale obiectum, sed potius fruitionem divinam.

Ad secundum dicendum, quod beatitudo Sanctorum dicitur vita æterna, quia per hoc quod Deo fruuntur, efficiuntur quodammodo participes æternitatis divinæ, quæ excedit omne tempus: & ita continuatio beatitudinis non diversificatur per præsens, præteritum, & futurum. Et ideo beati non habent spem de continuatione beatitudinis, sed habent ipsam rem: quia non est ibi ratio futuri.

Ad tertium dicendum, quod durante virtute spei, eadem spei aliquis sperat beatitudinem sibi, & aliis. Sed evacuata spe in beatis, secundum quam sperant sibi beatitudinem, sperant quidem aliis beatitudinem, sed non virtute spei, sed magis ex amore caritatis: sicut etiam qui habet caritatem Dei, eadem caritate diligit proximum; & tamen aliquis potest diligere proximum non habens virtutem caritatis, sed alio quodam amore.

Ad quartum dicendum, quod cum spes sit virtus theologia habens Deum pro obiecto, principale obiectum spei est gloria animæ, quæ in fruitione divina consistit, non autem gloria corporis. Gloria etiam corporis, etsi habeat rationem ardui per comparisonem ad naturam humanam, non tamen habet rationem ardui respectu habentis gloriam animæ: tum quia gloria corporis est minimum quiddam in comparatione ad gloriam animæ: tum etiam quia habens gloriam animæ habet iam sufficienter causam gloriæ corporis.

### ARTICULUS III. 93

*Utrum spes sit in damnatis.*

III. dist. XXVI. quæst. 11. ars. 5. quæst.

3. & 4.

**A**D tertium sic proceditur. Videtur quod in damnatis sit spes. Diabolus enim est damnatus, & princeps damnatorum, secundum illud Matth. xxv. 41. (a) *Ite maledicti in ignem æternum, qui parati estis diabolo, & angelis eius.* Sed diabolus habet spem, secundum il-

lud Iob xl. 28. *Ecce spes eius frustrabitur eum.* Ergo videtur quod damnati habeant spem.

3. Præterea. Sicut fides est formata, & informis, ita & spes. Sed fides informis potest esse in dæmonibus, & damnatis, secundum illud Iacobi 11. 19. *Dæmones credunt, & contremiscunt.* Ergo videtur quod etiam spes informis potest esse in damnatis.

3. Præterea. Nulli hominum post mortem accrescit meritum, vel demeritum, quod in vita non habuit, secundum illud Eccl. xi. 3. *Si cecideris lignum ad Austrum, aut ad Aquilonem, in quocunque loco cecideris, ibi eris.* Sed multi qui damnantur, habuerunt in hac vita spem, nunquam desperantes. Ergo etiam in futura vita spem habebunt.

Sed contra est quod spes causat gaudium, secundum illud Rom. xii. 12. *Spe gaudentes.* Sed damnati non sunt in gaudio, sed in dolore, & luctu, secundum illud Itat. lxxv. 14. *Servi mei laudabunt præ exultatione cordis; & vos clamabitis præ dolore cordis, & præ contritione spiritus ululabitis.* Ergo spes non est in damnatis.

Respondeo dicendum, quod sicut de ratione beatitudinis est ut in ea quietetur voluntas; ita de ratione poenæ est ut id quod pro poena infligitur, voluntati repugnet. Non autem potest voluntatem quietare, vel ei repugnare quod ignoratur. Et ideo Augustinus dicit XI. super Gen. ad lit. (cap. xvii. & xix. in princ.) quod Angeli perfecte beati esse non poterant in primo statu ante confirmationem, vel lapsum, cum non essent præcisi sui eventus. Requiritur enim ad perfectam & veram beatitudinem ut aliquis certus sit de finis beatitudinis perpetuitate; alioquin voluntas non quietaretur.

Similiter etiam cum perpetuitas damnationis pertineat ad poenam damnatorum, non vere haberet rationem poenæ, nisi voluntati repugnaret: quod esse non posset, si perpetuitatem suæ damnationis ignorarent. Et ideo ad conditionem miseræ damnatorum pertinet ut ipsi sciant quod nullo modo possunt damnationem evadere, & ad beatitudinem pervenire. Unde dicitur Iob xv. 22. *Non credis quod reverti possis de tenebris ad lucem.*

Unde patet quod non possunt apprehendere beatitudinem ut bonum possibile,

(a) Fulgore Discedite.



le, sicut nec beati ut bonum futurum. Et ideo neque in beatis, neque in damnatis est spes. Sed in viatoribus, sive sint in vita ista, sive in purgatorio, potest esse spes: quia utrobique apprehendunt beatitudinem ut futurum possibile.

Ad primum ergo dicendum, quod, sicut Gregorius dicit XXXIII. Moral. (cap. XIX. circ. princ.) hoc dicitur de diabolo secundum membra eius, quorum spes annullabitur.

Vel si intelligatur de ipso diabolo, potest referri ad spem qua sperat de Sanctis victoriam obtinere, secundum illud quod supra praemisera: *Haber fiduciam quod Iordanis infuat in os eius*. Hæc autem non est spes de qua loquimur.

Ad secundum dicendum, quod, sicut Augustinus dicit in Enchirid. (cap. VIII.) *fides est malorum rerum, & bonarum, & præteritarum, & præsentium, & futurarum, & suarum, & alienarum; sed spes non est nisi rerum bonarum futurarum ad se pertinentium*. Et ideo magis potest esse fides informis in damnatis quam spes: quia bona divina non sunt eis futura possibilia, sed sunt eis absentia.

Ad tertium dicendum, quod defectus spei in damnatis non variat demeritum, sicut nec evacuatio spei in beatis auget meritum; sed utrumque contingit propter mutationem status.

#### ARTICULUS IV. 93

*Utrum spes viatorum habeat certitudinem.*

*Veris. quæst. IV. art. 2. ad 4.*

**A**D quartum sic proceditur. Videtur quod spes viatorum non habeat certitudinem. Spes enim est in voluntate sicut in subiecto. Sed certitudo non pertinet ad voluntatem, sed ad intellectum. Ergo spes non habet certitudinem.

2. Præterea. Spes ex gratia, & meritis provenit, ut supra dictum est (quæst. XVII. art. 4. arg. 2.) Sed in hac vita scire per certitudinem non possumus quod gratiam habeamus, ut supra dictum est (1. 2. quæst. CXXI. art. 5.) Ergo spes viatorum non habet certitudinem.

3. Præterea. Certitudo esse non potest de eo quod potest deficere. Sed multi viatores habentes spem deficiunt a consecutione beatitudinis. Ergo spes viatorum non habet certitudinem.

Sed contra est quod spes est certa expectatio future beatitudinis, sicut Magister dicit XXVI. dist. III. Sententiarum: quod potest accipi ex hoc quod dicitur II. ad Tim. I. 12. *Scio cui credidi, & certus sum quia potens est depositum meum servare*.

Respondetur dicendum, quod certitudo invenitur in aliquo dupliciter, scilicet essentialiter, & participative. Essentialiter quidem invenitur in vi cognolcitiva; participative autem in omni eo quod a vi cognolcitiva movetur infallibiliter ad finem suum. Secundum quem modum dicitur, quod natura certitudinaliter operatur, tamquam mota ab intellectu divino certitudinaliter movente unumquodque ad suum finem. Et per hunc etiam modum virtutes morales certius arte dicuntur operari, inquantum per modum naturæ moventur a ratione ad suos actus: & sic etiam spes certitudinaliter tendit in suum finem, quali participans certitudinem a fide, quæ est in vi cognolcitiva.

Unde patet responsio ad primum.

Ad secundum dicendum, quod spes non innititur principaliter gratiæ iam habitæ, sed divini omnipotentis, & misericordis, per quam etiam qui gratiam non habet, eam consequi potest, ut sic ad vitam æternam perveniat. De omnipotentia autem Dei, & misericordia eius certus est quicumque fidem habet.

Ad tertium dicendum, quod hoc quod aliqui habentes spem, deficiant a consecutione beatitudinis, contingit ex defectu liberi arbitrii ponentis obstaculum peccati, non autem ex defectu divinæ potentis, vel misericordis, cui spes innititur. Unde hoc non præiudicat certitudini spei.

#### QUAESTIO XIX.

*De dono timoris,*

*in duodecim articulis divisa.*

**D**Einde considerandum est de dono timoris: & circa hoc quaeruntur duodecim.

Primo, utrum Deus debeat timeri.

Secundo de divisione timoris in timorem filialem, initialem, servilem, & mundanum.

Tertio, utrum timor mundanus semper sit malus.

Quarto, utrum timor servilis sit bonus.

Quin-

Quinto, utrum sit idem in substantia cum filiali.

Sexto, utrum, adveniente caritate, excludatur timor servilis.

Septimo, utrum timor sit initium sapientiae.

Octavo, utrum timor initialis sit idem in substantia cum timore filiali.

Nono, utrum timor sit donum Spiritus sancti.

Decimo, utrum crescat crescente caritate.

Undecimo, utrum maneat in patria.

Duodecimo, quid respondeat ei in beatitudinibus, & fructibus.

## ARTICULUS I. 94

*Utrum Deus possit timeri.*

III. P. quæst. xlii. art. 1. cor. & III. diff. xxxiv. quæst. 11. art. 2.

quæst. 1. ad 2.

**A**D primum sic proceditur. Videtur quod Deus timeri non possit. Obiectum enim timoris est malum futurum, ut supra habitum est (1. 2. quæst. xlii. art. 2. & 3.) Sed Deus est expers omnis mali, cum sit ipsa bonitas. Ergo Deus timeri non potest.

2. Præterea. Timor spei opponitur. Sed spem habemus de Deo. Ergo non possumus simul eum timere.

3. Præterea. Sicut Philosophus dicit in II. Rhetor. (cap. v. circ. princ.) *illa timeamus de quibus nobis mala proveniunt*. Sed mala non proveniunt nobis a Deo, sed ex nobis ipsis, secundum illud Osee xlii. 9. *Perditio tua ex te, Israel, (a) ex me auxilium tuum*. Ergo Deus timeri non debet.

Sed contra est quod dicitur Hierem. x. 7. *Quis non timebit te, Rex gentium?* & Malach. 1. 6. *Si ego Dominus, ubi est timor meus?*

Respondendo dicendum, quod sicut spes habet duplex obiectum: quorum unum est ipsum bonum futurum, cuius ademptionem quis expectat; aliud autem est auxilium alicuius, per quem expectat se adipisci quod sperat: ita etiam & timor duplex obiectum habere potest: quorum unum est ipsum malum, quod homo refugit; aliud autem est illud a quo malum provenire potest. Primo ergo modo

Deus, qui est ipsa bonitas, obiectum timoris esse non potest; sed secundo modo potest esse obiectum timoris, inquantum scilicet ab ipso, vel per comparisonem ad ipsum, nobis potest aliquod malum imminere.

Ab ipso quidem potest nobis imminere malum poenæ, quod non est simpliciter malum, sed secundum quid, bonum autem simpliciter. Cum enim bonum dicatur in ordine ad finem, malum autem importet huius ordinis privationem; illud est malum simpliciter quod excludit ordinem a fine ultimo, quod est malum culpæ. Malum autem poenæ est quidem malum, inquantum privat aliquod particulare bonum; est tamen bonum simpliciter, inquantum dependet ab ordine finis ultimi. Per comparisonem autem ad Deum potest nobis malum (b) culpæ provenire, si ab eo separamur. Et per hunc modum Deus potest, & debet timeri.

Ad primum ergo dicendum, quod ratio illa procedit, secundum quod malum quod homo refugit, est timoris obiectum.

Ad secundum dicendum, quod in Deo est considerare & iustitiam, secundum quam peccantes puniuntur, & misericordiam, secundum quam nos liberat. Secundum ergo considerationem ipsius iustitiæ insurgit in nobis timor; secundum autem considerationem ipsius misericordiæ insurgit in nobis spes. Et ita secundum diversas rationes Deus est obiectum spei, & timoris.

Ad tertium dicendum, quod malum culpæ non est a Deo sicut ab auctore, sed est a nobis ipsis inquantum a Deo recedimus; malum autem poenæ est quidem a Deo auctore, inquantum habet rationem boni, prout scilicet est iustum, secundum quod iuste nobis poena infligitur; licet hoc primordialiter ex merito nostri peccati contingat: secundum quem modum dicitur Sap. 2. 33. *quod Deus mortem non fecit... sed impij manibus, & verbis accerterunt illam*.

(a) *Polgara* tantummodo in me auxilium tuum.

(b) *ita coad. Tartar. Camer. Alcan. aliique cum edis. passim. Al. poenæ.*

ARTICULUS II. 95

*Utrum timor convenienter dividatur in filialem, initialem, servilem, & mundanum.*

III. dist. xxxiv. quæst. 11. & ver. quæst. 11. art. 10. ad 13. & Rom. viii. lect. 3.

**A**D secundum sic proceditur. Videtur quod inconvenienter dividatur timor in filialem, initialem, servilem, & mundanum. Damascenus enim in II. Libro (orth. Fid. cap. xv.) ponit sex species timoris, scilicet *seguitem, erubescen- tiam, & alia* de quibus supra dictum est (1. 2. quæst. xli. art. 4.) quæ in hac divisione non tanguntur. Ergo videtur quod hæc divisio timoris sit inconueniens.

2. Præterea. Quilibet horum timorum vel est bonus, vel malus. Sed aliquis est timor, scilicet naturalis, qui neque bonus est moraliter, cum sit in demonibus, secundum illud Iacobi 11. 19. *Demones credunt, & contrimiscunt*; neque etiam malus, cum sit in Christo, secundum illud Marc. xiv. 33. *Cepit Iesus flere, & ledere*. Ergo timor insufficienter dividitur secundum prædicta.

3. Præterea. Alia est habitudo filii ad patrem, & uxoris ad virum, & servi ad dominum. Sed timor filialis, qui est filii in comparatione ad patrem, distinguitur a timore servili, qui est servi per comparationem ad dominum. Ergo etiam timor castus, qui videtur esse uxoris per comparationem ad virum, debet distingui ab omnibus istis timoribus.

4. Præterea. Sicut timor servilis timet poenam, ita timor initialis, & mundanus. Non ergo debuerunt ab invicem distingui isti timores.

5. Præterea. Sicut concupiscentia est boni, ita etiam timor est mali. Sed alia est *concupiscentia oculorum*, qua quis concupiscit bona mundi; alia est *concupiscentia carnis*, qua quis concupiscit delectationem propriam. Ergo etiam alius est timor mundanus, quo quis timet amittere bona exteriora, & alius est timor humanus, quo quis timet propriæ personæ detrimentum.

Sed contra est auctoritas Magistri xxxiv. dist. III. Lib. Sentent.

Respondendo dicendum, quod de timore nunc agimus, secundum quod per ipsum aliquo modo ad Deum convertitur, vel ab eo avertitur. Cum enim ob-

S. Tb. Oper. Tom. XXII.

scum timoris sit malum, quandoque homo propter mala quæ timet, a Deo recedit; & iste dicitur timor humanus, vel mundanus: quandoque autem homo propter mala quæ timet, ad Deum convertitur, & ei inhæret: quod quidem malum est duplex, scilicet malum poenæ, & malum culpæ.

Si ergo aliquis convertatur ad Deum, & ei inhæreat propter timorem poenæ, erit *timor servilis*; si autem propter timorem culpæ, erit *timor filialis*: nam filiorum est timere offensam patris.

Si autem propter utrumque, est timor initialis, qui est medius inter utrumque timorem. Utrum autem malum culpæ possit timeri, supra dictum est (1. 2. quæst. xlii. art. 3.) cum de passione timoris ageretur.

Ad primum ergo dicendum, quod Damascenus dividit timorem, secundum quod est passio animæ. Hæc autem divisio timoris attenditur in ordine ad Deum, ut dictum est (in corp.)

Ad secundum dicendum, quod bonum morale præcipue consistit in conversione ad Deum, malum autem morale in aversione a Deo: & ideo omnes prædicti timores vel important malum morale, vel bonum. Sed timor naturalis præsupponitur bono, & malo morali: & ideo non connumeratur inter istos timores.

Ad tertium dicendum, quod habitudo servi ad dominum est per potestatem domini servi sibi subicientis; sed habitudo filii ad patrem, vel uxoris ad virum est e converso per affectum filii se subidentis patri, vel uxoris se coniungentis viro unioni amoris. Unde timor filialis, & castus ad idem pertinent: quia per caritatis amorem Deus pater noster efficitur, secundum illud Rom. viii. 15. *Accipitis spiritum adoptionis filiorum, in quo clamamus Abba, Pater*: & secundum eandem caritatem dicitur etiam sponsum noster, secundum illud II. ad Cor. xi. 2. *Respondi vos uni viro virginem vestram exhibere Christo*. Timor autem servilis ad aliud pertinet, quia caritatem in sui ratione non includit.

Ad quartum dicendum, quod prædicti tres timores respiciunt poenam, sed diversimode. Nam timor mundanus, sive humanus respicit poenam a Deo aversionem, quam quandoque inimici Dei infligunt, vel comminantur. Sed timor servilis, & initialis respiciunt poenam, per quam homines attrahuntur ad Deum divinitus infligam, vel comminamur: quam

G qui-

quidem pœnam principaliter timor servilis respicit, timor autem initialis secundario.

Ad quintum dicendum, quod eadem ratione homo a Deo avertitur propter timorem amittendi bona mundana, & propter timorem amittendi incolumitatem proprii corporis: quia bona exteriora ad corpus pertinent. Et ideo uterque timor hic pro eodem computatur, quamvis mala quæ timeantur, sint diversa, sicut & bona quæ concupiscuntur. Ex qua quidem diversitate provenit diversitas peccatorum secundum speciem, quibus tamen omnibus commune est a Deo abducere.

### ARTICULUS III. 96

*Utrum timor mundanus sit semper malus.*

*III. dist. xxxiv. quæst. 11. art. 1. quæst. 3. co. & Rom. viii. lect. 3.*

**A**D tertium sic proceditur. Videtur quod timor mundanus non semper sit malus. Ad timorem enim humanum pertinere videtur quod homines reverentur. Sed quidam vituperantur de hoc quod homines non reverentur, ut patet Luc. xviii. de illo iudice iniquo, qui nec Deum timebat, nec homines reverebatur. Ergo videtur quod timor mundanus non semper sit malus.

2. Præterea. Ad timorem mundanum videntur pertinere pœnæ quæ per potestates sæculares infliguntur. Sed per huiusmodi pœnas provocamur ad bene agendum, secundum illud Rom. xiii. 3. *Vis non timeere potestatem? Bonum fac, & habebis laudem ex illa.* Ergo timor mundanus non semper est malus.

3. Præterea. Illud quod inest nobis naturaliter, non videtur esse malum, eo quod naturalia sunt nobis a Deo. Sed naturale est homini ut timeat proprii corporis detrimentum, & amissionem bonorum temporalium, quibus præfrens vita sustentatur. Ergo videtur quod timor mundanus non sit semper malus.

Sed contra est quod Dominus dicit Matth. x. 28. *Nolite timere eos qui corpus occidunt: ubi timor mundanus prohibetur. Nihil autem divinitus prohibetur nisi malum.* Ergo timor mundanus est malus.

Respondetur dicendum, quod, sicut ex supra dictis patet (1. 2. quæst. 1. art. 3. quæst. xviii art. 1. & quæst. lii. art. 2.),

actus morales, & habitus ex obiectis nominem, & speciem habent. Proprium autem obiectum appetitivi motus est bonum finale. Et ideo a proprio fine omnis motus appetitivus & specificatur, & nominatur. Si quis enim cupiditatem nominaret amorem laboris, quia propter cupiditatem homines laborant, non recte nominaret: non enim cupidi laborem querunt sicut finem, sed sicut id quod est ad finem; sicut finem autem querunt divitias: unde cupiditas recte nominatur delirium, vel amor divitiarum, quod est malum.

Et per hunc modum amor mundanus proprie dicitur quo aliquis mundo innititur tamquam fini; & sic amor mundanus semper est malus. Timor autem ex amore nascitur: illud enim timet homo amittere quod amat, ut patet per Augustinum in Lib. lxxxiii. Q. (quæst. xxxiii. in princ.) Et ideo timor mundanus est qui procedit ab amore mundano, tamquam a mala radice: & propter hoc ipse timor mundanus semper est malus.

Ad primum ergo dicendum, quod aliquis potest revereri homines dupliciter. Uno modo inquantum est in eis aliquid divinum, puta bonum gratiæ, vel virtutis, vel saltem naturalis Dei imaginis: & hoc modo vituperantur qui homines non reverentur. Alio modo potest aliquis homines revereri, inquantum Deo contrariantur; & sic laudantur qui homines non reverentur, secundum illud Eccli. xlviii. 13. de Elia, vel de Elizeo: *In diebus iuis non pertimuit Principem.*

Ad secundum dicendum, quod potestates sæculares, quando inferunt pœnas ad retrahendum a peccato, in hoc sunt Dei ministri, secundum illud Rom. xiii. 4. *Minister enim Dei est, vindex in iram ei qui malum agit.* Et secundum hoc timere potestatem sæcularem non pertinet ad timorem mundanum, sed ad timorem servilem, vel initialem.

Ad tertium dicendum, quod hoc est naturale, quod homo refugiat proprii corporis detrimentum, & damna temporalium rerum; sed quod homo propter ista recedat a iustitia, est contra rationem naturalem. Unde Philosophus dicit in III. Ethic. (cap. 1. ante med.) quod quædam sunt, scilicet peccatorum opera, ad quæ nullo timore aliquis debet cogi: quia peius est huiusmodi peccata committere quam pœnas quascunque pati.

A R-

## ARTICULUS IV. 97

*Utrum timor servilis sit bonus.*

III. dist. xxxiv. quest. 11. art. 2. quest. 1. corp. & quest. 2. & Rom. viii. lect. 3.

**A**D quartum sic proceditur. Videtur quod timor servilis non sit bonus. Quia cuius usus est malus, ipsum quoque malum est. Sed usus timoris servilis est malus: quia, sicut Glossa (ex Lib. Sent. Prosperi cap. clxxii.) dicit Rom. viii. *Qui timore aliquid facit, etsi bonum sit, quod facit, non tamen bene facit.* Ergo timor servilis non est bonus.

2. Præterea. Illud quod ex radice peccati oritur, non est bonum. Sed timor servilis oritur ex radice peccati: quia super illud Iob iii. *Quare non in vulva mortuus sum?* dicit Gregorius (Lib. IV. Moral. cap. xxv. ante med.) „Cum ex peccato præsens poena metuitur, & amissa Dei facies non amatur, timor ex timore est, non ex humilitate.“ Ergo timor servilis est malus.

3. Præterea. Sicut amor caritatis opponitur amor mercenarius, ita timori callo videtur opponi timor servilis. Sed amor mercenarius semper est malus. Ergo & timor servilis.

Sed contra. Nullum malum est a Spiritu sancto. Sed timor servilis est a Spiritu sancto: quia super illud Rom. viii. *Non accepistis spiritum servitutis &c.* dicit Glossa (ord. Augusti. tract. ix. in epist. Ioan. ante med.) „Unus spiritus est qui, facit duos timores,“ scilicet servilem, & castum. Ergo timor servilis non est malus.

Respondendo dicendum, quod timor servilis ex parte servilitatis habet quod sit malus: servitus enim libertati opponitur. Unde cum liber sit *qui sui causa est*, ut dicitur in I. Metaphys. (cap. xi. circ. med.) servus est qui non causa sui operatur, sed quali ab extrinseco motus. Quicumque autem ex amore aliquid facit, quasi ex seipso operatur, quia ex propria inclinatione movetur ad operandum. Et ideo contra rationem servilitatis est quod aliquis ex amore operetur. Sic ergo timor servilis, inquan-

tum servilis est, caritati contrariatur. Si ergo servilitas esset de ratione timoris servilis, oporteret quod timor servilis simpliciter esse malus; sicut adulterium simpliciter est malum, (a) quia id ex quo contrariatur caritati, pertinet ad adulterii speciem.

Sed prædicta servilitas non pertinet ad speciem timoris servilis, sicut nec infirmitas ad speciem tædii infirmis. Species enim moralis habitus, vel actus ex obiecto accipitur. Obiectum autem timoris servilis est poena: cui accidit quod bonum, cui contrariatur poena, ametur tamquam finis ultimus, & per consequens poena timeatur tamquam principale malum; (b) quod contingit in non habente caritatem: vel quod ordinetur in Deum sicut in finem, & per consequens poena non timeatur tamquam principale malum; quod contingit in habente caritatem. Non enim tollitur species habitus per hoc quod eius obiectum, vel finis ordinatur ad ulteriorem finem. Et ideo timor servilis secundum suam substantiam bonus est; sed servilitas eius est mala.

Ad primum ergo dicendum, quod verbum illud Augustini intelligendum est de eo qui facit aliquid timore servili, inquantum est servilis, ut scilicet non amet iustitiam, sed solum poenam timeat.

Ad secundum dicendum, quod timor servilis secundum (c) suam substantiam non oritur ex timore; sed eius servilitas (d) ex timore nascitur, inquantum scilicet homo affectum suum non vult subicere iugo iustitiæ per amorem.

Ad tertium dicendum, quod amor mercenarius dicitur qui Deum diligit propter bona temporalia: quod secundum se caritati contrariatur: & ideo amor mercenarius semper est malus. Sed timor servilis secundum suam substantiam non importat nisi timorem poenæ, sive timeatur ut principale malum, sive non timeatur ut principale malum.

G 2

A R-

(a) Ita cod. Tarrac. & Alcon. & editi recentiores passim. Al. quia id ex quo est, contrariatur caritati, & pertinet &c. (b) Ita editi passim cum cod. Alcon. aliisque. Cod. Tarrac. quod convenit etiam non habenti caritatem. Perperam edit. Rom. quod non contingit &c. (c) Ita emendat Garcia, quem sequuntur editi posteriores. Al. suam substantiam. In cod. est abbreviatio *spira*. (d) Al. ex timore.

## ARTICULUS V. 98

*Utrum timor servilis sit idem in substantia cum timore filiali.*

III. dist. xxxiv. quæst. II. art. 3. quæst. I. & Rom. viii. lect. 3.

**A**D quintum sic proceditur. Videtur quod timor servilis sit idem in substantia cum timore filiali. Ita enim videtur se habere timor filialis ad servilem, sicut fides formata ad informem; quorum unum est cum peccato mortali, aliud vero non. Sed eadem secundum substantiam est fides formata, & informis. Ergo & idem est secundum substantiam timor servilis, & filialis.

2. Præterea. Habitus diversificantur secundum obiecta. Sed idem est obiectum timoris servilis, & filialis, quia utroque timore timetur Deus. Ergo & idem est secundum substantiam timor servilis, & timor filialis.

3. Præterea. Sicut homo sperat frui Deo, & etiam ab eo beneficia obtinere; ita etiam timet separari a Deo, & penas ab eo pati. Sed eadem est spes qua speramus frui Deo, & qua speramus alia beneficia obtinere ab eo, ut dictum est (quæst. xvii. art. 2. ad 2.) Ergo etiam idem est timor filialis, quo timemus separationem a Deo, & timor servilis, quo timemus ab eo puniri.

Sed contra est quod Augustinus super primam Can. Ioan. (tract. ix. circ. med.) dicit, duos esse timores, unum servilem, & alium filialem, vel castum.

Respondeo dicendum, quod proprium obiectum timoris est malum. Et quia actus, & habitus distinguuntur secundum obiecta, ut ex supra dictis patet (1. 2. quæst. lvi. art. 2.) necesse est quod secundum diversitatem malorum etiam timores specie differant.

Differunt autem specie malum pœnæ, quod refugit timor servilis, & malum culpæ, quod refugit timor filialis, ut ex supra dictis patet (art. 2. huius quæst.) Unde manifestum est quod timor servilis, & filialis non sunt idem secundum substantiam, sed differunt specie.

Ad primum ergo dicendum, quod fides formata, & informis non differunt

secundum obiectum, utraque enim fides & credit Deo, & credit Deum; sed differunt solum per aliquod extrinsecum, scilicet secundum præsentiam, & absentiam caritatis: & ideo non differunt secundum substantiam. (a) Sed timor servilis, & filialis differunt secundum obiecta: & ideo non est similis ratio.

Ad secundum dicendum, quod timor servilis, & timor filialis non habent eandem habitudinem ad Deum. Nam timor servilis respicit Deum sicut principium involutivum pœnarum; timor autem filialis respicit Deum, non sicut principium activum culpæ, sed potius sicut terminum, a quo refugit separari per culpam. Et ideo ex hoc obiecto, quod est Deus, non consequitur (b) identitatem speciei: quia etiam motus naturales secundum habitudinem ad aliquem terminum specie diversificantur: non enim idem est motus specie qui est ab albedine, & qui est ad albedinem.

Ad tertium dicendum, quod spes respicit Deum sicut principium, tam respectu fruitionis divinæ, quam respectu cuiuscunque alterius beneficii; non autem est sic de timore: & ideo non est similis ratio.

## ARTICULUS VI. 99

*Utrum timor servilis remaneat cum caritate.*

III. dist. xxxiv. quæst. II. art. 2. quæst. I. cor. & ver. quæst. xiv. art. 7. ad 2.

**A**D sextum sic proceditur. Videtur quod timor servilis non remaneat cum caritate. Dicit enim Augustinus super Can. I. Ioan. (tract. ix. cir. med.) quod cum caritas caritas habitare, pellit timor, qui ei preparavit locum.

2. Præterea. Caritas Dei diffunditur in cordibus nostris per Spiritum sanctum, qui datus est nobis, ut dicitur Rom. v. 3. Sed ubi Spiritus Domini, ibi libertas, ut dicitur II. ad Cor. xiii. 17. Cum ergo libertas excludat servitutem, videtur quod timor servilis expellatur caritate adveniente.

3. Præterea. Timor servilis ex amore sui causatur, inquantum pœna diminuit proprium bonum. Sed amor Dei expellit

(a) Verbis sed timor servilis, & filialis differunt secundum obiecta ex margine cod. Alex. In recentioribus annis editiones manus mutato per id secundum. Omittit edit. Rom. Theologi omnia prætermissa post verbum substantiam. (b) Ita mss. & editi possunt. Theologi identitas: & post verbum habitudinem addunt diversam.

hæ amorum sui: facit enim contemnere seipsum, ut patet per auctoritatem Augustini XIV. de civit. Dei ( cap. ult. in princ. & in Psal. lxxv. aliamq. a princ. ) quod amor Dei usque ad contemptum sui facit civitatem Dei. Ergo videtur quod veniente caritate timor servilis tollatur.

Sed contra est quod timor servilis est donum Spiritus sancti, ut supra dictum est ( art. 4. huius quæst. ) Sed dona Spiritus sancti non tolluntur adveniente caritate, per quam Spiritus sanctus in nobis habitat. Ergo adveniente caritate non tollitur timor servilis.

Respondeo dicendum, quod timor servilis ex amore sui causatur: quia est timor poenæ, (a) quæ est detrimentum proprii boni. Unde hoc modo timor poenæ potest stare cum caritate, sicut & amor sui: eiusmodi enim rationis est quod homo cupiat bonum suum, & quod timeat eo privari.

Amor autem sui tripliciter se potest habere ad caritatem. Uno enim modo contrariatur caritati, secundum quod aliquis in amore proprii boni finem constituit. Alio vero modo in caritate includitur, secundum quod homo se propter Deum, & in Deo diligit. Tertio modo a caritate quidem distinguitur, sed caritati non contrariatur: puta cum aliquis diligit seipsum secundum rationem proprii boni, ita tamen quod in hoc proprio bono non constituat finem: sicut etiam & ad proximum potest esse aliqua alia specialis dilectio præter dilectionem caritatis, quæ fundatur in Deo; dum proximus diligitur ratione commoditatis, consanguinitatis, vel alicuius alterius conditionis humanæ, quæ tamen reprobabilis sit ad caritatem.

Sic ergo & timor poenæ includitur uno modo in caritate: nam separari a Deo est quædam poena, quam caritas maxime refugit: unde hoc pertinet ad timorem castum. Alio autem modo contrariatur caritati, secundum quod aliquis refugit poenam contrariam bono suo naturali, sicut principale malum contrarium bono, quod diligitur ut finis: & sic timor poenæ non est cum caritate. Alio modo timor poenæ distinguitur quidem secundum substantiam a timore casto, quia scilicet homo timet malum poenale non ratione separationis a Deo, sed inquantum est nocivum proprii boni; nec tamen in illo bono constituitur eius finis: unde nec illud malum formidatur

tamquam principale malum: & talis timor poenæ potest esse cum caritate. Sed ille timor poenæ non dicitur esse servilis, nisi quando poena formidatur sicut principale malum, ut ex dictis patet ( art. 2. & 4. huius quæst. ) Et ideo timor, inquantum servilis, non manet cum caritate; sed substantia timoris servilis cum caritate manere potest, sicut amor sui manere potest cum caritate.

Ad primum ergo dicendum, quod Augustinus ibi loquitur de timore, inquantum servilis est.

Et sic procedunt alie duæ rationes.

## ARTICULUS VII. 100

*Utrum timor sit initium sapientie.*

*quæst. xlv. art. 6. ad 3.*

**A**D septimum sic proceditur. Videtur quod timor non sit initium sapientie. Initium enim est aliquid rei. Sed timor non est aliquid sapientie: quia timor est in vi appetitiva, sapientia autem est in vi intellectiva. Ergo videtur quod timor non sit initium sapientie.

2. Præterea. Nihil est principium sui ipsius. Sed timor Dei (b) ipsa est sapientia, ut dicitur Iob xxviii. 28. Ergo videtur quod timor Dei non sit initium sapientie.

3. Præterea. Principio non est aliquid prius. Sed timore est aliquid prius, quia huiusmodi præcedit timorem. Ergo videtur quod timor non sit initium sapientie.

Sed contra est quod dicitur in Psalmo. ex. 10. *Initium sapientie timor Domini.*

Respondeo dicendum, quod initium sapientie potest aliquid dici dupliciter: uno modo quia est initium ipsius sapientie quantum ad eius essentiam; alio modo quantum ad eius effectum: sicut initium artis secundum eius essentiam sunt principia, ex quibus procedit ars; initium autem artis secundum eius effectum est unde incipit ars operari; sicut si dicamus, quod principium artis edificativæ est fundamentum, quia ibi incipit edificator operari.

Cum autem sapientia sit cognitio divinorum, ut infra dicitur ( quæst. xlv. art. 1. ) aliter consideratur a nobis, & aliter a Philosophis. Quia enim vita nostra ad divinam fructum ordinatur, & dirigitur secundum quandam participationem divinæ naturæ, quæ est per

S. Tb. Oper. Tom. XXII.

(a) Ita cod. Terrac. & alian. Al. qui. (a) Al. ipse.

G 3 gra-

gratiam; sapientia secundum nos non solum consideratur ut est cognititiva Dei, sicut apud Philosophos, sed etiam ut est directiva humanæ vitæ, quæ non solum dirigitur secundum rationes humanas, sed etiam secundum rationes divinas, ut patet per Augustinum XII. de Trinit. (cap. xiv.)

Sic ergo initium sapientiæ secundum eius essentiam sunt prima principia sapientiæ, quæ sunt articuli fidei: & secundum hoc fides dicitur sapientiæ initium. Sed quantum ad effectum, initium sapientiæ est unde sapientia incipit operari: & hoc modo timor est initium sapientiæ; aliter tamen timor servilis, & aliter timor filialis. Timor enim servilis est sicut principium extra disponens ad sapientiam, inquantum aliquis timore pœnæ discedit a peccato, & habilitatur per hoc ad sapientiæ effectum, secundum illud Eccli. 1. 17. *Timor Domini expellit peccatum*. Timor autem castus, vel filialis est initium sapientiæ, sicut primus sapientiæ effectus. Cum enim ad sapientiam pertineat quod humana vita reguletur secundum rationes divinas, hinc oportet sumere principium, ut homo Deum revereatur, & se ei subiciat. Sic enim consequenter in omnibus secundum Deum regulabitur.

Ad primum ergo dicendum, quod ratio illa ostendit quod timor non est principium sapientiæ quantum ad essentiam sapientiæ.

Ad secundum dicendum, quod timor Dei comparatur ad totam vitam humanam per sapientiam Dei regulatam, sicut radix ad arborem: unde dicitur Eccli. 1. 25. *Radix sapientiæ est timere Dominum: (a) rami enim illius longævi*. Et ideo sicut radix virtute dicitur esse rota arbor, ita timor Dei dicitur esse sapientia.

Ad tertium dicendum, quod, sicut dictum est (in corp. art.) alio modo fides est principium sapientiæ, & alio modo timor. Unde dicitur Eccli. xxv. 16. *Timor Dei initium dilectionis (b) est; initium autem fidei agglutinandum est ei.*

*Utrum timor initialis differat secundum substantiam a timore filiali.*

II. dist. xxxiv. quæst. 11. art. 3. quæst. 7.  
& Rom. viii. lect. 3.

**A**D octavum sic proceditur. Videtur quod timor initialis differat secundum substantiam a timore filiali. Timor enim filialis ex dilectione causatur. Sed timor initialis est principium dilectionis, secundum illud Eccli. xxv. 16. *Timor Domini initium dilectionis est*. Ergo timor initialis est alius a filiali.

2. Præterea. Timor initialis timet pœnam, quæ est obiectum servilis timoris; & sic videtur quod timor initialis sit idem cum servili. Sed timor servilis est alius a filiali. Ergo etiam timor initialis est alius secundum substantiam a filiali.

3. Præterea. Medium differt eadem ratione ab utroque extremorum. Sed timor initialis est medium inter timorem servilem, & timorem filialem. Ergo differt & a filiali, & a servili.

Sed contra est quod perfectum, & imperfectum non differant substantiam rei. Sed timor initialis, & filialis differunt secundum perfectionem, & imperfectionem caritatis, ut patet per Augustinum super I. Canon. Ioan. (tract. ix. circ. med.) Ergo timor initialis non differt secundum substantiam a filiali.

Respondetur dicendum, quod timor initialis dicitur ex eo quod est initium. Sed cum & timor servilis, & timor filialis sint aliquo modo initium sapientiæ, uterque potest aliquo modo initialis dici.

Sed sic non accipitur initialis, secundum quod distinguitur a timore servili, & filiali; sed accipitur secundum quod competi statuit incipientium, in quibus inchoatur quidam timor per inchoationem caritatis; non tamen inest eis timor filialis perfecte, quia nondum pervenerunt ad perfectionem caritatis. Et ideo timor initialis hoc modo se habet ad filialem sicut caritas imperfecta ad perfectam. Caritas autem perfecta, & imperfecta non differunt secundum essentiam, sed solum secundum statum. Et ideo dicendum est, quod etiam timor initialis, prout hic sumitur, non differt secundum essentiam a timore filiali.

Ad

(a) *Fulgens & rami illius.* (b) *Ibid. eius.*



Ad primum ergo dicendum, quod timor qui est initium dilectionis, est timor servilis, qui introducit caritatem; sicut scilicet introducit linum, ut Augustinus dicit (tract. ix. in epist. I. Ioan. circ. med.).

Vel si hoc referatur ad timorem initialem, dicitur esse dilectionis initium non absolute, sed quantum ad statum caritatis perfectae.

Ad secundum dicendum, quod timor initialis non timet poenam sicut proprium obiectum, sed inquantum habet aliquid de timore servili adiunctum: qui secundum substantiam manet quidem cum caritate, servilitate remota; sed actus eius manet quidem cum caritate imperfecta in eo qui non solum movetur ad bene agendum ex amore iustitiae, sed etiam ex timore poenae; sed iste actus cessat in eo qui habet caritatem perfectam, quae foras mittit timorem habentem poenam, ut dicitur I. Ioan. iv. 18.

Ad tertium dicendum, quod timor initialis est medium inter timorem servilem, & filialem, non sicut inter ea quae sunt unius generis, sed sicut imperfectum est medium inter ens perfectum, & non ens, ut dicitur in II. Metaph. (text. 7.) quod tamen est idem secundum substantiam cum ente perfecto; differt autem totaliter a non ente.

## ARTICULUS IX. 104

*Utrum timor sit donum Spiritus sancti.*

III. dist. xxxiv. quest. 11. art. 1. quest. 3. & art. 2. quest. 1. & Rom. viii. lect. 3.

**A**D donum sic proceditur. Videtur quod timor non sit donum Spiritus sancti. Nullum enim donum Spiritus sancti opponitur virtuti, quae etiam est a Spiritu sancto; alioquin Spiritus sanctus esset sibi contrarius. Sed timor opponitur spei, quae est virtus. Ergo timor non est donum Spiritus sancti.

2. Praeterea. Virtutis theologiae proprium est quod Deum habeat pro obiecto. Sed timor habet Deum pro obiecto, inquantum Deus timetur. Ergo timor non est donum, sed virtus theologiae.

3. Praeterea. Timor ex amore consequitur. Sed amor ponitur quaedam virtus theologiae. Ergo etiam timor est virtus theologiae, quasi ad idem pertinet.

4. Praeterea. Gregorius dicit II. Moral.

(cap. xxvi. aliquant. ante med.) quod *timor datur contra superbiam*. Sed superbiae opponitur virtus humilitatis. Ergo etiam timor sub virtute comprehenditur.

5. Praeterea. Dona sunt perfectiora virtutibus: dantur enim in adiutorium virtutum, ut Gregorius dicit II. Moral. (ibid.) Sed spes est perfectior timore: quia spes respicit bonum, timor malum. Cum ergo spes sit virtus, non debet dici, quod timor sit donum.

Sed contra est quod Iai. xi. timor Domini enumeratur inter septem dona Spiritus sancti.

Respondeo dicendum, quod multiplex est timor, ut supra dictum est (art. 2. huius quest.). Timor autem humanus, ut dicit Augustinus in Lib. de gratia & lib. arbitr. (cap. xviii. ad fin.) non est donum Dei: hoc enim timore Petrus negavit Christum: sed ille timor, de quo dictum est (Matth. x. 28.) *Illum timere qui potest animam, & corpus mittere in gehennam*.

Similiter etiam timor servilis non est numerandus inter septem dona Spiritus sancti, licet sit a Spiritu sancto: quia, ut Augustinus dicit in Lib. de natura & gratia (cap. lvii.) potest habere anxiam voluntatem peccandi. Dona autem Spiritus sancti non possunt esse cum voluntate peccandi: quia non sunt sine caritate, ut dictum est (1. 2. quest. lxxviii. art. 5.)

Unde relinquitur quod timor Dei, qui numeratur inter septem dona Spiritus sancti, est timor filialis, sive castus. Dictum est enim supra (1. 2. quest. lxxviii. art. 1. & 3.) quod dona Spiritus sancti sunt quaedam habituales perfectiones potentiarum animae, quibus redduntur bene mobiles a Spiritu sancto sicut virtutibus moralibus potentiae appetitivae redduntur bene mobiles a ratione. Ad hoc autem quod aliquid sit bene mobile ab aliquo movente, primo requiritur ut sit ei subiectum, non repugnans: quia ex repugnantia mobilis ad movens impeditur motus. Hoc autem facit timor filialis, vel castus, inquantum per ipsum Deum reveremur, & resumus nos ipsi subducere. Et ideo timor filialis quasi primum locum tenet ascendendo inter dona Spiritus sancti, ultimum autem descendendo, sicut Augustinus dicit in Lib. I. de sermone Domini in monte (cap. iv. in princ.)

Ad primum ergo dicendum, quod timor

mor filialis non contrariatur virtuti spei. Non enim per timorem filialem tinemus ne nobis deficiat quod speramus obtinere per auxilium divinum; sed tinemus ab hoc auxilio nos subtrahere. Et ideo timor filialis, & spes fibi invicem cohererent, & se invicem perficiunt.

Ad secundum dicendum, quod proprium & principale obiectum timoris est malum quod quis refugit: & per hunc modum Deus non potest esse obiectum timoris, sicut supra dictum est (art. 1. huius quæst.) Est autem per hunc modum obiectum spei, & aliarum virtutum theologiarum: quia per virtutem spei non solum innititur divino auxilio: ad adipiscendum quæcumque alia bona, sed principaliter ad adipiscendum ipsum Deum, tamquam principale bonum. Et idem patet in aliis virtutibus theologis.

Ad tertium dicendum, quod ex hoc quod amor est principium timoris, non sequitur quod timor Dei non sit habitus distinctus a caritate, quæ est amor Dei: quia amor est principium omnium affectionum; & tamen diversis habitibus perficimur (a) circa diversas affectiones. Ideo tamen amor magis habet rationem virtutis quam timor, quia amor respicit bonum, ad quod principaliter virtus ordinatur secundum propriam rationem, ut ex supradictis patet (1. 2. quæst. 14. art. 3. & 4.) & propter hoc etiam spes ponitur virtus; timor autem principaliter respicit malum, cuius fugam importat: unde est aliquid minus virtute theologica.

Ad quartum dicendum, quod, sicut dicitur Eccle. x. 14. *initium superbiæ bonis apostatate a Deo*; hoc est nolle subdi Deo: quod opponitur timori filiali, qui Deum reveretur: & sic timor excludit principium superbiæ, propter quod (b) datur contra superbiæ. Nec tamen sequitur quod sit idem cum virtute humilitatis, sed quod sit principium eius. Dona enim Spiritus sancti sunt principia virtutum intellectualium, & moralium, ut supra dictum est (1. 2. quæst. 14. art. 5. & 8.) sed virtutes theologice sunt principia donorum, ut supra habitum est (1. 2. quæst. 14. art. 4. ad 3.)

Unde patet responsio ad quintum.

## ARTICULUS X. 105

*Utrum, crescente caritate, diminuat timor.*

III. dist. xxxiv. quæst. 11. art. 3. quæst. 3. & Pj. xviii.

**A**D decimum sic proceditur. Videtur quod crescente caritate diminuat timor. Dicit enim Augustinus super I. Canon Ioan. (tract. ix. cir. med) *Quantum caritas crescit, tantum timor decrescit.*

2. Præterea. Crescente spe diminuitur timor. Sed crescente caritate crescit spes, ut supra habitum est (quæst. xvii. art. 8.) Ergo crescente caritate diminuitur timor.

3. Præterea. Amor importat unionem, timor autem separationem. Sed crescente unione diminuitur separatio. Ergo crescente amore caritatis diminuitur timor.

Sed contra est quod dicit Augustinus in Lib. lxxxiii. Q. (quæst. xxxvi. in fi.) quod *Dei timor non solum incitat, sed etiam perficit sapientiam, quæ summe diligit Deum, & proximum tamquam seipsum.*

Respondetur dicendum, quod duplex est timor Dei, sicut dictum est (art. 2. & 4. huius quæst.) unus quidem filialis, quo quis timet offensam patris, vel separationem ab ipso; alius autem servilis, quo quis timet poenam.

Timor autem filialis necesse est quod crescat crescente caritate, sicut effectus crescit crescente causa. Quanto enim aliquis magis diligit atque, tanto magis timet eum offendere, & ab eo separari.

Sed timor servilis quantum ad servilitatem totaliter tollitur caritate adveniente; remanet tamen secundum substantiam timor poenæ, ut dictum est (art. 6. huius quæst.) & iste timor diminuitur caritate crescente, maxime quantum ad actum: quia quanto aliquis magis diligit Deum, tanto minus timet poenam: primo quidem quia minus attendit ad proprium bonum, cui contrariatur poena; secundo quia firmius inherens magis confidit de præmio, & per consequens minus timet de poena.

Ad primum ergo dicendum, quod Augustinus loquitur de timore poenæ.

Ad :

(a) Ita mss. & meliores edd. At. circ. diversas affectiones in Deo; & ideo amor &c. passim. (b) Ita mss. & edd. passim. At. datur, scilicet contra superbiæ.

Ad secundum dicendum, quod timor poenae est qui diminuitur crescente spe; sed ea crescente crecit timor filialis: quia quanto aliquis certius expectat aliquis boni consecutionem per auxilium alterius, tanto magis veretur eum offendere, vel ab eo separari.

Ad tertium dicendum, quod timor filialis non importat separationem, sed magis subiectionem ad ipsum. Separationem autem refugit a subiectione ipsius; sed quodammodo separationem importat per hoc quod non praesumit se ei adaequare, sed ei se subicit: quae etiam separatio invenitur in caritate, inquantum diligit Deum supra se, & supra omnia. Unde amor caritatis augmentatus reverentiam timoris non minuit, sed auget.

ARTICULUS XI. 104

*Utrum timor remaneat in patria.*

1. 2. quæst. lxxviii. art. 6. & III. dist. xxxiv. quæst. 1. art. 3. & quæst. II. art. 3. ad 4. & dist. xxxv. quæst. II. art. 3. quæst. 3. & art. 4. quæst. 3. & III. P. quæst. vi. art. 6.

**A**D undecimum sic proceditur. Videtur quod timor non remaneat in patria. Dicitur enim Proverb. 1. 33. *Abundantia persuevit, timore malorum subleto*: quod intelligitur de homine iam sapientia persuevit in beatitudine æterni. Sed omnis timor est alicuius mali, quia malum est obiectum timoris, ut supra dictum est (art. 2. & 5. huius quæst. & 1. 2. quæst. xlii. art. 1.) Ergo nullus timor erit in patria.

2. Præterea. Homines in patria erunt Deo conformes, secundum illud I. Ioan. III. 2. *Cum apparuerit, similes ei erimus*. Sed Deus nihil timet. Ergo homines in patria non habebunt aliquem timorem.

3. Præterea. Spes est perfectior quam timor: quia spes est respectu boni, timor respectu mali. Sed spes non erit in patria. Ergo nec timor erit in patria.

Sed contra est quod dicitur in Psal. XVIII. 10. *Timor Domini sanctus permanet in seculum*.

Respondetur dicendum, quod timor servilis, sive timor poenae nullo modo erit in patria: excluditur enim talis timor per securitatem æternæ beatitudi-

nis, quæ est de ipsius beatitudinis ratione, sicut supra dictum est (1. 2. quæst. v. art. 4.)

Timor autem filialis sicut augetur augmentata caritate, ita caritate perfecta perficitur: unde non habet in patria eundem actum omnino quem habet modo.

Ad cnius evidentiam sciendum est, quod proprium obiectum timoris est malum possibile, sicut proprium obiectum spei est bonum possibile: & cum motus timoris sit quasi fuga, importat timor fugam mali ardui possibili, parva enim mala timorem non inducunt. Sicut autem bonum uniuscuiusque est ut in suo ordine consistat, ita malum uniuscuiusque est ut suum ordinem deleat. Ordo autem creaturæ rationalis est ut sit sub Deo, & supra ceteras creaturas. Unde sicut malum creaturæ rationalis est ut subdat se creaturæ inferiori per amorem; ita etiam malum eius est, si Deo se non subiciat, sed in ipsum praesumptuose insiliat, vel contemnat. Hoc autem malum creaturæ rationali secundum suam naturam considerata possibile est, propter naturalem liberi arbitrii flexibilitatem; sed in beatis fit non possibile per gloriæ perfectionem. Fuga ergo huius mali quod est Deo non subici, ut possibile naturæ, impossibilis autem beatitudinis, erit in patria: in via autem est fuga huius mali ut omnino possibilis. Et ideo Gregorius dicit XVII. Moral. exponens illud Iob xxvi. 11. *Columnæ cæli contremiscunt, et pavent ad nutum eius* (cap. xvii. in fin.) „ Ipsæ virtutes „ cælestium, quæ hunc sine cessatione „ conspiciunt, in ipsa contemplatione „ contremiscunt; sed idem tremor, ne „ eis poenalis sit, non timoris est, sed „ admirationis: „ quia scilicet admirantur Deum ut supra se existentem, & eis incomprehensibilem. Augustinus etiam XIV. de civit. Dei (cap. ix. a med.) hoc modo ponit timorem in patria, quamvis hoc sub dubio derelinquat. *Timor, inquit, ille castus permanens in seculum seculi, si eris in futuro seculo, non erit timor exterris a malo, quod accideri potest, sed tenens in bono, quod amitti non potest. Ubi enim boni adveni amor immutabilis est, profecto, si dici potest, mali cavendi timor securus est. Timoris quippe casti nomine ea voluntas significata est qua nos necesse erit nolle peccare, et non sollicitudine infirmitatis ne forte peccemus, sed tranquillitate caritatis cavere pecca-*

*ta.*

tum. Aut si nullius omnino generis timor ibi esse poterit, ita fortasse timor in seculum seculi dictus est permanens, quia id permanebit quo timor ipse perducit.

Ad primum ergo dicendum, quod in auctoritate prædicta excluditur a beatis timor sollicitudinem habens, de malo præcavens, non autem timor securus, ut Augustinus dicit (loc. sup. cit.).

Ad secundum dicendum, quod, sicut dicit Dionysius ix. cap. de div. Nom. (a med. lect. 3.) eadem & similia sunt Deo, & dissimilia: hæc quidem secundum contingentem non imitabilis imitationem, idest inquantum secundum suum posse imitantur Deum, qui non est perfecte imitabilis; hæc autem secundum quod hic causata minus habent a causa infinitis mensuris & incomparabilibus deficientia. Unde non oportet, si Deo non convenit timor, (quia non habet superiorem, cui subiciatur) quod propter hoc non conveniat beatis, quorum beatitudo consistit in perfecta subiectione ad Deum.

Ad tertium dicendum, quod spes importat quandam defectum, scilicet (a) surrurionem beatitudinis, quæ tollitur per eius præsentiam; sed timor importat defectum naturalem creaturæ, secundum quod in infinitum distat a Deo: quod etiam in patria remanebit. Et ideo timor non evacuabitur totaliter.

## ARTICULUS XII. 105

*Utrum paupertas spiritus sit beatitudo respondens dono timoris.*

*Inf. quæst. cxxi. art. 2. cor. & III. dist. xxxiv. quæst. 1. art. 4. & 6. cor.*

**A**D duodecimum sic proceditur. Videtur quod paupertas spiritus non sit beatitudo respondens dono timoris. Timor enim est initium spiritualis vitæ, ut ex dictis patet (art. 7. hu. quæst.). Sed paupertas pertinet ad perfectionem vitæ spiritualis, secundum illud Matth. xix. 21. *Si vis perfectus esse, vade, & vende omnia quæ habes, & da pauperibus.* Ergo paupertas spiritus non respondet dono timoris.

2. Præterea. In Psal. cxviii. 120. dicitur: *Confige timore tuo carnes meas:* ex quo videtur quod ad timorem pertineat carnem reprimere. Sed ad repressio-

nem carnis maxime videtur pertinere beatitudo lustris. Ergo beatitudo lustris magis respondet dono timoris quam beatitudo paupertatis.

3. Præterea. Donum timoris respondet virtuti spei, sicut dictum est (art. 9. hu. quæst. ad 1.) Sed spei maxime videtur respondere beatitudo ultima, quæ est: *Beati pacifici, quoniam filii Dei vocabuntur:* quia, ut dicitur Rom. v. 2. *gloriamur in spe gloriæ filiorum Dei.* Ergo beatitudo illa magis respondet dono timoris quam paupertas spiritus.

4. Præterea. Supra dictum est (1. 2. quæst. lxx. art. 2.) quod beatitudinibus respondent fructus. Sed nihil in fructibus invenitur respondere dono timoris. Ergo etiam neque in beatitudinibus aliquid ei respondet.

Sed contra est quod Augustinus dicit in Lib. I. de serm. Domini in monte (cap. iv. a princ.) *Timor Dei congruit humilibus, de quibus dicitur: Beati pauperes spiritu.*

Respondendo dicendum, quod timori proprie respondet paupertas spiritus.

Cum enim ad timorem filialem pertineat Deo reverentiam exhibere, & ei subdium esse; id quod ex huiusmodi subiectione consequitur, pertinet ad donum timoris. Ex hoc autem quod aliquis Deo se subiicit, definit quærere in seipso, vel in aliquo alio magnificari, nisi in Deo. Hoc enim repugnaret perfectæ subiectioni ad Deum: unde dicitur in Psal. xix. 8. *Hi in curribus, & hi in equis; nos autem in nomine Dei nostri invocabimus.* Et ideo ex hoc quod aliquis perfecte timet Deum, consequens est quod non quærat magnificari in seipso per superbiam, neque etiam quærat magnificari in exterioribus bonis, scilicet honoribus, & divitiis: quorum utrumque pertinet ad paupertatem spiritus, secundum quod paupertas spiritus intelligi potest vel exinanitio inflati, & superbi spiritus, ut Augustinus exponit (loc. sup. cit.) vel etiam abiectio temporalium rerum, quæ fit spiritui, idest propria voluntate per infundum Spiritus sancti, ut Ambrosius (sup. illud Luc. vi. *Beati pauperes*) & Hieronymus (sup. hunc loc. Matth. vi.) exponunt.

Ad primum ergo dicendum, quod cum beatitudo sit actus virtutis perfectæ, omnes beatitudines ad perfectionem spiritualis vitæ pertinent. In qua quidem

(a) Iuxta codices optimos notat. Quidam malelegerunt: *fruitionem: quoniam errorem quidam emendans substituit absentiam.*

dem perfectione principium esse videtur ut tendens ad perfectam spiritualium bonorum participationem, terrena bona contemnat, sicut & timor primum locum habet in donis. Non autem consistit perfectio in ipsa temporalium bonorum desertione; sed hæc est via ad perfectionem. Timor autem filialis, cui respondet beatitudo paupertatis, etiam est cum perfectione sapientiae, ut supra dictum est (art. 7. & 10. huius quæst.).

Ad secundum dicendum, quod directius opponitur subiectioni ad Deum, quam facit timor filialis, indebita magnificatio hominis vel in seipso, vel in aliis rebus, quam delectatio extranea; quæ tamen opponitur timori ex consequenti: quia qui Deum reveretur, & ei subditur, non delectatur in aliis a Deo: Sed tamen delectatio non pertinet ad rationem ardui, quam respicit timor, sicut magnificatio: & ideo directe beatitudo paupertatis respondet timori, beatitudo autem lustrus ex consequenti.

Ad tertium dicendum, quod spes importat motum secundum habitudinem ad terminum ad quem tenditur; sed timor importat magis motum secundum habitudinem recessus a termino a quo: & ideo ultima beatitudo, quæ est spiritualis perfectionis terminus, congrue respondet spei per modum obiecti ultimi; sed prima beatitudo, quæ est per recessum a rebus exterioribus impediens divinam subiectionem, congrue respondet timori.

Ad quantum dicendum, quod in fratribus illa quæ pertinent ad moderatum usum, vel abstinenciam a rebus temporalibus, videntur dono timoris convenire, sicut modestia, & continentia, & castitas.

## QUAESTIO XX.

## De desperatione,

in quatuor articulos divisa.

**D**einde considerandum est de vitiis oppositis: & primo de desperatione; secundo de presumptione.

Circa primum quærentur quatuor.

Primo, utrum desperatio sit peccatum.

Secundo, utrum possit esse sine iniquitate.

Tertio, utrum sit maximum peccatorum.

Quarto, utrum oriatur ex accidia.

## ARTICULUS I. 106

Utrum desperatio sit peccatum.

**A**d primum sic proceditur. Videtur quod desperatio non sit peccatum. Omne enim peccatum habet conversionem ad commutabile bonum cum aversione ab incommutabili bono, ut per Augustinum patet in I. Lib. de lib. arbit. (cap. ult. cir. med. & Lib. II. cap. XIX. cir. fin.) Sed desperatio non habet conversionem ad commutabile bonum. Ergo non est peccatum.

2. Præterea. Illud quod oritur ex bona radice, non videtur esse peccatum: quia non potest arbor bona fructus malos facere, ut dicitur Matth. VII. 18. Sed desperatio videtur procedere ex bona radice, scilicet ex timore Dei, vel ex horrore magnitudinis propriorum peccatorum. Ergo desperatio non est peccatum.

3. Præterea. Si desperatio esset peccatum, etiam damnatis esset peccatum, quod desperant. Sed hoc non imputatur eis ad culpam, sed magis ad damnationem. Ergo neque viatoribus imputatur ad culpam; & ita desperatio non est peccatum.

Sed contra. Illud per quod homines in peccata inducuntur, videtur esse non solum peccatum, sed principium peccatorum. Sed desperatio est huiusmodi: dicit enim Apostolus de quibusdam ad Ephes. IV. 19. qui desperantes semetipsos tradiderunt impudicitiae in operationem omnis immunitatis, (a) & avaritiæ. Ergo desperatio non solum est peccatum, sed aliorum peccatorum principium.

Respondeo dicendum, quod secundum Philosophum in VI. Ethic. (cap. 11.) illud quod est in intellectu affirmatio, vel negatio, est in appetitu profectio, & fuga; & quod est in intellectu verum, vel falsum, est in appetitu bonum, & malum. Et ideo omnis motus appetitivus conformiter se habens intellectui vero; est, secundum se bonus; omnis autem motus appetitivus conformiter se habens intellectui falso, est secundum se malus, & peccatum. Circa Deum autem vera exaltatio intellectus est quod ex ipso provenit hominum

sa-

(a) Vulgata in avaritiam.

salus, & venia peccatoribus datur, secundum illud Ezech. xviii. 23. (a) *No- lo mortem peccatoris, sed ut convertatur, & vivat*. Falsa autem opinio est quod peccatori penitenti veniam denegat, vel quod peccator ad se non convertat per gratiam iustificatorem.

Et ideo sicut motus spei, qui conformiter se habet ad exultationem veram, est laudabilis, & virtuosus; ita oppositus motus desperationis, qui se habet conformiter exultationi falsa de Deo, est vitiosus, & peccatum.

Ad primum ergo dicendum, quod in quolibet peccato mortali est quodammodo aversio a bono incommutabili, & conversio ad bonum commutabile, sed aliter, & aliter. Nam principaliter consistunt in aversione a bono incommutabili peccata quae opponuntur virtutibus theologicis, ut odium Dei, & desperatio, & infidelitas, quia virtutes theologicae habent Deum pro obiecto; ex consequenti autem important conversionem ad bonum commutabile, in quantum anima deferens Deum, consequenter necesse est quod ad alia convertatur. Peccata vero alia principaliter consistunt in conversione ad commutabile bonum; ex consequenti vero in aversione ab incommutabili bono. Non enim qui fornicatur, intendit a Deo recedere, sed carnali delectatione frui, ex quo sequitur quod a Deo recedat.

Ad secundum dicendum, quod ex radice virtutis potest aliquid procedere dupliciter. Uno modo directe ex parte ipsius virtutis, sicut actus procedit ex habitu: & hoc modo ex virtuosa radice non potest aliquod peccatum procedere: hoc enim sensu Augustinus dicit in Lib. II. de lib. arbit. (cap. xviii. & xix.) quod *virtute nemo male utitur*. Alio modo procedit aliquid ex virtute indirecte, sive occasionaliter; & sic nihil prohibet aliquod peccatum ex aliqua virtute procedere, sicut interdum aliqui de virtutibus superbiunt, secundum illud Augustini (epist. cccxi. ad. cix. ante med.) *Superbia bonis operibus infundatur, ut pereant*. Et hoc modo ex timore Dei, vel ex horrore propriorum peccatorum contingit desperatio, in quantum his bonis aliquis male utitur, occasionem ab eis accipiens desperandi.

Ad tertium dicendum, quod damnati non sunt in statu sperandi propter im-

possibilitatem reditus ad beatitudinem; & ideo quod non sperant, non imputatur eis ad culpam, sed est pars damnationis ipsorum; sicut etiam in statu viae si quis desperaret de eo quod non est natus adipisci, vel quod non est ei debitum adipisci, non esset peccatum; puta si medicus desperet de curatione alicuius infirmi, vel si aliquis desperet se fore divitias adepturum.

## ARTICULUS II. 107

*Utrum desperatio sine infidelitate esse possit.*

II. dist. xlii. art. 3. ad 2.

**A**D secundum sic proceditur. Videtur quod desperatio sine infidelitate esse non possit. Certitudo enim spei a fide derivatur. Sed manente causa non tollitur effectus. Ergo non potest aliquis certitudinem spei amittere desperando, nisi fide sublata.

2. Praeterea. Praeferre culpam propriam bonitati, vel misericordiae divinae, est negare infinitatem divinae misericordiae, vel bonitatis; quod est infidelitatis. Sed qui desperat, culpam suam praefert misericordiae, vel bonitati divinae, secundum illud Genes. xv. 13. *Maiores iniquitatis meae quam ut veniam merear*. Ergo quicumque desperat, est infidelis.

3. Praeterea. Quicumque incidit in haerese[m] damnatam, est infidelis. Sed desperans videtur incidere in haerese[m] damnatam, scilicet Novatianorum, qui dicunt, peccata non remitti post baptismum. Ergo videtur quod quicumque desperat, sit infidelis.

Sed contra est quod remoto posteriori non removetur prius. Sed ipse est posterior fide, ut supra dictum est (quaest. xvii. art. 7.) Ergo, remota spe, potest remanere fides; non ergo quicumque desperat, est infidelis.

Respondeo dicendum, quod infidelitas pertinet ad intellectum, desperatio autem ad vim appetitivam. Intellectus autem universalium est; sed vis appetitiva movetur circa particulares res: est enim motus appetitivus ab anima ad res, quae in seipsis particulares sunt. Contingit autem aliquem habentem rectam exultationem in universali, circa motum appetitivum non recte se habere

(a) *Pulgata*: Numquid voluntatis mea est mors impii, dicit Dominus Deus, & non ut convertatur a viis suis, & vivat? Vide ibi Y. 32.

bere corrupta eius æstimatione in particulari: quia necesse est quod ab æstimatione in universali ad appetitum rei particularis perveniatur mediante æstimatione particulari, ut dicitur in III. de Anima (tex. 38.) sicut ex propositione universali non infertur conclusio particularis, nisi assumendo particularem. Et inde est quod aliquis habens rectam fidem in universali, deficit in motu appetitivo circa particulare, corrupta particulari eius æstimatione per habitum, vel per passionem: sicut ille qui fornicatur, eligendo fornicationem in bonum sibi, ut nunc, habet corruptam æstimationem in particulari; cum tamen retineat universalem æstimationem veram secundum fidem, scilicet quod fornicatio sit mortale peccatum: & similiter aliquis retinendo in universali veram æstimationem fidei, quod scilicet est remissio peccatorum in Ecclesia, potest tamen pati motum desperationis, quod scilicet sibi in tali statu existenti non sit sperandum de venia, corrupta æstimatione eius circa particulare.

Et per hunc modum potest esse desperatio sine infidelitate, sicut & alia peccata mortalia.

Ad primum ergo dicendum, quod effectus tollitur, non solum sublata causa prima, sed etiam sublata causa secunda. Unde motus spei auferri potest, non solum sublata universali æstimatione fidei, quæ est sicut causa prima certitudinis spei, sed etiam sublata æstimatione particulari, quæ est sicut secunda causa.

Ad secundum dicendum, quod si quis in universali existimaret, misericordiam Dei non esse infinitam, esset infidelis. Hoc autem non exillat desperans, sed quod sibi in statu illo propter aliquam particularem dispositionem non sit de divina misericordia sperandum.

Et similiter dicendum est ad tertium, quod Novatiani in universali negant, remissionem peccatorum fieri in Ecclesia.

## ARTICULUS III. 108

*Utrum desperatio sit maximum peccatum.*

**A**D tertium sic proceditur. Videtur quod desperatio non sit maximum peccatum. Potest enim esse desperatio absque infidelitate, sicut dictum est (art.

præc.) Sed infidelitas est maximum peccatum, quia subruit fundamentum spiritualis ædificii. Ergo desperatio non est maximum peccatum.

2. Præterea. Maiori bono maius malum opponitur, ut patet per Philosophum in VIII. Ethic. (cap. x. a princ.) Sed caritas est maior spe, ut dicitur I. Corinth. XIII. Ergo odium Dei est maius peccatum quam desperatio.

3. Præterea. In peccato desperationis est solum inordinata aversio a Deo. Sed in aliis peccatis est non solum aversio inordinata a Deo, sed etiam inordinata conversio. Ergo peccatum desperationis non est gravius, sed minus aliis.

Sed contra. Peccatum insanabile videtur esse gravissimum, secundum illud Hierem. xxx. 12. *Insanabilis fractura tua, pessima plaga tua*. Sed peccatum desperationis est insanabile, secundum illud Hierem. xv. 18. *Plaga mea desperabilis venit curari*. Ergo desperatio est gravissimum peccatum.

Respondeo dicendum, quod peccata quæ opponuntur virtutibus theologicis, sunt secundum suum genus graviora peccatis aliis. Cum enim virtutes theologice habeant Deum pro obiecto, peccata eis opposita important directæ & principaliter aversionem a Deo. In quolibet autem peccato mortali principalis ratio mali, & gravitas est ex hoc quod avertit a Deo: si enim posset esse conversio ad bonum commutabile sine aversione a Deo, quamvis esset inordinata, non esset peccatum mortale. Et ideo illud quod primo & per se habet aversionem a Deo, est gravissimum peccatum inter peccata mortalia.

Virtutibus autem theologicis opponuntur infidelitas, desperatio, & odium Dei: inter quæ odium, & infidelitas, si desperationi comparentur, inveniuntur secundum se quidem, idest secundum rationem propriæ speciei, graviora. Infidelitas enim provenit ex hoc quod homo ipsam Dei veritatem non credit; odium vero Dei provenit ex hoc quod voluntas hominis ipsi divinæ bonitati contrariatur; desperatio autem ex hoc quod homo non sperat se bonitatem Dei participare. Ex quo patet quod infidelitas, & odium Dei sunt contra Deum, secundum quod in se est; desperatio autem, secundum quod eius bonum participatur a nobis. Unde maius peccatum est, secundum se loquendo, non credere Dei veritatem, vel odire Deum, quam non

non sperare consequi gloriam ab ipso.

Sed si comparetur desperatio ad alia duo peccata ex parte nostra, sic desperatio est periculosior: quia per spem revocamus a malis, & inducimur ad bona prosequenda: & ideo sublatâ spe, irrefrenate homines labuntur in vitia, & a bonis laboribus retrahuntur. Unde super illud Proverb. xxiv. *Si desperaveris lapsus es in die angustiarum, minuetur fortitudo tua*, dicit Glossa (ordin.) „Nihil est execrabilius desperatione: quam qui habet, & in generalibus huius vitæ laboribus, & quod penus est, in fidei certamine constantiam perdit.“ Et Isidorus dicit in Lib. II. de summo bono (cap. xiv. circ. princ.) *Perpetrare flagitium aliquod, mors animæ est; sed desperare est descendere in infernum*.

Et per hoc patet responsio ad obiecta.

#### ARTICULUS IV. 109

*Utrum desperatio ex accidia oriatur.*

**A**D quartum sic proceditur. Videtur quod desperatio ex accidia non oriatur. Idem enim non procedit ex diversis causis. Desperatio autem fugiendi sæculi procedit ex luxuria, ut dicit Gregorius XXXI. Moral. (cap. xvii. a med.) Non ergo procedit ex accidia.

2. Præterea. Sicut spei opponitur desperatio, ita gaudium spirituale opponitur accidia. Sed gaudium spirituale procedit ex spe, secundum illud Rom. xii. 12. *Spe gaudentes*. Ergo accidia procedit ex desperatione, & non e converso.

3. Præterea. Contrariorum contrariæ sunt causæ. Sed spes, cui opponitur desperatio, videtur procedere ex consideratione divinorum beneficiorum, & maxime ex consideratione incarnationis: dicit enim Augustinus XIII. de Trin. (cap. x. cir. princ.) *Nihil tam necessarium fuit ad erigendam spem nostram, quam ut demonstraretur nobis, quantum nos Deus diligeret. Quid vero huius rei ipso indicio manifestius, quam quod Dei Filii natura nostra dignatus est inire consortium?* Ergo desperatio magis procedit ex negligentia huius considerationis quam ex accidia.

Sed contra est quod XXXI. Moral. (cap. xvii. a med.) Gregorius desperationem enumerat inter ea quæ procedunt ex accidia.

Respondeo dicendum, quod, sicut supra dictum est (quæst. xvii. art. 1. & 1. 2. quæst. xl. art. 1.) obiectum spei est bonum arduum possibile adipisci vel per se, vel per alium. Dupliciter potest ergo in aliquo spes deficere de beatitudine obtinenda: uno modo quia non reputat eam ut bonum arduum; alio modo quia non reputat eam ut possibilem adipisci vel per se, vel per alium. Ad hoc autem quod bona spiritualia non sapiant nobis quasi bona, vel non videantur nobis quasi magna bona, præcipue perducitur per hoc quod affectus noster est infectus amore delectationum corporalium: inter quas præcipue sunt delectationes veneræ: nam ex affectu harum delectationum contingit quod homo fastidit bona spiritualia, & non sperat ea quasi quædam bona ardua. Et secundum hoc desperatio causatur ex luxuria.

Ad hoc autem quod aliquod bonum arduum non æstimet ut possibile sibi adipisci per se, vel per alium, perducitur ex nimia deiectione: quæ quando in affectu hominis dominatur, videtur ei quod numquam possit ad aliquod bonum relevare. Et quia accidia est tristitia quædam deiectionis spiritus, ideo per hunc modum desperatio ex accidia generatur.

Hoc autem est proprium obiectum spei, scilicet quod sit possibile: nam bonum, & arduum etiam ad alias passiones pertinet. Unde specialius oritur ex accidia. Potest tamen oriri ex luxuria, ratione iam dicta (in corp.)

Unde patet responsio ad primum.

Ad secundum dicendum, quod, sicut Philosophus dicit in I. Rhet. (cap. xi. ante med.) sicut spes facit delectationem; ita etiam homines in delectationibus existentes efficiuntur maiores spei: & per hunc etiam modum homines in tristitiis existentes facilius in desperationem incidunt, secundum illud II. ad Cor. xi. 7.

(a) *Ne maiori tristitia absorbeatur qui cuiusmodi est.* Sed tamen quia spei obiectum est bonum, in quo naturaliter tendit appetitus, non autem refugit ab eo naturaliter, sed fuit propter aliquod impedimentum superveniens; ideo directus quidem ex spe oritur gaudium, desperatio autem e converso ex tristitia.

Ad tertium dicendum, quod ipsa negligentia considerandi divina beneficia ex accidia provenit. Homo enim affectus aliqua passione præcipue illa cogi-

tatur

1 (a) *Vulgata ne forte abundantiori tristitia &c.*



tat quæ ad illam pertinent passionem. Unde homo in tristitia constitutus non de facili aliqua magna, & iucunda cogitat, sed solum tristitia; nisi per magnum conatum se avertat a tristibus.

QUAESTIO XXI.

De presumptione,

in quatuor articulos divisa.

**D**Einde considerandum est de presumptione: & circa hoc quaeruntur quatuor.

Primo, quid sit obiectum presumptionis, cui innititur.

Secundo, utrum sit peccatum.

Tercio, ut opponatur.

Quarto, ex quo vitio oritur.

ARTICULUS I. 110

Utrum presumptio innitatur Deo, an propriae virtuti.

**A**D primum sic proceditur. Videtur quod presumptio, quæ est peccatum in Spiritum sanctum, non innitatur Deo, sed propriae virtuti. Quanto enim minor est virtus, tanto magis peccat qui ei nimis innititur. Sed minor est virtus humana quam divina. Ergo gravius peccat qui presumit de virtute humana, quam qui presumit de virtute divina. Sed peccatum in Spiritum sanctum est gravissimum. Ergo presumptio, quæ ponitur species peccati in Spiritum sanctum, innaheret virtuti humanæ magis quam divinæ.

2. Præterea. Ex peccato in Spiritum sanctum alia peccata oriuntur: peccatum enim in Spiritum sanctum dicitur malitia, ex qua quis peccat. Sed magis videtur alia peccata oriri ex presumptione qua homo presumit de seipso, quam ex presumptione qua homo presumit de Deo: quia amor sui est principium peccandi, ut patet per Augustinum XIV. de civit. Dei (cap. ult. cir. princ.) Ergo videtur quod presumptio, quæ est peccatum in Spiritum sanctum, maxime innitatur virtuti humanæ.

3. Præterea. Peccatum provenit ex conversione inordinata ad bonum commutabile. Sed presumptio est quoddam peccatum. Ergo magis contingit ex conversione ad virtutem humanam, quæ est bonum commutabile, quam ex con-

versione ad virtutem divinam, quæ est bonum incommutabile.

Sed contra est quod sicut ex desperatione aliquis contemnit divinam misericordiam, cui spes innititur, ita ex presumptione contemnit divinam iustitiam, quæ peccatores punit. Sed sicut misericordia est in Deo, ita etiam iustitia est in ipso. Ergo sicut desperatio est per aversionem a Deo, ita presumptio est per inordinatam conversionem ad ipsum.

Respondendo dicendum, quod presumptio videtur importare quandam immoderantiam spei. Spei autem obiectum est bonum arduum possibile. Possibile autem est aliquid homini dupliciter: uno modo per propriam virtutem; alio modo non nisi per virtutem divinam. Circa utramque autem spem per immoderantiam potest esse presumptio. Nam circa spem, per quam aliquis de propria virtute confidit, attenditur presumptio ex hoc quod aliquis tendit in aliquid bonum ut sibi possibile, quod suam facultatem excedit; secundum quod dicitur Iudith vi. 15. *Presumentes de se humilias*: & talis presumptio opponitur virtuti magnanimitatis, quæ medium tenet in huiusmodi spe.

Circa spem autem, per quam aliquis innaheret divinæ potentie, potest per immoderantiam esse presumptio in hoc quod aliquis tendit in aliquid bonum ut possibile per virtutem, & misericordiam divinam, quod possibile non est; sicut cum aliquis sperat se veniam obtinere sine penitentia, vel gloriam sine meritis. Hæc autem presumptio est proprie species peccati in Spiritum sanctum, quia scilicet per huiusmodi presumptionem tollitur, vel contemnitur adiutorium Spiritus sancti, per quod homo revocatur a peccato.

Ad primum ergo dicendum, quod, sicut supra dictum est (quæst. xx. art. 3. & 1. 2. quæst. lxxiii. art. 3.) peccatum quod est contra Deum, secundum suum genus est gravius ceteris peccatis. Unde presumptio qua quis inordinate innititur Deo, gravius peccatum est quam presumptio qua quis innititur propriae virtuti: quod enim aliquis innitatur divinæ virtuti ad consequendum id quod Deo non convenit, hoc est diminuire divinam virtutem. Patet autem quod gravius peccat qui diminuit divinam virtutem, quam qui propriam virtutem superextollit.

Ad secundum dicendum, quod ipsa præ-

præsumptio, qua quis inordinate præsumit de Deo, amorem sui includit, quo quis proprium bonum inordinate desiderat. Quod enim multum desideramus, æstimamus nobis de facili per alios posse provenire, etiam si non possit.

Ad tertium dicendum, quod præsumptio de divina misericordia habet conversionem ad bonum commutabile, inquantum procedit ex desiderio inordinato proprii boni; & aversionem a bono incommutabili, inquantum attribuit divinæ virtuti quod ei non convenit: per hoc enim avertitur homo a virtute divina.

## ARTICULUS II. 111

*Utrum præsumptio sit peccatum.*

*I. Sent. prol. in expos. lit.*

**A**D secundum sic proceditur. Videtur quod præsumptio non sit peccatum. Nullum enim peccatum est ratio quod homo exaudiat a Deo. Sed per præsumptionem aliqui exaudiuntur a Deo: dicitur enim Iudith 11. 17. *Exaudi me miseram deprecantem, & de sua misericordia præsumentem*. Ergo præsumptio de divina misericordia non est peccatum.

2. Præterea. Præsumptio importat superexcessum spei. Sed in spe, quæ habetur de Deo, non potest esse superexcessus; cum eius potentia, & misericordia sint infinitæ. Ergo videtur quod præsumptio non sit peccatum.

3. Præterea. Id quod est peccatum, non excusat a peccato. Sed præsumptio excusat a peccato: dicit enim Magister 22. dist. II. Libri Sententiarum, quod *Adam minus peccavit, quia sub spe veniæ peccavit*; quod videtur ad præsumptionem pertinere. Ergo præsumptio non est peccatum.

Sed contra est quod ponitur species peccati in Spiritum sanctum.

Respondeo dicendum, quod, sicut supra dictum est (quæst. præc. art. 1.) circa desperationem, omnis motus appetitivus qui conformiter se habet ad intellectum falsum, secundum se malus est, & peccatum. Præsumptio autem est motus quidam appetitivus, quia importat quandam spem inordinatam. Habet au-

tem se conformiter intellectui falso, sicut & desperatio. Sicut enim falsum est quod Deus penitentibus non indulgeat, vel quod peccantes ad penitentiam non convertat; ita falsum est quod in peccato perseverantibus veniam concedat, & a bono cessantibus opere gloriam largiatur: cui exultationi conformiter se habet præsumptionis motus.

Et ideo præsumptio est peccatum; minus tamen quam desperatio: quoniam magis proprium est Deo misereri, & parcere, quam punire, propter eius infinitam bonitatem: illud enim secundum se Deo convenit; hoc autem secundum nostrā peccata.

Ad primum ergo dicendum, quod præsumere ponitur aliquando pro sperare: quia ipsa spes recta quæ habetur de Deo, præsumptio videtur, si mensuretur secundum conditionem humanam; non autem est præsumptio, si attendatur immensitas divinæ bonitatis.

Ad secundum dicendum, quod præsumptio non importat superexcessum spei ex hoc quod aliquis nimis sperat de Deo, sed ex hoc quod sperat de Deo aliquid quod Deo non convenit: quod etiam est (a) minus sperare de Deo, quia hoc est eius virtutem quodammodo diminueri, ut dictum est (art. præc. ad 1.)

Ad tertium dicendum, quod peccare cum proposito perseverandi in peccato sub spe veniæ, ad præsumptionem pertinet: & hoc non diminuit, sed augeat peccatum. Peccare autem sub spe veniæ quandoque percipiendæ, cum proposito abstinendi a peccato, & penitendi de peccato, hoc non est præsumptionis; sed hoc peccatum dimittit, quia per hoc videtur habere voluntatem minus firmatam ad peccandum.

## ARTICULUS III. 112

*Utrum præsumptio magis opponatur timori quam spei.*

**A**D tertium sic proceditur. Videtur quod præsumptio magis opponatur timori quam spei. Inordinatio enim timoris opponitur recto timori. Sed præsumptio videtur ad inordinationem timoris pertinere: dicitur enim Sap. XVII. 10. *Semper præsumit sæva perturbata conscientia*; & ibidem dicitur, quod *timor est presumptionis adiutorium*. Ergo præ-

(a) Ita cum vult. Taverne. & Aleam. Nicolai & edit. Patav. an. 1698. Al. nimis. Edit. Rom. hic & supra minus, pro nimis.

præsumptio opponitur timori magis quam spei.

2. Præterea. Contraria sunt quæ maxime distant. Sed præsumptio magis distat a timore quam a spe: quia præsumptio importat motum ad rem, sicut & spes; timor autem motum a re. Ergo præsumptio magis contrariatur timori quam spei.

3. Præterea. Præsumptio totaliter excludit timorem; non autem totaliter excludit spem, sed solum rectitudinem spei. Cum ergo opposita sint quæ se interimunt, videtur quod præsumptio magis opponatur timori quam spei.

Sed contra est quod duo invicem opposita vitia contrariantur uni virtuti, sicut timiditas, & audacia fortitudini. Sed peccatum præsumptionis contrariatur peccato desperationis, quod directe opponitur spei. Ergo videtur quod etiam præsumptio directius spei opponatur.

Respondeo dicendum, quod, sicut Augustinus dicit in IV. contra Iulianum (cap. 111. cir. med.) *omnibus virtutibus non solum sunt vitia manifesta discretionis contraria, sicut prudentie temeritas; verum vicina quadammodo, nec veritate, sed quadam specie fallente similia, sicut prudentie austeritas*. Et hoc etiam Philosophus dicit in II. Ethic. (cap. viii.) quod virtus maiorem convenientiam videtur habere cum uno oppositorum vitiarum quam cum alio, sicut temperantia cum insensibilitate, & fortitudo cum audacia.

Præsumptio ergo manifestam oppositionem videtur habere ad timorem, præcipue servilem, qui respicit poenam ex Dei iustitia provenientem, cuius præsumptio remissionem sperat; sed secundum quandam falsam similitudinem magis contrariatur spei, quia importat quandam inordinatam spem de Deo.

Et quia directius aliqua opponuntur quæ sunt unius generis, quam quæ sunt generum diversorum (nam contraria sunt in eodem genere); ideo directius præsumptio opponitur spei quam timori. Utrumque enim respicit idem obiectum, cui innititur; sed spes ordinate, præsumptio inordinate.

Ad primum ergo dicendum, quod sicut spes abusive dicitur de malo, proprie autem de bono; ita etiam præsumptio. Et secundum hunc modum inordinatio timoris præsumptio dicitur.

S. Tb. Oper. Tom. XXII.

(a) Ita Garcia cum pluribus codicibus. Edit. possum addunt scilicet motus spei.

Ad secundum dicendum, quod contraria sunt quæ maxime distant in eodem genere. Præsumptio autem, & spes important motum eiusdem generis; qui potest esse vel ordinatus, vel inordinatus. Et ideo præsumptio directius contrariatur spei quam timori: nam spei contrariatur ratione propriæ differentie, sicut inordinatum ordinato; timori autem contrariatur ratione differentie sui generis. (a)

Ad tertium dicendum, quod præsumptio contrariatur timori contrarietate generis; virtuti autem spei contrarietate differentie. Ideo præsumptio totaliter excludit timorem, etiam secundum genus; spem autem non excludit nisi ratione differentie, excludendo eius ordinationem.

#### ARTICULUS IV. 113

*Utrum præsumptio causetur ex inani gloria.*

Inf. quæst. cxxxii. art. 5. & 6. & mal. quæst. ix. art. 3.

Ad quartum sic proceditur. Videtur quod præsumptio non causetur ex inani gloria. Præsumptio enim maxime videtur inniti divitiæ misericordie. Misericordia autem respicit misericordiam, quæ opponitur gloriæ. Ergo præsumptio non oritur ex inani gloria.

2. Præterea. Præsumptio opponitur desperationi. Sed desperatio oritur ex tristitia, ut dictum est (quæst. xx. art. 4. ad 2.) Cum ergo oppositorum oppositæ sint causæ, videtur quod oriatur ex vitiis carnalibus, quorum delectationes sunt vehementiores.

3. Præterea. Vitium præsumptionis consistit in hoc quod aliquis tendit in aliquod bonum, quod non est possibile, quali in possibile. Sed quod aliquis æstimet possibile quod est impossibile, provenit ex ignorantia. Ergo præsumptio magis provenit ex ignorantia, quam ex inani gloria.

Sed contra est quod Gregorius dicit XXXI. Moralium (cap. xvii. a med.) quod *præsumptio novitatem est filia inanis gloriæ*.

Respondeo dicendum, quod, sicut supra dictum est (art. 1. hu. quæst.) duplex est præsumptio. Una quidem quæ innititur propriæ virtuti, attentans scilicet

H

cec

et aliquid ut sibi possibile, quod propriam virtutem excedit: & talis praesumptio manifeste ex inani gloria procedit: ex hoc enim quod aliquis multum desiderat gloriam, sequitur quod (a) attentet aliquid super vires suas: & huiusmodi praecipue sunt nova quae maiorem admirationem habent. Et ideo signanter Gregorius. praesumptionem novitatum posuit filiam inanis gloriae.

Alia vero est praesumptio quae innititur inordinate divinae misericordiae, vel potentiae, per quam quis sperat se obtinere gloriam sine meritis, vel veniam sine poenitentia: & talis praesumptio videtur oriri directe ex superbia, ac si ipse tanti se aestimet, quod etiam cum peccantem Deus non puniat, vel a gloria excludat.

Et per hoc patet responsio ad obiecta.

## QUAESTIO XXII.

*De praecipis pertinentibus ad spem, & timorem,*

*in duos articulos divisa.*

**D**Einde considerandum est de praecipis pertinentibus ad spem, & timorem: & circa hoc quaruntur duo.

Primo de praecipis pertinentibus ad spem.

Secundo de praecipis pertinentibus ad timorem.

### ARTICULUS I. 114

*Utrum de spe debeat dari aliquod praecipium.*

**A**D primum sic proceditur. Videtur quod nullum praecipium sit dandum pertinens ad virtutem spei. Quod enim sufficienter potest fieri per unum, non oportet quod per aliquid aliud inducatur. Sed ad sperandum bonum sufficienter homo inducitur ex ipsa naturali inclinatione. Ergo non oportet quod ad hoc inducatur homo per legis praecipium.

2. Praeterea. Cum praecipia dantur de actibus virtutum, principalia praecipia etiam debent dari de actibus principalium virtutum. Sed inter omnes virtutes principales sunt tres virtutes theologicae, scilicet spes, fides, & caritas.

Cum ergo principalia legis praecipia sint praecipia Decalogi, ad quae omnia alia reducuntur, ut supra dictum est (1. 2. quaest. c. art. 3.) videtur quod si de spe daretur aliquod praecipium, deberet inter praecipia Decalogi contineri. Non autem ibi continetur. Ergo videtur quod nullum praecipium in lege debeat dari de actu spei.

3. Praeterea. Eiusdem rationis est praecipere actum virtutis, & prohibere actum vitii oppositi. Sed non invenitur aliquod praecipium datum, per quod prohibeatur desperatio, quae est opposita spei. Ergo videtur quod nec de spe conveniat aliquod praecipium dari.

Sed contra est quod Augustinus dicit super illud Ioan. xv. *Hoc est praecipium meum ut diligatis invicem* (tract. lxxxiii. in Ioan. a med.). „De fide nobis quam multa mandata sunt! quam multa de spe!“ Ergo de spe convenit aliqua praecipia dari.

Respondeo dicendum, quod praecipitorum quae in sacra Scriptura inveniuntur, quaedam sunt de substantia legis, quaedam vero sunt praebula ad legem. Praebula quidem sunt ad legem illa quibus non existentibus lex locum habere non potest. Huiusmodi autem sunt praecipia de actu fidei, & de actu spei: quia per actum fidei mens hominis inclinatur, ut recognoscat auctorem legis talem, cui se subdere debeat; per spem vero praemii homo inducitur ad observantiam praecipitorum. Praecipia vero de substantia legis sunt quae homini iam subiecto, & ad obediendum parato imponuntur, pertinentia ad rectitudinem vitae. Et ideo huiusmodi praecipia statim in ipsa legislatione proponuntur per modum praecipitorum.

Spei vero, & fidei praecipia non erant proponenda per modum praecipitorum: quia nisi homo iam crederet, & speraret, frustra ei lex proponeretur. Sed sicut praecipium fidei proponendum fuit per modum denuntiationis, & commemorationis, ut supra dictum est (quaest. xvi. art. 1.) ita etiam praecipium spei in prima legislatione proponendum fuit per modum promissionis. Qui enim obediens praemia promittit, ex hoc ipso incitat ad spem. Unde omnia promissa quae in lege continentur, sunt spei excitativa.

Sed quia lege iam imposita, pertinet ad sapientes viros ut non solum inducant

(a) *Attendet ad gloriam quamdam super vires suas.*

cant homines ad observantiam præceptorum, sed etiam multo magis ad conservandum legis fundamentum; ideo post primam legislationem in sacra Scriptura multipliciter inducuntur homines ad sperandum, etiam per modum admonitionis, vel præcepti, & non solum per modum promissionis, sicut in lege; sicut patet in Psal. lxi. 9. *Sperate in eo omnis congregatio populi*; & in multis aliis Scripturæ locis. (Psal. lv. Ecclesi. xi. & Ol. xii.)

Ad primum ergo dicendum, quod natura sufficienter inclinatur ad sperandum bonum naturæ humanæ proportionatum; sed ad sperandum supernaturale bonum oportuit hominem induci auctoritate legis divinæ, partim quidem promissis, partim autem admonitionibus, vel præceptis; & tamen ad ea etiam ad quæ naturalis ratio inclinatur, sicut sunt actus virtutum moralium, necessarium fuit præcepta legis divinæ dari, propter maiorem firmitatem: & præcipue quia naturalis ratio hominis obtenebrata erat per concupiscentias peccati.

Ad secundum dicendum, quod præcepta legis Decalogi pertinent ad primam legislationem: & ideo inter præcepta Decalogi non fuit dandum præceptum aliquod de spe; sed fuisse per aliquas promissiones positas inducere ad spem, ut patet in primo, & quarto præcepto.

Ad tertium dicendum, quod in illis ad quorum observantiam homo tenetur ex ratione debiti, fuisse præceptum affirmativum dari de eo quod faciendum est, in quibus prohibitiones eorum quæ sunt vitanda, intelliguntur; sicut datur præceptum de honoratione parentum, non autem prohibetur quod parentes dehonorentur, nisi per hoc quod dehonorentibus poena adhibetur in lege. Et quia debitum est ad humanam salutem ut speret homo de Deo, fuit ad hoc homo inducendus aliquo prædictorum modorum, quasi affirmative, in quo intelligeretur prohibitio oppositi.

## ARTICULUS II. 115

*Utrum de timore fuerit dandum aliquod præceptum.*

**A**D secundum sic proceditur. Videtur quod de timore non fuerit dandum aliquod præceptum in lege. Timor

enim Dei est de his quæ sunt præambula ad legem, cum sit *initium sapientie*. Se ea quæ sunt præambula ad legem, non cadunt sub præceptis legis. Ergo de timore non est dandum aliquod præceptum legis.

2. Præterea. Posita causa, ponitur effectus. Sed amor est causa timoris: *omnis enim timor ex aliquo amore procedit*, ut dicit Augustinus in Lib. lxxxiii. Qq. (quæst. xxxiii.) Ergo, posito præcepto de amore, superfluum fuit præcipere timorem.

3. Præterea. Timori aliquo modo opponitur præsumptio. Sed nulla prohibitio invenitur in lege de præsumptione data. Ergo videtur quod nec de timore aliquod præceptum dari debuerit.

Sed contra est quod dicitur Deut. x. 12. *Et nunc Israel, quid Dominus Deus tuus petiit a te, nisi ut timeas Dominum Deum tuum?* Sed illud a nobis requirit quod nobis præcipitur observandum. Ergo sub præcepto cadit quod aliquis timeat Deum.

Respondendo dicendum, quod duplex est timor, scilicet servilis, & filialis. Sicut autem aliquis inducitur ad observantiam præceptorum legis per spem præriorum; ita etiam inducitur ad legis observantiam per timorem poenarum, qui est timor servilis.

Et sicut secundum prædicta (art. præc.) in ipsa legislatione non fuit præceptum dandum de actu spei, sed ad hoc fuerunt homines inducendi per promissa; ita nec de timore qui respicit poenam, fuit præceptum dandum per præcepti modum, sed ad hoc fuerunt homines inducendi per comminationem poenarum: quod fuit factum & in ipsis præceptis Decalogi, & postmodum consequenter in secundariis legis præceptis.

Sed sicut sapientes, & prophetae consequenter intendentes homines stabilire in observantia legis, documenta tradiderunt de spe per modum admonitionis, vel præcepti; ita etiam de timore.

Sed timor filialis, qui reverentiam exhibet Deo, est quasi quoddam genus ad dilectionem Dei, & principium quoddam omnium eorum quæ in Dei observantur reverentia. Et ideo de timore filiali dantur præcepta in lege, sicut & de dilectione: quia utrumque est præambulum ad exteriores actus, qui præcipiuntur in lege, ad quos pertinent præcepta Decalogi. Et ideo in auctoritate legis inducta (in arg. *Sed cont.*) requi-

requiritur ab homine timor, & ut ambulet in via Dei, colendo ipsum, & ut diligat ipsum.

Ad primum ergo dicendum, quod timor filialis est quoddam præambulum ad legem, non sicut extrinsecum aliquid, sed sicut principium legis, sicut etiam dilectio. Et ideo de utroque dantur præcepta, quæ sunt quasi quædam principia communia totius legis.

Ad secundum dicendum, quod ex amore sequitur timor filialis, sicut etiam alia bona opera quæ ex caritate fiunt: & ideo sicut post præceptum caritatis dantur præcepta de aliis actibus virtutum; ita etiam simul dantur præcepta de timore, & amore caritatis: sicut etiam in scientiis demonstrativis non sufficit ponere principia prima, nisi etiam ponantur conclusiones quæ ex his sequuntur vel proxime, vel remote.

Ad tertium dicendum, quod inductio ad timorem sufficit ad excludendam præsumptionem, sicut etiam inductio ad spem sufficit ad excludendam desperationem, ut dictum est (art. præc. ad 3.)

### QUAESTIO XXIII.

*De caritate secundum se,*

*in octo articulos divisa.*

**C**onsequenter considerandum est de caritate: & primo de ipsa caritate; secundo de dono sapientiae ei correspondente.

Circa primum consideranda sunt quinque. Primo de ipsa caritate. Secundo de objecto caritatis. Tertio de actibus eius. Quarto de vitiis oppositis. Quinto de præceptis ad hoc pertinentibus.

Circa primum est duplex consideratio. Prima quidem de ipsa caritate secundum se. Secunda de caritate per comparationem ad subiectum.

Circa primum quaeruntur octo.

Primo, utrum caritas sit amicitia.

Secundo, utrum sit aliquid creatum in anima.

Tertio, utrum sit virtus.

Quarto, utrum sit virtus specialis.

Quinto, utrum sit una virtus.

Sexto, utrum sit maxima virtutum.

Septimo, utrum sine ea possit esse aliqua vera virtus.

Octavo, utrum sit forma virtutum.

### ARTICULUS I.

116

*Utrum caritas sit amicitia.*

*II. dist. XXVII. quest. II. & vir. quest. 1. art. 9. ad 5. & quest. II. art. 2. ad 8.*

**A**D primum sic proceditur. Videtur quod caritas non sit amicitia. Nihil enim est ita proprium amicitiae, sicut convivere amico, ut dicit Philosophus in VIII. Ethic. (cap. v. ante med.) Sed caritas est hominis ad Deum, & ad Angelos, quorum non est cum hominibus conversatio, ut dicitur Dan. 12. 11. Ergo caritas non est amicitia.

2. Præterea. Amicitia non est sine redamatione, ut dicitur in VIII. Ethic. (cap. 11.) Sed caritas habetur etiam ad inimicos, secundum illud Matth. v. 44. *Diligite inimicos vestros.* Ergo caritas non est amicitia.

3. Præterea. Amicitiae tres sunt species secundum Philosophum in VIII. Ethic. (cap. 11.) scilicet amicitia delectabilis, utilis, & honesti. Sed caritas non est amicitia utilis, aut delectabilis: dicit enim Hieronymus in epist. ad Paulinum, quæ ponitur in principio Biblicæ (in princ.) *Illā est vera necessitudo, & Christi glutino copulata, quam non utilitas rei familiaris, non presentia tantum corporum, non subdola, & palpans adulatio, sed Dei timor, & divinarum Scripturarum studia conciliant.* Similiter etiam non est amicitia honesti: quia caritate diligimus etiam peccatores; amicitia vero honesti non est nisi ad virtuosos, ut dicitur in VIII. Ethic. (cap. 11. cir. med.) Ergo caritas non est amicitia.

Sed contra est quod Ioan. xv. dicitur: *Ego enim sum servus... sed amicos meos.* Sed hoc non dicebatur eis nisi ratione caritatis. Ergo caritas est amicitia.

Respondetur dicendum, quod secundum Philosophum in VIII. Ethic. (cap. 11. & 111.) non quilibet amor habet rationem amicitiae, sed amor qui est cum benevolentia, quando scilicet sic amamus aliquem ut ei bonum velimus. Si autem rebus amatis non bonum velimus, sed ipsum earum bonum nobis velimus, sicut dicimur amare vinum, aut equum, aut aliquid huiusmodi, non est amor amicitiae, sed cuiusdam concupiscentiae.

Rt.

Ridiculum enim est dicere, quod aliquis habet amicitiam ad vinum, vel ad equum.

Sed nec benevolentia sufficit ad rationem amicitiae, sed requiritur quaedam mutua amatio: quia amicus est amico amicus. Talis autem mutua benevolentia fundatur super aliqua communicatione.

Cum ergo sit aliqua communicatio hominis ad Deum, secundum quod nobis suam beatitudinem communicat, super hanc communicationem oportet aliquam amicitiam fundari. De qua quidem communicatione dicitur I. ad Corinth. 1. 9. *Fidelis Deus, per quem vocati estis in societatem Filii eius.* Amor autem super hanc communicationem fundatus, est caritas. Unde manifestum est quod caritas amicitia quaedam est hominis ad Deum.

Ad primum ergo dicendum, quod duplex est hominis vita. Una quidem exterior secundum naturam sensibilem, & corporalem; & secundum hanc vitam non est nobis communicatio, vel conversatio cum Deo, & Angelis. Alia autem est vita hominis spiritualis secundum mentem; & secundum hanc vitam est nobis conversatio & cum Deo, & cum Angelis: in praesenti quidem statu imperfecte; unde dicitur Philip. 111. 20. *Nostri conversatio in caelis est:* sed ista conversatio perficitur in patria, quando servi eius servient Deo, & videbunt faciem eius, ut dicitur Apocal. ult. 3. Et ideo hic est caritas imperfecta, sed perficitur in patria.

Ad secundum dicendum, quod amicitia se extendit ad aliquem dupliciter. Uno modo respectu superioris; & sic amicitia nunquam est nisi ad amicum ipsius. Alio modo se extendit ad aliquem respectu alterius personae; sicut si aliquis habet amicitiam ad aliquem hominem, ratione eius diligit omnes ad illum hominem pertinentes, sive filios, sive servos, sive qualitercumque ei attinentes: & tanta potest esse dilectio amici, quod propter amicum amentur hi qui ad ipsum pertinent, etiam si nos offendant, vel odiant: & hoc modo amicitia caritatis se extendit etiam ad inimicos, quos diligimus ex caritate in ordine ad Deum, ad quem principaliter habetur amicitia caritatis.

Ad tertium dicendum, quod amicitia honesti non habetur nisi ad virtuosum sicut ad principalem personam; sed eius intuitu diliguntur ad eum attinentes, s. Th. Oper. Tom. XXII.

etiam si non sint virtuosus: & hoc modo caritas, quae maxime est amicitia honesti, se extendit ad peccatores, quos ex caritate diligimus propter Deum.

## ARTICULUS II. 117

*Utrum caritas sit aliquid creatum in anima.*

I. dist. XVII. quest. 1. art. 1. & art. 4. quest. 4. corp. & III. dist. XXVII. quest. 11. art. 4. quest. 4. corp. & ver. quest. 1. art. 11. & quest. 1. art. 1. & 12.

**A**D secundum sic proceditur. Videtur quod caritas non sit aliquid creatum in anima. Dicit enim Augustinus in VIII. de Trin. (cap. VIII. aned.) *Qui proximum diligit, consequens est ut ipsam dilectionem diligit.* Deus autem dilectio est. Consequens est ergo ut praecipue Deum diligit. Et in XV. de Trin. (cap. XVII. paulo a princ.) dicit: *Ita dictum est, Deus caritas est, sicut dictum est, Deus spiritus est.* Ergo caritas non est aliquid creatum in anima, sed est ipse Deus.

2. Praeterea. Deus est spiritualiter vita animae, sicut anima vita corporis, secundum illud Deuter. xxx. 20. *Ipsa est vita tua.* Sed anima vivificat corpus per seipsam. Ergo Deus vivificat animam per seipsam. Vivificat autem eam per caritatem, secundum illud I. Ioan. 111. 14. *Nos scimus quoniam translati sumus de morte ad vitam, quoniam diligimus fratres.* Ergo Deus est ipsa caritas.

3. Praeterea. Nihil creatum est infinitae virtutis, sed magis omnis creatura est vanitas. Caritas autem non est vanitas, sed magis vanitati repugnat; & est infinitae virtutis, quia animam hominis ad bonum infinitum perducit. Ergo caritas non est aliquid creatum in anima.

Sed contra est quod Augustinus dicit in III. de doctr. christ. (cap. x. a mod.) *Caritatem voco motum animi ad fruendum Deo propter ipsum.* Sed motus animi est aliquid creatum in anima. Ergo & caritas est aliquid creatum in anima.

Respondeo dicendum, quod Magister persequitur hanc questionem in XVII. distinct. 1. Lib. Sentent. & ponit, quod caritas non est aliquid creatum in anima, sed est ipse Spiritus sanctus mentem inhabitans. Nec est sua intentio quod ille motus dilectionis quo Deum diligimus, sit ipse Spiritus sanctus; sed quod

iste motus dilectionis est a Spiritu sancto, non mediante aliquo habitu, sicut a Spiritu sancto sunt alii actus virtuosos mediante habitibus aliarum virtutum, puta habitus fidei, aut spei, aut aliorum virtutum. Et hoc dicebat propter excellentiam caritatis.

Sed si quis recte consideret, hoc magis redundat in caritatis detrimentum. Non enim motus caritatis ita procedit a Spiritu sancto movente humanam mentem, quod humana mens sit mota tantum, & nullo modo sit principium huius motus, sicut cum aliquod corpus movetur ab aliquo exteriori movente. Hoc enim est contra rationem voluntarii, cuius oportet principium in ipso esse, sicut supra dictum est (1. 2. quæst. VI. art. 1.) Unde sequeretur quod diligere non esset voluntarium: quod implicat contradictionem; cum amor de sui ratione importet quod sit actus voluntatis.

Similiter etiam non potest dici, quod sic moveat Spiritus sanctus voluntatem ad actum diligendi, sicut movetur instrumentum; quod etiam sit principium actus, non tamen est in ipso agere, vel non agere: sic enim etiam tolleretur ratio voluntarii, & excluderetur ratio meriti; cum tamen supra habitum sit (1. 2. quæst. cxv. art. xv.) quod dilectio caritatis est radix merendi. Sed oportet quod si voluntas moveatur a Spiritu sancto ad diligendum, etiam ipsa sit efficiens hunc actum.

Nullus autem actus perfecte producit ab aliqua potentia activa, nisi sit ei connaturalis per aliquam formam, quæ sit principium actionis. Unde Deus, qui omnia movet ad debitos fines, singulis rebus indidit formas, per quas inclinantur ad fines sibi præstitutos a Deo: & secundum hoc disponit omnia suaver, ut dicitur Sap. VIII. 1. Manifestum est autem quod actus caritatis excedit naturam potentie voluntatis. Nisi ergo aliqua forma superadderetur naturali potentie, per quam inclinaretur ad dilectionis actum, esset actus iste imperfectior actibus naturalibus, & actibus aliarum virtutum; nec esset facilis, & delectabilis. Quod patet esse falsum: quia nulla virtus habet tantam inclinationem ad suum actum sicut caritas, nec aliqua ita delectabiliter operatur. Unde maxime necesse est quod ad actum caritatis

in nobis existat aliqua habitualis forma superaddita potentie naturali, inclinans ipsam ad caritatis actum, & faciens eam prompte, & delectabiliter operari.

Ad primum ergo dicendum, quod ipsa essentia divina caritas est, sicut & sapientia est, & bonitas est. Unde sicut dicimur boni bonitate, quæ est Deus, & sapientes sapientia, quæ est Deus (quia bonitas quia formaliter boni sumus, est participatio quædam divinæ bonitatis; & sapientia quia formaliter sapientes sumus, est participatio quædam divinæ sapientie) ita etiam caritas, quia formaliter diligimus proximum, est quædam participatio divinæ caritatis. Hic enim modus loquendi consuetus est apud Platonicos, quorum doctrinis imbutus fuit Augustinus: quod quidam non advertentes, ex verbis eius sumperunt occasionem errandi.

Ad secundum dicendum, quod Deus est vita effective & anime per caritatem, & corporis per animam; sed formaliter caritas est vita anime, sicut & anima corporis. Unde per hoc potest concludi, quod sicut anima immediate unitur corpori, ita caritas anime.

Ad tertium dicendum, quod caritas operatur formaliter. Efficacia autem forme est secundum virtutem agentis, qui inducit formam: & ideo patet quod (a) caritas non est vanitas. Sed quia facit effectum infinitum, cum coniungit animam Deo, iustificando ipsam, hoc demonstrat infinitatem virtutis divinæ, (b) quæ est caritatis auctor.

### ARTICULUS III. 118

*Utrum caritas sit virtus.*

III. dist. xxvii. quæst. 11. art. 2. & ver. quæst. 1. art. 3. ad 7. & quæst. 11. art. 2.

Ad tertium sic proceditur. Videtur quod caritas non sit virtus. Caritas enim amicitia est quædam. Sed amicitia a Philosophis non ponitur virtus, ut in VIII. Lib. Ethic. (cap. 1. princ.) patet: neque enim connumeratur inter virtutes morales, neque etiam inter intellectuales. Ergo etiam neque caritas est virtus.

2. Præ-

(a) Ita add. Alcon. Tatesc. & Camer. nisi quod hi duo posteriores omittunt quia, quod Nicomachus dicit in quod. Edit. Rom. caritas non est infinita, sed quod facit &c. Edit. Paris. caritas non est vanitas, nec est infinita, sed quod facit effectum &c. (b) Al. qui.



2. Præterea. Virtus est ultimum potentiae, ut dicitur in Lib. I. de celo & mundo (tex. 116.) Sed caritas non est ultimum, sed magis gaudium, & pax. Ergo videtur quod caritas non sit virtus, sed magis gaudium, & pax.

3. Præterea. Omnis virtus est quidam habitus accidentalis. Sed caritas non est habitus accidentalis, cum sit nobilior ipsa anima. Nullum autem accedens est nobilior subiecto. Ergo caritas non est virtus.

Sed contra est quod Augustinus dicit in Lib. de moribus Ecclesiae (cap. xi. a med.) *Caritas est virtus, quæ cum nostra affectio est rectissima, coniungit nos Deo, quæ cum diligimus.*

Respondendo dicendum, quod humanæ bonitatem habent, secundum quod regulantur debita regula, & mensura. Et ideo humana virtus, quæ est principium omnium bonorum actuum hominis, consistit in attingendo regulam humanorum actuum: quæ quidem est duplex, ut supra dictum est (quæst. xvii. art. 1.) scilicet humana ratio, & ipse Deus.

Unde sicut virtus moralis denatur per hoc quod est secundum rectam rationem, ut patet in II. Ethic. (cap. vi.) ita etiam attingere Deum constituit rationem virtutis, sicut etiam supra dictum est (quæst. iv. art. 5. & quæst. xvii. art. 1.) de nide, & spe. Unde cum caritas attingat Deum, quia coniungit nos Deo, ut patet per auctoritatem Augustini inductam (in arg. *Secundum*) consequens est caritatem esse virtutem.

Ad primum ergo dicendum, quod Philosophus in VIII. Ethic. non negat amicitiam esse virtutem, sed dicit, quod est virtus, vel cum virtute. Ponit enim dici, quod est virtus moralis circa operationes quæ sunt ad alium, sub alia tamen ratione quam iustitia: nam iustitia est circa operationes quæ sunt ad alium, sub ratione debiti legalis; amicitia autem (a) sub ratione cuiusdam debiti amicabilis, & moralis, vel magis sub ratione beneficii eraruiti, ut patet per Philosophum in VIII. Ethic. (cap. xiii.) Potest tamen dici, quod non est virtus per se ab aliis distincta. Non enim habet rationem laudabilem, & honestam, nisi ex obiecto, secundum scilicet quod fundatur super honestatem virtutum: quod patet ex hoc quod non quæ-

libet amicitia habet rationem laudabilem, & honestam: sicut patet in amicitia delectabilis, & utilis. Unde amicitia virtuosa magis est aliquid consequens ad virtutem, quam sit virtus. Nec est simile de caritate, quæ non fundatur principaliter super virtutem humanam, (b) sed super bonitatem divinam.

Ad secundum dicendum, quod eiusdem virtutis est diligere aliquem, & gaudere de illo. Nam gaudium amorem consequitur, ut supra habitum est, (1. 2. quæst. xxv. art. 2.) cum de passionibus ageretur: & ideo magis ponitur virtus amor quam gaudium, quod est amoris effectus. Ultimum autem quod ponitur in ratione virtutis, non importat ordinem effectus, sed magis ordinem excessus cuiusdam, sicut centum libræ excedunt quadraginta.

Ad tertium dicendum, quod omne accedens secundum suum esse est inferius substantia, quia substantia est ens per se, accedens autem in alio; sed secundum rationem suæ speciei, accedens efficitur quod caulatur ex principiis subiecti, est indignius subiecto, sicut effectus causa; accedens autem quod caulatur ex participatione alicuius superioris nature, est dignius subiecto, inquantum est imitatio superioris nature, sicut lux diaphana. Et hoc modo caritas est dignior anima, inquantum est participatio quædam Spiritus sancti.

## ARTICULUS IV. 119

Utrum caritas sit virtus specialis.

*Inf. quæst. lviii. art. 6. & III. dist. xxvii. quæst. ii. art. 4. quæst. 2. & 3. & vir. quæst. ii. art. 2. co. & art. 5.*

AD quartum sic proceditur. Videtur quod caritas non sit virtus specialis. Dicit enim Hieronymus (ex quo non occurrit, sed habet quid simile Aug. epist. clxvii. olim cxxix. a med.) *Ut breviter omnem virtutis dispositionem complectar, virtus est caritas, quæ diligitur Deus, & proximus.* Et Augustinus dicit in Libro de moribus Ecclesie (implic. cap. xv. sed expref. Lib. XV. de civ. Dei cap. xxii. sub fin.) *quod virtus est ordo amoris.* Sed nulla virtus specialis ponitur in definitione virtutis communis. Ergo caritas non est specialis virtus.

H 4

2. Præ-

(a) *Inf. mfr. & adiri passim.* Edit. Rom. ratione beneficii cuiusdam dicitur. (b) *Inf. mfr. & add. si plurimi.* Cod. Tarrac. sed super virtutem divinam. Alean. super bonitate divinam.

2. Præterea. Id quod se extendit ad opera omnium virtutum, non potest esse specialis virtus. Sed caritas se extendit ad opera omnium virtutum, secundum illud I. ad Corinth. XIII. 4. *Caritas patiens est, benigna est &c.* extendit etiam se ad omnia opera humana, secundum illud I. ad Cor. ult. 14. *Omnia vestra in caritate fiant.* Ergo caritas non est specialis virtus.

3. Præterea. Præcepta legis respondent actibus virtutum. Sed Augustinus in Lib. de perfectione humanæ iustitiæ (cap. v. ante med.) dicit, quod *generalis iussus est, Diliges; & generalis prohibitio, Non concupisces.* Ergo caritas est generalis virtus.

Sed contra. Nullum generale connumeratur speciali. Sed caritas connumeratur specialibus virtutibus, scilicet spei, & fidei, secundum illud I. ad Corinth. XIII. 13. *Nunc autem manent fides, spes, caritas, tria hæc.* Ergo caritas est specialis virtus.

Respondeo dicendum, quod actus, & habitus specificantur per obiecta, ut ex supra dictis patet (1. 2. quæst. XVIII. art. 2. & quæst. IV. art. 2.)

Proprium autem obiectum amoris est bonum, ut supra habitum est (1. 2. quæst. XXVI. art. 1.) & ideo ubi est specialis ratio boni, ibi est specialis ratio amoris. Bonum autem divinum; in quantum est beatitudinis obiectum, habet specialem rationem boni: & ideo amor caritatis, qui est amor huius boni, est specialis amor. Unde & caritas est specialis virtus.

Ad primum ergo dicendum, quod caritas ponitur in definitione omnis virtutis, non quia sit essentialiter omnis virtus, sed quia dependent ab ea aliquæ omnes virtutes, ut infra dicitur (art. 7. & 8. hu. quæst.) Sicut etiam prudentia ponitur in definitione virtutum moralium, ut patet in II. Eth. (cap. VI.) & in VI. (cap. ult. cir. fi.) eo quod virtutes morales dependent a prudentia.

Ad secundum dicendum, quod virtus, vel ars ad quam pertinet finis ultimus, imperat virtutibus, vel artibus ad quas pertinent alii fines secundarii; sicut militaris imperat equestri, ut dicitur in I. Eth. (cap. 1.) Et ideo quia caritas habet pro obiecto ultimum finem humanæ vitæ, scilicet beatitudinem æternam, ideo extendit se ad actus totius humanæ vitæ per modum imperii, non quasi

immediate eliciens omnes actus virtutum.

Ad tertium dicendum, quod præceptum de diligendo dicitur esse iussus generalis, quia ad hoc reducuntur omnia alia præcepta sicut ad finem, secundum illud I. ad Timoth. 1. 5. *Finis præcepti caritas est.*

## ARTICULUS V. 120

*Utrum caritas sit una virtus.*

*Locis sup. art. 4. inductis.*

**A**D quantum sic proceditur. Videtur quod caritas non sit una virtus. Habitus enim distinguuntur secundum obiecta. Sed duo sunt obiecta caritatis, scilicet Deus, & proximus; quæ in infinitum ab invicem distant. Ergo caritas non est una virtus.

2. Præterea. Diversæ rationes obiecti diversificant habitum, etiam si obiectum sit realiter idem, ut ex supra dictis patet (quæst. XVII. art. 6. & 1. 2. quæst. IV. art. 2. ad 1.) Sed multe sunt rationes diligendi Deum, quia ex singulis beneficiis eius perceptis debitores sumus dilectionis ipsius. Ergo caritas non est una virtus.

3. Præterea. Sub caritate includitur amicitia ad proximum. Sed Philosophus in VIII. Eth. (cap. XI. & XII.) ponit diversas species amicitie. Ergo caritas non est una virtus, sed multiplicatur in diversas species.

Sed contra. Sicut obiectum fidei est Deus, ita & caritatis. Sed fides est una virtus propter unitatem divinæ veritatis, secundum illud ad Eph. IV. 5. *Una fides.* Ergo etiam caritas est una virtus propter unitatem divinæ bonitatis.

Respondeo dicendum, quod caritas, sicut dictum est (art. 1. hu. quæst.) est quædam amicitia hominis ad Deum. Diversæ autem amicitiarum species accipiuntur uno quidem modo secundum diversitatem finis; & secundum hoc dicuntur tres species amicitie, scilicet amicitia utilis, delectabilis, & honesti: alio modo secundum diversitatem communicationis, in quibus amicitie fundantur, sicut alia species amicitie est consanguineorum, & alia concivium, aut peregrinantium; quarum una fundatur super communicatione naturali, alia super communicatione civili, vel peregrinationis, ut patet per Philosophum in

in VIII. Ethic. (cap. xi. & xii.)

Neutro autem istorum modorum caritas potest dividi in plura. Nam caritatis finis est unus, scilicet divina bonitas: est etiam una communicatio beatitudinis eterne, super quam hæc aq̃c̃tia fundatur. Unde relinquitur quod caritas est simpliciter una virtus, non distincta in plures species.

Ad primum ergo dicendum, quod ratio illa recte procederet, si Deus, & proximus ex æquo essent caritatis obiecta. Hoc autem non est verum; sed Deus est principale obiectum caritatis, proximus autem ex caritate diligitur propter Deum.

Ad secundum dicendum, quod caritate diligitur Deus propter seipsum: unde una sola ratio diligendi attenditur principaliter a caritate, scilicet divina bonitas, quæ est eius substantia, secundum illud Plal. cv. 1. *Confitemini Domino quoniam bonus*. Aliæ autem rationes ad diligendum inducentes, vel debitum dilectionis facientes, sunt secundariæ, & consequentes ex prima.

Ad tertium dicendum, quod amicitia humanæ, de qua Philosophus loquitur, est diversus finis, & diversa communicatio: quod in caritate locum non habet, ut dictum est (in cor. art.) Et ideo non est similis ratio.

## ARTICULUS VI. 121

*Verum caritas sit excellentissima virtutum.*

1. 2. *quæst. lxxv. art. 6. & inf. quæst. xxx. art. 4. & III. dist. xxxvi. art. 4. corp. & IV. con. cap. iv. ad 13. & Colof. 111. lect. 3. princ.*

**A**D sextum sic proceditur. Videtur quod caritas non sit excellentissima virtutum. Altiore enim potentia altior est virtus, sicut & altior operatio. Sed intellectus est altior voluntate, quia dirigit ipsam. Ergo fides, quæ est in intellectu, est excellentior caritate, quæ est in voluntate.

2. Præterea. Illud per quod aliud operatur, videtur eo esse inferius, sicut minister, per quem dominus aliquid operatur, est inferior domino. Sed fides per dilectionem operatur, ut habetur ad Gal. v. 6. Ergo fides est excellentior caritate.

3. Præterea. Illud quod se habet ex additione ad aliud, videtur esse per-

ius, sed spes videtur se habere ex additione ad caritatem: nam caritatis obiectum est bonum, spei autem obiectum est bonum arduum. Ergo spes est excellentior caritate.

Sed contra est quod dicitur I. ad Corinrh. xiii. 13. *Maiores horum sunt caritas.*

Respondeo dicendum, quod cum bonum in humanis actibus attendatur, secundum quod regulantur debita regula, necesse est quod virtus humana, quæ est principium bonorum actuum, consistat in attingendo humanorum actuum regulam. Est autem duplex regula humanorum actuum, ut supra dictum est (art. 3. huiusmodi.) scilicet ratio humana, & Deus; sed Deus est prima regula, a qua etiam humana ratio regulanda est. Et ideo virtutes theologicae, quæ consistunt in attingendo illam regulam primam, eo quod earum obiectum est Deus, excellentiores sunt virtutibus moralibus, vel intellectualibus, quæ consistunt in attingendo rationem humanam. Propter quod oportet quod etiam inter ipsas virtutes theologicas illa sit prior quæ magis Deum attingit.

Semper autem id quod est per se, maius est eo quod est per aliud. Fides autem, & spes attingunt quidem Deum, secundum quod ex ipso provenit nobis vel cognitio veri, vel adeptio boni; sed caritas attingit ipsum Deum, ut in ipso consistat, non ut ex eo aliquid nobis proveniat; & ideo caritas est excellentior fide, & spe, & per consequens omnibus aliis virtutibus; sicut etiam prudentia, quæ attingit rationem secundum se, est excellentior quam aliæ virtutes morales, quæ attingunt rationem, secundum quod ex ea medium constituitur in operationibus, vel passionibus humanis.

Ad primum ergo dicendum, quod operatio intellectus complectitur, secundum quod intellectum est in intelligente: & ideo nobilitas operationis intellectualis attenditur secundum mensuram intellectus. Operatio autem voluntatis, & cuiuslibet virtutis appetitivæ perficitur in inclinatione appetentis ad rem sicut ad terminum: & ideo dignitas operationis appetitivæ attenditur secundum rem quæ est obiectum operationis. Ea autem quæ sunt infra animam, nobiliori modo sunt in anima quam in seipsis: quia unusquisque est in aliquo per modum eius in quo est, ut habetur in Lib. de causis (prop. 12. & 20.)

10.) Quæ vero sunt supra animam, nobiliori modo sunt in seipsis quam sunt in anima. Et ideo eorum quæ sunt infra nos, nobilior est cognitio quam dilectio, propter quod Philosophus in VI. Ethic. (cap. VII. & XII.) prætulit virtutes intellectuales moralibus. Sed eorum quæ sunt supra nos, & præcipue Dei dilectio cognitioni præferitur. Et ideo caritas est excellentior fide.

Ad secundum dicendum, quod fides non operatur per dilectionem sicut per instrumentum, ut dominus per servum sed sicut per formam propriam: & ideo ratio non sequitur.

Ad tertium dicendum, quod idem bonum est obiectum caritatis, & spei; sed caritas importat unionem ad illud bonum, spes autem distantiam quandam ab eo. Et inde est quod caritas non respicit illud bonum ut arduum, sicut spes quod enim iam (a) unitum est, non habet rationem ardui. Et ex hoc apparet quod caritas est perfectior spe.

#### ARTICULUS VII. 122

*Utrum sine caritate possit esse aliqua vera virtus.*

1. 2. quæst. lxxv. art. 2. & 4. & virt. quæst. xiv. art. 6. & quo. xii. art. 12. fin.

**A**D septimum sic proceditur. Videtur quod sine caritate possit esse aliqua vera virtus. Virtutis enim proprium est bonum actum producere. Sed illi qui non habent caritatem, faciunt aliquos bonos actus; puta dum nudum vestiunt, famelicum paucunt, & similia operantur. Ergo sine caritate potest esse aliqua vera virtus.

2. Præterea. Caritas non potest esse sine fide: procedit enim *ex fide non fide*, ut Apostolus dicit I. ad Tim. 1. Sed in infidelibus potest esse vera castitas, dum concupiscentias cohibent; & vera iustitia, dum recte iudicant. Ergo vera virtus potest esse sine caritate.

3. Præterea. Scientia, & ars virtutes quædam sunt, ut patet in VI. Ethic. (cap. III. & IV.) Sed huiusmodi inveniuntur in hominibus peccatoribus non habentibus caritatem. Ergo vera virtus potest esse sine caritate.

Sed contra est quod Apostolus dicit I. ad Corinth. XIII. 3. *Si distribuero in cibos pauperum omnes facultates meas; &*

*si tradidero corpus meum, ita ut ardeam, caritatem autem non habeam, nihil mihi prodest.* Sed virtus veramultum prodest, secundum illud Sap. VIII. 7. *Sobrietatem, & iustitiam docet, prudentiam, & virtutem: quibus in vita nihil est utilius hominibus.* Ergo sine caritate vera virtus esse non potest.

Respondeo dicendum, quod virtus ordinatur ad bonum, ut supra habitum est (1. 2. quæst. lv. art. 3.). Bonum autem principaliter est finis: nam ea quæ sunt ad finem, non dicuntur bona nisi in ordine ad finem. Sicut ergo duplex est finis, unus ultimus, & alius proximus; ita etiam est duplex bonum, unum quidem ultimum, & unum universale; & aliud proximum, & particulare. Ultimum quidem, & principale bonum hominis est Dei fructio, secundum illud Psal. lxxxi. 27. *Mibi adhaere: Deo bonum est:* & ad hoc ordinatur homo per caritatem.

Bonum autem secundarium, & quasi particulare hominis potest esse duplex: unum quidem quod est vere bonum, ut note ordinabile, quantum est in se, ad principale bonum, quod est ultimus finis; aliud autem est bonum apparens, & verum, quia adducit a finali bono. Sic ergo patet quod virtus vera simpliciter est illa quæ ordinat ad principale bonum hominis, sicut etiam Philosophus in VII. Physic. (tex. 17.) dicit; quod *virtus est dispositio perfectæ ad optimum.*

Et sic nulla vera virtus potest esse sine caritate. Sed si accipiat virtus, secundum quod est in ordine ad hoc bonum, non erit vera virtus, sed talis similitudo virtutis; sicut non est vera virtus avarorum prudentia, quæ excogitant diversa genera litcrorum; & avarorum iustitia, quæ gravium damnorum metu contemnit aliena; & avarorum temperantia, quæ luxuria, quæ sumptuosa est, cohibent appetitum; & avarorum fortitudo, quæ, ut ait Horatius Lib. I. epist. 1.

*Per mare pauperem figunt, per saxa, per ignes;*  
ut Angulimus dicit in IV. Lib. contra Iulianum (cap. III. cir. med.) Si vero illud bonum particulare sit verum bonum,

(a) Ita cum mss. Tarrac. & Aleam. edid. passim. Al. unum.

num, puta conservatio civitatis, vel aliquid huiusmodi, erit quidem vera virtus, sed imperfecta, nisi referatur ad finalem, & perfectum bonum.

Et secundum hoc simpliciter vera virtus sine caritate esse non potest.

Ad primum ergo dicendum, quod actus alicuius caritate carentis potest esse duplex. Unus quidem secundum hoc quod caritate caret, utpote cum facit aliquod in ordine ad id per quod caret caritate: & talis actus semper est malus, sicut Augustinus dicit in IV. contra Iulianum (cap. 111. a med.) quod actus infidelis, in quantum est infidelis, semper est peccatum, etiam si nudum operari, vel quicquid aliud huiusmodi faciat, ordinans ad finem suae infidelitatis. Alius autem potest esse actus caritate carentis, non secundum id quod caritate caret, sed secundum quod habet aliquid aliud donum Dei, vel fidem, vel spem, vel etiam naturae bonum, quod non totum per peccatum tollitur, ut supra dictum est (quaest. x. art. 4. & 1. 2. quaest. lxxxv. art. 1. & 2.) Et secundum hoc sine caritate potest quidem esse aliquis actus bonus ex suo genere, non tamen perfecte bonus, quia deest debita ordinatio ad ultimum finem.

Ad secundum dicendum, quod cum finis se habeat in agibilibus, sicut principium in speculabilibus, sicut non potest esse simpliciter vera scientia, si deest recta aestimatio de primo, & indemonstrabili principio; ita non potest esse simpliciter vera iustitia, aut vera castitas, si deest ordinatio debita ad finem, quae est per caritatem, quantumcunque aliquis se recte circa alia habeat.

Ad tertium dicendum, quod scientia, & ars de sui ratione important ordinem ad aliquod particulare bonum, non autem ad ultimum finem humanae vitae; sicut virtutes morales, quae simpliciter faciunt hominem bonum, ut supra dictum est (in corp. art. & 1. 2. quaest. lviii. art. 1.) Et ideo non est similis ratio.

## ARTICULUS VIII. 123

*Utrum caritas sit forma virtutum.*

Sup. quaest. xv. art. 3. & iii. dist. xxiii. quaest. 111. art. 1. quaest. 1. & dist. xxviii. quaest. 11. art. 4. quaest. 3. & veri. quaest. xiv. art. 3. & vii. quaest. 11. art. 3.

**A**D octavum sic proceditur. Videtur quod caritas non sit forma virtutum. Forma enim alicuius rei vel est exemplaris, vel essentialis. Sed caritas non est forma exemplaris aliarum virtutum, quia sic oporteret quod aliae virtutes essent eiusdem speciei cum ipsa: similiter etiam non est forma essentialis aliarum virtutum, quia non distingueretur ab aliis. Ergo nullo modo est forma virtutum.

3. Praeterea. Caritas comparatur ad alias virtutes ut radix, & fundamentum, secundum illud Eph. 111. 17. *In caritate radicati, & fundati*. Radix autem, vel fundamentum non habet rationem formae, sed magis rationem materiae, quia est prima pars in generatione. Ergo caritas non est forma virtutum.

3. Praeterea. Forma, & finis, & efficiens non coincidunt in ideis numero, ut patet in II. Physic. (text. 70.) Sed caritas dicitur finis, & mater virtutum. Ergo non debet dici forma virtutum.

Sed contra est quod Ambrosius dicit (implic. in princ. comment. cap. viii. I. Cor.) caritatem esse formam virtutum.

Respondeo dicendum, quod in moralibus forma actus attenditur principaliter ex parte finis. Cuius ratio est, quia principium moralium actuum est voluntas; cuius obiectum, & quasi forma est finis. Semper autem forma actus consequitur formam agentis. Unde oportet quod in moralibus id quod dat actui ordinem ad finem, det ei & formam.

Manifestum est autem secundum praedicta (art. praec.) quod per caritatem ordinantur actus omnium aliarum virtutum ad ultimum finem: & secundum hoc ipsa dat formam actibus omnium aliarum virtutum: & pro tanto dicitur esse forma virtutum: nam & ipsae virtutes dicitur in ordine ad actus formatos.

Ad primum ergo dicendum, quod caritas dicitur esse forma aliarum virtutum, non quidem exemplariter, aut essen-

entialiter, sed magis effective, inquantum scilicet omnibus formam imponit, secundum modum praedictum (in corp. art.)

Ad secundum dicendum, quod caritas comparatur fundamento, & radici, inquantum ex ea sustentantur, & nutriuntur omnes aliae virtutes; & non secundum rationem, qua fundamentum, & radix habent rationem causae materialis.

Ad tertium dicendum, quod caritas dicitur finis aliarum virtutum, quia omnes alias virtutes ordinat ad finem suum. Et quia mater est quae in se concipit ex alio, ex hac ratione dicitur mater aliarum virtutum, quia ex appetitu finis ultimi concipit actus aliarum virtutum, imperando ipsos.

### QUAESTIO XXIV.

*De caritatis subiecto,*

*in duodecim articulis divisa.*

**D**einde considerandum est de caritate in comparatione ad subiectum: & circa hoc quaeruntur duodecim.

Primo, utrum caritas sit in voluntate tanquam in subiecto.

Secundo, utrum caritas causetur in homine ex actibus precedentibus, vel ex infusione divina.

Tertio, utrum infundatur secundum capacitatem naturalium.

Quarto, utrum augeatur in habente ipsam.

Quinto, utrum augeatur per additionem.

Sexto, utrum quolibet actu augeatur.

Septimo, utrum augeatur in infinitum.

Octavo, utrum caritas vis possit esse perfecta.

Nono de diversis gradibus caritatis.

Decimo, utrumque caritas possit diminui.

Undecimo, utrum caritas semel habita possit amitti.

Duodecimo, utrum amittatur per unum actum peccati mortalis.

*Utrum voluntas sit subiectum caritatis.*

*III. dist. xxvii. quest. ii. art. 3. Et dist. xxx. art. 1. corp. Et ver. quest. xiv. art. 5. corp. Et ad 5. Et 12.*

**A**D primum sic proceditur. Videtur quod voluntas non sit subiectum caritatis. Caritas enim amor quidam est. Sed amor secundum Philosophum (Lib. II. Top. cap. iii. in explic. loci 25.) est in concupiscibili. Ergo & caritas est in concupiscibili, & non in voluntate.

2. Præterea. Caritas est principalissima virtutum, ut supra dictum est (quest. præ. art. 6.) Sed subiectum virtutis est ratio. Ergo videtur quod caritas sit in ratione, & non in voluntate.

3. Præterea. Caritas se extendit ad omnes actus humanos, secundum illud I. ad Corinth. ult. 14. *Omnia vestra in caritate fiant.* Sed principium humanorum actuum est liberum arbitrium. Ergo videtur quod caritas maxime sit in libero arbitrio sicut in subiecto, & non in voluntate.

Sed contra est quod obiectum caritatis est bonum, quod etiam est obiectum voluntatis. Ergo caritas est in voluntate sicut in subiecto.

Respondeo dicendum, quod cum duplex sit appetitus, sensitivus scilicet, & intellectivus, qui dicitur voluntas, ut in I. habitum est (quest. lxxx. art. 2.) utriusque obiectum est bonum, sed diversimode: nam obiectum appetitus sensitivi est bonum per sensum apprehensum; obiectum vero appetitus intellectivi, vel voluntatis est bonum sub communi ratione boni, prout est apprehensibile ab intellectu. Caritatis autem obiectum non est aliquod bonum sensibile, sed bonum divinum, quod solo intellectu cognoscitur.

Et ideo caritatis subiectum non est appetitus sensitivus, sed appetitus intellectivus, id est voluntas.

Ad primum ergo dicendum, quod concupiscibilis est pars appetitus sensitivi, non autem appetitus intellectivi, ut in I. ostensum est (quest. lxxx. art. 2.) Unde amor qui est in concupiscibili, est amor sensitivi boni. Ad bonum autem divinum, quod est intelligibile, concupiscibilis se extendere non potest, sed sola voluntas. Et ideo concupiscibilis subiectum caritatis esse non potest.

Ad

Ad secundum dicendum, quod voluntas etiam secundum Philosophum in III. de Anima (text. 42.) in ratione est. Et ideo per hoc quod caritas est in voluntate, non est aliena a ratione. Tamen ratio non est regula caritatis, sicut humanarum virtutum; sed regulatur a Dea sapientia, & excedit regulam rationis humanæ, secundum illud Ephes. xii. 19. *Supereminenter scientiæ caritatem Christi*. Unde non est in ratione sicut in subiecto, sicut prudentia; neque sicut in regulante, sicut iustitia, vel temperantia; sed solum per quamdam affinitatem voluntatis ad rationem.

Ad tertium dicendum, quod liberum arbitrium non est alia potentia a voluntate, ut in I. dictum est (quæst. lxxxiii. art. 4.) Et tamen caritas non est in voluntate secundum rationem liberi arbitrii, cuius actus est eligere. Electio enim est eorum quæ sunt ad finem. Voluntas autem est ipsius finis, ut dicitur in III. Ethic. (cap. ii. circ. med.) Unde caritas, cuius obiectum est finis ultimus, magis debet dici esse in voluntate quam in libero arbitrio.

## ARTICULUS II. 125

*Utrum caritas causetur in nobis ex infusione.*

I. dist. xvii. quæst. ii. art. 2. & 3. & III. cons. cap. cli. & opus. iv. cap. lxi. & Rom. viii. lect. 5.

**A**D secundum sic proceditur. Videtur quod caritas non causetur in nobis ex infusione. Illud enim quod est commune omnibus creaturis, naturaliter hominibus inest. Sed, sicut Dionysius dicit in iv. cap. de div. Nom. (par. i. lect. 5.) *omnibus diligibile, & amabile est bonum divinum*. quod est obiectum caritatis. Ergo caritas inest nobis naturaliter, & non ex infusione.

2. Præterea. Quanto aliquid est magis diligibile, tanto facilius diligi potest. Sed Deus est maxime diligibilis, cum sit summe bonus. Ergo facilius est ipsum diligere quam alia. Sed ad alia diligenda non indigemus aliquo habitu infuso. Ergo nec etiam ad diligendum Deum.

3. Præterea. Apostolus dicit I. ad Timoth. i. 5. *Finis præcepti est caritas de corde puro, & conscientia bona, & fide non ficta*. Sed hæc tria pertinent ad a-

ctus humanos. Ergo caritas causetur in nobis ex actibus præcedentibus, & non ex infusione.

Sed contra est quod Apostolus dicit Rom. v. 5. *Caritas Dei diffusa est in cordibus nostris per Spiritum sanctum, qui datus est nobis*.

Respondeo dicendum, quod, sicut dictum est (quæst. præc. art. 1.) caritas est amicitia quadam hominis ad Deum, fundata super communicatione beatitudinis æternæ. Hæc autem communicatio non est secundum dona naturalia, sed secundum dona gratuita: quia, ut dicitur Rom. vi 23. *gratia Dei vitæ æternæ*. Unde & ipsa caritas facultatem naturæ excedit. Quod autem excedit naturæ facultatem, non potest esse neque naturale, neque per potentias naturales acquisitum: quia effectus naturalis non transcendit suam causam.

Unde caritas non potest neque naturaliter nobis inesse, neque per vires naturales esse acquisita; sed per infusionem Spiritus sancti, qui est amor Patris, & Filii, cuius participatio in nobis est ipsa caritas (a) creata, sicut supra dictum est (quæst. præc. art. 2.)

Ad primum ergo dicendum, quod Dionysius loquitur de dilectione Dei, quæ fundatur super communicatione naturalium bonorum: & ideo naturaliter omnibus inest. Sed caritas fundatur super quadam communicatione supernaturali. Unde non est similis ratio.

Ad secundum dicendum, quod sicut Deus secundum se est maxime cognoscibilis, non tamen a nobis propter defectum nostræ cognitionis, quæ dependet a rebus sensibilibus; ita etiam Deus in se est maxime diligibilis, inquantum est obiectum beatitudinis. Sed hoc modo non est maxime diligibilis a nobis, propter inclinationem affectus nostri adabilia bona. Unde patet quod ad Deum maxime diligendum hoc modo necesse est quod nostris cordibus caritas infundatur.

Ad tertium dicendum, quod cum caritas dicitur in nobis procedere ex corde puro, & conscientia bona, & fide non ficta, hoc referendum est ad actum caritatis, qui ex præmissis excitatur.

Vel etiam hoc dicitur, quia huiusmodi actus disponunt hominem ad recipiendam caritatis infusionem. Et similiter etiam dicendum est de eo quod Augustinus dicit (tract. ix. in epist. Ioan. ante med.) quod *simor introducit caritatem*: & de

(a) Ita communius, alj. causata.

& de hoc quod dicitur in Glossa (interl. in princ.) Matth. 1. quod *fides generat spem, & spes caritatem*.

### ARTICULUS III. 126

*Utrum caritas infundatur secundum capacitatem naturalium.*

I. P. *quæst. lxi. art. 6. & I. dist. xvii. quæst. 1. art. 3. & III. dist. xxxi. art. 4.*

**A**D tertium sic proceditur. Videtur quod caritas infundatur secundum capacitatem naturalium. Dicitur enim Matth. xxv. 15. *quod dedit unicuique secundum propriam virtutem*. Sed caritatem nulla virtus præcedit in homine, nisi naturalis: quia sine caritate nulla est virtus, ut dictum est (quæst. præc. art. 7.) Ergo secundum quantitatem virtutis naturalis infunditur homini caritas a Deo.

2. Præterea. Omnium ordinatorum ad invicem secundum proportionatur primo; sicut videmus quod in rebus naturalibus forma proportionatur materię, & in donis gratuiti gloria proportionatur gratię. Sed caritas, cum sit perfectio naturę, comparatur ad capacitatem naturalem sicut secundum ad primum. Ergo videtur quod caritas infundatur secundum naturalium capacitatem.

3. Præterea. Homines, & Angeli secundum eandem rationem participant beatitudinem, quia in utroque est similis beatitudinis ratio, ut habetur Matth. xxii. & Luc. xx. Sed in Angelis caritas, & alia dona gratuita sunt data secundum capacitatem naturalium, ut Magister dicit 111. dist. II. Lib. Sent. Ergo idem videtur esse in hominibus.

Sed contra est quod dicitur Ioan. 111. 8. *Spiritus, ubi vult, spirat*: & I. ad Corinth. xii. 11. *Hec omnia operatur unus & idem Spiritus, dividens singulis, prout vult*. Ergo caritas datur non secundum capacitatem naturalium, sed secundum voluntatem Spiritus sua dona distribuentis.

Respondetur dicendum, quod uniuscuiusque rei quantitas dependet a propria causa rei, quia universalior causa effectum maiorem producit. Caritas autem, cum superexcedat proportionem naturę humanę, ut dictum est (art. præc.) non dependet ex aliqua naturali virtute, sed ex sola gratia Spiritus sancti eam infundentis. Et ideo quantitas caritatis non dependet ex conditione naturę, vel ex capacitatem naturalis virtutis, sed solum ex voluntate Spiritus sancti distribuentis

sua dona, prout vult. Unde & Apostolus dicit ad Ephes. iv. 7. *Unicuique nostrum data est gratia secundum mensuram donationis Christi*.

Ad primum ergo dicendum, quod illa virtus secundum quam sua dona Deus dat unicuique, est dispositio, vel præparatio: præcedens, sive conatus gratiam accipientis. Sed hanc etiam dispositionem, vel conatum prævenit Spiritus sanctus movens mentem hominis vel plus, vel minus, secundum suam voluntatem. Unde & Apostolus dicit ad Coloss. i. 12. *Qui dignos nos fecit in partem sortis Sanctorum in lumine*.

Ad secundum dicendum, quod forma non excedit materię proportionem, sed sunt eiusdem generis. Similiter etiam gratia, & gloria ad idem genus referuntur: quia gratia nihil est aliud quam quedam inchoatio glorię in nobis. Sed caritas, & natura non pertinent ad idem genus: & ideo non est similis ratio.

Ad tertium dicendum, quod Angelus est intellectualis naturę; & secundum suam conditionem competit ei ut totaliter feratur in omne id in quod fertur, ut in I. habitum est (quæst. lxxi. art. 6.) Et ideo in superioribus Angelis fuit maior conatus, & ad bonum in perseverantibus, & ad malum in cadentibus: & ideo superiorum Angelorum persistentes facti sunt meliores, & cadentes facti sunt peiores alius. Sed homo est naturę rationalis, cui competit esse quandoque in potentia, & quandoque in actu: & ideo non oportet quod feratur totaliter in id quod fertur, sed eius qui habet meliora naturalia, potest esse minor conatus, & e converso. Et ideo non est simile.

### ARTICULUS IV. 127

*Utrum caritas augeri possit.*

I. 1. *quæst. lxx. art. 1. & quæst. lxxvi. art. 1. & I. dist. xvii. quæst. 11. art. 1. & vir. quæst. 1. art. 11. & quod. ix. art. 13.*

**A**D quartum sic proceditur. Videtur quod caritas augeri non possit. Nihil enim augetur nisi quantum. Duplex autem est quantitas, scilicet dimensiva, & virtualis: quarum prima caritati non convenit, cum sit quedam spiritualis perfectio; virtualis autem quantitas attenditur secundum obiecta; secundum quæ caritas non crecit, quia minima car-



caritas diligit omnia quæ sunt ex caritate diligenda. Ergo caritas non auge-  
tur.

2. Præterea. Id quod est in termino, non recipit augmentum. Sed caritas est in termino, quasi maxima virtutum existens, & summus amor optimi boni. Ergo caritas augeri non potest.

3. Præterea. Augmentum quidam motus est. Ergo quod augeatur, movetur. Quod ergo augeatur essentialiter, movetur essentialiter. Sed non movetur essentialiter, nisi quod corrumpitur, vel generatur. Ergo caritas non potest augeri essentialiter, nisi forte de novo generetur, vel corrumpatur: quod est inconvenientis.

Sed contra est quod Augustinus dicit super Ioan. (implic. tract. lxxiv. parum ante med. & expref. epist. clxxvi. ol. cvi. inter princ. & med.) quod caritas meretur augeri, ut audia mereatur & perfici.

Respondendo dicendum, quod caritas viæ potest augeri.

Ex hoc enim dicimur esse viatores, quod in Deum tendimus, qui est ultimus finis nostræ beatitudinis. In hac autem viâ tanto magis procedimus, quanto Deo magis propinquamus: cui non appropinquatur passibus corporis, sed affectibus mentis. Hanc autem propinquitatem facit caritas, quia per ipsam mens Deo unitur. Et ideo de ratione caritatis viæ est ut possit augeri: si enim non posset augeri, iam cessaret viæ processus. Et ideo Apostolus caritatem viam nominat, dicens I. ad Corinth. xii. 31. *Adhuc excellentiorem viam vobis demonstro.*

Ad primum ergo dicendum, quod caritati non convenit quantitas dimensiva, sed solum quantitas virtualis; quæ non solum attenditur secundum numerum obiectorum, ut scilicet plura, vel pauciora diligantur; sed etiam secundum intentionem actus, ut magis, vel minus aliquid diligatur: & hoc modo virtualis quantitas caritatis augeatur.

Ad secundum dicendum, quod caritas est in summo ex parte obiecti, in quantum scilicet eius obiectum est summum bonum: & ex hoc sequitur quod ipsa sit excellentior aliis virtutibus. Sed non omnis caritas est in summo quantum ad intentionem actus.

Ad tertium dicendum, quod quidam dixerunt, caritatem non augeri secundum suam essentiam, sed solum secundum

radicationem in subiecto, vel secundum fervorem.

Sed hi propriam vocem ignoraverunt. Cum enim accidens sit, eius esse est inesse. Unde nihil est aliud ipsam secundum essentiam augeri, quam eam magis inesse subiecto; quod est magis eam radicari in subiecto. Similiter etiam ipsa essentialiter est virtus ordinata ad actum. Unde idem est ipsam augeri secundum essentiam, & ipsam habere efficaciam ad producendum ferventioris dilectionis actum: Augeatur ergo essentialiter, non quidem ita quod esse incipiat, vel esse desinat in subiecto, sicut obiectio illa procedit; sed ita quod magis, ac magis in subiecto esse incipiat.

## ARTICULUS V. 128

*Utrum caritas augeatur per additionem.*

1. 2. quæst. lxi. art. 2. & I. dist. xvii. quæst. 11. art. 2. & vir. quæst. 1. art. 11. cor.

& ad 10. & 12.

**A**D quantum sic proceditur. Videtur quod caritas augeatur per additionem. Sicut enim est augmentum secundum quantitatem corporalem, ita secundum quantitatem virtualem. Sed augmentum quantitatis corporalis fit per additionem: dicit enim Philosophus in I. de generat. (text. 31.) quod *augmentum est præexistenti magnitudini additamentum*. Ergo etiam augmentum caritatis, quod est secundum virtutalem quantitatem, erit per additionem.

2. Præterea. Caritas in anima est quoddam spirituale lumen, secundum illud I. Ioan. xi. 10. *Qui diligit fratrem suum, in lumine manet*. Sed lumen crescit in aere per additionem, sicut in domo lumen crescit, alia candela superaccensa. Ergo etiam caritas crescit in anima per additionem.

3. Præterea. Augere caritatem ad Deum pertinet, sicut & ipsam creare, secundum illud II. ad Corinth. ix. 10. *Augebit incrementa frugum iustitiæ vestre*. Sed Deus primo infundendo caritatem aliquid facit in anima quod ibi prius non erat. Ergo etiam augendo caritatem aliquid ibi facit quod prius non erat: ergo caritas augeatur per additionem.

Sed contra est quod caritas est forma simplex. Simplex autem additum simpliciter non facit aliquid maius, ut probatur in III. Physic. (text. 39.) & III. Metaph. text. 16. Ergo caritas non augeatur per additionem.

Respon-

Respondeo dicendum, quod omnis additio est aliquid ad aliquid. Unde in omni additione oportet saltem praestelligere distinctionem eorum quorum unum additur alteri ante ipsam additionem. Si ergo caritas addatur caritati, oportet praesupponi caritatem additam, ut distinctionem a caritate cui additur, non quidem ex necessitate secundum esse, sed saltem secundum intellectum. Posset enim Deus etiam quantitatem corporalem augere, addendo aliquam magnitudinem non prius existentem, sed tunc creatam: quae quamvis prius non fuerit in rerum natura, habet tamen in se unde eius distinctio intelligi possit a quantitate cui additur. Si ergo caritas addatur caritati, oportet praesupponere, ad minus secundum intellectum, distinctionem unius caritatis ab alia.

Distinctio autem in formis est duplex: una quidem secundum speciem; alia autem secundum numerum. Distinctio quidem secundum speciem in habitibus est secundum obiectorum diversitatem; distinctio vero secundum numerum est secundum diversitatem subiecti. Potest ergo contingere quod aliquis habitus per additionem augeatur, dum extenditur ad quandam obiecta ad quae prius se non extendebat; & sic augetur scientia Geometriae in eo qui de novo incipit scire aliqua geometricalia quae prius nesciebat. Hoc autem non potest dici de caritate: quia etiam minima caritas se extendit ad omnia illa quae sunt ex caritate diligenda. Non ergo talis additio in augmento caritatis potest intelligi, praesupposita distinctione secundum speciem caritatis additae ad eam cui additur.

Relinquitur ergo quod si fiat additio caritatis ad caritatem, hoc fiat praesupposita distinctione secundum numerum, quae est secundum diversitatem subiectorum; sicut albedo augetur per hoc quod album additur albo, quamvis hoc augmento non fiat aliquid magis album. Sed hoc in proposito dici non potest: quia subiectum caritatis non est nisi mens rationalis. Unde tale caritatis augmentum fieri non posset, nisi per hoc quod una mens rationalis alteri adderetur: quod est impossibile. Quamvis etiam si esset possibile, tale augmentum faceret maiorem diligentem, non autem magis diligentem. Relinquitur ergo quod nullo modo caritas augeri potest per additio-

nem caritatis ad caritatem, sicut quidam ponunt.

Sic ergo caritas augetur solum per hoc quod subiectum magis ac magis participat caritatem, idest secundum quod magis reducitur in actum illius, ac magis subditur illi. Hic enim est augmenti modus proprius cuiuslibet formae, quae intenditur, eo quod esse huius formae totaliter consistit in eo quod inheret susceptibili. Et ideo cum magnitudo rei (a) consequitur esse ipsius, formam esse maiorem hoc est eam magis inesse susceptibili, non autem aliam formam advenire. Hoc enim esset, si forma haberet aliquam quantitatem ex se ipsa, non per comparisonem ad subiectum. Sic ergo & caritas augetur per hoc quod intenditur in subiecto; & hoc est ipsam augeri secundum essentiam: non autem per hoc quod caritas addatur caritati.

Ad primum ergo dicendum, quod quantitas corporalis habet aliquid, inquantum est quantitas, & aliquid, inquantum est forma accidentalis. Inquantum est quantitas, habet quod sit distinguibilis secundum situm, vel secundum numerum: & ideo hoc modo consideratur augmentum magnitudinis per additionem, ut patet in animalibus. Inquantum vero est forma accidentalis, est distinguibilis solum secundum subiectum; & secundum hoc habet proprium augmentum, sicut & aliae formae accidentales, per modum intentionis eius in subiecto; sicut patet in his quae rarefunt, ut probatur in IV. Physic. (text. 80. & seq.) Et similiter etiam scientia habet quantitatem, inquantum est habitus, ex parte obiectorum; & sic augetur per additionem, inquantum aliquis plura cognoscit: habet etiam quantitatem, inquantum est quaedam forma accidentalis, ex eo quod inest subiecto; & secundum hoc augetur in eo qui certius eadem se habilia cognoscit nunc quam prius. Similiter etiam & caritas habet duplicem quantitatem; sed secundum eam quae est ex parte obiecti, non augetur, ut dictum est (in corp.) Unde relinquitur quod per solam intentionem augeatur.

Ad secundum dicendum, quod additio luminis ad lumen potest intelligi sic, quod intenditur in aere propter diversitatem luminarium causantium lumen; sed talis distinctio non habet locum in proposito: quia non est nisi unum lumen influens lumen caritatis.

Ad

(a) Ita cod. Alcan. & edis. Patav. 1713. nisi quod haec habet consequuntur. Al. consequuntur quae ipsius formae; (item rei) formam &c.

Ad tertium dicendum, quod infusio caritatis importat quandam mutationem secundum *habere caritatem*, & *non habere*: & ideo oportet quod aliquid adveniat quod prius non infuit. Sed augmentatio caritatis importat mutationem secundum *magis*, & *minus habere*: & ideo non oportet quod aliquid infit quod prius non infuerit; sed quod magis infit quod prius minus inerat. Et hoc est quod facit Deus, caritatem augendo, scilicet quod magis infit, & quod perfectius similitudo Spiritus sancti participetur in anima.

ARTICULUS VI. 139

*Utrum quolibet actu caritatis caritas augetur.*

I. 2. *quæst.* 111. *art.* 3. & I. *dist.* XIX *quæst.* 11. *art.* 3.

**A**D sextum sic proceditur. Videtur quod quolibet actu caritatis caritas augetur. Quod enim potest id quod maius est, potest id quod minus est. Sed quilibet actus caritatis potest mereri vitam æternam; quæ maius est quam simplex caritatis augmentum, quia vita æterna includit caritatis perfectionem. Ergo multo magis quilibet actus caritatis caritatem auget.

2. Præterea. Sicut habitus virtutum acquiritur generatur ex actibus; ita etiam augmentum caritatis causatur per actum caritatis. Sed quilibet actus virtuosus operatur ad virtutis generationem. Ergo etiam quilibet actus caritatis operatur ad caritatis augmentum.

3. Præterea. Gregorius dicit (in Pastoral. P. III. c. 1. admonit. 35. a med. & Bernard. epist. xci. & serm. 2. in fest. Purific. in fi.) quod *in via Dei fiare retrocedere est*. Sed nullus, dum movetur actu caritatis, retrocedit. Ergo quicumque movetur actu caritatis, procedit in via Dei. Ergo quolibet actu caritatis caritas augetur.

Sed contra est quod effectus non excedit virtutem causæ. Sed quandoque aliquis actus caritatis cum aliquo (a) tepore, vel remissione committitur. Non ergo perducit ad excellentiorem caritatem, sed magis disponit ad minorem.

S. Tb. Oper. Tom. XXII.

(a) Al. tempore. (b) *ha mss. passim & edisi. Garcia, & Nicolai* si augetur tantum in tanto tempore. (c) *ha passim. Edit. Rom. pro quo habet quousque. Cod. Alcam. in affectum ferventiorum; quo conetur etc.*

Respondeo dicendum, quod augmentum spirituale caritatis quodammodo simile est corporali augmento. Augmentum autem corporale in animalibus, & plantis non est motus continuus; ita scilicet quod (b) si aliquid tantum augetur in tanto tempore, necesse sit quod proportionaliter in qualibet parte illius temporis augetur, sicut contingit in motu locali: sed per aliquod tempus natura operatur disponens ad augmentum, & nihil augens actu; & postmodum producit in effectum id ad quod disposuerat, augendo ipsum animal, vel plantam in actu. Ita etiam non quolibet actu caritatis caritas actu augetur; sed quilibet actus caritatis disponit ad caritatis augmentum, inquantum ex uno actu caritatis homo redditur promptior iterum ad agendum secundum caritatem; & habilitate crescente, homo prorumpit (c) in actum ferventiorum dilectionis, quo conetur ad caritatis perfectum: & tunc caritas augetur in actu.

Ad primum ergo dicendum, quod quilibet actus caritatis meretur vitam æternam, non quidem statim exhibendam, sed suo tempore. Similiter etiam quilibet actus caritatis meretur caritatis augmentum; non tamen statim augetur, sed quando aliquis conatur ad huiusmodi augmentum.

Ad secundum dicendum, quod etiam in generatione virtutis acquirat non quilibet actus complet generationem virtutis; sed quilibet operatur ad eam ut disponens; & ultimus, qui est perfectior, agens in virtute omnium præcedentium reducit eam in actum, sicut etiam est in multis guttis cavantibus lapidem.

Ad tertium dicendum, quod in via Dei procedit aliquis, non solum dum actu caritas eius augetur, sed etiam dum disponitur ad eius augmentum.

ARTICULUS VII. 139

*Utrum caritas augetur in infinitum.*

III. *dist.* XVII. *quæst.* 11. *art.* 4. & *vir. quæst.* 1. *art.* 11. ad 17. & *quæst.* 11. *art.* 2. ad 10.

**A**D septimum sic proceditur. Videtur quod caritas non augetur in infinitum.

nitum. Omnis enim motus est ad aliquem finem, & terminum, ut dicitur in II. Metaph. (tex. 8 & 9.) Sed augmentum caritatis est quidam motus. Ergo tendit ad aliquem finem, & terminum. Ergo caritas in infinitum non augeatur.

2. Præterea. Nulla forma excedit capacitatem sui subiecti. Sed capacitas creaturæ rationalis, quæ est subiectum caritatis, est finita. Ergo caritas in infinitum augeri non potest.

3. Præterea. Omne finitum per continuum augmentum potest perungere ad quantitatem alterius finiti quantumcumque maioris; nisi forte id quod accrescit per augmentum, semper sit minus & minus; sicut Philosophus dicit in III. Physic. (tex. 57. & seq.) quod si uni lineæ addatur quod subrahitur ab alia lineæ, quæ in infinitum dividitur, in infinitum additione facta, nunquam pertingetur ad quandam determinatam quantitatem, quæ est composita ex duabus lineis diversis, ea scilicet ex qua additur, & ea cui additur quod ex alia subrahitur. Quod in proposito non contingit. Non enim necesse est ut secundum caritatis augmentum sit minus quam primum; sed magis probabile est quod sit æquale, aut maius. Cum ergo caritas patriæ sit quidam finitum, si caritas viæ in infinitum augeri potest, sequitur quod caritas viæ possit sibi adæquare caritatem patriæ: quod est inconveniens. Non ergo caritas viæ in infinitum potest augeri.

Sed contra est quod Apostolus dicit ad Philip. 111. 12. *Non quod iam acceperim, aut iam perfectus sim; sequor autem, si quo modo comprehendam*: ubi dicit Glossa (ord. Nic. de Lv. ex Aug. enar. in Psal. lxx. versus fi.); Nemo fidelium, etsi multum profecerit, dicat, Sufficit mihi. Qui enim hoc dicit, de via ex-  
35 it ante finem. "Ergo semper caritas in via potest magis ac magis augeri.

Respondendo dicendum, quod terminus augmento alicuius formæ potest præhigi tripliciter. Uno modo ex ratione ipsius formæ, quæ habet terminatam mensuram, ad quam cum perventum fuerit, non potest ultra procedi in forma; sed si ultra processum fuerit, pervenietur ad aliam formam; sicut patet in pallore, cuius terminus per continuam alterationem aliquis transit, vel ad albedinem, vel ad nigredinem perveniens. Alio modo ex parte agentis, cuius vir-

tus non se extendit ad ulterius augendum formam in subiecto. Tercio ex parte subiecti, quod non est capax ulterioris perfectionis.

Nullus autem istorum modorum imponitur terminus augmento caritatis in statu viæ. Ipsa enim caritas secundum rationem propriæ speciei terminum augmenti non habet: est enim participatio quædam infinitæ caritatis, quæ est Spiritus sanctus. Similiter etiam causa agens caritatem est infinitæ virtutis, scilicet Deus. Similiter etiam ex parte subiecti terminus huic augmento præhigi non potest: quia semper caritate excrecente, superexcrecitabilitas ad ulterius augmentum. Unde relinquitur quod caritatis augmento nullus terminus præfigatur in hac vita.

Ad primum ergo dicendum, quod augmentum caritatis est ad aliquem finem; sed ille finis non est in hac vita, sed in futura.

Ad secundum dicendum, quod capacitas creaturæ rationalis per caritatem augeatur: quia per ipsam cor dilatatur, secundum illud II. ad Corinth. vi. 11. *Cor nostrum dilatatum est*: & ideo adhuc ulterius manetabilitas ad maius augmentum.

Ad tertium dicendum, quod ratio illa procedit in his quæ habent quantitatem eiusdem rationis, non autem in his quæ habent diversam rationem quantitatis; sicut lineæ, quantumcumque crescat, non attingit quantitatem superficiæ. Non est autem eadem ratio quantitatis caritatis viæ, quæ sequitur cognitionem fidei, & caritatis patriæ, quæ sequitur visionem apertam. Unde non sequitur ratio.

## ARTICULUS VIII. 131

*Utrum caritas in hac vita possit esse perfecta.*

*Inf. quest. cxxxiv. art. 2. & III. dist. xxvi. quest. 111. art. 4. & dist. xxxix. quest. 1. art. 8. quest. 1. & 2. & ver. quest. x. art. 10. & 11. & op. xviii. cap. v. vi. & vii.*

**A**D octavum sic proceditur. Videtur quod caritas in hac vita non possit esse perfecta. Maxime enim hæc perfectio in Apostolis fuit. Sed in eis non fuit: dicit enim Apostolus ad Philip 111.

12. *Non quod iam (a) comprehenderim,*  
allt

(a) *Perlagata acceperim &c. ut sup.*

aut perfecta sim. Ergo caritas in hac vita perfecta esse non potest.

2. Præterea. Augustinus dicit in Lib. lxxxiii. Q. (quæst. xxxvi. cir. princ.) quod *nutrimentum caritatis est diminutio cupiditatis; sed ubi est perfectio caritatis, nulla est cupiditas*. Sed hoc non potest esse in hac vita, in qua sine peccato vivere non possumus, secundum illud I. Ioan. 1. 8. *Si dixerimus, quoniam peccatum non habemus, ipsi nos seducimus*. Omne autem peccatum ex aliqua inordinata cupiditate procedit. Ergo in hac vita caritas perfecta esse non potest.

3. Præterea. Illud quod iam perfectum est, non potest ulterius crescere. Sed caritas in hac vita semper potest augeri, ut dictum est (art. præc.) Ergo caritas in hac vita non potest esse perfecta.

Sed contra est quod Augustinus dicit super I. Canon. Ioan. (tract. v. ante med.) *Caritas, cum fuerit roborata, perficitur; cum autem ad perfectionem venerit, dicit, Cupio dissolvi, & esse cum Christo*. Sed hoc possibile est in hac vita, sicut in Paulo fuit. Ergo caritas in hac vita potest esse perfecta.

Respondeo dicendum, quod perfectio caritatis potest intelligi dupliciter: uno modo ex parte diligibilis; alio modo ex parte diligentis. Ex parte quidem diligibilis perfecta est caritas ut diligatur aliquid, quantum diligibile est. Deus autem tantum diligibilis est, quantum bonus est; bonitas autem eius est infinita: unde infinite diligibilis est. Nulla autem creatura potest eum diligere infinite, cum quælibet virtus creata sit finita. Unde per hunc modum nullius creaturæ caritas potest esse perfecta, sed solum caritas Dei, qua seipsum diligit.

Ex parte vero diligentis tunc est caritas perfecta, quando diligit tantum, quantum potest. Quod quidem contingit tripliciter. Uno modo sic quod totum cor hominis actualiter semper seratur in Deum: & hæc est perfectio caritatis patriæ, quæ non est possibilis in hac vita, in qua impossibile est, propter humanæ vitæ infirmitatem, semper actu cogitare de Deo, & moveri dilectione ad ipsum. Alio modo ut homo studium suum deputet ad vacandum Deo, & rebus divinis, prætermisissis aliis, nisi quantum necessitas præsentis vitæ requirit: & ista est perfectio caritatis, quæ est possibilis in via; non tamen est communis omnibus habentibus caritatem.

Tertio modo ita quod habitualiter aliquis totum cor suum ponat in Deo, ita scilicet quod nihil cogitet, vel velit quod divinæ dilectioni sit contrarium: & hæc perfectio est communis omnibus caritatem habentibus.

Ad primum ergo dicendum, quod Apostolus negat de se perfectionem patriæ: unde Glossa (August. Lib. II. de peccator. mer. & remis. cap. xiii. ad h.) ibidem dicit, quod *perfectus erat viator, sed nondum ipse iinneris perfectione pervenit*.

Ad secundum dicendum, quod hoc dicitur propter peccata venialia, quæ non contrariantur habitui caritatis, sed actui; & ita non repugnant perfectioni viæ, sed perfectioni patriæ.

Ad tertium dicendum, quod perfectio viæ non est perfectio simpliciter: & ideo semper habet quo crescat.

## ARTICULUS IX. 132

*Utrum convenienter distinguantur tres gradus caritatis, incipiens, proficiens, & perfecta.*

*Inf. quæst. cxxxiii. art. 4. & quæst. cxxxiv. art. 2. & III. dist. xxix. quæst. 1. art. 8. & op. lxi. cap. 11. & Ps. xxiv.*

AD nonum sic proceditur. Videtur quod inconvenienter distinguantur tres gradus caritatis, scilicet caritas incipiens, proficiens, & perfecta. Inter principium enim caritatis, & eius ultimam perfectionem sunt multi gradus medii. Non ergo unum solum medium debuit poni.

2. Præterea. Statim cum caritas incipit esse, incipit etiam proficere. Non ergo debet distinguí caritas proficiens a caritate incipiente.

3. Præterea. Quantumcumque aliquis habeat in hoc mundo caritatem perfectam, potest eius caritas augeri, ut dictum est (art. 7. huius quæst.) Sed caritatem augeri est ipsam proficere. Ergo caritas perfecta non debet distinguí a caritate proficiente. Inconvenienter ergo prædicti tres gradus caritatis assignantur.

Sed contra est quod Augustinus dicit super I. Canon. Ioan. (tract. v. post med.) *Caritas cum fuerit nata, nutritur; quod pertinet ad incipientes: cum fuerit nutrita, roboratur; quod pertinet ad proficientes: cum fuerit roborata,*

*perficitur*; quod pertinet ad perfectos. Ergo est triplex gradus caritatis.

Respondeo dicendum, quod spirituale augmentum caritatis considerari potest quantum ad aliquid simile corporali hominis augmento: quod quidem quamvis in plurimas partes distingui possit, habet tamen aliquas determinatas distinctiones secundum determinatas actiones, vel studia, ad quae homo perducitur per augmentum: sicut infantilis aetas dicitur, antequam habeat usum rationis; postea autem distinguitur alius status hominis, quando iam incipit loqui, & ratione uti; iterum tertius status eius est pubertas, cum iam incipit posse generare; & sic deinde, quousque perveniat ad perfectum.

Ita etiam diversi gradus caritatis distinguuntur secundum diversa studia, ad quae homo perducitur per caritatis augmentum.

Nam primo quidem incumbit homini studium principale ad recedendum a peccato, & resistendum concupiscentiis eius, quae in contrarium caritatis movent: & hoc pertinet ad incipientes, in quibus caritas est nutrienda, vel fovenda, ne corrumpatur. Secundum autem studium succedit ut homo principaliter intendat ad hoc quod in bono proficiat: & hoc studium pertinet ad proficientes, qui ad hoc principaliter intendunt ut in eis caritas per augmentum roboretur. Tertium autem studium est ut homo ad hoc principaliter intendat ut Deo inhaereat, & eo fruatur: & hoc pertinet ad perfectos, qui cupiunt *dissolet, & esse cum Christo*.

Sicut etiam videmus in motu corporali, quod primum est recessus a termino, secundum autem est appropinquatio ad alium terminum, tertium est quies in termino.

Ad primum ergo dicendum, quod omnis illa determinata distinctio, quae potest accipi in augmento caritatis, comprehenditur sub istis tribus quae dicta sunt (in corp. art.) sicut etiam omnis divisio continuorum comprehenditur sub tribus his, principio, medio, & fine, ut Philosophus dicit in I. de caelo (tex. 2.)

Ad secundum dicendum, quod illis in quibus caritas incipit, quamvis proficiant, principalior tamen cura imminet ut resistent peccatis; quorum impugnatione inquietantur. Sed postea, hanc impugnationem minus sentientes, iam

quasi securius intendunt ad perfectum; ex una tamen parte facientes opus, & ex alia parte habentes manum ad gladium, ut dicitur in Esdra (Lib. II. cap. IV.) de aedificatoribus Hierusalem.

Ad tertium dicendum, quod perfecti etiam in caritate proficiunt; sed non est ad hoc principalis eorum cura; sed iam eorum studium circa hoc maxime versatur ut Deo inhaereant. Et quamvis etiam hoc querant & incipientes, & proficientes; tamen magis sentiunt circa alia suam sollicitudinem; incipientes quidem de vitatione peccatorum, proficientes vero de profectu virtutum.

## ARTICULUS X. 133

*Utrum caritas possit diminui.*

I. dist. XVII. quæst. II. art. 5. & mal. quæst. VII. art. 2.

**A**D decimum sic proceditur. Videtur quod caritas possit diminui. Contraria enim nata sunt fieri circa idem. Sed augmentatio, & diminutio sunt contraria. Cum ergo caritas augeatur, ut dictum est supra (art. 4. huius quæst.) videtur etiam quod possit diminui.

2. Præterea. Augustinus X. Confess. (cap. XXIX.) ad Dominum loquens, dicit: *Minus te amat qui tecum aliquid amat*: & in Lib. XXXIII. Qn. (quæst. XXXV. circ. princ.) dicit, quod *nutrimentum caritatis est diminutio cupiditatis*. Ex quo videtur quod etiam e converso augmentum cupiditatis sit diminutio caritatis. Sed cupiditas, qua amatur aliquid aliud quam Deus, potest in homine crescere. Ergo caritas potest diminui.

3. Præterea. Sicut Augustinus dicit VIII. super Genes. ad litt. (cap. XII. cir. med.) *non ita Deus operatur hominem iustum, iustificando eum, ut, si abscesserit, maneat in absente quod fecit*. Ex quo potest accipi quod eodem modo Deus operatur in homine, caritatem eius conservando, quo operatur primo ei caritatem infundendo. Sed in prima caritatis infusione minus se præparanti Deus minorem caritatem infundit. Ergo etiam in conservatione caritatis minus se præparanti minorem caritatem conservat. Potest ergo caritas diminui.

Sed contra est quod caritas in Scriptura igni comparatur, secundum illud Cant. VIII. 6. *Lampades eius, scilicet caritatis, lampades ignis, atque flamma*.

*marum*. Sed ignis, quamdiu manet, semper ascendit. Ergo caritas, quamdiu manet, ascendere potest; sed descendere, idest diminui, non potest.

Respondet dicendum, quod quantitas caritatis, quam habet in comparatione ad obiectum proprium, minui non potest, sicut nec augeri, ut supra dictum est (art. 4. hu. quæst. ad 2.).

Sed cum augeatur secundum quantitatem quam habet per comparationem ad subiectum, hic oportet considerare, utrum ex hac parte diminui possit. Si autem diminuat, oportet quod vel diminuat per aliquem actum, vel per solam cessationem ab actu. Per cessationem quidem ab actu diminuantur virtutes ex actibus acquisitæ, & quandoque etiam corrumpuntur, ut supra dictum est (1. 2. quæst. 111. art. 3.). Unde de amicitia Philosophus dicit in VIII. Ethicor. (cap. v. parum a princ.) quod *multas amicitias inappellatio solvis*, idest non appellare amicum, vel non colloqui ei. Sed hoc ideo est, quia conservatio uniuscuiusque rei dependet ex sua causa. Causa autem virtutis acquisitæ est actus humanus. Unde, cessantibus humanis actibus, virtus acquisita diminuitur, & tandem totaliter corrumpitur. Sed hoc in caritate locum non habet: quia caritas non causatur ab humanis actibus, sed solum a Deo, ut supra dictum est (art. 2. hu. quæst.). Unde relinquitur quod etiam cessante actu, propter hoc nec diminuitur, nec corrumpitur, si desit peccatum in ipsa cessatione.

Relinquitur ergo quod diminutio caritatis non possit causari nisi vel a Deo, vel ab aliquo peccato. A Deo quidem non causatur aliquis defectus in nobis nisi per modum poenæ, secundum quod subtrahit gratiam in poenam peccati. Unde nec ei competit diminui caritatem nisi per modum poenæ. Poena autem debetur peccato.

Unde relinquitur quod si caritas diminuat, causa diminutionis eius sit peccatum vel effective, vel meritorie. Neutro autem modo peccatum mortale diminuit caritatem, sed totaliter corrumpit ipsam & effective, quia omne peccatum mortale contrariatur caritati, ut infra dicitur (art. 12. hu. quæst.) & etiam meritorie, quia cum peccando mortaliter aliquis contra caritatem agit, dignum est ut Deus ei subtrahat caritatem.

*J. Tb. Oper. Tom. XXII.*

(1) *Ab agente.*

Similiter etiam nec per peccatum veniale caritas diminui potest neque effective, neque meritorie. Effective amor dem non, quia ad ipsam caritatem non attingit: caritas enim est circa finem ultimum; veniale autem peccatum est quedam inordinatio circa ea quæ sunt ad finem: non autem diminuitur amor finis ex hoc quod aliquis inordinationem aliquam committit circa ea quæ sunt ad finem; sicut aliquando contingit quod aliqui infirmi multum amantes sanitatem, inordinate tamen se habent circa dietæ observationem; sicut etiam in speculativis scientiis falsæ opiniones circa ea quæ deducuntur ex principiis, non diminunt certitudinem principiorum. Similiter etiam veniale peccatum non meretur diminutionem caritatis: cum enim aliquis delinquit in minori, non meretur detrimentum pati in maiori. Deus enim non plus se avertit ab homine quam homo avertat se ab ipso. Unde qui inordinate se habet circa ea quæ sunt ad finem, non meretur detrimentum pati in caritate, per quam ordinatur ad ultimum finem.

Unde consequens est quod caritas nullo modo diminui possit, directe loquendo; potest tamen indirecte dici diminutio caritatis dispositio ad corruptionem ipsius: quæ fit vel per peccata venialia, vel etiam per cessationem ab exercitio operum caritatis.

Ad primum ergo dicendum, quod contraria sunt circa idem, quando subiectum æqualiter se habet ad utrumque contrariorum. Sed caritas non eodem modo se habet ad augmentum, & diminutionem: potest enim habere causam (a) augmentem, sed non potest habere causam minuentem, sicut dictum est (in corp.) Unde ratio non sequitur.

Ad secundum dicendum, quod duplex est cupiditas. Una quidem, qua finis in creaturis constituitur; & hæc mortificat totaliter caritatem, cum sit venenum ipsius, ut Augustinus dicit ibid. Et hoc facit quod Deus minus ametur, scilicet quam debet amari ex caritate, non quidem caritatem diminuendo, sed eam totaliter tollendo. Et sic intelligendum est quod dicitur: *Minus te amas qui tecum aliquid amas*: subditur enim: *Quod non propter te amas*. Quod non contingit in peccato veniali, sed solum in mortali. Quod enim amatur

1 3 in

in peccato veniali, propter Deum amatum habitu, etsi non actu. Est autem alia cupiditas venialis peccati, (a) quae semper diminuitur, per caritatem, Sed tamen talis cupiditas caritatem diminueri non potest, ratione iam dicta (in corp. art.)

Ad tertium dicendum, quod in infusione caritatis requiritur motus liberi arbitrii, sicut supra dictum est (1. 2. quaest. exiii. art. 3.) Et ideo illud quod diminuit intentionem liberi arbitrii, dissipative operatur ad hoc quod caritas infundenda sit minor. Sed ad conservationem caritatis non requiritur motus liberi arbitrii; alioquin non remaneret in dormientibus. Unde per impedimentum intentionis motus liberi arbitrii non diminuitur caritas.

## ARTICULUS XI. 134

*Utrum caritas semel habita possit amitti.*

III. dist. xxxi. quaest. 1. art. 2. & IV. dist. IV. quaest. 1. art. 4. quaest. 1. qor. & IV. cont. cap. lxxix. & vir. quaest. 11. art. 17.

**A**d undecimum sic proceditur. Videtur quod caritas semel habita non possit amitti. Si enim amittitur, non amittitur nisi propter peccatum. Sed ille qui habet caritatem, non potest peccare: dicitur enim I. Ioan. xiii. 9. Omnis qui natus est ex Deo, peccatum non facit, quia semen ipsius in eo manet; & non potest peccare, quoniam ex Deo natus est. Caritatem autem non habent nisi filii Dei: ipsa enim est quae distinguit inter filios regni, & filios perditionis, ut Augustinus dicit in XV. de Trinit. (cap. xviii. in princ.) Ergo ille qui habet caritatem, non potest eam amittere.

2. Praeterea. Augustinus dicit in VIII. de Trinit. (cap. vii. in princ.) quod dilectio, si non est vera, dilectio dicenda non est. Sed, sicut ipse (alius Auctor) dicit in epist. ad Iulianum Comitem, (scilicet Lib. de salutarib. docum. cap. vii.) caritas quae deficere potest, numquam vera fuit. Ergo neque caritas fuit. Si ergo caritas semel habeatur, numquam amittitur.

3. Praeterea. Gregorius dicit in homil. Pentecostes (xxx. in Evang. paulo a princ.) quod amor Dei magna operatur, si est; si definit operari, caritas non est.

Sed nullus magna operando amittit caritatem. Ergo si caritas insit, amitti non potest.

4. Praeterea. Liberum arbitrium non inclinatur ad peccatum nisi per aliquod motivum ad peccandum. Sed caritas excludit omnia motiva ad peccandum, & amorem sui, & cupiditatem, & quicquid huiusmodi est. Ergo caritas amitti non potest.

Sed contra est quod dicitur Apocal. 11. 4. *Habro adversum te pauca, quod primam caritatem reliquisti.*

Respondeo dicendum, quod per caritatem Spiritus sanctus in nobis habitat, ut ex supra dictis patet (art. 2. quaest. xxiii. & xxiv.) Tripliciter ergo possumus considerare caritatem. Uno modo ex parte Spiritus sancti moventis animam ad diligendum Deum: & ex hac parte caritas impeccabilitatem habet ex virtute Spiritus sancti, qui infallibiliter operatur quodcumque voluerit. Unde impossibile est haec duo simul esse vera, quod Spiritus sanctus velit aliquem movere ad actum caritatis, & quod ipse caritatem amittat peccando. Nam donum perseverantiae computatur inter beneficia Dei, quibus certissime liberantur, quicumque liberantur, ut Augustinus dicit in Lib. II. de praedest. sanctorum. (qui est de dono persever. cap. xiv. paulo a princ.)

Alio modo potest considerari caritas secundum propriam rationem: & sic caritas non potest aliquid nisi id quod pertinet ad caritatis rationem. Unde caritas nullo modo potest peccare, sicut nec calor potest infringere, & sicut etiam iniustitia non potest bonum facere, ut Augustinus dicit in Lib. II. de serm. Domini in monte (cap. xxiv. paulo a princ.)

Tertio modo potest considerari caritas ex parte subiecti, quod est veritabile secundum arbitrii libertatem. Potest autem attendi comparatio caritatis ad hoc subiectum & secundum universalem rationem, qua comparatur forma ad materiam, & secundum specialem rationem, qua comparatur habitus ad potentiam. Est autem de ratione formae quod sit in subiecto amissibiliter, quando non replet totam potentialitatem materiae; sicut patet in formis generalibus, & corruptibilibus: quia materia horum sic recipit unam formam quod remanet in ea potentia ad aliam formam,

(a) Ita tunc ant. Alcum. edit. passim. Theologi non semper.



nam, quasi non repleta tota materie potentialitate per unam formam; & ideo una forma potest amitti per acceptionem alterius; sed forma corporis caelestis, quia replet totam materia potentialitatem, ita quod non remanet in ea potentia ad aliam formam, inamissibiliter inest. Sic ergo caritas patriæ, quia replet totam potentialitatem rationalis mentis, inquantum scilicet omnis actualis motus eius fertur in Deum, inamissibiliter habetur. Caritas autem viæ non sic replet potentialitatem sui subiecti, quia non semper actu fertur in Deum: unde quando actu in Deum non fertur, potest aliquid occurrere per quod caritas amittitur.

Habitui vero proprium est ut inclinet potentiam ad agendum; quod convenit habitui, inquantum facit id videri bonum quod ei convenit, malum autem quod ei repugnat. Sicut enim gustus diiudicat saporis secundum suam dispositionem; ita mens hominis diiudicat de aliquo faciendo secundum suam habituales dispositionem. Unde & Philosophus dicit in III. Ethic. (cap. v. a med.) quod *qualis unusquisque est, talis finis videtur ei*. Ibi ergo caritas inamissibiliter habetur, ubi id quod convenit caritati, non potest videri nisi bonum, scilicet in patria, ubi Deus videtur per essentiam, quæ est ipsa essentia bonitatis. Et ideo caritas patriæ amitti non potest; caritas autem viæ, in cuius statu non videtur (a) ipsa Dei essentia, quæ est essentia bonitatis, potest amitti.

Ad primum ergo dicendum, quod autoritas illa loquitur secundum potestatem Spiritus sancti, cuius conservatione a peccato immunes redduntur, quos ipse movet, quantum ipse voluerit.

Ad secundum dicendum, quod caritas quæ deficere potest ex ipsa ratione caritatis, veræ caritas non est: hoc enim esset, si hoc in suo amore haberet quod ad tempus amaret, & postea amare diceret: quod non esset veræ dilectionis. Sed si caritas amittitur ex mutabilitate subiecti contra propositum caritatis, quod in suo actu includitur, hoc non repugnat veritati caritatis.

Ad tertium dicendum, quod amor Dei semper magna operatur in proposito, quod pertinet ad rationem carita-

tis; non tamen semper magna operatur in actu propter conditionem subiecti.

Ad quartum dicendum, quod caritas secundum rationem sui actus excludit omne motivum ad peccandum. Sed quandoque contingit quod caritas actu non agit; & tunc potest intervenire aliquid motivum ad peccandum, cui si consentiatur, caritas amittitur.

## ARTICULUS XII. 133

*Utrum caritas amittatur per unum actum peccati mortalis.*

**A**D duodecimum sic proceditur. Videtur quod caritas non amittatur per unum actum peccati mortalis. Dicit enim Origenes in I. Periarch. (cap. III. in fi.) Si (b) aliquando satietas capiat aliquem ex his qui in summo perfectorum consisterit gradu, non arbitror quod ad subitum quis evacuetur, aut decidat; sed paulatim, ac etiam per partes eum decidere necesse est. Sed homo decidit caritatem amittens. Ergo caritas non amittitur per unum solum actum peccati mortalis.

2. Præterea. Leo Papa dicit in sermone de passione (qui est ix. in fin.) alloquens Petrum: *Vidit in te Dominus non fidem (c) videri, non dilectionem averfam, sed constantiam fuisse turbatam. Abundavit fletus, ubi non defecit effectus; fons caritatis lavis verba formidinis*. Et ex hoc accepit Bernardus (colligitur ex Lib. II. de amore Dei cap. vi. ante med.) quod dicit, in Petro caritatem non fuisse extinctam, sed sopitam. Sed Petrus negando Christum peccavit mortaliter. Ergo caritas non amittitur per unum actum peccati mortalis.

3. Præterea. Caritas est fortior quam virtus acquisita. Sed habitus virtutis acquisitæ non tollitur per unum actum peccati contrarium. Ergo multo minus caritas tollitur per unum actum peccati mortalis contrarium.

4. Præterea. Caritas importat dilectionem Dei & proximi. Sed aliquis committens aliquod peccatum mortale retinet dilectionem Dei, & proximi, ut videtur: inordinatio enim affectionis circa ea quæ sunt ad finem, non tollit amorem finis, ut supra dictum est (art. x. h. 1).

(a) Ita cum eisd. Alan. & Paris. Nicolaus. Tarrac. ipsa essentia divine bonitatis. Et sic. Rem. ipsa essentia Dei, bonitatis esse essentia, potest amitti. (b) Al. Si autem satietas. (c) Ita eisd. Alan. Alique multi. Al. sciam.

hu. quæst. ) Ergo potest remanere caritas ad Deum, existente peccato mortali per inordinatam affectionem circa aliquod temporale bonum.

5. Præterea. Virtutis theologicæ obiectum est ultimus finis. Sed aliæ virtutes theologicæ, scilicet fides, & spes, non excluduntur per unum actum peccati mortalis, immo remanent informes. Ergo etiam caritas potest remanere informis, etiam uno peccato mortali perpetrato.

Sed contra. Per peccatum mortale fit homo dignus morte æterna, secundum illud Rom. vi. 23. *Stipendium peccati mortis*. Sed quilibet habens caritatem habet meritum vitæ æternæ: dicitur enim Ioan. xiv. 21. *Si quis diligit me, diligitur a Patre meo; & ego diligam eum, & manserabo ei in sempiternum*: in qua quidem manifestatione vita æterna consistit, secundum illud Ioan. xvii. 3. *Hæc est vita æterna ut cognoscant te (a) verum Deum, & quem misisti Iesum Christum*. Nullus autem potest esse simul dignus vita æterna, & morte æterna. Ergo impossibile est quod aliquis habeat caritatem cum peccato mortali. Tollitur ergo caritas per unum actum peccati mortalis.

Respondeo dicendum, quod unum contrarium per aliud contrarium superveniens tollitur. Quilibet autem actus peccati mortalis contrariatur caritati secundum propriam rationem, quæ consistit in hoc quod Deus diligatur super omnia, & quod homo totaliter illi se subiciat, omnia sua referendo in ipsum. Est ergo de ratione caritatis ut sic diligat Deum quod in omnibus velit se ei subiacere, & præceptorum eius regulam in omnibus sequi: quicquid enim contrariatur præceptis eius, manifeste contrariatur caritati: unde de se habet quod caritatem excludere possit.

Et si quidem caritas esset habitus acquisitus ex virtute subiecti dependens, non oporteret quod statim per unum actum contrarium tolleretur: actus enim non directe contrariatur habitui, sed actui. Continuatio autem habitus in subiecto non requirit continuitatem actus: unde ex superveniente contrario actus non statim habitus acquisitus excluditur. Sed caritas, cum sit habitus infusus, dependet ex actione Dei infundentis: qui sic se habet in infusione, & conservatio caritatis, sicut Sol in illumina-

tionem aeris, ut dictum est ( art. 10. h. quæst. arg. 3. ) Et ideo sicut lumen statim cessaret esse in aëre per hoc quod aliquod obstaculum poneretur illuminationi Solis; ita etiam caritas statim (b) deficit esse in anima per hoc quod aliquod obstaculum ponitur influentiae caritatis a Deo in animam.

Manifestum est autem quod per quodlibet mortale peccatum, quod divinis præceptis contrariatur, ponitur prædictæ infusioni obstaculum: quia ex hoc ipso quod homo eligendo præfert peccatum divinæ amicitie, quæ requiritur ut Dei voluntatem sequamur, consequens est ut statim per unum actum peccati mortalis habitus caritatis perdat. Unde & Augustinus dicit VIII. super Gen. ad lit. ( cap. xii. in med. ) *quod homo Deo sibi præsentem illuminatur, absente autem continuo tenebratur: a quo non locorum intervallis, sed voluntatis avertione disceditur*.

Ad primum ergo dicendum, quod verbum Originis potest uno modo sic intelligi, quod homo qui est in statu periectionis, non subito procedit in actum peccati mortalis, sed ad hoc disponitur per aliquam negligentiam præcedentem: unde & peccata venialia dicuntur esse dispositoria ad mortale, sicut supra dictum est ( 1. 2. quæst. lxxxviii. art. 3. ) Sed tamen per unum actum peccati mortalis, si eum commiserit, decedit, caritate amisit.

Sed quia ipse subdit, *Si aliquis brevis lapsus acciderit, & cito resipiscat, non penitus ruere videtur*, potest aliter dici, quod ipse intelligit, eum penitus evacuari, & decidere qui sic decidit, ut ex malitia peccet; quod non statim in viro perfecto a principio contingit.

Ad secundum dicendum, quod caritas amittitur dupliciter. Uno modo directe per actuale contemptum, & hoc modo Petrus caritatem non amisit. Alio modo indirecte, quando committitur aliquid contrarium caritati, propter aliquam passionem concupiscentiæ, vel timoris: & hoc modo Petrus contra caritatem faciens caritatem amisit, sed eam cito recuperavit.

Ad tertium patet responsio ex dictis ( in corp. )

Ad quartum dicendum, quod non quodlibet inordinatio affectionis, quæ est circa ea quæ sunt ad finem, idest circa bona

(a) *Pulsata solum Deum verum*. (b) *Ita mss. & edit. passim*, Nicolaus cum Theologia definit, ut legitur in quæst. de carit. art. 22. ad 11.

na creata; constituit peccatum morale; sed solum quando est talis inordinatio quae repugnat divinae voluntati. & haec inordinatio directe contrariatur caritati, ut dictum est (in corp. & quaest. xx. art. 3.)

Ad quintum dicendum, quod caritas importat unionem quamdam ad Deum, non autem fides, neque spes. Omne autem peccatum mortale constituit in aversione a Deo, ut supra dictum est (ibid.) & ideo omne peccatum mortale contrariatur caritati. Non autem omne peccatum mortale contrariatur fidei, vel spei, sed quaedam determinata peccata, per quae habitus fidei, vel spei tollitur; sicut & per omne peccatum mortale habitus caritatis tollitur. Unde patet quod caritas non potest remanere informis, cum sit ultima forma virtutum, ex hoc quod respicit Deum in ratione huius ultimi, ut dictum est (quaest. xxiii. art. 8.)

## QUAESTIO XXV.

De obiecto caritatis,  
in duodecim articulos divisa.

**D**Einde considerandum est de obiecto caritatis.

Circa quod duo considerata occurrunt. Primo quidem de his quae sunt ex caritate diligenda. Secundo de ordine diligendorum.

Circa primum quaeruntur duodecim.

Primo, utrum solus Deus sit ex caritate diligendus, vel etiam proximus.

Secundo, utrum caritas sit ex caritate diligenda.

Tertio, utrum creaturae irrationales sint ex caritate diligendae.

Quarto, utrum aliquis possit ex caritate seipsum diligere.

Quinto, utrum corpus proprium.

Sexto, utrum peccatores sint ex caritate diligendi.

Septimo, utrum peccatores seipsum diligant.

Octavo, utrum inimici sint ex caritate diligendi.

Nono, utrum sint eis signa amicitiae exhibenda.

Decimo, utrum Angeli sint ex caritate diligendi.

Undecimo, utrum demones.

Duodecimo de enumeratione diligendorum ex caritate.

## ARTICULUS I. 136

Utrum dilectio caritatis fiat in Deo; an se extendat etiam ad proximum.

Inf. quaest. cxviii. art. 2. & vir.  
quaest. 1. art. 4.

**A**D primum sic proceditur. Videtur quod dilectio caritatis fiat in Deo, & non se extendat ad proximum. Sicut enim Deo debemus amorem, ita & timorem, secundum illud Deuter. x. 12. *Et nunc, Israel, quid Dominus Deus tuus petit a te, nisi ut timeas . . . & diligas eum?* Sed alius est timor quo timetur homo, qui dicitur timor humanus, & alius timor quo timetur Deus, qui est vel servilis, vel filialis, ut ex supradictis patet (quaest. xxv. art. 2.) Ergo etiam alius est amor quo diligitur Deus, & alius est amor quo diligitur proximus.

2. Praeterea. Philosophus dicit in VIII. Ethic. (cap. viii. circ. princ.) quod *amari est honorari*. Sed alius est honor qui debetur Deo, qui est honor laetiae, & alius est honor qui debetur creaturae, qui est honor dulciae. Ergo etiam alius est amor quo diligitur Deus, & alius quo diligitur proximus.

3. Praeterea. Spes generat caritatem, ut habetur in Glosa (interl. in princ.) Matth. 1. Sed spes ita habetur de Deo quod reprehenduntur sperantes in homine, secundum illud Hierem. xviii. 5. *Maledictus homo qui confidit in homine*. Ergo caritas ita debetur Deo quod ad proximum se non extendat.

Sed contra est quod dicitur I. Ioan. iv. 21. *Hoc mandatum habemus a Deo ut qui diligit Deum, diligat & fratrem suum*.

Respondeo dicendum, quod, sicut supra dictum est (quaest. xviii. art. 6. & quaest. xix. art. 1. & 2. quaest. liv. art. 2.) habitus non diversificantur nisi ex hoc quod variat speciem actus. Omnis enim actus unius speciei ad eundem habitum pertinet. Cum autem species actus ex obiecto sumatur, secundum formalem rationem ipsius, necesse est quod idem specie sit actus qui fertur in rationem obiecti, & qui fertur in obiectum sub tali ratione, sicut eadem est specie visio qua videtur lumen, & qua videtur color secundum luminis rationem.

Ratio autem diligendi proximum Deus est: hoc enim decemus in proximo diligere,

gere, ut in Deo sit. Unde manifestum est quod idem specie actus est quo diligitur Deus, & quo diligitur proximus. Et propter hoc habemus caritatis non solum se extendit ad dilectionem Dei, sed etiam ad dilectionem proximi.

Ad primum ergo dicendum, quod proximus timeri potest dupliciter, sicut & amari. Uno modo propter id quod est proprium sibi; puta cum aliquis timeret tyrannum propter eius crudelitatem, vel cum amaret ipsum propter cupiditatem; acquirendi aliquid ab eo: & talis timor humanus distinguitur a timore Dei, & similiter amor. Alio modo timeretur homo, & amatur propter id quod est Dei in ipso; sicut cum secularis potestas timeretur propter ministerium divinum, quod habet ad vindictam malefactorum, & amatur propter iustitiam: & talis timor hominis non distinguitur a timore Dei, sicut nec amor.

Ad secundum dicendum, quod amor respicit bonum in communi; sed honor respicit proprium bonum honorati: deferitur enim alicui in testimonium propriæ virtutis. Et ideo amor non diversificatur specie propter diversam quantitatem bonitatis diversorum, dummodo referantur ad aliquod unum bonum commune; sed honor diversificatur secundum propria bona singulorum. Unde eodem amore caritatis diligimus omnes proximos; in quantum referuntur ad unum bonum commune, quod est Deus; sed diversos honores diversis deferimus, secundum propriam virtutem singulorum; & similiter Deo singularem honorem laudis exhibemus propter eius singularem virtutem.

Ad tertium dicendum, quod vituperantur qui sperant in homine sicut in principali auctore salutis, non autem qui sperant in homine sicut adiuvante ministerialiter sub Deo: & similiter reprehensibile esset, si quis proximum diligere tamquam principalem finem, non autem si quis proximum diligat propter Deum; quod pertinet ad caritatem.

## ARTICULUS II. 337

*Utrum caritas sit ex caritate diligenda.*

*I. dist. XVII. quæst. I. art. 5. & dist. XXVIII. art. 7. ad 5.*

**A**D secundum sic proceditur. Videtur quod caritas non sit ex caritate diligenda. Ea enim quæ sunt ex caritate

diligenda, duobus præceptis caritatis concluduntur, ut patet Matth. XXIII. Sed sub neutro eorum caritas continetur: quia nec caritas est Deus, nec est proximus. Ergo caritas non est ex caritate diligenda.

2. Præterea. Caritas fundatur super communicationem beatitudinis, ut supra dictum est (quæst. XXIII. art. 1.). Sed caritas non potest esse participes beatitudinis. Ergo caritas non est ex caritate diligenda.

3. Præterea. Caritas est amicitia quædam, ut supra dictum est (ibid.). Sed nullus potest habere amicitiam ad caritatem; vel aliquod accidens, quia huiusmodi remane non possunt; quod est de ratione amicitiae, ut dicitur in VIII. Ethicor. (cap. II.). Ergo caritas non est ex caritate diligenda.

Sed contra est quod Augustinus dicit VIII. de Trinit. (cap. VIII. a med.) *Qui diligit proximum, consequens est ut etiam ipsam dilectionem diligit.* Sed proximus diligitur ex caritate. Ergo consequens est ut etiam caritas ex caritate diligatur.

Respondeo dicendum, quod caritas amor quidam est. Amor autem ex natura potentie cuius est actus, habet quod possit supra seipsum reflecti: Quia enim voluntatis obiectum est bonum universale, quicquid sub ratione boni continetur, potest cadere sub actu voluntatis: & quia ipsum velle est quoddam bonum, potest velle se velle; sicut & intellectus, cuius obiectum est verum, intelligit se intelligere, quia hoc etiam est quoddam verum. Sed amor etiam ex ratione propriæ speciei habet quod supra se reflectatur, quia est spontaneus motus amantis in amatum: unde ex hoc ipso quod amat aliquis, amat se amare.

Sed caritas non est simpliciter amor, sed habet rationem amicitiae, ut supra dictum est (quæst. XXIII. art. 1.). Per amicitiam autem amatur aliquid dupliciter: uno modo sicut ipse amicus, ad quem amicitiam habemus, & cui bona volumus; alio modo sicut bonum quod amico volumus: & hoc modo caritas per caritatem amatur, & non primo: quia caritas est illud bonum quod optamus omnibus quos ex caritate diligimus. Et eadem ratio est de beatitudine, & aliis virtutibus.

Ad primum ergo dicendum, quod Deus, & proximus sunt illi ad quos amicitiam habemus; sed in illorum dilectione

Atione includitur dilectio caritatis: diligimus enim proximum, & Deum, in quantum hoc amamus ut nos, & proximus Deum diligamus; quod est caritatem. (a) diligere.

Ad secundum dicendum, quod caritas est ipsa communicatio spiritualis vitae, per quam ad beatitudinem pervenitur: & ideo amatur sicut bonum desideratum omnibus quos ex caritate diligimus.

Ad tertium dicendum quod ratio illa procedit, secundum quod per amicitiam amantur illi ad quos amicitiam habemus.

## ARTICULUS III. 138

*Utrum etiam creaturae irrationales sint ex caritate diligendae.*

III. dist. xxviii. art. 2. & 5. & vir. quæst. 11. art. 7.

**A**D tertium sic proceditur. Videtur quod etiam creaturae irrationales sint ex caritate diligendae: Per caritatem enim maxime conformamur Deo. Sed Deus diligit creaturas irrationales ex caritate: diligit enim omnia quae sunt, ut habetur Sap. 11. 25. & omne quod diligit, seipso diligit, qui est caritas. Ergo & nos debemus creaturas irrationales ex caritate diligere.

2. Praeterea. Caritas principaliter fertur in Deum; ad alia autem se extendit, secundum quod ad Deum pertinent. Sed sicut creatura rationalis pertinet ad Deum, in quantum habet similitudinem imaginis; ita etiam creatura irrationalis, in quantum habet similitudinem vestigii. Ergo caritas etiam se extendit ad creaturas irrationales.

3. Praeterea. Sicut caritatis obiectum est Deus, ita & fidei. Sed fides se extendit ad creaturas irrationales, in quantum credimus, caelum, & terram esse creata a Deo, & pisces, & aves esse producos ex aquis, & gressibilia animalia, & plantas ex terra. Ergo caritas etiam se extendit ad creaturas irrationales.

Sed contra est quod dilectio caritatis solum se extendit ad Deum, & ad proximum. Sed nomine proximi non potest intelligi creatura irrationalis, quia non communicat cum homine in vita rationali. Ergo caritas non se extendit ad creaturas irrationales.

Respondeo dicendum, quod caritas se-

cundum praedicta (art. praec. & quæst. xiii. art. 1.) est amicitia quædam. Per amicitiam autem amatur uno modo amicus ad quem amicitia habetur; et alio modo bona quæ amico optantur. Primo ergo modo nulla creatura irrationalis potest ex caritate amari; & hoc triplici ratione: quarum duæ pertinent communiter ad amicitiam, quæ ad creaturas irrationales haberi non potest. Primo quidem quia amicitia ad eum habetur cui volumus bonum. Sed non proprie possumus bonum velle creaturae irrationali, quia non est eius proprie habere bonum, sed solum creaturae rationalis, quæ est domina utendi bono quod habet, per liberum arbitrium. Et ideo Philosophus dicit in II. Phys. (tex. 58. & 59.) quod huiusmodi rebus non dicimus aliquid bene, vel male contingere, nisi secundum similitudinem. Secundo quia omnis amicitia fundatur super aliqua communicatione vitae: nihil enim ita proprium est amicitiae, sicut bona vita, ut patet per Philosophum VIII. Ethic. (cap. 11. & 14.) Creaturae autem irrationales non possunt communicationem habere in vita humana, quæ est secundum rationem. Unde nulla amicitia potest haberi ad creaturas irrationales, nisi forte secundum metaphoram. Tertia ratio est propria caritati: quia caritas fundatur super communicatione beatitudinis æternæ, cuius creatura irrationalis capax non est. Unde amicitia caritatis non potest haberi ad creaturam irrationalem.

Possunt tamen ex caritate diligere creaturae irrationales, sicut bona quæ aliis volumus, in quantum scilicet ex caritate volumus eas conservari ad honorem Dei, & utilitatem hominum: & sic etiam ex caritate Deus eas diligit.

Unde patet responsio ad primum.

Ad secundum dicendum, quod similitudo vestigii non dat capacitatem vitae æternæ, sed similitudo imaginis: unde non est similis ratio.

Ad tertium dicendum, quod fides se potest extendere ad omnia quocumque modo vera; sed amicitia caritatis se extendit ad illa sola quæ nata sunt habere bonum vitae æternæ, unde non est simile.

A R-

(a) Ita Theologi, Nicolaus, & recentiores edit. Edit. Rom. cum cod. Alen. aliiq. habere.

## ARTICULUS IV. 139

*Utrum homo debeat seipsum ex caritate diligere.*

I. *dist. xxxii. quæst. 1. art. 2. ad 3. & III. dist. xxvi. & viii. quæst. 11. art. 7. cor. & ad 10.*

**A**D quantum sic proceditur. Videtur quod homo non diligit seipsum ex caritate. Dicit enim Gregorius in quadam homil. (xvii. in Evāg. in princ.) quod *caritas minus quam inter duos haberi non potest*. Ergo ad seipsum nullus habet caritatem.

2. Præterea. Amicitia de sui ratione importat reamotionem, & æqualitatem, ut patet in VIII. Ethic. (cap. 11. & viii.) quæ quidem non possunt esse homini ad seipsum. Sed caritas amicitia quædam est, ut supra dictum est (quæst. xxiii. art. 1.) Ergo ad seipsum aliquis caritatem habere non potest.

3. Præterea. Illud quod ad caritatem pertinet, non potest esse vituperabile: quia *caritas non agit perperam*, ut dicitur I. ad Corinth. xiii. 4. Sed amare seipsum vituperabile est: dicitur enim II. ad Timoth. xii. 1. *In novissimis diebus inflabunt tempora periculosa, & erunt homines amantes seipsos*. Ergo homo non potest seipsum diligere ex caritate.

Sed contra est quod dicitur Levit. xix. 18. *Diliges amicum tuum sicut teipsum*. Sed amicum ex caritate diligimus. Ergo & nos ipsos debemus ex caritate diligere.

Respondendo dicendum, quod cum caritas sit quædam amicitia, sicut dictum est (quæst. xxiii. art. 1.) dupliciter possumus de caritate loqui. Uno modo sub communi ratione amicitia; & secundum hoc dicendum est, quod amicitia proprie non habetur ad seipsum, sed aliquid maius amicitia: quia amicitia unionem quandam importat. Dicit enim Dionysius (cap. iv. de div. Nom. lect. 9.) quod *amor est virtus unitiva*. Unicuique autem ad seipsum est unitas, quæ est potior unione ad alium. Unde sicut unitas est principium unionis; ita amor quo quis diligit seipsum, est forma, & radix amicitia;. In hoc enim amicitiam habemus ad alios, quod ad eos inos habemus sicut ad nosipsos: dicitur enim in IX. Ethicor. (cap. iv. & viii. circ. princ.) quod *amicabilia quæ sunt ad al-*

*terum, veniunt ex his quæ sunt ad seipsum*: sicut etiam de principiis non habetur scientia, sed aliquid maius, scilicet intellectus.

Alio modo possumus loqui de caritate secundum propriam rationem ipsius prout scilicet est amicitia hominis ad Deum principaliter, & ex consequenti ad ea quæ sunt Dei: inter quæ etiam est ipse homo, qui caritatem habet: & sic inter cetera quæ ex caritate diligit quasi ad Deum pertinentia, etiam seipsum ex caritate diligit.

Ad primum ergo dicendum, quod Gregorius loquitur de caritate secundum communem amicitia; rationem.

Et secundum hoc etiam procedit ratio secunda.

Ad tertium dicendum, quod amantes seipsos vituperantur, inquantum amant se secundum naturam sensibilem, cui obtemperant: quod non est vere amare seipsum secundum naturam rationalem, ut sibi velint ea bona quæ pertinent ad perfectionem rationis: & hoc modo præcipue ad caritatem pertinet diligere seipsum.

## ARTICULUS V. 140

*Utrum homo debeat corpus suum ex caritate diligere.*

III. *dist. xxviii. quæst. 1. art. 7. & viii. quæst. 11. art. 7. cor. ad 14. & 15.*

**A**D quantum sic proceditur. Videtur quod homo non debeat corpus suum ex caritate diligere. Non enim diligimus illum cui convivere non volumus. Sed homines caritatem habentes refugium corporis convictum, secundum illud Rom. vii. 24. *Quis me liberabit de corpore mortis huius?* & Philip. 1. 23. *Desiderium habens dissolvi, & esse cum Christo*. Ergo corpus nostrum non est ex caritate diligendum.

2. Præterea. Amicitia caritatis fundatur super communicatione divinæ fruitionis. Sed huiusmodi fruitionis corpus particeps esse non potest. Ergo corpus non est ex caritate diligendum.

3. Præterea. Caritas, cum sit amicitia quædam, ad eos habetur qui reamare possunt. Sed corpus nostrum non potest nos ex caritate diligere. Ergo non est ex caritate diligendum.

Sed contra est quod Augustinus in I. de doctr. christ. (cap. xxiii. & xxvi.)

ponit quatuor ex caritate diligenda: inter quæ unum est corpus proprium.

Respondeo dicendum, quod corpus nostrum secundum duo potest considerari: uno modo secundum eius naturam; alio modo secundum corruptionem culpæ, & poenæ.

Natura autem corporis nostri non est a malo principio creata, ut Manichæi fabulantur, sed est a Deo. Unde possumus eo uti ad servitium Dei, secundum illud Rom. vi. 13. *Exhibete . . . membra vestra arma iustitiæ Deo.*

Et ideo ex dilectione caritatis, quæ diligimus Deum, debemus etiam corpus nostrum diligere; sed infectionem culpæ, & corruptionem poenæ in corpore nostro diligere non debemus, sed potius ad eius remotionem anhelare desiderio caritatis.

Ad primum ergo dicendum, quod Apostolus non reingiebat corporis communionem quantum ad corporis naturam; immo secundum hoc volebat ac se spoliarum; secundum illud II. ad Corinth. v. 4. *Nolumus expoliari, sed supervestiri.* Sed volebat carere infectione concupiscentiæ, quæ remanet in corpore, & corruptione ipsius, quæ aggravat animam, ne possit Deum videre. Unde signanter dixit: *De corpore mortis huius.*

Ad secundum dicendum, quod quamvis corpus nostrum Deo frui non possit cognoscendo, & amando ipsum; tamen per opera quæ per corpus agimus, ad perfectam Dei fructuonem possumus venire. Unde ex fructuone animæ redundat quædam beatitudo ad corpus, scilicet *sanitatis, & incorruptionis vigor*, ut Augustinus dicit in epist. ad Diof. (cxviii. olm lvi. ante med.) Et ideo, quia corpus aliquo modo est particeps beatitudinis, potest dilectione caritatis amari.

Ad tertium dicendum, quod reamatio habet locum in amicitia quæ est ad alterum, non autem in amicitia quæ est ad seipsum vel secundum animam, vel secundum corpus.

## ARTICULUS VI. 141

*Utrum peccatores sint ex caritate diligendi.*

III. dist. xxviii. art. 4. & vir. quæst. ii. art. 8. & 9.

**A**D sextum sic proceditur. Videtur quod peccatores non sint ex cari-

tate diligendi. Dicitur enim in Psal. cxviii. 113. *Iniquis odio habui.* Sed David caritatem perfectam habebat. Ergo ex caritate magis sunt odiendi peccatores quam diligendi.

2. Præterea. *Probatio dilectionis exhibitio est operis*, ut Gregorius dicit in nom. Pent. (xxx. in Evang. parum a princ.) Sed peccatoribus iusti non exhibent opera dilectionis, sed magis opera quæ videntur esse odii, secundum illud Psal. c. 8. *In matutino interficiebam omnes peccatores terræ*; & Dominus præcepit Exod. xxiii. 18. *Maleficos non patieris vivere.* Ergo peccatores non sunt ex caritate diligendi.

3. Præterea. Ad amicitiam pertinet ut amicis optemus, & velimus bona. Sed Sancti ex caritate optant peccatoribus mala, secundum illud Psal. ix. 18. *Convertantur peccatores in infernum.* Ergo peccatores non sunt ex caritate diligendi.

4. Præterea. Proprium est amicorum de eisdem gaudere, & idem velle. Sed caritas non facit velle quod peccatores volunt, neque facit gaudere de hoc de quo peccatores gaudent; sed magis facit contrarium. Ergo peccatores non sunt ex caritate diligendi.

5. Præterea. Proprium est amicorum simul convivere, ut dicitur in VIII. Ethic. (cap. v. ante med.) Sed cum peccatoribus non est convivendum, secundum illud II. ad Corinth. vi. 17. *Exite de medio eorum.* Ergo peccatores non sunt ex caritate diligendi.

Sed contra est quod Augustinus dicit in I. de doctr. christ. (cap. xxx. cit. med.) quod cum dicitur, *Dilige proximum tuum, manifestum est omnem hominem proximum esse deputandum.* Sed peccatores non desinunt esse homines, quia peccatum non tollit naturam. Ergo peccatores sunt ex caritate diligendi.

Respondeo dicendum, quod in peccatoribus duo possunt considerari, scilicet natura, & culpa. Secundum naturam quidem, quam a Deo habent, capaces sunt beatitudinis, super cuius communicatione caritas fundatur, ut supra dictum est (art. 3. hu. quæst. & quæst. xxiii. art. 1. & 5.) & ideo secundum naturam suam sunt ex caritate diligendi.

Sed culpa eorum Deo contrariatur, & est beatitudinis impedimentum. Unde secundum culpam, qua Deo adversantur, sunt odiendi quicumque peccatores, etiam pater, & mater, & propin-

pinqui, ut habetur *Lnc. xiv.* Debemus enim in peccatoribus odire quod peccatores sunt, & diligere quod homines sunt, beatitudinis capaces: & hoc est eos vere ex caritate diligere propter Deum.

Ad primum ergo dicendum, quod iniquos Propheta odio habuit, inquantum iniqui sunt, habens odium iniquitatem ipsorum, quod est ipsorum malum: & hoc est perfectum odium, de quo ipse dicit (*Psal. cxviii. 22.*) *Perfecto odio oderam illos.* Eiusdem autem rationis est odire malum alicuius, & diligere bonum eius. Unde etiam illud odium perfectum ad caritatem pertinet.

Ad secundum dicendum, quod amicis peccantibus, sicut Philosophus dicit in *IX. Ethicor.* (cap. 111. circa med.) non fuit subtrahenda amicitiae beneficia, (a) quousque habetur spes sanationis eorum; sed magis est eis auxilium dandum ad recuperationem virtutis, quam ad recuperationem pecuniae, si eam amiserint, quanto virtus est magis amicitiae affinis quam pecunia. Sed quando in maximam malitiam incidunt, & insanabiles sunt, tunc non est eis amicitiae familiaritas exhibenda. Et ideo huiusmodi peccantes, de quibus magis praesumitur nocuentum aliorum quam eorum emendatio, secundum legem divinam, & humanam praecipuntur occidi. Et tamen hoc facit iudex non ex odio eorum, sed ex amore caritatis, quo bonum publicum praesertur vitae singularis personae. Et tamen mors per iudicem inflata peccatori prodest, (b) si convertatur, ad culpae expiationem; si vero non convertatur, ad culpae terminationem, quia per hoc tollitur ei potestas amplius peccandi.

Ad tertium dicendum, quod huiusmodi (c) imprecationes quae in sacra Scriptura inveniuntur, tripliciter possunt intelligi. Uno modo per modum praenuntiationis, non per modum optationis, ut fit sententia: *Convertantur peccatores in infernum, id est convertentur.* Alio modo per modum optationis, ut tamen delictorum optantis non referatur ad poenam hominum, sed ad iustitiam punientis, secundum illud *Psalm. lxxi. 21. Letabitur iustus, cum viderit vindictam:* quia nec ipse Deus puniens letatur in perdi-

zione impiorum, ut dicitur *Sap. 1.* sed in sua iustitia: quia *iustus Dominus, & iustitias dilexit* (*Psal. x. 8.*) Tertio ut delictorum referatur ad remotionem culpae, non ad ipsam poenam, ut scilicet peccata destruantur, & homines remaneant.

Ad quartum dicendum, quod ex caritate diligimus peccatores, non quidem ut velimus quae ipsi volunt, vel gaudeamus de his de quibus ipsi gaudent; sed ut faciamus eos velle quod volumus, & gaudere de his de quibus gaudeamus. Unde dicitur *Hier. xv. 19. Ipsi convertentur ad te, & tu non converteris ad eos.*

Ad quintum dicendum, quod convivere peccatoribus; infirmis quidem est vitandum, propter periculum quod eis imminet ne ab eis subvertantur; perfectis autem, de quorum corruptione non timetur, laudabile est quod cum peccatoribus convertantur, ut eos convertant. Sic enim Dominus cum peccatoribus manducabat, & bibebat, ut dicitur *Matth. ix.* Convivisse tamen peccatorum quantum ad consortium peccati vitandum est omnibus: & sic dicitur *II. ad Cor. vi. 17. Exite de medio eorum, & immundum ne tetigeritis,* scilicet secundum peccati consensum.

## ARTICULUS VII. 143

*Utrum peccatores diligant seipsos.*

*III. dist. xxix. q. 1. art. 5. & ver. quest. 11. art. 12. ad 6. & Psal. x.*

**A**D septimum sic proceditur. Videtur quod peccatores seipsos diligant. Illud enim quod est principium peccati, maxime in peccatoribus invenitur. Sed amor sui est principium peccati: dicit enim Augustinus *XIV. de civit. Dei* (cap. ult. in princ.) *quod facit civitatem Babylonis.* Ergo peccatores maxime amant seipsos.

2. Praeterea. Peccatum non tollit naturam. Sed hoc unicuique convenit ex sua natura quod diligat seipsum: unde etiam creaturae irrationales naturaliter appetunt proprium bonum, puta conservationem sui esse, & alia huiusmodi. Ergo peccatores diligunt seipsos.

3. Praeterea. Omnibus est diligibile bonum, ut Dionysius dicit in *iv. cap. de div.*

(a) Ita mss. & edis veteres passim cum Nicolao. Edit. Rom. quousque habetur. Al. quam diu habetur. Garcia quousque non habetur. (b) Ita Garcia ex cod. Terrac. & edis. passim. Cod. Alean. non convertitur, ad culpae expiationem, seu non convertitur, ad culpae terminationem. Edit. Rom. five convertitur ad culpae expiationem, five etiam convertitur ad culpae terminacionem. (c) Ita cum Garcia posteriores editiones. Edit. Rom. cum cod. Alean. imprecationes.



div. Nom. (part. 1. left. 3.) Sed multi peccatores reputant se bonos. Ergo multi peccatores seipsos diligunt.

Sed contra est quod dicitur in Psalm. x. 6. *Qui diligit iniquitatem, edis animam suam.*

Respondet dicendum, quod amare seipsum uno modo commune est omnibus, alio modo proprium est bonorum, tertio modo proprium est malorum. Quod enim aliquis amet id quod seipsum esse aestimat, hoc commune est omnibus.

Homo autem dicitur esse aliquid dupliciter. Uno modo secundum suam substantiam, & naturam: & secundum hoc (a) omnes aestimant se esse id quod sunt, scilicet ex anima, & corpore compositos; & sic etiam omnes homines boni, & mali diligunt seipsos, in quantum diligunt sui ipsorum conservationem.

Alio modo dicitur homo esse aliquid secundum principalitatem; sicut princeps civitatis dicitur esse civitas: unde quod principes faciunt, dicitur civitas facere. Sic autem non omnes aestimant se esse id quod sunt. Principale enim in homine est mens rationalis; secundarium autem est natura sensitiva, & corporalis: quorum primum Apostolus nominat *interiorem hominem*, secundum *exteriorem*, ut patet II. ad Corinth. v. Boni autem aestimant principale in seipsis rationalem naturam, sive interiorem hominem: unde secundum hoc aestimant se esse quod sunt. Mali autem aestimant principale in seipsis naturam sensitivam, & corporalem, scilicet *exteriorem hominem*. Unde non recte cognoscunt seipsos, non vere diligunt seipsos; sed diligunt id quod seipsos esse reputant. Boni autem vere cognoscunt seipsos, vere seipsos diligunt.

Et hoc probat Philosophus in IX. Ethic. (cap. iv.) per quinque, quae sunt amicitiae propriae. Unusquisque enim amicus primo quidem vult suum amicum esse, & vivere; secundo vult ei bona; tertio operari bona ad ipsum; quarto convivere ei delectabiliter; quinto concordat cum ipso, (b) quasi in eisdem delectatus, & contristatus. Et secundum hoc boni diligunt seipsos, quantum ad interiorem hominem, quia volunt ipsum servare in sua integritate; & optant ei bona, quae sunt bona spiritualia, & etiam

(c) ad ea assequenda operam impendunt; & delectabiliter ad cor proprium redeunt, quia ibi inveniunt bonas cogitationes in praesenti, & memoriam praeteritorum bonorum, & spem futurorum bonorum, ex quibus delectatio causatur. Similiter etiam non patiuntur in seipsis voluntatis dissensionem, quia tota anima eorum tendit in unum.

E contrario autem mali non volunt conservari in integritate interioris hominis; neque appetunt ei spiritualia bona; neque ad hoc operantur; neque delectabile est eis secum convivere, redeundo ad cor, quia inveniunt ibi mala, & praesentia, & praeterita, & futura, quae abhorrent; neque etiam sibi ipsis concordant propter conscientiam remordentem, secundum illud Psalm. xlix. 21. *Arguam te, & statuam contra faciem tuam.*

Et per eadem probari potest, quod mali amant seipsos secundum corruptionem exterioris hominis; sic autem boni non amant seipsos.

Ad primum ergo dicendum, quod a maior sui, qui est principium peccati, est ille qui est proprius malorum, perveniens usque ad contemptum Dei, ut ibidem dicitur: quia mali etiam sic cupiunt exteriora bona quod spiritualia contemnunt.

Ad secundum dicendum, quod naturalis amor, etsi non totaliter tollatur a malis, tamen in eis pervertitur per modum iam dictum (in corp. art.)

Ad tertium dicendum, quod mali, in quantum aestimant se bonos, sic aliquid participant de amore sui. Nec tamen ista est vera sui dilectio, sed apparens; quae etiam non est possibilis in his qui valde sunt mali.

## ARTICULUS VIII. 143

*Utrum sit de necessitate caritatis ut inimici diligantur.*

II. dist. xx. art. 1. & vir. qu. 11. art. 8. & opus. iv. cap. viii. & opus. xviii. cap. xv. & Rom. xii. lect. 3.

**A**D octavum sic proceditur. Videtur quod non sit de necessitate caritatis ut inimici diligantur. Dicit enim Augustinus in Enchir. (cap. lxxiii.) quod *hoc tam magnum bonum, scilicet diligere*

(a) Ita cum Garcia posteriores omnes editiones. Edit. Rom. cum plurimae codicibus: omnes amant bonum esse commune se esse id quod sunt. (b) Ita cum edd. Tarac. & Alcan. & Paris. Nicolai. Al. quasi eisdem. Edit. Rom. quasi cum eodem delectatus &c. (c) Ita edit. passim. Codd. Tarac. & Alcan. ad assequenda.

re inimicos, non est tanta multitudinis, quantum credimus exaudiri, cum in oratione dicitur, *Dimitte nobis debita nostra*. Sed nulli dimittitur peccatum sine caritate: quia, ut dicitur Proverb. x. 12. *universa delicta operit caritas*. Ergo non est de necessitate caritatis diligere inimicos.

2. Præterea. Caritas non tollit naturam. Sed unaquæque res etiam irrationalis naturaliter odit suum contrarium, sicut ovis lupum, & aqua ignem. Ergo caritas non facit quod inimici diligantur.

3. Præterea. *Caritas non agit perveram* (1. Cor. xiii. 4.) Sed hoc videtur esse perverum quod aliquis diligit inimicos, sicut & quod aliquis odio habeat amicos: unde II. Reg. xix. 6. exprobrando dicit Ioab ad David: *Diligis odientes te, & odio habes diligentes te*. Ergo caritas non facit ut inimici diligantur.

Sed contra est quod Dominus dicit Matth. v. 44. *Diligite inimicos vestros*.

Respondeo dicendum, quod dilectio inimicorum tripliciter potest considerari. Uno modo, ut inimici diligantur, inquantum sunt inimici; & hoc est perverum, & caritati repugnans, quia hoc est diligere malum alterius.

Alio modo potest dici dilectio inimicorum quantum ad naturam, (a) sed in universalis; & sic dilectio inimicorum est de necessitate caritatis, ut scilicet aliquis diligens Deum, & proximum, ab illa generalitate dilectionis proximi inimicos suos non excludat.

Tertio modo potest considerari dilectio inimicorum in speciali, ut scilicet aliquis in speciali moveatur motu dilectionis ad inimicum: & istud non est de necessitate caritatis absolute: quia nec etiam moveri motu dilectionis in speciali ad quoslibet homines singulariter est de necessitate caritatis, quia hoc esset impossibile.

Est tamen de necessitate caritatis secundum præparationem animi, ut scilicet homo habeat animum paratum ad hoc quod in singulari inimicum diliget, si necessitas occurreret.

Sed quod abique articulo necessitatis homo etiam (b) hoc actu impleat ut diligat inimicum propter Deum, hoc pertinet ad perfectionem caritatis. Cum enim ex caritate diligatur proximus propter Deum, quanto aliquis magis diligit Deum, tanto etiam magis ad proximum

dilectionem ostendit, nulla inimicitia impediens: sicut si aliquis multum diliget aliquem hominem, amore ipsius filios eius amaret, etiam inimicos sibi. Et secundum hunc modum loquitur Augustinus (loc. cit. in arg. 1.)

Unde patet responsio ad primum.

Ad secundum dicendum, quod unaquæque res naturaliter odio habet id quod est sibi contrarium, inquantum est sibi contrarium. Inimici autem sunt nobis contrarii, inquantum sunt inimici: unde hoc debemus in eis odio habere, debet enim nobis displicere quod nobis inimici sunt. Non autem nobis sunt contrarii, inquantum homines sunt, & beatitudinis capaces; & secundum hoc debemus eos diligere.

Ad tertium dicendum, quod diligere inimicos, inquantum sunt inimici, hoc est vituperabile: & hoc non facit caritas, ut dictum est (in corp. art.)

## ARTICULUS IX. 144

*Utrum sit de necessitate salutis quod aliquis signa, & effectus dilectionis inimico exhibeat.*

III. dist. xxx. art. 1. ad 1. & art. 2. & Rom. xiv. lect. 3.

AD nonum sic proceditur. Videtur quod de necessitate caritatis sit quod aliquis homo signa, vel effectus dilectionis inimico exhibeat. Dicitur enim I. Ioan. iii. 18. *Non diligamus verbo, neque lingua, sed opere, & veritate*. Sed opere diligit aliquis exhibendo ad eum quem diligit, signa, & effectus dilectionis. Ergo de necessitate caritatis est ut aliquis huiusmodi signa, & effectus inimicis exhibeat.

2. Præterea. Matth. v. 44. Dominus simul dicit, *Diligite inimicos vestros, & Benefacite his qui oderunt vos*. Sed diligere inimicos est de necessitate caritatis. Ergo etiam benefacere inimicis.

3. Præterea. Caritate amatur non solum Deus, sed etiam proximus. Sed Gregorius dicit in homil. Pentec. (xxx. in Evang. parum a princip.) quod *amor Dei non potest esse otiosus: magna enim operatur, si est; si desinit operari, non est amor*. Ergo caritas quæ habetur ad proximum, non potest esse sine operationis effectu. Sed de necessitate caritatis est ut omnis proximus diligatur, etiam inimicus.

(a) Ita cum cold. Alcan. & Tarron. edit. possim. Al. scilicet in universalis. (b) Ita possim. Cod. Alcan. hoc impleat ut actu diligat.

mius. Ergo de necessitate caritatis est ut etiam ad inimicos signa, & effectus dilectionis ostendamus.

Sed contra est quod Matth. v. super illud, *Benefacite his qui oderunt vos*, dicit Glossa (ord. sup. illud, *Estate ergo vos perfecti*, & Augustinus in Enchir. cap. lxxiii.) quod „benefacere inimicis“, est cumulus perfectionis. „Sed id quod pertinet ad perfectionem caritatis, non est de necessitate ipsius. Ergo non est de necessitate caritatis quod aliquis signa, & effectus dilectionis inimicis exhibeat.“

Respondeo dicendum, quod effectus, & signa caritatis ex interiori dilectione procedunt, & ei proportionantur. Dilectio autem interior ad inimicum in communi quidem est de necessitate praecepti absolute, in speciali autem est non absolute, sed secundum preparationem animi, ut supra dictum est (art. praec.)

Sic ergo dicendum est de effectu, & signo dilectionis exterius exhibendo. Sunt enim quaedam signa, vel beneficia dilectionis quae exhibentur proximis in communi; puta cum aliquis orat pro omnibus fidelibus, vel pro toto populo, aut cum aliquod beneficium impendit aliquis toti communitati: & talia beneficia, vel dilectionis signa inimicis exhibere est de necessitate praecepti. Si enim non exhiberentur inimicis, hoc pertineret ad livorem vindictae, contra id quod dicitur Lev. xix. 18. *Non quaeres ultionem, & non eris memor iniuriae civium tuorum.*

Alia vero sunt beneficia, vel dilectionis signa, quae quis exhibet particulariter aliquibus personis: & talia beneficia, vel dilectionis signa inimicis exhibere non est de necessitate salutis, nisi secundum preparationem animi, ut scilicet subveniatur eis in articulo necessitatis, secundum illud Proverb. xxv. 21. *Si esurierit inimicus tuus, ciba illum; si sitis, da illi potum.*

Sed quod praeter articulum necessitatis huiusmodi beneficia aliquis inimicis exhibeat, pertinet ad perfectionem caritatis, per quam aliquis non solum cavet vinci a malo, quod necessitatis est; sed etiam vult in bono vincere malum, quod est etiam perfectionis; dum scilicet non solum cavet propter iniuriam sibi illatam pertrahi ad odium, sed etiam propter sua beneficia intendit inimicum pertrahere ad suum amorem.

Et per hoc patet responsio ad obiecta.

S. Tb. Oper. Tom. XXII.

(a) *Paupers: si sitierit, da ei aquam bibere.*

ARTICULUS X. 145

*Utrum debeamus Angelos ex caritate diligere.*

III. dist. xxviii. art. 3. & vir. quaest. 11. art. 7. cor. & ad 7. & 8.

**A**D decimum sic proceditur. Videtur quod Angelos ex caritate non debeamus diligere. Ut enim Augustinus dicit in Lib. 1. de doctr. christ. (cap. xxvi.) *gemina est dilectio caritatis, scilicet Dei, & proximi.* Sed dilectio Angelorum non continetur sub dilectione Dei, cum sit substantiae creatae; nec etiam videtur contineri sub dilectione proximi, cum non communicent nobiscum in specie. Ergo Angeli non sunt ex caritate diligendi.

2. Praeterea. Magis conveniunt nobiscum bruta animalia quam Angeli: nam nos, & bruta animalia sumus in eodem genere propinquo. Sed ad bruta animalia non habemus caritatem, ut supra dictum est (art. 3. huius quaest.) Ergo etiam neque ad Angelos.

3. Praeterea. Nihil est ita proprium amicorum, sicut convivere, ut dicitur in VIII. Ethic. (cap. v. ante med.) Sed Angeli non convivunt nobiscum, nec etiam eos videre possumus. Ergo ad eos caritatis amicitiam habere non valemus.

Sed contra est quod Augustinus dicit in I. de doctr. christ. (cap. xxx. a med.) *Iam vero si vel cui praebendum a nobis est, vel a quo nobis praebendum est officium misericordiae, velle proximus dicitur; manifestum est, praecepto quo iubemur diligere proximum, etiam sanctos Angelos contineri, a quibus multa nobis misericordiae impenduntur officia.*

Respondeo dicendum, quod amicitia caritatis, sicut supra dictum est (quaest. xxiii. art. 1.) fundatur super communicatione beatitudinis aeternae, in cuius participatione communicant cum Angelis homines: dicitur enim Matth. xxii. 30. *quod in resurrectione erunt homines sicut Angeli in celo.* Et ideo manifestum est quod amicitia caritatis etiam ad Angelos se extendit.

Ad primum ergo dicendum, quod proximus non solum dicitur communicatione speciei, sed etiam communicatione beneficiorum pertinentium ad vitam aeternam: super qua communicatione amicitia caritatis fundatur.

K

Ad

Ad secundum dicendum, quod brutalia animalia conveniunt nobiscum in genere propinquo ratione naturae sensitivae secundum quam non sumus participes aeternae beatitudinis, sed secundum mentem rationalem, in qua communicamus cum Angelis.

Ad tertium dicendum, quod Angeli non convivunt nobis exteriori conversatione, quae nobis est secundum sensitivam naturam; convivimus tamen Angelis secundum mentem, imperfecte quidem in hac vita, perfecte autem in patria, sicut & supra dictum est (quaest. xxiii. art. 1. ad 1.)

## ARTICULUS XI. 146

*Utrum debeamus daemones ex caritate diligere.*

III. dist. xxviii. qu. 1. art. 5. & dist. xx xi. quæst. 11. art. 3. quæst. 2. & Rom. xxi. lect. 2. fin.

**A**D undecimum sic proceditur. Videtur quod daemones ex caritate debeamus diligere. Angeli enim sunt nobis proximi, inquantum communicamus cum eis in rationali mente. Sed etiam daemones sic nobiscum communicant, quia data naturalia in eis manent integra, scilicet esse, vivere, & intelligere, ut dicit Dionysius in iv. cap. de div. Nom. (part. iv. lect. 19.) Ergo debemus daemones ex caritate diligere.

2. Præterea. Daemones differunt a beatis Angelis differentia peccati, sicut & peccatores homines a iustis. Sed iusti homines ex caritate diligunt peccatores. Ergo etiam ex caritate debent diligere daemones.

3. Præterea. Illi a quibus beneficia nobis impenduntur, debent a nobis ex caritate diligere, tamquam proximi, sicut patet ex auctoritate Augustini supra indulta (art. præc. in arg. Sed cont.) Sed daemones nobis in multis sunt utiles, dum nos tentando nobis coronas faciunt, sicut Augustinus dicit XI. de civit. Dei (cap. xvii.) Ergo daemones sunt ex caritate diligendi.

Sed contra est quod dicitur Isa. xxviii. 19. *Delebitur sedus vestrum cum morte, & pactum vestrum cum inferno non stabit.* Sed perfectio pacis, & iocunditas est per caritatem. Ergo ad daemones, qui sunt inferni incolæ, & mortis procuratores, caritatem habere non debemus.

Respondeo dicendum, quod, sicut su-

pra dictum est (art. 6. hu. quæst.) in peccatoribus ex caritate debemus diligere naturam, peccatum autem odire. In nomine autem daemonis significatur natura peccato deformata: & ideo daemones ex caritate non sunt diligendi.

Et si non fiat vis in nomine, & quaestio referatur ad illos spiritus qui daemones dicuntur, utrum sint ex caritate diligendi, respondendum est secundum præmissa (art. 2. & 3. hu. quæst.) quod aliquid ex caritate diligitur dupliciter. Uno modo sicut ad quem amicitia habetur; & sic ad illos spiritus caritatis amicitiam habere non possumus: pertinet enim ad rationem amicitiae ut amicis nostris bonum velimus; illud autem bonum vitae aeternae quod respicit caritas, spiritibus illis a Deo aeternaliter damnatis ex caritate velle non possumus: hoc enim repugnaret caritati Dei, per quam eius iustitiam approbamus.

Alio modo diligitur aliquid sicut quod volumus permanere ut bonum alterius: per quem modum ex caritate diligimus irrationalia creaturas, inquantum volumus eas permanere ad gloriam Dei, & utilitatem hominum; ut supra dictum est (art. 3. hu. quæst.) & per hunc modum naturam daemonum etiam ex caritate diligere possumus, inquantum scilicet volumus illos spiritus in suis naturalibus conservari ad gloriam Dei.

Ad primum ergo dicendum, quod mens Angelorum non habet impossibilitatem ad aeternam beatitudinem habendam, sicut habet mens daemonum: & ideo amicitia caritatis, quae fundatur super communicatione vitae aeternae magis quam super communicatione naturae, habetur ad Angelos, non autem ad daemones.

Ad secundum dicendum, quod homines peccatores in hac vita habent possibilitatem perveniendi ad beatitudinem aeternam; quod non habent illi qui sunt in inferno damnati, de quibus quantum ad hoc est eadem ratio sicut & de daemonibus.

Ad tertium dicendum, quod utilitas quae nobis ex daemonibus provenit, non est ex eorum intentione, sed ex ordinatione divinae providentiae: & ideo ex hoc non inducimur ad habendum amicitiam eorum, sed ad hoc quod finis Deo amici, qui eorum perversam intentionem convertit in nostram utilitatem.

## ARTICULUS XII. 147

*Utrum convenienter enumerentur quatuor ex caritate diligenda, scilicet Deus, proximus, corpus nostrum, & nosipsum.*

III. dist. xxviii. qu. i. art. 7. & virt. quæst. 11. art. 7.

**A**D duodecesimum sic proceditur. Videtur quod inconvenienter enumerentur quatuor ex caritate diligenda, scilicet Deus, proximus, corpus nostrum, & nosipsum. Ut enim Augustinus dicit super Ioan. ( tract. lxxxiii. ad fi. ) *qui non diligit Deum, nec seipsum diligit*. In Dei ergo dilectione includitur dilectio sui ipsius. Non ergo est alia dilectio sui ipsius, & alia dilectio Dei.

2. Præterea. Pars non debet dividi contra totum. Sed corpus nostrum est quedam pars nostri. Non ergo debet dividi, quasi aliud diligibile, corpus nostrum a nobisipsum.

3. Præterea. Sicut nos habemus corpus, ita etiam proximus. Sicut ergo dilectio qua quis diligit proximum, distinguitur a dilectione qua quis diligit seipsum; ita dilectio, qua quis diligit corpus proximi, debet distinguere a dilectione qua quis diligit corpus suum. Non ergo convenienter distinguuntur quatuor ex caritate diligenda.

Sed contra est quod Augustinus dicit in I. de doctr. christi. ( cap. xxiii. in princ. ) *Quatuor sunt diligenda: unum quod supra nos est, scilicet Deus; alterum quod, nos sumus; tertium quod iuxta nos est, scilicet proximus; quartum quod infra nos est, scilicet proprium corpus.*

Respondetur dicendum, quod, sicut dictum est ( quæst. xxiii. art. 1. & 5. ) amicitia caritatis super communicatione beatitudinis fundatur. In qua quidem communicatione unum est quod consideratur ut principium influens beatitudinem, scilicet Deus; aliud est beatitudinem directe participans, scilicet homo, & Angelus; tertium autem est id ad quod per quandam redundanciam beatitudo derivatur, scilicet corpus humanum.

Id quidem quod est beatitudinem influens, est ea ratione diligibile, quia est beatitudinis causa; id autem quod est beatitudinem participans, potest esse duplici ratione diligibile, vel quia est unum nobiscum, vel quia est nobis consociatum in beatitudinis participatione; &

secundum hoc sumuntur duo ex caritate diligibilia, prout scilicet homo diligit & seipsum, & proximum.

Ad primum ergo dicendum, quod diversa habitudo diligentis ad diversa diligibilia facit diversam rationem diligibilitatis. Et secundum hoc, quia est alia habitudo hominis diligentis ad Deum, & ad seipsum, propter hoc ponuntur duo diligibilia, cum dilectio unius sit causa dilectionis alterius: unde, ea remota, alia removetur.

Ad secundum dicendum, quod subiectum caritatis est mens rationalis, quæ potest esse beatitudinis capax; ad quam corpus directe non attingit, sed solum per quandam redundanciam; & ideo homo secundum rationalem mentem, quæ est principalis in homine, alio modo se diligit secundum caritatem, & alio modo corpus proprium.

Ad tertium dicendum, quod homo diligit proximum & secundum animam, & secundum corpus; ratione cuiusdam consociationis in beatitudine. Et ideo ex parte proximi est una tantum ratio dilectionis: unde corpus proximi non ponitur speciale diligibile.

## QUAESTIO XXVI.

*De ordine caritatis,*

*in tredecim articulis divisa.*

**D**Einde considerandum est de ordine caritatis: & circa hoc quaeruntur tredecim.

Primo, utrum sit aliquis ordo in caritate.

Secundo, utrum homo debeat Deum diligere plus quam proximum.

Tertio, utrum plus quam seipsum.

Quarto, utrum se plus quam proximum.

Quinto, utrum homo debeat plus diligere proximum quam corpus proprium.

Sexto, utrum unum proximum plus quam alterum.

Septimo, utrum plus proximum meliorem, vel sibi magis coniunctum.

Ottavo, utrum plus coniunctum sibi secundum carnis affinitatem, vel secundum alias necessitudines.

Nono, utrum ex caritate plus debeat diligere filium quam patrem.

Decimo, utrum plus debeat diligere matrem quam patrem.

Undecimo, utrum plus uxorem quam patrem vel matrem.

K 2

Duo-

Duodecimo, utrum magis beneficentem quam beneficiatum.

Decimotertio, utrum ordo caritatis maneat in patria.

## ARTICULUS I. 148

*Utrum in caritate sit ordo.*

III. dist. xxix. qu. 1. art. 1. & vir.  
quæst. 11. art. 9.

**A**D primum sic proceditur. Videtur quod in caritate non sit aliquis ordo. Caritas enim est quedam virtus. Sed in aliis virtutibus non assignatur aliquis ordo. Ergo neque in caritate aliquis ordo assignari debet.

2. Præterea. Sicut fidei obiectum est prima veritas, ita caritatis obiectum est summa bonitas. Sed in fide non ponitur aliquis ordo, sed omnia æqualiter creduntur. Ergo nec in caritate debet poni aliquis ordo.

3. Præterea. Caritas in voluntate est. Ordinare autem non est voluntatis, sed rationis. Ergo ordo non debet attribui caritati.

Sed contra est quod dicitur Cant. 11. 4. *Introduxit me rex in cellam vinariam; ordinavit in me caritatem.*

Respondendo dicendum, quod, sicut Philosophus dicit in V. Metaph. (tex. 16.) *primo & posterius* dicitur secundum relationem ad aliquod principium. Ordo autem includit in se aliquem modum prioris, & posterioris. Unde oportet quod ubicumque est aliquod principium, sit etiam aliquis ordo. Dictum autem est supra (quæst. præc. art. 12. & quæst. xxiii. art. 1.) quod dilectio caritatis tendit in Deum sicut in principium beatitudinis, in cuius communicatione amicitia caritatis fundatur.

Et ideo oportet quod in his quæ ex caritate diliguntur, attendatur aliquis ordo secundum relationem ad primum principium huius dilectionis, quod est Deus.

Ad primum ergo dicendum, quod caritas tendit in ultimum finem sub ratione finis ultimi; quod non convenit alicui alii virtuti, ut supra dictum est (quæst. xxiii. art. 7.) Finis autem habet rationem principii in appetibilibus, & in agendis, ut ex supra dictis patet (quæst. xxiii. art. 7. ad 2. & 1. 2. quæst. 1. art. 1. ad 1.) Et ideo caritas maxime importat comparisonem ad primum principium: & ideo in ea maxime confide-

ratur ordo secundum relationem ad primum principium.

Ad secundum dicendum, quod fides pertinet ad vim cognoscitivam; cuius operatio est, secundum quod res cognitæ sunt in cognoscendo. Caritas autem est in vi affectiva; cuius operatio consistit in hoc quod anima tendit in ipsas res. Ordo autem principalis invenitur in ipsis rebus, & ex eis derivatur ad cognitionem nostram: & ideo ordo magis appropriatur caritati quam fidei.

Licet etiam in fide sit aliquis ordo, secundum quod est principaliter de Deo, secundario autem de aliis quæ referuntur ad Deum.

Ad tertium dicendum, quod ordo pertinet ad rationem sicut ad ordinantem; sed ad vim appetitivam pertinet quod ad ordinatam: & hoc modo ordo in caritate ponitur.

## ARTICULUS II. 149

*Utrum Deus sit a se diligendus quam proximus.*

III. dist. ix. qu. 1. art. 3. cor. & ad 5. & virt. quæst. 11. art. 7. cor. & ad 7. & 8.

**A**D secundum sic proceditur. Videtur quod Deus non sit magis diligendus quam proximus. Dicitur enim I. Ioan. 14. 20. *Qui non diligit fratrem suum, quem videt, Deum, quem non videt, quomodo potest diligere?* Ex quo videtur quod illud sit magis diligibile quod est magis visibile: nam & visio est principium amoris, ut dicitur in IX. Ethic. (cap. ult.) Sed Deus est minus visibilis quam proximus. Ergo etiam est minus ex caritate diligibilis.

2. Præterea. Similitudo est causa dilectionis, secundum illud Eccli. xiii. 19. *Omne animal diligit simile sibi.* Sed maior est similitudo hominis ad proximum suum quam ad Deum. Ergo homo ex caritate magis diligit proximum quam Deum.

3. Præterea. Illud quod in proximo caritas diligit, Deus est, ut patet per Augustinum in I. de doctrina christi. (cap. xxii. & xxvii.) Sed Deus non est maior in seipso quam in proximo. Ergo non est magis diligendus in seipso quam in proximo. Ergo non debet magis diligi Deus quam proximus.

Sed contra. Illud magis est diligendum propter quod aliqua odio sunt habenda. Sed proximi sunt odio habenda pro-

propter Deum, si scilicet a Deo abducunt, secundum illud Lnci. xiv. 26. *Si quis venit ad me, & non odit patrem, & matrem, & uxorem, & filios, & fratres, & sorores, non potest meus esse discipulus*. Ergo Deus est magis ex caritate diligendus quam proximus.

Respondedo dicendum, quod unaquaque amicitia respicit principaliter id in quo principaliter invenitur illud bonum super cuius communicatione fundatur; sicut amicitia politica principaliter respicit principem civitatis, a quo totum bonum commune civitatis dependet: unde & ei maxime debetur fides, & obedientia a civibus. Amicitia autem caritatis fundatur super communicatione beatitudinis, quae consistit in Deo essentialiter sicut in primo principio a quo derivatur in omnes qui sunt beatitudinis capaces.

Et ideo principaliter, & maxime Deus est ex caritate diligendus: ipse enim diligitur sicut beatitudinis causa; proximus autem sicut beatitudinem ab eo simul nobiscum participans.

Ad primum ergo dicendum, quod dupliciter est aliquid causa dilectionis. Uno modo sicut id quod est ratio diligendi, & hoc modo bonum est causa diligendi, quia unumquodque diligitur, inquantum habet rationem boni. Alio modo quia est via quaedam ad acquirendum dilectionem; & hoc modo visio est causa dilectionis, non quidem ita quod ea ratione sit aliquid diligibile, quia est visibile, sed quia per visionem perducimur ad dilectionem. Ergo non oportet quod illud quod est magis visibile, sit magis diligibile; sed quod prius occurrat nobis ad diligendum. Et hoc modo argumentatur Apostolus. Proximus enim quia est nobis magis visibilis; primo occurrit nobis diligendus, ex his enim quae notis animas, *ajcit incognita amare*, ut Gregorius dicit in quadam hom. (xi. in Evang. in princ.) Unde si aliquis proximum non diligit, argui potest quod nec Deum diligit, non propter hoc quod proximus sit magis diligibilis, sed quia prius diligendus occurrit; Deis autem est magis diligibilis propter maiorem bonitatem.

Ad secundum dicendum, quod similiter quo habemus ad Deum, est prior, & causa similitudinis quam habemus ad proximum. Ex hoc enim quod participamus a Deo id quod ab ipso etiam proximus habet, similes proximo efficiamur.

*5. Tb. Oper. Tom. XXII.*

Et ideo ratione similitudinis magis debemus Deum quam proximum diligere.

Ad tertium dicendum, quod Deus secundum substantiam suam consideratur, in quocumque sit, aequalis est, quia non minuitur per hoc quod est in aliquo. Sed tamen non aequaliter habet proximus bonitatem Dei, sicut habet ipsam Deus; nam Deus habet ipsam essentialiter, proximus autem participative.

### ARTICULUS III. 150

*Utrum bono debeat ex caritate plus Deum diligere quam seipsum.*

*Inf. quest. xlv. art. 8. & III. dist. xxix. quest. 1. art. 3. & vir. quest. 11. art. 4. ad 2. & art. 9 ad 9. & quo. 1. art. 9. cor.*

**A**D tertium sic proceditur. Videtur quod homo non debeat ex caritate plus Deum diligere quam seipsum. Dicit enim Philosophus in IX. Ethic. (cap. viii. a princ.) quod *amicabilia quae sunt ad alterum, veniunt ex amicabilibus quae sunt ad seipsum*. Sed causa est, potior effectu. Ergo maior est amicitia hominis ad seipsum quam ad quemcumque alium. Ergo magis se debet diligere quam Deum.

2. Praeterea. Unumquodque diligitur, inquantum est proprium bonum. Sed id quod est ratio diligendi, magis diligitur, quam id quod propter hanc rationem diligitur; sicut principia, quae sunt ratio cognoscendi, magis cognoscuntur. Ergo homo diligit magis seipsum quam quodcumque aliud bonum dilectum. Non ergo magis diligit Deum quam seipsum.

3. Praeterea. Quantum aliquis diligit Deum, tantum diligit frui eo. Sed quantum aliquis diligit frui Deo, tantum diligit seipsum: quia hoc est summum bonum quod aliquis sibi velle potest. Ergo homo non plus debet ex caritate Deum diligere quam seipsum.

Sed contra est quod dicit Augustinus in I. de doctrina christi. (cap. xxii. cir. med.) *Si seipsum non propter se debet diligere, sed propter ipsum, ubi dilectionis tuae rectissimus finis est; non succenseat aliquis alius homo, si et ipsum propter Deum diligas*. Sed propter quod unumquodque & illud magis. Ergo magis debet homo diligere Deum quam seipsum.

Respondedo dicendum, quod a Deo duplex bonum accipere possumus, scilicet bonum naturae, & bonum gratiae. Su-

per communicatione autem bonorum naturalium nobis a Deo facta fundatur amor naturalis; quo non solum homo in suae integritate naturae super omnia diligit Deum, & plus quam seipsum, sed etiam quaelibet creatura suo modo, id est vel intellectuali, vel rationali, vel animali, vel saltem naturali amore; sicut lapides, & alia quae cognitione carent: quia unaquaeque pars naturaliter plus amaret commune bonum totius quam particulare bonum proprium: quod manifestatur ex opere: quaelibet enim pars habet inclinationem principalem ad actionem communem utilitati totius. Apparet etiam hoc in politicis virtutibus, secundum quas cives pro bono communi dispendia, & proprietatum rerum, & personarum interdum sustinent. Unde multo magis hoc verificatur in amicitia caritatis, quae fundatur super communicatione donorum gratiae.

Et ideo ex caritate magis debet homo diligere Deum, qui est bonum commune omnium, quam seipsum: quia beatitudo est in Deo sicut in communi, & fontali principio omnium qui beatitudinem participare possunt.

Ad primum ergo dicendum, quod Philosophus loquitur de amicalibus quae sunt ad alterum in quo bonum, quod est obiectum amicitiae, invenitur secundum aliquem particularem modum; non autem de amicalibus quae sunt ad alterum in quo bonum praedictum invenitur secundum rationem totius.

Ad secundum dicendum, quod bonum totius diligit quidem pars, secundum quod est sibi conveniens; non autem ita quod bonum totius ad se referat, sed potius ita quod seipsam refert in bonum totius.

Ad tertium dicendum, quod hoc quod aliquis velit frui Deo, pertinet ad amorem quo Deus amatur amore concupiscentiae. Magis autem amamus Deum amore amicitiae quam amore concupiscentiae: quia maius est in se bonum Dei, quam bonum quod participare possumus fruendo ipso. Et ideo simpliciter homo magis diligit Deum ex caritate quam seipsum.

## ARTICULUS IV. 151

*Utrum homo ex caritate magis debeat diligere seipsum quam proximum.*

III. dist. xxix. art. 5. & IV. dist. xxviii. quaest. 11. art. 4. quaest. 1. co. & quaest. viii. art. 8. co. fi.

**A**D quantum sic proceditur. Videtur quod homo ex caritate non magis debeat diligere seipsum quam proximum. Principale enim obiectum caritatis est Deus, ut supra dictum est (art. 2. hu. quaest. & quaest. xxv. art. 1 & 12.) Sed quandoque homo habet proximum magis Deo coniunctum quam sit ipse. Ergo magis debet aliquis talem diligere quam seipsum.

2. Praeterea. Detrimentum illius quem magis diligimus, magis vitamus. Sed homo ex caritate sustinet detrimentum pro proximo, secundum illud Proverb. xii. 26. *Qui negligit damnum propter amicum, iustus est.* Ergo homo debet ex caritate magis alium diligere quam seipsum.

3. Praeterea. I. ad Cor. xii. 5. dicitur, quod *caritas non querit quae sua sunt.* Sed illud maxime amamus cuius bonum maxime querimus. Ergo per caritatem aliquis non amat seipsum magis quam proximum.

Sed contra est quod dicitur Levit. xix. & Matth. xxii. 39. *Dilige proximum tuum sicut teipsum.* Ex quo videtur quod dilectio hominis ad seipsum est sicut exemplar dilectionis quae habetur ad alterum. Sed exemplar potius est quam exemplatum. Ergo homo ex caritate magis debet diligere seipsum quam proximum.

Respondendo dicendum, quod in homine duo sunt, scilicet natura spiritalis, & natura corporalis. Per hoc autem homo dicitur diligere seipsum quod diligit se secundum naturam spirituales, ut supra dictum est (quaest. xxv. art. 7.) Et secundum hoc debet homo magis se diligere post Deum quam quemcumque alium.

Et hoc patet ex ipsa ratione diligendi. Nam, sicut supra dictum est (quaest. xxv. art. 1. & 12.) Deus diligitur ut principium boni, super quo fundatur dilectio caritatis; homo autem seipsum diligit ex caritate secundum rationem, quae est particeps praedicti boni; proximus autem diligitur secundum rationem societatis in isto bono. Confociatio autem est



est ratio dilectionis secundum quamdam unionem in ordine ad Deum. Unde sicut unitas potior est quam unio, ita quod homo ipse participet bonum divinum, est potior ratio diligendi quam quod alius associetur sibi in hac participatione. Et ideo homo ex caritate debet magis seipsum diligere quam proximum: & huius signum est quod homo non debet subire aliquid malum peccati, quod contrariatur participationi beatitudinis, ut proximum liberet a peccato.

Ad primum ergo dicendum, quod dilectio caritatis non solum habet quantitatem ex parte obiecti, quod est Deus, sed ex parte diligentis: qui est ipse homo caritatem habens; sicut & quantitas cuiuslibet actionis dependet quodammodo ex ipso subiecto. Et ideo licet proximus melior sit Deo propinquior; quia tamen non est ita propinquus caritatem habenti, sicut ipse sibi, non sequitur quod magis debeat aliquis proximum quam seipsum diligere.

Ad secundum dicendum, quod detrimenta corporalia debet homo sustinere propter amicum; & in hoc ipso seipsum magis diligit secundum spiritualem mentem: quia hoc pertinet ad perfectionem virtutis, quae est bonum mentis. Sed in spiritualibus non debet homo pati detrimentum peccando, ut proximum liberet a peccato, sicut dictum est (in cor. ar.)

Ad tertium dicendum, quod, sicut Augustinus dicit in Regula (scilicet epist. cix. nunc cccxi. a med.) cum dicitur, *Caritas non quaerit quae sua sunt, sic intelligitur quod communia propriis anteponis*. Semper autem commune bonum est magis amabile unicuique quam proprium; sicut etiam ipsi parti est magis amabile bonum totius quam bonum parziale sui ipsius, ut dictum est (art. praec.)

## ARTICULUS V. 151

*Utrum homo magis debeat diligere proximum quam corpus proprium.*

1. 2. qu. est. lxxiii. art. 5. corp. & op. xviii. cap. xvi.

**A**D quintum sic proceditur. Videtur quod homo non magis debeat diligere proximum quam corpus proprium. In proximo enim intelligitur corpus nostri proximi. Si ergo debet homo diligere proximum plus quam corpus proprium, sequitur quod plus debeat diligere corpus proximi quam corpus proprium.

2. Praeterea. Homo plus debet diligere animam propriam quam animam proximi, ut dictum est (art. praec.) Sed corpus proprium propinquius est animae nostrae quam proximus. Ergo plus debemus diligere corpus proprium quam proximum.

3. Praeterea. Unusquisque exponit id quod minus amat, pro eo quod magis amat. Sed non omnis homo tenetur exponere corpus proprium pro salute proximi; sed hoc est perfectum, secundum illud Ioan. xv. 13. *Maiorem caritatem nemo habet quam ut animam suam ponas quis pro amicis suis*. Ergo homo non tenetur ex caritate plus diligere proximum quam corpus proprium.

Sed contra est quod Augustinus dicit de doctrina christi. (Lib. I. cap. xxvii.) *quod plus debemus diligere proximum quam corpus proprium*.

Respondeo dicendum, quod illud magis est ex caritate diligendum quod habet plenior rationem diligibilis ex caritate, ut dictum est (art. 2. huius qu. est. & qu. est. xxv. art. 12.) Confociatio autem in plena participatione beatitudinis, quae est ratio diligendi proximum, est maior ratio diligendi quam participatio beatitudinis per redundantiam, quae est ratio diligendi proprium corpus. Et ideo proximum quantum ad salutem animae magis debemus diligere quam proprium corpus.

Ad primum ergo dicendum, quod secundum Philotophum in IX. Ethicor. (cap. viii. cir. med.) *unumquodque videtur esse id quod est praecipuum in ipso*. Unde cum dicitur proximus magis esse diligendus quam corpus proprium, intelligitur hoc quantum ad animam, quae est potior pars eius.

Ad secundum dicendum, quod corpus nostrum est propinquius animae nostrae quam proximus, quantum ad constitutionem propriae naturae; sed quantum ad participationem beatitudinis, maior est confociatio animae proximi ad animam nostram quam etiam corporis proprii.

Ad tertium dicendum, quod cuiuslibet homini imminet cura proprii corporis; non autem imminet cuiuslibet homini cura de salute proximi, nisi forte in casu necessitatis: & ideo non est de necessitate caritatis quod homo proprium corpus exponat pro salute proximi, nisi in casu quo tenetur eius saluti providere; sed quod aliquis sponte ad hoc se offerat, pertinet ad perfectionem caritatis.

## ARTICULUS VI. 153

*Utrum unus proximus sit magis diligendus quam alius.*

III. dist. xxix. art. 6. & vir. quest. 11. ar. 9.

**A**D sextum sic proceditur. Videtur quod unus proximus non sit magis diligendus quam alius. Dicit enim Augustinus in I. de doctr. christi. (cap. xxviii. in princ.) *Omnes homines æque diligendi sunt. Sed cum omnibus prodesse non possis, his potissimum consulendum est qui pro locorum, & temporum, vel quarumlibet rerum opportunitatibus, constrictius tibi quasi quadam sorte iunguntur.* Ergo proximorum unus non est magis diligendus quam alius.

2. Præterea. Ubi una & eadem est ratio diligendi diversos, non debet esse inæqualis dilectio. Sed una est ratio diligendi omnes proximos, scilicet Deus, ut patet per Augustinum in I. de doctr. christi. (cap. xxvii. in fi.) Ergo omnes proximos æqualiter diligere debemus.

3. Præterea. Amare est velle bonum alicui, ut patet per Philosophum in II. Rethor. (cap. iv. in princ.) Sed omnibus proximis æquale bonum volumus, scilicet vitam æternam. Ergo omnes proximos æqualiter debemus diligere.

Sed contra est quod tanto unusquisque magis debet diligi, quanto gravius peccat qui contra eius dilectionem operatur. Sed gravius peccat qui agit contra dilectionem aliquorum proximorum, quam qui agit contra dilectionem aliquorum aliorum: unde Levit. xx. 9. præcipitur, *quod qui maledixerit patri, aut matri, morte moriatur*; quod non præcipitur de his qui alios homines maledicunt. Ergo quodam proximorum debemus magis diligere quam alios.

Respondeo dicendum, quod duplex opinio circa hoc fuit. Quidam enim dixerunt, quod omnes proximi sunt æqualiter ex caritate diligendi: quantum ad affectum, sed non quantum ad exteriorum effectum; ponentes ordinem dilectionis esse intelligendum secundum exteriora beneficia, quæ magis debemus impendere proximis quam alienis; non autem secundum interiorum affectum, quem æqualiter debemus impendere omnibus etiam inimicis.

Sed hoc irrationabiliter dicitur. Non enim minus est inordinatus affectus cari-

tatis, qui est inclinatio gratiæ, quam appetitus naturalis, qui est inclinatio naturæ: utraque enim inclinatio ex divina sapientia procedit. Videmus autem in naturalibus quod inclinatio naturalis proportionatur actui, vel motui qui convenit naturæ uniuscuiusque; sicut terra habet maiorem inclinationem gravitatis quam aqua, quia competit ei effic sub aqua. Oportet ergo quod etiam inclinatio gratiæ, quæ est affectus caritatis, proportionetur his quæ sunt exterioris agenda; ita scilicet ut ad eos intensiorem caritatis affectum habeamus quibus convenit nos magis beneficos esse.

Et ideo dicendum est, quod etiam secundum affectum oportet magis unum proximorum quam alium diligere. Et ratio est, quia cum principium dilectionis sit Deus, & ipse diligens; necesse est quod secundum propinquitatem maiorem ad alterum istorum principiorum maior sit dilectionis affectus. Sicut enim supra dictum est (art. i. huius quest.) in omnibus in quibus invenitur aliquod principium, ordo attenditur secundum comparisonem ad illud principium.

Ad primum ergo dicendum, quod dilectio potest esse inæqualis dupliciter. Uno modo ex parte eius boni quod amico operamus; & quantum ad hoc omnes homines æque diligimus ex caritate, quia omnibus operamus bonum idem in genere, scilicet beatitudinem æternam. Alio modo dicitur maior dilectio propter intensiorem actum dilectionis; & sic non oportet omnes æque diligere.

Vel aliter dicendum, quod dilectio inæqualiter potest ad aliquos haberi dupliciter. Uno modo ex eo quod quidam diliguntur, (a) & alii non diliguntur; & hanc etiam inæqualitatem oportet servare in beneficentia, quia non possumus omnibus prodesse; sed in benevolentia dilectionis talis inæqualitas haberi non debet. Alia vero est inæqualitas dilectionis ex hoc quod quidam plus aliis diliguntur. Augustinus ergo non intendit hanc excludere inæqualitatem, sed primam, ut patet ex his quæ de beneficentia dicit.

Ad secundum dicendum, quod non omnes proximi æqualiter se habent ad Deum; sed quidam sunt ei propinquiiores per maiorem bonitatem, qui sunt magis diligendi ex caritate quam alii qui sunt ei minus propinqui.

Ad tertium dicendum, quod ratio il-

la procedit de quantitate dilectionis ex parte boni quod amicis optamus.

ARTICULUS VII. 154

*Utrum magis debeamus diligere meliores quam nobis coniunctiores.*

**A**D septimum sic proceditur. Videtur quod magis debeamus diligere meliores quam nobis coniunctiores. Illud enim videtur esse magis diligendum quod nulla ratione debet odio haberi, quam illud quod aliqua ratione est odiendum; sicut & albus est quod est nigro impermixtus. Sed personae nobis coniunctae sunt secundum aliquam rationem odiendam, secundum illud Luc. xiv. 26. *Si quis venit ad me, & non odit patrem &c.* Homines autem boni nulla ratione sunt odiendi. Ergo videtur quod meliores sunt magis amandi quam coniunctiores.

2. Præterea. Per caritatem homo maxime Deo assimilatur. Sed Deus diligit magis meliorem. Ergo & homo per caritatem magis debet meliorem diligere quam sibi coniunctiorem.

3. Præterea. Secundum unamquamque amicitiam illud est magis amandum quod magis pertinet ad id supra quod amicitia fundatur: amicitia enim naturali magis diligimus eos qui sunt nobis magis secundum naturam coniuncti, puta parentes, vel filios. Sed amicitia caritatis fundatur super communicatione beatitudinis, ad quam magis pertinent meliores quam nobis coniunctiores. Ergo ex caritate magis debemus diligere meliores quam nobis coniunctiores.

Sed contra est quod dicitur I. ad Tim. v. 8. *Si quis suorum, & maxime domesticorum, curam non habet, fidem negavit, & est infideli deterior.* Sed interior caritatis affectio debet respondere exteriori effectui. Ergo caritas magis debet haberi ad propinquiores quam ad meliores.

Respondendo dicendum, quod omnis actus oportet quod proportionetur & obiecto, & agenti. Sed ex obiecto habet speciem, ex virtute autem agentis habet (a) modum suae intentionis; sicut motus habet speciem ex termino ad quem est, sed intentionem velocitatis habet ex dispositione mobilis, & virtute moventis. Sic ergo dilectio speciem habet ex

obiecto, sed intentionem habet ex parte ipsius diligentis.

Obiectum autem caritativae dilectionis Deus est; homo autem diligens est. Diversitas ergo dilectionis quæ est secundum caritatem, quantum ad speciem, est attendenda in proximis diligendis secundum comparisonem ad Deum, ut scilicet ei qui est Deo propinquior, maius bonum ex caritate velimus: quia licet bonum quod omnibus vult caritas, scilicet beatitudo æterna; sit unum secundum se, habet tamen diversos gradus secundum diversas beatitudinis participationes: & hoc ad caritatem pertinet ut velit iusticiam Dei servari, secundum quam meliores perfectius beatitudinem participant. Ex hoc pertinet ad speciem dilectionis: sunt enim diversæ dilectionis species secundum diversa bona quæ optamus his quos diligimus.

Sed intentio dilectionis est attendenda per comparisonem ad ipsum hominem qui diligit: & secundum hoc illos qui sunt sibi propinquiores & intensiori affectu diligit homo ad illud bonum ad quod (b) eos diligit, quam meliores ad maius bonum.

Est etiam ibi alia differentia attendenda. Nam aliqui proximi sunt propinqui nobis secundum naturalem originem, a qua discedere non possunt, quia secundum eam sunt id quod sunt. Sed bonitas virtutis, secundum quam aliqui appropinquant Deo, potest accedere, & recedere, augeri, & minui, ut ex supra dictis patet (quæst. xxiv. art. 4. 10. & 11.) & ideo possumus ex caritate velle quod iste qui est mihi coniunctus, sit melior alio, & sic ad maiorem beatitudinis gradum pervenire possit.

Est autem & alius modus quo plus diligimus ex caritate magis nobis coniunctos, quia pluribus modis eos diligimus. Ad eos enim qui non sunt nobis coniuncti, non habemus nisi amicitiam caritatis; ad eos vero qui sunt nobis coniuncti, habemus aliquas alias amicitias secundum modum coniunctionis eorum ad nos. Cum autem bonum super quod fundatur qualibet alia amicitia, honesta, ordinetur sicut ad finem ad bonum super quod fundatur caritas, consequens est ut caritas imperet actui cuiuslibet alterius amicitiae; sicut ars quæ est circa finem, imperat arti quæ est circa ea quæ sunt ad finem. Et sic hoc ipsum quod

(a) Ita cum codd. *Tu vas. Alcan. aliisque elisi possin. Al. motum.* (b) Ita codd. *Alcan. & Tarrac. optime. Al. omnes.*

quod est diligere aliquem, quia consanguineus, vel coniunctus est, vel quia concivis, vel propter quodcumque huiusmodi aliud licitum ordinabile in finem caritatis, potest a caritate imponi: & ita ex caritate tam eliciente, quam imperante pluribus modis diligimus magis nobis coniunctos.

Ad primum ergo dicendum, quod in propinquis nostris non praecipitur odire quod propinqui nostri sunt, sed hoc solum quod impediunt nos a Deo: & in hoc non sunt propinqui, sed inimici, secundum illud Michae VII. 6. *Inimici hominis domestici eius.*

Ad secundum dicendum, quod caritas facit hominem conformari Deo secundum proportionem, ut scilicet ita se habeat homo ad id quod suum est, sicut Deus ad id quod suum est. Quædam enim possumus ex caritate venire, quia sunt nobis convenientia; quæ tamen Deus non vult, quia non convenit ei ut ea velit; sicut supra habitum est (1. 2. quæst. XIX. art. 10.) cum de bonitate voluntatis ageretur.

Ad tertium dicendum, quod caritas non solum elicit actum dilectionis secundum rationem obiecti, sed etiam secundum rationem diligentis, ut dictum est (in corp. art.) Ex quo contingit quod magis coniunctus magis amatur.

## ARTICULUS VIII. 155

*Utrum sit magis diligendus ille qui nobis est magis coniunctus secundum carnalem originem.*

*Inf. quæst. XXXIX. art. 9. & III. dist. XXVIII. qu. 1. art. 6. & Vir. quæst. 11. art. 9. ad 13. & 14.*

**A**D octavum sic proceditur. Videtur quod non sit magis diligendus ille qui est magis nobis coniunctus secundum carnalem originem. Dicitur enim Proverb. XVIII. 24. *Vir amabilis ad societatem magis erit amicus quam frater.* Et Valerius Maximus dicit (Lib. IV. cap. VII. in princ.) quod *amicitie vinculum prævalidum est, neque ulla ex parte sanguinis viribus inferior.* Hoc etiam certius, & exploratius, quod illud nascendi fors sortitum opus dedit; hoc uinculumque solido iudicio incoacta voluntas contrahit. Ergo illi qui sunt coniuncti sanguine, non sunt magis diligendi quam alii.

(a) *Al. & nutrimento.*

2. Præterea. Ambrosius in I. de Officiis (cap. VII. a med.) *Non minus vos diligite, quos in Evangelio genui, quam si in coniugio suscepissim: non enim vehementior est natura ad diligendum quam gratia. Plus certe diligere debemus quos perpetuo nobiscum putamus futuros, quam quos tantum in hoc seculo.* Non ergo consanguinei sunt magis diligendi his qui sunt aliter nobis coniuncti.

3. Præterea. Probatio dilectionis est exhibitio operis, ut Gregorius dicit in homil. (XXX. in Evang. cir. princ.) Sed quibusdam magis debemus impendere dilectionis opera quam etiam consanguineis; sicut magis est obediendum in exercitu duci quam patri. Ergo illi qui sunt sanguine coniuncti, non sunt maxime diligendi.

Sed contra est quod specialiter in præceptis Decalogi mandatur de honoratione parentum, ut pater Exod. XX. Ergo illi qui sunt nobis coniuncti secundum carnem originem, sunt a nobis specialius diligendi.

Respondendo dicendum, quod, sicut dictum est (art. præc.) illi qui sunt nobis magis coniuncti, sunt ex caritate magis diligendi. cum quia intensius diliguntur, tum etiam quia pluribus rationibus diliguntur. Intensio autem dilectionis est ex coniunctione dilecti ad diligentem. Et ideo diversorum dilectio est mensuranda secundum diversam rationem coniunctionis, ut scilicet uniusquisque diligatur magis in eo quod pertinet ad illam coniunctionem secundum quam diligitur. Et ulterius comparanda est dilectio dilectioni secundum comparationem coniunctionis ad coniunctionem.

Sic ergo dicendum est, quod amicitia consanguineorum fundatur in coniunctione naturalis originis, amicitia autem concivium in communione civili, & amicitia commilitantium in communicatione bellica. Et ideo in his quæ pertinent ad naturam, plus debemus diligere consanguineos; in his autem quæ pertinent ad civilem conversationem, plus debemus diligere concives, & in bellicis plus commilitones. Unde & Philolophus dicit in IX. Ethicorum. (cap. 11. a med.) quod *singulis propria, & congruentia sunt attribuenda.* Sic autem & *facere videntur: ad nuptias enim vocant cognatos: videbitur utique (a) & nutrimenta parentibus oportere maxime sufficere, & honorem.* Et simile est etiam in aliis.

Si

Si autem comparemus etiam coniunctionem ad coniunctionem, constat quod coniunctio naturalis originis est prior, & immobilior, quia est secundum id quod pertinet ad substantiam; aliae autem coniunctiones sunt supervenientes, & removeri possunt. Et ideo amicitia consanguineorum est stabilior; sed aliae amicitiae possunt esse potiores secundum illud quod est proprium unicuique amicitiae.

Ad primum ergo dicendum, quod quia amicitia sociorum propria electione contrahitur in his quae sub nostra electione cadunt, puta in agendis, praeponderat haec dilectio dilectioni consanguineorum, ut scilicet magis cum illis consentiamus in agendis. Amicitia tamen consanguineorum est stabilior, utpote naturalior existens; & praevalet in his quae ad naturam spectant: unde magis eis tenemur in provisione necessariorum.

Ad secundum dicendum, quod Ambrosius loquitur de dilectione quantum ad beneficia quae pertinent ad communicationem gratiae, scilicet de instructione morum. In hoc enim magis debet homo subvenire filiis spiritualibus, quos spiritualiter genuit, quam filiis corporalibus, quibus tenetur magis providere in corporalibus subsidiis.

Ad tertium dicendum, quod ex hoc quod duci exercitus magis obeditur in bello quam patri, non probatur quod simpliciter pater minus diligatur, sed quod minus diligatur secundum quid, id est secundum dilectionem bellicae communicationis.

## ARTICULUS IX. 156

*Utrum homo ex caritate magis debeat diligere filium quam patrem.*

III. diff. XXIX. art. 7. & vir. quæst. 11. art. 9. ad 18. & Eph. v. lect. 10.

**A**D nonum sic proceditur. Videtur quod homo ex caritate magis debeat diligere filium quam patrem. Illum enim magis debemus diligere cui magis debemus benefacere. Sed magis debemus benefacere filiis quam parentibus: dicit enim Apostolus II. ad Cor. xii. 14. *Non debent filii thesaurizare parentibus, sed parentes filiis.* Ergo magis sunt diligendi filii quam parentes.

2. Præterea. Gratia perficit naturam. Sed naturaliter parentes plus diligunt filios quam ab eis diligantur, ut Philoso-

phus dicit in VIII. Ethic. (cap. xii. parum a princ.) Ergo magis debemus diligere filios quam parentes.

3. Præterea. Per caritatem affectus hominis Deo conformatur. Sed Deus magis diligit filios quam diligitur ab eis. Ergo etiam & nos magis debemus diligere filios quam parentes.

Sed contra est quod Ambrosius dicit: (habet. in Glossa ord. sup. illud Cant. 2. *Ordinavit in me caritatem*: & est Origen. hom. xii. in Cant.) *Primo Deus diligendus est, secundo parentes, inde filii, post domesticos.*

Respondeo dicendum, quod, sicut supra dictum est (art. 4. hu. quæst. ad 1. & art. 7.) gradus dilectionis ex duobus pensari potest. Uno modo ex parte obiecti: & secundum hoc id quod habet maiorem rationem boni, est magis diligendum, & quod est Deo similis: & sic pater est magis diligendus quam filius, quia scilicet patrem diligimus sub ratione principii, quod habet rationem eminentioris boni, & Deo similioris.

Alio modo computatur gradus dilectionis ex parte ipsius diligentis; & sic magis diligitur quod est coniunctius: & secundum hoc filius est magis diligendus quam pater, ut Philosophus dicit in VIII. Eth. (cap. xii. a princ.) *Primo quidem quia parentes diligunt filios ut aliquid sui existentes. Pater autem non est aliquid filii: & ideo dilectio secundum quam pater diligit filium, similior est dilectioni qua quis diligit seipsum.* Secundo quia parentes magis sciunt aliquos esse suos filios quam e converso.

Tertio quia filius est magis propinquus parenti, utpote pars existens, quam pater filio, ad quem habet habitudinem principii. Quarto quia parentes diutius amaverunt: nam statim pater incipit diligere filium; filius autem tempore procedente incipit diligere patrem. Dilectio autem quanto est diuturnior, tanto est fortior, secundum illud Eccli. ix. 14. *Non derelinquit amicum antiquum: novus enim non erit similis illi.*

Ad primum ergo dicendum, quod principio debetur subiectio, reverentia, & honor; effectui autem proportionaliter competit recipere influentiam principii, & provisionem ipsius: & propter hoc parentibus a filiis magis debetur honor, filiis autem magis debetur cura provisionis.

Ad secundum dicendum, quod pater naturaliter plus diligit filium secundum

rationem coniunctionis ad seipsum; sed secundum rationem eminentioris boni, filius naturaliter plus diligit patrem.

Ad tertium dicendum, quod, sicut Augustinus dicit in I. de doctr. christ. (cap. xxxii.) *Deus diligit nos ad utilitatem nostram, & suum honorem*. Et ideo quia pater comparatur ad nos in habitudine principii, sicut, & Deus, ad patrem proprie pertinet ut ei a filiis honor impendatur; ad filium autem ut eius utilitati a parentibus provideatur. Quamvis in articulo necessitatis filius obligatus sit ex beneficiis susceptis ut parentibus maxime provideat.

## ARTICULUS X. 157

*Utrum homo magis debeat diligere matrem quam patrem.*

II. dist. xxix. qu. i. art. 7. ad 4. & 5. & Ep. iv. lect. 7. fin.

**A**D decimum sic proceditur. Videtur quod homo magis debeat diligere matrem quam patrem. Ut enim Philosophus dicit in I. de generat. animalium (cap. xix. & Lib. II. cap. xv. a med.) *semina in generatione dat corpus*. Sed homo non habet animam a patre, sed per creationem a Deo, ut in I. dictum est (art. 2. quest. xc. & quest. cxviii.) Ergo homo plus habet a matre quam a patre. Plus ergo debet diligere matrem quam patrem.

2. Præterea. Magis amantem debet magis diligere. Sed mater plus diligit filium quam pater: dicit enim Philosophus in IX. Ethic. (cap. vii. in fi. & Lib. VIII. cap. xii.) *quod matres magis sunt amantes filiorum. Laboriosior enim est generatio matrum, & magis sciunt qui ipsarum sint filii, quam patres*. Ergo mater est magis diligenda quam pater.

3. Præterea. Ei debetur maior dilectionis affectus qui pro nobis plus laboravit; secundum illud Rom. ult. 6. *Salutate Mariam, quæ multum in vobis laboravit*. Sed mater plus laborat in generatione, & educatione; quam pater: unde dicitur Eccli. vii. 29. *Gemitum matris tuæ ne obliviscaris*. Ergo plus debet homo diligere matrem quam patrem.

Sed contra est quod dicit Hieronymus super Ezech. (sup. illud cap. xlv.)

*Sabbata mea sanctificabunt*) quod post Deum omnium patrem diligendus est pater: & postea addit de matre.

Respondeo dicendum, quod in istis comparationibus id quod dicitur, est intelligendum per se; ut videlicet intelligatur esse quantum de patre, in quantum est pater, an sit plus diligendus matre, in quantum est mater. Potest enim in omnibus huiusmodi tanta esse distantia virtutis, & malitiæ, ut amicitia solvatur, vel minuatur, ut Philosophus dicit in VIII. Ethic. (cap. vii.) Et ideo, ut Ambrosius dicit, (habet in Glossa ord. sup. illud, *Ordinavit in me caritatem*; & est Orig. hom. iiii. in Cant.) *Boni domestici sunt malis filiis præponendi*.

Sed per se loquendo, pater magis est amandus quam mater. Amantur enim pater, & mater ut principia quædam naturalis originis. Pater autem habet excellentiorem rationem principii quam mater; quia pater est principium per modum agentis, mater autem magis per modum patientis, & materiæ. Et ideo, per se loquendo, pater magis est diligendus.

Ad primum ergo dicendum, quod in generatione hominis mater ministrat materiam corporis informem; formatur autem per virtutem formativam, quæ est in femine patris. Et quamvis huiusmodi virtus non possit creare animam rationalem, disponit tamen materiam corporalem ad huiusmodi formæ susceptionem.

Ad secundum dicendum, quod hoc pertinet ad aliam rationem dilectionis. Alia enim est species amicitiae quæ diligimus amantem, & quæ diligimus generantem. Nunc autem loquimur de amicitia quæ debetur patri, & matri secundum generationis rationem.

(a) Ad tertium solutio patet.

## ARTICULUS XI. 158

*Utrum homo plus debeat diligere uxorem quam patrem, & matrem.*

III. dist. xxix. qu. i. art. 7. ad 3. & virt. quest. ii. art. 9. ad 18.

**A**D undecimum sic proceditur. Videtur quod homo plus debeat diligere uxorem quam patrem, & matrem. Nullus enim dimittit rem aliquam nisi pro

(a) Ita exemplo omnia, præter Potavian. In m. dist. solutio ad tertium. Edit. autem Patav. sic ex cæcitate Commentatorum habent. Ad tertium dicendum, quod maior excellentia principii in patre præponderat maiori labori matris in generatione: quoniam ratio boni magis attenditur in obiecto per se dilectionis, quam ratio difficilis, seu laboriosa.

pro re magis dilecta. Sed Gen. 11. 24. dicitur, quod *propter uxorem relinquit homo patrem, & matrem*. Ergo magis debet diligere uxorem quam patrem, & matrem.

2. Præterea. Apostolus dicit Eph. v. quod *vir debet diligere uxorem sicut seipsum*. Sed homo debet magis diligere seipsum quam parentes. Ergo etiam magis debet diligere uxorem quam parentes.

3. Præterea. Ubi sunt plures rationes dilectionis, ibi debet esse maior dilectio. Sed in amicitia quæ est ad uxorem, sunt plures rationes dilectionis: dicit enim Philosophus in VIII. Ethic. (cap. xii. ad fin.) quod in hac amicitia videtur esse utile, & delectabile, & propter virtutem, si viri uxor sint coniuges. Ergo maior debet esse dilectio ad uxorem quam ad parentes.

4. Sed contra est quod *vir debet diligere uxorem suam sicut carnem suam*, ut dicitur ad Ephes. v. Sed corpus suum minus homo debet diligere quam proximum, ut supra dictum est (art. 9. huius quæstionis). Inter proximos autem magis debemus parentes diligere. Ergo magis debemus diligere parentes quam uxorem.

Respondetur dicendum, quod, sicut dictum est (art. 9. huius quæstionis), gradus dilectionis attendi potest & secundum rationem boni, & secundum coniunctionem ad diligentem. Secundum ergo rationem boni, quod est obiectum dilectionis, magis sunt diligendi parentes quam uxor: quia diliguntur sub ratione principii, & eminentioris cuiusdam boni.

Secundum autem rationem coniunctionis magis diligenda est uxor: quia uxor coniungitur viro ut una caro existens, secundum illud Matth. xix. 6. *Itaque iam non sunt duo, sed una caro*.

Et ideo intensius diligitur uxor, sed maior reverentia est parentibus exhibenda.

Ad primum ergo dicendum, quod non quantum ad omnia deferitur pater, & mater propter uxorem: in quibusdam enim magis debet homo assistere parentibus quam uxori: sed quantum ad unionem carnalis copulæ, & cohabitationis, relictis omnibus parentibus, homo adheret uxori.

Ad secundum dicendum, quod in verbis Apostoli non est intelligendum quod homo debeat diligere uxorem suam æqualiter sibiipsum; sed quia dilectio quam aliquis habet ad seipsum, est ratio dilectionis quam quis habet ad uxorem sibi coniunctam.

Ad tertium dicendum, quod etiam in amicitia paterna inveniuntur multe rationes dilectionis; & quantum ad aliquid præponderant rationi dilectionis quæ habetur ad uxorem, secundum scilicet rationem boni; quamvis illæ præponderent secundum coniunctionis rationem.

Ad quantum dicendum, quod illud etiam non est sic intelligendum, quod ly *sicut* importet æqualitatem, sed rationem dilectionis. Diligit enim homo uxorem suam principaliter ratione carnalis coniunctionis.

## ARTICULUS XII. 159

*Utrum homo debeat magis diligere benefactorem quam beneficium.*

1. dist. xxix. art. 7. ad 2. & IX. Ethic. lect. 7.

**A**D duodecimum sic proceditur. Videtur quod homo magis debeat diligere benefactorem quam beneficium. Dicit enim Augustinus in Libro de catechizandis rudibus (cap. 14. cir. princ.) *Nulla maior est provocatio ad amandum quam prævenire amando: nimis enim durus est animus qui dilectionem est non vult impendere, noluit rependere*. Sed benefactores præveniunt nos in beneficio caritatis. Ergo benefactores maxime debemus diligere.

2. Præterea. Tanto aliquis est magis diligendus, quanto gravius homo peccat, si ab eius dilectione desitit, vel contra eum agat. Sed gravius peccat qui benefactorem non diligit, vel contra eum agit, quam si diligere desinat eum cui habet beneficium. Ergo magis sunt amandi benefactores quam hi quibus beneficium.

3. Præterea. Inter omnia diligenda maxime diligendus est Deus, & postea pater, ut Hieronymus dicit (sup. illud Ezech. xlv. *Sabbata mea sanctificabunt*). Sed isti sunt maxime benefactores. Ergo benefactor est maxime diligendus.

Sed contra est quod Philosophus dicit in IX. Ethic. (cap. vii. in princ.) quod *benefactores magis videntur amare beneficiatos quam e converso*.

Respondetur dicendum, quod, sicut supra dictum est (art. 9. & 11. huius quæstionis), aliquid diligitur magis dupliciter: uno modo quia habet rationem excellentioris boni; alio modo ratione maioris coniunctionis. Primo quidem modo benefactor est magis diligendus: quia cum sit princeps

capium boni in beneficiato, habet excellentioris boni rationem, sicut & de patre dictum est (art. 9. hu. quest.)

Secundo autem modo magis diligimus beneficiatos, ut Philoſophus probat in IX. Ethic. (cap. vii.) per quatuor rationes. Primo quidem quia beneficiatus est quasi quoddam opus benefactoris: unde consuevit dici de aliquo: *Iste est factura illius*. Naturale est autem cuilibet ut diligat opus suum; sicut videmus quod Poetae diligunt poemata sua: & hoc ideo quia unumquodque diligit suum esse, & suum vivere, quod maxime manifestatur in suo agere. Secundo quia unumquodque naturaliter diligit illud in quo inspicit suum bonum. Habet quidem & benefactor in beneficiato aliquod bonum, & e converso; sed benefactor inspicit in beneficiato suum bonum honestum, & beneficiatus in benefactore suum bonum utile. Bonum autem honestum delectabilius consideratur quam bonum utile: tum quia est diuturnius, utilitas enim cito transit, & delectatio memoriae non est sicut delectatio rei praesentis: tum etiam quia bona honesta magis cum delectatione recolimus quam utilitates quae nobis ab aliis proveniunt. Tertio quia ad amantem pertinet agere, vult enim, & operatur bonum amato; ad amicum autem pertinet bonum pati: & ideo excellentius est amare: & propter hoc ad benefactorem pertinet ut plus amet. Quarto quia difficilius est beneficia impendere quam recipere. Ea vero in quibus laboramus, plus diligimus; quae vero nobis de facili proveniunt, quodammodo contemnimus.

Ad primum ergo dicendum, quod in benefactore est ut beneficiatus provocetur ad ipsum amandum. Benefactor autem diligit beneficiatum non quasi provocat ab illo, sed ex seipso motus. Quod autem ex se est, potius est eo quod est per aliud.

Ad secundum dicendum, quod amor beneficiati ad benefactorem est magis debitus; & ideo contrarium habet rationem maioris peccati. Sed amor benefactoris ad beneficiatum est magis spontaneus; & ideo habet maiorem promptitudinem.

Ad tertium dicendum, quod Deus etiam plus nos diligit quam nos eum diligamus: & parentes plus diligunt filios quam ab eis diligantur.

Nec tamen oportet quod quoslibet beneficiatos plus diligamus quibuslibet be-

nefactoribus. Benefactores enim a quibus maxima beneficia recepinus, scilicet Deum, & parentes, praeterimus his quibus aliqua minora beneficia impendimus.

## ARTICULUS XIII. 160

*Utrum ordo caritatis remaneat in patria.*

III. dist. xxxi. quest. 11. art. 3. quest. 1. & 12. & vir. quest. 11. art. 9. ad 12.

**A**D tertiumdecimum sic proceditur. Videtur quod ordo caritatis non remaneat in patria. Dicit enim Augustinus in Lib. de vera religione (cap. xlviii. cir. princ.) *Perfecta caritas est ut plus potiora bona, & minus minora diligamus*. Sed in patria erit perfecta caritas. Ergo plus diligit aliquis meliorem quam vel seipsum, vel sibi coniunctum.

2. Praeterea. Illi magis amatur cui maius bonum volumus. Sed quilibet in patria existens vult maius bonum ei qui plus bonum habet; alioquin voluntas eius non per omnia divinae voluntati conformaretur: ibi autem plus bonum habet qui melior est. Ergo in patria quilibet magis diligit meliorem; & ita magis alium quam seipsum, & extraneum quam propinquum.

3. Praeterea. Totam rationem dilectionis in patria Deus erit: tunc enim implebitur quod dicitur I. ad Cor. xv. 28. *Ut sit Deus omnia in omnibus*. Ergo magis diligitur qui est Deo propinquior: & ita aliquis magis diligit meliorem quam seipsum, & ita extraneum quam coniunctum.

Sed contra est quod natura non tollitur per gloriam, sed perficitur. Ordo autem caritatis supra positus (art. 2. 3. & 4. hu. quest.) ex ipsa natura procedit. Omnia autem naturaliter plus se quam alia amant. Ergo iste ordo caritatis remanebit in patria.

Respondeo dicendum, quod necesse est ordinem caritatis remanere in patria quantum ad hoc quod Deus est super omnia diligendus. Hoc enim simpliciter erit tunc quando homo perfecte eo fruetur.

Sed de ordine suiipsius ad alios distinguendum videtur: quia, sicut supra dictum est (art. 7. & 9. hu. quest.) dilectionis gradus distingui potest vel secundum differentiam boni quod quis alii exoptat, vel secundum intentionem dilectionis. Primo quidem modo plus diligit meliores quam seipsum, minus vero

mi-



minus bonos. Volet enim quilibet beatus unumquemque habere quod sibi debetur secundum divinam iustitiam, propter conformitatem voluntatis humanæ ad divinam. Nec tunc erit tempus proficiendi per meritum ad maius præmium; sicut nunc accidit, quando potest homo (a) melioris & virtutem, & præmium desiderare; sed tunc voluntas uniuscuiusque infra hoc sistit quod est determinatum divinitus.

Secundo vero modo aliquis plus seipsum diligit quam proximum etiam meliorem: quia intentio actus dilectionis provenit ex parte subiecti diligentis, ut supra dictum est (art. 7. & 9. hu. quæst.) Et ad hoc etiam donum caritatis unicuique confertur a Deo ut primo quidem mentem suam in Deum ordinet, quod pertinet ad dilectionem sui ipsius; secundario vero ordinem aliorum in Deum velit, vel etiam operetur secundum suum modum.

Sed quantum ad ordinem proximorum ad invicem, simpliciter quis magis diligit meliorem secundum caritatis amorem. Tota enim vita beata consistit in ordinatione mentis ad Deum: unde totus ordo dilectionis beatorum observabitur per comparisonem ad Deum; ut scilicet ille magis diligatur, & propinquior sibi habeatur ab unoquoque, qui est Deo propinquior. Cessabit enim tunc provisio, quæ est in præsentī vita necessaria, quia necesse est ut unusquisque magis sibi coniuncto secundum quamcumque necessitudinem provideat magis quam alieno; ratione cuius in hac vita ex ipsa inclinatione caritatis homo diligit magis sibi coniunctum, cui magis debet impendere caritatis effectum. Continget tamen in patria quod aliquis sibi coniunctum pluribus modis diligit: non enim cessabunt ab animo beati honeste dilectionis causæ. Tamen omnibus istis rationibus præfertur incomparabiliter ratio dilectionis quæ sumitur ex propinquitate ad Deum.

Ad primum ergo dicendum, quod quantum ad coniunctos sibi ratio illa concedenda est; sed quantum ad seipsum, oportet quod aliquis plus se quam alios diligit, tanto magis, quanto perfectior est caritas: quia (b) perfectio caritatis ordinat hominem perfecte in Deum, quod pertinet (c) ad dilectionem sui ipsius, ut dictum est (in corp. art.)

Ad secundum dicendum, quod ratio illa procedit de ordine dilectionis secundum gradum boni quod aliquis vult amare.

Ad tertium dicendum, quod unicuique erit Deus tota ratio diligendi, eo quod Deus est totum hominis bonum. Dato enim per impossibile quod Deus non esset hominis bonum, non esset ei ratio diligendi. Et ideo in ordine dilectionis oportet quod post Deum homo maxime diligit seipsum.

## QUAESTIO XXVII.

*De principali actu caritatis, qui est dilectio,  
in octo articulos divisa.*

**D**Einde considerandum est de actu caritatis: & primo de principali actu caritatis, qui est dilectio; secundo de aliis actibus, vel effectibus contentibus.

Circa primum quærentur octo.

Primo, quid sit magis proprium caritatis, utrum amare, vel amari.

Secundo, utrum amare, prout est actus caritatis, sit idem quod benevolentia.

Tertio, utrum Deus sit propter seipsum amandus.

Quarto, utrum possit in hac vita immediate amari.

Quinto, ut possit amari totaliter.

Sexto, utrum eius dilectio habeat modum.

Septimo, quid sit melius, utrum diligere amicum, vel diligere inimicum.

Octavo, quid sit melius, utrum diligere Deum, vel proximum.

## ARTICULUS I. 161

*Utrum caritatis sit magis proprium amari quam amare.*

**A**D primum sic proceditur. Videtur quod caritatis non sit magis proprium amari quam amare. Caritas enim in melioribus melior invenitur. Sed meliores debent magis amari. Ergo caritatis magis est proprium amari.

2. Præterea. Illud quod in pluribus invenitur, videtur esse magis conveniens naturæ, & per consequens melius. Sed, sicut dicit Philoſophus in VIII. Ethicor. (cap.

VIII.

(a) Ita Nicolaus, & edit. Patav. cum mss. Al. meliorem. (b) Al. perfectior caritas. (c) Ita mss. & edit. pssim. Cod. Cambr. ad perfectionem sui ipsius.

VIII. in princ.) multi magis volunt amari quam amare, semperque amatores adulationis sunt multi. Ergo melius est amari quam amare, & per consequens magis conveniens caritati.

3. Præterea. Propter quod unumquodque, & illud magis. Sed homines propter hoc quod amantur, amant: dicit enim Augustinus in Lib. de catechizandis rudibus (cap. IV. in princ.) quod nulla est maior provocatio ad amandum quam prævenire amando. Ergo caritas magis consistit in amari quam in amare.

Sed contra est quod Philosophus dicit in VIII. Ethic. (cap. VIII. a princ.) quod magis existit amicitia in amare quam in amari. Sed caritas est amicitia quædam. Ergo caritas magis consistit in amare quam in amari.

Respondetur dicendum, quod amare convenit caritati, inquantum est caritas. Caritas enim, cum sit virtus quædam, secundum suam essentiam habet inclinationem ad proprium actum. Amari autem non est actus caritatis ipsius qui amatur; sed actus caritatis eius est amare; amari autem competit ei secundum communem rationem boni, prout scilicet ad eius bonum alius per actum caritatis movetur. Unde manifestum est quod caritati magis convenit amare quam amari.

Magis enim convenit unicuique quod convenit ei per se, & substantialiter, quam quod convenit ei per aliud. Et huius duplex est signum. Primum quidem quia amici magis laudantur ex hoc quod amant, quam ex hoc quod amantur; quinipmo si non amant, & amantur, vituperantur. Secundo quia magis, quæ maxime amant, plus querunt amare quam amari. Quædam enim, ut Philosophus dicit in eodem Libro (loc. cit.) filios suos dant nutrici, & amant quidem, caritari autem non querunt, si non contingat.

Ad primum ergo dicendum, quod meliores ex eo quod meliores sunt, sunt magis amabiles; sed ex eo quod in eis est perfectior caritas, sunt magis amantes; secundum tamen proportionem amati: non enim melior minus amat id quod intra ipsum est, quam amabile sit; sicut ille qui est minus bonus, non attingit ad amandum meliorem, quantum amabilis est.

Ad secundum dicendum, quod, sicut Philosophus dicit ibidem, homines volunt amari, ingrati autem volunt honorari. Sicut

enim honor exhibetur alicui ut quoddam testimonium boni in ipso qui honoratur; ita per hoc quod aliquis amatur, ostenditur in ipso esse aliquid bonum: quia solum bonum amabile est. Sic ergo amari, & honorari querunt homines propter aliud, scilicet ad manifestationem boni in amato existentis. Amare autem querunt caritatem habentes secundum se, quasi ipsum sit bonum caritatis; sicut & quilibet actus virtutis est bonum virtutis illius. Unde magis pertinet ad caritatem velle amare, quam velle amari.

Ad tertium dicendum, quod propter amari aliqui amant; non ita quod amari sit finis eius quod est amare, sed eo quod est via quædam ad hoc inducens quod homo amet.

## ARTICULUS II. 163

Utrum amare, secundum quod est actus caritatis, sit idem quod benevolentia.

III. dist. XXVII. quest. 1. art. 1. cor. & ad 2.

Ad secundum sic proceditur. Videtur quod amare, secundum quod est actus caritatis, nihil sit aliud quam benevolentia. Dicit enim Philosophus in II. Rhetoricæ (cap. IV. in princ.) quod amare est velle alicui bonum. Sed hoc est benevolentia. Ergo nihil aliud est actus caritatis quam benevolentia.

2. Præterea. Cuius est habitus, eius est actus. Sed habitus caritatis est in potentia voluntatis, ut supra dictum est (quest. XXIV. art. 1.) Ergo etiam actus caritatis est actus voluntatis. Sed non est nisi in bonum tendens, quod est benevolentia. Ergo actus caritatis nihil aliud est quam benevolentia.

3. Præterea. Philosophus in IX. Ethic. (cap. IV.) ponit quinque ad amicitiam pertinentia: quorum primum est quod homo velit amico bonum; secundum est quod velit ei esse, & vivere; tertium est quod ei delectabiliter convivat; quartum est quod eadem eligat; quintum est quod ei condoleat, & congaudeat. Sed prima duo ad benevolentiam pertinent. Ergo primum actus caritatis est benevolentia.

Sed contra est quod Philosophus dicit in eodem Libro (cap. V.) quod benevolentia neque est amicitia, neque est amatio, sed est amicitie principium. Sed caritas est amicitia, ut supra dictum est (quest. XXIII. art. 1.) Ergo benevolentia.

lencia non est idem quod dilectio, quæ est caritatis actus.

Respondeo dicendum, quod benevolentia proprie dicitur actus voluntatis, quo alteri bonum volumus. Hic autem voluntatis actus differt ab actuali amore tam secundum quod est in appetitu sensitivo, quam etiam secundum quod est in appetitu intellectivo, qui est voluntas. Amor enim qui est in appetitu sensitivo, quædam passio est. Omnis autem passio cum quodam impetu inclinat in suum obiectum. Passio autem amoris habet quod non subito exoritur, sed per aliquam assiduam inspectionem rei amate: & ideo Philosophus in IX. Ethic. (cap. v.) ostendens differentiam inter benevolentiam, & amorem qui est passio, dicit, quod benevolentia non habet *diffinitionem*, & *appetitum*, idest aliquem impetum inclinationis; sed ex solo iudicio rationis homo vult bonum alicui. Similiter etiam talis amor est ex quadam consuetudine; benevolentia autem interdum oritur ex repentino; sicut accidit nobis de pugnilibus, qui pugnant, quorum alterum vellemus vincere. Sed amor qui est in appetitu intellectivo, etiam differt a benevolentia: importat enim quandam unionem secundum affectum amantis ad amatum, in quantum scilicet amans æstimat amatum quodammodo ut unum sibi, vel ad se pertinens, & sic movetur in ipsum. Sed benevolentia est simplex actus voluntatis, quo volumus alicui bonum, etiam non præsupposita prædicta unione affectus ad ipsum.

Sic ergo in dilectione, secundum quod est actus caritatis, includitur quidem benevolentia; sed dilectio, sive amor addit unionem affectus: & propter hoc Philosophus dicit ibid. quod *benevolentia est principium amicitie*.

Ad primum ergo dicendum, quod Philosophus ibi debuit *amare*, non ponens totam rationem ipsius, sed aliquid ad rationem eius pertinens, in quo maxime manifestatur dilectionis actus.

Ad secundum dicendum, quod dilectio est actus voluntatis in bonum tendens, sed cum quadam unione ad amatum: quæ quidem in benevolentia non importatur.

Ad tertium dicendum, quod in tantum illa quæ Philosophus ibi ponit, ad amicitiam pertinent, in quantum proveniunt ex amore quem quis habet ad seipsum, ut ibidem dicitur, ut scilicet hæc omnia  
*S. Th. Op. Tom. XXII.*

aliquis erga amicum agat sicut ad seipsum; quod pertinet ad prædictam unionem affectus.

## ARTICULUS III. 163

*Utrum Deus sit propter seipsum ex caritate diligendus.*

*IV. dist. II. quæst. II. art. 1. quæst. 1. ad 2. & opusc. LXI. cap. VII. VIII. IX. & XIV.*

**A**D tertium sic proceditur. Videtur quod Deus non propter seipsum, sed propter aliud diligatur ex caritate. Dicit enim Gregorius in quadam homil. (XI. in Evang. in princ.) *Ex his quæ novit animus, discit incognita amare*. Vocat autem *incognita* intelligibilia, & divina, *cognita* autem sensibilia. Ergo Deus est propter aliud diligendus.

2. Præterea. Amor sequitur cognitionem. Sed Deus per aliud cognoscitur, secundum illud Rom. 1. 20. *Invisibilia Dei per ea quæ facta sunt, intellecta conspiciuntur*. Ergo etiam propter aliud amatur, & non propter se.

3. Præterea. *Spes generat caritatem*, ut dicitur in Glossa (interlin. sup. illud, *Abraham genuit Isaac*) Matth. 1. *Timor etiam caritatem introducit*, ut Augustinus dicit super I. Canonicam Ioan. (tract. 1x. ante med.) Sed spes expectat aliquid adipisci a Deo; timor autem refugit aliquid quod a Deo infligi potest. Ergo videtur quod Deus propter aliquid bonum speratum, vel propter aliquid malum timendum sit amandus. Non ergo est amandus propter seipsum.

Sed contra est quod, sicut Augustinus dicit in I. de doctrina christiana (cap. xv. in princ.) *Frui est amore inherere alicui propter seipsum*. Sed *Deo fruendum est*, ut in eodem Libro (cap. v.) dicitur. Ergo Deus diligendus est propter seipsum.

Respondeo dicendum, quod ly *propter* importat habitudinem alicuius causæ. Est autem quadruplex genus causæ, scilicet finalis, formalis, efficiens, & materialis, ad quam reducitur etiam materialis dispositio, quæ non est causa simpliciter, sed secundum quid. Et secundum hæc quatuor genera causarum dicitur aliquid propter alterum diligendum. Secundum quidem genus causæ finalis, sicut diligimus medicinam propter sanitatem; secundum autem genus causæ formalis, sicut diligimus hominem propter virtutem, quia scilicet virtute for-

maliter est bonus, & per consequens diligibilis; secundum autem causam efficientem, sicut diligimus aliquos, inquantum sunt filii talis patris; secundum autem dispositionem, quæ reducitur ad genus causæ materialis, dicimur aliquid diligere propter id quod nos disposuit ad eius dilectionem, puta propter aliqua beneficia suscepta; quamvis postquam iam amare incepimus, non propter illa beneficia amemus amicum, sed propter eius virtutem.

Primis ergo tribus modis Deum non diligimus propter aliud, sed propter seipsum. Non enim ordinatur ad aliud sicut ad finem, sed ipse est finis ultimus omnium; neque etiam informatur aliquo alio ad hoc quod sit bonus, sed eius substantia est eius bonitas, secundum quam exemplariter omnia bona sunt; neque iterum ei ab altero bonitas inest, sed ab ipso omnibus aliis.

Sed quarto modo potest diligere propter aliud, quia scilicet ex aliquibus aliis disponimur ad hoc quod in Dei dilectione proficiamus, puta per beneficia ab eo suscepta, vel per præmia sperata, vel etiam per pœnas, quas per ipsum vitare intendimus.

Ad primum ergo dicendum, quod *ex his quæ animus novit, discit incognita amare*; non quod cognita sint ratio diligendi ipsa incognita per modum causæ formalis, vel finalis, vel efficientis; sed quia per hoc homo disponitur ad amandum incognita.

Ad secundum dicendum, quod cognitio Dei acquiritur quidem per alia; sed postquam iam cognoscitur, non per alia cognoscitur, sed per seipsum, secundum illud Ioan. iv. 42. *Iam non propter tuam loquelam credimus: ipsi enim audivimus, & scimus quia hic est vere salvator mundi.*

Ad tertium dicendum, quod spes, & timor ducunt ad caritatem per modum dispositionis cuiusdam, ut ex supra dictis patet (quæst. xvii. art. 8. & quæst. xix. art. 4. 7. & 10.)

## ARTICULUS IV. 164

*Utrum Deus in hac vita possit immediate amari.*

III. Sent. dist. xxvii. quæst. 1. art. 1. & dist. xxxiv. quæst. 1. ad 1. & ver. quæst. x. art. 11. ad 6. & vir. quæst. 11. art. 2. ad 11.

**A**D quartum sic proceditur. Videtur quod Deus in hac vita non possit immediate amari. Incognita enim amari non possunt, ut Augustinus dicit X. de Trinit. (cap. 1. & 11.) Sed Deum non cognoscimus immediate in hac vita: quia *videmus nunc per speculum in enigmate*, ut dicitur I. ad Corinth. xiii. 12. Ergo neque etiam eum immediate amamus.

2. Præterea. Qui non potest quod minus est, non potest quod maius est. Sed maius est amare Deum quam cognoscere ipsum: *qui enim adheret Deo per amorem, unus spiritus cum illo est*, ut dicitur I. ad Cor. vi. 17. Sed homo non potest Deum cognoscere immediate. Ergo multo minus amare.

3. Præterea. Homo a Deo disjungitur per peccatum, secundum illud Isa. lxx. 2. *Peccata vestra dividerunt inter vos, & Deum vestrum.* Sed peccatum magis est in voluntate quam in intellectu. Ergo minus potest homo Deum diligere immediate quam Deum immediate cognoscere.

Sed contra est quod cognitio Dei, quia est mediata, dicitur ænigmatica, & evacuatur in patria, ut patet I. ad Corinth. xiii. Sed caritas viæ non evacuatur, ut ibidem dicitur: Ergo caritas viæ immediate Deo adhæret.

Respondeo dicendum, quod, sicut supra dictum est (I. P. quæst. lxxxii. art. 2. & quæst. lxxxiv. art. 7.) actus cognoscitivæ virtutis perit per hoc quod cognitum est in cognoscente; actus autem appetitivæ virtutis perit per hoc quod appetitus inclinatur ad rem ipsam. Et ideo oportet quod motus appetitivæ virtutis sit (a) in res secundum (b) conditionem ipsarum rerum; actus autem cognoscitivæ virtutis est secundum modum cognoscentis.

Est autem ipse ordo rerum talis secundum se, quod Deus est propter seipsum cognoscibilis, & diligibilis, utpote essentialiter existens ipsa veritas, & bonitas, per quam alia cognoscuntur, & aman-

(a) Al. in re. (b) Al. cognitionem.

amantur. Sed quoad nos, quia nostra cognitio a sensu ortum habet, prius sunt cognoscibilia, quae sunt sensui propinquiora; & (a) ultimus terminus cognitionis est in eo quod est maxime a sensu remotum.

Secundum hoc ergo dicendum est, quod dilectio, quae est appetitivae virtutis actus, etiam in statu viae tendit in Deum primo, & ex ipso derivatur ad alia: & secundum hoc caritas Deum immediate diligit, alia vero Deo mediante. In cognitione vero est e converso: quia scilicet per alia Deum cognoscimus, sicut causam per effectus, vel per modum eminentiae, aut negationis, ut patet per Dionysium in Lib. de div. Nom. (cap. 1. lect. 2. & 3.)

Ad primum ergo dicendum, quod quamvis incognita non possint amari; tamen non oportet quod sit idem ordo cognitionis, & dilectionis: nam dilectio est cognitionis terminus: & ideo ubi desinit cognitio, scilicet in ipsa re, quae per aliam cognoscitur, ibi statim dilectio incipere potest.

Ad secundum dicendum, quod quia dilectio Dei est maius aliquid quam eius cognitio, maxime secundum statum viae, ideo praesupponit ipsam: & quia cognitio non quiescit in rebus creatis, sed per eas in aliud tendit, in illo dilectio incipit, & per hoc ad alia derivatur per modum cuiusdam circulationis, dum cognitio a creaturis incipiens, tendit in Deum; & dilectio a Deo incipiens, sicut ab ultimo fine, ad creaturas derivatur.

Ad tertium dicendum, quod per caritatem tollitur aversio a Deo, quae est per peccatum, non autem per solam cognitionem: & ideo caritas est quae diligendo, animam immediate Deo coniungit spiritualis vinculo unionis.

## ARTICULUS V. 165

*Utrum Deus possit totaliter amari.*

III. dist. xxvii. quæst. iiii. art. 2. & vir. quæst. ii. art. 10. ad 5.

**A**D quantum sic proceditur. Videtur quod Deus non possit totaliter amari. Amor enim sequitur cognitionem. Sed Deus non potest totaliter a nobis cognosci, quia hoc esset eum comprehendere. Ergo non potest a nobis totaliter amari.

(\*) Al. ulterius.

2. Præterea. Amor est unio quædam, ut patet per Dionysium iv. cap. de div. Nom. (lect. 9. circ. fin.) Sed cor hominis non potest totaliter Deo uniri, quia Deus est maior corde nostro, ut dicitur 1. Ioan. iii. 20. Ergo Deus non potest totaliter amari.

3. Præterea. Deus seipsum totaliter amat. Si ergo ab aliquo alio totaliter amatur; aliquis alius diligit Deum tantum, quantum ipse se diligit. Hoc autem est inconveniens. Ergo Deus non potest totaliter diligi ab aliqua creatura.

Sed contra est quod dicitur Deut. vi. 5. *Diliges Dominum Deum tuum ex toto corde tuo.*

Respondeo dicendum, quod cum dilectio intelligatur quasi medium inter amantem, & amatum; cum quaeritur, an Deus possit totaliter diligi, tripliciter potest intelligi. Uno modo ut modus totalitatis referatur ad rem dilectam; & sic Deus est totaliter diligendus: quia totum quod ad Deum pertinet, homo diligere debet.

Alio modo potest intelligi ita quod totalitas referatur ad diligentem; & sic etiam Deus totaliter diligi debet: quia ex toto posse suo homo debet diligere Deum, & quicquid habet, ad Dei amorem ordinare, secundum illud Deut. vi. 5. *Diliges Dominum Deum tuum ex toto corde tuo.*

Tertio modo potest intelligi secundum comparisonem diligentis ad rem dilectam, ut scilicet modus diligentis adæquet modum rei dilectæ: & hoc non potest esse: cum enim unumquodque in tantum diligibile sit, in quantum est bonum, Deus, cuius bonitas est infinita, est infinite diligibilis. Nulla autem creatura potest Deum infinite diligere: quia omnis virtus creaturæ, sive naturalis, sive infusa, est finita.

Et per hoc patet responsio ad obiecta. Nam primæ tres obiectiones procedunt secundum hunc tertium sensum; ultima autem ratio procedit in sensu secundo.

## ARTICULUS VI. 166

*Utrum divinæ dilectionis sit aliquis modus habendus.*

III. dist. xxvii. quæst. iiii. art. 3. & vir. quæst. ii. art. 2. ad 13.

**A**D sextum sic proceditur. Videtur quod divinæ dilectionis sit aliquis modus.

modus habendus. Ratio enim boni consistit in modo, specie, & ordine, ut patet per Augustinum in Lib. de nat. boni (cap. 111. & 14.) Sed dilectio Dei est optimus in homine, secundum illud ad Colos. 111. 14. *Super omnia caritatem habete*. Ergo dilectio Dei debet modum habere.

2. Præterea. Augustinus dicit in Lib. de moribus Eccl. (cap. viii. parum a princ.) *Dic mihi, queso te, quis sit diligendi modus. Vereor enim ne plus, minusve quam oportet, inflammer desiderio, & amore Domini mei*. Frustra autem quæreret modum, nisi esset aliquis divinæ dilectionis modus. Ergo est aliquis modus divinæ dilectionis.

3. Præterea. Sicut Augustinus dicit IV. super Genes. ad lit. (cap. 111. circ. med.) *modus est quem unicuique propria mensura præfigit*. Sed mensura voluntatis humanæ, sicut & actionis exterioris, est ratio. Ergo sicut in exteriori effectu caritatis oportet habere modum a ratione præfixum, secundum illud Rom. xii. 1. *Rationabile obsequium vestrum*; ita etiam interior dilectio Dei debet modum habere.

Sed contra est quod Bernardus dicit in Libro de diligendo Deum (cap. 1. in princ.) *quod causa diligendi Deum Deus est, modus sine modo diligere*.

Respondendo dicendum, quod, sicut patet ex inducta auctoritate Augustini (in arg. 3.) modus importat quamdam mensuræ determinationem. Hæc autem determinatio invenitur & in mensura, & in mensurato; aliter tamen, & aliter: in mensura enim invenitur essentialiter, quia mensura secundum seipsam est determinativa, & modificativa aliorum; in mensurato autem invenitur (a) secundum aliud; idest inquantum attingunt mensuram. Et ideo in mensura nihil potest accipi immo-dificatum; sed res mensurata est immo-dificata, nisi mensuram attingat, sive deficiat, sive excedat.

In omnibus autem appetibilibus, & agibilibus mensura est finis: quia eorum quæ appetimus, & agimus, oportet propriam rationem ex fine accipere, ut patet per Philosophum in II. Physic. (text. 89.) Et ideo finis secundum seipsum habet modum; ea vero quæ sunt ad finem, habent modum ex eo quod sunt fini proportionata. Et ideo, sicut Philosophus dicit in I. Polit. (cap. vi. a med.) *appetitus finis in omnibus artibus*

*est absque fine, & termino*; eorum autem quæ sunt ad finem, est aliquis terminus: non enim Medicus imponit aliquem terminum sanitati, sed facit eam perfectam, quantumcumque potest; sed medicinæ imponit terminum, non enim dat tantum de medicina, quantum potest, sed secundum proportionem ad sanitatem: quam quidem proportionem si medicina excederet, vel ab ea deficeret, esset immoderata.

Finis autem omnium actionum humanarum, & affectionum est dilectio Dei, per quam maxime attingimus ultimum finem, ut supra dictum est (quaest. xxiii. art. 6.) & ideo in dilectione Dei non potest accipi modus, sicut in re mensurata, ut sit in ea accipere plus, & minus; sed sicut invenitur modus in mensura; in qua non potest esse excessus, sed quanto plus attingitur regula, tanto melius est: & ita quanto Deus plus diligitur, tanto est dilectio melior.

Ad primum ergo dicendum, quod illud quod est per se, potius est eo quod est per aliud: & ideo bonitas mensuræ, quæ per se habet modum, potior est quam bonitas mensurati, quæ habet modum per aliud; & sic etiam caritas, quæ habet modum sicut mensura, præeminet aliis virtutibus, quæ habent modum sicut mensuræ.

Ad secundum dicendum, quod, sicut Augustinus ibidem subiungit (cap. viii.) *modus diligendi Deum est ut ex toto corde diligatur*, idest ut diligatur quantumcumque potest diligi: & hoc pertinet ad modum qui convenit mensuræ.

Ad tertium dicendum, quod affectio illa cuius obiectum subiacet iudicio rationalis, est ratione mensuranda. Sed obiectum divinæ dilectionis, quod est Deus, excedit iudicium rationalis: & ideo non mensuratur ratione, sed rationem excedit. Nec est simile de interiori actu caritatis, & exterioribus actibus. Nam interior actus caritatis habet rationem finis, quia ultimum bonum hominis consistit in hoc quod anima Deo inhæreat, secundum illud Psalm. lxxii. 27. *Mibi adherere Deo bonum est*: exteriores autem actus sunt sicut ad finem; & ideo sunt commensurandi & secundum caritatem, & secundum rationem.

A R-

(a) Ita m. s. & edis. passim. Al. secundum aliquid.

ARTICULUS VII. 167

*Utrum sit magis meritorium diligere inimicum quam amicum.*

*Inf. art. 8. ad 7. & III. dist. xxx. qu. 1. art. 3. & art. 4. ad 3. & vir. quæst. 11. art. 8. cor. fin. & ad 17.*

**A**D septimum sic proceditur. Videtur quod magis meritorium sit diligere inimicum quam amicum. Dicitur enim Matth. v. 46. *Si diligitis eos qui vos diligunt, quam mercedem habebitis?* Diligere ergo amicum non meretur mercedem. Sed diligere inimicum meretur mercedem, ut ibidem ostenditur. Ergo magis est meritorium diligere inimicos quam amicos.

1. Præterea. Tanto aliquid est magis meritorium, quanto ex maiori caritate procedit. Sed diligere inimicum est perfectiorum filiorum Dei, ut Augustinus dicit in Enchir. (cap. lxxiii.) diligere autem amicum est etiam caritatis imperfectæ. Ergo maioris meriti est diligere inimicum quam amicum.

3. Præterea. Ubi est maior conatus ad bonum, ibi videtur esse maius meritum: quia *unusquisque propriam mercedem accipiet secundum suum laborem*, ut dicitur I. Corinth. xiii. 8. Sed maiori conatu indiget homo ad hoc quod diligat inimicum, quam ad hoc quod diligat amicum, quia difficilius est. Ergo videtur quod diligere inimicum sit magis meritorium quam diligere amicum.

4. Sed contra est quia illud quod est melius, est magis meritorium. Sed melius est diligere amicum: quia melius est diligere meliorem; amicus autem, qui amat, est melior quam inimicus, qui odit. Ergo diligere amicum est magis meritorium quam diligere inimicum.

Respondeo dicendum, quod ratio diligendi proximum ex caritate Deus est, sicut supra dictum est (quæst. xxv. art. 1.) Cum ergo quaeritur, quid sit melius, vel magis meritorium, utrum diligere amicum, vel inimicum, dupliciter istæ dilectiones comparari possunt: uno modo ex parte proximi qui diligitur; alio modo ex parte rationis propter quam diligitur.

Primo quidem modo dilectio amici præeminet dilectioni inimici: quia amicus & melior est, & magis coniunctus, unde est materia magis conveniens dilectionis: & propter hoc actus dilectionis

super hanc materiam transiens melior est: unde & eius oppositum est deterius, peius enim est odire amicum quam inimicum.

Secundo autem modo dilectio inimici præeminet propter duo. Primo quidem quia dilectionis amici potest esse alia ratio quam Deus; sed dilectionis inimici solus Deus est ratio. Secundo quia præsupposito quod uterque propter Deum diligatur, fortior ostenditur esse Dei dilectio quæ animum hominis ad remotiora extendit, scilicet usque ad dilectionem inimicorum; sicut virtus ignis tanto ostenditur esse fortior, quanto ad remotiora diffundit suum calorem. Tanto ergo ostenditur divina dilectio esse fortior, quanto propter ipsam difficiliora implemus; sicut & virtus ignis tanto est fortior, quanto comburere potest materiam minus combustibilem.

Sed sicut idem ignis in propinquiora fortius agit quam in remotiora; ita etiam caritas ferventius diligit coniunctos quam remotos: & quantum ad hoc dilectio amicorum secundum se considerata est ferventior, & melior quam dilectio inimicorum.

Ad primum ergo dicendum, quod verbum Domini est per se intelligendum. Tunc enim dilectio amicorum apud Deum mercedem non habet, quando propter hoc solum amantur, quia amici: & hoc videtur accidere, quando sic amantur amici, quod inimici non diliguntur. Est tamen meritoria amicorum dilectio, si propter Deum diligantur, & non solum quia amici sunt.

Ad alia patet responsio per ea quæ dicta sunt (in corp. art.) Nam duæ rationes sequentes procedunt ex parte rationis diligendi; ultima vero ex parte eorum quæ diliguntur.

ARTICULUS VIII. 168

*Utrum sit magis meritorium diligere proximum quam diligere Deum.*

*Inf. quæst. cxxxii. art. 2. corp. & III. dist. xxx. qu. 1. art. 4. & quol. vi. art. 11. corp.*

**A**D octavum sic proceditur. Videtur quod magis sit meritorium diligere proximum quam diligere Deum. Illud enim videtur esse magis meritorium quod Apostolus magis elegit. Sed Apostolus prælegit dilectionem proximi dilectioni Dei, secundum illud ad Rom. ix. 3. *Opta-*

nam anathema esse a Christo pro fratribus meis. Ergo magis est meritum diligere proximum quam diligere Deum.

2. Præterea. Minus videtur esse meritum aliquo modo diligere amicum, ut dictum est (art. præc.) Sed Deus maxime est amicus, qui prior dilexit nos, ut dicitur I. Ioan. iv. 19. Ergo diligere Deum videtur esse minus meritum.

3. Præterea. Illud quod est difficilius, videtur esse virtuosius, & magis meritorium: quia *virtus est circa difficile, & bonum*, ut dicitur in II. Ethic. (cap. 111. cir. fin.) Sed facilius est diligere Deum quam proximum, tum quia naturaliter omnia Deum diligunt, tum quia in Deo nihil occurrit quod non sit diligendum; quod circa proximum non contingit. Ergo magis est meritum diligere proximum quam diligere Deum.

Sed contra est quia *propter quod minus quodque, illud magis*. Sed dilectio proximi non est meritoria, nisi propter hoc quod proximus diligitur propter Deum. Ergo dilectio Dei est magis meritoria quam dilectio proximi.

Respondendo dicendum, quod comparatio ista potest intelligi dupliciter. Uno modo ut seorsum consideretur utraque dilectio; & tunc non est dubium quin dilectio Dei sit magis meritoria: debetur enim ei merces propter seipsam, quia ultima merces est frui Deo, in quem tendit divinæ dilectionis motus: unde & diligenti Deum merces promittitur Ioan. xiv. 21. *Si quis diligit me, dirigetur a Patre meo . . . & manifestabo ei me ipsum*.

Alio modo potest attendi ipsa comparatio, ut dilectio Dei accipiat, secundum quod solus diligitur; dilectio autem proximi accipiat, secundum quod proximus diligitur propter Deum: & sic dilectio proximi includit dilectionem Dei; sed dilectio Dei non includit dilectionem proximi. Unde erit comparatio dilectionis Dei perfectæ, quæ extendit se etiam ad proximum, ad dilectionem Dei insufficientem, & imperfectam: quia *hoc mandatum habemus a Deo, ut qui diligit Deum, diligit & fratrem suum*. (I. Ioan. xv. 12.) Et in hoc sensu dilectio proximi præeminet.

Ad primum ergo dicendum, quod secundum unam Glossæ (ord. Lyrani) expositionem, hoc Apostolus tunc non optabat quando erat in statu gratiæ, ut scilicet separaretur a Christo pro fratribus suis; sed hoc optaverat quando erat

in statu infidelitatis: unde in hoc non est imitandus.

Vel potest dici, sicut dicit Chrysostomus in Lib. I. de compunctione (cap. viii. cir. princ. & hom. xvi. in epist. ad Rom. a princ.) quod per hoc non ostenditur quod Apostolus plus diligeret proximum quam Deum; sed quod plus diligeret Deum quam seipsum. Volebat enim ad tempus privari fruitione divina, quod pertinet ad dilectionem sui, ad hoc quod honor Dei procuraretur in proximis, quod pertinet ad dilectionem Dei.

Ad secundum dicendum, quod dilectio amici pro tanto est quandoque minus meritoria, quia amicus diligitur propter seipsum; & ita denuit a vera ratione amicitiae caritatis, quæ est Deus. Et ideo quod Deus diligitur propter seipsum, non diminuit meritum; sed hoc constituit totam meriti rationem.

Ad tertium dicendum, quod plus facit ad rationem meriti, & virtutis bonum quam difficile. Unde non oportet quod omne difficile sit magis meritorium, sed quod sic est difficile, ut etiam sit melius.

## QUAESTIO XXVIII.

De gaudio,  
in quatuor articulos divisa.

Deinde considerandum est de effectibus consequentibus caritatis actum principalem, qui est dilectio: & primo de effectibus interioribus; secundo de exterioribus.

Circa primum tria consideranda sunt.

Primo de gaudio.

Secundo de pace.

Tertio de misericordia.

Circa primum quaeruntur quatuor.

Primo, utrum gaudium sit effectus caritatis.

Secundo, utrum huiusmodi gaudium compariatur secum tristitia.

Tertio, utrum illud gaudium possit esse plenum.

Quarto, utrum sit virtus.



## ARTICULUS I. 169

*Utrum gaudium in nobis sit effectus caritatis.*

*Inf. quest. xxxv. art. 2. & 3. corp. & III. P. quest. lxxxix. art. 6. corp. & mal. quest. x. art. 2. corp. & epusc. iv. cap. 11.*

**A**D primum sic proceditur. Videtur quod gaudium non sit effectus caritatis in nobis. Ex absentia enim rei amate magis sequitur tristitia quam gaudium. Sed Deus, quem per caritatem diligimus, est nobis absens, quamdiu in hac vita vivimus: *quamdiu enim sumus in corpore, peregrinamur a Domino*, ut dicitur II. ad Corinth. v. 6. Ergo caritas in nobis magis causat tristitiam quam gaudium.

2. Præterea. Per caritatem maxime meremur beatitudinem. Sed inter ea per quæ beatitudinem meremur, ponitur luctus, qui ad tristitiam pertinet, secundum illud Matth. v. 5. *Beati qui lugent, quoniam in se consolabuntur*. Ergo magis est effectus caritatis tristitia quam gaudium.

3. Præterea. Caritas est virtus distincta a spe, ut ex supradictis patet (quest. xvii. art. 6.) Sed gaudium causatur ex spe, secundum illud Rom. xii. 12. *Spe gaudentes*. Non ergo causatur ex caritate.

Sed contra est quod dicitur Rom. v. 5. *Caritas Dei diffusa est in cordibus nostris per Spiritum sanctum, qui datus est nobis*. Sed gaudium in nobis causatur ex Spiritu sancto, secundum illud Rom. xiv. 17. *Non est regnum Dei esca, & potus, sed iustitia, & pax, & gaudium in Spiritu sancto*. Ergo caritas est causa gaudii.

Respondetur dicendum, quod, sicut supra dictum est (1. 2. quest. xxv. art. 1. 2. & 3.) cum de passionibus ageretur, ex amore procedit & gaudium, & tristitia; sed contrario modo. Gaudium enim ex amore causatur vel propter præsentiam boni amati, vel etiam propter hoc quod ipsi bono amato proprium bonum inest, & conservatur: & hoc secundum maxime pertinet ad amorem benevolentie, per quem aliquis gaudet de amico propterea se habente, etiam si absens. E contrario autem ex amore sequitur tristitia, vel propter absentiam amati, vel propter hoc quod amatum

cui volumus bonum, suo bono privatur; aut aliquo malo deprimitur. Caritas autem est amor Dei, cuius bonum immutabile est, quia ipse est sua bonitas, & ex hoc ipso quod amatur, est in amante per nobilissimum suum effectum, secundum illud I. Ioan. iv. 16. *Qui manet in caritate, in Deo manet, & Deus in eo*.

Et ideo spirituale gaudium quod de Deo habetur, ex caritate causatur.

Ad primum ergo dicendum, quod quamdiu sumus in corpore, dicimur *peregrinari a Domino* in comparisonem ad illam præsentiam qua quibuscumque est præiens per speciem visionem: unde & Apostolus iussit ibidem: *Per fidem enim ambulamus, & non per speciem*. Est autem præiens se amantibus etiam in hac vita per gratias inhabitationem.

Ad secundum dicendum, quod luctus qui beatitudinem meretur, est de his quæ sunt beatitudini contraria. Unde eiusdem rationis est quod talis luctus ex caritate causatur, & tale gaudium spirituale de Deo: quia eiusdem rationis est gaudere de aliquo bono, & tristari de his quæ ei repugnant.

Ad tertium dicendum, quod de Deo potest esse spirituale gaudium dupliciter: uno modo secundum quod gaudemus de bono divino in se considerato; alio modo secundum quod gaudemus de bono divino, prout a nobis participatur. Primum autem gaudium melius est, & hoc procedit principaliter ex caritate; sed secundum gaudium procedit etiam ex spe, per quam expectamus divini boni fruitionem: quamvis etiam ipsa fruitio vel perfecta, vel imperfecta secundum mensuram caritatis obtineatur.

## ARTICULUS II. 170

*Utrum gaudium spirituale quod ex caritate causatur, recipiat admixtionem tristitiæ.*

**A**D secundum sic proceditur. Videtur quod gaudium spirituale quod ex caritate causatur, recipiat admixtionem tristitiæ. Congaudere enim bonis proximi ad caritatem pertinet, secundum illud I. ad Cor. xiii. 6. *Caritas non gaudet super iniquitate, congaudet autem veritati*. Sed hoc gaudium recipit permixtionem tristitiæ, secundum illud Rom. xii. 15. (a) *Gaudete cum gaudentibus*,

L 4. *fiat*

(a) *Fulgata gaudere & flere.*

*flete cum fletibus.* Ergo gaudium spirituale caritatis admixtionem tristitiæ patitur.

2. Præterea. Pœnitentia, sicut dicit Gregorius (hom. xxxiv. in Evang. aliquant. a mod.) est *anteacta mala flere, & fenda iterum non committere.* Sed vera pœnitentia non est sine caritate. Ergo gaudium caritatis habet tristitiæ admixtionem.

3. Præterea. Ex caritate contingit quod aliquis desiderat esse cum Christo, secundum illud Philip. 1. 23. *Desiderium habens dissolvi, & esse cum Christo.* Sed ex isto desiderio sequitur in homine quædam tristitia, secundum illud Ps. cxi. 5. *Heu mihi, quia incolatus meus prolongatus est.* Ergo gaudium caritatis recipit admixtionem tristitiæ.

Sed contra est quod gaudium caritatis est gaudium de divina sapientia. Sed huiusmodi gaudium non habet permixtionem tristitiæ, secundum illud Sap. viii. *Non habet amaritudinem conversatio illius.* Ergo gaudium caritatis non patitur permixtionem tristitiæ.

Respondendo dicendum, quod ex caritate causatur duplex gaudium de Deo, sicut supra dictum est (art. præc. ad 3.) Unum quidem principale, quod est proprium caritatis, quod scilicet gaudemus de bono divino secundum se considerato; & tale gaudium caritatis permixtionem tristitiæ non patitur, sicut nec illud bonum de quo gaudetur, potest aliquam mali admixtionem habere: & ideo Apostolus dicit ad Philip. iv. 4. *Gaudete in Domino semper.*

Aliud autem est gaudium caritatis, quo gaudet aliquis de bono divino, secundum quod participatur a nobis. Hæc autem participatio potest impedi per aliquod contrarium: & ideo ex hac parte gaudium caritatis potest habere permixtionem tristitiæ, prout scilicet aliquis tristatur de eo quod repugnat participationi divini boni vel in nobis, vel in proximis, quos tamquam nos ipsos diligimus.

Ad primum ergo dicendum, quod fletus proximi non est nisi de aliquo malo. Omne autem malum importat defectum participationis summi boni: & ideo in tantum facit caritas condolare proximo, in quantum participatio divini boni in eo impeditur.

Ad secundum dicendum, quod peccata dividunt inter nos, & Deum, ut dicitur Isaïæ lix. & ideo hæc est ratio

dolendi de peccatis præteritis nostris, vel etiam aliorum, in quantum per ea impedimur a participatione divini boni.

Ad tertium dicendum, quod quamvis in incolatu huius miseriæ aliquo modo participemus divinum bonum per cognitionem, & amorem; tamen huius vitæ miseria impedit a perfecta participatione divini boni, qualis erit in patria: & ideo hæc etiam tristitia, qua quis luet de dilatione gloriæ, pertinet ad impedimentum participationis divini boni.

### ARTICULUS III. 171

*Utrum spirituale gaudium quod ex caritate causatur, possit in nobis impleri.*

Ad tertium sic proceditur. Videtur quod spirituale gaudium quod ex caritate causatur, non possit in nobis impleri. Quanto enim maius gaudium de Deo habemus, tanto gaudium eius in nobis magis impletur. Sed numquam possumus tantum de eo gaudere, quantum dignum est ut de eo gaudeatur: quia semper bonitas eius, quæ est infinita, excedit gaudium creaturæ, quod est finitum. Ergo gaudium de Deo numquam potest impleri.

2. Præterea. Illud quod est impletum, non potest esse maius. Sed gaudium etiam beatorum potest esse maius, quia gaudium unius est maius quam alterius. Ergo gaudium de Deo non potest in creatura impleri.

3. Præterea. Nihil aliud videtur esse comprehensio quam cognitio plena. Sed sicut vis cognoscitiva creaturæ est finita, ita & vis appetitiva eiusdem. Cum ergo Deus non possit ab aliqua creatura comprehendi, videtur quod non possit alicuius creaturæ gaudium de Deo impleri.

Sed contra est quod Dominus discipulis dicit Ioan. xv. 11. *Ut gaudium meum in vobis sit, & gaudium vestrum impleatur.*

Respondendo dicendum, quod plenitudo gaudii potest intelligi dupliciter. Uno modo ex parte rei de qua gaudetur, ut scilicet tantum gaudeatur de ea, quantum est dignum de ea gauderi; & sic solum Dei gaudium est plenum de seipso: quia gaudium Dei est infinitum; & hoc est eodignum infinitæ bonitati Dei: cuiuslibet autem creaturæ gaudium oportet esse finitum.

Alio

Alio modo potest intelligi plenitudo gaudii ex parte gaudientis. Gaudium autem comparatur ad desiderium, sicut quies ad motum, ut supra dictum est (1. 2. quaest. xxv. art. 1. & 2.) cum de passionibus ageretur. Est autem quies plena, cum nihil restat de motu. Unde tunc gaudium est plenum, quando iam nihil desiderandum restat. Quamdiu autem in hoc mundo sumus, non cessat in nobis desiderii motus: quia adhuc restat quod Deo magis appropinquemus per gratiam, ut ex supradictis patet (quaest. xxiv. art. 4. & 7.) Sed quando iam ad beatitudinem perfectam perventum fuerit, nihil desiderandum restabit: quia ibi erit plena Dei fruitio, in qua homo obtinebit quicquid etiam circa alia bona desideraverit, secundum illud Pl. cii. 5. *Qui replet in bonis desiderium tuum.* Et ideo quiescet desiderium, non solum quo desideramus Deum, sed etiam erit omnium desideriorum quies. Unde gaudium beatorum est perfecte plenum, & etiam superplenum, quia plus obtinebunt quam desiderare suffecerint. *Non enim in cor hominis ascendit, quae preparavit Deus diligentibus se,* ut dicitur I. ad Cor. vii. 9. Et hoc est quod dicitur Luc. vi. 38. *Menjuram bonam, & superfluentem dabunt in finem vestrum.* Quia tamen nulla creatura est capax gaudii de Deo ei condigni, inde est quod istud gaudium omnino plenum non capit in homine, sed potius homo intrat in ipsum, secundum illud Matth. xxv. 21. *Intra in gaudium Domini tui.*

Ad primum ergo dicendum, quod ratio illa procedit de plenitudine gaudii ex parte rei de qua gaudetur.

Ad secundum dicendum, quod cum perventum fuerit ad beatitudinem, unusquisque attinget terminum sibi praefixum ex praedestinatione divina, nec restabit ulterius aliquid quo tendatur; quamvis in illa terminatione unus perveniat ad maiorem propinquitatem Dei, alius ad minorem. Et ideo unusquisque gaudium erit plenum ex parte gaudientis, quia unusquisque desiderium plene quietabitur; erit tamen gaudium unius maius quam alterius, propter pleniores participationem divinae beatitudinis.

Ad tertium dicendum, quod comprehensio importat plenitudinem cognitionis ex parte rei cognitae, ut scilicet tantum cognoscatur res, quantum cognoscipotest. Habet tamen etiam cognitio aliquam plenitudinem ex parte cognoscentis,

sicut & de gaudio dictum est (in corp.) Unde & Apostolus dicit ad Coloss. 1. 19. *Implemini agnitione voluntatis eius in omni sapientia, & intellectu spirituali.*

## ARTICULUS IV. 175

*Utrum gaudium sit virtus.*

**A**D quartum sic proceditur. Videtur quod gaudium sit virtus. Vitium enim contrariatur virtuti. Sed tristitia ponitur vitium, ut patet de accidia, & de invidia. Ergo etiam gaudium debet poni virtus.

2. Praeterea. Sicut amor, & spes sunt passionibus quaedam, quarum obiectum est bonum; ita & gaudium. Sed amor, & spes ponuntur virtutes. Ergo & gaudium debet poni virtus.

3. Praeterea. Praecepta legis dantur de actibus virtutum. Sed praecipitur nobis quod in Deo gaudeamus, secundum illud ad Philip. iv. 4. *Gaudete in Domino semper.* Ergo gaudium est virtus.

Sed contra est quod neque connumeratur inter virtutes theologicas, neque inter virtutes morales, neque inter virtutes intellectuales, ut ex supradictis patet (1. 2. quaest. lvi. ix. & lxi.)

Respondendo dicendum, quod virtus sicut supra habitum est (1. 2. quaest. iv. art. 2. & 4.) est habitus quidam operativus: & ideo secundum propriam rationem habet inclinationem ad aliquem actum. Est autem contingens ex uno habitu plures actus eiusdem rationis ordinatos provenire, quorum unus sequatur ex altero. Et quia posteriores actus non procedunt ab habitu virtutis nisi per actum priorem, inde est quod virtus non definitur, nec denominatur nisi ab actu priori; quamvis etiam alii actus ab ea consequantur. Manifestum est autem ex his quae supra de passionibus dicta sunt (1. 2. quaest. xxv. art. 2. & 4.) quod amor est prima affectio appetitivae potentiae, ex qua sequitur & desiderium, & gaudium. Et ideo habitus virtutis idem est qui inclinat ad diligendum, & desiderandum bonum dilectum, & gaudendum de eo. Sed quia dilectio inter hos actus est prior; inde est quod virtus non denominatur a gaudio, nec a desiderio, sed a dilectione; & dicitur caritas.

Sic ergo gaudium non est aliqua virtus a caritate distincta, sed est quidam caritatis actus, sive effectus: & propter hoc

hoc connumeratur inter fructus, ut patet Galat. v.

Ad primum ergo dicendum, quod tristitia quæ est vitium, causatur ex inordinato amore sui; quod non est aliquod speciale vitium, sed quædam generalis radix vitiolorum, ut supra dictum est (1. 2. quæst. lxxvii. art. 4.) & ideo oportuit tristitias quasdam particulares ponere specialia vitia, quia non derivantur ab aliquo speciali vitio, sed a generali. Sed amor Dei ponitur specialis virtus, quæ est caritas, ad quam reducitur gaudium, ut dictum est (in corp. & art. 2. huius quæst.) sicut proprius actus eius.

Ad secundum dicendum, quod spes consequitur ex amore, sicut & gaudium, sed spes addit ex parte obiecti quamdam specialem rationem, scilicet arduum, & possibile adipisci: & ideo ponitur specialis virtus. Sed gaudium ex parte obiecti nullam specialem rationem addit supra amorem, quæ possit causare specialem virtutem.

Ad tertium dicendum, quod inquantum datur præceptum legis de gaudio, inquantum est actus caritatis, licet non sit proprius actus eius.

## QUAESTIO XXIX.

### De pace,

#### in quatuor articulos divisa.

**P**ostea considerandum est de pace: & circa hoc quaeruntur quatuor.

Primo, utrum pax sit idem quod concordia.

Secundo, utrum omnia appetant pacem.

Tertio, utrum pax sit effectus caritatis.

Quarto, utrum pax sit virtus.

## ARTICULUS I. 173

*Utrum pax sit idem quod concordia.*

III. dist. xxvii. quæst. ii. art. 1. ad 6. & II. ad Theol. iii. lect. 2. in princ.

**A**d primum sic proceditur. Videtur quod pax sit idem quod concordia. Dicit enim Augustinus XIX. de civit. Dei (cap. xiii. in princ.) *Pax hominum est ordinata concordia*. Sed non loquimur nunc nisi de pace hominum. Ergo pax est idem quod concordia.

2. Præterea. Concordia est quædam unio voluntatum. Sed ratio pacis in tali unione consistit: dicit enim Dionysius xi. cap. de div. Nom. (in princ.) quod *pax est omnium unitas, & consensus operativus*. Ergo pax est idem quod concordia.

3. Præterea. Quorum est idem oppositum, & ipsa sunt idem. Sed idem opponitur concordia: & paci, scilicet dissensio: unde dicitur I. ad Cor. xiv. 33. *Non est dissensio Dei, sed pacis*. Ergo pax est idem quod concordia.

Sed contra est quod concordia potest esse aliquorum impiorum in malo. Sed non est pax impiis, ut dicitur IIa. xlviii. 22. Ergo pax non est idem quod concordia.

Respondeo dicendum, quod pax includit concordiam, & aliquid addit. Unde ubicumque est pax, ibi est concordia; non tamen ubicumque est concordia, ibi est pax, si nomen pacis proprie sumatur.

Concordia enim proprie sumpta est ad alterum, inquantum scilicet diversorum cordium voluntates simul in unum contentum conveniunt. Contingit autem ut unus hominis cor tendere in diversa, & hoc dupliciter. Uno quidem modo secundum diversas potentias appetitivas; sicut appetitus sensitivus plerumque tendit in contrarium rationalis appetitus, secundum illud ad Gal. v. 17. *Caro concupiscit adversus spiritum*. Alio modo inquantum una & eadem vis appetitiva in diversa appetibilia tendit, quæ simul assequi non potest. Unde necesse est esse repugnantiam motuum appetitus. Unio autem horum motuum est quidem de ratione pacis: non enim homo habet pacatum cor, (a) quamdiu non habet id quod vult: & si habeat aliquid quod vult, tamen adhuc restat ei aliquid volendum, quod simul habere non potest. Hæc autem unio non est de ratione concordia: unde concordia importat unionem appetituum diversorum appetentium; pax autem supra hanc unionem importat etiam appetituum unius appetentis unionem.

Ad primum ergo dicendum, quod Augustinus loquitur ibi de pace, quæ est unius hominis ad alium; & hanc pacem dicit esse concordiam, non quamlibet, sed ordinatam, ex eo scilicet quod unus homo concordat cum alio secundum illud quod utrique convenit. Si enim homo

(a) Ita codices, & edis. passim. Cod. Alexm. quamdiu est habet aliquid quod vult, tamen adhuc restat ei ad volendum. Theologi pro volendum suspiciunt S. Thomam scripsisse habendum.

mo concordat cum alio non spontanea voluntate, sed quasi coactus timore aliquis mali sibi imminuentis, talis concordia non est vere pax: quia non servatur ordo utriusque concordantis, sed perturbatur ab aliquo timore inferente. Et propter hoc praemittit, quod *pax est tranquillitas ordinis*: quae quidem tranquillitas consistit in hoc quod omnes motus appetitivi in uno homine conquiescunt.

Ad secundum dicendum, quod si homo simul cum alio homine in idem consentiat, non tamen consensus eius est omnino sibi unitus, nisi etiam sibi invicem omnes motus appetitivi eius sint consentientes.

Ad tertium dicendum, quod paci opponitur duplex dissensio, scilicet dissensio hominis ad seipsum, & dissensio hominis ad alterum. Concordat autem opponitur haec sola secunda dissensio.

## ARTICULUS II. 174

*Utrum omnia appetant pacem.*

III. dist. xxvii. quest. 1. art. 3. ad 5. & IV. dist. xlix. quest. 1. art. 2. quest. 4. & veri. quest. xxi. art. 1. ad 12. & Dio. xi. lect. 1. fin.

**A**D secundum sic proceditur. Videtur quod non omnia appetant pacem. Pax enim secundum Dionysium (cap. xi. de div. Nom. in princ.) est *unitiva consensus*. Sed in his quae cognitione carent, non potest uniri consensus. Ergo huiusmodi pacem appetere non possunt.

2. Praeterea. Appetitus non fertur simul ad contraria. Sed multi sunt appetentes bella, & dissensiones. Ergo non omnes appetunt pacem.

3. Praeterea. Solum bonum est appetibile. Sed quaedam pax videtur esse mala; alioquin Dominus non diceret Matth. 2. 34. *Non veni mittere pacem*. Ergo non omnia pacem appetunt.

4. Praeterea. Illud quod omnia appetunt, videtur esse summum bonum, quod est ultimus finis. Sed pax non est huiusmodi, quia etiam in statu viæ habetur: alioquin frustra Dominus mandaret Marc. 16. 49. *Pacem habete inter vos*. Ergo non omnia pacem appetunt.

Sed contra est quod Augustinus dicit XIX. de civit. Dei (cap. xii. & xiv. in princ.) quod *omnia pacem appetunt*. Et idem etiam dicit Dionysius cap. xi. de div. Nom. (lect. 2. & 3.)

Respondeo dicendum, quod ex hoc ipso quod homo aliquid appetit, consequens est ipsum appetere eius quod appetit, affectionem; & per consequens remotionem eorum quae affectionem impedire possunt. Potest autem impediri affectio boni desiderati per contrarium appetitum vel superius, vel alterius: & utrumque tollitur per pacem, sicut supra dictum est (art. praec.)

Et ideo necesse est quod omne appetens appetat pacem, inquantum scilicet omne appetens appetit tranquille, & sine impedimento pervenire ad id quod appetit, in quo consistit ratio pacis, quam Augustinus (Lib. XIX. de civ. Dei cap. xiii. cir. princ.) definit *tranquillitatem ordinis*.

Ad primum ergo dicendum, quod pax importat unionem non solum appetitus intellectualis, seu rationalis, aut animalis, ad quos potest pertinere consensus, sed etiam appetitus naturalis: & ideo Dionysius dicit, quod *pax est operativa & consensus, & connaturalitatis*; ut in consensu importetur unio appetituum ex cognitione procedentium, per connaturalitatem autem importetur unio appetituum naturalium.

Ad secundum dicendum, quod illi etiam qui bella quaerunt, & dissensiones, non desiderant nisi pacem, quam se habere non existimant. Ut enim dictum est (in corp. art.) non est pax, si quis cum alio concordet contra id quod ipse magis vellet. Et ideo homines quaerunt hanc concordiam rumpere bellando, tamquam deicctum pacis habentem, ut ad pacem perveniant, in qua nihil eorum voluntati repugnet. Et propter hoc omnes bellantes quaerunt per bella ad pacem aliquam pervenire perfectiorem quam prius haberent.

Ad tertium dicendum, quod pax consistit in quietatione, & unionem appetitus. Sicut autem appetitus potest esse simpliciter boni, vel boni apparentis; ita etiam & pax potest esse & vera, & apparens. Vera quidem pax non potest esse nisi circa appetitum veri boni: quia omne malum, etsi secundum aliquid appareat bonum, unde ex aliqua parte appetitum quietet; habet tamen multos doctus, ex quibus appetitus remanet inquietus, & perturbatus. Unde pax vera non potest esse nisi in bonis; & bonorum. Pax autem, quae malorum est, est pax apparens, & non vera: unde dicitur Sap. xiv. 22. *In magno viventes insciant*.

*scientie bello, tot, & tam magna mala pacem appellant.*

Ad quartum dicendum, quod cum vera pax non sit nisi de bono, sicut dupliciter habetur verum bonum, scilicet perfecte, & imperfecte; ita est duplex pax vera. Una quidem perfecta, quæ consistit in perfecta fructione summi boni, per quam omnes appetitus unione quietati in uno; & hic est ultimus finis creaturæ rationalis, secundum illud Psal. cxlviii. 14. *Qui posuit fines tuos pacem.* Alia vero est pax imperfecta, quæ habetur in hoc mundo: quia est principalis animæ motus quielat in Deo; sunt tamen aliqua repugnantia & intus, & extra, quæ perturbant hanc pacem.

### ARTICULUS III. 175

*Utrum pax sit proprius effectus caritatis.*

III. P. quæst. lxxxix. art. 7. cor. & mal. quæst. x. art. 2. cor. & vir. quæst. 11. art. 2. ad. 3. & opus. 14. cap. 11.

**A**D tertium sic proceditur. Videtur quod pax non sit proprius effectus caritatis. Caritas enim non habetur sine gratia gratum faciente. Sed pax a quibusdam habetur qui non habent gratiam gratum facientem, sicut & Gentiles aliquando habent pacem. Ergo pax non est effectus caritatis.

2. Præterea. Illud non est effectus caritatis, cuius contrarium cum caritate esse potest. Sed dissensio, quæ contrariatur paci, potest esse cum caritate: videmus enim quod etiam sacri Doctores, ut Hieronymus, & Augustinus, in aliquibus opinionibus dissenserunt (ut videre est epist. xxviii. xl. lxxi. al. viii. ix. xi. inter op. Aug.) Paulus etiam, & Barnabas dissensisse leguntur Act. xv. Ergo videtur quod pax non sit effectus caritatis.

3. Præterea. Idem non est proprius effectus diversorum. Sed pax est effectus iustitiæ, secundum illud Isa. xxxii. 17. *Et erit opus iustitiæ pax.* Ergo non est effectus caritatis.

Sed contra est quod dicitur in Psal. cxviii. 165. *Pax multa diligentibus legem tuam.*

Respondeo dicendum, quod duplex unio est de ratione pacis, sicut dictum est (art. 1. huius quæst.) Quarum una est secundum ordinationem propriorum appetituum in unum; alia vero est secundum unionem appetitus proprii cum appetitu

alterius: & utramque unionem efficit caritas. Primam quidem unionem, secundum quod Deus diligitur ex toto corde, ut scilicet omnia referamus in ipsum; & sic omnes appetitus nostri feruntur in unum. Aliam vero, prout diligimus proximum sicut nosipsum; ex quo contingit quod homo vult implere voluntatem proximi, sicut & suipsum: & propter hoc inter amabilia unum ponitur *identitas electionis*, ut patet in IX. Ethicor. (cap. iv. a princ.) & Tullius dicit in Lib. de amicitia (ante med.) quod *amicorum est idem velle, & nolle.*

Ad primum ergo dicendum, quod a gratia gratum faciente nullus deficit nisi propter peccatum; ex quo contingit quod homo sit aversus a fine debito, in aliquo indebito finem constituens: & secundum hoc appetitus eius non inhaeret principaliter vero finali bono, sed apparenti. Et propter hoc sine gratia gratum faciente non potest esse vera pax, sed solum apparens.

Ad secundum dicendum, quod, sicut Philosophus dicit in IX. Ethicor. (cap. vi. in princ.) ad amicitiam non pertinet concordia in opinionibus, sed concordia in bonis consentientibus ad vitam, præcipue in magnis: quia dissentire in aliquibus parvis quasi non videtur esse dissensus. Et propter hoc nihil prohibet aliquos caritatem habentes in opinionibus dissentire. Nec hoc repugnat paci: quia opiniones pertinent ad intellectum, qui præcedit appetitum, qui per pacem unitur. Similiter etiam existente concordia in principalibus bonis, dissensio in aliquibus parvis non est contra caritatem: procedit enim talis dissensio ex diversitate opinionum; dum unus æstimat hoc de quo est dissensio, pertinere ad illud bonum, in quo conveniunt, & alius æstimat non pertinere. Et secundum hoc talis dissensio de minimis, & de opinionibus repugnat quidem paci perfecte, in qua plena veritas cognoscitur, & omnis appetitus complebitur; non tamen repugnat paci imperfectæ, qualis habetur in via.

Ad tertium dicendum, quod pax est opus iustitiæ indirecte, inquantum scilicet removet prohibens; sed est opus caritatis directe, quia secundum propriam rationem caritas pacem causat. Est enim amor *vis unitiva*, ut Dionysius dicit iv. cap. de div. Nom. (part. 2. lect. 9.) Pax autem est unio appetitivarum inclinationum.

## ARTICULUS IV. 176

*Utrum pax sit virtus.*

**A**D quartum sic proceditur. Videtur quod pax sit virtus. Præcepta enim non dantur nisi de actibus virtutum. Sed dantur præcepta de habenda pace, ut patet Marci ix. 49. *Pacem habete inter vos.* Ergo pax est virtus.

2. Præterea. Non meremur nisi per actus virtutum. Sed facere pacem est meritum, secundum illud Matth. v. 9. *Beati pacifici, quoniam filii Dei vocabuntur.* Ergo pax est virtus.

3. Præterea. Vitia virtutibus opponuntur. Sed dissensiones, quæ opponuntur paci, numerantur inter vitia, ut patet ad Galat. v. Ergo pax est virtus.

Sed contra. Virtus non est finis ultimus, sed via in ipsum. Sed pax est quodammodo finis ultimus, ut Augustinus dicit XIX. de civit. Dei (cap. xi.) Ergo pax non est virtus.

Respondeo dicendum, quod, sicut supra dictum est (quæst. præc. art. 4.) cum omnes actus se invicem consequantur, secundum eandem rationem ab agente procedentes, omnes huiusmodi actus ab una virtute procedunt; nec habent singuli singulas virtutes, a quibus procedant, ut patet in rebus corporalibus. Quia enim ignis calefaciendo liquefacit, & rarefacit, non est in igne alia virtus liquefactiva, & alia rarefactiva; sed omnes actus hos operatur ignis per unam suam virtutem calefactivam.

Cum ergo pax causetur ex caritate secundum ipsam rationem dilectionis Dei, & proximi, ut ostensum est (art. præc.) non est alia virtus cuius pax sit actus proprius, nisi caritas; sicut etiam de gaudio dictum est (quæst. præc. art. 4.)

Ad primum ergo dicendum, quod id eo præceptum datur de pace habenda, quia est actus caritatis; & propter hoc etiam est actus meritorius. Et ideo ponitur inter beatitudines, quæ sunt actus virtutis perfectæ, ut supra dictum est (1. 2. quæst. lxxix. art. 1. & 3.) Ponitur etiam inter fructus, in quantum est quoddam finale bonum, spirituales dulcedinem habens.

Et per hoc patet solutio ad secundum.

Ad tertium dicendum, quod uni virtuti multa vitia opponuntur secundum diversos actus eius: & secundum hoc ca-

ritati non solum opponitur odium ratione actus dilectionis, sed etiam accidia, vel invidia ratione gaudii, & dissensio ratione pacis.

## QUAESTIO XXX.

*de misericordia,*

*in quatuor articulos divisa.*

**P**ostea considerandum est de misericordia: & circa hoc quaeruntur quatuor. Primo, utrum malum sit causa misericordiae ex parte eius cuius miseremur. Secundo, quorum sit misereri.

Tertio, utrum misericordia sit virtus.

Quarto, utrum sit maxima virtutum.

## ARTICULUS I. 177

*Utrum malum sit proprie motivum ad misericordiam.*

**A**D primum sic proceditur. Videtur quod malum non proprie sit motivum ad misericordiam. Ut enim supra ostensum est (quæst. xix. art. 1. & 1. 2. quæst. lxxix. art. 1. ad 4. & 1. P. quæst. xlviii. art. 6.) culpa est magis malum quam poena. Sed culpa non est provocativum ad misericordiam, sed magis ad indignationem. Ergo malum non est misericordiae provocativum.

2. Præterea. Ea quæ sunt crudelia, seu dira, videntur quendam excessum mali habere. Sed Philosophus dicit in II. Rhetor. (cap. viii. a med.) quod *dirum est aliud a miserabili, & expulsum miserationis.* Ergo malum, in quantum huiusmodi, non est motivum ad misericordiam.

3. Præterea. Signa malorum non vere sunt mala. Sed signa malorum (a) magis provocant ad misericordiam, ut patet per Philosophum in II. Rhetor. (loc. cit.) Ergo malum non est proprie provocativum misericordiae.

Sed contra est quod Damascenus dicit in II. Lib. (orth. Fid. cap. xiv.) quod *misericordia est species tristitiae.* Sed motivum ad tristitiam est malum. Ergo motivum ad misericordiam est malum.

Respondeo dicendum, quod, sicut Augustinus dicit IX. de civ. Dei (cap. v. ante med.) *misericordia est alienae miseriae in nostro corde compassio: qua utique, si possumus, subvenire compellimur.* Dicitur enim misericordia ex eo quod aliquis

(a) Ita edidi omnes cum nonnullis codicibus. Codd. Camer. & Alcan. omittunt magis, optimo.

quis habet miserum cor super miseria alterius. Miseria autem felicitati opponitur. Est autem de ratione beatitudinis, sive felicitatis, ut aliquis potiatur eo (a) quod vult. Nam, sicut Angustinus dicit XIII. de Trinit. (cap. v. in fi.) *beatus est qui habet omnia quae vult, & nihil (b) male vult.* Et ideo e contrario ad miseriam pertinet ut homo patiarur quae non vult.

Triplex autem aliquis vult aliquid: uno quidem modo appetitu naturali, sicut omnes homines volunt esse, & vivere; alio modo homo vult aliquid per electionem ex aliqua praemeditatione; tertio modo homo vult aliquid non secundum se, sed in causa sua, puta qui vult comedere nociva, quodammodo dicimus eum velle infirmari.

Sic ergo motivum misericordiae est tamquam ad miseriam pertinens. Primo quidem illud quod contrariatur appetitui naturali voluntatis, scilicet mala corruptiva, & contristantia: quorum contraria homines naturaliter appetunt: unde Philosophus dicit in II. Rhetor. (cap. viii. in princ.) quod *miser cordia est tristitia quaedam super apparenti malo corruptivo, vel contristativo.* Secundo huiusmodi magis efficiuntur ad misericordiam provocantia, si sunt contra voluntatem electionis: unde & Philosophus ibidem dicit, quod *illa mala sunt miseria quorum fortuna est causa*; ut puta cum aliquod malum evenit, unde sperabatur bonum. Tertio autem sunt adhuc magis miseria, si sunt contra totam voluntatem; puta si aliquis semper sectatus est bona, & eveniunt ei mala. Et ideo Philosophus dicit in eodem Libro (ibid.) quod *miser cordia est maxime super malis eius qui indignus patitur.*

Ad primum ergo dicendum, quod de ratione culpae est quod sit voluntaria: & quantum ad hoc non habet rationem miserabilis, sed magis rationem puniendi. Sed quia culpa potest esse aliquo modo poena, in quantum scilicet habet aliquid annexum quod est contra voluntatem peccantis, secundum hoc potest habere rationem miserabilis: & secundum hoc miseremur, & compatimur peccantibus, sicut Gregorius dicit in quadam homilia (xxxiv. in Evang. parum a princ.) quod *vera iustitia non habet designationem, scilicet ad peccatores, sed compas-*

*sionem*: & Matth. ix. 36. dicitur: *Videns Iesus turbas miseris est eis, quia erant vexati, & iacentes, sicut oves non habentes pastorem.*

Ad secundum dicendum, quod quia misericordia est compassio miseriae alterius, proprie misericordia est ad alterum, non autem ad seipsum, nisi secundum quamdam similitudinem; sicut & iustitia, secundum quod in homine considerantur diversae partes, ut dicitur in V. Ethic. (cap. ult.) Et secundum hoc dicitur Eccli. xxx. 24. *Miserere animae tuae placens Deo.* Sicut ergo misericordia non est proprie ad seipsum, sed doctor, puta cum patimur aliquid crudele in nobis; ita etiam si sint aliquae personae ita nobis coniunctae, ut sint quasi aliquid nostri, puta filii, aut parentes, in eorum malis non miseremur, sed dolemus, sicut in vulneribus propriis: & secundum hoc Philosophus dicit, quod *durum est expulsivum miserationis.*

Ad tertium dicendum, quod sicut ex spe, & memoria bonorum sequitur delectatio; ita (c) ex spe, & memoria malorum sequitur tristitia; non tamen tam vehemens, sicut ex sensu praesentium. Et ideo signa malorum, in quantum repraesentant nobis mala miseria, sicut praesentia, commovent ad miserandum.

## ARTICULUS II. 178

*Utrum defectus sit ratio miserendi ex parte miserantis.*

III. dist. xxviii. qu. 111. art. 3. cor.

**A**D secundum sic proceditur. Videtur quod defectus non sit ratio miserendi ex parte miserantis. Proprium enim Dei est misereri, unde dicitur in Psal. cxlv. 9: *Miserationes eius super omnia opera eius.* Sed in Deo nullus est defectus. Ergo defectus non potest esse ratio miserendi.

2. Praeterea. Si defectus est ratio miserendi, oportet quod illi qui sunt maxime cum defectu, maxime miserentur. Sed hoc est falsum: dicit enim Philosophus in II. Rhetor. (cap. viii. cir. princ.) quod *qui ex toto perierunt, non miserentur.* Ergo videtur quod defectus non sit ratio miserendi ex parte miserantis.

3. Praeterea. Sustinere aliquam contumeliam ad defectum pertinet. Sed Philosopho

(a) Ita videlicet. Edisti omnes: quod vult, & quod pertinet ad iustitiam. (b) Al. mali. (c) Scilicet ex metu.



Iosophus dicit ibidem, quod illi qui sunt in contumeliativa dispositione, non misereantur. Ergo defectus ex parte miserentis non est ratio miserendi.

Sed contra est quod misericordia est tristitia quædam. Sed defectus est ratio tristitiæ: unde infirmi facilius contristantur, ut infra dicitur (quæst. xxxv. art. 1. ad 2.) Ergo ratio miserendi est defectus miserentis.

Respondeo dicendum, quod cum misericordia sit compassio super miseria aliena, ut dictum est (art. præc.) ex hoc quod aliquis misereatur ex quo contingit quod de miseria aliena doleat. Quia autem tristitia, seu dolor est de proprio malo, in tantum aliquis de miseria aliena tristatur, aut dolet, in quantum miseriam alienam apprehendit ut suam.

Hoc autem contingit dupliciter. Uno modo secundum unionem affectus; quod fit per amorem. Quia enim amans reputat amicum tamquam seipsum, malum ipsius reputat tamquam suum malum: & ideo dolet de malo amici sicut de suo. Et inde est quod Philosophus in IX. Ethic. (cap. iv. cir. princ.) inter alia amabilia ponit hoc quod est condolare amico: & Apostolus dicit ad Rom. xii. 15. *Gaudete cum gaudentibus, flete cum fientibus*. Alio modo contingit secundum unionem realem, utpote cum malum aliquorum propinquum est, ut ab eis ad nos transeat: & ideo Philosophus dicit in II. Rhetoric. (cap. vii.) quod homines misereantur super illos qui sunt eis coniuncti, & similes: quia per hoc fit eis æstimatio quod ipsi etiam possint similia pati. Et inde est etiam quod senes, & sapientes, qui considerant se posse in mala incidere, & debiles, & formidolosi sunt magis misericordes. E contrario autem illi qui reputant se esse felices, & in tantum potentes quod nihil mali putant se posse pati, non ita commiserentur.

Sic ergo semper defectus est ratio miserendi, vel inquantum aliquis defectum alicuius reputat suum propter unionem amoris, vel propter possibilitatem similia patiendi.

Ad primum ergo dicendum, quod Deus non miseretur nisi propter amorem, inquantum amat nos tamquam aliquid sui.

Ad secundum dicendum, quod illi qui iam sunt in infinitis malis, non timent

se ulterius pati aliquid; & ideo non misereantur: similiter etiam nec illi qui valde timent, quia tantum intendunt propriæ passioni, quod non attendunt miserie alienæ.

Ad tertium dicendum, quod illi qui sunt in contumeliativa dispositione, sive quia sint contumeliosi passi, sive quia velint contumeliam inferre, provocantur ad iram, & ad aduaciam; quæ sunt quædam passiones virilitatis, extollentes animum hominis ad arduum: unde inserunt homini æstimationem (a) quod sit aliquid in futurum passurus. Unde tales, dum sunt in hac dispositione, non misereantur, secundum illud Proverb. xxvii. 4. *Ira non habet misericordiam, neque erumpens furor*. Et ex similitudine superbi non misereantur, qui contemnunt alios, & reputant eos malos: unde reputant quod digne patiantur quicquid patiuntur. Unde & Gregorius dicit (hom. xxxiv. in Evang. psalm. a princ.) quod *falsa iustitia*, scilicet superbiorum, non habet compassionem, sed dedignationem.

## ARTICULUS III. 179

*Utrum misericordia sit virtus.*

1. 2. quæst. lix. art. 1. ad 3. & III. dist. xxiii. quæst. lxx. art. 3. quæst. 2. ad 2. & mal. quæst. x. art. 2. ad 8.

**A**D tertium sic proceditur. Videtur quod misericordia non sit virtus. Principale enim in virtute est electio, ut patet per Philosophum in II. Ethic. (cap. v. a med.) Electio autem est appetitus præconscripti, ut in eodem Lib. (vel potius Lib. III. cap. xii. in fi.) dicitur. Id ergo quod impedit consilium, non potest dici virtus. Sed misericordia impedit consilium, secundum illud Sallusti (in Catil. in princ. Orat. Cæsar.) *Omnes homines qui de rebus dubiis consultant, ab ira, & misericordia vacuos esse decet: non enim animus facile verum providet, ubi ista officiant*. Ergo misericordia non est virtus.

2. Præterea. Nihil quod est contrarium virtuti, est laudabile. Sed nemesis contrariatur misericordiae, ut Philosophus dicit in II. Rhet. (cap. ix. in princ.) Nemesis autem est passio laudabilis, ut dicitur in II. Rhet. (ibid.) Ergo misericordia non est virtus.

3. Præ-

(a) Ita mss. & edisi passim. Theologi negantem particulam omissem a scribis putant: unde habet editio Patav. 1712. non sit aliquid &c.

3. Præterea. Gaudium, & pax non sunt speciales virtutes, quia consequuntur ex caritate, ut supra dictum est (quæst. xxviii. art. 4. & quæst. xxxix. art. 4.) Sed etiam misericordia consequitur ex caritate: sic enim ex caritate stemus cum fletibus, sicut gaudemus cum gaudentibus. Ergo misericordia non est specialis virtus.

4. Præterea. Cum misericordia ad vim appetitivam pertineat, non est virtus intellectualis, nec est virtus theologica, cum non habeat Deum pro obiecto: similiter etiam non est virtus moralis, quia nec est circa operationes (hoc enim pertinet ad iustitiam) nec est circa passionem, non enim reducitur ad aliquam duodecim medietatum, quas Philosophus ponit in II. Ethic. (cap. vii.) Ergo misericordia non est virtus.

Sed contra est quod Augustinus dicit in IX. de civit. Dei (cap. v. ante med.) *Longe melius, & humanius, & pius sensibus accommodatus Cicero in Caesaris laude locutus est, ubi ait: Nulla de virtutibus tuis nec admirabilior, nec gratior misericordia est.* Ergo misericordia est virtus.

Respondeo dicendum, quod misericordia importat dolorem de miseria aliena. Iste autem dolor potest nominare uno quidem modo motum appetitus sensitivi; & secundum hoc misericordia passio est, & non virtus: alio vero modo potest nominare motum appetitus intellectivi, secundum quod alicui displicet malum alterius. Hic autem motus potest esse secundum rationem regulatus; & potest secundum hunc motum ratione regulatum regulari motus inferioris appetitus. Unde Augustinus dicit in IX. de civit. Dei (cap. v. cir. medi.) quod *iste motus animi*, scilicet misericordia, *servit rationi*, quando ita præbetur misericordia, ut conservetur iustitia, sive cum indigenti tribuitur, sive cum ignoscitur penitenti. Et quia ratio virtutis humanæ consistit in hoc quod motus animi ratione regulatur, ut ex superioribus patet (1. 2. quæst. lxx. art. 4. & 5.) consequens est misericordiam esse virtutem.

Ad primum ergo dicendum, quod auctoritas illa Sallustii intelligitur de misericordia, secundum quod est passio ratione non regulata: sic enim impedit consilium rationis, dum facit a iustitia discedere.

Ad secundum dicendum, quod Philosophus loquitur ibi de misericordia, &

nemesis, secundum quod utrumque est passio; & habent quidem contrarietatem ex parte affectionis quam habent de malis alienis; de quibus misericors dolet, inquantum æstimat aliquem indigna pati, nemeticus autem gaudet, inquantum æstimat aliquos digne pati, & tristatur, si indignus bene accidat: & utrumque est laudabile, & ab eodem more descendens, ut ibidem dicitur. Sed proprie misericordiae opponitur invidia, ut infra dicitur (quæst. xxxvi. art. 3.)

Ad tertium dicendum, quod gaudium, & pax nihil addiunt super rationem boni, quod est obiectum caritatis: & ideo non requirunt alias virtutes quam caritatem. Sed misericordia respicit quandam specialem rationem, scilicet miseriam eius cuius miseretur.

Ad quartum dicendum, quod misericordia, secundum quod est virtus, est virtus moralis circa passionem exilientem; & reducitur ad illam medietatem quæ dicitur nemesis, quia ab eodem more procedunt, ut in II. Rhet. (cap. ix. in princ.) dicitur. Has autem medietates Philosophus non ponit virtutes, sed passiones: quia etiam secundum quod sunt passionem, laudabiles sunt. Nihil tamen prohibet quin ab aliquo habita electivo proveniant; & secundum hoc assumunt rationem virtutis.

#### ARTICULUS IV. 180

*Utrum misericordia sit maxima virtutum.*

**A**D quartum sic proceditur. Videtur quod misericordia sit maxima virtutum. Maxime enim ad virtutem pertinere videtur cultus divinus. Sed misericordia cultui divino præsertur, secundum illud Osee vi. & Matth. xii. 7. *Misericordiam volo, & non sacrificium.* Ergo misericordia est maxima virtus.

2. Præterea. Super illud I. ad Tim. iv. *Pietas ad omnia utilis est*, dicit Glossa Ambrosii: „Omnia summa dilectionis christianæ in misericordia, & pietate est.“ Sed disciplina christiana continet omnem virtutem. Ergo summa totius virtutis in misericordia consistit.

3. Præterea. Virtus est quæ bonum facit habentem. Ergo tanto aliqua virtus est melior, quanto facit hominem Deo familiorem, quia per hoc melior est homo quod Deo est similior. Sed hoc maxime facit misericordia: quia de Deo dicitur in Psal. cxlv. 9. quod *miseratio*

*nes eius sunt super omnia opera eius:* unde & Lucae vi. 36. Dominus dicit: *Esote misericordes, sicut & Pater vester misericors est.* Misericordia igitur est maxima virtutum.

Sed contra est quod Apostolus ad Coloss. iii. 14. cum dixisset, *Induite vos, sicut dilecti Dei, viscera misericordiae &c.* postea subdit: *Super omnia caritatem habete.* Ergo misericordia non est maxima virtutum.

Respondeo dicendum, quod aliqua virtus potest esse maxima dupliciter: uno modo secundum se; alio modo per comparationem ad habentem.

Secundum se quidem misericordia maxima est: pertinet enim ad misericordiam quod aliis effundat, &, quod plus est, quod defectus aliorum subleuet; & hoc maxime superioris est. Unde & misereri ponitur proprium Deo; & in hoc maxime dicitur eius omnipotentia manifestari.

Sed quoad habentem misericordia non est maxima, nisi ille qui habet, sit maximus, qui nullum supra se habeat, sed omnes sub se. Ei enim qui supra se aliquem habet, maius est, & melius coniungi superiori quam supplere defectum inferioris. Et ideo quantum ad hominem, qui habet Deum superiorem, caritas, per quam Deus unitur, est potior quam misericordia, per quam defectus proximorum supplet. Sed inter omnes virtutes quae ad proximum pertinent, potissima est misericordia, sicut etiam est potioris actus: nam supplere defectum alterius, in quantum est huiusmodi, est superioris, & melioris.

Ad primum ergo dicendum, quod Deum non colimus per exteriora sacrificia, aut munera propter ipsum, sed propter nos, & propter proximos. Non enim indiget sacrificiis nostris; sed vult sibi ea offerri propter nostram devotionem, & proximorum utilitatem. Et ideo misericordia, qua subvenitur defectibus aliorum, est sacrificium ei magis acceptum, ut pote propinquius utilitatem proximorum inducens, secundum illud Hebr. ult. 16. *Beneficentiae, & communionis nolite oblivisci: talibus enim hostias promeretur Deus.*

Ad secundum dicendum, quod summa religionis christianae in misericordia consistit, quantum ad exteriora opera; interior tamen affectio caritatis, qua coniungimur Deo, praeponderat & dilectioni, & misericordiae in proximos.

*S. Tb. Oper. Tom. XXII.*

(a) *Pulchre donabis.*

Ad tertium dicendum, quod per caritatem assimilamur Deo, tamquam ei per affectum uniti: & ideo potior est quam misericordia, per quam assimilamur Deo secundum similitudinem operationis.

## QUAESTIO XXXI.

*De beneficentia,*

*in quatuor articulos divisa.*

**D**Einde considerandum est de exterioribus actibus, vel effectibus caritatis: & primo de beneficentia; secundo de elemosyna, quae est quaedam pars beneficentiae; tertio de correctione fraterna, quae est quaedam elemosyna.

Circa primum quaeruntur quatuor.

Primo, utrum beneficentia sit actus caritatis.

Secundo, utrum sit omnibus benefaciendum.

Tertio, utrum magis coniunctis sit magis benefaciendum.

Quarto, utrum beneficentia sit virtus specialis.

## ARTICULUS I. 181

*Utrum beneficentia sit actus caritatis.*

**A**D primum sic proceditur. Videtur quod beneficentia non sit actus caritatis. Caritas enim maxime habetur ad Deum. Sed ad Deum non possumus esse beneficii, secundum illud Iob xxxv. 7. *Quid (a) dabis ei? aut quid de manu sua accipiet?* Ergo beneficentia non est actus caritatis.

2. Praeterea. Beneficentia maxime consistit in collatione donorum. Sed hoc pertinet ad liberalitatem. Ergo beneficentia non est actus caritatis, sed liberalitatis.

3. Praeterea. Quod quis dat, vel dat sicut debitum, vel dat sicut non debitum. Sed beneficium quod impenditur tamquam debitum, pertinet ad iustitiam; quod autem impenditur tamquam non debitum, gratis datur, & secundum hoc pertinet ad misericordiam. Ergo omnis beneficentia vel est actus iustitiae, vel est actus misericordiae. Non est ergo actus caritatis.

Sed contra. Caritas est amicitia quaedam, ut dictum est (quæst. xxiii. art. 1.) Sed Philo sophus in IX. Ethic. (cap. iv.) inter alios amicitiae actus ponit hoc unum

M unum

num quod est *operari bonum ad amicos* : quod est amicis benefacere. Ergo beneficentia est actus caritatis.

Respondeo dicendum, quod beneficentia nihil aliud importat quam facere bonum alicui. Potest autem hoc bonum considerari dupliciter. Uno modo secundum communem rationem boni; & hoc pertinet ad communem rationem beneficentiae; & hoc est actus amicitiae, & per consequens caritatis. Nam in actu dilectionis includitur benevolentia, per quam vult aliquis bonum amico, ut supra habitum est (quaest. xxiii. art. 1. & quaest. xxvii. art. 2.) Voluntas autem est effectiva eorum quae vult, si facultas adfit; & ideo ex consequenti benefacere amico ex actu dilectionis consequitur. Et propter hoc beneficentia secundum communem rationem est amicitiae, vel caritatis actus.

Si autem bonum quod quis facit alteri, accipitur sub aliqua speciali ratione boni, sic beneficentia accipiet specialem rationem, & pertinebit ad aliquam specialem virtutem.

Ad primum ergo dicendum, quod, sicut Dionysius dicit iv. cap. de div. Nom. (part. i. left 9.) *amem movet coordinata ad mutuum habitudinem; & interiora convertit in superiora, ut ab eis perficiantur; & superiora movet ad inferiorum provisionem*: & quantum ad hoc beneficentia est effectus dilectionis. Et ideo nostrum non est Deo benefacere, sed eum honorare, nos ei subiciendo; eius autem est ex sua dilectione nobis benefacere.

Ad secundum dicendum, quod in collatione donorum duo sunt attendenda: quorum unum est exterius datum; aliud autem est interior passio, quam habet quis ad divitias, in eis delectatus. Ad liberalitatem autem pertinet moderari interiorem passionem, ut scilicet aliquis non superexcedat concupiscendo, & amando divitias: ex hoc enim efficitur homo facile emissivus divitiarum. Unde si homo det aliquod donum magnum, & tamen cum quadam concupiscentia retinendi, datio non est liberalis. Sed ex parte exterioris dati, collatio beneficii pertinet in generali ad amicitiam, vel caritatem. Unde hoc non derogat amicitiae, si aliquis rem quam concupiscit retinere, dat alteri propter amorem; sed magis ex hoc ostenditur amicitiae perfectio.

Ad tertium dicendum, quod sicut ami-

citia, seu caritas respicit in beneficio collato communem rationem boni; ita iustitia respicit ibi rationem debiti; misericordia vero respicit ibi rationem relevantis miseriam, vel defectum.

## ARTICULUS II.

182

*Utrum sit omnibus benefaciendum.*

IV. dist. xv. quaest. 11. art. 6. & opusc. iv. cap. viii.

**A**D secundum sic proceditur. Videtur quod non sit omnibus benefaciendum. Dicit enim Augustinus in I. de doctrina christi (cap. xxviii. in princ.) quod *omnibus prodesse non possumus*. Sed virtus non inclinatur ad impossibile. Ergo non oportet omnibus benefacere.

2. Praeterea. Eccle. xii. 5. dicitur: *Da bono, & non recipias peccatorem*. Sed multi homines sunt peccatores. Non ergo omnibus est benefaciendum.

3. Praeterea. *Caritas non agit perperam*, ut dicitur I. ad Cor. xiii. 4. Sed benefacere quibusdam est agere perperam, puta si aliquis beneficiat inimicis Reipublicae, vel si beneficiat excommunicato, quia per hoc ei communicatur. Ergo cum benefacere sit actus caritatis, non est omnibus benefaciendum.

Sed contra est quod Apostolus dicit ad Galat. ult. 10. *Dum tempus habemus, operemur bonum ad omnes*.

Respondeo dicendum, quod, sicut supra dictum est (art. praec. ad 1.) beneficentia consequitur amorem ex ea parte qua movet superiora ad provisionem inferiorum.

Gradus autem in hominibus non sunt immutabiles, sicut in Angelis: quia homines possunt pari multiplices delectus: unde qui est superior secundum aliquid, vel est, vel potest esse inferior secundum aliud.

Et ideo cum dilectio caritatis se extendat ad omnes, etiam beneficentia se debet extendere ad omnes, pro loco tamen, & tempore. Omnes enim actus virtutum sunt secundum debitas circumstantias limitandi.

Ad primum ergo dicendum, quod simpliciter loquendo, non possumus omnibus benefacere in speciali; nullus tamen est de quo non possit occurrere casus in quo oporteat ei benefacere etiam in speciali: & ideo caritas requirit ut homo etiam si non actu aliquibus beneficiat, habeat tamen hoc in animi sui preparatione.

tione ut beneficiat cuicumque, si tempus adest. Aliquod tamen beneficium est quod possumus omnibus impendere, si non in speciali, saltem in generali, sicut cum oramus pro omnibus fidelibus, & infidelibus.

Ad secundum dicendum, quod in peccatore duo sunt, scilicet culpa, & natura. Est ergo subveniendum peccatori quantum ad sustentationem naturæ; non est autem ei subveniendum ad fomentum culpæ: hoc enim non esset benefacere, sed potius malefacere.

Ad tertium dicendum, quod excommunicatis, & Republicæ hostibus sunt beneficia subtrahenda, in quantum per hoc arcentur a culpa. Si tamen immineret necessitas, ne natura deficeret, esset eis subveniendum; debito tamen modo, puta ne tamen, aut siti morentur, aut aliquod huiusmodi dispendium, nisi secundum ordinem iustitiæ, pateantur.

## ARTICULUS III. 183

*Utrum sit magis benefaciendum his qui sunt nobis magis coniuncti.*

*Inf. quæst. xxxiii. art. 9. & IV. dist. xv. quæst. 11. art. 6. quæst. 3. & quæst. xv. art. 15.*

**A**D tertium sic proceditur. Videtur quod non sit magis benefaciendum his qui sunt nobis magis coniuncti. Dicitur enim Luc. xiv. 12. *Cum facis prandium, aut cœnam, noli vocare amicos tuos, neque fratres, neque cognatos.* Sed isti sunt magis coniuncti. Ergo non est magis benefaciendum coniunctis, sed potius extraneis, & indigentibus: sequitur enim: *Sed cum facis convivium, voca pauperes, & debiles &c.*

2. Præterea. Maximum beneficium est quod homo aliquem in bello adiuvet. Sed miles in bello magis debet iuvare extraneum commilitonem quam consanguineum hostem. Ergo beneficia non sunt magis exhibenda magis coniunctis.

3. Præterea. Prius sunt debita restituenda quam gratuita beneficia impendenda. Sed debitum est quod aliquis impendat beneficium ei a quo accepit. Ergo benefactoribus magis est benefaciendum quam propinquis.

4. Præterea. Magis sunt diligendi parentes quam filii, ut supra dictum est (quæst. xxvi. art. 9.) Sed magis est benefaciendum filiis: quia *non debent filii*

*thesaurizare parentibus*, sed e converso, ut dicitur II. ad Corinth. xii. 14. Non est ergo magis benefaciendum magis coniunctis.

Sed contra est quod Augustinus dicit in I. de doctr. christ. (cap. xxviii. in princ.) *Cum omnibus prodesse non possis, his potissimum consulendum est qui pro locorum, & temporum, vel quorumlibet rerum opportunitatibus, conficiunt tibi quasi quadam sorte iunguntur.*

Respondeo dicendum, quod gratia, & virtus imitantur naturæ ordinem, qui est ex divina sapientia institutus. Est autem talis ordo naturæ ut unumquodque agens naturale per prius, & magis diffundat suam actionem ad ea quæ sunt tibi magis propinqua; sicut ignis magis calefacit rem tibi magis propinquam. Et similiter Deus in substantias tibi propinquiores per prius, & copiosius dona suæ bonitatis diffundit, ut patet per Dionysium vii. cap. cæl. Hier. (inter med. & fin.) Exhibito autem beneficiorum est quædam actio caritatis in alios. Et ideo oportet quod ad magis propinquos simus magis beneficii.

Sed propinquitas unius hominis ad alium potest attendi secundum diversa, in quibus tibi ad invicem homines communicant; ut consanguinei in naturali communicatione, concives in civili, fideles in spirituali, & sic de aliis. Et secundum diversas coniunctiones sunt diversimode diversa beneficia dispensanda: nam unicuique est magis exhibendum beneficium pertinens ad illam rem secundum quam est magis nobis coniunctus, simpliciter loquendo. Tamen hoc potest variari secundum diversitatem locorum, & temporum, & negotiorum. Nam in aliquo casu est magis subveniendum extraneo, puta si sit in extrema necessitate, quam etiam patri non tantam necessitatem patienti.

Ad primum ergo dicendum, quod Dominus non prohibet simpliciter vocare amicos, aut consanguineos ad convivium, sed vocare eos ea intentione quod te ipsi reinvent: hoc enim non erit caritatis, sed cupiditatis. Potest tamen contingere quod extranei sint magis invitandi in aliquo casu propter maiorem indigentiam. Intelligendum est enim quod magis coniunctis magis est, ceteris paribus, benefaciendum. Si autem duorum unus est magis coniunctus, & alter magis indigens, non potest universalis regula determinari, cui sit magis subveniendum, quia

quia sunt diversi gradus & indigentiae, & propinquitatis; sed hoc requirit prudentis iudicium.

Ad secundum dicendum, quod bonum multorum commune divinius est quam bonum unius. Unde pro bono communi reipublicae vel spiritali, vel temporali, virtuosum est quod aliquis etiam propriam vitam exponat periculo. Et ideo cum communicatio in bellicis actibus ordinetur ad conservationem reipublicae, in hoc miles impendens commilitoni auxilium, non impendit ei tamquam privatae personae; sed sicut totam reipublicam iuvans; & ideo non est mirum, si in hoc praeretur extraneus coniuncto secundo carnem.

Ad tertium dicendum, quod duplex est debitum. Unum quidem quod non est numerandum in bonis eius qui debet, sed potius in bonis eius cui debetur; puta si aliquis habet pecuniam, aut rem aliam alterius, vel furto sublatam, vel mutuo acceptam, sive depositam, vel aliquo alio simili modo; & quantum ad hoc debet homo prius reddere debitum quam ex eo beneficiare communitis, nisi forte esset tantae necessitatis articulus, in quo etiam liceret ipsi rem alienam accipere ad subveniendum necessitati patienti; nisi forte & ille cui res debetur, in simili necessitate esset: in quo tamen casu pensanda esset utriusque conditio secundum alias condiciones requisitas prudentis iudicio: quia in talibus non potest universalis regula dari propter varietatem singularium casuum, ut Philosophus dicit in IX. Ethic. (cap. 11. in princ.) Aliud autem est debitum quod computatur in bonis eius qui debet, & non eius cui debetur; puta si debeatur non ex iustitiae necessitate, sed ex quadam morali aequitate, ut contingit in beneficiis gratis susceptis. Nullius autem benefactoris beneficium est tantum, sicut parentum: & ideo parentes in recompensandis beneficiis sunt omnibus aliis praefereendi, nisi necessitas ex alia parte praeponderaret, vel alia conditio, puta communis utilitas Ecclesiae, vel reipublicae. In aliis autem est estimatio habenda & coniunctionis, & beneficii suscepti; quae similiter non potest communi regula determinari.

Ad quartum dicendum, quod parentes sunt sicut superiores; & ideo amor parentum est ad beneficiandum, amor autem filiorum ad honorandum parentes: & tamen in necessitatis extremae articulo

magis liceret deferere filios quam parentes, quos nullo modo deferere licet propter obligationem beneficiorum susceptorum, ut patet per Philosophum in VIII. Ethic. (cap. ult. circ. fin.)

## ARTICULUS IV. 184

### *Utrum beneficentia sit virtus specialis.*

**A**D quartum sic proceditur. Videtur quod beneficentia sit specialis virtus. Praecepta enim ad virtutes ordinantur: quia legislatores intendunt facere homines virtuosos, sicut dicitur in II. Ethic. (cap. 1. circ. med. & Lib. I. cap. ix. & xiii.) Sed scilicet datur praecceptum de beneficentia, & de dilectione: dicitur enim Matth. v. 44. *Dilige inimicos vestros, & benefacite his qui oderunt vos.* Ergo beneficentia est virtus distincta a caritate.

2. Praeterea. Vitia virtutibus opponuntur. Sed beneficentiae opponuntur aliqua specialia vitia, per quae nocumtum proximo infertur, puta rapina, furtum, & alia huiusmodi. Ergo beneficentia est specialis virtus.

3. Praeterea. Caritas non distinguitur in multas species. Sed beneficentia videtur distinguere in multas species, secundum diversas beneficiorum species. Ergo beneficentia est alia virtus a caritate.

Sed contra est quod actus interior, & exterior non requirunt diversas virtutes. Sed beneficentia, & benevolentia non differunt nisi sicut actus exterior, & interior: quia beneficentia est executio benevolentiae. Ergo sicut benevolentia non est alia virtus a caritate, ita nec beneficentia.

Respondeo dicendum, quod virtutes diversificantur secundum diversas rationes obiecti. Eadem autem est ratio formalis obiecti caritatis, & beneficentiae: nam utraque respicit rationem communem boni, ut ex praedictis patet (art. 1. huius quaest.) Unde beneficentia non est alia virtus a caritate, sed nominat quandam caritatis actum.

Ad primum ergo dicendum, quod praeccepta non dantur de habitibus virtutum, sed de actibus: & ideo diversitas praecceptorum non significat diversos habitus virtutum, sed diversos actus.

Ad secundum dicendum, quod sicut omnia beneficia proximo exhibita, in quantum considerantur sub communi ratione boni, reducuntur ad amorem; ita omnia nocu-

documenta, in quantum considerantur secundum communem rationem mali, reducuntur ad odium; prout autem considerantur secundum aliquas speciales rationes vel boni, vel mali, reducuntur ad aliquas speciales virtutes, vel vitia: & secundum hoc etiam sunt diversae beneficiorum species.

Unde patet responsio ad tertium.

## QUAESTIO XXXII.

*De elemosyna,  
in decem articulos divisa.*

**D**Einde considerandum est de elemosyna: & circa hoc quaeruntur decem.

Primo, utrum elemosynae largitio sit actus caritatis.

Secundo de distinctione elemosynarum.

Tercio, quae sint potiores elemosynae, utrum spirituales, vel corporales.

Quarto, utrum corporales elemosynae habeant effectum spirituales.

Quinto, utrum dare elemosynas sit in praecepto.

Sexto, utrum corporalis elemosyna sit danda de necessario.

Septimo, utrum sit danda de iniuncto acquirito.

Octavo, quorum sit dare elemosynam.

Nono, quibus sit danda.

Decimo de modo dandi elemosynas.

## ARTICULUS I. 185.

*Utrum dare elemosynam sit actus caritatis.*

*IV. dist. xv. quest. 11. art. 1. quest. 3.*

**A**D primum sic proceditur. Videtur quod dare elemosynam non sit actus caritatis. Actus enim caritatis non potest esse sine caritate. Sed largitio elemosynarum potest esse sine caritate, secundum illud I. ad Corinthe. xiii. 3. *Si distribuero in cibis pauperum omnes facultates meas... caritatem autem non habuero, nihil mihi prodest.* Ergo dare elemosynam non est actus caritatis.

2. Praeterea. Elemosyna computatur inter opera satisfactionis, secundum illud Dan. iv. 24. *Peccata tua elemosinis redime.* Sed satisfactio est actus iustitiae. Ergo dare elemosynam non est actus caritatis, sed iustitiae.

*S. Th. Op. Tom. XXII.*

(a) *Vulgata necessitatem habere.*

3. Praeterea. Offerre hostiam Deo est actus laetitiae. Sed dare elemosynam est offerre hostiam Deo, secundum illud ad Hebr. ult. 16. *Beneficentiae, & communis nolite oblivisci: talibus enim hostias promeretur Deus.* Ergo non est actus caritatis dare elemosynam, sed magis laetitiae.

4. Praeterea. Philosophus dicit in IV. Ethic. (cap. 1.) quod dare aliquid propter bonum est actus liberalitatis. Sed hoc maxime fit in largitione elemosynarum. Ergo dare elemosynam non est actus caritatis.

Sed contra est quod dicitur I. Ioan. 111. 17. *Qui habuerit substantiam huius mundi, & viderit fratrem suum (a) necessitatem patientem, & clausit viscera sua ab eo, quomodo caritas Dei manet in illo?*

Respondendo dicendum, quod exteriores actus ad illam virtutem referuntur ad quam pertinet id quod est motivum ad agendum huiusmodi actus.

Motivum autem ad dandum elemosynas est ut subveniatur necessitati patienti. Unde quidam deficientes elemosynam dicunt, quod elemosyna est opus quo datur aliquid indigenti ex compassione propter Deum: quod quidem motivum pertinet ad misericordiam, ut supra dictum est (quest. xxx. art. 1. & 2.) Unde manifestum est quod dare elemosynam proprie est actus misericordiae. Et hoc apparet ex ipso nomine: nam in graeco *elemosyna* a misericordia derivatur, sicut in latino *miseratio*.

Et quia misericordia est effectus caritatis, ut supra ostensum est (quest. xxx. art. 2 & art. 3. arg. 3.) ex consequenti dare elemosynam est actus caritatis, misericordia mediante.

Ad primum ergo dicendum, quod aliquid dicitur esse actus virtutis dupliciter. Uno modo materialiter, sicut actus iustitiae est facere iusta; & talis actus virtutis potest esse sine virtute: multi enim non habentes habitum iustitiae iusta operantur ex naturali ratione, vel ex timore, sive ex spe aliqui adipiscendi. Alio modo dicitur esse aliquid actus virtutis formaliter, sicut actus iustitiae est actus iustus, eo modo quo iustus facit, scilicet prompte, & delectabiliter: & hoc modo actus virtutis non est sine virtute. Secundum hoc ergo dare elemosynas materialiter potest esse sine caritate; formaliter autem elemosynas da-

M 3 re,

re, idest propter Deum, delectabiliter, & prompte, & omni eo modo quo debet, non est sine caritate.

Ad secundum dicendum, quod nihil prohibet actum qui est proprie unius virtutis elicitive, attribui alteri virtuti sicut imperanti, & ordinanti ad suum finem: & hoc modo dare eleemosynam ponitur inter opera satisfactoria, inquantum miseratio defectum patientis ordinatur ad satisfaciendum pro culpa; secundum autem quod ordinatur ad placandum Deum, habet rationem sacrificii: & sic imperatur a laetitia.

Unde patet responsio ad tertium.

Ad quartum dicendum, quod dare eleemosynam pertinet ad liberalitatem, inquantum liberalitas auferit impedimentum huius actus, quod esse posset ex superfluo amore divitiarum, propter quem aliquis elicetur nimis retentivus earum.

## ARTICULUS II. 186

*Utrum convenienter eleemosynarum genera distinguantur.*

*IV. dist. xv. quest. 11. art. 3. quest. 1. & 2.*

**A**D secundum sic proceditur. Videtur quod inconvenienter eleemosynarum genera distinguantur. Ponuntur enim septem eleemosynae corporales, scilicet pacificare esurientem, potare sitientem, vestire nudum, recolligere hostitem, visitare infirmum, redimere captivum, & sepelire mortuum: quae in hoc versu continentur:

*Visito, poto, cibo, redimo, tego, colligo, condo.*

Ponuntur etiam aliae septem eleemosynae spirituales, scilicet docere ignorantem, contumere dubitantem, consolari tristem, corrigere peccantem, remittere offendentem, portare onerosos, & graves & pro omnibus omne: quae etiam in hoc versu continentur:

*(a) Consule, castiga, solare, remittere, ser, ora.*

Ita tamen quod sub eodem intelligatur consilium, & doctrina. Videtur autem quod inconvenienter huiusmodi eleemosynae distinguantur. Eleemosyna enim ordinatur ad subveniendum proximo. Sed per hoc quod mortuus sepelitur, in nullo ei subvenitur; alioquin non esset verum quod Dominus dicit Matth. x. 28.

*Nolite timere eos qui occidunt corpus, &*

*post hoc non habent amplius quid faciant; unde & Dominus Matth. xxv. commemorans misericordiae opera, de sepultura mortuorum mentionem non facit. Ergo videtur quod inconvenienter huiusmodi eleemosynae distinguantur.*

**2. Præterea.** Eleemosyna datur ad subveniendum necessitatibus proximi, sicut dictum est (art. præc.) Sed multae aliae sunt necessitates humanae vitae quam praedictae, sicut quod caecus indiget ductore, claudus sustentatione, pauper divitiis. Ergo inconvenienter praedictae eleemosynae enumerantur.

**3. Præterea.** Dare eleemosynam est actus misericordiae. Sed corrigere delinquentem magis videtur ad severitatem pertinere quam ad misericordiam. Ergo non debet computari inter spirituales eleemosynas.

**4. Præterea.** Eleemosyna ordinatur ad subveniendum defectui. Sed nullus est homo qui defectum ignorantiae non patitur in aliquibus. Ergo videtur quod quilibet debeat docere quemlibet, si ignoret id quod ipse scit.

Sed contra est quod Gregorius dicit in quadam homil. (ix. in Evang. sub fin.) *Habens intellectum curet omnino ne taceat; habens verum assensum vigilet, ne a misericordiae largitate torpescat; habens artem, qua regitur, magnopere studeat ut usum, atque utilitatem illius cum proximo partiat; habens loquendi locum apud divitem, damnationem pro revento talento timeat, si cum valeat, non apud eum pro pauperibus intercedat.* Ergo praedictae eleemosynae convenienter distinguuntur secundum ea in quibus homines abundant, & deficient.

Respondeo dicendum, quod praedictae eleemosynarum distinctio convenienter sumitur secundum diversos defectus proximorum: quorum quidam sunt ex parte animae; ad quos ordinantur spirituales eleemosynae: quidam vero ex parte corporis; ad quos ordinantur eleemosynae corporales.

Defectus enim corporalis aut est in vita, aut est post vitam. Si quidem est in vita, aut est communis defectus respectu eorum quibus omnes indigent, aut est specialis propter aliquod accidens superveniens. Si primo modo, aut defectus est interior, aut exterior. Interior quidem est duplex. Unus quidem qui subvenitur per alimentum siccum, scilicet fa-

mes;

(a) Ita mss. & edisi. Edit. Patav. ex Nicolai haec ad marginem. Plenius sic. Consule, castiga, doce, solare, remitte, ser, ora.



mes; & secundum hoc ponitur *poscere esurientem*. Alius autem est cui subvenitur per alimentum: humidum, scilicet sitis; & secundum hoc dicitur *potare sitientem*. Defectus autem communis respectu exterioris auxilii est duplex. Unus respectu tegumenti; & quantum ad hoc ponitur *vestire nudum*. Alius autem respectu habitaculi; & quantum ad hoc ponitur *suscipere hospitem*. Similiter autem si sit defectus aliquis specialis, aut est ex causa intrinseca, sicut infirmitas; & quantum ad hoc ponitur *visitare infirmum*: aut est ex causa extrinseca; & quantum ad hoc ponitur *redemptio captivorum*. Post vitam autem exhibetur mortuis *sepultura*.

Similiter autem spiritualibus defectibus spiritualibus actibus subvenitur dupliciter. Uno modo poscendo auxilium a Deo; & quantum ad hoc ponitur *oratio*, quae quis pro aliis orat. Alio modo impendendo humanum auxilium, & hoc tripliciter. Uno modo contra defectum intellectus; & si quidem sit defectus speculativi intellectus, adhibetur ei remedium per *doctrinam*; si autem practici intellectus, adhibetur ei remedium per *consilium*. Alio modo est defectus ex passione appetitivae virtutis; inter quos maximus est tristitia, cui subvenitur per *consolationem*. Tercio modo ex parte inordinati actus: qui quidem tripliciter considerari potest. Uno modo ex parte ipsius peccantis, in quantum procedit ab eius inordinata voluntate; & sic adhibetur remedium per *correctionem*. Alio modo ex parte eius in quem peccatur; & si quidem sit peccatum in nos, remedium adhibemus *remittendo offensam*; si autem sit in Deum, vel in proximum, non est nostri arbitrii remittere, ut Hieronymus dicit (sup. illud Matth. XVIII. *Si peccaverit in te etc.*) Tercio modo ex parte sequela ipsius actus inordinati, ex qua gravantur ei conviventes, etiam praeter peccantis intentionem; & sic remedium adhibetur *supportando*, maxime in his qui ex infirmitate peccant, secundum illud Rom. xv. 1. *Debemus nos firmiores infirmitates aliorum sustinere*. & non solum secundum quod infirmi sunt, sive graves ex inordinatis actibus, sed etiam quaecumque eorum onera sunt supportanda, secundum illud Galat. vi.

2. *Alter alterius onera portate.*

Ad primum ergo dicendum, quod sepultura mortui non confert ei quantum ad sensum, quem corpus post mortem

habeat: & secundum hoc Dominus dicit, quod interficientes corpus *non habent amplius quid faciant*: & propter hoc etiam Dominus non commemorat sepulturam inter alia misericordiae opera; sed enumerat solum illa quae sunt evidentioris necessitatis. Pertinet tamen ad defunctum, quid de eius corpore agatur: tum quantum ad hoc quod vivit in memoria hominum, cuius honor dehonestatur, si insepultus remaneat; tum etiam quantum ad affectum, quem adhuc vivens habebat de suo corpore; cui porum affectus conformari debet post mortem ipsius: & secundum hoc commendantur aliqui de mortuorum sepultura, ut Tobias, & illi qui Dominum sepeleuerunt, ut patet per Augustinum in Lib. de cura pro mortuis agenda (cap. 111.).

Ad secundum dicendum, quod omnes aliae necessitates ad has reducuntur. Nam caecitas, & claudicatio sunt infirmitates quaedam; unde dirigere caecum, & sustentare claudum reducuntur ad visitationem infirmorum. Similiter etiam subvenire homini contra quaecumque oppressionem illatan extrinsecus, reducitur ad redemptionem captivorum. Divitiae autem, quibus paupertas subvenitur; non quaeruntur nisi ad subveniendum praedictis defectibus: & ideo non sunt specialis mentio de hoc defectu facienda.

Ad tertium dicendum, quod correctio peccantium, quantum ad ipsam executionem actus, severitatem iustitiae continere videtur; sed quantum ad intentionem corrigentis, qui vult hominem a malo culpae liberare, pertinet ad misericordiam, & dilectionis affectum, secundum illud Proverb. xxvii. 6. *Meliora sunt vulnera diligentis quam fraudulenta oscula odientis*.

Ad quartum dicendum, quod non quaerit nescientia pertinet ad hominis defectum, sed solum ea qua quis nescit ea quae convenit cum scire: cui defectui per doctrinam subvenire ad eleemosynam pertinet. In quo tamen observandae sunt lebitae circumstantiae personae, & loci, & temporis, sicut & in aliis actibus virtuosus.

## ARTICULUS III. 187

*Utrum eleemosynae corporales sint potiores quam spirituales.*

IV. dist. xv. quæst. 11. art. 1. quæst. 111. & III. con. cap. cxxxix. ad 3.

**A**D tertium sic proceditur. Videtur quod eleemosynæ corporales sint potiores quam spirituales. Laudabilis enim est magis indigenti eleemosynam facere: ex hoc enim eleemosyna laudem habet quod indigenti subvenit. Sed corpus, cui subvenitur per eleemosynas corporales, est indigentioris naturæ quam spiritus, cui subvenitur per eleemosynas spirituales. Ergo eleemosynæ corporales sunt potiores.

2. Præterea. Recompensatio beneficii laudem & meritum eleemosynæ minuit: unde & Dominus dicit Lucæ xiv. 12. *Cum facis prandium, aut cenam, noli vocare vicinos divites, ne forte & ipsi te reintrent.* Sed in eleemosynis spiritualibus semper est recompensatio: quia qui orat pro alio, sibi proficit, secundum illud Psal. xxxiv. 13. *Oratio mea in sinu meo convertetur*: qui etiam alium docet, ipse in scientia proficit: quod non contingit in eleemosynis corporalibus. Ergo eleemosynæ corporales sunt potiores quam spirituales.

3. Præterea. Ad laudem eleemosynæ pertinet quod pauper ex eleemosyna data consoletur: unde Iob xxxi. 20. dicitur: *Si non benedixerit mihi latera eius:* & ad Philemonem 7 dicit Apostolus: *Viscera sanctorum requieverunt per te, frater.* Sed quandoque magis est grata pauperi eleemosyna corporalis quam spiritualis. Ergo eleemosyna corporalis potior est quam spiritualis.

Sed contra est quod Augustinus in Lib. 1. de serm. Domini in monte (cap. xx. vers. fi.) super illud, *Qui petit a te, da ei*, dicit: „Dandum est quod nec tibi, nec alteri noceat: & cum negaveris quod petit, indicanda est iustitia, ut non eum inanem dimittas: & aliquando melius aliquid dabis, cum iniuste petentem correxeris.“ Correctio autem est eleemosyna spiritualis. Ergo spirituales eleemosynæ sunt corporalibus præferendæ.

Respondeo dicendum, quod comparatio istarum eleemosynarum potest attendi dupliciter. Uno modo, simpliciter loquendo; & secundum hoc eleemosynæ

spirituales præminent, triplici ratione. Primo quidem quia id quod exhibetur, nobilior est, scilicet donum spirituale, quod præminet corporali, secundum illud Proverb. xv. 2. *Donum bonum tribuam vobis, legem meam ne derelinquatis.* Secundo ratione eius cui subvenitur: quia spiritus nobilior est corpore: unde sicut homo sibi ipsi magis debet providere quantum ad spiritum, quam quantum ad corpus: ita & proximo, quem debet sicut seipsum diligere. Tertio quantum ad ipsos actus quibus subvenitur proximo: quia spirituales actus sunt nobiliores corporalibus, qui sunt quodammodo serviles.

Alio modo possunt comparari secundum aliquem particularem casum, in quo quidam corporalis eleemosyna alicui spirituali præfertur: puta magis est pascendus fame moriens, quam docendus; sicut & indigenti, secundum Philosophum (Lib. III. Top. cap. 11. loco 40.) *melius est ditari quam philosophari*; quamvis hoc sit simpliciter melius.

Ad primum ergo dicendum, quod dare magis indigenti melius est, ceteris paribus; sed si minus indigens sit melior, & melioribus indigeat, dare ei melius est: & sic est in proposito.

Ad secundum dicendum, quod recompensatio non minuit meritum, & laudem eleemosynæ, si non sit intenta; sicut & humana gloria, si non sit intenta, non minuit rationem virtutis: sicut & de Catione Salustius dicit (in Catil. tit. in comparat. M. Cat. & C. Cæs.) *quod quo minus gloriam petebat, eo magis illam assequabatur.* Et ita contingit in eleemosynis spiritualibus.

Et tamen intentio bonorum spiritualium non minuit meritum, sicut intentio bonorum corporalium.

Ad tertium dicendum, quod meritum tantis eleemosynam attenditur secundum id in quo debet rationabiliter requiescere voluntas accipientis, non in eo in quo requiescit, si sit inordinata.

## ARTICULUS IV. 188

*Utrum eleemosynæ corporales habeant effectum spiritalem.*

**A**D quartum sic proceditur. Videtur quod eleemosynæ corporales non habeant effectum spiritalem. Effectus enim non est potior sua causa. Sed bona spiritualia sunt potiora corporalibus. Non ergo

ergo eleemosynae corporales habent spirituales effectus.

2. Præterea. Dare corporale pro spirituali vitium est simoniae. Sed hoc vitium est omnino vitandum. Non ergo sunt dandae eleemosynae ad consequendum spirituales effectus.

3. Præterea. Multiplicata causa, multiplicatur effectus. Si ergo eleemosyna corporalis causaret spirituales effectum, sequeretur quod maior eleemosyna magis spiritualiter proficeret: quod est contra illud quod legitur Luc. xxi. de vidua mittente duo æra minuta in gazophylacium, quæ secundum sententiam Domini plus omnibus misit. Non ergo eleemosyna corporalis habet spirituales effectum.

Sed contra est quod dicitur Eccli. xviii. 18. *Eleemosyna viri . . . gratiam hominis quasi pupillam conservabit.*

Respondendo dicendum, quod eleemosyna corporalis tripliciter potest considerari. Uno modo secundum suam substantiam; & secundum hoc non habet nisi corporalem effectum, in quantum scilicet supplet corporales defectus proximorum.

Alio modo potest considerari ex parte cause eius, in quantum scilicet aliquis eleemosynam corporalem dat propter dilectionem Dei, & proximi; & quantum ad hoc affert fructum spirituales, secundum illud Eccli. xxxix. 13. *Perde pecuniam propter fratrem. . . pone thesaurum in præceptis Altissimi; & proderit tibi magis quam aurum.*

Tertio modo ex parte effectus; & sic etiam habet spirituales fructum, in quantum scilicet proximus, cui per corporalem eleemosynam subvenitur, movetur ad orandum pro benefactore. Unde & ibidem subditur: *Conclude eleemosynam in sinu pauperis; & hæc pro te exorabit ab omni malo.*

Ad primum ergo dicendum, quod ratio illa procedit de corporali eleemosyna secundum suam substantiam.

Ad secundum dicendum, quod ille qui dat eleemosynam, non intendit emere aliquod spirituale per corporale, quia scit spiritualia in infinitum corporalibus præemeri; sed intendit per caritatis affectum spirituales fructum promereri.

Ad tertium dicendum, quod vidua, quæ minus dedit secundum quantitatem, plus dedit secundum suam proportionem ex quo penitior in ipsa maior caritatis affectus, ex quo corporalis eleemosyna spirituales efficaciam habet.

## ARTICULUS V. 189

*Utrum dare eleemosynam sit in præcepto.*

IV. dist. xv. quæst. 11. art. 1. quæst. 4. & art. 4. quæst. 1. & quol. xvi. art. 12.

**A**D quantum sic proceditur. Videtur quod dare eleemosynam non sit in præcepto. Consilia enim a præceptis distinguuntur. Sed dare eleemosynam est consilium, secundum illud Dan. iv. 24. *Consilium meum Regi placeat: peccata tua eleemosynis redime.* Ergo dare eleemosynam non est in præcepto.

2. Præterea. Cuilibet licet sua re uti, & eam retinere. Sed retinendo rem suam aliquis eleemosynam non dabit. Ergo licetum est eleemosynam non dare. Non ergo dare eleemosynam est in præcepto.

3. Præterea. Omne quod cadit sub præcepto, aliquo tempore obligat transgressores ad peccatum mortale, quia præcepta affirmativa obligant pro tempore determinato. Ergo si dare eleemosynam caderet sub præcepto, esset determinare aliquod tempus in quo homo peccaret mortaliter, nisi eleemosynam daret. Sed hoc non videtur: quia semper probabiliter affirmari potest quod pauperi aliter subveniri possit, & quod id quod est in eleemosynas erogandum, possit ei esse necessarium vel in presenti, vel in futuro. Ergo videtur quod eleemosynam dare non sit in præcepto.

4. Præterea. Omnia præcepta ad præcepta Decalogi reducuntur. Sed inter illa præcepta nihil continetur de datione eleemosynarum. Ergo dare eleemosynas non est in præcepto.

Sed contra. Nullus punitur poena æterna pro omissione alicuius quod non cadit sub præcepto. Sed aliqui puniuntur poena æterna pro omissione eleemosynarum, ut patet Matth. xxv. Ergo dare eleemosynam est in præcepto.

Respondendo dicendum, quod cum dilectio proximi sit in præcepto, necesse est omnia illa cadere sub præcepto sine quibus dilectio proximi non conservatur. Ad dilectionem autem proximi pertinet ut proximo non solum velimus bonum, sed etiam operemur, secundum illud I. Ioan. iii. 18. *Non diligamus verbo, neque lingua, sed opere, & veritate.* Ad hoc autem quod velimus, & operemur bonum alicuius, requiritur quod eius necessi-

cessitati subveniamus; quod fit per eleemosynarum largitionem: & ideo eleemosynarum largitio est in praecepto.

Sed quia praecepta dantur de actibus virtutum, necesse est quod hoc modo donum eleemosynae cadat sub praecepto, secundum quod actus est de necessitate virtutis, scilicet secundum quod recta ratio requirit: secundum quam est aliquid considerandum ex parte dantis, & aliquid ex parte eius cui est eleemosyna danda. Ex parte quidem dantis considerandum est ut id quod est in eleemosynas erogandum, sit ei superfluum, secundum illud Luc. 11. 41. *Quod superfluum date eleemosynam.*

Et dico *superfluum* non solum respectu sui ipsius, quod est supra id quod est necessarium individuo, sed etiam respectu aliorum quorum cura sibi incumbit; (a) respectu quorum dicitur *necessarium personae*, secundum quod *persona* dignitatem importat: quia prius oportet quod unusquisque sibi provideat, & his quorum cura ei incumbit, & postea de residuo aliorum necessitatibus subveniat; sicut & natura primo accipit sibi ad sustentationem proprii corporis, quod est necessarium ministerio virtutis nutritivae; superfluum autem erogat ad generationem alterius per virtutem generativam.

Ex parte autem recipientis requiritur quod necessitatem habeat; alioquin non esset ratio quare eleemosyna ei daretur. Sed cum non possit ab aliquo uno omnibus necessitatem habentibus subveniri, non omnis necessitas obligat ad praeceptum, sed illa sola sine qua is qui necessitatem patitur, sustentari non potest. In illo enim casu locum habet quod Ambrosius dicit: (quid simile hab. Lib. 1. de offic. cap. xxx. ante med. sed referatur expref. cap. *Pajce* dist. lxxxvi.) *Pajce fame morientem: si non paveris, occidisti.* Sic ergo dare eleemosynam de superfluo est in praecepto, & dare eleemosynam ei qui est in extrema necessitate: alias autem eleemosynas dare est in consilio, sicut & de qualibet meliori bono dantur consilia.

Ad primum ergo dicendum, quod Daniel loquebatur Regi qui non erat legi Dei subiectus: & ideo ea etiam quae pertinent ad praeceptum legis, quam non profitebatur, erant ei proponenda per modum consilii.

Vel potest dici, quod loquebatur in casu illo in quo dare eleemosynam non est in praecepto.

Ad secundum dicendum, quod bona temporalia, quae homini divinitus conferuntur, eius quidem sunt quantum ad proprietatem, sed quantum ad usum non solum debent esse eius, sed etiam aliorum, qui ex eis sustentari possunt ex eo quod ei superfluit. Unde Basilus dicit (hom. super illud Luc. xii. *Deservam bovea mea:*) *Si fateris ea sibi divinitus protexisse, scilicet temporalia bona, an iniustus est Deus inaequaliter res nobis distribuens? Cur tu abundas, ille vero mendicat, nisi ut tu bonae dispensationis merita consequaris, ille vero patientiae beatorum decoreur? Est panis famelicis, quem tu tenes; nudi tunicas, quam in conclavi conservas; discalceati calcibus, qui penes te marcescit; indigentis argentum, quod possides inhumatum. Quocirca tot iniuriarum, quod dare valens es. Et hoc idem dicit Ambrosius (serm. lxxv. de temp.) ut habetur in Decret. (cap. *Sicut* ii dist. lxxiv.*

Ad tertium dicendum, quod est aliquod tempus dare in quo mortaliter peccat, si eleemosynam dare omittat: ex parte quidem *recipientis*, cum apparet evidens, & urgens necessitas, nec apparet in promptu qui ei subveniat; ex parte vero dantis, cum habet superflua, quae secundum statum praesentem non sunt sibi necessaria, prout probabiliter aestimari potest. Nec oportet quod consideret omnes casus qui possunt contingere in futurum: hoc enim esset de crastino cogitare; quod Dominus prohibet Matth. vi. Sed debent diiudicari *superfluum*, & *necessarium* secundum ea quae probabiliter, & ut in pluribus occurrunt.

Ad quartum dicendum, quod omnis subventio proximi reducitur ad praeceptum de honoratione parentum. Sic enim & Apostolus interpretatur I. ad Timoth. iv. 8. dicens: *Pietas ad omnia utilis est, promissionem habens vitae, quae nunc est, & futurae*: quod dicit, quia in praecepto de honoratione parentum additur promissio (Exod. xx. 12.) *Ut sis longaevus super terram.* Sub pietate autem comprehenditur omnis eleemosynarum largitio.

A R-

(a) Ita Garziz cum quibusdam codicibus. Al. hac pariecha transcurrit post verbum *subvenit*: unde Theologi suspicantur esse adhibitam. *Madalena* legis in cod. *Alican.* secundum quod propriam dignitatem importat.

## ARTICULUS VI. 190

*Utrum quis debeat dare elemosynam de necessario.*

*IV. dist. xv. quest. 11. art. 4. quest. 1.*

**A**D sextum sic proceditur. Videtur quod aliquis non debeat elemosynam dare de necessario. Ordo enim caritatis non minus attenditur penes effectum beneficii quam penes interiorum affectum. Peccat autem qui praeposere agit in ordine caritatis, quia ordo caritatis est in praepcepto. Cum ergo ex ordine caritatis plus debeat aliquis se quam proximum diligere, videtur quod peccet, si subtrahat sibi necessaria, ut alteri largiatur.

2. Praeterea. Quicumque largitur de his quae sunt necessaria sibi, est propriae substantiae dissipator, quod pertinet ad prodigium, ut patet per Philosophum in IV. Ethic. (cap. 1. a princ.) Sed nullum opus viciosum est faciendum. Ergo non est danda elemosyna de necessario.

3. Praeterea. Apostolus dicit I. ad Timotheum, v. 8. *Si quis suorum, & maxime domesticorum curam non habet, fidem negavit, & est infideli deterior.* Sed quod aliquis det de his quae sunt sibi necessaria, vel suis, videtur derogare curae quam quis debet habere de se, & de suis. Ergo videtur quod quicumque de necessariis elemosynam dat, graviter peccet.

Sed contra est quod Dominus dicit Matth. XIX. 21. *Si vis perfectus esse, vende, & vende omnia quae habes, & da pauperibus.* Sed ille qui dat omnia quae habet, pauperibus, non solum dat superflua, sed etiam necessaria. Ergo de necessariis potest homo elemosynam dare.

Respondendo dicendum, quod necessarium dupliciter dicitur. Uno modo, sine quo aliquid esse non potest: & de tali necessario omnino elemosyna dari non debet; puta si aliquis in articulo necessitatis constitutus haberet solum unde posset sustentari, & filij sui, vel alij ad eum pertinentes: de hoc enim necessarium elemosynam dare, est sibi, & suis vitam subtrahere. Sed hoc dico, nisi forte talis casus immineret, ubi subtrahendo sibi daret alicui magnae personae, per quam Ecclesia, vel respublica sustentaretur: quia pro talis personae liberatione scriptum, & suos laudabiliter peri-

culo mortis exponeret: cum bonum commune sit proprio praefendum.

Alio modo dicitur aliquid esse necessarium, sine quo non potest convenienter vita transigi secundum conditionem, & statum propriae personae, & aliarum personarum, quarum cura ei incumbit. Huiusmodi necessarii terminus non est in indivisibili constitutus; sed multis adiectis, non potest diiudicari esse ultra tale necessarium; & multis subtrahitis, adhuc remanet unde possit convenienter aliquis vitam transigere secundum proprium statum. De huiusmodi ergo elemosynam dare est bonum; & non cadit sub praepcepto, sed sub consilio. Inordinatum esset autem, si aliquis tantum sibi de bonis propriis subtraheret, ut aliis largiretur, quod de residuo non posset vitam transigere convenienter secundum proprium statum, & negotia occurrentia. Nullus enim inconvenienter vivere debet.

Sed ab hoc tria sunt excipienda. Quorum primum est, quando aliquis statum mutat puta per religionis ingressum: tunc enim omnia sua propter Christum largiens opus perfectionis facit, se in alio statu ponendo. Secundo, quando ea quae sibi subtrahit, est sibi necessaria ad convenientiam vitae, tamen de facili resarciri possunt, ut non sequatur maximum inconveniens. Tertio, quando occurreret extrema necessitas alicuius privatae personae, vel etiam aliqua magna necessitas reipublicae. In his enim casibus laudabiliter praetermitteret aliquis id quod ad decentiam sui status pertinere videretur, ut maiori necessitati subveniret.

Et per hoc patet de facili responsio ad obiecta.

## ARTICULUS VII. 191

*Utrum possit fieri elemosyna de iniuste acquisitis.*

*IV. dist. xv. quest. 11. art. 4. quest. 2. & 3. & quod. XII. art. 30. corp.*

**A**D septimum sic proceditur. Videtur quod possit elemosyna fieri de illicite acquisitis. Dicitur enim Luc. XVI. 9. *Facite vobis amicos, de mammona iniquitatis.* Mammona autem significat divitias. Ergo de divitiis inique acquisitis potest sibi aliquis spirituales amicos facere, elemosynas largiendo.

2. Prae-

2. Præterea. (a) Omne turpe lucrum videtur esse illicite acquisitum. Sed turpe lucrum est quod de meretricio acquiritur: unde & de huiusmodi sacrificium, vel oblatio Deo offerri non debet, secundum illud Deut. xxiii. 18. *Non offeres mercedem prostibuli in domo Dei tui.* Similiter etiam turpiter acquiritur quod acquiritur per aleas: quia, ut Philoophus dicit in IV. Ethicor. (cap. 1. prope fi.) *tales ab amicis lucrantur, quibus oportet dare.* Turpissime etiam acquiritur aliquid per simoniam, per quam aliquis Spiritui sancto iniuriam facit. Et tamen de huiusmodi elemosyna fieri potest. Ergo de male acquisitis potest aliquis elemosynam facere.

3. Præterea. Maiora mala sunt magis vitanda quam minora. Sed minus peccatum est detentio rei alienæ quam homicidium, quod aliquis incurrit, nisi alii in ultima necessitate subveniat, ut patet per Ambrosium dicentem (loc. cit. art. 5. huius quæst.) *Pace fame morientem: quoniam si non paveris, occidisti.* Ergo aliquis potest elemosynam facere in aliquo calu de male acquisitis.

Sed contra est quod dicit Augustinus in Lib. de verbis Domini (serm. xxxv. cap. 11. circ. med.) *De iustis laboribus facite elemosynas. Non enim corrupturi estis iudicem Christum, ut non vos audiat cum pauperibus, quibus tollitis (b).... Nolite velle elemosynas facere de senore, & usuris: fidelibus dico, quibus corpus Christi erogamus.*

Respondendo dicendum, quod tripliciter potest aliquid esse illicite acquisitum. Uno enim modo id illicite ab aliquo acquiritur quod debetur ei a quo est acquisitum, nec potest ab eo retineri: qui acquisivit; sicut contingit in rapina, & furto, & usuris: & de talibus cum homo teneatur ad restitutionem, elemosyna fieri non potest.

Alio vero modo est aliquid illicite acquisitum: quia ille quidem qui acquisivit, retinere non potest, nec tamen debetur ei a quo, acquisivit, quia scilicet contra iustitiam accepit, & alter contra iustitiam dedit; sicut contingit in simonia, in qua dans, & accipiens contra iustitiam legis divinæ agit: unde non debet huiusmodi ei qui dedit, sed debet in elemosynas erogari. Et eadem ratio est in similibus, in quibus scilicet & datio, & acceptio est contra legem.

Tertio modo est aliquid illicite acquisitum, non quidem quia ipsa acquisitio sit illicita, sed quia id ex quo acquiritur, est illicitum, sicut patet de eo quod mulier acquirit per meretricium: & hoc proprie vocatur turpe lucrum: quod enim mulier meretricium exerceat, turpiter agit, & contra legem Dei; sed in eo quod accipit, non iniuste agit, nec contra legem. Unde quod sic illicite acquisitum est, retineri potest, & de eo elemosyna fieri.

Ad primum ergo dicendum, quod, sicut Augustinus dicit in Lib. de verb. Dom. (serm. xxxv. cap. 11. ante med.) *illud verbum Domini quidam male intelligendo, rapiunt res alienas, & aliquid inde pauperibus largiuntur, & putant se facere, quod præceptum est. Intellectus iste corrigendus est.* Sed omnes divitiæ iniquitatis dicuntur, ut dicitur in Lib. 11. de quæstionibus Evangel. (quæst. xxxiv. in fin.) *quia non sunt (c) inique divitiæ nisi iniqui, qui in eis spem constituunt.*

Vel secundum Ambrosium (sup. illud Lucæ xvi. *Facite vobis amicos &c.*) *iniquum mammona dixit, quia variis divitiarum illecebris nostros tentat affectus.*

Vel quia in pluribus prædesessoribus, quibus patrimonio succedit, aliquis repetitur, qui iniuste usurpavit aliena, quamvis tu nescias, ut Basilii dicit (hom. cit. art. 5.)

Vel omnes divitiæ dicuntur iniquitatis, id est iniquitatis: quia non equaliter sunt omnibus distributæ, uno egenti, & alio superabundante.

Ad secundum dicendum, quod de acquisito per meretricium iam dictum est (in corp. art.) qualiter elemosyna fieri possit. Non autem fit de eo sacrificium, vel oblatio ad altare, tum propter scandalum, tum propter sacrorum reverentiam. De eo etiam quod est per simoniam acquisitum, potest fieri elemosyna: quia non est debitum ei qui dedit, sed meretur illud amittere. Circa illa vero quæ per aleas acquiruntur, videtur esse aliquid illicitum ex divino iure; scilicet quod aliquis lucraretur ab his qui rem suam alienare non possunt, sicut sunt nuntii, & furiosi, & huiusmodi; & quod aliquis trahat alium ex cupiditate lucrandi ad ludum; & quod fraudulenter ab eo lucraretur: & in his casibus teneatur ad restitutionem. Et sic de eo non potest elemosynam facere. Aliquid autem videtur

(a) Ita enim Theologus Nicolaus. *Al.* Omne turpe lucrum est quod videtur &c. (b) Nicolaus interpretis & possen. (c) Ita mss. & editi S. Thomæ. *An iste? ut Augustinus habet.*

detur esse ulterius illicitum ex iure positivo civili, quod prohibet universaliter tale lucrum. Sed quia ius civile non obligat omnes, sed eos solos qui sunt his legibus subiecti, & iterum per disuetudinem abrogari potest; ideo apud illos qui sunt huiusmodi legibus obstricti, tenentur universaliter ad restitutionem qui lucrantur; nisi forte contraria consuetudo praevaleat, aut nisi aliquis lucratus sit ab eo qui traxit eum ad ludum: in quo casu non tenetur restituere: quia ille qui amittit, non est dignus recipere, nec potest licite retinere, tali iure positivo durante: unde debet de hoc elemosynam facere in hoc casu.

Ad tertium dicendum, quod in casu extremæ necessitatis omnia sunt communia. Unde licet ei qui talem necessitatem patitur, accipere de alieno ad sui sustentationem, si non inveniatur qui sibi dare velit: & eadem ratione (a) licet habere aliquid de alieno, & potest de hoc elemosynam dare, quinimo & accipere, si aliter subvenire non possit necessitati patienti. Si tamen fieri potest sine periculo, requisita domini voluntate debet pauperi providere extremam necessitatem patienti.

#### ARTICULUS VIII. 193

*Utrum ille qui est in potestate alicuius constitutus, possit elemosynam facere.*

IV. dist. xv. quæst. 11. art. 5. quæst. 1. 2. 3. & 4. & op. lxxiii. cap. xvii. & quod. xii. art. 15.

**A**D octavum sic proceditur. Videtur quod ille qui est in potestate alterius constitutus, possit elemosynam facere. Religiosi enim sunt in potestate suorum prælatorum, quibus obedientiam voverunt. Sed si eis non liceret elemosynam facere, damnum reportarent ex statu religionis: quia, sicut Ambrosius dicit (sup. illud I. ad Timoth. iv. *Pietas ad omnia utilis est*): *Summa christiane religionis in pietate consistit*, quæ maxime per elemosynarum largitionem commendatur. Ergo illi qui sunt in potestate alterius constituti, possunt elemosynam facere.

2. Præterea. Uxor est sub potestate viri, ut dicitur Gen. iii. Sed uxor potest elemosynam facere, cum assumatur in viri societatem: unde & de beata Lucia dicitur, quod ignorante sponso elemosynas faciebat. Ergo per hoc quod aliquis

est in potestate alterius constitutus, non impeditur quin possit elemosynas facere.

3. Præterea. Naturalis quædam subiectio est filiorum ad parentes: unde Apostolus ad Eph. vi. 1. dicit: *Filii obedite parentibus vestris in Domino*. Sed filii, ut videtur, possunt de rebus parentum elemosynam facere, quia sunt quodammodo ipsorum, cum sint heredes; & ideo cum possint eis uti ad usum corporis, multo magis videtur quod possint eis uti elemosynas dando ad remedium animæ suæ. Ergo illi qui sunt in potestate alterius constituti, possunt elemosynas dare.

4. Præterea. Servi sunt sub potestate dominorum, secundum illud ad Titum 11. 9. *Servos dominis suis subditos esse*. Licet autem eis aliquid in utilitatem domini facere; quod maxime fit, si pro eis elemosynas largiantur. Ergo illi qui sunt in potestate aliena constituti, possunt elemosynas facere.

Sed contra est quod elemosynas non sunt faciendæ de alieno; sed de iustis laboribus propriis unusquisque elemosynam facere debet, ut Augustinus dicit in Lib. de verbis Domini (serm. xxxv. cap. 11. cir. med.) Sed si subiecti aliis elemosynam facerent, hoc esset de alieno. Ergo illi qui sunt sub potestate constituti aliorum, non possunt elemosynam facere.

Respondetur dicendum, quod ille qui est sub potestate alterius constitutus, in quantum huiusmodi, secundum superioris potestatem regulari debet. Hic est enim ordo naturalis ut inferiora secundum superiora regulentur. Et ideo oportet quod ea in quibus inferior superiori subiacet, dispenset non aliter quam ei sit a superiore permisum.

Sic ergo ille qui est sub potestate constitutus, de re secundum quam superiori subiacet, elemosynam facere non debet, nisi quatenus ei a superiore fuerit commissum. Si quis vero habeat aliquid secundum quod potestati superioris non subiacet, iam secundum hoc non est potestati subiectus, quantum ad hoc proprii iuris existens: & de hoc potest elemosynam facere.

Ad primum ergo dicendum, quod monachus, si habet dispensationem a prælato commissam, potest elemosynas facere de rebus monasterii, secundum quod sibi est commissum; si vero non habet dispensationem, quia nihil proprium habet

(a) Ita cum mss. edit. veteres. Nicolai: licet habenti aliquid de alieno de hoc &c.

bet, tunc non potest facere eleemosynam sine licentia Abbatis vel expresse habita, vel probabiliter praesumpta; nisi forte in articulo extremae necessitatis, in quo licitum esset ei furari, ut eleemosynam daret. Nec propter hoc efficitur prioris conditionis quia, sicut dicitur in Lib. de eccles. dogm. (cap. lxxi.) *bonum est facultates cum dispensatione pauperibus erogare; sed melius est pro intentione sequendi Dominum in simul omnia donare, & absolutum solitudine egere cum Christo.*

Ad secundum dicendum, quod si uxor habet alias res praeter dotem, quae ordinatur ad sustentanda onera matrimonii, vel ex proprio lucro, vel quocumque alio licito modo, potest dare eleemosynas etiam irrequisito assensu viri, moderatas tamen, ne ex earum superfluitate vir depauperetur. Alias autem non debet dare eleemosynas sine consensu viri vel expresse, vel praesumpto, nisi in articulo necessitatis, sicut de monacho dictum est (in solut. praec.) Quamvis enim mulier sit aequalis viro in actu matrimonii; tamen in his quae ad dispositionem domus pertinent, *vir caput est mulieris*, secundum Apostolum I. ad Cor. xi. Beata autem Lucia sponsum habebat, non virum: unde de consensu matris poterat eleemosynam facere.

Ad tertium dicendum, quod ea quae sunt filii familias, sunt & patris: & ideo non potest eleemosynam facere, nisi forte aliquam modicam, de qua potest praefumere quod patri placeat; nisi forte aliquis rei esset sibi a patre dispensatio commissa. Et idem dicendum est de servis.

Unde patet solutio ad quartum.

## ARTICULUS IX. 193

*Utrum propinquieribus sit magis eleemosyna danda.*

IV. dist. xv. quæst. 11. art. 6. quæst. 3. & Rom. xii. lect. 2. ff. & I. Cor. x.

**A**D nonum sic proceditur. Videtur quod non sit magis propinquieribus eleemosyna facienda. Dicitur enim Eccli. xii. 4. *De misericordi, & non suscipias peccatorem.... benefac humili, & non des impio.* Sed quandoque contingit quod nostri propinqui sunt peccatores, & impii. Ergo non sunt eis magis eleemosynae faciendae.

3. Præterea. Eleemosynae sunt faciendae propter retributionem mercedis æter-

nae, secundum illud Match. vr. 18. *Et pater tuus, qui videt in abscondito, reddet tibi.* Sed retributio æterna maxime acquiritur ex eleemosynis, quæ sanctis erogantur, secundum illud Luc. xvi. 9. *Facite vobis amicos de mammona iniquitatis, ut cum defeceritis, recipiant vos in æterna tabernacula:* quod exponens Augustinus in Libro de verbis Domini (serm. xxxv. in prin.) dicit: „Qui sunt qui habent bunt æterna tabernacula, nisi sancti Dei? & qui sunt qui ab eis recipiunt, di sunt in tabernacula, nisi qui eorum indigentiae serviunt? “ Ergo magis sunt eleemosynae dandæ sanctioribus quam propinquieribus.

3. Præterea. Maxime homo est sibi propinquus. Sed sibi non potest homo eleemosynam facere. Ergo videtur quod non sit magis facienda eleemosyna personæ magis coniunctæ.

Sed contra est quod Apostolus dicit I. ad Timoth. v. 8. *Si quis suorum, & maxime domesticorum curam non habet, fidem negavit, & est infideli deterior.*

Respondeo dicendum, quod, sicut Augustinus dicit in I. de doctr. christi. (cap. xxviii.) *Qui sunt nobis magis coniuncti, quasi quadam sorte nobis obvenit ut eis magis providere debeamus.*

Est tamen circa hoc discretionis ratio adhibenda, secundum differentiam coniunctionis, & sanctitatis, & utilitatis. Nam multo sanctiori magis indigentiam patienti, & magis utili ad commune bonum est magis eleemosyna danda quam personæ propinquiori; maxime si non sit multum coniuncta, cuius cura specialis nobis non imminet, & si magnam necessitatem non patiatur.

Ad primum ergo dicendum, quod peccatori non est subveniendum, inquantum est peccator, idest ut per hoc in peccato foveatur; sed inquantum homo est, idest ut natura sustentetur.

Ad secundum dicendum, quod opus eleemosynæ ad mercedem retributionis æternæ dupliciter valet. Uno quidem modo ex radice caritatis: & secundum hoc eleemosyna est meritoria, prout in ea servatur ordo caritatis, secundum quem propinquieribus magis providere debemus, ceteris paribus: unde Ambrosius dicit in I. de officiis (cap. xxx. circ. med.) *Est illa probanda liberalitas, ut proximos sanguinis tui non despicias, si egere cognoscas: melius est enim ut ipse subvenias tuis, quibus pudor est ab aliis sumptum deponere.* Alio modo valet elec-



elemosyna ad retributionem vite æternæ ex merito eius cui donatur, qui orat pro eo qui elemosynam dedit: & secundum hoc loquitur ibi Augustinus.

Ad tertium dicendum, quod cum elemosyna sit opus misericordiae, sicut misericordia non est proprie ad seipsum, sed per quamdam similitudinem, ut supra dictum est (quaest. xxx. art. 1. ad 2.) ita etiam, proprie loquendo, nullus sibi elemosynam facit, nisi forte ex persona alterius, puta cum aliquis distributor ponitur elemosynarum, potest & ipse sibi accipere, si indigeat, eo tenore quo & aliis ministrat.

## ARTICULUS X. 194

*Utrum elemosyna sit abundanter facienda.*

*Inf. quaest. cxvii. art. 1. ad 2. & II. Corin. viii.*

**A**D decimum sic proceditur. Videtur quod elemosyna non sit abundanter facienda. Elemosyna enim maxime debet fieri coniunctioribus. Sed illis non debet sic dari, ut ditiores inde fieri valeant, sicut Ambrosius dicit in I. de offic. (cap. xxx. circ. med.) Ergo nec aliis debet abundanter dari.

2. Præterea. Ambrosius dicit ibidem: *Non debent simul effundi opes, sed dispensari.* Sed abundantia elemosynarum ad effusionem pertinet. Ergo elemosyna non debet fieri abundanter.

3. Præterea. II. ad Corinth. viii. 12. dicit Apostolus: *Non ut aliis sit remissio, id est ut alii de vestris otiose vivant vobis autem sit tribulatio, id est paupertas.* Sed hoc contingeret, si elemosyna daretur abundanter. Ergo non est abundanter elemosyna largienda.

Sed contra est quod dicitur Tob. iv. 9. *Si multum tibi fuerit, abundanter tribue.*

Respondendo dicendum, quod abundantia elemosynæ potest considerari & ex parte dantis, & ex parte recipientis. Ex parte quidem dantis, cum scilicet aliquis aliquid dat quod est multum secundum proportionem propriæ facultatis: & sic laudabile est abundanter dare: unde & Dominus Luc. xxi. laudavit vi-ctuam, quæ ex eo quod deerat illi, omnem victum, quem habuit, misit: observatam huius quaest. de elemosyna facienda de necessarii.

Ex parte vero eius cui datur, est abundans elemosyna dupliciter. Uno mo-

do quod suppleat sufficienter eius indigentiam; & sic laudabile est abundanter elemosynam tribuere. Alio modo ut superabundet ad superfluitatem; & hoc non est laudabile; sed melius est pluribus indigentibus elargiri: unde & Apostolus dicit I. ad Corinth. xiii. 3. *Si distribuere in cibus pauperum: ubi Glossa (interl.) dicit: „Per hoc cautela, elemosynæ docetur, ut non uni, sed multis detur, ut pluribus proficiat.“*

Ad primum ergo dicendum, quod ratio illa procedit de abundantia superexcedente necessitatem recipientis elemosynam.

Ad secundum dicendum, quod auctoritas illa loquitur de abundantia elemosynæ ex parte dantis; sed intelligentum est, quod Deus non vult simul effundi omnes opes, nisi in mutatione status: unde subdit ibidem: *Nisi forte, ut Eliæus boves suos occidit, & pavit pauperes ex eo quod habuit, ut nulla cura domesticæ teneretur.*

Ad tertium dicendum, quod auctoritas inducta, quantum ad hoc quod dicit, *non ut aliis sit remissio, vel refrigerium*, loquitur de abundantia elemosynæ, quæ superexcedit necessitatem recipientis; cui non est danda elemosyna, ut inde luxurietur, sed ut inde sustentetur. Circa quod tamen est discretio adhibenda, propter diversas conditiones hominum, quorum quidam delicatius nutriti indigent magis delicatis cibis, aut vestibus. Unde Ambrosius dicit in Lib. I. de offic. (cap. xxx. ad fin.) *Consideranda est in largiendo ætas, argue debilitas; nonnumquam etiam verecundia, quæ regnos prodit natales; aut si quis ex divitiis in egestatem cecidit sine vitio suo.* Quantum vero ad id quod subditur, *Vobis autem tribulatio*, loquitur de abundantia ex parte dantis. Sed, sicut Glossa (interl.) ibidem dicit, *non hoc ideo dicit, quin melius esset, scilicet abundanter dare. Sed de infirmis timet, quos sic dare monet ut egestatem non patiantur.*

## QUAESTIO XXXIII.

*De correctione fraterna,  
in octo articulis divisa.*

**D**Einde considerandum est de correctione fraterna: & circa hoc quaeruntur octo.

Primo, utrum fraterna correctio sit actus caritatis.

Secun-

Secundo, utrum sit sub præcepto.

Tercio, utrum hoc præceptum extendat se ad omnes, vel solum ad prælatos.

Quarto, utrum subditi teneantur ex hoc præcepto prælatos corrigere.

Quinto, utrum peccator possit corrigere.

Sexto, utrum aliquis debeat corrigi qui ex correctione fit deterior.

Septimo, utrum secreta correctio debeat præcedere denuntiationem.

Octavo, utrum testium inductio debeat præcedere denuntiationem.

## ARTICULUS I. 195

*Utrum fraterna correctio sit actus caritatis.*

*Inf. art. 4. corp. & IV. dist. XIX. quæst. 11. art. 1. ad 6.*

**A**D primum sic proceditur. Videtur quod fraterna correctio non sit actus caritatis. Dicit enim Glossa (ordin.) Matth. XVIII. super illud, *Si peccaverit in te frater tuus, quod „ frater est ar- „ guens ex zelo iustitiæ. „* Sed iustitia est virtus distincta a caritate. Ergo correctio fraterna non est actus caritatis, sed iustitiæ.

2. Præterea. Correctio fraterna fit per secretam admonitionem. Sed admonitio est consilium quoddam, quod pertinet ad prudentiam: prudentis enim est esse bene consiliativum, ut dicitur in VI. Ethic. (cap. v.) Ergo fraterna correctio non est actus caritatis, sed prudentiæ.

3. Præterea. Contrarii actus non pertinent ad eandem virtutem. Sed supportare peccantem est actus caritatis, secundum illud ad Galat. VI. 2. *Alter alterius onera portate; & sic adimplebitis legem Christi, quæ est lex caritatis.* Ergo videtur quod corrigere fratrem peccantem, quod est contrarium supportationi, non sit actus caritatis.

Sed contra. Corrigere delinquentem est quedam eleemosyna spiritualis. Sed eleemosyna est actus caritatis, ut supra dictum est (quæst. XXXII. art. 1.) Ergo correctio fraterna est actus caritatis.

Respondendo dicendum, quod correctio delinquentis est quoddam remedium, quod debet adhiberi contra peccatum alicuius. Peccatum autem alicuius dupliciter considerari potest: uno quidem modo, inquantum est nocivum ei qui peccat; alio modo inquantum vergit in nocivum aliorum, qui ex eius peccato læduntur, vel scandalizantur, & etiam

inquantum est in nocivum boni communis, cuius iustitia per peccatum hominis perturbatur.

Duplex ergo est correctio delinquentis. Una quidem quæ adhibet remedium peccato, inquantum est quoddam malum ipsius peccantis; & ista est proprie fraterna correctio, quæ ordinatur ad emendationem delinquentis. Removere autem malum alicuius, eiusdem rationis est sicut bonum eius procurare: procurare autem fratris bonum pertinet ad caritatem, per quam volumus, & operamur bonum amico. Unde etiam correctio fraterna est actus caritatis: quia per eam repellimus malum fratris, scilicet peccatum; cuius remotio magis pertinet ad caritatem quam etiam remotio exterioris damni, vel etiam corporalis nocivum, quanto contrarium bonum virtutis magis est affine caritati, quam bonum corporis, vel exteriorum rerum. Unde correctio fraterna est actus caritatis potius quam curatio infirmitatis corporalis, vel subvencio, qua excluditur exterior egestas.

Alia vero correctio est quæ adhibet remedium peccato delinquentis, secundum quod est in malum aliorum, & præcipue in nocivum communis boni: & talis correctio est actus iustitiæ, cuius est conservare relictitudinem iustitiæ unus ad alterum.

Ad primum ergo dicendum, quod Glossa illa loquitur de secunda correctione, quæ est actus iustitiæ.

Vel si loquatur etiam de prima, tunc iustitia ibi sumitur, secundum quod est universalis virtus, ut infra dicitur (quæst. LVIII. art. 3.) prout etiam omne peccatum est iniquitas, ut dicitur I. Ioan. III. 4. quasi contra iustitiam existens.

Ad secundum dicendum, quod, sicut Philosophus dicit in VI. Ethic. (cap. v. & VII.) prudentia facit relictitudinem in his quæ sunt ad finem, de quibus est consilium, & electio; tamen cum per prudentiam aliquid recte agimus ad finem alicuius virtutis moralis, puta temperantiæ, vel fortitudinis, actus ille est principaliter illius virtutis ad cuius finem ordinatur. Quia ergo admonitio quæ fit in correctione fraterna, ordinatur ad amovendum fratris peccatum, quod pertinet ad caritatem, manifestum est quod talis admonitio principaliter est actus caritatis quasi imperantis, prudentiæ vero secundario quali exequentis, & dirigentis actum.

Ad tertium dicendum, quod correctio fraterna non opponitur supportationi infirmorum, sed magis ex ea consequitur. In tantum enim aliquis supportat peccantem, in quantum contra eum non turbatur, sed benevolentiam ad eum servat. & ex hoc contingit quod eum satagit emendare.

## ARTICULUS II. 196

*Utrum correctio fraterna sit in praecepto.*

*IV. dist. xix. quest. 11. art. 2. quest. 1. & vir. quest. 111. art. 1. ad 10.*

**A**D secundum sic proceditur. Videtur quod correctio fraterna non sit in praecepto. Nihil enim quod est impossibile, cadit sub praecepto, secundum illud Hieronymi (Pelagii in exposit. Symboli ad Damas. versus fin.) *Maledictus qui dicit, Deum aliquid impossibile praecepisse.* Sed Eccle. vii. 14. dicitur: *Considera opera Dei, quod nemo possit corrigere quem ille dispexerit.* Ergo correctio fraterna non est in praecepto.

2. Præterea. Omnia præcepta legis divinæ ad præcepta Decalogi reducuntur. Sed correctio fraterna non cadit sub aliquo præceptorum Decalogi. Ergo non cadit sub praecepto.

3. Præterea. Ommissio præcepti divini est peccatum mortale, quod in sanctis viris non invenitur. Sed ommissio fraternæ correctionis invenitur in sanctis, & in spiritualibus viris: dicit enim Augustinus I. de civit. Dei (cap. ix. circ. med.) quod non solum inferiores, verum etiam hi qui superiorem vitæ gradum tenent, ab aliorum reprehensione se abstinent, propter quamdam cupiditatis maculam, non propter officia caritatis: Ergo correctio fraterna non est in praecepto.

4. Præterea. Illud quod est in praecepto, habet rationem debiti. Si ergo correctio fraterna caderet sub praecepto, hoc fratribus deberemus ut eos peccantes corrigeremus. Sed ille qui debet alicui debitum corporale, puta pecuniam, non debet esse contentus ut ei occurrat creditor, sed debet eum querere, ut debitum reddat. Oporteret ergo quod homo quereretur correctione indigentes, ad hoc quod eos corrigeret: quod videtur inconveniens, tum propter multitudinem peccantium, ad quorum correctionem unus homo non posset sufficere; tum etiam quia oporteret quod religiosi de claustris suis exirent ad corrigendos homi-

*S. Tb. Oper. Tom. XXII*

nes: quod est inconveniens. Non ergo fraterna correctio est in praecepto.

Sed contra est quod Augustinus dicit in Libro de verbis Domini (term. xvi. cap. iv. a princ.) *Si neglexeris corrigere, peior eo factus es qui peccavit.* Sed hoc non esset, nisi per huiusmodi negligentiam aliquis præceptum omitteret. Ergo correctio fraterna est in praecepto.

Respondeo dicendum, quod correctio fraterna cadit sub praecepto.

Sed considerandum est, quod sicut præcepta negativa legis prohibent actus peccatorum, ita præcepta affirmativa inducunt ad actus virtutum. Actus autem peccatorum sunt secundum se mali; & nullo modo bene fieri possunt, nec a quo tempore, aut loco: quia secundum se sunt coniuncti malo fini, ut dicitur in II. Ethic. (cap. vi. a med.) & ideo præcepta negativa obligant semper, & ad semper. Sed actus virtutum non quolibet modo fieri debent, sed observatis debitis circumstantiis, quæ requiruntur ad hoc quod sit actus virtuosus; ut scilicet fiat ubi debet, & quando debet, & secundum quod debet. Et quia dispositio eorum quæ sunt ad finem, attenditur secundum rationem finis, in istis circumstantiis virtuosus actus præcipue attendenda est ratio finis, quæ est bonum virtutis. Si ergo sit aliqua talis ommissio alienius circumstantiæ circa virtuosum actum quæ totaliter tollat bonum virtutis, hic actus contrariatur præcepto. Si autem sit defectus alicuius circumstantiæ quæ non totaliter tollat virtutem, licet non perfecte attingat ad bonum virtutis, non est contra præceptum. Unde & Philosophus dicit in II. Ethic. (cap. ult. circ. fin.) quod si parum discedatur a medio, non est contra virtutem; sed si multum discedatur, corrumpitur virtus in suo actu. Correctio autem fraterna ordinatur ad fratris emendationem. Et ideo hoc modo cadit sub praecepto, secundum quod est necessaria ad istum finem, non autem ita quod quolibet loco, vel tempore frater delinquens corrigatur.

Ad primum ergo dicendum, quod in omnibus bonis agendis operatio hominis non est efficax, nisi adsit auxilium divinum; & tamen homo debet facere quod in se est. Unde Augustinus dicit in Libro de correptione, & gratia (cap. xv. paulo a princ.) *Nejcientes quis pertineat ad prædestinatorum numerum, & quis non pertineat, sic affici debemus caritatis affectu,*

N

fectu,

*seſſu, ut omnes velimus ſalvos fieri.* Et ideo omnibus debemus fraternæ correptionis officium impendere ſub ſpe divini auxilii.

Ad ſecundum dicendum, quod, ſicut ſupra dictum eſt (quaſt. xxxii. art. 3. ad 4.) omnia præcepta quæ pertinent ad impendendum aliquod beneficium proximo, reducuntur ad præceptum de honoratione parentum.

Ad tertium dicendum, quod correſſio fraternæ tripliciter omitti poteſt. Uno quidem modo meritorie, quando ex caritate aliquis correptionem omittit. Dicit enim Auguſtinus in l. de civit. Dei (cap. ix. ante med.). *Si propterea quiſque obviſcandis, & corripiendis male agentibus parciſ, quia oportunitas tempus inquiritur, vel eiſdem iriſ meruit, ne deteriores ex hoc efficiantur, vel ad bonam vitam, & ſciam erudiendos impediunt alios inſirmos, & premant, atque avertant a fide; non videtur eſſe cupiditatis occaſio, ſed conſilium caritatis.* Alio modo prætermittitur fraternæ correſſio cum peccato mortali, quando ſcilicet formidatur, ut ibi dicitur, *iudicium vulgi, & carnis excruciatio, vel peremptio; dum tamen hæc ita dominantur in animo, quod fraternæ caritati præponantur:* & hoc videtur contingere, quando aliquis probabiliter præſumit de aliquo delinquente quod poſſet eum a peccato retrahere; & tamen propter timorem, vel cupiditatem prætermittit. Tertio modo huiusmodi omiſſio eſt peccatum veniale, quando timor, vel cupiditas tardiorē facit hominem ad corrigendum deliſta fratris; non tamen ita quod ſi ei conſtaret quod fratrem poſſet a peccato retrahere, propter timorem, vel cupiditatem omitteret, quibus in animo ſuo præponit caritatem fraternam. Et hoc modo quandoque viri ſancti negligunt corrigere delinquentes.

Ad quartum dicendum, quod illud quod debetur alicui determinatæ & certæ perſonæ, ſive ſit bonum corporale, ſive ſpirituale, oportet quod ei impendamus, non expectantes quod nobis occurrat, ſed debitam ſolicitudinem habentes, ut eum inquiramus. Unde ſicut ille qui debet pecuniam creditori, debet eum requirere, cum tempus fuerit ut ei debitum reddat; ita qui habet ſpecialiter curam alicuius, debet eum quærere, ad hoc quod eum corrigat de peccato. Sec illa beneficia quæ non debentur certæ perſonæ, ſed communiter omnibus pro-

ximis, ſive ſint corporalia, ſive ſpiritualia, non oportet nos quærere quibus impendamus; ſed ſufficit quod impendamus eis qui nobis occurrunt. Hoc enim quaſi pro quadam ſorte habendum eſt, ut Auguſtinus dicit in l. de doctrina chriſtiana (cap. xxviii.). Et propter hoc dicit in Lib. de verbis Domini (ſerm. xv. in princ.) quod admonet nos Dominus noſter non negligere invicem peccata noſtra, non quærendo quid reprehendas, ſed videndo quod corrigas: alioquin efficeremur exploratores vitæ aliorum, contra id quod dicitur Proverb. xxiv. 15. *Ne quæras impietatem in domo iuſti, & non veſtes requiem eius.* Unde patet quod nec religioſos oportet exire clauſtrum ad corrigendum delinquentes.

### ARTICULUS III. 197

*Utrum correſſio fraternæ pertineat ſolum ad prælatos.*

IV. diſt. xxix. quaſt. ii. art. 2. & vir. quaſt. iii. art. 1.

**A**D tertium ſic proceditur. Videtur quod correſſio fraternæ non pertineat nili ad prælatos. Dicit enim Hieronymus (id habet expreſ. Orig. hom. vii. in loſ. cir. med.) *Sacerdotes ſtudeant illud Evangeliiſ implere, Si peccaveris in te frater tuus &c.* Sed nomine ſacerdotum conſueverunt ſignificari prælati qui habent curam aliorum. Ergo videtur quod ad ſolos prælatos pertineat fraternæ correſſio.

2. Præterea. Fraternæ correſſio eſt quedam elemoſyna ſpiritualis. Sed corporalem elemoſynam facere pertinet ad eos qui ſunt ſuperiores in temporalibus, ſcilicet ad ditiores. Ergo & fraternæ correſſio pertinet ad eos qui ſunt ſuperiores in ſpiritualibus, ſcilicet ad prælatos.

3. Præterea. Ille qui corripit alium, movet eum ſua admonitione ad melius. Sed in rebus naturalibus inferiora moventur a ſuperioribus. Ergo etiam ſecundum ordinem virtutis, qui ſequitur ordinem naturæ, ad ſolos prælatos pertinet inferiores corrigere.

Sed contra eſt quod dicitur xxiv. quaſt. iii. (cap. xiv.) *Tam ſacerdotes, quam reliqui fideles omnes ſumnam debent habere curam de hiſ qui peccant; quatenus eorum redargitione aut corrigantur a peccatis, aut ſi incorrigibiles appareant, ab Eccleſia ſeparantur.*

Reſpondeo dicendum, quod, ſicut di-

ſtum

Autem est (art. 1. huius quæstionis.) duplex est correctio. Una quidem quæ est actus caritatis, quæ specialiter tendit ad emendationem fratris delinquentis per simplicem admonitionem: & talis correctio pertinet ad quemlibet caritatem habentem, sive sit subditus, sive prælatus.

Est autem alia correctio quæ est actus iustitiæ, per quam intenditur bonum commune, quod non solum procuratur per admonitionem fratris, sed etiam interdum per punitionem, ut alii a peccato timentes desistant: & talis correctio pertinet ad solos prælatos, qui non solum habent admonere, sed etiam corrigere puniendo.

Ad primum ergo dicendum, quod etiam in correctione fraterna, quæ ad omnes pertinet, gravior est cura prælatorum, ut dicit Augustinus in I. de civitate Dei (cap. ix. versus finem.) Sicut enim temporalia beneficia potius debes aliquis exhibere illis quorum curam temporalem habet; ita etiam beneficia spiritualia, puta correctionem, doctrinam, & alia huiusmodi, magis debet exhibere illis qui sunt suæ spirituali curæ commissi. Non ergo intendit Hieronymus dicere, quod ad solos sacerdotes pertineat præceptum de correctione fraterna, sed quod ad hos specialiter pertinet.

Ad secundum dicendum, quod sicut ille qui habet unde corporaliter subvenire possit, quantum ad hoc dives est; ita ille qui habet sanum rationis iudicium, ex quo possit alterius delictum corrigere, quantum ad hoc est superior habendus.

Ad tertium dicendum, quod etiam in naturalibus quædam mutuo in se agunt, quia quantum ad aliquid sunt se invicem superiora, prout scilicet utrumque est quodammodo in potentia, & quodammodo in actu respectu alterius: & similiter aliquis inquantum habet sanum rationis iudicium in hoc in quo alter delinquit, potest eum corrigere, licet non sit simpliciter superior.

ARTICULUS IV. 198

Utrum quis teneatur corrigere prælatum suum.

IV. diff. XIX. quæst. 11. art. 2. quæst. 3. & virt. quæst. 111. art. 1. ad xviii. & Gal. 11. l. 3. princ. & ad Col. cap. ult. fin.

Ad quartum sic proceditur. Videtur quod aliquis non teneatur corrigere prælatum suum. Dicitur enim Exodi XIX. 12. (a) *Bestia quæ tetigerit montem, lapidabitur*: & II. Regum vi. dicitur, quod Oza percussus est a Domino, quia tetigit arcam. Sed per montem, & arcam significatur prælatus. Ergo prælati non sunt corrigendi a subditis.

2. Præterea. Gal. 11. super illud, *In faciem ei resisti*, dicit Glossa (ord. & interl. Ambro.) „ut par.“ Ergo cum subditus non sit par prælato, non debet eum corrigere.

3. Præterea. Gregorius dicit (implic. Lib. XXIII. Moral. cap. viii. & Lib. XXVI. cap. xxviii. in med.) *Sanctorum vitam corrigere non præsumat, nisi qui de se meliora sentit*. Sed aliquis non debet de se meliora sentire quam de prælato suo. Ergo prælati non sunt corrigendi.

Sed contra est quod Augustinus dicit in Regula: (epist. cxxi. al. cix. ad Simoniacos sub finem.) *Non solum vestri, sed etiam ipsius, id est prælati, miseremini, qui inter vos quanto in loco superiori, tanto in periculo maiori versatur*. Sed correctio fraterna est opus misericordiæ. Ergo & prælati sunt corrigendi.

Respondetur dicendum, quod correctio quæ est actus iustitiæ, per coercionem poenæ, non competit subdito respectu prælati; sed correctio fraterna, quæ est actus caritatis, pertinet ad unumquemque respectu cuiuslibet personæ, ad quam caritatem debet habere, si in ea aliquid corrigibile inveniat.

Actus enim ex aliquo habitu, vel potentia procedens se extendit ad omnia quæ continentur sub obiecto illius potentie, vel habitus; sicut visio ad omnia quæ continentur sub obiecto visus. Sed quia actus virtuosus debet esse moderatus debitis circumstantiis, ideo in correctione qua subditi corrigunt prælatos, debet modus congruus adhiberi, ut

N 2 sci-

(a) *Fulgens*: Omnis qui tetigerit montem, morte morietur . . . sive iumentum fuerit, sive homo, non vivet.

scilicet non cum protervia, & duritia, sed cum mansuetudine, & reverentia corrigantur. Unde Apostolus dicit I. ad Timoth. v. 1. *Seniorem ne increpaveris, sed obsecra ut patrem*. Et ideo Dionysius redarguit Demophilum monachum (epist. viii. aliquant. a princ.) quia sacerdotem irreverenter correxerat, eum percussit, & de Ecclesia eiecit.

Ad primum ergo dicendum, quod tunc praelatus inordinate videtur tangi, quando irreverenter obiurgatur, vel etiam quando ei detrahitur: & hoc significatur per contactum montis, & arcæ damnatum a Deo.

Ad secundum dicendum, quod in faciem resistere coram omnibus, excedit modum fraternæ correctionis: & ideo sic Paulus Petrum non reprehendisset, nisi aliquo modo par esset quantum ad fidei defensionem. Sed in occulto admonere, & reverenter, hoc potest etiam ille qui non est par. Unde Apostolus ad Colos. ult. 17. scribit de subditis, ut praelatum suum admoquant, cum dicit: *Dicite Archiepiscopo, Episcopo: (a) Ministerium tuum imple*. Sciendum tamen est, quod ubi immineret periculum fidei, etiam publice essent praelati a subditis arguendi. Unde & Paulus, qui erat subditus Petro, propter imminens periculum scandali circa fidem, Petrum publice arguit: & sicut Glossa Augustini (ord. ex epist. xix. nunc lxxxii. cap. 11. sub fin.) dicit ad Gal. 11. ipse Petrus exemplum maioribus præbuit, ut sicubi forte rectum transiret reliquissent, non dedignetur etiam a posterioribus corrigi.

Ad tertium dicendum, quod presumere se esse simpliciter meliorem quam sit praelatus, videtur esse presumptuosæ superbiæ; sed æstimare se meliorem quantum ad aliquid, non est presumptionis, quia nullus est in hac vita qui non habeat aliquem defectum. Et etiam considerandum est, quod cum aliquis praelatum caritative monet, non propter hoc se maiorem existimat; sed auxilium impetrat ei qui quanto in loco superiori, tanto in periculo maiori versatur, ut Augustinus dicit in Regula (loc. cit. in arg. Sed cont.)

## ARTICULUS V. 199

*Utrum peccator debeat corrigere delinquentem.*

IV. dist. xix. quæst. 11. art. 2. quæst. 2. & Matth. vii. com. 2.

**A**D quintum sic proceditur. Videtur quod peccator corrigere debeat delinquentem. Nullus enim propter peccatum quod commisit, a præcepto observando excusatur. Sed correctio fraterna cadit sub præcepto, ut dictum est (art. 2. hu. quæst.) Ergo videtur quod propter peccatum quod quis commisit, non debeat prætermittere huiusmodi correctionem.

2. Præterea. Eleemosyna spiritualis potior est quam corporalis eleemosyna. Sed ille qui est in peccato, non debet abstinere quin eleemosynam corporalem faciat. Ergo multo minus debet abstinere a correctione delinquentis propter peccatum præcedens.

3. Præterea. I. Ioan. 1. 8. dicitur: *Si dixerimus, quia peccatum non habemus, nos ipsos seducimus*. Si ergo propter peccatum aliquis impeditur a correctione fraterna, nullus erit qui possit corrigere delinquentem. Hoc autem est inconveniens. Ergo & primum.

Sed contra est quod Isidorus dicit in Lib. III. de summo bono (cap. xxxii. in princ.) *Non debet vitam aliorum corrumpere qui est vitiis subiectus*: & Roman. 11. 1. dicitur: *In quo alium iudicas, teipsum condemnas: eadem enim agis quæ iudicas*.

Respondeo dicendum, quod, sicut dictum est (art. 3. hu. quæst. ad 2.) correctio delinquentis pertinet ad aliquem, in quantum viget in eo rectum iudicium rationis. Peccatum autem, ut supra dictum est (1. 2. quæst. lxxxv. art. 1. & 2.) non tollit totum bonum naturæ, quin remaneat in peccatore aliquid de recto iudicio rationis: & secundum hoc potest sibi competere in aliis delictum arguere.

Sed tamen per peccatum præcedens impedimentum quoddam huic correctioni assertur propter tria. Primo quidem quia ex peccato præcedenti indignus redditur ut alium corrigit; & præcipue si maius peccatum commisit, non est dignus ut alium corrigit de minori peccato. Unde super illud Matth. vii. *Quid vides festucam etc.* dicit Hieronymus: *De his loqui-*

a) Fulgata: Vide ministerium quod accepti a Domino, ut illud impleas.

quitur qui cum mortali crimine detineatur obnoxii, minora peccata fratribus non concedunt.

Secundo redditur indebita correctio propter scandalum quod sequitur ex correctione, si peccatum corripientis firmiter firmatum: quia videtur quod ille qui corrigit, non corrigit ex caritate, sed magis ad ostentationem. Unde super illud Matth. vii. *Quomodo dicis fratri tuo? &c.* exponit Chrysostomus (alius Auctor hom. xvii. in op. imperf. parum ante med.) „Idest quo proposito? putas ex caritate, ut salves proximum tuum? Non, quia te ipsum ante salves. Vis ergo non alios salvere, sed per bonam doctrinam malos actus celare, & scientiae laudem ab hominibus quaerere.“

Tertio modo propter superbiam corripientis, inquantum scilicet aliquis propria peccata parvipendens, seipsum proximo praetert in corde suo, peccata eius austerius severitate diiudicans, ac si ipse etiam iustus. Unde Augustinus dicit in Lib. II. de sermone Domini in monte (cap. xix. parum a princ.) *Accusare vitia officium est bonorum virorum, & benevolentium: quod cum mali faciunt, alienas caritas agunt.* Et ideo, sicut Augustinus dicit in eodem Libro (ibid.) *cogitemus, cum aliquem reprehendere nos necessitas cogit, utrum tale sit vitium quod nunquam habuimus; & tunc cogitemus nos homines esse, & habere potuisse: vel tale quod aliquando habuimus, & iam non habemus; & tunc tangat memoria communis fragilitas, ut illam correctionem non odium, sed misericordiam praecedat. Si autem invenerimus nos in eodem vitio esse, non obiurgemus, sed congemiscamus, & non illum ad obtemperandum nobis, sed ad pariter cavendum invitemus.* Ex his ergo patet quod si peccator cum humilitate corripit delinquentem, non peccat, nec sibi novam condemnationem acquirit; licet per hoc vel in conscientia fratris, vel saltem sua pro peccato praeterito condemnabilem se esse ostendat.

Unde patet responsio ad obiecta.

## ARTICULUS VI. 203

*Utrum quis debeat a correctione cessare propter timorem, ne ille fiat deterior.*

IV. dist. III. quaest. II. art. 2. ad 1. & vir. quaest. III. art. 1. ad 1. & Ephef. v. lect. 4. fin.

**A**D sextum sic proceditur. Videtur quod aliquis non debeat a correctione cessare propter timorem ne ille fiat deterior. Peccatum enim est quoddam infirmitas animae, secundum illud Psalmista Psal. vi. 3. *Miserere mei Domine, quoniam infirmus sum.* Sed ille cui imminet cura infirmi, etiam propter eius contradictionem, vel contemptum non debet cessare, quia tunc maius imminet periculum, sicut patet circa firmitates. Ergo multo magis debet homo peccantem corrigere, quantumcumque graviter ferat.

2. Praeterea. Secundum Hieronymum (ex quo non occurrit, sed hab. ex Greg. hom. vii. in Ezech. aliquant. a princ. & in Glosa Lyranus sup. illud Matth. xv. *Scitis quia Pharisei*) veritas vitae non est dimittenda propter scandalum. Praecepta autem Dei pertinent ad veritatem vitae. Cum ergo correctio fraterna cadat sub praeepto, ut dictum est (art. 2. hu. qu.) videtur quod non sit dimittenda propter scandalum eius qui corripitur.

3. Praeterea. Secundum Apostolum ad Rom. III. non sunt facienda mala, ut veniant bona. Ergo pari ratione non sunt praetermittenda bona, ne veniant mala. Sed correctio fraterna est quoddam bonum. Ergo non est praetermittenda propter timorem, ne ille qui corripitur, fiat deterior.

Sed contra est quod dicitur Proverb. ix. 8. *Noli arguere derisorem, ne oderit te:* ubi dicit Glosa (ordin. Greg. Lib. VIII. Moral. cap. xxiv. in med.) Non est timendum, ne tibi derisor, cum arguitur, contumelias inferat; sed hoc potius providendum, ne tractus ad odium inde fiat peior. Ergo cessandum est a correctione fraterna, quando timetur ne fiat ille inde deterior.

Respondeo dicendum, quod, sicut dictum est (art. 3. hu. quaest.) duplex est correctio delinquentis. Una quidem pertinet ad praedictos, quae ordinatur ad bonum commune, & habet vim coactivam: & talis correctio non est dimittenda propter turbationem eius qui corri-

pitur: tum quia si propria sponte emendari non velit, cogendus est per poenas, (a) ut peccare desinat: tum etiam quia si (b) incorrigibilis sit, per hoc providebitur bono communi, dum servatur ordo iustitiae, & unius exemplo alii deterrentur. Unde iudex non pratermittit ferre sententiam condemnationis in peccantem, propter timorisurbationis ipsius, vel etiam amicorum eius.

Alia vero est correctio fraterna, cuius finis est emendatio delinquentis, non habens coactionem, sed simplicem admonitionem: & ideo ubi probabiliter aestimatur quod peccator admonitionem non recipiat, sed ad peiora labatur, est ab huiusmodi correctione desistendum: quia ea quae sunt ad finem, debent regulari secundum quod exigit ratio finis.

Ad primum ergo dicendum, quod medicus quadam coactione utitur in phrenetico, qui curam eius recipere non vult: & huic assimilatur correctio praetorum, quae habet vim coactivam, non autem simplex correctio fraterna.

Ad secundum dicendum, quod de correctione fraterna datur praeceptum, secundum quod est adus virtutis; hoc autem est, secundum quod proportionatur finis: & ideo quando est impeditiva finis, puta cum efficitur homo deterior, iam non pertinet ad veritatem vitae, nec cadit sub praecepto.

Ad tertium dicendum, quod ea quae ordinantur ad finem, habent rationem boni ex ordine ad finem. Et ideo correctio fraterna, quando est impeditiva finis, scilicet emendationis fratris, iam non habet rationem boni: & ideo cum pratermittitur talis correctio, non pratermittitur bonum, ne eveniat malum.

## ARTICULUS VII. 201

*Utrum in correctione fraterna debeat ex necessitate praecepti admonitio secreta precedere denuntiationem.*

*IV. dist. XIX. quæst. 11. art. 3. quæst. 1. ad 1. & quod. XI. art. 15.*

**A**D septimum sic proceditur. Videtur quod in correctione fraterna non debeat ex necessitate praecepti admonitio secreta precedere denuntiationem. In operibus enim caritatis praeceptum debemus Deum imitari, secundum illud Eph. v. 1. *Esote imitatores Dei, sicut*

*ut filii carissimi, & ambulate in dilectione.* Deus autem interdum publice punit hominem pro peccato, nulla secreta admonitione precedente. Ergo videtur quod non sit necessarium admonitionem secretam precedere denuntiationem.

2. Præterea. Sicut Augustinus dicit in Libro de mendacio (cap. xv. parum a princ.) *ex gestis Sanctorum intelligi potest, qualiter sunt praecepta sacre Scripturae intelligenda.* Sed in gestis Sanctorum invenitur facta publica denuntiatio peccati occulti, nulla secreta monitione precedente; sicut legitur Gen. xxxvii. quod *Ioseph accusavit fratres suos apud patrem crimine pessimo:* & Act. v. dicitur, quod Petrus Ananiam, & Saphiram occulte defraudantes de pretio agri publice denuntiavit, nulla secreta admonitione præmissa: ipse etiam Dominus non legitur secreto admonuisse Iudam, antequam eum denuntiaret. Non ergo est de necessitate praecepti ut secreta admonitio precedat publicam denuntiationem.

3. Præterea. Accusatio est gravior quam denuntiatio. Sed ad publicam accusationem potest aliquis procedere, nulla admonitione secreta precedente: determinatur enim in Decretali (cap. *Qualiter* xxiv. de accusationibus) quod *accusationem debet precedere sola inscriptio.* Ergo videtur quod non sit de necessitate praecepti quod secreta admonitio precedat publicam denuntiationem.

4. Præterea. Non videtur esse probabile quod ea quae sunt in communi consuetudine religionum, sint contra praecepta Christi. Sed consuetum est in religionibus quod in capitulis aliqui proclamantur de culpis, nulla secreta admonitione præmissa. Ergo videtur quod hoc non sit de necessitate praecepti.

5. Præterea. Religiosi tenentur suis praetatis obedire. Sed quandoque praetati praecipunt vel communiter omnibus, vel alicui specialiter, ut si quid sit corrigendum, eis dicatur. Ergo videtur quod eis teneantur dicere etiam ante secretam admonitionem. Non ergo est de necessitate praecepti ut secreta admonitio precedat publicam denuntiationem.

Sed contra est quod Augustinus dicit in Lib. de verb. Dom. exponens illud *Corrripe in seipsum inter te & ipsum solum* (Ierm. xvi. cap. iv. cir. med.) „Seu dens correctioni, parcens pudori: for-  
te

(a) *ut* ut peccata dimittat. (b) *Ita* *missi* *passim*, & editi plurimi. Garcia, & editi. Patav. 1712. corrigibilis.



„ te enim prae verecundia incipit defendere peccatum suum; & quem vis facere meliorem, facis peiores. “ Sed ad hoc tenemur per praeceptum caritatis ut caveamus ne frater deterius efficiatur. Ergo ordo correctionis fraternae cadit sub praecepto.

Respondeo dicendum, quod circa publicam denuntiationem peccatorum distinguendum est. Aut enim peccata sunt publica, aut sunt occulta. Si quidem sint publica, non est tantum adhibendum remedium ei qui peccavit, ut melior fiat, sed etiam aliis, in quorum notitiam devenit, ut non scandalizentur. Et ideo talia peccata sunt publice arguenda, secundum illud Apostoli I. ad Tim. v. 20. *Peccantes coram omnibus argue, ut & ceteri timorem habeant*: quod intelligitur de peccatis publicis, ut Augustinus dicit in Lib. de verb. Dom. (loc. cit. cap. vii.)

Si vero sint peccata occulta, sic videtur habere locum quod Dominus dicit, (Matth. xviii.) *Si peccaveris in te frater tuus*. Quando enim te offendit publice coram aliis, iam non solum in te peccat, sed etiam in alios, quos turbat. Sed quia etiam in oculis peccatis potest parari proximorum offensio, ideo adhuc videtur distinguendum esse. Quaedam enim peccata occulta sunt quae sunt in nocumentum proximorum vel corporale, vel spirituale; puta si aliquis occulte trahet, quomodo civitas tradatur hostibus, vel si haereticus privatum homines a fide avertat. Et quia ille qui sic occulte peccat, non solum in te peccat, sed etiam in alios, oportet statim procedere ad denuntiationem, ut huiusmodi nocumentum impediatur: nisi forte aliquis firmiter aestimaret quod statim per secretam admonitionem posset huiusmodi mala impedire.

Quaedam vero peccata sunt quae solum sunt in malum peccantis, & eius in quem peccatur, vel quia a peccante solum laeditur, vel saltem ex sola notitia: & tunc ad hoc solum tendendum est ut fratri peccanti subveniatur: & sicut medicus corporalis sanitatem aegroti confert, si potest, sine alicuius membri abscissione, si autem non potest, abscindit membrum minus necessarium, ut vita totius conservetur; ita etiam ille qui studet emendationi fratris, debet, si potest, sic emendare fratrem quantum ad conscientiam, ut fama eius conservetur: quae quidem est utilis primo quidem ipsi peccanti, non solum in temporalibus, in quibus

quantum ad multa homo patitur detrimentum, amissa fama; sed etiam quantum ad spiritualia, quia prae timore infamiae multi a peccato retrahuntur, unde quando te infamatos conficiunt, irrefrenate peccant. Unde Hieronymus dicit (sup. illud Matth. xviii. *Si peccaverit in te*): *Corrumpendus est seorsum frater, ne si semel pudorem, vel verecundiam amiserit, permaneat in peccato*. Secundo debet conservari fama fratris peccantis: tum quia, uno infamato, alii infamantur, secundum illud Augustini in epist. ad plebem Hipponensem (lxxvii. al. cxxxvii. inter med. & fin.) *cum de aliquibus qui sanctum nomen profestantur, aliquid criminis vel falsi sonuerit, vel veri pauperit, instant, insatiant, ambiunt, ut de omnibus hoc credatur*: tum etiam quia ex peccato unius publicato alii provocantur ad peccandum.

Sed quia conscientia praeferenda est famae, voluit Dominus ut saltem cum dispendio famae fratris conscientia per publicam denuntiationem a peccato liberetur. Unde patet de necessitate praecepti esse quod secreta admonitio publicam denuntiationem praecedat.

Ad primum ergo dicendum, quod omnia occulta sunt Deo nota: & ideo hoc modo te habent occulta peccata ad iudicium divinum, sicut publica ad humanum; & tamen plerumque Deus peccatorem quasi secreta admonitione arguit, interius inspirando vel vigilanti, vel dormienti, secundum illud Iob xxxiii. 15. *Per somnium in visione nocturna, quando irrui super homines, tunc aperit aures virorum, & evadens eos instruit disciplina, ut avertat hominem ab his quae fecit*.

Ad secundum dicendum, quod Dominus peccatum Iudae tamquam Deus sic ut publicum habebat, unde statim poterat ad publicandum procedere; tamen ipse non publicavit, sed obcuris verbis cum de peccato suo admonuit. Petrus autem publicavit peccatum occultum Ananias, & Saphirae, tamquam executor Dei, cuius revelatione peccatum cognovit. De Ioseph autem credendum est quod fratres suos quandoque admonuerit, licet non sit scriptum.

Vel potest dici, quod peccatum publicum erat inter fratres: unde dicit pluraliter: *Accusavit fratres suos*.

Ad tertium dicendum, quod quando imminet periculum multitudinis, non habent ibi locum haec verba Domini:

quia tunc frater peccans non peccat in te tantum.

Ad quartum dicendum, quod huiusmodi proclamationes quæ in capitulis religiosiorum sunt, sunt de aliquibus levibus, quæ famæ non derogant: unde sunt quali quidam commemorationes potius obliatarum culparum quam accusationes, vel denuntiationes. Si essent tamen talia, de quibus frater infamaretur, contra præceptum Domini ageret qui per hunc modum peccatum fratris publicaret.

Ad quintum dicendum, quod prælatum non est obediendum contra præceptum divinum, secundum illud Act. v. 29. *Obedire oportet Deo magis quam hominibus*. Et ideo quando Prælatum præcipit ut sibi dicatur quod quis sciverit corrigendum, intelligendum est præceptum sane, salvo ordine fraternæ correctionis; sive præceptum fiat communiter ad omnes, sive ad aliquem specialiter. Sed si prælatum expresse præciperet contra hunc ordinem a Domino institutum, & ipse peccaret præcipiens, & ei obediens, quasi contra præceptum Domini agens: unde non esset ei obediendum: quia prælatum non est iudex (*a*) occultorum, sed solus Deus: unde non habet potestatem præcipiendi aliquid super occultis, nisi inquantum per aliqua indicia manifestantur, puta per infamiam, vel per aliquas suspiciones: in quibus casibus potest prælatum præcipere eodem modo, sicut & iudex secularis, vel ecclesiasticus potest exigere iuramentum de veritate dicenda.

#### ARTICULUS VIII. 203

*Utrum testium inductio debeat præcedere publicam denuntiationem.*

*IV. dist. xix. quæst. 11. art. 3. quæst. 2. & quod. xi. art. 12. & 13.*

**A**D octavum sic proceditur. Videtur quod testium inductio non debeat præcedere publicam denuntiationem. Peccata enim occulta non sunt aliis manifestanda: quia sic magis homo esset proditor criminis quam corrector fratris, ut Augustinus dicit (in Lib. de verb. Dom. serm. xvj. cap. vii.) Sed ille qui inducit testes, peccatum fratris aliis manifestat. Ergo in peccatis occultis non debet testium inductio præcedere publicam denuntiationem.

2. Præterea. Homo debet diligere proximum sicut seipsum. Sed nullus ad suum peccatum occultum inducit testes. Ergo neque ad peccatum occultum fratris debet inducere.

3. Præterea. Testes inducuntur ad aliquid probandum. Sed in occultis non potest fieri probatio per testes. Ergo frustra huiusmodi testes inducuntur.

4. Præterea. Augustinus dicit in Regula (ad sanctimoniales epist. cxi. al. cix. cir. med.) quod prius præposito debet ostendi quam testibus. Sed ostendere præposito, vel prælato, est dicere Ecclesie. Non ergo testium inductio debet præcedere publicam denuntiationem.

Sed contra est quod Dominus dicit Matth. xviii. 16. *Adhibe tecum unum, vel duos, ut in ore duorum &c.*

Respondeo dicendum, quod de uno extremo ad aliud extremum convenienter transitur per medium. In correctione autem fraternæ Dominus voluit quod principium esset occultum, dum frater corripere fratrem inter se & ipsum solum; finem autem voluit esse publicum, ut scilicet Ecclesie denuntiaretur.

Et ideo convenienter in medio ponitur testium inductio; ut primo paucis indicetur peccatum fratris, qui possint procedere, & non obesse; ut talem sic sine multitudinis infamia emendetur.

Ad primum ergo dicendum, quod quidam sic intellexerunt ordinem fraternæ correctionis esse servandum, ut primo frater sit in secreto corripiendus; & si audierit, bene quidem; si autem non audierit, si peccatum sit omnino occultum, dicebant non esse ulterius procedendum; si autem incipit iam ad notitiam plurium devenire aliquibus indicis, debet ulterius procedi, secundum quod Dominus mandat. Sed hoc est contra id quod Augustinus dicit in Regula (loc. cit. in arg. 4.) quod peccatum fratris non debet occultari, ne putrescat in corde.

Et ideo aliter dicendum est, quod post admonitionem secretam semel vel pluries factam, quamdiu ipse probabiliter habetur de correctione, per secretam admonitionem procedendum est: ex quo autem probabiliter iam cognoscere possumus quod secreta admonitio non valet, procedendum est ulterius, quantumcumque sit peccatum occultum, ad testium inductionem: nisi forte probabiliter æstimaretur quod hoc ad emendationem

(a) Ita cod. Alim. & Samar. quibus accedit Garsia. Al. iudex iudiciorum occultorum.

nem fratris non proficeret, sed exinde deterior redderetur: quia propter hoc est totaliter a correctione cessandum, ut supra dictum est (art. 6. hu. quæst.)

Ad secundum dicendum, quod homo non indiget testibus ad emendationem sui peccati; quod tamen potest esse necessarium ad emendationem peccati fratris. Unde non est similis ratio.

Ad tertium dicendum quod testes possunt induci propter tria: uno modo ad ostendendum quod hoc sit peccatum, de quo aliquis arguitur, ut Hieronymus dicit; secundo modo ad convincendum de actu, si actus iteratur, ut Augustinus dicit in Regula (loc. sup. cit.) tertio modo ad testificandum quod frater admonens fecit quod in se fuit, ut Chrysostomus dicit (hom. lxi. in Matth. cir. med.)

Ad quartum dicendum, quod Augustinus intelligit, quod prius dicatur praelato quam testibus, secundum quod praelatus est quædam singularis persona, quæ magis potest prodesse quam alii; non autem quod dicatur ei tamquam Ecclesiæ, id est sicut in loco iudicis residenti.

# QUAESTIO XXXIV.

De odio,

in sex articulos divisa.

**D**Einde considerandum est de vitiis oppositis caritati: & primo de odio, quod opponitur ipsi dilectioni; secundo de accidia, & invidia, quæ opponuntur gaudio caritatis; tertio de discordia, & schismate, quæ opponuntur paci; quarto de ostensione, & scandalo, quæ opponuntur beneficentiæ, & correctioni fraternæ.

Circa primum quaeruntur sex.

Primo, utrum Deus possit odio haberi. Secundo, utrum odium Dei sit maximum peccatorum.

Tertio, utrum odium proximi semper sit peccatum.

Quarto, utrum sit maximum inter peccata quæ sunt in proximum.

Quinto, utrum sit vitium capitale.

Sexto, ex quo capitali vitio oritur.

## ARTICULUS I. 203

Utrum quis possit Deum odio habere.

*Sup. quæst. xlii. art. 4. & IV. dist. 1. quæst. 11. art. 1. quæst. 5. & 10. v. lect. 8. & cap. xv. lect. 5. & Rom. viii. lect. 2.*

**A**D primum sic proceditur. Videtur quod Deum nullus odio habere possit. Dicit enim Dionysius iv. cap. de divinis Nominibus (lect. 5.) quod *omnibus amabile, & diligibile est primum bonum & pulchrum*. Sed Deus est ipsa bonitas, & pulchritudo. Ergo a nullo odio habetur.

2. Præterea. In Apocryphis Esdræ (Lib. III. cap. iv.) dicitur, quod *omnia invocant veritatem, & benignantur in operibus eius*. Sed Deus est ipsa veritas, ut dicitur Ioan. xiv. Ergo omnes diligunt Deum, & nullus cum odio habere potest.

3. Præterea. Odium est aversio quædam. Sed, sicut Dionysius dicit in 1. cap. de divinis Nominibus (lect. 2. & cap. iv. lect. 3.) Deus omnia ad seipsum convertit. Ergo nullus eum odio habere potest.

Sed contra est quod dicitur in Psal. lxxiii. 23. *Superbia eorum qui te oderunt, ascendis semper: & Ioan. xv. 24. Nunc autem & viderunt, & oderunt me, & Patrem meum.*

Respondetur dicendum, quod, sicut ex supra dictis patet (1. 2. quæst. xlii. art. 1.) odium est quidam motus appetitivæ potentie, quæ non movetur nisi ab aliquo apprehenso. Deus autem dupliciter ab homine apprehendi potest: uno modo secundum seipsum, puta cum per essentiam videtur; alio modo per effectus suos, cum scilicet *invisibilia Dei per ea quæ facta sunt, intellecta conspiciuntur*. Deus autem per essentiam suam est ipsa bonitas, quam nullus habere odio potest, quia de ratione boni est ut ametur: & ideo impossibile est quod aliquis videns Deum per essentiam, eum odio habeat.

Sed effectus eius aliqui sunt qui nullo modo possunt esse contrarii voluntati humanæ: quia *esse, vivere, & intelligere* est appetibile, & amabile omnibus; quæ sunt quidam effectus Dei. Unde etiam secundo quod Deus apprehenditur ut auctor horum effectuum, non potest odio haberi. Sunt autem quidam effectus Dei qui repugnant inordinatæ voluntati, sicut infir-

infectio poenae, & etiam cohibitio peccatorum per legem divinam; quae repugnant voluntati depravatæ per peccatum: & quantum ad considerationem talium effectuum, ab aliquibus Deus odio haberi potest, inquantum scilicet apprehenditur peccatorum prohibitor, & poenarum inflictor.

Ad primum ergo dicendum, quod ratio illa procedit quantum ad illos qui vident Dei essentiam, quæ est ipsa essentia bonitatis.

Ad secundum dicendum, quod ratio illa procedit quantum ad hoc quod apprehenditur Deus ut causa illorum effectuum qui naturaliter ab omnibus amantur: inter quos sunt opera veritatis praebeatis suam cognitionem hominibus.

Ad tertium dicendum, quod Deus convertit omnia ad seipsum, inquantum est essendi principium: quia omnia, inquantum sunt, tendunt in Dei similitudinem, qui est ipsum esse.

## ARTICULUS II. 204

### *Utrum odium Dei sit maximum peccatorum.*

*Inf. quæst. xxxix. art. 2. ad 3. & 1. 2. quæst. lxxiii. art. 4. ad 3.*

**A**D secundum sic proceditur. Videtur quod odium Dei non sit maximum peccatorum. Gravissimum enim peccatum est peccatum in Spiritum sanctum, quod est irremissibile, ut dicitur Matth. xii. Sed odium Dei non computatur inter species peccati in Spiritum sanctum, ut ex supra dictis patet (quæst. xiv. art. 2.) Ergo odium Dei non est gravissimum peccatorum.

2. Præterea. Peccatum consistit in elongatione a Deo. Sed magis videtur esse elongatus a Deo infidelis, qui nec Dei cognitionem habet, quam fidelis, qui saltem quamvis Deum odio habeat, ipsum tamen cognoscit. Ergo videtur quod gravius sit peccatum infidelitatis quam peccatum odii in Deum.

3. Præterea. Deus habetur odio solum ratione suorum effectuum qui repugnant voluntati; inter quos præcipuus est poena. Sed odire penam non est maximum peccatorum. Ergo odium Dei non est maximum peccatorum.

Sed contra est quod *optimo opponitur pessimum*, ut patet per Philosophum in VIII. Ethicor. (cap. x. cir. princ.)

Sed odium Dei opponitur dilectioni Dei, in qua consistit optimum hominis. Ergo odium Dei est pessimum peccatorum hominis.

Respondeo dicendum, quod defectus peccati consistit in aversione a Deo, ut dictum est (quæst. x. art. 3.) Huiusmodi autem aversio rationem culpæ non haberet, nisi voluntaria esset. Unde ratio culpæ consistit in voluntaria aversione a Deo.

Hæc autem voluntaria aversio a Deo per se quidem importatur in odio Dei, in aliis autem peccatis quasi participative & secundum aliud. Sicut enim voluntas per se inhæret ei quod amat, ita secundum se refugit id quod odit. Unde quando aliquis odit Deum, voluntas eius secundum se ab eo avertitur; sed in aliis peccatis (puta cum aliquis fornicatur) non avertitur a Deo secundum se, sed secundum aliud, inquantum scilicet appetit inordinatam delectationem, quæ habet annexam aversionem a Deo. Semper autem id quod est per se, est potius eo quod est secundum aliud. Unde odium Dei inter alia peccata est gravius.

Ad primum ergo dicendum, quod, sicut Gregorius dicit XXV. Moral. (cap. xi. parum a princ.) *aliud est bona non facere, & aliud est bonorum odire (a) datorem; sicut aliud est ex præcipatione aliud ex deliberatione peccare.* Ex quo, datur intelligi quod odire Deum omnium bonorum datorem, sit ex deliberatione peccare; quod est peccatum in Spiritum sanctum. Unde manifestum est quod odium Dei maxime est peccatum in Spiritum sanctum, secundum quod peccatum in Spiritum sanctum nominat aliquod genus speciale peccati: ideo tamen non computatur inter species peccati in Spiritum sanctum, quia generaliter invenitur in omni specie peccati in Spiritum sanctum.

Ad secundum dicendum, quod ipsa infidelitas non habet rationem culpæ, nisi inquantum est voluntaria: & ideo tanto est gravius, quanto est magis voluntaria. Quod autem sit voluntaria, provenit ex hoc quod aliquis odio habet veritatem quæ proponitur. Unde patet quod ratio peccati in infidelitate sit ex odio Dei, circa cuius veritatem est fides: & ideo sicut causa est prior effectui, ita odium Dei est maius peccatum quam infidelitas.

Ad tertium dicendum, quod non quicumque odit poenas, odit Deum poenarum auctorem. Nam multi odiant po-

nas.

(a) *Al. doctorem.*

nas, qui tamen eas patienter ferunt ex reverentia divinæ iustitiæ. Unde Augustinus dicit X. Confess. ( cap. xxviii. ) quod mala poenalia Deus tolerare iubet, non amare. Sed prurimpere in odium Dei punientis, hoc est habere odio ipsam Dei iustitiam: quod est gravissimum peccatum. Unde Gregorius dicit XXV. Moral. ( loc. cit. ad 1. ) *Sicut nonnumquam gravius est peccatum diligere quam perpetrare; ita nequius est odisse iustitiam quam non fessisse.*

## ARTICULUS III. 205

*Utrum omne odium proximi sit peccatum.*

*Sup. quæst. xxv. art. 6. & Ps. xxiv.*

**A**D tertium sic proceditur. Videtur quod non omne odium proximi sit peccatum. Nullum enim peccatum invenitur in præceptis, vel consiliis legis divinæ, secundum illud Proverb. viii. 8. *Iusti sunt omnes sermones mei: non est in eis pravum quid, nec perversum.* Sed Luc. xiv. 26. dicitur: *Si quis venit ad me, & non odit patrem, & matrem, non potest esse meus discipulus.* Ergo non omne odium proximi est peccatum.

2. Præterea. Nihil potest esse peccatum, in quo Deum imitamur. Sed imitando Deum, quoddam odio habemus: dicitur enim Rom. 1. 30. *Detrahentes Deo odibiles.* Ergo possumus aliquos odio habere absque peccato.

3. Præterea. Nihil naturalium est peccatum: quia peccatum est *recessus ab eo quod est secundum naturam*, ut Damascenus dicit in II. Lib. (orth. Fid. cap. iv. & xxx. & Lib. IV. cap. xxi. ) Sed naturale est unicuique rei quod odiat illud quod est tibi contrarium, & quod nitatur ad eorum corruptionem. Ergo videtur non esse peccatum quod aliquis habeat odio inimicum suum.

Sed contra est quod dicitur I. Ioan. 11. 9. *Qui odit fratrem suum, in tenebris est.* Sed tenebræ spirituales sunt peccata. Ergo odium proximi non potest esse sine peccato.

Respondendo dicendum, quod odium a mori opponitur, ut supra dictum est ( 1. 2. quæst. xxix. art. 2. ) Unde tantum habet odium de ratione mali, quantum amor habet de ratione boni. Amor autem debetur proximo secundum id quod a Deo habet, id est secundum naturam

& gratiam; non autem debetur ei amor secundum id quod habet a seipso, & diabolo, scilicet secundum peccatum, & iustitiæ defectum.

Et ideo licet habere odio peccatum in fratre, & omne illud quod pertinet ad defectum ( a ) divinæ iustitiæ; sed ipsam naturam, & gratiam fratris non potest aliquis habere odio sine peccato. Hoc autem ipsum quod in fratre odimus culpam, & defectum boni, pertinet ad fratris amorem: eiusdem enim rationis est quod velimus bonum alicuius, & quod odiamus malum ipsius.

Unde simpliciter accipiendo odium fratris, semper est cum peccato.

Ad primum ergo dicendum, quod parentes quantum ad naturam & affinitatem, qua nobis coniunguntur, sunt a nobis secundum præceptum Dei honorandi, ut patet Exodi xx. Odiendi autem sunt quantum ad hoc quod impedimentum præstant nobis accedendi ad perfectionem divinæ iustitiæ.

Ad secundum dicendum, quod Deus in detractoribus odio habet culpam, non naturam; & sic sine culpa possumus odio detractores habere.

Ad tertium dicendum, quod homines secundum bona quæ habent a Deo, non sunt nobis contrarii: unde quantum ad hoc sunt amandi. Contrariantur autem nobis, secundum quod contra nos inimicitias exercent; quod ad eorum culpam pertinet: & quantum ad hoc sunt odio habendi: hoc enim in eis debemus habere odio quod nobis sunt inimici.

## ARTICULUS IV. 206

*Utrum odium proximi sit gravissimum peccatorum quæ in proximum committuntur.*

*Inf. quæst. clix. art. 4. & 6. & 1. 2. quæst. xlv. art. 6. & mal. quæst.*

*xii. art. 4. & 5.*

**A**D quartum sic proceditur. Videtur quod odium proximi sit gravissimum peccatorum eorum quæ in proximum committuntur. Dicitur enim I. Ioan. 11. 15. *Omnis qui odit fratrem suum, homicida est.* Sed homicidium est gravissimum peccatorum inter ea quæ committuntur in proximum. Ergo & odium.

2. Præterea. Pessimum opponitur optimo. Sed optimum eorum quæ proximo

( a ) Ita mss. & editi veteres libri. Garcia, & edit. Passov. dicunt vocem divinæ volui transponam.

mo exhibemus, est amor : omnia enim alia ad dilectionem referuntur. Ergo & pessimum est odium.

Sed contra. *Malum dicitur, quia nocet*, secundum Augustinum in Enchir. (cap. xii.) Sed plus aliquis nocet proximo per alia peccata quam per odium, puta per furtum, & homicidium, & adulterium. Ergo odium non est gravissimum peccatum.

Præterea. Chrysostomus (alius Auditor) exponens illud Matth. v. *Qui solaverit unum de mandatis istis minimis*, dicit (hom. x. in op. imperf. verl. fin.) "Mandata Moysi, *Non occides, Non adulterabis*, in remuneratione modica sunt, in peccato autem magna. Mandata autem Christi, scilicet, *Non irascaris, Non concupiscas*, in remuneratione magna sunt, in peccato autem minima. "Odium autem pertinet ad interiore motum, sicut & ira, & concupiscentia. Ergo odium proximi est minus peccatum quam homicidium.

Respondendo dicendum, quod peccatum quod committitur in proximum, habet rationem mali ex duobus : uno quidem modo ex deordinatione eius qui peccat ; alio modo ex nocimento quod inferitur ei contra quem peccatur. Primum ergo modo odium est maius peccatum quam exterioris actus qui sunt in proximi nocimentum : quia scilicet per odium deordinatur voluntas hominis, quæ est potissimum in homine, & ex qua est radix peccati : unde etiam si exteriores actus inordinati essent absque inordinatione voluntatis, non essent peccata, putandum autem ignoranter, vel zelo iustitiæ hominem occidit : & si quid culpæ est in exterioribus peccatis, quæ contra proximum committuntur, totum est ex interiori odio.

Sed quantum ad nocimentum quod proximo inferitur, peiora sunt exteriora peccata quam interioris odium.

Et per hoc patet responsio ad obiecta.

## ARTICULUS V. 207

*Utrum odium sit vitium capitale.*

*Inf. quæst. clviii. art. 6. & mal. quæst. xii. art. 5.*

**A**D quintum sic proceditur. Videtur quod odium sit vitium capitale. Odiu enim directe opponitur caritati. Sed caritas est principalissima virtutum, & mater aliarum. Ergo odium est ma-

ximum vitium capitale, & principium omnium aliorum.

2. Præterea. Peccata oriuntur in nobis secundum inclinationem passionum, secundum illud ad Rom. vii. 5. *Passiones peccatorum operabantur in membris nostris, ut fructificarent morti*. Sed in passionibus animæ ex amore, & odio videntur omnes aliae sequi, ut ex supra dictis patet (1. 2. quæst. xxv. art. 1. & 2.) Ergo odium debet poni inter vitia capitalia.

3. Præterea. Vitium est malum morale. Sed odium principalius respicit malum quam alia passio. Ergo videtur quod odium debet poni vitium capitale.

Sed contra est quod Gregorius XXXI. Moral. (cap. xvii. a med.) non enumerat odium inter septem vitia capitalia.

Respondendo dicendum, quod, sicut supra dictum est (1. 2. quæst. lxxxiv. art. 3. & 4.), vitium capitale est ex quo ut frequentius alia vitia oriuntur. Vitium autem est contra naturam hominis, in quantum est animal rationale. In his autem quæ contra naturam sunt, paulatim id quod est natura, corrumpitur.

Unde oportet quod primo recedatur ab eo quod est minus secundum naturam, & ultimo ab eo quod est maxime secundum naturam : quia id quod est primum in constructione, est ultimum in resolutione.

Id autem quod est maxime, & primo naturale homini, est quod diligit bonum, & præcipue bonum divinum, & bonum proximi : & ideo odium, quod dilectioni huic opponitur, non est primum in destructione virtutis, quæ fit per vitia, sed ultimum : & ideo odium non est vitium capitale.

Ad primum ergo dicendum, quod, sicut dicitur in VII. Phys. (tex. 18.) *virtus uniuscuiusque rei consistit in hoc quod sit bene disposita secundum suam naturam*. Et ideo in virtutibus oportet esse primum & principale quod est primum & principale in ordine naturali. & propter hoc caritas ponitur principalissima virtutum : & eadem ratione odium non potest esse primum in vitiis, ut dictum est (in corp. art.)

Ad secundum dicendum, quod odium mali, quod contrariatur naturali bono, est primum inter passiones animæ, sicut & amor naturalis boni. Sed odium boni connaturalis non potest esse primum, sed habet rationem ultimi : quia tale odium attestatur corruptioni naturæ iam

iam factæ, sicut & amor extranei boni.

Ad tertium dicendum, quod duplex est malum. Quoddam verum, quod scilicet repugnat naturali bono; & huiusmodi mali odium potest habere rationem prioritatis inter passionem. Est autem aliud malum non verum, sed apparens, quod scilicet est verum bonum, & connaturale, sed æstimatur ut malum propter corruptionem naturæ: & huiusmodi mali odium oportet quod sit in ultimo. Hoc autem odium est vitiosum, non autem primum.

## ARTICULUS VI. 208

*Utrum odium oriatur ex invidia.*

*Inf. quest. xxxv. art. 4. & mal. quest. x. art. 3.*

**A**D sextum sic proceditur. Videtur quod odium non oriatur ex invidia. Invidia enim est *tristitia quedam de alienis bonis*. Odium autem non oritur ex tristitia, sed potius e converso: tristitiam enim de præsentia malorum, quæ odium. Ergo odium non oritur ex invidia.

2. Præterea. Odium dilectioni opponitur. Sed dilectio proxima refertur ad dilectionem Dei, ut supra habitum est (quest. xxv. art. 1. & quest. xxvi. art. 2.) Ergo & odium proximi refertur ad odium Dei. Sed odium Dei non causatur ex invidia: non enim invidemus his qui maxime a nobis distant, sed his qui propinqui videntur, ut patet per Philosophum in II. Rhet. (cap. x.) Ergo odium non causatur ex invidia.

3. Præterea. Unius effectus una est causa. Sed odium causatur ex ira: dicit enim Augustinus in Regula (ad Faustinum. epist. cxxi. al. cix. inter med. & fin.) quod *ira crescit in odium*. Non ergo causatur odium ex invidia.

Sed contra est quod Gregorius dicit XXXI. Moral. (cap. xvii. a med.) quod *de invidia oritur odium*.

Respondendo dicendum, quod, sicut dictum est (art. præc.) odium proximi est ultimum in progressu peccati, eo quod opponitur dilectioni, qua naturaliter proximus diligitur. Quod autem aliquis recedat ab eo quod est naturale, contingit ex hoc quod intendit vitare aliquid quod est naturaliter fugiendum. Naturaliter autem omne animal fugit tristitiam, sicut & appetit delectationem sicut patet per Philosophum VII. Ethic. (cap. xiii. & xiv.) & in X. (cap. ii.)

Et ideo sicut ex delectatione causatur amor, ita ex tristitia causatur odium. Sicut enim movemur ad diligendum ea quæ nos delectant, inquantum ex hoc ipso accipiuntur sub ratione boni; ita movemur ad odiendum ea quæ nos contristant, inquantum ex hoc ipso accipiuntur sub ratione mali. Unde cum invidia sit tristitia de bono proximi, sequitur quod bonum proximi reddatur nobis odiosum: & inde est quod *ex invidia oritur odium*.

Ad primum ergo dicendum, quod quia vis appetitiva, sicut & apprehensiva, reflectitur super suos actus, sequitur quod in moribus appetitivæ virtutis sit quædam circulatio. Secundum ergo primum processum appetitivi motus ex amore consequitur desiderium; ex quo consequitur delectatio, cum quis consecutus fuerit quod desiderabat. Et quia hoc ipsum quod est delectari in bono amato, habet quandam rationem boni, sequitur quod delectatio causet amorem. Et secundum eandem rationem sequitur quod tristitia causet odium.

Ad secundum dicendum, quod alia ratio est de dilectione, & odio. Nam dilectionis obiectum est bonum, quod a Deo in creaturas derivatur: & ideo dilectio per primum est Dei, & per posterius est proximi. Sed odium est mali, quod non habet locum in ipso Deo, sed in eius effectibus: unde etiam supra dictum est (art. i. huius quest.) quod Deus non habetur odio, nisi inquantum apprehenditur secundum suos effectus: & ideo per primum est odium proximi quam odium Dei. Unde cum invidia ad proximum sit mater odii quod est ad proximum, sit per consequens causa odii quod est in Deum.

Ad tertium dicendum, quod nihil prohibet, secundum diversas rationes aliquid oriri ex diversis causis; & secundum hoc odium potest oriri & ex ira, & ex invidia: directius tamen oritur ex invidia, per quam ipsum bonum proximi redditur contristabile, & per consequens odibile; sed ex ira oritur odium secundum quoddam augmentum: nam primo per iram appetimus malum proximi, secundum quandam mensuram, prout scilicet habet rationem vindictæ; postea autem per continuitatem iræ pervenitur ad hoc quod homo malum proximi absolute desideret, quod pertinet ad rationem odii. Unde patet quod odium ex invidia causatur formaliter secundum ratio-

tionem obiecti, ex ira autem dispositive.

## QUAESTIO XXXV.

### De accidia,

in quatuor articulis divisa. —

**D**Einde considerandum est de vitio oppositis gaudio caritatis : quod quidem est de bono divini; cui gaudium opponitur accidia : & de bono proximi; cui gaudium opponitur invidia. Unde primo considerandum est de accidia. Secundum de invidia.

Circa primum quaeruntur quatuor. Primo, utrum accidia sit peccatum. Secundum, utrum sit speciale vitium. Tertio, utrum sit mortale peccatum. Quarto, utrum sit vitium capitale.

### ARTICULUS I. 209

*Utrum accidia sit peccatum.*

*Mal. quaest. 11. art. 1. cor. fin.  
& art. 3.*

**A**D primum sic proceditur. Videtur quod accidia non sit peccatum. Passionibus enim non laudamus, neque vituperamus, secundum Philosophum in II. Ethicor. (cap. v.) Sed accidia est quaedam passio : est enim species tristitiae, ut Damascenus dicit (Lib. II. orth. Fid. cap. XIV.) & supra habitum est (1. 2. quaest. XXXV. art. 8.) Ergo accidia non est peccatum.

2. Præterea. Nullus defectus corporalis qui statutis horis accidit, habet rationem peccati. Sed accidia est huiusmodi : dicit enim Cassianus in X. Lib. de Institutis monasteriorum (cap. 1.) *Maxime accidia circa horam sextam monachum inquietat, ut quaedam febris ingruens tempore praestituto, ardentissimos aestus accensionum suarum solitis ac statutis horis animae inferens egrotanti.* Ergo accidia non est peccatum.

3. Præterea. Illud quod ex radice bona procedit, non videtur esse peccatum. Sed accidia ex bona radice procedit : dicit enim Cassianus in eodem Libro (cap. 11. parum a princ.) *quod accidia provenit ex hoc quod aliquis ingemiscit se fructum spirituales non habere; & absentia, longaeque postea magnificas monasteria : ergo videtur ad humilitatem pertinere.* Ergo accidia non est peccatum.

4. Præterea. Omne peccatum est fugiendum, secundum illud Eccli. XXI. 2.

*Quasi a facie colubri fuge peccatum.* Sed Cassianus dicit in eodem Lib. (cap. ult. in fin.) *Experimento probatum est, accidia impugnationem non declinando fugiendam, sed resistendo superandam.* Ergo accidia non est peccatum.

Sed contra. Illud quod interdicitur in sacra Scriptura, peccatum est. Sed accidia est huiusmodi : dicitur enim Eccli. VI. 26. *Subiice bumerum tuum, & porta illam, scilicet spirituales sapientiam, & non accideris in vinculis eius.* Ergo accidia est peccatum.

Respondeo dicendum, quod accidia secundum Damascenum (loc. sup. cit.) est *quedam tristitia aggravans*; quæ scilicet ita deprimit animum hominis, ut nihil ei agere libeat, sicut ea quæ sunt accidia, etiam frigida sunt. Et ideo accidia importat quoddam tædium operandi, ut patet per hoc quod dicitur in Glossa (ord. Aug.) super illud Psal. (CVI.) *Omnem escam abominata est anima eorum* : & a quibusdam dicitur, quod accidia est *torpor mentis bona negligentis inchoare.*

Huiusmodi autem tristitia semper est mala, quandoque quidem etiam secundum seipsam, quandoque vero secundum effectum. Tristitia enim secundum se mala est, quæ est de eo quod est apparsens malum, & vere bonum; sicut e contrario mala delectatio est quæ est de eo quod est apparsens bonum, & vere malum. Cum ergo spirituale bonum sit vere bonum, tristitia quæ est de spirituali bono, est secundum se mala. Sed etiam tristitia quæ est de vere malo, mala est secundum effectum, si sic aggravet hominem, ut eum totaliter a bono opere retrahat. Unde & Apostolus II. ad Corinth. 11. non vult ut *penitens majori tristitia de peccato absorbeat.*

Quia ergo accidia, secundum quod hic sumitur, nominat tristitiam spiritualis boni, est dupliciter mala, & secundum se, & secundum effectum. Et ideo accidia est peccatum : malum enim in motibus appetitivis dicimus esse peccatum, ut ex supra dictis patet (quaest. X. art. 2. & 1. 2. quaest. LXXV. art. 4.)

Ad primum ergo dicendum, quod passionibus secundum se non sunt peccata; sed secundum quod applicantur ad aliquod malum, vituperantur; sicut & laudantur ex hoc quod applicantur ad aliquod bonum. Unde tristitia secundum se non nominat nec aliquid laudabile, nec vituperabile; sed tristitia de malo moderata nominat aliquid laudabile; tristitia



autem de bono, & iterum tristitia immo-  
derata de malo nominat aliquid vitupe-  
rabile. Et secundum hoc accidia ponitur  
peccatum.

Ad secundum dicendum, quod passio-  
nes appetitus sensitivi & in se possunt  
esse peccata venialia, & inclinam ani-  
mam ad peccatum mortale. Et quia ap-  
petitus sensitivus habet organum corpora-  
le, sequitur quod per aliquam corpora-  
lem transmutationem homo fit habilior  
ad aliquod peccatum: & ideo potest con-  
tingere quod secundum aliquas transmu-  
tationes corporales certis temporibus pro-  
venientes, aliqua peccata nos magis im-  
pugnent. Omnis autem corporalis defe-  
ctus de se ad tristitiam disponit: & ideo  
ieiunantes circa meridiem quando iam in-  
cipiunt sentire defectum cibi, & urgeri  
ab artibus Solis, magis ab accidia impu-  
gnantur.

Ad tertium dicendum, quod ad hu-  
militatem pertinet ut homo defectus pro-  
prios considerans, seipsum non extollat;  
sed hoc non pertinet ad humilitatem, sed  
potius ad ingratitudinem, quod bona  
quæ quis a Deo possidet, contemnat: &  
ex tali contemptu sequitur accidia: de  
his enim tristamur quæ quasi mala, vel  
vilia reputamus. Sic ergo necesse est ut  
aliquis aliorum bona extollat, quod ta-  
men bona sibi divinitus provisa non con-  
temnat: quia sic ei tristitia redderentur.

Ad quartum dicendum, quod pecca-  
tum semper est fugiendum; sed impu-  
gnatio peccati quandoque est vincenda  
fugiendo, quandoque resistendo: fugien-  
do quidem, quando continua cogitatio  
auget peccati incentivum, sicut est in  
luxuria: unde dicitur I. ad Corinth. vi.  
18. *Fugite fornicationem*: resistendo au-  
tem, quando cogitatio perseverans tol-  
lit incentivum peccati, quod provenit  
ex aliqua levi apprehensione. Et hoc con-  
tingit in accidia: quia quanto magis co-  
gitamus de bonis spiritualibus, tanto  
magis nobis placencia redduntur; ex quo  
cessat accidia.

## ARTICULUS II. 210

*Utrum accidia sit speciale vitium.*

*Mal. quæst. xi. art. 2. & 3. & 4. cor.*

**A**D secundum sic proceditur. Videtur  
quod accidia non sit speciale vitium.  
Illud enim quod convenit omni vitio,  
non constituit specialis vitii rationem.  
Sed quodlibet vitium facit hominem tri-

stari de bono spirituali opposito: nam  
luxuriosus tristatur de bono contine-  
tiæ, & gulosus de bono abstinentiæ.  
Cum ergo accidia sit tristitia de bono spi-  
rituali, sicut dictum est (art. præc.)  
videtur quod accidia non sit speciale pec-  
catum.

2. Præterea. Accidia, cum sit tristi-  
tia quædam, gaudium opponitur. Sed gau-  
dium non ponitur una specialis virtus.  
Ergo neque accidia debet poni speciale  
vitium.

3. Præterea. Spirituale bonum, cum  
sit quoddam commune obiectum, quod  
virtus appetit, & vitium refugit, non  
constituit speciale rationem virtutis,  
aut vitii, nisi per aliquod additum con-  
trahatur. Sed nihil videtur quod con-  
trahat ipsum ad accidiam, si sit vitium  
speciale, nisi labor: ex hoc enim aliqui  
refugiunt spiritualia bona, quia sunt la-  
boriosa, unde & accidia tædium quod-  
dam est: refugere autem labores, &  
querere quietem corporalem ad idem  
pertinere videtur, scilicet ad pigritiam.  
Ergo accidia nihil aliud est quam pigri-  
tia: quod videtur esse falsum: nam pi-  
gritia sollicitudini opponitur, accidiæ au-  
tem gaudium. Non ergo accidia est spe-  
ciale vitium.

Sed contra est quod Gregorius XXXI.  
Moral. (cap. xvii. a med.) distingue  
accidiam ab aliis vitiis. Ergo est specia-  
le vitium.

Respondeo dicendum, quod cum acci-  
dia sit tristitia de spirituali bono, si acci-  
piatur spirituale bonum communiter,  
non habebit accidia rationem specialis  
vitii, quia sicut dictum est (1. 2. quæst.  
lxxi. art. 1.) omne vitium refugit spiri-  
tuale bonum virtutis oppositæ. Simili-  
ter etiam non potest dici, quod sit spe-  
ciale vitium accidia, inquantum refugit  
spirituale bonum, prout est laboriosum,  
vel molestum corpori, aut delectationis  
eius impeditum: quia hoc etiam non  
separaret accidiam a vitiis carnalibus,  
quibus aliquis quietem, & delectationem  
corporis querit.

Et ideo dicendum est, quod in spiri-  
tualibus bonis est quidam ordo. Nam o-  
mnia spiritualia bona quæ sunt in acti-  
bus singularum virtutum, ordinantur ad  
unum spirituale bonum, quod est bo-  
num divinum; circa quod est specialis  
virtus, quæ est caritas. Unde ad quam-  
libet virtutem pertinet gaudere de pro-  
prio spirituali bono, quod consistit in  
proprio actu; sed ad caritatem pertinet spe-

pecialiter illud gaudium spirituale quod quis gaudet de bono divino. Et similiter illa tristitia qua quis tristatur de bono spirituali, quod est in actibus singularium virtutum, non pertinet ad aliquod vitium speciale; sed ad omnia vitia; sed tristari de bono divino, de quo caritas gaudet, pertinet ad speciale vitium, quod accidia vocatur.

Et per hoc patet. responsio ad obiecta.

### ARTICULUS III. 211

*Utrum accidia sit peccatum mortale.*

*Mal. quæst. xi. art. 1. cor. & art. 3.*

**A**D tertium sic proceditur. Videtur quod accidia non sit peccatum mortale. Omne enim peccatum mortale contrariatur præcepto legis Dei. Sed accidia nulli præcepto videtur contrariari, ut patet discurrenti per singula præcepta Decalogi. Ergo accidia non est peccatum mortale.

2. Præterea. Peccatum operis in eodem genere non est minus quam peccatum cordis. Sed recedere opere ab aliquo spirituali bono in Deum dicente, non est peccatum mortale; alioquin mortaliter peccaret quicumque consilia non observaret. Ergo recedere corde per tristitiam ab huiusmodi spiritualibus operibus, non est peccatum mortale. Non ergo accidia est peccatum mortale.

3. Præterea. Nullum peccatum mortale in viris perfectis invenitur. Sed accidia invenitur in viris perfectis. dicit enim Cassianus in Lib. X. de Institutis cœnobiorum (cap. 1.) quod *accidia est solitariis magis experta, & in eremo commorantibus infestior hostis, ac frequens*. Ergo accidia non est semper peccatum mortale.

Sed contra est quod dicitur II. ad Cor. vii. 10. *Tristitia sæculi mortem operatur*. Sed huiusmodi est accidia: non enim est tristitia secundum Deum, quæ contra tristitiam sæculi dividitur, & salutem operatur. Ergo est peccatum mortale.

Respondeo dicendum, quod, sicut supra dictum est (1. 2. quæst. lxxxviii. art. 1. & 2.) peccatum mortale dicitur quod spirituales vitam tollit, quæ est per caritatem, secundum quam Deus nos inhabitat. Unde illud peccatum ex suo genere est peccatum mortale, quod de se secundum propriam rationem contrariatur caritati. Huiusmodi autem est acci-

dia: nam proprius effectus caritatis est gaudium de Deo, ut supra dictum est (quæst. xxviii. art. 1.) accidia autem est tristitia de bono spirituali, inquantum est bonum divinum. Unde secundum suum genus accidia est peccatum mortale.

Sed considerandum est in omnibus peccatis quæ sunt secundum suum genus mortalia, quod non sunt mortalia, nisi quando suam perfectionem consequuntur. Est enim consummatio peccati in consensu rationis. Loquimur enim nunc de peccato humano, quod in actu humano consistit, cuius principium est ratio. Unde si sit inchoatio peccati in sola sensualitate, & non pertingat usque ad consensum rationis, propter imperfectionem actus est peccatum veniale; sicut in genere adulterii, concupiscentia, quæ (a) consistit in sola sensualitate, est peccatum veniale; si tamen perveniat usque ad consensum rationis, est peccatum mortale. Ita etiam & motus accidiæ in sola sensualitate quandoque est propter repugnantiam carnis ad spiritum; & tunc est peccatum veniale. quandoque vero pertingit usque ad rationem, quæ consentit in fugam, & horrorem, & detestationem boni divini, carne contra spiritum omnino prævalente; & tunc manifestum est quod accidia est peccatum mortale.

Ad primum ergo dicendum, quod accidia contrariatur præcepto de sanctificatione sabbati; in quo, secundum quod est præceptum morale, præcipitur quies mentis in Deo; cui etiam contrariatur tristitia mentis de bono divino.

Ad secundum dicendum quod accidia non est recessus mentalis a quocunque spirituali bono, sed a bono divino, cui oportet mentem inhaerere ex necessitate. Unde si quis contristetur de hoc quod aliquis cogit eum implere opera virtutis quæ facere non tenetur, non est peccatum accidiæ; sed quando contristatur in his quæ ei imminet facienda propter Deum.

Ad tertium dicendum, quod in viris sanctis inveniuntur aliqui imperfecti motus accidiæ; qui tamen non pertinent usque ad consensum rationis.

A R-

(2) Ita optime videtur, & exempla passim. Al. consilium.

## ARTICULUS IV. 212

*Utrum accidia debeat poni vitium capitale.*

*Inf. quæst. xxxvi. art. 4. corp. & IV. dist. xlii. quæst. 11. art. 3. corp. fin. & mal. quæst. xi. art. 4.*

**A**D quartum sic proceditur. Videtur quod accidia non debeat poni vitium capitale. Vitium enim capitale dicitur quod movet ad actus peccatorum, ut supra habitum est (quæst. præc. art. 5.) Sed accidia non movet ad agendum, sed magis retrahit ab agendo. Ergo non debet poni vitium capitale.

2. Præterea. Vitium capitale habet filias sibi deputatas. Assignat autem Gregorius XXXI. Moral. (cap. xvii. a med.) lex filias accidiæ: quæ sunt *malitia, rancor, pusillanimitas, desperatio, torpor circa præcepta, evagatio mentis circa illicita*: quæ non videntur convenienter oriri ex accidia: nam *rancor* idem esse videtur quod odium, quod oritur ex invidia, ut supra dictum est (quæst. præc. art. 6.) *malitia* autem est genus ad omnia vitia; & similiter *evagatio mentis* circa illicita in omnibus vitiis invenitur; *torpor* autem circa præcepta idem videtur esse quod accidia; *pusillanimitas* autem, & *desperatio* ex quibuscumque peccatis oriri possunt. Non ergo convenienter ponitur accidia esse vitium capitale.

3. Præterea. Isidorus in Lib. II. de summo bono (cap. xxxvii. sed expref. in comment. in Deut. cap. xvi. circ. med.) distinguit vitium accidiæ a vitio tristitiæ, dicens, *tristitiam esse, in quantum recedit a graviore, & laborioso, ad quod tenetur; accidiā autem, in quantum se convertit ad quietem indebitam*: & dicit de tristitia oriri *rancorem, pusillanimitatem, amaritudinem, desperationem*; de accidia vero dicit oriri *septem*, quæ sunt *otiositas, somnolentia, importunitas mentis, inquietudo corporis, instabilitas, verbositas, curiositas*. Ergo videtur quod vel a Gregorio, vel ab Isidoro male assignetur accidia vitium capitale cum suis filiabus.

Sed contra est quod idem Gregorius dicit XXXI. Moral. (loc. cit.) accidiā esse vitium capitale, & habere prædictas filias.

Respondeo dicendum, quod, sicut supra dictum est (1. 2. quæst. lxxxiv. art. 3. §. Tb. Oper. Tom. XXII.

(a) Ita codd. Torro. & Alcam. cum editis possum. Al. inducuntur,

& 4.) vitium capitale dicitur esse ex quo promptum est ut alia vitia manentur secundum rationem causæ finis. Sicut autem homines multa operantur propter delectationem, tum ut ipsam consequantur, tum etiam ex eius impetu ad aliquid agendum permoti; ita etiam propter tristitiam multa operantur, vel ut ipsam evitent, vel eius pondere in aliqua agenda prorumpentes.

Unde, cum accidia sit tristitia quædam, ut supra dictum est (art. 2. huius quæst. & 1. 2. quæst. xxxv. art. 8.) convenienter ponitur vitium capitale.

Ad primum ergo dicendum, quod accidia aggravando animum, hominem impedit ab illis operibus quæ tristitiam causant; sed tamen inducit animum ad aliqua agenda, vel quæ sunt tristitiæ conlona, sicut ad plorandum, vel etiam ad aliqua per quæ tristitia evitatur.

Ad secundum dicendum, quod Gregorius convenienter assignat filias accidiæ. Quia enim, ut Philosophus dicit in VIII. Ethic. (cap. v. & vi.) *nullus diu absque delectatione potest manere cum tristitia*, necesse est quod ex tristitia aliquid dupliciter oriatur: uno modo ut homo recedat a contristantibus; alio modo ut ad alia transeat, in quibus delectatur: sicut illi qui non possunt gaudere in spiritualibus delectationibus, transferunt se ad corporales, secundum Philosophum in X. Ethic. (cap. vi. circ. med.) In fuga autem tristitiæ talis processus attenditur: quia primo homo fugit contristantia; secundo etiam impugnat ea quæ tristitiam ingerunt. Spiritualia autem bona, de quibus tristatur accidia, sunt & finis, & id quod est ad finem. Fuga autem finis fit per *desperationem*; fuga autem bonorum quæ sunt ad finem, quantum ad ardua, quæ subsunt consiliis, fit per *pusillanimitatem*; quantum autem ad ea quæ pertinent ad communem iustitiam, fit per *torporem circa præcepta*: impugnatio autem contristantium bonorum spiritualium quandoque quidem est circa homines qui ad bona spiritualia (a) inducunt; & hic est *rancor*; quandoque vero se extendit ad ipsa spiritualia bona, in quorum delectationem aliquis adducitur; & hoc proprie est *malitia*: in quantum autem propter tristitiam a spiritualibus aliquis transfert se ad delectabilia exteriora, ponitur filia accidiæ *evagatio circa illicita*. Per quod patet respondio ad ea quæ circa singulas filias

O

obii-

obiiciebantur. Nam *malitia* non accipitur hic, secundum quod est genus vitiorum, sed sicut dictum est (hic sup.) *Rancor* etiam non accipitur hic communiter pro odio, sed pro quadam indignatione, sicut dictum est (ibid.) Et idem dicendum est de aliis.

Ad tertium dicendum, quod etiam Cassianus in Lib. X. de instit. cœnob. (cap. 1. & Lib. IX. cap. 1.) distinguit tristitiam ab accidia. Sed convenientius Gregorius (loc. cit. arg. 2.) accidiam *tristitiam* nominat: quia, sicut supra dictum est (art. 2. huius quæst.) tristitia non est vitium ab aliis distinctum, secundum quod aliquis recedit a gravi, & laborioso opere, vel secundum qualemque alias causas aliquis tristetur; sed solum secundum quod tristatur de bono divino; quod pertinet ad rationem accidiæ, quæ intantum se convertit ad quietem indebitam, inquantum alpernatur bonum divinum. Illa autem quæ Isidorus ponit oriri ex accidia, & tristitia, reducuntur ad ea quæ Gregorius ponit. Nam *amaritudo*, quam Isidorus ponit oriri ex tristitia, est quidam effectus *rancoris*. *Ostiositas* autem, & *somnolentia* reducuntur ad *torporem circa præcepta*, circa quæ est aliquis otiosus, omnino ea prætermittens, & *somnolentus* ea negligenter implens. Omnia autem alia quinquæ, quæ ponit ex accidia oriri, pertinent ad *evagationem mentis circa illicita*: quæ quidem secundum quod in ipsa arce mentis residet volentis importune ad diversa se diffundere, vocatur *importunitas mentis*; secundum autem quod pertinet ad cognitionem, dicitur *curiositas*; quantum autem ad locutionem dicitur *verbositas*; quantum autem ad corpus in eodem loco non manens dicitur *inquietudo corporis*, quando scilicet aliquis per inordinatos motus membrorum vagacitatem indicat mentis; quantum autem ad diversa loca dicitur *inhabilitas*; vel potest accipi instabilitas secundum mutabilitatem propositi.

## QUAESTIO XXXVI.

*De invidia,  
in quatuor articulis divisa.*

**D**einde considerandum est de invidia: & circa hoc quaeruntur quatuor. Primo, quid sit invidia. Secundo, utrum sit peccatum. Tertio, utrum sit peccatum mortale.

Quarto, utrum sit vitium capitale, & de filialibus eius.

## ARTICULUS I. 113

*Utrum invidia sit tristitia.*

*Inf. art. 2. & mal. quæst. x. art. 1. ad 6. & art. 2. ad 1. & quæst. xi. art. 3. & 4. corp. & lib v. princ.*

**A**D primum sic proceditur. Videtur quod invidia non sit tristitia. Obiectum enim tristitiæ est malum. Sed obiectum invidiæ est bonum: dicit enim Gregorius in V. Moral. (cap. xxxi. ante med.) de invido loquens: *Tabescit mentem sua pœna sauciatus, quam felicitas torquet aliena*. Ergo invidia non est tristitia.

2. Præterea. Similitudo non est causa tristitiæ, sed magis delectationis. Sed similitudo est causa invidiæ: dicit enim Philosophus in II. Rhetoric. (cap. x. in princ.) *Invidiæ sunt tales, quibus sunt aliqui similes aut secundum genus, aut secundum cognationem, aut secundum statum, aut secundum habitum, aut secundum opinionem*. Ergo invidia non est tristitia.

3. Præterea. Tristitia ex aliquo defectu causatur: unde illi qui sunt in magno defectu, sunt ad tristitiam proni, ut supra dictum est (1. 2. quæst. xxxvi. & quæst. xlvii. art. 3.) cum de passionibus ageretur. Sed illi quibus modicum deficit, & qui sunt amatores honoris, & qui reputantur sapientes, sunt invidi, ut patet per Philosophum in II. Rhetor. (loc. cit.) Ergo invidia non est tristitia.

4. Præterea. Tristitia delectationi opponitur. Oppositorum autem non est eadem causa. Ergo cum memoria bonorum habitum sit causa delectationis, ut supra dictum est (1. 2. quæst. xxxi. art. 3.) non erit causa tristitiæ. Est autem causa invidiæ: dicit enim Philosophus in II. Rhetor. (loc. cit.) *quod his aliqui invidi qui habent, aut possederunt quæ ipsi quandoque possidebant*. Ergo invidia non est tristitia.

Sed contra est quod Damascenus in II. Libro (orth. Fid. cap. xiv.) ponit invidiam speciem tristitiæ, & dicit, quod *invidia est tristitia de alienis bonis*.

Respondendo dicendum, quod obiectum tristitiæ est malum proprium. Contingit autem id quod est alienum bonum, apprehendi ut malum proprium; & secundum hoc de bono alieno potest esse tristitia.

itia. Sed hoc contingit dupliciter. Uno modo quando quis tristatur de bono alicuius, inquantum imminet sibi ex hoc periculum alicuius nocimenti, sicut cum homo tristatur de exaltatione inimici sui, timens ne cum lædat: & talis tristitia non est invidia, sed magis timoris effectus, ut Philosophus dicit in II. Rhet. (cap. ix. paulo a princ.)

Alio modo bonum alterius aestimatur ut malum proprium, inquantum est diminutivum propriæ gloriæ, vel excellentiæ: & hoc modo de bono alterius tristatur invidia: & ideo præcipue de illis bonis homines invident in quibus est gloria, & in quibus homines amant honorari, & in opinione esse, ut Philosophus dicit in II. Rhetoric. (cap. x. parum a princ.)

Ad primum ergo dicendum, quod nihil prohibet id quod est bonum uni, apprehendi ut malum alteri; & secundum hoc tristitia aliqua potest esse de bono, ut dictum est (in corp. art.)

Ad secundum dicendum, quod quia invidia est de gloria alterius, inquantum diminuit gloriam quam quis appetit, consequens est ut ad illos tantum invidia habeatur quibus homo vult se æquare, vel præferre in gloria. Hoc autem non est respectu multum a se distantium. Nullus enim, nisi infans, studet se æquare, vel præferre in gloria his qui sunt multo eo maiores; puta plebeus homo regi, vel etiam rex plebeio, quem multum excedit. Et ideo his qui multum distant vel loco, vel tempore, vel statu, homo non invidet; sed his qui sunt propinqui, quibus se nititur æquare, vel præferre. Nam cum illi excedant in gloria, accidit hoc contra nostram voluntatem; & inde causatur tristitia. Similitudo autem delectationem causat, inquantum concordat voluntati.

Ad tertium dicendum, quod nullus conatur ad ea in quibus est multum deiciens: & ideo cum aliquis in hoc eum excedat, non invidet; sed si modicum deficiat, videtur quod ad hoc pertingere possit, & sic ad hoc conatur: unde si frustreretur eius conatus propter excessum gloriæ alterius, tristatur. Et inde est quod amatores honoris sunt magis invidi: & similiter etiam pusillanimes sunt invidi, quia omnia reputant magna: & quicquid boni alicui accidat, reputant se in magno superatos esse. Unde & Iob v. 2. dicitur: *Parvulum occidit invidia*: & Gregorius dicit in V. Moral.

(cap. xxxi. in princ.) quod *invidere non possumus nisi eis quos nobis in aliquo meliores putamus*.

Ad quartum dicendum, quod memoria præteritorum bonorum, inquantum fuerunt habita, delectationem causat; sed inquantum sunt amissa, causat tristitiam; & inquantum ab aliis habentur, causat invidiam: quia hoc maxime videtur gloriæ propriæ derogare. Et ideo dicit Philosophus in II. Rhetor. (cap. x. a med.) quod senes invident iunioribus; & illi qui multum expenderunt ad aliquid consequendum, invident his qui parvis expensis illud sunt consecuti: dolent enim de amissione suorum bonorum, & de hoc quod alii consecuti sunt bona.

## ARTICULUS II. 214

*Utrum invidia sit peccatum.*

*Inf. quæst. clviii. art. 1. cor. & mal. quæst. x. art. 1. & in Psal. lvi. in princ.*

**A**D secundum sic proceditur. Videtur quod invidia non sit peccatum. Dicit enim Hieronymus ad lætam de instructione filiarum: *Habeat socias, cum quibus discat, quibus invidcat, quarum laudibus mordeatur*. Sed nullus est sollicitandus ad peccandum. Ergo invidia non est peccatum.

2. Præterea. Invidia est tristitia de alienis bonis, ut Damascenus dicit (Lib. II. orth. Fid. cap. xiv.) Sed hoc quandoque laudabiliter fit: dicitur enim Proverb. xxx. 2. *Cum impij sumptuerint principatum, gemet populus*. Ergo invidia non est semper peccatum.

3. Præterea. Invidia zelum quemdam nominat. Sed zelus quidam est bonus, secundum illud Psalm. lxxiii. 10. *Zelus domus tue comedit me*. Ergo invidia non semper est peccatum.

4. Præterea. Pœna dividitur contra culpam. Sed invidia est quedam pœna: dicit enim Gregorius V. Moral. (cap. xxxi. ante med.) *Cum devictum cor livoris putredo corrumpit, ipsa quoque exteriora indicant, quam graviter animum vesania infligit. Color quippe pallore afficitur, oculi deprimentur, mens accenditur, membra frigidant. fit in cogitatione rabies, in dentibus stridor*. Ergo invidia non est peccatum.

Sed contra est quod dicitur ad Galat. v. 26. *Non efficiamur inanis gloriæ cupidi, invicem provocantes, invicem invidentes*.

1 Respondeo dicendum, quod, sicut dictum est (art. præc.) invidia est tristitia quædam de alienis bonis. Sed hæc tristitia potest contingere quatuor modis.

Uno quidem modo, cum aliquis dolet de bono alienius, inquantum ex eo timetur nocumentum vel sibi ipsi, vel etiam aliis bonis: & talis tristitia non est invidia, ut dictum est (art. præc.) & potest esse sine peccato. Unde Gregorius XXII. Moral. (cap. vi. ante med.) ait: *Evenire plerumque solet ut non amissa caritate, & inimici nos ruina lætificent, & rursum eius gloria sine invidia culpa contristet; cum & tuente eo quosdam bene erigi credimus, & proficiente illo plerique iniuste opprimi formidamus.*

Alio modo potest aliquis tristari de bono alterius, non ex eo quod ipse habet bonum, sed ex eo quod nobis deest bonum illud quod ipse habet: & hoc proprie est zelus, ut Philosophus dicit in II. Rhet. (cap. xi. circ. princ.) Et si iste zelus sit circa bona honesta, laudabilis est, secundum illud I. Corinth. xvi. 1. *Amulamini iuxta legalia.* Si autem sit de bonis temporalibus, potest esse cum peccato, & sine peccato.

Tertio modo aliquis tristatur de bono alterius, inquantum ille cui accidit bonum, est eo indignus: quæ quidem tristitia non potest oriri ex bonis honestis, ex quibus aliquis iustus efficitur; sed, sicut Philosophus dicit in II. Rhet. (cap. ix.) est de divitiis, & de talibus quæ possunt provenire dignis, & indignis: & hæc tristitia secundum ipsum vocatur *nemesis*, & pertinet ad bonos mores. Sed hoc ideo dicit, quia considerabat ipsa bona temporalia secundum se, prout possunt magna videri non respicientibus ad æterna. Sed secundum doctrinam fidei, temporalia bona quæ indignis proveniunt, ex iusta Dei ordinatione disponuntur, vel ad eorum correctionem, vel ad eorum damnationem: & huiusmodi bona quasi nihil sunt in comparatione ad bona futura, quæ servantur bonis. Et ideo huiusmodi tristitia prohibetur in Scriptura sacra, secundum illud Psal. xxxvi. 1. *Noli emulari in malignantiis, neque zelaveris faciem ter iniquitatem;* & alibi Psal. lxxii. 2. *Pene effusi sunt gressus mei, quia zelavi super iniquos, pacem peccatorum videris.*

Quarto modo aliquis tristatur de bonis alienius, inquantum alter excedit ipsum in bonis: & hoc proprie est invidia; & istud semper est prævium, ut etiam

iam Philosophus dicit in II. Rhetor. (cap. x.) quia dolet de eo de quo est gaudendum, scilicet de bono proximi.

Ad primum ergo dicendum, quod ibi sumitur invidia pro zelo, quo quis debet incitari ad proficiendum cum melioribus.

Ad secundum dicendum, quod ratio illa procedit de tristitia alienorum bonorum secundum primum modum.

Ad tertium dicendum, quod invidia differt a zelo, sicut dictum est (in corp. art.) Unde zelus aliquis potest esse bonus; sed invidia semper est mala.

Ad quartum dicendum, quod nihil prohibet aliquod peccatum ratione alienius adiuncti pœnale esse, ut supra dictum est (1. 2. quæst. lxxxvii. art. 2.) cum de peccatis ageretur.

### ARTICULUS III. 213

*Utrum invidia sit peccatum mortale.*

*Mal. quæst. x. art. 2. & quæst. xi. art. 3. cor.*

**A**D tertium sic proceditur. Videtur quod invidia non sit peccatum mortale. Invidia enim, cum sit tristitia, est passio appetitus sensitivi. Sed in sensualitate non est peccatum mortale, sed solum in ratione, ut patet per Augustinum XII. de Trinit. (cap. xii.) Ergo invidia non est peccatum mortale.

2. Præterea. In infantibus non potest esse peccatum mortale. Sed in eis potest esse invidia: dicit enim Augustinus in I. Confess. (cap. vii. circ. med.) *Vidi ego, & expertus sum zelantem puerum: nondum loquebatur, & intuebatur pallidus amaro aspectu collasianeum suum.* Ergo invidia non est peccatum mortale.

3. Præterea. Omne peccatum mortale alicui virtuti contrariatur. Sed invidia non contrariatur alicui virtuti, sed nequiti, quæ est quædam passio, ut patet per Philosophum II. Rhet. (cap. ix. circ. princ.) Ergo invidia non est peccatum mortale.

Sed contra est quod dicitur Iob v. 2. *Parvulum occidit invidia.* Nihil autem occidit spiritualiter nisi peccatum mortale. Ergo invidia est peccatum mortale.

Respondeo dicendum, quod invidia ex genere suo est peccatum mortale.

Genus enim peccati ex obiecto consideratur. Invidia autem secundum rationem sui obiecti contrariatur caritati, per quam est vita animæ spiritualis, secundum illud I. Ioan. iii. 14. *Nos scimus quoniam*

*transi-*

*translati sumus de morte ad vitam, quoniam diligimus fratres. Utriusque autem obiectum, & caritatis, & invidiæ, est bonum proximi; sed secundum contrarium motum: nam caritas gaudet de bono proximi; invidia autem de eodem tristatur, ut ex supradictis patet (art. 1. hu. quæst.) Unde manifestum est quod invidia ex suo genere est peccatum mortale.*

Sed, sicut supra dictum est (quæst. xxxv. art. 3. & 1. 2. quæst. lxxix. art. 5. ad 1.) in quolibet genere peccati mortalis inveniuntur aliqui imperfecti motus in sensualitate existentes, qui sunt peccata venialia, sicut in genere adulterii primus motus concupiscentiæ, & in genere homicidii primus motus iræ: ita etiam in genere invidiæ inveniuntur aliqui primi motus, quandoque etiam in viris perfectis, qui sunt peccata venialia.

Ad primum ergo dicendum, quod motus invidiæ, secundum quod est passio sensualitatis, est quiddam imperfectum in genere actuum humanorum, quorum principium est ratio: unde talis invidia (a) non est peccatum mortale. Et similis est ratio de invidia parvulorum, in quibus non est usus rationis.

Unde patet responsio ad secundum.

Ad tertium dicendum, quod invidia secundum Philosophum in II. Rhet. (cap. ix.) opponitur & nemesi, & misericordiae; sed secundum diversa: nam misericordiae opponitur directe, secundum contrarietatem principalis obiecti: invidus enim tristatur de bono proximi; misericors autem tristatur de malo proximi: unde invidi non sunt misericordes, sicut ibidem dicitur, nec e converso. Ex parte vero eius de cuius bono tristatur invidus, opponitur invidia nemesi: nemesis enim tristatur de bono indigne agentium, secundum illud Psal. lxxxi. 3. *Zelavi super iniquos, pacem peccatorum videns*: invidus autem tristatur de bono eorum qui sunt digni. Unde patet quod prima contrarietas est magis directa quam secunda. Misericordia autem quedam virtus est, & caritatis proprius effectus. Unde invidia misericordiae opponitur, & caritati.

## ARTICULUS IV. 216

*Utrum invidia sit vitium capitale.*

*Sup. quæst. xxxiv. art. 6. & mal. quæst. viii. art. 1. co. & ad 5. & quæst. x. art. 2.*

**A**D quartum sic proceditur. Videtur quod invidia non sit vitium capitale. Vitia enim capitalia distinguuntur contra filias capitalium vitiorum. Sed invidia est filia inanis gloriæ: dicit enim Philosophus in II. Rhet. (cap. x. circ. princ.) quod *amatores bonoris, & gloriæ magis invident*. Ergo invidia non est vitium capitale.

2. Præterea. Vitia capitalia videntur esse leviora quam alia quæ ex eis oriuntur: dicit enim Gregorius XXXI. Moral. (cap. xvii. sub fin.) *Prima vitia deceptæ menti quasi sub quadam ratione se inferunt; sed quæ sequuntur, dum mentem ad omnem inaniam pertrahunt, quasi bestiali clamore mentem confundunt*. Sed invidia videtur esse gravissimum peccatum: dicit enim Gregorius V. Moral. (cap. xxxi. ante med.) *Quamvis per omne vitium quod perpetratur, humani cordi antiqui hostis virus infundatur; in hac tamen nequitia tota sua viscera serpens concutit, & imprimenda malitiæ pestem vomit*. Ergo invidia non est vitium capitale.

3. Præterea. Videtur quod inconvenienter eius filię assignentur a Gregorio XXXI. Moral. (cap. xvii. a med.) ubi dicit, quod ex invidia oritur *odium, susurratio, detractio, exultatio in adversis proximi, & afflictio in prosperis*. Exultatio enim in adversis proximi, & afflictio in prosperis idem videtur esse quod invidia, ut ex præmissis patet (art. præc.) Non ergo ista debent poni ut filię invidiæ.

Sed contra est auctoritas Gregorii XXXI. Moral. (loc. cit.) qui ponit invidiam vitium capitale, & ei prædictas filias assignat.

Respondendo dicendum, quod sicut accidia est tristitia de bono spiritali divino, ita invidia est tristitia de bono proximi. Dictum est autem supra (quæst. præc. art. 4.) accidiam esse vitium capitale ea ratione quia ex accidia homo impellitur ad aliqua facienda, vel ut finiat tristitiam, vel ut tristitiæ satisficiat.

Unde eadem ratione invidia ponitur vitium capitale.

Ad primum ergo dicendum, quod, sicut Gregorius dicit in XXXI. Moral. (cap. xvii. verſ. ſi.) *capitalia vitia tanta ſibi cognatione iunguntur, ut nonniſi unum de alio proſeratur. Prima namque ſuperbie ſoboles inanis eſt gloria, quæ dum oppreſſam mentem corrumpit, max invidiam gignit: quia dum vani nominis poſſentiam appetit, ne quis hanc alius adſiſci valeat, tabeſcit.* Non eſt ergo contra rationem vitii capitalis quod ipſum ex alio oriatur, ſed quod non habeat aliquam principalem rationem producendi ex ſe multa genera peccatorum. Forte tamen propter hoc quod invidia manifeſte ex inani gloria natiſcitur, non ponitur vitium capitale neque ab Iſidoro in Lib. de ſummo bono (hab. l. l. Differrent. cap. xxxv. cir. med. Vid. ſup. quaſt. xxv. art. 4. arg. 3.) neque a Caſſiano in Lib. V. de inſtitutis cœnobiorum (cap. i.)

Ad ſecundum dicendum, quod ex verbis illis non habetur quod invidia ſit maximum peccatorum; ſed quod quando diabolus invidiam ſuggerit, ad hoc hominem inducit quod ipſe principaliter in corde habet: quia, ſicut ibi (Lib. V. Mor. Greg. cap. xxxi. ante med.) inducitur conſequenter, *invidia diaboli mors introiit in orbem terrarum*, (Sap. ii. 24.) Eſt tamen quædam invidia quæ inter graviffima peccata computatur, ſcilicet invidia fraternalis gratiæ, ſecundum quod aliquis dolet de ipſo augmento gratiæ Dei, non ſolum de bono proximi. Unde ponitur peccatum in Spiritum ſanctum: quia per hanc invidentiam homo quodammodo invidet Spiritui ſancto, qui in ſuis operibus gloriſicatur.

Ad tertium dicendum, quod numerus filiarum invidiæ ſic poteſt ſumi: quia in conatu invidiæ eſt (a) aliquid tamquam principium, & aliquid tamquam medium, & aliquid tamquam terminus. Principium quidem eſt ut aliquis diminuat gloriam alterius vel in occulto, & ſic eſt *ſuſurrationis*; vel manifeſte, & ſic eſt *detraſtio*. Medium autem eſt, quia aliquis intendens diminuiſſe gloriam alterius, aut poteſt & ſic eſt *exultatio in adverſis*; aut non poteſt, & ſic eſt *aſſiſtio in proſperis*. Terminus autem eſt in ipſo odio: quia ſicut bonum delectans cauſat amorem, ita triſtitia cauſat odium, ut ſupra dictum eſt (quaſt. xxxiv. art. 6.) Aſſiſtio autem in pro-

ſperis proximi uno modo eſt ipſa invidia, inquantum ſcilicet aliquis triſtatur de proſperis alicuius, ſecundum quod habent gloriam quamdam; alio vero modo eſt filia invidiæ, ſecundum quod proſpera proximi eveniunt contra conatum invidentis, qui nititur impedire. Exultatio autem in adverſis non eſt directe idem quod invidia, ſed ex ea ſequitur: nam ex triſtitia de bono proximi, quæ eſt invidia, ſequitur exultatio de malo eiufdem.

## QUAESTIO XXXVII.

*De diſcordia, quæ opponitur paci, in duos articulos diſiſa.*

**D**Einde conſiderandum eſt de peccatis quæ opponuntur paci: & primo de diſcordia, quæ eſt in corde; ſecundo de contentione, quæ eſt in ore; tertio de his quæ pertinent ad opus, ſcilicet de ſchiſmate, rixa, & bello, ac ſeditione.

Circa primum quaeruntur duo.

Primo, utrum diſcordia ſit peccatum. Secundo, utrum ſit filia inanis gloriæ.

## ARTICULUS I. 217

*Utrum diſcordia ſit peccatum.*

*Inf. quaſt. xlii. art. 2. ad 2.*

**A**D primum ſic proceditur. Videtur quod diſcordia non ſit peccatum. Diſcordare enim ab aliquo, eſt recedere ab alterius voluntate. Sed hoc non videtur eſſe peccatum: quia voluntas proximi non eſt regula voluntatis noſtræ, ſed ſola voluntas divina. Ergo diſcordia non eſt peccatum.

2. Præterea. Quicumque inducit aliquem ad peccandum, & ipſe peccat. Sed inducere inter aliquos diſcordiam non videtur eſſe peccatum: dicitur enim Act. xxiii. 6. quod *ſcirus Paulus quia una pars eſſet Sadduceorum, & altera Phariſæorum, exclamavit in concilio: Viri fratres, ego Phariſæus ſum, & filius Phariſæorum. de iſte, & de reſurrectione mortuorum ego ita dicor. Et cum hoc dixiſſet, facta eſt diſſenſio inter Phariſæos, & Sadduceos.* Ergo diſcordia non eſt peccatum.

3. Præterea. Peccatum, præcipue mortale, in ſanctis viris non invenitur. Sed etiam in ſanctis viris invenitur diſcordia:

(a) Ita codd. Tarrac. Alcon. & Paris. & ediſi recentiores. Al. aliquid tamquam principium, & aliquid tamquam terminus, intermediis omiſſis.



dia: dicitur enim Aët. xv. 39. *Facta est dissensio inter Paulum & Barnabam, ita ut discederent ab invicem*. Ergo discordia non est peccatum, & maxime mortale.

Sed contra est quod ad Gal. v. *dissensiones*, idest discordia, ponuntur inter opera carnis, de quibus subditur: *Quia talia agunt, regnum Dei non consequentur*. Nihil autem excludit a regno Dei nisi peccatum mortale. Ergo discordia est peccatum mortale.

Respondendo dicendum, quod discordia concordia opponitur. Concordia autem, ut supra dictum est (quaest. xxxix. art. 1. & 3.) ex caritate causatur, inquantum scilicet caritas multorum corda coniungit in aliquid unum; quod est principaliter quidem bonum divinum, secundario autem bonum proximi. Discordia igitur ea ratione est peccatum, inquantum huiusmodi concordia contrariatur.

Sed sciendum, quod hæc concordia per discordiam tollitur dupliciter, uno quidem modo per se, alio vero modo per accidens. Per se quidem in humanis actibus, & motibus dicitur esse id quod est secundum intentionem. Unde per se discordat aliquis a proximo, quando sciens, & ex intentione dissentit a bono divino, & proximi bono, in quo debet consentire: & hoc est peccatum mortale ex suo genere, propter contrarietatem ad caritatem; licet primi motus huius discordia propter imperfectionem actus sint peccata venialia.

Per accidens autem in humanis actibus consideratur ex hoc quod aliquid est præter intentionem. Unde cum intentio aliquorum est ad aliquod bonum, quod pertinet ad honorem Dei, vel utilitatem proximi; sed unus æstimat hoc esse bonum, alius autem habet contrariam opinionem; discordia tunc est per accidens contra bonum divinum, vel proximi. Et talis discordia non est peccatum, nec repugnat caritati; nisi huiusmodi discordia sit vel cum errore circa ea quæ sunt de necessitate salutis, vel pertinacia indebite adhibeatur; cum etiam supra dictum sit (quaest. xxxix. art. 1. & art. 3. ad 2.) quod concordia, quæ est caritatis effectus, est unio voluntatum, non unio opinionum.

Ex quo patet quod discordia quandoque est ex peccato unius tantum, puta cum unus vult bonum, cui alius scienter resistit; quandoque autem est cum peccato utriusque, puta cum uterque dis-

sensit a bono alterius, & uterque diligit bonum proprium.

Ad primum ergo dicendum, quod voluntas unius hominis secundum se considerata non est regula voluntatis alterius; sed inquantum voluntas proximi inhaeret voluntati Dei, sit per consequens regula regulari secundum propriam regulam. Et ideo discordare a tali voluntate est peccatum, quia per hoc discordatur a regula divina.

Ad secundum dicendum, quod sicut voluntas hominis adhærens Deo est quædam regula recta, a qua peccatum est discordare; ita etiam voluntas hominis Deo contraria, est quædam perveria regula, a qua bonum est discordare. Facere ergo discordiam, per quam tollitur bona concordia, quam caritas facit, est grave peccatum: unde dicitur Proverb. xv. 16. *Sex sunt quæ odit Dominus, & septimum detestatur anima eius: & hoc septimum ponit eum qui seminat inter fratres discordias*. Sed causare discordiam, per quam tollitur mala concordia, scilicet in mala voluntate, est laudabile. Et hoc modo laudabile fuit quod Paulus posuit dissensionem inter eos qui erant concordēs in malo: nam & Dominus de se dicit Matth. x. 34. *Non veni pacem mittere, sed gladium*.

Ad tertium dicendum, quod discordia quæ fuit inter Paulum & Barnabam, fuit per accidens, & non per se; uterque enim intendebat bonum; sed uni videbatur hoc esse bonum, alii aliud, quod ad defectum humanum pertinebat: non enim erat talis controversia in his quæ sunt de necessitate salutis. Quamvis hoc ipsum fuerit ex divina providentia ordinatum propter utilitatem inde consequentem.

## ARTICULUS II. 218

*Utrum discordia sit filia inanis glorie.*

*Inf. quaest. cxxxii. art. 5. & mal.*

*quaest. ix. art. 3.*

**A**D secundum sic proceditur. Videtur quod discordia non sit filia inanis glorie. Ira enim est aliud vitium ab inani gloria. Sed discordia videtur esse filia iræ, secundum illud Proverb. xv. 18. *Vir iracundus provocat rixas*. Ergo non est filia inanis glorie.

2. Præterea. Augustinus super Ioan. (tract. xxxii. inter med. & fin.) exponens illud quod habetur Ioan. vii. *Non-*

dum erat spiritus datus, dicit: „Li- vor separat, caritas iungit.“ Sed discordia nihil est aliud quam quædam separatio voluntatum. Ergo discordia procedit ex livore, idest invidia, magis quam ex inani gloria.

3. Præterea. Illud ex quo multa mala oriuntur, videtur esse vitium capitale. Sed discordia est huiusmodi: quia super aliud Matth. xii. *Omne regnum contra se divisum desolabitur*, dicit Hieronymus (seu sup. illud, *Si satanas satanum eicit*): „Quo modo concordia par- vae res crescunt, sic discordia maxi- mae dilabuntur.“ Ergo ipsa discordia debet poni vitium capitale magis quam filia inanis gloriae.

Sed contra est auctoritas Gregorii XXXI. Moral. (cap. xvii. a med.)

Respondeo dicendum, quod discordia importat quædam digressionem voluntatum, inquantum scilicet voluntas unus fiat in uno, & voluntas alterius fiat in altero. Quod autem voluntas alicuius in proprio sistat, provenit ex hoc quod aliquis ea quæ sunt sua, præfert iis quæ sunt aliorum: quod cum inordinate fit, pertinet ad superbiam, & inane gloriæ.

Et ideo discordia, per quam unusquisque sequitur quod suum est, & recedit ab eo quod est alterius, ponitur filia inanis gloriae.

Ad primum ergo dicendum, quod rixæ non est idem quod discordia: nam rixæ consistit in exteriori opere, unde convenienter causatur ab ira, quæ movet animum ad nocendum proximo; sed discordia consistit in disjunctione motuum voluntatis, quam facit superbia, vel inanis gloria, ratione iam dicta (in cor. art.)

Ad secundum dicendum, quod in discordia (a) consideratur quid ut terminus a quo, hoc est recessus a voluntate alterius; & quantum ad hoc causatur ex invidia: consideratur etiam quid ut terminus ad quem, hoc est accessus ad id quod est sibi proprium; & quantum ad hoc causatur ex inani gloria. Et quia in quolibet motu terminus ad quem est prior termino a quo (finis enim est potior principio) potius ponitur discordia filia inanis gloriae quam invidiæ; licet ex utraque oriri possit secundum diversas rationes, ut dictum est.

Ad tertium dicendum, quod ideo concordia parvæ res crescunt, & per discordiam maximæ dilabuntur, quia virtus quanto est magis unita, tanto est fortior, & per separationem diminuitur, ut dicitur in Lib. de causis (propos. 17.) Unde patet quod hoc pertinet ad proprium effectum discordiæ, quæ est divisio voluntatum; non autem pertinet ad originem diversorum vitiorum a discordia, per quod habeat rationem vitii capitalis.

## QUAESTIO XXXVIII.

De contentione,

in duos articulos divisa.

**D**Einde considerandum est de contentione: & circa hoc quaeruntur duo. Primo, utrum contentio sit peccatum mortale.

Secundo, utrum sit filia inanis gloriae.

## ARTICULUS I. 219

Utrum contentio sit peccatum mortale.

**A**D primum sic proceditur. Videtur quod contentio non sit peccatum mortale. Peccatum enim mortale in viris spiritualibus non invenitur; in quibus tamen invenitur contentio, secundum illud Lucæ xxi. 24. *Facta est contentio inter discipulos Iesu, quis eorum (b) esset maior*. Ergo contentio non est peccatum mortale.

2. Præterea. Nulli bene disposito debet placere peccatum mortale in proximo. Sed dicit Apostolus ad Philip. 1. 17. *Quidam ex contentione Christi annuntiant: & postea subdit: Et in hoc gaudeo, sed & gaudebo*. Ergo contentio non est peccatum mortale.

3. Præterea. Contingit quod aliqui vel in iudicio, vel in disputatione contendunt, non aliquo animo malignandi, sed potius intendentes ad bonum, sicut illi qui contra hæreticos disputando contendunt: unde super illud 1. Reg. xiv *Accidit quadam die &c.* dicit Glossa (ordin.) „Catholici contra hæreticos contentiones non commovent, nisi prius ad certamen provocentur.“ Ergo contentio non est peccatum mortale.

4. Præterea. Iob videtur cum Deo con-

(a) Iuxta Garcia, Theologi, Nicolaus, & edit. Patav. Edit. autem Rom. cum cod. Alcan. alit. quæ: consideratur quidem ut terminus a quo, recessus a voluntate alterius, & quantum ad hoc causatur ex invidia; ut terminus autem ad quem, accessus ad id quod est sibi proprium.

(b) Vulgata videtur esse.

contendisse, secundum illud Iob xxxix. 32. *Numquid qui contendit cum Deo, tam facile conquiescit?* Et tamen Iob non peccavit mortaliter; quia Dominus de eo cecit: *Non esis locuti rectum coram me, sicut servus meus Iob*, ut habetur Iob ult. 7. Ergo contentio non semper est peccatum mortale.

Sed contra est quod contrariatur præcepto Apostoli, qui dicit II. ad Timoth. 11. 14. *Noli verbis contendere*; & Galat. v. contentio numeratur inter opera carnis, quæ qui agunt, regnum Dei non possidebunt, ut ibidem dicitur. Sed omne quod excludit a regno Dei, & quod contrariatur præcepto, est peccatum mortale. Ergo contentio est peccatum mortale.

Respondendo dicendum, quod contendere est contra aliquem tendere. Unde sicut discordia contrarietatem quandam importat in voluntate, ita contentio contrarietatem quandam importat in locutione: & propter hoc etiam cum oratio alicuius per contraria se diffundit, vocatur *contentio*; quæ ponitur unus color rhetoricus a Tullio, qui dicit (Lib. IV. Rhet. ad Heren. inter princ. & med.) *Contentio est, cum ex contrariis rebus oratio efficitur hoc pacto: Habet assensum, id est adulatio, iucunda principia, eadem exitus amarissimos affert*.

Contrarietas autem locutionis potest attendi dupliciter: uno modo quantum ad intentionem contententis; alio modo quantum ad modum. In intentione quidem considerandum est, utrum aliquis contrarietur veritati, quod est vituperabile; vel falsitati, quod est laudabile. In modo autem considerandum est, utrum talis modus contrariandi conveniat & personis, & negotiis, quia hoc est laudabile: unde Tullius dicit in III. Rhet. (ad Heren. a med.) *quod contentio est (a) oratio acris ad confirmandum, & confutandum accommodata*: vel excedat convenientiam personarum, & negotiorum; & sic contentio est vituperabilis.

Si ergo accipiat contentio, secundum quod importat impugnacionem veritatis, & inordinatum modum, sic est peccatum mortale: & hoc modo definit Ambrosius contentionem, dicens: (hab. in Glossa ordin. Rom. 1. sup. illud, *Homicidii*, contentione: nec ex Ambrosio occurrit, sed velut ex Anselmo notatur in Glossa nova:) *Contentio est impugnatio veritatis cum confidentia clamoris*. Si

autem contentio dicatur impugnatio falsitatis cum debito modo acrimonie, sic contentio est laudabilis. Si autem accipiat contentio, secundum quod importat impugnacionem falsitatis cum inordinato modo, sic potest esse peccatum veniale: nisi forte tanta inordinatio fiat in contendendo, quod ex hoc generetur scandalum aliorum. Unde & Apostolus, cum dixisset II. ad Timoth. 11. 14. *Noli verbis contendere*, subdit: *Ad nihil enim utile est, nisi ad subversionem audientium*.

Ad primum ergo dicendum, quod in discipulis Christi non erat contentio cum intentione impugnandi veritatem, quia unusquisque defendebat quod sibi verum videbatur; erat tamen in eorum contentione inordinatio, quia contendebat de quo non erat contendendum, scilicet de primatu honoris: nondum enim erant spiritalis, sicut Glossa ibidem dicit: (colligitur ex Beda Lib. VI. comment. in Luc. cap. xxii.) unde Dominus consequenter eos compescuit.

Ad secundum dicendum, quod illi qui ex contentione Christum prædicabant, reprehensibiles erant: quia quamvis non impugnarent veritatem fidei, sed eam prædicarent; impugnabant tamen veritatem quantum ad hoc quod putabant se suscitare pressuram Apostolo veritatem fidei prædicanti. Unde Apostolus non gaudebat de eorum contentione, sed de iratu qui ex hoc proveniebat, scilicet quod Christus annuntiabatur: quia ex malis etiam occasionaliter subsequuntur bona.

Ad tertium dicendum, quod secundum completam rationem contentionis, prout est peccatum mortale, ille in iudicio contendit qui impugnatur veritatem iustitiae; & in disputatione contendit, qui intendit impugnare veritatem doctrine. Et secundum hoc catholici non contendunt contra hæreticos, sed potius converso. Si autem accipiat contentio in iudicio, vel disputatione secundum imperfectam rationem, scilicet secundum quod importat quandam acrimoniam locutionis, sic non semper est peccatum mortale.

Ad quartum dicendum, quod contentio ibi sumitur communiter pro disputatione. Dixerat enim Iob cap. xiii. 3. *Ad Omnipotentem loquar, & disputare cum Deo cupio*; non tamen intendens neque veritatem impugnare, sed inquirere.

(a) Ita codd. Turrac. Alcan. & Paris. cum edis. passim. Al. oratio alicuius.

rere, neque circa hanc inquisitionem aliqua inordinatione vel animi, vel vocis uti.

## ARTICULUS II. 220

*Utrum contentio sit filia inanis gloriae.*

*Inf. quæst. cxxxii. art. 5. & mal. quæst. ix. art. 3. corp. & ad 4.*

**A**D secundum sic proceditur. Videtur quod contentio non sit filia inanis gloriae. Contentio enim astringitatem habet ad zelum: unde dicitur I. ad Corinth. iii. 3. *Cum sit inter vos zelus, & contentio, nonne carnales estis, & secundum hominem ambulatis?* Zelus autem ad invidiam pertinet. Ergo contentio ex invidia magis oritur.

2. Præterea. Contentio cum clamore quodam est. Sed clamor ex ira oritur, ut patet per Gregorium XXXI. Moral. (cap. xvii. ad fin.). Ergo & contentio oritur ex ira.

3. Præterea. Inter alia scientia videtur esse materia superbiae, & inanis gloriae, secundum illud I. ad Corinth. viii. 1. *Scientia inflat.* Sed contentio plerumque provenit ex defectu scientiæ, per quam præcipue veritas cognoscitur, non impugnatur. Ergo contentio non est filia inanis gloriae.

Sed contra est auctoritas Gregorii XXXI. Moral. (loc. cit.).

Respondetur dicendum, quod, sicut supra dictum est (quæst. præc. art. 2.) discordia est filia inanis gloriae, eo quod discordantium uterque in sensu proprio fiat, & unus alteri non acquiescit. Proprium autem superbiae est, & inanis gloriae, propriam excellentiam querere. Sicut autem discordantes aliqui sunt ex hoc quod stant corde in propriis; ita contententes sunt aliqui ex hoc quod unusquisque verbo id quod sibi videtur de seudat.

Et ideo eadem ratione ponitur contentio filia inanis gloriae, sicut (a) & discordia.

Ad primum ergo dicendum, quod contentio, sicut & discordia, habet astringitatem cum invidia, quantum ad recessum eius a quo aliquis discordat, vel cum quo contendit; sed quantum ad id in quo sistit ille qui contendit, habet convenientiam cum superbia, & inani gloria, inquantum scilicet in proprio sen-

su statur, ut supra dictum est (quæst. cxxxvii. art. 2. ad 1.).

Ad secundum dicendum, quod clamor assumitur in contentione, de qua loquimur, ad finem impugnandæ veritatis: unde non est principale in contentione. Et ideo non oportet quod contentio ex eodem derivetur ex quo derivatur clamor.

Ad tertium dicendum, quod superbia, & inanis gloria occasionem sumunt præcipue a bonis etiam sibi contrariis, puta cum de humilitate aliquis superbit: est enim huiusmodi derivatio non per se, sed per accidens: secundum quem modum nihil prohibet contrarium a contrario oriri. Et ideo nihil prohibet ea quæ ex superbia, vel inani gloria per se & directe oriuntur, causari ex contrariis eorum: ex quibus occasionaliter superbia oritur.

## QUAESTIO XXXIX.

*De schismate,*

*in quatuor articulos divisa.*

**D**Einde considerandum est de vitiis oppositis paci, pertinentibus ad opus; quæ sunt schisma, rixa, seditio, & bellum.

Primo ergo circa schisma queruntur quatuor.

Primo, utrum schisma sit speciale peccatum.

Secundo, utrum sit gravius infidelitate.

Tertio de potestate schismaticorum.

Quarto de poena eorum.

## ARTICULUS I. 221

*Utrum schisma sit peccatum speciale.*

*IV. diff. xiii. quæst. ii. art. 1. ad 2.*

**A**D primum sic proceditur. Videtur quod schisma non sit peccatum speciale. Schisma enim, ut Pelagius I. Papa (epist. ad Viator. & Pancrat. Tom. V. Concil. & hab. cap. Schisma xxiv. quæst. 1.) dicit, *scissuram sonat.* Sed omne peccatum scissuram quandam facit, secundum illud Isa. lxx. 2. *Peccata vestra diviserunt inter vos & Deum vestrum.* Ergo schisma non est speciale peccatum.

2. Præterea. Illi videntur esse schismatici qui Ecclesie non obediunt. Sed pec-

(b) Ita codices passim. Editi nonnulli & discordiam.

per omne peccatum fit homo inobediens præceptis Ecclesiae: quia peccatum, secundum Ambrosium (Lib. de paradiso cap. viii. parum ante med.) est *caesura inobedientia mandatorum*. Ergo omne peccatum est schisma.

3. Præterea. Hæresis etiam dividit hominem ab unitate fidei. Si ergo schismatis nomen divisionem importat, videtur quod non differat a peccato infidelitatis, quasi speciale peccatum.

Sed contra est quod Augustinus contra Faustum (Lib. XX. cap. xii. in princ. & Lib. II. contra Crescon. cap. iv. a med.) distinguit inter schisma, & hæresim, dicens, quod *schisma est eadem opinantem, atque eodem ritu colentem, quo ceteri, solo congregationis delectari disidio; hæresis vero diversa opinatur ab his quæ catholica creditur Ecclesia*. Ergo schisma non est generale peccatum.

Respondendo dicendum, quod, sicut Isidorus dicit in Lib. VIII. Etymolog. (cap. xii.) *nomen schismatis a scissura animorum vocatum est*: scissio autem unitati opponitur: unde peccatum schismatis dicitur quod directe & per se opponitur unitati. Sicut enim in rebus naturalibus id quod est per accidens, non constituit speciem; ita etiam nec in rebus moralibus: in quibus id quod est intentum, est per se; quod autem sequitur præter intentionem, est quasi per accidens. Et ideo peccatum schismatis proprie est speciale peccatum. ex eo quod intendit se ab unitate separare, quam caritas facit; quæ non solum alteram personam alteri unit spiritali dilectionis vinculo, sed etiam totam Ecclesiam in unitate spiritali.

Et ideo proprie schismatici dicuntur qui propria sponte, & intentione se ab unitate Ecclesiae separant, quæ est unitas principalis: nam unitas particularis aliquorum ad invicem ordinatur ad unitatem Ecclesiae, sicut compositio singulorum membrorum in corpore naturali ordinatur ad totius corporis unitatem. Ecclesiae autem unitas in duobus attenditur: scilicet in connexionione membrorum Ecclesiae ad invicem, seu communicatione; & iterum in ordine omnium membrorum Ecclesiae ad unum caput, secundum illud ad Col. ii. 18. *Inflatus sensu carnis sue, & non tenens caput, ex quo totum corpus per nexus, & conjunctiones subministratum, & constructum, crescit in augmentum Dei*. Hoc autem caput est ipse Christus, cuius vicem in

Ecclesia gerit summus Pontifex. Et ideo schismatici dicuntur qui subesse renuunt summo Pontifici, & qui membris Ecclesiae ei subiectis communicare reculant.

Ad primum ergo dicendum, quod divisio hominis a Deo per peccatum non est intenta a peccante; sed præter intentionem eius accidit ex inordinata conversione ipsius ad commutabile bonum: & ideo non est schisma, per se loquendo.

Ad secundum dicendum, quod non obediæ præceptis cum rebellionem quadam, constituit schismatis rationem. Dico autem cum *rebellionem*, cum & pertinaciter præcepta Ecclesiae contemnit, & iudicium eius subire recusat. Hoc autem non facit quilibet peccator: unde non omne peccatum est schisma.

Ad tertium dicendum, quod hæresis, & schisma distinguuntur secundum ea quibus utrumque per se & directe opponitur. Nam hæresis per se opponitur fidei; schisma autem per se opponitur unitati ecclesiasticæ caritatis. Et ideo sic ut fides, & caritas sunt diversæ virtutes, quamvis quicumque caret fide, careat caritate; ita etiam schisma, & hæresis sunt diversa vitia, quamvis quicumque est hæreticus, sit etiam schismaticus; sed non convertitur. Et hoc est quod Hieronymus dicit in epist. ad Tit. (sup. illud cap. xii. *Hæreticum hominem &c.*) *Inter schisma, & hæresim hoc interesse arbitror, quod hæresis perversum dogma habet, schisma ab Ecclesia separat*. Et tamen sicut amissio caritatis est via ad amittendam fidem, secundum illud I. Timoth. 1. 6. *A quibus quidam aberrantes, scilicet a caritate, & aliis huiusmodi, conversi sunt in vaniloquium*: ita etiam schisma est via ad hæresim. Unde Hieronymus ibidem subdit, quod *schisma a principio aliqua in parte potest intelligi diversum ab hæresi; ceterum nullum schisma est quod non sibi aliquam hæresim contingat, ut recte ab Ecclesia recessisse videatur*.

## ARTICULUS II. 222

*Utrum schisma sit gravius peccatum infidelitate.*

IV. dist. xiii. quæst. 11. art. 2. ad 4. & mal. quæst. 11. art. 10. ad 4.

Ad secundum sic proceditur. Videtur quod schisma gravius peccatum sit quam infidelitas. Maius enim peccatum graviori poena punitur, secundum illud Deut.

Deut. xxv. 2. *Pro mensura peccati erit & plagarum modus*. Sed peccatum schismatis gravius invenitur punitum quam etiam peccatum infidelitatis, sive idololatricae: legitur enim Exod. xxxii. quod propter idololatricam sunt aliqui humana manu gladio interfecti; de peccato autem schismatis legitur Num. xvi. 30. *Si novam rem feceris Dominus, ut aperiens terra os suum deglutiatur eos, & omnia quae ad illos pertinent, descenderintque viventes in infernum; scietis, quod blasphemaverunt Dominum Deum: decem etiam Tribus, quae vitio schismatis a regno David recesserunt, sunt gravissime puniuntur, ut habetur IV. Reg. xvii. Ergo peccatum schismatis est gravius peccato infidelitatis.*

2. Praeterea. *Bonum multitudinis est maius, & divinius quam bonum unius, ut patet per Philosophum in I. Ethic. (cap. 12.)* Sed schisma est contra bonum multitudinis, id est contra ecclesiasticam unitatem; infidelitas autem est contra bonum particulare unius, quod est fides unius hominis singularis. Ergo videtur quod schisma sit gravius peccatum quam infidelitas.

3. Praeterea. Maiori malo maius bonum opponitur, ut patet per Philosophum in VIII. Eth. (cap. x. cir. princ.) Sed schisma opponitur caritati, quae est maior virtus quam fides, cui opponitur infidelitas, ut ex praemissis patet (quaest. x. art. 2. & quaest. xxxix. art. 6.) Ergo schisma est gravius peccatum quam infidelitas.

Sed contra. Quod se habet ex additione ad alterum, potius est vel in bono, vel in malo. Sed haereticus se habet per additionem ad schisma: addit enim perversum dogma, ut patet ex auctoritate Hieronymi supra inducta (art. praec. ad 3.) Ergo schisma est minus peccatum quam infidelitas.

Respondeo dicendum, quod gravitas peccati dupliciter potest considerari: uno modo secundum suam speciem; alio modo secundum circumstantias. Et quia circumstantiae particulares sunt infinitae, ita & infinitis modis variari possunt: unde cum quaeritur in communi de duobus peccatis quod sit gravius, intelligenda est quaestio de gravitate quae attenditur secundum genus peccati. Genus autem, seu species peccati attenditur ex

obieto, sicut ex supradictis patet (1. 2. quaest. lxxii. art. 1. & lxxiii. art. 3.) Et ideo illud peccatum quod maiori bono contrariatur, ex suo genere est gravius, sicut peccatum in Deum quam peccatum in proximum.

Manifestum est autem quod infidelitas est peccatum contra ipsum Deum, secundum quod in se est veritas prima, cui fides innititur; schisma autem est contra ecclesiasticam unitatem, quae est quoddam bonum participatum, & minus quam sit ipse Deus. Unde manifestum est quod peccatum infidelitatis ex suo genere est gravius quam peccatum schismatis; licet possit contingere quod aliquis schismaticus gravius peccet quam quidam infidelis, vel propter maiorem contemptum, vel propter maius periculum quod inducit, vel propter aliqui huiusmodi.

Ad primum ergo dicendum, quod populo illi manifestum erat iam per legem lulceptam quod erat unus Deus, & quod non erant alii dii colendi; & hoc erat apud eos per multiplicia signa confirmatum: & ideo non oportebat quod peccantes contra hanc fidem per idololatricam punirentur, iniuncta aliqua poena, sed solum communi. Sed non erat sic notum apud eos quod Moyses deberet esse semper eorum princeps: & ideo rebellantes eius principatui oportebat miraculosa, & inconsueti poena puniri.

Vel potest dici, quod peccatum schismatis quandoque gravius est punitum in populo illo qui erat ad seditiones, & schismata promptus. Dicitur enim Esdr. I. cap. iv. 15. (a) *Civitas illa a diebus antiquis adversum Reges rebellavit; & seditiones, & praemia concitantur in ea.* Poena autem maior quandoque infligitur pro peccato magis consueto, ut supra habuimus est (1. 2. quaest. cv. art. 2. ad 9.) nam poenae sunt medicinae quaedam ad arcendum homines a peccato: unde ubi est maior pronitas ad peccandum, debet severior poena adhiberi. Decem autem Tribus non solum fuerunt puniuntur pro peccato schismatis, sed etiam pro peccato idololatricae, ut ibidem dicitur.

Ad secundum dicendum, quod sicut bonum multitudinis est maius quam bonum unius qui est de multitudine; (b) ita est minus quam bonum extrin-

(a) *Vulgata*: Urbs illa, urbs rebellis est, & nocens Regibus, & provinciis, & bella concitantur in ea ex diebus antiquis. (b) *Ita cum codicebus Terrae. Alean. & Paris. Theologi, Nicajensis, & edit. Patav. Edit. Rom.* ita etiam bonum multitudinis, ad quod unus ordinatur, est minus quam bonum extrinsecum &c.

secum, ad quod multitudo ordinatur, sicut bonum ordinis exercitur est minus quam bonum ducis: & similiter bonum ecclesiasticæ unitatis, cui opponitur schisma, est minus quam bonum veritatis divine, cui opponitur infidelitas.

Ad tertium dicendum, quod caritas habet duo obiecta; unum principale, scilicet bonitatem divinam; & aliud secundarium, scilicet bonum proximi. Schisma autem, & alia peccata quæ sunt in proximum, opponuntur caritati quantum ad secundarium bonum, quod est minus quam obiectum fidei, quod est ipse Deus: & ideo ista peccata sunt minora quam infidelitas. Sed odium Dei, quod opponitur caritati, quantum ad principale obiectum, non est minus. Tamen inter peccata quæ sunt in proximum, peccatum schismatis videtur esse maximum, quia est contra spirituale bonum multitudinis.

ARTICULUS III. 223

*Utrum schismatici habeant aliquam potestatem.*

III. P. quæst. xcix. art. 9. ad 2. & 3. & IV. dist. xxv. quæst. 1. art. 2. & quod. XII. art. 16.

**A**D tertium sic proceditur. Videtur quod schismatici habeant aliquam potestatem. Dicit enim Augustinus in Lib. I. contra Donatistas (cap. 1. cir. med.) *Sicut redeuntes ad Ecclesiam, qui priusquam recederent, baptizati sunt, non rebaptizantur; ita redeuntes, qui priusquam recederent, ordinati sunt, non utique rursum ordinantur.* Sed Ordo est potestas quædam. Ergo schismatici habent aliquam potestatem, quia retinent Ordinem.

2. Præterea. Augustinus dicit in Lib. de unico baptismo (seu Lib. VI. de baptis. cont. Donatist. cap. v. cir. princ.) *Potest sacramentum tradere separat, sicut potest habere separat.* Sed potestas tradendi sacramentum est maxima potestas. Ergo schismatici, qui sunt ab Ecclesia separati, habent potestatem spirituales.

3. Præterea. Urbanus II. Papa (in Concil. Placent. can. x. & hab. cap. Ordinationes ix quæst. 1.) dicit: *Ab Episcopis quondam catholice ordinatis, sed in schismate a Romana Ecclesia separatis, qui consecrati sunt, eos, cum ad Ecclesiam unitatem redeverint, servatis propriis ordinibus, misericorditer suscipi iubemus, si eos vita, & scientia commendat.* Sed hoc non

esset, nisi spiritualis potestas apud schismaticos remaneret. Ergo schismatici habent spirituales potestatem.

Sed contra est quod Cyprianus dicit in quadam epistola (xi. Lib. IV. inter med. & fin.) & habetur vii. quæst. 1. Cap. *Novatianus: Qui nec unitatem, inquit, spiritus, nec coniunctionem pacis observat, & se ab Ecclesie vinculo, & sacerdotum collegio separat, nec Episcopii potestatem habere potest, nec honorem.*

Respondendo dicendum, quod duplex est spiritualis potestas, una quidem sacramentalis, alia iurisdictionalis. Sacramentalis quidem potestas est quæ per aliquam consecrationem confertur. Omnes autem consecrationes Ecclesie sunt immobiles, manente re quæ consecratur; sicut etiam patet in rebus inanimatis, nam altare semel consecratum, non consecratur iterum, nisi fuerit dissipatum. Et ideo talis potestas secundum suam essentiam remanet in homine qui per consecrationem eam est adeptus, quamdiu vivit, sive in schisma, sive in hæresim labatur: quod patet ex hoc quod rediens ad Ecclesiam, non iterum consecratur. Sed quia potestas inferior non debet exire in actum, nisi secundum quod movetur a potestate superiori, ut etiam in rebus naturalibus patet; inde est quod tales usum potestatis amittunt, ita scilicet quod non liceat eis sua potestate uti. Si tamen usi fuerint, eorum potestas effectum habet in sacramentalibus: quia in his homo non operatur nisi sicut instrumentum Dei: unde effectus sacramentales non excluduntur propter culpam quamcumque conferentis sacramentum.

Potestas autem iurisdictionalis est quæ ex simplici iniunctione hominis confertur: & talis potestas non immobiliter adhæret: unde in schismaticis, & hæreticis non manet: unde non possunt nec absolvere, nec excommunicare, nec indulgentias facere, aut aliquid huiusmodi: quod si fecerint, nihil est æquum.

Cum ergo dicitur, tales non habere potestatem spirituales, intelligendum est vel de potestate secunda, vel si referatur ad primam potestatem, non est referendum ad ipsam essentiam potestatis, sed ad legitimum usum eius.

Et per hoc patet responsio ad obiecta.

## ARTICULUS IV. 224

*Utrum sit conveniens poena schismaticorum ut excommunicentur.*

**A**D quantum sic proceditur. Videtur quod poena schismaticorum non sit conveniens ut excommunicentur. Excommunicatio enim maxime separat hominem a communione sacramentorum. Sed Augustinus dicit in Lib. VI. contra Donatistas (cap. v.) quod *baptisma potest recipi a schismatico*. Ergo videtur quod excommunicatio non est conveniens poena schismaticis.

2. Præterea. Ad fideles Christi pertinet ut eos qui sunt dispersi, reducant: unde contra quosdam dicitur *Ezech. xxxiv. 4. Quod abiectum est, non reduxistis; quod perierat, non quaesistis*. Sed schismatici convenientius reducuntur per aliquos qui eis communicent. Ergo videtur quod non sine excommunicandi.

3. Præterea. Pro eodem peccato non infligitur duplex poena, secundum illud *Nahum r. 9. (a) Non iudicabit Deus his in idipsum*. Sed pro peccato schismatis aliqui poena temporali puniuntur, ut habetur *xxiii. quæst. v. (cap. Quali nos)* ubi dicitur: *Divina & mundana leges statuerunt ut ab Ecclesia unitate divisi, & pacem perturbantes, a secularibus potestatibus comprimantur*. Non ergo sunt puniendi per excommunicationem.

Sed contra est quod Num. xvi. 26. dicitur: *Recedite a tabernaculis hominum impiorum, qui scilicet schisma fecerunt, & nolite tangere ea quæ ad eos pertinent, ne involvamini in peccatis eorum*.

Respondetur dicendum, quod per quæ peccas quis, (b) per ea debet puniri, ut dicitur Sap. xi. 17. Schismaticus autem, ut ex dictis patet (art. r. hu. quæst.) in duobus peccat. In uno quidem, quia separat se a communione membrorum Ecclesie; & quantum ad hoc conveniens poena schismaticorum est ut excommunicentur.

In alio vero, quia subdi recusant capiti Ecclesie: & ideo quia coerceri nolunt per spiritualem potestatem Ecclesie, iustum est ut potestate temporali coercantur.

Ad primum ergo dicendum, quod baptismum a schismaticis recipere non licet nisi in articulo necessitatis: quia me-

lius est de hac vita cum signo Christi exire, a quocumque detur, etiam si Iudæus, vel Paganus, quam sine hoc signo, quod per baptismum confertur.

Ad secundum dicendum, quod per excommunicationem non interdicitur illa communicatio per quam aliquis salubribus monitis divinos reducit ad Ecclesie unitatem; cum etiam ipsa separatio quodammodo eos reducat, dum de sua separatione confusi, quandoque ad poenitentiam reducuntur.

Ad tertium dicendum, quod poenæ præsentis vite sunt medicinales: & ideo quando una poena non sufficit ad coercendum hominem, superadditur altera; sicut & Medici diversas medicinas corporales apponunt, quando una non est efficax. Et ita Ecclesia, quando aliqui per excommunicationem sufficienter non reprimuntur, adhibet coercionem brachii secularis; sed si una poena sit sufficiens, non debet alia adhiberi.

## QUAESTIO XL.

*De bello,*

*in quatuor articulis divisa.*

**D**Einde considerandum est de bello: & circa hoc quaeruntur quatuor.

Primo, utrum aliquod bellum sit licitum.

Secundo, utrum clericis sit licitum bellare.

Tertio, utrum liceat bellantibus uti insidiis.

Quarto, utrum liceat in diebus festi-  
vis bellare.

## ARTICULUS I. 225

*Utrum bellare sit semper peccatum.*

*Inf. quæst. xli. art. 1. ad 3. & quæst. xlii. art. 2. ad 1. & quæst. lxxvi. art. 8. ad 1.*

**A**D primum sic proceditur. Videtur quod bellare semper sit peccatum. Poena enim non infligitur nisi pro peccato. Sed bellantibus a Domino inducitur poena, secundum illud *Matth. xxvi. 52. (c) Omnis qui acceperit gladium, gladio peribit*. Ergo omne bellum est illicitum.

2. Præterea. Quicquid contrariatur divino præcepto, est peccatum. Sed bellare contrariatur divino præcepto: dicitur

(a) Ita LXX. Non vindicabit &c. *Volgens*: non confurget duplex tribulatio. (b) *Volgens* per huc & torquetur. (c) *Volgens* omnes... acceperint... peribunt.



citur enim Matth. v. 39. *Ego autem dico vobis, non resistere malo*: & Rom. xii. 19. dicitur: *Non vos defendentes, carissimi, sed date locum irae*. Ergo bellare semper est peccatum.

3. Præterea. Nihil contrariatur actui virtutis nisi peccatum. Sed bellum contrariatur paci. Ergo bellum semper est peccatum.

4. Præterea. Omne exercitium ad rem licitam licitum est, sicut patet in exercitiis scientiarum. Sed exercitia bellorum, quæ sunt in torneamentis, prohibentur ab Ecclesia: quia morientes in huiusmodi tyrociniis, ecclesiastica sepultura privantur. Ergo bellum videtur esse simpliciter peccatum.

Sed contra est quod Augustinus dicit in serm. de puero Centurionis ( hab. epist. ad Marcell. aliquant. a med. & cap. Paratus xxiii. quæst. 1. ) *Si christiana disciplina omnino bella culparet, hoc potius consilium salutis petentibus in Evangelio daretur ut abicerent arma, seque militie omnino subtraherent. Dicitur enim: Neminem concutatis; effor: contenti stipendiis vestris. Quidus proprium stipendium sufficere præcepit, militare non prohibuit*.

Respondendo dicendum, quod ad hoc quod aliquod bellum sit iustum, tria requiruntur.

Primo quidem auctoritas Principis, cuius mandato bellum est gerendum. Non enim pertinet ad personam privatam bellum movere, quia potest ius suum in iudicio superioris prolequi. Similiter etiam convocare multitudinem, quod in bellis oportet fieri, non pertinet ad privatam personam. Cum autem cura rei publicæ commissa sit Principibus, ad eos pertinet rem publicam civitatis, vel regni, seu provincie sibi subditæ tueri. Et sicut licite defendunt eam materiali gladio contra interiores perturbatores, dum malefactores puniunt, secundum illud Apostoli ad Rom. xiii. 4. *Non sine causa gladium portat: minister enim Dei est, vindex ira ei qui male agit*: ita etiam gladio bellico ad eos pertinet rem publicam tueri ab exterioribus hostibus. Unde & Principibus dicitur in Psal. lxxxix. 4. *Eripite pauperem, & egenum de manu peccatoris liberate*. Unde Augustinus dicit contra Faustum ( Lib. XXII. cap. lxxv. in princ. ) *Ordo naturalis mortalium paci accommodatus hoc poscit, ut suscipiendi belli au-*

*thoritas, atque consilium penes Principes sit*. Secundo requiritur causa iusta; ut scilicet illi qui impugnantur, propter aliquam culpam impugnationem mereantur. Unde Augustinus dicit in Lib. Qg. ( sc. sup. Ios. quæst. xvi. ) *Iusta bellum solent definiri quæ ulciscuntur iniurias, si gens, vel civitas plerenda est, quæ vel vindicare neglexerit quod a suis improbe factum est, vel reddere quod per iniuriam ablatum est*. Tertio requiritur ut sit intentio bellantium recta; qua scilicet intenditur vel ut bonum promoveatur, vel ut malum vitetur. Unde Augustinus in Lib. de verbis Domini ( hab. cap. Apud xxiii. quæst. 1. sed ex August. non occurrit: ) *Apud veros Dei cultores etiam illa bella pacata sunt quæ non cupiditate, aut crudelitate, sed pacis studio geruntur, ut mali coercentur, & boni subleventur*.

Potest autem contingere ut si sit legitima auctoritas indicens bellum, & causa iusta, nihilominus propter pravam intentionem bellum reddatur illicitum. Dicit enim Augustinus in ( Lib. XXII. contra Faustum ( cap. lxxv. ) *Necendi cupiditas, ulciscendi crudelitas, impacatus, & implacabilis animus, seritas rebelandi, libido dominandi, & si qua sunt similia, hæc sunt quæ in bellis iure culpantur*.

Ad primum ergo dicendum, quod, sicut Augustinus dicit ( Lib. XXII. cont. Faust. cap. lxx. ad fi. ) *ille accipit gladium qui nulla superiori, aut legitima potestate, aut iubente, vel concedente, in sanguinem alicuius armatur*. Qui vero ex auctoritate Principis, vel iudicis ( si sit persona privata ) vel ex zelo iustitiæ, quasi ex auctoritate Dei ( si sit persona publica ) gladio utitur, non ipse accipit gladium, sed ab alio sibi commissio utitur: unde ei poena non debetur. Nec tamen illi etiam qui cum peccato gladio utuntur, semper gladio occiduntur; sed ipsi suo gladio semper pereunt: quia pro peccato gladii æternaliter puniuntur, nisi poeniteant.

Ad secundum dicendum, quod huiusmodi præcepta, sicut Augustinus dicit in Lib. I. de serm. Domini in monte ( cap. xix. ) semper sunt servanda in præparatione animi, ut scilicet semper homo sit paratus non resistere, vel se non defendere, ( a ) si opus fuerit. Sed quandoque est aliter agendum propter commune bonum, vel etiam illorum cum qui-

(a) Ita codd. Camer. Alcan. & Paris. & alij plerique. Al. si opus non fuerit.

quibus pugnatur. Unde Augustinus dicit in epist. ad Marcellinum (a. med.) *Agenda sunt multa etiam cum inimicis benigna quadam asperitate plestendis. Nam cui licentia iniquitatis eripitur, utiliter vincitur: quoniam nihil est infelicius (a) felicitate peccantium, qua penalis nutritur impunitas, & mala voluntas, velut hostis interior roboratur.*

Ad tertium dicendum, quod etiam illi qui iuste bella gerunt, pacem intendunt; & ita paci non contrariantur, nisi malae, quam Dominus non venit mittere in terram, ut dicitur Math. x. Unde Augustinus dicit ad Bonifacium (epist. cxxxix. al. ccv. a. med.) *Non queritur pax, ut bellum (b) exerceatur; sed bellum geritur, ut pax acquiratur. Esto ergo bellando pacificus, ut eos quos expugnas, ad pacis utilitatem vincendo perducas.*

Ad quartum dicendum, quod exercitia hominum ad res bellicas spectantia non sunt universaliter prohibita; sed inordinata exercitia, & periculosa, ex quibus occisiones, & depredationes proveniunt. Apud antiquos autem exercitationes ad bella sine huiusmodi periculis erant: & ideo vocabantur meditationes armorum, vel bella sine sanguine, ut per Hieronymum patet in quadam epist. (sed non occurrit. De his Veget. Lib. I. de re milit. a. princ. per multa cap. & Lib. II. cap. xxiii.)

## ARTICULUS II. 326

*Utrum clericis, & Episcopis sit licitum pugnare.*

**A**D secundum sic proceditur. Videtur quod clericis, & Episcopis liceat pugnare. Bella enim intantum sunt licita, & iusta, ut dictum est (art. praec.) in quantum tuentur pauperes, & totam rempublicam ab hostium iniuriis. Sed hoc maxime videtur ad praelatos pertinere: dicit enim Gregorius in quadam homilia (xxv. in Evang. aliquant. a. princ.) *Lupus super oves venit, cum quilibet iniustus, & raptor fideles quosque, atque humiles opprimis. Sed is qui pastor videbatur esse, & non erat, relinquit oves, & fugit: quia dum sibi ab eo periculum metuit, resistere eius iniustitiae non praesumit.* Ergo praelatis, & clericis licitum est pugnare.

2. Præterea. xxiii. quaest. viii. (cap.

Igitur) Leo Papa (IV.) scribit: *Cum saepe adversa a Saracenis paribus pervenirent nuntia, quidam in Romanorum portum Saracenos clam furtiveque venturos esse dicebant: pro quo nostrum congregari praecipimus populum; maritimumque ad litus descendere decrevimus. Ergo Episcopis licet ad bella procedere.*

3. Præterea. Eiusdem rationis esse videtur quod homo aliquid faciat, & quod tacienti consentiat, secundum illud Rom. 1. 32. *Non solum digni sunt morte qui faciunt, sed & qui consentiunt facientibus.* Maxime autem consentit qui ad aliquid faciendum alios inducit. Licet autem esse Episcopis, & clericis inducere alios ad bellandum: dicitur enim xxiii. quaest. viii. (cap. Horatu) quod horatu, & precibus Adriani Romanæ urbis Episcopi, Carolus bellum contra Longobardos suscepit. Ergo etiam eis licet pugnare.

4. Præterea. Illud quod est secundum se honestum, & meritum, non est illicitum praelatis, & clericis. Sed bellare est quandoque, & honestum, & meritum: dicitur enim xxiii. quaest. viii. (cap. Omni timore) quod si aliquis pro veritate fidei, & salvatione patriæ, ac defensione Christianorum mortuus fuerit, a Deo celestis praemium consequitur. Ergo licitum est Episcopis, & clericis bellare.

Sed contra est quod Petro in persona Episcoporum, & clericorum dicitur Math. xxvi. 52. *Converte gladium tuum in vaginam.* Non ergo licet eis pugnare.

Respondeo dicendum, quod ad bonum societatis humanæ plura sunt necessaria. Diversa autem a diversis melius, & expeditius aguntur quam ab uno, ut patet per Philosophum in sua Polit. (Lib. I. cap. 1. circa med.) & quædam negotia sunt adeo sibi repugnantia, ut convenienter simul exerceri non possint: & ideo illis qui maioribus deputantur, prohibentur minora; sicut secundum leges humanas militibus, qui deputantur ad exercitia bellica, negotiationes interdiciuntur (in synag. Iuris Lib. XXV. cap. xv. num. 8.)

Bellica autem exercitia maxime repugnant illis officiis quibus Episcopi, & clerici deputantur, propter duo. Primo quidem generali ratione, quia bellica exercitia maximas iniquitates habent: unde multum impediunt animum a contemplatione divinorum, & laude Dei, & oratione pro populo; quæ ad officium per-

(a) Al. infelicitate, item facilitate. (b) Ita cum mss. & veteribus edit. Nicolai. Edit. Paris. 1711. ex Augustino excutitur.

pertinent clericorum. Et ideo sicut negotiationes, propter hoc quod nimis implicant animum, interduntur clericis; ita & bellica exercitia, secundum illud II. ad Timoth. II. 4. *Nemo militans Deo implicat se secularibus negotiis*. Secundo propter specialem rationem: quia omnes clericorum ordines ordinantur ad altaris ministerium, in quo sub sacramento representatur passio Christi, secundum illud I. ad Corinth. XI. 26. *Quiescumque manducabitis panem hunc, & calicem bibetis, mortem Domini annuntiabitis, donec veniat*. Et ideo non competit eis occidere, vel effundere sanguinem, sed magis esse paratos ad propriam sanguinis effusionem pro Christo, ut imitentur opere quod gerunt ministerio. Et propter hoc est iniquum ut effundentes sanguinem etiam sine peccato sint irregulares. Nulli autem qui est deputatus ad aliquod officium, licet id per quod suo officio incongruus redditur. Unde clericis non licet omnino bella gerere, quae ordinantur ad sanguinis effusionem.

Ad primum ergo dicendum, quod praetati debent resistere non solum lupis, qui spiritualiter interficiunt gregem, sed etiam raptoribus, & tyrannis, qui corporaliter vexant, non autem materialibus armis in propria persona utendo, sed spiritualibus, secundum illud Apostoli II. ad Corinth. X. 4. *Arma militiae nostrae non carnalia sunt, sed potentia Dei*: quae quidem sunt salubres admonitiones, devotae orationes, contra pertinaces excommunicationis sententia.

Ad secundum dicendum, quod praetati, & clerici ex auctoritate superioris possunt interesse bellis, non quidem ut ipsi propria manu pugnent, sed ut iuste pugnantes spiritualiter subveniant suis exhortationibus, & absolutionibus, & aliis huiusmodi spiritualibus subventionibus; sicut et in veteri lege mandabatur Iosue VI. quod sacerdotes sacris buccinis in bellis clangerent. Et ad hoc primo fuit concessum quod Episcopi, vel clerici ad bella procederent: quod autem aliqui propria manu pugnent, abusionis est.

Ad tertium dicendum, quod, sicut supra dictum est (quaest. XXIII. art. 4. ad 2.) omnis potentia, vel ars, vel virtus ad quam pertinet finis, habet disponere de his quae sunt ad finem. Bella autem carnalia in populo fideli sunt referenda, sicut ad finem, ad bonum spirituale divinum, cui clerici deputantur. Et ideo

ad clericos pertinet disponere, & inducere alios ad bellandum bella iusta. Non enim interdicitur eis bellare, quia peccatum sit, sed quia tale exercitium eorum personae non congruit.

Ad quartum dicendum, quod licet exercere bella iusta sit meritorium, tamen illicitum redditur clericis, propter hoc quod sunt ad opera magis meritoria deputati; sicut matrimonialis actus potest esse meritorius, & tamen virginitatem foventibus damnabilis redditur propter obligationem eorum ad maius bonum.

## ARTICULUS III. 227

*Utrum sit licitum in bellis uti insidiis.*

*Inf. quaest. lxxi. art. 3. ad 3.*

**A**D tertium sic proceditur. Videtur quod non sit licitum in bellis uti insidiis. Dicitur enim Deut. XVI. 20. *Iuste quod iustum est (a) exequeris*. Sed insidiae, cum sint fraudes quaedam, videntur ad iniustitiam pertinere. Ergo non est utendum insidiis etiam in bellis iustis.

2. Praeterea. Insidiae, & fraudes fidelitati videntur opponi, sicut & mendacia. Sed quia ad omnes fidem debemus servare, nulli homini est mentiebundum, ut patet per Augustinum in Lib. contra mendacium (cap. xv. & seq.). Cum ergo fides hosti servanda sit, ut Augustinus dicit ad Bonifacium (epist. clxxxix. al. ccv. a med.) videtur quod non sit contra hostes insidiis utendum.

3. Praeterea. Matth. VII. 12. dicitur: *Quae vultis ut faciant vobis homines, & vos facite illis*: & hoc est observandum ad omnes proximos. Inimici autem sunt proximi. Cum ergo nullus sibi velit insidias, vel fraudes parari, videtur quod nullus ex insidiis debeat gerere bella.

Sed contra est quod Augustinus dicit in Lib. Qq. (sup. Iosue quat. x. circ. princ.) *Cum iustum bellum suscipitur, utrum aperte pugnet aliquis, an ex insidiis, nihil ad iustitiam interest*: & hoc probat auctoritate Domini, qui mandavit Iosue ut insidias poneret habitatoribus civitatis Hai, ut habetur Iosue VIII.

Respondendo dicendum, quod insidiae ordinantur ad fallendum hostes. Dupliciter autem aliquis potest falli ex facto, dicto alterius. Uno modo ex eo quod ei dicitur falsum, vel non servatur promissum; & istud semper est illicitum;

p

& hoc

*S. Th. Oper. Tom. XXII*

(a) *Vulgata persequeris.*

& hoc modo nullus debet hostes fallere: sunt enim *quædam iura bellorum*, & *scilicet etiam inter ipsos hostes servanda*, ut Ambrosius dicit in I. de officiis (cap. xxix.)

Alio modo aliquis potest falli ex dicto, vel facto nostro, quia ei propositum, aut intellectum non aperimus. Hoc autem semper facere non tenemur: quia etiam in doctrina sacra multa sunt occultanda, maxime infidelibus, ne irideant, secundum illud Matth. vii. 6. *Nolite sanctum dare canibus*. Unde magis ea quæ ad impugnandum inimicos paramus, sunt eis occultanda. Unde inter cetera documenta rei militaris hoc præcipue ponitur de occultandis consiliis, ne ad hostes perveniant, ut patet in Lib. stratagematum Francorum (Sexti Jul. Frontini Lib. I. stratag. cap. 1.) & talis occultatio pertinet ad rationem insidiarum, quibus licitum est uti in bellis iustis.

Nec proprie huiusmodi insidiæ vocantur fraudes, nec iustitiæ repugnant, nec ordinatæ voluntati. Eset enim inordinata voluntas, si aliquis vellet nihil sibi ab aliis occultari.

Et per hoc patet responsio ad obiecta.

#### ARTICULUS IV. 228

*Utrum liceat diebus festis bellare.*

**A**D quartum sic proceditur. Videtur quod in diebus festis non liceat bellare. Festa enim sunt ordinata ad vacandum divinis: unde intelliguntur per observationem Sabbati, quæ præcipitur Exod. xx. *Sabbatum enim interpretatur requies*. Sed bella maximam inquietudinem habent. Ergo nullo modo est in diebus festis pugnandum.

2. Præterea. Isa. lviii. reprehenduntur quidam, quod in diebus ieiunii reputant debita, & committunt lites, pugna percutientes. Ergo nullo magis in diebus festis illicitum est bellare.

3. Præterea. Nihil est inordinate agendum ad vitandum incommmodum temporale. Sed bellare in die festo, (a) videtur esse secundum se inordinatum. Ergo pro nulla necessitate temporalis incommodi vitandi debet aliquis in die festo bellare.

Sed contra est quod I. Machab. xi. 41. dicitur: *Cogitaverunt (b) laudabiliter Iudæi dicentes: Omnis homo quicumque*

*teneris ad nos in bello in die Sabbatorum, pugnemus adversus eum.*

Respondeo dicendum, quod observatio festorum non impedit ea quæ ordinantur ad hominis salutem etiam corporalem. Unde Dominus arguit Iudæos, dicens Ioan. vii. 23. *Mibi indignemini, quia totum hominem sanum feci in Sabbato?* Et inde est quod Medici licite possunt medicari homines in die festo.

Multo autem magis est conservanda salus reipublicæ, per quam impediuntur occisiones plurimorum, & innumera mala & temporalia, & spiritalia, quam salus corporalis unius hominis. Et ideo pro tuitione reipublicæ fidelium licitum est iusta bella exercere in diebus festis; si tamen hoc necessitas exposcat: hoc enim esset tentare Deum, si quis imminente tali necessitate vellet a bello abstinere.

Sed, necessitate cessante, non est licitum bellare in diebus festis propter rationes inductas.

Et per hoc patet responsio ad obiecta.

#### QUAESTIO XLI.

*De rixa,*

*in duos articulos divisa.*

**A**D Eiusdem considerandum est de rixa: & circa hoc quaeruntur duo.

Primo, utrum rixa sit peccatum.

Secundo, utrum sit filia iræ.

#### ARTICULUS I. 229

*Utrum rixa sit semper peccatum.*

*Inf. quæst. xlii. art. 2. cor.*

**A**D primum sic proceditur. Videtur quod rixa non semper sit peccatum. Rixa enim videtur esse contentio quædam: dicit enim Iudorus in Lib. X. Etymologiarum (in lit. R.) quod *rixosus est a rictu canino dictus: semper enim ad contradicendum paratus est, & iurgio delectatur, & provocat contendentem*. Sed contentio non semper est peccatum. Ergo neque rixa.

2. Præterea. Genes. xxv. dicitur, quod servi Isac foderunt alium puteum, & pro illo quoque rixati sunt. Sed non est credendum quod familia Isac rixaretur publice, eo non contradicente, si hoc esset peccatum. Ergo rixa non est peccatum.

3. Præ-

(a) Al. hoc videtur. (b) In Fulgensi desit laudabiliter.

3. Præterea. Rixa videtur esse quoddam particulare bellum. Sed bellum non semper est peccatum. Ergo rixa non semper est peccatum.

Sed contra est quod ad Galat. v. rixæ ponuntur inter opera carnis: *quæ qui agunt, regnum Dei non consequuntur*. Ergo rixæ non solum sunt peccata, sed etiam sunt peccata mortalia.

Respondet dicendum, quod sicut contentio importat quamdam contradictionem verborum, ita etiam rixa importat quamdam contradictionem in factis. Unde super illud Galat. v. *Rixæ*, dicit Glossa (interl.) quod, *rixæ* sunt, quando ex ira invicem se percutiunt. Et ideo rixa videtur esse quoddam privatum bellum, quod inter privatas personas agitur, non ex aliqua publica auctoritate, sed magis ex inordinata voluntate. Et ideo rixa semper importat peccatum.

Et in eo quidem qui alterum invadit iniuste, est peccatum mortale: inferre enim nocumentum proximo, etiam opere manuali, non est abique mortali peccato. In eo autem qui se defendit, potest esse sine peccato, & quandoque cum peccato veniali, & quandoque cum peccato mortali, secundum diversum modum animi eius, & diversum modum se defendendi. Nam si solo animo repellendi iniuriam illatam, & cum debita moderatione se defendat, non est peccatum, nec proprie potest dici rixa ex parte eius. Si vero cum animo vindictæ, vel odii, vel cum excessu debite moderationis se defendat, semper est peccatum; sed veniale quidem, quando aliquis levis motus odii, vel vindictæ se immiscet, vel cum non multum excedit moderatam defensionem; mortale autem, quando obfirmato animo in impugnantem insurgit ad eum occidendum, vel cum graviore lædendum.

Ad primum ergo dicendum, quod rixa non simpliciter nominat contentionem; sed tria in præmissis verbis illud ponuntur quæ inordinationem rixæ declarant. Primo quidem quod promptitudinem animi habet (a) ad contendendum: quod significat, cum dicit, *Semper ad contradicendum paratus*, scilicet sive alius bene, sive male dicat, aut faciat. Secundo quia in ipsa contradictione delectatur: unde sequitur, *Et in iurgio delectatur*. Tercio quia ipse alios provocat

ad contradictiones: unde sequitur, *Et provocat contententem*.

Ad secundum dicendum, quod ibi non intelligitur quod servi Isaac sint rixati, sed quod incolæ terræ rixati sunt contra eos; unde illi peccaverunt, non autem servi Isaac, qui calumniam patiebantur.

Ad tertium dicendum, quod ad hoc quod iustum sit bellum, requiritur quod nat auctoritate publicæ potestatis, sicut supra dictum est (quæst. præc. art. 1.) Rixa autem fit ex privato affectu iræ, vel odii. Si enim ministri Principis, aut Iudicis publicæ potestate aliquos invadant qui se defendant, non dicuntur ipsi rixari, sed illi qui publicæ potestati resistunt: & sic illi qui invadunt, non rixantur, neque peccant, sed illi qui se inordinate defendunt.

## ARTICULUS II.

230

Utrum rixa sit filia iræ.

Inf. quæst. clxviii. art. 8. cor. & III. P. quæst. vii. art. 2. ad 1.

Ad secundum sic proceditur. Videtur quod rixa non sit filia iræ. Dicitur enim Iac. iv. 1. *Unde bella, & lites in vobis? (b) nonne ex concupiscentiis quæ militanti in membris vestris?* Sed ira non pertinet ad concupiscentiam. Ergo rixa non est filia iræ, sed magis concupiscentiæ.

2. Præterea. Proverb. xxviii. 25. dicitur: *Qui se iactat, & dilatat, iurgia concitat*. Sed idem videtur esse rixa quod iurgium. Ergo videtur quod rixa sit filia superbiæ, vel inanis gloriæ, ad quam pertinet se iactare, & dilatare.

3. Præterea. Proverb. xviii. 6. dicitur: *Labia stulti immiscet se rixis*. Sed stultitia differt ab ira, non enim opponitur consuetudini, sed magis sapientiæ, vel prudentiæ. Ergo rixa non est filia iræ.

4. Præterea, Proverb. x. 12. dicitur: *Odium suscitavit rixas*. Sed odium oritur ex invidia, ut dicit Gregorius XXXI. Moral. (cap. xvii. a med.) Ergo rixa non est filia iræ, sed invidiæ.

5. Præterea. Proverb. xvii. 19. dicitur: *Qui meditatur discordias. (c) seminat rixas*. Sed discordia est filia inanis gloriæ; ut supra dictum est (quæst. xxxvii. art. 2.) Ergo etiam rixa.

P 2

Sed

(a) Ita mss. & alii omnes libri. Glosa propterea corrigi ad contradicendum.

(b) Vulgata: nonne hinc? ex concupiscentiis vestris, quæ &c. (c) Vulgata diligit.

Sed contra est quod Gregorius dicit XXXI. Moralium (loc. cit.) quod ex ira oritur rixa: & Proverb. xv. 18. & xxix. 22. dicitur: *Vir iracundus provocat rixas.*

Respondeo dicendum, quod, sicut dictum est (art. præc.) rixa importat quandam contradictionem usque ad facta pervenientem, dum unus alterum ledere molitur. Dupliciter autem unus alium ledere intendit. Uno modo quasi intendens absolute malum ipsius; & talis læsio pertinet ad odium, cuius intentio est ad lædendum inimicum vel in manifesto, vel in occulto. Alio modo aliquis intendit alium ledere, eo sciente, & repugnante, quod importatur nomine rixæ; & hoc proprie pertinet ad iram, quæ est appetitus vindictæ: non enim sufficit irato quod latenter noceat ei contra quem irascitur; sed vult quod ipse sentiat, & quod contra voluntatem suam aliquid patiar in vindictam eius quod fecit, ut patet per ea quæ supra dicta sunt de passione iræ (1. 2. quæst. xlvj. art. 6. ad 2.) Et ideo rixa proprie oritur ex ira.

Ad primum ergo dicendum, quod, sicut supra dictum est (1. 2. quæst. xxv. art. 1. & 2.) omnes passionis irascibilis ex passionibus concupiscibilis oriuntur: & secundum hoc illud quod proxime oritur ex ira, oritur etiam ex concupiscentia sicut ex prima radice.

Ad secundum dicendum, quod læsio, & dilatio sui, quæ fit per superbiam, vel inanem gloriam, non directe concitat iurgium, aut rixam, sed occasionaliter, inquantum scilicet ex hoc concitatur ira, dum aliquis sibi ad iniuriam reputat quod alter ei se se præferat: & sic ex ira sequuntur iurgia, & rixæ.

Ad tertium dicendum, quod ira, sicut supra dictum est (1. 2. quæst. xlviii. art. 3.) impedit iudicium rationis, unde habet similitudinem cum stulticia; & ex hoc sequitur quod habeant communem effectum: ex defectu enim rationis contingit quod aliquis inordinate alium ledere molitur.

Ad quartum dicendum, quod rixa, etsi quandoque ex odio oriatur, non tamen est proprius effectus odii: quia præter intentionem odientis est quod rixose & manifeste inimicum lædat, quandoque enim etiam occulte eum ledere querit. Sed quando videt se prævalere, cum rixa, & iurgio læsionem intendit. Sed rix-

xose aliquem ledere est proprius effectus iræ, ratione iam dicta (in corp.)

Ad quintum dicendum, quod ex rixis sequitur odium, & discordia in cordibus rixantium: & ideo ille qui meditatur, idest qui intendit inter aliquos seminare discordias, procurat quod ad invicem rixentur; sicut quolibet peccatum potest imperare actum alterius peccati, ordinando illum in suum finem. Sed ex hoc non sequitur quod rixa sit filia inanis gloriæ proprie, & directe.

## QUAESTIO XLII.

*De seditione, quæ opponitur paci, in duos articulos divisa.*

**D**Einde considerandum est de seditione, quæ opponitur paci: & circa hoc quaeruntur duo.

Primo, utrum sit speciale peccatum. Secundo, utrum sit mortale peccatum.

### ARTICULUS I.

*Utrum seditio sit speciale peccatum ab aliis distinctum.*

*Sup. quæst. xxxix. art. 1. cor.*

**A**D primum sic proceditur. Videtur quod seditio non sit speciale peccatum ab aliis distinctum. Quia, ut Isidorus dicit in Lib. X. Etymologiarum (ad lit. S.) *Seditiosus est qui dissensionem animorum facit; & discordias gignit.* Sed ex hoc quod aliquis aliquod peccatum procurat, non peccat alio peccati genere, nisi illo quod procurat. Ergo videtur quod seditio non sit speciale peccatum a discordia distinctum.

2. Præterea. Seditio divisionem quandam importat. Sed nomen etiam schismatis sumitur a scissura, ut supra dictum est (quæst. xxxix. art. 1.) Ergo peccatum seditionis non videtur distinctum a peccato schismatis.

3. Præterea. Omne speciale peccatum ab aliis distinctum, vel est vitium capitale, aut ex aliquo vitio capitali oritur. Sed seditio neque comparatur inter vitia capitalia, neque inter vitia quæ ex capitalibus oriuntur, ut patet in XXXI. Moral. (cap. xvij. a med.) ubi utraque vitia numerantur. Ergo seditio non est speciale peccatum ab aliis distinctum.

Sed contra est quod II. ad Cor. xxi. seditiones ab aliis peccatis distinguuntur.

Respon-

ARTICULUS II. 232

*Utrum seditio sit semper peccatum mortale.*

Respondeo dicendum, quod seditio est quoddam speciale peccatum, quod quantum ad aliquid convenit cum bello, & rixa, quantum autem ad aliquid differt ab eis.

Convenit quidem cum eis in hoc quod importat quendam contradictionem; differt autem ab eis in duobus. Primo quidem quia bellum, & rixa important mutuum impugnationem in actu; sed seditio potest dici, siue fiat huiusmodi impugnatio in actu, siue sit preparatio ad talem impugnationem. Unde Glossa (interl.) II. ad Corinth. xxi. (sup. illud, *Seditiones, animositates* &c.) dicit, quod „seditiones sunt tumultus ad pugnam; cum scilicet aliqui se preparant, & intendunt pugnare. Secundo differunt, quia bellum proprie est contra extraneos hostes, quasi multitudinis ad multitudinem; rixa autem est unus ad unum, vel paucorum ad paucos; seditio autem proprie est inter partes unius multitudinis inter se dissentientes, puta cum una pars civitatis excitatur in tumultum contra aliam. Et ideo quia seditio habet speciale bonum, cui opponitur, scilicet unitatem, & pacem multitudinis, est speciale peccatum.

Ad primum ergo dicendum, quod seditionosus dicitur ille qui seditionem excitat: & quia seditio quendam discordiam importat, ideo seditionosus est qui discordiam facit, non quaecumque, sed inter partes alicuius multitudinis. Peccatum autem seditionis non solum est in eo qui discordiam seminat, sed etiam in eis qui inordinant ab invicem dissentiunt.

Ad secundum dicendum, quod seditio differt a schismate in duobus. Primo quidem quia schisma opponitur spirituali unitati multitudinis, scilicet unitati ecclesiasticae; seditio autem opponitur temporali, vel seculari multitudinis unitati, puta civitatis, vel regni. Secundo quia schisma non importat aliquam preparationem ad pugnam corporalem, sed solum importat dissensionem spirituales; seditio autem importat preparationem ad pugnam corporalem.

Ad tertium dicendum, quod seditio, sicut & schisma, sub discordia continetur: utrumque enim est discordia quaedam, non unus ad unum, sed partium multitudinis ad invicem.

**A**D secundum sic proceditur. Videtur quod seditio non semper sit peccatum mortale. Seditio enim importat tumultum ad pugnam, ut patet per Glossam supra inductam (art. præc.) Sed pugna non semper est peccatum mortale, sed quandoque est iusta, & licita, ut supra habetur est (quaest. xl. art. 1.) Ergo multo magis seditio potest esse sine peccato mortali.

2. Præterea. Seditio est discordia quaedam, ut dictum est (art. præc. ad 3.) Sed discordia potest esse sine peccato mortali, & quandoque etiam sine omni peccato. Ergo etiam seditio.

3. Præterea. Laudantur qui multitudinem a potestate tyrannica liberant. Sed hoc non de facili potest fieri sine aliqua dissensione multitudinis, dum una pars multitudinis nititur retinere tyrannum, alia vero nititur eum abicere. Ergo seditio potest fieri sine peccato.

Sed contra est quod Apostolus II. ad Cor. xxi. prohibet seditiones inter alia quæ sunt peccata mortalia. Ergo seditio est peccatum mortale.

Respondeo dicendum, quod, sicut dictum est (art. præc. ad 2.) seditio opponitur unitati multitudinis, idest populi, civitatis, vel regni. Dicit autem Augustinus II. de civit. Dei (cap. xxi. a med. & Lib. XIX. cap. xxi.) quod *populum determinant sapientes, non omnem cætum multitudinis, sed cætum iuris consensu, & utilitatis communione sociatum.* Unde manifestum est unitatem, cui opponitur seditio, esse unitatem iuris, & communis utilitatis.

Manifestum est ergo quod seditio opponitur & iustitiae, & communi bono: & ideo ex suo genere est peccatum mortale, & tanto gravius, quanto bonum commune, quod impugnatur per seditionem, est maius quam bonum privatum, quod impugnatur per rixam.

Peccatum autem seditionis primo quidem & principaliter pertinet ad eos qui seditionem procurant, qui gravissime peccant; secundo autem ad eos qui eos sequuntur, perturbantes bonum commune. Illi vero qui bonum commune defendunt, ei resistentes, non sunt dicendi seditionosi; sicut nec illi qui se defendunt,

dicuntur rixosi, ut supra dictum est (quaest. xli. art. 1.)

Ad primum ergo dicendum, quod pugna quae est licita, fit pro communi utilitate, sicut supra dictum est (quaest. xl. art. 1.) Sed seditio fit contra commune bonum multitudinis: unde semper est peccatum mortale.

Ad secundum dicendum, quod discordia ab eo quod non est manifeste bonum, potest esse sine peccato; sed discordia ab eo quod est manifeste bonum, non potest esse sine peccato: & talis discordia est seditio, quae opponitur unitati multitudinis, quae est manifeste bonum.

Ad tertium dicendum, quod regimen tyrannicum non est iustum, quia non ordinatur ad bonum commune, sed ad bonum privatum regentis, ut patet per Philosophum in III. Polit. (cap. v.) & in VIII. Ethic. (cap. x.) Et ideo perturbatio huius regiminis non habet rationem seditionis; nisi forte quando sic inordinate perturbatur tyranni regimen, quod multitudo subiecta maius detrimentum patitur ex perturbatione consequenti quam ex tyranni regimine. Magis autem tyrannus seditiosus est, qui in populo sibi subiecto discordias, & seditiones nutrit, ut tutius dominari possit: hoc enim tyrannicum est, cum sit ordinatum ad bonum proprium praesidentis, cum multitudinis nocumto.

## QUAESTIO XLIII.

De scandalo,  
in octo articulos divisa.

**D**Einde considerandum restat de vitis quae beneficiis opponuntur: inter quae alia quidem pertinent ad rationem iustitiae, illa scilicet quibus aliquis iniuste proximum laedit; sed contra caritatem specialiter scandalum esse videtur. Et ideo considerandum est hic de scandalo: circa quod quaeruntur octo.

Primo, quid sit scandalum.

Secundo, utrum scandalum sit peccatum.

Tertio, utrum sit peccatum speciale.

Quarto, utrum sit peccatum mortale.

Quinto, utrum perfectorum sit scandalizari.

Sexto, utrum eorum sit scandalizare.

Septimo, utrum spiritualia bona sint dimittenda propter scandalum.

Octavo, utrum sint propter scandalum temporalia dimittenda.

## ARTICULUS I. 233

*Utrum scandalum convenienter definitur, quod est dictum, vel factum minus rectum, praebens occasionem ruinae.*

IV. dist. xxxviii. quest. xi. art. 1. & quod. iv. art. 21. ad 3. & Rom. vii. lect. 2. & cap. xiv. lect. 2. in princ.

**A**D primum sic proceditur. Videtur quod scandalum inconvenienter definiatur esse dictum, vel factum minus rectum, praebens occasionem ruinae. Scandalum enim peccatum est, ut post dicitur (art. seq.) Sed secundum Augustinum XII. contra Faustum (cap. xxvii. in princ.) peccatum est dictum, vel factum, vel concupiscit contra legem Dei. Ergo praedicta definitio est inficiens, quia praetermittit cogitatum, sive concupiscitum.

2. Praeterea. Cum inter actus virtuosos, vel rectos unus virtuosior, vel rector altero sit; illud solum videtur non esse minus rectum quod est rectissimum. Si ergo scandalum sit dictum, vel factum minus rectum, sequitur quod omnis actus virtuosus praeter optimum sit scandalum.

3. Praeterea. Occasio nominat causam per accidens. Sed id quod est per accidens, non debet poni in definitione, quia non dat speciem. Ergo inconvenienter in definitione scandali ponitur occasio.

4. Praeterea. Ex quolibet facto alterius potest aliquis sumere occasionem ruinae, quia causae per accidens sunt indeterminatae. Si ergo scandalum est quod praebet alii occasionem ruinae, quodlibet factum, vel dictum poterit esse scandalum: quod videtur esse inconveniens.

5. Praeterea. Occasio ruinae datur proximo, quando offenditur, aut infirmatur. Sed scandalum dividitur contra offensionem, & infirmitatem: dicit enim Apostolus ad Rom. xiv. 21. Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Ergo praedicta definitio scandali non est conveniens.

Sed contra est quod Hieronymus exponens illud quod habetur Matth. xv. Scitis quia Pharisei audito hoc verbo &c. dicit: Quando legimus: Quicumque scandalizaverit, hoc intelligimus, qui dicto, vel facto occasionem ruinae dedit.

Respondendo dicendum, quod, sicut Hieron.



ronymus ibidem dicit, quod græce *oxadros* dicitur, nos *offensionem*, vel *ruinam*, & *impactionem* pedis possumus dicere. Contingit enim quod quandoque aliquis obex ponitur alicui in via corporali, cui impingens disponitur ad ruinam: & talis obex dicitur scandalum.

Et similiter in processu viæ spiritualis contingit aliquem disponi ad ruinam spiritualem per dictum, vel factum alterius, in quantum scilicet aliquis sua admonitione, vel inductione, aut exemplo alterum trahit ad peccandum: & hoc proprie dicitur scandalum.

Nihil autem secundum propriam rationem disponit ad spiritualem ruinam, nisi quod habet aliquem defectum rectitudinis: quia id quod est perfecte rectum, magis munit hominem contra calum quam ad ruinam inducat. Et ideo convenienter dicitur, quod *dictum*, vel *factum minus rectum*, præbens occasionem ruinae, sit scandalum.

Ad primum ergo dicendum, quod cogitatio, vel concupiscentia mali latet in corde: unde non proponitur alteri ut obex disponens ad ruinam; & propter hoc non potest habere scandalum rationem.

Ad secundum dicendum, quod minus rectum non dicitur hoc quod ab aliquo alio superatur in rectitudine, sed quod habet aliquem rectitudinis defectum, vel quia est secundum se malum, sicut peccatum, vel quia habet speciem mali, sicut cum aliquis recumbit in idolo: quavis enim hoc secundum se non sit peccatum, si aliquis hoc non corrupta intentione faciat; tamen quia habet quamdam speciem mali, vel similitudinem venerationis idoli, potest alteri præbere occasionem ruinae. Et ideo Apostolus mouet I. ad Thesal. v. 22. *Ab omni specie mala abstinete vos*. Et ideo convenienter dicitur *minus rectum*, ut comprehendatur tam illa quæ sunt secundum se peccata, quam illa quæ habent speciem mali.

Ad tertium dicendum, quod, sicut supra habitum est (1. 2. quæst. lxxv. art. 2. & 3. & quæst. lxxx. art. 1.) nihil potest esse homini sufficiens causa peccati, quod est spiritualis ruina, nisi propria voluntas. Et ideo dicta, vel facta alterius hominis possunt esse solum causa imperfecta, aqualiter inducens ad ruinam. Et propter hoc non dicitur, *dans causam ruinae*, sed *dans occasionem*; quod significat causam imperfectam, & non semper causam per accidens. Et tamen

nihil prohibet in quibusdam definitionibus poni id quod est per accidens, quia id quod est secundum accidens uni, potest per se alteri convenire; sicut in definitione fortunæ ponitur *causa per accidens*, ut patet II. Phyticor. (tex. 52.)

Ad quartum dicendum, quod dictum, vel factum alterius potest esse dupliciter alteri causa peccandi, uno modo per se, alio modo per accidens. Per se quidem, quando aliquis suo malo verbo, vel facto intendit alium ad peccandum inducere; vel etiam si ipse hoc non intendat, ipsum factum est tale quod de sui ratione habet quod sit inductivum ad peccandum; puta cum aliquis publice facit peccatum, vel quod habet similitudinem peccati: & tunc ille qui huiusmodi actum facit, proprie dat occasionem ruinae, unde vocatur *scandalum activum*. Per accidens autem aliquod verbum, vel factum unius est alteri causa peccandi, quando & præter intentionem operantis, & præter conditionem operis, aliquis male dispositus ex huiusmodi opere inducitur ad peccandum, puta cum aliquis iuvet bonis aliorum: & tunc ille qui facit huiusmodi actum rectum, non dat occasionem, quantum in se est; sed alius sumit occasionem, secundum illud ad Rom. vii. 8. *Occasione autem accepta peccatum per mandatum operatum est in me omnem concupiscentiam*. Et ideo hoc est *scandalum passivum* sine activo: quia ille qui recte agit, quantum ex se, non dat occasionem ruinae, quam alter patitur. Quandoque ergo contingit quod etiam sit simul scandalum activum in uno, & passivum in altero, puta cum ad inductionem unius alius peccat, quandoque vero est scandalum activum sine passivo, puta cum aliquis inducit verbo, vel facto alium ad peccandum, & ille non consentit; quandoque vero est scandalum passivum sine activo, sicut iam dictum est (hic sup.)

Ad quantum dicendum, quod *infirmus* nominat promptitudinem ad scandalum; *offensio* autem nominat indignationem alicuius contra eum qui peccat, quæ potest esse quandoque sine ruina; *scandalum* autem importat ipsam impactionem ad ruinam.

## ARTICULUS II. 234

*Utrum scandalum sit peccatum.*

IV. dist. XXXVIII. quæst. 11. art. 1. quæst. 1. & art. 4. quæst. 1. corp. & Rom. xlv. lect. 2.

**A**D secundum sic proceditur. Videtur quod scandalum non sit peccatum. Peccata enim non eveniunt ex necessitate: quia omne peccatum est voluntarium, ut supra habitum est (1. 2. quæst. lxxiv. art. 1. & 2.) Sed Matth. xviii. 7. dicitur: *Necesse est ut veniant scandala.* Ergo scandalum non est peccatum.

2. Præterea. Nullum peccatum procedit ex pietatis affectu: quia non potest arbor bona fructus malos facere, ut dicitur Matth. vii. 18. Sed aliquod scandalum est ex pietatis affectu: dicit enim Dominus Petro Matth. xvi. 23. *Scandalum mihi es*: ubi dicit Hieronymus, quod error Apostoli de pietatis affectu veniens, nunquam incentivum videtur esse diaboli. Ergo non omne scandalum est peccatum.

3. Præterea. Scandalum impactionem quandam importat. Sed non quicumque impingit, cadit. Ergo scandalum, quod est spiritualis casus, potest esse sine peccato.

Sed contra est quod scandalum est *dictum, vel factum minus rectum*. Ex hoc autem habet aliquid rationem peccati, quod a rectitudine deficit. Ergo scandalum semper est cum peccato.

Respondeo dicendum, quod, sicut iam supra dictum est (art. præc. ad 4.) duplex est scandalum, scilicet passivum in eo qui scandalizatur, & activum in eo qui scandalizat, dans occasionem ruinæ. Scandalum ergo passivum semper est peccatum in eo qui scandalizatur: non enim scandalizatur, nisi in quantum aliquando spirituali ruina, quæ est peccatum. Potest tamen esse scandalum passivum sine peccato eius ex cuius facto aliquis scandalizatur, sicut cum aliquis scandalizatur de his quæ alius bene facit.

Similiter etiam scandalum activum semper est peccatum in eo qui scandalizat: quia vel ipsum opus quod facit, est peccatum; vel etiam si habeat speciem peccati, dimittendum est semper propter proximi caritatem, ex qua unusquisque tenetur saluti proximi providere: & sic qui non dimittit, contra caritatem a-

git. Potest tamen esse scandalum activum sine peccato alterius qui scandalizatur, sicut supra dictum est (art. præc. ad 4.)

Ad primum ergo dicendum, quod hoc quod dicitur, *Necesse est ut veniant scandala*, non est intelligendum de necessitate absoluta, sed de necessitate conditionali, qua scilicet necesse est præscita, vel prænuntiata a Deo evenire; si tamen coniunctim accipiat, ut in 1. dictum est (quæst. xiv. art. 13. ad 2. & quæst. xxiii. art. 6. ad 2.) Vel necesse est evenire scandala necessitate finis: quia utilia sunt ad hoc ut qui probati sunt, manifesti fiant. Vel necesse est evenire scandala secundum conditionem hominum, qui sibi a peccatis non cavent; sicut si aliquis Medicus videns aliquos indebita diæta utentes, dicat: *Necesse est tales infirmari*; quod intelligendum est sub hac conditione, si diætam non mutant. Et similiter necesse est evenire scandala, si homines conversationem malam non mutant.

Ad secundum dicendum, quod scandalum ibi large ponitur pro quolibet impedimento. Volebat enim Petrus Christi passionem impedire quodam pietatis affectu ad Christum.

Ad tertium dicendum, quod nullus impingit spiritualiter, nisi retardetur aliquo modo a processu in via Dei: quod fit taliter per peccatum veniale.

## ARTICULUS III. 235

*Utrum scandalum sit speciale peccatum.*

IV. dist. XXXVIII. quæst. 11. art. 2. quæst. 2. & quæst. 3. corp.

**A**D tertium sic proceditur. Videtur quod scandalum non sit speciale peccatum. Scandalum enim est *dictum, vel factum minus rectum*. Sed omne peccatum est huiusmodi. Ergo omne peccatum est scandalum. Non ergo scandalum est speciale peccatum.

2. Præterea. Omne speciale peccatum, sive omnis specialis iniustitia, invenitur separatim ab aliis, ut dicitur in V. Ethic. (cap. 111. & v.) Sed scandalum non invenitur separatim ab aliis peccatis. Ergo scandalum non est speciale peccatum.

3. Præterea. Omne speciale peccatum constituitur secundum aliquid quod dat speciem morali actui. Sed ratio scandali constituitur per hoc quod coram aliis peccatur: in manifesto autem peccare est.

et si sit circumstantia aggravans, non videtur constituere peccati speciem. Ergo scandalum non est speciale peccatum.

Sed contra. Speciali virtuti speciale peccatum opponitur. Sed scandalum opponitur speciali virtuti, scilicet caritati: dicitur enim Roman. xiv. 13. *Si propter cibum frater tuus contristatur, iam non secundum caritatem ambulas*. Ergo scandalum est speciale peccatum.

Respondeo dicendum, quod, sicut supra dictum est (art. præc.) duplex est scandalum, activum scilicet, & passivum. Passivum quidem scandalum non potest esse speciale peccatum: quia ex dicto, vel facto alterius aliquem ruere contingit secundum quodcumque genus peccati: nec hoc ipsum quod est occasionem peccandi sumere ex dicto, vel facto alterius, specialem rationem peccati constituit, quia non importat specialem deformitatem speciali virtuti oppositam.

Scandalum autem activum potest accipi dupliciter, per se scilicet, & per accidens. Per accidens quidem, quando est præter intentionem agentis; ut puta cum aliquis facto suo, vel verbo inordinato non intendit alteri dare occasionem ruinæ, sed solum suæ satisfacere voluntati: & sic etiam scandalum activum non est speciale peccatum, quia quod est per accidens, non constituit speciem.

Per se autem est activum scandalum, quando aliquis suo inordinato dicto, vel facto intendit alium trahere ad peccandum: & sic ex intentione specialis finis sortitur rationem specialis peccati: finis enim dat speciem in moralibus, ut dictum est supra (1. 2. quæst. 1. art. 3. & quæst. xviii. art. 4. & 6.) Unde sicut factum est speciale peccatum, aut homicidium, propter speciale nocumentum proximi quod intenditur; ita etiam scandalum est speciale peccatum propter hoc quod intenditur speciale proximi nocumentum: & opponitur directe correctioni fraternæ, in qua intenditur speciale nocumentum remotio.

Ad primum ergo dicendum, quod omne peccatum potest materialiter habere ad scandalum activum; sed formalem rationem specialis peccati potest habere ex intentione suæ, ut dictum est (in corp. art.)

Ad secundum dicendum, quod scandalum activum potest inveniri separatim ab aliis peccatis; ut puta cum aliquis proximum scandalizat facto, quod de se

non est peccatum, sed habet speciem mali.

Ad tertium dicendum, quod scandalum non habet rationem specialis peccati ex prædicta circumstantia, sed ex intentione finis, ut dictum est (in corp. art.)

## ARTICULUS IV. 236

Utrum scandalum sit peccatum mortale,

IV. dist. xxxviii. quæst. 11. art. 2. quæst. 3. & art. 3. quæst. 2. cor.

**A**D quartum sic proceditur. Videtur quod scandalum sit peccatum mortale. Omne enim peccatum quod contrariatur caritati, est peccatum mortale, ut supra dictum est (quæst. xxiv. art. 12. & quæst. xxxv. art. 3.) Sed scandalum contrariatur caritati, ut dictum est (art. 2. & 3. præc.) Ergo scandalum est peccatum mortale.

1. Præterea. Nulli peccato debetur pena damnationis æternæ nisi mortali. Sed scandalo debetur pena damnationis æternæ, secundum illud Math. xviii. 6. *Qui scandalizaverit unum de pusillis istis qui in me credunt, expedit ei ut suspendatur mola asinaria in collo eius, & demergatur in profundum maris*: quia, ut dicit Hieronymus (in hunc loc.), „multo melius est pro culpa brevem recipere penam quam æternis servari cruciatibus.“ Ergo scandalum est peccatum mortale.

3. Præterea. Omne peccatum quod in Deum committitur, est peccatum mortale, quia solum peccatum mortale avertit hominem a Deo. Sed scandalum est peccatum in Deum: dicit enim Apostolus I. ad Cor. viii. 12. *Percutientes conscientiam fratrum infirmam, in Christum peccatis*. Ergo scandalum semper est peccatum mortale.

Sed contra. Inducere aliquem ad peccandum venialiter, potest esse peccatum veniale. Sed hoc pertinet ad rationem scandali. Ergo scandalum potest esse peccatum veniale.

Respondeo dicendum, quod, sicut supra dictum est (art. 1. huius quæst.) scandalum importat impactionem quamdam, per quam aliquis disponitur ad ruinam. Et ideo scandalum passivum quandoque quidem potest esse peccatum veniale, quasi habens impactionem tantum: puta cum aliquis ex inordinato dicto, vel facto alterius commoveatur motu venialis peccati.

peccati : quandoque vero est peccatum mortale , quasi habens cum impactione ruinam ; puta cum aliquis ex inordinato dicto , vel facto alterius procedit usque ad peccatum mortale .

Scandalum autem activum , si sit per accidens , potest esse quandoque quidem peccatum veniale ; puta cum aliquis vel actum venialis peccati , vel actum qui non est secundum se peccatum , sed habet aliquam speciem mali , cum aliqua levi indiscretionem committit . Quandoque vero est peccatum mortale , sive quia committit actum peccati mortalis , sive quia continet salutem proximi , ut si pro ea conservanda non prætermittat aliquis facere quod sibi libuerit . Si vero scandalum activum sit per se , puta cum intendat ducere alium ad peccandum ; si quidem intendat inducere ad peccandum mortaliter , est peccatum mortale ; & si misit si intendat inducere proximum ad peccandum venialiter per actum peccati mortalis : si vero intendat inducere proximum ad peccandum venialiter per actum peccati venialis , est peccatum veniale .

Et per hoc patet responsio ad obiecta .

#### ARTICULUS V. 237

*Utrum scandalum passivum possit etiam in perfectos cadere .*

*IV. dist. xxxv. 11. quest. 11. art. 3. quest. 1.*

**A**D quantum sic proceditur . Videtur quod scandalum passivum possit etiam in perfectos cadere . Christus enim fuit maxime perfectus . Sed ipse dixit Petro ( Matt. xvi. 23. ) *Scandalum mihi es* . Ergo multo magis alii perfecti possunt scandalum pati .

2. Præterea . Scandalum importat impedimentum aliquod quod alicui apponitur in vita spirituali . Sed etiam perfecti viri in processibus spiritualis vitæ impediri possunt , secundum illud I. ad Thetial. 11. 18. *Volumus venire ad vos , ego quidem Paulus semel , & iterum ; sed impedivit nos Iudas* . Ergo etiam perfecti viri possunt scandalum pati .

3. Præterea . Etiam in perfectis viris peccata venialia inveniri possunt , secundum illud I. Ioan. 1. 8. *Si diximus , quoniam peccati non habemus , ipsi nos seducimus* . Sed scandalum passivum non semper est peccatum mortale , sed quandoque veniale , ut dictum est ( art. præc. )

Ergo scandalum passivum potest in perfectis viris inveniri .

Sed contra est quod super illud Matth. xviii. *Qui scandalizaverit unum de pusillis istis* , dicit Hieronymus : & Nota , „ quod qui scandalizatur , parvulus est : „ majores enim scandala non recipiunt .

Respondeo dicendum , quod scandalum passivum importat quandam commotionem animi a bono in eo qui scandalum patitur . Nullus autem commovetur qui rei immobili firmiter inhaeret . Maiores autem , sive perfecti soli Deo inhaerent , cuius est immutabilis bonitas : quia etsi inhaereat suis prælatiis , non inhaerent eis , nisi in quantum illi inhaerent Christo , secundum illud I. ad Corinth. iv. 16. *Imitatores mei estote , sicut & ego Christi* . Unde quantumcumque viderent alios inordinate se habere dictis , vel factis , ipsi a sua rectitudine non recedunt , secundum illud Psal. cxxiv. 1. *Qui confidunt in Domino , sicut mons Sion , non commovebitur in æternum qui habitat in Hierusalem* .

Et ideo in his qui perfecte Deo adherent per amorem , scandalum non invenitur , secundum illud Psal. cxviii. 165. *Pax multa diligentibus legem tuam , & non est illis scandalum* .

Ad primum ergo dicendum , quod , sicut supra dictum est ( art. 2. h. quæst. ad 2. ) scandalum large penitur ibi pro quolibet impedimento . Unde Dominus Petro dixit , *Scandalum mihi es* , quia negotium eius propoliunt impedire circa passionem subeundam .

Ad secundum dicendum , quod in exterioribus actibus perfecti viri possunt impediri . Sed in interiori voluntate per dicta , vel facta aliorum non impediuntur quatenus tendant in Deum , secundum illud Rom. viii. 38. *Neque mors , neque vita poterit nos separare a caritate Dei* .

Ad tertium dicendum , quod perfecti viri ex infirmitate carnis incidunt interdum in aliqua peccata venialia ; non autem ex aliorum dictis , vel factis scandalizantur secundum veram scandalii rationem ; sed potest esse in eis quedam appropinquatio ad scandalum , secundum illud Psal. lxxii. 2. *Mei pene moti sunt pedes* .

ARTICULUS VI. 238

*Utrum scandalum activum possit inveniri in viris perfectis.*

*IV. dist. xxxviii. quæst. 1. art. 3. quæst. 2.*

**A**D sextum sic proceditur. Videtur quod scandalum activum possit inveniri in viris perfectis. Passio enim est effectus actionis. Sed ex dictis, vel factis perfectiorum aliqui passive scandalizantur, secundum illud Matth. xv. 12. *Scis, quia Pharisei audito hoc verbo scandalizati sunt?* Ergo in perfectis viris potest inveniri scandalum activum.

2. Præterea. Petrus post acceptum spiritum sanctum in statu perfectiorum erat. Sed postea Gentiles scandalizavit: dicitur enim ad Galat. ii. 14. *Cum vidissem quod non recte ambularent ad veritatem Evangelii, dixi Cephæ, idest Petro, coram omnibus: Si tu, cum Iudeus sis, gentiliter, et non iudaice vivis, quomodo Gentes cogis iudaizare?* Ergo scandalum activum potest esse in viris perfectis.

3. Præterea. Scandalum activum quandoque est peccatum veniale. Sed peccata venialia possunt etiam esse in viris perfectis. Ergo scandalum activum potest esse in viris perfectis.

Sed contra. Plus repugnat perfectioni scandalum activum quam scandalum passivum. Sed scandalum passivum non potest esse in viris perfectis. Ergo multo minus scandalum activum.

Respondendo dicendum, quod scandalum activum proprie est cum aliquis tale aliquid dicit, vel facit quod de se tale est, ut alterum natum sit inducere ad ruinam: quod quidem est solum illud quod inordinate fit, vel dicitur. Ad perfectos autem pertinet, ea quæ agunt, secundum regulam rationis ordinare, secundum illud I. ad Corinth. xiv. 40. *Omnia honeste, & secundum ordinem fiant in vobis:* & precipue hanc cautelam adhibent in his in quibus non solum ipsi offenderent, sed etiam aliis offensionem pararent. Et si quidem in eorum manifestis dictis, vel factis aliquid ab hac moderatione desit, hoc provenit ex infirmitate humana, secundum quam a perfectione decedunt; non tamen in tantum deficiunt, ut multum ab ordine rationis recedatur, sed modicum, & leviter: quod non est tam magnum, ut ex hoc rationabiliter possit ab alio sumi peccandi occasio.

Ad primum ergo dicendum, quod scandalum passivum semper ab aliquo activo causatur; sed non semper ab aliquo scandalo activo alterius, sed eiusdem qui scandalizatur, quia scilicet ipse seipsum scandalizat.

Ad secundum dicendum, quod Petrus peccavit quidem, & reprehensibilis fuit secundum sententiam Augustini (epist. xxxviii. xl. lxxi. al. viii. ix. & xrx.) & ipsius Pauli, liberahens se a Gentilibus, ut vitaret scandalum Iudeorum, quia hoc incaute aliquantulum faciebat, ita quod ex hoc Gentiles ab fidem conversi scandalizabantur; non tamen factum Petri erat tam grave peccatum quod merito possent alii scandalizari: unde patiebantur scandalum passivum; non autem erat in Petro scandalum activum.

Ad tertium dicendum, quod peccata venialia perfectiorum precipue consistunt in subitis motibus; qui cum sint occulti, scandalizare non possunt. Si qua vero etiam in exterioribus dictis, vel factis venialia peccata committant, tam levia sunt, ut de le scandalizandi virtutem non habeant.

ARTICULUS VII. 239

*Utrum bona spiritualia sint propter scandalum dimittenda.*

*III. P. quæst. xlii. art. 2. & IV. dist. xxxviii. quæst. 11. art. 4. quæst. 1. & 2. & Rom. xiv. lect. 7.*

**A**D septimum sic proceditur. Videtur quod bona spiritualia sint propter scandalum dimittenda. Augustinus enim in Lib. iii. contra epist. Parmeniani (cap. 11. a med.) docet, quod ubi *schismatis periculum timetur, a punitione peccatorum cessandum est*. Sed punitione peccatorum est quoddam spirituale bonum, cum sit actus iustitiæ. Ergo bonum spirituale est propter scandalum dimittendum.

2. Præterea. Sacra doctrina maxime videtur esse spiritualis. Sed ab ea cessandum propter scandalum, secundum illud Matth. vii. 6. *Nolite sanctum dare canibus, neque margaritas vestras spargere ante porcos, ne conversi diripiunt vos.* Ergo bonum spirituale est dimittendum propter scandalum.

3. Præterea. Correctio fraterna, cum sit actus caritatis, est quoddam spirituale bonum. Sed interdu ex caritate dimittitur ad vitandum scandalum aliorum, ut Augustinus dicit in I. de civit. Dei

Dei ( cap. ix. ante med. ) Ergo bonum spirituale est propter scandalum dimitendum.

4. Præterea. Hieronymus dicit ( hab. in Glossa Nic. de Lyra sup. illud Matth. xv. *At dico hoc scandalizati &c.* ) quod dimitendum est propter scandalum omne quod potest prætermitti salva triplici veritate, scilicet vite, iustitiæ, & doctrinæ. Sed impleris consiliorum, & largitio elemosinarum multoties potest prætermitti salva triplici veritate prædicta; alioquin semper peccarent omnes qui prætermittunt: & tamen hæc sunt maxima inter spiritualia opera. Ergo spiritualia opera debent prætermitti propter scandalum.

5. Præterea. Vitatio cuiuslibet peccati est quoddam spirituale bonum: quia quodlibet peccatum affert peccanti aliquid spirituale detrimentum. Sed videtur quod pro scandalo proximi vitando debeat aliquis quandoque peccare venialiter, puta cum peccando venialiter inquit peccatum mortale alterius: debet enim homo impedire damnationem proximi quantum potest sine detrimento propriæ salutis, quæ non tollitur per peccatum veniale. Ergo aliquod bonum spirituale debet homo prætermittere propter scandalum vitandum.

Sed contra est quod Gregorius dicit super Ezech. ( hom. vii. aliquant. a princ. ) *Si de veritate scandalum sumitur, utilius nasci permittitur scandalum quam quod veritas relinquatur.* Sed bona spiritualia maxime pertinent ad veritatem. Ergo bona spiritualia non sunt propter scandalum dimittenda.

Respondetur dicendum, quod cum duplex sit scandalum, activum scilicet, & passivum, questio ista non habet locum de scandalo activo: quia cum scandalum activum sit *dictum, vel factum minus rectum*, nihil est cum scandalo activo faciendum.

Habet autem locum questio, si intelligatur de scandalo passivo. Considerandum est ergo, quid sit dimittendum, ne alius scandalizetur. Est autem in spiritualibus bonis distinguendum. Nam quædam horum sunt de necessitate salutis, quæ prætermitti non possunt sine peccato mortali. Manifestum est autem quod nullus debet mortaliter peccare, ut alterius peccatum impediatur: quia secundum ordinem caritatis plus debet hominem salutem spirituales diligere quam alterius. Et ideo ea quæ sunt de neces-

sitate salutis, prætermitti non debent propter scandalum vitandum.

In his autem spiritualibus bonis quæ non sunt de necessitate salutis, videtur distinguendum. Quia scandalum quod ex eis oritur, quandoque ex malitia procedit, cum scilicet aliqui volunt impedire huiusmodi spiritualia bona, scandalum concitando: & hoc est scandalum Phariseorum, qui de doctrina Domini scandalizabantur: quod esse continendum Dominus docet Matth. xv.

Quandoque vero scandalum procedit ex inimizia, vel ignorantia: & huiusmodi est scandalum pusillorum; propter quod sunt spiritualia bona vel occultanda, vel etiam interdum differenda, ubi periculum non imminet, quousque redita ratione huiusmodi scandalum cesset: si autem post reditam rationem huiusmodi scandalum duret, iam videtur ex malitia esse: & sic propter ipsum non sunt huiusmodi spiritualia opera dimittenda.

Ad primum ergo dicendum, quod poenarum inflicto non est propter se expetenda; sed poenæ infliguntur ut medicinæ quædam ad cohibenda peccata: & ideo intantum habent rationem iustitiæ, inquantum per eas peccata cohibentur. Si autem per inflectionem poenarum manifestum sit plura, & maiora peccata sequi, tunc poenarum inflicto non continebitur sub iustitia: & in hoc casu loquitur Augustinus, quando scilicet ex excommunicatione aliorum imminet periculum schismatis: tunc enim excommunicationem ferris non pertinet ad veritatem iustitiæ.

Ad secundum dicendum, quod circa doctrinam duo sunt consideranda, scilicet veritas quæ docetur, & ipse actus docendi: quorum primum est de necessitate salutis, ut scilicet contrarium veritati non doceat, sed veritatem secundum congruentiam temporis, & personarum proponat ille cui incumbit docendi officium; & ideo propter nullum scandalum quod sequi videatur, debet homo, prætermissa veritate, falsitatem docere. Sed ipse actus docendi inter spirituales elemosynas computatur, ut supra dictum est ( quest. xxxii. art. 2. ) & ideo eadem ratio est de doctrina, & de aliis misericordiæ operibus, de quibus postea dicitur ( in resp. ad 4. )

Ad tertium dicendum quod correctio fraterna, sicut supra dictum est ( quest. xxxiii. art. 1. ) ordinatur ad emendatio-

tionem fratris : & ideo intantum computanda est inter spiritualia bona , inquantum hoc consequi potest ; quod non contingit , si ex correctione frater scandalizetur . Et ideo , si propter scandalum correctio dimittatur , non dimittitur spirituale bonum .

Ad quartum dicendum , quod in veritate vitae , doctrinae , & iustitiae non solum comprehenditur id quod est de necessitate salutis , sed etiam id per quod perfectius pervenitur ad salutem , secundum illud I. ad Cor. xii. 31. *Aemulamini charismata meliora* . Unde etiam consilia non sunt simpliciter praeferenda , nec etiam misericordiae opera propter scandalum ; sed sunt interdum occultanda , vel differenda propter scandalum pusillorum , ut dictum est ( in corp. art. ) . Quandoque tamen consiliorum observatio , & impletio operum misericordiae sunt de necessitate salutis ; quod patet in his qui iam voverunt consilia , & in his quibus ex debito imminet defectibus aliorum subvenire vel in temporalibus ( puta pascendi esurientem ) vel in spiritualibus ( puta docendo ignorantem ) sive huiusmodi fiant debita propter infunctum officium , ut patet in praetatis , sive propter necessitatem indigentis : & tunc eadem ratio est de huiusmodi , sicut de aliis quae sunt de necessitate salutis .

Ad quintum dicendum , quod quidam dixerunt , peccatum veniale esse committendum propter vitandum scandalum . Sed hoc implicat contraria : si enim faciendum est , iam non est malum , neque peccatum : nam peccatum non potest esse eligibile . Contingit tamen aliquid propter aliquam circumstantiam non esse peccatum veniale , quod illa circumstantia sublati peccatum veniale esset ; sicut verbum ioculorum est peccatum veniale , quando absque utilitate dicitur ; si autem ex causa rationabili proferatur , non est oeciosum , neque peccatum . Quamvis autem propter peccatum veniale gratia non tollatur , per quam est hominis salus ; inquantum , tamen veniale disponit ad mortale , vrgit in detrimentum salutis .

## ARTICULUS VIII. 240

*Utrum propter scandalum sint temporalia dimittenda .*

IV. dist. xxxviii. quæst. 1. art. 4. quæst. 3. & Rom. xiv. lxx. 3.

**A**D octavum sic proceditur . Videtur quod temporalia sint dimittenda propter scandalum . Magis enim debemus diligere spirituales salutem proximi , quæ impeditur per scandalum , quam quæcumque temporalia bona . Sed id quod minus diligimus , dimittimus propter id quod magis diligimus . Ergo temporalia magis debemus dimittere ad vitandum scandalum proximorum .

2. Præterea . Secundum regulam Hieronymi ( hab. in Glof. Lyrani sup. illud Matth. xv. *Scis quin Pbarisai omnia quæ possunt praeferunt salva triplici veritate , sunt propter scandalum dimittenda* . Sed temporalia possunt praeferri salva triplici veritate . Ergo sunt propter scandalum dimittenda .

3. Præterea . In temporalibus bonis nihil est magis necessarium quam cibus . Sed cibus est praeferendus propter scandalum , secundum illud Rom. xiv. 15. *Noli cibo tuo illum perdere pro quo Christus mortuus est* . Ergo multo magis omnia alia temporalia sunt propter scandalum dimittenda .

4. Præterea . Temporalia nullo convenientiori modo conservare , aut recuperare possumus , quam per iudicium . Sed iudiciis uti non licet , & præcipue cum scandalo : dicitur enim Matth. v. 40. *Bi qui vult tecum in iudicio contendere , & tunica tuam tollere , dimitte ei & pallium* : & I. ad Corinth. vi. 7. *Iam quidem omnino delictum est in vobis , quod iudicia habetis inter vos . Quare non magis iniuriam accipitis ? quare non magis fraudem patimini ?* Ergo videtur quod temporalia sint propter scandalum dimittenda .

5. Præterea . Inter omnia temporalia minus videntur dimittenda quæ sunt spiritualibus annexa . Sed ista sunt propter scandalum dimittenda : Apostolus enim seminans spiritualia , temporalia stipendia non accipit , ne offendiculum daret Evangelio Christi , ut patet I. ad Corinth. ix. 12. & ex simili causa Ecclesia in aliquibus terris non exigit decimas propter scandalum vitandum . Ergo multo magis alia temporalia sunt

sunt propter scandalum dimittenda.

Sed contra est quod beatus Thomas Cantuariensis repetit res Ecclesiarum datum scandalum Regis. (Baron. ad ann. 1163. num. 9.)

Respondeo dicendum, quod circa temporalia bona distinguendum est. Aut enim sunt nostra, aut sunt nobis ad conservandum pro aliis commissa; sicut bona Ecclesiae committuntur praelatis, & bona communia quibuscumque reipublicae rectoribus: & talium conservatio, sicut & depositorum, imminet his quibus sunt commissa ex necessitate: & ideo non sunt propter scandalum dimittenda, sicut nec alia quae sunt de necessitate salutis.

Temporalia vero bona quorum non sumus domini, dimittere, ea tribuendo, si penes nos ea habeamus, vel non repetendo, si apud alios sint, propter scandalum, quandoque quidem debemus, quandoque autem non. Si enim scandalum ex hoc oriatur propter ignorantiam, vel infirmitatem aliorum, quod supra diximus (art. praec.) esse scandalum pusillorum; tunc vel totaliter dimittenda sunt temporalia, vel aliter scandalum est sedandum, scilicet per aliquam admonitionem. Unde Augustinus dicit in Lib. I. de serm. Domini in monte (cap. xx. ad fin.) *Dandum est quod nec tibi, nec alteri noceat, quantum ab homine credi potest: & cui negaveris quod petis, indicanda est ei iniustitia; & melius ei aliquid dabis, cum petentem iniuste correxeris.*

Aliquando vero scandalum nascitur ex malitia, quod est scandalum Phariseorum: & propter eos qui sic scandala concitant, non sunt temporalia dimittenda: quia hoc & noceret bono communi (daretur enim malis rapiendi occasio) & noceret ipsis rapientibus, qui retinendo aliena, in peccato remanerent. Unde Gregorius dicit in XXXI. Moral. (cap. viii. circ. med.) *Quidam, dum temporalia a nobis rapiunt, solummodo sunt tolerandi; quidam vero equitate servata prohibendi, non sola cura ne nostra subtrahantur, sed ne rapientes non sua semetipsos perdant.*

Et per hoc patet solutio ad primum.

Ad secundum dicendum, quod si passim permitteretur malis hominibus ut aliena raperent, vergeret hoc in detrimentum veritatis, vitae, & iustitiae: & ideo non oportet propter quodcumque scandalum temporalia dimitti.

Ad tertium dicendum, quod non est de intentione Apostoli monere quod cibis totaliter propter scandalum dimittatur, quia sumere cibum est de necessitate salutis; sed quod talis cibus est propter scandalum dimittendus, secundum illud I. ad Cor. viii. 13. *Non manducabo carnem in aeternum, ne fratrem meum scandalizem.*

Ad quartum dicendum, quod secundum Augustinum in Lib. I. de serm. Domini in monte (cap. xix.) illud praeceptum Domini est intelligendum secundum preparationem animi, ut scilicet homo sit paratus prius pati iniuriam, vel fraudem, quam iudicium subire, si hoc expediat; quandoque tamen non expedit, ut dictum est (in resp. ad 2.) Et similiter intelligendum est verbum Apostoli.

Ad quintum dicendum, quod scandalum quod vitabat Apostolus, ex ignorantia procedebat Gentilium, qui hoc non consueverant. Et ideo ad tempus abstinendum erat, ut prius instruerentur hoc esse debitum: & ex simili causa Ecclesia abstinere a decimis exigendis in terris in quibus non est consuetum decimasolvere.

## QUAESTIO XLIV.

*De praeceptis caritatis,  
in octo articulis divisa.*

**D**Einde considerandum est de praeceptis caritatis: & circa hoc quotiuntur octo.

Primo, utrum de caritate sint danda praecepta.

Secundo, utrum unum tantum, vel duo.

Tertio, utrum duo sufficient.

Quarto, utrum convenienter praecipatur ut Deus ex toto corde diligatur.

Quinto, utrum convenienter addatur, *ex tota mente &c.*

Sexto, utrum praeceptum hoc possit in vita ista impleri.

Septimo de hoc praecepto, *Diliges proximum tuum sicut teipsum.*

Octavo, utrum ordo caritatis cadat sub praecepto.



## ARTICULUS I. 241

*Utrum de caritate debeat dari aliquod præceptum.*

III. cont. cap. cxvi. & cxvii. •

**A**D primum sic proceditur. Videtur quod de caritate non debeat dari aliquod præceptum. Caritas enim imponit modum actibus omnium virtutum, de quibus dantur præcepta; cum sit forma virtutum, ut supra dictum est (quæst. xxiii. art. 8.) Sed modus non est in præcepto, ut communiter dicitur. Ergo de caritate non sunt danda præcepta.

2. Præterea. Caritas, quæ in cordibus nostris per Spiritum sanctum diffunditur, facit nos liberos: quia *ubi Spiritus Domini, ibi libertas*; ut dicitur II. ad Cor. iii. 17. Sed obligatio quæ ex præceptis nascitur, libertati opponitur, quia necessitate imponit. Ergo de caritate non sunt danda præcepta.

3. Præterea. Caritas est præcipua inter omnes virtutes, ad quas ordinantur præcepta, ut ex supra dictis patet (1. 2. quæst. xc. art. 2. & quæst. c. art. 2.) Si ergo de caritate darentur aliqua præcepta, deberent poni inter præcipua præcepta, quæ sunt præcepta Decalogi. Non autem ponuntur. Ergo nulla præcepta sunt de caritate danda.

Sed contra. Illud quod Deus requirit a nobis, cadit sub præcepto. Requirit autem Deus ab homine ut diligat eum, ut dicitur Deut. x. Ergo de dilectione caritatis, quæ est dilectio Dei, sunt danda præcepta.

Respondetur dicendum, quod, sicut supra dictum est (quæst. xvi. art. 1. & 1. 2. quæst. xcix. art. 1.) præceptum importat rationem debiti. Inquantum ergo aliquid cadit sub præcepto, inquantum habet rationem debiti. Est autem aliquid debitum dupliciter, uno modo per se, alio modo propter aliud. Per se quidem debitum est in unoquoque negotio id quod est finis, quia habet rationem per se boni. Propter aliud autem est debitum id quod ordinatur ad finem; sicut Medico per se debitum est ut sanet, propter aliud autem ut medicinam det ad sanandum.

Finis autem spiritualis vitæ est ut homo uniatur Deo, quod fit per caritatem; & ad hoc ordinantur, sicut ad finem, omnia quæ pertinent ad spirituales virtutes. Unde & Apostolus dicit I. ad Tim. 2. 5. *Finis præcepti est caritas de corde*

*puro, & conscientia bona, & fide non ficta.* Omnes enim virtutes, de quarum actibus dantur præcepta, ordinantur vel ad purificandum cor a turbinationibus passionum, sicut virtutes quæ sunt circa passionem; vel saltem ad habendam bonam conscientiam, sicut virtutes quæ sunt circa operationes; vel ad habendam rectam fidem, sicut illa quæ pertinent ad divinum cultum: & hæc tria requiruntur ad diligendum Deum. Nam cor impurum a Dei dilectione abstrahitur, propter passionem inclinantem ad terrena: conscientia vero mala facit horrore divinam iustitiam propter timorem poenæ; fides autem ficta trahit affectum in id quod de Deo fingitur, separans a Dei veritate. In quolibet autem genere id quod est per se, potius est eo quod est propter aliud: & ideo maximum præceptum est de caritate, ut dicitur Matth. xxiii.

Ad primum ergo dicendum, quod, sicut supra dictum est (1. 2. quæst. c. art. 10.) cum de præceptis ageretur, modus dilectionis non cadit sub illis præceptis quæ dantur de aliis actibus virtutum; puta sub hoc præcepto, *Honora patrem tuum, & matrem tuam*, non cadit quod hoc ex caritate fiat: cadit tamen adus dilectionis sub præceptis specialibus.

Ad secundum dicendum, quod obligatio præcepti non opponitur libertati, nisi in eo cuius mens averfa est ab eo quod præcipitur; sicut patet in his qui ex solo timore præcepta custodiunt. Sed præceptum dilectionis non potest impleri nisi ex propria voluntate; & ideo libertati non repugnat.

Ad tertium dicendum, quod omnia præcepta Decalogi ordinantur ad dilectionem Dei, & proximi: & ideo præcepta caritatis non fuerunt connumeranda inter præcepta Decalogi, sed in omnibus includuntur.

## ARTICULUS II. 243

*Utrum de caritate fiant danda duo præcepta.*

1. 2. quæst. xcix. art. 1. ad 2. & inf. quæst. lvi. art. 1. ad 6. & III. cont. cap. cxvi. & cxvii.

**A**D secundum sic proceditur. Videtur quod de caritate non fuerint danda duo præcepta. Præcepta enim legis ordinantur ad virtutem, ut supra dictum est (art. præc. 3.) Sed caritas est una virtus, ut ex supra dictis patet (quæst. xxiii.

xxiii.

xxiii. art. 3.) Ergo de caritate non fuit dandum nisi unum praeceptum.

3. Præterea. Sicut Augustinus dicit in 1. de doctr. christ. (cap. xxii. & xxvii.) *caritas in proximo non diligit nisi Deum*. Sed ad diligendum Deum sufficienter ordinatur per hoc praeceptum, *Dilige Dominum Deum tuum*. Ergo non oportuit addere aliud praeceptum de dilectione proximi.

3. Præterea. Diversa peccata diversis praeceptis opponuntur. Sed non peccat aliquis prætermittens dilectionem proximi, si non prætermittat dilectionem Dei, quinimmo dicitur Luc. xiv. 26. *Si quis venit ad me, & non odit patrem suum, & matrem suam, non potest meus esse discipulus*. Ergo non est aliud praeceptum de dilectione Dei, & de dilectione proximi.

4. Præterea. Apostolus dicit ad Rom. xiii. 8. *Qui diligit proximum, legem implevit*. Sed non impletur lex nisi per observantiam omnium praeceptorum. Ergo omnia praecepta includuntur in dilectione proximi. Sufficit ergo unum praeceptum de dilectione proximi. Non ergo debent esse duo praecepta caritatis.

Sed contra est quod dicitur 1. Ioan. xv. 21. *Hoc mandatum habemus a Deo ut qui diligit Deum, diligat & fratrem suum*.

Respondeo dicendum, quod, sicut supra dictum est (1. 2. quæst. xci. art. 3. & quæst. xciv. art. 2.) cum de praeceptis ageretur, hoc modo se habent praecepta in lege, sicut propositiones in scientiis speculativis; in quibus conclusiones virtute continentur in primis principiis. Unde qui perfecte cognosceret principia secundum totam suam virtutem, non opus haberet ut ei conclusiones theoriarum proponerentur. Sed quia non omnes qui cognoscunt principia, sufficiunt considerare quicquid in principiis virtute continetur, necesse est propter eos ut in scientiis ex principiis conclusiones deducantur. In operabilibus autem, in quibus praecepta legis nos dirigunt, finis habet rationem principii, ut supra dictum est (quæst. xxiii. art. 7. ad 2. & quæst. xxvi. art. 1. ad 1.) Dilectio autem Dei finis est ad quem dilectio proximi ordinatur.

Et ideo non solum oportet dari praeceptum de dilectione Dei, sed etiam de dilectione proximi, propter minus capaces, qui non de facili considerant unum praeceptorum sub alio contineri.

Ad primum ergo dicendum, quod li-

cet caritas sit una virtus, habet tamen duos actus, quorum unus ordinatur ad alium sicut ad finem. Præcepta autem dantur de actibus virtutum; & ideo oportuit esse plura praecepta caritatis.

Ad secundum dicendum, quod Deus diligitur in proximo, sicut finis in eo quod est ad finem; & tamen oportuit de utroque explicite dari praecepta, ratione iam dicta (in corp. art.)

Ad tertium dicendum, quod id quod est ad finem, habet rationem boni ex ordine ad finem; & secundum hoc etiam recedere ab eo habet rationem mali, & non aliter.

Ad quartum dicendum, quod in dilectione proximi includitur dilectio Dei, sicut finis in eo quod est ad finem, & e converso; & tamen oportuit utrumque praeceptum explicite dari, ratione iam dicta (in corp. art.)

### ARTICULUS III. 243

*Utrum sufficient duo praecepta caritatis*

III. cont. cap. cxvi. & cxvii. & vir. quæst. 11. art. 4. ad 6. & Rom. xiii. lect. 1. & Gal. v. lect. 3.

AD tertium sic proceditur. Videtur quod non sufficient duo praecepta caritatis. Præcepta enim dantur de actibus virtutum. Actus autem secundum obiecta distinguuntur. Cum ergo homo quatuor debeat ex caritate diligere, scilicet Deum, seipsum, proximum, & corpus proprium, ut ex supra dictis patet (quæst. xxv. art. 12. & quæst. xxvi. art. 1.) videtur quod quatuor debeant esse praecepta caritatis; & sic duo non sufficient.

2. Præterea. Caritatis actus non solum est dilectio, sed gaudium, pax, beneficentia. Sed de actibus virtutum sunt danda praecepta. Ergo duo praecepta caritatis non sufficient.

3. Præterea. Sicut ad virtutem pertinet facere bonum, ira & declinare a malo. Sed ad faciendum bonum inveniuntur per praecepta affirmativa, ad declinandum a malo per praecepta negativa. Ergo de caritate fuerunt danda praecepta non solum affirmativa, sed etiam negativa; & sic duo praecepta praedicta caritatis non sufficient.

Sed contra est quod Dominus dicit Matth. xxii. 40. *In his duobus mandatis tota lex pendet, & propheta*.

Respondeo dicendum, quod caritas, sicut supra dictum est (quæst. xxiii. art. 1.)

1.) est amicitia quædam. Amicitia autem alterum est: unde Gregorius dicit in quadam homil. (xvii. in Evang. circ. princ.) *Caritas minus quam inter duos haberi non potest.* Quomodo autem ex caritate aliquis seipsum diligit, supra dictum est (quæst. xxv. art. 4.)

Cum autem dilectio, & amor sit boni, bonum autem sit vel finis, vel id quod est ad finem; convenienter de caritate duo præcepta sufficiunt: unum quidem quo inducimur ad Deum diligendum sicut finem; aliud autem quo inducimur ad diligendum proximum propter Deum sicut propter finem.

Ad primum ergo dicendum, quod, sicut Augustinus dicit in I. de doctr. christ. (cap. xxi. in princ.) cum quatuor sint ex caritate diligenda, de secundo, & quarto, id est de dilectione sui, & corporis proprii, nulla præcepta danda erant. Quantumcumque enim homo excidas a veritate, remanet illi dilectio sui, & dilectio corporis sui. Modus autem diligendi præcipiendus est homini, ut scilicet se ordinate diligit, & corpus proprium. quod quidem fit per hoc quod homo diligit Deum, & proximum.

Ad secundum dicendum, quod alii actus caritatis consequuntur ex actu dilectionis sicut effectus ex causa, ut ex supra dictis patet (quæst. xxviii. art. 4. & quæst. xxix. art. 3.) Unde in præceptis dilectionis virtute includuntur præcepta de aliis actibus. Et tamen propter rariores inveniuntur de singulis explicate præcepta tradita. De gaudio quidem Philip. iv. 4. *Gaudete in Domino semper de pace autem ad Hebr. xii. 14. Pacem sequimini cum omnibus: de beneficentia autem ad Galat. ult. 10. Dum tempus habemus, operemur bonum ad omnes: de singulis beneficentiæ partibus inveniuntur præcepta tradita in sacra Scriptura, ut patet diligenter consideranti.*

Ad tertium dicendum, quod plus est operari bonum, quam vitare malum; & ideo in præceptis affirmativis virtute includuntur præcepta negativa. Et tamen explicate inveniuntur præcepta data contra vitia caritati opposita: nam contra odium dicitur Levit. xix. 17. *Ne oderis fratrem tuum in corde tuo: contra accidiam dicitur Eccli. vi. 26. Ne accideris in vinculis eius: contra invidiam Galat. v. 26. Non efficiamur inanis gloriæ cupidi, invicem provocantes, invicem iridentes: contra discordiam vero I. ad Corinth. 1. 10. Idipsum dicatis omnes,*

*S. Tb. Oper. Tom. XXII.*

*Et non sint in vobis schismata: contra scandalum autem ad Rom. xiv. 13. Ne ponatis offendiculum fratri, vel scandalum.*

## ARTICULUS IV. 244

*Utrum convenienter mandetur quod Deus diligatur ex toto corde.*

*Inf. art. 5. & locis ibidem notatis.*

**A**D quartum sic proceditur. Videtur quod inconvenienter mandetur quod Deus diligatur ex toto corde. Modus enim virtuosus actus non est in præcepto, ut ex supra dictis patet (art. 1. huius quæst. ad 1. & 1.2. quæst. c. art. 9.) Sed hoc quod dicitur, *ex toto corde*, importat modum divinæ dilectionis. Ergo inconvenienter præcipitur quod Deus ex toto corde diligatur.

2. Præterea. Totum, & perfectum est cui nihil deest, ut dicitur in III. Physic. (tex. 63.) Si ergo in præcepto cadit quod Deus ex toto corde diligatur, quicumque facit aliquid quod non pertinet ad Dei dilectionem, agit contra præceptum, & per consequens peccat mortaliter. Sed peccatum veniale non pertinet ad Dei dilectionem. Ergo peccatum veniale erit mortale: quod est inconveniens.

3. Præterea. Diligere Deum ex toto corde est perfectionis: quia secundum Philosophum (Lib. III. Physic. text. 64.) totum, & perfectum idem sunt. Sed ea quæ sunt perfectionis, non cadunt sub præcepto, sed sub consilio. Ergo non debet præcipi quod Deus ex toto corde diligatur.

Sed contra est quod dicitur Deuter. vi. 5. *Diliges Dominum Deum tuum ex toto corde tuo.*

Respondeo dicendum, quod cum præcepta dentur de actibus virtutum, hoc modo aliquis actus cadit sub præcepto, secundum quod est actus virtutis. Requiritur autem ad actum virtutis, non solum quod cadat super debitam materiam, sed etiam quod vestiatur debitis circumstantiis, quibus sit proportionatus tali materię. Deus autem est diligendus sicut finis ultimus, ad quem omnia sunt referenda.

Et ideo totalitas quædam fuit designanda circa præceptum de dilectione Dei.

Ad primum ergo dicendum, quod sub præcepto quod datur de actu alienius virtutis, non cadit modus quem habet ille actus ex alia superiori virtute; cadit ta-

men

men sub præcepto modus ille qui pertinet ad rationem propriæ virtutis: & talis modus significatur, cum dicitur, *Ex toto corde*.

Ad secundum dicendum, quod dupliciter contingit ex toto corde Deum diligere. Uno quidem modo in actu, idest ut totum cor hominis semper actualiter in Deum feratur; & ista est perfectio patriæ. Alio modo, ut habitualiter totum cor hominis in Deum feratur, ita scilicet quod nihil contra Dei dilectionem cor hominis recipiat; & hæc est perfectio viæ: cui non contrariatur peccatum veniale, quia non tollit habitum caritatis, cum non tendat in oppositum obiectum, sed solum impedit caritatis usum.

Ad tertium dicendum, quod perfectio caritatis, ad quam ordinantur consilia, est media inter duas perfectiones prædictas (in sol. præc.) ut scilicet homo, quantum possibile est, se abstrahat a rebus temporalibus etiam licitis, quæ occupando animum, impediunt actuale motum cordis in Deum.

#### ARTICULUS V. 245

*Utrum super hoc, Diliges Dominum Deum tuum ex toto corde tuo, convenienter addatur, Et ex tota anima tua, & ex tota fortitudine tua.*

III. dist. xxvii. in expof. lit. circa fin. & vir. quæst. ii. art. 10. ad 1.

**A**D quintum sic proceditur. Videtur quod inconvenienter Deut. vi. 5. super hoc quod dicitur, *Diliges Dominum Deum tuum ex toto corde tuo*, addatur, *Et ex tota anima tua, & ex tota fortitudine tua*. Non enim accipitur hic cor pro membro corporali: quia diligere Deum non est corporis actus. Oportet ergo quod cor accipitur spiritualiter. Cor autem spiritualiter acceptum, vel est ipsa anima, vel aliquid animæ. Superfluum ergo fuit utrumque ponere.

2. Præterea. Fortitudo hominis præcipue dependet ex corde, sive spiritualiter hoc accipitur, sive corporaliter. Ergo postquam dixerat, *Diliges Dominum Deum tuum ex toto corde tuo*, superfluum fuit addere, *Ex tota fortitudine tua*.

3. Præterea. Matth. xxii. 37. dicitur, *In tota mente tua*, quod hic non ponitur. Ergo videtur quod inconvenienter hoc præceptum detur Deut. vi.

Sed contra est auctoritas Scripturæ.

Respondeo dicendum, quod hoc præcep-

tum diversimode invenitur traditum in diversis locis. Nam, sicut dictum est (in arg. r.) Deuter. vi. ponuntur tria, scilicet *ex toto corde*, & *ex tota anima*, & *ex tota fortitudine*. Matth. xxii. ponuntur duo horum, scilicet *ex toto corde*, & *in tota anima*; & omittitur, *ex tota fortitudine*, sed additur, *in tota mente*: sed Marc. xii. ponuntur quatuor, scilicet *ex toto corde*, & *ex tota anima*, & *ex tota mente*, & *ex tota virtute*, quæ est idem fortitudini: & hæc etiam quatuor tanguntur Luc. x. nam loco fortitudinis, seu virtutis, ponitur, *Ex omnibus viribus tuis*.

Et ideo horum quatuor est ratio assignanda: nam quod aliquibus unum horum omittitur, hoc est quia unum intelligitur ex aliis. Est ergo considerandum, quod dilectio est actus voluntatis, quæ hic significatur per *cor*. Nam sicut cor corporale est principium omnium corporalium motuum; ita etiam voluntas, & maxime quantum ad intentionem finis ultimi, qui est obiectum caritatis, est principium omnium spiritualium motuum. Tria autem sunt principia actuum, quæ moventur a voluntate; scilicet intellectus, qui significatur per *mentem*; vis appetitiva inferior, quæ significatur per *animam*; & vis executiva exterior, quæ significatur per *fortitudinem*, seu *virtutem*, sive *vires*. Præcipitur ergo nobis ut tota nostra intentio feratur in Deum, quod est *ex toto corde*: & quod intellectus noster subdatur Deo, quod est *ex tota mente*; & quod appetitus noster reguletur secundum Deum, quod est *ex tota anima*; & quod exterior actus noscitur obediat Deo, quod est *ex tota fortitudine*, vel *virtute*, vel *viribus* Deum diligere.

Chrysostomus tamen (alius Auctor) super Matth. (hom. xlii. in op. impert. a med.) accipit e contrario *cor*, & *animam*, quam dictum sit. Augustinus vero in I. de doctr. christ. (cap. xxi. a med.) refert *cor* ad cogitationes, & *animam* ad vitam, *mentem* ad intellectum. Quidam autem dicunt, *Ex toto corde*, idest intellectu; *anima*, idest voluntate; *mente*, idest memoria. Vel secundum Gregorium Nyssenum (Lib. de hominis opite. cap. viii. circ. med.) per *cor* significatur animam vegetabilem; per *animam*, sensitivam; per *mentem*, intellectivam: quia hoc quod nutrimur, sentimus, & intelligimus, debemus ad Deum referre.

Et per hæc patet responsio ad obiecta,

A R-

ARTICULUS VI. 246

*Utrum hoc praeceptum de dilectione Dei possit in via impleri.*

*IV. dist. XXVII. quæst. III. art. 4. & vir. quæst. II. art. 10. corp. & ad 1. & opus. IV. cap. IV. & opus. XVIII. cap. V. VI. VII. & XV.*

**A**D sextum sic proceditur. Videtur quod hoc praeceptum de dilectione Dei possit servari in via. Quia, secundum Hieronymum (Pelagium) in expositione catholicae fidei (epist. ad Damas. vers. fin.) *maledictus qui dicit, Deum aliquid impossibile præcepisse. Sed Deus hoc praeceptum dedit, ut patet Deuter. VI. Ergo hoc praeceptum potest in via impleri.*

2. Præterea. Quicumque non implet praeceptum, peccat mortaliter: quia secundum Ambrosium (Lib. de parad. cap. VIII. ante med.) peccatum nihil est aliud quam transgressio legis divinae, & celestium inobedientia mandatorum. Si ergo hoc praeceptum non potest in via servari, sequitur quod nullus possit esse in vita ista sine peccato mortali: quod est contra id quod Apostolus dicit I. ad Cor. 1. 8. *Confirmabit vos usque in finem sine crimine: & I. ad Timoth. III. 10. Ministrent, nullum crimen habentes.*

3. Præterea. Præcepta dantur ad dirigendos homines in viam salutis, secundum illud Psalm. XVIII. 9. *Præceptum Domini lucidum, illuminans oculos.* Sed frustra dirigitur aliquis ad impossibile. Non ergo impossibile est hoc praeceptum in via ista servari.

Sed contra est quod Augustinus dicit in Lib. de perfectione iustitiæ (cap. VIII. a med.) quod in plenitudine caritatis patriæ praeceptum illud implebitur, *Dileges Dominum Deum tuum &c.* Nam cum aliquis adhuc est carnalis concupiscentiæ, quod continendo frenetur, non omnino ex tota anima diligitur Deus.

Respondetur dicendum, quod praeceptum aliquod dupliciter potest impleri, uno modo perfecte, alio modo imperfecte.

Perfekte quidem impletur praeceptum, quando pervenitur ad finem quem intendit præcipiens; impletur autem, sed imperfecte, quando etsi non pergitur ad finem præcipientis, non tamen receditur ab ordine ad finem: sicut si dux exercitus præcipit militibus ut pugnent, ille perfecte implet praeceptum qui pugnando

hostem vincit, quod dux intendit; ille autem implet, sed imperfecte, cuius pugna ad victoriam non pergitur, non tamen contra disciplinam militem agitur. Intendit autem Deus per hoc praeceptum ut homo sibi totaliter uniatur; quod fiet in patria, quando Deus erit omnia in omnibus, ut dicitur I. ad Corinth. XV. 28. Et ideo plene, & perfecte in patria implebitur hoc praeceptum; in via autem impletur, sed imperfecte: & tamen in via tanto unus alio perfectius implet; quanto magis accedit per quandam similitudinem ad patriæ perfectionem.

Ad primum ergo dicendum, quod ratio illa probat quod aliquo modo potest impleri in via, licet non perfecte.

Ad secundum dicendum, quod sicut miles qui legitime pugnat, licet non vincat, non culpatur, nec poenam meretur; ita etiam qui in via hoc praeceptum non implet, nihil contra divinam dilectionem agens, non peccat mortaliter.

Ad tertium dicendum, quod, sicut Augustinus dicit in Libro de perfectione iustitiæ (cap. VIII. ad fin.) *cur non præcipitur homini ista perfectio, quamvis eam in hac vita nemo habeat? Non enim recte curritur, si quo currendum est, nesciatur. Quomodo autem sciretur, si nullis præceptis ostenderetur?*

ARTICULUS VII. 247

*Utrum convenienter detur praeceptum de dilectione proximi.*

*Quod. IV. art. 24. ad 3. & Rom. XIIII. lect. 2. & Gal. V. lect. 3. & opus. XII. cap. XIV.*

**A**D septimum sic proceditur. Videtur quod inconvenienter detur praeceptum de dilectione proximi. Dilectio enim caritatis ad omnes homines extenditur, etiam ad inimicos, ut patet Matth. V. Sed nomen proximi importat quamdam propinquitatem, quæ non videtur haberi ad omnes homines. Ergo videtur quod inconvenienter detur hoc praeceptum.

2. Præterea. Secundum Philosophum in IX. Ethic. (cap. VIII. a princ.) *amicabilia quæ sunt ad alterum, videntur ex amicabilibus quæ sunt ad seipsum: ex quo videtur quod dilectio sui ipsius sit principium dilectionis proximi.* Sed principium potius est eo quod est ex principio. Ergo non debet homo diligere proximum nec seipsum.

3. Præterea. Homo seipsum diligit natura.

turaliter, non autem proximum. Inconvenienter ergo mandatur quod homo diligat proximum sicut seipsum.

Sed contra est quod dicitur Matth. xxii. 38. *Secundum praeceptum est simile huic: Diliges proximum tuum sicut teipsum.*

Respondeo dicendum, quod hoc praeceptum convenienter traditur.

Tangitur enim in eo & diligendi ratio, & dilectionis modus. Ratio quidem diligendi tangitur ex eo quod proximus nominatur: propter hoc enim ex caritate diligere debemus alios, quia sunt nobis proximi & secundum naturalem Dei imaginem, & secundum capacitatem gloriae. Nec refert utrum dicatur proximus, vel frater, ut habetur I. Ioan. 4. vel amicus, ut habetur Levit. xix. quia per omnia haec eadem affinitas designatur.

Modus autem dilectionis tangitur, cum dicitur, *Sicut teipsum*: quod non est intelligendum quantum ad hoc quod aliquis proximum sibi aequaliter diligat, sed similiter sibi: & hoc tripliciter. Primo quidem ex parte finis, ut scilicet aliquis diligat proximum propter Deum, sicut seipsum propter Deum debet diligere, ut sic sit dilectio proximi sancta. Secundo ex parte regulae dilectionis, ut scilicet aliquis non condescendat proximo in aliquo malo, sed solum in bonis, sicut & suae voluntati satisfacere debet homo solum in bonis, ut sic sit dilectio proximi iusta. Tertio ex parte rationis dilectionis, ut scilicet non diligat aliquis proximum propter propriam utilitatem, vel delectationem, sed ea ratione quod velit proximo bonum, sicut vult bonum sibi ipsi, ut sic dilectio proximi sit vera: nam cum quis diligit proximum propter suam utilitatem, vel delectationem, non vere diligit proximum, sed seipsum.

Et per hoc patet responsio ad obiecta.

## ARTICULUS VIII. 248

*Utrum ordo caritatis cadat sub praecepto.*

1. 2. *quest. c. art. 9. & III. dist. xxix. art. 1. ad 3. & dist. xxxvi. art. 6. & ver. quest. xiv. art. 12. ad 16. & art. 14. ad 2. 3. & 7. & virt. quest. 11. art. 7. ad 11.*

**A**D octavum sic proceditur. Videtur quod ordo caritatis non cadat sub praecepto. Quicumque enim transgredi-

tur praeceptum, iniuriam facit. Sed si aliquis diligit aliquem quantum debet, & alterum quencumque plus diligit, nulli facit iniuriam. Ergo non transgreditur praeceptum. Ordo ergo caritatis non cadit sub praecepto.

2. Praeterea. Ea quae cadunt sub praecepto, sufficienter nobis traduntur in sacra Scriptura. Sed ordo caritatis, qui supra positus est, nullquam traditur nobis in sacra Scriptura. Ergo non cadit sub praecepto.

3. Praeterea. Ordo distinctionem quamdam importat. Sed indistincte praecipitur dilectio proximi, cum dicitur: *Diliges proximum tuum sicut teipsum*. Ergo ordo caritatis non cadit sub praecepto.

Sed contra. Illud quod Deus in nobis facit per gratiam, instruit per legis praecepta, secundum illud Hierem. xxxi. 33. *Dabo legem meam (a) in cordibus eorum*. Sed Deus causat in nobis ordinem caritatis, secundum illud Cantic. 11. 4. *Ordinavit in me caritatem*. Ergo ordo caritatis sub praecepto legis cadit.

Respondeo dicendum, quod, sicut dictum est (art. 4. hu. quest. ad 1.) modus qui pertinet ad rationem virtuosus actus, cadit sub praecepto quod datur de actu virtutis. Ordo autem caritatis pertinet ad ipsam rationem virtutis, cum accipiat secundum proportionem dilectionis ad diligibile, ut ex supra dictis patet (quest. xxv. art. 12. & qu. xxvi. art. 1. & 2.) Unde manifestum est quod ordo caritatis debet cadere sub praecepto.

Ad primum ergo dicendum, quod homo plus satisfacit ei quem plus diligit: & ita si minus diligeret aliquis eum quem plus debet diligere, plus vellet satisfacere illi cui minus satisfacere debet: & sic fieret iniuria illi quem plus deberet diligere.

Ad secundum dicendum, quod ordo quatuor diligendorum ex caritate in sacra Scriptura exprimitur. Nam cum mandatur quod Deum ex toto corde diligamus, datur intelligi quod Deum super omnia debemus diligere. Cum autem mandatur, quod aliquis diligat proximum sicut seipsum, praefertur dilectio sui ipsius dilectioni proximi: similiter etiam cum mandatur I. Ioan. 111. 16. *quod debemus pro fratribus animam ponere*, id est vitam corporalem, datur intelligi quod proximum plus debemus diligere quam corpus proprium: similiter etiam cum mandatur ad Gal. ult. *quod maxime operemur*

(a) *Pulvis in visceribus eorum*, & in corde eorum scribam eam.

bonum ad domesticos fidei, & I. ad Tim. v. vituperatur qui non habet curam suorum, & maxime domesticorum, datur intelligi quod inter proximos, meliores, & magis propinquos magis debemus diligere.

Ad certum dicendum, quod ex hoc ipso quod dicitur, *Diligis proximum tuum*, datur consequenter intelligi quod illi qui sunt magis proximi, sunt magis diligendi.

Q U A E S T I O XLV.

*De dono sapientiae,  
in sex articulis divisa.*

**D**Einde considerandum est de dono sapientiae, quod respondet caritati: & primo de ipsa sapientia; secundo de vicio opposito.

Circa primum quaeruntur sex.

Primo, utrum sapientia debeat numerari inter dona Spiritus sancti.

Secundo, in quo sit sicut in subiecto. Tertio, utrum sapientia sit speculativa tantum, vel etiam practica.

Quarto, utrum sapientia quae est donum, possit esse cum peccato mortali.

Quinto, utrum sit in omnibus habentibus gratiam gratum facientem.

Sexto, quae beatitudo ei respondeat.

A R T I C U L U S I. 249

*Utrum sapientia debeat inter dona Spiritus sancti computari.*

*Inf. art. 4. ad 1. & 2. & III. dist. xxxv. quaest. 11. art. 1. quaest. 1.*

**A**D primum sic proceditur. Videtur quod sapientia non debeat inter dona Spiritus sancti computari. Dona enim sunt perfecta virtutes, ut supra dictum est (1. 2. quaest. lxviii. art. 8.) Sed virtus est hoc solum ad bonum unde & Augustinus dicit in Lib. II. de libero arbitrio (cap. xix. a princ.) quod nullus virtutibus male utitur. Ergo multo magis dona Spiritus sancti se habent solum ad bonum. Sed sapientia se habet etiam ad malum: dicitur enim lac. iii. 15. *Quaedam sapientia est terrena, animalis, diabolica.* Ergo sapientia non debet poni inter dona Spiritus sancti.

2. Praeterea. Sicut Augustinus dicit XII de Trin. (cap. xiv. cir. princ.) *sapientia est divinarum rerum cognitio.* Sed cognitio divinarum rerum, quam homo potest per sua naturalia habere, pertinet ad S. Tb. Oper. Tom. XXII.

sapientiam, quae est virtus intellectualis; cognitio autem divinarum supernaturalis pertinet ad fidem, quae est virtus theologica, ut ex supra dictis patet (quaest. iv. art. 7. & 1. 2. quaest. lxxi. art. 3.) Ergo sapientia magis debet dici virtus quam donum.

3. Praeterea. Iob xxviii. 28. dicitur: *Ecce timor Domini, ipsa est sapientia, & recedere a malo, intelligentia:* ubi secundum litteram septuaginta Interpretum, quia utitur Augustinus (Lib. XII. de Trin. cap. xiv. parum a princ. & Lib. XIV. cap. 1.) habetur: *Ecce pietas ipsa est sapientia.* Sed tam timor, quam pietas ponuntur dona Spiritus sancti. Ergo sapientia non debet numerari inter dona Spiritus sancti, quasi donum ab aliis distinctum.

Sed contra est quod Isa. xi. 2. dicitur: *Requiescet super eum Spiritus Domini, Spiritus sapientiae, & intellectus.*

Respondeo dicendum, quod secundum Philosophum in princ. Metaph. (cap. ii.) *ad sapientem pertinet considerare causam altissimam, per quam certissimè de aliis iudicatur, & secundum quam omnia ordinari oportet.*

Causa autem altissima dupliciter accipi potest, vel simpliciter, vel in aliquo genere. Ille ergo qui cognoscit causam altissimam in aliquo genere, & per eam potest de omnibus quae sunt illius generis, iudicare, & ordinare, dicitur esse sapiens in illo genere. ut in medicina, vel architectura, secundum illud I. ad Corinth. iii. 10. *Ut sapiens architectus fundamentum possit.* Ille autem qui cognoscit causam altissimam simpliciter, quae est Deus, dicitur sapiens simpliciter, inquantum per regulas divinas omnia potest iudicare, & ordinare.

Huiusmodi autem iudicium consequitur homo per Spiritum sanctum, secundum illud I. ad Corinth. ii. 15. *Spiritualis iudicat omnia:* quia, sicut ibidem dicitur, *Spiritus omnia scrutatur, etiam profunda Dei.* Unde manifestum est quod sapientia est donum Spiritus sancti.

Ad primum ergo dicendum, quod bonum dicitur dupliciter: uno modo quod est vere bonum, & simpliciter perfectum; alio modo dicitur aliquid esse bonum secundum quandam similitudinem, quod est in malitia perfectum, sicut dicitur bonus latro, vel perfectus latro, ut patet per Philosophum in V. Metaph. (tex. 21.) Et sicut circa ea quae sunt vere bona, invenitur aliqua altissima

causa, quæ est summum bonum, quod est ultimus finis, per cuius cognitionem dicitur homo vere sapiens; ita etiam in malis est invenire aliquid ad quod alia referuntur, sicut ad ultimum finem, per cuius cognitionem homo dicitur esse sapiens ad male agendum, secundum illud Hierem. 14. 22. *Sapientes sunt, ut faciant mala; bene autem facere nescierunt.* Quicumque autem aversitur a fine debito, necesse est quod aliquem finem indebitum sibi præstituat: quia omne agens agit propter finem. Unde si præstituat sibi finem in bonis exterioribus terrenis, vocatur *sapientia terrena*; si autem in bonis corporalibus, vocatur *sapientia animalis*; si autem in aliqua excellentia, vocatur *sapientia diabolica*, propter imitationem superbie diaboli, de quo dicitur Iob xli. 25. *Ipse est rex super omnes filios superbie.*

Ad secundum dicendum, quod sapientia quæ ponitur donum Spiritus sancti, differt ab ea quæ ponitur virtus intellectualis acquisita: nam illa acquiritur studio humano; hæc autem est *de sursum descendens*, ut dicitur Iacobi 1. 11. 14. Similiter etiam differt a fide: nam fides assentit veritati divinæ secundum seipsum; sed iudicium, quod est secundum veritatem divinam, pertinet ad donum sapientiæ. Et ideo donum sapientiæ præsupponit fidem, quia *unusquisque bene iudicat quæ cognoscit*, ut dicitur in I. Ethic. (cap. 111.)

Ad tertium dicendum, quod sicut pietas, quæ pertinet ad cultum Dei, est manifestativa fidei, in quantum per cultum Dei protestamur fidem; ita etiam pietas manifestat sapientiam. Et propter hoc dicitur, quod *pietas est sapientia*; & eadem ratione timor. Per hoc enim ostenditur quod homo habet rectum iudicium de divinis, quod Deum timet, & colit.

## ARTICULUS II. 250

*Utrum sapientia sit in intellectu sicut in subiecto.*

III. dist. xxxv. quæst. 11. art. 1. quæst. 3.

**A**D secundum sic proceditur. Videtur quod sapientia non sit in intellectu sicut in subiecto. Dicit enim Augustinus in Lib. de gratia novi testamenti (epist. cxx. cap. xviii. a princ.) quod *sapientia est caritas Dei*. Sed caritas est sicut in subiecto in voluntate, non in intellectu, ut

supra habitum est (quæst. xxiv. art. 1.) Ergo sapientia non est in intellectu sicut in subiecto.

2. Præterea. Eccli. vi. 23. dicitur: *Sapientia doctrinæ secundum nomen eius est*: dicitur enim sapientia quasi *sapida scientia*; quod videtur ad affectum pertinere, ad quem pertinet experiri spirituales delectationes, sive dulcedines. Ergo sapientia non est in intellectu, sed magis in affectu.

3. Præterea. Potentia intellectiva sufficienter perficitur per donum intellectus. Sed ad id quod potest fieri per unum, superfluum esset plura ponere. Ergo non est in intellectu.

Sed contra est quod Gregorius dicit in II. Moral. (cap. xxvi. aliquant. a princ.) quod *sapientia contrariatur stultitia*. Sed stultitia est in intellectu. Ergo & sapientia.

Respondeo dicendum, quod, sicut supra dictum est (art. præc.) sapientia importat quamdam rectitudinem iudicii secundum rationes divinas. Rectitudo autem iudicii potest contingere dupliciter: uno modo secundum perfectum ulum rationis; alio modo propter connaturalitatem quamdam ad ea de quibus iam est iudicandum: sicut de his quæ ad castitatem pertinent, per rationis inquisitionem recte iudicat ille qui didicit scientiam moralem; sed per quamdam connaturalitatem ad ipsam, recte iudicat de eis ille qui habet habitum castitatis.

Sic ergo circa res divinas ex rationis inquisitione rectum iudicium habere pertinet ad sapientiam quæ est virtus intellectualis; sed rectum iudicium habere de eis secundum quamdam connaturalitatem ad ipsas, pertinet ad sapientiam, secundum quod donum est Spiritus sancti; sicut Dionysius dicit in 11. cap. de div. Nom. (a med. lect. 4.) quod *Hierotheus est perfectus in divinis, non solum discens, sed & patiens divina*.

Huiusmodi autem compassio, sive connaturalitas ad res divinas fit per caritatem, quæ quidem unit nos Deo, secundum illud I. ad Cor. vi. 17. *Qui adhaeret Deo, unus spiritus est*. Sic ergo sapientia, quæ est donum, causam quidem habet in voluntate, scilicet caritatem, sed essentiam habet in intellectu, cuius actus est recte iudicare, ut supra habitum est (art. præc. & 1. 3. quæst. xiv. art. 1.)

Ad primum ergo dicendum quod Augustinus loquitur de sapientia quantum ad



ad suam causam; ex qua etiam sumitur nomen sapientiae, secundum quod saporem quemdam importat.

Unde patet responsio ad secundum. Si tamen iste sit intellectus illius auctoritatis; quod non videtur: quia talis expositio non convenit nisi secundum nomen quod habet sapientia in latina lingua; in Graeco autem non competit, & forte nec in aliis linguis. Unde potius videtur nomen sapientiae ibi accipi pro eius fama, qua a cunctis commendatur.

Ad tertium dicendum, quod intellectus habet duos actus, scilicet percipere, & iudicare: ad quorum primum ordinatur donum intellectus; ad secundum autem, secundum rationes divinas, donum sapientiae; sed secundum rationes humanas, donum scientiae.

### ARTICULUS III. 251

*Utrum sapientia sit speculativa tantum, an etiam practica.*

*Sup. quaest. x. art. 7. & I. P. quaest. lxiv. art. 1. cor. & III. dist. xxxv. quaest. 11. art. 1. quaest. 3. corp.*

**A**D tertium sic proceditur. Videtur quod sapientia non sit practica, sed speculativa tantum. Donum enim sapientiae est excellentius quam sapientia, secundum quod est intellectualis virtus. Sed sapientia, secundum quod est intellectualis virtus, est speculativa tantum. Ergo multo magis sapientia quae est donum, est speculativa, & non practica.

2. Praeterea. Practicus intellectus est circa operabilia, quae sunt contingentia. Sed sapientia est circa divina; quae sunt aeterna, & necessaria. Ergo sapientia non potest esse practica.

3. Praeterea. Gregorius dicit in VI. Moral. (cap. ult. cir. princ.) quod in contemplatione principium, quod Deus est, quaeritur; in operatione autem sub gravi necessitatis saepe laboratur. Sed ad sapientiam pertinet divinorum visio, ad quam non pertinet sub aliquo saepe laborare: quia, ut dicitur Sap. viii. 16. non habet amaritudinem conversatio eius, nec tedium convictus illius. Ergo sapientia est contemplativa tantum, non autem practica, sive activa.

Sed contra est quod dicitur ad Coloss. iv. 5. In sapientia ambulate ad eos qui foris sunt. Hoc autem pertinet ad actionem. Ergo sapientia non est solum speculativa, sed etiam practica.

Respondeo dicendum, quod, sicut Augustinus dicit in XII. de Trinit. (cap. xiv.) superior pars rationis sapientiae deputatur, inferior autem scientiae. Superior autem ratio, ut ipse in eodem Lib. (cap. vii. in fin.) dicit, intendit rationibus supernis, scilicet divinis, & conspiciendis, & consulendis: conspiciendis quidem, secundum quod divina in seipsis contemplatur; consulendis autem, secundum quod per divina indicat de humanis actibus, per divinas regulas dirigens actus humanos.

Sic ergo sapientia, secundum quod est donum, non solum est speculativa, sed etiam practica.

Ad primum ergo dicendum, quod quanto aliqua virtus est altior, tanto ad plura se extendit, ut habetur in Lib. de causis (proposit. 10. & 17.) Unde ex hoc ipso quod sapientia quae est donum, est excellentior quam sapientia quae est virtus intellectualis, utpote magis de propinquo Deum attingens per quamdam unionem animae ad ipsum, habet quod non solum dirigat in contemplatione, sed etiam in actione.

Ad secundum dicendum, quod divina in se quidem sunt necessaria, & aeterna; sunt tamen regulae contingentium, quae humanis actibus sunt.

Ad tertium dicendum, quod prius est considerare aliquid in seipso quam secundum quod ipsum ad alterum comparatur. Unde ad sapientiam prius pertinet contemplatio divinorum, quae est visio principii; & posterius dirigere actus humanos secundum rationes divinas. Nec tamen in actibus humanis ex directione sapientiae provenit amaritudo, aut labor; sed potius amaritudo propter sapientiam vertitur in dulcedinem, & labor in requiem.

### ARTICULUS IV. 252

*Utrum sapientia possit esse sine gratia, & cum peccato mortali.*

**A**D quartum sic proceditur. Videtur quod sapientia possit esse sine gratia, & cum peccato mortali. De his enim quae cum peccato mortali haberi non possunt, praecipue Sancti gloriantur, secundum illud II. ad Corinth. 1. 12. Gloria nostra haec est, testimonium conscientiae nostrae. Sed de sapientia sua non debet aliquis gloriari, secundum illud Hierem. 17. 23. Non gloriatur sapiens in

*sapientia sua*. Ergo sapientia potest esse sine gratia cum peccato mortali.

2. Præterea. Sapientia importat cognitionem divinorum, ut dictum est (art. 1. hu. quæst.) Sed aliqui cum peccato mortali possunt habere cognitionem veritatis divinæ, secundum illud Rom. 1. 18. *Veritatem Dei in iniustitia detinent*. Ergo sapientia potest esse cum peccato mortali.

3. Præterea. Augustinus dicit in XV. de Trinit. (cap. xvi. in princ.) de caritate loquens: *Nullum est isto Dei dono excellentius: hoc solum est quod dividit inter filios regni æterni, & filios perditionis æternæ*. Sed sapientia differt a caritate. Ergo non dividit inter filios regni, & filios perditionis. Ergo potest esse cum peccato mortali.

Sed contra est quod dicitur Sap. 1. 4. *In malevolam animam non introibit sapientia, nec habitabit in corpore subdito peccatis*.

Respondeo dicendum, quod sapientia quæ est donum Spiritus sancti, sicut dictum est (art. 1. hu. quæst.) facit restitutionem iudicii circa res divinas, vel per regulas divinas de aliis, ex quadam conaturalitate, sive unionem ad divinam; quæ quidem est per caritatem, ut dictum est (art. 2. hu. quæst. & quæst. xxviii. art. 5.)

Et ideo sapientia de qua loquimur, præsupponit caritatem. Caritas autem non potest esse cum peccato mortali, ut ex supra dictis patet (quæst. xxiv. art. 12.) Unde relinquunt quod sapientia de qua loquimur, non potest esse cum peccato mortali.

Ad primum ergo dicendum, quod illud intelligendum est de sapientia in rebus mundanis, sive etiam in rebus divinis per rationes humanas; de qua sancti non gloriantur, sed eam se fatentur non habere, secundum illud Proverb. xxx. 2. *Sapientia hominum non est necum*. Gloriantur autem de sapientia divina, secundum illud I. ad Corinth. 1. 30. *Fidum est nobis sapientia a Deo*.

Ad secundum dicendum, quod ratio illa procedit de cognitione divinorum quæ habetur per studium, & inquisitionem rationis, quæ potest haberi cum peccato mortali; non autem de illa sapientia de qua loquimur.

Ad tertium dicendum, quod sapientia etiam differt a caritate, tamen præsupponit eam; & ex hoc ipso dividit inter filios perditionis, & regni.

## ARTICULUS V. 253

*Utrum sapientia sit in omnibus habentibus gratiam.*

1. 2. quæst. lxxviii. art. 5. ad 1.

**A**D quantum sic proceditur. Videtur quod sapientia non sit in omnibus habentibus gratiam. Maius enim est sapientiam habere quam sapientiam audire. Sed solum perfectorum est sapientiam audire, secundum illud I. ad Cor. 11. 6. *Sapientiam loquimur inter perfectos*. Cum ergo non omnes habentes gratiam sint perfecti, videtur quod multo minus omnes habentes gratiam habeant sapientiam.

2. Præterea. *Sapientis est ordinare*, ut Philosophus dicit in I. Metaph. (cap. 11.) & Iac. 3. 17. dicitur, quod est (a) iudicans sine simulatione. Sed non omnium habentium gratiam est de aliis iudicare, aut alios ordinare, sed solum prælatorum. Ergo non omnium habentium gratiam est habere sapientiam.

3. Præterea. *Sapientia datur contra stultitiam*, ut Gregorius dicit in II. Moral. (cap. xxvi. aliquant. a princ.) Sed multi habentes gratiam sunt naturaliter stulti, ut patet de amentibus baptizatis, vel qui postmodum sine peccato mortali in amentiam inciderunt. Ergo non in omnibus habentibus gratiam est sapientia.

Sed contra est quod quicumque est sine peccato mortali, diligitur a Deo, quia caritatem habet, qua Deum diligit; Deus autem diligens se diligit, ut dicitur Proverb. viii. Sed Sap. vii. 28. dicitur, quod *neminem diligit Deus nisi eum qui cum sapientia inhabitat*. Ergo in omnibus habentibus gratiam sine peccato mortali existentibus est sapientia.

Respondeo dicendum, quod sapientia de qua loquimur, sicut dictum est (art. præc.) importat quandam restitutionem iudicii circa divina & conspicienda, & consulenda; & quantum ad utrumque ex unionem ad divina secundum diversos gradus aliqui sapientiam fortiuntur. Quidam enim tantum fortiuntur de recto iudicio tam in contemplatione divinorum, quam etiam in ordinatione rerum humanarum secundum divinas regulas, quantum est necessarium ad salutem; & hoc nulli deest sine peccato mortali existenti per gratiam gratum facientem: quia si natu-

(a) *Pulsus non iudicans, sine simulatione.*

ra non deficit in necessariis, multo minus gratia. Unde dicitur I. Ioan. 11. 27. *Unus docet vos de omnibus.*

Quidam autem altiori gradu percipiunt sapientiae donum & quantum ad contemplationem divinorum, in quantum scilicet altiora quaedam mysteria & cognoscunt, & aliis manifestare possunt; & etiam quantum ad directionem humanorum secundum regulas divinas, in quantum possunt secundum eas non solum seiplos, sed etiam alios ordinare: & iste gradus sapientiae non est communis omnibus habentibus gratiam gratum facientem; sed magis pertinet ad gratias gratis datas, quas Spiritus sanctus distribuit prout vult, secundum illud I ad Corinth. XII. 8. *Alii datur per Spiritum sermo sapientiae &c.*

Ad primum ergo dicendum, quod Apostolus loquitur ibi de sapientia, secundum quod se extendit ad occulta mysteria divinorum, sicut & ibidem dicitur: *Loquimur Dei sapientiam in mysterio, quae abscondita est.*

Ad secundum dicendum, quod quamvis ordinare alios homines, & de eis iudicare pertineat ad solos prelatos; tamen ordinare proprios actus, & de eis iudicare pertinet ad unumquemque, ut patet per Dionysium in epist. ad Demophilum (quaest. VIII. a med.)

Ad tertium dicendum, quod amantem baptizati, sicut & pueri, habent quidem habitum sapientiae, secundum quod est donum Spiritus sancti; sed non habent actum, propter impedimentum corporale, quo impeditur in eis usus rationis.

## ARTICULUS VI. 254

*Utrum septima beatitudo respondeat dono sapientiae.*

1. 2. *quaest. lxxix. art. 3. cor. fi. & ad 1. & art. 4. cor. in fi. & III. dist. xxxiv. quaest. 1. art. 4. & 6. corp.*

**A**D sextum sic proceditur. Videtur quod septima beatitudo non respondeat dono sapientiae. Septima enim beatitudo est: *Beati pacifici, quoniam filii Dei vocabuntur.* Utrumque autem horum pertinet immediate ad caritatem: nam de pace dicitur in Psal. cxviii. 165. *Pax multa diligentibus legem tuam;* & ut Apostolus dicit Rom. v. 5. *caritas Dei diffusa est in cordibus nostris per*

*Spiritum sanctum, qui datus est nobis: qui quidem est spiritus adoptionis filiorum, in quo clamamus, Abba, Pater, ut dicitur Rom. viii. 15. Ergo septima beatitudo magis debet attribui caritati quam sapientiae.*

2. Præterea. Unumquodque magis manifestatur per proximum effectum quam per remotum. Sed proximus effectus sapientiae videtur esse caritas, secundum illud Sap. vii. 27. *Per nationes in animas sanctas se transferi; amicos Dei, & Prophetas constituit.* Pax autem, & adoptio filiorum videtur esse remoti effectus, cum procedant ex caritate, ut dictum est (quaest. xxxix. art. 3.) Ergo beatitudo sapientiae respondens, deberet magis determinari secundum dilectionem caritatis quam secundum pacem.

3. Præterea. Iacobi 111. 13. dicitur: *Quae de sursum est sapientia, primum quidem pudica est, deinde autem pacifica, modesta, suadibilis, bonis consensiens, plena misericordia, & fructibus bonis, a iudicantis sine simulatione.* Beatitudo ergo correspondens sapientiae, non magis debuit accipi secundum pacem quam secundum alios effectus caelestis sapientiae.

Sed contra est quod Augustinus dicit in Lib. I. de serm. Dom. in monte (cap. iv. cir. med.) quod *sapientia convenit pacificis, in quibus nullus motus est rebellis, sed obtemperans rationi.*

Respondendo dicendum, quod septima beatitudo congrue adaptatur dono sapientiae & quantum ad meritum, & quantum ad premium.

Ad meritum quidem pertinet quod dicitur, *Beati pacifici.* Pacifici autem dicuntur, quasi pacem facientes vel in seipso, vel etiam in aliis: quorum utrumque contingit per hoc quod ea in quibus pax constituitur, ad debitum ordinem rediguntur: nam pax est tranquillitas ordinis, ut Augustinus dicit XIX. de civitate Dei (cap. xiii. cir. princ.) Ordinare autem pertinet ad sapientiam, ut patet per Philo sophum in principio Metaph. (cap. 11.) Et ideo esse pacificum convenienter attribuitur sapientiae. Ad premium autem pertinet quod dicitur, *Filii Dei vocabuntur.* Dicuntur autem aliqui filii Dei, in quantum participant similitudinem Filii unigeniti, & naturalis, secundum illud Rom. viii. 29. *Quos praecivis conformes fieri imaginis Filii dei, qui quidem est sapientia genita.* Et ideo

(a) Ita omnes edidit libri cum pluribus mss. Cod. Alcan. in solutione huius argumenti habet non iudicans, sine simulatione, ut legitur in Vulgata.

ideo participando donum sapientiae, ad Dei filiationem homo pertingit.

Ad primum ergo dicendum, quod caritatis est habere pacem; sed facere pacem, est sapientiae ordinantis. Similiter etiam Spiritus sanctus intantum dicitur *spiritus adoptionis*, inquantum per eum datur nobis similitudo Filii naturalis, qui est genita sapientia.

Ad secundum dicendum, quod illud est intelligendum de sapientia increata, quae primo se nobis unit per donum caritatis, & ex hoc revelat nobis mysteria, quorum cognitio est sapientia infusa. Et ideo sapientia infusa, quae est donum, non est causa caritatis, sed magis effectus.

Ad tertium dicendum, quod, sicut iam dictum est (art. 3. hu. quaest.) ad sapientiam, secundum quod est donum, pertinet non solum contemplari divina, sed etiam regulare humanos actus. In qua quidem directione primo occurrit remotio a malis, quae contrariantur sapientiae; unde & timor dicitur esse initium sapientiae, inquantum facit recedere a malis: ultimum autem est sicut finis, quo omnia ad debitum ordinem redigantur; quod pertinet ad rationem pacis. Et ideo convenienter Iacobus dicit, quod *sapientia quae desursum est*, quae est donum Spiritus sancti, *primum est pudica*, quasi vitans corruptelas peccati; *deinde autem pacifica*, quod est finalis effectus sapientiae, propter quod ponitur beatitudo. Iam vero omnia quae sequuntur, manifestant ea per quae sapientia ad pacem perducit, & ordine congruo. Nam homini per pudicitiam a corruptelis recedenti primo occurrit quod, quantum ex se potest, modum in omnibus teneat; & quantum ad hoc dicitur *modesta*. Secundo ut in his in quibus ipse sibi non sufficit, aliorum monitis acquiescat; & quantum ad hoc subdit, *suavis*. Et haec duo pertinent ad hoc quod homo consequatur pacem in seipso. Sed ulterius ad hoc quod homo sit pacificus etiam aliis, primo requiritur ut bonis eorum non rupugnet; & hoc est quod dicit, *Bonis consentiens*. Secundo quod delectibus proximi & compariatur in affectu, & subveniat in effectui; & hoc est quod dicitur, *Plena misericordia, & fructibus bonis*. Tertio requiritur ut caritative emendare peccata aliorum sataget; & hoc est quod dicit, *(a) Iudicans sine simulatione*, ne scilicet

correctionem praetendens, odium intendat explorare.

## QUAESTIO XLVI.

*De stultitia, quae sapientiae opposita est, in tres articulos divisa.*

**D**Einde considerandum est de stultitia, quae opponitur sapientiae: & circa hoc quaeruntur tria.

Primo, utrum stultitia opponatur sapientiae.

Secundo, utrum stultitia sit peccatum.

Tertio, ad quod vitium capitale reducatur.

## ARTICULUS I. 255

*Utrum stultitia opponatur sapientiae.*

*Sup. quaest. viii. art. 6. ad 1.*

**A**D primum sic proceditur. Videtur quod stultitia non opponatur sapientiae. Sapientiae enim directe videtur opponi insipientia. Sed stultitia non videtur esse idem quod insipientia: quia insipientia videtur esse solum circa divina, sicut & sapientia; stultitia autem se habet & circa divina, & circa humana. Ergo sapientiae non opponitur stultitia.

2. Praeterea. Unum oppositorum non est via perveniendi ad aliud. Sed stultitia est via perveniendi ad sapientiam: dicitur enim I. ad Cor. xiii. 18. *Si quis videtur inter vos sapiens esse in hoc saeculo, stultus fiat, ut sit sapiens*. Ergo sapientiae non opponitur stultitia.

3. Praeterea. Unum oppositorum non est causa alterius. Sapientia autem est causa stultitiae: dicitur enim Hierem. x. 14. *Stultus factus est omnis homo a scientia sua*: sapientia autem quaedam scientia est: & Mai. xlvii. 10. dicitur: *Sapientia tua, & scientia tua, haec decipit te*: decipi autem ad stultitiam pertinet. Ergo sapientiae non opponitur stultitia.

4. Praeterea. Isidorus dicit in Lib. X. Etymol. (ad lit. S) quod *stultus est qui per ignominiam non commovetur ad dolorem, & qui non movetur iniuria*. Sed hoc pertinet ad sapientiam spirituales, ut Gregorius dicit in X. Mor. (cap. xvi & xvii.) Ergo sapientiae non opponitur stultitia.

Sed contra est quod Gregorius dicit in II. Moral. (cap. xxvi. aliquant. a princ.)

(a) *Vide supra notata ad argumentum 2.*

princ.) quod *donum sapientiae datur contra stultitiam*.

Respondeo dicendum, quod nomen stultitiae a stupore videtur esse sumptum: unde Isidorus dicit in Lib. X. Etymol. (loc. sup. cit.) *Stultus est qui propter stuporem non movetur*. Et differt stultitia a fatuitate (sicut ibidem dicitur) quia stultitia importat habitudinem cordis; & obusionem sensum; fatuitas autem importat totaliter spiritualis sensus privationem. Et ideo convenienter stultitia sapientiae opponitur.

Sapiens enim, ut ibidem Isidorus dicit, *dictus est a sapore: quia sicut gustus est aptus ad discretionem saporis ciborum; sic sapiens ad discretionem rerum, atque causarum*. Unde patet quod stultitia opponitur sapientiae sicut contrarium; fatuitas autem sicut pura negatio: nam fatuus caret sensu iudicandi; stultus autem habet sensum, sed hebeterrum; sapiens autem subtilem, & perspicacem.

Ad primum ergo dicendum, quod, sicut Isidorus ibidem dicit, *insipiens contrarius est sapienti, eo quod sine sapore est discretio, & sensus*. Unde idem videtur esse insipientia cum stultitia. Præcipue autem videtur aliquis esse stultus, quando patitur defectum (a) in summa iudicii, quæ attenditur secundum causam altissimam: nam si deficiat in iudicio circa aliquid modicum, non ex hoc vocatur aliquis stultus.

Ad secundum dicendum, quod sicut est quædam sapientia mala, ut supra dictum est (quaest. præc. art. 1. ad 1.) quæ dicitur *sapientia sæculi*, quia accipit pro causa altissima, & sine ultimo aliquod terrenum bonum; ita etiam est aliqua stultitia bona, huic sapientiae malæ opposita, per quam aliquis terrena contemnit: & de hac stultitia loquitur Apostolus.

Ad tertium dicendum, quod sapientia sæculi est quæ decipit, & facit esse stultum apud Deum, ut patet per Apostolum I. ad Cor. 11.

Ad quartum dicendum, quod non moveri iniuriis, quandoque quidem contingit ex hoc quod homini non sapiunt terrena, sed sola cælestia: unde hoc non pertinet ad stultitiam mundi, sed ad sapientiam Dei, ut Gregorius ibidem dicit. Quandoque autem contingit ex hoc

quod homo est simpliciter circa omnia stupidus, ut patet in amentibus, qui non discernunt, quid sit iniuria: & hoc pertinet ad stultitiam simpliciter.

## ARTICULUS II. 236

*Utrum stultitia sit peccatum.*

*Inf. art. 3. cor.*

**A**D secundum sic proceditur. Videtur quod stultitia non sit peccatum. Nullum enim peccatum provenit in nobis a natura. Sed quidam sunt stulti naturaliter. Ergo stultitia non est peccatum.

2. Præterea. Omne peccatum est voluntarium, ut Augustinus dicit (Lib. de vera relig. cap. xiv. circ. princ.) Sed stultitia non est voluntaria. Ergo non est peccatum.

3. Præterea. Omne peccatum opponitur alicui præcepto divino. Sed stultitia nulli præcepto opponitur. Ergo stultitia non est peccatum.

Sed contra est quod dicitur Proverb. 1. 32. *Prosperitas stultorum perdet eos*. Sed nullus perditur nisi pro peccato. Ergo stultitia est peccatum.

Respondeo dicendum, quod stultitia, sicut dictum est (art. præc.) importat quandam stuporem sensus in iudicando, & præcipue circa altissimam causam, quæ est finis ultimus, & summum bonum. Circa quod aliquis potest pati stuporem in iudicando, dupliciter. Uno modo ex indispositione naturali, sicut patet in amentibus: & talis stultitia non est peccatum. Alio modo inquantum immergit homo sensum suum rebus terrenis; ex quo redditur eius sensus ineptus ad percipiendum divina, secundum illud I. ad Cor. 11. 14. *Animalis homo non percipit ea quæ sunt spiritus Dei*; sicut etiam homini habenti gustum insectum malo humore non sapiunt dulcia: & talis stultitia est peccatum.

Et per hoc patet responsio ad primum.

Ad secundum dicendum, quod quamvis stultitiam nullus velit, vult tamen ea ad quæ consequitur esse stultum, scilicet abstrahere sensum suum a spiritualibus, & immergere terrenis. Et idem etiam contingit in aliis peccatis: nam luxuriosus vult delectationem, sine qua non est peccatum, quamvis non simpliciter.

(a) Ita cum quinque codicibus edit. Rom. Nicolai cum exemplo Paris. & Duressi in sapientia iudicii; movetur tamen in sapientia iudicio, quod habet edit. Patav. 1698. Paris. 1712. in sententia iudicii. Al. in sapientia iudicii.

citer velit peccatum, vellet enim frui delectatione sine peccato.

Ad tertium dicendum, quod stultitia opponitur praeceptis quae dantur de contemplatione veritatis: de quibus supra habitum est (quaest. xvi.) cum de scientia, & intellectu ageretur.

### ARTICULUS III. 257

*Utrum stultitia sit filia luxuriae.*

*Iob. v. princ.*

**A**D tertium sic proceditur. Videtur quod stultitia non sit filia luxuriae. Gregorius enim XXXI. Moral. (cap. xvii. a med.) enumerat luxuriae filias, inter quas tamen non continetur stultitia. Ergo stultitia non procedit ex luxuria.

2. Praeterea. Apostolus dicit I. ad Cor. xii. 19. *Sapientia huius mundi stultitia est apud Deum*. Sed, sicut Gregorius dicit X. Moral. (cap. xvi. in princ.) *sapientia huius mundi est, cor machinationibus tegere*; quod pertinet ad duplicitem. Ergo stultitia est magis filia duplicitatis quam luxuriae.

3. Praeterea. Ex ira aliqui praecipue vertuntur in furorē, & insaniam, quae pertinent ad stultitiam. Ergo stultitia magis oritur ex ira quam ex luxuria.

Sed contra est quod dicitur Proverb. vii. 22. *Statim eam sequitur, scilicet meretricem, ignorans, quod ad vincula stultus trahatur*.

Respondetur dicendum, quod, sicut iam dictum est (art. praec.) stultitia, secundum quod est peccatum, provenit ex hoc quod sensus spiritualis hebetatus est, ut non sit aptus ad spiritualia iudicanda.

Maxime autem sensus hominis immergitur ad terrena per luxuriam, quae est circa maximas delectationes, quibus anima maxime absorbetur: & ideo stultitia quae est peccatum; maxime nascitur ex luxuria.

Ad primum ergo dicendum, quod ad stultitiam pertinet quod homo habeat falsum de Deo, & de donis ipsius. Unde Gregorius duo numerat inter filias luxuriae quae pertinent ad stultitiam, scilicet *odium Dei*, & *desperationem futurorum saeculorum*, quasi dividens stultitiam in duas partes.

Ad secundum dicendum, quod verbum illud Apostoli non est intelligendum casualiter, sed essentialiter, quia scilicet ipsa sapientia mundi est stultitia apud Deum: Unde non oportet quod quaecum-

que pertinent ad sapientiam mundi, sine causa huius stultitiae.

Ad tertium dicendum, quod ira, ut supra dictum est (1. 2. quaest. xlviii. art. 2. 3. & 4.) sua acuitate maxime immutat corporis naturam: unde maxime causat stultitiam quae provenit ex impedimento corporali. Sed stultitia quae provenit ex impedimento spirituali, scilicet ex immersione mentis ad terrena, maxime provenit ex luxuria, ut dictum est (in corp. art.)

### QUAESTIO XLVII.

*De prudentia secundum se, in sexdecim articulos divisa.*

**C**onsequenter post virtutes theologicas considerandum est circa virtutes cardinales: & primo de prudentia secundum se; secundo de partibus eius; tertio de dono ei correspondente; quarto de vitiis oppositis; quinto de praeceptis ad hoc pertinentibus.

Circa primum quaeruntur sexdecim.

Primo, utrum prudentia sit in voluntate, vel in ratio e.

Secundo, si est in ratione, utrum in practica tantum, vel etiam in speculativa.

Tertio, utrum sit cognoscitiva singularium.

Quarto utrum sit virtus.

Quinto, utrum sit virtus specialis. Sexto, utrum praestituat finem virtutibus moralibus.

Septimo, utrum constituat medium in eis.

Octavo, utrum praecipere sit proprius actus eius.

Nono, utrum sollicitudo, vel vigilantia pertineat ad prudentiam.

Decimo, utrum prudentia se extendat ad regimen multitudinis.

Undecimo, utrum prudentia quae est respectu boni proprii, sit eadem specie cum ea quae se extendit ad bonum commune.

Duodecimo, utrum prudentia sit in subditis, an solum in principibus.

Tertiodecimo, utrum inveniatur in malis.

Quartodecimo, utrum inveniatur in omnibus bonis.

Quintodecimo, utrum insit nobis a natura.

Sextodecimo, utrum perdatur per oblivionem.

A R.

## ARTICULUS I. 258

*Utrum prudentia sit in vi cognoscitiva, an in appetitiva.*

*I. P. quæst. xxii. art. 1. ad 3. & 1. 2. quæst. lxi. art. 2. cor. & quæst. lxxxv. art. 3. cor. & mal. quæst. xv. art. 5. ad 4. & vir. quæst. v. art. 1. cor. fin.*

**A**D primum sic proceditur. Videtur quod prudentia non sit in vi cognoscitiva, sed in vi appetitiva. Dicit enim Augustinus in Lib. de morib. Ecclesiæ (cap. xiv. cir. med.) *Prudentia est amor, ea quibus adiuvatur, ab eis quibus impeditur, sagaciter eligens.* Sed amor non est in vi cognoscitiva, sed in appetitiva. Ergo prudentia est in vi appetitiva.

2. Præterea. Sicut ex prædicta definitione apparet, ad prudentiam pertinet eligere sagaciter. Sed electio est actus appetitivæ virtutis, ut supra habitum est (1. 2. quæst. xiii. art. 1.) Ergo prudentia non est in vi cognoscitiva, sed in vi appetitiva.

3. Præterea. Philosophus dicit in VI. Eth. (cap. v.) quod in arte quidem volens peccare eligibilior est, circa prudentiam autem minus, quemadmodum & circa virtutes. Sed virtutes morales, de quibus ibi loquitur, sunt in parte appetitiva; ars autem in ratione. Ergo prudentia magis est in parte appetitiva quam in ratione.

Sed contra est quod Augustinus dicit in Lib. lxxxiii. Qq. (quæst. lxi. post med.) *Prudentia est cognitio verum appetendarum, & fugiendarum.*

Respondetur dicendum, quod, sicut Isidorus dicit in Lib. X. Etymol. (ad lit. P) *prudens dicitur, quasi porro videns; perspicax enim est, & incertorum prævidet casus.* Visio autem non est virtutis appetitivæ, sed cognoscitivæ. Unde manifestum est quod prudentia directe pertinet ad vim cognoscitivam, non autem ad vim sensitivam, quia per eam cognoscimus solum ea quæ præsto sunt, & sensibus offeruntur.

Cognoscere autem futura ex præsentibus, vel præteritis, quod pertinet ad prudentiam, proprie rationis est: quia hoc per quamdam collationem agitur. Unde relinquatur quod prudentia proprie sit in ratione.

Ad primum ergo dicendum, quod, sicut supra dictum est (I. P. quæst. lxxxii.

art. 4.) voluntas movet omnes potestias ad finis actus. Primus autem actus appetitivæ virtutis est amor, ut supra dictum est (1. 2. quæst. xxv. art. 1. & 2.) Sic ergo prudentia dicitur esse amor, non quidem essentialiter, sed inquantum amor movet ad actum prudentiæ. Unde & postea subdit Augustinus, quod *prudentia est amor bene discernens ea quibus adiuvetur ad tendendum in Deum, ab his quibus prudentia impeditur potest.* Dicitur autem amor discernere, inquantum movet rationem ad discernendum.

Ad secundum dicendum, quod prudens considerat ea quæ sunt procul, inquantum ordinantur ad adiuvandum, vel impediendum ea quæ sunt præsentialiter agenda. Unde patet quod ea quæ considerat prudentia, ordinantur ad alia sicut ad finem. Eorum autem quæ sunt ad finem, est consilium in ratione, & electio in appetitu: quorum duorum consilium magis proprie pertinet ad prudentiam: dicit enim Philosophus in VI. Eth. (cap. v.) quod *prudens est bene consultivus.* Sed quia electio præsupponit consilium, est enim appetitus præconsulti, ut dicitur in III. Eth. (cap. iii. cir. n.) ideo etiam eligere potest attribui prudentiæ consequenter, inquantum scilicet electionem per consilium dirigit.

Ad tertium dicendum quod laus prudentiæ non consistit in sola consideratione, sed in applicatione ad opus, quod est finis practicæ rationis. Et ideo si in hoc defectus accidat, maxime est contrarium prudentiæ: quia sicut finis est potissimus in unoquoque; ita & defectus qui est circa finem, est pessimus. Unde ibidem Philosophus subdit, quod *prudentia non est solum cum ratione, sicut ars: habet enim, ut dictum est (hic & 1. 2. quæst. lvii. art. 4.) applicationem ad opus, quod fit per voluntatem.*

## ARTICULUS II. 259

*Utrum prudentia pertineat solum ad rationem practicam, an etiam ad speculativam.*

*1. 2. quæst. lvii. art. 3. cor. & III. dist. xxxiii. quæst. ii. art. 4. quæst. 4.*

**A**D secundum sic proceditur. Videtur quod prudentia non solum pertineat ad rationem practicam, sed etiam ad

ad speculativam. Dicitur enim Proverb. x. 23. *Sapientia est viro prudentia*. Sed sapientia principaliter consistit in contemplatione. Ergo & prudentia.

2. Præterea. Ambrosius dicit in I. de officiis (cap. xxiv. circ. fin.) *Prudentia in veri investigatione versatur, & scientia plenioris infundit cupiditatem*. Sed hoc pertinet ad rationem speculativam. Ergo prudentia consistit etiam in ratione speculativa.

3. Præterea. In eadem parte animæ ponitur a Philosopho ars, & prudentia, ut patet in VI. Ethic. (cap. 1. ad fin.) Sed ars non solum invenitur practica, sed etiam speculativa, ut patet in artibus liberalibus. Ergo etiam prudentia invenitur & practica, & speculativa.

Sed contra est quod Philosophus dicit in VI. Ethic. (cap. v.) quod *prudencia est recta ratio agibilium*. Sed hoc non pertinet nisi ad rationem practicam. Ergo prudentia non est nisi in ratione practica.

Respondeo dicendum, quod, sicut Philosophus dicit in VI. Ethic. (cap. v. in princ.) *prudencia est bene posse consilium*. Consilium autem est de his quæ sunt per nos agenda in ordine ad finem aliquem.

Ratio autem eorum quæ sunt agenda propter finem, est ratio practica. Unde manifestum est quod prudentia non consistit nisi in ratione practica.

Ad primum ergo dicendum, quod, sicut supra dictum est (quæst. xlv. art. 1. & 3.) sapientia considerat causam altissimam simpliciter. Unde consideratio causæ altissimæ in quolibet genere pertinet ad sapientiam in illo genere. In genere autem humanorum actuum causa altissima est finis communis totius vitæ humanæ: & hunc finem intendit prudentia: dicit enim Philosophus in VI. Ethic. (cap. v. & ix.) quod sicut ille qui ratiocinatur bene ad aliquem finem particularem, puta ad victoriam, dicitur esse prudens, non simpliciter, sed in hoc genere, scilicet in rebus bellicis; ita ille qui bene ratiocinatur ad totum bene vivere, dicitur prudens simpliciter. Unde manifestum est quod prudentia est sapientia in rebus humanis; non autem sapientia simpliciter, quia non est circa causam altissimam simpliciter, est enim circa bonum humanum: hoc autem non est optimum eorum quæ sunt. Et ideo signanter dicitur, quod *prudencia est sa-*

*piencia viro*, non autem sapientia simpliciter.

Ad secundum dicendum, quod Ambrosius & etiam Tullius (Lib. II. de invent. aliquant. ante fin.) nomen prudentiæ largius sumunt pro qualibet cognitione humana tam speculativa, quam practica.

Quamvis dici possit, quod ipse actus speculativæ rationis, secundum quod est voluntarius, cadit sub electione, & consilio quantum ad suum exercitium, & per consequens cadit sub ordinatione prudentiæ; sed quantum ad suam speciem, prout comparatur ad obiectum, quod est *verum necessarium*, non cadit sub consilio, nec sub prudentia.

Ad tertium dicendum, quod omnis applicatio rationis rectæ ad aliquid factibile pertinet ad artem; sed ad prudentiam non pertinet nisi applicatio rationis rectæ ad ea de quibus est consilium: & huiusmodi sunt in quibus non sunt viæ determinatæ pervenienti ad finem, ut dicitur in III. Ethic. (cap. iii.) Quia ergo ratio speculativa quædam facit, puta syllogismum, propositionem, & alia huiusmodi, in quibus proceditur secundum certas, & determinatas vias; inde est quod respectu horum potest salvari ratio artis, non autem ratio prudentiæ: & ideo invenitur aliqua speculativa ars, non autem aliqua prudentia.

### ARTICULUS III. 260

#### *Utrum prudentia sit cognoscitiva singularium.*

*Inf. art. 15. co. & quæst. xlix. art. 2. ad 1. & art. 5. ad 2. & art. 7. cor.*

**A**D tertium sic proceditur. Videtur quod prudentia non sit cognoscitiva singularium. Prudentia enim est in ratione, ut dictum est (art. 1. huius quæst.) Sed ratio est universalium, ut dicitur in I. Physic. (tex. 49.) Ergo prudentia non est cognoscitiva nisi universalium.

2. Præterea. Singularia sunt infinita. Sed infinita non possunt comprehendi a ratione. Ergo prudentia, quæ est ratio recta, non est singularium.

3. Præterea. Particularia per sensum cognoscuntur. Sed prudentia non est in sensu; multi enim habentes sensus exteriores perspicaces, non sunt prudentes. Ergo prudentia non est singularium.

Sed contra est quod Philosophus dicit in VI. Ethic. (cap. vii. ch. 6.) quod

pru-



*prudencia non est universalium solum, sed oportet etiam singularia cognoscere.*

Respondeo dicendum, quod, sicut supra dictum est (art. 1. huius quæst. ad 3.) ad prudentiam pertinet non solum consideratio rationis, sed etiam applicatio ad opus, quæ est finis practicæ rationis.

Nullus autem potest convenienter alteri aliquid applicare, nisi utrumque cognoscat, scilicet & id quod applicandum est, & id cui applicandum est. Operationes autem sunt in singularibus: & ideo necesse est quod prudens & cognoscat universalia principia rationis, & cognoscat singularia, circa quæ sunt operationes.

Ad primum ergo dicendum, quod ratio primo quidem & principaliter est universalium; potest tamen universales rationes ad particularia applicare. Unde syllogismorum conclusiones non solum sunt universales, sed etiam particulares, quia intellectus per quandam reflexionem sed ad materiam extendit, ut dicitur in III. de Anima (text. 10.)

Ad secundum dicendum, quod quia infinitas singularium non potest ratione humana comprehendi, inde est quod iunct incerte providentia nostræ, ut dicitur Sap. 1x. Tamen per experientiam singularia infinita reducuntur ad aliqua finita, quæ ut in pluribus accidunt; quorum cognitio sufficit ad prudentiam humanam.

Ad tertium dicendum, quod, sicut Philosophus dicit in VI. Ethic. (cap. viii. ad h.) prudentia non consistit in sensu exteriori, quo cognoscimus sensibilia propria, sed in sensu interiori, qui pertinetur per memoriam, & per experimentum ad prompte iudicandum de particularibus expertis; non tamen ita quod prudentia sit in sensu interiori sicut in subiecto principali; sed principaliter quidem est in ratione, per quamdam autem applicationem pertingit ad huiusmodi sensum.

#### ARTICULUS IV. 261

*Utrum prudentia sit virtus.*

*Inf. quæst. IV. art. 1. ad 1. & 1.2. quæst. xxxvii. art. 3. ad 3. & quæst. lxi. art. 1. cor.*

**A**D quartum sic proceditur. Videtur quod prudentia non sit virtus. Dicit enim Augustinus in I. de lib. arb. (cap. xlii. cir. princ.) quod prudentia est appetendum, & vitandum rerum

scientia. Sed scientia contra virtutem dividitur, ut patet in Prædicamentis (cap. de qualis.) Ergo prudentia non est virtus.

2. Præterea. Virtutis non est virtus. Sed artis est virtus, ut Philosophus dicit in VI. Ethic. (cap. v. cir. fi.) Ergo ars non est virtus. Sed in arte est prudentia: dicitur enim II. Paral. 11. 14. de Hiram, quod sciebat celare omnem sculpturam, & adinvenire prudenter quodcumque in opere necessarium esset. Ergo prudentia non est virtus.

3. Præterea. Nulla virtus potest esse immoderata. Sed prudentia est immoderata; alioquin frustra diceretur Proverb. xxiii. 4. Prudentia tua pone modum. Ergo prudentia non est virtus.

Sed contra est quod Gregorius in II. Mor. (cap. xxvii. cir. princ.) prudentiam, temperantiam, fortitudinem, & iustitiam dicit esse quatuor virtutes.

Respondeo dicendum, quod, sicut supra dictum est (1. 2. quæst. iv. art. 2. & 3. & quæst. lvi. art. 1.) cum de virtutibus in communi ageretur, virtus est quæ bonum facit habentem, & opus eius bonum reddit. Bonum autem dici potest dupliciter: uno modo materialiter pro eo quod est bonum; alio modo formaliter secundum rationem boni. Bonum autem, in quantum huiusmodi, est obiectum appetitivæ virtutis. Et ideo si qui habitus iunct qui faciant rectam considerationem rationis, non habito respectu ad rectitudinem appetitus, minus habent de ratione virtutis, tamquam ordinantes ad bonum materialiter, idest ad id quod est bonum, non sub ratione boni. Plus autem habent de ratione virtutis habitus illi qui recipiunt bonum non solum materialiter, sed etiam formaliter, idest id quod est bonum sub ratione boni.

Ad prudentiam autem pertinet, sicut dictum est (art. 1. huius quæst. ad 3. & art. 3.) applicatio rectæ rationis ad opus, quod non fit sine appetitu recto. Et ideo prudentia non solum habet rationem virtutis quam habent aliae virtutes intellectuales; sed etiam habet rationem virtutis quam habent aliae virtutes morales, quibus etiam consummatur.

Ad primum ergo dicendum, quod Augustinus ibi large accipit scientiam pro qualibet recta ratione.

Ad secundum dicendum, quod Philosophus dicit, artis esse virtutem, quia non

non importat restitutionem appetitus: & ideo ad hoc quod homo recte utatur arte, requiritur quod habeat virtutem, quae faciat restitutionem appetitus. Prudentia autem non habet locum in his quae sunt artis, tum quia ars ordinatur ad aliquem particularem finem, tum quia ars habet determinatam media per quae pervenitur ad finem. Dicitur tamen aliquis prudenter operari in his quae sunt artis, per similitudinem quamdam. In quibusdam autem artibus propter incertitudinem eorum quibus pervenitur ad finem, necessarium est consilium, sicut in medicinariis, & in navigatoria, ut dicitur in III. Ethic. (cap. III.)

Ad tertium dicendum, quod illud dictum Sapientis non est sic intelligendum, quod ipsa prudentia sit moderanda, sed quia secundum prudentiam est aliis modis imponendus.

## ARTICULUS V. 262

*Utrum prudentia sit virtus specialis.*

III. dist. IX. quæst. 1. art. 3. quæst. 2. & dist. XXXI. quæst. 1. art. 1. quæst. 2. & quæst. II. art. 1. quæst. 3. ad 2.

**A**D quintum sic proceditur. Videtur quod prudentia non sit specialis virtus. Nulla enim specialis virtus ponitur in communi definitione virtutis: quia in II. Eth. (cap. VI.) definitur virtus *habitus electivus in mediocritate existens, determinata ratione quoad nos, prout sapiens determinabit*. Restat autem ratio intelligitur secundum prudentiam, ut dicitur in VI. Ethic. (cap. V. a med. & cap. ult. cir. med.) Ergo prudentia non est specialis virtus.

2. Præterea. Philosophus dicit in VI. Eth. (cap. XII.) quod *virtus moralis recte facit operari finem, prudentia autem ea quae sunt ad finem*. Sed in qualibet virtute sunt aliqua operanda propter finem. Ergo prudentia est in qualibet virtute: non est ergo virtus specialis.

3. Præterea. Specialis virtus habet speciale obiectum. Sed prudentia non habet speciale obiectum: est enim *recta ratio agibilium*, ut dicitur in VI. Ethicor. (cap. V.) agibilia autem sunt omnia opera virtutum. Ergo prudentia non est specialis virtus.

Sed contra est quod condivideitur, & connumeratur aliis virtutibus: dicitur enim Sap. VIII. 7. *Sobrietatem, & prudentiam docet, iustitiam, & virtutem*.

Respondeo dicendum, quod cum actus & habitus recipiant speciem ex obiectis, ut ex supradictis patet (1. 2. quæst. 1. art. 3. & quæst. XVII. art. 2. & quæst. XIV. art. 2.) necesse est quod habitus cui respondet speciale obiectum ab aliis distinctum, specialis sit habitus; & si est bonus, est specialis virtus. Speciale autem obiectum dicitur, non solum secundum materiale considerationem ipsius, sed magis secundum rationem formalem, ut ex supra dictis patet (1. 2. quæst. XIV. art. 2. ad 1.) Nam una & eadem res cadit sub actus diversorum habituum, & etiam diversarum potentiarum, secundum rationes diversas. Maior autem diversitas obiecti requiritur ad diversitatem habitus; cum plures habitus inveniantur in una potentia, ut supra dictum est (1. 2. quæst. XIV. art. 1.) Diversitas ergo rationis obiecti, quae diversificat potentiam, multo magis diversificat habitum.

Sic ergo dicendum est, quod cum prudentia sit in ratione, ut dictum est (art. 2. hu. quæst.) diversificatur quidem ab aliis virtutibus intellectualibus secundum materiale diversitatem obiectorum: nam *sapientia, scientia, & intellectus* sunt circa necessaria; *ars* autem, & *prudentia* circa contingencia; sed *ars* circa factibilia, quae scilicet in exteriori materia constituuntur, sicut domus, cultellus, & huiusmodi; *prudentia* autem est circa agibilia, quae scilicet in ipso operante consistunt, ut supra habitum est (1. 2. quæst. XVII. art. 4.) Sed a virtutibus moralibus distinguitur prudentia secundum formalem rationem potentiarum distinctivam, scilicet *intellectivam*, in quo est prudentia, & *appetitivam*, in quo est virtus moralis. Unde manifestum est prudentiam esse specialem virtutem ab omnibus aliis virtutibus distinctam.

Ad primum ergo dicendum, quod illa definitio non datur de virtute in communi, sed de virtute morali; in cuius definitione convenienter ponitur virtus intellectualis, communicans in materia cum ipsa, scilicet prudentia: quia sicut virtutis moralis subiectum est aliquid participans rationem; ita virtus moralis habet rationem virtutis, in quantum participat virtutem intellectualem.

Ad secundum dicendum, quod ex illa ratione habetur quod prudentia adiuvat omnes virtutes, & in omnibus operetur; sed hoc non sufficit ad ostendendum quod non sit virtus specialis: quia nihil prohibet in aliquo genere esse aliquam speciem

cien quæ aliquantulum operetur in omnibus speciebus eiusdem generis, sicut Sol aliquantulum influit in omnia corpora.

Ad tertium dicendum, quod agibilia sunt quidem materia prudentiæ, secundum quod sunt obiectum rationis, scilicet sub ratione veri; sunt autem materia moralium virtutum, secundum quod sunt obiectum virtutis appetitivæ, scilicet sub ratione boni.

# ARTICULUS VI. 263

*Utrum prudentia præstituat finem virtutibus moralibus.*

1. P. quæst. xxix. art. 1. ad 2. & 1. 2. quæst. lxxvi. art. 3. & III. dist. xxxiii. quæst. 1. art. 2. & 3. cor.

**A**D sextum sic proceditur. Videtur quod prudentia præstituat finem virtutibus moralibus. Cum enim prudentia sit in ratione, virtus autem moralis in vi appetitiva, videtur quod hoc modo se habeat prudentia ad virtutem moralem, sicut ratio ad vim appetitivam. Sed ratio præstituit finem potentiae appetitivæ. Ergo prudentia præstituit finem virtutibus moralibus.

2. Præterea. Homo excedit res irracionales secundum rationem; sed secundum alia cum eis communicat. (a) Sic ergo se habent aliæ partes hominis ad rationem, sicut se habet homo ad creaturas irracionales. Sed homo est finis creaturarum irrationalium, ut dicitur in I. Polit. (cap. v. & Lib. II. Physic. tex. 24.) Ergo omnes aliæ partes hominis ordinantur ad rationem sicut ad finem. Sed prudentia est *recta ratio agibilium*, ut dictum est (art. i. hu. quæst.) Ergo omnia agibilia ordinantur ad prudentiam sicut ad finem. Ipsa ergo præstituit finem omnibus virtutibus moralibus.

3. Præterea. Proprium est virtutis, vel artis, seu potentie ad quam pertinet finis, ut præcipiat aliis virtutibus, seu artibus ad quas pertinent ea quæ sunt ad finem. Sed prudentia disponit de aliis virtutibus moralibus, & præcipit eis. Ergo præstituit eis finem.

Sed contra est quod Philosophus dicit in VI. Ethic. (cap. xxi. circ. med.) quod *virtus moralis intentionem finis facit rectam*; prudentia autem quæ ad hanc. Ergo ad prudentiam non pertinet præstingere finem virtutibus moralibus, sed lo-

S. Tb. Oper. Tom. XXII.

lum disponere de his quæ sunt ad finem.

Respondeo dicendum, quod finis virtutum moralium est bonum humanum. Bonum autem humanæ animæ est *secundum rationem esse*, ut patet per Dionysium iv. cap. de div. Nom. (par. 4. lect. 22.) Unde necesse est quod fines moralium virtutum præexistant in ratione.

Sicut autem in ratione speculativa sunt quædam ut naturaliter nota, quorum est intellectus; & quædam quæ per illa intelleguntur, scilicet conclusiones, quarum est scientia: ita in ratione practica præexistunt quædam ut principia naturaliter nota; & huiusmodi sunt fines virtutum moralium: quia finis se habet in operabilibus, sicut principium in speculativis, ut supra habitum est (quæst. xxiii. art. 7. ad 2. & quæst. xxvi. art. 1. ad 1. & 2. quæst. xxxv. art. 3.) & quædam sunt in ratione practica ut conclusiones; & huiusmodi sunt ea quæ sunt ad finem, in quæ pervenimus ex ipsis finibus: & horum est prudentia, applicans universalia principia ad particulares conclusiones operabilium. Et ideo ad prudentiam non pertinet præstingere finem virtutibus moralibus, sed solum disponere de his quæ sunt ad finem.

Ad primum ergo dicendum, quod virtutibus moralibus præstituit finem ratio naturalis, quæ dicitur synderesis, ut in I. habitum est (quæst. lxxix. art. 22.) non autem prudentia, ratione iam dicta (in corp.)

Et per hoc patet responsio ad secundum.

Ad tertium dicendum, quod finis non pertinet ad virtutes morales, tamquam ipsæ præstituant finem, sed quia tendunt in finem a ratione naturali præstitutum: ad quod iuvantur per prudentiam, quæ eis viam parat, disponendo ea quæ sunt ad finem. Unde relinquitur quod prudentia sit nobilior virtutibus moralibus, & moveat eas, sed synderesis movet prudentiam, sicut intellectus principiorum scientiam.

R A R-

(a) Ita cum inf. & sic. amov. Theologi legendam putant: Sic ergo se habet ratio ad alias partes hominis, sicut se habet homo &c.

## ARTICULUS VII. 264

*Utrum ad prudentiam pertineat invenire medium in virtutibus moralibus.*

*Inf. quæst. cxxiii. art. 12. & quæst. cxli. art. 8. & 1. 2. quæst. lxi. art. 3. ad 3. & quæst. lxxvi. art. 2.*

**A**D septimum sic proceditur. Videtur quod ad prudentiam non pertineat invenire medium in virtutibus moralibus. Consequi enim medium est finis moralium virtutum. Sed prudentia non præstituit finem moralibus virtutibus, ut ostensum est (art. præc.) Ergo non invenit in eis medium.

2. Præterea. Illud quod est per se, non videtur causam habere, sed ipsum esse est sui ipsius causa: quia unumquodque dicitur esse per causam suam. Sed *existens in medio* convenit virtuti morali per se, quasi positum in eius definitione, ut ex dictis patet (art. 5. huius quæst. arg. 1.) Non ergo prudentia causat medium in virtutibus moralibus.

3. Præterea. Prudentia operatur secundum modum rationis. Sed virtus moralis tendit ad medium per modum naturæ: quia, ut Tullius dicit in II. Rhet. (scilicet de invent. aliquant. ante fin.) *virtus est habitus per modum naturæ rationi consentaneus*. Ergo prudentia non præstituit medium virtutibus moralibus.

Sed contra est quod in definitione virtutis moralis supra posita (art. 5. huius quæst. arg. 1.) dicitur, quod *est in medietate existens determinata ratione, prout sapiens determinabit*.

Respondeo dicendum, quod hoc ipsum quod est conformari rationi rectæ, est finis proprius cuiuslibet virtutis moralis. Temperantia enim hoc intendit, ne propter concupiscentias homo divertat a ratione; & similiter fortitudo, ne a recto iudicio rationis divertat propter timorem, vel audaciam: & hic finis præstitutus est homini secundum naturalem rationem: naturalis enim ratio dicitur unicuique ut secundum rationem operetur.

Sed qualiter, & per quæ homo in operando attingat medium rationis, pertinet (a) ad rationem prudentiæ. Licet enim attingere medium sit finis virtutis moralis; tamen (b) per rectam dispositionem eorum quæ sunt ad finem, medium invenitur.

Et per hoc patet responsio ad primum.

Ad secundum dicendum, quod sicut agens naturale facit ut forma sit in materia, non tamen facit ut formæ convenient ea quæ per se ei insunt; ita etiam prudentia medium constituit in passionibus, & operationibus; non tamen facit quod medium quærere conveniat virtuti.

Ad tertium dicendum, quod virtus moralis per modum naturæ intendit pervenire ad medium. Sed quia medium, secundum quod medium, non eodem modo invenitur in omnibus; ideo inclinatio naturæ, quæ semper eodem modo operatur, ad hoc non sufficit, sed requiritur ratio prudentiæ.

## ARTICULUS VIII. 265

*Utrum præcipere sit principalis actus prudentiæ.*

*Inf. quæst. li. art. 2. & III. dist. xxxviii. quæst. li. art. 3. & Rom. viiii. lect. 1. fin. & Eph. ii. lect. 8.*

**A**D octavum sic proceditur. Videtur quod præcipere non sit principalis actus prudentiæ. Præcipere enim pertinet ad bona quæ sunt scienda. Sed Augustinus XIV. de Trinit. (cap. ix. circ. fin.) ponit actum prudentiæ *præcavere insidias*. Ergo præcipere non est principalis actus prudentiæ.

2. Præterea. Philosophus dicit in VI. Ethic. (cap. v. in princ.) quod *prudentis est bene consiliari*. Sed alius actus videtur esse consiliari, & præcipere, ut ex supra dictis patet (art. 6. & 7. huius quæst. & 1. 2. quæst. xiv. & xvii.) Ergo prudentiæ principalis actus non est præcipere.

3. Præterea. Præcipere, vel imperare videtur pertinere ad voluntatem, cuius obiectum est finis, & quæ movet alias potentias animæ. Sed prudentia non est in voluntate, sed in ratione. Ergo prudentiæ actus non est præcipere.

Sed contra est quod Philosophus dicit in VI. Ethic. (cap. x.) quod *prudentia præceptiva est*.

Respondeo dicendum, quod prudentia est *recta ratio agibilium*, ut supra dictum est (art. 2. huius quæst.) Unde oportet quod ille sit præcipiens actus prudentiæ qui est præcipiens actus rationis agibilium: cuius quidem sunt tres actus. Quorum primus est *consiliari*, quod pertinet ad inventionem: nam consiliari est quærere, ut

(a) Ita edit. Rom. & Patav. 1690. cum codicibus pluribus. Edit. recentiores dispositionem, cum Nicolao. (b) Ita mss. & editi passim. Nicolaus peracta dispositione eorum &c.

ut supra habitum est (1. 2. quæst. xiv. ar. 1.) Secundus actus est *iudicare de inventis*; & hoc facit speculativa ratio. Sed practica ratio, quæ ordinatur ad opus, præcedit ulterius; & est certus actus eius *præcipere*: qui quidem actus consistit in applicatione consiliatorum, & iudicatorum ad operandum. Et quia iste actus est propinquior fini rationis practicæ, inde est quod iste est principalis actus rationis practicæ, & per consequens prudentiæ.

Et huius signum est quod perfectio artis consistit in iudicando, non autem in præcipiendo. Ideo reputatur melior artifex qui volens peccat in arte, quasi habens rectum iudicium, quam qui peccat nolens, quod videtur esse ex defectu iudicii. Sed in prudentia est e converso, ut dicitur in VI. Ethic. (cap. v. circ. fin.); imprudentior enim est qui volens peccat, quasi deficient in principali actu prudentiæ, qui est præcipere, quam qui peccat nolens.

Ad primum ergo dicendum, quod actus præcipiendi se extendit & ad bona prosequenda, & ad mala cavenda; & tamen *præcavere invidetur* non attribuit Augustinus prudentiæ quasi principalem actum ipsius, sed quia iste actus prudentiæ non manet in patria.

Ad secundum dicendum, quod bonitas consilii requiritur ut ea quæ sunt bene inventa, applicentur ad opus: & ideo præcipere pertinet ad prudentiam, quæ est bene consiliativa.

Ad tertium dicendum, quod movere absolute pertinet ad voluntatem; sed præcipere importat motionem cum quadam ordinatione: & ideo est actus rationis, ut supra dictum est (in corp. & 1. 2. quæst. xvii. art. 1.)

## ARTICULUS IX. 266

*Utrum sollicitudo pertineat ad prudentiam.*

*Inf. quæst. xlviii. art. 1. ad 5. & quæst. liv. art. 2.*

**A**D nonum sic proceditur. Videtur quod sollicitudo non pertineat ad prudentiam. Sollicitudo enim inquietudinem quandam importat: dicit enim Isidorus in Lib. X. Etym. (ad lit. s.) quod *solicitus dicitur qui est inquietus*. Sed motio maxime pertinet ad vim appetitivam. Ergo & sollicitudo. Sed prudentia non est in vi appetitiva, sed in ratione, ut

supra habitum est (art. 1. huius quæst.) Ergo sollicitudo non pertinet ad prudentiam.

2. Præterea. Sollicitudini videtur opponi certitudo veritatis; unde dicitur I. Reg. ix. 20. quod Samuel dixit ad Saul: *Da aſinis, (a) quas nudius tertius perdidisti, ne sollicitus sis, quia invente sunt*. Sed certitudo veritatis pertinet ad prudentiam, cum sit virtus intellectualis. Ergo sollicitudo opponitur prudentiæ magis quam ad eam pertineat.

3. Præterea. Philosophus dicit in IV. Ethic. (cap. xii. vers. fin.) quod *ad magnanimum pertinet pigrum esse, & otiosum*. Pigritiæ autem opponitur sollicitudo. Cum ergo prudentia non opponatur magnanimitati, quia *bonum non est bono contrarium*, ut dicitur in Prædicamentis (cap. de oppositis) videtur quod sollicitudo non pertineat ad prudentiam.

Sed contra est quod dicitur I. Petr. iv. 7. *Esote prudentes, & vigilate in orationibus*. Sed vigilantia est idem sollicitudini. Ergo sollicitudo pertinet ad prudentiam.

Respondetur dicendum, quod, sicut dicit Isidorus in Lib. X. Etym. (ad lit. s.) *solicitus dicitur, quasi solers citius*, in quantum scilicet aliquis ex quadam solertia animi velox est ad prosequendum ea quæ sunt agenda. Hoc autem pertinet ad prudentiam; cuius præcipuus actus est circa agenda præcipere de præconſiliatis, & iudicatis. Unde Philosophus dicit in VI. Ethic. (cap. ix. circ. princ.) quod *oportet operari quidem velociter conſiliata, conſiliari autem tarde*. Et inde est quod sollicitudo proprie ad prudentiam pertinet: & propter hoc Augustinus dicit in Lib. de moribus Eccl. (cap. xxiv. circ. med.) quod *prudencie sunt excubie, atque diligentissima vigilantia, ne subrepente paulatim mala suavione fallamur*.

Ad primum ergo dicendum, quod motus quidem pertinet ad vim appetitivam sicut ad principium movens; tamen secundum præceptum, & directionem rationis, in quo consistit ratio sollicitudinis.

Ad secundum dicendum, quod secundum Philosophum in I. Ethic. (cap. xii. circ. princ. & cap. vii. circ. fin.) *certitudo non est similiter querenda in omnibus, sed in unaquaque materia secundum proprium modum*. Quia vero materia prudentiæ sunt singularia contingencia, circa quæ sunt operationes humanæ; non

R 2 pot-

(a) Ita mss. & editi passim. Al. omittitur quas nudius tertius perdidisti.

potest certitudo prudentiae tanta esse, quod omnino sollicitudo tollatur.

Ad tertium dicendum, quod magnanimus dicitur esse piger, & otiosus, non quia de nullo sit sollicitus, sed quia non est superflue sollicitus de multis, sed confidit in his de quibus confidendum est, & circa illa non superflue sollicitatur: superfluitas enim timoris, & diffidentiae tacit superfluitatem sollicitudinis: quia timor facit consiliari nos, ut supra dictum est (1. 2. quaest. xlv. art. 2.) cum de passione timoris ageretur.

#### ARTICULUS X. 267

*Utrum prudentia se extendat ad regimen multitudinis.*

*Inf. quaest. lxx. art. 3. ad 3. & I. P. quaest. xx, 1. art. 1. cor.*

**A**D decimum sic proceditur. Videtur quod prudentia non se extendat ad regimen multitudinis, sed solum ad regimen sui ipsius. Dicit enim Philosophus in V. Ethic. (cap. 1. ad fin.) quod *virtus relata ad bonum commune est iustitia*. Sed prudentia differt a iustitia. Ergo prudentia non refertur ad bonum commune.

2. Praeterea. Ille videtur esse prudens qui ubi ipsi bonum quaerit, & operatur. Sed frequenter illi qui quaerunt bona communia, negligunt sua. Ergo non sunt prudentes.

3. Praeterea. Prudentia dividitur contra temperantiam, & fortitudinem. Sed temperantia, & fortitudo videntur dici solum per comparisonem ad bonum proprium. Ergo etiam prudentia.

Sed contra est quod Dominus dicit Matth. xxiv. 45. *Quis putas est fidelis servus, & prudens, quem constituit dominus super familiam suam?*

Respondeo dicendum, quod, sicut Philosophus dicit in VI. Ethic. (cap. vii.) quidam posuerunt, quod prudentia non se extendit ad bonum commune, sed solum ad bonum proprium: & hoc ideo, quia existimabant quod non oportet hominem quaerere nisi bonum proprium.

Sed haec aestimatio repugnat caritati, quae non quaerit quae sua sunt, ut dicitur I. ad Corinth. xiii. 5. Unde & Apostolus de seipso dicit I. ad Corinth. x. 33. *Non quaerens quod mihi utile sit, sed quod multis, ut salvi fiant*. Repugnat etiam rationi rectae, quae hoc iudicat quod bo-

num commune sit melius quam bonum unius.

Quia ergo ad prudentiam pertinet recte consiliari, iudicare, & praecipere de his per quae pervenitur ad debitum finem; manifestum est quod prudentia non solum se habet ad bonum privatum unius hominis, sed etiam ad bonum commune multitudinis.

Ad primum ergo dicendum, quod Philosophus ibi loquitur de virtute morali. Sicut autem omnis virtus moralis relata ad bonum commune, dicitur. legalis iustitia; ita prudentia relata ad bonum commune, vocatur prudentia politica: nam sic se habet politica ad iustitiam legalem, sicut se habet prudentia simpliciter dicta ad virtutem moralem.

Ad secundum dicendum, quod ille qui quaerit bonum commune multitudinis, ex consequenti etiam quaerit bonum suum, propter duo. Primo quidem quia bonum proprium non potest esse sine bono communi vel familiae, vel civitatis, aut regni. Unde & Valerius Maximus (Lib. IV. cap. iv. num. 9.) dicit de antiquis Romanis, quod *malebant esse pauperes in divite imperio, quam divites in paupere imperio*. Secundo quia cum hominibus pars domus, vel civitatis, oportet quod homo consideret quid sit tibi bonum, ex hoc quod est prudens circa bonum multitudinis. Bona enim dispositio partium accipitur secundum habitudinem ad totum: quia, ut Augustinus dicit in Lib. III. Confess. (cap. viii. ante med.) *turpis est omnis pars suo toti non conveniens, (a) vel non congruens*.

Ad tertium dicendum, quod etiam temperantia, & fortitudo possunt referri ad bonum commune: unde de actibus earum dantur praecepta legis, ut dicitur in V. Ethic. (cap. 1. a med.) Magis tamen prudentia, & iustitia, quae pertinent ad partem rationalem, ad quam directe pertinent communia, sicut ad partem sensitivam pertinent singularia.

A R

(a) Ita ex mss. veteres D. Thoma editiones. Nicolai vel suo universo non congruens. Arguendi ratio: Turpis enim omnis pars est suo universo non congruens.

ARTICULUS XI. 268

*Utrum prudentia quæ est respectu boni proprii, sit eadem specie cum ea quæ se extendit ad bonum commune.*

*Inf. quæst. xlviii. art. 1. cor. fin. & ad 2. & quæst. lviii. art. 9. ad 4.*

**A**D undecimum sic proceditur. Videtur quod prudentia quæ est respectu boni proprii, sit eadem specie cum ea quæ se extendit ad bonum commune. Dicit enim Philosophus in VI. Ethic. (cap. viii. in princ.) quod *politica, & prudentia idem habitus est; esse autem non idem ipsi.*

2. Præterea. Philosophus dicit in III. Politicæ (cap. iiii.) quod *eadem est virtus viri boni, & boni principis.* Sed politica maxime est in principe, in quo est sicut architectonica. Cum ergo prudentia sit virtus boni viri, videtur quod sit idem habitus prudentia, & politica.

3. Præterea. Ea quorum unum ordinatur ad aliud, non diversificant speciem, aut substantiam habitus. Sed bonum proprium, quod pertinet ad prudentiam simpliciter dictam, ordinatur ad bonum commune, quod pertinet ad politicam. Ergo politica, & prudentia neque differunt specie, neque secundum habitus substantiam.

Sed contra est quod diversæ scientiæ sunt politica, quæ ordinatur ad bonum commune civitatis; & *œconomica*, quæ de his est quæ pertinent ad bonum commune domus, vel familiæ; & *monastica*, quæ est de his quæ pertinent ad bonum unius personæ. Ergo pari ratione & prudentiæ sunt species diversæ, secundum hanc diversitatem materiæ.

Respondetur dicendum, quod, sicut supra dictum est (art. 5. huius quæst. & 1. 2. quæst. liv. art. 2. ad 1.) species habituum diversificantur secundum diversitatem objecti, quæ attenditur penes rationem formalem ipsius. Ratio autem formalis omnium quæ sunt ad finem, attenditur ex parte finis, sicut ex supra dictis patet (1. 2. in prolog. & quæst. cii. art. 1.) & ideo necesse est quod ex relatione ad diversos fines diversificentur species habitus. Diversi autem fines sunt bonum proprium unius, & bonum familiæ, & bonum civitatis, & regni.

Unde necesse est quod prudentiæ differant specie secundum differentiam horum finium; ut scilicet una sit prudentia sim-

*S. Tb. Oper. Tom. XXII.*

pliciter dicta, quæ ordinatur ad bonum proprium; alia autem *œconomica*, quæ ordinatur ad bonum commune domus, vel familiæ; & tertia politica, quæ ordinatur ad bonum commune civitatis, vel regni.

Ad primum ergo dicendum, quod Philosophus non intendit dicere, quod politica sit idem secundum substantiam habitus cuilibet prudentiæ, sed prudentiæ quæ ordinatur ad bonum commune: quæ quidem prudentia dicitur secundum communem rationem prudentiæ, prout scilicet est quædam *ratio recta agibilium*; dicitur autem politica secundum ordinem ad bonum commune.

Ad secundum dicendum, quod, sicut Philosophus ibid. dicit, *ad bonum virum pertinet posse bene principari, & bene subditi*; & ideo in virtute boni viri includitur etiam virtus boni principis. Sed virtus principis, & subditi differunt specie, sicut etiam virtus viri, & mulieris, ut ibidem dicitur.

Ad tertium dicendum, quod etiam diversi fines, quorum unus ordinatur ad alium, diversificant speciem habitus; sicut equestris, & militaris, & civilis differunt specie, licet finis unius ordinetur ad finem alterius; & similiter licet bonum unius ordinetur ad bonum multitudinis; tamen hoc non impedit quin talis diversitas faciat habitus differre specie; sed ex hoc sequitur quod habitus qui ordinatur ad finem ultimum sit principalior, & imperet aliis habitibus.

ARTICULUS XII. 269

*Utrum prudentia sit in subditis, an solum in principibus.*

*Inf. quæst. xlix. art. 3. ad 3. & quæst. l. art. 2. circa fin.*

**A**D duodecimum sic proceditur. Videtur quod prudentia non sit in subditis, sed solum in principibus. Dicit enim Philosophus in III. Polit. (cap. iiii.) quod *prudentia sola est propria virtus principis; alie autem virtutes sunt communes subditorum, & principum: subditi autem non est virtus prudentia, sed opinio vera.*

2. Præterea. In I. Polit. (cap. ult. a med.) dicitur, quod *servus omnino non habet quid consiliarium*. Sed prudentia facit bene consiliativos, ut dicitur in VI. Ethic. (cap. v.) Ergo prudentia non competit servis, seu subditis.

R 3 3. Præ-

3. Præterea. Prudentia est præceptiva, ut supra dictum est (art. 8. huius quæst.) Sed præcipere non pertinet ad servos, vel subditos, sed solum ad principes. Ergo prudentia non est in subditis, sed solum in principibus.

Sed contra est quod Philosophus dicit in VI. Ethicor. (cap. viiii. circ. princ.) quod prudentie politicae sunt duae species: una quae est legum politiva, quae pertinet ad principes; alia quae retinet commune nomen politicae, quae est circa singularia. Huiusmodi autem singularia peragere, pertinet etiam ad subditos. Ergo prudentia non est solum principum, sed etiam subditorum.

Respondere dicendum, quod prudentia in ratione est. Regere autem, & gubernare proprie rationis est: & ideo inquantum unumquique participat de regimine, & gubernatione, inquantum convenit sibi habere rationem, & prudentiam. Manifestum est autem quod subditi, inquantum est subditi, & servi, inquantum est servus, non est regere, & gubernare, sed magis regi, & gubernari: & ideo prudentia non est virtus servi, inquantum est servus, nec subditi, inquantum est subditi.

Sed quia quilibet homo, inquantum est rationalis, participat aliquid de regimine secundum arbitrium rationis, intantum convenit ei prudentiam habere. Unde manifestum est quod prudentia quidem in principio est ad modum artis architectonica, ut dicitur in VI. Ethicor. (cap. viii. circ. princ.) in subditis autem ad modum artis manu operantis.

Ad primum ergo dicendum, quod verbum Philosophi est intelligendum, per se loquendo, quia scilicet prudentia non est virtus subditi, inquantum huiusmodi.

Ad secundum dicendum, quod servus non habet quid confiliativum, inquantum est servus (sic enim est instrumentum domini) est tamen confiliativus, inquantum est animal rationale.

Ad tertium dicendum, quod per prudentiam homo non solum præcipit aliis, sed etiam sibiipsi, prout scilicet ratio dicitur præcipere inferioribus viribus.

## ARTICULUS XIII. 279

*Utrum prudentia possit esse in peccatoribus.*

*Inf. quæst. 1. art. 3. ad 2. & quæst. 11. art. 1. ad 3. & vir. quæst. 4. art. 2. cor. & ad 3.*

**A**D decimumtertium sic proceditur. Videtur quod prudentia possit esse in peccatoribus. Dicit enim Dominus Luc. xvi. 8. *Filii huius sæculi prudentiores filijs lucis in generatione sua sunt.* Sed filii huius sæculi sunt peccatores. Ergo in peccatoribus potest esse prudentia.

2. Præterea. Fides est nobilior virtus quam prudentia. Sed fides potest esse in peccatoribus. Ergo & prudentia.

3. Prætereā. Prudentis hoc opus maxime dicimus, bene consiliari, ut dicitur in VI. Ethic. (cap. v. cir. princ. & cap. VII. a med.) Sed multi peccatores sunt boni consilii. Ergo multi peccatores habent prudentiam.

Sed contra est quod Philosophus dicit in VI. Ethic. (cap. XII. in fi.) *Impossibile est prudentem esse non existentem bonum.* Sed nullus peccator est bonus. Ergo nullus peccator est prudens.

Respondendo dicendum, quod prudentia dicitur tripliciter. Est enim quaedam prudentia falsa, vel per similitudinem dicta. Cum enim prudens sit qui bene disponit ea quae sunt agenda propter aliquem bonum finem, ille qui propter malum finem aliqua disponit congruentia illi fini, habet falsam prudentiam, inquam illud quod accipit pro fine, non est vere bonum, sed secundum similitudinem; sicut dicitur aliquis bonus latro: hoc enim modo potest secundum similitudinem dici prudens latro, qui convenientes vias adveniat ad latrocinandum. Et huiusmodi est prudentia de qua Apostolus dicit ad Rom. viii. 6. *Prudentia carnis mors est*, quae scilicet finem ultimum constituit in delectatione carnis.

Secunda autem prudentia est quidem vera, quia advenit vias accommodatas ad finem vere bonum, sed est imperfecta, duplici ratione. Uno modo quia illud bonum quod accipit pro fine, non est communis finis totius humanæ vitæ, sed alicuius specialis negotii; puta cum aliquis advenit vias accommodatas ad negotiandum, vel ad navigandum, dicitur prudens negotiator, vel nauta. Alio modo quia deficit in principali actu prudentiæ; puta cum aliquis recte consiliatur.



tur, & bene iudicat etiam de his quæ pertinent ad totam vitam, sed non effaciter præcipit.

Tertia autem prudentia est & vera, & perfecta, quæ ad bonum finem totius vitæ recte consiliatur, iudicat, & præcipit: & hæc sola dicitur prudentia simpliciter: quæ in peccatoribus esse non potest; prima autem prudentia est in solis peccatoribus; prudentia autem imperfecta est communis bonis, & malis, maxime illa quæ est imperfecta propter finem particularem: nam illa quæ est imperfecta propter defectum principalis actus, etiam non est nisi in malis.

Ad primum ergo dicendum, quod illud verbum Domini intelligitur de prima prudentia: unde non dicitur simpliciter, quod sint prudentes, sed *in generatione sua*.

Ad secundum dicendum, quod fides in sui ratione non importat aliquam conformitatem ad appetitum rectorum operum, sed ratio huius consistit in sola cognitione. Sed prudentia importat ordinem ad appetitum rectum: tum quia principia prudentiæ sunt fines operabilium, de quibus aliquis habet rectam æstimationem per habitus virtutum moralium, quæ faciunt appetitum rectum: unde prudentia non potest esse sine virtutibus moralibus, ut supra ostensum est (1. 2. quæst. lvi. art. 5.) tum etiam quia prudentia est præceptiva rectorum operum; quod non contingit, nisi existente appetitu recto. Unde licet fides sit nobilior quam prudentia, propter obiectum; tamen prudentia secundum sui rationem magis repugnat peccato, quod procedit ex pervertitate appetitus.

Ad tertium dicendum, quod peccatores possunt quidem esse bene consiliativi ad aliquem finem malum, vel ad aliquod particulare bonum; ad finem autem bonum totius vitæ non sunt bene consiliativi perfecte, quia consilium ad effectum non perducunt. Unde non est in eis prudentia, quæ se habet solum ad bonum; sed, sicut Philosophus dicit in VI. Ethic. (cap. xii. cir. fi.) est in talibus *dinotica*, idest naturalis industria. quæ se habet ad bonum, & malum: vel astutia, quæ se habet solum ad malum, quam supra diximus (in cor. art.) *falsam prudentiam*, vel *prudentiam carnalis*.

ARTICULUS XIV. 271

*Utrum prudentia sit in omnibus habentibus gratiam.*

*Inf. quæst. xxxi. art. 1. ad 3.*

**A**D quartumdecimum sic proceditur. Videtur quod prudentia non sit in omnibus habentibus gratiam. Ad prudentiam enim requiritur industria quædam, per quam sciant bene providere quæ agenda sunt. Sed multi habentes gratiam carent tali industria. Ergo non omnes habentes gratiam habent prudentiam.

2. Præterea. Prudens dicitur qui est bene consiliativus, ut dictum est (art. præc. arg. 3. & art. 8. hu. quæst. arg. 2.) Sed multi habent gratiam qui non sunt bene consiliativi, sed necesse habent regi consilio alieno. Ergo non omnes habentes gratiam habent prudentiam.

3. Præterea. Philosophus dicit in III. Top. (cap. ii. loc. 24.) quod *iuvenes constat non esse prudentes*. Sed multi iuvenes habent gratiam. Ergo prudentia non invenitur in omnibus gratiam habentibus.

Sed contra est quod nullus habet gratiam, nisi sit virtuosus. Sed nullus potest esse virtuosus, nisi habeat prudentiam: dicit enim Gregorius in II. Moral. (cap. xxiv. ante med.) quod *ceteræ virtutes, nisi ea quæ appetunt, prudentes agant, virtutes esse nequaquam possunt*. Ergo omnes habentes gratiam habent prudentiam.

Respondeo dicendum, quod necesse est virtutes esse connexas, ita ut qui unam habet, omnes habeat, sicut supra ostensum est (1. 2. quæst. lxxv art. 1.).

Quicumque autem habet gratiam, habet caritatem: unde necesse est quod habeat omnes alias virtutes. & ita cum prudentia sit virtus, ut ostensum est (art. 4. hu. quæst.) necesse est quod habeat prudentiam.

Ad primum ergo dicendum, quod duplex est industria. Una quidem quæ est sufficiens ad ea quæ sunt de necessitate salutis: & talis industria datur omnibus habentibus gratiam, quos *unus docet de omnibus*, ut dicitur I. Ioan. ii. Est autem alia industria plenior, per quam aliquis sibi, & aliis potest providere; non solum de his quæ sunt necessaria ad salutem, sed etiam de quibuscumque pertinentibus ad humanam vitam: & talis indu-

stria non est in omnibus habentibus gratiam.

Ad secundum dicendum, quod illi qui indigent regi consilio alieno, saltem in hoc sibi ipsi consulere sciunt, si gratiam habent, ut aliorum requirant consilia, & discernant consilia bona a malis.

Ad tertium dicendum, quod prudentia acquisita causatur ex exercitio actuum: unde indiget ad sui generationem experimento, & tempore, ut dicitur in II. Ethic. (in princ. & Lib. VI. cap. viii. a med.) unde non potest esse in iuvenibus nec secundum habitum, nec secundum actum. Sed prudentia gratuita causatur ex infusione divina: unde in pueris baptizatis nondum habentibus usum rationis est prudentia secundum habitum, sed non secundum actum; sicut & in amentibus: in his autem qui iam habent usum rationis, est etiam secundum actum, quantum ad ea quæ sunt de necessitate salutis; sed per exercitium meretur augmentum, quousque perficiatur, sicut & ceteræ virtutes. Unde & Apostolus dicit ad Hebr. v. 14. quod *perfectorum est solidus cibus, eorum qui pro consuetudine exercitatos habent sensus ad discretionem boni, & mali.*

# ARTICULUS XV. 273

*Utrum prudentia inest nobis a natura.*

II. dist. xxiii. quæst. 11. art. 2. fin. & Ter. quæst. xviii. art. 7. ad 7.

**A**D decimumquintum sic proceditur. Videtur quod prudentia inest nobis a natura. Dicit enim Philosophus in VI. Eth. (cap. xi.) quod ea quæ pertinent ad prudentiam, naturalia videntur esse, scilicet syneſis, gnome, & huiusmodi; nec autem ea quæ pertinent ad sapientiam speculativam. Sed eorum quæ sunt unius generis, eadem est originis ratio. Ergo etiam prudentia inest nobis a natura.

2. Præterea. Aetatum variatio est secundum naturam. Sed prudentia consequitur ætates, secundum illud Iob xiii. 22. *In antiquis est sapientia, & in multo tempore prudentia.* Ergo prudentia est naturalis.

3. Præterea. Prudentia magis convenit naturæ humanæ quam naturæ brutorum animalium. Sed bruta animalia habent quasdam naturales prudentias, ut patet per Philosophum in VIII. de hist. anim. (cap. i. & Lib. IX. cap. v. & vi.) Ergo prudentia est naturalis.

Sed contra est quod Philosophus dicit in II. Ethic. (cap. i.) quod *virtus intellectualis ut plurimum ex doctrina habet & generationem, & augmentum: ideo experimento indiget, & tempore.* Sed prudentia est virtus intellectualis, ut supra habitum est (art. 4. hu. quæst.) Ergo prudentia non inest nobis a natura, sed ex doctrina, & experimento.

Respondeo dicendum, quod, sicut ex præmissis patet (art. 2. & 3. hu. quæst.) prudentia includit cognitionem & universalium, & singularium operabilium, ad quæ prudens universalia principia applicat.

Quantum ergo ad universalem cognitionem, eadem ratio est de prudentia, & scientia speculativa: quia utriusque prima principia universalia sunt naturaliter nota, ut ex supra dictis patet (art. 6. hu. quæst.) nisi quod principia communia prudentiæ sunt magis connaturalia homini. Ut enim Philosophus dicit in X. Eth. (cap. vii. & viii.) *vita quæ est secundum speculationem, est melior quam quæ est secundum hominem.* Sed alia principia universalia posteriora, sive sint rationis speculativæ, sive practicæ, non habentur per naturam, sed per inventionem secundum viam experimenti, vel per disciplinam.

Quantum autem ad particularem cognitionem eorum circa quæ operatio consistit, est iterum distinguendum: quia operatio consistit circa aliquid vel sicut circa finem, vel sicut circa ea quæ sunt ad finem. Fines autem recti humanæ vitæ sunt determinati: & ideo potest esse naturalis inclinatio respectu horum finium, sicut supra dictum est (1. 2. quæst. lxxi. art. 1. & 2.) quod quidam habent ex naturali dispositione quasdam virtutes, quibus inclinantur ad rectos fines; & per consequens etiam habent naturaliter rectum iudicium de huiusmodi finibus.

Sed ea quæ sunt ad finem in rebus humanis non sunt determinata, sed multipliciter diversificantur secundum diversitatem personarum, & negotiorum. Unde quia inclinatio naturæ semper est ad aliquid determinatum, talis cognitio non potest homini inesse naturaliter; licet ex naturali dispositione unus sit aptior ad huiusmodi discernenda quam alius, sicut etiam accidit circa conclusiones speculativarum scientiarum. Quia ergo prudentia non est circa fines, sed circa ea quæ sunt ad finem, ut supra habitum est (art. 6. hu. quæst.) ideo prudentia non est naturalis. Ad

Ad primum ergo dicendum, quod Philosophus ibi loquitur de pertinentibus ad prudentiam, secundum quod ordinatur ad fines. Unde supra præmiserat (ibid.), quod *principia sunt eius quod est cuius gratia*, id est finis: & propter hoc non tacit inter ea mentionem de eubulia, quæ est consiliativa eorum quæ sunt ad finem.

Ad secundum dicendum, quod prudentia magis est in sensibus, non solum propter naturalem dispositionem quierantem motuum passionum sensibillum, sed etiam propter experientiam longi temporis.

Ad tertium dicendum, quod etiam in brutis animalibus sunt determinatæ viæ perveniendi ad finem: unde videmus quod omnia animalia eiusdem speciei similiter operantur. Sed hoc non potest esse in homine propter rationem eius, quæ cum fit cognoscitiva universalium, ad infinita singularia se extendit.

## ARTICULUS XVI. 273

*Utrum prudentia possit amitti per oblivionem.*

1. 2. quæst. lxxi. art. 1. corp. & ver. quæst. xviii. art. 7. ad 6.

**A**D decimum sextum sic proceditur. Videtur quod prudentia possit amitti per oblivionem. Scientia enim, cum fit necessarium, est certior quam prudentia, quæ est contingentium operabilium. Sed scientia amittitur per oblivionem. Ergo multo magis prudentia.

2. Præterea. Sicut Philosophus dicit in II. Ethic. (cap. 1. & 11.) *virtus ex eisdem generatur, & corrumpitur contrario modo factis*. Sed ad generationem prudentiæ necessarium est experimentum, quod fit ex multis memoriis, ut dicitur in princ. Metaphysic. Ergo cum oblivio memoriæ opponatur, videtur quod prudentia per oblivionem possit amitti.

3. Præterea. Prudentia non est sine cognitione universalium. Sed universalium cognitio potest per oblivionem amitti. Ergo & prudentia.

Sed contra est quod Philosophus dicit in VI. Ethic. (cap. v. in fi.) quod *oblivio est artis, & non prudentiæ*.

Respondetur dicendum, quod oblivio respicit cognitionem tantum: & ideo per oblivionem potest aliquis artem totaliter perdere, & similiter scientiam, quæ in ratione consistit. Sed prudentia non consistit in sola cognitione, sed etiam in

appetitu: quia, ut dictum est (art. 8. hu. quæst.) principalis eius actus est præcipere, quod est applicare cognitionem habitam ad appetendum, & operandum. Et ideo prudentia non directe tollitur per oblivionem, sed magis corrumpitur per passionem: dicit enim Philosophus in VI. Ethic. (cap. v. a med.) quod *delectabile, & triste pervertit estimationem prudentiæ*. Unde Dan. xlii. 36. dicitur: *Species deiecit de, & concupiscentia subvertit cor suum*: & Exod. xlii. 8. dicitur: *Ne accipias munera, quæ excæcant etiam prudentes*.

Oblivio tamen potest impedire prudentiam, in quantum procedit ad præcipiendum ex aliqua cognitione, quæ per oblivionem tolli potest.

Ad primum ergo dicendum, quod scientia est in sola ratione: unde de ea est actus ratio, ut supra dictum est (in corp. & 1. 2. quæst. lxxi. art. 1.)

Ad secundum dicendum, quod experimentum prudentiæ non acquiritur ex sola memoria, sed ex exercitio recte præcipiendi.

Ad tertium dicendum, quod prudentia principaliter consistit non in cognitione universalium, sed in applicatione ad opera, ut dictum est (in corp. & art. 3. hu. quæst.) Et ideo oblivio universalis cognitionis non corrumpit id quod est principale in prudentia, sed aliquod impedimentum ei affert, ut dictum est (in corp. art.)

## QUAESTIO XLVIII.

*De partibus prudentiæ.*

**D**Einde considerandum est de partibus prudentiæ: & circa hoc quaeruntur quatuor. Primo quæ sint partes prudentiæ; secundo de partibus quasi integralibus eius; tertio de partibus subiectivis eius; quarto de partibus potentialibus.

## ARTICULUS UNICUS. 274

*Utrum convenienter assignentur tres partes prudentiæ.*

Inf. quæst. xlix. & III. dist. xxxviii. quæst. lxxi. art. 1.

**A**D primum sic proceditur. Videtur quod inconvenienter assignentur tres partes prudentiæ. Tullius enim in II. Rhetor. (scilicet de invent. aliquant. ante fi.) ponit tres partes prudentiæ scilicet

me-

*memoriam, intelligentiam, & providentiam.* Macrobius autem. ( Lib. I. in somn. Scip. cap. VII. cir. med. ) secundum sententiam Plotini attribuit prudentiae sex, scilicet *rationem, intellectum, circumspicionem, providentiam, docilitatem, & cautionem.* Aristoteles autem in VI. Ethic. ( cap. ix. x. & xi. ) dicit, ad prudentiam pertinere *eubuliam, synesim, & gnomen.* Facit etiam mentionem circa prudentiam de *eusochia, & solertia, sensu, & intellectu.* Quidam autem alius Philosophus Graecus ( Andronicus ) dicit, quod ad prudentiam decem pertinent scilicet *eubulia, solertia, providentia, regnativa, militaris, politica, economica, dialectica, rhetorica, & physica.* Ergo videtur quod vel una assignatio sit superflua, vel alia diminuta.

2. Præterea. Prudentia dividitur contra scientiam. Sed politica, economica, dialectica, rhetorica, physica sunt quædam scientiæ. Non ergo sunt partes prudentiæ.

3. Præterea. Partes non excedunt totum. Sed memoria intellectiva, vel intelligentia, ratio, sensus, & docilitas non solum pertinent ad prudentiam, sed etiam ad omnes habitus cognoscitivos. Ergo non debent poni partes prudentiæ.

4. Præterea. Sicut consiliiari, & iudicare, & præcipere sunt actus rationis practici; ita etiam uti, sicut supra habitum est ( 1. 2. quæst. xvi. art. 1. ) Sicut ergo eubulia adiungitur prudentiæ, quæ pertinet ad consilium, & synesis, & gnome, quæ pertinent ad iudicium; ita etiam debuit poni aliquid pertinens ad usum.

5. Præterea. Sollicitudo ad prudentiam pertinet, sicut supra dictum est. ( quæst. præc. art. 9. ) Ergo etiam inter partes prudentiæ sollicitudo poni debuit.

Respondeo dicendum, quod triplex est pars, scilicet integralis, ut paries, templum, & fundamentum sunt partes domus; subiectiva, sicut bos, & leo sunt partes animalis; & potentialis, sicut nutritivum, & sensitivum, sunt partes animæ. Tribus ergo modis possunt assignari partes alicui virtuti. Uno modo ad similitudinem partium integralium; ut scilicet illa dicantur esse partes virtutis alicuius quæ necesse est concurrere ad perfectum actum virtutis illius. Et sic ex omnibus enumeratis possunt accipi octo partes prudentiæ, scilicet sex quas enumerat Macrobius; quibus addenda est septima, scilicet *memo-*

*ria*, quam ponit Tullius, & *eusochia*, sive *solertia*, quam ponit Aristoteles ( locis cit. in arg. 1. ) nam sensus prudentiæ etiam *intellectus* dicitur. Unde Philosophus dicit in VI. Ethic. ( cap. xi. cir. med. ) *Horum ergo oportet habere sensum, hic autem est intellectus.* Quorum octo quinque pertinent ad prudentiam, secundum id quod est cognoscitiva, scilicet *memoria, ratio, intellectus, docilitas, & solertia*; tria vero alia pertinent ad eam, secundum quod est præceptiva, applicando cognitionem ad opus, scilicet *providentia, circumspectio, & cautio.* Quorum diversitatis ratio patet ex hoc quod circa cognitionem tria sunt consideranda. Primo quidem ipsa cognitio, quæ si sit præteritorum, est *memoria*; si autem præsentium, sive contingentium, sive necessariorum, vocatur *intellectus*, sive *intelligentia*. Secundo ipsa cognitionis acquisitio, quæ fit vel per disciplinam, & ad hoc pertinet *docilitas*; vel per inventionem, & ad hoc pertinet *eusochia*, quæ est bona coniecturatio: huius autem pars, ut dicitur in VI. Ethic. ( cap. ix. ) est *solertia*, quæ est velox coniecturatio medi, ut dicitur I. Poster. ( tex. ult. ) Tercio considerandus est usus cognitionis, secundum scilicet quod ex cognitis aliquis procedit ad alia cognoscenda, vel iudicanda: & hoc pertinet ad *rationem*. Ratio autem ad hoc quod recte præcipiat, tria debet habere. Primo quidem ut ordinet aliquid accommodatum ad finem; & hoc pertinet ad *providentiam*; secundo ut attendat circumstantias negotii; quod pertinet ad *circumspicionem*; tertio ut vitet impedimenta; quod pertinet ad *cautionem*.

Partes autem subiectivæ virtutis dicuntur species eius diversæ. Et hoc modo partes prudentiæ, secundum quod proprie sumitur, sunt prudentia per quam aliquis regit seipsum; & prudentia per quam aliquis regit multitudinem; quæ differunt specie, ut dictum est. ( quæst. xlvii. art. 11. ) Et iterum prudentia quæ est multitudinis regitiva, dividitur in diversas species, secundum diversas species multitudinis. Est enim quædam multitudo adunata ad aliquod speciale negotium: sicut exercitus congregatur ad pugnandum; cuius regitiva est *prudentia militaris*. Quædam vero multitudo est adunata ad totam vitam, sicut multitudo unius domus, vel familiæ; cuius regitiva est *prudentia economica*; & etiam multi-

tudo unius civitatis, vel regni; cuius quidem regula directiva est in principe *regnativa*, in subditis autem *politica* simpliciter dicta.

Si vero prudentia sumatur large, secundum quod includit etiam scientiam speculativam, ut supra dictum est (quaest. praec. art. 2. ad 2.) tunc etiam partes eius ponuntur *dialectica*, *rhetorica*, & *physica*, secundum tres modos procedendi in scientiis: quorum unus est per demonstrationem ad scientiam causandam; quod pertinet ad physicam; ut sub, physica intelligantur omnes scientiae demonstrativae: alius modus est ex probabilibus ad opinionem faciendam; quod pertinet ad dialecticam: tertius modus est ex quibusdam coniecturis ad suspicionem inducendam, vel ad aliquam periculis inducendam; quod pertinet ad rhetoricam. Potest tamen dici, quod haec tria pertinent ad prudentiam etiam proprie dictam, quae ratiocinatur interdum quidem ex necessariis, interdum ex probabilibus, interdum autem ex quibusdam coniecturis.

Partes autem potenciales alicuius virtutis dicuntur virtutes adiunctae, quae ordinantur ad aliquos secundarios actus, vel materias, quali non habentes totam potentiam principalis virtutis. Et secundum hoc ponuntur partes prudentiae *eubulia*, quae est circa consilium; *synesis*, quae est circa iudicium eorum quae secundum regulas communes fiunt: & *gnome*, quae est circa iudicium eorum in quibus oportet quandoque a communi lege recedere: *prudentia* vero est circa principalem actum, qui est praecipere.

Ad primum ergo dicendum, quod diversae assignationes differunt, secundum quod diversa genera partium ponuntur, vel secundum quod sub una parte unius assignationis includuntur multae partes alterius assignationis; sicut Tullius sub providentia includit *cautionem*, & *circumspectionem*; sub intelligentia autem *rationem*, *docilitatem*, & *solertiam*.

Ad secundum dicendum, quod oeconomica, & politica non accipiuntur hic, secundum quod sunt scientiae, sed secundum quod sunt prudentiae quaedam. De aliis autem tribus patet responso ex dictis (in corp. ar.)

Ad tertium dicendum, quod omnia illa ponuntur partes prudentiae, non secundum suam communitatem, sed secundum quod se habent ad ea quae pertinent ad prudentiam.

Ad quartum dicendum, quod recte praecipere, & ratione uti semper se concomitantur: quia ad praecceptum rationis sequitur obedientia inferiorum virium, quae pertinent ad usum.

Ad quintum dicendum, quod sollicitudo includitur in ratione providentiae.

## QUAESTIO XLIX.

*De singulis prudentiae partibus quasi integralibus, in octo articulos divisa.*

**D**Einde considerandum est de singulis prudentiae partibus quasi integralibus: & circa hoc quaeruntur octo.

Primo de memoria.

Secundo de intellectu, vel intelligentia.

Tertio de docilitate.

Quarto de solertia.

Quinto de ratione.

Sexto de providentia.

Septimo de circumspectione.

Octavo de cautione.

## ARTICULUS I. 275

*Utrum memoria sit pars prudentiae.*

*Sup. quaest. XLIII. & III. dist. XXXIII. quaest. XII. art. 1. quaest. 1.*

**A**D primum sic proceditur. Videtur quod memoria non sit pars prudentiae. Memoria enim, ut dicit Philosophus (Lib. de mem. & reminisc. cap. 1.) est in parte animae sensitiva. Prudentia autem est in ratiocinativa, ut patet in VI. Eth. (cap. v.) Ergo memoria non est pars prudentiae.

2. Præterea. Prudentia per exercitium acquiritur, & perficitur. Sed memoria inest nobis a natura. Ergo memoria non est pars prudentiae.

3. Præterea. Memoria est præteritorum, prudentia autem est futurorum operabilium, de quibus est consilium, ut dicitur in VI. Ethic. (cap. 11.) Ergo memoria non est pars prudentiae.

Sed contra est quod Tullius in II. Rhet. (sc. de invent. aliquant. ante fi.) ponit memoriam inter partes prudentiae.

Respondendo dicendum, quod prudentia est circa continentia operabilia, sicut dictum est (quaest. XLVI. art. 3.) In his autem non potest homo dirigere per ea quae sunt simpliciter, & ex necessitate vera, sed ex his quae ut in pluribus acci-

eidant. Oportet enim principia conclusionibus esse proportionata, & ex talibus talia concludere, ut dicitur in VI. Ethicor. (cap. 1. & 111.) Quod autem in pluribus fit verum, oportet per experimentum considerare. Unde & in II. Ethic. (in princ.) Philosophus dicit, quod *virtus intellectualis habet generationem, & augmentum ex experimento, & tempore.* Experimentum autem est ex pluribus memoriis, ut patet in I. Met. (cap. 1.) unde consequens est quod ad prudentiam requiritur plurimum memoriam habere.

Unde convenienter memoria ponitur pars prudentiae.

Ad primum ergo dicendum, quod, sicut dictum est (quaest. xlviii art. 3.) prudentia applicat universalem cognitionem ad particularia, quorum est sensus; unde multa quae pertinent ad partem sensitivam, requiruntur ad prudentiam, inter quae est memoria.

Ad secundum dicendum, quod sicut prudentia aptitudinem quidem habet ex natura, sed eius complementum est ex exercitio, vel gratia; ita etiam, ut Tullius (alius Auctor) dicit in sua Rhet. (Lib. III. ad Heren. aliquant. ante fin.) memoria non solum a natura perhibetur, sed etiam habet plurimum artis, & industriae: & sunt quatuor per quae homo proficit in bene memorando. Quorum primum est ut eorum quae vult memorari, quasdam similitudines aliumat convenientes, nec tamen omnino consuetas: quia ea quae sunt inconfusa, magis mirantur, & sic in eis animus magis, & vehementius detinetur: ex quo fit quod eorum quae in pueritia vidimus, magis memoremur. Ideo autem necessaria est huiusmodi similitudinum, vel imaginum adinventio, quia intentiones simplices, & spirituales facilius ex animo elabuntur, nisi quibusdam similitudinibus corporalibus quasi aligentur: quia humana cognitio potentior est circa sensibilia: unde & memorativa ponitur in parte sensitiva. Secundo oportet ut homo ea quae memoriter vult tenere, sua consideratione ordinate disponat, ut ex uno memorato facile ad aliud procedatur. Unde Philosophus dicit in Lib. de memoria (cap. 11. a med.) *A locis videntur remitti aliquando. Causa autem est, quia velociter ab alio in aliud veniunt.* Tercio oportet ut homo sollicitudinem apponat, & affectum adhibeat ad ea quae vult memorari: quia quanto aliquid magis

fuerit impressum animo, tanto minus elabitur. Unde & Tullius dicit in sua Rhetor. (Lib. III. ad Heren. versus fi.) *quod sollicitudo conservat integras simulationum figuras.* Quarto oportet quod ea frequenter meditemur quia volumus memorari. Unde Philosophus dicit in Lib. de memoria (loc. sup. cit.) quod *meditationes memoriarum salvant*: quia, ut in eodem Lib. (ibid.) dicitur, *consuetudo est quasi natura.* Unde quae multoties intelligimus, cito reminiscimur, quia naturali quodam ordine ab uno ad aliud procedentes.

Ad tertium dicendum, quod ex praeteritis oportet nos quasi argumentum sumere de futuris: & ideo memoria praeteritorum necessaria est ad bene considerandum de futuris.

## ARTICULUS II. 276

*Utrum intellectus sit pars prudentiae.*

*Sup. quaest. xlviii. & III. dist. xxxiii. quaest. 111. art. 1. quaest. 1.*

**A**D secundum sic proceditur. Videtur quod intellectus non sit pars prudentiae. Eorum enim quae ex opposito dividuntur, unum non est pars alterius. Sed intellectus ponitur virtus intellectualis conditio providentiae, ut patet in VI. Ethic. (cap. 111.) Ergo intellectus non debet poni pars prudentiae.

2. Praeterea. Intellectus ponitur inter dona Spiritus sancti, & correspondet fidei, ut supra habitum est (quaest. viii. art. 2. & 8.) Sed prudentia est alia virtus a fide, ut per supra dicta patet (quaest. iv. art. 5. & 1. 2. quaest. lxii. art. 2.) Ergo intellectus non pertinet ad prudentiam.

3. Praeterea. Prudentia est singularium operabilium, ut dicitur in VI. Ethicor. (cap. vii. & viii.) Sed intellectus est universalium cognoscitivus, & immaterialium, ut patet in III. de Anima (tex. 38. & 39.) Ergo intellectus non est pars prudentiae.

Sed contra est quod Tullius (Lib. II. de invent. aliquant. ante h.) ponit *intelligentiam* partem prudentiae, & Macrobius (Lib. I. in somn. Scip. cap. viii. cir. med.) *intellectum*; quod in idem redit.

Respondendo dicendum, quod intellectus non sumitur hic pro potentia intellectiva, sed prout importat quandam rectam estimationem alicuius extremi prin-

principii, quod accipitur ut per se notum; sicut & prima demonstrationum principia intelligere dicimur. Omnis autem deductio rationis ab aliquibus procedit, quæ accipiuntur ut prima. Unde oportet quod omnis processus rationis ab aliquo intellectu procedat. Quia ergo prudentia est recta ratio agibilium, ideo necesse est quod totius processus prudentiæ ab intellectu deriveretur.

Et propter hoc intellectus ponitur pars prudentiæ.

Ad primum ergo dicendum, quod ratio prudentiæ terminatur, sicut ad conclusionem quamdam, ad particularem operabilem, ad quod applicat universalem cognitionem, ut ex dictis patet (quæst. xlvii. art. 3. & 6.) Conclusio autem singularis syllogizatur ex universali, & singulari propositione. Unde oportet quod ratio prudentiæ ex duplici intellectu procedat. Quorum unus est qui est cognoscitivus universalium; quod pertinet ad intellectum, qui ponitur virtus intellectualis, qua naturaliter nobis cognita sunt non solum universalia principia speculativa, sed etiam practica, sicut *multi esse malefaciendum*, ut ex dictis patet (quæst. xlvii. art. 2. & 3.) Alius autem intellectus est, qui, ut dicitur in VI. Ethicor. (cap. xi.) est cognoscitivus extremi, id est alicuius primi singularis, seu principii contingentis operabilis propositionis, scilicet minoris, quam oportet esse singularem in syllogismo prudentiæ, ut dictum est (quæst. xlvii. art. 3. & 6.) Hoc autem principium singulare est aliquis singularis finis, ut dicitur ibidem. Unde intellectus, qui ponitur pars prudentiæ, est quædam recta æstimatio de aliquo particulari fine.

Ad secundum dicendum, quod intellectus, qui ponitur donum Spiritus sancti, est quædam acuta perspectio divinorum, ut ex supra dictis patet (quæst. viii. art. 1. & 2.) Anter autem ponitur intellectus pars prudentiæ, ut dictum est (in corp. art.)

Ad tertium dicendum, quod ipsa recta æstimatio de fine particulari, & intellectus dicitur, inquantum est alicuius principii, & finis, inquantum est particularis. Et hoc est quod Philosophus dicit in VI. Ethicor. (cap. xi. cir. med.) *Horum, scilicet singularium, oportet habere sensum; hic autem est intellectus.* Non autem hoc est intelligendum de sensu particulari, quo cognoscimus pro-

pria sensibilia, sed de sensu interiori, quo de particulari iudicamus.

## ARTICULUS III. 277

*Utrum docilitas debeat poni pars prudentiæ.*

*Sup. quæst. xlviii. art. uni. co. & III. dist. xxxiii. quæst. iii. art. 1.*

**A**D tertium sic proceditur. Videtur quod docilitas non debeat poni pars prudentiæ. Illud enim quod requiritur ad omnem virtutem intellectualem, non debet appropriari alicui earum. Sed docilitas necessaria est ad quamlibet virtutem intellectualem. Ergo non debet poni pars prudentiæ.

2. Præterea. Ea quæ ad virtutes humanas pertinent, sunt in nobis quia faciendum ea quæ in nobis sunt, laudamur, vel vituperamur. Sed non est in potestate nostra ut dociles simus, sed hoc ex naturali dispositione quibusdam convenit. Ergo non est pars prudentiæ.

3. Præterea. Docilitas ad discipulum pertinet. Sed prudentia, cum sit præceptiva, videtur magis ad magistros pertinere, qui etiam præceptores dicuntur. Ergo docilitas non est pars prudentiæ.

Sed contra est quod Macrobius (Lib. I. in somn. Scip. cap. viii.) secundum sententiam Plotini ponit *docilitatem* inter partes prudentiæ.

Respondetur dicendum, quod, sicut supra dictum est (art. præc. ad 1.) prudentia consistit circa particularia operabilia; in quibus cum sint quasi infinitæ diversitates, non possunt ab uno homine sufficienter omnia considerari, nec per modicum tempus, sed per temporis diuturnitatem. Unde in his quæ ad prudentiam pertinent, maxime indiget homo ab alio erudiri, & præcipue ex senibus, qui sanum intellectum adepti sunt circa fines operabilium. Unde Philosophus dicit in VI. Ethicor. (cap. xi. cir. b.) *Oportet attendere experientiam, & seniorum, & prudentium indemonstrabilibus enuntiationibus, & opinionibus, non minus quam demonstrationibus: propter experientiam enim vident principia.* Unde & Proverb. xiii. 1. dicitur: *Ne imitaris prudentiam tuam: & Eccli. vi. 36. dicitur: In multitudine presbiterorum (id est seniorum) prudentium sit, & sapientia illorum ex corde coniungere.* Hoc autem per-

perinet ad docilitatem ut aliquis sit bene discipline susceptivus.

Et ideo. convenienter docilitas ponitur pars prudentiæ.

Ad primum ergo dicendum, quod etsi docilitas utilis sit ad quamlibet virtutem intellectualem, præcipue tamen ad prudentiam pertinet, ratione iam dicta (in corp.).

Ad secundum dicendum, quod docilitas, sicut & alia quæ ad prudentiam pertinent, secundum aptitudinem quidem est a natura; sed ad eius consummationem plurimum valet humanum studium, dura scilicet homo sollicitè, frequenter, & reverenter applicat animum suum documentis maiorum, non negligens ea propter ignaviam, nec contemnens propter superbiam.

Ad tertium dicendum, quod per prudentiam aliquis præcipit non solum aliis, sed etiam sibiipsum, ut dictum est (quæst. xlvii. art. 12. ad 3.) Unde etiam in subditis locum habet, ut supra dictum est (ibid.) ad quorum prudentiam pertinet docilitas; quamvis etiam ipsos maiores oporteat dociles quantum ad aliqua esse, quia nullus in his quæ subsunt prudentiæ, sibi quantum ad omnia sufficit, ut dictum est (in cor. art.).

#### ARTICULUS IV. 278

*Utrum solertia sit pars prudentiæ.*

*Sup. quæst. xlviii. art. un. cor. & III. dist. xxxiii. quæst. 111. art. 1. quæst. 3.*

**A**D quartum sic proceditur. Videtur solertia non sit pars prudentiæ. Solertia enim se habet ad facile inveniendâ media in demonstrationibus, ut patet in I. Posteriorum (tex. ult.). Sed ratio prudentiæ non est demonstrativa, cum sit contingentium. Ergo ad prudentiam non pertinet solertia.

2. Præterea. Ad prudentiam pertinet bene consiliari, ut dicitur in VI. Ethic. (cap. v.) Sed in bene consiliando non habet locum solertia, quæ est *εὐροια* quedam, idest bona coniecturatio, quæ est sine ratione, & velox. Oportet autem consiliari tarde, ut dicitur in VI. Ethic. (cap. ix. cir. princ.) Ergo solertia non debet poni pars prudentiæ.

3. Præterea. Solertia, ut dictum est (quæst. præc.) est quedam bona coniecturatio. Sed coniecturis uti est proprium Rhetorum. Ergo solertia magis pertinet ad rhetoricam quam ad prudentiam.

Sed contra est quod Isidorus dicit (in Lib. X. Etymolog. (ad lit. J.)) *Sollicitus dicitur, quasi solers, & citus*. Sed sollicitudo ad prudentiam pertinet, sicut supra dictum est (quæst. xlviii. art. 9.). Ergo & solertia.

Respondeo dicendum, quod prudentis est rectam æstimationem habere de operandis. Recta autem æstimatio, sive opinio acquiritur in operativis, sicut in specularivis, dupliciter: uno quidem modo per se inveniendâ; alio modo ab alio addiscendo. Sicut autem docilitas ad hoc pertinet ut homo bene se habeat in acquirendo rectam opinionem ab alio; ita solertia ad hoc pertinet ut homo bene se habeat in acquirendo rectam æstimationem per seipsum; ita tamen ut solertia accipiat pro eustochia, cuius est pars. Nam eustochia est bene coniecturativa de quibuscumque; solertia autem est *facilis, & prompta coniecturatio circa inventionem medi*, ut dicitur in I. Posterior. (tex. ult.) Tamen ille Philolophus qui ponit solertiam partem prudentiæ, accipit eam communiter pro omni eustochia: unde dicit: *Solertia est habitus qui provenit ex repente, inventiens quod congruit*. (quæst. præc. art. 1.)

Ad primum ergo dicendum, quod solertia non solum se habet circa inventionem medi in demonstrativis, sed etiam in operativis; puta cum aliquis videns aliquos alicui amicos factos, coniecturando putat eos fuisse inimicos eiusdem, ut ibidem Philolophus dicit. Et hoc modo solertia pertinet ad prudentiam.

Ad secundum dicendum, quod Philolophus unam rationem inducit in VI. Ethic. (cap. ix.) ad ostendendum, quod eubulia, quæ est bene consiliativa, non est eustochia, cuius laus est in veloci consideratione eius quod oportet. Potest autem aliquis esse bene consiliativus, etsi diutius consiliatur, vel tardius: nec tamen propter hoc excluditur quin bona coniecturatio ad bene consiliandum valeat, & quandoque necessaria sit, quando scilicet ex improviso occurrat aliquid agendum. Et ideo solertia convenienter pars prudentiæ ponitur.

Ad tertium dicendum, quod rhetorica etiam ratiocinatur circa operabilia; unde nihil prohibet idem ad rhetoricam, & prudentiam pertinere.

Et tamen coniecturatio hic non sumitur solum, secundum quod pertinet ad coniecturas, quibus utuntur Rhetores;

sed



sed secundum quod in quibuscumque conciliare dicitur homo veritatem.

## ARTICULUS V. 279

*Utrum ratio debeat poni pars prudentiae.*

*Sup. quest. xlviii. art. unic. & III. dist. xxxiii. quest. iiii. art. 1. quest. 4.*

**A**D quintum sic proceditur. Videtur quod ratio non debeat poni pars prudentiae. Subiectum enim accidentis non est pars eius. Sed prudentia est in ratione sicut in subiecto, ut dicitur in VI. Ethic. (cap. v. cir. fi.) Ergo ratio non debet poni pars prudentiae.

2. Præterea. Illud quod est multis commune, non debet alicuius eorum poni pars; vel si ponatur, debet poni pars eius cui potissime convenit. Ratio autem necessaria est in omnibus virtutibus intellectualibus, & præcipue in sapientia, & scientia, quæ utuntur ratione demonstrativa. Ergo ratio non debet poni pars prudentiae.

3. Præterea. Ratio non differt perfectentiam potentiae ab intellectu, ut prius habitum est (I. P. quest. lxxxix. art. 8.) Si igitur intellectus ponitur pars prudentiae, superfluum fuit addere rationem.

Sed contra est quod Macrobius (Lib. I. in somn. Scip. cap. viii.) secundum sententiam Plotini, rationem numerat inter partes prudentiae.

Respondeo dicendum, quod opus prudentis est esse bene conciliativum, ut dicitur in VI. Ethic. (cap. v.) Consilium autem est inquisitio quædam ex quibusdam ad alia procedens: hoc autem est opus rationis: unde ad prudentiam necessarium est quod homo sit bene ratiocinativus. Et quia ea quæ exiguntur ad perfectionem prudentiae, dicuntur quasi integrales partes prudentiae, inde est quod ratio inter partes prudentiae connumerari debet.

Ad primum ergo dicendum, quod ratio non sumitur hic pro ipsa potentia rationis, sed pro eius bono usu.

Ad secundum dicendum, quod certitudo rationis est ex intellectu; sed necessitas rationis est ex defectu intellectus. Illa enim in quibus vis intellectiva plenarie viget, ratione non indigent, sed suo simplici intuitu veritatem comprehendunt, sicut Deus, & Angeli. Particularia autem operabilia, in quibus prudentia dirigit, recedunt præcipue a condi-

tione intelligibilium, & tanto magis, quanto sunt minus certa, seu determinata. Ea enim quæ sunt artis, licet sint singularia, tamen sunt magis determinata, & certa: unde in pluribus eorum non est consilium propter certitudinem, ut dicitur in III. Ethic. (cap. iiii.) Et ideo quamvis in quibusdam aliis virtutibus intellectualibus sit certior ratio quam in prudentia; tamen ad prudentiam maxime requiritur quod sit homo bene ratiocinativus, ut possit bene applicare universalialia principia ad particularia, quæ sunt varia, & incerta.

Ad tertium dicendum, quod etsi intellectus, & ratio non sint diversæ potentiae, tamen denominantur ex diversis actibus. Intellectus enim nomen sumitur ab intima penetratione veritatis; nomen autem rationis ab inquisitione, & discursu. Et ideo utrumque ponitur pars prudentiae, ut ex dictis patet (art. 2. hu. quest. & quest. xlvii. art. 1.)

## ARTICULUS VI. 280

*Utrum providentia debeat poni pars prudentiae.*

*Sup. quest. xlviii. art. un. corp. & 1. 2. quest. xxii. art. 1. corp.*

**A**D sextum sic proceditur. Videtur quod providentia non debeat poni pars prudentiae. Nihil enim est pars sui ipsius. Sed providentia videtur id esse quod prudentia: quia, ut Hieronymus dicit in Lib. X. Etymol. (ad lit. P.) *prudens dicitur quasi porro videns*: & ex hoc etiam nomen providentiae sumitur, ut Boetius dicit in Lib. V. de consolat. (prosa vi. ante med.) Ergo providentia non est pars prudentiae.

2. Præterea. Prudentia est solum practica. Sed providentia potest etiam esse speculativa: quia visio, ex qua sumitur nomen providentiae, magis pertinet ad speculativam quam ad operativam. Ergo providentia non est pars prudentiae.

3. Præterea. Principalis actus prudentiae est præcipere; secundarius autem est iudicare, & consilium. Sed nihil horum videtur importari proprie per nomen providentiae. Ergo providentia non est pars prudentiae.

Sed contra est auctoritas Tullii (Lib. II. de invent. aliquant. ante fi.) & Macrobi (Lib. I. in somn. Scip. cap. viii.) qui ponunt providentiam partem pru-

prudential, ut ex supradictis patet (quaest. xlviii. )

Respondeo dicendum, quod, sicut supra dictum est ( quaest. xlvii. art. 6. & 7. ) prudentia proprie est circa ea quae sunt ad finem; & hoc ad eius officium proprie pertinet ut ad finem debite ordinantur: & quamvis aliqua necessaria sint propter finem, quae subiiciuntur divinae providentiae; humanae tamen providentiae non subiiciuntur nisi contingentia operabilia, quae per hominem possunt fieri propter finem. Praeterea autem in necessitatem quandam transeunt: quia impossibile est non esse quod factum est. Similiter etiam prudentia, inquantum huiusmodi, necessitatem quandam habent: necesse est enim Socratem federe, cum sedet.

Unde consequens est quod contingentia futura, secundum quod sunt per hominem in finem humanae vitae ordinabilia, pertineant ad prudentiam. Utrumque autem horum importatur in nomine providentiae: importat enim providentia respectum quandam alicuius distantis, (a) ad quod ea quae in praesenti occurrunt, ordinanda sunt. Unde providentia est pars prudentiae.

Ad primum ergo dicendum, quod quaecumque multa requiruntur ad unum, necesse est unum eorum esse principale, ad quod omnia alia ordinantur. Unde in quolibet toto necesse est esse unam formalem partem, & praedominantem, a qua totum unitatem habet. Et secundum hoc providentia est principalior inter omnes partes prudentiae: quia omnia alia quae requiruntur ad prudentiam, ad hoc necessaria sunt ut aliquid recte ordinetur in finem. Et ideo nomen ipsius prudentiae sumitur a providentia sicut a principaliori sua parte.

Ad secundum dicendum, quod speculatio est circa universalia, & circa necessaria; quae secundum se non sunt procul, cum sint ubique, & semper; etiam sunt procul quoad nos, inquantum ab eorum cognitione deficiamus. Unde providentia non proprie dicitur in speculativa, sed solum in practica.

Ad tertium dicendum, quod in recta ordinatione ad finem, qui includitur in ratione providentiae, importatur restitutio consilii, & iudicii, & praecepti, sine quibus recta ordinatio ad finem esse non potest.

## ARTICULUS VII. 281

*Utrum circumspectio possit esse pars prudentiae.*

*Sup. quaest. xlviii. art. un. cor. & III. dist. xxxii. quaest. iiii. art. 1. quafi. 2.*

**A**D septimum sic proceditur. Videtur quod circumspectio non possit esse pars prudentiae. Circumspectio enim videtur esse consideratio quaedam eorum quae circumstant. Huiusmodi autem sunt infinita, quae non possunt comprehendi ratione, in qua est prudentia. Ergo circumspectio non debet poni pars prudentiae.

2. Praeterea. Circumstantiae magis videntur pertinere ad virtutes morales quam ad prudentiam. Sed circumspectio nihil aliud esse videtur quam respectus circumstantiarum. Ergo circumspectio magis videtur ad morales pertinere virtutes quam ad prudentiam.

3. Praeterea. Qui potest videre quae procul sunt, multo magis potest videre quae circa sunt. Sed per providentiam homo est potens prospicere quae procul sunt. Ergo ipsa sufficit ad considerandum ea quae circumstant. Non ergo oportuit praeter providentiam ponere circumspectionem partem prudentiae.

Sed contra est auctoritas Macrobii ( Lib. I. in somn. Scip. cap. viii. ) ut supra dictum est ( quaest. praec. )

Respondeo dicendum, quod ad prudentiam, sicut dictum est ( art. praec. & quaest. xlvii. art. 6. & 7. ) praecipue pertinet recte ordinare aliquid in finem: quod quidem recte non fit, nisi & finis bonus sit, & id quod ordinatur in finem, sit etiam bonum, & conveniens fini.

Sed quia prudentia, sicut dictum est ( quaest. xlvii. art. 3. ) est circa singularia operabilia, in quibus multa concurrunt, contingit aliquid secundum se consideratum esse bonum, & conveniens fini, quod tamen ex aliquibus concurrentibus redditur vel malum, vel non opportunum ad finem; sicut ostendere signa amoris alicui secundum se considerata, videtur esse conveniens ad allicendum eius animum ad amorem; sed si contingat in animo illius superbia, vel suspicio adulationis, non erit hoc conveniens ad finem. Et ideo necessaria est

circ-

(a) Ita apud mss. passim, Editi quovisidimus: id ea quae in praesenti occurrunt, & ordinanda sunt.

circumspēctio ad prudentiam, ut scilicet homo id quod ordinatur in finem, comparet etiam cum his quae circumstant.

Ad primum ergo dicendum, quod licet ea quae possunt circumflare, sint infinita; tamen ea quae circumstant in actu, non sunt infinita; sed pauca quaedam sunt, quae immutant iudicium rationis in agendis.

Ad secundum dicendum, quod circumstantiae pertinent ad prudentiam quidem, sicut ad determinandum (a) eas; ad virtutes autem morales, inquantum per circumstantiarum determinationem perficiuntur.

Ad tertium dicendum, quod sicut ad providentiam pertinet prospicere id quod est per se conveniens fini; ita ad circumspēctionem pertinet considerare, an sit conveniens fini secundum ea quae circumstant. Utrumque autem horum habet specialem difficultatem: & ideo utrumque eorum seorsum ponitur pars prudentiae.

#### ARTICULUS VIII. 282

*Utrum cautio debeat poni pars prudentiae.*

*Locus sup. art. 7. inducitur.*

**A**D octavum sic proceditur. Videtur quod cautio non debeat poni pars prudentiae. In iis enim in quibus malum non potest esse, non est necessaria cautio. Sed *virtutibus nemo male utitur*, ut dicit Augustinus in Lib. II. de lib. arb. (cap. XIX. cir. princ.) Ergo cautio non pertinet ad prudentiam, quae est directiva virtutum.

2. Præterea. Eiusdem est providere bona, & cavere mala; sicut eiusdem artis est facere sanitatem, & curare ægritudinem. Sed providere bona pertinet (b) ad providentiam. Ergo etiam cavere mala. Non ergo cautio debet poni pars alia prudentiae a providentia.

3. Præterea. Nullus prudens conatur ad impossibile. Sed nullus potest præcavere omnia mala quae possunt contingere. Ergo cautio non pertinet ad prudentiam.

Sed contra est quod Apostolus dicit ad Eph. v. 15. *Videte quomodo caute ambuletis.*

Respondetur dicendum, quod ea circa quae est prudentia, sunt contingentia operabilia; in quibus sicut verum potest

*5. Tb. Oper. Tom. XXII.*

admiseri falso, ita & malum bono, propter multiformitatem huiusmodi operabilium, in quibus bona plerumque impediuntur a malis, & mala habent speciem boni.

Et ideo necessaria est cautio ad prudentiam, ut sic accipiantur bona quod videntur mala.

Ad primum ergo dicendum, quod cautio non est necessaria in moralibus actibus ut aliquis sibi caveat ab actibus virtutum, sed ut sibi caveat ab eis per quae actus virtutum impediri possunt.

Ad secundum dicendum, quod opposita mala cavere eiusdem rationis est, & proficui bona; sed vitare aliqua impedimenta extrinseca, hoc pertinet ad aliam rationem: & ideo cautio distinguitur a providentia; quamvis utrumque pertineat ad unam virtutem prudentiae.

Ad tertium dicendum, quod malorum quae homini vitanda occurrunt, quaedam sunt quae ut in pluribus accidere solent; & talia comprehendere ratione possunt: & contra hæc ordinatur cautio, ut totaliter vitentur, vel ut minus noceant. Quaedam vero sunt quae ut in paucioribus, & casualiter accidunt: & hæc, cum sint infinita, ratione comprehendere non possunt; nec homo sufficit ea præcavere.

Quamvis per officium prudentiae homo contra omnes fortuitas insultus se disponere possit, ut minus lædatur.

#### QUAESTIO L.

*De partibus subiectivis prudentiae, in quatuor articulos divisa.*

**P**OSTEA considerandum est de partibus subiectivis prudentiae. Et quia de prudentia per quam aliquis regit seipsum, iam dictum est (quaest. XLVII. art. 10. & 11.) restat nunc dicendum de speciebus prudentiae quibus multitudo gubernatur; circa quas quaeruntur quatuor.

Primo, utrum regnativa debeat poni species prudentiae.

Secundo, utrum politica.

Tertio, utrum oeconomica.

Quarto, utrum militaris.

5

A R-

(a) Ita cum mss. edit. Rom. Al. cam. (a) Ita in mss. cum Garcia editi possint. Edit. Rom. cum cod. Alcan. ad prudentiam.

## ARTICULUS I. 283

*Utrum regnativa debeat poni species prudentiæ.*

*Sup. quæst. xlviii. art. uni. corp. & III. dist. xxxiii. quæst. xii. art. 1. quæst. 4.*

**A**D primum sic proceditur. Videtur quod regnativa non debeat poni species prudentiæ. Regnativa enim ordinatur ad iustitiam conservandam: dicitur enim in V. Ethic. (cap. vi. circ. med.) quod *princeps est custos iustitiæ*. Ergo regnativa magis pertinet ad iustitiam quam ad prudentiam.

2. Præterea. Secundum Philosophum in III. Polit. (cap. v.) regnum est una sex specierum politiarum. Sed nulla species prudentiæ sumitur secundum alias quinque politias, quæ sunt *aristocratia*, *timocratia*, *tyrannus*, (a) *oligocratia*, *democratia*. Ergo nec secundum regnum debet sumi regnativa.

3. Præterea. Leges ponere non solum pertinet ad reges, sed etiam ad quosdam alios principatus, & etiam ad populum, ut patet per Isidorum in Lib. V. Etymolog. (cap. x.) Sed Philosophus in VI. Ethic. (cap. viii. cir. princ.) ponit *legis positivam* partem prudentiæ. Inconvenienter ergo loco eius ponitur regnativa.

Sed contra est quod Philosophus dicit in III. Polit. (cap. xii. cir. med.) quod *prudencia est propria virtus principis*. Ergo specialis prudentia debet esse regnativa.

Respondendo dicendum, quod, sicut ex supra dictis patet (quæst. xlvii. art. 8. & 10.) ad prudentiam pertinet regere, & præcipere: & ideo ubi invenitur specialis ratio regiminis, & præcepti in humanis actibus, ibi etiam invenitur specialis ratio prudentiæ. Manifestum est autem quod in eo qui non solum seipsum habet regere, sed etiam communitatem perfectam civitatis, vel regni, invenitur specialis, & perfecta ratio regiminis: tanto enim regimen perfectius est, quanto universalius est, ad plura se extendens, & ulteriorem finem attingens. Et ideo regi, ad quem pertinet regere civitatem, vel regnum, prudentia competit secundum specialem, & perfectissimam sui rationem: & propter hoc regnativa ponitur species prudentiæ.

(a) *oligocratia*.

Ad primum ergo dicendum, quod omnia quæ sunt virtutum moralium, pertinent ad prudentiam sicut ad dirigentem: unde & ratio recta prudentiæ ponitur in definitione virtutis moralis, ut supra dictum est (quæst. xlvii. art. 5. ad 1. & 2. quæst. lviii. art. 2. ad 4.) Et ideo etiam executio iustitiæ, prout ordinatur ad bonum commune, quod pertinet ad officium regis, indiget directione prudentiæ. Unde istæ duæ virtutes sunt maxime propriæ regi, scilicet prudentia, & iustitia, secundum illud Hierem. xxiii. 5. *Regnabit rex, & sapiens erit, & faciet iudicium, & iustitiam in terra*. Quia tamen dirigere magis pertinet ad regem, exequi autem ad subditos; ideo regnativa magis ponitur species prudentiæ, quæ est directiva, quam iustitiæ, quæ est executiva.

Ad secundum dicendum, quod regnum inter alias politias est optimum regimen, ut dicitur in VIII. Ethic. (cap. x. cir. princ.) Et ideo species prudentiæ magis debuit denominari a regno; ita tamen quod sub regnativa comprehendantur omnia alia regimina recta, non autem perversa, quæ virtuti opponuntur: unde non pertinent ad prudentiam.

Ad tertium dicendum, quod Philosophus denominat regnativam a principali actu regis, qui est leges ponere: quod etsi conveniat aliis, non convenit eis, nisi secundum quod participant aliquid de regimine regis.

## ARTICULUS II. 284

*Utrum politica convenienter ponatur pars prudentiæ.*

*Locis sup. art. 1. not.*

**A**D secundum sic proceditur. Videtur quod politica non convenienter ponatur pars prudentiæ. Regnativa enim est pars politice prudentiæ, ut dictum est (art. præc.) Sed pars non debet dividi contra totum. Ergo politica non debet poni alia species prudentiæ.

2. Præterea. Species habituum distinguuntur secundum diversa obiecta. Sed eadem sunt quæ oportet regnantem præcipere, & subditum exequi. Ergo politica, secundum quod pertinet ad subditos, non debet poni species prudentiæ distincta a regnativa.

3. Præterea. Unusquisque subditorum est singularis persona. Sed quælibet sin-

gularis persona seipsam sufficienter dirigere potest per prudentiam communiter dictam. Ergo non oportet poni aliam speciem prudentiae quae dicatur politica.

Sed contra est quod Philosophus dicit in VI. Ethic. (cap. viii. in princ.) *Eius autem quae circa civitatem, haec quidem ut architectonica prudentia legispositiva; haec autem commune nomen habet politica, circa singularia existens.*

Respondeo dicendum, quod servus per imperium movetur a domino, & subditus a principante; aliter tamen quam irrationabilia, & inanimata moveantur a suis motoribus. Nam inanimata, & irrationabilia aguntur solum ab alio, non autem ipsa agunt seipsa, quia non habent dominum sui actus per liberum arbitrium; & ideo rectitudo regiminis ipsorum non est in ipsis, sed solum in motoribus. Sed homines servi, vel quicumque subditi ita aguntur ab aliis per praeceptum, quod tamen agunt seipsos per liberum arbitrium; & ideo requiritur in eis quaedam rectitudo regiminis, per quam seipsos dirigant in obediendo principantibus; & ad hoc pertinet species prudentiae quae politica vocatur.

Ad primum ergo dicendum, quod, sicut dictum est (in corp. art. & art. praec.) regnativa est perfectissima species prudentiae; & ideo prudentia subditorum, quae deficit a prudentia regnativa, retinet sibi nomen commune, ut prudentia dicatur; sicut in logicis convertibile, quod non significat essentiam, retinet sibi commune nomen proprii.

Ad secundum dicendum, quod diversa ratio obiecti diversificat habitum secundum speciem, ut ex supra dictis patet (quaest. xlvii. art. 5.) Eadem autem agenda considerantur quidem a rege secundum universaliorem rationem quam considerentur a subdito, qui obedit: uni enim regi in diversis officiis multi obediunt. Et ideo regnativa comparatur ad hanc politicam de qua loquimur, sicut ars architectonica ad eam quae manu operatur.

Ad tertium dicendum, quod per prudentiam communiter dictam regit homo seipsum in ordine ad proprium bonum; per politicam autem, de qua loquimur, in ordine ad bonum commune.

## ARTICULUS III. 285

## Utrum oeconomica debeat poni species prudentiae.

*Sup. quaest. xlvii. art. 11. & quaest. xlviii. art. un. cor. fin. & ad 2. & III. dist. xxxiii. quaest. 111. art. 2. quaest. 4.*

**A**D tertium sic proceditur. Videtur quod oeconomica non debeat poni species prudentiae. Quia, ut Philosophus dicit in VI. Ethic. (cap. v. cir. princ.) *prudentia ordinatur ad bene vivere totum.* Sed oeconomica ordinatur ad aliquem particularem finem, scilicet ad divitias, ut dicitur in I. Ethic. (cap. 1.) Ergo oeconomica non est species prudentiae.

2. Praeterea. Sicut supra habitum est (quaest. xlvii. art. 13. & 14.) prudentia non est nisi bonorum. Sed oeconomica potest etiam esse malorum, multi enim peccatores providi sunt in gubernatione familiarum. Ergo oeconomica non debet poni species prudentiae.

3. Praeterea. Sicut in regno invenitur principans, & subditus, ita etiam in domo. Si ergo oeconomica est species prudentiae, sicut & politica, deberet etiam paterna prudentia poni, sicut & regnativa. Non autem ponitur. Ergo nec oeconomica debet poni species prudentiae.

Sed contra est quod Philosophus dicit in VI. Ethicor. (cap. viii. cir. princ.) *quod illarum, scilicet prudentiarum, quae se habent ad regimen multitudinis, haec quidem est oeconomica, haec autem legispositiva, haec autem politica.*

Respondeo dicendum, quod ratio obiecti diversificata secundum universale, & particulare, vel secundum totum, & partem, diversificat artes, & virtutes: secundum quam diversitatem una est principalis respectu alterius.

Manifestum est autem quod domus medio modo se habet inter unam singularem personam, & civitatem, vel regnum: nam sicut una singularis persona est pars domus, ita una domus est pars civitatis, vel regni.

Et ideo sicut prudentia communiter dicta, quae est (a) regnativa unius, distinguitur a politica prudentia; ita oportet quod oeconomica distinguatur ab utraque.

Ad primum ergo dicendum, quod divitiae comparantur ad oeconomiam, non sicut

(a) De mfr. & editi passim, Edr. Patav. regnativa: idem significat.

sicut finis ultimus, sed sicut instrumenta quaedam, ut dicitur in I. Polit. (cap. v. & vii.) Finis autem ultimus oeconomicae est *totum bene vivere* secundum domesticam conversationem. Philosophus autem in I. Eth. (cap. i.) ponit exemplificando divicias finem oeconomicae, secundum studium plurimorum.

Ad secundum dicendum, quod ad aliqua particularia quae sunt in domo disponenda, possunt aliqui peccatores provide se habere; sed non ad ipsum *totum bene vivere* domesticæ conversationis, ad quod praecipue requiritur vita virtuosa.

Ad tertium dicendum, quod pater in domo habet quandam similitudinem regis principatus, ut dicitur in VIII. Ethic. (cap. x. a med.) non tamen habet perfectam potestatem regiminis, sicut rex: & ideo non ponitur separatim potestas paterna species prudentiae, sicut regnativa.

#### ARTICULUS IV. 286

*Utrum militaris debeat poni species prudentiae.*

*Locus sup. notatis.*

**A**D quartum sic proceditur. Videtur quod militaris non debeat poni species prudentiae. Prudentia enim contra artem dividitur, ut dicitur in VI. Ethic. (cap. iii. & v.) Sed militaris videtur esse quaedam ars in rebus bellicis, sicut patet per Philosophum in III. Ethic. (innotuit cap. viii. sed expref. Lib. I. cap. i.) Ergo militaris non debet poni species prudentiae.

2. Præterea. Sicut militare negotium continetur sub politico, ita etiam & plura alia negotia, sicut mercatorum, artificum, & aliorum huiusmodi. Sed secundum alia negotia quae sunt in civitate, non accipiuntur aliquae species prudentiae. Ergo etiam neque secundum militare negotium.

3. Præterea. In rebus bellicis plurimum valet militum fortitudo. Ergo militaris magis pertinet ad fortitudinem quam ad prudentiam.

Sed contra est quod dicitur Proverb. xxiv. 6. *Cum dispositione initur bellum, & erit salus, ubi sunt multa consilia.* Sed consiliari pertinet ad prudentiam. Ergo in rebus bellicis maxime necessaria est aliqua species prudentiae, quae *militaris* dicitur.

Respondendo dicendum, quod ea quae se-

cundum artem, & rationem aguntur, conformia esse oportet his quae secundum naturam; quae a ratione divina sunt instituta.

Natura autem ad duo tendit: primo quidem ad regendam unamquamque rem in seipsa; secundo vero ad resistendum extrinsecis impugnantibus, & corruptivis: & propter hoc non dedit solum animalibus vim concupiscibilem, per quam moveantur ad ea quae sunt salutis eorum accommodata, sed etiam vim irascibilem, per quam animal resistit impugnantibus.

Unde & in his quae sunt secundum rationem, non solum oportet esse prudentiam politicam, per quam disponantur convenienter ea quae pertinent ad bonum commune, sed etiam militarem, per quam hostium insultus repellantur.

Ad primum ergo dicendum, quod militaris potest esse ars, secundum quod habet quasdam regulas recte utendi quibusdam exterioribus rebus, puta armis, & equis; sed secundum quod ordinatur ad bonum commune, habet magis rationem prudentiae.

Ad secundum dicendum, quod alia negotia quae sunt in civitate, ordinantur ad aliquas particulares utilitates; sed militare negotium ordinatur ad tuitionem totius boni communis.

Ad tertium dicendum, quod executio militariae pertinet ad fortitudinem, sed directio ad prudentiam, & praecipue secundum quod est in duce exercitus.

#### QUAESTIO LI.

*De virtutibus adiunctis prudentiae, in quatuor articulos divisa.*

**P**OSTEA considerandum est de virtutibus adiunctis prudentiae, quae sunt quasi partes potentiales ipsius: & circa hoc quaeruntur quatuor.

Primo, utrum eubulia sit virtus.

Secundo, utrum sit specialis virtus a prudentia distincta.

Tertio, utrum synesis sit specialis virtus.

Quarto, utrum gnome sit specialis virtus.

## ARTICULUS I. 287

*Utrum eubulia sit virtus.*

1. 2. *quest. vii. art. 6. & III. diff. xxxiii. quest. v. art. 1. quest. 2. & Lib. VI. Ethic. lect. 8. & 9.*

**A**D primum sic proceditur. Videtur quod eubulia non sit virtus. Quia secundum Augustinum in Lib. II. de lib. arb. (cap. xix. circ. princ.) *virtutibus nullus male utitur*. Sed eubulia, quæ est bene consiliativa, aliqui male utuntur, vel quia astricta consilia excoGITANT ad fines malos consequendos, aut quia etiam ad bonos fines consequendos aliqua peccata ordinant; puta qui furatur, ut eleemosynam det. Ergo eubulia non est virtus.

2. Præterea. Virtus perfectio quadam est, ut dicitur in VII. Phys. (text. 18.) Sed eubulia circa consilium consistit, quod importat dubitationem, & inquisitionem, quæ imperfectionis sunt. Ergo eubulia non est virtus.

3. Præterea. Virtutes sunt connexæ ad invicem, ut supra habitum est (1. 2. quest. lxx. art. 1.) Sed eubulia non est connexa aliis virtutibus; multi enim peccatores sunt bene consiliativi, & multi iusti sunt in consiliis tardī. Ergo eubulia non est virtus.

Sed contra est quod *eubulia est rectitudo consilii*, ut Philosophus dicit in VI. Ethic. (cap. ix.) Sed recta ratio perficit rationem virtutis. Ergo eubulia est virtus.

Respondetur dicendum, quod, sicut supra dictum est (quest. xlvii. art. 4.) de ratione virtutis humanæ est quod faciat actum hominis bonum. Inter ceteros autem actus hominis proprium est ei consiliari: quia hoc importat quandam rationis inquisitionem circa agenda, in quibus consistit vita humana: nam vita speculativa est supra hominem, ut dicitur in X. Ethic. (cap. vii. a med.) Eubulia autem importat bonitatem consilii: dicitur enim ab εὖ, quod est bonum, & βούλη, quod est consilium, quasi *bona consiliatio*, vel potius *bene consiliativa*. Unde manifestum est quod eubulia est virtus humana.

Ad primum ergo dicendum, quod non est bonum consilium, sive aliquis malum finem in consiliando præstituat, sive etiam ad bonum finem malas vias adinventiat; sicut etiam in speculativis non est

*S. Tb. Oper. Tom. XXII.*

bona ratiocinatio, sive aliquis falsum concludat, sive etiam concludat verum ex falsis: quia non utitur convenienti medio. Et ideo utrumque prædictorum est contra rationem eubulæ, ut Philosophus dicit in VI. Ethic. (cap. ix.)

Ad secundum dicendum, quod etsi virtus sit essentialiter perfectio quadam; non tamen oportet quod omne illud quod est materia virtutis, importet perfectionem. Oportet enim circa omnia humana perfici per virtutes, & non solum circa actus rationis, inter quos est consilium, sed etiam circa passionem appetitus sensitivi, quæ adhuc sunt multo imperfectiores.

Vel potest dici, quod virtus humana est perfectio secundum modum hominis, qui non potest per certitudinem comprehendere veritatem rerum simplicium in intellectu simplici, & præcipue in agibilibus, quæ sunt contingentia.

Ad tertium dicendum, quod in nullo peccatore, in quantum huiusmodi, invenitur eubulia. Omne enim peccatum est contra bonam consiliationem. Requiritur enim ad bene consiliandum non solum adinventio, vel excoGITatio eorum quæ sunt opportuna ad finem, sed etiam aliæ circumstantiæ, scilicet tempus congruum, ut nec nimis tardus, nec nimis velox sit in consiliis; & modus consiliandi, ut scilicet sit firmus in suo consilio; & aliæ huiusmodi debite circumstantiæ; quæ peccatores peccando non observant. Quilibet autem virtuosus est bene consiliativus in his quæ ordinantur ad finem virtutis, licet forte in aliquibus particularibus negotiis non sit bene consiliativus, puta in mercationibus, vel in rebus bellicis, vel in aliquo huiusmodi.

## ARTICULUS II. 288

*Utrum eubulia sit virtus distincta a prudentia.*

*Locus sup. art. 1. notatis.*

**A**D secundum sic proceditur. Videtur quod eubulia non sit virtus distincta a prudentia. Quia, ut Philosophus dicit in VI. Ethic. (cap. v.) videtur prudentis esse bene consiliari. Sed hoc pertinet ad eubuliam, ut dictum est (art. præc.) Ergo eubulia non distinguitur a prudentia.

2. Præterea. Humani actus, ad quos ordinantur humanæ virtutes, præcipue

S 3

spe-

specificantur ex fine, ut supra dictum est (1. 2. quæst. xviii. art. 4.) Sed ad eundem finem ordinantur eubulia, & prudentia, ut dicitur in VI. Ethic. (cap. xi.) non autem ad quemdam particularem finem, sed ad communem finem totius vitæ. Ergo eubulia non est virtus distincta a prudentia.

3. Præterea. In scientiis speculativis ad eandem scientiam pertinet inquirere, & determinare. Ergo pari ratione in operativis hoc pertinet ad eandem virtutem. Sed inquirere pertinet ad eubuliam, determinare autem ad prudentiam. Ergo eubulia non est alia virtus a prudentia.

Sed contra est quod prudentia est præceptiva, ut dicitur in VI. Ethic. (cap. ix.) Hoc autem non convenit eubulie. Ergo eubulia est alia virtus a prudentia.

Respondeo dicendum, quod, sicut dictum est supra (art. præc.) virtus proprie ordinatur ad actum quem reddit bonum: & ideo oportet secundum differentiam actuum esse diversas virtutes, & maxime quando non est eadem ratio bonitatis in actibus: si enim esset eadem ratio bonitatis in eis, tunc ad eandem virtutem pertinerent diversi actus; sicut ex eodem dependet bonitas amoris, desiderii, & gaudii; & ideo omnia ista pertinent ad eandem virtutem caritatis.

Actus autem rationis ordinati ad opus sunt diversi, nec habent eandem rationem bonitatis. Ex alio enim efficitur homo bene consiliativus, & bene iudicativus, & bene præceptivus: quod patet ex hoc quod ista aliquando ab invicem separantur. Et ideo oportet aliam esse virtutem eubuliam, per quam homo est bene consiliativus; & aliam prudentiam, per quam homo est bene præceptivus.

Et sicut consiliari ordinatur ad præcipere tanquam ad principalis; ita etiam eubulia ordinatur ad prudentiam tanquam ad principalem virtutem, sine qua nec virtus esset; sicut nec morales virtutes sine prudentia, nec ceteræ virtutes sine caritate.

Ad primum ergo dicendum, quod ad prudentiam pertinet bene consiliari imperative, ad eubuliam autem elicitive.

Ad secundum dicendum, quod ad unum finem ultimum, quod est *bene vivere totum*, ordinantur diversi actus secundum quemdam gradum. Nam præcedit consilium, sequitur iudicium, & ultimum est præceptum, quod immediate

se habet ad finem ultimum. Alii autem duo actus remote se habent: qui tamen habent quoddam proximis fines; consilium quidem (a) inventionem eorum quæ sunt agenda, iudicium autem certitudinem. Unde ex hoc non sequitur quod eubulia, & prudentia non sint diversæ virtutes; sed quod eubulia ordinetur ad prudentiam, sicut virtus secundaria ad principalem.

Ad tertium dicendum, quod etiam in speculativis alia rationalis scientia est dialectica, quæ ordinatur ad inquisitionem inventivam; & alia scientia demonstrativa, quæ est veritatis determinativa.

## ARTICULUS III. 289

*Utrum synesis sit virtus.*

1. 2. quæst. lvii. art. 6. & III. dist. xxxiii. quæst. iii. art. 1. quæst. 2. & VI. Ethic. lect. 9.

**A**D tertium sic proceditur. Videtur quod synesis non sit virtus. Virtutes enim non infunt nobis a natura, ut dicitur in II. Ethic. (cap. 1.) Sed synesis inest aliquibus a natura, ut dicit Philosophus in VI. Ethic. (cap. xi. a med.) Ergo synesis non est virtus.

2. Præterea. Synesis, ut in eodem Lib. dicitur (cap. x.) est solum iudicativa. Sed iudicium solum sine præcepto potest esse etiam in malis. Cum ergo virtus sit solum in bonis, videtur quod synesis non sit virtus.

3. Præterea. Numquam est defectus in iudicando, saltem in particulari operabili, in quo omnis malus errat. Si ergo synesis ponitur virtus ad bene iudicandum, videtur quod non sit necessaria alia virtus ad bene præcipiendum: & ideo prudentia erit superflua: quod est inconveniens. Non ergo synesis est virtus.

Sed contra. Iudicium est perfectius quam consilium. Sed eubulia, quæ est bene consiliativa, est virtus. Ergo multo magis synesis, quæ est bene iudicativa, est virtus.

Respondeo dicendum, quod synesis importat iudicium rectum, non quidem circa speculabilia, sed circa particularia operabilia, circa quæ etiam est prudentia. Unde secundum synesim dicuntur aliqui in græco *euretoi*, idest lenitati, vel *Levissimi*, idest homines boni sensus; sicut et contra-

(a) *Ad*, intentionem;



tratio qui carent hac virtute, dicuntur *diversi*, idest infensati.

Oportet autem quod secundum differentiam actuum qui non reducuntur in eandem causam, sit etiam diversitas virtutum. Manifestum est autem quod bonitas consilii, & bonitas iudicii non reducuntur in eandem causam: multi enim sunt bene consiliativi, qui tamen non sunt bene sensati, quasi recte iudicantes; sicut etiam in speculativis aliqui sunt bene inquirentes, propter hoc quod ratio eorum prompta est ad discurrendum per diversa; quod videtur provenire ex dispositione imaginativæ virtutis, quæ de facili potest formare diversa phantasmata: & tamen huiusmodi quandoque non sunt boni iudicii; quod est propter defectum intellectus, qui maxime contingit ex mala dispositione communis sensus non bene iudicantis. Et ideo oportet præter eubuliam esse aliam virtutem, quæ est bene iudicativa; & hæc dicitur *synesis*.

Ad primum ergo dicendum, quod rectum iudicium in hoc consistit quod vis cognoscitiva apprehendat rem aliquam, secundum quod in se est: quod quidem provenit ex recta dispositione virtutis apprehensivæ; sicut in speculo, si fuerit bene dispositum, imprimuntur formæ corporum, secundum quod sunt; si vero fuerit speculum male dispositum, apparent ibi imagines distortæ, & prave se habentes. Quod autem virtus cognoscitiva sit bene disposita ad recipiendum res secundum quod sunt, contingit quidem radicaliter ex natura, consummative autem ex exercitio, vel ex munere gratiæ; & hoc dupliciter. Uno modo directe ex parte ipsius cognoscitivæ virtutis; puta quia non est imbuta pravis conceptionibus, sed veris, & rectis: & hoc pertinet ad *synesim*, secundum quod est specialis virtus. Alio modo indirecte ex bona dispositione appetitivæ virtutis; ex qua sequitur quod homo bene iudicet de appetibilibus: & sic bonum virtutis iudicium consequitur habitus virtutum moralium, sed circa fines; *synesis* autem est magis circa ea quæ sunt ad finem.

Ad secundum dicendum, quod in malis potest quidem iudicium rectum esse in universali; sed in particulari agibili semper eorum iudicium corrumpitur, ut supra habitum est (quæst. xlvii. art. 13.)

Ad tertium dicendum, quod contingit quandoque id quod bene iudicatum est, differri, vel negligenter agi, aut inordi-

nate: & ideo post virtutem quæ est bene iudicativa, necessaria est finalis virtus principalis, quæ est bene præceptiva, scilicet prudentia.

## ARTICULUS IV. 290

*Utrum gnome sit specialis virtus.*

*Locis sup. art. 3. citatis.*

**A**D quartum sic proceditur. Videtur quod *gnome* non sit specialis virtus a *synesi* distincta. Quia secundum *synesim* dicitur aliquis bene iudicativus. Sed nullus potest dici bene iudicativus, nisi in omnibus bene iudicet. Ergo *synesis* se extendit ad omnia diiudicanda. Non est ergo aliqua alia virtus bene iudicativa, quæ *gnome* dicatur.

2. Præterea. Iudicium medium est inter consilium, & præceptum. Sed una tantum virtus est bene consiliativa, scilicet eubulia; & una tantum virtus est bene præceptiva, scilicet prudentia. Ergo etiam una tantum est virtus bene iudicativa, scilicet *synesis*.

3. Præterea. Ea quæ raro accidunt, in quibus oportet aliquando a communibus legibus decedere, videntur præcipue casualia esse: quorum non est ratio, ut dicitur in II. Phys. (text. 48. & 57.) Omnes autem virtutes intellectuales pertinent ad rationem rectam. Ergo circa prædicta non est aliqua virtus intellectualis.

Sed contra est quod Philosophus determinat in VI. Ethic. (cap. xi.) *gnomen* esse specialem virtutem.

Respondeo dicendum, quod habitus cognoscitivi distinguuntur secundum altiora, vel inferiora principia; sicut sapientia in speculativis altiora principia considerat quam scientia; & ideo ab ea distinguitur: & ita etiam oportet esse in activis. Manifestum est autem quod illa quæ sunt præter ordinem inferioris principii, sive causæ, reducuntur quandoque in ordinem altioris principii; sicut monstruosi partus animalium sunt præter ordinem virtutis activæ in semine; tamen cadunt sub ordine altioris principii, scilicet celestis corporis, vel ulterius providentiæ divinæ: unde ille qui consideraret virtutem activam in semine, non posset certum iudicium ferre de huiusmodi monstris; de quibus tamen potest iudicari secundum considerationem divinæ providentiæ.

Contingit autem quandoque aliquid esse

se faciendum præter communes regulas agendorum, puta cum impugnatori patriz non est depositum reddendum, vel aliquid aliud huiusmodi. Et ideo oportet de huiusmodi indicare secundum aliqua altiora principia, quam sint regulæ communes, secundum quas indicat synesis: & secundum illa altiora principia exigitur altior virtus iudicativa, quæ vocatur *gnose*, quæ importat quandam perspicacitatem iudicii.

Ad primum ergo dicendum, quod synesis est vere iudicativa de omnibus quæ secundum communes regulas sunt; sed præter communes regulas sunt quædam alia diiudicanda, ut iam dictum est (in corp. art.)

Ad secundum dicendum, quod iudicium debet sumi ex principiis propriis rei; inquisitio autem fit etiam per communia. Unde etiam in speculativis dialectica, quæ est inquisitiva, procedit ex communibus; Demonstrativa autem, quæ est iudicativa, procedit ex propriis. Et ideo eubulia, ad quam pertinet inquisitio consilii, est una de omnibus; non autem synesis, quæ est iudicativa. Præceptum autem respicit in omnibus unam rationem boni: & ideo etiam prudentia non est nisi una.

Ad tertium dicendum, quod omnia illa quæ præter communem cursum contingere possunt, considerare pertinet ad solam providentiam divinam; sed inter homines ille qui est magis perspicax, potest plura horum sua ratione diiudicare: & ad hoc pertinet *gnose*, quæ importat quandam perspicacitatem iudicii.

## QUAESTIO LII.

### De dono consilii,

#### in quatuor articulos divisa.

**P**ostea considerandum est de dono consilii, quod respondet prudentiæ: & circa hoc quaeruntur quatuor.

Primo, utrum consilium debeat poni inter septem dona Spiritus sancti.

Secundo, utrum donum consilii respondeat virtuti prudentiæ.

Tertio, utrum donum consilii maneat in patria.

Quarto, utrum quinta beatitudo, quæ est, *Beati misericordes &c.* respondeat dono consilii.

## ARTICULUS I. 291

*Utrum consilium debeat poni inter dona Spiritus sancti.*

III. dist. xxxv. quæst. 33. art. 4. quæst. 3.

**A**D primum sic proceditur. Videtur quod consilium non debeat poni inter dona Spiritus sancti. Dona enim Spiritus sancti in adiutorium virtutum dantur, ut patet per Gregorium in II Moral. (cap. xxvii. aliquant. a princ.) Sed ad consiliandum homo sufficienter perficitur per virtutem prudentiæ, vel etiam eubuliz, ut ex dictis patet (quæst. xlvii. art. 1. & 2. & quæst. præc. art. 1. & 2.) Ergo consilium non debet poni inter dona Spiritus sancti.

2. Præterea. Hæc videtur esse differentia inter septem dona Spiritus sancti, & gratias gratis datas, quod gratiæ gratis datæ non dantur omnibus, sed distribuuntur diversis; dona autem Spiritus sancti dantur omnibus habentibus Spiritum sanctum. Sed consilium videtur esse de his quæ specialiter aliquibus a Spiritu sancto dantur, secundum illud I Machab. 11. 65. *Eccè Simon frater vester ipse vir consilii est.* Ergo consilium magis debet poni inter gratias gratis datas, quam inter septem dona Spiritus sancti.

3. Præterea. Rom. viii. 14. dicitur: *Qui spiritu Dei aguntur, hi filii Dei sunt.* Sed his qui ab alio aguntur, non competit consilium. Cum ergo dona Spiritus sancti maxime competant filiis Dei, qui acceperunt spiritum adoptionis filiorum, videtur quod consilium inter dona Spiritus sancti poni non debeat.

Sed contra est quod Iai. xl. 3. dicitur: *Requiescet super eum spiritus consilii, & fortitudinis.*

Respondeo dicendum, quod dona Spiritus sancti, ut supra dictum est (1. 2. quæst. lxxiii. art. 1.) sunt quædam dispositiones, quibus anima redditur bene mobilis a Spiritu sancto. Deus autem movet unumquodque secundum modum eius quod movetur; sicut creaturam corporalem movet per tempus, & locum; creaturam autem spiritualem per tempus, & non per locum, ut Augustinus dicit in VIII. super Gen. ad lit. (cap. xx.)

Est autem proprium rationali creaturæ quod per inquisitionem rationis moveatur ad aliquid agendum: quæ quidem inquisitio consilium dicitur: & ideo Spiritus sanctus dicitur per modum consilii crea-

creaturam rationalem movere : & propter hoc consilium ponitur inter dona Spiritus sancti.

Ad primum ergo dicendum, quod prudentia, vel eubulia, five sit acquilata, five sit infusa, dirigit hominem in inquisitione consilii, secundum ea quæ ratio comprehendere potest : unde homo per prudentiam, vel eubuliam fit bene consiliarius vel sibi, vel alii. Sed quia humana ratio non potest comprehendere (a) singularia, & contingencia, quæ occurrere possunt, fit quod *cogitationes mortaliū sint timide, & incerte providentie nostræ*, ut dicitur Sap. 1x. 14. Et ideo indiget homo in inquisitione consilii dirigi a Deo, qui omnia comprehendit : quod fit per donum consilii, per quod homo dirigitur quasi consilio a Deo accepto : sicut etiam in rebus humanis qui sibi ipsis non sufficiunt in inquisitione consilii, a sapientioribus consilium requirunt.

Ad secundum dicendum, quod hoc potest pertinere ad gratiam gratis datam, quod aliquis ita sit boni consilii, quod aliis consilium præbeat; sed quod aliquis a Deo consilium habeat, quid fieri oporteat in his quæ sunt necessaria ad salutem, hoc est commune omnium sanctorum.

Ad tertium dicendum, quod filii Dei aguntur a Spiritu sancto secundum modum eorum, salvato scilicet libero arbitrio, quod est facultas voluntatis, & rationis : & sic inquantum ratio a Spiritu sancto movetur, vel instruitur de agendis, competit filiis Dei donum consilii.

## ARTICULUS II. 293

*Utrum donum consilii respondeat virtuti prudentie.*

III. dist. xxxiv. quæst. 1. art. 2. cor. & dist. xxxv. quæst. 11. art. 4. quæst. 1.

**A**D secundum sic proceditur. Videtur quod donum consilii non respondeat convenienter virtuti prudentie. Inferius enim in suo supremo attingit id quod est superius, ut patet per Dionysium vii cap. de div. Nom. (a) med. lect. 4.) sicut homo attingit Angelum secundum intellectum. Sed virtus cardinalis est inferior dono, ut supra habitum est (1. 2. quæst. lxxviii. art. 8.) Cum ergo consilium sit primum, & infimus actus prudentie, su-

premus autem actus eius præcipere, melius autem iudicare; videtur quod donum respondens prudentie non sit consilium, sed magis iudicium, vel præceptum.

2. Præterea. Unī virtuti sufficienter auxilium præbatur per unum donum; quia *quanto aliquid est superius, tanto est magis unitum*, ut probatur in Libro de causis (propolit. 4. 10. & 17.) Sed prudentie auxilium præbatur per donum scientie, quæ non solum est speculativa, sed etiam practica, ut sup. habitum est (quæst. 1x. art. 3.) Ergo donum consilii non respondet virtuti prudentie.

3. Præterea. Ad prudentiam proprie pertinet dirigere, ut supra habitum est (quæst. xlviii. art. 8.) Sed ad donum consilii pertinet quod homo dirigatur a Deo, sicut dictum est (art. præc.) Ergo donum consilii non pertinet ad virtutem prudentie.

Sed contra est quod donum consilii est circa ea quæ sunt agenda propter finem. Sed circa hæc est etiam prudentia. Ergo sibi invicem correspondent.

Respondeo dicendum, quod principium motuum inferius adiuvatur præcipue, & perficitur per hoc quod movetur a superiori motivo principio, sicut corpus in hoc (b) quod movetur a spiritu.

Manifestum est autem quod restitudo rationis humanæ comparatur ad rationem divinam, (c) sicut principium motuum inferius, quod movetur ad superius, & refertur in ipsum: ratio enim æterna est suprema regula omnis humanæ rectitudinis.

Et ideo prudentia, quæ importat rationis rectitudinem, maxime perficitur, & iuvatur, secundum quod regulatur, & movetur a Spiritu sancto: quod pertinet ad donum consilii, ut dictum est (art. præc.) (d) Unde donum consilii respondet prudentie, sicut ipsam adiuvans, & perficiens.

Ad primum ergo dicendum, quod iudicare, & præcipere non est moti, sed moventis. Et quia in donis Spiritus sancti mens humana non se habet ut movens, sed magis ut mota, ut supra dictum est (art. præc. & 1. 2. quæst. lxxviii. art. 1.) inde est quod non fuit conveniens quod donum correspondens prudentie præceptum diceretur, vel iudicium, sed consilium: per quod potest significari mo-

(a) Ita est Rom. cum eod. Alcan. & Tarrac. aliiq. M. singularia contingencia. (b) In eod. Alcan. dist. quod. (c) Ita omnes edit. cum pluribus mss. Cod. Alcan. sicut motuum inferius ad superius: ratio enim etc. alii omis. (d) In eod. Alcan. desunt sequentia usque ad primum. Eadem edit. omnes, cum aliis mss.

motio mentis consiliata ab alio consiliante.

Ad secundum dicendum, quod scientia donum non directe respondet prudentiae, cum sit in speculativis, sed secundum quandam extensionem eam adiuvat; donum autem consilii directe respondet prudentiae, sicut circa eadem existens.

Ad tertium dicendum, quod movens motum, ex hoc quod movetur, movet. Unde mens humana ex hoc ipso quod dirigitur a Spiritu sancto, fit potens dirigere se, & alios.

### ARTICULUS III. 293

*Utrum donum consilii maneat in patria.*

*III. dist. xxxv. quest. III. art. 4. quest. 3.*

**A**D tertium sic proceditur. Videtur quod donum consilii non maneat in patria. Consilium enim est eorum quae sunt agenda propter finem. Sed in patria nihil erit agendum propter finem, quia ibi homines ultimo fine potentiuntur. Ergo in patria non est donum consilii.

2. Praeterea. Consilium dubitationem importat: in his enim quae manifesta sunt, ridiculum est consiliari, sicut patet per Philosophum in III. Ethic. (cap. III.) In patria autem tollitur omnis dubitatio. Ergo in patria non erit consilium.

3. Praeterea. In patria Sancti maxime Deo conformantur, secundum illud I. Ioan. III. 2. *Cum apparuerit, similes ei erimus.* Sed Deo non convenit consilium, secundum illud Rom. II. 34. *Quis consiliarius eius fuit?* Ergo etiam neque Sanctis in patria competit donum consilii.

Sed contra est quod Gregorius dicit XVII. Moral. (cap. VIII. in h.) *Cumque uniuscuiusque gentis vel culpa, vel iustitia ad supernae curiae consilium ducitur, eiusdem gentis praepositi vel obtinuisse in certamine, vel non obtinuisse perhibetur.*

Respondeo dicendum, quod, sicut dictum est (ar. praec. & 1. 2. quest. lxxviii. ar. 1.) dona Spiritus sancti ad hoc pertinent quod creatura rationalis moveatur a Deo.

Circa motionem autem humanae mentis a Deo duo considerari oportet. Primo quidem quod alia est dispositio eius quod movetur, dum movetur; & alia, dum est in termino motus. Et quidem

quando movens est solum principium movendi, cessante motu, cessat actio moventis super mobile, quod iam pervenit ad terminum; sicut domus, postquam aedificata est, non aedificatur ulterius ab aedificatore. Sed quando movens non solum est causa movendi, sed etiam est causa ipsius formae, ad quam est motus, tunc non cessat actio moventis etiam post ademptionem formae; sicut Sol illuminat aerem, etiam postquam est illuminatus. Et hoc modo Deus causat in nobis & virtutem, & cognitionem, non solum quando primo acquirimus, sed etiam quando in eis perseveramus. Et sic cognitionem agentium causat Deus in beatis, non quali in ignorantibus, sed quasi continuando in eis cognitionem eorum quae agenda sunt. Tamen quaedam sunt quae beati, vel Angeli, vel homines non cognoscunt quae non sunt de essentia beatitudinis; sed pertineant ad gubernationem rerum secundum divinam providentiam: & inquantum ad hoc est aliud considerandum, scilicet quod mens beatorum movetur aliter a Deo, & aliter mens viatorum: nam mens viatorum movetur a Deo in agendis per hoc quod sedatur anxietas dubitationis in eis praecedens; in mente vero beatorum circa ea quae non cognoscunt, est simplex necessitatis; a qua etiam Angeli purgantur, secundum Dionysium VII. cap. cæl. Hier. (a med.) Non autem praecedit in eis inquisitio dubitationis, sed simplex conversio ad Deum: & hoc est Deum consulere; sicut Augustinus dicit V. super Gen. ad litteram (cap. xix. cir. princ.) quod *Angeli de inferioribus Deum consulunt.* Unde & instructio qua super hoc a Deo instruuntur, *consilium* dicitur.

Et secundum hoc donum consilii est in beatis, inquantum in eis a Deo continuatur cognitio eorum quae sciunt, & inquantum illuminantur de his quae nesciunt circa agenda.

Ad primum ergo dicendum, quod etiam in beatis sunt aliqui actus ordinati ad finem, vel quasi procedentes ex consecutione finis, sicut quod Deum laudant, vel quibus alios pertrahunt ad finem, quem ipsi sunt consecuti, sicut sunt ministeria Angelorum, & orationes Sanctorum: & quantum ad hoc habet in eis locum donum consilii.

Ad secundum dicendum, quod dubitatio pertinet ad consilium secundum statum vitae praesentis, non autem pertinet, secundum

dum quod est consilium in patria; sicut etiam virtutes cardinales non habent omnino eisdem actus in patria, & in via.

Ad tertium dicendum, quod consilium non est in Deo sicut in recipiente, sicut in dante. Hoc autem modo conformantur Deo Sancti in patria; sicut recipiens influenti.

## ARTICULUS IV. 294

*Utrum quinta beatitudo, quæ est de misericordia, correspondeat dono consilii.*

1. 2. quæst. lxxix. ar. 3. ad 3. & III. dist. xxxiv. quæst. 1. ar. 4. cor. & Matth. v.

**A**D quartum sic proceditur. Videtur quod quinta beatitudo, quæ est de misericordia, non respondeat dono consilii. Omnes enim beatitudines sunt quidam actus virtutum, ut supra habitum est (1. 2. quæst. lxxix. ar. 1.) Sed per consilium in omnibus virtutum actibus dirigimur. Ergo consilio non respondet magis quinta beatitudo quam alia.

2. Præterea. Præcepta dantur de his quæ sunt de necessitate salutis; consilium autem datur de his quæ non sunt de necessitate salutis. Misericordia autem est de necessitate salutis, secundum illud Iacobi 11. 13. *Iudicium sine misericordia illi qui non facit misericordiam*: paupertas autem non est de necessitate salutis; sed pertinet ad perfectionem vitæ, ut patet Matth. xix. Ergo dono consilii magis respondet beatitudo paupertatis quam beatitudo misericordiæ.

3. Præterea. Fructus consequuntur ad beatitudines: important enim delectationem quamdam spirituales, quæ consequitur perfectos actus virtutum. Sed inter fructus non ponitur aliquid respondens dono consilii, ut patet Galat. v. Ergo etiam beatitudo misericordiæ non respondet dono consilii.

Sed contra est quod Augustinus dicit in Lib. I. de sermone Domini in monte (cap. iv. parum a princ.) *Consilium convenit misericordibus: quia unicuique reindium est de tantis malis erui, dimittere alijs, & dare.*

Respondetur dicendum, quod consilium proprie est de his quæ sunt utilia ad finem. Unde ea quæ maxime sunt utilia ad finem, maxime debent correspondere dono consilii. Hoc autem est misericordia, secundum illud I. ad Tim. iv. 8.

*Pietas ad omnia utilis est.* Et ideo specialiter dono consilii respondet beatitudo misericordiæ, non sicut elicenti, sed sicut dirigenti.

Ad primum ergo dicendum, quod etsi consilium dirigat in omnibus actibus virtutum, specialiter tamen dirigit in operibus misericordiæ, ratione iam dicta (in corp.).

Ad secundum dicendum, quod consilium, secundum quod est donum Spiritus sancti, dirigit nos in omnibus quæ ordinantur in finem vitæ æternæ, live sint de necessitate salutis, live non: & tamen non omne opus misericordiæ est de necessitate salutis.

Ad tertium dicendum, quod fructus importat quiddam ultimum. In practicis autem non est ultimum in cognitione, sed in operatione, quæ est finis. Et ideo inter fructus nihil ponitur quod pertineat ad cognitionem practicam; sed solum ea quæ pertinent ad operationes, in quibus cognitio practica dirigit: inter quæ ponitur *bonitas, & benignitas*, quæ respondent misericordiæ.

## QUAESTIO LIII.

*De vitiis prudentiæ oppositis, & primo de imprudentia, in sex articulos divisa.*

**P**OSTEA considerandum est de vitiis oppositis prudentiæ. Dicit enim Augustinus in IV. contra Iulianum (cap. iv. cir. med.) quod *omnibus virtutibus non solum sunt vitia, manifesta discretionem contraria, sicut prudentiæ temeritas; verum etiam vicina quodammodo, nec veritate, sed quadam specie fallente similia, sicut ipsi prudentiæ astutia.* Primo ergo considerandum est de vitiis quæ manifeste contrarietatem habent ad prudentiam; quæ scilicet vitia proveniunt ex defectu prudentiæ, vel eorum quæ ad prudentiam requiruntur. Secundo de vitiis quæ habent quamdam similitudinem falsam cum prudentia, quæ scilicet contingunt per abutulum eorum quæ ad prudentiam requiruntur.

Quia vero sollicitudo ad prudentiam pertinet, circa primum consideranda sunt duo. Primo quidem de imprudentia. Secundo de negligentia, quæ sollicitudini opponitur.

Et circa primum quærentur sex. Primo de imprudentia, utrum sit peccatum.

Se-

Secundo, utrum sit speciale peccatum.

Tertio de præcipitatione, sive temeritate.

Quarto de inconsideratione.

Quinto de inconstancia.

Sexto de origine horum vitiolorum.

## ARTICULUS I. 295

*Utrum imprudentia sit peccatum.*

**A**D primum sic proceditur. Videtur quod imprudentia non sit peccatum. Omne enim peccatum est voluntarium, ut Augustinus dicit (Lib. de vera relig. cap. xiv. cir. princ.) Imprudencia autem non est aliquid voluntarium: nullus enim vult esse imprudens. Ergo imprudentia non est peccatum.

2. Præterea. Nullum peccatum nascitur cum homine, nisi originale. Sed imprudentia nascitur cum homine, unde & iuvenes imprudentes sunt; nec est originale peccatum, quod opponitur originali iustitiæ. Ergo imprudentia non est peccatum.

3. Præterea. Omne peccatum per penitentiam tollitur. Sed imprudentia non tollitur per penitentiam. Ergo imprudentia non est peccatum.

Sed contra. Spiritualis thesaurus gratiæ non tollitur nisi per peccatum. Tollitur autem per imprudentiam, secundum illud Proverb. xxx. 20. *Thesaurus desiderabilis, & oleum in habitaculo iusti, & homo imprudens dissipabit illud.* Ergo imprudentia est peccatum.

Respondeo dicendum, quod imprudentia dupliciter accipi potest, uno modo privative, alio modo contrarie. Negative autem non proprie dicitur, ita scilicet quod proprie importet solam carentiam prudentiæ, quæ potest esse sine peccato. Privative quidem imprudentia dicitur, inquantum aliquis caret prudentia quam quis natus est, & debet habere: & secundum hoc imprudentia est peccatum ratione negligentiae, quæ quis non adhibet studium ad prudentiam habendam.

Contrarie vero accipitur imprudentia, secundum quod ratio contrario modo movetur, vel agit prudentiæ; puta si recta ratio prudentiæ agit consiliando, imprudens consilium spernit; & sic de aliis quæ in actu prudentiæ considerata sunt.

Et hoc modo imprudentia est peccatum secundum rationem propriam prudentiæ. Non enim potest hoc contingere quod homo contra prudentiam agat, nisi diversens a regulis quibus ratio prudentiæ reificatur.

Unde si hoc contingat per aversionem a regulis divinis, est peccatum mortale; puta cum quis quasi contemnens, & repudiens divina documenta, præcipitanter agit. Si vero præter eas agat abique contemptu, & abique detrimento eorum quæ sunt de necessitate salutis, est peccatum veniale.

Ad primum ergo dicendum, quod deformitatem imprudentiæ nullus vult; sed actum imprudentiæ vult temerarius, qui vult præcipitanter agere. Unde & Philosophus dicit in VI. Ethic. (cap. v. cir. fi.) quod ille qui circa (a) prudentiam peccat volens, minus acceptatur.

Ad secundum dicendum, quod ratio illa procedit de imprudentia, secundum quod sumitur negative. Sciendum tamen, quod carentia prudentiæ, & cuiuslibet virtutis includitur in carentia originalis iustitiæ, quæ totam animam periciebat. Et secundum hoc omnes isti defectus virtutum possunt reduci ad originale peccatum.

Ad tertium dicendum, quod per penitentiam restituitur prudentia insula; & sic cessat carentia huius prudentiæ. Non tamen restituitur prudentia acquisita quantum ad habitum; sed tollitur (b) actus contrarius, in quo proprie consistit peccatum imprudentiæ.

## ARTICULUS II. 296

*Utrum imprudentia sit speciale peccatum.*

**A**D secundum sic proceditur. Videtur quod imprudentia non sit speciale peccatum. Quicumque enim peccat, agit contra rationem rectam, quæ est prudentia. Sed imprudentia consistit in hoc quod aliquis agit contra prudentiam, ut dictum est (art. præc.) Ergo imprudentia non est speciale peccatum.

2. Præterea. Prudentia magis est affinis moralibus actibus quam scientia. Sed ignorantia, quæ opponitur scientiæ, ponitur inter generales causas peccati. Ergo multo magis imprudentia.

3. Præterea. Peccata contingunt ex hoc quod virtutum circumstantiæ cor-  
rum-

(a) *Al. male imprudentiam.* (b) *Ita cum add. Acan. Tarras. Capreas. & Paris. Niclains. & P. soterius editiones, Al. habitus.*

rumptuntur : unde & Dionysius dicit iv. cap. de div. Nom. ( part. 4. lect. 22. ) quod *malum contingit ex singularibus defectibus*. Sed multa requiruntur ad prudentiam, sicut ratio, intellectus, docilitas, & cetera quae supra posita sunt ( quaest. xlix. ) Ergo multae sunt imprudentiae species. Ergo non est speciale peccatum.

Sed contra. Imprudentia contraria est prudentiae, ut dictum est ( art. praec. ) Sed prudentia est una virtus specialis. Erga & imprudentia est unum vitium speciale.

Respondeo dicendum, quod aliquod vitium, vel peccatum potest dici generale dupliciter : uno modo absolute, quia scilicet est generale respectu omnium peccatorum ; alio modo quia est generale respectu quorundam vitiorum, quae sunt species eius.

Primo autem modo potest dici aliquod vitium generale dupliciter. Uno modo per essentiam, quia scilicet praedicatur de omnibus peccatis : & hoc modo imprudentia non est generale peccatum, sicut nec prudentia generalis virtus ; cum sit circa actus speciales, scilicet circa ipsos actus rationis. Alio modo per participationem : & hoc modo imprudentia est generale peccatum : sicut enim prudentia participatur quodammodo in omnibus virtutibus, inquantum est directiva earum ; ita & imprudentia in omnibus vitiis, & peccatis : nullum enim peccatum potest accidere, nisi sit defectus in aliquo actu rationis dirigentis ; quod pertinet ad imprudentiam.

Si vero dicatur peccatum generale non simpliciter, sed secundum aliquod genus, quia scilicet continet sub se multas species ; sic imprudentia est generale peccatum. Continet enim sub se diversas species tripliciter. Uno quidem modo per oppositum ad diversas partes subiectivas prudentiae : sicut enim distinguitur prudentia in moralitatem ; quae est regitiva unius, & in alias species prudentiae, quae sunt multitudinis regitivae, ut supra habitum est ( quaest. xlviii. & quaest. l. art. 1. ) ita etiam imprudentia. Alio modo secundum partes quasi potentiales prudentiae, quae sunt virtutes adiunctae, & accipiuntur secundum diversos actus rationis : & hoc modo quantum ad defectum consilii, circa quod est ebullia, est *praecipitatio*, sive *temeritas*, imprudentiae species ; quantum vero ad defectum

iudicii, circa quod sunt synesis, & gnomie, est *inconsideratio* ; quantum vero ad ipsum praeeptum, quod est proprius actus prudentiae, est *inconstancia*, & *negligentia*. Tertio modo potest sumi per oppositum ad ea quae requiruntur ad prudentiam ; quae sunt quali partes integrales prudentiae. Sed quia omnia illa ordinantur ad dirigendos praedictos tres rationis actus, inde est quod omnes defectus oppositi reducuntur ad quatuor praedictas partes ; sicut incautela, & circumspexio includuntur sub *inconsideratione* quod autem aliquis deficiat a docilitate ; vel memoria, vel ratione, pertinet ad *praecipitationem* : improvidentia vero, & defectus intelligentiae, & solertiae pertinet ad *negligentiam*, & *inconstanciam*.

Ad primum ergo dicendum, quod ratio illa procedit de generalitate quae est secundum participationem.

Ad secundum dicendum, quod, quia scientia est magis remota a moralibus quam prudentia, secundum propriam rationem utriusque, inde est quod ignorantia non habet de se rationem peccati moralis, sed solum ratione negligentiae praecedentis, vel effectus sequentis ; & propter hoc ponitur inter generales causas peccati. Sed imprudentia secundum propriam rationem importat vitium morale ; & ideo magis potest dici speciale peccatum.

Ad tertium dicendum, quod quando corruptio diversarum circumstantiarum habet idem motivum, non diversificatur peccati species ; sicut eiusdem speciei est peccatum ut aliquis accipiat non sua, & ubi non debet, & quando non debet. Sed si sint diversa motiva, tunc essent diversae species ; puta si unus acciperet ubi non deberet, ut faceret iniuriam loco sacro, quod faceret speciem sacrilegii ; alius quando non debet, propter solum superfluum appetitum habendi, quod esset simplex avaritia. Et ideo defectus eorum quae requiruntur ad prudentiam, non diversificant species, nisi quatenus ordinantur ad actus rationis, ut dictum est ( in corp. art. & 1. 2. quaest. lxxii art. 9. )

(a) *ita mss. & editi possm. Al. mortale.*

## ARTICULUS III. 297

*Utrum præcipitatio sit peccatum sub imprudentia contentum.*

*Inf. art. 5. cor. & quest. cxxvii. art. 1. ad 2. & mal. quest. xv. art. 4. cor.*

**A**D tertium sic proceditur. Videtur quod præcipitatio non sit peccatum sub imprudentia contentum. Imprudentia enim opponitur virtuti prudentiæ. Sed præcipitatio opponitur dono consilii: dicit enim Gregorius in II. Mor. (cap. xxvi. aliquant. a princ.) quod *donum consilii datur contra præcipitationem*. Ergo præcipitatio non est peccatum sub imprudentia contentum.

2. Præterea. Præcipitatio videtur ad temeritatem pertinere. Temeritas autem præsumptionem importat, quæ pertinet ad superbiam. Ergo præcipitatio non est vitium sub imprudentia contentum.

3. Præterea. Præcipitatio videtur importare quandam inordinatam festinationem. Sed in consiliando non solum contingit esse peccatum: per hoc quod aliquis est festinus, sed etiam si sit nimis tardus, ita quod prætereat opportunitas operis, & etiam secundum inordinationes aliarum circumstantiarum, ut dicitur in VI. Ethic. (cap. ix.) Ergo non magis præcipitatio debet poni peccatum sub imprudentia contentum, quam tarditas, aut aliqua alia huiusmodi ad inordinationem consilii pertinentia.

Sed contra est quod dicitur Proverb. xv. 19. *Via impiorum tenebrosa, nesciunt ubi corruant*. Tenebrosæ autem viæ impietatis pertinent ad imprudentiam. Ergo corruere, sive præcipitari ad imprudentiam pertinet.

Respondeo dicendum, quod præcipitatio in actibus animæ metaphorice dicitur, secundum similitudinem a corporali motu acceptam. Dicitur autem præcipitari secundum corporalem motum quod a superiori in ima pervenit secundum impetum, quemdam proprii motus, vel alicuius impellentis, non ordinate descendendo per gradus.

Summum autem animæ est ipsa ratio; imum autem est operatio per corpus exercita; gradus autem medii, per quos oportet ordinate descendere, sunt *memoria præteritorum, intelligentia præsentium, solertia in considerandis futuris eventibus, ratiocinatio* conferens unum alteri, *decisitas* per quam aliquis acquiescit

sententiis maiorum: per quos quidem gradus aliquis ordinate descendit recte consiliando.

Si quis autem feratur ad agendum per impetum voluntatis, vel passionis, pertransitis huiusmodi gradibus, erit præcipitatio. Cum ergo inordinatio consilii ad imprudentiam pertineat, manifestum est quod vitium præcipitationis sub imprudentia continetur.

Ad primum ergo dicendum, quod consilii reſtitutio pertinet ad donum consilii, & ad virtutem prudentiæ; licet diversimode, ut supra dictum est (quest. præc. art. 2.) & ideo præcipitatio utrique contrariatur.

Ad secundum dicendum, quod illa dicuntur fieri temere quæ ratione non reguntur: quod quidem potest contingere dupliciter: uno modo ex impetu voluntatis, vel passionis; alio modo ex contemptu regulæ dirigentis: unde videtur ex ea radice superbiæ provenire quæ refugit subesse regulæ alienæ. Præcipitatio autem se habet ad utrumque. Unde temeritas sub præcipitatione continetur; quamvis præcipitatio magis respiciat primum.

Ad tertium dicendum, quod in inquisitione consilii multa particularia sunt consideranda: & ideo Philosophus dicit in VI. Eth. (cap. ix. a princ.) *Oportet consiliari tarde*. Unde præcipitatio directius opponitur reſtitutioni consilii quam tarditas superflua, quæ habet quandam similitudinem recti consilii.

## ARTICULUS IV. 298

*Utrum inconsideratio sit speciale peccatum sub imprudentia contentum.*

*Sup. art. 2. cor. & inf. art. 5. cor. & mal. quest. xv. art. 4. cor.*

**A**D quartum sic proceditur. Videtur quod inconsideratio non sit peccatum speciale sub imprudentia contentum. Lex enim divina ad nullum peccatum nos inducit, secundum illud Ps. xviii. 9. *Lex Domini immaculata*. Inducit autem ad non considerandum, secundum illud Matth. x. 19. *Nolite cogitare, quomodo, aut quid loquamini*. Ergo inconsideratio non est peccatum.

2. Præterea. Quicumque consiliatur, oportet quod multa consideret. Sed per defectum consilii est præcipitatio, & per consequens ex defectu considerationis. Ergo præcipitatio sub inconsideratione continetur.



tinetur. Non ergo inconsideratio est speciale peccatum.

3. Præterea. Prudentia consistit in actibus rationis practicæ, qui sunt *consilii, indicare de consiliis, & præciperere*. Sed considerare præcedit omnes istos actus, quia pertinet etiam ad intellectum speculativum. Ergo inconsideratio non est speciale peccatum sub imprudentia contentum.

Sed contra est quod dicitur Proverb. IV. 25. *Oculi tui videant recta, & palpebre tue præcedant gressus tuos*: quod pertinet ad prudentiam. Sed contrarium huius agitur per inconsiderationem. Ergo inconsideratio est speciale peccatum sub imprudentia contentum.

Respondendo dicendum, quod consideratio importat actum intellectus veritatem rei intuentis. Sicut autem inquisitio pertinet ad rationem, ita iudicium pertinet ad intellectum. Unde & in speculativis demonstrativa scientia dicitur iudicativa, inquantum per resolutionem in prima principia intelligibilia de veritate inquisitorum diiudicatur. Et ideo consideratio maxime pertinet ad iudicium.

Unde & defectus recti iudicii ad vitium inconsiderationis pertinet, prout scilicet aliquis in recte iudicando deficit ex hoc quod contemnit, vel negligit attendere ea ex quibus rectum iudicium procedit. Unde manifestum est quod inconsideratio est peccatum.

Ad primum ergo dicendum, quod Dominus non prohibet considerare ea quæ sunt agenda, vel dicenda, quando homo habeat opportunitatem; sed dat fiduciam discipulis in verbis inducitis, ut deficientes sibi opportunitate vel propter imperitiam, vel quia subito præoccupantur, in solo divino confidentes consilio: quia *cum ignoramus quid agere debeamus, hoc solum habemus residui ut oculos nostros dirigamus ad Deum*, sicut dicitur II. Paralip. xx. 12. alioquin si homo prætermittat facere quod potest, solum divinum auxilium expectans, videtur tentare Deum.

Ad secundum dicendum, quod (a) tota consideratio eorum quæ in consilio attenduntur, ordinantur ad recte iudicandum: & ideo consideratio in iudicio perficitur. Unde etiam inconsideratio maxime opponitur rectitudini iudicii.

Ad tertium dicendum, quod inconsideratio hic accipitur secundum determi-

natam materiam, idest secundum agibilia humana, in quibus plura sunt attendenda ad recte iudicandum quam etiam in speculativis: quia operationes sunt in singularibus.

## ARTICULUS V. 299

*Utrum inconstantia sit cum sub imprudentia contentum.*

**A**D quantum sic proceditur. Videtur quod inconstantia non sit vitium sub imprudentia contentum. Inconstantia enim videtur in hoc consistere quod homo non persistat in aliquo difficili. Sed persistere in difficultibus pertinet ad fortitudinem. Ergo inconstantia magis opponitur fortitudini quam prudentiæ.

2. Præterea. Iacobi III. 16. dicitur: *Ubi zelus, & contentio, ibi inconstantia, & omne opus prævum*. Sed zelus ad invidiam pertinet. Ergo inconstantia non pertinet ad imprudentiam, sed magis ad invidiam.

3. Præterea. Ille videtur esse inconstans qui non perseverat in eo quod proposuerat: quod quidem pertinet in delectationibus ad incontinentem, in tristitiis autem ad mollem, sive delicatum, ut dicitur in VII. Ethic. (cap. vii.) Ergo inconstantia non pertinet ad imprudentiam.

Sed contra est quod ad prudentiam pertinet præferre maius bonum minus bono. Ergo desistere a meliori pertinet ad imprudentiam. Sed hoc est inconstantia. Ergo inconstantia pertinet ad imprudentiam.

Respondendo dicendum, quod inconstantia importat recessum quemdam a bono proposito definito. Huiusmodi autem recessus principium quidem habet a vi appetitiva: non enim aliquis recedit a priori bono proposito, nisi propter aliquid quod sibi inordinate placet. Sed ille recessus non consuminatur nisi per defectum rationis, quæ fallitur in hoc quod repudiat id quod recte acceptaverat. Et quia cum possit resistere impulsui passionum, si non resistat, hoc est ex debilitate ipsius, quæ non tenet se firmiter in bono proposito concepto; ideo inconstantia quantum ad sui consummationem pertinet ad defectum rationis. Sicut autem omnis relictio rationis practicæ pertinet aliquoties ad prudentiam, ita omnes defectus eiusdem pertinent ad imprudentiam.

Et

(a) Ita cum pluribus mss. recentioris editi. Ad deest tota.

Et ideo inconstantia secundum sui consummationem ad imprudentiam pertinet.

Et sicut præcipitatio est ex defectu circa actum consilii, & inconsideratio circa actum iudicii; ita inconstantia circa actum præcepti. Ex hoc enim dicitur aliquis esse inconstans quod ratio deficit in præcipiendo ea quæ sunt consiliata, & iudicata.

Ad primum ergo dicendum, quod bonum prudentiæ participatur in omnibus virtutibus moralibus: & secundum hoc persistere in bono pertinet ad omnes virtutes morales, præcipue tamen ad fortitudinem, quæ patitur maiorem impulsu ad contrarium.

Ad secundum dicendum, quod invidia, & ira, quæ est contentionis principium, faciunt inconstantiam ex parte appetitivæ virtutis, ex qua est principium inconstantiæ, ut dictum est (in cor. art.)

Ad tertium dicendum, quod continentia, & perseverantia non videntur esse in vi appetitiva, sed solum in ratione. Contingens enim patitur quidem perverfas concupiscentias, & perseverans graves tristitias (quod designat defectum appetitivæ virtutis); sed ratio firmiter persistit, continens quidem contra concupiscentias, perseverans autem contra tristitias. Unde continentia, & perseverantia videntur esse species constantiæ ad rationem pertinentis, ad quam etiam pertinet inconstantia.

#### ARTICULUS VI. 300

*Utrum prædicta vitia oriuntur ex luxuria.*

*Inf. quest. cxi. art. 4. & 5. & mal. quest. xv. art. 4.*

**A**D sextum sic proceditur. Videtur ex luxuria. Inconstantia enim oritur ex invidia, ut dictum est (art. præc. ad 2.) Sed invidia est vitium distinctum a luxuria. Ergo prædicta vitia non oriuntur ex luxuria.

2. Præterea. Iacobi 1. 8. dicitur: *Vir duplex animo inconstans est in omnibus suis.* Sed duplicitas non videtur ad luxuriam pertinere, sed magis ad dolositatem, quæ est filia avaritiæ, secundum Gregorium XXXI. Moral. (cap. xvii. a med.) Ergo prædicta vitia non oriuntur ex luxuria.

3. Præterea. Prædicta vitia pertinent ad defectum rationis. Sed vitia spiritua-

lia propinquiora sunt rationi quam vitia carnalia. Ergo prædicta vitia magis oriuntur ex vitiis spiritualibus quam ex vitiis carnalibus.

Sed contra est quod Gregorius XXXI. Moral. (loc. cit.) ponit prædicta vitia ex luxuria oriri.

Respondeo dicendum, quod, sicut Philosophus dicit in VI. Ethic. (cap. v. & Lib. VII. cap. xi.) *delectatio maxime corrumpit estimationem prudentiæ*; & præcipue delectatio quæ est in venereis, quæ totam animam abiorbet, & trahit ad sensibilem delectationem.

Perfectio autem prudentiæ, & cuiuslibet intellectualis virtutis consistit in abstractione a sensibilibus. Unde cum prædicta vitia pertineant ad defectum prudentiæ, & rationis prædictæ, sicut habitum est (art. 2. & 5. hu. quest.) sequitur quod ex luxuria maxime oriuntur.

Ad primum ergo dicendum, quod invidia, & ira causant inconstantiam, pertrahendo rationem ad aliud; sed luxuria causat inconstantiam, totaliter extinguendo iudicium rationis. Unde Philosophus dicit in VII. Eth. (cap. vi. in princ.) quod *incontinentes iræ audiat quidem rationem, sed non perfecte; incontinentes autem concupiscentiæ totaliter eam non audiat.*

Ad secundum dicendum, quod etiam duplicitas animi est quoddam consequens ad luxuriam, sicut & inconstantia; pro ut duplicitas animi importat vertibilitatem animi ad diversa. Unde & Terentius in Eunuchio (act. 1. scena 1.) dicit, quod *in amore est bellum, & rursus pax, & induciæ.*

Ad tertium dicendum, quod vitia carnalia intantum magis extinguunt iudicium rationis, inquantum longius abducunt a ratione.

#### QUAESTIO LIV.

*De negligentia, in tres articulos divisa.*

**P**OSTEA considerandum est de negligentia: & circa hoc queruntur tria.

Primo, utrum negligentia sit peccatum speciale.

Secundo, cui virtuti opponatur.

Tertio, utrum negligentia sit peccatum mortale.

## ARTICULUS I. 30r

*Utrum negligentia sit peccatum speciale.*

**A**D primum sic proceditur. Videtur quod negligentia non sit peccatum speciale. Negligentia enim diligentiae opponitur. Sed diligentia requiritur in qualibet virtute. (a) Ergo negligentia non est peccatum speciale.

2. Præterea. Illud quod invenitur in quolibet peccato, non est speciale peccatum. Sed negligentia invenitur in quolibet peccato: quia omnis qui peccat, negligit ea per quæ a peccato retrahitur; & qui in peccato perseverat, negligit conteri de peccato. Ergo negligentia non est speciale peccatum.

3. Præterea. Omne speciale peccatum habet materiam determinatam. Sed negligentia non videtur habere determinatam materiam: neque enim est circa mala, aut indifferentia, quia ea prætermittit nulli ad negligentiam deputatur; similiter etiam non est circa bona, quia si negligenter aguntur, iam non sunt bona. Ergo videtur quod negligentia non sit vitium speciale.

Sed contra est quod peccata quæ committuntur ex negligentia, distinguuntur contra peccata quæ committuntur ex contemptu.

Respondendo dicendum, quod negligentia importat defectum debiti sollicitudinis. Omnis autem defectus debiti actus habet rationem peccati. Unde manifestum est quod negligentia habet rationem peccati: & eo modo quo sollicitudo est specialis virtutis actus, necesse est quod negligentia sit speciale peccatum. Sunt enim aliqua peccata specialia, quia sunt circa aliquam materiam specialem, sicut luxuria est circa venerea; quadam autem sunt vitia specialia propter specialitatem actus se extendentis ad omnem materiam; & huiusmodi sunt omnia vitia quæ sunt circa actum rationis, nam quilibet actus rationis se extendit ad quamlibet materiam moralem. Et ideo cum sollicitudo sit quidam specialis actus rationis, ut supra habitum est (quæst. xlvii. art. 9.) consequens est quod negligentia, quæ importat sollicitudinis defectum, sit speciale peccatum.

Ad primum ergo dicendum, quod diligentia videtur esse idem sollicitudini:

*S. Tb. Oper. Tom. XXII.*

(a) Ita cum Theologia in editionibus pluribus edita, nonne quæ videmus ibi. In add. item additur sicut & diligentia.

quia in his quæ diligimus, maiorem sollicitudinem adhibemus. Unde diligentia, sicut sollicitudo, requiritur ad quamlibet virtutem, in quantum in qualibet virtute requiruntur debiti actus rationis.

Ad secundum dicendum, quod in quolibet peccato necesse est esse defectum circa aliquem actum rationis, puta defectum consilii, & aliorum huiusmodi. Unde sicut præcipitatio est speciale peccatum propter speciale actum rationis, qui prætermittitur, scilicet consilium, quamvis possit inveniri in quolibet genere peccatorum; ita negligentia est speciale peccatum propter defectum specialis actus rationis, qui est sollicitudo, quamvis inveniat aliquid in omnibus peccatis.

Ad tertium dicendum, quod materia negligentiae proprie sunt bona quæ quis agere debet; non quod ipsa sint bona, cum negligenter aguntur; sed quia per negligentiam accidit defectus bonitatis in eis, sive prætermittatur totaliter actus debitus propter defectum sollicitudinis, sive etiam aliqua debita circumstantia actus.

## ARTICULUS II. 30b

*Utrum negligentia opponatur prudentiae.*

*Sup. quæst. lxxx. art. 1. corp. & Philip. iv.*

**A**D secundum sic proceditur. Videtur quod negligentia non opponatur prudentiae. Negligentia enim videtur esse idem quod pigritia, vel torpor, quia pertinet ad accidia, ut patet per Gregorium XXXI. Moral. (cap. xvii. a med.) Accidia autem non opponitur prudentiae, sed magis caritati, ut supra dictum est (quæst. xxxv. art. 2.) Ergo negligentia non opponitur prudentiae.

2. Præterea. Ad negligentiam videtur pertinere omne peccatum omissionis. Sed peccatum omissionis non opponitur prudentiae, sed magis virtutibus moralibus executivis. Ergo negligentia non opponitur prudentiae.

3. Præterea. Imprudentia est circa aliquem actum rationis. Sed negligentia non importat defectum neque circa consilium, in quo deficit præcipitatio; neque circa iudicium, in quo deficit inconsideratio; neque circa præceptum, in quo deficit inconstancia. Ergo negligentia non pertinet ad imprudentiam.

**T**

4. Præ-

4. Præterea . Eccle. vii. 19. dicitur : *Qui timet Deum , nihil negligit* . Sed unumquodque peccatum præcipue excluditur per virtutem oppositam . Ergo negligentia magis opponitur timori quam prudentiæ .

Sed contra est quod dicitur Eccli. xx. 7. *Lascivus , & imprudens (a) non observant tempus* . Sed hoc pertinet ad negligentiam . Ergo negligentia opponitur prudentiæ .

Respondeo dicendum , quod negligentia directe opponitur solitudini . Solitudo autem pertinet ad rationem , & rectitudo solitudinis ad prudentiam . Unde per oppositum negligentia ad imprudentiam pertinet .

Et hoc etiam ex ipso nomine apparet : quia , sicut Isidorus dicit in Lib. X. Etymolog. ( ad lit. N. ) *negligens dicitur quasi nec eligens* . Electio autem recta eorum quæ sunt ad finem , ad prudentiam pertinet . Unde negligentia pertinet ad imprudentiam .

Ad primum ergo dicendum , quod negligentia consistit in defectu interioris actus , ad quem pertinet etiam electio ; pigritia autem , & torpor magis pertinet ad executionem ; ita tamen quod pigritia importat tarditatem ad exequendum , torpor remissionem quandam importat in ipsa executione . Et ideo convenienter torpor ex accidia nascitur , quia accidia est tristitia aggravans , id est impediens animum ab operando .

Ad secundum dicendum , quod omissio pertinet ad exterioriorem actum : est enim omissio , quando prætermittitur aliquis actus debitus : & ideo opponitur iustitiæ . & est effectus negligentiae , sicut etiam executio iusti operis est effectus rationis rectæ .

Ad tertium dicendum , quod negligentia est circa actum præcipiendi , ad quem etiam pertinet sollicitudo . Aliter tamen circa actum hunc deficit negligens , & aliter inconstans : inconstans enim deficit in præcipiendo , quasi ab aliquo impeditus ; negligens autem per defectum promptæ voluntatis .

Ad quartum dicendum , quod timor Dei operatur ad vitiationem cuiuslibet peccati : quia , ut dicitur Proverb. xv. 27. *per timorem Domini declinat omnis a malo* . Et ideo timor facit negligentiam vitare ; non tamen ita quod directe negligentia timori opponatur , sed inquantum timor excitat hominem ad a-

ctus rationis . Unde etiam supra habitum est ( 1. 2. quæst. xlv. art. 2. ) cum de passionibus ageretur , quod timor facit consiliativos .

### ARTICULUS III. 303

*Utrum negligentia possit esse peccatum mortale .*

Sup. quæst. lxxx. art. 1. corp. & Philip. iv. lect. 3.

**A**D tertium sic proceditur . Videtur quod negligentia non possit esse peccatum mortale . Quia super illud Job ix. *Versabar omnia opera mea &c.* dicit Glossa Gregorii ( ordin. ex Lib. IX. Moral. cap. xvii. cir. med. ) quod illam , scilicet negligentiam , *minor amor Dei exagereat* . Sed ubicumque est peccatum mortale , totaliter tollitur amor Dei . Ergo negligentia non est peccatum mortale .

2. Præterea . Super illud Eccli. vii. *De negligentia tua purga te cum paucis* , dicit Glossa ( ordin. ex Rabano ) *Quamvis oblatio parva sit , multorum delictorum purgat negligentiam* . Sed hoc non esset , si negligentia esset peccatum mortale . Ergo negligentia non est peccatum mortale .

3. Præterea . In lege fuerunt statuta sacrificia pro peccatis mortalibus , sicut patet in Levit. Sed nullum fuit statutum sacrificium pro negligentia . Ergo negligentia non est peccatum mortale .

Sed contra est quod habetur Proverb. xix. 16. *Qui negligit viam suam , mortificabitur* .

Respondeo dicendum , quod , sicut dictum est ( art. præc. ad 3. ) negligentia provenit ex quadam remissione voluntatis , per quam contingit quod ratio non sollicitatur ut præcipiat ea quæ debet , vel eo modo quo debet .

Potest ergo dupliciter contingere quod negligentia sit peccatum mortale . Uno modo ex parte eius quod prætermittitur per negligentiam : quod quidem si sit de necessitate salutis , sive sit actus , sive circumstantia , erit peccatum mortale .

Alio modo ex parte causæ . Si enim voluntas intantum sit remissa circa ea quæ sunt Dei , ut totaliter a Dei caritate deiciat , talis negligentia est peccatum mortale : & hoc præcipue contingit quando negligentia sequitur ex contemptu .

Alio-

(a) *Vagata non se habuit.*

## ARTICULUS I. 304

*Utrum prudentia carnis sit peccatum.*

Alloquin si negligentia consistat in prætermissione alicuius actus, vel circumstantiæ quæ non sit de necessitate salutis; nec hoc fiat ex contemptu, sed ex aliquo defectu servoris, qui impedit interdum per aliquod veniale peccatum; tunc negligentia non est mortale peccatum, sed veniale.

Ad primum ergo dicendum, quod minor amor Dei potest intelligi dupliciter. Uno modo per defectum fervoris caritatis; & sic causatur negligentia quæ est peccatum veniale. Alio modo per defectum ipsius caritatis, sicut dicitur minor amor Dei, quando aliquis diligit Deum solum amore naturali; & tunc causatur negligentia quæ est peccatum mortale.

Ad secundum dicendum, quod parva oblatio cum humili mente, & pura dilectione facta, ut ibidem dicitur, non solum purgat peccata venialia, sed etiam mortalia.

Ad tertium dicendum, quod quando negligentia consistit in prætermissione eorum quæ sunt de necessitate salutis, tunc trahitur ad aliud genus peccati magis manifestum. Peccata enim quæ consistunt in interioribus actibus, sunt magis occulta: & ideo pro eis certa sacrificia non iniungebantur in lege: quia sacrificiorum oblatio erat quædam publica protestatio peccati, quæ non est facienda de peccato occulto.

## QUAESTIO LV.

*De vitiis oppositis prudentiæ secundum similitudinem,  
in octo articulos divisa.*

Postea considerandum est de vitiis oppositis prudentiæ, quæ habent similitudinem cum ipsa: & circa hoc quaeruntur octo.

Primo, utrum prudentia carnis sit peccatum.

Secundo, utrum sit peccatum mortale.

Tertio, utrum astutia sit peccatum speciale.

Quarto de dolo.

Quinto de fraude.

Sexto de sollicitudine temporalium rerum.

Septimo de sollicitudine futurorum.

Octavo de origine horum vitiolorum.

Ad primum sic proceditur. Videtur quod prudentia carnis non sit peccatum. Prudentia enim est nobilior virtus quam alie virtutes morales, utpote omnium regulativa. Sed nulla iustitia, vel temperantia est peccatum. Ergo neque aliqua prudentia est peccatum.

2. Præterea. Prudenter operari ad finem qui licite amatur, non est peccatum. Sed caro licite amatur: *nemo enim unquam carnem suam odio habuit*, ut habetur ad Eph. v. 29. Ergo prudentia carnis non est peccatum.

3. Præterea. Sicut homo tentatur a carne, ita etiam tentatur a mundo, & a diabolo. Sed non ponitur inter peccata aliqua prudentia mundi, vel etiam diaboli. Ergo neque debet poni inter peccata aliqua prudentia carnis.

Sed contra. Nullus est inimicus Deo nisi propter iniquitatem, secundum illud Sap. xiv. 9. *Similiter odio sunt Deo impius, & impietas eius*. Sed, sicut dicitur ad Rom. viii. 7. *(a) prudentia carnis inimica est Deo*. Ergo prudentia carnis est peccatum.

Respondeo dicendum, quod, sicut supra dictum est (quæst. xlvii. art. 13.) prudentia est circa ea quæ sunt ad finem totius vitæ. Et ideo prudentia carnis proprie dicitur, secundum quod aliquis bona carnis habet ut ultimum finem suæ vitæ. Manifestum est autem quod hoc est peccatum: per hoc enim homo deordinatur circa ultimum finem, qui non consistit in bonis corporis, sicut supra habitum est (1. 2. quæst. 11. art. 5.).

Et ideo prudentia carnis est peccatum.

Ad primum ergo dicendum, quod iustitia, & temperantia in sui ratione important id unde virtus laudatur, scilicet æqualitatem, & concupiscientiarum, refrenationem: & ideo nunquam accipiuntur in malo. Sed nomen prudentiæ sumitur a providendo, sicut supra dictum est (quæst. xlvii. art. 1. & quæst. xlix. art. 6.) quod etiam ad mala extendi potest. Et ideo licet prudentia simpliciter dicta in bono accipitur, aliquo tamen addito potest accipi in malo: & secundum hoc dicitur prudentia carnis esse peccatum.

Ad secundum dicendum, quod caro est

T 2

pro-

propter animam, sicut materia propter formam, & instrumentum propter principale agens. Et ideo sic licite diligitur caro, ut ordinetur ad bonum animæ sicut ad finem. Si autem in ipso bono carnis constituitur ultimus finis, erit inordinata, & illicita dilectio: & hoc modo ad amorem carnis ordinatur prudentia carnis.

Ad tertium dicendum, quod diabolus nos tentat non per modum appetibilis, sed per modum suggerentis. Et ideo cum prudentia importet ordinem ad aliquem finem appetibilem, non ita dicitur *prudentia diaboli*, sicut prudentia respectu alienius mali finis, sub cuius ratione tentat nos mandus, & caro, in quantum scilicet proponuntur nobis ad appetendum bona mundi, vel carnis. Et ideo dicitur *prudentia carnis*, & etiam *prudentia mundi*, secundum illud Lucæ xvi. 8. *Filius huius sæculi prudentiores sunt in generatione sua* &c. Apostolus autem totum comprehendit sub *prudentia carnis*, quia etiam exteriores res mundi appetimus propter carnem.

Potest tamen dici, quod quia prudentia quodammodo dicitur *sapientia*, ut supra dictum est (quaest. xlvii. art. 2. ad 1.) ideo secundum tres tentationes potest intelligi triplex prudentia. Unde Iacobi iiii. dicitur sapientia esse *terrena, animalis, & diabolica*, ut supra exposuimus (quaest. xlv. art. 2. ad 1.) cum de sapientia ageretur.

## ARTICULUS II. 305

*Utrum prudentia carnis sit peccatum mortale.*

**A**D secundum sic proceditur. Videtur quod prudentia carnis sit peccatum mortale. Rebelle enim divinæ legi est peccatum mortale: quia per hoc Deus contemnitur. Sed *prudentia carnis*... non est subiecta legi Dei, ut habetur Rom. viii. 7. Ergo prudentia carnis est peccatum mortale.

2. Præterea. Omne peccatum in Spiritum sanctum est peccatum mortale. Sed prudentia carnis videtur esse peccatum in Spiritum sanctum: non enim potest esse subiecta legi Dei, ut dicitur Rom. viii. & ita videtur esse peccatum irremissibile; quod est proprium peccati in Spiritum sanctum. Ergo prudentia carnis est peccatum mortale.

3. Præterea. Maximo bono maximum malum opponitur, ut patet in VIII. Ethic. (cap. x. circ. princ.) Sed prudentia carnis opponitur prudentiæ, quæ est præcipua inter virtutes morales. Ergo prudentia carnis est præcipua inter peccata mortalia; & ita est peccatum mortale.

Sed contra. Illud quod diminuit peccatum, non importat de se rationem peccati mortalis. Sed caute protequi ea quæ pertinent ad curam carnis, quod videtur ad prudentiam carnis pertinere, diminuit peccatum. Ergo prudentia carnis de sui ratione non importat peccatum mortale.

Respondetur dicendum, quod, sicut supra dictum est (quaest. xlvii. art. 2. ad 1. & art. 13.) prudens dicitur aliquis dupliciter: uno modo simpliciter, scilicet in ordine ad finem totius vitæ; alio modo secundum quid, scilicet in ordine ad finem aliquem particularem; puta sicut dicitur aliquis prudens in negotiatione, vel in aliquo huiusmodi.

Si ergo prudentia carnis accipiat secundum absolutam prudentiæ rationem, ita scilicet quod in cura carnis constituitur ultimus finis totius vitæ, sic est peccatum mortale, quia per hoc homo avertitur a Deo; cum impossibile sit esse plures fines ultimos, ut supra habitum est (1. 2. quaest. i. art. 5.)

Si vero prudentia carnis accipiat secundum rationem particularis prudentiæ, sic prudentia carnis est peccatum veniale. Contingit enim quandoque quod aliquis inordinate afficitur ad aliquod delectabile carnis, absque hoc quod avertatur a Deo per peccatum mortale: unde non constituit finem totius vitæ in delectatione carnis: & sic adhibere studium ad hanc delectationem consequendam, est peccatum veniale, quod pertinet ad prudentiam carnis.

Si vero aliquis adu eum carnis referat in finem honestum, puta cum aliquis studet comestioni propter corporis sustentationem, non vocatur prudentia carnis, quia sic utitur homo cura carnis ut ad finem.

Ad primum ergo dicendum, quod Apostolus loquitur de prudentia carnis, secundum quod (a) finis totius vitæ humanæ constituitur in bonis carnis: & sic est peccatum mortale.

Ad secundum dicendum, quod prudentia

(a) Ita cum García omnes posteriores editiones, Cædix & Edit. Rom. finis constituitur in bonis carnis totius vitæ humanæ, ordine verborum inverso.

tia carnis non importat peccatum in Spiritum sanctum. Quod enim dicitur, quod non potest esse subiecta legi Dei, non sic est intelligendum, quasi ille qui habet prudentiam carnis, non possit converti, & subiaci legi Dei; sed quia ipsa prudentia carnis legi Dei non potest esse subiecta; sicut nec iniustitia potest esse iusta, nec calor potest esse frigidus, quamvis calidum possit esse frigidum.

Ad tertium dicendum, quod omne peccatum opponitur prudentiae, sicut & prudentia participatur in omni virtute. Sed ideo non oportet quod quodlibet peccatum prudentiae oppositum sit gravissimum, sed solum quando opponitur prudentiae in aliquo maximo.

### ARTICULUS III. 306

*Utrum astutia sit speciale peccatum*

*Inf. art. 4. cor. & quest. lxxix. art. 1. cor. & quest. xcvi. art. 3. ad 3.*

**A**D tertium sic proceditur. Videtur quod astutia non sit speciale peccatum. Verba enim sacrae Scripturae non inducunt aliquem ad peccandum. Inducunt autem ad astutiam, secundum illud Proverb. 1. 4. *Ut detur parvulis, astutia.* Ergo astutia non est peccatum.

2. Praeterea. Proverb. xlii. 16. dicitur: *Astutus omnia agit cum consilio.* Aut ergo ad finem bonum, aut ad finem malum. Si ad finem bonum, non videtur esse peccatum; si autem ad finem malum, videtur pertinere ad prudentiam carnis, vel saeculi. Ergo astutia non est speciale peccatum a prudentia carnis distinctum.

3. Praeterea. Gregorius X. Moral. (cap. xvi.) exponens illud Iob xii. *Deridetur iusti simplicitas*, dicit: „Sapientia huius mundi est cor machinationibus tegere, sensum verbis velare; quae falsa sunt, vera ostendere; quae vera sunt, falsa demonstrare.“ Et postea subdit: „Haec prudentia usu a iuvenibus scitur, a pueris pretio discitur.“ Sed ea quae praedicta sunt, videtur ad astutiam pertinere. Ergo astutia non distinguitur a prudentia carnis, vel mundi; & ita non videtur esse speciale peccatum.

Sed contra est quod Apostolus dicit II. ad Cor. iv. 2. *Abdicamus occulta decore, non ambulantes in astutia, neque adulterantes verbum Dei.* Ergo astutia est quoddam peccatum.

5. Tb. Oper. Temp. XXII.

Respondeo dicendum, quod prudentia est *recta ratio agibilium*, sicut scientia est *recta ratio scibilium*. Contingit autem contra rectitudinem scientiae dupliciter peccari in speculativis: uno quidem modo, quando ratio inducitur ad aliquam conclusionem falsam, quae apparet vera; alio modo ex eo quod ratio procedit ex aliquibus falsis, quae videntur esse vera, sive sint ad conclusionem veram, sive ad conclusionem falsam.

Ita etiam aliquod peccatum potest esse contra prudentiam, habens aliquam similitudinem eius dupliciter. Uno modo quia studium rationis ordinatur ad finem qui non est vere bonus, sed apparentis: & hoc pertinet ad prudentiam carnis.

Alio modo inquantum aliquis ad finem aliquem consequendum vel bonum, vel malum, utitur non veris viis, sed simulatis, & apparentibus: & hoc pertinet ad peccatum astutiae. Unde est quoddam peccatum prudentiae oppositum, & a prudentia carnis distinctum.

Ad primum ergo dicendum, quod, sicut Augustinus dicit in IV. contra Iul. (cap. xii. parum ante med.) sicut prudentia abusive quandoque in malo accipitur, ita & astutia quandoque in bono; & hoc propter similitudinem unius ad alterum. Proprie tamen astutia in malo accipitur, sicut & Philosophus dicit in VI. Ethic. (cap. xii. ad fin.)

Ad secundum dicendum, quod astutia potest consiliari & ad finem bonum, & ad finem malum: nec oportet ad finem bonum falsis viis pervenire, & simulatis, sed veris. Unde etiam astutia, si ordinetur ad bonum finem, est peccatum.

Ad tertium dicendum, quod Gregorius sub *prudentia mundi* accepit omnia quae possunt ad falsam prudentiam pertinere. Unde etiam sub hac comprehenditur astutia.

### ARTICULUS IV. 307

*Utrum dolus sit peccatum ad astutiam pertinens.*

*Inf. quest. lxxix. art. 2. cor. & quest. cxi. art. 3. ad 2.*

**A**D quartum sic proceditur. Videtur quod dolus non sit peccatum ad astutiam pertinens. Peccatum enim in perfectis viris non invenitur, & praecipue mortale. Invenitur autem in eis

T 3 ali-

aliquis dolus, secundum illud II. ad Cor. xii. 16. *Cum essem astutus, dolo vos cepi*. Ergo dolus non est semper peccatum.

2. Præterea. Dolus maxime ad linguam pertinere videtur, secundum illud Psalm. v. 11. *Linguis suis doloſe agebant*. Astutia autem, sicut & prudentia, est in ipſo actu rationis. Ergo dolus non pertinet ad astutiam.

3. Præterea. Proverb. xii. 20. dicitur: *Dolus in corde cogitantium mala*. Sed non omnis malorum cogitatio pertinet ad astutiam. Ergo dolus non videtur ad astutiam pertinere.

Sed contra est quod astutia ad circumventionem ordinatur, secundum illud Apostoli ad Ephes. iv. 14. *In astutia ad circumventionem erroris*: ad quod etiam dolus ordinatur. Ergo dolus pertinet ad astutiam.

Respondendo dicendum, quod, sicut supra dictum est (art. præc.) ad astutiam pertinet assumere vias non veras, sed simulatas, & apparentes ad aliquem finem prosequendum vel bonum, vel malum. Assumptio autem harum viarum potest dupliciter considerari. Uno quidem modo in ipsa excogitatione viarum huiusmodi: & hoc proprie pertinet ad astutiam, sicut etiam excogitatio rectarum viarum ad debitum finem pertinet ad prudentiam.

Alio modo potest considerari talium viarum assumptio secundum executionem operis: & secundum hoc pertinet ad dolum. Et ideo dolus importat quandam executionem astutiæ; & secundum hoc ad astutiam pertinet.

Ad primum ergo dicendum, quod sicut astutia proprie accipitur in malo, abusive autem in bono; ita etiam & dolum, qui est astutiæ executio.

Ad secundum dicendum, quod executio astutiæ ad decipiendum primo quidem & principaliter fit per verba, quæ præcipuum locum tenent inter signa quibus homo significat aliquid alteri, ut patet per Augustinum in Lib. de doctr. christ. (cap. 111.) & ideo dolus maxime attribuitur locutioni. Contingit tamen esse dolum & in factis, secundum illud Psalm. cv. 25. *Et dolum fecerunt in servos eius*. Est etiam dolus in corde, secundum illud Eccli. xix. 22. *Interiora eius plena sunt dolo*: sed hoc est, secundum quod aliquis dolum excogitat, secundum illud Psalm. xxxviii. 23. *Et dolum tota die meditabatur*.

Ad tertium dicendum, quod quicunque cogitant aliquid malum facere, necesse est quod excogitent aliquas vias ad hoc quod suum propositum impleant; & ut plurimum excogitant vias doloſas, quibus facilius propositum consequantur: quamvis contingat quandoque quod absque astutia, & dolo aliqui aperte, & per violentiam malum operentur; sed hoc, quia difficilius fit, in paucioribus accidit.

## ARTICULUS V. 308

*Utrum fraus ad astutiam pertineat.*

*Sup. art. 4. & locis ibi citatis.*

**A**D quintum sic proceditur. Videtur quod fraus ad astutiam non pertineat. Non enim est laudabile quod aliquis decipi se patiatur; ad quod astutia tendit. Est autem laudabile quod aliquis patiatur fraudem, secundum illud I. ad Corinth. vi. 7. *Quare non magis fraudem patimini?* Ergo fraus non pertinet ad astutiam.

3. Præterea. Fraus pertinere videtur ad illicitam acceptionem, vel retentionem exteriorum rerum: dicitur enim Act. v. 1. quod *vir quidam nomine Ananias cum Sapphira uxore sua vendidit agrum, & fraudaverit de pretio agri*. Sed illicite usurpare, vel retinere res exteriores pertinet ad iniustitiam, vel inliberalitatem. Ergo fraus non pertinet ad astutiam, quæ opponitur prudentiæ.

3. Præterea. Nullus astutia utitur contra seipsum. Sed aliquorum fraudes sunt contra seipſos: dicitur enim Proverb. i. 18. de quibusdam, quod *moluntur fraudes contra animas suas*. Ergo fraus non pertinet ad astutiam.

Sed contra. Fraus ad deceptionem ordinatur, secundum illud Iob xiii. 9. *Numquid decipietur, ut homo, vestris fraudulentis?* Ad idem etiam ordinatur astutia. Ergo fraus ad astutiam pertinet.

Respondendo dicendum, quod sicut dolus consistit in executione astutiæ, ita etiam & fraus.

Sed in hoc differre videtur, quod dolus pertinet universaliter ad executionem astutiæ, sive fiat per verba, sive per facta; fraus autem magis proprie pertinet ad executionem astutiæ, secundum quod fit per facta.

Ad primum ergo dicendum, quod Apostolus non inducit fideles ad hoc quod decipiantur in cognoscendo, sed ad hoc quod



quod (a) effectum deceptionis patienter tolerent in sustinendis iniuriis fraudulentiter illatis.

Ad secundum dicendum, quod executio astutiae potest fieri per aliquod aliud vitium, sicut & executio prudentiae fit per virtutes: & hoc modo nihil prohibet defraudationem pertinere ad avaritiam, vel illiberalitatem.

Ad tertium dicendum, quod illi qui fraudes faciunt, ex eorum intentione non moliuntur aliquid contra seipso, vel contra animas suas; sed ex iusto Dei iudicio provenit ut id quod contra alios moliuntur, contra eos reororqueatur, secundum illud Psalm. vii. 16. *Incidit in foveam quam fecit.*

ARTICULUS VI. 309

*Utrum licitum sit sollicitudinem habere de temporalibus rebus.*

*Inf. quæst. cxviii. art. 7. cor. & III. con. cap. cxxxv. fin. & quod. vii. art. 17. ad 2. & Philip. iv.*

**A**D sextum sic proceditur. Videtur quod licitum sit sollicitudinem habere de temporalibus rebus. Ad prædictam enim pertinet sollicitudo esse de his quibus præest, secundum illud Rom. xii. 8. *Qui præest in sollicitudine.* Sed homo præest ex divina ordinatione temporalibus rebus, secundum illud Psalm. viiii. 8. *Omnia subiecisti sub pedibus eius, oves, & boves &c.* Ergo homo debet habere sollicitudinem de temporalibus rebus.

2. Præterea. Unusquisque sollicitus est de fine propter quem operatur. Sed licitum est hominem operari propter temporalia, quibus vitam sustentet: unde Apostolus dicit II. ad Thessal. iii. 10. *Si quis non vult operari, non manducet.* Ergo licitum est sollicitari de rebus temporalibus.

3. Præterea. Sollicitudo de operibus misericordiae laudabilis est, secundum illud II. ad Timoth. i. 17. *Cum Romani venisset, sollicitus me quæsis.* Sed sollicitudo temporalium rerum quandoque pertinet ad opera misericordiae, puta cum quis sollicitudinem adhibet ad procurandum negotia pupillorum, & pauperum. Ergo sollicitudo temporalium rerum non est illicita.

Sed contra est quod Dominus dicit Matth. vi. 31. *Nolite solliciti esse, dicen-*

*tes: Quid manducabimus, aut quid bibemus, aut quo operiemur? Quæ tamen sunt maxime necessaria.*

Respondeo dicendum, quod sollicitudo importat studium quoddam adhibitum ad aliquid consequendum. Manifestum est autem quod maius studium adhibetur, ubi est timor deficiendi: & ideo ubi est securitas consequendi, minor intervenit sollicitudo.

Sic ergo sollicitudo temporalium rerum tripliciter potest esse illicita. Uno quidem modo ex parte eius de quo sollicitamur, si scilicet temporalia tamquam finem queramus: unde & Augustinus dicit in Lib. de operibus monach. (cap. xxvi. paulo a princ.) *Cum Dominus dicit, Nolite solliciti esse &c. hoc dicit, ut non ista intueantur, & propter ista faciant quicquid in Evangelii predicatione facere iubentur.*

Alio modo potest esse temporalium sollicitudo illicita propter superfluum studium, quod apponitur ad temporalia procuranda, propter quod homo a spiritualibus, quibus principaliter inservire debet, retrahitur: & ideo dicitur Matth. xiii. 22. *quod sollicitudo seculi suffocat verbum.*

Tertio modo ex parte timoris superflui, quando scilicet aliquis timet ne faciendo quod debet, necessaria sibi deficiant: quod Dominus tripliciter excludit. Primo propter maiora beneficia homini præstita divinitus præter suam sollicitudinem, scilicet corpus, & animam. Secundo propter subventionem, qua Deus animalibus, & plantis subvenit abique opere humano, secundum proportionem suæ naturæ. Tertio ex divina providentia, propter cuius ignorantiam Gentiles circa temporalia bona querenda principaliter sollicitantur. Et ideo concludit, quod principaliter nostra sollicitudo esse debet de spiritualibus bonis, sperantes quod etiam temporalia nobis proveniant ad necessitatem, si fecerimus quod debemus.

Ad primum ergo dicendum, quod temporalia bona subiecta sunt homini, ut eis utatur ad necessitatem, non ut in eis finem constituat, & superflue circa ea sollicitetur.

Ad secundum dicendum, quod sollicitudo eius qui corporali labore panem acquirit, non est superflua, (b) sed moderata: & ideo Hieronymus dicit (sup-

T 4 illud

(a) Ita eodd. Alean. & Tarrac. Nicolai, & posteriores edit. Al. defecum.

(b) Ita eod. pagin. cum eodd. Tarrac. & Alean. Edit. Rom. cum aliis si sit moderata.

illud Math. vi. *Ne solliciti sitis* ) quod labor exercendus est, sollicitudo tollenda, superflua scilicet, animum inquietans.

Ad tertium dicendum, quod sollicitudo temporalium in operibus misericordiae ordinatur ad finem caritatis : & ideo non est illicita, nisi sit superflua.

## ARTICULUS VII. 310

*Utrum quis debeat esse sollicitus futurorum.*

*Inf. quæst. cxxxviii. art. 7. ad 2. & III. cont. cap. cxxxv. fin.*

**A**D septimum sic proceditur. Videtur quod aliquis debeat sollicitus esse futurorum. Dicitur enim Proverb. vi. 6. *Vade ad formicam, o piger, & considera vias eius, & discite sapientiam: quæcum non habeat ducem, nec præceptorem, parat in estate cibum sibi, & congregat in messe quod comedat.* Sed hoc est in futurum sollicitari. Ergo laudabilis est sollicitudo futurorum.

2. Præterea. Sollicitudo ad prudentiam pertinet. Sed prudentia præcipue est futurorum: præcipua enim pars eius est providentia futurorum, ut supra dictum est ( quæst. xlix. art. 6. ) Ergo virtuosum est sollicitari de futuris.

3. Præterea. Quicumque reponit aliquid in posterum conservandum, sollicitus est in futurum. Sed ipse Christus legitur Ioan. xii. loculos habuisse ad aliquid conservandum, quos Iudas deferrebat: Apostoli etiam conservabant pretia prædiorum, quæ ante pedes eorum ponebantur, ut legitur Act. iv. Ergo licitum est in futurum sollicitari.

Sed contra est quod Dominus dicit Math. vi. 34. *Nolite solliciti esse in crastinum.* Cras autem ibi ponitur pro futuro, sicut dicit Hieronymus ( in hunc loc. )

Respondeo dicendum, quod nullum opus potest esse virtuosum, nisi debitis circumstantiis vestitur: inter quas una est debitum tempus, secundum illud Eccl. viii. 6. *Omni negotio tempus est, & opportunitas:* quod non solum in exterioribus operibus, sed etiam in interiori sollicitudine locum habet. Unicuique enim tempori competit propria sollicitudo: sicut temporis æstatis competit sollicitudo metendi, ( a ) ipsi autumno autem competit sollicitudo vindemiæ. Si quis ergo tempore æstatis de vindemia iam esset

sollicitus, superflue præoccuparet futuri temporis sollicitudinem. Unde huiusmodi sollicitudinem tamquam superfluum Dominus prohibet, dicens: *Nolite solliciti esse in crastinum:* unde subdit: *Crastinus enim dies sollicitus eris sibiipso,* idest tuam propriam sollicitudinem habebis, quæ sufficiet ad animum affligendum. Et hoc est quod subdit: *Sufficit diei malitia sua,* idest afflictio sollicitudinis.

Ad primum ergo dicendum, quod formica habet sollicitudinem congruam temporis: & hoc nobis imitandum proponitur.

Ad secundum dicendum, quod ad prudentiam pertinet providentia debita futurorum. Esset autem inordinata futurorum providentia, vel sollicitudo, si quis temporalia, in quibus dicitur præteritum, & futurum, tamquam fines quæreret; vel si superflua quæreret ultra præsentis vitæ necessitatem; vel si tempus sollicitudinis præoccuparet.

Ad tertium dicendum, quod, sicut Augustinus dicit in Lib. II. de ferm. Domini in monte ( cap. xvii. circ. med. ) cum viderimus aliquem servum Dei providere, ne ista necessaria sibi defuerint, non iudicemus eum de crastino sollicitum esse: nam & ipse Dominus propter exemplum loculos habere dignatus est: & in Actibus Apostolorum scriptum est, ea quæ ad videndum sunt necessaria, procurata esse in futurum propter imminentem famem. Non ergo Dominus improbat, si quis humano more ista procurat, sed si quis propter ista ( b ) militet Deo.

## ARTICULUS VIII. 311

*Utrum huiusmodi vitia oriuntur ex avaritia.*

*Inf. quæst. cxviii. art. 7. & 8. & II. dist. xlii. quæst. 11. art. 3. & mal. quæst.*

*xlii. art. 3.*

**A**D octavum sic proceditur. Videtur quod huiusmodi vitia non oriuntur ex avaritia. Quia, sicut dictum est ( quæst. xlii. art. 6. ) per luxuriam maxime ratio patitur defectum in sua rectitudine. Sed huiusmodi vitia opponuntur rationi rectæ, scilicet prudentiæ. Ergo huiusmodi vitia maxime ex luxuria oriuntur; præsertim cum Philosophus dicat in VII. Ethic. ( cap. vi. circ. med. ) quod *Venus est dolosa, & eius*

( a ) Ita communiter. Nihil aliis temporis autem autumni competit &c. ( b ) Ita mss. & editi passim. Editi R. m. non militet.

*eius corrigia est varia; & quod ex insidiis agit incontinentes concupiscentiae.*

2. Præterea. Prædicta vitia habent quandam similitudinem prudentiæ, ut dictum est (art. 3. huius quæst. & quæst. XLVII. art. 13.) Sed ad prudentiam, cum sit in ratione, maiorem propinquitatem habere videntur vitia magis spiritualia, ut superbia, & inanis gloria. Ergo huiusmodi vitia magis videntur ex superbia oriri quam ex avaritia.

3. Præterea. Homo insidiis utitur non solum in diripiendis bonis alienis, sed etiam in machinando aliorum cædes; quorum primum pertinet ad avaritiam, secundum ad iram. Sed insidiis uti pertinet ad astutiam, dolum, & fraudem. Ergo prædicta vitia non solum oriuntur ex avaritia, sed etiam ex ira.

Sed contra est quod Gregorius XXXI. Moral. (cap. XVII. a med.) ponit fraudem filiam avaritiæ.

Respondeo dicendum, quod, sicut dictum est (art. 3. huius quæst. & quæst. XLVII. art. 13.) prudentia carnis, & astutia cum dolo, & fraude, quandam similitudinem habent cum prudentia in aliquo usu rationis. Præcipue autem inter alias virtutes morales usus rationis rectæ apparet in iustitia, quæ est in appetitu rationali. Et ideo usus rationis indebitus etiam maxime apparet in vitis oppositis iustitiæ: opponitur autem ipsi maxime avaritia.

Et ideo prædicta vitia maxime ex avaritia oriuntur.

Ad primum ergo dicendum, quod luxuria propter vehementiam delectationis, & concupiscentiæ totaliter opprimit rationem, ne prodeat in actum. In prædictis autem vitiis aliquis usus rationis est, licet inordinatus. Unde prædicta vitia non oriuntur directe ex luxuria. Quod autem Philosophus *Venerem dolosam* appellat, hoc dicit secundum quandam similitudinem, inquantum scilicet hominem subito surripit, sicut & in dolis agitur; non tamen per astutias, sed magis per violentiam concupiscentiæ, & delectationis: unde & subdit, quod *Venus furatur intellectum multum sapiens*.

Ad secundum dicendum, quod ex insidiis agere, ad quandam pusillanimitatem pertinere videtur. Magnanimus enim in omnibus vult manifestum esse, ut Philosophus dicit in IV. Ethic. (cap. III. a med.) Et ideo quia superbia quandam similitudinem magnanimitatis habet, vel fingit; inde est quod non directe ex su-

perbia huiusmodi vitia oriuntur, quæ utuntur fraude, & dolo; magis autem hoc pertinet ad avaritiam, quæ propriam utilitatem quærit, parvipendens excellentiam.

Ad tertium dicendum, quod ira habet subitum motum: unde præcipitanter agit, & absque consilio, quo utuntur prædicta vitia, licet inordinate. Quod autem aliqui insidiis utantur ad cædes aliorum, non provenit ex ira, sed magis ex odio: quia iracundus appetit esse manifestus in nocendo, ut dicit Philosophus in II. Rhet. (cap. IV. circ. fin.)

## QUAESTIO LVI.

*De præceptis pertinentibus ad prudentiam, in duos articulos divisa.*

**D**Einde considerandum est de præceptis pertinentibus ad prudentiam: & circa hoc quærentur duo.

Primo de præceptis pertinentibus ad prudentiam.

Secundo de præceptis pertinentibus ad vitia opposita.

## ARTICULUS I. 312

*Utrum de prudentia fuerit dandum aliquod præceptum inter præcepta Decalogi.*

**A**D primum sic proceditur. Videtur quod de prudentia fuerit dandum aliquod præceptum inter præcepta Decalogi. De principali enim virtute principaliora præcepta dari debent. Sed principaliora præcepta legis sunt præcepta Decalogi. Cum ergo prudentia sit principalior inter virtutes morales, videtur quod de prudentia fuerit dandum aliquod præceptum inter præcepta Decalogi.

2. Præterea. In doctrina evangelica continetur lex maxime quantum ad præcepta Decalogi. Sed in doctrina evangelica datur præceptum de prudentia, ut Matth. x. 16. *Esote prudentes, sicut serpentes*. Ergo inter præcepta Decalogi debuit præcipi alius prudentiæ.

3. Præterea. Alia documenta veteris Testamenti ad præcepta Decalogi ordinantur: unde & Malach. ult. 4. dicitur: *Mementote legis Moysi servi mei, quam mandavi ei in Horeb*. Sed in aliis documentis veteris Testamenti dantur præcepta de prudentia, sicut Proverb. 11. 5. *Ne innitaris prudentiæ tuæ: & infra IV. cap. 25. Palpebræ tuæ præcedant gressui tuo*.

*tuos.* Ergo & in lege debuit aliquod præceptum de prudentia dari, & præcipue inter præcepta Decalogi.

Sed contrarium patet enumeranti præcepta Decalogi.

Respondeo dicendum, quod, sicut supra dictum est (1. 2. quæst. c. art. 1.) cum de præceptis ageretur, præcepta Decalogi sicut data sunt omni populo, ita etiam cadunt in existimationem omnium, quasi ad naturalem rationem pertinentia. Præcipue autem sunt de dictamine rationis naturalis fines humanæ vitæ: qui se habent in agendis, sicut principia naturaliter cognita in speculativis, ut ex supradictis patet (quæst. xlvii. art. 6.) Prudentia autem non est circa finem, sed circa ea quæ sunt ad finem, ut supra dictum est (ibid.)

Et ideo non fuit conveniens ut inter præcepta Decalogi aliquod præceptum poneretur ad prudentiam pertinens directe; ad quam tamen omnia præcepta Decalogi pertinent, secundum quod ipsa est directiva omnium virtuosorum actuum.

Ad primum ergo dicendum, quod licet prudentia sit simpliciter principalior virtus omnibus aliis virtutibus moralibus; iustitia tamen principalior respicit rationem debiti, quod requiritur ad præceptum, ut supra dictum est (quæst. xlv. art. 1. & 1. 2. quæst. lx. art. 3.) Et ideo principalia præcepta legis, quæ sunt præcepta Decalogi, magis debuerunt ad iustitiam quam ad prudentiam pertinere.

Ad secundum dicendum, quod doctrina evangelica est doctrina perfectionis: & ideo oportuit quod in ipsa perfecte instrueretur homo de omnibus quæ pertinent ad rectitudinem vitæ, sive sint fines, sive sint ea quæ sunt ad finem. Et propter hoc oporuit in doctrina evangelica etiam de prudentia præcepta dari.

Ad tertium dicendum, quod sicut alia doctrina veteris Testamenti ordinatur ad præcepta Decalogi ut ad finem; ita etiam conveniens fuit ut in subsequentibus documentis veteris Testamenti homines instruerentur de actu prudentiæ, qui est circa ea quæ sunt ad finem.

## ARTICULUS II. 313

*Utrum in veteri lege fuerint convenienter præcepta prohibitiva posita de vitiis oppositis prudentiæ.*

**A**D secundum sic proceditur. Videtur quod in veteri lege fuerint incon-

venienter præcepta prohibitiva posita de vitiis oppositis prudentiæ. Opponuntur enim prudentiæ non minus illa quæ habent directam oppositionem ad ipsam (sicut imprudentia, & partes eius) quam illa quæ cum ipsa similitudinem habent (sicut astutia, & quæ ad ipsam pertinent.) Sed hæc vitia prohibentur in lege: dicitur enim Levit. xix. 13. *Non facies calumniam proximo tuo:* & Deuter. xxv. 13. *Non habebis in sacculo tuo diversa pondera, minus, & maius.* Ergo & de illis vitiis quæ directe opponuntur prudentiæ, aliqua præcepta prohibitiva dari debuerunt.

2. Præterea. In multis aliis rebus potest fieri fraus quam in emptione, & venditione. Inconvenienter ergo fraudem in sola emptione, & venditione lex prohibuit.

3. Præterea. Eadem ratio est præcipiendi actum virtutis, & prohibendi actum vitii oppositi. Sed actus prudentiæ non inveniuntur in lege præcepti. Ergo nec aliqua opposita vitia debuerunt in lege prohiberi.

Sed contrarium patet per præcepta legis inducta (in arg. 1.)

Respondeo dicendum, quod, sicut supra dictum est (art. præc.) iustitia maxime respicit rationem debiti, quod requiritur ad præceptum: quia iustitia est ad reddendum debitum alteri, ut infra dicitur (quæst. lviii. art. 1.) Astutia autem quantum ad executionem maxime committitur in his circa quæ est iustitia, ut dictum est (quæst. lv. art. 5.)

Et ideo conveniens fuit ut præcepta prohibitiva darentur in lege de executione astutiæ, inquantum ad iniustitiam pertinet; sicut cum dolo, & fraude aliquis alicui calumniam ingerit, vel eius bona surripit.

Ad primum ergo dicendum, quod illa vitia quæ directe opponuntur prudentiæ manifesta contrarietate, non ita pertinent ad iniustitiam, sicut executio astutiæ: & ideo non ita prohibentur in lege sicut fraus, & dolo, quæ ad iniustitiam pertinent.

Ad secundum dicendum, quod omnis dolo, vel fraus commissa in his quæ ad iniustitiam pertinent, potest intelligi esse prohibita Lev. xix. in prohibitione calumnie. Præcipue autem solet fraus exerceri, & dolo in emptione, & venditione, secundum illud Eccli. xxvi. 28. *Non iustificabitur campo a peccato laborum.* Propter hoc specialiter præceptum pro-

prohibitivum datur in lege de fraude circa emptiones, & venditiones commissas.

Ad tertium dicendum, quod omnia praecepta de actibus iustitiae in lege data pertinent ad executionem prudentiae, sicut & praecepta prohibitiva data de furto, calumnia, & fraudulenta venditione pertinent ad executionem astutiae.

## QUAESTIO LVII.

De iure,

in quatuor articulos divisa.

**C**onsequenter post prudentiam considerandum est de iustitia: circa quam quadruplex consideratio occurrit. Prima est de iustitia. Secunda de partibus eius. Tertia de dono ad hoc pertinente. Quarta de praeceptis ad iustitiam pertinentibus.

Circa iustitiam vero consideranda sunt quatuor. Primo quidem de iure. Secundo de ipsa iustitia. Tertio de iniustitia. Quarto de iudicio.

Circa primum quaeruntur quatuor. Primo, utrum ius sit obiectum iustitiae.

Secundo, utrum ius convenienter dividatur in ius naturale, & positivum.

Tertio, utrum ius gentium sit idem quod ius naturale.

Quarto, utrum ius dominativum, & paternum debeant specialiter distingui.

## ARTICULUS I. 314

Utrum ius sit obiectum iustitiae.

Inf. quaest. lx. art. 1. corp.

**A**D primum sic proceditur. Videtur quod ius non sit obiectum iustitiae. Dicit enim Celsus Iuriconsultus (Lib. I. ff. de iust. & iure) quod *ius est ars boni & aequi*. Ars autem non est obiectum iustitiae, sed est per se virtus intellectualis. Ergo ius non est obiectum iustitiae.

2. Praeterea. *Lex*, sicut Isidorus dicit in Lib. V. Etymol. (cap. 111.) *iuris est species*. Lex autem non est obiectum iustitiae, sed magis prudentiae: unde & Philosophus *legispositivam* partem prudentiae ponit (Lib. VI. Ethic. cap. viii. in princ.) Ergo ius non est obiectum iustitiae.

3. Praeterea. Iustitia principaliter subicit hominem Deo: dicit enim Augustinus in Lib. de moribus Ecclesiae (cap.

xv. circ. fin.) quod *iustitia est amor tantum Deo serviens, & ob hoc bene imperans ceteris quae homini subiecta sunt*. Sed ius non pertinet ad divina, sed solum ad humana: dicit enim Isidorus in Lib. V. Etymol. (cap. 11.) quod *fas lex divina est, ius autem lex humana*. Ergo ius non est obiectum iustitiae.

Sed contra est quod Isidorus dicit in eodem Libro (cap. 111.) quod *ius dictum est, quia est iustum*. Sed *iustum* est obiectum iustitiae: dicit enim Philosophus in V. Ethic. (cap. 1. circ. princ.) quod *omnes talem habitum volunt dicere iustitiam, a quo operativi iustorum sunt*. Ergo ius est obiectum iustitiae.

Respondeo dicendum, quod iustitiae proprium est inter alias virtutes ut ordinet hominem in his quae sunt ad alterum. Importat enim aequalitatem quandam, ut ipsum nomen demonstrat: dicuntur enim vulgariter ea quae adaequantur, *iustari*; aequalitas autem ad alterum est. Aliae autem virtutes periciunt hominem solum in his quae ei conveniunt secundum seipsum.

Sic ergo illud quod est rectum in operibus aliarum virtutum, ad quod tendit intentio virtutis quasi in proprium obiectum, non accipitur nisi per comparisonem ad agentem; rectum vero quod est in opere iustitiae, etiam praeter comparisonem ad agentem, constituitur per comparisonem ad alium. Illud enim in opere nostro dicitur esse iustum quod respondet secundum aliquam aequalitatem alteri, puta recompensatio mercedis debita pro servitio impenso. Sic ergo iustum dicitur aliquid, quasi habens rectitudinem iustitiae, ad quod terminatur actio iustitiae, etiam non considerato qualiter ab agente fiat. Sed in aliis virtutibus non determinatur aliquid rectum, nisi secundum quod aliquoter sit ab agente. Et propter hoc specialiter iustitiae praeter aliis virtutibus (a) determinatur secundum se obiectum, quod vocatur *iustum*: & hoc quidem est ius.

Unde manifestum est quod ius est obiectum iustitiae.

Ad primum ergo dicendum, quod consuetum est quod nomina a sui prima impositione detorqueantur ad alia significanda; sicut nomen medicinae impositum est primo ad significandum remedium quod praestatur infirmo ad sanandum; deinde tractum est ad significandam actionem qua hoc fit. Ita etiam hoc nomen

ius

(a) Ita mss. & editi passim. Theologi legendum putant deominatur.

*ius* primo impositum est ad significandum ipsam rem iustam; postmodum autem est derivatum ad artem qua cognoscitur quid sit iustum; & ulterius ad significandum locum in quo *ius* redditur, sicut dicitur aliquis *comparere in iure*; & ulterius dicitur etiam, quod *ius* redditur ab eo ad cuius officium pertinet iustitiam facere, licet etiam id quod decernit, sit iniustum.

Ad secundum dicendum, quod sicut eorum quae per artem exterius fiunt, quaedam ratio in mente artificis praexistit, quae dicitur regula artis; ita etiam illius operis iusti quod ratio determinat, quaedam ratio praexistit in mente, quasi quaedam prudentiae regula: & hoc si in scriptum redigatur, vocatur *lex*: est enim *lex* secundum Isidorum (Lib. V. Etym. (cap. 111.) *constitutio scripta*: & ideo *lex* non est ipsum *ius*, proprie loquendo, sed aliquis ratio iuris.

Ad tertium dicendum, quod quia iustitia aequalitatem importat, Deo autem non possumus aequivalentes recompensare; inde est quod *iustum* secundum perfectam rationem non possumus reddere Deo: & propter hoc non dicitur proprie *ius* *lex* divina, sed *fas*, quia videlicet sufficit Deo ut impleamus quod possumus. Iustitia tamen ad hoc tendit ut homo, quantum potest, Deo recompenset, totaliter animam ei subiciens.

## ARTICULUS II. 315

*Utrum ius convenienter dividatur in ius naturale, & ius positivum.*

*Inf. quæst. lx. art. 5. corp. & 1. 2. quæst. xcvi. art. 4. cor. & V. Eth. lect. 12.*

**A**D secundum sic proceditur. Videtur quod *ius* non convenienter dividatur in *ius* naturale, & *ius* positivum. Illud enim quod est naturale, est immutabile, & idem est apud omnes. Non autem invenitur in rebus humanis aliquid tale: quia omnes regulæ iuris humani in aliquibus casibus deficiunt, nec habent suam virtutem ubique. Ergo non est aliquid *ius* naturale.

2. Præterea. Illud dicitur esse *positivum* quod ex voluntate humana procedit. Sed non ideo aliquid est iustum, quia a voluntate humana procedit: alioquin voluntas hominis iniusta esse non posset. Ergo cum *iustum* sit idem quod *ius*, videtur quod nullum sit *ius* positivum.

3. Præterea. *Ius* divinum non est *ius* naturale, cum excedat naturam humanam: similiter etiam non est *ius* positivum, quia non innitur auctoritati humanæ, sed auctoritati divinæ. Ergo inconvenienter dividitur *ius* per naturale, & positivum.

Sed contra est quod Philosophus dicit in V. Ethic. (cap. vii. in princ.) quod *politici iusti hoc quidem naturale est, hoc autem legale, id est lege positum.*

Respondeo dicendum, quod, sicut dictum est (art. præc.) *ius* sive *iustum* est aliquid opus adæquatum alteri secundum aliquem aequalitatis modum. Dupliciter autem potest alicui homini esse aliquid adæquatum. Uno quidem modo ex ipsa natura rei, puta cum aliquis tantum dat, ut tantumdem recipiat; & hoc vocatur *ius* naturale.

Alio modo aliquid est adæquatum, vel commensuratum alteri ex condito, sive ex communi placito, quando scilicet aliquis reputat se contentum, si tantum accipiat. Quod quidem potest fieri dupliciter: uno modo per aliquod privatum conditum, sicut quod firmatur aliquo pacto inter privatas personas; alio modo ex condito publico, puta cum totus populus consentit quod aliquid habeatur quasi adæquatum, & commensuratum alteri; vel cum hoc ordinat Princeps, qui curam populi habet, & eius personam gerit: & hoc dicitur *ius* positivum.

Ad primum ergo dicendum, quod illud quod est naturale habenti naturam immutabilem, oportet quod sit semper, & ubique tale. Natura autem hominis est mutabilis: & ideo id quod naturale est homini, potest aliquando deficere: sicut naturalem aequalitatem habet ut deponenti depositum reddatur: & si ita esset quod natura humana semper esset recta, hoc esset semper servandum; sed quia quandoque contingit quod voluntas hominis depravatur, est aliquis casus in quo depositum non est reddendum, ne homo perveriam voluntatem habens, male eo utatur; ut puta si furiosus, vel hostis reipublicæ arma deposita reposit.

Ad secundum dicendum, quod voluntas humana ex communi condito potest aliquid facere iustum in his quæ secundum se non habent aliquam repugnantiam ad naturalem iustitiam: & in his habet locum *ius* positivum. Unde Philosophus dicit in V. Ethic. (cap. vii. in princ.)

princ.) quod *legale iustum est quod ex principio quidem nihil differt sic, vel aliter; quando autem ponitur, differt.* Sed si aliquid de se repugnantiam habeat ad ius naturale, non potest voluntate humana fieri iustum; puta si statuatur quod liceat furari, vel adulterium committere. Unde dicitur Isa. x. 1. *Vae qui condunt leges iniquas.*

Ad tertium dicendum, quod ius divinum dicitur quod divinitus promulgatur: & hoc quidem partim est de his quae sunt naturaliter iusta, sed tamen eorum iustitia hominibus later; partim autem de his quae sunt iusta institutione divina. Unde etiam ius divinum per haec duo distingui potest, sicut & ius humanum. Sunt enim in lege divina quaedam praecepta, quia bona; & prohibita, quia mala: quaedam vero bona, quia praecepta; & mala, quia prohibita.

## ARTICULUS III. 316

*Utrum ius gentium sit idem cum iure naturali.*

1. 2. *quaest. xcvi. art. 4. ad 1. & V. Eth. lect. 12. fin.*

**A**D tertium sic proceditur. Videtur quod ius gentium sit idem cum iure naturali. Non enim omnes homines conveniunt nisi in eo quod est eis naturale. Sed in iure gentium omnes homines conveniunt: dicit enim Iurisconsultus (Ulpianus Lib. IX. ff. de iust. & iure) quod *ius gentium est quo omnes gentes utuntur.* Ergo ius gentium est ius naturale.

2. Praeterea. Servitus inter homines est naturalis: quidam enim sunt naturaliter servi, ut Philosophus probat in I. Polit. (cap. 111. & 14.) Sed *servitutes pertinent ad ius gentium*, ut Isidorus dicit (Lib. V. Etymol. cap. vi.) Ergo ius gentium est ius naturale.

3. Praeterea. Ius, ut dictum est (art. praec.) dividitur per ius naturale, & positivum. Sed ius gentium non est ius positivum: non enim omnes gentes unquam conveniunt ut ex communi consensu aliquid statuerent. Ergo ius gentium est ius naturale.

Sed contra est quod Isidorus dicit (Lib. V. Etym. cap. 14.) quod *ius aut*

*naturale est, aut civile, aut gentium: & ita ius gentium distinguitur a iure naturali.*

Respondeo dicendum, quod, sicut dictum est (art. praec.) *ius live iustum naturale est quod ex sui natura est adaequatum, vel commensuratum alteri.* Hoc autem potest contingere dupliciter. Uno modo secundum absolutam sui considerationem; sicut masculus ex sui ratione habet commensurationem ad feminam, ut ex ea generet; & parens ad filium, ut eum nutriat. Alio modo aliquid est naturaliter alteri commensuratum, non secundum absolutam sui rationem, sed secundum aliquid quod ex ipso sequitur, puta proprietatem possessionis: si enim consideretur iste ager absolute, non habet unde magis sit huius quam illius; sed si consideretur per respectum ad opportunitatem colendi, & ad pacificum usum agri, secundum hoc habet quandam commensurationem ad hoc quod sit unius, & non alterius, ut patet per Philosophum in II. Polit. (cap. 111.) Absolute autem apprehendere aliquid non solum convenit homini, sed etiam aliis animalibus. Et ideo ius quod dicitur naturale, secundum primum modum, commune est nobis, & aliis animalibus.

A iure autem naturali sic dicto recedit ius gentium, ut Iurisconsultus dicit (Lib. I. ff. de iust. & iure) quia *illud omnibus animalibus, hoc solum hominibus inter se commune est.*

Considerare autem aliquid, comparando ad id quod ex ipso sequitur, est proprium rationis: & ideo hoc idem est naturale homini secundum rationem naturalem, quae hoc dicitur. Et ideo dicit Cuius Iurisconsultus (Lib. IX. ff. eod.) *Quod (a) naturalis ratio inter omnes homines constituit, id apud omnes peraeque custoditur, vocaturque ius gentium.*

Et per hoc patet responsio ad primum.

Ad secundum dicendum, quod hunc hominem esse servum, absolute considerando, magis quam alium, non habet rationem naturalem, sed solum secundum aliquam utilitatem consequentem, inquantum utile est huic quod regatur a sapientiori, & illi quod ab hoc iuvetur, ut dicitur in I. Polit. (cap. v. cir. fi.) Et ideo servitus pertinet ad ius gentium.

(1) Ita Nicolaus & edit. posteriores ad textum Iurisconsulti. Cod. Alex. Quod naturalis ratio inter omnes homines constituit, id apud omnes homines sive gentes custoditur. Edit. Rom. allegat: Quod naturalis ratio inter omnes homines constituit id quod apud omnes gentes custoditur, vocaturque ius gentium.

tium est naturalis secundo modo, sed non primo modo.

Ad tertium dicendum, quod quia ea quæ sunt iuris gentium, naturalis ratio dicitur, puta ex propinquo habentia æquitatem, inde est quod non indigent aliqua speciali institutione, sed ipsa naturalis ratio ea instituit, ut dictum est in auctoritate inducta (in corp. art.)

#### ARTICULUS IV. 317

*Utrum debeat specialiter distingui ius paternum, & dominativum.*

*Inf. quæst. lviii. art. 7. ad 3. & II. dist. xlv. quæst. 11. art. 1. cor. & V. Et ibi. lect. 11.*

**A**D quartum sic proceditur. Videtur quod non debeat specialiter distingui ius paternum, & dominativum. Ad iustitiam enim pertinet reddere unicuique quod suum est, ut dicit Ambrosius in I. de officiis (cap. xxiv. cir. fin.). Sed ius est obiectum iustitiæ, sicut dictum est (art. 1. hu. quæst.). Ergo ius ad unumquemque æqualiter pertinet; & sic non debet distingui specialiter ius patris & domini.

2. Præterea. Ratio iusti est lex, ut dictum est (art. 1. hu. quæst. ad 2.) Secundo lex respicit commune bonum civitatis, & regni, ut supra habitum est (1. 2. quæst. xc. art. 2.) non autem respicit bonum privatum unius personæ, aut etiam unius familiæ. Non ergo debet esse aliquod speciale ius, vel iustum dominativum, vel paternum; cum dominus & pater pertineant ad donum, ut dicitur in I. Politic. (cap. 111. ante med.).

3. Præterea. Multæ aliæ sunt differentie graduum in hominibus, ut puta quod quidam sunt milites, quidam sacerdotes, quidam principes. Ergo ad eos debet aliquod speciale ius, vel iustum determinari.

Sed contra est quod Philosophus in V. Ethic. (cap. vi. cir. fin.) specialiter a iusto politico distinguit dominativum, & paternum, & alia huiusmodi.

Respondetur dicendum, quod ius, sive iustum dicitur per commensurationem ad alterum. Alterum autem potest dici dupliciter. Uno modo, quod simpliciter est alterum, sicut quod est omnino distinctum; sicut apparet in duobus hominibus, quorum unus non est sub altero, sed ambo sunt sub uno Principe civitatis: & inter tales secundum Phi-

losophum in V. Ethic. (cap. vi.) est simpliciter iustum.

Alio modo dicitur aliquid alterum, non simpliciter, sed quasi aliquid eius existens: & hoc modo in rebus humanis filius est aliquid patris, quia quodammodo est pars eius, ut dicitur in VIII. Ethic. (cap. xi. & xii.) & servus est aliquid domini, quia est instrumentum eius, ut dicitur in I. Pol. (cap. 111. & 12.) Et ideo patris ad filium non est comparatio, sicut ad simpliciter alterum: & propter hoc non est ibi simpliciter iustum, sed quoddam iustum, scilicet paternum: & eadem ratione nec inter dominum & servum, sed est inter eos dominativum iustum.

Uxor autem, quamvis sit aliquid viri, quia comparatur ad eum sicut ad proprium corpus, ut patet per Apostolum ad Eph. v. tamen magis distinguitur a viro quam filius a patre, vel servus a domino: assumitur enim in quandam socialem vitam matrimonii: & ideo, ut Philosophus dicit (Lib. V. Ethic. cap. vi. in fi.) inter virum, & uxorem plus est de ratione iusti, quam inter patrem & filium, vel dominum & servum: quia cum vir, & uxor habeant immediatam relationem ad domesticam communitatem, ut patet in I. Polit. (cap. 111. & ult.) ideo inter eos non est etiam simpliciter politicum iustum, sed magis iustum æconomicum.

Ad primum ergo dicendum, quod ad iustitiam pertinet reddere ius suum unicuique, supposita tamen diversitate unus ad alterum: si quis enim sibi det quod sibi debetur, non proprie vocatur hoc iustum. Et quia quod est filii, est patris, & quod est servi, est domini; ideo non est proprie iustitia patris ad filium, vel domini ad servum.

Ad secundum dicendum, quod filius, inquantum filius, est aliquid patris; & similiter servus, inquantum servus, est aliquid domini: uterque tamen, prout consideratur ut quidam homo, est aliquid secundum se subsistens ab aliis distinctum. Et ideo inquantum uterque est homo, aliquo modo ad eos est iustitia; & propter hoc etiam aliquæ leges dantur de his quæ sunt patris ad filium, vel domini ad servum: sed inquantum uterque est aliquid alterius, secundum hoc deficit ibi perfecta ratio iusti, vel iuris.

Ad tertium dicendum, quod omnes aliæ diversitates personarum quæ sunt in civitate, habent immediatam relationem



tionem ad communitatem civitatis, & ad principem ipsius: & ideo ad eos est *iustum* secundum perfectam rationem iustitiae. Distinguitur tamen istud *iustum* secundum diversa officia: unde dicitur *ius militare*, vel *ius magistratum*, aut *sacerdotum*, non propter defectum a simpliciter iusto, sicut dicitur *ius paternum*, & *dominativum*, sed propter hoc quod unicuique conditioni personae secundum proprium officium aliquid proprium debetur.

## QUAESTIO LVIII.

De iustitia,  
in duodecim articulos divisa.

**D**Einde considerandum est de iustitia circa quam quaruntur duodecim.

Primo, quid sit iustitia.

Secundo, utrum iustitia semper sit ad alterum.

Tercio, utrum sit virtus.

Quarto, utrum sit in voluntate sicut in subiecto.

Quinto, utrum sit virtus generalis.

Sexto, utrum secundum quod est generalis, sit idem in essentia cum omni virtute.

Septimo, utrum sit aliqua iustitia particularis.

Octavo, utrum iustitia particularis habeat propriam materiam.

Nono, utrum sit circa passiones, vel circa operationes tantum.

Decimo, utrum medium iustitiae sit medium rei.

Undecimo, utrum actus iustitiae sit reddere unicuique quod suum est.

Duodecimo, utrum iustitia sit praecipua inter omnes virtutes morales.

## ARTICULUS I. 318

Utrum convenienter definiatur iustitia, quod est perpetua, & constans voluntas ius suum unicuique tribuens.

IV. dist. xxxi. quest. iii. art. 1. ad 3. & ver. quest. 1. art. 5. ad 12.

**A**D primum sic proceditur. Videtur quod inconvenienter definiatur a Iurisperitis (Lib. X. ff. de iust. & iure) quod iustitia est perpetua, & constans vo-

luntas ius suum unicuique tribuens. Iustitia enim secundum Philosophum in V. Ethic. (cap. 1. a princ.) est habitus a quo sunt aliqui operativi ipsorum, & quo operantur, & volunt iusta. Sed voluntas nominat potentiam, vel etiam actum. Ergo inconvenienter iustitia dicitur esse voluntas.

2. Præterea. Restitudo voluntatis non est voluntas: alioquin si voluntas esset sua restitudo, sequeretur quod nulla voluntas esset perversa. Sed secundum Anselmum in Lib. de veritate (cap. xiii. cir. princ.) iustitia est restitudo. Ergo iustitia non est voluntas.

3. Præterea. Sola Dei voluntas est perpetua. Si ergo iustitia est perpetua voluntas, in solo Deo erit iustitia.

4. Præterea. Omne perpetuum est constans, quia est immutabile. Superflue ergo utrumque ponitur in definitione iustitiae, perpetuum, & constans.

5. Præterea. Reddere ius unicuique pertinet ad Principem. Ergo si iustitia sit unicuique ius suum tribuens, sequitur quod iustitia non sit nisi in Principe: quod est inconvenientiens.

6. Præterea. Augustinus dicit in Lib. de moribus Ecclesiae (cap. xv. cir. fi.) quod iustitia est amor Deo tantum serviens. Non ergo reddit unicuique quod suum est.

Respondeo dicendum, quod praedicta iustitiae definitio conveniens est, si recte intelligatur.

Cum enim omnis virtus sit habitus, qui est principum boni actus, necesse est quod virtus (a) definiatur per actum bonum circa propriam materiam virtutis. Est autem iustitia proprie circa ea quae ad alterum sunt, sicut circa propriam materiam, ut infra patebit (art. seq.) Et ideo actus iustitiae per comparationem ad propriam materiam, & obiectum rangitur, cum dicitur: *Ius suum unicuique tribuens*: quia, ut Ildorus dicit in Lib. X. Etymol. (ad lit. I.) *iustus dicitur, quia ius custodit*.

Ad hoc autem quod aliquis actus circa quamcumque materiam sit virtuosus, requiritur quod sit voluntarius, & quod sit stabilis & firmus: quia Philosophus dicit in II. Ethic. (cap. iv. ante med.) quod ad virtutis actum requiritur primo quidem quod operetur sciens; secundo autem

(a) Ita cum mss. pariter editi passim. Al. definiatur per actum bonum qui est circa ea quae ad alterum sunt, sicut circa propriam materiam virtutis. Est autem iustitia praecipue circa ea &c. Desit argumentum Sed contra in amonibus edicibus, & edimimus, Thomae in suis observationibus supponit: Sed contra est auctoritas Iurisperitorum.

tem quod eligens, & propter debitum finem: tertio quod immobiliter operetur. Primum autem horum includitur in secundo: quia quod per ignorantiam agitur, est involuntarium, ut dicitur in III. Ethic. (cap. 1. cir. med.) Et ideo in definitione iustitiae primo ponitur voluntas, ad ostendendum quod actus iustitiae debet esse voluntarius; additur autem de constantia, & perpetuitate, ad designandum actus firmitatem.

Et ideo praedicta definitio est completa definitio iustitiae; nisi quod actus ponitur pro habitu, qui per actum specificatur: habitus enim ad actum dicitur. Et si quis vellet eam in debitam formam definitionis reducere, posset sic dicere, quod iustitia est habitus secundum quem aliquis constanti, & perpetua voluntate ius suum unicuique tribuit. Et quali est eadem definitio cum ea quam Philosophus ponit in V. Ethic. (cap. v. 2 med.) dicens, quod iustitia est habitus secundum quem aliquis dicitur operativus secundum electionem iusti.

Ad primum ergo dicendum, quod voluntas hic nominat actum, non potentiam. Est autem consuetudo quod apud auctores habitus per actus definiuntur, sicut Augustinus dicit super Ioan. (tract. lxxix. paulo a princ.) quod fides est credere quod non videt.

Ad secundum dicendum, quod neque etiam iustitia est essentialiter rectitudo, sed causaliter tantum: est enim habitus secundum quem aliquis recte operatur, & vult.

Ad tertium dicendum, quod voluntas potest dici perpetua dupliciter. Uno modo ex parte ipsius actus, qui perpetuo durat: & sic solius Dei voluntas est perpetua. Alio modo ex parte obiecti, quia scilicet aliquis vult perpetuo facere aliquid: & hoc requiritur ad rationem iustitiae: non enim sufficit ad rationem iustitiae quod aliquis velit ad horam in aliquo negotio servare iustitiam, quia vix invenitur aliquis qui velit in omnibus iniuste agere; sed requiritur quod homo habeat voluntatem perpetuam, & in omnibus iustitiam conservandi.

Ad quartum dicendum, quod quia perpetuum non accipitur secundum durationem perpetuam actus voluntatis, non superflue additur constantia; ut sicut per hoc quod dicitur perpetua voluntas, designatur quod aliquis gerat in proposito perpetuo iustitiam conservandi; ita etiam per hoc quod dicitur constantia, designetur

quod in hoc proposito firmiter perseveret.

Ad quintum dicendum, quod iudex reddit quod suum est per modum imperantis, & dirigentis, quia iudex est iustum animatum, & princeps est iustis iusti, ut dicitur in V. Ethic. (cap. iv. & vi.) sed subditi reddunt quod suum est unicuique per modum executionis.

Ad sextum dicendum, quod sicut in dilectione Dei includitur dilectio proximi, ut supra dictum est (quaest. xxv. art. 1.) ita etiam in hoc quod homo servit Deo, includitur quod unicuique reddat quod debet.

## ARTICULUS II. 319

*Utrum iustitia semper sit ad alterum.*

*Sup. quaest. lviii. art. 4. & inf. art. 8. cor. & ad 1. & virt. quaest. 11. art. 7. ad 12.*

**A**D secundum sic proceditur. Videtur quod iustitia non semper sit ad alterum. Dicit enim Apostolus ad Rom. iii. 22. quod iustitia Dei est per fidem Iesu Christi. Sed fides non dicitur per comparationem unius hominis ad alterum. Ergo neque iustitia.

2. Praeterea. Secundum Augustinum in Lib. de moribus Ecclesiae (cap. xv. circ. med.) ad iustitiam pertinet, ob hoc quod servit Deo, bene imperare ceteris quae homini sunt subiecta. Sed appetitus sensitivus est homini subiectus, ut patet Genes. iv. 7. ubi dicitur: Subter te erit appetitus eius, scilicet peccati, & tu dominaberis illius. Ergo ad iustitiam pertinet dominari proprio appetitui; & sic erit iustitia ad seipsum.

3. Praeterea. Iustitia Dei est aeterna. Sed nihil aliud est Deo coaeternum. Ergo de ratione iustitiae non est quod sit ad alterum.

4. Praeterea. Sicut operationes quae sunt ad alterum, indigent rectificari, ita etiam operationes quae sunt ad seipsum. Sed per iustitiam rectificantur operationes, secundum illud Proverb. xi. 5. Iustitia simpliciter dirigit viam eius. Ergo iustitia non est solum circa ea quae sunt ad alterum, sed etiam circa ea quae sunt ad seipsum.

Sed contra est quod Tullius dicit in l. de offic. (in tit. de iustitia) quod iustitia ea ratio est qua societas hominum inter ipsos, & vix communis continetur. Sed hoc importat respectum ad alterum. Ergo iustitia est solum circa ea quae sunt ad alterum.

Respon-

Respondeo dicendum, quod, sicut supra dictum est (quaest. praec. art. 1. & 2.) cum nomen iustitiae aequalitatem importet, ex sua ratione iustitia habet quod sit ad alterum: nihil enim est sibi aequale, sed alteri.

Et quia ad iustitiam pertinet actus humanos rectificare, ut dictum est (quaest. LVII. art. 1. & 2. quaest. CXIII. art. 1.) necesse est quod aequalitas ista quam requirit iustitia, sit diversorum agere potentium. Actiones autem sunt suppositorum, & totorum, non autem proprie loquendo partium, & formarum, seu potentiarum: non enim proprie dicitur, quod manus percutiat, sed homo per manum; neque proprie dicitur, quod calor calefaciat, sed ignis per calorem; secundum tamen similitudinem quamdam haec dicuntur. Iustitia ergo proprie dicta requirit diversitatem suppositorum: & ideo non est nisi unius hominis ad alium.

Sed secundum similitudinem accipiuntur in uno & eodem homine diversa principia actionum, quasi diversa agentia, sicut ratio, & irascibilis, & concupiscibilis: & ideo metaphorice in uno & eodem homine dicitur esse iustitia, secundum quod ratio imperat irascibili, & concupiscibili, & secundum quod haec obediunt rationi, & universaliter secundum quod unicuique parti hominis attribuitur quod ei convenit. Unde Philosophus in V. Ethic. (cap. ult.) hanc iustitiam appellat secundum metaphoram dictam.

Ad primum ergo dicendum, quod iustitia quae fit per fidem in nobis, est per quam iustificatur impius: quae quidem in ipsa debita ordinatione partium animae consistit, sicut supra dictum est (1. 2. quaest. CXIII. art. 1.) cum de iustificatione impii ageretur. Hoc autem pertinet ad iustitiam metaphorice dictam, quae potest inveniri etiam in aliquo solitariam vitam agente.

Et per hoc patet responsio ad secundum.

Ad tertium dicendum, quod iustitia Dei est ab aeterno secundum voluntatem, & propositum aeternum; & in hoc praecipue iustitia consistit: quamvis secundum effectum non sit ab aeterno, quia nihil est Deo coaeternum.

Ad quartum dicendum, quod actiones quae sunt hominis ad seipsum, sufficienter rectificancur rectificatis passionibus per alias virtutes morales; sed actiones quae sunt ad alterum, indigent speciali

rectificatione, non solum per comparationem ad agentem, sed etiam per comparisonem ad eum ad quem sunt. Et ideo circa eas est specialis virtus, quae est iustitia.

# ARTICULUS III. 320

Utrum iustitia sit virtus.

V. Eth. lect. 2. & 3.

AD tertium sic proceditur. Videtur quod iustitia non sit virtus. Dicitur enim Luc. XVII. 10. Cum feceritis omnia quae praecepta sunt vobis, dicite: Servi inutiles sumus; quod debimus facere, fecimus. Sed non est inutile facere opus virtutis: dicit enim Ambrosius in II. de offic. (cap. VI. circ. princ.) Utilitatem non pecuniarii lucri aestimationem dicimus, sed acquisitionem pietatis. Ergo facere quod quis debet facere, non est opus virtutis. Est autem opus iustitiae. Ergo iustitia non est virtus.

2. Praeterea. Quod fit ex necessitate non est meritum. Sed reddere alicui quod suum est, quod pertinet ad iustitiam, est necessitatis. Ergo non est meritum. Actibus autem virtutum meremur. Ergo iustitia non est virtus.

3. Praeterea. Omnis virtus moralis est circa agibilia. Ea autem quae exterius constituuntur, non sunt agibilia, sed factibilia, ut patet per Philosophum in IX. Metaph. (text. 16.) Cum ergo ad iustitiam pertineat exterius facere aliquid opus secundum se iustum, videtur quod iustitia non sit virtus moralis.

Sed contra est quod Gregorius dicit in II. Moral. (cap. XXVI. parum a princ.) quod in quatuor virtutibus, scilicet temperantia, prudentia, fortitudine, & iustitia, tota boni operis structura conjungit.

Respondeo dicendum, quod virtus humana est quae bonum reddit actum humanum, & ipsum hominem bonum facit: quod quidem convenit iustitiae. Actus enim hominis bonus redditur ex hoc quod attingit regulam rationis, secundum quam humani actus rectificancur. Unde cum iustitia operationes humanas rectifcet, manifestum est quod opus hominis bonum reddit: & ut Tullius dicit in I. de offic. (in tit. de iustitia circ. princ.) ex iustitia praecipue viri boni nominantur: unde, sicut ibidem dicit, in ea virtutis splendor est maximus.

Ad primum ergo dicendum, quod cum aliquis facit quod debet, non affert utilita-

litate lucri ei cui facit quod debet, sed solum abstinere a damno eius; sibi tamen facit utilitatem, inquantum spontanea, & prompta voluntate facit illud quod debet: quod est virtuose agere. Unde dicitur Sap. viii. 7. quod sapientia Dei *sobrietatem, & iustitiam docet, prudentiam, & virtutem; quibus in vita nihil est utilius hominibus, scilicet virtutis.*

Ad secundum dicendum, quod duplex est necessitas. Una coactionis: & hæc quia repugnat voluntati, tollit rationem meriti. Alia autem est necessitas ex obligatione præcepti, sive ex necessitate finis, quando scilicet aliquis non potest consequi finem virtutis, nisi hoc faciat: & talis necessitas non excludit rationem meriti, inquantum aliquis hoc quod sic est necessarium, voluntarie agit; excludit tamen gloriam supererogationis, secundum illud I. ad Cor. ix. 16. *Si evangelizavero, non est mihi gloria: necessitas enim mihi incumbit.*

Ad tertium dicendum, quod iustitia non consistit circa exteriores res, quantum ad hoc quod est facere, quod pertinet ad artem; sed quantum ad hoc quod utitur eis ad alterum.

#### ARTICULUS IV. 321

*Utrum iustitia sit in voluntate sicut in subiecto.*

III. dist. xxxiii. quæst. vi. art. 4. quæst. 3. & vir. quæst. i. art. 5. corp. fin. & V. Ethic. lect. 1.

**A**D quantum sic proceditur. Videtur quod iustitia non sit in voluntate sicut in subiecto. Iustitia enim quandoque *veritas* dicitur. Sed veritas non est voluntatis, sed intellectus. Ergo iustitia non est in voluntate sicut in subiecto.

2. Præterea. Iustitia est circa ea quæ sunt ad alterum. Sed ordinare aliquid ad alterum est rationis. Iustitia ergo non est in voluntate sicut in subiecto, sed magis in ratione.

3. Præterea. Iustitia non est virtus intellectualis, cum non ordinetur ad cognitionem: unde relinquitur quod sit virtus moralis. Sed subiectum virtutis moralis est *rationale per participationem*, quod est irascibilis, & concupiscibilis, ut patet per Philosophum in I. Ethicor. (cap. ult.) Ergo iustitia non est in voluntate sicut in subiecto, sed magis in irascibili, & concupiscibili.

Sed contra est quod Anselmus dicit (Lib. de verit. cap. xxi. parum a princ.) quod *iustitia est restitudo voluntatis propter se servata.*

Respondendo dicendum, quod illa potentia est subiectum virtutis ad cuius potentie actum rectificandum virtus ordinatur. Iustitia autem non ordinatur ad dirigendum aliquem actum cognoscitivum: non enim dicimus iusti ex hoc quod recte aliquid cognoscimus. Et ideo subiectum iustitiæ non est intellectus, vel ratio, quæ est potentia cognoscitiva.

Sed quia iusti in hoc dicimur quod aliquid recte agimus, proximum autem principium actus est vis appetitiva, necesse est quod iustitia sit in aliqua vi appetitiva sicut in subiecto.

Est autem duplex appetitus; scilicet voluntas, quæ est in ratione; & appetitus sensitivus consequens apprehensionem sensus, qui dividitur per irascibilem, & concupiscibilem, ut in I. habitum est (quæst. lxxx. art. 2.) Reddere autem unicuique quod suum est, non potest procedere ex appetitu sensitivo: quia apprehensio sensitiva non se extendit ad hoc quod considerare possit proportionem unius ad alterum; sed hoc est proprium rationis. Unde iustitia non potest esse sicut in subiecto in irascibili, vel concupiscibili, sed solum in voluntate. Et ideo Philosophus (Lib. V. Ethic. cap. 1. a princ.) definit iustitiam per actum voluntatis, ut ex supra dictis patet (art. 1. huius quæst.)

Ad primum ergo dicendum, quod quia voluntas est appetitus rationalis, ideo restitudo rationis, quæ *veritas* dicitur, voluntati impressa propter propinquitatem ad rationem nomen retinet veritatis: & inde est quod quandoque iustitia *veritas* vocatur.

Ad secundum dicendum, quod voluntas fertur in suum obiectum consequenter ad apprehensionem rationis: & ideo quia ratio ordinat in alterum, voluntas potest velle aliquid in ordine ad alterum: quod pertinet ad iustitiam.

Ad tertium dicendum, quod *rationale per participationem* non solum est irascibile, & concupiscibile, sed omnino *appetitivum*, ut dicitur in I. Ethic. (cap. ult.) quia *omnis appetitus obedit rationi*. Sub appetitivo autem comprehenditur voluntas: & ideo voluntas potest esse subiectum virtutis moralis.

ARTICULUS V. 322

*Utrum iustitia sit virtus generalis.*

*Inf. quæst. lix. art. 1. & 1. 2. quæst. lx. art. 3. & V. Eth. lib. 1. 2. & 3.*

**A**D quintum sic proceditur. Videtur quod iustitia non sit virtus generalis. Iustitia enim dividitur aliis virtutibus, ut patet Sap. viii. 7. *Sobrietatem, & iustitiam docet, prudentiam, & virtutem.* Sed generale non dividitur, seu connumeratur speciebus sub illo generali contentis. Ergo iustitia non est virtus generalis.

2. Præterea. Sicut iustitia ponitur virtus cardinalis, ita etiam temperantia, & fortitudo. Sed temperantia, vel fortitudo non ponitur virtus generalis. Ergo neque iustitia debet aliquo modo poni virtus generalis.

3. Præterea. Iustitia est semper ad alterum, ut supra dictum est (art. 2. huius quæst.) Sed peccatum quod est in proximum, non potest esse peccatum generale, sed dividitur contra peccatum quod peccat homo contra seipsum. Ergo etiam neque iustitia est virtus generalis.

Sed contra est quod Philosophus dicit in V. Ethic. (cap. 1. a. med.) quod *iustitia est omnis virtus.*

Respondendo dicendum, quod iustitia, sicut dictum est (art. 2. huius quæst.) ordinat hominem in comparatione ad alium. quod quidem potest esse dupliciter: uno modo ad alium singulariter consideratum; alio modo ad alium in communi, secundum scilicet quod ille qui servit alicui communitati, servit omnibus hominibus qui sub communicate illa continentur. Ad utrumque ergo se potest habere iustitia secundum propriam rationem.

Manifestum est autem quod omnes qui sub communicate aliqua continentur, comparantur ad communiter sicut partes ad totum; pars autem id quod est, totius est: unde & quodlibet bonum partis est ordinabile in bonum totius. Secundum hoc ergo bonum cuiuslibet virtutis, sive ordinantis aliquem hominem ad seipsum, sive ordinantis ipsum ad alias personas singulares, est referibile ad bonum commune, ad quod ordinat iustitia. Et secundum hoc actus omnium virtutum possunt ad iustitiam pertinere, secundum quod ordinat homi-

nem ad bonum commune. Et quantum ad hoc iustitia dicitur virtus generalis.

Et quia ad legem pertinet ordinare in bonum commune, ut supra habitum est (1. 2. quæst. xc. art. 2.) inde est quod talis iustitia prædicto modo generalis dicitur *iustitia legalis*, quia scilicet per eam homo concordat legi ordinanti actus omnium virtutum in bonum commune.

Ad primum ergo dicendum, quod iustitia dividitur, seu connumeratur aliis virtutibus, non inquantum est generalis, sed inquantum est specialis virtus, ut infra dicitur (art. 7. & 12. huius quæst.)

Ad secundum dicendum, quod temperantia, & fortitudo sunt in appetitu sensitivo, idest in concupiscibili, & irascibili. Huiusmodi autem vires sunt appetitivæ quorundam bonorum particularium, sicut & sensus est particularium cognoscitivus. Sed iustitia est sicut in subiecto in appetitu intellectivo, qui potest esse universalis boni, cuius intellectus est apprehensivus. Et ideo iustitia magis potest esse virtus generalis quam temperantia, vel fortitudo.

Ad tertium dicendum, quod illa quæ sunt ad seipsum, sunt ordinabilia ad alterum, præcipue (a) quantum ad bonum commune. Unde & iustitia legalis, secundum quod ordinat ad bonum commune, potest dici virtus generalis; & eadem ratione iniustitia potest dici peccatum commune: unde dicitur I. Ioan. 112. 4. *quod omne peccatum est iniquitas.*

ARTICULUS VI. 323

*Utrum iustitia, secundum quod est generalis, sit idem per essentiam cum omni virtute.*

*1. 2. quæst. lx. art. 3. ad 2. & art. 7. corp. & III. dist. 1x. quæst. 1. art. 1. quæst. 2. corp. & V. Eth. lib. 2. fin.*

**A**D sextum sic proceditur. Videtur quod iustitia, secundum quod est generalis, sit idem per essentiam cum omni virtute. Dicit enim Philosophus in V. Ethic. (cap. 1. in fin.) quod *virtus, & iustitia legalis est eadem omni virtuti, esse autem non est idem.* Sed illa quæ differunt solum secundum esse, vel secundum rationem, non differunt secundum essentiam. Ergo iustitia est idem secundum essentiam cum omni virtute.

2. Præterea. Omnis virtus quæ non

V 2 est

(a) *Id. deest quantum.*

est idem per essentiam cum omni virtute, est pars virtutis. Sed iustitia prae-dicta, ut ibidem Philosophus dicit, *non est pars virtutis, sed tota virtus*. Ergo praedicta iustitia est idem essentialiter cum omni virtute.

3. Præterea. Per hoc quod aliqua virtus ordinat actum suum ad altio-rem finem, non diversificatur secundum essen-tiam habitus; sicut idem est essentialiter habitus temperantiae, etiam si actus eius ordinetur ad bonum divinum. Sed ad iustitiam legalem pertinet quod actus om-nium virtutum ordinentur ad altio-rem finem, id est ad bonum commune multi-tudinis, quod praeminet bono unius sin-gularis personae. Ergo videtur quod iustitia legalis essentialiter sit omnis virtus.

4. Præterea. Omne bonum partis ordina-bile est ad bonum totius: unde si non ordinetur in illud, videtur esse vanum, & frustra. Sed illud quod est se-cundum virtutem, non potest esse huius-modi. Ergo videtur quod nullus actus possit esse alicuius virtutis, qui non per-tineat ad iustitiam generalem, quae ordi-natur in bonum commune: & sic vide-tur quod iustitia generalis sit idem in es-sentia cum omni virtute.

Sed contra est quod dicit Philosophus in V. Ethic. (cap. 1. paulo ante fin.) quod *multi in propriis quidem possunt vir-tute uti, in his autem quae ad alterum sunt, non possunt*: & in III. Polit. (cap. 111. ante med.) dicit, quod *non est sim-pliciter eadem virtus boni viri, et boni civis*: Sed virtus boni civis est iustitia generalis, per quam aliquis ordinatur ad bonum commune. Ergo non est eadem iustitia generalis cum virtute communi; sed una potest sine alia haberi.

Respondeo dicendum, quod generale dicitur aliquid dupliciter. Uno modo per praedicationem; sicut animal est genera-le ad hominem, & equum, & ad alia huiusmodi: & hoc modo generale oportet quod sit idem essentialiter cum his ad quae est generale: quia genus pertinet ad essentiam speciei, & cadit in defini-tione eius. Alio modo dicitur aliquid gene-rale secundum virtutem, sicut causa universalis est generalis ad omnes suos effectus, ut Sol ad omnia corpora, quae illuminantur, vel immutantur per vir-tutem ipsius: & hoc modo generale non oportet quod sit idem in essentia cum his ad quae est generale: quia non est eadem essentia cause, & effectus.

Hoc autem modo, secundum praedicta

(art. 5. hu. quaest.) iustitia legalis di-citur esse virtus generalis; inquantum scilicet ordinat actus aliarum virtutum ad suum finem; quod est movere per imperium omnes alias virtutes: sicut enim caritas potest dici virtus generalis, inquantum ordinat actus omnium vir-tutum ad bonum divinum; ita etiam iustitia legalis, inquantum ordinat actus omnium virtutum ad bonum commune. Sicut ergo caritas, quae respicit bonum divinum ut proprium obiectum, est quæ-dam specialis virtus secundum suam es-sentiam; ita etiam iustitia legalis est quædam specialis virtus secundum suam essentiam, secundum quod respicit com-mune bonum ut proprium obiectum. Et sic est in principe principaliter, & quasi architectonice; in subditis autem secundario, & quasi administrative.

Potest tamen quaelibet virtus, se-cundum quod a praedicta virtute (speciali quidem in essentia, generali autem se-cundum virtutem) ordinatur ad bonum commune, dici iustitia legalis: & hoc modo loquendi iustitia legalis est idem in essentia cum omni virtute; differt autem ratione. Et hoc modo loquitur Philosophus.

Unde patet responsio ad primum, & secundum.

Ad tertium dicendum, quod etiam il-la ratio secundum hunc modum procedit de iustitia legali, secundum quod virtus imperata a iustitia legali, iustitia legalis dicitur.

Ad quartum dicendum, quod quaelibet virtus secundum propriam rationem ordi-nat actum suum ad proprium finem illius virtutis: quod autem ordinetur ad ulteriorem finem sive semper, sive ali-quando, hoc non habet ex propria ra-tione; sed oportet esse aliam superiorem virtutem, a qua in illum finem ordi-netur: & sic oportet esse unam vir-tutem superiorem, quae ordinet omnes virtutes in bonum commune, quae est iustitia legalis, & est alia per essentiam ab omni virtute.

ARTICULUS VII. 324

*Utrum sit aliqua iustitia particularis præter iustitiam generalem.*

*Sup. art. 5. & 6. & inf. quæst. lxx. art. 1. & 1. 2. quæst. lx. art. 3. & V. Ethic. lect. 8.*

**A**D septimum sic proceditur. Videtur quod non sit aliqua iustitia particularis præter iustitiam generalem. In virtutibus enim nihil est superfluum, sicut nec in natura. Sed iustitia generalis sufficienter ordinat hominem circa omnia quæ ad alterum sunt. Ergo non est necessaria aliqua iustitia particularis.

2. Præterea. *Unum*, & *multa* non diversificant speciem virtutis. Sed iustitia legalis ordinat hominem ad alterum, secundum ea quæ ad multitudinem pertinent, ut ex prædictis patet (art. 5. & 6. huius quæstionis.) Ergo non est alia species iustitiæ quæ ordinet hominem ad alterum in his quæ pertinent ad unam singularem personam.

3. Præterea. Inter unam singularem personam, & multitudinem civitatis media est multitudo domestica. Si ergo est iustitia alia particularis per comparationem ad unam personam præter iustitiam generalem, pari ratione debet esse alia iustitia æconomica, quæ ordinet hominem ad bonum commune unius familie: quod quidem non dicitur. Ergo nec aliqua particularis iustitia est præter iustitiam legalem.

Sed contra est quod Chrysostomus super illud Matth. v. *Beati qui esuriunt, & sitiunt iustitiam*, dicit (hom. xv. inter principium & medium.) „Iustitiam autem” dicit vel universalem virtutem, vel „particularem, avaritiæ contrariam.” Respondendo dicendum, quod, sicut dictum est (art. præc.) iustitia legalis non est essentialiter omnis virtus; sed oportet præter iustitiam legalem, quæ ordinat hominem immediate ad bonum commune, esse alias virtutes quæ immediate ordinant hominem circa particularia bona: quæ quidem possunt esse vel ad seipsum, vel ad alteram singularem personam.

Sicut ergo præter iustitiam legalem oportet esse aliquas virtutes particulares, quæ ordinent hominem in seipso, puta temperantiam, & fortitudinem; ita etiam præter iustitiam legalem oportet esse particularem quandam iustitiam, quæ

*S. Th. Oper. Tom. XXII.*

ordinet hominem circa ea quæ sunt ad alteram singularem personam.

Ad primum ergo dicendum, quod iustitia legalis sufficienter quidem ordinat hominem in his quæ sunt ad alterum; quantum ad commune quidem bonum, immediate; quantum autem ad bonum unius singularis personæ, mediate. Et ideo oportet esse aliquam particularem iustitiam, quæ immediate ordinet hominem ad bonum alterius singularis personæ.

Ad secundum dicendum, quod bonum commune civitatis, & bonum singulare unius personæ non differunt solum secundum *multum*, & *paucum*, sed secundum formalem differentiam. Alia enim est ratio boni communis, & boni singularis, sicut alia est ratio totius, & partitis. Et ideo Philosophus in I. Polit. (cap. 1. circ. principium.) dicit, quod *non bene dicunt qui dicunt civitatem, & domum, & alia huiusmodi differre solum multitudine, & paucitate, & non specie.*

Ad tertium dicendum, quod domestica multitudo secundum Philosophum in I. Polit. (cap. 111.) distinguitur secundum tres coniugationes, scilicet uxoris & viri, patris & filii, domini & servi; quarum personarum una est quasi aliquid alterius. Et ideo ad huiusmodi personas non est simpliciter iustitia, sed quedam iustitiæ species, scilicet æconomica, ut dicitur in V. Ethic. (cap. vi. & ult. in fin.)

ARTICULUS VIII. 325

*Utrum iustitia particularis habeat materiam specialem.*

*1. 2. quæst. lx. art. 2. cor. & III. dist. xxxviii. quæst. 11. art. 2. quæst. 3. & II. Ethic. lect. 8.*

**A**D octavum sic proceditur. Videtur quod iustitia particularis non habeat materiam specialem. Quia super illud Genes. 11. *Fluvius quatuor ipse est* *Euphrates*, dicit Glossa (quod Aug. Lib. 11. de Gen. cont. Man. cap. x.) „Euphrates, *frugifer* interpretatur; nec dicitur contra quos vadat, quia iustitia ad omnes animæ partes pertinet.” Hoc autem non esset, si haberet materiam specialem, quia quolibet materia specialis ad aliquam specialem potentiam pertinet. Ergo iustitia particularis non habet materiam specialem.

2. Præterea, Augustinus dicit in Lib. V 3

lxxxviii.

lxxxiii. Qg. (quæst. lxi. a med.) quod quatuor sunt animæ virtutes, quibus in hac vita spiritualiter vivitur scilicet temperantia, prudentia, fortitudo, & iustitia: & dicit, quod quarta est iustitia, quæ per omnes diffunditur. Ergo iustitia particularis, quæ est una de quatuor virtutibus cardinalibus, non habet specialem materiam.

3. Præterea. Iustitia dirigit hominem sufficienter in his quæ sunt ad alterum. Sed per omnia quæ sunt huius vitæ, homo potest ordinari ad alterum. Ergo materia iustitiæ est generalis, & non specialis.

Sed contra est quod Philosophus in V. Ethic. (cap. 11. a med.) ponit iustitiam particularem circa ea specialiter quæ pertinent ad communicationem vitæ.

Respondeo dicendum, quod omnia quæcumque rectificari possunt per rationem, sunt materia virtutis moralis, quæ definitur per rationem rectam, ut patet per Philosophum in II. Ethic. (cap. 11. & vi.) Possunt autem per rationem rectificari & interiores animæ passiones, & exteriores actiones, & res exteriores, quæ in usum hominis veniunt. Sed tamen per exteriores actiones, & per exteriores res, quibus sibi invicem homines communicare possunt, attenditur ordinatio unius hominis ad alterum; secundum autem interiores passiones, consideratur rectificatio hominis in seipso.

Et ideo cum iustitia ordinetur ad alterum, non est circa totam materiam virtutis moralis, sed solum circa exteriores actiones, & res, secundum quamdam rationem obiecti specialem, prout scilicet secundum eas unus homo alteri coordinatur.

Ad primum ergo dicendum, quod iustitia pertinet quidem essentialiter ad unam partem animæ, in qua est sicut in subiecto, scilicet ad voluntatem; quæ quidem movet per suum imperium omnes alias animæ partes: & sic iustitia non directe, sed quasi per quamdam redundantiam ad omnes alias animæ partes pertinet.

Ad secundum dicendum, quod, sicut supra dictum est (1. 2. quæst. lxi. art. 3. & 4.) virtutes cardinales dupliciter accipiuntur: uno modo secundum quod sunt speciales virtutes habentes determinatas materias; alio modo secundum quod significant quosdam generales modos virtutis: & hoc modo loquitur ibi Augustinus: dicit enim, quod *prudentia*

est cognitio rerum appetendarum, & fugiendarum; temperantia est refrenatio cupiditatis ab his quæ temporaliter delectant; fortitudo est firmitas animi adversus ea quæ temporaliter molesta sunt; iustitia est quæ per ceteras diffunditur, dilectio Dei, & proximi, quæ scilicet est communis radix totius ordinis ad alterum.

Ad tertium dicendum, quod passiones interiores, quæ sunt pars materiæ moralis, secundum se non ordinantur ad alterum, quod pertinet ad specialem rationem iustitiæ; sed earum effectus sunt ad alterum ordinabiles, scilicet operationes exteriores. Unde non sequitur quod materia iustitiæ sit generalis.

## ARTICULUS IX. 316

Utrum iustitia sit circa passiones.

II. dist. xv. quæst. 1. art. 1. quæst. 2. ad 2.

**A**D nonum sic proceditur. Videtur quod iustitia sit circa passiones. Dicit enim Philosophus in II. Ethicor. (cap. 111. cir. princ.) quod *circa voluptates, & tristitias est moralis virtus*. Voluptas autem (id est delectatio) & tristitia sunt passiones quædam, ut supra habitum est (1. 2. quæst. lxxiii. art. 4.) cum de passionibus ageretur. Ergo iustitia, cum sit virtus moralis, erit circa passiones.

2. Præterea. Per iustitiam rectifican- tur operationes quæ sunt ad alterum. Sed operationes huiusmodi rectificari non possunt, nisi passiones sint rectificate: quia ex inordinatione passionum provenit inordinatio in prædictis operationibus: propter concupiscentiam enim venerorum proceditur ad adulterium, & propter superfluum amorem pecuniarum proceditur ad furtum. Ergo oportet quod iustitia sit circa passiones.

3. Præterea. Sicut iustitia particularis est ad alterum, ita etiam iustitia legalis. Sed iustitia legalis est circa passiones: alioquin non se extenderet ad omnes virtutes, quarum quædam sunt manifeste circa passiones. Ergo iustitia est circa passiones.

Sed contra est quod Philosophus dicit in V. Eth. (cap. 1. & 11.) quod est circa operationes.

Respondeo dicendum, quod huius quæstionis veritas ex duobus apparet. Primo quidem ex ipso subiecto iustitiæ, quod est voluntas; cuius motus, vel actus non sunt



sunt passiones, ut supra habitum est (1. 2. quæst. xxii. art. 3. & quæst. lxx. art. 4.) sed solum motus appetitus sensitivi *passiones* dicuntur: & ideo iustitia non est circa passiones, sicut temperantia, & fortitudo, quæ sunt irascibilis, & concupiscibilis, sunt circa passiones. Alio modo ex parte materiæ: quia iustitia est circa ea quæ sunt ad alterum: non autem per passiones interiores immediate ad alterum ordinamur.

Et ideo iustitia circa passiones non est. Ad primum ergo dicendum, quod non quælibet virtus moralis est circa volutates, & tristitias sicut circa materiam, nam fortitudo est circa timores, & audacias; sed omnis virtus moralis ordinatur ad delectationem, & tristitiam, sicut ad quosdam fines consequentes: quia, ut Philosophus dicit in VII. Eth. (cap. xi. in princ.) *delectatio, & tristitia est finis principalis, ad quem respicientes, unumquodque, hoc quidem malum, hoc autem bonum dicimus: & hoc modo pertinent etiam ad iustitiam: quia non est iustus qui non gaudet iustis operationibus, ut dicitur in I. Ethic. (cap. viii. a med.)*

Ad secundum dicendum quod operationes exteriores mediæ sunt quodammodo inter res exteriores, quæ sunt earum materia, & inter passiones interiores, quæ sunt earum principia. Contingit autem quandoque esse defectum in uno eorum, sine hoc quod sit defectus in alio: sicut si aliquis surripiat rem alterius non cupiditate habendi, sed voluntate nocendi; vel e converso si aliquis alterius rem concupiscat, quam tamen surripere non velit. Retinatio ergo operationum, secundum quod ad exteriora terminatur, pertinet ad iustitiam; sed retinatio earum, secundum quod a passionibus oriuntur, pertinet ad alias virtutes morales, quæ sunt circa passiones. Unde surreptionem alienæ rei iustitia impedit, inquantum est contra æqualitatem in exterioribus constituendam; liberalitas vero, inquantum procedit ab immoderata concupiscentia divitiarum. Sed quia operationes exteriores non habent speciem ab interioribus passionibus, sed magis a rebus exterioribus sicut ex obiectis; ideo per se loquendo operationes exteriores magis sunt materia iustitiæ quam aliarum virtutum moralium.

Ad tertium dicendum, quod bonum commune est finis singularum personarum in communitate existentium, sicut

bonum totius, finis est cuiuslibet partium. Bonum autem unius personæ singularis non est finis alterius. Et ideo iustitia legalis, quæ ordinatur ad bonum commune, magis se potest extendere ad interiores passiones, quibus homo aequaliter disponitur in seipso, quam iustitia particularis, quæ ordinatur ad bonum alterius singularis personæ: quamvis iustitia legalis principaliter se extendat ad alias virtutes quantum ad exteriores operationes earum, inquantum scilicet præcipit *lex sortia opera facere, & quæ temperati, & quæ mansueti*, ut dicitur in V. Ethic. (cap. ii. a princ.)

## ARTICULUS X. 317

*Utrum medium iustitiæ sit medium rei.*

1. 2. quæst. lxiv. art. 2. & III. dist. xxxiii. quæst. 1. art. 3. quæst. 2. & IV. dist. xxv. quæst. 1. art. 1. quæst. 2. & vir. quæst. 1. art. 13. ad 7. 12. 13. & 17.

Ad decimum sic proceditur. Videtur quod medium iustitiæ non sit medium rei. Ratio enim generis salvatur in omnibus speciebus. Sed virtus moralis in II. Ethic. (cap. vi.) definitur *esse habitus electivus in medietate existens determinata ratione quoad nos*. Ergo & in iustitia est medium rationis, non rei.

2. Præterea. In his quæ simpliciter sunt bona, non est accipere superfluum, & diminutum, & per consequens nec medium; sicut patet de virtutibus, ut dicitur in II. Ethic. (cap. vi. ad fi.) Sed iustitia est circa simpliciter bona, ut dicitur in V. Ethic. (cap. i. parum ante med.) Ergo in iustitia non est medium rei.

3. Præterea. In aliis virtutibus ideo dicitur esse medium rationis, & non rei, quia diversimode accipitur per comparisonem ad diversas personas: quia *quod uni est multum, alteri est parum*, ut dicitur in II. Eth. (cap. vi. ante med.) Sed hoc etiam observatur in iustitia: non enim eadem poena puniuntur qui percutit Principem, & qui percutit privatam personam. Ergo etiam iustitia non habet medium rei, sed medium rationis.

Sed contra est quod Philosophus in II. Ethic. (cap. vi. & vii. & Lib. V. cap. iii. & iv.) assignat medium iustitiæ secundum proportionalitatem arithmeticam, quod est medium rei.

Respondeo dicendum, quod, sicut supra dictum est ( art. præc. & r. 2. quæst. lxx. art. 4. ) alie virtutes morales principaliter consistunt circa passiones; quarum rectificatio non attenditur nisi secundum comparationem ad ipsum hominem, cuius sunt passiones, secundum scilicet quod irascitur, & concupiscit, prout debet, secundum diversas circumstantias. Et ideo medium talium virtutum non accipitur secundum proportionem unius rei ad alteram, sed solum secundum comparationem ad ipsum virtuosum: & propter hoc in ipsis est medium solum secundum rationem, quoad nos.

Sed materia iustitiæ est exterior operatio, secundum quod ipsa, vel rescuius est usus, debitam proportionem habet ad aliam personam: & ideo medium iustitiæ consistit in quadam proportionis æqualitate rei exterioris ad personam exteriorem. Æquale autem est realiter medium inter maius, & minus, ut dicitur in X. Metaph. ( tex. 19. ) unde iustitia habet modum rei.

Ad primum ergo dicendum, quod hoc medium rei est etiam medium rationis: & ideo in iustitia salvatur ratio virtutis moralis.

Ad secundum dicendum, quod bonum simpliciter dupliciter dicitur. Uno modo quod est omnibus modis bonum sicut virtutes sunt bonæ: & sic in his quæ sunt bona simpliciter, non est accipere medium, & extrema. Alio modo dicitur aliquid simpliciter bonum, quia est absolute bonum, scilicet secundum suam naturam consideratum, quamvis per abusum possit fieri malum, sicut patet de divitiis, & honoribus: & in talibus potest accipi superfluum, diminutum, & medium quantum ad homines, qui possunt eis uti vel bene, vel male: & sic circa simpliciter bona dicitur esse iustitia.

Ad tertium dicendum, quod iniuria illata aliam proportionem habet ad Principem, & aliam ad personam privatam: & ideo oportet aliter adæquare utramque iniuriam per vindictam: quod pertinet ad diversitatem rei, & non solum ad diversitatem rationis.

## ARTICULUS XI. 313

*Utrum actus iustitiæ sit reddere unicuique quod suum est.*

*Inf. quæst. lxxvi. art. 3. & 5. cor. & I. Par. quæst. xxi. art. 1. cor. & II. dist. xxvii. art. 3. cor. & ad 3.*

**A**D undecimum sic proceditur. Videtur quod actus iustitiæ non sit reddere unicuique quod suum est. Augustinus enim XIV. de Trin. ( cap. ix. cir. fi. ) attribuit iustitiæ subvenire miseris. Sed in subveniendo miseris non tribuimus eis quæ sunt eorum, sed magis quæ sunt nostra. Ergo iustitiæ actus non est tribuere unicuique quod suum est.

2. Præterea. Tullius in Lib. I. de offic. ( tit. de iustitia cir. princ. ) dicit, quod *beneficentia, quam benignitatem, vel liberalitatem appellare licet, ad iustitiam pertinet*. Sed liberalitatis est de proprio dare alicui, non de eo quod est eius. Ergo iustitiæ actus non est reddere unicuique quod suum est.

3. Præterea. Ad iustitiam pertinet non solum res dispensare debito modo, sed etiam iniurias actiones cohibere, puta homicidia, adulteria, & alia huiusmodi. Sed reddere quod suum est, videtur solum ad dispensationem rerum pertinere. Ergo non sufficenter per hoc notificatur actus iustitiæ, quod dicitur actus eius esse reddere unicuique quod suum est.

Sed contra est quod Ambrosius dicit in I. de offic. ( cap. xxv. in fin. ) *Iustitia est quæ unicuique quod suum est, tribuit; alienum non vindicat; utilitatem propriam negligit, ut communem æquitatem custodiat*.

Respondeo dicendum, quod, sicut dictum est ( art. 9. & 10. hu. quæst. ) materia iustitiæ est operatio exterior, secundum quod ipsa, vel res qua per eam utimur, proportionatur alteri personæ, ad quam per iustitiam ordinatur. Hoc autem dicitur esse suum unicuique personæ quod ei secundum proportionis æqualitatem debetur: & ideo proprius actus iustitiæ nihil aliud est quam reddere unicuique quod suum est.

Ad primum ergo dicendum, quod iustitiæ, cum sit virtus cardinalis, quædam alie virtutes secundariæ adiunguntur, sicut misericordia, liberalitas, & alie huiusmodi virtutes, ut infra patebit.

bit ( quaest. lxxx. ) Et ideo subvenire miseris ( quod pertinet ad misericordiam, sive pietatem ) & liberaliter benefacere ( quod pertinet ad liberalitatem ) per quamdam reductionem attribuit iustitiae sicut principali virtuti.

Et per hoc patet responsio ad secundum.

Ad tertium dicendum, quod, sicut Philosophus dicit in V. Ethic. ( cap. ry. ) oratione superfluum in his quae ad iustitiam pertinent, *lucrum* extenso nomine vocatur; sicut & oratione quod minus est, vocatur *damnum*: & hoc ideo, quia iustitia prius est exercita, & communius exercetur in voluntariis commutationibus rerum, puta emptione, & venditione, in quibus proprie haec nomina dicuntur; & exinde derivantur haec nomina ad omnia circa quae potest esse iustitia. Et eadem ratio est de hoc quod est reddere unicuique quod suum est.

## ARTICULUS XII. 319

*Utrum iustitia praemineat inter omnes virtutes morales.*

*Inf. quaest. cxxiii. art. 12. & quaest. cxli. art. 8. & 1. 2. quaest. lxxvi. art. 4. & III. dist. xxxv. quaest. 1. art. 3. quaest. 1.*

**A**D duodecimum sic proceditur. Videtur quod iustitia non praemineat inter omnes virtutes morales. Ad iustitiam enim pertinet reddere alteri quod suum est; ad liberalitatem autem pertinet de proprio dare; quod virtuosius est. Ergo liberalitas est maior virtus quam iustitia.

2. Praeterea. Nihil ornatur nisi per aliquid dignius se. Sed magnanimitas est ornamentum & iustitiae, & omnium virtutum, ut dicitur in IV. Eth. ( cap. 111. ante med. ) Ergo magnanimitas est nobilior quam iustitia.

3. Praeterea. Virtus est circa difficile, & bonum, ut dicitur in II. Ethic. ( cap. 111. ) Sed fortitudo est circa magis difficilia quam iustitia, idest circa pericula mortis, ut dicitur in III. Ethic. ( cap. vi. ) Ergo fortitudo est nobilior iustitia.

Sed contra est quod Tullius dicit in I. offic. ( tit. de iustitia in princ. ) *In iustitia virtutis splendor est maximus, ex qua boni viri nominantur.*

Respondeo dicendum, quod si loqua-

mur de iustitia legali, manifestum est quod ipsa est praeclearior inter omnes virtutes morales, inquantum bonum commune praeminet bono singulari unius personae; & secundum hoc Philosophus in V. Ethic. ( cap. 1. ante fin. ) dicit, quod *praeclearissima virtutum videtur esse iustitia, & neque est Hesperus, neque Lucifer ita admirabilis.*

Sed etiam si loquamur de iustitia particulari, praecellit inter alias virtutes morales, duplici ratione. Quarum prima potest sumi ex parte subiecti, quia scilicet est in nobiliori parte animae, idest in appetitu rationali, scilicet in voluntate, aliis virtutibus moralibus existentibus in appetitu sensitivo, ad quem pertinent passionibus, quae sunt materia aliarum virtutum moralium.

Secunda ratio sumitur ex parte obiecti. Nam aliae virtutes laudantur solum secundum bonum ipsius virtutis; iustitia autem laudatur secundum quod virtuosus ad alium bene se habet: & sic iustitia quodammodo est bonum alterius, ut dicitur in V. Ethic. ( cap. 1. aliquant. ante fin. ) Et propter hoc Philosophus dicit in I. Rhetor. ( cap. rx. paulo a princ. ) *Necesse est maximas virtutes esse eas quae sunt aliis utilissimae: siquidem est virtus potentia benefactiva. Propter hoc & fortes, & iustos maxime honorant: quoniam fortitudo est utilis aliis in bello, iustitia autem & in bello, & in pace.*

Ad primum ergo dicendum, quod liberalitas etiam de suo dat, tamen hoc facit, inquantum in hoc considerat propriam virtutis bonum; iustitia autem dat alteri quod suum est, quasi considerans bonum commune: & ( a ) praeterea iustitia observatur ad omnes; liberalitas autem ad omnes se extendere non potest: & iterum liberalitas, quae de suo dat, supra iustitiam fundatur, per quam unicuique quod suum est, tribuitur.

Ad secundum dicendum, quod magnanimitas, quando supervenit iustitiae, augeat eius bonitatem; quae tamen sine iustitia nec virtutis rationem haberet.

Ad tertium dicendum, quod fortitudo etiam consistit circa difficiliora, non tamen est circa meliora; cum sit solum in bello utilis, iustitia autem & in bello, & in pace, sicut dictum est ( in corp. )

QUAE-

( a ) Ita cum criticibus edit. Rom. optime, Alii dicit, in García propterea.

## QUAESTIO LIX.

*De iniustitia,  
in quatuor articulis divisa.*

**D**Einde considerandum est de iniustitia: & circa hoc quaeruntur quatuor.

Primo, utrum iniustitia sit speciale vitium.

Secundo, utrum iniusta agere sit proprium iniusti.

Tertio, utrum aliquis possit iniustum pati volens.

Quarto, utrum iniustitia ex suo genere sit peccatum mortale.

## ARTICULUS I. 330

*Utrum iniustitia sit vitium speciale.*

*Sup. quest. lviij. art. 5. ad 3. & infra quest. lxxix. art. 1. ad 3.*

**A**D primum sic proceditur. Videtur quod iniustitia non sit vitium speciale. Dicitur enim I. Ioan. iii. 4. *Omne peccatum est iniquitas*. Sed iniquitas videtur idem esse quod iniustitia: quia iustitia est aequalitas quaedam, unde iniustitia idem videtur esse quod inaequalitas, sive iniquitas. Ergo iniustitia non est speciale peccatum.

2. Praeterea. Nullum speciale peccatum opponitur omnibus virtutibus. Sed iniustitia opponitur omnibus virtutibus: nam quantum ad adulterium opponitur castitati, quantum ad homicidium opponitur mansuetudini, & sic de aliis. Ergo iniustitia non est speciale peccatum.

3. Praeterea. Iniustitia iustitiae opponitur, quae in voluntate est. Sed omne peccatum est in voluntate, ut Augustinus dicit (Lib. de duab. animab. cap. x. & xi.) Ergo iniustitia non est speciale peccatum.

Sed contra est quod iniustitia iustitiae opponitur. Sed iustitia est specialis virtus. Ergo iniustitia est speciale vitium.

Respondetur dicendum, quod iniustitia est duplex. Una quidem illegalis, quae opponitur legali iustitiae: & haec quidem secundum essentiam est speciale vitium, inquantum respicit speciale obiectum, scilicet bonum commune, quod contemnit; sed quantum ad inrentionem est vitium generale, quia per contemptum boni communis potest homo ad o-

mnia peccata deduci: sicut etiam omnia vitia, inquantum repugnant bono communi, iniustitiae habent rationem, quasi ab iniustitia derivata, sicut & supra de iustitia dictum est (quest. lviij. art. 6.)

Alio modo dicitur iniustitia secundum inaequalitatem quamdam ad alterum, prout scilicet homo vult habere plus de bonis, puta divitiis, & honoribus; & minus de malis, puta laboribus, & damnis: & sic iniustitia habet materiam specialem, & est particulare vitium iustitiae particulari oppositum.

Ad primum ergo dicendum, quod sicut iustitia legalis dicitur per comparisonem ad bonum commune humanum; ita iustitia divina dicitur per comparisonem ad bonum divinum, cui repugnat omne peccatum: & secundum hoc omne peccatum dicitur esse iniquitas.

Ad secundum dicendum, quod iniustitia etiam particularis opponitur indirecte omnibus virtutibus, inquantum scilicet exteriores etiam actus pertinent & ad iustitiam, & ad alias virtutes morales; licet diversimode, sicut supra dictum est (quest. lviij. art. 6.)

Ad tertium dicendum, quod voluntas, sicut & ratio, se extendit ad materiam totam moralem, scilicet ad passiones, & ad operationes exteriores, quae sunt ad alterum; sed iustitia pericit voluntatem solum secundum quod se extendit ad operationes quae sunt ad alterum; & similiter iniustitia.

## ARTICULUS II. 331

*Utrum aliquis dicatur iniustus ex hoc quod facit iniustum.*

*Inf. art. 4. ad 1. & V. Eth. l. 13. & Pl. xxxv. princ.*

**A**D secundum sic proceditur. Videtur quod aliquis dicatur iniustus ex hoc quod facit iniustum. Habitus enim specificantur per obiecta, ut ex supra dictis patet (1. 2. quest. lvi. art. 2.) Sed proprium obiectum iustitiae est iustum, & proprium obiectum iniustitiae est iniustum. Ergo & iustus dicens est aliquis ex hoc quod facit iustum, & iniustus ex hoc quod facit iniustum.

2. Praeterea. Philosophus dicit in V. Ethic. (cap. ix. vers. ii.) falsam esse opinionem quorundam, qui aestimant, in potestate hominis esse ut statim faciat iniustum; & quod iustus non possit ini-

111111

huc facere iniustum quam iniustus. Hoc autem non esset, nisi facere iniustum esset proprium iniusti. Ergo aliquis iudicandus est iniustus ex hoc quod facit iniustum.

3. Præterea. Eodem modo se habet omnis virtus ad proprium actum, & eadem ratio est de vitiis oppositis. Sed quicumque facit aliquid intemperatum, dicitur intemperatus. Ergo quicumque facit aliquid iniustum, dicitur iniustus.

Sed contra est quod Philosophus dicit in V. Ethic. (cap. vi. in princ.) quod *aliquis facit iniustum, & iniustus non est.*

Respondeo dicendum, quod sicut obiectum iustitiæ est aliquid æquale in rebus exterioribus; ita etiam obiectum iniustitiæ est aliquid inæquale, prout scilicet alicui attribuitur plus, vel minus quam sibi competat. Ad hoc autem obiectum comparatur habitus iniustitiæ mediante proprio actu, qui vocatur *iniustificatio*.

Potest ergo contingere quod qui facit iniustum, non est iniustus dupliciter. Uno modo propter defectum comparationis ad ipsius operationis proprium obiectum; quæ quidem recipit speciem, & nomen a per se obiecto, non autem ab obiecto per accidens. In his autem quæ sunt propter finem, per se dicitur aliquid quod est intentum; per accidens autem quod est præter intentionem. Et ideo si aliquis faciat aliquid quod est iniustum, non intendens iniustum facere, puta cum hoc facit per ignorantiam, non existimans se iniustum facere, tunc non facit iniustum, per se & formaliter loquendo, sed solum per accidens, & quasi materialiter faciens id quod est iniustum: unde & talis operatio non denominatur *iniustificatio*.

Alio modo potest contingere propter defectum comparationis ipsius operationis ad habitum. Potest enim iniustificatio procedere quandoque quidem ex aliqua passione, puta iræ, vel concupiscentiæ; quandoque autem ex electione, quando scilicet ipsa iniustificatio per se placet: & tunc proprie procedit ab habitu, quia unicuique habenti aliquem habitum est secundum se acceptum, quod convenit illi habitui. Facere ergo iniustum ex intentione, & electione est proprium iniusti, secundum quod iniustus dicitur qui habet iniustitiæ habitum; sed facere iniustum præter intentionem, vel ex passione potest aliquis absque habitu iniustitiæ.

Ad primum ergo dicendum, quod obiectum per se, & formaliter acceptum specificat habitum; non autem prout accipitur materialiter, & per accidens.

Ad secundum dicendum, quod non est facile cuiquam facere iniustum ex electione, quali aliquid per se placens, & non propter aliud; sed hoc proprium est habentis habitum, ut ibidem Philosophus dicit.

Ad tertium dicendum, quod obiectum temperantiæ non est aliquid exterius constitutum, sicut obiectum iustitiæ; sed obiectum temperantiæ, id est temperatum, accipitur solum in comparatione ad ipsum hominem. Et ideo quod est per accidens, & præter intentionem, non potest dici temperatum nec materialiter, nec formaliter; & similiter neque intemperatum; & quantum ad hoc est dissimile in iustitia, & in aliis virtutibus moralibus; sed quantum ad comparationem operationis ad habitum, in omnibus similiter se habet.

## ARTICULUS III. 333

*Utrum aliquis possit pati iniustum volens.*

*Inf. quæst. lxxvi. art. 4. cor. & V. Eth. lect. 12. 13. & 14.*

**A**D tertium sic proceditur. Videtur quod aliquis possit pati iniustum volens. Iniustum enim est inæquale, ut dictum est (art. præc.) Sed aliquis lædendo seipsum recedit ab æqualitate, sicut & lædendo alium. Ergo aliquis potest sibiipsum facere iniustum, sicut & alteri. Sed quicumque facit sibi iniustum, volens facit. Ergo aliquis volens potest pati iniustum, maxime a seipso.

2. Præterea. Nullus secundum legem civilem punitur, nisi propter hoc quod facit aliquam iniustitiam. Sed illi qui interimunt seipsum, puniuntur secundum leges civitatum in hoc quod privabantur antiquitus honore sepulturæ, ut patet per Philosophum in V. Ethic. (implic. cap. ult. sed expref. hab. in Syntagm. Iuris Lib. XXXII. cap. xxxix.) Ergo aliquis potest facere sibiipsum iniustum; & ita contingit quod aliquis iniustum patiatur volens.

3. Præterea. Nullus facit iniustum, nisi alicui patienti iniustum. Sed contingit quod aliquis faciat iniustum alicui hoc volenti, puta si vendat ei rem carius quam valeat. Ergo contingit aliquem volentem aliquid iniustum pati.

Sed

Sed contra est quod iniustum pati est oppositum ei quod est iniustum facere. Sed nullus facit iniustum nisi volens. Ergo per oppositum nullus patitur iniustum nisi volens.

Respondetur dicendum, quod actio de sui ratione procedit ab agente; passio autem secundum propriam rationem est ab alio. Unde non potest esse idem secundum idem agens, & patiens, ut dicitur in III. Physicor. (tex. 8.) & in VIII. (tex. 40.) Principium autem proprium agendi in hominibus est voluntas: & ideo illud proprie & per se homo facit quod volens facit; & e contrario illud proprie homo patitur quod præter voluntatem suam patitur, quia inquantum est volens, principium est ex seipso: & ideo inquantum est huiusmodi, magis est agens quam patiens.

Dicendum est ergo, quod iniustum, per se & formaliter loquendo, nullus potest facere nisi volens, nec pati nisi volens; per accidens autem, & quasi materialiter loquendo, potest aliquis id quod est de se iniustum, vel facere nolo (sicut cum quis præter intentionem operatur) vel pati volens; sicut cum aliquis plus alteri dat suam voluntatem quam debeat.

Ad primum ergo dicendum, quod cum aliquis sua voluntate dat alteri id quod ei non debet, non facit nec iniustitiam, nec inaequalitatem. Homo enim per suam voluntatem possidet res; (a) & ita non est præter proportionem, si ei aliquid subtrahatur secundum propriam voluntatem vel a seipso, vel ab alio.

Ad secundum dicendum, quod aliqua persona singularis potest dupliciter considerari. Uno modo secundum se; & sic si sibi aliquid nocumentum inferat, potest quidem habere rationem alterius peccati (puta intemperantiæ, vel imprudentiæ) non tamen rationem iniustitiæ: quia sicque iustitia semper est ad alterum, ita & iniustitia. Alio modo potest considerari aliquis homo, inquantum est aliquid civitatis, scilicet pars; vel inquantum est aliquid Dei, scilicet creatura, & imago: & sic qui seipsum occidit, iniuriam quidem facit, non sibi, sed civitati, & Deo: & ideo punitur tam secundum legem divinam, quam secundum legem humanam; sicut & de fornicatore Apostolus dicit (I. Cor. xii.

17.) *Si quis templum Dei violaverit, disperdet ipsum Deus.*

Ad tertium dicendum, quod passio est effectus actionis exterioris. In hoc autem quod est facere, & pati iniustum, id quod materiale est, attenditur secundum id quod exterius agitur, prout in se consideratur, ut dictum est (art. præc.) id autem quod est ibi formale, & per se, attenditur secundum voluntatem agentis, & patientis, ut ex dictis patet (in cor. & art. præc.) Dicendum est ergo, quod aliquem facere iniustum, & alium pati iniustum, materialiter loquendo, semper se concomitantur. Sed si formaliter loquamur, facere aliquis potest iniustum, intendens iniustum facere; tamen alius non patietur iniustum, quia volens patietur: & e converso potest aliquis pati iniustum, si volens id quod est iniustum, patietur; & tamen ille qui hoc facit ignorans, non faciet iniustum formaliter, sed materialiter tantum.

#### ARTICULUS IV. 333

*Utrum quicumque facit iniustum, peccet mortaliter.*

*Inf. quest. lxx. art. 1. cor. & quest. lxx. art. 4. cor. & quest. cx. art. 3. cor.*

**A**D quartum sic proceditur. Videtur quod non quicumque facit iniustum, peccet mortaliter. Peccatum enim veniale mortali opponitur. Sed quandoque veniale peccatum est quod aliquis faciat iniustum: dicit enim Philosophus in V. Ethic. (cap. viii. in fi.) de iniusta agentibus loquens: *Quæcumque non solum ignorantes, sed & propter ignorantiam peccant, venialia sunt.* Ergo non quicumque facit iniustum, mortaliter peccat.

2. Præterea. Qui in aliquo parvo iniustitiam facit, parum a medio declinat. Sed hoc videtur esse tolerabile, & inter minima malorum computandum, ut patet per Philosophum in II. Ethicor. (cap. ult. cir. fi.) Non ergo quicumque facit iniustum, peccat mortaliter.

3. Præterea. Caritas est mater omnium virtutum, ex cuius contrarietate aliquid peccatum dicitur mortale. Sed non omnia peccata opposita aliis virtutibus sunt mortalia. Ergo etiam neque facere

(a) Ita ed. Alan, optime. Garcia ex Tardæ Theologi, Nicolaus & posteriores edit. & ita non est præter suam proportionem &c. Edit. Rom. & ita non est præter proportionem, vel propositum, si ei aliquid subtrahatur, sed secundum propriam &c.

re iniustum semper est peccatum mortale.

Sed contra. Quicquid est contra legem Dei, est peccatum mortale. Sed quicumque facit iniustum, facit contra praeceptum legis Dei: quia vel reducit ad furtum, vel ad adulterium, vel ad homicidium, vel ad aliquid huiusmodi, ut ex sequentibus patebit (quaest. lxiv. & seq.) Ergo quicumque facit iniustum, peccat mortaliter.

Respondeo dicendum, quod, sicut supra dictum est (quaest. xxiv. art. 12. & 1. 2. quaest. lxxii. art. 5.) cum de differentia peccatorum ageretur, peccatum mortale est quod contrariatur caritati, per quam est animae vita. Omne autem nocumentum alteri illatum ex se caritati repugnat, quae movet ad volendum bonum alterius. Et ideo cum iniustitia semper consistat in nocumento alterius, manifestum est quod facere iniustum, ex genere suo est peccatum mortale.

Ad primum ergo dicendum, quod illud verbum Philosophi intelligitur de ignorantia facti, quam ipse vocat *ignorantiam particularium circumstantiarum*, quae meretur veniam; non autem de ignorantia iuris, quae non excusat. Qui autem ignorans facit iniustum, non tacit iniustum nisi per accideus, ut supra dictum est (art. 2. huius quaest.)

Ad secundum dicendum, quod ille qui in parvis facit iniustitiam, deficit a perfecta ratione eius quod est iniustum facere, in quantum potest reputari non esse omnino contra voluntatem eius qui hoc patitur; puta si auferat aliquis alicui unum pomum, vel aliquid tale, de quo probabile est quod ille inde non laedatur, nec ei displicat.

Ad tertium dicendum, quod peccata quae sunt contra alias virtutes, non semper sunt in nocumentum alterius; sed important inordinationem quamdam circa passiones humanas. Unde non est similis ratio.

## QUAESTIO LX.

*De iudicio,  
in sex articulos divisa.*

Postea considerandum est de iudicio: & circa hoc quaeruntur sex.

Primo, utrum iudicium sit actus iustitiae.

Secundo, utrum sit licitum iudicare.

Tertio, utrum per suspensiones sit iudicandum.

Quarto, utrum dubia sint in meliorem partem interpretanda.

Quinto, utrum iudicium semper sit secundum leges scriptas proferendum.

Sexto utrum iudicium per usurpationem pervertatur.

## ARTICULUS I. 334

*Utrum iudicium sit actus iustitiae.*

*Inf. quaest. lxxiii. art. 4. cor. & Isa. 1. lxxvi. 6. princ.*

Ad primum sic proceditur. Videtur quod iudicium non sit actus iustitiae. Dicit enim Philosophus in 1. Ethic. (cap. xii.) quod *unusquisque bene iudicat quae cognoscit*; & sic iudicium ad vim cognoscitivam pertinere videtur. Vis autem cognoscitiva per prudentiam perficitur. Ergo iudicium magis pertinet ad prudentiam quam ad iustitiam, quae est in voluntate, ut dictum est (quaest. lxxiii. art. 4.)

2. Praeterea. Apostolus dicit 1. Corinth. 11. 15. *Spiritualis iudicat omnia*. Sed homo maxime efficitur spiritualis per virtutem caritatis, quae diffunditur in cordibus nostris per Spiritum sanctum, qui datus est nobis, ut dicitur Rom. v. 5. Ergo iudicium magis pertinet ad caritatem quam ad iustitiam.

3. Praeterea. Ad unamquamque virtutem pertinet rectum iudicium circa propriam materiam: quia *virtuosus in singulis est regula, & mensura*, secundum Philosophum in Lib. III. Ethic. (cap. iv. cir. fi.) Non ergo iudicium magis pertinet ad iustitiam quam ad alias virtutes morales.

4. Praeterea. Iudicium videtur ad solos iudices pertinere. Actus autem iustitiae invenitur in omnibus iustis. Cum ergo non soli iudices sint iusti, videtur quod iudicium non sit actus proprius iustitiae.

Sed contra est quod in Pl. xciii. 15. dicitur: *Quoadusque iustitia convertiatur in iudicium*.

Respondeo dicendum, quod iudicium proprie nominat actum iudicis, in quantum index est; iudex autem dicitur, quasi *ius dicens*; ius autem est obiectum iustitiae, ut supra habitum est (quaest. lxxi. art. 1.) Et ideo iudicium importat, secundum primam nominis impositionem, definitionem, vel determinationem

nem iusti, sive iuris. Quod autem aliquis bene definiat aliquid in operibus virtuosus, proprie procedit ex habitu virtutis; sicut callus recte determinatur a qua pertinet ad castitatem.

Et ideo iudicium, quod importat rectam determinationem eius quod est iustum, proprie pertinet ad iustitiam. Propter quod Philosophus in V. Ethic. (cap. iv. ante med.) dicit, quod *homines ad iudicem confluunt sicut ad quamdam iustitiam animatam*.

Ad primum ergo dicendum, quod nomen iudicii, quod secundum primam impositionem significat rectam determinationem iustorum, ampliatum est ad significandum rectam determinationem in quibuscumque rebus, tam in speculativis, quam in practicis. In omnibus tamen ad rectum iudicium duo requiruntur. Quorum unum est ipsa virtus proferens iudicium; & sic iudicium est actus rationis: dicere enim, vel definire aliquid, rationis est. Aliud autem est dispositio iudicantis, ex qua habet idoneitatem ad recte iudicandum: & sic in his quæ pertinent ad iustitiam, iudicium procedit ex iustitia; sicut & in his quæ ad fortitudinem pertinent, ex fortitudine. Sic ergo iudicium est quidem actus iustitiæ sicut inclinantis ad recte iudicandum, prudentiæ autem sicut iudicium proferentis: unde & synesis ad prudentiam pertinens dicitur *bene iudicativa*, ut supra habitum est (quæst. li. art. 3.).

Ad secundum dicendum, quod homo spiritualis ex habitu caritatis habet inclinationem ad recte iudicandum de omnibus secundum regulas divinas, ex quibus iudicium per donum sapientiæ pronuntiatur; sicut iustus per virtutem prudentiæ pronuntiatur iudicium ex regulis iuris.

Ad tertium dicendum, quod alie virtutes ordinant hominem in seipso; sed iustitia ordinat hominem ad alium, ut ex dictis patet (quæst. lviii. art. 2. 9. & 10.). Homo autem est dominus eorum quæ ad ipsum pertinent; non autem est dominus eorum quæ ad alium pertinent. Et ideo in his quæ sunt secundum alias virtutes, non requiruntur nisi iudicium virtuosum, extenso tamen nomine iudicii, ut dictum est (in resp. ad 1.). Sed in his quæ pertinent ad iustitiam, requiritur ulterius iudicium alicuius superioris, qui utrumque valeat arguere, & ponere manum suam in ambobus. Et propter

hoc iudicium specialius pertinet ad iustitiam quam ad aliquam aliam virtutem.

Ad quartum dicendum, quod iustitia in principe quidem est sicut virtus architectonica, quasi imperans, & præcipiens quod iustum est; in iudicis autem est tamquam virtus executiva, & ministrans. Et ideo iudicium, quod importat definitionem iusti, pertinet ad iustitiam, secundum quod est principali modo in præfidente.

## ARTICULUS II. 335

### Utrum sit licitum iudicare.

*Inf. art. 3. & 6. & quæst. lxxvii. art. 1. & IV. dist. xlviii. quæst. 1. art. 1. & Rom. 1. & I. Cor. iv.*

**A**D secundum sic proceditur. Videtur enim non sit licitum iudicare. Non enim insligitur poena nisi pro illicito. Sed iudicantibus imminet poena, quam non iudicantes effugiunt, secundum illud Matth. vii. 1. *Nolite iudicare, ut non iudicemini*. Ergo iudicare est illicitum.

2. Præterea. Rom. xiv. 4. dicitur: *Tu quis es, qui iudicas alienum servum? Suo domino stat, aut cadit*. Dominus autem omnium Deus est. Ergo nulli homini licet iudicare.

3. Præterea. Nullus homo est sine peccato, secundum illud I. Ioan. 1. 8. *Si dixerimus, quia peccatum non habemus, nos ipsos seducimus*. Sed peccanti non licet iudicare, secundum illud Rom. 11. 1. *Inexcusabilis es homo: omnis qui iudicas: in quo enim alterum iudicas, teipsum condemnas: eadem enim agis quæ iudicas*. Ergo nulli est licitum iudicare.

Sed contra est quod dicitur Denter. xvi. 18. *Iudices, & magistros constitues in omnibus portis tuis, ut iudicent populum iusto iudicio*.

Respondetur dicendum, quod iudicium intantum est licitum, inquantum est iustitiæ actus. Sicut autem ex prædictis patet (art. præc.) ad hoc quod iudicium sit actus iustitiæ, tria requiruntur: primo quidem ut procedat ex inclinatione iustitiæ; secundo quod procedat ex auctoritate præfidentis; tertio quod proferatur secundum rectam rationem prudentiæ. Quocumque autem horum defuerit, iudicium erit vitiosum, & illicitum: uno quidem modo, quando est contra rectitudinem iustitiæ; & sic dicitur *iudicium perversum*, vel *iniustum*: alio modo,



do, quando homo iudicat in his in quibus non habet auctoritatem; & sic dicitur *iudicium usurpatum*: tertio modo, quando deest certitudo rationis; puta cum aliquis de his iudicat quæ sunt dubia, vel occulta, propter aliquas leves coniecturas; & sic dicitur *iudicium suspitium*, vel *temerarium*.

Ad primum ergo dicendum, quod Dominus ibi prohibet iudicium temerarium, quod est de intentione cordis, vel de aliis incertis, ut Augustinus dicit in Lib. II. de ferm. Dom. in monte (cap. xviii.) vel prohibet ibi iudicium de divinis; de quibus, cum sint supra nos, non debemus iudicare, sed simpliciter ea credere, ut Hilarius dicit super Matth. (can. v. ad fin.) vel prohibet iudicium quod non fit ex benevolentia, sed ex animi amaritudine, ut Chrysostomus dicit (alius hom. xvii. in op. imperf. circ. princ.)

Ad secundum dicendum, quod index constituitur ut minister Dei: unde dicitur Deuter. i. 16. *Quod iustum est, iudicate*: & postea subdit, *quia Dei est iudicium*.

Ad tertium dicendum, quod illi qui sunt in gravibus peccatis, non debent iudicare eos qui sunt in eisdem peccatis, vel minoribus, ut Chrysostomus (alius Auctor) dicit super illud Matth. vii. *Nolite iudicare* (hom. xxiv. oper. imp. in Matth. parum a princ.) Et præcipue hoc est intelligendum, quando illa peccata sunt publica, quia ex hoc generatur scandalum in cordibus aliorum. Si autem non sunt publica, sed occulta, & necessitas iudicandi imminet propter officium, potest cum humilitate, & timore vel arguere, vel iudicare. Unde Augustinus dicit in Lib. II. de ferm. Dom. in monte (cap. xix. circ. med.) *Si invenimus nos in eodem vitio esse, congemiscamus, & ad pariter conandum invitamus*. Nec tamen propter hoc homo sic seipsum condemnat, ut novum condemnationis meritum sibi acquirat; sed quia condemnans alium, ostendit se similiter condemnabilem esse propter idem peccatum, vel simile.

## ARTICULUS III. 336

*Utrum iudicium ex suspitione procedens sit illicitum.*

*Locis supra art. 2. induktis, & quolib. xii. art. 25.*

**A**D tertium sic proceditur. Videtur quod iudicium ex suspitione procedens non sit illicitum. Suspicio enim videtur esse opinio incerta de aliquo malo: unde & Philosophus in VI. Ethic. (cap. iii.) ponit, quod *suspicio se habet & ad verum, & ad falsum*. Sed de singularibus contingentibus non potest haberi opinio nisi incerta. Cum ergo iudicium humanum sit circa humanos actus, qui sunt in singularibus, & contingentibus, videtur quod nullum iudicium esset licitum, si ex suspitione iudicare non liceret.

2. Præterea. Per iudicium illicitum fit aliqua iniuria proximo. Sed suspicio mala in sola opinione hominis consistit; & sic non videtur ad iniuriam alterius pertinere. Ergo suspitionis iudicium non est illicitum.

3. Præterea. Si sit illicitum, oportet quod ad iniustitiam reducat: quia iudicium est actus iustitiæ, ut dictum est (art. i. h. quæst.) Sed iniustitia ex suo genere semper est peccatum mortale, ut supra habitum est (quæst. lxx. art. 4.) Ergo suspitionis iudicium esset semper peccatum mortale, si esset illicitum. Sed hoc est falsum: quia *suspiciones vitare non possumus*, ut dicit Glossa Augustini (ord. tract. xc. in Ioan. ante med.) super illud I. Cor. xv. *Nolite ante tempus iudicare*. Ergo iudicium suspitiosum non videtur esse illicitum.

Sed contra est quod Chrysostomus (alius Auctor) super illud Matth. vii. *Nolite iudicare* &c. (hom. xvii. in op. imperf. in princ.) dicit: „Dominus hoc mandato non prohibet, Christianos ex benevolentia alios corripere, sed ne per instantiam iustitiæ suæ Christiani Christianos despiciant, ex solis plerumque suspitionibus odientes ceteros, & condemnantes.“

Respondendo dicendum, quod, sicut Tullius dicit, suspicio importat opinionem mali, quando ex levibus indicibus procedit: & contingit ex tribus. Uno quidem modo ex hoc quod aliquis in seipso malus est; & ex hoc ipso, quasi conficius suæ malitiæ, facilius de alijs malum opinatur.

pinatur, secundum illud Eccl. x. 3. *In via stultus ambulans, cum ipse sit insipiens, omnes stultos aestimat.* Alio modo provenit ex hoc quod aliquis male afficitur ad alterum: cum enim aliquis contemnit, vel odit aliquem, aut irascitur, vel invidet ei, ex levibus signis opinatur mala de ipso: quia unusquisque facilliter credit quod appetit. Tertio modo provenit ex longa experientia: unde Philosophus dicit in II. Rhet. (cap. XIII. parva a princ.) *quod senes sunt maxime suspici. ioh., quia multoties experti sunt aliorum defectus.*

Primae autem duae suspicionis causae manifeste pertinent ad perversitatem affectus; tertia vero causa diminuit rationem suspicionis, inquantum experientia ad certitudinem prohibet, quae est contra rationem suspicionis. Et ideo suspicio vitium quoddam importat; & quanto magis procedit suspicio, tanto magis est vitiosum.

Est autem triplex gradus suspicionis. Primus quidem gradus est ut homo ex levibus indicis de bonitate alicuius dubitare incipiat: & hoc est veniale, & leve peccatum: pertinet enim ad tentationem humanam, *sine qua vita ista non ducitur*, ut habetur in Glossa (ord. Aug. cit. in arg. 3.) super illud I. ad Cor. IV. *Nolite ante tempus iudicare.* Secundus gradus est cum aliquis pro certo malitiam alterius aestimat ex levibus indicis: & hoc si sit de aliquo gravi, est peccatum mortale, inquantum non est sine contemptu proximi: unde Glossa ibidem subdit: *Si ergo suspensiones vitare non possumus, quia homines sumus; iudicia tamen, id est definitivas, firmasque sententias continere debemus.* Tertius gradus est cum aliquis iudex ex suspicionem procedit ad aliquem condemnandum: & hoc directe ad iniustitiam pertinet, unde est peccatum mortale.

Ad primum ergo dicendum, quod in humanis actibus invenitur aliqua certitudo, non quidem sicut in demonstrativis, sed secundum quod convenit tali materiae, puta cum aliquid per idoneos testes probatur.

Ad secundum dicendum, quod ex hoc ipso quod aliquis malam opinionem habet de alio, sine causa sufficienti, indubitate contemnit ipsum; & ideo iniuriatur ei.

Ad tertium dicendum, quod quia iniustitia, & iniustitia est circa exteriores operationes, ut dictum est (quaest. LVIII.

art. 9. & quaest. LIX. art. 2.) tunc iudicium suspiciosum directe ad iniustitiam pertinet quando ad actum exteriorem procedit: & tunc est peccatum mortale, ut dictum est (in corp. art.) Iudicium autem interius pertinet ad iniustitiam, secundum quod comparatur ad exterioris iudicium, ut actus interior ad exteriorum, sicut concupiscentia ad fornicationem, & ira ad homicidium.

## ARTICULUS IV. 337

*Utrum dubia sint in meliorem partem interpretanda.*

**A**D quartum sic proceditur. Videtur quod dubia non sint in meliorem partem interpretanda. Iudicium enim magis debet esse de eo quod in pluribus accidit, sed in pluribus accidit quod aliqui male agant: quia *stultorum est numerus infinitus*, ut dicitur Eccl. I. 15. *proxi enim sunt sensus hominis ad malum ab adolescentia sua*, ut dicitur Genes. VIII. 21. Ergo dubia magis debemus interpretari in malum quam in bonum.

2. Praeterea, Augustinus dicit (Lib. I. de doctr. christ. cap. XXVII. in princ.) *quod ille pie, & iuste vivit qui rerum integer est aestimator, in neutram partem declinando.* Sed ille qui interpretatur in melius quod dubium est, declinat in alteram partem. Ergo hoc non est faciendum.

3. Praeterea, Homo debet diligere proximum sicut seipsum. Sed circa seipsum homo debet dubia interpretari in peiorem partem, secundum illud Iob IX. 28. *Verebar omnia opera mea.* Ergo videtur quod ea quae sunt dubia circa proximos, sint in peiorem partem interpretanda.

Sed contra est quod Rom. XIV. super illud, *Qui non manducat, manducantem non iudicet*, dicit Glossa (ord. Aug. Lib. II. de ferm. Dom. in monte cap. XVIIII. in princ.) „Dubia in meliorem partem sunt interpretanda.“

Respondeo dicendum, quod, sicut dictum est (art. praec. ad 2.) ex hoc ipso quod aliquis habet malam opinionem de alio abique sufficienti causa, iniuriatur ei, & contemnit ipsum. Nullus autem debet alium contemnere, vel nocumentum quodcumque inferre abique causa cogente. Et ideo ubi non apparent manifesta indicia de malicia alicuius, debemus eum ut bonum habere, in meliorem partem interpretando quod dubium est.

## ARTICULUS V. 338

*Utrum sit semper secundum leges scriptas iudicandum.*

*Inf. art. 6. cor.*

Ad primum ergo dicendum, quod potest contingere quod ille qui in meliorem partem interpretatur, frequentius fallitur; sed melius est quod aliquis frequenter fallatur, habens bonam opinionem de aliquo malo homine, quam quod rarius fallatur, habens malam opinionem de aliquo homine bono: quia ex hoc fit iniuria alicui, non autem ex primo.

Ad secundum dicendum, quod aliud est iudicare de rebus, & aliud de hominibus. In iudicio enim in quo de rebus iudicamus, non attenditur bonum, vel malum ex parte ipsius rei, de qua iudicamus, cui nihil nocet qualitercumque iudicemus de ipsa; sed attenditur ibi solum bonum iudicantis, si vere iudicet, vel malum, si falso: quia verum est bonum intellectus, falsum autem est malum ipsius, ut dicitur in VI. Ethic. (cap. 11.) & ideo unusquisque debet niti ad hoc quod de rebus iudicet, secundum quod sunt. Sed in iudicio quo iudicamus de hominibus, praecipue attenditur bonum, & malum ex parte eius de quo iudicatur: qui hoc ipso honorabilis habetur, quod bonus iudicatur, & contemptibilis, si iudicetur malus. Et ideo ad hoc potius tendere debemus in tali iudicio quod hominem iudicemus bonum, nisi manifesta ratio in contrarium appareat. Ipsi autem homini iudicanti saluum, iudicium quo bene iudicat de alio, non pertinet ad malum intellectus ipsius, sicut nec ad eius perfectionem pertinet secundum se cognoscere veritatem singularium contingentium; sed magis pertinet ad bonum affectum.

Ad tertium dicendum, quod interpretari aliquid in deterius, vel meliorem partem, contingit dupliciter. Uno modo per quamdam suppositionem: & sic, cum debemus aliquibus malis adhibere remedium sive nostris, sive alienis, expedit ad hoc ut securius remedium apponatur, quod supponatur id quod est deterius: quia remedium quod est efficax contra maius malum, multo magis est efficax contra minus malum. Alio modo interpretamur aliquid in bonum, vel malum, definiendo, sive determinando: & sic in rerum iudicio debet aliquis niti ad hoc ut interpretetur unumquodque, secundum quod est; in iudicio autem personarum, ut interpretetur in melius, sicut dictum est (in corp. art. & ad 2.)

Ad quintum sic proceditur. Videtur quod non sit semper secundum leges scriptas iudicandum. Semper enim vitandum est iniustum iudicium. Sed quandoque leges scriptae continent iniustitiam, secundum illud Isa. x. 1. *Qui condunt leges iniquas, & scribentes iniustitiam scripserunt.* Ergo non semper est secundum leges scriptas iudicandum.

2. Praeterea. Iudicium oportet esse de singularibus eventibus. Sed nulla lex scripta potest omnes singulares eventus comprehendere, ut patet per Philosophum in V. Ethic. (cap. x.) Ergo videtur quod non semper sit secundum leges scriptas iudicandum.

3. Praeterea. Lex ad hoc scribitur ut sententia legislatoris manifestetur. Sed quandoque contingit quod si ipse legislator praesens esset, aliter iudicaret. Ergo non est semper secundum leges scriptas iudicandum.

Sed contra est quod Augustinus dicit in Lib. de vera relig. (cap. xxxi. a med.) *In istis temporalibus legibus, quamquam de his homines iudicent, cum eas instituerunt; cum tamen fuerint institutae, & firmatae, non licebit iudicibus de eis iudicare, sed secundum ipsas.*

Respondeo dicendum, quod, sicut dictum est (art. 1. hu. quaest.) iudicium nihil aliud est quam quaedam definitio, vel determinatio eius quod iustum est. Fit autem aliquid iustum dupliciter: uno modo ex ipsa natura rei, quod dicitur *ius naturale*; alio modo ex quodam condito inter homines quod dicitur *ius positivum*, ut supra habitum est (quaest. lvi. art. 2.) Leges autem scribuntur ad utriusque iuris declarationem; aliter tamen & aliter: nam legis scriptura ius quidem naturale continet, sed non instituit, non enim habet robur ex lege, sed ex natura; ius autem positivum scriptura legis & continet, & instituit, dans ei auctoritatis robur.

Et ideo necesse est quod iudicium fiat secundum legis scripturam: alioquin iudicium deficeret vel a iusto naturali, vel a iusto positivo.

Ad primum ergo dicendum, quod lex scripta sicut non dat robur iuri naturali,

li, ita nec potest eius robur minuire, vel auferre: quia nec voluntas hominis potest immutare naturam. Et ideo si scriptura legis contineat aliquid contra ius naturale, iniusta est, nec habet vim obligandi. Ibi enim ius positivum locum habet, ubi quantum ad ius naturale nihil differt, utrum sic vel aliter fiat, sicut supra habitum est (quaest. lvi. art. 2. ad 2.) Et ideo nec tales scripturae leges dicuntur, sed potius legis corruptiones, ut supra dictum est (1. 2. quaest. xcv. art. 2.) Et ideo secundum eas non est iudicandum.

Ad secundum dicendum, quod sicut leges iniquae secundum se contrariantur iuri naturali vel semper, vel ut in pluribus; ita etiam leges quae sunt recte posita, in aliquibus casibus deficiunt; in quibus si servarentur, essent contra ius naturale. Et ideo in talibus non est secundum litteram legis iudicandum, sed recurrendum ad aequitatem, quam intendit legislator. Unde Iurisperitus dicit (Modestinus in Resp. Lib. VIII. ex quo refertur in ff. Lib. I. tit. 3. leg. 25.) *Nulla ratio iuris, aut aequitatis benignitas patitur, ut quae salubriter pro utilitate hominum introducuntur, eos durior interpretatio contra ipsorum commodum producturus ad severitatem: & in talibus etiam legislator aliter iudicaret; & si considerasset, lege determinasset.*

Et per hoc patet responsio ad tertium.

#### ARTICULUS VI. 339

*Utrum iudicium per usurpationem reddatur perversum.*

*Sup. art. 2. cor. & inf. quaest. lxxvii. art. 1. & IV. dist. xviii. quaest. iii. art. 3. qu. 4. & dist. xlviii. qu. 1. art. 1. cor.*

**A**D sextum sic proceditur. Videtur quod iudicium per usurpationem non reddatur perversum. Iustitia enim est rectitudo quaedam in agendis. Sed nihil deperit veritati, a quocumque dicatur; sed a quocumque est accipienda. Ergo etiam nihil deperit iustitiae, a quocumque iustum determinetur, quod pertinet ad rationem iudicii.

2. Praeterea. Peccata punire ad iudicium pertinet. Sed aliqui laudabiliter leguntur peccata punisse, qui tamen auctoritatem non habebant super illos, quos puniebant; sicut Moyses occidendo Ae-

gyptium, ut habetur Exod. ii. & Phinees filius Eleazari Zambri filium Salumi, ut legitur Num. xxy. & *reputatum est ei ad iustitiam*, ut dicitur in Psalm. cv. Ergo usurpatio iudicii non pertinet ad iniustitiam.

3. Praeterea. Potestas spiritualis distinguitur a temporali. Sed quandoque praetati habentes spirituales potestatem intromittunt se de his quae pertinent ad saecularem potestatem. Ergo usurpatum iudicium non est illicitum.

4. Praeterea. Sicut ad recte iudicandum requiritur auctoritas, ita etiam iustitia iudicantis, & scientia, ut ex supradictis patet (art. 2. hu. quaest. 1.) Sed non dicitur iudicium esse iniustum, si aliquis iudicet non habens habitum iustitiae, vel non habens scientiam iuris. Ergo etiam neque iudicium usurpatum, quod fit per defectum auctoritatis, semper erit iniustum.

Sed contra est quod dicitur Rom. xiv. 4. *Tu quis es, qui iudicas alienum servum?*

Respondeo dicendum, quod cum iudicium sit serendum secundum leges scriptas, ut dictum est (art. praec.) ille qui iudicium fert, legis dictum quodammodo interpretatur, applicando ipsum ad particulare negotium. Cum autem eiusdem auctoritatis sit legem interpretari, & legem condere; sicut lex condi non potest nisi publica auctoritate, ita nec iudicium ferri potest nisi publica auctoritate: quae quidem se extendit ad eos qui communitati subduntur.

Et ideo sicut iniustum esset ut aliquis constringeret alium ad legem servandam, quae non esset publica auctoritate sancita; ita etiam iniustum est, si aliquis compellat aliquem ferre iudicium quod publica auctoritate non fertur.

Ad primum ergo dicendum, quod pronuntiatio veritatis non importat (a) compulsionem ad hoc quod suscipiatur; sed liberum est unicuique eam recipere, vel non recipere, prout vult; sed iudicium importat quendam impulsionem; & ideo iniustum est quod aliquis iudicetur ab eo qui publicam auctoritatem non habet.

Ad secundum dicendum, quod Moyses videtur Aegyptium occidisse, quasi ex inspiratione divina auctoritatem adeptus, ut videtur per hoc quod dicitur Act. vii. 24. *quod percussio Aegyptio, astimabat Moyses intelligere fratres suos, quoniam*

(a) *Id est committere. Cef. Alex. & Theologi quendam compulsionem, Al. impulsionem.*

*nam Dominus per manum ipsius daret salutem (a) Israel.*

Vel potest dici, quod Moyses occidit Aegyptium, defendendo eum qui iniuriam patiebatur, cum moderamine inculpatæ tutelæ. Unde Ambrosius dicit in Lib. I. de offic. (cap. xxxvi. in princ.) quod qui non repellit iniuriam a socio, cum potest, tam est in vitio quam ille qui facit: & inducit exemplum Moyli.

Vel potest dici, sicut dicit Augustinus in questionibus Exodi (Lib. II. quæst. 11. & Lib. XXII. cont. Faust. cap. lxx.) quod sicut terra ante utilia semina herbarum inutilium fertilitate laudatur; sic illud Mosi factum vitiosum quidem fuit, sed magna fertilitatis signum gerebat; in quantum scilicet erat signum virtutis eius, qua populum liberaturus erat. De Phinees autem dicendum est, quod ex inspiratione divina zelo Dei commotus hoc fecit: vel quia licet nouum esset summus Sacerdos, erat tamen filius summi Sacerdotis; & ad eum hoc iudicium pertinebat, sicut & ad alios iudices, quibus hoc erat præceptum.

Ad tertium dicendum, quod potestas secularis subditur spirituali, sicut corpus animæ: & ideo non est usurpatum iudicium, si spiritualis prælatus se intromittat de temporalibus quantum ad ea in quibus subditur ei secularis potestas, vel quæ ei a seculari potestate relinquuntur.

Ad quartum dicendum, quod habitus scientiæ, & iustitiæ sunt perfectiones singularis personæ: & ideo per eorum defectum non dicitur usurpatum iudicium, sicut per defectum publicæ auctoritatis, ex qua iudicium vim coactivam habet.

## QUAESTIO LXI.

*De partibus iustitiæ,  
in quatuor articulis divisa.*

**D**Einde considerandum est de partibus iustitiæ: & primo de partibus subiectivis, quæ sunt species iustitiæ, scilicet distributiva, & commutativa; secundo de partibus quasi integralibus; tertio de partibus quasi potentialibus, scilicet de virtutibus adiunctis. Circa primum occurrit duplex consideratio. Prima de ipsis iustitiæ partibus. Secunda de vitiis oppositis. Et quia restitutio videtur esse actus commutativæ iustitiæ, primo considerandum est de distinctione iustitiæ com-

mutativæ, & distributivæ; secundo de restitutione.

Circa primum quærentur quatuor.

Primo, utrum sint duæ species iustitiæ, scilicet iustitia distributiva, & commutativa.

Secundo, utrum eodem modo in eis medium accipiat.

Tertio, utrum sit earum uniformis, vel multiplex materia.

Quarto, utrum secundum aliquam earum specierum iustum sit idem quod contrapassum.

## ARTICULUS I. 340

*Utrum convenienter ponantur duæ species iustitiæ, scilicet commutativa, & distributiva.*

*I. P. quæst. xxi. art. 1. cor. & 111. dist. xxxiii. quæst. 111. art. 4. quæst. 5. & IV. dist. xlv1. quæst. 1. art. 3. quæst. 1.*

**A**D primum sic proceditur. Videtur quod inconvenienter ponantur duæ species iustitiæ, iustitia distributiva, & commutativa. Non enim potest esse iustitia species quod multitudini nocet; cum iustitia ad bonum commune ordinetur. Sed distribuere bona communia in multos, nocet bono communi multitudinis, tum quia exhauriuntur opes communes, tum etiam quia mores hominum corrumpuntur: dicit enim Tullius in Lib. II. de offic. (in tit. *Duplex liberalitatis genus* &c.) *Fit deterior qui accipit, & ad idem semper expectandum paratior.* Ergo distributio non pertinet ad aliquam iustitiæ speciem.

2. Præterea. Iustitiæ actus est reddere unicuique quod suum est, ut supra habitum est (quæst. lviii. art. 11.) Sed in distributione non redditur alicui quod suum erat, sed de novo appropriatur sibi id quod erat commune. Ergo hoc ad iustitiam non pertinet.

3. Præterea. Iustitia non solum est in principe, sed etiam in subditis, ut supra habitum est (quæst. lviii. art. 6.) Sed distribuere semper ad principem pertinet. Ergo distributio non pertinet semper ad iustitiam.

4. Præterea. *Distributivum iustum est bonorum communium*, ut dicitur in V. Ethic. (cap. 11. circ. fin. & cap. 111.) Sed communia pertinent ad iustitiam legalem. Ergo iustitia distributiva non est.

X 2 spe-

(a) *Palgara illi.*

Species iustitiæ particularis, sed iustitia legalis.

5. Præterea. *Unum, & multa* non diversificant speciem virtutis. Sed iustitia commutativa consistit in hoc quod aliquid redditur uni; iustitia vero distributiva in hoc quod aliquid datur multis. Ergo non sunt diversæ species iustitiæ.

Sed contra est quod Philosophus in V. Ethic. (cap. 11. cir. fi.) ponit duas partes iustitiæ, & dicit, quod *una est distributiva in distributionibus, alia in commutationibus*.

Respondeo dicendum, quod, sicut dictum est (quaest. lxxii. art. 7. & 8.) iustitia particularis ordinatur ad aliquam privatam personam; quæ comparatur ad communitatem sicut pars ad totum. Porro autem ad aliquam partem duplex ordo attendi. Unus quidem partis ad partem; cui similis est ordo unius privatæ personæ ad aliam: & hunc ordinem dirigit commutativa iustitia, quæ consistit in his quæ mutuo sunt inter duas personas ad invicem.

Alius ordo attenditur totius ad partes: & huic ordini assimilatur ordo eius quod est commune ad singulas personas: quem quidem ordinem dirigit iustitia distributiva, quæ est distributiva communium secundum proportionalitatem. Et ideo duæ sunt iustitiæ species, scilicet distributiva, & commutativa.

Ad primum ergo dicendum, quod sicut in largitionibus privatarum personarum commendatur moderatio, effusio vero culpatur; ita etiam in distributione communium bonorum est moderatio servanda: in quo dirigit iustitia distributiva.

Ad secundum dicendum, quod sicut pars, & totum quodammodo sunt idem: ita id quod est totius, quodammodo est partis: & ita cum ex bonis communibus aliquid in singulos distribuitur, quilibet aliquo modo recipit quod suum est.

Ad tertium dicendum, quod actus distributionis, qui est communium bonorum, pertinet solum ad præsentem communibus bonis; sed tamen iustitia distributiva est etiam in subditis, quibus distribuitur, inquantum scilicet sunt contenti iusta distributione: quamvis etiam distributio quandoque fiat bonorum communium, non quidem civitati, sed uni familiæ; quorum distributio fieri potest auctoritate alicuius privatæ personæ.

Ad quartum dicendum, quod motus accipit speciem a termino *ad quem*. Et ideo ad iustitiam legalem pertinet ordi-

nare ea quæ sunt privatarum personarum, in bonum commune; sed ordinare e contrario bonum commune ad personas particulares per distributionem, est iustitiæ particularis.

Ad quintum dicendum; quod iustitia distributiva, & commutativa non solum distinguuntur secundum *unum, & multa*, sed secundum diversam debiti rationem. Alio enim modo debetur alicui id quod est commune, & alio modo id quod est proprium.

## ARTICULUS II. 341

*Utrum medium eodem modo accipitur in iustitia distributiva, & commutativa.*

*Inf. art. 4. cor. fin. & II. dist. xxvii. art. 3. cor. & dist. xxii. quest. 1. art. 3. qu. 2. & vir. quest. i. ar. 13. ad 7.*

**A**D secundum sic proceditur. Videtur quod medium eodem modo accipitur in iustitia distributiva, & commutativa. Utraque enim sub iustitia particulari continetur, ut dictum est (art. præc.) Sed in omnibus temperantia, vel fortitudinis partibus accipitur uno modo medium. Ergo etiam eodem modo medium est accipiendum in iustitia distributiva, & commutativa.

2. Præterea. Forma virtutis moralis in medio consistit, quod secundum rationem determinatur. Cum ergo unius virtutis sit una forma, videtur quod in utraque sit eodem modo medium accipiendum.

3. Præterea. In iustitia distributiva accipitur medium attendendo diversam dignitatem personarum. Sed dignitas personarum attenditur etiam in commutativa iustitia, sicut in punctionibus: plus enim punitur qui percutit principem, quam qui percutit privatam personam. Ergo eodem modo accipitur medium in utraque iustitia.

Sed contra est quod Philosophus dicit in V. Ethic. (cap. 11.) quod in *iustitia distributiva accipitur medium secundum geometricam proportionalitatem; in commutativa autem secundum arithmeticam*.

Respondeo dicendum, quod, sicut dictum est (art. præc.) in distributiva iustitia datur aliquid alicui privatæ personæ, inquantum id quod est totius, est debitum parti: quod quidem tanto maius est, quanto ipsa pars maiorem prin-

cipal-

capitalitatem habet in toto. Et ideo in distributiva iustitia tanto plus alicui de bonis communibus datur, quanto illa persona maiorem habet principalitatem in communitate. Quæ quidem principalitas (a) in Aristocratica communitate attenditur secundum virtutem, in Oligarchica secundum divitias, in Democratica secundum libertatem, & in aliis aliter. Et ideo in iustitia distributiva non accipitur medium secundum aequalitatem rei ad rem, sed secundum proportionem rerum ad personas; ut scilicet sicut una persona excedit aliam, ita etiam res quæ datur uni personæ, excedat rem quæ datur alii. Et ideo dicit Philosophus (Lib. V. Ethic. cap. 111.) quod tale medium est secundum *geometricam proportionalitatem*, in qua attenditur æquale non secundum quantitatem, sed secundum proportionem: sicut si dicamus, quod sicut se habent sex ad quatuor, ita se habent tria ad duo, quia utrobique est sesquialtera proportio, in qua maius habet totum minus, & mediam partem eius; non autem est æqualitas excessus secundum quantitatem, quia sex excedunt quatuor in duobus, tria vero excedunt duo in uno.

Sed in commutationibus redditur aliquid alicui singulari personæ propter rem eius, quæ accepta est; ut maxime patet in emptione, & venditione, in quibus primo invenitur ratio commutationis. Et ideo oportet adæquare rem rei, ut quanto iste plus habet, quam suum sit, de eo quod est alterius, tantumdem restituat ei cuius est. Et sic fit æqualitas secundum *arithmeticam medietatem*, quæ attenditur secundum paræ quantitatis excessum. Sicut quinquæ est medium inter sex, & quatuor: in unitate enim excedit, & exceditur. Si ergo a principio uterque habebat quinque, & unus eorum accepit unum de eo quod est alterius, unus (scilicet accipiens) habebit sex, & alii relinquentur quatuor. Erit ergo iustitia, si uterque reducat ad medium, ut accipiat unum ab eo qui habet sex, & detur ei qui habet quatuor: sic enim uterque habebit quinque, quod est medium.

Ad primum ergo dicendum, quod in aliis virtutibus moralibus accipitur medium secundum rationem, & non secundum rem; sed in iustitia accipitur medium rei: & ideo secundum diversitatem rerum diversimode medium accipitur.

S. Tb. Oper. Tom. XXII.

(a) Ita sed, Tarræ, viciat, aliqut, Ali. in Aristocratica, Oligarchia, Democratica,

Ad secundum dicendum, quod generalis forma iustitiæ est æqualitas, in qua convenit iustitia distributiva cum commutativa; in una tamen invenitur æqualitas secundum proportionalitatem geometricam, in alia secundum arithmeticam.

Ad tertium dicendum, quod in actionibus, & passionibus conditio personæ facit ad quantitatem rei: maior enim est iniuria, si percutiatur princeps, quam si percutiatur privata persona. Et ideo conditio personæ in distributiva iustitia attenditur secundum se; in commutativa autem, secundum quod per hoc diversificatur res.

### ARTICULUS III. 348

*Utrum materia utriusque iustitiæ sit diversa.*

Ad tertium sic proceditur. Videtur quod materia utriusque iustitiæ non sit diversa. Diveritas enim materiæ facit diversitatem virtutis, ut patet in temperantia, & fortitudine. Si ergo distributivæ iustitiæ, & commutativæ sit diversa materia, videtur quod non continentur sub una virtute, scilicet sub iustitia.

2. Præterea. Distributio quæ pertinet ad iustitiam distributivam, est pecuniæ, vel honoris, vel aliorum, quæcumque *dispartiri possunt inter eos qui civitate communicant*, ut dicitur in V. Ethic. (cap. 11. circ. fin.) quorum etiam est commutatio inter personas ad invicem; quæ pertinet ad commutativam iustitiam. Ergo non est diversa materia distributivæ, & commutativæ iustitiæ.

3. Præterea. Si sit alia materia distributivæ iustitiæ, & alia materia commutativæ, propter hoc quod differunt specie, ubi non erit differentia speciei, non debet esse materiæ diversitas. Sed Philosophus (loc. cit.) ponit unam speciem commutativæ iustitiæ, quæ tamen habet multiplicem materiam. Non ergo videtur esse multiplex materia harum specierum.

Sed in contrarium est quod dicitur in V. Ethic. (loc. cit.) quod *una species iustitiæ est directiva in distributionibus, & alia in commutationibus*.

Respondeo dicendum, quod, sicut supra dictum est (quæst. lxxii. art. 9. ad 2. & art. 10.) iustitia est circa quendam ope-

X 3 ratio-

rationes exteriores, scilicet distributionem, & commutationem: quæ quidem sunt usus quorundam exteriorum vel rerum, vel personarum, vel etiam operum. Rerum quidem, sicut cum aliquis vel aufert, vel restituit alteri suam rem; personarum autem, sicut cum aliquis in ipsam personam hominis iniuriam facit, puta percutiendo, vel conviciando, aut etiam cum reverentiam exhibet; operum autem, sicut cum aliquis iuste ab alio exigit, vel alteri reddit aliquid opus. Si ergo accipiamus ut materiam utriusque iustitiæ ea quorum operationes sunt usus; eadem est materia distributivæ, & commutativæ iustitiæ: nam & res distribui possunt a communi in singulos, & commutari de uno in alium; & etiam est quædam distributio laboriosorum operum, & recompensatio.

Si autem accipiamus ut materiam utriusque iustitiæ actiones ipsas principales, quibus utimur personis, rebus, & operibus; sic invenitur utrobique alia materia: nam distributiva iustitiæ est directiva distributionum; commutativa vero iustitiæ est directiva commutationum, quæ attendi possunt inter duas personas: quarum quædam sunt involuntariæ, quædam vero voluntariæ.

Involuntariæ quidem, quando aliquis utitur re alterius, vel persona, vel opere, eo invito: quod quidem contingit quandoque occulte per fraudem, quandoque etiam manifeste per violentiam. Utrumque autem contingit aut in rem, aut in personam propriam, aut in personam coniunctam. In rem quidem, si occulte unus rem alterius accipiat, & vocatur *furtum*; si autem manifeste, vocatur *rapina*. In personam autem propriam vel quantum ad ipsam consistentiam personæ, vel quantum ad dignitatem ipsius. Si autem quantum ad consistentiam personæ, sic læditur aliquis occulte per dolosam occisionem, seu percussionem, & per veneni exhibitionem; manifeste autem per manifestam occisionem, aut per incarcerationem, aut verberationem, seu membri mutilationem: quantum autem ad dignitatem personæ læditur aliquis occulte quidem per falsa testimonia, seu detractiones, quibus aliquis aufert famam (a) suam, & per alia huiusmodi; manifeste autem per accusationem in iudicio, seu per convicii illationem. Quantum autem ad personam

coniunctam, læditur aliquis in uxore ut in pluribus occulte per adulterium; in servo autem, cum aliquis servum seducit, ut a domino discedat: & hæc etiam manifeste fieri possunt. Et eadem ratio est de aliis personis coniunctis, in quas etiam possunt omnibus modis iniuriæ committi, sicut & in personam principalem. Sed adulterium, & servi seductio sunt propriæ iniuriæ circa has personas; tamen quia servus est possessio quædam domini, hoc refertur ad furtum.

Voluntariæ autem commutationes dicuntur, quando aliquis voluntarie transfert rem suam in alterum. Et si quidem simpliciter in alterum transferat rem absque debito, sicut in donatione, non est actus iustitiæ, sed liberalitatis. In tantum autem ad iusticiam (b) voluntaria translatio pertinet, in quantum est ibi aliquid de ratione debiti. Quod quidem contingit multiplicitur. Uno modo, quando quis transfert simpliciter rem suam in alterum pro recompensatione alterius rei, sicut accidit in venditione, & emptione. Alio modo, quando aliquis tradit rem suam alteri, concedens ei usum rei cum debito recuperandi rem. Et si quidem gratis concedit usum rei, vocatur *usus fructus* in rebus, quæ aliquid fructificant; vel simpliciter *mutuum*, id est *commodatum* in rebus quæ non fructificant, sicut sunt denarii, vasa, & huiusmodi. Si vero nec ipse usus gratis conceditur, vocatur *locatio*, & *conductio*. Tertio modo aliquis tradit rem suam ut recuperandam, non ratione usus, sed vel ratione conservationis, sicut in deposito, vel ratione obligationis, sicut cum quis rem suam pignori obligat, seu cum aliquis pro alio fideiubet. In omnibus autem huiusmodi actionibus sive voluntariis, sive involuntariis est eadem ratio accipiendi medium secundum æqualitatem recompensationis. Et ideo omnes istæ actiones ad unam speciem iustitiæ pertinent, scilicet ad commutativam.

Et per hoc patet responsio ad obiecta.

#### ARTICULUS IV. 343

*Utrum iustum sit simpliciter idem quod contrapassum.*

*V. Eth. l. 8.*

**A**D quartum sic proceditur. Videtur quod iustum sit simpliciter idem quod

(a) Nicolai eius. (b) Alii voluntariam,



quod contrapassum. Iudicium enim divinum est simpliciter iustum. Sed hæc est forma divini iudicii ut secundum quod aliquis fecit, patiatur, secundum illud Matth. vii. 2. *In quo iudicio iudicaveritis, iudicabimini; & in qua mensura mensi fueritis, remeatur vobis.* Ergo iustum est simpliciter idem quod contrapassum.

2. Præterea. In utraque iustitiæ specie datur aliquid alicui secundum quandam æqualitatem. In respectu quidem ad dignitatem personæ in iustitia distributiva: quæ quidem personæ dignitas maxime videtur attendi secundum opera quibus aliqui communitati servant: in respectu autem ad rem, in qua quis damnificatus est, in iustitia commutativa. Secundum autem utramque æqualitatem aliquis contrapacitur, secundum quod facit. Ergo videtur quod iustum simpliciter sit idem quod contrapassum.

3. Præterea. Maxime videtur quod non oportet aliquid contrapacitur, secundum quod fecit, propter differentiam voluntarii, & involuntarii: qui enim involuntarie fecit iniuriam, minus puniatur. Sed voluntarium, & involuntarium, quæ accipiuntur ex parte nostra, non diversificant medium iustitiæ, quod est medium rei, & non quoad nos. Ergo iustum simpliciter videtur esse idem quod contrapassum.

Sed contra est quod Philosophus in V. Ethic. (cap. v. cir. princ.) probat, non quodlibet iustum esse contrapassum.

Respondeo dicendum, quod hoc quod dicitur *contrapassum*, importat æqualem recompensationem passionis ad actionem præcedentem: quod quidem propriissime dicitur in passionibus, & actionibus iniuriis, quibus aliquis personam proximi lædit; puta si percutit, quod repercutiatur. Et hoc quidem iustum determinatur in lege Exod. xxi. 23. *Redder animam pro anima, oculum pro oculo &c.* Et quia etiam auferre rem alterius est quoddam iniustum facere, ideo secundario etiam in his dicitur *contrapassum*, prout scilicet aliquis qui damnum intulit, in re sua etiam ipse damnificatur. Et hoc etiam iustum damnum continetur in lege Exod. xxii. 1. *Si quis furvus fuerit bovem, aut ovem, & occiderit, vel venderit; quinque boves pro uno bove restituet, & quatuor oves pro una ove.* Tertio vero transferitur nomen *contrapassum* ad voluntarias commutationes, in quibus utriusque est actio, & passio; sed *volun-*

*tarium* diminuit de ratione passionis, ut dictum est (quæst. lxx. art. 3.)

In omnibus autem his debet fieri secundum rationem iustitiæ commutativæ recompensationis secundum æqualitatem, ut scilicet passio recompensata sit æqualis actioni. Non autem semper esset æqualis, si idem specie aliquis pateretur quod fecit. Nam primo quidem cum aliquis iniuriolæ lædit alterius personam maiorem, maior est actio quam passio eiusdem speciei quam ipse pateretur: & ideo ille qui percutit principem, non solum repercutitur, sed multo gravius puniatur. Similiter etiam cum quis aliquem involuntarium in re sua damnificat, maior est actio quam esset passio, si libi sola res illa auferretur: quia ipse qui damnificavit alium in re sua, nihil damnificaretur: & ideo puniatur in hoc quod multipliciter restituat: quia etiam non solum damnificavit personam privatam, sed rempublicam, eius tutelæ securitatem infringendo.

Similiter etiam nec in commutationibus voluntariis esset semper æqualis passio, si quis daret rem suam, accipiens rem alterius: quia forte res alterius est multo maior quam sua. Et ideo oportet secundum quandam proportionatam commensurationem adæquare passionem actioni in commutationibus; ad quod inventa sunt numismata. Et sic *contrapassum* est commutativum iustum.

Quod in distributiva iustitia locum non habet: quia in distributiva iustitia non attenditur æqualitas secundum proportionem rei ad rem, vel passionis ad actionem, unde dicitur *contrapassum*; sed secundum proportionalitatem rerum ad personas, ut supra dictum est (art. 2. hu. quæst.)

Ad primum ergo dicendum, quod illa forma divini iudicii attenditur secundum rationem commutativæ iustitiæ, prout scilicet recompensantur præmia meritis, & supplicia peccatis.

Ad secundum dicendum, quod si alicui qui communitati servisset, retribueretur aliquid pro servitio impenso, non esset hoc distributivæ iustitiæ, sed commutativæ. In distributiva enim iustitia non attenditur æqualitas eius quod quis accipit, ad id quod ipse impendit, sed ad id quod alius accipit, secundum modum utriusque personæ.

Ad tertium dicendum quod quando actio iniuriolæ est voluntaria, excedit iniuria; & sic accipitur ut maior res: unde

de oportet maiorem penam ei recompensari, non secundum differentiam quoad nos, sed secundum differentiam rei.

## QUAESTIO LXII.

*De restitutione,  
in octo articulos divisa.*

**D**Einde considerandum est de restitutione: & circa hoc quaeruntur octo.

Primo, cuius actus sit.

Secundo, utrum necesse sit ad salutem, omne ablatum restituere.

Tertio, utrum oporteat illud multiplicatum restituere.

Quarto, utrum oporteat restituere quod quis non abstulit.

Quinto, utrum oporteat restituere ei a quo acceptum est.

Sexto, utrum oporteat restituere eum qui accepit.

Septimo, utrum aliquem alium.

Octavo, utrum sit statim restituendum.

## ARTICULUS I. 344

*Utrum restitutio sit actus iustitiae commutativae.*

*Infr. art. 5. corp.*

**A**D primum sic proceditur. Videtur quod restitutio non sit actus iustitiae commutativae. Iustitia enim respicit rationem debiti. Sed sicut donatio potest esse eius quod non debetur, ita etiam & restitutio. Ergo restitutio non est actus alicuius partis iustitiae.

2. Praeterea. Illud quod iam transiit, & non est, restituere non potest. Sed iustitia, & iniustitia sunt circa quasdam actiones, & passiones, quae non manent, sed transiunt. Ergo restitutio non videtur esse actus alicuius partis iustitiae.

3. Praeterea. Restitutio est quasi quaedam recompensatio eius quod subtrahitur est. Sed aliquid potest homini subtrahi non solum in commutatione, sed etiam in distributione, puta cum aliquis distribuens minus dat alicui quam debeat habere. Ergo restitutio non magis est actus commutativae iustitiae quam distributivae.

Sed contra. Restitutio ablationi opponitur. Sed ablatio rei alienae est actus iniustitiae circa commutationes. Ergo resti-

tutio eius est actus iustitiae, quae est in commutationibus directiva.

Respondeo dicendum, quod restituere nihil aliud esse videtur quam iterato aliquem statuere in possessionem, vel dominium rei suae: & ita in restitutione attenditur aequalitas iustitiae secundum recompensationem rei ad rem; quod pertinet ad iustitiam commutativam.

Et ideo restitutio est actus commutativae iustitiae, quando scilicet res unius ab alio habetur vel per voluntatem eius, sicut in mutuo, vel deposito; vel contra voluntatem eius, sicut in rapina, vel furto.

Ad primum ergo dicendum, quod illud quod alteri non debetur, non est proprie loquendo eius, est aliando eius fuerit: & ideo magis videtur esse nova donatio, quam restitutio, cum quis alteri reddit quod ei non debetur. Habet tamen aliquam similitudinem restitutionis: quia res materialiter eadem est; non tamen est eadem secundum formalem rationem, quam respicit iustitia, quod est esse suum alicuius. Unde nec proprie restitutio dicitur.

Ad secundum dicendum, quod nomen restitutionis, inquantum importat iterationem quandam, supponit rei identitatem. Et ideo secundum primam impositionem nominis, restitutio videtur locum habere praecipue in rebus exterioribus, quae manentes eadem & secundum substantiam, & secundum ius domini, ab uno possunt ad alium devenire. Sed sicut ab huiusmodi rebus nomen commutationis translatus est ad actiones, vel passiones, quae pertinent ad reverentiam, vel iniuriam alicuius personae, seu nocumentum, vel profectionem; ita etiam nomen restitutionis derivatur ad haec, quae licet realiter non maneant, tamen manent in effectu vel corporali, puta cum ex percussione laeditur corpus; vel qui est in opinione hominum, sicut cum aliquis verbo opprobrio remanet infamatus, vel etiam minoratus in suo honore.

Ad tertium dicendum, quod recompensatio, quam facit distribuens ei cui dedit minus quam debuit, fit per comparisonem (a) rei ad rem; (b) ut quanto minus habuit quam debuit, tanto plus ei detur: & ideo iam pertinet ad iustitiam commutativam.

(a) *Ad sui*, (b) *Ad ut si quanto minus &c.*

## ARTICULUS II. 345

*Utrum sit necessarium ad salutem quod fiat restitutio eius quod ablatum est.*

IV. dist. xv. quæst. 1. art. 8. quæst. 2. Et quod. xii. art. 6.

**A**D secundum sic proceditur. Videtur quod non sit necessarium ad salutem quod fiat restitutio eius quod ablatum est. Quod enim est impossibile, non est de necessitate salutis. Sed aliquando impossibile est restituere id quod est ablatum, puta cum aliquis abstulit alicui membrum, vel vitam. Ergo non videtur esse de necessitate salutis quod aliquis restituat quod alteri abstulit.

2. Præterea. Committere aliquod peccatum non est de necessitate salutis: quia sic homo esset perplexus. Sed quandoque illud quod auferitur, non potest restitui sine peccato, puta cum aliquis alicui famam abstulit verum dicendo. Ergo restituere ablatum non est de necessitate salutis.

3. Præterea. Quod factum est, non potest fieri ut factum non fuerit. Sed aliquando alicui auferitur honor suæ personæ ex hoc ipso quod passus est ab aliquo iniuste vituperante eum. Ergo non potest ei restitui quod ablatum est: & ita non est de necessitate salutis restituere ablatum.

4. Præterea. Ille qui impedit aliquem ab aliquo bono consequendo, videtur ei auferre: quia quod modicum deest, quasi nihil deesse videtur, ut Philosophus dicit in II. Physic. (tex. 36.) Sed cum aliquis impedit aliquem ut non consequatur præbendam, vel aliquid huiusmodi, non videtur quod teneatur ei restitutionem præbendam: quia quandoque non posset. Non ergo restituere ablatum est de necessitate salutis.

Sed contra est quod Augustinus dicit in epistola ad Macedonium (c. 111. al. 14. parum a med. & hab. caus. xiv. quæst. vi. cap. si res: ) *Si res aliena, propter quam peccatum est, reddi possit, & non redditur, penitentia non agitur, sed simulatur. Si autem veraciter agitur, non remittitur peccatum, nisi restituatur ablatum, si (ut dixi) restitui potest.*

Respondeo dicendum, quod restitu-

tio, sicut dictum est (art. præc.) est æquus iustitiæ commutativæ, quæ in quadam æqualitate consistit. (a) Et ideo restituere importat redditionem illius rei quæ iniuste ablata est: sic enim per iterationem eius exhibitionem æqualitas reparatur. (b) Si vero iuste ablatum sit, æqualitas erit: & ideo non necessarium erit ut ei restituatur, quia iustitia in æqualitate consistit.

Cum ergo conservare iustitiam sit de necessitate salutis, consequens est quod restituere id quod iniuste ablatum est alicui, sit de necessitate salutis.

Ad primum ergo dicendum, quod in quibus non potest recompensari æquivalens, sufficit quod ibi recompensetur quod possibile est; sicut patet de honoribus qui sunt ad Deum, & ad parentes, ut Philosophus dicit in VIII. Eth. (cap. ult. ad fi.) Et ideo quando id quod est ablatum, non est restituibile per aliquid æquale, debet fieri recompensatio qualis possibilis est; puta cum aliquis alicui abstulit membrum, debet ei recompensare vel in pecunia, vel in aliquo honore, considerata conditione utriusque personæ secundum arbitrium boni viri.

Ad secundum dicendum, quod aliquis potest alicui famam tripliciter auferre. Uno modo verum dicendo, & iuste; puta cum aliquis crimen alicuius prodit ordine debito servato: & tunc non tenetur ad restitutionem famæ. Alio modo falsum dicendo, & iniuste: & tunc tenetur restituere famam, confitendo se falsum dixisse. Terrio modo verum dicendo, sed iniuste; puta cum aliquis prodit crimen alterius contra ordinem debitum: & tunc tenetur ad restitutionem famæ, quantum potest, sine mendacio tamen; utpote quod dicat se male dixisse, vel quod iniuste eum diffamaverit: vel si non possit famam restituere, debet ei aliter recompensare, sicut & in aliis dictum est (in solut. præc.)

Ad tertium dicendum, quod actio contumeliam iniacentis non potest fieri ut non fuerit; potest tamen fieri ut eius effectus, scilicet diminutio dignitatis personæ in opinione hominum, reparetur per exhibitionem reverentiae.

Ad quantum dicendum, quod aliquis potest impedire aliquem ne habeat præbendam, multipliciter. Uno modo iuste; puta si intendens honorem Dei, vel utili-

(a) Aliquid hic dicitur. Cuiusvis iure suffragari; nemo tamen nostrorum eodem aliter habet. (b) Ita post. X. scilicet. restitui potest quod iniuste est ablatum. Videtur cum a d. 14. a. caus. alii quæst. Si vero iuste ablatum sit, inæqualitas erit si (ut dixi) ei restituatur, quia iustitia &c. quam lectionem probant Thomæ.

tilitatem Ecclesiae, procuret quod detur alicui personae digniori: & tunc nullo modo tenetur ad restitutionem, vel ad aliquam recompensationem faciendam. Alio modo iniuste; puta si intendat eius nocumentum quem impedit propter odium, vel vindictam, aut aliquid huiusmodi: & tunc si impedit ne praebenda detur digno, consulens quod non detur, antequam sit firmatum quod ei detur, tenetur quidem ad aliquam recompensationem, pensatis conditionibus personarum, & negotii secundum arbitrium sapientis; non tamen tenetur ad æquale, quia illam nondum fuerat adeptus, & poterat multipliciter impediri. Si vero iam firmatum sit quod alicui detur praebenda, & aliquis propter indebitam causam procuret quod revocetur, idem est ac si iam habitam ei auferret: & ideo tenetur ad restitutionem æqualis, tamen secundum suam facultatem.

## ARTICULUS III. 346

*Utrum sufficiat restituere simpliciter quod iniuste ablatum est.*

*Inf. art. 4. co. & 1. 2. quæst. cv. art. 8. ad 9. & IV. dist. xv. quæst. 1. art. 5. quæst. 2. ad 6.*

**A**D tertium sic proceditur. Videtur quod non sufficiat restituere simpliciter quod iniuste ablatum est. Dicitur enim Exod. xxii. 1. *Si quis furatus fuerit bovem, aut ovem, & occiderit, vel vendiderit; quinque boves pro uno bove restituet, & quatuor oves pro una ove.* Sed quilibet tenetur mandata divinæ legis observare. Ergo ille qui furatur, tenetur restituere quadruplum, vel quintuplum.

2. Præterea. *Ena quæ scripta sunt, ad nostram doctrinam scripta sunt*, ut dicitur ad Rom. xv. 4. Sed Lucæ xix. 8. Zachæus dixit ad Dominum: *Si quem defraudaui, reddo quadruplum.* Ergo homo debet restituere multiplicatum id quod iniuste accepit.

3. Præterea. Nulli potest iuste auferri id quod dare non debet. Sed iudex iuste auferat ab eo qui furatus est, plus quam furatus est pro emenda. Ergo homo debet illud solvere: & ita non sufficit reddere simpliciter.

Sed contra est quod restitutio reducit ad æqualitatem quod inæqualiter ablatum est. Sed aliquis reddendo quod accepit simpliciter, reducit ad æqualitatem. Ergo solum tenetur restituere tantum quantum accepit.

Respondeo dicendum, quod cum aliquis iniuste accipit rem alienam, duo sunt ibi considerata: quorum unum est inæqualitas ex parte rei, quæ quandoque est sine iniustitia, ut patet in mutuis; aliud autem est iniustitia culpa, quæ potest esse etiam cum æqualitate rei, puta cum aliquis intendit inferre violentiam, sed non prævalet.

Quantum ergo ad primum, adhibetur remedium per restitutionem, in quantum per eam æqualitas reparatur; ad quod sufficit quod restituitur tantum, quantum habuerit de alieno. Sed quantum ad culpam adhibetur remedium per poenam, cuius inflictio pertinet ad iudicem: & ideo antequam sit condemnatus per iudicem, non tenetur restituere plus quam accepit; sed postquam condemnatus est, tenetur poenam solvere.

Et per hoc patet responsio ad primum: quia lex illa determinativa est poenæ per iudicem infligendæ: (a) & etiam illud præceptum nunc non est observandum, cum ad observantiam iudicialis præcepti nullus teneatur post Christi adventum, ut supra habitum est (1. 2. quæst. civ. art. 3.) Potest tamen idem, vel simile statui in lege humana, de qua erit eadem ratio.

Ad secundum dicendum, quod Zachæus id dixit, quasi supererogare volens: unde & præmiserat: *Ecce dimidium bonorum meorum do pauperibus.*

Ad tertium dicendum, quod iudex condemnando iuste potest accipere aliquid amplius loco emendæ; quod tamen, antequam condemnaretur, non debebatur.

## ARTICULUS IV. 347

*Utrum aliquis debeat restituere quod non abstulit.*

**A**D quartum sic proceditur. Videtur quod aliquis debeat restituere quod non abstulit. Ille enim qui damnum infert alicui, tenetur damnum remove-  
Sed

(a) Ita cum Garcia, qui hanc locum supplevit, posteriores editores passim. Editores veteres: infligendæ; cum ad observantiam iudicialis præcepti nullus teneatur &c. Theologi a suis ediculis hanc errorem infligendæ; & quoniam ad observantiam iudicialis præcepti &c. potest tamen &c. Codex Alean. infligendæ, cum quis tenetur ad observantiam iudicialis præcepti; nullus tamen tenetur post Christi adventum &c.

Sed quandoque aliquis damnificat aliquem ultra id quod accepit, puta cum aliquis effodit semina, damnificat eum qui seminavit in tota messe futura: & sic videtur quod teneatur ad eius restitutionem. Ergo aliquis tenetur ad restitutionem eius quod non abstulit.

2. Præterea. Ille qui detinet pecuniam creditoris ultra terminum præfixum, videtur eum damnificare in toto eo quod lucrari de pecunia posset, quod tamen ipse non aufert. Ergo videtur quod aliquis teneatur restituere quod non abstulit.

3. Præterea. Iustitia humana derivatur a iustitia divina. Sed Deo debet aliquis restituere plus quam accepit ab eo, secundum illud Matth. xxv. 26. *Sciebas quod meo ubi non semino, & congrego ubi non sparsi*. Ergo iustum est ut etiam restituat homini aliquid quod non accepit.

Sed contra est quod recompensatio ad iustitiam pertinet, inquantum æqualitatem facit. Sed si aliquis restitueret quod non accepit, hoc non esset æquale. Ergo talis restitutio non esset iustum quod fiat.

Respondeo dicendum, quod quicumque damnificat aliquem, videtur ei auferre id in quo ipsum damnificat: damnum enim dicitur ex eo quod aliquis minus habet quam debet habere, secundum Philosophum in V. Eth. (cap. iv. ante med.) Et ideo homo tenetur ad restitutionem eius in quo aliquem damnificavit.

Sed aliquis damnificatur dupliciter. Uno modo quia aufertur ei id quod actum habebat; & tale damnum est semper restituendum secundum recompensationem æqualis; puta si aliquis damnificet aliquem diruens domum eius, tenetur ad tantum, quantum valet domus.

Alio modo si damnificet aliquem, impediendo ne adipiscatur quod erat in via habendi; & tale damnum non oportet recompensare ex æquo: quia minus est habere aliquid virtute quam habere actum: qui autem est in via adipiscendi aliquid, habet illud solum secundum virtutem, vel potentiam: & ideo si redderetur ei ut haberet hoc in actu, restitueretur ei quod est ablatum, non simpliciter, sed multiplicatum: quod non est de necessitate restitutionis, ut dictum est (art. præc.)

Tenetur tamen aliquam recompensationem facere secundum conditionem personarum, & negotiorum.

Et per hoc patet responsio ad primum, & secundum. Nam ille qui semen sparsit in agro, nondum habet messem in actu, sed solum in virtute; & similiter ille qui habet pecuniam, nondum habet lucrum in actu, sed solum in virtute: & utrumque potest multipliciter impediri.

Ad tertium dicendum, quod Deus nihil requirit ab homine nisi bonum quod ipse in nobis seminavit. Et ideo verbum illud vel intelligitur secundum pravam exillimationem servi pigri, qui exillimavit se ab alio non accepisse: vel intelligitur quantum ad hoc quod Deus requirit a nobis fructus donorum, qui sunt & ab eo, & a nobis; quamvis ipsa dona a Deo sint sine nobis.

## ARTICULUS V. 348

*Utrum oporteat semper restitutionem facere ei a quo acceptum est aliquid.*

*IV. dist. xv. quæst. 1. art. 3. quæst. 4. & opusc. lxvii. & opusc. lxiii. cap. xiv. & xviii.*

**A**D quantum sic proceditur. Videtur quod non oporteat restitutionem facere ei a quo acceptum est aliquid. Nulli enim debemus nocere. Sed aliquando esset in nocuumentum hominis, si redderetur quod ab eo acceptum est, vel etiam in nocuumentum aliorum; puta si aliquis redderet gladium depositum furioso. Ergo non semper est restituendum ei a quo acceptum est.

2. Præterea. Ille qui illicite aliquid dedit, non meretur illud recuperare. Sed quandoque aliquis illicite dat, quod alius etiam illicite accipit; sicut apparet in dante, & accipiente aliquid simoniace. Ergo non semper restituendum est ei a quo acceptum est.

3. Præterea. Nullus tenetur ad impossibile. Sed quandoque est impossibile ei a quo acceptum est, vel quia est mortuus, vel quia nimis distat, vel quia est ignotus. Ergo non semper faciendum est restitutio ei a quo acceptum est.

4. Præterea. Magis debet homo recompensare ei a quo maius beneficium accepit. Sed ab aliis personis homo plus accipit beneficii quam ab illo qui mutavit, vel deposuit, sicut a parentibus. Ergo magis subveniendum est quandoque alicui personæ alteri quam restituendum ei a quo acceptum est.

5. Præterea. Vanum est restituere illud

Iud quod ad manum restituendis per restitutionem pervenit. Sed si praelatus iniuste aliquid Ecclesiae subtraxit, & ei restituit, ad manus eius deveniet: quia ipse est rerum Ecclesiae conservator. Ergo non debet restituere Ecclesiae a qua abtulit: & sic non semper restituendum est ei a quo est ablatum.

Sed contra est quod dicitur Rom. xiii. 7. *Reddite omnibus debita, cui tributum, tributum, cui vestigal, ve-*

*stigal.* Respondeo dicendum, quod per restitutionem sic reductio ad aequalitatem commutativae iustitiae, quae consistit in rerum adaequatione, sicut dictum est (art. 2. hu. quaest. & quaest. lvi. art. 10. Huiusmodi autem rerum adaequatio fieri non posset, nisi ei qui minus habet quam quod suum est, suppleretur quod deest.

Et ad hanc suppletionem faciendam necesse est ut ei fiat restitutio a quo acceptum est.

Ad primum ergo dicendum, quod quando res restituenda apparet esse gravior nociva ei cui restitutio facienda est, vel alteri, non ei debet tunc restitui: quia restitutio ordinatur ad utilitatem eius cui restituitur: omnia enim quae possidentur, sub ratione utilis cadunt. Nec tamen debet ille qui detinet rem alienam, sibi appropriare, sed vel reservare, ut congruo tempore restituat, vel etiam alii tradere tutius conservandam.

Ad secundum dicendum, quod aliquis dupliciter aliquid dat illicite. Uno modo quia ipsa datio est illicita, & contra legem, sicut patet in eo qui simoniace aliquid dedit: & talis meretur amittere quod dedit: unde non debet ei restitutio fieri de his, & quia etiam ille qui accepit, contra legem accepit, non debet sibi retinere, sed debet in pios usus convertere. Alio modo aliquis illicite dat, quia propter rem illicitam dat, licet ipsa datio non sit illicita; sicut cum quis dat meretrici propter fornicationem: unde & mulier potest sibi retinere quod ei datum est; sed si superflue aliquid per fraudem, vel dolum extorsisset, tenere eadem restituere.

Ad tertium dicendum, quod si ille cui debet fieri restitutio, sit omnino ignotus, debet homo restituere, secundum quod potest, scilicet dando in eleemosynas pro salute ipsius (sive sit mortuus, sive sit vivus) praemissa tamen diligenti

inquisitione de persona eius cui est restitutio facienda. Si vero sit mortuus ille cui est restitutio facienda, debet restitui heredi eius, qui computatur quasi una persona cum ipso. Si vero ille sit multum distans, debet sibi transmitti quod ei debetur; & praecipue si sit res magni valoris, & possit commode transmitti: alioquin debet in aliquo loco tuto depositi, ut pro eo conservetur, & domino significari.

Ad quartum dicendum, quod aliquis de hoc quod est sibi proprium, debet magis satisfacere parentibus, vel his a quibus accepit maiora beneficia; non autem debet aliquis recompensare benefactori de alieno: quod contingeret, si quod debet uni, alteri restitueret: nisi forte in casu extremae necessitatis, in quo posset, & deberet aliquis etiam auferre aliena, ut parri subveniret.

Ad quintum dicendum, quod praelatus potest rem Ecclesiae surripere tripliciter. Uno modo si rem Ecclesiae non sibi deputatam, sed alteri, sibi usurparet, puta si Episcopus usurparet sibi rem Capituli: & tunc planum est quod debet restituere, ponendo in manus eorum ad quos de iure pertinet. Alio modo si rem Ecclesiae suae custodire deputatam in alterius dominium transferat, puta consanguinei, vel amici: & tunc debet restituere Ecclesiae, & sub sua cura habere, ut ad successorem perveniat. Tertio modo potest praelatus surripere rem Ecclesiae solo animo, dum scilicet incipit habere animum possidendi eam ut suam, & non nomine Ecclesiae: & tunc debet restituere, talem animum deponendo.

## ARTICULUS VI. 349

*Utrum teneatur semper restituere ille qui accepit.*

**A**D sextum sic proceditur. Videtur quod non teneatur semper restituere ille qui accepit. Per restitutionem enim reparatur aequalitas iustitiae, quae consistit in hoc quod subtrahatur ei qui plus habet, & detur ei qui minus habet. Sed contingit quandoque quod ille qui rem aliquam subtrahit alicui, non habet eam, sed devenit ad manus alterius. Ergo non tenetur ille restituere qui accepit, sed alius qui rem habet.

2. Praeterea. Nullus tenetur crimen suum detegere. Sed aliquando aliquis restitutionem faciendo, crimen suum detegit,

tegit, ut patet in furto. Ergo non semper tenetur ille qui abstulit, restituere.

3. Præterea. Eiusdem rei non est multoties restitutio faciendâ. Sed quandoque multi simul rem aliquam surripiunt, & unus eorum eam integre restituit. Ergo non semper ille qui accepit, tenetur ad restituendum.

Sed contra. Ille qui peccavit, tenetur satisfacere. Sed restitutio ad satisfactionem pertinet. Ergo ille qui abstulit, tenetur restituere.

Respondeo dicendum, quod circa illud qui rem alienam accepit, duo sunt consideranda, scilicet ipsa res accepta, & ipsa acceptio. Ratione autem rei tenetur eam restituere, quamdiu eam apud se habet: quia quod habet ultra id quod suum est, debet ei subtrahi, & dari ei cui deest, secundum formam commutativæ iustitiæ.

Sed ipsa acceptio rei alienæ potest tripliciter se habere. Quandoque enim est iniuriôsa, scilicet contra voluntatem existentis eius qui est rei dominus, ut patet in furto, & rapina: & tunc tenetur ad restitutionem non solum ratione rei, sed etiam ratione iniuriôsæ actionis, etiam si res apud ipsum non remaneat. Sic enim qui percutit aliquem, tenetur recompenfare iniuriam passio, quamvis apud ipsum nihil maneat; ita etiam qui furatur, vel rapit, tenetur ad recompenstationem damni illati, etiam si nihil inde habeat; & ulterius pro iniuria illata puniri.

Alio modo aliquis accipit rem alterius in utilitatem suam absque iniuria, cum voluntate scilicet eius cuius est res, sicut patet in mutuis: & tunc ille qui accepit, tenetur ad restitutionem eius: quod accepit, non solum ratione rei, sed etiam ratione actionis, etiam si rem amiserit: tenetur enim recompenfare ei qui gratiam fecit: quod non (a) fiet, si per hoc damnum incurrat.

Tertio modo aliquis accipit rem alterius absque iniuria, non pro sua utilitate, sicut patet in depositis: & ideo ille qui sic accepit, in nullo tenetur ratione actionis; quinimmo accipiendo impendit obsequium: tenetur autem ratione rei. Et propter hoc si ei subtrahatur res absque sua culpa, non tenetur ad restitutionem; secus autem esset, si cum magna sua culpa rem depositam amitteret.

Ad primum ergo dicendum, quod restitutio non ordinatur principaliter ad hoc quod ille qui plus habet quam debet, habere definat; sed ad hoc quod illi qui minus habet, suppleatur. Unde (b) in his rebus quas unus potest ab alio accipere sine eius detrimento, non habet locum restitutio; puta cum aliquis accipit lumen a candela alterius. Et ideo quamvis ille qui abstulit, non habet id quod accepit, sed in alium sit translatum; quia tamen alter privatur re sua, tenetur ei ad restitutionem & ille qui rem abstulit, ratione iniuriôsæ (c) actionis & ille qui rem habet, ratione ipsius rei.

Ad secundum dicendum, quod homo etsi non teneatur crimen suum detegere hominibus, tenetur tamen crimen suum detegere Deo in confessione: & ita per sacerdotem cui confitetur, potest restitutionem facere rei alienæ.

Ad tertium dicendum, quod quia restitutio principaliter ordinatur ad removendum damnum eius a quo est aliquid iniuste ablatum; ideo postquam ei restitutio sufficiens facta est per unum, alii non tenentur ei ulterius restituere, sed magis restitutionem facere ei qui restituit; qui tamen potest condonare.

## ARTICULUS VII. 330

*Utrum illi qui non acceperunt, teneantur restituere.*

*IV. dist. xv. quæst. 1. art. 5. quæst. 3.*

**A**D septimum sic proceditur. Videtur quod illi qui non acceperunt, non teneantur restituere. Restitutio enim quædam pœna est accipientis. Sed nullus debet puniri, nisi qui peccavit: Ergo nullus debet restituere, nisi qui accepit.

2. Præterea. Iustitia non obligat aliquem ad hoc quod rem alterius augeat. Sed si ad restitutionem teneretur non solum ille qui accepit, sed etiam illi qui qualitercumque cooperantur, augeretur ex hoc res illius cui est aliquid subtrahum: tum quia sibi multoties restitutio nocet: tum etiam quia quandoque aliqui operam dant ad hoc quod aliqua res alicui auferatur, quæ tamen ei non auferretur. Ergo non tenentur alii ad restitutionem.

3. Præterea. Nullus tenetur se periculo

(a) Ita mss. Editi: idem fiet. (b) Ita mss. & editi: offeret, ubi quæ tantum habetur pro quas. Theobaldus, & editi: preferret in his quæ, (c) Alii, actionis.

eulo exponere, ad hoc quod rem alterius salvet. Sed aliquando manifestando latronem, vel ei resistendo, aliquis periculo mortis se exponeret. Non ergo tenetur aliquis ad restitutionem propter hoc quod non manifestat latronem, vel non ei resistit.

Sed contra est quod dicitur Rom. 1. 32. *Digni sunt morte non solum qui faciunt, sed etiam qui consentiunt facientibus.* Ergo pari ratione etiam consentientes debent restituere.

Respondendo dicendum, quod, sicut dictum est (art. præc.) ad restitutionem tenetur aliquis, non solum ratione rei alienæ, quam accepit, sed etiam ratione iniuriæ acceptionis. Et ideo quicumque est causa iniustæ acceptionis, tenetur ad restitutionem. Quod quidem contingit dupliciter, directe scilicet, & indirecte. Directe quidem, quando inducit aliquis alium ad accipiendum, & hoc quidem tripliciter. Primo quidem modo ex parte acceptionis, movendo ad ipsam acceptionem; quod quidem fit præcipiendo, consulendo, consentiendo expresse, & laudando. aliquem quasi strenuum, de hoc quod aliena accepit. Alio modo ex parte ipsius accipientis, quia scilicet eum acceptat, vel qualitercumque ei auxilium fert. Tertio modo ex parte rei acceptæ, quia scilicet participat ei furti, vel rapinæ, quasi socius maleficii.

Indirecte vero, quando aliquis non impedit, cum possit, & debeat impedire: vel quia subtrahit præceptum, sive consilium impediens furtum, vel rapinam; vel quia subtrahit suum auxilium, quo posset obfistere; vel quia occultat positum: quæ his versibus comprehenduntur:

*Iussio, consilium, consensus, palpo, recursus.*

*Participans, mutus, non obfians, non manifestans.*

Sciendum tamen, quod quinque præmissorum semper obligant ad restitutionem. Primo iussio, quia scilicet ille qui iubet, est principaliter movens: unde ipse principaliter tenetur ad restituendum. Secundo consensus, in eo scilicet sine quo rapina fieri non potest. Tertio recursus, quando scilicet aliquis est receptor latronum, & eis patrocinium præstat. Quarto participatio, quando scilicet aliquis participat in crimine latrocinii, & in præda. Quinto tenetur ille qui non obstat, cum ob-

nare tenetur; sicut principes; qui tenentur custodire iusticiam in terra, si per eorum defectum latrones increpant, ad restitutionem tenentur: quia reditus quos habent, sunt quasi stipendia ad hoc instituta, ut iusticiam conservent in terra.

In aliis autem casibus enumeratis non semper obligatur aliquis ad restituendum. Non enim semper consilium, vel adulatio, vel aliquid huiusmodi est efficax causa rapinæ. Unde tunc solum tenetur consiliator, aut palpo, idest adulator, ad restitutionem, quando probabiliter estimari potest quod ex huiusmodi causis fuerit iniusta acceptio subsecuta.

Ad primum ergo dicendum, quod non solum peccat ille qui peccatum exequitur, sed etiam qui quocumque modo peccati est causa, sive consiliando, sive præcipiendo, sive quovis alio modo.

Ad secundum dicendum, quod principaliter tenetur restituere ille qui est principalis in facto: principaliter quidem præcipiens, secundario vero exequens, & consequenter alii per ordinem: uno tamen restituente illi qui passus est damnum, alius eidem restituere non tenetur. Sed illi qui sunt principales in facto, & ad quos res pervenit, tenentur aliis restituere qui restituerunt. Quando autem aliquis præcipit iniustam acceptionem, quæ non sublequitur, non est restitutio facienda; cum restitutio principaliter ordinetur ad reintegram rem cuius qui iniuste est damnificatus.

Ad tertium dicendum, quod non semper ille qui non manifestat latronem, tenetur ad restitutionem, aut qui non obstat, vel qui non reprehendit; sed solum quando incumbit alicui ex officio, sicut Principibus terræ, quibus ex hoc non multum imminet periculum: propter hoc enim potestate publica potiuntur, ut sint iustitiæ custodes.

#### ARTICULUS VIII. 351

*Utrum quis teneatur statim restituere, an vero possit restitutionem differre.*

IV. dist. XVII. quæst. 111. art. 2. quæst. 4. ad 3.

AD octavum sic proceditur. Videtur quod non teneatur aliquis restituere statim, sed potius licite possit restitutionem differre. Præcepta enim affirmativa non obligant ad semper. Sed necessitas restituendi imminet ex præcepto.



affirmativo. Ergo non obligatur homo ad statim restituendum.

2. Præterea. Nullus tenetur ad impossibile. Sed quandoque aliquis non potest statim restituere. Ergo nullus tenetur ad statim restituendum.

3. Præterea. Restitutio est quidam actus virtutis, scilicet iustitiæ. Tempus autem est una de circumstantiis quæ requiruntur ad actus virtutum. Cum ergo actus circumstantiæ non sint determinatæ in actibus virtutum, sed determinabiles secundum rationem prudentiæ, videtur quod nec in restitutione sit tempus determinatum, ut scilicet aliquis teneatur ad statim restituendum.

Sed contra est quod eadem ratio esse videtur in omnibus quæ sunt restituenda. Sed ille qui conducit opera mercenarii, non potest differre restitutionem, ut patet per illud quod habetur Levit. XIX. 13. *Non morabitur opus mercenarii tui apud te usque mane.* Ergo neque in aliis restitutionibus faciendis potest fieri dilatio, sed statim restituere oportet.

Respondendo dicendum, quod sicut accipere rem alienam est peccatum contra iustitiam, ita etiam detinere eam: quia per hoc quod aliquis detinet rem alienam invito domino, impedit eam ab usu rei suæ, & sic ei facit iniuriam. Manifestum est autem quod nec per modicum tempus licet in peccato morari; sed quilibet tenetur peccatum statim deserere, secundum illud Eccli. XXI. 2. *Quasi a facie colubri fuge peccatum.*

Et ideo quilibet tenetur statim restituere, si potest, vel petere dilationem ab eo qui potest usum rei concedere.

Ad primum ergo dicendum, quod præceptum de restitutione faciendi quamvis secundum formam sit affirmativum, implicat tamen in se negativum præceptum, quo prohibemur rem alterius detinere.

Ad secundum dicendum, quod quando aliquis non potest statim restituere, ipsa impotentia absolvit eum ab instanti restitutione faciendi; sicut etiam totaliter a restitutione absolvitur, si omnino sit impotens: debet tamen remissionem, vel dilationem petere ab eo cui debet, aut per se, aut per alium.

Ad tertium dicendum, (a) quod cuiuscumque circumstantiæ omisio, quæ contrariatur virtuti, pro determinata est

habenda, & oportet illam circumstantiam observare: & quia per dilationem restitutionis committitur peccatum iniustitiæ detentionis, quod iustitiæ opponitur; ideo necesse est tempus esse determinatum ut statim restitutio fiat.

## QUAESTIO LXIII.

De acceptione personarum,  
in quatuor articulos divisa.

**D**Einde considerandum est de vitiis oppositis prædictis iustitiæ partibus: & primo de acceptione personarum, quæ opponitur iustitiæ distributiæ; secundo de peccatis quæ opponuntur iustitiæ commutativæ.

Circa primum quaeruntur quatuor.

Primo, utrum personarum acceptio sit peccatum.

Secundo, utrum habeat locum in dispensatione spiritualium.

Tertio, utrum in exhibitione honoris.

Quarto, utrum in iudiciis.

## ARTICULUS I. 335

Utrum personarum acceptio sit peccatum.

Inf. art. 2. corp. & Rom. 11. lect. 2.

**A**D primum sic proceditur. Videtur quod personarum acceptio non sit peccatum. In nomine enim personæ intelligitur personæ dignitas. Sed considerare dignitates personarum pertinet ad distributivam iustitiam. Ergo personarum acceptio non est peccatum.

2. Præterea. In rebus humanis personæ sunt principales quam res: quia res sunt propter personas, & non e converso. Sed rerum acceptio non est peccatum. Ergo multo minus acceptio personarum.

3. Præterea. Apud Deum nulla potest esse iniquitas, vel peccatum. Sed Deus videtur personas accipere: quia interduum duorum hominum unius conditionis unum assumit per gratiam, & alterum relinquit in peccato, secundum illud Matth. XXIV. 40. (b) *Duo erunt in lecto: unus assumetur, & alius relinquetur.* Ergo acceptio personarum non est peccatum.

Sed contra. Nihil prohibetur in lege divina nisi peccatum. Sed personarum acceptio prohibetur Deut. 1. 17. ubi dic-

citur:

(a) Ita edd. Tarrae. Alcan. Paris. Theologi, & recentiores est. solum eid. Alcan. ad marginem addit ut ad pro. ut legatur prout determinata. Edit. veteres passim: quod quia cuiusque circumstantiæ omisio contrariatur virtuti, pro determinata est habendum; quod oportet illam circumstantiam observare.

(b) Vide Luc. XVII. 34. Apud Matth. enim legitur in agro,

citur : *Non accipietis cuiusquam personam*. Ergo personarum acceptio est peccatum.

Respondendo dicendum, quod personarum acceptio opponitur iustitiæ distributivæ. Constat enim æqualitas distributivæ iustitiæ in hoc quod diversis personis diversa tribuuntur, secundum proportionem ad dignitates personarum. Si ergo aliquis consideret illam proprietatem personæ propter quam id quod ei confertur, est ei debitum, non est acceptio personæ, sed causæ : unde Glossa (interl.) super illud ad Ephes. vi. *Personarum acceptio non est apud Deum*, dicit, quod, Deus iudex iustus causas discerit, nit, non personas. "Putat si aliquis promoveat aliquem ad magistratum propter sufficientiam scientiæ, hic attenditur causa debita, non persona; si autem aliquis consideret in eo cui aliquid confertur, non id propter quod id quod ei datur, esset ei proportionatum, vel debitum, sed solum hoc quod est iste homo (puta Petrus, vel Martinus) hic est acceptio personæ: quia non attribuitur ei aliquid propter aliquam causam quæ faciat eum dignum, sed simpliciter attribuitur personæ. Ad personam autem refertur quæcumque conditio non faciens ad causam, propter quam sit dignus hoc dono; puta si aliquis promoveat aliquem ad prælationem, vel magistratum, quia est dives, vel quia est consanguineus suus, est acceptio personæ.

Contingit tamen aliquam conditionem personæ facere eam dignam respectu unius rei, & non respectu alterius; sicut consanguinitas facit aliquem dignum ad hoc quod instituatur heres patrimonii, non autem ad hoc quod conferatur ei prælatio ecclesiastica. Et ideo eadem conditio personæ in uno negotio considerata facit acceptionem personæ, in alio autem non facit.

Si ergo patet quod personarum acceptio opponitur iustitiæ distributivæ in hoc quod præter proportionem agitur. Nihil autem opponitur virtuti nisi peccatum. Unde consequens est quod personarum acceptio sit peccatum.

Ad primum ergo dicendum, quod in distributiva iustitia considerantur conditiones personarum quæ faciunt ad dignitatem, vel debiti causam; sed in acceptione personarum considerantur conditiones quæ non faciunt ad causam, ut dictum est (in corp.)

Ad secundum dicendum, quod personæ

proportionantur, & dignæ redduntur aliquibus quæ eis distribuuntur, propter aliquas res quæ pertinent ad conditionem personæ: & ideo huiusmodi conditiones sunt attendendæ, tamquam propria causa. Cum autem considerantur ipsæ personæ, attenditur non causa ut causa: & ideo patet quod quamvis personæ sint digniores simpliciter, non tamen sunt digniores quoad hoc.

Ad tertium dicendum, quod duplex est datio. Una quidem pertinet ad iustitiam, quæ scilicet aliquis dat alicui quod ei debetur: & circa tales dationes attenditur personarum acceptio. Alia est datio ad liberalitatem pertinet, quæ scilicet gratis datur alicui quod ei non debetur: & talis est collatio munerum gratiæ, per quam peccatores assumuntur a Deo: & in hac donatione non habet locum personarum acceptio: quia quilibet absque iniustitia potest de suo dare quantum vult, & cui vult, secundum illud Matth. xx. 14. & 15. *An non licet mihi quod volo facere? Tolle quod suum est, & vade.*

## ARTICULUS II. 333

*Utrum in dispensatione spiritualium locum habeat personarum acceptio.*

**A**D secundum sic proceditur. Videtur quod in dispensatione spiritualium locum non habeat personarum acceptio. Conferre enim dignitatem ecclesiasticam, seu beneficium alicui propter consanguinitatem, videtur ad acceptionem personarum pertinere: quia consanguinitas non est causa faciens hominem dignum ecclesiastico beneficio. Sed hoc non videtur esse peccatum; cum hoc ex consuetudine prælati Ecclesiæ faciant. Ergo peccatum personarum acceptionis non videtur locum habere in dispensatione spiritualium.

2. Præterea. Præferre divitem pauperi videtur ad acceptionem personarum pertinere, ut patet lac 11. Sed facilius dispensatur cum divitibus, & potentibus, quod in gradu prohibito contrahant matrimonium, quam cum aliis. Ergo peccatum personarum acceptionis non videtur locum habere circa dispensationem spiritualium.

3. Præterea. Secundum iura (in Glossa in cap. *Custos*, de officio custodis) sufficit eligere bonum, non autem requiritur quod aliquis eligat meliorem.

Sed

Sed eligere minus bonum ad aliquid ali-  
tius, videtur ad acceptionem personarum  
pertinere. Ergo personarum acceptio non  
est peccatum in spiritualibus.

4. Præterea. Secundum statuta Ecce-  
siae (cap. *Cum dilectus* de electione &c.)  
eligendus est aliquis de gremio Ecclesiae.  
Sed hoc videtur ad acceptionem perso-  
narum pertinere, quia quandoque suffi-  
cientiores alibi invenirentur. Ergo per-  
sonarum acceptio non est peccatum in  
spiritualibus.

Sed contra est quod dicitur Iacobi 11.  
1. *Nolite in personarum acceptione habere  
fidem Domini nostri Iesu Christi: ubi di-  
cit Glossa Augustini (interl. & ord. ex  
epist. clxxvii. al. xxxix. ad Hieron. inter  
med. & fin.) Quis sciat, si quis divitem  
eligat ad sedem honoris Ecclesiae, contem-  
pto paupere instructiore, & sanctiore?*

Respondeo dicendum, quod, sicut di-  
ctum est (art. præc.) acceptio personarum  
est peccatum, inquantum contra-  
riatur iustitiae. Quanto autem in maio-  
ribus iustitiam transgreditur, tan-  
to gravius peccat. Unde cum spiritualia  
sint temporalibus potiora, gravius pec-  
catum est personas accipere in dispensa-  
tione spiritualium quam in dispensatione  
temporalium.

Et quia personarum acceptio est cum  
aliquid personæ attribuitur præter pro-  
portionem dignitatis ipsius, considerare  
oportet, quod dignitas alicuius personæ  
potest attendi dupliciter. Uno modo sim-  
pliciter, & secundum se; & sic maioris  
dignitatis est ille qui magis abundat in  
spiritualibus gratiæ donis. Alio modo  
per comparisonem ad bonum commu-  
ne: contingit enim quandoque quod ille  
qui est minus sanctus, & minus sciens,  
potest magis conferre ad bonum com-  
mune propter potentiam, vel indu-  
striam sæcularem, vel propter aliquid  
huiusmodi. Et quia dispensationes spi-  
ritualium principaliter ordinantur ad uti-  
litalitatem communem, secundum illud  
1. Cor. xii. 7. *Unicuique datur mani-  
festo spiritus ad utilitatem;* ideo quan-  
doque abque acceptione personarum in  
dispensatione spiritualium illi qui sunt  
simpliciter minus boni, melioribus præ-  
feruntur; sicut etiam & Deus gratias  
gratis datas quandoque concedit minus  
bonis.

Ad primum ergo dicendum, quod cir-  
ca consanguineos prælati distinguendum  
est. Quandoque enim sunt minus digni  
& simplices, & per respectum ad bo-  
S. Th. Oper. Tem. XXII.

num commune: & sic si dignioribus præ-  
ferantur, est peccatum personarum acce-  
ptionis in dispensatione spiritualium;  
quorum prælati ecclesiastici non est  
dominus, ut possit ea dare pro libito  
sed dispensator, secundum illud 1. ad  
Cor. xv. 1. *Sic vos existimet homo ut mi-  
nistros Christi, & dispensatores mysteri-  
um Dei.* Quandoque vero consanguinei  
prælati ecclesiastici sunt æque digni ut  
alii: & sic licite potest abique persona-  
rum acceptione consanguineos suos præ-  
ferre: quia saltem in hoc præminent  
quod de ipsis magis confidere potest, ut  
unanimitè secum negotia Ecclesiae tra-  
dent. Esset tamen hoc propter scanda-  
lum dimittendum, si ex hoc aliqui exem-  
plum sumerent, etiam præter dignita-  
tem, bona Ecclesiae consanguineis dandi.

Ad secundum dicendum, quod dispen-  
satio matrimonii contrahendi principaliter  
fieri consuevit propter sedus pacis  
servandum: quod quidem magis est ne-  
cessarium communi utilitati circa perso-  
nas excellentes: & ideo cum eis facilis  
dispensatur abique peccato acceptionis  
personarum.

Ad tertium dicendum, quod quantum  
ad hoc quod electio impugnari non pos-  
sit in foro iudiciali, sufficit eligere bo-  
num, nec oportet eligere meliorem: quia  
sic omnis electio posset habere calumniam;  
sed quantum ad conscientiam eligentis,  
necesse est eligere meliorem vel simpli-  
citer, vel in comparisonem ad bonum  
commune: quia si potest haberi aliquis  
magis idoneus erga aliquam dignitatem,  
& alius præferatur, oportet quod hoc  
sit propter aliquam causam: quæ quidem  
si pertineat ad negotium, quantum ad  
hoc erit ille qui eligitur, magis idoneus;  
si vero non pertineat ad negotium id  
quod consideratur ut causa, erit manife-  
ste acceptio personæ.

Ad quartum dicendum, quod ille qui  
de gremio Ecclesiae assumitur, ut in plu-  
ribus consuevit esse utilior quantum ad  
bonum commune, quia magis diligit Ec-  
clesiam in qua est nutritus: & propter  
hoc etiam mandatur Deuter. xvii. 15.  
*Non poteris alterius gentis hominem face-  
re regem, qui non sit frater tuus.*

## ARTICULUS III. 354

*Utrum in exhibitione honoris, & reverentiae locum habeat peccatum acceptionis personarum.*

*Quolib. x. art. 12.*

**A**D tertium sic proceditur. Videtur quod in exhibitione honoris, & reverentiae non habeat locum peccatum acceptionis personarum. Honor enim nihil aliud esse videtur quam *reverentia quaedam alicui exhibita in testimonium virtutis*, ut patet per Philosophum in I. Ethic. (cap. v. & xii.) Sed praelati, & principes sunt honorandi, etiam si sint mali, sicut etiam parentes, de quibus mandatur Exod. xx. 12. *Honora patrem tuum, & matrem tuam*: & etiam domini sunt a servis honorandi, etiam si sint mali, secundum illud I. ad Timoth. vi. 1. *Quicumque sunt sub iugo servi, dominos suos honore dignos arbitrentur*. Ergo videtur quod acceptio personae non sit peccatum in exhibitione honoris.

2. Praeterea. Levit. xix. 32. praecipitur: *Coramcano capite conurge, & honora personam senis*. Sed hoc videtur ad acceptionem personarum pertinere: quia quandoque senes non sunt virtuosus, secundum illud Dan. xiii. 5. *Egressa est iniquitas (a) a senioribus populi*. Ergo acceptio personarum non est peccatum in exhibitione honoris.

3. Praeterea. Super illud Iac. ii. *Nolite in personarum acceptione habere fidem* &c. dicit Glossa Augustini (ord. ex epist. clxvii. al. xxix. ad Hieron. inter med. & fin.) „Si hoc quod Iacobus dicit, „Si introierit in conventu vestro vir habens anulum aureum &c. intelligatur de quotidianis confessibus, quis hic non peccat, si tamen peccat? “ Sed haec est acceptio personarum, divites propter divitias honorare: dicit enim Gregorius in quadam homil. (xxviii. in Evang. ante med.) *Superbia nostra retunditur, quia in hominibus non naturam, qua ad imaginem Dei facti sunt, sed divitias honoramus*: & sic cum divitiae non sint debita causa honoris, pertinebit hoc ad personarum acceptionem. Ergo personarum acceptio non est peccatum circa exhibitionem honoris.

Sed contra est quod dicitur in Glossa (interl. sup. illud, *Nolite in personarum*

*acceptione* &c.) Iac. ii. *Quicumque divitem propter divitias honorat, peccat*: & pari ratione si aliquis honoretur propter alias causas, quae non faciunt dignum honore; quod pertinet ad acceptionem personarum. Ergo acceptio personarum in exhibitione honoris est peccatum.

Respondeo didendum, quod honor est quoddam testimonium de virtute eius qui honoratur: & ideo sola virtus est debita causa honoris.

Sciendum tamen, quod aliquis potest honorari non solum propter virtutem propriam, sed etiam propter virtutem alterius; sicut principes, & praelati honorantur, etiam si sint mali, inquantum gerunt personam Dei, & communitatis, cui praeficiuntur, secundum illud Prov. xxvi. 8. *Sicut qui immittit lapides in cervum Mercurii, ita qui tribuit insipienti honorem*. Quia enim Gentiles rationationem attribuebant Mercurio, *cervus Mercurii dicitur cumulus ratiocinii*; in quo mercator quandoque mittit unum lapillum loco centum marcarum. Ita etiam honoratur insipiens, qui ponitur loco Dei, & loco totius communitatis: & eadem ratione parentes, & domini sunt honorandi propter participationem divinae dignitatis, qui est omnium pater, & dominus. Senes autem sunt honorandi propter signum virtutis, quod est senectus; licet hoc signum quandoque deficiat. Unde, ut dicitur Sap. iv. 8. *senectus venerabilis est, non diuturna, neque annorum numero computata: cani autem sunt sensus hominis, & aetas senectutis vita immaculata*. Divites autem honorandi sunt propter hoc quod maiorem locum in communitatibus obtinent.

Si autem solum intuitu divitiarum honorentur, erit peccatum acceptionis personarum.

Et per hoc patet responsio ad obiecta.

## ARTICULUS IV. 355

*Utrum in iudiciis locum habeat peccatum acceptionis personarum.*

**A**D quartum sic proceditur. Videtur quod in iudiciis locum non habeat peccatum acceptionis personarum. Acceptio enim personarum opponitur distributivae iustitiae, ut dictum est (art. i. hu. quaest.) Sed iudicia maxime videntur

(a) *Voluntaria* a senioribus iudicibus, qui videbantur regere populum.

ad iustitiam commutativam pertinere. Ergo personarum acceptio non habet locum in iudiciis.

2. Præterea. Poenæ secundum aliquod iudicium infliguntur. Sed in poenis accipiuntur personæ absque peccato: quia gravius puniuntur qui inferunt iniuriam in personas principum, quam qui in personas aliorum. Ergo personarum acceptio non habet locum in iudiciis.

3. Præterea. Eccli. iv. 10. dicitur: *In iudicando esto pupillis misericors.* Sed hoc videtur esse accipere personam pauperis. Ergo acceptio personarum in iudiciis non est peccatum.

Sed contra est quod dicitur Proverb. xviii. 5. (a) *Accipere personam in iudicio non est bonum.*

Respondeo dicendum, quod, sicut dictum est (quaest. lx. art. 1.) iudicium est actus iustitiæ, prout iudex ad æqualitatem iustitiæ reducit ea quæ inæqualitatem oppositam facere possunt. Personarum autem acceptio inæqualitatem quandam habet, in quantum attribuitur alicui personæ aliquid præter proportionem suam, in qua consistit æqualitas iustitiæ. Et ideo manifestum est quod per personarum acceptionem iudicium corrumpitur.

Ad primum ergo dicendum, quod iudicium dupliciter potest considerari. Uno modo quantum ad ipsam rem iudicatam; & sic iudicium se habet communiter ad commutativam, & ad distributivam iustitiam: potest enim iudicio definiri qualiter aliquid commune sit distribuendum in multos, & qualiter alteri unus restituat quod ab eo accepit. Alio modo potest considerari quantum ad ipsam formam iudicii, prout scilicet iudex etiam in ipsa commutativa iustitia ab uno accipit, & alteri dat: & hoc pertinet ad distributivam iustitiam. Et secundum hoc in quolibet iudicio locum habere potest personarum acceptio.

Ad secundum dicendum, quod cum punitur aliquis gravius propter iniuriam in maiorem personam commissam, non est personarum acceptio: quia ipsa diversitas personæ facit, quantum ad hoc, diversitatem rei, ut supra dictum est (quaest. lviii. art. 10. & quaest. lxi. art. 2. ad 3.)

Ad tertium dicendum, quod homo in iudicio debet pauperi subvenire quantum fieri potest, tamen sine læsione iustitiæ:

(b) alioquin habet locum illud quod dicitur Exod. xxiii. 3. *Pauperis quoque non misereberis in iudicio.*

QUAESTIO LXIV.

*De vitiiis oppositis commutativæ iustitiæ, & primo de homicidio, in octo articulos divisa.*

Posse considerandum est de vitiiis oppositis commutativæ iustitiæ: & primo considerandum est de peccatis quæ committuntur circa involuntarias commutationes. Secundo de peccatis quæ committuntur circa commutationes voluntarias. Committuntur autem peccata circa involuntarias commutationes per hoc quod aliquod nocumentum proximo inferunt contra eius voluntatem: quod quidem potest fieri dupliciter, scilicet facto, & verbo. Facto quidem, cum proximus læditur vel in persona propria, vel in persona coniuncta, vel in propriis rebus. De his ergo per ordinem considerandum est: & primo de homicidio, per quod maxime nocetur proximo: & circa hoc quaeruntur octo.

Primo, utrum occidere animalia bruta, vel etiam plantas, sit peccatum.

Secundo, utrum occidere peccatorem sit licitum.

Tertio, utrum hoc liceat privatæ personæ, vel solum publicæ.

Quarto, utrum hoc liceat clerico.

Quinto, utrum liceat alicui occidere seipsum.

Sexto, utrum liceat occidere hominem iustum.

Septimo, utrum liceat alicui occidere hominem, seipsum defendendo.

Octavo, utrum homicidium casuale sit peccatum mortale.

ARTICULUS I. 336

*Utrum occidere quæcumque viventia sit illicitum.*

I. dist. xxxix. quaest. 11. art. 2. cor. & III. contra cap. cxii. fin.

Ad primum sic proceditur. Videtur quod occidere quæcumque viventia sit illicitum. Dicit enim Apostolus ad Rom. xiii. 2. *Qui ordinationi Dei resistunt, ipsi sibi damnationem acquirunt.* Sed per ordinationem divinam providentiæ

Y 2

(a) Vulgate: Accipere personam impli non est bonum, ut declinet a veritate iudicii.

(b) Ita communis. Ad, alioquin non haberet locum illud &c. forte melius.

tia omnia viventia conservantur, secundum illud Psal. cxlvi. 8. *Qui producit in montibus fenum, & dat iumentis escam ipsorum.* Ergo mortificare quaecumque viventia videtur esse illicitum.

2. Præterea. Homicidium est peccatum ex eo quod homo privatur vita. Sed vita communis est omnibus animalibus, & plantis. Ergo eadem ratione videtur esse peccatum occidere bruta animalia, & plantas.

3. Præterea. In lege divina non determinatur specialis poena nisi pro peccato. Sed occidere bovem, vel ovem alterius statuitur poena determinata in lege divina, ut patet Exod. xxii. Ergo occidio brutorum animalium est peccatum.

Sed contra est quod Augustinus dicit in I. de civ. Dei (cap. xx. sub fin.) Cum audimus, *Non occides, non accipimus hoc dictum esse de fructibus, quia nullus eis est sensus; nec de irrationalibus animalibus, quia nulla nobis ratione sociatur. Restat ergo ut intelligamus de homine quod dictum est, Non occides.*

Respondeo dicendum, quod nullus peccat ex hoc quod utitur re aliqua ad hoc ad quod est. In rerum autem ordine imperfectiora sunt propter perfectiora, sicut etiam in generationis via natura ab imperfectis ad perfecta procedit. Et inde est quod sicut in generatione hominis prius est vivum, deinde animal, ultimo autem homo; ita etiam ea quæ tantum vivunt, ut plantæ, sunt communiter propter animalia; omnia autem animalia sunt propter hominem. Et ideo si homo utatur plantis ad utilitatem animalium, & animalibus ad utilitatem hominum, non est illicitum, ut patet per Philosophum in I. Polit. (cap. v. & vii.)

Inter alios autem usus maxime necessarii esse videtur ut animalia plantis utantur in cibum, & homines animalibus; quod sine mortificatione eorum fieri non potest. Et ideo licitum est & plantas mortificare in usum animalium, & animalia in usum hominum, ex ipsa ordinatione divina: dicitur enim Genes. i. 29. *Ecce dedi vobis omnem herbam, & universa ligna, ut sint vobis in escam, & cunctis animalibus terræ:* & Genes. ix. 3. dicitur: *Omne quod movetur, & vivit, erit vobis in cibum.*

Ad primum ergo dicendum, quod ex ordinatione divina conservatur vita animalium, & plantarum, non propter seipsa, sed propter hominem. Unde, ut Augustinus dicit in I. de civ. Dei (cap.

xx. in fin.) *iustissima ordinatione Creatoris & vita, & mors eorum nostris usibus subditur.*

Ad secundum dicendum, quod animalia bruta, & plantæ non habent vitam rationalem, per quam a seipsis agantur; sed semper aguntur, quasi ab alio, naturaliquodam impulsu: & hoc est signum quod sunt naturaliter serva, & aliorum utilibus accommodata.

Ad tertium dicendum, quod ille qui occidit bovem alterius, peccat quidem, non quia occidit bovem, sed quia damnicat hominem in re sua: unde non continetur sub peccato homicidii, sed sub peccato furti, vel rapinae.

## ARTICULUS II. 357

*Utrum sit licitum occidere peccatores.*

*Inf. quæst. cxiii. art. 1. & 3. & 1. 2. quæst. c. art. 6. ad 3. & III. cont. cap. xl.*

*& Rom. xii. leß. 3.*

**A**D secundum sic proceditur. Videtur quod non sit licitum occidere homines peccatores. Dominus enim Matth. xiii. in parabola prohibuit excipere zizaniam, qui sunt filii nequam, ut ibidem dicitur (in Glossa eq.). Sed omne quod est prohibitum a Deo, est peccatum. Ergo occidere peccatorem est peccatum.

2. Præterea. Iustitia humana conformatur iustitiæ divinæ. Sed secundum divinam iustitiam peccatores ad penitentiam reservantur, secundum illud Ezech. xviii. & xxxiii. 23. *Nolo mortem peccatoris, sed magis ut convertatur, & vivat.* Ergo videtur omnino esse inusum quod peccatores occidantur.

3. Præterea. Illud quod est secundum se malum, nullo bono fine fieri licet, ut patet per Augustinum in Lib. contra mendac. (cap. vii.) & per Philosophum in II. Eth. (cap. vi. parum ante fin.). Sed occidere hominem secundum se malum est: quia ad omnes homines tenetur caritatem habere: amicos autem volumus vivere, & esse, ut dicitur in IX. Ethic. (cap. iv.) Ergo nullo modo licet hominem peccatorem occidere.

Sed contra est quod dicitur Exod. xxii. 18. *Maleficos non patieris vivere:* & in Psal. c. 8. *In matutino interficiebam omnes peccatores terræ.*

Respondeo dicendum, quod, sicut dictum est (art. præc.) licitum est occidere animalia bruta, in quantum ordinantur

nantur naturaliter ad hominum usum, sicut imperfectum ordinatur ad perfectum. Omnis autem pars ordinatur ad totum ut imperfectum ad perfectum: & ideo omnis pars naturaliter est propter totum. Et propter hoc videmus, quod si saluti totius corporis humani expediat præcilio alicuius membri, puta cum est putridum, vel corruptivum aliorum membrorum, laudabiliter, & salubriter abscinditur. Quolibet autem persona singularis comparatur ad totam communitatem, sicut pars ad totum. Et ideo si aliquis homo sit periculosus communitati, & corruptivus ipsius propter aliquod peccatum, laudabiliter, & salubriter occiditur, ut bonum commune conservetur. Modicum enim fermentum totam massam corrumpit, ut dicitur I. ad Corinth. v. 6.

Ad primum ergo dicendum, quod Dominus abstinendum mandavit ab eradicatione zizaniorum, ut tritico parcere, id est bonis: quod quidem fit, quando non possunt occidi mali, quin simul occidantur & boni, vel quia latent inter bonos, vel quia habent multos sequaces, ita quod sine bonorum periculo interfici non possunt, ut Augustinus dicit contra Parmenian. (Lib. III. cap. 11. a. med.) Unde Dominus docet, magis esse sinendum malos vivere, & ultionem reservandam usque ad extremum iudicium, quam quod boni simul occidantur. Quando vero ex occisione malorum non imminet periculum bonis, sed magis tutela, & salus, tunc licite possunt mali occidi.

Ad secundum dicendum, quod Deus secundum ordinem suae sapientiae quandoque statim peccatores occidit ad liberationem bonorum, quandoque autem eis poenitendi tempus concedit, secundum quod ipse novit eis electis expedire. Et hoc etiam humana iustitia imitatur pro posse: illos enim qui sunt perniciosi in alios, occidit; eos vero qui peccant, aliis graviter non nocentes, ad poenitentiam reservat.

Ad tertium dicendum, quod homo peccando ab ordine rationis recedit: & ideo decidit a dignitate humana, prout scilicet homo est naturaliter liber, & propter seipsum existens; & incidit quodammodo in servitum bestiarum, ut scilicet de ipso ordinetur, secundum quod est utile aliis, secundum illud Psalm. xlviii. 21. *Homo, cum in honore esset, non intellexit; comparatus est iumentis in* s. Tb. Oper. Tom. XXII,

*sapientibus, & similis factus est illis: & Proverb. xi. 29. dicitur: Qui stultus est, serviet sapienti.* Et ideo quavis hominem in sua dignitate manentem occidere sit secundum se malum; tamen hominem peccatorem occidere potest esse bonum, sicut occidere bestiam. Peior enim est malus homo quam bestia, & plus nocet, ut Philosophus dicit in I. Polit. (cap. 11.) & in VII. Ethic. (cap. vi. in fin.)

## ARTICULUS III. 338

*Utrum occidere hominem peccatorem liceat privatae personae.*

*Inf. quest. lxxv. art. 1. co. & ad 2. & IV. dist. xxxvii. quest. 11. art. 1.*

**A**D tertium sic proceditur. Videtur quod occidere hominem peccatorem liceat privatae personae. In lege enim divina nihil illicitum mandatur. Sed Exodi xxxii. 27. præcepit Moyses: *Occidas unusquisque fratrem suum, & amicum, & proximum suum pro peccato vituli conflatis.* Ergo etiam privatis personis licet peccatorem occidere.

2. Præterea. Homo propter peccatum comparatur bestii, ut dictum est (art. præc. ad 3.) Sed occidere bestiam silvestrem, maxime nocentem, cuiuslibet privatae personae licet. Ergo & pari ratione occidere hominem peccatorem.

3. Præterea. Laudabile est quod homo, etiamsi sit privata persona, operetur quod est utile bono communi. Sed occisio malefactorum est utilis bono communi, ut dictum est (art. præc.) Ergo laudabile est, si etiam privatae personae malefactores occidant.

Sed contra est quod Augustinus dicit in I. de civ. Dei (cap. xxvi. in mod. & cap. xxi. in fin. & hab. express. caus. xxxiii. quest. viii.) *Qui sine aliqua publica administratione maleficum occiderit, velut homicida iudicabitur; & tanto amplius, quanto sibi potestatem a Deo non concessam usurpare non timuit.*

Respondeo dicendum, quod, sicut dictum est (art. præc.) occidere malefactorem licitum est, inquantum ordinatur ad salutem totius communitatis: & ideo ad illum solum pertinet cui committitur cura communitatis conservandae; sicut ad Medicum pertinet præcidere membrum putridum, quando ei commissum fuerit cura salutis totius corporis. Cura autem communis boni commissa

est Principibus habentibus publicam auctoritatem: & ideo eis solum licet malefactores occidere, non autem privatis personis.

Ad primum ergo dicendum, quod ille aliquid facit, cuius auctoritate fit, ut patet per Dionysium xii. cap. caelest. Hierar. (ex cap. iiii. forte colligitur, nam cap. xix. nihil tale.) Et ideo, ut Augustinus dicit in l. de civ. Dei (cap. xxi.) non ipse occidit qui ministerium debet iubenti, sed sicut adminiculum gladius est utenti. Unde illi qui occiderunt proximos, & amicos ex mandato Domini, non hoc fecisse ipsi videntur, sed potius ille cuius auctoritate fecerunt; sicut & miles interficit hostem auctoritate Principis, & minister latronem auctoritate iudicis.

Ad secundum dicendum, quod bestia naturaliter est distincta ab homine: unde super hoc non requiritur aliquod iudicium an sit occidenda, si sit silvestris; si vero sit domestica, requiritur iudicium, non propter ipsam, sed propter damnum domini. Sed homo peccator non est naturaliter distinctus ab hominibus iustis: & ideo indiget iudicio publico, ut discernatur an sit occidendus propter salutem communem.

Ad tertium dicendum, quod facere aliquid ad utilitatem communem, quod nulli nocet, hoc est licitum cuilibet privatae personae; sed si sit cum nocumeto alterius, hoc non debet fieri, nisi secundum iudicium eius ad quem pertinet assilimare, quid sit subtrahendum partibus pro salute totius.

#### ARTICULUS IV. 359

*Utrum occidere malefactores liceat clericis.*

*Inf. quæst. lxx. art. 1. ad 1. & IV. dist. xxv. quæst. 11. art. 2. quæst. 2.*

**A**D quartum sic proceditur. Videtur quod occidere malefactores liceat clericis. Clerici enim precipue debent implere quod Apostolus dicit I. ad Cor. xv. 16. *Imitatores mei estote, sicut & ego Christi*: per quod nobis indicitur ut Deum, & Sanctos eius imitemur. Sed ipse Deus, quem colimus, occidit malefactores, secundum illud Psal. cxxxv. 10. *Qui percussit Aegyptium cum primogenitis eorum*: Moyses etiam a Levitis fecit interficere (a) viginti eria millia hominum

propter adorationem vituli, ut habetur Exod. xxxii. & Phinees sacerdos interfecit Israelitam cum Madianitide coeuntem, ut habetur Num. xxv. Samuel etiam interfecit Agag Regem Amalec; & Elias sacerdos Baal; & Matathias cum qui ad sacrificandum accesserat: & in novo testamento Petrus Ananiam, & Sapphiram. Ergo videtur quod etiam clericis liceat occidere malefactores.

2. Præterea. Potestas spiritualis est maior quam temporalis, & Deo coniunctior. Sed potestas temporalis licite malefactores occidit, tamquam Dei ministri, ut dicitur Rom. xiii. Ergo multo magis clerici, qui sunt Dei ministri, spiritualement potestatem habentes, licite possunt malefactores occidere.

3. Præterea. Quicumque licite suscipit aliquod officium, licite potest ea quæ ad officium illud pertinent, exercere. Sed officium Principis terræ est malefactores occidere, ut dictum est (art. præc.) Ergo clerici, qui sunt terrarum principes, licite possunt occidere malefactores.

Sed contra est quod dicitur I. ad Tim. iii. 2. *Oportet Episcopum (b) sine crimine esse . . . non violentum, non percussorem*.

Respondeo dicendum, quod non licet clericis occidere, duplici ratione.

Primo quidem quia sunt electi ad altaris ministerium, in quo representatur passio Christi occisi; qui (c) cum percuteretur, non reperiiebatur, ut dicitur I. Petr. ii. 23. Et ideo non competit ut clerici sint percussores, aut occisores. Debent enim ministri suum Dominum imitari, secundum illud Eccli. x. 2. *Secundum iudicem populi, sic & ministri eius*. Alia ratio est, quia clericis committitur ministerium novæ legis, in qua non determinatur poena occisionis, vel mutilationis corporalis. Et ideo ut sint idonei ministri novi testamenti, debent a talibus abstinere.

Ad primum ergo dicendum, quod Deus universaliter in omnibus operatur quæ recta sunt; in unoquoque tamen secundum eius congruentiam. Et ideo unusquisque debet Deum imitari in hoc quod sibi specialiter congruit. Unde licet Deus corporaliter etiam malefactores occidat; non tamen oportet quod omnes in hoc eum imitentur. Petrus autem non propria auctoritate, vel manu Ananiam, & Sapphiram interfecit; sed magis divi-

nam

(a) Ita vult. & editi veteres. Edit. Faten. addunt quasi. (b) Vulgata ibi irreprehensibilem, sic autem habet ad Tim. i. 7. (c) Vulgata: cum malediceretur, non maledicebat.



nam sententiam de eorum morte promulgavit. Sacerdotes autem, vel Levitæ veteris testamenti erant ministri veteris legis, secundum quam poenæ corporales intelligebantur: & ideo etiam eis occidere propria manu congruebat.

Ad secundum dicendum, quod ministerium clericorum est in melioribus ordinatum quam sint corporales occisiones, scilicet in his quæ pertinent ad spirituales salutem: & ideo non congruit eis quod minoribus se ingerant.

Ad tertium dicendum, quod prælati Ecclesiarum accipiunt officium principum terræ, non ut ipsi iudicium sanguinis exercent per seipsos, sed quod eorum auctoritate per alios exercentur.

## ARTICULUS V. 360

*Utrum liceat alicui occidere seipsum.*

*Sup. quest. lxx. art. 3. ad 2. & inf. quest. cxxiv. art. 1. ad 2. & III. P. quest. xlvii. art. 6. ad 3. & IV. dist. xlix. quest. v. art. 3. quest. 2. ad 6. Et Hebr. xi. lect. 7.*

**A**D quantum sic proceditur. Videtur quod alicui liceat se ipsum occidere. Homicidium enim est peccatum, inquantum iustitiæ contrariatur. Sed nullus potest sibiipsi iniustitiam facere, ut probatur in V. Ethic. (cap. vi. ad fin. & cap. ult.) Ergo nullus peccat occidendo seipsum.

2. Præterea. Occidere malefactores licet habenti publicam potestatem. Sed quandoque ille qui habet publicam potestatem, est malefactor. Ergo licet occidere seipsum.

3. Præterea. Licitum est quod aliquis spontanea minus periculum subeat, ut maius periculum vitet; sicut licitum est quod aliquis etiam sibiipsi amputet membrum putridum, ut totum corpus salvetur. Sed quandoque aliquis per occisionem suipsum vitat maius malum, scilicet miseram vitam, vel turpitudinem alicuius peccati. Ergo licet alicui occidere seipsum.

4. Præterea. Sampson seipsum interfecit, ut habetur Iudicum xvi. qui tamen connumeratur inter sanctos, ut patet Hebr. xi. Ergo licitum est alicui occidere seipsum.

5. Præterea. II. Machab. xiv. 43. dicitur, quod Razias quidam seipsum interfecit, eligens nobiliter mori potius quam subditus fieri peccatoribus, & contra na-

tales suos indignis iniuriis agi. Sed nihil quod nobiliter fit, & fortiter, est illicitum. Ergo occidere seipsum non est illicitum.

Sed contra est quod Augustinus dicit in I. de civ. Dei (cap. xx. in fi.) *Resstat ut de homine intelligamus illud quod dictum est, Non occides: non alterum, ergo nec te. Neque enim aliud quam hominem occidit, qui seipsum occidit.*

Respondeo dicendum, quod seipsum occidere est omnino illicitum, triplici ratione. Primo quidem quia naturaliter quilibet res seipsum amat; & ad hoc pertinet quod quilibet res naturaliter conservat se in esse, & corruptentibus resistit quantum potest. Et ideo quod aliquis seipsum occidat, est contra inclinationem naturalem, & contra caritatem, qua quilibet debet seipsum diligere. Et ideo suipsum occisio semper est peccatum mortale, utpote contra naturalem legem, & contra caritatem exilens.

Secundo quia quilibet pars id quod est, est totius. Quilibet autem homo est communitatis: unde in hoc quod seipsum interficit, iniuriam communitati facit, ut patet per Philosophum in V. Ethicor. (cap. ult. a princ.)

Tertio quia vita est quoddam donum divinitus homini attributum, & eius potestati subiectum, qui occidit, & vivere facit. Et ideo qui seipsum vitam privat, in Deum peccat; sicut qui alienum servum interficit, peccat in dominum, cuius est servus; & sicut peccat ille qui usurpat sibi iudicium de re sibi non commissa. Ad solum enim Deum pertinet iudicium mortis, & vitæ, secundum illud Deut. xxxii. 39. *Ego occidam, & ego vivere faciam.*

Ad primum ergo dicendum, quod homicidium est peccatum, non solum quia contrariatur iustitiæ, sed etiam quia contrariatur caritati quam habere debet aliquis ad seipsum: & ex hac parte occisio suipsum est peccatum per comparationem ad seipsum. Per comparationem autem ad communitatem, & ad Deum, habet rationem peccati, etiam per oppositionem ad iustitiam.

Ad secundum dicendum, quod ille qui habet publicam potestatem, potest licite malefactorem occidere, per hoc quod potest de ipso iudicare. Nullus autem est iudex suipsum. Unde non licet habenti publicam potestatem seipsum occidere propter quodcumque peccatum; licet tamen se committere iudicio aliorum.

Ad tertium dicendum, quod homo constituitur dominus suiipsius per liberum arbitrium: & ideo licite potest homo de seipso disponere quantum ad ea quae pertinent ad hanc vitam, quae hominis libero arbitrio regitur. (a) Sed transitus de hac vita ad aliam feliciorem non subiacet libero arbitrio hominis, sed potestati divinae: & ideo non licet homini seipsum interficere, ut ad feliciter transiret vitam; similiter etiam nec ut quaslibet miseras praesentis vitae evadat: quia ultimum malorum huius vitae, & maxime terribile est mors, ut patet per Philosophum in III. Ethic. (cap. vi. a med.) Et ideo inferre sibi mortem ad alias huius vitae miseras evadendas, est maius malum assumere ad minoris mali vitiationem. Similiter etiam non licet seipsum interficere propter aliquod peccatum commissum: tum quia in hoc sibi maxime nocet quod sibi admittit necessarium poenitentiae tempus: tum etiam quia malefactorem occidere non licet nisi per iudicium publicae potestatis. Similiter etiam non licet mulieri seipsam occidere, ne ab alio corrumpitur: quia non debet in se committere crimen maximum, quod est suiipsius occisio, ut vitet minus crimen alienum: non enim est crimen mulieris per violentiam violatae, si consensus non adiecit, quia non inquinatur corpus nisi de consensu mentis, ut Lucia dixit. Constat autem, minus esse peccatum fornicationem, vel adulterium, quam homicidium, & praecipue suiipsius: quod est gravissimum, quia sibiipsi nocet, cui maximam dilectionem debet: est etiam periculosissimum, quia non restat tempus ut per poenitentiam expietur. Similiter etiam nulli licet seipsum occidere ob timorem ne consentiat in peccatum: quia non sunt facienda mala, ut veniant bona, vel ut vitentur mala, praesertim minora, & minus certa: incertum enim est an aliquis in futurum consentiat in peccatum: potens est enim Deus hominem quacumque tentatione superveniente liberare a peccato.

Ad quartum dicendum, quod, sicut Augustinus dicit in I. de civ. Dei (cap. xxi. a med.) nec Sampson aliter excusatur, quod seipsum cum bestibus ruina domus oppressit, nisi quod latenter Spiritus sanctus hoc iusserat, qui per illum miracula faciebat. Et eandem rationem assi-

gnat de quibusdam sanctis feminis, quae tempore persecutionis seipsas occiderunt, quarum memoria in Ecclesia celebratur.

Ad quintum dicendum, quod ad fortitudinem pertinet quod aliquis ab alio mortem pati non refugiat propter bonum virtutis, & ut vitet peccatum; sed quod aliquis sibiipsi inferat mortem, ut vitet mala poenalia, habet quidem quandam speciem fortitudinis (propter quod quidam seipsos interfecerunt, aestimantes se fortiter agere; de quorum numero Razias fuit) non tamen est vera fortitudo, sed magis quaedam mollescentia animi non valentis mala poenalia sustinere, ut patet per Philosophum in III. Ethic. (cap. viii.) & per Augustinum in I. de civit. Dei (cap. xxxiii.)

## ARTICULUS VI. 362

Utrum liceat in aliquo casu interficere innocentem.

1. 2. *quest. xciv. art. 5. ad 2. & quest. x. art. 8. ad 5. & opusc. ix. quest. lxxxvi. & Hebr. xi. lect. 4.*

**A**D sextum sic proceditur. Videtur quod liceat in aliquo casu interficere innocentem. Divinus enim timor non manifestatur per peccatum, quoniam magis timor Domini expellit peccatum, ut dicitur Eccli. i. 20. Sed Abraham commendatus est, quod timuit Dominum, quia voluit interficere filium suum innocentem. Ergo potest aliquis innocentem interficere sine peccato.

2. Praeterea. In genere peccatorum quae contra proximum committuntur, tanto maius videtur aliquod esse peccatum, quanto maius nocumentum inferatur ei in quem peccatur. Sed occisio plus nocet peccatori quam innocenti, qui de miseria huius vitae ad caelestem gloriam transit per mortem. Cum ergo liceat in aliquo casu peccatorem occidere, multo magis licet occidere innocentem, vel iustum.

3. Praeterea. Illud quod fit secundum ordinem iustitiae, non est peccatum. Sed quandoque cogitur aliquis secundum ordinem iustitiae occidere innocentem; puta cum iudex, qui debet secundum allegata iudicare, condemnat ad mortem eum quem scit innocentem, per falsos testes convictum: & similiter minister, qui iniuste condemnatum occidit, obediens

(a) Ita cum eis dicitur aditantes veteres. Revertentes anno 1600. habebat huc additamentum: non tametsi quod nunc addit ea quae non subiacent suo arbitrio. Sed transitus &c.

diens iudici. Ergo absque peccato potest aliquis occidere innocentem.

Sed contra est quod dicitur Exod. xxxiii. 7. *Insontem, & inustum non occides.*

Respondeo dicendum, quod aliquis homo dupliciter considerari potest: uno modo secundum se; alio modo per comparisonem ad aliud. Secundum se quidem considerando hominem, nullum occidere licet: quia in quolibet etiam peccatore debemus amare naturam, quam Deus fecit; quæ per occisionem corrumpitur.

Sed, sicut supra dictum est (art. 2. huius quæst.) occisio peccatoris sit licita per comparisonem ad bonum commune, quod per peccatum corrumpitur. Vita autem iustorum est conservativa, & promotiva boni communis: quia ipsi sunt principalior pars multitudinis. Et ideo nullo modo licet occidere innocentem.

Ad primum ergo dicendum, quod Deus habet dominium mortis, & vitæ: eius enim ordinatione moriuntur & peccatores, & iusti. Et ideo ille qui mandato Dei occidit innocentem, talis non peccat: sicut nec Deus, cuius est executor, & ostenditur Deum timere, eius mandatis obediens.

Ad secundum dicendum, quod in pensanda gravitate peccati magis est considerandum id quod est per se, quam id quod est per accidens. Unde ille qui occidit iustum, gravius peccat quam ille qui occidit peccatorem. Primo quidem quia nocet ei quem plus debet diligere; & ita magis contra caritatem agit. Secundo quia iniuriam infert ei qui est minus dignus; & ita magis contra iustitiam agit. Tertio quia privat communitatem maiori bono. Quarto quia magis Deum contemnit, secundu illud Lucæ x. 16. *Qui vos spernit, me spernit.* Quod autem iustus occisus ad gloriam perducatur a Deo, per accidens se habet ad occisionem.

Ad tertium dicendum, quod iudex, si scit aliquem innocentem esse, qui falsis testibus convincitur, debet diligentius examinare testes, ut inveniat occasionem liberandi innocentem, sicut Daniel fecit. Si autem hoc non potest, debet eum superiori relinquere iudicandum. Si autem nec hoc potest, non peccat secundum allegatam sententiam: ferens: quia ipse non occidit innocentem, sed illi qui eum asservit nocentem. Minister autem iudi-

cis condemnantis innocentem, si sententia intolerabilem errorem contineat, non debet obedire: alias excusarentur carnifices, qui Martyres occiderunt: si vero non contineat manifestam iniustitiam, non peccat præceptum exequendo: quia ipse non habet discutere superioris sententiam; nec ipse occidit innocentem, sed iudex, cui ministerium exhibet.

## ARTICULUS VII. 362

*Utrum liceat alicui occidere aliquem, se defendendo.*

IV. dist. xxv. quæst. 11. art. 2. quæst. 2. ad 2. & 3.

**A**D septimum sic proceditur. Videtur quod nulli liceat occidere aliquem, se defendendo. Dicit enim Augustinus ad Publicolam (epist. xlviii. a. l. xiv. a. med. & hab. caus. xxxiii. quæst. v.) *De occidendis hominibus, ne ab eis quisquam occidatur, non mihi placet consilium, nisi forte sit miles, aut publica functione teneatur, ut non pro se hoc faciat, sed pro aliis, accepta legitima potestate, si eius congruat persona.* Sed ille qui se defendendo occidit aliquem, ad hoc eum occidit ne ipse ab eo occidatur. Ergo hoc videtur esse illicitum.

2. Præterea. In I. de libero arbitrio (cap. v. vers. fi.) dicitur: *Quomodo apud divinam providentiam a peccato liberi sunt qui pro his rebus, quas contemni oportet, humana cædæ polluti sunt?* Eas autem res dicit esse contemnendas, quas homines inviti amittere possunt, ut ex præmissis patet (eod. cap.) Horum autem præcipuum est vita corporalis. Ergo pro conservanda vita corporali nulli licitum est hominem occidere.

3. Præterea. Nicolaus I. Papa (in decretis tit. de clericis) dicit, ut habetur in decretis dist. I. (cap. vi.) *De clericis, pro quibus consuluisti, scilicet qui se defendendo paganum occiderunt, si postea per penitentiam emendati possint ad pristinum statum redire, aut ad altiore ascendere; scito nos nullam occasionem dare, nec ullam tribuere licentiam eis quemlibet hominem quolibet modo occidendi.* Sed ad præcepta moralia servanda tenetur communiter clerici, & laici. Ergo, etiam laici non est licitum occidere aliquem, se defendendo.

4. Præterea. Homicidium est gravius peccatum quam simplex fornicatio, vel adulterium. Sed nulli licet committere sim-

simplicem fornicationem, vel adultarium, vel quodcumque aliud peccatum mortale pro conservatione propriæ vitæ: quia vita spiritualis præferenda est corporali. Ergo nulli licet defendendo seipsum, alium occidere, ut propriam vitam conservet.

5. Præterea. Si arbor est mala, & fructus, ut habetur Matth. vii. Sed ipsa defensio sui videtur esse illicita, secundum illud Rom. xii. 19. *Non vos defendentes carissimi*. Ergo & occisio hominis exinde procedens est illicita.

Sed contra est quod Exod. xxi. 1. dicitur: *Si effringens fur domum, sive susjodiens inventus fuerit, & accepto vulnere mortuus fuerit, percussor non erit reus sanguinis*. Sed multo magis licitum est defendere propriam vitam quam propriam domum. Ergo etiam si aliquis occidat aliquem pro defensione vitæ suæ, non erit reus homicidii.

Respondetur dicendum, quod nihil prohibet unius actus esse duos effectus: quorum alter solum sit in intentione, alius vero sit præter intentionem. Morales autem actus recipiunt speciem secundum id quod intenditur, non autem ab eo quod est præter intentionem, cum sit per accidens, ut ex supra dictis patet (quæst. xlii. art. 3. & 1. 2. quæst. 2. art. 3. ad 3.)

Ex actu ergo alicuius seipsum defendentis duplex effectus sequi potest: unus quidem conservatio propriæ vitæ; alius autem occisio invadentis. Actus ergo huiusmodi, ex hoc quod intenditur conservatio propriæ vitæ, non habet rationem illicitæ; cum hoc sit cuiuslibet naturale quod se conservet in esse quantum potest. Potest tamen aliquis actus ex bona intentione proveniens, illicitus reddi, si non sit proportionatus fini. Et ideo si aliquis ad defendendum propriam vitam utatur maiori violentia quam oportet, erit illicitum. Si vero moderate violentiam repellat, erit licita defensio: nam secundum iura vim vi repellere licet cum moderamine inculpatæ tutelæ. Nec est necessarium ad salutem ut homo actum moderate tutelæ prætermittat ad evitandam occisionem alterius: quia plus tenetur homo vitæ suæ providere quam vitæ alienæ.

Sed quia occidere hominem non licet nisi publica auctoritate propter bonum commune, ut ex supra dictis patet (art. 3. hu. quæst.) illicitum est quod homo

intendat occidere hominem, ut seipsum defendat, nisi ei qui habet publicam auctoritatem; qui intendens hominem occidere ad sui defensionem, refert hoc ad publicum bonum; ut patet in milite pugnante contra hostes, & in ministro iudicis pugnante contra latrones; quamvis etiam & illi peccent, si privata libidine moveantur.

Ad primum ergo dicendum, quod auctoritas Augustini intelligenda est in eo casu quo quis intendit occidere hominem, ut seipsum a morte liberet: in quo etiam casu intelligitur auctoritas iudicis (in arg. 2.) ex Libro 1. de libero arbitrio. Unde signanter dicit, *pro his rebus*; in quo designatur intentio.

Et per hoc patet responsio ad secundum.

Ad tertium dicendum, quod irregularitas consequitur actum homicidii, etiam si sit absque peccato, ut patet in iudice qui iuste aliquem condemnat ad mortem: & propter hoc clericus, etiam si se defendendo interniciat aliquem, irregularis est, quamvis non intendat interficere, sed seipsum defendere. (a)

Ad quartum dicendum, quod actus fornicationis, vel adulterii non ordinatur ad conservationem propriæ vitæ ex necessitate, sicut actus ex quo quandoque sequitur homicidium.

Ad quintum dicendum, quod ibi prohibetur defensio, quæ est cum livore vindictæ. Unde Glossa (interl.) dicit: *Non vos defendentes*, id est, *non suis referentes adversarios*.

## ARTICULUS VIII. 363

*Utrum aliquis casualiter occidens hominem, incurrat homicidii reatum.*

IV. dist. xxv. quæst. 11. art. 2. quæst. 2. ad 3.

**A**D octavum sic proceditur. Videtur quod aliquis casualiter occidens hominem incurrat homicidii reatum. Legitur enim Gen. iv. quod Lamech credens interficere bestiam, interfecit hominem; & reputatum est ei ad homicidium. Ergo reatum homicidii incurrit qui casualiter hominem occidit.

2. Præterea. Exod. xxi. 2. dicitur: *Si quis percusserit mulierem pregnantem, & abortivum fecerit, si mors eius fuerit subsecuta, reddet animam pro anima*. Sed hoc potest fieri absque intentione occisionis.

(a) Vide Tridentini Concilii sessionis xiv. caput vii.

nis. Ergo homicidium casuale habet homicidii reatum.

3. Præterea. In Decretis dist. l. inducuntur plures canones, quibus casualia homicidia puniuntur. Sed poenæ non debentur nisi culpæ. Ergo ille qui casualiter hominem occidit, incurrit homicidii reatum.

Sed contra est quod Augustinus dicit ad Publicolam (epist. xlviii. al. cliv. vers. fi.) *Abstine ea quæ propter bonum, ac licitum facimus, si quid per hæc præter nostram voluntatem cuiquam mali acciderit, nobis imputetur.* Sed contingit quandoque (a) ut propter bonum aliquod facientibus homicidium consequatur casualiter. Ergo non imputatur facienti ad culpam.

Respondendo dicendum, quod secundum Philosophum in II. Physic. (tex. 49. & 50.) *casus est causa agens præter intentionem.* Et ideo ea quæ casualia sunt, simpliciter loquendo, non sunt intenta, neque voluntaria. Et quia omne peccatum est voluntarium, secundum Augustinum (Lib. de vera relig. cap. xiv. in princ.) consequens est quod casualia, in quantum huiusmodi, non sunt peccata.

Contingit tamen, id quod non est actus & per se volitum, vel intentum, esse per accidens volitum, vel intentum, secundum quod causa per accidens dicitur *removens prohibens.* Unde ille qui non removet ea ex quibus sequitur homicidium, si debeat remove, incurrit quodammodo homicidium voluntarium. Hoc autem contingit dupliciter: uno modo, quando dans operam rebus illicitis, quas vitare debebat, homicidium incurrit; alio modo quando non adhibet debitam sollicitudinem. Et ideo secundum iura, si aliquis det operam rei licitæ, debitam diligentiam adhibens, & ex hoc homicidium sequatur, non incurrit homicidii reatum. Si vero det operam rei illicitæ, vel etiam det operam rei licitæ, non adhibens diligentiam debitam, non evadit homicidii reatum, si ex eius opere mors hominis consequatur.

Ad primum ergo dicendum, quod Laanach non adhibuit sufficientem diligentiam ad homicidium vitandum: & adeo reatum homicidii non evadit.

Ad secundum dicendum, quod ille qui percutit mulierem prægnantem, dat operam rei illicitæ: & ideo si sequatur mors

mulieris, vel (b) puerperii animati, non effugiet homicidii crimen; præcipue cum ex tali percussione (c) in promptu sit quod mors sequatur.

Ad tertium dicendum, quod secundum canones imponitur poena his qui casualiter occidunt, dantes operam rei illicitæ, vel non adhibentes diligentiam debitam.

## QUAESTIO LXV.

*De mutilatione membrorum, in quatuor articulos divisa.*

**D**Einde considerandum est de peccatis aliarum iniuriarum quæ in personam committuntur: & circa hoc quaeruntur quatuor.

Primo de mutilatione membrorum.

Secundo de verberatione.

Tertio de carceratione.

Quarto, utrum peccatum huiusmodi iniuriarum aggravetur ex hoc quod committitur in personam coniunctam aliis.

## ARTICULUS I. 364

*Utrum mutilare aliquem membro suo, in aliquo casu possit esse licitum.*

**A**D primum sic proceditur. Videtur quod mutilare aliquem membro suo, in nullo casu possit esse licitum. Damascenus enim dicit in II. Libro (orth. Fid. cap. xv. & xxx. & Lib. IV. cap. xxi.) *quod peccatum committitur per hoc quod receditur ab eo quod est secundum naturam, in id quod est contra naturam.* Sed secundum naturam a Deo institutam est quod corpus hominis sit integrum membris; contra naturam autem est quod sit membro diminutum. Ergo mutilare aliquem membro, semper videtur esse peccatum.

2. Præterea. Sicut se habet tota anima ad totum corpus, ita se habent partes animæ ad partes corporis, ut dicitur in II. de Anima (tex. 9.) Sed non licet aliquem privare anima, occidendo ipsum, nisi publica potestate. Ergo etiam non licet aliquem mutilare membro, nisi forte secundum publicam potestatem.

3. Præterea. Salus animæ præferenda est saluti corporali. Sed non licet aliquem mutilare se membro propter salutem

(2) Ita veteres edidit, ex edicibus. & Patavinus amba. Nicolai cum aliis: ut per bonum aliquod quod facimus &c. (b) Ita cum edicibus Tarnæ, & Alcon. edit. Patavi optimè. Alii pueri animati. (c) Ita veteres edidit, ex inf. vel. certum sit.

tem animæ : puniuntur enim secundum statuta Nicæni Concilii ( par. 1. sect. 4. can. 1. ) qui se castraverunt propter castitatem servandam. Ergo propter nullam causam aliam licet aliquem membro mutilare.

Sed contra est quod dicitur Exod. xxi. 24. *Oculum pro oculo, dentem pro dente, manum pro manu, pedem pro pede.*

Respondeo dicendum, quod cum membrum aliquid sit pars totius humani corporis, est propter totum, sicut imperfectum propter perfectum. Unde disponendum est de membro humani corporis, secundum quod expedit toti. Membrum autem humani corporis per se quidem utile est ad bonum totius corporis; per accidens tamen potest contingere quod sit nocivum, puta cum membrum putridum est totius corporis corruptivum. Si ergo membrum sanum fuerit, & in sua naturali dispositione consistens, non potest præcindi absque totius corporis detrimento. Sed quia ipse totus homo ordinatur, ut ad finem, ad totam communitatem, cuius est pars, ut supra dictum est ( quæst. lxi. art. 1. & quæst. præc. art. 2. & 5. ) potest contingere quod abscissio membri etiam vergat in detrimento totius corporis, ordinatur tamen ad bonum communicatis, in quantum alicui infertur in penam ad prohibitionem peccatorum. Et ideo sicut per publicam potestatem aliquis licite privatur totaliter vita propter aliquas maiores culpas; ita etiam privatur membro propter aliquas culpas minores.

Hoc autem non est licitum alicui privare personæ, etiam volente illo cuius est membrum; quia per hoc fit iniuria communitati, cuius est ipse homo, & omnes partes eius.

Si vero membrum propter putredinem sit totius corporis corruptivum, tunc licitum est de voluntate eius cuius est membrum, putridum membrum præcindere propter salutem totius corporis: quia unicuique commissæ est cura propriæ salutis. Et eadem ratio est, si hac voluntate eius ad quem pertinet curare de salute eius qui habet membrum corruptivum. Aliiter autem aliquem membro mutilare est omnino illicitum.

Ad primum ergo dicendum, quod nihil prohibet, id quod est contra particularem naturam, esse secundum naturam universalem; sicut mors, & corruptio in rebus naturalibus est contra particularem naturam eius quod corrumpi-

tur, cum tamen sit secundum naturam universalem: & similiter mutilare aliquem membro, etsi sit contra naturam particularem corporis eius qui mutilatur, est tamen secundum naturalem rationem in comparatione ad bonum commune.

Ad secundum dicendum, quod totius hominis vita non ordinatur ad aliquid proprium ipsius hominis; sed ad ipsam potius omnia quæ sunt hominis, ordinantur: & ideo privare aliquem vitam in nullo casu pertinet ad aliquem, nisi ad publicam potestatem, cui committitur procuratio boni communis. Sed præcisio membri potest ordinari ad propriam salutem unius hominis: & ideo in aliquo casu potest ad ipsum pertinere.

Ad tertium dicendum, quod membrum non est præcindendum propter corporalem salutem totius, nisi quando aliter toti subveniri non potest. Saluti autem spirituali semper potest aliter subveniri quam per membri præcisionem: quia peccatum subiaceat voluntati. Et ideo in nullo casu licet membrum præcindere propter quodcumque peccatum vitandum. Unde Chrysostomus ( hom. lxxiii. circ. med. ) exponens illud Matth. xix. *Sunt eunuchi, qui seipso castraverunt propter regnum cælorum*, dicit: „ Non per membrum abscissionem; sed malarum cogitationum interemptionem: maledictioni enim est obnoxius qui membrum abscindit: etenim homicidæ sunt qui talia præsumunt. “ Et postea subdit: „ Neque concupiscentia manueior ita sit, sed molestior: aliunde enim habet fontes sperma, quod in nobis est; & præcipue a proposito incontinenti, & mente negligente: nec ita abscissio membri comprimit tentationes, ut cogitationis frenum. “

## ARTICULUS II. 365

*Utrum liceat patribus verberare filios, aut dominis servos.*

*Inf. quæst. lxxii. art. 2. ad 2.*

**A**D secundum sic proceditur. Videtur quod non liceat patribus verberare filios, aut dominis servos. Dicit enim Apostolus ad Ephes. vi. 4. *Vos patres nolite ad iracundiam provocare filios vestros: & infra subdit: Et vos domini eadem facite servis, remittentes minas.* Sed propter verbera aliqui ad iracundiam provocantur, & sunt etiam minis graviora.

Ergo

Ergo neque patres filios, neque domini servos debent verberare.

2. Præterea. Philosophus dicit in X. Eth. (cap. ult. ante med.) quod *sermo paternus habet solum admonitionem, non autem coactionem*. Sed quædam coactio est per verbera. Ergo parentibus non licet filios verberare.

3. Præterea. Unicus licet alteri disciplinam impendere: hoc enim pertinet ad elemosynas spirituales, ut supra dictum est (quaest. xxxiii. art. 2.) Si ergo parentibus licet propter disciplinam filios verberare, pari ratione cuilibet licebit quemlibet verberare: quod patet esse falsum. Ergo & primum.

Sed contra est quod dicitur Proverb. xiii. 24. *Qui parit virga, edit filium suum*: & infra xxxiii. 13. *Noli subtrahere a puero disciplinam. Si enim percussieris eum virga, non morietur: tu virga percussies eum, & animam eius de inferno liberabis*: & Eccli. xxxiii. 28. dicitur: *Servo malevolo tortura, & compedes*.

Respondeo dicendum, quod per verberationem nocumentum quoddam infertur corpori eius qui verberatur; alter tamen quam in mutilatione: nam mutilatio tollit corporis integritatem; verberatio vero tantummodo afficit sensum dolore: unde multo minus nocumentum est quam mutilatio membri. Nocumentum autem inferre alicui non licet, nisi per modum poenæ, propter iustitiam. Nullus autem iuste punit aliquem, nisi sit eius iurisdictioni subiectus. Et ideo verberare aliquem non licet, nisi habenti potestatem aliquam super illum qui verberatur.

Et quia filius subditur potestati patris, & servus potestati domini; licite potest verberare pater filium, & dominus servum causa correctionis, & disciplinæ.

Ad primum ergo dicendum, quod cum ira sit appetitus vindictæ, præcipue concitatur ira cum aliquis se reputat læsum iniuste, ut patet per Philosophum in II. Rhetor. (cap. 11. parum a princ.) Et ideo per hoc quod patribus interdicitur ne filios ad iracundiam provocent, non prohibetur quin filios verberent causa disciplinæ, sed quod non immolerate eos affligant verberibus. Quod vero indicitur dominus, quod remittant servis manus, potest dupliciter intelligi: uno modo, ut remissa manus utantur; quod pertinet ad moderationem disciplinæ: alio modo, ut aliquis non semper impleat quod comminatus est; quod pertinet ad

hoc quod iudicium quo quis comminatus est poenam; quandoque per remissionis misericordiam temperetur.

Ad secundum dicendum, quod maior potestas maiorem debet habere coactionem. Sicut autem civitas est perfecta communitas; ita princeps civitatis habet perfectam potestatem coercendi: & ideo potest infligere poenas irreparabiles, scilicet occisionis, vel mutilationis. Pater autem, & dominus, qui præfunt familie domesticæ, quæ est imperfecta communitas, habent imperfectam potestatem coercendi, secundum leviores poenas, quæ non inferunt irreparabile nocumentum: & huiusmodi est verberatio.

Ad tertium dicendum, quod exhibere disciplinam volenti, cuilibet licet. Sed disciplinam nolenti adhibere, est solum eius cui alterius cura committitur: & ad hoc pertinet aliquem verberibus castigare.

### ARTICULUS III. 366

*Utrum liceat aliquem hominem incarceratione.*

**A**D tertium sic proceditur. Videtur quod non liceat aliquem hominem incarceratione. Actus enim est malus ex genere qui cadit supra indebitam materiam, ut supra dictum est (1. 2. quaest. xviii. art. 2.) Sed homo habens naturalem arbitrii libertatem est indebita materia incarcerationis, quæ libertati repugnat. Ergo illicitum est aliquem incarceratione.

2. Præterea. Humana iustitia regulari debet ex divina. Sed, sicut dicitur Eccli. xv. 14. *Deus reliquit hominem in manu consilii sui*. Ergo videtur quod non est aliquis coercendus vinculis, vel carcere.

3. Præterea. Nullus est coercendus nisi ab opere malo, a quo quilibet potest alium licite impedire. Si ergo incarceratione aliquem esset licitum, ad hoc quod cohiberetur a malo, cuilibet esset licitum aliquem incarceratione: quod patet esse falsum. Ergo & primum.

Sed contra est quod Lev. xxiv. legitur, quemdam missum fuisse in carcerem propter peccatum blasphemie.

Respondeo dicendum, quod in bonis corporis tria per ordinem considerantur. Primo quidem integritas corporalis substantiæ; cui detrimentum affertur per occisionem, vel mutilationem: secundo delectatio, vel quies sensus; cui opponitur

zur verberatio, vel quodlibet sensum dolore afficiens: tertio motus, & usus membrorum; qui impeditur per ligationem, vel incarcerationem, seu quancumque detentionem.

Et ideo incarcerationem aliquem, vel qualitercumque detinere est illicitum, nisi fiat secundum ordinem iustitiæ aut in pœnam, aut ad cautelam alicuius malivitiæ.

Ad primum ergo dicendum, quod homo qui abutitur potestate sibi data, meretur eam amittere: & ideo (a) homo qui peccando abusus est libero usu suorum membrorum, conveniens est incarcerationis materia.

Ad secundum dicendum, quod Deus quandoque secundum ordinem suæ sapientiæ peccatores cohibet, ne possint peccata implere, secundum illud Iob v. 12. *Qui dissipat cogitationes malignorum, ne possint implere manus eorum quod ceperant*: quandoque vero eos permittit quod voluerint agere: & similiter secundum humanam iustitiam non pro qualibet culpa homines incarcerationantur, sed pro aliquibus.

Ad tertium dicendum, quod detinere hominem ad horam ab aliquo opere illicito statim perpetrando, cuilibet licet; sicut cum aliquis detinet aliquem, ne se præcipitet, vel ne alium feriat. Sed simpliciter aliquem includere, vel ligare, ad eum solum pertinet qui habet disponentem universaliter de actibus, & vita alterius: quia per hoc impeditur non solum a malis faciendis, sed etiam a bonis agendis.

#### ARTICULUS IV. 367

*Utrum peccatum aggravetur ex hoc quod prædictæ iniuriæ inferuntur in personas aliis coniunctas.*

**A**D quartum sic proceditur. Videtur quod peccatum non aggravetur ex hoc, quod prædictæ iniuriæ inferuntur in personas aliis coniunctas. Huiusmodi enim iniuriæ habent rationem peccati, prout nocuum alicui inferitur contra eius voluntatem. Sed magis est contra hominis voluntatem malum quod in propriam personam inferitur, quam quod inferitur in personam coniunctam. Ergo iniuria illata in personam coniunctam est minor.

2. Præterea. In sacra Scriptura præcipue reprehenduntur qui pupillis, & viduis iniurias inferunt: unde dicitur Ecli. xxxv. 17. *Non desiciet preces pupilli, nec viduam, si effundat loquelam gemitus*. Sed vidua, & pupillus non sunt personæ aliis coniunctæ. Ergo ex hoc quod inferitur iniuria personis coniunctis, non aggravatur peccatum.

3. Præterea. Persona coniuncta habet propriam voluntatem, sicut & principalis persona: (b) propterea potest ei aliquid esse voluntarium quod est contra voluntatem principalis personæ; ut patet in adulterio, quod placet uxori, & displicet viro. Sed huiusmodi iniuriæ habent rationem peccati, prout consistunt (c) in voluntaria commutatione. Ergo huiusmodi iniuriæ minus habent de ratione peccati.

Sed contra est quod Deut. xxviii. 32. ad quamdam exaggerationem dicitur: *Filii tui, & filiæ tuæ tradentur alteri populo videntibus oculis tuis*.

Respondeo dicendum, quod quanto aliqua iniuria in plures redundat, ceteris paribus, tanto gravius est peccatum: & inde est quod gravius est peccatum, si aliquis percutiat principem quam si personam privatam, quia redundat in iniuriam totius multitudinis, ut supra dictum est (1. 2. quæst. lxxiii. art. 9.)

Cum autem inferitur iniuria in aliquam personam coniunctam alteri qualitercumque, illa iniuria pertinet ad duas personas: & ideo, ceteris paribus, ex hoc ipso aggravatur peccatum.

Potest tamen contingere quod secundum aliquas circumstantias sit gravius peccatum quod fit contra personam nulli coniunctam vel propter dignitatem personæ, vel propter magnitudinem nocuum.

Ad primum ergo dicendum, quod iniuria illata in personam coniunctam minus est nociva personæ cui coniungitur, quam si in ipsam immediate inferretur; & ex hac parte est minus peccatum. Sed hoc totum quod pertinet ad iniuriam personæ cui coniungitur, superadditur peccato quod aliquis incurrit ex eo quod aliam personam secundum se lædit.

Ad secundum dicendum, quod iniuriæ illatæ in viduas, & pupillos magis exaggravantur, tum quia magis opponuntur misericordiæ, tum quia idem nocuum

(a) Ita c. d. & an. omnes. Al. homini. (b) Ita codd. Camer. & Alcan. Al. potest enim aliquid ei esse voluntarium &c. (c) Ita passim. Codd. Alcan. in involuntaria; quam sectionem probant Theologi. Vid. inf. quæst. 73. art. 2. ad 2.



tum huiusmodi personis inflitum est eis gravius, quia non habent relevantem.

Ad tertium dicendum, quod per hoc quod uxor voluntarie consensit in adulterium, minoratur quidem peccatum, & iniuria ex parte ipsius mulieris: gravius enim esset, si adulter violententer eam opprimeret, non tamen propter hoc tollitur iniuria ex parte viri: quia *uxor non habet potestatem sui corporis, sed vir*, ut dicitur I. ad Cor. VII. 4. Et eadem ratio est de similibus. De adulterio tamen, quia non solum iustitiæ, sed etiam castitati opponitur, erit locus infra agendi in tractatu de temperantia (quæst. cliv. art. 8.)

## QUAESTIO LXVI.

*De peccatis iustitiæ oppositis, & primo de furto & rapina, in novem articulos divisa.*

**D**Einde considerandum est de peccatis iustitiæ oppositis, per quæ inferitur nocumentum proximo in rebus; scilicet furto, & rapina.

Et circa hoc quaeruntur novem.

Primo, utrum naturalis sit homini possessio exteriorum rerum.

Secundo, utrum licitum sit quod aliquis rem aliquam possideat quasi propriam.

Tertio, utrum furtum sit occulta acceptione rei alienæ.

Quarto, utrum rapina sit peccatum specie differens a furto.

Quinto, utrum omne furtum sit peccatum.

Sexto, utrum furtum sit peccatum mortale.

Septimo, utrum liceat furari in necessitate.

Octavo, utrum omnis rapina sit peccatum mortale.

Nono, utrum rapina sit gravius peccatum quam furtum.

## ARTICULUS I. 368

*Utrum naturalis sit homini possessio exteriorum rerum.*

*III. cont. cap. 11. fin. & cap. XXVII. fin.*

**A**D primum sic proceditur. Videtur quod non sit naturalis homini possessio exteriorum rerum. Nullus enim debet sibi attribueri quod Dei est. Sed

dominium omnium creaturarum est proprium Dei, secundum illud Psal. XXXII.

1. *Domini est terra &c.* Ergo non est naturalis homini possessio rerum exteriorum.

2. Præterea. Basilii exponens verbum divitis dicentis Luc. XII. *Congregabo omnia que nata sunt mihi, & bona mea*, dicit (in serm. sup. illud, *Destruam domum meam* vers. fin.). *Dic mihi, quæ tua?* unde ea sumens in vitam tulisti? Sed illa quæ homo possidet naturaliter, potest aliquis convenienter dicere esse sua. Ergo homo non possidet naturaliter exteriora bona.

3. Præterea. Sicut Ambrosius dicit in Lib. I. de Trin. (seu de fide ad Grat. cap. I. circ. med.) *Domini nomen est possessatis*. Sed homo non habet potestatem super res exteriores: nihil enim potest circa earum naturam immutare. Ergo possessio exteriorum rerum non est homini naturalis.

Sed contra est quod dicitur in Psal. VIII. 8. *Omnia subiecisti sub pedibus eius*, scilicet hominis.

Respondeo dicendum, quod res exterior potest dupliciter considerari. Uno modo quantum ad eius naturam, quæ non subiacet humanæ potestati, sed solum divinæ, cui omnia ad nutum obediunt. Alio modo quantum ad usum ipsius rei: & sic habet homo naturale dominium exteriorum rerum: quia per rationem, & voluntatem potest uti rebus exterioribus ad suam utilitatem, quati propter se factis: semper enim imperfectiora sunt propter perfectiora, ut supra habitum est (quæst. lxxv. art. 1.) Et ex hac ratione Philosophus probat in I. Polit. (cap. v.) quod possessio rerum exteriorum est homini naturalis. Hoc autem naturale dominium super ceteras creaturas quod competit homini secundum rationem, in qua imago Dei consistit, manifestatur in ipsa hominis creatione Genes. I. 26. ubi dicitur: *Faciamus hominem ad imaginem & similitudinem nostram; & præstet piscibus maris &c.*

Ad primum ergo dicendum, quod Deus habet principale dominium omnium rerum; & ipse secundum suam providentiam ordinavit quoddam res ad corporalem hominis sustentationem: & propter hoc homo habet naturale rerum dominium, quantum ad potestatem utendi ipsis.

Ad secundum dicendum, quod dives ille reprehenditur ex hoc quod putabat ex-

exteriora bona esse principaliter sua, quasi non accepisset ea ab alio, scilicet a Deo.

Ad tertium dicendum, quod illa ratio procedit de dominio exteriorum rerum quantum ad naturas ipsarum: quod quidem dominium soli Deo convenit, ut dictum est (in corp. art.)

## ARTICULUS II. 369

*Utrum liceat alicui rem aliquam quasi propriam possidere.*

III. cont. cap. xxvii. fin. & opus. xx. cap. iv.

**A**D secundum sic proceditur. Videtur quod non liceat alicui rem aliquam quasi propriam possidere. Omne enim quod est contra ius naturale, est illicitum. Sed secundum ius naturale omnia sunt communia: cui quidem communitati contrariatur proprietas possessionum. Ergo illicitum est culibet homini appropriare sibi aliquam rem exteriorem.

2. Præterea. Basilus dicit, exponens prædictum verbum divitis (loc. cit. art. præc. arg. 2.) *Sicut qui præveniens ad spectacula prohiberet advenientes, appropriando sibi quod ad communem usum ordinatur, similes sunt divites, qui communis, quæ preoccupaverunt, astimant suam esse.* Sed illicitum esset præcludere viam aliis ad potiendum communibus bonis. Ergo illicitum est appropriare sibi aliquam rem communem.

3. Præterea. Ambrosius dicit (serm. lxxv. de temp. vers. fin.) & habetur in Decretis dist. xlvii. cap. *Sicut hi: Proprium nemo dicat, quod est commune.* Appellat autem commune res exteriores, sicut patet ex his quæ præmittit. Ergo videtur illicitum esse quod aliquis appropriet sibi aliquam rem exteriorem.

Sed contra est quod Augustinus dicit in Lib. de hæresibus (hæresi xl.) *Apostolice dicuntur qui se hoc nomine arrogantissime vocaverunt, eo quod in suam communionem non acciperent utentes coniugibus, & res proprias possidentes; quales habet catholica Ecclesia & monachos, & clericos plurimos.* Sed ideo isti hæretici sunt, quia se ab Ecclesia separantes, nullam ipem putant eos habere qui utuntur his rebus, quibus ipsi carent. Essi ergo erronem dicere, quod non liceat homini propria possidere.

Respondendo dicendum, quod circa rem exteriorem duo competunt homini. Quo-

rum unum est potestas procurandi, & dispensandi: & quantum ad hoc licitum est quod homo propria possideat. Est etiam necessarium ad humanam vitam propter tria. Primo quidem quia magis sollicitus est unusquisque ad procurandum aliquid quod sibi soli competit, quam id quod est commune omnium, vel multorum: quia unusquisque laborem fugiens, relinquit alteri id quod pertinet ad commune, sicut accidit in multitudine ministrorum. Alio modo quia ordinatius res humanæ tractantur, si singulis imminet propria cura alicuius rei procurandæ: esset autem confusio, si quilibet indistincte quælibet procuraret. Tertio quia per hoc magis pacificus status hominum conservatur, dum unusquisque re sua contentus est. Unde videmus quod inter eos qui communiter, & ex indiviso aliquid possident, frequentius iurgia oriuntur.

Aliud vero quod competit homini circa res exteriores, est usus ipsarum: & quantum ad hoc non debet homo habere res exteriores ut proprias, sed ut communes, ut scilicet de facili aliquis eas communicet in necessitate aliorum. Unde Apostolus dicit I. ad Timoth. ultim. 17. *Divitibus huius sæculi præcipe... facile tribuere, communicare de bonis &c.*

Ad primum ergo dicendum, quod communitas rerum attribuitur iuri naturali: non quia ius naturale dicit omnia esse possidenda communiter, & nihil esse quasi proprium possidendum; sed quia secundum ius naturale non est distinctio possessionum, sed magis secundum humanum conditum, quod pertinet ad ius positivum, ut supra dictum est (quæst. lxxi. art. 2. & 3.) Unde proprietas possessionum non est contra ius naturale, sed iuri naturali superadditur per adinventionem rationis humanæ.

Ad secundum dicendum, quod ille qui præveniens ad spectacula prepararet aliis viam, non illicite ageret; sed ex hoc illicite agit quod alios prohibet: & similiter dives non illicite agit, si preoccupans possessionem rei, quæ a principio erat communis, aliis etiam communicet; peccat autem, si alios ab usu illius rei indistincte prohibeat. Unde Basilus ibidem dicit: *Cur tu abundas, ille vero mendicat, nisi ut tu bona dispensationis merita consequaris, ille vero patientie præmiis coronetur?*

Ad tertium dicendum, quod cum dicit Augustinus

Ambrosius, *Nemo proprium dicat quod est commune*, loquitur de proprietate quantum ad usum: unde subdit: *Plus quam sufficeret sumptui, violenter obtentum est.*

ARTICULUS III. 370

*Utrum sit de ratione furti occulta accipere rem alienam.*

**A**D tertium sic proceditur. Videtur quod non sit de ratione furti occulte accipere rem alienam. Illud enim quod diminuit peccatum, non videtur ad rationem peccati pertinere. Sed in occulto peccare pertinet ad diminutionem peccati, sicut e contrario ad exaggerandum peccatum quorumdam dicitur *IIa. 111. 9. Peccatum suum quasi Sodoma predicaverunt, nec absconderunt.* Ergo non est de ratione furti occulta acceptio rei alienae.

2. Præterea. Ambrosius dicit ( *serm. lxxiv. de temp. prope fin.* ) & habetur in Decret. distinct. xlviii. ( *cap. Sicut hi* ) *Non minus est criminis habenti tollere, quam cum possis, & abundans sis, indigentibus denegare.* Ergo sicut furtum consistit in acceptione rei alienae, ita etiam in detentione ipsius.

3. Præterea. Homo potest furtim ab alio accipere etiam quod suum est, puta rem quam apud alium deposuit, vel quæ est ab eo iniuste ablata. Non est ergo de ratione furti quod sit occulta acceptio rei alienae.

Sed contra est quod Isidorus dicit in *Lib. X. Etymol. ( ad lit. F. ) Fur a furto dictus est, id est a fisco: nam nobilis utitur tempore.*

Respondendo dicendum, quod ad rationem furti tria concurrunt. Quorum primum convenit sibi, secundum quod contrariatur iustitiae, quæ unicuique tribuit quod suum est: & ex hoc competit ei quod usurpat alienum.

Secundum vero pertinet ad rationem furti, prout distinguitur a peccatis quæ sunt contra personam, sicut ab homicidio, & adulterio: & secundum hoc competit furto quod sit circa rem possessam: si quis enim accipiat id quod est alterius, non quasi possessio, sed quasi pars ( sicut si amputet membrum ) vel sicut persona coniuncta ( ut si auferat filiam, vel uxorem ) non habet proprie rationem furti.

Tertia differentia est quæ complet rationem furti, ut scilicet occulte usurpet. *S. Tb. Oper. Tom. XXII.*

tur alienum: & secundum hoc propria ratio furti est ut sit *occulta acceptio rei alienae.*

Ad primum ergo dicendum, quod occultatio quandoque quidem est causa peccati, puta cum quis utitur occultatione ad peccandum, sicut accidit in fraude, & dolo: & hoc modo non diminuit, sed constituit speciem peccati: & ita est in furto. Alio modo occultatio est simplex circumstantia peccati: & sic diminuit peccatum, tum quia signum verecundiae est, tum quia tollit scandalum.

Ad secundum dicendum, quod detinere id quod alteri debetur, eandem rationem nocimenti habet cum acceptione iniusta: & ideo sub iniusta acceptione intelligitur etiam iniusta detentio.

Ad tertium dicendum, quod nihil prohibet, id quod est simpliciter unius, secundum quid esse alterius; sicut res deposita est simpliciter quidem deponentis, sed est eius apud quem deponitur, quantum ad custodiam; & id quod est per rapinam ablatum, est rapientis, non simpliciter, sed quantum ad detentionem.

ARTICULUS IV. 371

*Utrum furtum, & rapina sint peccata differentia specie.*

*Inf. art. 9. co. & quest. lxxiii. art. 1. co. & ad 2. & II. Cor. xiii.*

**A**D quartum sic proceditur. Videtur quod furtum, & rapina non sint peccata differentia specie. Furtum enim, & rapina differunt secundum occultum, & manifestum: furtum enim importat occultam acceptionem; rapina vero violentam, & manifestam. Sed in aliis generibus peccatorum occultum, & manifestum non diversificant speciem. Ergo furtum, & rapina non sunt peccata specie diversa.

2. Præterea. Moralia recipiunt speciem a fine, ut supra dictum est ( *1. 2. quest. 1. art. 3. & quest. xlviii. art. 6.* ) Sed furtum, & rapina ordinantur ad eundem finem, scilicet ad habendum aliena. Ergo non differunt specie.

3. Præterea. Sicut rapitur aliquid ad possidendum, ita rapitur mulier ad delectandum: unde & Isidorus dicit in *Lib. X. Etymolog. ( ad lit. R. )* quod *raptor dicitur corruptor, & rapia dicitur corrupta.* Sed raptus dicitur, sive mulier auferatur publice, sive occulte.

**Z** Ergo

Ergo & res possessa rapi dicitur, sive occulte, sive publice rapiatur. Ergo non differunt furtum, & rapina.

Sed contra est quod Philosophus in V. Ethic. (cap. II. in fi.) distinguit furtum a rapina, ponens furtum occultum, rapinam vero violentam.

Respondeo dicendum, quod furtum, & rapina sunt vitia iustitiæ opposita, in quantum aliquis alteri facit iniustum. Nullus autem patitur iniustum volens, ut probatur in V. Eth. (cap. IX. ante med.) Et ideo furtum, & rapina ex hoc habent rationem peccati quod acceptio est involuntaria ex parte eius cui aliquid subtrahitur.

Involuntarium autem dupliciter dicitur, scilicet per ignorantiam, & violentiam, non habetur in III. Ethic. (cap. I.) Et ideo aliam rationem peccati habet rapina, & aliam furtum. Ergo propter hoc differunt specie.

Ad primum ergo dicendum, quod in aliis generibus peccatorum non attenditur ratio peccati ex aliquo involuntario, sicut attenditur in peccatis oppositis iustitiæ: & ideo ubi occurrit diversa ratio involuntarii, est diversa species peccati.

Ad secundum dicendum, quod finis re-motus rapinæ, & furti idem est. Sed hoc non sufficit ad identitatem speciei, quia est diversitas in finibus proximis: raptor enim vult per propriam potestatem obtinere, fur vero per astutiam.

Ad tertium dicendum, quod raptus mulieris non potest esse occultus ex parte mulieris quæ rapitur: & ideo etiam si sit occultus ex parte aliorum, a quibus rapitur, adhuc remanet ratio rapinæ ex parte mulieris, cui violentia inferitur.

## ARTICULUS V. 371

*Utrum furtum semper sit peccatum.*

*Inf. quæst. CXVIII. art. 2. co. & II. dist. XLII. quæst. II. art. 4. cor. & mal. quæst. X. art. 2. cor. & quæst. XV. art. 2. cor. princ.*

**A**D quantum sic proceditur. Videtur quod furtum non semper sit peccatum. Nullum enim peccatum cadit sub præcepto divino: dicitur enim Eccli. xv. 21. *Nemini mandavit impiè agere.* Sed Deus invenitur præcepisse furtum: dicitur enim Exod. xii. 35. *Fecerunt filii Israel, sicut præceperat Dominus Mo-*

*se . . . & expoliaverunt Aegyptios.* Ergo furtum non semper est peccatum.

2. Præterea. Ille qui invenit rem non suam, si eam accipiat, videtur furtum committere, quia accipit rem alienam. Sed hoc videtur esse licitum secundum naturalem æquitatem, ut Iurista dicunt (§. XVII. XXXIX. & XLVI. de rerum divis.) Ergo videtur quod furtum non semper sit peccatum.

3. Præterea. Ille qui accipit rem suam, non videtur peccare; cum non agat contra iustitiam, cuius æqualitatem non tollit. Sed furtum committitur, etiam si aliquis rem suam occulte accipiat ab altero detentam, vel custoditam. Ergo videtur quod furtum non semper sit peccatum.

Sed contra est quod dicitur Exod. xx. 15. *Non furtum facies.*

Respondeo dicendum, quod si aliquis consideret furti rationem, duas rationes peccati in eo inveniet. Primo quidem propter contrarietatem ad iustitiam, quæ reddit unicuique quod suum est: & sic furtum iustitiæ opponitur, in quantum furtum est acceptio rei alienæ.

Secundo ratione doli, seu fraudis, quam fir committit, occulte, & quasi ex insidiis rem alienam usurpando. Unde manifestum est quod omne furtum est peccatum.

Ad primum ergo dicendum, quod accipere rem alienam vel occulte, vel manifeste, auctoritate iudicis hoc decernentis, non est furtum: quia iam fit sibi debitum per hoc quod sententia-liter sibi est adiudicatum. Unde multo minus furtum fuit quod filii Israel tulerunt spolia Aegyptiorum ex præcepto Domini hoc decernentis pro afflictionibus quibus Aegyptii eos sine causa afflixerant: & ideo signanter dicitur Sap. x. 20. *Iusti tulerunt spolia impiorum.*

Ad secundum dicendum, quod circa res inventas est distinguendum. Quædam enim sunt quæ nunquam fuerunt in bonis alicuius, sicut lapilli, & gemmæ quæ inveniuntur in littore maris: & talia occupanti conceduntur: & eadem ratio est de thesauris antiquo tempore sub terra occultatis, quorum non exat aliquis possessor: nisi quod secundum leges civiles tenetur inventor dare medietatem domino agri, si in alieno agro invenerit. Propter quod in parabola Evangelii dicitur Matth. xiii. de inventore thesauri absconditi in agro, quod emit agrum, quali ut haberet ius possidendi totum the-

thesaurum. Quædam vero res inventæ fuerunt de propinquo in alicuius bonis: & tunc si quis eas accipiat non animo retinendi, sed animo restituendi domino, qui eas pro derelictis non habet, non committit furtum: & similiter si pro derelictis habeantur, & hoc credat inventor, licet sibi eas retineat, non committit furtum: alias autem committitur peccatum furti. Unde Augustinus dicit in quadam homil. (serm. xix. de verb. Apost. cap. viii. a med.) & habetur xiv. quæst. v. (cap. vi.) *Si quid invenisti, & non reddidisti, rapuisti.*

Ad tertium dicendum, quod ille qui furtim accipit rem suam apud alium depositam, gravat depositarium, qui tenetur ad restituendam eam, vel ad ostendendum se esse innoxium: unde manifestum est quod peccat, & tenetur ad relevandum gravamen depositarii. Qui vero furtim accipit rem suam apud alium iniuste detentam, peccat quidem: non quia gravet eum qui detinet, & ideo non tenetur ad restituendum aliquid, vel ad recompenandum; sed peccat contra communem iustitiam, dum ipse sibi usurpat suæ rei iudicium, iuris ordine prætermisso. Et ideo tenetur Deo satisficere, & dare operam ut scandalum proximorum, si inde exortum fuerit, sedetur.

## ARTICULUS VI. 373

*Utrum furtum sit peccatum mortale.*

*Locus sup. art. 1. inducitur.*

**A**D sextum sic proceditur. Videtur quod furtum non sit peccatum mortale. Dicitur enim Proverb. vi. 30. *Non grandis est culpa, cum quis furatus fuerit.* Sed omne peccatum mortale est grandis culpa. Ergo furtum non est peccatum mortale.

2. Præterea. Peccato mortali mortis poena debetur. Sed pro furto non infligitur in lege poena mortis, sed solum poena damni, secundum illud Exod. xxi. 1. *Si quis furatus fuerit bovem, aut ovem.... quinque boves pro uno bove restituet, quatuor oves pro una ove.* Ergo furtum non est peccatum mortale.

3. Præterea. Furtum potest committi in parvis rebus, sicut & in magnis. Sed incongruens videtur quod pro furto alicuius parvæ rei (puta unius acus, vel unius pennæ) aliquis puniatur morte æterna. Ergo furtum non est peccatum mortale.

Sed contra est quod nullus damnatur secundum divinum iudicium nisi pro peccato mortali. Condemnatur autem aliquis pro furto, secundum illud Zach. v. 3. *Hec est maledictio quæ egreditur super faciem omnis terræ: quia omnis fur, sicut ibi scriptum est, iudicabitur.* Ergo furtum est peccatum mortale.

Respondetur dicendum, quod, sicut supra habitum est (quæst. xxiv. art. 5. & 1. 2. quæst. lxxii. art. 5. & quæst. lxxxvii. art. 3.) peccatum mortale est quod contrariatur caritati, secundum quod est spiritualis animæ vita.

Caritas autem consistit principaliter quidem in dilectione Dei, secundario vero in dilectione proximi: ad quam pertinet ut proximo bonum velimus, & operemur. Per furtum autem homo inserit nocumentum proximo in suis rebus: & si passim homines sibi invicem furarentur, periret humana societas. Unde furtum, tamquam contrarium caritati, est peccatum mortale.

Ad primum ergo dicendum, quod furtum dicitur non esse grandis culpa, duplici ratione. Primo quidem propter necessitatem inducentem ad furandum; quæ diminuit, vel totaliter tollit culpam, ut infra patebit (art. seq.) Unde subditur: *Furatur enim, ut esurientem impleat animam.* Alio modo dicitur furtum non esse grandis culpa per comparisonem ad reatum adulterii, quod punitur morte. Unde subditur de fure, quod *deprehenso reddet septulum; qui autem adulter est, perdet animam suam.*

Ad secundum dicendum, quod poenæ præsentis vitæ magis sunt medicinales quam retributivæ. Retributio enim reservatur divino iudicio, quod est secundum veritatem in peccantes. Et ideo secundum iudicium præsentis vitæ non pro quolibet peccato mortali infligitur poena mortis, sed solum pro illis quæ interunt irreparabile nocumentum, vel etiam pro illis quæ habent aliquam horribilem deformitatem: & ideo pro furto, quod irreparabile damnum non inserit, non infligitur secundum præsens iudicium poena mortis, nisi ut furtum aggravatur per aliquam gravem circumstantiam, sicut patet de sacrilegio, quod est furtum rei sacræ; & de peculatu, quod est furtum rei communis, ut patet per Augustinum super Ioannem (tract. 50. a med.) & de plagio, quod est furtum hominis, pro quo quis morte punitur, ut patet Exod. xxi.

Ad tertium dicendum, quod illud quod modicum est, ratio apprehendit quasi nihil. Et ideo in his quae minima sunt, homo non reputat sibi nocumentum inferri: & ille qui accipit, potest praesumere hoc non esse contra voluntatem eius cuius est res. Et pro tanto si quis furtive huiusmodi res minimas accipiat, potest excusari a peccato mortali; si tamen habet animum furandi, & inferendi nocumentum proximo, etiam in talibus minimis, potest esse peccatum mortale, sicut & in solo cogitatu per consensum.

## ARTICULUS VII. 374

*Utrum liceat alicui furari propter necessitatem.*

*Inf. quæst. ex. art. 3. ad 4. & IV. dist. xv. quæst. 11. art. 1. quæst. 4. ad 2. & art. 4. quæst. 2. ad 2. & art. 5. quæst. 1. cor.*

**A**D septimum sic proceditur. Videtur quod non liceat alicui furari propter necessitatem. Non enim imponitur poenitentia nisi peccanti. Sed extra, de furtis (can. 111.) dicitur: *Si quis per necessitatem famis, aut nuditatis furatus fuerit cibaria, vestem, vel pecus, poeniteat per hebdomadas tres.* Ergo non licet furari propter necessitatem.

2. Præterea. Philosophus dicit in II. Ethic. (cap. vi. ad fi.) quod: *quædam confessio nominata, convoluta sunt cum malitia*, inter quæ ponit furtum. Sed illud quod est secundum se malum, non potest propter aliquem bonum finem bonum fieri. Ergo non potest aliquis licite furari, ut necessitati suæ subveniat.

3. Præterea. Homo debet diligere proximum sicut seipsum. Sed non licet furari ad hoc quod aliquis per elemosynam proximo subveniat, ut Augustinus dicit in Lib. contra mendacium (cap. vii. cir. med.) Ergo etiam non licet furari ad subveniendum propriæ necessitati.

Sed contra est quod in necessitate sunt omnia communia: & ita non videtur esse peccatum, si aliquis rem alterius accipiat propter necessitatem sibi factam communem.

Respondetur dicendum, quod ea quæ sunt iuris humani, non possunt derogare iuri naturali, vel iuri divino. Secundum autem naturalem ordinem ex divina providentia institutum, res inferiores sunt ordinatæ ad hoc quod ex his subvenia-

tur hominum necessitati. Et ideo per rerum divisionem, & appropriationem ex iure humano procedentem, non impeditur quin hominis necessitati sit subveniendum ex huiusmodi rebus. Et ideo res quas aliqui superabundanter habent, ex naturali iure debentur pauperum sustentationi. Unde Ambrosius dicit (serm. lxxv. de temp. sub fi.) & habetur in Decret. dist. xlvi. (cap. Sicut hi) *Esurientium panis est quem tu detines; nudorum indumentum est quod tu recludis; miserorum redemptio, & absolutio est pecunia quam tu in terram dedisisti.*

Sed quia multi sunt necessitatem patientes, & non potest ex eadem re omnibus subveniri, committitur arbitrio universaliusque dispensatio propriarum rerum, ut ex eis subveniat necessitatem patientibus.

Si tamen adeo sit evidens, & urgens necessitas, ut manifestum sit instanti necessitati de rebus occurrentibus esse subveniendum (puta cum imminet personæ periculum, & aliter subveniri non potest) tunc licite potest aliquis ex rebus alienis suæ necessitati subvenire, si ve manifeste, si ve occulte sublati: nec hoc proprie habet rationem furti, vel rapinæ.

Ad primum ergo dicendum, quod Decretalis illa loquitur in casu in quo non est urgens necessitas.

Ad secundum dicendum, quod uti re aliena occulte accepta in casu necessitatis extremæ, non habet rationem furti, proprie loquendo: quia per talem necessitatem efficitur suum id quod quis accipit ad sustentandam propriam vitam.

Ad tertium dicendum, quod in casu similis necessitas etiam potest quis occulte rem alienam accipere, ut subveniat proximo sic indigenti.

## ARTICULUS VIII. 375

*Utrum rapina possit fieri sine peccato.*

**A**D octavum sic proceditur. Videtur quod rapina possit fieri sine peccato. Præda enim per violentiam accipitur; quod videtur ad rationem rapinæ pertinere, secundum prædicta (art. 4. hu. quæst.) Sed prædam accipere ab hostibus licitum est: dicit enim Ambrosius in Lib. de Patriarchis (seu Lib. I. de Abraham cap. 111. cir. fi.) *Cum præda fuerit in potestate victoris, deest militarem disciplinam ut Regi serventur omnia,* scilicet

scilicet ad distribuendum. Ergo rapina in aliquo casu est licita.

2. Præterea. Licetum est auferre ab aliquo id quod non est eius. Sed res quas infideles habent, non sunt eorum: dicit enim Augustinus in epistola ad Vincentium Donatistam (xciii. al. xlviii. aliquant. ante n.) *Res falso appellatis vestras, quas nec iuste possidetis, & secundum leges terrenorum Regum amittere iussi estis*. Ergo videtur quod ab infidelibus aliquis licite rapere possit.

3. Præterea. Terrarum Principes multa a suis subditis violenter extorquent; quod videtur ad rationem rapinæ pertinere. Grave autem videtur dicere, quod in hoc peccent, quia sic fecerunt omnes Principes damarentur. Ergo rapina in aliquo casu est licita.

Sed contra est quod de quolibet licite accepto potest fieri Deo sacrificium, vel oblatio. Non autem potest fieri de rapina, secundum illud Isa. lxi. 8. *Ego Dominus diligens iudicium, & odio habens rapinam in holocaustum*. Ergo per rapinam aliquid accipere non est licitum.

Respondendo dicendum, quod rapina quædam violentiam, & coactionem importat, per quam contra iustitiam alicui auferitur quod suum est. In societate autem hominum nullus habet coactionem nisi per publicam potestatem: & ideo quicumque per violentiam aliquid alteri aufert, si sit privata persona, non utens publica potestate, illicite agit: & rapinam committit, sicut patet in latronibus.

Principibus vero potestas publica committitur ad hoc quod sint iustitiæ custodes. Et ideo non licet eis violentia, & coactione uti, nisi secundum iustitiæ tenorem; & hoc vel contra hostes, puniendo; vel contra cives, malefactores puniendo: & quod per talem violentiam auferatur, non habet rationem rapinæ, cum non sit contra iustitiam. Si vero contra iustitiam aliqui per publicam potestatem violenter abstulerint res aliorum, illicite agunt, & rapinam committunt, & ad restitutionem tenentur.

Ad primum ergo dicendum, quod circa prædam distinguendum est. Quia si illi qui depradantur hostes, habeant bellum iustum, ea quæ per violentiam in bello acquirunt, eorum efficiuntur: & hoc non habet rationem rapinæ: unde nec ad restitutionem tenentur. Quamvis possint in acceptione prædæ iustum

*5. Tb. Op. Tem. XXII.*

bellum habentes, peccare per cupiditatem ex prava intentione, si scilicet non propter iustitiam, sed propter prædam principaliter pugnent. Dicit enim Augustinus in Lib. de verbis Domini (serm. xix. cir. princ. & hab. cap. *Militare* xxiii. quæst. 1.) quod *propter prædam militare peccatum est*. Si vero illi qui prædam accipiunt, habeant bellum iustum, rapinam committunt, & ad restitutionem tenentur.

Ad secundum dicendum, quod intantum aliqui infideles res suas iniuste possident, inquantum eas secundum leges terrenorum Principum amittere iussi sunt: & ideo ab eis possunt per violentiam subtrahi, non privata auctoritate, sed publica.

Ad tertium dicendum, quod si Principes a subditis exigant quod eis secundum iustitiam debetur propter bonum commune conservandum, etiam violentia adhibeatur, non est rapina. Si vero aliquid Principes indebitè extorqueant per violentiam, rapina est, sicut & latrocinium. Unde dicit Augustinus in IV. de civ. Dei (cap. iv. in princ.) *Remota iustitia, quid sunt regna nisi magna latrocinia? quia & latrocinia quid sunt nisi parva regna?* Et Ezech. xxii. 27. dicitur: *Principes eius in medio eius, quasi lupi rapientes prædam*. Unde ad restitutionem tenentur, sicut & latrones: & tanto gravius peccant quam latrones, quanto periculosius, & communius contra publicam iustitiam agunt, cuius custodes sunt positi.

## ARTICULUS IX. 376

*Utrum furtum sit gravius peccatum quam rapina.*

*Inf. quæst. lxxxiii. art. 3. ad 2. & quæst. cxvi. art. 2. ad 1. & quæst. cxiv. art. 2. ad 4.*

**A**D nonum sic proceditur. Videtur quod furtum sit gravius peccatum quam rapina. Furtum enim super acceptionem rei alienæ habet adiunctam fraudem, & dolum; quod non est in rapina. Sed fraus, & dolus de se habent rationem peccati, ut supra habitum est (quæst. lv. art. 4. & 5.) Ergo furtum est gravius peccatum quam rapina.

2. Præterea. Verecundia est timor de turpi actu, ut dicitur in IV. Ethic. (cap. ult. cir. princ.) Sed magis verecundan-

*Z 3*

*tur*

tur homines de furto quam de rapina. Ergo furtum est turpius quam rapina.

3. Præterea. Quanto aliquod peccatum pluribus nocet, tanto gravius esse videtur. Sed per furtum potest nocementum inferri & magnis, & parvis; per rapinam autem solum impotentibus, quibus potest violentia inferri. Ergo gravius videtur esse peccatum furti quam rapinae.

Sed contra est quod secundum leges gravius punitur rapina quam furtum.

Respondeo dicendum, quod rapina, & furtum habent rationem peccati, sicut supra dictum est (art. 4. & 6. h. quæst.) propter involuntarium, quod est ex parte eius cui aliquid auferitur; ita tamen quod in furto est involuntarium per ignorantiam, in rapina autem est involuntarium per violentiam. Magis est autem aliquid involuntarium per violentiam quam per ignorantiam, quia violentia directius opponitur voluntati quam ignorantia. Et ideo rapina est gravius peccatum quam furtum.

Est & alia ratio, quia per rapinam non solum inferitur alicui damnum in rebus, sed etiam vergit in quamdam personam ignominiam, sive iniuriam: & hoc præponderat fraudi, vel dolo, quæ pertinent ad furtum.

Unde patet responsio ad primum.

Ad secundum dicendum, quod homines sensibilibus inhærentes, magis gloriantur de virtute exteriori, quæ manifestatur in rapina, quam de virtute interiori, quæ tollitur per peccatum: & ideo minus verecundatur de rapina quam de furto.

Ad tertium dicendum, quod licet pluribus possit noceri per furtum quam per rapinam; tamen graviora nocementa possunt inferri per rapinam quam per furtum: unde etiam ex hoc rapina est detestabilior.

## QUAESTIO LXVII.

*De vitis oppositis commutativæ iustitiæ, & primo de iniustitia iudicis, in quatuor articulos divisa.*

**D**einde considerandum est de vitis oppositis commutativæ iustitiæ, quæ (a) consistunt in verbis, quibus læditur proximus: & primo de his quæ pertinent ad iudicium; secundo de nocementis verborum quæ fiunt extra iudicium.

Circa primum quinque consideranda occurrunt. Primo quidem de iniustitia iudicis in iudicando. Secundo de iniustitia accusatoris in accusando. Tercio de iniustitia ex parte rei in sua defensione. Quarto de iniustitia testis in testificando. Quinto de iniustitia advocati in patrocinando.

Circa primum quærentur quatuor. Primo, utrum aliquis possit iuste iudicare eum qui non est sibi subditus.

Secundo, utrum liceat iudici iudicare contra veritatem quam novit, propter ea quæ sibi proponuntur.

Tercio, utrum iudex possit aliquem iuste condemnare non accusatum.

Quarto, utrum licite possit poenam relaxare.

### ARTICULUS I. 377

*Utrum quis possit iuste iudicare eum qui non est sibi subditus.*

*Sup. quæst. lx. art. 6. & IV. dist. xvii. quæst. lxx. art. 3. quæst. 4. & dist. xlviii. quæst. 1. art. 1. corp.*

**A**d primum sic proceditur. Videtur quod aliquis possit iuste iudicare eum qui non est sibi subditus. Dicitur enim Dan. xiii. quod Daniel seniores de falso testimonio convictos suo iudicio condemnavit. Sed illi seniores non erant subditi Danieli; quinimmo ipsi erant iudices populi. Ergo aliquis potest licite iudicare sibi non subditum.

2. Præterea. Christus non erat alicuius hominis subditus; quinimmo ipse erat *Rex regum, & Dominus dominantium*. Sed ipse exhibuit se iudicio hominis. Ergo videtur quod aliquis licite possit iudicare aliquem qui non est subditus eius.

3. Præterea. Secundum iura quilibet fortitur forum secundum rationem delicti. Sed quandoque ille qui delinquit, non est subditus eius ad quem pertinet forum illius loci; puta cum alterius est diocesis, vel cum est exemptus. Ergo videtur quod aliquis possit iudicare eum qui non est sibi subditus.

Sed contra est quod Gregorius super illud Deuter. xxxiii. *Si intraveris segetem* &c. dicit (in Regist. Lib. XII. epist. xxxi. interrogat. 9. & hab. cap. *Scriptum est* vi. quæst. lxxi.) „Falcem iudicii mitte non potes in eam segetem quæ alteri videtur esse commissa.“

Respon-

(a) *Id.* consistit.



Respondeo dicendum, quod sententia iudicis est quasi quædam particularis lex in aliquo particulari facto. Et ideo sicut lex generalis debet habere vim coactivam, ut patet per Philosophum in X. Ethic. (cap. ult.) ita etiam & sententia iudicis debet habere vim coactivam, per quam confringatur utraque pars ad servandam sententiam iudicis: alioquin iudicium non esset efficax. Potestatem autem coactivam non habet licite in rebus humanis, nisi ille qui fungitur publica potestate: & qui ea funguntur, superiores reputantur respectu eorum in quos sicut in subditos potestatem accipiunt, sive habeant ordinariam, sive per commissionem.

Et ideo manifestum est quod nullus potest iudicare aliquem, nisi sit aliquo modo subditus eius vel per commissionem, vel per potestatem ordinariam.

Ad primum ergo dicendum, quod Daniel accepit potestatem ad iudicandum illos seniores quasi commissam ex instinctu divino: quod signatur per hoc quod ibidem dicitur, quod *suscitavit Dominus spiritum pueri iunioris*.

Ad secundum dicendum, quod in rebus humanis aliqui propria sponte possunt se subicere aliorum iudicio, quamvis non sint eis superiores; sicut patet in his qui compromittunt in aliquos arbitros: & inde est quod necesse est arbitrium potestati valli: quia arbitri, qui non sunt superiores, non habent de se plenam potestatem coercendi. Sic ergo & Christus propria sponte humano iudicio se subdidit; sicut etiam & Leo Papa (a) se iudicio Imperatoris subdidit.

Ad tertium dicendum, quod Episcopus in cuius diocesi aliquis delinquit, efficitur superior eius ratione delicti, etiam si sit exemptus; nisi forte delinquat in re aliqua exempta, puta in administratione bonorum alicuius monasterii exempti. Sed si aliquis exemptus committat furtum, vel homicidium, vel aliquid huiusmodi, potest per Ordinarium iuste condemnari.

## ARTICULUS II. 378

*Utrum iudici liceat iudicare contra veritatem quam novit, propter ea quæ in contrarium proponuntur.*

*Sup. quæst. lxxiv. art. 6. ad 3. & lxxv. diff. xxvii. quæst. 1. art. 2. quæst. 4. ad 3. & 3. & quod. v. art. 15. ad 1.*

**A**D secundum sic proceditur. Videtur quod iudici non liceat iudicare contra veritatem quam novit, propter ea quæ in contrarium proponuntur. Dicitur enim Deuter. xvii. 9. *Venies ad iudicem Levitici generis, & ad iudicem qui fuerit illo tempore, quæresque ab eis, qui indicabunt tibi iudicium veritatem*. Sed quandoque aliqua proponuntur contra veritatem, sicut cum aliquid per falsos testes probatur. Ergo non licet iudici iudicare secundum ea quæ proponuntur, & probantur contra veritatem quam ipse novit.

2. Præterea. Homo in iudicando debet divino iudicio conformari: quia Dei iudicium est, ut dicitur Deuter. 1. 17. *Sed iudicium Dei est secundum veritatem*, ut dicitur Rom. 11. & Isa. xli. 3. prædicitur de Christo: *Non secundum visionem oculorum iudicabit, neque secundum auditum aurium arguet; sed iudicabit in iustitia pauperes, & arguet in equitate pro mansuetis terre*. Ergo iudex non debet secundum ea quæ coram ipso probantur, sententiam ferre contra ea quæ ipse novit.

3. Præterea. Idcirco in iudicio probationes requiruntur, ut fides fiat iudici de rei veritate: unde in his quæ sunt notoria, non requiruntur iudicialis ordo, secundum illud I. ad Timoth. v. 24. *Quorundam hominum peccata manifesta sunt præcedentia ad iudicium*. Si ergo iudex per se cognoscit veritatem, non debet attendere ad ea quæ probantur, sed sententiam ferre secundum veritatem quam novit.

4. Præterea. Nomen conscientie importat applicationem scientiæ ad aliquod agibile, ut in I. habitum (quæst. lxxix. art. 13.) Sed facere contra scientiam est peccatum. Ergo iudex peccat, si sententiam ferat secundum allegata contra conscientiam veritatis quam habet.

Sed contra est quod Ambrosius dicit super Psalterium (sc. super Psal. cxviii.

Z 4

(a) Leo quartus nimirum Ludovico Anglico ad purganda crimina coram illo de quibus erat accusatus, ut in Decretis caus. 2. quæst. vii, cap. *Nisi si incomptetur videre est, Nicolaus*.

oñonar. 20. lect. 5. cir. med.) *Bonus iudex nihil ex arbitrio suo facit; sed secundum leges, & iura pronuntiat.* Sed hoc est iudicare secundum ea quæ in iudicio proponuntur, & probantur. Ergo iudex debet secundum huiusmodi iudicare, & non secundum proprium arbitrium.

Respondeo dicendum, quod, sicut dictum est (art. præc. & quæst. lx. art. 2. & 6.) iudicare pertinet ad iudicem, secundum quod fungitur publica potestate: & ideo informari debet in iudicando non secundum id quod ipse novit, tamquam privata persona, sed secundum id quod sibi innoteſcit tamquam personæ publicæ.

Hoc autem innoteſcit sibi & in communi, & in particulari. In communi quidem per leges publicas, vel divinas, vel humanas, contra quas nullas probationes admittere debet; in particulari autem negotio aliquo per instrumenta, & testes, & alia huiusmodi legitima documenta: quæ debet sequi in iudicando magis quam id quod ipse novit tamquam privata persona.

Ex quo tamen ad hoc adiuvari potest ut districtius discutiat probationes indubitas, ut possit earum defectum investigare. Quod si eas non possit de iure repellere, debet, sicut dictum est (hic sup.) eas in iudicando sequi.

Ad primum ergo dicendum, quod ideo præmittitur in illis verbis de questione iudicibus faciendâ, ut intelligatur quod iudicare debent iudices veritatem secundum ea quæ (a) fuerunt sibi propoſita.

Ad secundum dicendum, quod Deo competit iudicare secundum propriam potestatem: & ideo in iudicando informatur secundum veritatem, quam ipse cognoscit: & eadem ratio est de Christo, qui est verus Deus, & homo. Alii autem iudices non iudicant secundum propriam potestatem: & ideo non est similis ratio.

Ad tertium dicendum, quod Apostolus loquitur in casu quando aliquid non solum est manifestum iudici, sed sibi, & aliis; ita quod reus nullo modo crimen inſiciari potest (ut in notoriis,) sed statim ex ipsa evidentia facti convincitur. Si autem sit manifestum iudici, & non aliis, vel aliis, & non iudici, tunc est necessaria iudicis discussio.

Ad quartum dicendum, quod homo in

his quæ ad propriam personam pertinent, debet informare conscientiam suam ex propria scientia; sed in his, quæ pertinent ad publicam potestatem, debet informare conscientiam suam secundum ea quæ in publico iudicio sciri possunt &c.

### ARTICULUS III. 379

*Utrum iudex possit aliquem condemnare, etiam si non sit aliquis accusator.*

*Opusc. xrx. cap. v. fin.*

**A**D tertium sic proceditur. Videtur quod iudex possit aliquem iudicare, etiam si non sit aliquis accusator. Humana enim iustitia derivatur a iustitia divina. Sed Deus peccatores iudicat, etiam si nullus sit accusator. Ergo videtur quod homo possit in iudicio aliquem condemnare, etiam si non adit accusator.

2. Præterea. Accusator requiritur in iudicio ad hoc quod deferat crimen ad iudicem. Sed quandoque potest crimen ad iudicem devenire alio modo quam per accusationem, sicut per denuntiationem, vel per infamiam, vel etiam si ipse iudex videat. Ergo iudex potest aliquem condemnare absque accusatore.

3. Præterea. Facta Sanctorum in Scripturis narrantur, quasi quedam exemplaria humanæ vitæ. Sed Daniel simul fuit accusator, & iudex contra iniquos senes, ut patet Dan. xiii. Ergo non est contra iustitiam, si aliquis aliquem condemnet tamquam iudex, & ipsemet sit accusator.

Sed contra est quod I. ad Cor. v. Ambrosius (super illud, *Et vos inflati* &c. & hab. in Decr. caus. 2. quæst. 1. cap. *De manifesta*) exponens sententiam Apostoli de fornicatore dicit, quod *iudicis non est sine accusatore damnare: quia Dominus Iudam, cum fuisset fur, quia non est accusatus, minime abiecit.*

Respondeo dicendum, quod iudex est interpret iustitiæ. Unde, sicut Philosophus dicit in V. Ethic. (cap. xv. ante med.) *homines ad iudicem confugiunt sicut ad quandam iustitiam animatam.* Iustitia autem, sicut supra dictum est (quæst. lviij. art. 2.) non est ad seipsum, sed ad alterum. Et ideo oportet quod iudex inter aliquos duos diiudicet: quod quidem fit, cum unus est actor, & alius est reus.

Et ideo in criminibus non potest aliter.

quem iudicio condemnare iudex, nisi habeat accusatorem, secundum illud A.R. xxv. 16. *Non est consuetudo Romanis damnare aliquem hominem, priusquam is qui accusatur, praesentes habeat accusatores, et locumque defendendi accipiat ad loquenda crimina quae ei obiciuntur.*

Ad primum ergo dicendum, quod Deus in suo iudicio utitur conscientia peccantis, quasi accusatore, secundum illud Rom. II. 15. *(a) Inter se invicem cogitationum accusantium, aut etiam defendentium: vel etiam evidentiæ facti, quantum ad ipsum, secundum illud Genes. xv. 10. Vox sanguinis fratris tui Abel clamat ad me de terra.*

Ad secundum dicendum, quod publica infamia habet locum accusatoris. Unde super illud Gen. IV. *Vox sanguinis fratris tui &c.* dicit Glossa (interl.) „Evidentiæ perpetrati sceleris accusatore non eget.“ In denuntiatione vero, sicut supra dictum est (quaest. xxxiii. art. 7.) non intenditur punitio peccantis, sed emendatio: & ideo nihil agitur contra eum cuius peccatum denuntiatur, sed pro eo: & ideo non est ibi necessarius accusator. Pœna autem infertur propter rebellionem ad Ecclesiam, quæ quia est manifesta, tenet locum accusatoris. Ex eo autem quod ipse iudex videt, non potest procedere ad sententiam ferendam, nisi secundum ordinem publici iudicii, quod tenet locum accusatoris.

Ad tertium dicendum, quod Deus in suo iudicio procedit ex propria notitia veritatis, non autem homo, ut supra dictum est (art. præc.) & ideo homo non potest simul esse accusator, & testis, & iudex, sicut Deus. Daniel autem accusator fuit simul, & iudex, quasi divini iudicii executor, cuius instinctu movebatur, ut dictum est (art. 1. huius quaest. ad 1.)

#### ARTICULUS IV. 380

*Utrum iudex licite possit pœnam relaxare.*

III. P. quaest. xlv. art. 2. ad 3. & I. dist. xliii. quaest. II. art. 2. ad 5. & IV. dist. xlv. quaest. I. art. 2. quaest. 2. & quaest. II. art. 1. & quaest. III. art. 1.

**A**D quartum sic proceditur. Videtur quod iudex licite possit pœnam relaxare. Dicitur enim Iacobi II. 13. *Iudicium sine misericordia ei qui non facit*

*miseriçordiam.* Sed nullus punitur propter hoc quod non facit illud quod licite facere non potest. Ergo quilibet iudex potest licite misericordiam facere, relaxando pœnam.

2. Præterea. Iudicium humanum debet imitari iudicium divinum. Sed Deus poenitentibus relaxat pœnam: quia *non vult mortem peccatoris*, ut dicitur Ezech. xlviii. Ergo etiam homo iudex potest poenitenti licite relaxare pœnam.

3. Præterea. Unicuique licet facere quod alicui prodest, & nulli nocet. Sed absolvere reum a pœna prodest ei, & nulli nocet. Ergo iudex licite potest reum a pœna absolvere.

Sed contra est quod dicitur Deut. xlii. 8. de eo qui persuadet servire diis alienis: *Non parcat ei oculus tuus, ut miseraris, & occules eum, sed statim interficies eum: & de homicida dicitur Deut. xix. 12. Moriatur, nec miseraberis eius.*

Respondeo dicendum, quod, sicut ex dictis patet (art. 2. & 3. præc.) duo sunt, quantum ad propositum pertinet, circa iudicem considerata: quorum unum est quod ipse habet iudicare inter accusatorem, & reum; aliud autem est quod ipse non fert iudicii sententiam, quæ ex propria, sed quasi ex publica potestate.

Duplici ergo ratione impeditur iudex ne reum a pœna absolvere possit. Primo quidem ex parte accusatoris, ad cuius ius quandoque pertinet ut reus puniatur; puta propter aliquam iniuriam in ipsum commissam, cuius relaxatio non est in arbitrio alicuius iudicis, quia quilibet iudex tenetur ius suum reddere unicuique. Alio modo impeditur ex parte reipublicæ, cuius potestate fungitur; ad cuius bonum pertinet quod malefactores puniantur.

Sed tamen quantum ad hoc, differt inter inferiores iudices, & supremum iudicem, scilicet Principem, cui est plenarie potestas publica commissæ. Iudex enim inferior non habet potestatem absolviendi reum a pœna contra leges a superiore sibi impositas. Unde super illud Ioan. xix. *Non haberes adversum me potestatem ullam*, dicit Augustinus (tract. cxvi. parum a med.) „Talem Deus de-  
„derat Pilato potestatem, ut esset sub  
„Cæsaris potestate, ne ei omnino libe-  
rum esset accusatum absolvere.“ Sed

Prin-

(a) *Valgata*: inter se invicem cogitationibus accusantibus, aut etiam defendentibus.

Princeps, qui habet plenariam potestatem in republica, si ille qui passus est iniuriam, velit eam remittere, poterit reum licite absolvere, si hoc publicae utilitati viderit non esse nocivum.

Ad primum ergo dicendum, quod misericordia iudicis habet locum in his quae arbitrio iudicis relinquuntur; in quibus boni viri est ut sit diminutivus poenarum, sicut Philosophus dicit in V. Ethic. (cap. x. circ. fin.) In his autem quae sunt determinata secundum legem divinam, vel humanam, non est suum misericordiam tacere.

Ad secundum dicendum, quod Deus habet supremam potestatem iudicandi; & ad ipsum pertinet quicquid contra aliquem peccatur: & ideo liberum ei est poenam remittere; praecipue cum peccato ex hoc poena maxime debeatur quod est contra ipsum. Non tamen remittit poenam, nisi secundum quod decet suam bonitatem, quae est omnium legum radix.

Ad tertium dicendum, quod iudex, si inordinate poenam remitteret, nocumentum inferret communitati; cui expedit ut maleficia puniantur, ad hoc quod peccata vitentur; unde Deut. XIII. 11. post poenam seductoris subditur: *Ut omnis Israel audiens timeat, & nequaquam ultra faciat quippiam huius rei simile*. Noceret etiam personae cui est illata iniuria; quae recompensationem accipit per quamdam restitutionem honoris in poena iniuriantis.

## QUAESTIO LXVIII.

*De pertinentibus ad iniustam accusationem.*

*in quatuor articulis divisa.*

Postea considerandum est de his quae pertinent ad iniustam accusationem: & circa hoc quaeruntur quatuor.

Primo, utrum homo accusare teneatur.

Secundo, utrum accusatio sit facienda in scriptis.

Tertio, quomodo accusatio sit vitiosa.

Quarto, qualiter male accusantes sint puniendi.

## ARTICULUS I. 381

*Utrum homo teneatur ad accusandum.*

Ad primum sic proceditur. Videtur quod homo non teneatur ad accusandum. Nullus enim excusatur ab impletionem divini praeccepti propter peccatum: quia iam ex suo peccato commodum reportaret. Sed aliqui propter peccatum redduntur inhabiles ad accusandum, sicut excommunicati, infames, & illi qui sunt de maioribus criminibus accusati, prius quam innoxii demonstrentur. Ergo homo non tenetur ex praeccepto divino ad accusandum.

2. Praeterea. Omne debitum ex caritate dependet, quae est finis praeccepti: unde dicitur Rom. XIII. 8. *Nemini quicquam debeatis, nisi ut invicem diligatis*. Sed illud quod est caritatis, homo debet omnibus maioribus, & minoribus, subditis, & praelatis. Cum ergo subditi non debeant praelatos accusare, nec minores suos maiores, ut per plura capitula probatur II. quaest. VII. videtur quod nullus ex debito teneatur accusare.

3. Praeterea. Nullus tenetur contra fidelitatem agere, quam debet amico: quia non debet alteri facere quod sibi non vult fieri. Sed accusare aliquem quandoque est contra fidelitatem, quam quis debet amico: dicitur enim Prov. XI. 13. *Qui ambulat fraudulenter, revelat arcana*; qui autem fidelis est, celat amici commissum. Ergo homo non tenetur ad accusandum.

Sed contra est quod dicitur Levit. V. 1. *Si peccaverit anima, & audierit vocem iurantis, testisque fuerit quod aut ipse vidit, aut conscius est, nisi indicaverit, portabit iniquitatem suam*.

Respondeo dicendum, quod, sicut supra dictum est (quaest. XXXIII. art. 6. & 7. & quaest. praec. art. 3. ad 2.) haec est differentia inter denuntiationem, & accusationem, quia in denuntiatione attenditur emendatio fratris, in accusatione autem attenditur punicio criminis. Poenae autem praesentis vitae non per se expetuntur, quia non est hic ultimum retributionis tempus; sed inquantum sunt medicinales, conferentes vel ad emendationem personae peccantis, vel ad bonum reipublicae, cuius quies procuratur per punitionem peccantis: quorum primum intenditur in denuntiatione, ut dictum est (quaest. XXXIII. art. 7.) secundum autem

antem proprie pertinet ad accusationem.

Et ideo si crimen fuerit tale, quod vergat in detrimentum reipublicæ, tenetur homo ad accusationem; dummodo sufficienter possit probare, quod pertinet ad officium accusatoris; puta cum peccatum alicuius vergit in multitudinis corruptelam corporalem, seu spirituales. Si autem non fuerit tale peccatum quod in multitudinem redundet, vel etiam si sufficientem probationem adhibere non possit, non tenetur ad intentandam accusationem: quia ad hoc nullus tenetur quod non potest debito modo perficere.

Ad primum ergo dicendum, quod nihil prohibet, per peccatum reddi aliquem impotentem ad ea quæ homines facere tenentur; sicut ad merendum vitam æternam, & ad assumendum ecclesiastica sacramenta. Nec tamen ex hoc homo reportat commodum; quinimmo deficere ab eis quæ tenetur facere, est gravissima pœna, quia virtuosus actus sunt quædam hominis perfectiones.

Ad secundum dicendum, quod subditi prælatos suos accusare prohibentur, qui non affectione caritatis, sed sua pravitate vitam eorum diffamare, & reprehendere querunt: vel etiam si subditi accusare volentes fuerint criminosi, ut habetur 11. quæst. vii. (cap. Clericis, & seq.) alioquin si fuerint alias idonei ad accusandum, licet subditis ex caritate suos prælatos accusare.

Ad tertium dicendum, quod revelare secreta in malum personæ, est contra fidelitatem; non autem si revelentur propter bonum commune, quod semper præferendum est bono privato. Et ideo contra bonum commune nullum secretum licet recipere. Nec tamen omnino est secretum quod per sufficientes testes potest probari.

## ARTICULUS II. 382

*Utrum sit necessarium accusationem in scriptis fieri.*

IV. dist. xix. quæst. 11. art. 3. quæst. 1. ad 4. & dist. xxxv. art. 3. ad 6. & quod. xxi. art. 13. cor.

**A**D secundum sic proceditur. Videtur quod non sit necessarium accusationem in scriptis fieri. Scriptura enim adin-

venta est ad subveniendum humanæ memoriæ circa præterita. Sed accusatio in presenti agitur. Ergo accusatio scriptura non indiget.

2. Præterea. 11. quæst. viii. (cap. Per scripta) dicitur: *Nullus absens accusare potest, nec ab aliquo accusari.* Sed scriptura ad hoc videtur esse utilis, ut absentibus aliquid significetur, ut patet per Augustinum X. de Trinit. (cap. 1. aliquant. a princ.) Ergo in accusatione non est necessaria scriptura; præsertim cum canon dicat, quod *per scripta nullius accusatio suscipiatur.*

3. Præterea. Sicut crimen alicuius manifestatur per accusationem, ita per denuntiationem. Sed in denuntiatione non est scriptura necessaria. Ergo videtur quod neque etiam in accusatione.

Sed contra est quod dicitur 11. quæst. viii. (cap. 1.) *Accusatorum persone sine scripto nunquam recipiantur.*

Respondeo dicendum, quod, sicut supra dictum est (quæst. præc. art. 3.) quando in criminibus per modum accusationis agitur, accusator constituitur pars; ita quod iudex inter accusatorem, & eum qui accusatur, medius constituitur ad examen iustitiæ; in quo oportet, quantum possibile est, secundum certitudinem procedere. Quia vero ea quæ verbo tenus dicuntur, facile labuntur memoria, non posset iudici esse certum, quid, & qualiter dictum sit, cum debet proferre sententiam, nisi esset in scriptis redactum.

Et ideo rationabiliter institutum est ut accusatio, sicut & alia quæ in iudicio aguntur, redigatur in scriptis.

Ad primum ergo dicendum, quod difficile est singula verba propter eorum multitudinem, & varietatem retinere: cuius signum est quod multi eadem verba audientes (a) si interrogarentur, non referrent ea similiter, etiam post modicum tempus. Et cum modica verborum differentia sensum variet, ideo etiam si post modicum debeat iudici sententia promulgari, expedit tamen ad certitudinem iudicii quod accusatio redigatur in scriptis.

Ad secundum dicendum, quod scriptura non solum necessaria est propter absentiam personæ quæ significat, vel cui est aliquid significandum, sed etiam propter dilationem temporis, ut dictum est (in

(a) Ita cum mss. edit. omnes post Nicolaum: tantum ex eis Tarsus, & Alcan. habent & Interrogantur, non referent. Editio Rom. aliquæ veteres: si Interrogantur, non referent ea. Similiter etiam cum modica verborum differentia &c. Nicolaus: non referent ea similiter post modicum tempus.

( in solut. præc. ) Et ideo cum dicat canon, *Per scripta nullius accusatio suscipiatur*, intelligendum est de absente (a) qui per scripta accusationem mittat; non tamen excluditur quin cum præsens fuerit, necessaria sit scriptura.

Ad tertium dicendum, quod denunciator non obligat se ad probandum: unde nec punitur, si probare nequiverit. Et propter hoc in denuntiatione non est necessaria scriptura; sed sufficit, si aliquis verbo denuntiet Ecclesiae, quæ ex officio suo procedet ad fratris emendationem.

## ARTICULUS III. 383

*Utrum accusatio reddatur iniusta propter calumniam, prævaricationem, & tergiversationem.*

**A**D tertium sic proceditur. Videtur quod accusatio non reddatur iniusta propter calumniam, prævaricationem, & tergiversationem. Quia, sicut dicitur 11. quæst. 111. ( in append. Grat. post cap. viii. ) *calumniari est falsa crimina intendere*. Sed quandoque aliquis alteri falsum crimen obicit ex ignorantia facti, quæ excusat. Ergo videtur quod non semper reddatur iniusta accusatio, si sit calumniosa.

2. Præterea. Ibidem dicitur, quod *prævaricari est vera crimina abscondere*. Sed hoc non videtur esse illicitum: quia homo non tenetur ad omnia crimina detegenda, ut supra dictum est ( art. 1. huius quæst. & quæst. xxxiiii. art. 7. ) Ergo videtur quod accusatio non reddatur iniusta ex prævaricatione.

3. Præterea. Sicut ibidem dicitur, *tergiversari est in universum ab accusatione desistere*. Sed hoc, absque iniustitia fieri potest: dicitur enim ibidem ( cap. viii. caus. 11. quæst. 111. ) *Si quem pœnituerit criminaliter accusationem, & inscriptionem fecisse de eo quod probare non poterit, si cum accusato innocente convenit, invicem se absolvant*. Ergo accusatio non redditur iniusta per tergiversationem.

Sed contra est quod ibidem dicitur ( in appendice ad cap. cit. ) *Accusatorum temeritas tribus modis detegitur: aut enim calumniatur, aut prævaricantur, aut tergiversantur*.

Respondeo dicendum, quod, sicut dictum est ( art. 1. huius quæst. ) accusatio ordinatur ad bonum commune, quod intenditur per cognitionem criminis. Nullus autem debet nocere alicui iniuste, ut bonum commune promoveat. Et ideo in accusatione duplici ratione contingit esse peccatum. Uno modo ex eo quod aliquis iniuste agit contra eum qui accusatur, crimina falsa ei imponendo; quod est calumniari.

Alio modo ex parte reipublicæ, cuius bonum principaliter intenditur in accusatione, dum aliquis impedit malitiose punitionem peccati. Quod iterum dupliciter contingit. Uno modo fraudem in accusatione adhibendo; & hoc pertinet ad prævaricationem: nam *prævaricator* dicitur quasi *varicator*, qui adversam partem adiuvat, prodita causa sua. Alio modo totaliter ab accusatione desistendo; quod est tergiversari: in hoc enim quod desistit ab hoc quod coeperat, quasi tergum vertere videtur.

Ad primum ergo dicendum, quod homo non debet ad accusationem procedere nisi de re omnino sibi certa, in qua ignorantia facti locum non habeat: nec tamen qui falsum crimen alicui imponit, calumniatur, sed solum qui ex malicia in falsam accusationem prorumpit. Contingit enim quandoque ex animi levitate ad accusationem procedere, quia scilicet aliquis nimis facili ter credit quod audit: & hoc temeritatis est. Aliquando autem ex iusto errore movetur aliquis ad accusandum. Quæ omnia secundum prudentiam iudicis debent discerni, (b) ut non pronuntiet eum calumniatum fuisse qui ex levitate animi, vel ex iusto errore in falsam accusationem prorupit.

Ad secundum dicendum, quod non quicumque abscondit vera crimina, prævaricatur; sed solum qui fraudulentè abscondit ea de quibus accusationem proponit, colludens cum reo, proprias probationes dissimulando, & falsas excusationes admittendo.

Ad tertium dicendum, quod tergiversari est ab accusatione desistere omnino, animum accusandi deponendo, non qualitercumque, sed inordinate. Contingit autem aliquem ab accusatione desistere ordinate absque vizio, dupliciter. Uno modo in ipso accusationis processu, si cognoverit esse falsum id de quo accusavit:

(a) Ita in cod. eibus Throgl. & Nicolai. In cod. Alcan. legit Madelena ab absente qui peremptum (ut est in edit. Rom.) vel præsumptam accusationem mittit. Edit. Patav. qui per epistolam. (b) Ita post Gratianum editi postea. Codices uti sunt prorumpat.

vit: & sic pari consensu se absolvunt accusator, & reus. Alio modo, si Princeps, ad quem pertinet cura boni communis, quod per accusationem intenditur, accusationem aboleverit.

ARTICULUS IV. 384

*Utrum accusator qui in probatione defecerit, teneatur ad poenam talionis.*

IV. dist. xli. art. 5. quæst. 2. ad 1. & quod. xi. art. 13. corp.

**A**D quantum sic proceditur. Videtur quod accusator qui in probatione defecerit, non teneatur ad poenam talionis. Contingit enim quandoque aliquem ex iusto errore ad accusationem procedere: in quo casu iudex accusatorem absolvit, ut dicitur 11. quæst. 111. (cap. *Si quem pœnitueris*.) Non ergo accusator qui in probatione defecerit, teneatur ad poenam talionis.

2. Præterea. Si poena talionis ei qui iniuste accusat, sit iniungenda, hoc erit propter iniuriam in aliquem commissam. Sed non propter iniuriam commissam in personam accusati, quia sic Princeps non posset hanc poenam remittere: nec etiam propter iniuriam illatam in reipublicam, quia sic accusatus non posset eum absolvere. Ergo poena talionis non debetur ei qui in accusatione defecerit.

3. Præterea. Eidem peccato non debetur duplex poena, secundum illud Nabum 1. *Non iudicabit Deus bis in idipsum*. Sed ille qui in probatione defecit, incurrit poenam infamiae, quam etiam Papa non videtur posse remittere, secundum illud Gelasii Papæ (id hab. Callistus II. epist. 11. cap. v. to. 1. Concil. vid. append. Grat. ad cap. *Euphemium*, 11. quæst. 111.) *Quamquam animas per pœnitentiam salvare possimus, infamiam tamen abolere non possumus*. Non ergo tenetur ad poenam talionis.

Sed contra est quod Hadrianus I. Papa dicit (in Capitulari cap. 111. to. 6. Concil. & hab. cap. 111. quæst. 111.) *Qui non probaverit quod obicit, poenam quam intulit, ipse patiatur*.

Respondetur dicendum, quod, sicut supra dictum est (art. 2. huius quæst.) accusator in causa accusationis constituitur pars, intendens ad poenam accu-

sati. Ad iudicem autem pertinet ut inter eos iustitiæ æqualitatem constituat. Iustitiæ autem æqualitas hoc requirit ut nocumentum quod quis alteri intendant, ipse patiatur, secundum illud Exod. xxi. 24. *Oculum pro oculo, dentem pro dente*. Et ideo iustum est ut ille qui per accusationem aliquem in periculum gravis poenæ inducit, ipse etiam similem poenam patiatur.

Ad primum ergo dicendum, quod, sicut Philosophus dicit in V. Ethic. (cap. v. a princ.) in iustitia non semper competit *contrapassum* simpliciter: quia multum differt an aliquis voluntarie, vel involuntarie alium lædat. Voluntario autem debetur poena, sed involuntario debetur venia. Et ideo quando iudex cognoverit aliquem de falso accusasse, non volentate nocendi, sed involuntarie propter ignorantiam ex iusto errore, non imponit poenam talionis.

Ad secundum dicendum, quod ille qui male accusat, peccat & contra personam accusati, & contra reipublicam: unde propter utrumque puniatur. Et hoc est quod dicitur Deut. xix. 18. *Cumque diligentissime perquirantes invenerint, saluum testem dixisse contra fratrem suum mendacium, reddens ei sicut fratri suo facere cogitavit*: quod pertinet ad iniuriam personæ. Et postea, quantum ad iniuriam reipublicæ, subditur: *Et auferet malum de medio tui, ut audientes ceteri timorem habeant, & nequaquam talia audiant facere*. Specialiter tamen personæ accusati facit iniuriam, si de falso accusat. Et ideo accusatus, si innocens fuerit, potest ei iniuriam suam remittere; maxime si non calumniose accusaverit, sed ex animi levitate. (a) Si vero ab accusatione innocentis defuit propter aliquam collusionem cum adversario, facit iniuriam reipublicæ: & hoc non potest ei remitti ab eo qui accusatur, sed potest ei remitti per Principem, qui curam Reipublicæ gerit.

Ad tertium dicendum, quod poenam talionis meretur accusator in recompensationem nocumenti quod proximo inferre intendant; sed poena infamiae ei debetur propter malitiam, ex qua calumniose alium accusavit. Et quandoque quidem Princeps remittit poenam, & non abolet infamiam; quandoque autem etiam infamiam.

(a) Ita cum mss. plurimis editiones omnes præter Patav. an. 1712. que habet nocentis. In cod. Alcan. obsecro scribitur, ut legi possit confusionem, vel confusione. Theodori aut suis ecclesiis hanc sententiam cavere erant. Si vero ab accusatione innocentis defuit propter aliquam collusionem, potest ei remitti ab eo qui accusatur, si vero ab accusatione nocentis defuit propter aliquam collusionem &c.

infamiam abolet : unde & Papa potest huiusmodi infamiam abolere . Et quod dicit Papa Gelasius , *Infamiam abolere non possumus* , intelligendum est de infamia facti : vel quia eam abolere aliquando non expedit ; vel etiam loquitur de infamia irrogata per iudicem civilem , sicut dicit Gratianus ( loc. cit. in arg. )

### QUAESTIO LXIX.

*De peccatis quae sunt contra iustitiam ex parte rei ,*

*in quatuor articulos divisa .*

**D**Einde considerandum est de peccatis quae sunt contra iustitiam ex parte rei : & circa hoc quaeruntur quatuor .

Primo , utrum peccet aliquis mortaliter , veritatem negando , per quam condemnaretur .

Secundo , utrum liceat alicui se calumniose defendere .

Tertio , utrum liceat alicui iudicium subterfugere appellando .

Quarto , utrum liceat alicui condemnato per violentiam se defendere , si adit facultas .

### ARTICULUS I. 385

*Utrum absque peccato mortali possit accusatus veritatem negare , per quam condemnaretur .*

*IV. dist. XVII. quest. I. art. 1. quest. 2. ad 1. & 3. & dist. XIX. quest. 1. art. 3. quest. 1. ad 5. & quest. 2. corp.*

**A**D primum sic proceditur . Videtur quod absque peccato mortali possit accusatus veritatem negare , per quam condemnaretur . Dicit enim Chrysostomus ( hom. xxxi. sup. epist. ad Hebr. a med. ) *Non tibi dico ut te prodas in publicum , neque apud alium accuses* . Sed si veritatem confiteretur in iudicio accusatus , seipsum proderet , & accusaret . Non ergo tenetur veritatem dicere ; & ita non peccat mortaliter , si in iudicio mentitur .

2. Praeterea . Sicut mendacium officiosum est quando aliquis mentitur , ut alium a morte liberet ; ita mendacium officiosum esse videtur quando aliquis mentitur , ut se liberet a morte : quia plus sibi tenetur quam alteri . Mendacium autem officiosum non ponitur esse peccatum mortale , sed veniale . Ergo si accusatus

veritatem in iudicio neget , ut se a morte liberet , non peccat mortaliter .

3. Praeterea . Omne peccatum mortale est contra caritatem , ut supra dictum est ( quest. xxiv. art. 12. ) Sed quod accusatus mentitur , excusando se a peccato sibi imposito , non contrariatur caritati neque quantum ad dilectionem Dei , neque quantum ad dilectionem proximi . Ergo huiusmodi mendacium non est peccatum mortale .

Sed contra . Omne quod est contrarium divinae gloriae , est peccatum mortale : quia ex precepto tenemur *omnia in gloriam Dei facere* , ut patet 1. ad Cor. x. Sed quod reus id quod contra se est , confiteatur , pertinet ad gloriam Dei , ut patet per illud quod Iosue dixit ad Acham : *Fili mi , da gloriam Domino Deo Israel , & confitere* , atque indica mihi quid feceris , ne abscondas . ut habetur Iosue VII. 19. Ergo mentiri ad excusandum peccatum est peccatum mortale .

Respondeo dicendum , quod quicumque facit contra debitum iustitiae , mortaliter peccat , sicut supra dictum est ( quest. lxx. art. 4. ) Pertinet autem ad debitum iustitiae quod aliquis obediat suo superiori in his ad quae ius praelationis se extendit . Iudex autem , ut supra dictum est ( quest. lxxvii. art. 1. ) superior est respectu eius qui iudicatur . Et ideo ex debito tenetur accusatus iudici veritatem exponere , quam ab eo secundum formam iuris exigit . Et ideo si confiteri noluerit veritatem quam dicere tenetur , vel si eam mendaciter negaverit , mortaliter peccat .

Si vero iudex hoc exquirat quod non potest secundum ordinem iuris , non tenetur ei accusatus respondere ; sed potest vel per appellationem , vel aliter licite subterfugere . Mendacium tamen dicere non licet .

Ad primum ergo dicendum , quod quando aliquis secundum ordinem iuris a iudice interrogatur , non ipse se prodit , sed ab alio proditur ; dum ei necessitas respondendi imponitur per eum cui obedire tenetur .

Ad secundum dicendum , quod mentiri ad liberandum aliquem a morte cum iniuria alterius , non est mendacium simpliciter officiosum , sed habet aliquid de pernicioso admixtum . Cum autem aliquis mentitur in iudicio ad excusationem sui , iniuriam facit ei cui obedire tenetur , dum sibi denegat quod ei debet , scilicet confessionem veritatis .

Ad



Ad tertium dicendum, quod ille qui mentitur in iudicio, se excusando, facit & contra dilectionem Dei, cuius est iudicium, & contra dilectionem proximi, tum ex parte iudicis, cui debitum negat, tum ex parte accusatoris, qui punitur, si in probatione deficiat. Unde & in Psalm. cxi. 4. dicitur: *Ne declines cor meum in verba malitiae ad excusandas excusationes in peccatis*: ubi dicit Glossa (ord. Cassiod.) „Hæc est consuetudo impudentium, ut deprehensi per aliqua falsa se excusent.“ Et Gregorius XXII. Moral. (cap. ix. in princ.) exponens illud Iob xxxi. *Si abscondi quasi homo peccatum meum*, dicit: „Ultimum humani generis vitium est & latendo peccatum committere, & commissum negando abscondere, & convitiis cum defendendo multiplicare.“

## ARTICULUS II. 386

*Utrum accusato liceat calumniose se defendere.*

*Inf. art. 3. corp.*

**A**D secundum sic proceditur. Videtur quod accusato liceat calumniose se defendere. Quia secundum iura civilia (l. *Transfigere* C. de Transactionib.) in causa sanguinis licitum est cuilibet adversarium suum corrumpere. Sed hoc maxime est calumniose se defendere. Ergo non peccat accusatus in causa sanguinis, si calumniose se defendat.

2. Præterea. Accusator cum accusato colludens pœnam recipit a legibus constitutam, ut habetur II. quæst. xii. (cap. *Si quem panituris*.) Non autem imponitur pœna accusato per hoc quod cum accusatore colludit. Ergo videtur quod liceat accusato calumniose se defendere.

3. Præterea. Prov. xiv. 16. dicitur: *Sapiens timet, & declinat a malo; stultus autem transiit, & confidit*. Sed illud quod fit per sapientiam, non est peccatum. Ergo si aliquis qualitercumque se liberet a malo, non peccat.

Sed contra est quod in causa criminali iuramentum de calumnia est præstandum, ut habetur extra de iuramento calumniæ, cap. *Inherentes*: quod non esset, si calumniose se defendere liceret. Ergo non est licitum accusato calumniose se defendere.

Respondetur dicendum, quod aliud est veritatem tacere, aliud est falsitatem

proponere. Quorum primum in aliquo casu licet: non enim aliquis tenetur omnem veritatem confiteri, sed illam solum quam ab eo potest, & debet requirere iudex secundum ordinem iuris; puta cum præcessit infamia super aliquo crimine, vel aliqua expressa indicia apparuerunt, vel etiam cum præcessit probatio semiplena. Falsitatem tamen proponere in nullo casu licet alicui. Ad id autem quod licitum est, potest aliquis procedere vel per vias licitas, & fini intento accommodas, quod pertinet ad prudentiam; vel per aliquas vias illicitas, & propolito fini incongruas, quod pertinet ad astutiam, quæ exercetur per fraudem, & dolum, ut ex supra dictis patet (quæst. lv. art. 4. & 5.) Quorum primum est laudabile, secundum vero vitiosum.

Sic ergo reo qui accusatur, licet se defendere, veritatem occultando, quam confiteri non tenetur, per aliquos convenientes modos, puta quod non respondeat ad quæ respondere non tenetur. Hoc autem non est calumniose se defendere, sed magis prudenter evadere.

Non autem licet ei vel falsitatem dicere, vel veritatem tacere quam confiteri tenetur, neque etiam aliquem dolum, vel fraudem adhibere: quia fraus, & dolum vim mendacii habent: & hoc est calumniose se defendere.

Ad primum ergo dicendum, quod multa secundum leges humanas impunita relinquuntur quæ secundum divinum iudicium sunt peccata, sicut patet de simpliciter fornicatione: quia lex humana non exigit ab homine omnimodam virtutem, quæ paucorum est, & non potest inveniri in tanta multitudine populi, quantum lex humana habet necesse sustinere. Quod autem aliquis non velit aliquod peccatum committere, ut mortem corporalem evadat, cuius periculum in causa sanguinis imminet reo, est perfectæ virtutis: quia omnium terribilium maxime terribile est mors, ut dicitur in III. Ethic. (cap. vi. a med.) Et ideo si reus in causa sanguinis corruptat adversarium suum, peccat quidem inducendo eum ad illicitum; non autem huic peccato lex civilis adhibet pœnam: & pro tanto licitum esse dicitur.

Ad secundum dicendum, quod accusator, si colludat cum reo, qui noxius est, pœnam incurrit: ex quo patet quod peccat. Unde cum inducere aliquem ad peccandum sit peccatum, vel qualitercumque.

cumque peccati participem esse, cum Apostolus dicat (Rom. i.) dignos morte eos qui peccantibus consentiunt; manifestum est quod etiam reus peccat cum adversario colludendo; non tamen sciendum leges humanas imponitur sibi pena propter rationem iam dictam (in solut. præc.)

Ad tertium dicendum, quod sapiens non abscondit se calumniose, sed prudenter.

### ARTICULUS III. 387

*Utrum reo liceat iudicium per appellationem declinare.*

**A**D tertium sic proceditur. Videtur quod reo non liceat iudicium declinare per appellationem. Dicit enim Apostolus Rom. xiii. 1. *Omnis anima potestati sublimioribus subdita sit.* Sed reus appellando recusat subiaci potestati superiori, scilicet iudici. Ergo peccat.

2. Præterea. Maius est vinculum ordinariæ potestatis quam propriæ electionis. Sed, sicut legitur ii. quæst. vi. (cap. xxxiii.) *a iudicibus quos communis consensus elegit, non licet provocare.* Ergo multo minus licet appellare a iudicibus ordinariis.

3. Præterea. Illud quod semel est licitum, semper est licitum. Sed non est licitum appellare post decimum diem, neque tertio super eodem. Ergo videtur quod appellatio non sit secundum se licita.

Sed contra est quod Paulus Cæsarem appellavit, ut habetur Act. xxv.

Respondeo dicendum, quod duplici de causa contingit aliquem appellare. Uno quidem modo confidentia iustæ causæ, quia videlicet iniuste a iudice gravatur: & sic licitum est appellare: hoc enim est prudenter evadere. Unde ii. quæst. vi. (cap. lxi.) dicitur: *Omnis oppressus libere sacerdos, si voluerit, appellet iudicium, & a nullo prohibeatur.*

Alio modo aliquis appellat causa afferendæ moræ, ne contra eum iusta sententia proferatur: & hoc est calumniose se defendere: quod est illicitum, sicut dictum est (art. præc.) facit enim iniuriam & iudici, cuius officium impedit, & adversario suo, cuius iustitiam, quantum potest, perturbat. Et ideo, sicut dicitur ii. quæst. vi. (cap. xxvii.) *omni modo puniendus est cuius appellatio iniusta pronuntiatur.*

Ad primum ergo dicendum, quod potestati inferiori intantum aliquis subiacet, inquantum ordinem superioris servat: a quo si exorbitaverit, ei subiacet non oportet: puta si aliud iusserit Proconsul, & aliud Imperator, ut patet per Glossam Rom. xiii. (ord. sup. illud, *Qui autem resistunt*: & est Aug. serm. vi. de verb. Dom. cap. viii.) Cum autem iudex aliquem iniuste gravat, quantum ad hoc relinquit ordinem superioris potestatis, secundum quam necessitas sibi iuste iudicandi imponitur. Et ideo licitum est ei qui contra iustitiam gravatur, ad directionem superioris potestatis recurrere, appellando vel ante sententiam, vel post. Et quia non præsumitur esse reus, ubi vera fides non est, ideo non licet Catholico ad infidelem iudicem appellare, secundum illud ii. quæst. vi. (cap. xxxii.) *Catholicus qui causam suam sine iustam, sine iniustam ad iudicium alterius fidei iudicis provocaverit, excommunicatur.* Nam & Apostolus (I. Cor. vi.) arguit eos qui iudicio contendebant apud infideles.

Ad secundum dicendum, quod ex proprio defectu, vel negligentia procedit quod aliquis sua sponte se alterius iudicio subiaciat de cuius iustitia non condidit. Levis etiam animi esse videtur ut non permaneat in eo quod semel approbavit. Et ideo rationabiliter denegatur subsidium appellationis a iudicibus arbitrariis, qui non habent potestatem nisi ex consensu litigantium. Sed potestas iudicis ordinarii non dependet ex consensu illius qui eius iudicio subditur, sed ex auctoritate Regis, & Principis, qui eum instituit. Et ideo contra eum iniustum gravamen lex tribuit appellationis subsidium; ita quod etiam si sit simul ordinarius, & arbitrarius iudex, potest ab eo appellari: quia videtur ordinaria potestas occasio fuisse quod arbitri eligeretur. Nec debet ad defectum imputari eius qui consentit in eum sicut in arbitrum, non ut in eum quem Princeps iudicem ordinarium dedit.

Ad tertium dicendum, quod æquitas iuris ita subvenit uni parti, quod altera non gravetur: & ideo tempus decem dierum concessit ad appellandum, quod sufficiens æstimavit ad deliberandum an expediat appellare. Si vero non esset determinatum tempus, in quo appellare liceret, semper certitudo iudicii remaneret in suspensio; & ita pars altera damnificaretur. Ideo autem non est concessum

cessum ut tertio aliquis appellet super eodem, quia non est probabile, toties indices a recto iudicio declinare.

## ARTICULUS IV. 388

*Utrum liceat condemnato ad mortem se defendere, si possit.*

**A**D quartum sic proceditur. Videtur quo liceat condemnato ad mortem se defendere, si possit. Illud enim ad quod natura inclinatur, semper est licitum, quasi de iure naturali existens. Sed naturae inclinatio est ad resistendum corruptentibus, non solum in hominibus, & animalibus, sed etiam in insensibilibus rebus. Ergo licet reo condemnato resistere, si potest, ne tradatur in mortem.

2. Præterea. Sicut aliquis sententiam mortis contra se latam subterfugit resistendo, ita etiam fugiendo. Sed licitum erit videtur quod aliquis se a morte per fugam liberet, secundum illud Eccli. ix. 18. *Longe esto ab homine potestatem habente occidendi.* Ergo etiam licitum est reo resistere.

3. Præterea. Proverb. xxiv. 11. dicitur: *Erue eos qui ducuntur ad mortem; & eos qui trahuntur ad interitum, liberare ne cesses.* Sed plus tenetur aliquis sibi quam alteri. Ergo licitum est quod aliquis condemnatus seipsum defendat, ne in mortem tradatur.

Sed contra est quod dicit Apostolus Rom. xiii. 2. *Qui potestati resistit, Dei ordinationi resistit, & ipse sibi damnationem acquirit.* Sed condemnatus se defendendo potestati resistit, quantum ad hoc in quo est divinitus instituta ad vindictam malefactorum, laudem vero bonorum. Ergo peccat se defendendo.

Respondendo dicendum, quod aliquis damnatur ad mortem dupliciter. Uno modo iuste; & sic non licet condemnato se defendere: licitum enim est iudici eum resistentem impugnare; unde relinquitur quod ex parte eius sit bellum iniustum: unde indubitanter peccat.

Alio modo condemnatur aliquis iniuste: & tale iudicium simile est violentie latronum, secundum illud Ezech. xxi. 27. *Principes eius in medio illius, quasi lupi rapientes prædam ad effundendum sanguinem.* Et ideo sicut licet resistere latronibus; ita licet resistere in tali casu malis Principibus: nisi forte propter scandalum vitandum, cum

*5. Th. Op. Tom. XXII.*

ex hoc aliqua gravis turbatio timeatur.

Ad primum ergo dicendum, quod ideo homini data est ratio, ut ea ad quæ natura inclinatur, non passim, sed secundum rationis ordinem exequatur. Et ideo non qualibet defensione sui est licita, sed solum quæ sit cum debito moderamine.

Ad secundum dicendum, quod nullus ita condemnatur quod ipse sibi inferat mortem, sed quod ipse mortem patitur: & ideo non tenetur facere id unde mors sequatur, quod est manere in loco, unde ducatur ad mortem; tenetur tamen non resistere agenti, quin patiatur quod iustum est eum pati: sicut etiam si aliquis sit condemnatus ut hunc moriatur, non peccat, si cibum sibi oculee ministratum sumat, quia non sumere esset seipsum occidere.

Ad tertium dicendum, quod per illud dictum Sapientis non inducitur aliquis ad liberandum alium a morte contra ordinem iustitiae: unde nec seipsum contra iustitiam resistendo aliquis debet liberare a morte.

## QUAESTIO LXX.

*De iniustitia pertinente ad personam testis, in quatuor articulos divisa.*

**D**Einde considerandum est de iniustitia pertinente ad personam testis: & circa hoc quaeruntur quatuor.

Primo, utrum homo teneatur ad testimonium ferendum.

Secundo, utrum duorum, vel trium testimonium sufficiat.

Tercio, utrum alicuius testimonium repellatur absque eius culpa.

Quarto, utrum perhibere falsum testimonium sit peccatum mortale.

## ARTICULUS I. 389

*Utrum homo teneatur ad testimonium ferendum.*

*Inf. art. 3. ad 3.*

**A**D primum sic proceditur. Videtur quod homo non teneatur ad testimonium ferendum. Dicit enim Augustinus in Q. Genes. (Lib. I. quæst. xxvi. & Lib. XXII. cont. Faust. cap. xxxiii.) quod Abraham dicens de uxore sua, *Soror mea est*, veritatem celari voluit, non mendacium dici. Sed veritatem celando

*A a do*

do aliquis a testificando abstinere. Ergo non tenetur aliquis ad testificandum.

2. Præterea. Nullus tenetur fraudulenter agere. Sed Proverb. xi. 13. dicitur: *Qui ambulat fraudulentè, revelat arcana; qui autem fidelis est, celat amici commissum*. Ergo non tenetur homo semper ad testificandum, præsertim super his quæ sunt sibi in secreto ab amico commissæ.

3. Præterea. Ad ea quæ sunt de necessitate salutis, maxime tenentur clerici, & sacerdotes. Sed clericis, & sacerdotibus prohibetur ferre testimonium in causa sanguinis. Ergo testificari non est de necessitate salutis.

Sed contra est quod Augustinus dicit (hab. ex lisd. Lib. III. sentent. cap. lxx. vid. cap. Falsidicus, de crimine falsi) *Qui veritatem occultat, & qui dicit mendacium, uterque reus est: ille, quia prodesset non vult; iste, quia nocere desiderat*.

Respondeo dicendum, quod in testimonio ferendo distinguendum est: quia aliquando requiritur testimonium alicuius, aliquando non requiritur. Si requiritur testimonium alicuius subditi auctoritate superioris, cui in his quæ ad iusticiam pertinent, obedire tenetur, non est dubium quin teneatur testimonium ferre in his in quibus secundum ordinem iuris testimonium ab eo exigitur; puta in manifestis, & in his de quibus infamia præcessit. Si autem exigitur ab eo testimonium in aliis, puta in occultis, & de quibus infamia non præcessit, non tenetur ad testificandum.

Si vero requiratur eius testimonium non auctoritate superioris, cui obedire tenetur, tunc distinguendum est. Quia si testimonium requiratur ad liberandum hominem vel ab iniusta morte, seu poena quacunque, vel a falsa infamia, vel ab aliquo damno; tunc tenetur homo ad testificandum.

Et si eius testimonium non requiratur, tenetur facere quod in se est, ut veritatem denuntiet alicui, qui ad hoc possit prodesse. Dicitur enim in Psal. lxxx. 4. *Eripere pauperem, & egenum de manu peccatoris liberare*: & Proverb. xxiv. 11. *Erue eos qui ducuntur ad mortem*: & Rom. x. 32. dicitur: *Digni sunt morte, non solum qui faciunt, sed etiam qui consentiunt facientibus*: ubi dicit Glossa (Ambrosius in hunc loc. apud Petrum Lombardum in comm.) *Consentire est tacere, cum possis redarguere*.

Super his vero quæ pertinent ad condemnationem alicuius, non tenetur aliquis ferre testimonium nisi cum a superiore compellitur secundum ordinem iuris: quia si circa hoc veritas occultetur, nulli ex hoc speciale damnum nascitur: vel si imminet periculum accusatori, non est curandum, quia ipse in hoc periculum sponte se ingessit. Alia autem ratio est de reo, cui periculum imminet eo nolente.

Ad primum ergo dicendum, quod Augustinus loquitur de occultatione veritatis in casu illo quando aliquis non compellitur superioris auctoritate veritatem propagare, & quando occultatio veritatis est nulli specialiter damnosa.

Ad secundum dicendum, quod de illis quæ homini sunt commissæ in secreto per confessionem, nullo modo debet testimonium ferre: quia huiusmodi non scit ut homo, sed tanquam Dei minister; & maius est vinculum sacramenti quolibet hominis præcepto. Circa ea vero quæ aliter homini sub secreto committuntur, distinguendum est. Quandoque enim sunt talia quæ statim cum ad noticiam hominis venerint, homo ea manifestare tenetur; puta si pertinent ad corruptionem multitudinis spirituales, vel corporales, vel in grave damnum alicuius personæ, vel si quid aliud est huiusmodi, quod quis propagare tenetur vel testificando, vel denuntiando: & contra hoc debitum obligari non potest per secreti commissum, quia in hoc transgeret fidem quam alteri debet. Quandoque vero sunt talia quæ quis prode re non tenetur: unde potest obligari ex hoc quod sibi sub secreto committuntur: & tunc nullo modo tenetur ea prodere, etiam ex præcepto superioris: quia servare fidem est de iure naturali; nihil autem potest præcipi homini contra id quod est de iure naturali.

Ad tertium dicendum, quod operari, vel cooperari ad occisionem hominis, non competit ministris altaris, ut supra dictum est (quæst. lxxv. art. 4.) & ideo secundum iuris ordinem compelli non possunt ad ferendum testimonium in causa sanguinis.

## ARTICULUS II. 390

*Utrum sufficiat duorum, vel trium testimonium.*

**A**D secundum sic proceditur. Videtur quod non sufficiat duorum, vel trium testimonium. Iudicium enim certitudinem requirit. Sed non habetur certitudo veritatis per dictum duorum testimonium: legitur enim III. Regum XXI. quod Naboth ad dictum duorum testimonium falso condemnatus est. Ergo duorum, vel trium testimonium non sufficit.

2. Præterea. Testimonium ad hoc quod sit credibile, debet esse concors. Sed plerumque duorum, vel trium testimonium in aliquo discordat. Ergo non est efficax ad veritatem in iudicio probandam.

3. Præterea. II. quest. LV. (cap. II.) dicitur: *Præsul non damnatur, nisi septuaginta duobus testibus; Presbyter autem Cardinalis, (a) nisi senaginta quatuor testibus non damnabitur; Diaconus Cardinalis urbis Rome, nisi (b) in viginti septem testibus non condemnabitur; Subdiaconus, Acolytus, Exorcista, Lector, Ostiarius, nisi cum septem testibus non condemnabitur.* Sed magis est periculum peccatum eius qui in maiori dignitate constitutus est; & ita minus est tolerandum. Ergo nec in aliorum condemnatione sufficit duorum, vel trium testimonium.

Sed contra est quod dicitur Deuter. XVII. 6. *In ore duorum, vel trium testimonium peribit qui interficietur: & inf. XIX. 15. In ore duorum, vel trium testimonium stabit omne verbum.*

Respondeo dicendum, quod secundum Philosophum in I. Ethic. (cap. III. in princ. & cap. VII. cir. fi.) certitudo non est similiter querenda in omni materia. In actibus enim humanis, super quibus constituuntur iudicia, & exiguntur testimonia, non potest haberi certitudo demonstrativa, eo quod sunt circa contingencia, & variabilia: & ideo sufficit probabilis certitudo, quæ ut in pluribus veritatem attingat, etsi in paucioribus a veritate deficiat.

Est autem probabile quod magis veritatem contineat dictum multorum quam dictum unius: & ideo cum reus sit unus

qui negat, sed multi testes asserant idem cum actore; rationabiliter institutum est de iure divino, & humano quod dictum testimonium stetur.

Omnis autem multitudo in tribus comprehenditur, scilicet principio, medio, & fine. Unde secundum Philosophum in I. de celo (tex. 2.) *omne & totum in tribus ponimus.* Ternarius quidem constituitur asserentium, cum duo testes conveniunt cum actore: & ideo requiritur binarius testimonium, vel ad maiorem certitudinem ut sit ternarius, qui est multitudo perfecta in ipsis testibus. Unde & Eccle. IV. 12. dicitur: *Funiculus triplex difficile rumpitur.* Augustinus autem super illud Ioan. VIII. *Duorum hominum testimonium verum est,* dicit (tract. XXXVI. vers. fi.) quod, in hoc est Trinitas festum, cum mysteriorum commendata, in qua est perpetua firmitas veritatis.

Ad primum ergo dicendum, quod quantacumque multitudo testimonium determinaretur, posset quandoque testimonium esse iniquum; cum scriptum sit Exod. XXIII. 2. (c) *Ne sequeris turbam ad faciendum malum.* Nec tamen quia non potest in talibus infallibilis certitudo haberi, debet negligi certitudo quæ probabiliter haberi potest per duos, vel per tres testes, ut dictum est (in corp.)

Ad secundum dicendum, quod discordia testimonium in aliquibus principalibus circumstantiis, quæ variant substantiam facti, puta in tempore, vel in loco, vel in personis, de quibus principaliter agitur, aufert efficaciam testimonii: quia si discordant in talibus, videntur singulares esse in suis testimoniis, & de diversis factis loqui; puta si unus dicat hoc factum esse tali tempore, vel loco, alius alio tempore, vel loco, non videntur de eodem facto loqui. Non tamen præiudicatur testimonio, si unus dicat le non recordari, & alius asserat determinatum tempus, vel locum. Et si in talibus omnino discordaverint testes actoris, & rei, si sint æquales numero, & pares dignitate, statim pro reo: quia facilius debet esse iudex ad absolvendum quam ad condemnandum; nisi forte in causis favorabilibus, sicut est causa libertatis, & huiusmodi. Si vero testes eiusdem partis dissenserint, debet iudex ex motu sui animi percipere cui parum sit

A a 2

fit

(a) Ita communis. Al. nisi quadraginta quatuor (quod habent codices passim in ceteris, & dicitur modernis Decretis, & Ivo Carnotensis part. VI. cap. CCCXIV) testibus non deponatur. (b) Al. in viginti octo, item triginta sex. In edit. Nicetianæ typographice error est. Presbyter autem Cardinalis urbis Rome nisi in viginti septem testibus non condemnabitur; Subdiaconus &c. alii omitti. (c) Valgaria non sequentia.

fit standum, vel ex numero testium, vel ex dignitate eorum, vel ex favorabilitate causæ, vel ex conditione negotii, & dictorum. Multo autem magis testimonium unius repellitur, si sibiipsum diffideat interrogatus de visu, & scientia; non autem si diffideat interrogatus de opinione, & fama: quia potest secundum diversa visa, & audita diversimodum esse ad respondendum. Si vero sit discordia testimonii in aliquibus circumstantiis non pertinentibus ad substantiam facti, puta si tempus fuerit nubilosum, vel serenum, vel si domus fuerit picta, aut non, aut aliquid huiusmodi; talis discordia non præiudicat testimonio: quia homines non consueverunt circa talia multum sollicitari, unde facile a memoria elabuntur: quinimodo aliqua discordia in talibus facit testimonium credibilius, ut Chrysostomus dicit super Matth. (hom. 1. aliquant. a princ.) quia si in omnibus concordarent, etiam in minimis, viderentur ex condito eundem sermonem proferre: quod tamen prudentiæ iudicis relinquitur discernendum.

Ad tertium dicendum, quod illud locum habet specialiter in Episcopis Presbyteris, Diaconis, & Clericis Ecclesiæ Romanæ propter eius dignitatem. Et hoc triplici ratione. Primo quidem quia in ea tales institui debent, quorum sanctitati plus credatur quam multis testibus. Secundo quia homines qui habent de aliis iudicare, sæpe propter iustitiam multos adversarios habent: unde non est passim credendum testibus contra eos, nisi magna multitudo conveniat. Tertio quia ex condemnatione alicuius eorum derogaretur in opinione hominum dignitati illius Ecclesiæ, & auctoritati: quod est periculosius quam in ea tolerare aliquem peccatorem, nisi valde publicum, & manifestum, de quo grave scandalum oriretur.

### ARTICULUS III. 391

*Utrum alicuius testimonium sit absque eius culpa repellendum.*

**A**D tertium sic proceditur. Videtur quod alicuius testimonium non sit repellendum nisi propter culpam. Quibusdam enim in penam infligitur quod ad testimonium non admittantur, sicut patet in his qui infamia notantur. Sed poena non est inferenda nisi pro culpa.

Ergo videtur quod nullius testimonium debeat repelli nisi propter culpam.

2. Præterea. De quolibet præsumendum est bonum, nisi appareat contrarium. Sed ad bonitatem hominis pertinet quod verum testimonium dicat. Cum ergo non possit constare de contrario, nisi propter aliquam culpam, videtur quod nullius testimonium debeat repelli nisi propter culpam.

3. Præterea. Ad ea quæ sunt de necessitate salutis, nullus redditur non idoneus nisi propter peccatum. Sed testificari veritatem est de necessitate salutis, ut supra dictum est (art. 1. hu. quæst.). Ergo nullus debet excludi a testificando nisi propter culpam.

Sed contra est quod Gregorius dicit (in Regist. Lib. XI. epist. lvi. a med.) & habetur 11. quæst. r. (cap. In primis: ) *Quod autem dicitur a servis suis accusatus Episcopus, sciendum est, quia audiri minime debuerunt.*

Respondeo dicendum, quod testimonium, sicut dictum est (art. præc.) non habet infallibilem certitudinem, sed probabilem. Et ideo quicquid est quod probabilitatem afferat in contrarium, reddit testimonium inefficax.

Redditur autem probabile quod aliquis in veritate testificanda non sit firmus: quandoque quidem propter culpam, sicut infideles, & intemes, item illi qui publico crimine rei sunt, qui nec accusare possunt: quandoque autem absque culpa; & hoc est vel ex defectu rationis, sicut patet in pueris, amentibus, & mulieribus; vel ex affectu, sicut patet de inimicis, & personis coniunctis, & domesticis; vel etiam ex exteriori conditione, sicut sunt pauperes, servi, & illi quibus imperari potest, de quibus probabile est quod de facili possunt induci ad testimonium ferendum contra veritatem.

Et sic patet quod testimonium alicuius repellitur & propter culpam, & absque culpa.

Ad primum ergo dicendum, quod repellere aliquem a testimonio, magis pertinet ad cautelam falsi testimonii vitandi, quam ad poenam. Unde ratio non sequitur.

Ad secundum dicendum, quod de quolibet præsumendum est bonum, nisi appareat contrarium; dummodo non vergat in periculum alterius: quia tunc est adhibenda cautela ut non de facili unicuique credatur, secundum illud

I. Ioan.

I. Ioan. IV. 1. *Nolite credere omni spiritui.*

Ad tertium dicendum, quod testificari est de necessitate salutis, supposita testis idoneitate, & ordine iuris. Unde nihil prohibet aliquos excusari a testimonio ferendo, si non reputentur idonei secundum iura.

## ARTICULUS IV. 392

*Utrum falsum testimonium semper sit peccatum mortale.*

**A**D quartum sic proceditur. Videtur quod falsum testimonium non semper sit peccatum mortale. Contingit enim aliquem falsum testimonium ferre ex ignorantia facti. Sed talis ignorantia excusat a peccato mortali. Ergo testimonium falsum non semper est peccatum mortale.

2. Præterea. Mendacium quod alicui prodest, & nulli nocet, est officiosum; quod non est peccatum mortale. Sed quandoque in falso testimonio est tale mendacium; puta cum aliquis falsum testimonium perhibet, ut aliquem a morte liberet, vel ab iniusta sententia, quæ intentatur per aliquos falsos testes, vel per iudicis perversitatem. Ergo tale falsum testimonium non est peccatum mortale.

3. Præterea. Iuramentum a teste requiritur, ut timeat peccare mortaliter peierando. Hoc autem non esset necessarium, si ipsum falsum testimonium esset peccatum mortale. Ergo falsum testimonium non semper est peccatum mortale.

Sed contra est quod dicitur Proverb. XIX. 5. *Falsus testis non erit impunitus.*

Respondetur dicendum, quod falsum testimonium habet triplicem deformitatem. Uno modo ex periurio, quia testes non admittuntur nisi iurati: & ex hoc semper est peccatum mortale.

Alio modo ex violatione iustitiæ: & hoc modo est peccatum mortale in suo genere, sicut & quælibet iniustitia. Et ideo in præcepto Decalogi sub hac forma interdicitur falsum testimonium, cum dicitur Exod. xx. 16. *Non loqueris contra proximum tuum falsum testimonium: non enim contra aliquem facis qui cum ab iniuria faciendâ impedit, sed solum qui ei suam iustitiam tollit.*

Tertio modo ex ipsa falsitate, secundum quod omne mendacium est peccatum. *S. Tb. Oper. Tom. XXII.*

tum: & ex hoc non habet falsum testimonium quod semper sit peccatum mortale.

Ad primum ergo dicendum, quod in testimonio ferendo non debet homo pro certo asserere, quasi sciens, id de quo certus non est; sed dubium debet sub dubio proferre, & id de quo certus est, pro certo asserere. Sed quia contingit ex labilitate humanæ memoriæ quod reputat se homo quandoque certum esse de eo vi quod falsum est, si aliquis cum lebita sollicitudine recogitans, æstimet se certum esse de eo quod falsum est, non peccat mortaliter hoc asserens: quia non dicit falsum testimonium per se, & ex intentione, sed per accidens contra id quod intendit.

Ad secundum dicendum, quod iniustum iudicium non est iudicium: & ideo ex vi iudicii falsum testimonium in iniusto iudicio prolatur, ad iniustitiam impediendam, non habet rationem peccati mortalis, sed solum ex iuramento violato.

Ad tertium dicendum, quod homines maxime abhorrent peccata quæ sunt contra Deum, quasi gravissima; inter quæ est periurium: non autem ita abhorrent peccata quæ sunt contra proximum: & ideo ad maiorem certitudinem testimonii requiritur testis iuramentum.

## QUAESTIO LXXI.

*De iniustitia, quæ fit in iudicio ex parte advocatorum,*

*in quatuor articulos divisa.*

**P**OSTEA considerandum est de iniustitia quæ fit in iudicio ex parte advocatorum. & circa hoc quaeruntur quatuor.

Primo, utrum advocatus teneatur præstare patrocinium causæ pauperum.

Secundo, utrum aliqui debeant arce-ri ab officio advocati.

Tertio, utrum advocatus peccet iniustam causam defendendo.

Quarto, utrum peccet pecuniam accipiendo pro suo patrocinio.

## ARTICULUS I. 393

*Utrum advocatus teneatur prestare patrociniū causæ pauperum.*

*Inf. art. 4. corp. & ad 1.*

**A**D primum sic proceditur. Videtur quod advocatus teneatur prestare patrociniū causæ pauperum. Dicitur enim Exod. xxiii. 5. *Si videris asinum odientis te iacere sub onere, non pertransibis, sed sublevaris cum eo.* Sed non minus periculum imminet pauperi; si eius causa contra iustitiam opprimatur, quam si eius asinus iaceat sub onere. Ergo advocatus teneatur prestare patrociniū causæ pauperum.

2. Præterea. Gregorius dicit in quadam hom. (ix. in Evang. ad fi.) *Habens intellectum, curet omnino ne saceat: habens rerum affluentiam, a misericordia non torpescat: habens artem qua regitur, usum illius cum proximo parviatur: habens loquendi locum apud divitem, pro pauperibus intercedat: talenti enim nomine cuilibet reputabitur quod vel minimum accepit.* Sed talentum commissum non abscondere, sed fideliter dispensare quilibet tenetur: quod patet ex poena servi abscondentis talentum, Matth. xxv. Ergo advocatus tenetur pro pauperibus loqui.

3. Præterea. Præceptum de misericordiæ operibus adimplendis, cum sit affirmativum, obligat pro loco, & tempore, quod est maxime in necessitate. Sed tempus necessitatis videtur esse quando alicuius pauperis causa opprimitur. Ergo in tali casu videtur quod advocatus teneatur pauperibus patrociniū prestare.

Sed contra. Non minor necessitas est indigentis cibo, quam indigentis advocato. Sed ille qui habet potestatem citandi, non semper tenetur pauperem cibare. Ergo nec advocatus semper tenetur causæ pauperum patrociniū prestare.

Respondendo dicendum, quod cum prestare patrociniū causæ pauperum ad opus misericordiæ pertineat, idem est hic dicendum quod & supra de aliis operibus misericordiæ dictum est (quaest. xxxii. art. 5. & 6.)

Nullus autem sufficit omnibus indigentibus misericordiæ opus impendere. Et ideo, sicut Augustinus dicit in I. de doctr. christi. (cap. xxviii.) *cum omni-*

*bus prodesse non possit, his potissime consulendum est qui pro locorum, & temporum, vel quarumlibet rerum opportunitatibus, consiliiis tibi quasi quadam sorte iunguntur.* Dicit, pro locorum opportunitatibus, quia non tenetur homo perambulando, quaerere indigentes, quibus subveniat; sed sufficit, si eis qui sibi occurrunt, misericordiæ opus impendat. Unde dicitur Exod. xxiii. 4. *Si occurreris bovi inimici tui, aut asino erranti, redue ad eum.* Addit autem, & temporum, quia non tenetur homo futuræ necessitati alterius providere; sed sufficit, si præsentī necessitati succurrat. Unde dicitur I. Ioan. iii. 17. *Qui viderit fratrem suum necessitatem habentem, & clauserit viscera sua ab eo, quomodo caritas Dei manet in eo?* Subdit autem, vel quarumlibet rerum: quia homo sibi coniunctis quacunque necessitudine maxime debet curam impendere, secundum illud I. ad Timoth. v. 8. *Si quis suorum, & maxime domesticorum curam non habet, fidem negavit.*

Quibus tamen concurrentibus, considerandum restat, utrum aliquis tantam necessitatem patiatur, quod non in promptu appareat quomodo ei possit aliter subveniri: & in tali casu tenetur ei opus misericordiæ impendere. Si autem in promptu appareat quomodo aliter ei subveniri possit vel per seipsum, vel per aliam personam magis coniunctam, aut maiorem facultatem habentem; non tenetur ex necessitate indigenti subvenire, ita quod non faciendo peccet; quamvis si subveniret abique tali necessitate, laudabiliter faciat. Unde advocatus non tenetur semper causæ pauperum patrociniū prestare, sed solum concurrentibus conditionibus prædictis: alioquin oportet eum omnia alia negotia prætermittere, & solis causis pauperum iuvandis intendere.

Et idem dicendum est de medico quantum ad curationem pauperum.

Ad primum ergo dicendum, quod quando asinus iacet sub onere, non potest ei aliter subveniri in casu isto, nisi per advenientes subveuiatur: & ideo tenetur invare. Non autem tenerentur, si posset aliunde remedium afferri.

Ad secundum dicendum, quod homo talentum sibi creditum tenetur utiliter dispensare, servata opportunitate locorum, & temporum, & aliarum rerum, ut dictum est (in corp. art.)

Ad tertium dicendum, quod non quolibet necessitas causat debitum sub-



veniendi, sed solum illa quæ est di-  
cta.

## ARTICULUS II. 394

*Utrum convenienter aliqui secundum iura  
arceantur ab officio advocandi.*

*Inf. quæst. cxxxviii. art. 3. ad 2.*

**A**D secundum sic proceditur. Videtur  
quod inconvenienter aliqui secun-  
dum iura arceantur ab officio advocan-  
di. Ab operibus enim misericordiæ nul-  
lus debet arceri. Sed patrocinium præ-  
stare in causis, ad opera misericordiæ  
pertinet, ut dictum est (art. præc.) Ergo  
nullus debet ab hoc officio arceri.

2. Præterea. Contrariarum causarum  
non videtur esse idem effectus. Sed esse  
deditum rebus divinis, & esse deditum  
peccatis, est contrarium. Inconvenien-  
ter ergo excluduntur ab officio advoca-  
ti quidam propter religionem, ut mo-  
nachi, & clerici; quidam autem propter  
culpam, ut infames, & hæretici.

3. Præterea. Homo debet diligere pro-  
ximum sicut seipsum. Sed ad officium  
dilectionis pertinet quod aliquis advoca-  
tus causæ alicuius patrocinetur. Incon-  
venienter ergo aliqui, quibus concedi-  
tur pro seipso auctoritas advocacionis,  
prohibentur patrocinari causis aliorum.

Sed contra est quod *iii. quæst. vii.*  
(cap. *Infames*) multæ personæ arceantur  
ab officio postulandi.

Respondeo dicendum, quod aliquis  
impeditur ab aliquo actu duplici ratione:  
uno modo propter impotentiam; alio mo-  
do propter indecentiam. Sed impoten-  
tia simpliciter excludit aliquem ab actu;  
indecentia autem non excludit omni-  
no, quia necessitas indecentiam tollere  
potest.

Sic ergo ab officio advocatorum pro-  
hibentur quidam propter impotentiam,  
eo quod deficiunt sensu, vel interiori,  
sicut furiosi, & imberbes, vel exteriori,  
sicut surdi, & muti. Est enim ne-  
cessaria advocato & interior peritia, qua  
possit convenienter iustitiam assumptæ  
causæ ostendere, & iterum loquela cum  
auditu, ut possit pronuntiare, & audi-  
re quod ei dicitur. Unde qui in his defe-  
ctum patiuntur, omnino prohibentur ne  
sint advocati nec pro se, nec pro aliis.

Decentia autem huius officii exercendi  
tollitur dupliciter. Uno modo ex hoc  
quod aliquis est rebus maioribus obliga-  
tus. Unde monachos, & presbyteros non

debet in quacumque causa advocatos es-  
se, neque clericos in iudicio sæculari;  
quia huiusmodi personæ sunt rebus divi-  
nis adstrictæ.

Alio modo propter personæ defectum,  
vel corporalem, ut patet de cæcis, qui  
convenienter iudicio affare non possent,  
vel spirituales, non enim debet ut al-  
terius iustitiæ patronus existat qui in sei-  
pso iustitiam contempsit. Et ideo infam-  
es, infideles, & damnati de gravibus  
criminibus non decenter sunt advocati.

Tamen huiusmodi indecentiæ neces-  
sitas præfertur. Et propter hoc huiusmo-  
di personæ possunt pro seipsis, vel pro  
personis sibi coniunctis uti officio advoca-  
ti. Unde & clerici pro Ecclesiis suis  
possunt esse advocati, & monachi pro  
causa monasterii sui, si Abbas præcepe-  
rit.

Ad primum ergo dicendum, quod ab  
operibus misericordiæ interdum propter  
indecentiam impediuntur aliqui, & ali-  
qui propter impotentiam. Non enim om-  
nia opera misericordiæ omnes decet;  
sicut stultos non debet consilium dare,  
neque ignorantes docere.

Ad secundum dicendum, quod sicut  
virtus corrumpitur per superabundan-  
tiam, & defectum; ita aliquis fit inde-  
cens & per maius, & per minus. Et  
propter hoc quidam arceantur a patroci-  
nio præstando in causis, quia sunt ma-  
iores tali officio, sicut religiosi, & cle-  
rici; quidam vero, quia sunt minores  
quam ut eis hoc officium competat, sic-  
ut infames & infideles.

Ad tertium dicendum, quod non ita  
imminet homini necessitas patrocinari  
causis aliorum sicut propriis, quia aliis pos-  
sunt sibi aliter subvenire: unde non est  
similis ratio.

## ARTICULUS III. 395

*Utrum advocatus peccet, si iniustam  
causam defendat.*

**A**D tertium sic proceditur. Videtur  
quod advocatus non peccet, si ini-  
ustam causam defendat. Sicut enim o-  
stenditur peritia medici, si infirmitatem  
desperatam sanet, ita etiam ostenditur  
peritia advocati, si iniustam causam de-  
fendere possit. Sed medicus laudatur, si  
infirmitatem desperatam sanet. Ergo et-  
iam advocatus non peccat, sed magis  
laudandus est, si iniustam causam de-  
fendat.

A 2 4

2. Præ-

2. Præterea . A quolibet peccato licet desistere . Sed advocatus punitur , si causam suam (a) prodiderit , ut habetur II. quæst. III. ( in append. Grat. ad cap. Si quem pœnituerit . ) Ergo advocatus non peccat iniustam causam defendendo , si eam defendendam susceperit .

3. Præterea . Maius videtur esse peccatum , si iniustitia utatur ad iustam causam defendendam ( puta producendo falsos testes , vel allegando falsas leges ) quam iniustam causam defendendo : quia (b) hoc est peccatum in forma , illud in materia . Sed videtur advocato licere talibus astutiis uti , sicuti militi licet ex infidiis pugnare . Ergo videtur quod advocatus non peccet , si iniustam causam defendat .

Sed contra est quod dicitur II. Paralip. XIX. 2. *Impio præbes auxilium . . . & ideo iram Domini mereris* . Sed advocatus defendens causam iniustam , impio præbet auxilium . Ergo peccando iram Domini meretur .

Respondeo dicendum , quod illicitum est alicui cooperari ad malum faciendum , sive consulendo , sive adjuvando , sive qualitercumque consentiendo : quin consiliarius , & coadiuvans quodammodo est faciens ; & Apostolus dicit Rom. I. 31. *quod digni sunt morte , non solum qui faciunt peccatum , sed etiam qui consentiunt facientibus* . Unde & supra dictum est ( quæst. LXXI. art. 7. ) quod omnes tales ad restitutionem tenentur . Manifestum est autem quod advocatus auxilium , & consilium præstat ei cuius causæ patrocinatur .

Unde si scienter iniustam causam defendit , absque dubio graviter peccat , & ad restitutionem tenetur eius damni quod contra iustitiam per eius auxilium altera pars incurrit . Si autem ignoranter iniustam causam defendit , putans esse iustam , excusatur secundum modum quo ignorantia excusari potest .

Ad primum ergo dicendum , quod medicus accipiens in cura infirmitatem desperatam , nulli facit iniuriam ; advocatus autem suscipiens causam iniustam , iniuste lædit eum contra quem iniuste patrocinium præstat . Et ideo non est similis ratio . Quamvis enim laudabilis videatur quantum ad peritiam artis ; tamen peccat quantum ad iniustitiam voluntatis , quia abutitur arte ad malum .

Ad secundum dicendum , quod advocatus si in principio credidit causam iustam esse , & postea in processu apparuit eam esse iniustam , non debet eam procedere , ut scilicet aliam partem juvet , vel secreta suæ causæ alteri parti revellet . Potest tamen , & debet causam desistere , vel eum cuius causam agit , ad cedendum inducere , sive ad componendum sine adversarii damno .

Ad tertium dicendum , quod , sicut supra dictum est ( quæst. XL. art. 3. ) militi , vel duci exercitus licet in bello infesto ex infidiis agere ea quæ facere debet , prudenter occultando , non autem falsitatem fraudulenter faciendo : quia & hosti fidem servare oportet , sicut Tullius dicit in I. de offic. ( in tit. de bellicis offic. a med. & Lib. III. tit. de veritat. cir. med. ) Unde & advocato defendenti causam iustam licet prudenter occultare ea quibus impediri possent processus eius ; non autem licet ei aliqua falsitate uti .

#### ARTICULUS IV. 396

*Utrum advocato liceat pro suo patrocinio pecuniam accipere .*

*Opusc. XIX. cap. VII.*

**A**D quartum sic proceditur . Videtur quod advocato non liceat pro suo patrocinio pecuniam accipere . Opera enim misericordie non sunt intuitu humane remunerationis faciendi , secundum illud Lucæ XIV. 12. *Cum facis prandium , aut cenam , noli vocare amicos tuos , neque vicinos divites , ne forte & ipsi te reinvitent , & fiat tibi retributio* . Sed præstare patrocinium causæ alicuius pertinet ad opera misericordie , ut dictum est ( art. 3. huius quæst. ) Ergo non licet advocato accipere retributionem pecuniarum pro patrocinio præstito .

2. Præterea . Spirituale non est pro temporali commutandum . Sed patrocinium præstitum videtur esse quoddam spirituale , cum sit usus scientiæ iuris . Ergo non licet advocato pro patrocinio præstito pecuniam accipere .

3. Præterea . Sicut ad iudicium concurrunt persona advocati , ita etiam persona iudicis , & persona testis . Sed secundum Augustinum ad Macedonium ( epist. LV. inter med. & fin. ) non debet iudex vendere iustum iudicium , nec testis

*verum*

(a) Ita opinio cum cod. Alano & García Nicolais , & recensionibus editis . Al. perdidit . (b) Verba hoc , & illud esse transposita , movent Theologi , ut hoc ad primum , illud ad secundum referatur .

verum testimonium. Ergo nec advocatus poterit vendere iustum patrocinium.

Sed contra est quod Augustinus dicit ibid. quod advocatus licite vendit iustum patrocinium, & iurisperitus verum consilium.

Respondendo dicendum, quod quæ quis non tenetur alteri exhibere, iuste potest pro eorum exhibitione recompensationem accipere. Manifestum est autem quod advocatus non semper tenetur patrocinium præstare, aut consilium dare causis aliorum. Et ideo si vendat suum patrocinium, sive consilium, non agit contra iustitiam.

Et eadem ratio est de medico opem ferente ad sanandum, & de omnibus aliis huiusmodi personis; dum tamen moderate accipiant, considerata conditione personarum, & negotiorum, & laboris, & consuetudine patriæ.

Si autem per improbitatem aliquid immoderate extorqueant, peccant contra iustitiam. Unde Augustinus dicit ad Macedonium (loc. sup. cit.) quod ab his extorta per immoderatam improbitatem repeti solent, data per tolerabilem consuetudinem non solent.

Ad primum ergo dicendum, quod non semper quæ homo potest misericorditer facere, tenetur facere gratis: alioquin nulli liceret aliquam rem vendere: quia quamlibet rem potest homo misericorditer impendere: sed quando eam misericorditer impendit, non humanam, sed divinam remunerationem querere debet. Et similiter advocatus quando causæ pauperum misericorditer patrocinatur, non debet intendere remunerationem humanam, sed divinam; non tamen semper tenetur gratis patrocinium impendere.

Ad secundum dicendum, quod et si scientia iuris sit quoddam spirituale, tamen usus eius fit opere corporali: & ideo pro eius recompensatione licet pecuniam accipere; alioquin nulli artificii liceret de arte sua lucrari.

Ad tertium dicendum, quod iudex, & testis communes sunt utrique parti: quia iudex tenetur iustam sententiam dare, & testis tenetur verum testimonium dicere. Iustitia autem, & veritas non declinant in unam partem magis quam in aliam. Et ideo iudicibus de publico sunt stipendia laboris statuta; & testes accipiunt, non quasi pretium testimonii, sed quasi stipendium laboris, expensas, vel ab utraque parte, vel ab ea a qua inducuntur: quia nemo militat stipendii

suis unquam, ut dicitur I. ad Cor. ix. 7. Sed advocatus alteram partem tantum defendit: & ideo licite potest pretium accipere a parte quam adjuvat.

## QUAESTIO LXXII.

De iniuriis verborum, quæ inferuntur extra iudicium, & primo de contumelia, in quatuor articulos divisa.

**D**Einde considerandum est de iniuriis verborum, quæ inferuntur extra iudicium: & primo de contumelia; secundo de detractione; tertio de infurrectione; quarto de derisione; quinto de maledictione.

Circa primum quærentur quatuor.

Primo, quid sit contumelia.

Secundo, utrum omnis contumelia sit peccatum mortale.

Tertio, utrum oporteat contumeliosos reprimere.

Quarto de origine contumeliæ.

## ARTICULUS I. 397

Utrum contumelia consistat in verbis.

*Inf. quæst. lxxiii. art. 1. & Psal. lxxx. & Rom. 1. lect. 8.*

**A**D primum fit proceditur. Videtur quod contumelia non consistat in verbis. Contumelia enim importat quoddam nocumentum proximo illatum, cum pertineat ad iniustitiam. Sed verba nullum nocumentum videntur inferre proximo nec in persona, nec in rebus. Ergo contumelia non consistit in verbis.

1. Præterea. Contumelia videtur ad quamdam dehonorationem pertinere. Sed magis aliquis potest inhonorari, seu vituperari factis quam verbis. Ergo videtur quod contumelia non consistat in verbis, sed magis in factis.

3. Præterea. Dehonoratio quæ fit in verbis, dicitur convicium, vel improperium. Sed contumelia videtur differre a convicio, & ab improperio. Ergo contumelia non consistit in verbis.

Sed contra. Nihil auditu percipitur nisi verbum. Sed contumelia auditu percipitur, secundum illud Hierem. xx. 10. *Audite contumelias in circuitu.* Ergo contumelia est in verbis.

Respondendo dicendum, quod contumelia importat dehonorationem alicuius: quod quidem contingit dupliciter. Cum enim honor aliquam excellentiam consequatur, uno

modo aliquis alium dehonorat, cum privatur eum excellentia; propter quam habebat honorem: quod quidem fit per peccata factorum, de quibus supra dictum est (quaest. lxxv. lxxv. & lxxvi.)

Alio modo cum aliquis id quod est contra honorem alicuius, deducit in notitiam eius, & aliorum: & hoc proprie pertinet ad contumeliam: quod quidem fit per aliqua signa. Sed, sicut Augustinus dicit in II. de doctr. christi. (cap. 111. circ. med.) *omnia signa verbis comparata paucissima sunt: verba enim inter homines obtinuerunt principatum significandi quaecumque animo concipiuntur*. Et ideo contumelia, proprie loquendo, in verbis consistit: unde Isidorus dicit in Lib. X. Etymol. (ad lit. C.) quod *contumeliosus dicitur aliquis, quia velox est, & tumet verbis iniuriæ*.

Tamen quia etiam per facta aliqua significatur aliquid, quæ in hoc quod significant, habent vim verborum significantium; inde est quod contumelia extenso nomine etiam in factis dicitur. Unde Rom. 1. super illud, *Contumeliosos, superbos*, dicit Glossa (interl.) quod „contumeliosi sunt qui dictis, vel factis „conculcimas, & turpia inferunt.“

Ad primum ergo dicendum, quod verba secundum sui essentiam, idest in quantum sunt quidam soni audibiles, nullum nocumentum alteri inferunt; nisi forte gravando auditum, puta cum aliquis nimis alte loquitur. In quantum vero sunt signa representantia aliquid in notitia aliorum, sic possunt damna multa inferre: inter quæ unum est quod homo damnicatur quantum ad detrimentum honoris sui, vel reverentiæ sibi ab aliis exhibendæ. Et ideo maior est contumelia, si aliquis alicui defectum suum dicat coram multis: & tamen si sibi soli dicat, potest esse contumelia, in quantum ipse qui loquitur, iniuste contra reverentiam audientis agit.

Ad secundum dicendum, quod intantum aliquis aliquem factis dehonorat, in quantum illa facta vel faciunt, vel significant illud quod est contra honorem alicuius: quorum primum non pertinet ad contumeliam, sed ad alias iniustitias species, de quibus supra dictum est (quaest. lxxv. lxxv. & lxxvi.) secundum vero pertinet ad contumeliam, in quantum facta habent vim verborum in significando.

Ad tertium dicendum, quod convicium, & improprium consistit in verbis, sicut & contumelia: quia per omnia

hæc representantur aliquis defectus alicuius in detrimentum honoris ipsius. Huiusmodi autem defectus est triplex, scilicet defectus culpæ, qui representatur per verba contumeliosa; & defectus generaliter culpæ, & poenæ, qui representatur per convicium, quia vitium consuevit dici non solum animæ, sed etiam corporis: unde si quis alicui iniuriose dicat, eum esse cæcum, convicium quidem dicit, sed non contumeliam; si quis autem dicat alteri, quod sit fur, non solum convicium, sed etiam contumeliam inferre. Quandoque vero representat aliquis alicui defectum minorationis, sive indigentia, qui etiam derogat honori consueti quaecumque excellentiam: & hoc fit per verbum improprium; quod proprie est quando aliquis iniuriose alteri ad memoriam reducit auxilium quod contulit ei necessitatem patienti. Unde dicitur Eccli. xx. 15. *Exigua dabit, & multa impropetabit*. Quandoque tamen unum istorum pro alio ponitur.

## ARTICULUS II. 398

*Utrum contumelia, sive convicium sit peccatum mortale.*

*Inf. quæst. clviii. art. 3. ad 3. & I. Cur. xv. lect. 7. & Gal. 111. princ.*

**A**D secundum sic proceditur. Videtur quod contumelia, vel convicium non sit peccatum mortale. Nullum enim peccatum mortale est actus alicuius virtutis. Sed conviciari est actus alicuius virtutis, scilicet eutrapeliæ, ad quam pertinet bene conviciari, secundum Philosophum in IV. Ethic. (cap. viii.) Ergo convicium, sive contumelia non est peccatum mortale.

2. Præterea. Peccatum mortale non invenitur in viris perfectis; qui tamen convicia, vel contumelias aliquando dicunt; sicut patet de Apostolo, qui ad Galatas 111. 1. dixit: *O inenarrabili Galatæ: & Dominus dicit Lucæ ult. 25. O stulti, & tardi corde, ad credendum*. Ergo convicium, sive contumelia non est peccatum mortale.

3. Præterea. Quamvis illud quod est peccatum veniale ex genere, possit fieri mortale; non tamen peccatum quod est ex genere mortale, potest esse veniale, ut supra habitum est (1.2. quæst. lxxxviii. art. 4. & 6.) Si ergo dicere convicium, vel contumeliam esset peccatum mortale ex genere suo, sequeretur quod sen-

per



xliiii. in Matth. a med.) *Si vindicare vis, fite, & fustemam ei dedisti plagam.* Ergo aliquis non debet silendo sustinere verba contumeliosa, sed magis respondere.

Sed contra est quod dicitur in Psalm. xxxviii. 13. *Qui inquirebant mala mihi, locuti sunt vanitates:* & postea subdit: *Ego autem tamquam surdus non audivam, & sicut mutus non aperiens os suum.*

Respondeo dicendum, quod sicut patientia necessaria est in his quæ contra nos fiunt, ita etiam in his quæ contra nos dicuntur.

Præcepta autem patientiæ in his quæ contra nos fiunt, sunt in præparatione animi habenda, sicut Augustinus in Lib. I. de ferm. Domini in monte (cap. xix. ante med.) exponit illud præceptum Domini: *Si quis percusserit te in unam maxillam, præbe ei & aliam;* ut scilicet homo sit paratus hoc facere, si opus fuerit. Non tamen hoc semper tenetur facere actu: quia nec ipse Dominus hoc fecit; sed cum suscepisset alapam, dixit: *Quid me cædis?* ut habetur Ioan. xviii. 23.

Et ideo etiam circa verba contumeliosa quæ contra nos dicuntur, est idem intelligendum. Tenemur enim habere animum paratum ad contumelias tolerandas, si expediens fuerit.

Quandoque tamen oportet ut contumeliam illatam repellamus, maxime propter duo. Primum quidem propter bonum eius qui contumeliam infert, ut videlicet eius audacia reprimatur, & de cetero talia non attenet, secundum illud Prov. xxvi. 5. *Responde stulto iuxta stultitiam suam, ne sibi sapiens videatur.* Alio modo propter bonum multorum, quorum profectus impeditur propter contumelias nobis illatas. Unde Gregorius dicit super Ezech. (hom. ix. cir. med.) *Hi quorum vita in exemplo imitationis est posita, debent: si possunt, detrahentium sibi verba compeſcere; ne eorum prædicationem non audiant qui audire poterant, & ita in pravis moribus remanentes bene vivere contemnunt.*

Ad primum ergo dicendum, quod audaciam conviciatis contumeliosi debet aliquis moderate reprimere, scilicet propter officium caritatis, non propter cupiditatem privati honoris. Unde dicitur Prov. xxvi. 4. *Ne respondeas stulto iuxta stultitiam suam, ne ei similis efficiaris.*

Ad secundum dicendum, quod in hoc quod aliquis alienas contumelias repri-

mit, non ita timetur cupiditas privati honoris, sicut cum aliquis repellit contumelias proprias; magis autem videtur hoc provenire ex caritatis affectu.

Ad tertium dicendum, quod si aliquis hoc animo taceret, ut tacendo contumeliantem ad iracundiam provocaret, hoc pertineret ad vindictam; sed si aliquis taceat, volens dare locum iræ, hoc est laudabile. Unde dicitur Eccli. viii. 4. *Non litiges cum homine linguato, & non struas in ignem illius ligna.*

## ARTICULUS IV. 400

*Utrum contumelia oriatur ex ira.*

*Inf. quæst. lxxiii. art. 3. ad 3. & quæst. clviii. art. 7. corp.*

**A**D quartum sic proceditur. Videtur quod contumelia non oriatur ex ira. Quia dicitur Prov. xi. 2. *Ubi superbia, ibi contumelia.* Sed ira est vitium distinctum a superbia. Ergo contumelia non oritur ex ira.

2. Præterea. Prov. xx. 3. dicitur: *Omnes stulti miscentur contumeliis.* Sed stultitia est vitium oppositum sapientiæ, ut supra habitum est (quæst. xlv. art. 1.) ira autem opponitur mansuetudini. Ergo contumelia non oritur ex ira.

3. Præterea. Nullum peccatum diminuitur ex sua causa. Sed peccatum contumeliæ diminuitur, si ex ira profertur: gravior enim peccat qui ex odio contumeliam infert, quam qui ex ira. Ergo contumelia non oritur ex ira.

Sed contra est quod Gregorius XXXI. Moralium (cap. xvii. a med.) dicit, quod *ex ira oriuntur contumeliæ.*

Respondeo dicendum, quod cum unum peccatum possit ex diversis oriri, ex illo tamen dicitur principalius habere originem ex quo frequentius procedere consuevit, propter propinquitatem ad finem ipsius. Contumelia autem magnam habet propinquitatem ad finem iræ, qui est vindicta: nulla enim vindicta est irato magis in promptu quam interre contumeliam alteri. Et ideo contumelia maxime oritur ex ira.

Ad primum ergo dicendum, quod contumelia non ordinatur ad finem superbiæ, qui est celsitudo. Et ideo non directe contraria elia oritur ex superbia; disponit tamen superbia ad contumeliam, inquantum illi qui se superiores æstimant, facilius alios contemnunt, & iniurias eis irrogant; facilius enim irascuntur, ut

pote

pote reputantes indignum quicquid contra eorum voluntatem agitur.

Ad secundum dicendum, quod secundum Philosophum in VII. Ethic. (cap. vi. in princ.) *ira non perfecte audit rationem*: & sic iratus patitur rationis defectum, in quo convenit cum stultitia: & propter hoc ex stultitia oritur contumelia secundum affinitatem quam habet cum ira.

Ad tertium dicendum, quod secundum Philosophum in II. Rhetor. (cap. iv. ad fin.) *iratus intendit manifestam offensam; quod non curat odium*. Et ideo contumelia, quae importat manifestam iniuriam, magis pertinet ad iram quam ad odium.

### QUAESTIO LXXIII.

*De detractioe,  
in quatuor articulis divisa.*

**P**ostea considerandum est de detractioe: & circa hoc quaeruntur quatuor.

Primo, quid sit detractio.

Secundo, utrum sit peccatum mortale.

Tertio de comparatione eius ad alia peccata.

Quarto, utrum peccet aliquis audiendo detractioem.

### ARTICULUS I. 401

*Utrum detractio convenienter definiatur, quod est denigratio alienae famae per verba.*

*In f. quest. lxxiv. art. 1. & quest. lxxv. art. 1. co. & Rom. 1. l. 3. 7.*

**A**d primum sic proceditur. Videtur quod detractio non sit *denigratio alienae famae per occulta verba*, ut a quibdam definitur. Occultum enim, & manifestum sunt circumstantiae non constituentes speciem peccati: accidit enim peccato quod a multis sciatur, vel a paucis. Sed illud quod non constituit speciem peccati, non pertinet ad rationem ipsius, nec debet poni in eius definitione. Ergo ad rationem detractiois non pertinet quod fiat per occulta verba.

2. Praeterea. Ad rationem famae pertinet publica notitia. Si ergo per detractioem denigratur fama alicuius, non poterit hoc fieri per verba occulta, sed per verba in manifesto dicta.

3. Praeterea. Ille detrahie qui aliquid

subtrahit, vel diminuit de eo quod est. Sed quandoque denigratur fama alicuius etiam si nihil subtrahatur de veritate: puta cum aliquis vera crimina alicuius pandit. Ergo non omnis denigratio famae est detractio.

Sed contra est quod dicitur Eccl. x. 11. *Si mordeat serpens in silentio, nixit eo minus habet qui occulte detrahitis*. Ergo occulte mordere famam alicuius est detrahere.

Respondeo dicendum, quod sicut factio aliquis nocet alteri dupliciter: manifeste quidem, sicut in rapina, vel quacumque violentia illata; occulte autem, sicut in furto, & dolosa percussione: ita etiam verbo aliquis dupliciter aliquem laedit: uno modo in manifesto, & hoc fit per contumeliam, ut supra dictum est (quest. praec. art. 1.) alio modo occulte, & hoc fit per detractioem.

Ex hoc autem quod aliquis manifeste verba contra alium profert, videtur eum parvipendere: unde ex hoc ipso dehonatur: & ideo contumelia detrimentum avertit honori eius in quem profertur. Sed qui verba contra alium profert in occulto, videtur eum vereri magis quam parvipendere: unde non directe inicit detrimentum honori, sed famae, in quantum huiusmodi verba occulte proferens, quantum in ipso est, eos qui audiunt, facit malam opinionem habere de eo contra quem loquitur. Hoc enim intendere videtur, & ad hoc conatur detrahens, ut eius verbis credatur.

Unde patet quod detractio differt a contumelia dupliciter: uno modo quantum ad modum proponendi verba, quia scilicet contumeliosus manifeste contra aliquem loquitur, detractor autem occulte; alio modo quantum ad finem intentum, sive quantum ad nocumentum illatum, quia scilicet contumeliosus derogat honori, detractor famae.

Ad primum ergo dicendum, quod (a) in voluntariis commutationibus, ad quas reducuntur omnia nocuamenta proximo illata verbo, vel facto, diversificant rationem peccati occultum, & manifestum: quia alia est ratio involuntarii per violentiam, & per ignorantiam, ut supra dictum est (quest. lxxv. art. 4. & 1. 2. quest. vi. art. 5. & 8.)

Ad secundum dicendum, quod verba detractiois dicuntur occulta, non simpliciter, sed per comparationem ad eum de quo dicuntur, quia eo absente, & ignorante

(2) ha commutatio, ad involuntarium vide sup. q. lxxv. ar. 4. arg. 2. . .

rante dicuntur. Sed contumeliosus in faciem contra hominem loquitur. Unde si aliquis de alio male loquatur coram multis eo absente, detractio est; si autem eo solo praesente, contumelia est: quamvis etiam si uni soli aliquis de absente malum dicat, corruptit famam eius non in toto, sed in parte.

Ad tertium dicendum, quod aliquis dicitur detrahere, non quia diminuit de veritate, sed quia diminuit famam eius. Quod quidem fit quandoque directe, quandoque indirecte. Directe quidem quadrupliciter: uno modo quando fallum imponit alteri; secundo quando peccatum adauget suis verbis; tertio quando occultum revelat; quarto quando id quod est bonum, dicit mala intentione factum. Indirecte autem, vel negando bonum alterius, vel malitiose reticendo, vel minuendo.

## ARTICULUS II. 403

*Utrum detractio sit peccatum mortale.*

*Locis sup. art. 1. inductis.*

**A**D secundum sic proceditur. Videtur quod detractio non sit peccatum mortale. Nullus enim actus virtutis est peccatum mortale. Sed revelare peccatum occultum, quod, sicut dictum est (art. praec. ad 3.) ad detractiorem pertinet, est actus virtutis vel caritatis, dum aliquis fratris peccatum denuntiat, eius emendationem intendens; vel etiam est actus iustitiae, dum aliquis fratrem accusat. Ergo detractio non est peccatum mortale.

2. Praeterea. Super illud Prov. xxiv. *Cum detractoribus ne commiscearis*, dicit Glossa (ord. Rab. sup. illud, *Hec quoque sapientibus*;) „Hoc specialiter vitio periclitatur totum genus humanum.“ Sed nullum peccatum mortale in toto humano genere invenitur, quia multi abstinent a peccato mortali: peccata autem venialia sunt quae in omnibus inveniuntur. Ergo detractio est peccatum veniale.

3. Praeterea. Augustinus in hom. de igne purgatorio (quae est xl. de Sanctis ante med.) inter peccata minuta ponit, *quando cum omni facilitate, vel temeritate maledicimus*: quod pertinet ad detractiorem. Ergo detractio est peccatum veniale.

Sed contra est quod Rom. 1. 30. dicitur,

*Detractores Deo edibiles*: quod ideo additur, ut dicit Glossa (ordin. Petri Lomb.) „ne leve putetur propter hoc quod contra sistit in verbis.“

Respondere dicendum, quod, sicut supra dictum est (quaest. lxxii. art. 2.) peccata verborum maxime sunt ex intentione dicentis diiudicanda. Detractio autem secundum suam rationem ordinatur ad denigrandum famam alicuius. Unde ille per se loquendo detrahit qui ad hoc de aliquo obloquitur, eo absente, ut eius famam denigret. Auferre autem alicui famam valde grave est: quia inter res temporales videtur fama esse pretiosior, per cuius defectum impeditur homo a multis bene agendis. Propter quod dicitur Eccli. xli. 15. *Curam habe de bono nomine: hoc enim magis permanebit tibi quam mille thesauri magni, & pretiosi*. Et ideo detractio, per se loquendo, est peccatum mortale.

Contingit tamen quandoque quod aliquis dicat aliqua verba, per quae diminuitur fama alicuius, non hoc intendens, sed aliquid aliud. Hoc autem non est detrahere per se, & formaliter loquendo, sed solum materialiter, & quasi per accidens. Et si quidem verba per quae fama alterius diminuitur, proferat aliquis propter aliquod bonum necessarium, debitis circumstantiis observatis, non est peccatum, nec potest dici detractio. Si autem proferat ex animi levitate, vel propter causam aliquam non necessariam, non est peccatum mortale: nisi forte verbum quod dicitur, sit adeo grave, quod notabiliter famam alicuius laedat, & praecipue in his quae pertinent ad honestatem vitae: quia hoc ex ipso genere (a) verborum habet rationem peccati mortalis.

Et tenetur aliquis ad restitutionem famae, sicut: ad restitutionem cuiuslibet rei substractae, eo modo quo supra dictum est (quaest. lxxii. art. 2.) cum de restitutione ageretur.

Ad primum ergo dicendum, quod revelare peccatum occultum alicuius propter eius emendationem denuntiando, vel propter bonum iustitiae publice accusando, non est detrahere, ut dictum est (in corp. art. & quaest. lxxviii. art. 1.)

Ad secundum dicendum, quod Glossa illa non dicit, quod detractio in toto genere humano invenitur, sed addit *penes*: tunc quia *stultorum infinitus est numerus*; & pauci sunt, qui ambulant per viam.

(a) Ita mss. & impressi lib. i. omnes. Theologi suspicantur reducere vocem verborum.



*viam salutis*: tum etiam quia pauci, vel nulli sunt qui non aliquando ex animi levitate aliquid dicant, unde in aliquo vel leviter alterius fama minoratur: quia, ut dicitur Iacobi 111. 2. *si quis in verbo non offendit, hic est perfectus vir*.

Ad tertium dicendum, quod Augustinus loquitur in casu illo quo aliquis dicit aliquid leve malum de alio, non ex intentione nocendi, sed ex animi levitate, vel ex lapsu lingue.

## ARTICULUS III. 403

*Utrum detractio sit gravior omnibus peccatis quæ in proximum committuntur.*

**A**D tertium sicut proceditur. Videtur quod detractio sit gravior omnibus peccatis quæ in proximum committuntur. Quia super illud Psal. cviii. *Pro eo ut me diligere, detrahebant mihi*, dicit Glossa (ord. Aug.) *Plus nocent in membris detrahentes Christo, qui animas crediturorum interficiunt, quam qui eius carnem mox resurrectionem peremerunt*. Ex quo videtur quod detractio sit gravius peccatum quam homicidium, quanto gravius est occidere animam quam occidere corpus. Sed homicidium est gravius inter cetera peccata quæ in proximum committuntur. Ergo detractio est simpliciter inter omnia gravior.

2. Præterea. Detractio videtur esse gravius peccatum quam contumelia: quia contumeliam potest homo repellere, non autem detractiorem latentem. Sed contumelia videtur esse maius peccatum quam adulterium, per hoc quod adulterium unit duos in unam carnem, contumelia autem unitos in multa dividit. Ergo detractio est maius peccatum quam adulterium: quod tamen inter alia peccata, quæ sunt in proximum, magnam gravitatem habet.

3. Præterea. Contumelia oritur ex ira, detractio autem ex invidia, ut patet per Gregorium XXXI. Moral. (cap. xvii. a med.) Sed invidia est maius peccatum quam ira. Ergo & detractio est maius peccatum quam contumelia: & sic idem quod prius.

4. Præterea. Tanto aliquid peccatum est gravius, quanto inducit graviorem defectum. Sed detractio inducit gravissimum defectum, scilicet excitationem mentis: dicit enim Gregorius (in Regist. Lib. VIII. epist. xlv. ante med.) *Quid aliud detrahentes faciunt, nisi quod in*

*pulverem sufflant, & in oculos suos terram excitant, ut unde plus detractiois versant, inde minus veritatis videant?* Ergo detractio est gravissimum peccatum inter ea quæ committuntur in proximum.

Sed contra. Gravius est peccare factio quam verbo. Sed detractio est peccatum verbi; adulterium autem, & homicidium, & furtum sunt peccata in factis. Ergo detractio non est gravior ceteris peccatis quæ sunt in proximum.

Respondeo dicendum, quod peccata quæ committuntur in proximum, sunt pensanda per se quidem secundum nocentiam quæ proximo inferuntur, quia ex hoc habent rationem culpæ. Tanto autem est maius nocumentum, quanto maius bonum demitur. Cum autem sit triplex bonum hominis, scilicet bonum animæ, & bonum corporis, & bonum exteriorum rerum; bonum animæ, quod est maximum, non potest aliter ab alio tolli nisi occasionaliter, puta per malam persuasionem, quæ necessitatem non intert, sed alia duo bona, scilicet corporis, & exteriorum rerum, possunt ab alio violenter auferri. Sed quia bonum corporis præminet bono exteriorum rerum, graviora sunt peccata quibus inferuntur nocumentum corpori, quam ea quibus inferuntur nocumentum exterioribus rebus. Unde inter cetera peccata quæ committuntur in proximum, homicidium gravius est, per quod tollitur vita proximi iam actu existens; consequenter autem adulterium, quod est contra debitum ordinem generationis humanæ, per quam est introitus ad vitam; consequenter autem sunt exteriora bona, inter quæ fama præminet divitiis, eo quod propinquior est spiritualibus bonis: unde dicitur Prov. xxi. 1. *Melius est nomen bonum quam divitiæ multe*. Et ideo detractio secundum suum genus est maius peccatum quam furtum; minus tamen quam homicidium, vel adulterium. Potest tamen esse alius ordo propter circumstantias aggravantes, vel diminuentes.

Per accidens autem gravitas peccati attenditur ex parte peccantis; qui gravius peccat, si ex deliberatione peccet quam si peccet ex infirmitate, vel incautela: & secundum hoc peccata locutionis habent aliquam levitatem, inquantum de facili ex lapsu lingue proveniunt, absque magna præmeditatione.

Ad primum ergo dicendum, quod illi qui detrahunt Christo, impediuntur

dem

dem membrorum ipsius, derogant Divinitati eius, cui fides innititur. Unde non est simplex detractio, sed blasphemia.

Ad secundum dicendum, quod gravius peccatum est contumelia quam detractio, inquantum habet maiorem contemptum proximi; sicut & rapina est gravius peccatum quam furtum, ut supra dictum est (quaest. lxxv. art. 9.) Contumelia tamen non est gravius peccatum quam adulterium. Non enim gravitas adulterii pensatur ex coniunctione corporum, sed ex deordinatione generationis humanae. Contumeliosus autem non sufficienter causat inimicitiam in alio, sed occasionaliter tantum dividit unitos, inquantum scilicet per hoc quod mala alterius promittit, alios, quantum in se est, ab eius amicitia separat, licet ad hoc per eius verba non cogantur. Sic ergo & detractor occasionaliter est homicida, inquantum scilicet per sua verba dat alteri occasionem ut proximum ediat, vel contemnat. Propter quod in epistola Clementis I. (quae est 1. ad Iacob. inter med. & fin. ut refertur in Decr. dist. 1. de poen. cap. *Homicidarum*) dicitur, *detractores esse homicidas*, scilicet occasionaliter: quia *qui odit fratrem suum, homicida est*, ut dicitur I. Ioan. III. 15.

Ad tertium dicendum, quod ira quare in manifesto vindictam inferre, ut Philosophus dicit in II. Rhetor. (cap. IV. ad fin.) Ideo detractio, quae est in occulto, non est filia irae, sicut contumelia, sed magis invidiae, quae nititur qualitercumque minuere gloriam proximi. Nec tamen sequitur propter hoc quod detractio sit gravior quam contumelia: quia ex minori vitio potest oriri maius peccatum, sicut ex ira nascitur homicidium, & blasphemia. Origo enim peccatorum attenditur secundum inclinationem ad finem, quod est ex parte conversionis; gravitas autem peccati magis attenditur ex parte aversionis.

Ad quartum dicendum, quod quia *homo letatur in sententia oris sui*, ut dicitur Prov. xv. 23. inde est quod ille qui detrahit, incipit magis amare, & credere quod dicit, & per consequens proximum magis odire, & sic magis recedere a cognitione veritatis. Ille tamen effectus potest sequi etiam ex aliis peccatis quae pertinent ad odium.

## ARTICULUS IV. 404

*Utrum audiens qui tolerat detrahentem, graviter peccet.*

**A**D quartum sic proceditur. Videtur quod audiens qui tolerat detrahentem, non graviter peccet. Non enim aliquis magis tenetur alteri quam sibi ipsi. Sed laudabile est, si patienter homo suos detractores toleret: dicit enim Gregorius super Ezech. (hom. ix. circ. med.) *Linguas detrahentium sicut nostro studio non debemus excitare, ne ipsi pereant, ita per suam malitiam excitationes debemus equanimiter tolerare, ut nobis meritum crescat*. Ergo non peccat aliquis, si detractionibus aliorum non resistat.

2. Praeterea. Eccli. iv. 30. dicitur: *Non contradicas verbo veritatis ullo modo*. Sed quandoque aliquis detrahit, verba veritatis dicendo, ut supra dictum est (art. 1. huius quaest. ad 3.) Ergo videtur quod non semper teneatur homo detractoribus resistere.

3. Praeterea. Nullus debet impedire id quod est in utilitatem aliorum. Sed detractio frequenter est in utilitatem aliorum, contra quos detrahitur: dicit enim Pius Papa (in appendice ad cap. *Oves vi. quaest. 1.*) *Nonnumquam detractio adversus bonos concitatur, ut quos vel domestica adulatio, vel aliorum favor in altum extulerat, detractio humiliter*. Ergo aliquis non debet detractores impedire.

Sed contra est quod Hieronymus dicit (epist. II. ad Nepotian. vers. fin.) *Cave ne aut linguam, aut aures habeas prurientes, id est ne aut ipse alius detrahas, aut alios audias detrahentes*.

Respondendo dicendum, quod secundum Apostolum ad Rom. I. 32. *digni sunt morte, non solum qui peccata faciunt, sed etiam qui scientibus peccata consentiunt*. Quod quidem contingit dupliciter: uno modo directe, quando scilicet quis inducit alium ad peccatum, vel ei placeat peccatum; alio modo indirecte, scilicet quando non resistit, cum resistere possit: & hoc contingit quandoque, non quia peccatum placet, sed propter aliquem humanum timorem.

Dicendum est ergo, quod si aliquis detractiones audiat absque resistencia, videtur detractori consentire: unde fit particeps peccati eius. Et si quando inducat eum ad detrahendum, vel saltem placeat ei detractio propter odium eius, cui detra-

detra-

detrahatur, non minus peccat quam detrahens, & quandoque magis. Unde Bernardus dicit (Lib. II. de consid. cap. xxi. in fin.) *Detrahere, aut detrahentem audire, quid horum damnabilius sit, non facile dixerim.*

Si vero non placeat ei peccatum, sed ex timore, vel negligentia, vel etiam verecundia quadam omitat repellere detractionem; peccat quidem, sed multo minus quam detrahens, & plerumque venialiter. Quandoque etiam hoc potest esse peccatum mortale, vel propter hoc quod alicui ex officio incumbit detrahentem corrigere; vel propter aliquod periculum consequens; vel propter radicem, qua timor humanus quandoque potest esse peccatum mortale, ut supra habitum est (quæst. xix. art. 3.)

Ad primum ergo dicendum, quod detractiones suas nullus audit, quia scilicet mala quæ dicuntur de aliquo, eo audiente, non sunt detractiones proprie loquendo, sed contumelie, ut dictum est (art. 1. huius quæst. ad 2.) Possunt tamen ad notitiam alicuius detractiones contra ipsum factæ aliorum relationibus pervenire: & tunc sui arbitrii est detrimentum suæ famæ pati, nisi hoc vergat in periculum aliorum, ut supra dictum est (in corp. & quæst. lxxxi. art. 3.) Et ideo in hoc potest commendari eius patientia, quod patienter proprias detractiones sustineat. Non autem est sui arbitrii quod patiatur detrimentum famæ alterius: & ideo in culpam ei vertitur, si non resistit, cum possit resistere, eadem ratione qua tenetur aliquis sublevare alium alterius iacentem sub onere, ut præcipitur Deut. xxix.

Ad secundum dicendum, quod non semper aliquis debet resistere detractori, arguendo eum de falsitate; & maxime si sciat verum esse quod dicitur; sed debet eum verbis redarguere de hoc quod peccat fratri detrahendo, vel saltem offendere quod ei detractio displiceat per tristitiam faciei: quia, ut dicitur Proverb. xxv. 23. *ventus Aquilo dissipat pluviam, & facies tristis linguam detrahentem.*

Ad tertium dicendum, quod utilitas quæ ex detractione provenit, non est ex intentione detrahentis, sed ex Dei ordinatione, qui ex quolibet malo elicit bonum. Et ideo nihil minus est detractoribus resistendum, sicut & raptoribus, vel oppressoribus aliorum; quamvis ex hoc oppressis, vel spoliatis per patientiam meritum crescat.

*S. Tb. Oper. Tom. XXII.*

## QUAESTIO LXXIV.

*De susurratione,  
in duos articulos divisa.*

**D**Einde considerandum est de susurratione: & circa hoc quaeruntur duo. Primo, utrum susurratio sit peccatum distinctum a detractione.

Secundo, quod horum sit gravius.

## ARTICULUS I. 405.

*Utrum susurratio sit peccatum distinctum a detractione.*

*Inf. quæst. lxxv. art. 1. corp. & Rom. x. lxx. 8.*

**A**D primum sic proceditur. Videtur quod susurratio non sit peccatum distinctum a detractione. Dicit enim Isidorus in Libro X. Etymolog. (ad lit. s.) *Susurro de sono locutionis appellatur, quia non in facie alicuius, sed in aure loquitur detrahendo.* Sed loqui de altero detrahendo, ad detractionem pertinet. Ergo susurratio non est peccatum distinctum a detractione.

2. Præterea. Levit. xix. 16. dicitur: *Non eris criminator, nec susurro in populo.* Sed criminator idem videtur esse quod detractor. Ergo etiam susurratio a detractione non differt.

3. Præterea. Eccli. xxviii. 24. dicitur: *Susurro, & bilinguis maledictus eris.* Sed bilinguis videtur idem esse quod detractor: quia detractorum est duplici lingua loqui, aliter scilicet in absentia, & aliter in præsentia. Ergo susurro idem est quod detractor.

Sed contra est quod Rom. x. super illud, *Susurrantes, detractores*, dicit Glossa (interl.) „Susurrantes inter amicos discordes, cordiam seminantes; detractores, qui aliorum bona negant, vel minuunt.“

Respondeo dicendum, quod susurro, & detractor in materia convenient, & etiam in forma, sive in modo loquendi, quia uterque malum occulte de proximo dicit: propter quam similitudinem interdum unum pro alio ponitur. Unde Eccli. v. super illud, *Non appelleris susurro*, dicit Glossa (interl. Rab.) „id est detractor.“ Differunt autem in fine: quia detractor intendit denigrare famam proximi, unde illa mala de proximo præcipue profert ex quibus proximus infamari possit, vel saltem diminui eius fama;

B b susur-

fufurro autem intendit amicitiam separare, ut patet per Glossam inductam (in arg. *Sed con.*) & per illud quod dicitur Prov. xxvi. 30. *Sufurrone subtrahiturgia conquiscent.* Et ideo fufurro talia mala proferit de proximo quae possunt contra ipsum commovere animum audientis, secundum illud Eccli. xxviii. 11. *Vir peccator consurbabit amicos, & in medio pacem habentium immittet inimicitiam.*

Ad primum ergo dicendum, quod fufurro, inquantum dicit malum de alio, dicitur detrudere; in hoc tamen differt a detractore, quia non intendit simpliciter malum dicere, sed quicquid sit illud quod possit animum unius perturbare contra alium, etiam si sit simpliciter bonum, & tamen apparens malum, inquantum displicet ei cui dicitur.

Ad secundum dicendum, quod criminator differt a fufurro, & a detractore: quia criminator est qui publice crimina aliis imponit vel accusando, vel conviciando; quod non pertinet ad detractorem, & fufurronem.

Ad tertium dicendum, quod bilinguis proprie dicitur fufurro. Cum enim amicitia sit inter duos, nititur fufurro ex utraque parte amicitiam rumpere: & ideo duobus linguis utitur ad duos, unus dicens malum de alio: propter quod dicitur Eccli. xxviii. 15. *Sufurro. & bilinguis maledictus: & subditur: Multos enim turbavit pacem habentes.*

## ARTICULUS II. 406

*Utrum detractio sit gravius peccatum quam fufurratio.*

*Mal. quæst. x. art. 3. ad 3.*

**A**D secundum sic proceditur. Videtur quod detractio sit gravius peccatum quam fufurratio. Peccata enim oris consistunt in hoc quod aliquis mala dicit. Sed detractor dicit de proximo ea quae sunt mala simpliciter, quia ex calibus oritur infamia, vel diminuitur fama; fufurro autem non curat dicere nisi mala apparentia, quae scilicet displiceant audienti. Ergo gravius peccatum est detractio quam fufurratio.

2. *Præterea.* Quicumque aufert alicui famam, aufert ei non solum unum amicum, sed multos, quia intellectus unius cuiusque refertur ad multos infamiam personarum unde contra quendam dicitur II. Paralip. xix. 2. *His qui oderunt Dominum, amicitia iungitur.* Fufurratio au-

tem aufert unum solum amicum. Gravius ergo peccatum est detractio quam fufurratio.

3. *Præterea.* Iacobi iv. 11. dicitur: *Qui detrahitis fratri suo, detrahitis legi, & per consequens Deo, qui est legislator: & sic peccatum detractiois videtur esse peccatum in Deum, quod est gravissimum, ut supra habitum est (quæst. xx. art. 3. & 1. 2. quæst. lxxiii. art. 3.)* Peccatum autem fufurratiois est in proximum. Ergo peccatum detractiois est gravius quam peccatum fufurratiois.

Sed contra est quod dicitur Eccli. v. 17. *Detractio pessima super bilinguem; fufurratori autem odium, & inimicitia, & contumelia.*

Respondendo dicendum, quod, sicut supra dictum est (quæst. præc. art. 3. & 1. 2. quæst. lxxiii. art. 8.) peccatum in proximum tanto est gravius, quanto per ipsum maius nocumentum proximo inferitur. Nocumentum autem tanto maius est, quanto maius est bonum quod tollitur. Inter cetera vero exteriora bona præminet amicus: quia *sine amicis nullus vivere potest*, ut patet per Philosophum in VIII. Ethic. (cap. 1. in princ.) Unde dicitur Eccli. vi. 15. *Amico fideli nulla est comparatio.* Fama autem ipsa, quae per detractorem tollitur, ad hoc maxime necessaria est, ut homo idoneus ad amicitiam habeatur.

Et ideo fufurratio est maius peccatum quam detractio, & etiam quam contumelia: quia amicus est melior quam honor, & amari quam honorari, ut in VIII. Ethicor. (cap. viii.) Philosophus dicit.

Ad primum ergo dicendum, quod species, & gravitas peccati magis attenditur ex fine quam ex materiali obiecto: & ideo ratione finis fufurratio est gravius; quamvis detractor quandoque peiora dicat.

Ad secundum dicendum, quod fama est dispositio ad amicitiam, & infamia ad inimicitiam. Dispositio autem deficit ab eo ad quod disponit. Et ideo ille qui operatur ad aliquid quod est dispositio ad inimicitiam, minus peccat quam ille qui directe operatur ad inimicitiam inducendam.

Ad tertium dicendum, quod ille qui detrahit fratri, inquantum videtur detrudere legi, inquantum contemnit præceptum de dilectione proximi; contra quod directius agit qui amicitiam dirumpere nititur. Unde hoc peccatum maxime con-

contra Deum est: quia *Deus dilectio est*, ut dicitur I. Ioan. iv. 16. & propter hoc dicitur Proverb. vi. 16. *Sex sunt quæ odit Dominus, & septimum detestatur anima eius: & hoc septimum ponit eum qui seminat inter fratres discordiam.*

## QUAESTIO LXXV.

De derisione,

in duos articulos divisa.

**D**Einde considerandum est de derisione: & circa hoc quaeruntur duo.

Primo, utrum derisio sit peccatum speciale, distinctum ab aliis peccatis, quibus per verba nocumentum proximo inferitur.

Secundo, utrum derisio sit peccatum mortale.

## ARTICULUS I. 407

*Utrum derisio sit speciale peccatum ab aliis praemissis distinctum.*

**A**D primum sic proceditur. Videtur quod derisio non sit speciale peccatum, ab aliis praemissis distinctum. Subfannatio enim videtur idem esse quod derisio. Sed subfannatio ad contumeliam videtur pertinere. Ergo derisio non videtur distingui a contumelia.

2. Praeterea. Nullus irridetur nisi de aliquo turpi, ex quo homo erubescit. Huiusmodi autem sunt peccata; quæ si manifeste de aliquo dicuntur, pertinent ad contumeliam; si autem occulte, pertinent ad detractionem, sive susurrationem. Ergo derisio non est vitium a praemissis distinctum.

3. Praeterea. Huiusmodi peccata distinguuntur secundum nocumenta quæ proximo inferuntur. Sed per derisionem non inferitur aliud nocumentum proximo quam in honore, vel fama, vel detrimento amicitiae. Ergo derisio non est peccatum distinctum a praemissis.

Sed contra est quod derisio sit ludo, unde & *illuso* nominatur. Nullum autem praemissorum ludo agitur, sed serio. Ergo derisio ab omnibus praedictis differt.

Respondendo dicendum, quod, sicut supra dictum est (quaest. lxxii. art. 2.) peccata verborum praecipue pensanda sunt secundum intentionem ferentis: & id eo secundum diversa quæ quis intendit

contra alium loquens, huiusmodi peccata distinguuntur.

Sicut autem aliquis conviciando intendit conviciati honorem deprimerere, & detrahendo diminuerere famam, & susurrando tollere amicitiam; ita etiam irridendo aliquis intendit quod ille qui irridetur, erubescat. Et quia hic finis est distinctus ab aliis, ideo etiam peccatum derisionis distinguitur a praemissis peccatis.

Ad primum ergo dicendum, quod subfannatio, & irrisio conveniunt in fine, sed differunt in modo: quia irrisio fit ore, idest verbo, & cachinnis; subfannatio autem naso rugato; ut dicit Glossa (interl. Aug.) super illud Psal. xi. *Qui habitat in caelis, irridebit eos*. Talis autem differentia non diversificat speciem. Utrumque tamen differt a contumelia, sicut erubescencia a dehonoratione: est enim erubescencia *timor dehonorationis*, sicut Damascenus dicit (Lib. II. orth. Fid. cap. xv.)

Ad secundum dicendum, quod de opere virtuoso aliquis apud alios & reverentiam meretur, & famam, & apud seipsum bonæ conscientiae gloriam, secundum illud II. ad Corinth. i. 12. *Gloria nostra haec est, testimonium conscientiae nostrae*. Unde e converso de actu turpi, idest vitioso, apud alios quidem tollitur hominis honor, & fama; & ad hoc contumeliosus, & detractor turpi de alio dicunt: apud seipsum autem per contumeliam, quæ dicuntur, aliquis perdit conscientiae gloriam per quamdam confusionem, & erubescencia; & ad hoc turpia dicit derisor. Et sic patet quod derisor communicat cum praedictis vitiis in materia, differt autem in fine.

Ad tertium dicendum, quod securitas conscientiae, & quies illius magnum bonum est, secundum illud Proverb. xv. 15. *Secura meus quasi iuge convivium*. Et id eo qui conscientiam alicuius inquietat, confundendo ipsum, aliquod speciale nocumentum ei inferit. Unde derisio est peccatum speciale.

## ARTICULUS II. 408

*Utrum derisio possit esse peccatum mortale.*

**A**D secundum sic proceditur. Videtur quod derisio non possit esse peccatum mortale. Omne enim peccatum mortale contrariatur caritati. Sed derisio non videtur contrariari caritati: agitur

B b 2

etur enim ludo quandoque inter amicos, unde & *delusio* nominatur. Ergo derisio non potest esse peccatum mortale.

2. Præterea. Derisio illa videtur esse maxima quæ fit in iniuriam Dei. Sed non omnis derisio quæ vergit in iniuriam Dei, est peccatum mortale: alioquin quicumque recidivaret in aliquod peccatum veniale, de quo prænituit, peccaret mortaliter: dicit enim Hidorus (Lib. II. de sum. bono cap. xvi in princ.) quod *irrisor est, & non pœnitens, qui adhuc agit quod pœnitet*. Similiter etiam sequeretur quod omnis simulatio esset peccatum mortale: quia, sicut Gregorius dicit in Moral. (Lib. XXXI. cap. ix. ante med.) *per simulationem significatur simulator, qui deridet equum, idest hominem iustum, & ascensum, idest Deum*. Ergo derisio non est peccatum mortale.

3. Præterea. Contumelia, & detractio videntur esse graviora peccata quam derisio: quia maius est facere aliquid serio quam ioco. Sed non omnis detractio, vel contumelia est peccatum mortale. Ergo multo minus derisio.

Sed contra est quod dicitur Proverb. 111. 34. *Ipse (a) deridet illusores*. Sed deridere Dei est æternaliter punire pro peccato mortali, ut patet per id quod dicitur in Psal. 11. 4. *Qui habitat in celis, irridebit eos*. Ergo derisio est peccatum mortale.

Respondeo dicendum, quod irrisio non fit nisi de aliquo malo, vel defectu. Malum autem, si sit magnum, non pro ludo accipitur, sed seriose: unde si in ludum, vel risum vertatur, ex quo irrisiois, vel illusionis nomen sumitur, hoc est, quia accipitur ut parvum.

Potest autem aliquid malum accipi ut parvum dupliciter: uno modo secundum se; alio modo ratione personæ. Cum autem aliquis alterius personæ malum, vel defectum in ludum, vel risum ponit, quia secundum se parvum malum est, est veniale, & leve peccatum secundum suum genus. Cum autem accipitur quasi parvum ratione personæ, sicut defectus puerorum, & stultorum parum ponderare solemus; sic aliquem illudere, vel irridere, est eum omnino parvipendere, & eum tam vilem æstimare, ut de eius malo non sit curandum, sed sic quasi pro ludo habendum. Et sic derisio est peccatum mortale, & gravius quam contumelia, quæ simpliciter est in manife-

sto: quia contumeliosus videtur accipere malum alterius seriose, illius autem in ludum: & ita videtur esse maior contemptus, & dehonoriatio. Et secundum hoc illusio est grave peccatum, & tanto gravius, quanto maior reverentia debetur personæ quæ illuditur.

Unde gravissimum est irridere Deum, & ea quæ Dei sunt, secundum illud Isa. xxxvii. 23. *Cui exprobasti? & quem blasphemasti? & super quem exaltasti vocem tuam?* Et postea subditur, *Ad Sanctum Israel*. Deinde secundum locum tenet irrisio parentum: unde dicitur Proverb. xxx. 17. *Oculum qui subsannat patrem, & despiciit partum matris suæ, esodiant eum corvi de torrentibus, & comedant eum filii aquilæ*. Deinde iustorum derisio gravis est: quia honor est virtutis præmium: & contra hoc dicitur lob xii. 4. *Deridetur iusti simplicitas*: quæ quidem derisio valde nociva est, quia per hoc homines a bene agendo impediuntur, secundum illud Gregorii (Lib. XX. Moral. cap. xv. parum ante med.) *Qui in aliorum affibus exoriri bona respiciunt, mox ea manu pestiferæ exprobrationis evellunt*.

Ad primum ergo dicendum, quod ludus non importat aliquid contrarium caritati respectu eius cum quo luditur; potest tamen importare aliquid contrarium caritati respectu eius de quo luditur, propter contemptum, ut dictum est (in corp.)

Ad secundum dicendum, quod ille qui recidivat in peccatum de quo prænituit, & ille qui simulat, non expresse Deum irridet, sed quasi interpretative, inquantum scilicet ad modum deridentis se habet. Nec tamen venialiter peccando aliquis simpliciter recidivat, vel simulat, (b) sed dispositive, & imperfecte.

Ad tertium dicendum, quod derisio secundum suam rationem levius aliquid est quam detractio, vel contumelia, quia non importat contemptum, sed ludum; quandoque tamen habet maiorem contemptum quam contumelia, ut supra dictum est (in corp. art.) & tunc est grave peccatum.

QUAE-

(a) *Vulgata deludet* (b) *Ita cum editione Alian, Camer, & Paris, Nisiarius, Alii dispositive, vel la interpretative.*

## QUAESTIO LXXVI.

De maledictione,  
in quatuor articulos divisa.

**P**ostea considerandum est de maledictione: & circa hoc quaeruntur quatuor.

Primo, utrum licite possit aliquis maledicere homini.

Secundo, utrum licite possit aliquis maledicere irrationali creaturae.

Tertio, utrum maledictio sit peccatum mortale.

Quarto de comparatione eius ad alia peccata.

## ARTICULUS I. 409

Utrum liceat maledicere aliquem.

*IV. dist. xxviii. quæst. 11. art. 1. quæst. 2. ad 2. & vir. quæst. 11. art. 8. ad 10. & 15. & Ps. v. & Rom. xi. & xii. lect. 9.*

**A**D primum sic proceditur. Videtur quod non liceat maledicere aliquem. Non est enim licitum præterire mandatum Apostoli, in quo Christus loquebatur, ut dicitur II. ad Cor. xiii. Sed imple præcepit Rom. xii. 14. *Benedicite, & nolite maledicere.* Ergo non licet aliquem maledicere.

2. Præterea. Omnes tenentur Deum benedicere, secundum illud Dan. xii. 8. *Benedicite filii hominum Domino.* Sed non potest ex ore eodem procedere benedictio Dei, & maledictio hominis, ut probatur Iacobi iii. Ergo nulli licet aliquem maledicere.

3. Præterea. Ille qui aliquem maledicit, videtur optare eius malum culpæ, vel pœnæ, quia maledictio videtur esse imprecatio quadam. Sed non licet desiderare malum alterius; quinimo orare oportet pro omnibus, ut liberentur a malo. Ergo nulli licet maledicere.

4. Præterea. Diabolus per obstinationem maxime subiectus est malitiæ. Sed non licet alicui maledicere diabolum, sicut nec seipsum: dicitur enim Eccli. xxi. 30. *Cum maledicit impius diabolum, maledicit ipse animam suam.* Ergo multo minus licet maledicere hominem.

5. Præterea. Num. xxiii. super illud, *Quomodo maledicam cui non maledixit Dominus?* dicit Glossa (ord. Orig. hom. xv. in Num. parum a med.), Non potest esse iusta maledicendi causa, ubi peccata

„cantis ignoratur affectus.“ Sed homo non potest scire affectum alterius hominis, nec etiam utrum sit maledictus a Deo. Ergo nulli licet aliquem hominem maledicere.

Sed contra est quod Deut. xxviii. 27. dicitur: *Maledictus qui non permanet in sermonibus legis huius.* Elifaz etiam pueris sibi illudentibus maledixit, ut habetur IV. Reg. 11.

Respondeo dicendum, quod maledicere idem est quod malum dicere. *Dicere* autem tripliciter se habet ad id quod dicitur. Uno modo per modum enuntiationis; sicut aliquid exprimitur modum indicativo: & sic maledicere nihil aliud est quam malum alterius referre, quod pertinet ad distractionem: unde quandoque maledicti *detraheres* dicuntur. Alio modo *dicere* se habet ad id quod dicitur, per modum causæ: & hoc quidem primo & principaliter competit Deo, qui omnia suo verbo fecit, secundum illud Ps. xxxiii. 9. *Dixit, & facta sunt:* consequenter autem competit hominibus, qui verbo suo alios movent per imperium ad aliquid faciendum: & ad hoc instituta sunt verba imperativi modi. Tertio modo ipsum *dicere* se habet ad id quod dicitur, quali expressio quadam affectus desiderantis id quod verbo exprimitur: & ad hoc instituta sunt verba optativi modi.

Prætermisso ergo primo modo maledictionis, qui est per simplicem enuntiationem mali, considerandum est de aliis duobus. Ubi scire oportet, quod facere aliquid, & velle illud, se consequuntur in bonitate, & malitia, ut ex supradictis patet (1. 2. quæst. xx. art. 3.) Unde in istis duobus modis, quibus malum dicitur per modum imperantis, vel per modum optantis, eadem ratione est aliquid licitum, & illicitum. Si enim aliquis imperet, vel optet malum alterius, inquantum est malum, quasi ipsum malum intendens; sic maledicere utroque modo erit illicitum: & hoc est maledicere, per se loquendo. Si autem aliquis imperet, vel optet malum alterius sub ratione boni, sic est licitum; nec erit maledictio, per se loquendo, sed per accidens: quia principalis intentio dicentis non fertur ad malum, sed ad bonum.

Contingit autem malum aliquod dici imperando, vel optando, sub ratione duplicis boni. Quandoque quidem sub ratione iusti: & sic iudex licite maledicit illum cui præcipit iustam pœnam inferri: & sic etiam Ecclesia maledicit a-

mathematizando; sicut & Prophetae in Scripturis quandoque imprecantur mala peccatoribus, quasi conformantes voluntatem suam divinae iustitiae; licet haec imprecationes possint etiam per modum praenunciationis intelligi. Quandoque vero dicitur aliquod malum sub ratione utilitatis; puta cum aliquis optat aliquem peccatorem pati aliquam aegritudinem, aut aliquid impedimentum, vel ut ipse melior efficiatur, vel ut saltem ab aliorum no-mento cesset.

Ad primum ergo dicendum, quod Apostolus prohibet maledicere, per se loquendo, cum intentione mali.

Et similiter dicendum est ad secundum.

Ad tertium dicendum, quod optare alicui malum sub ratione boni, non contrariatur affectui qui quis simpliciter alicui optat bonum; sed magis habet conformitatem ad ipsum.

Ad quartum dicendum, quod in diabolo est considerare naturam, & culpam. Natura quidem eius bona est, & a Deo, nec eam maledicere licet; culpa autem eius est maledicenda, secundum illud Iob 111. 8. *Maledicant ei qui maledicunt diei*. Cum autem peccator maledicit diabolum propter culpam, seipsum simili ratione iudicat maledictione dignum; & secundum hoc dicitur maledicere animam suam.

Ad quintum dicendum, quod affectus peccantis, etsi in se non videatur, potest tamen percipi ex aliquo manifesto peccato, pro quo poena est infligenda. Similiter etiam quamvis seiri non possit, quem Deus maledicat secundum finalem reprobationem; potest tamen seiri, quis sit maledictus a Deo secundum reatum praesentis culpae.

## ARTICULUS II. 410

*Utrum liceat creaturam irrationalem maledicere.*

*Inf. art. 4. ad 1.*

**A**D secundum sic proceditur. Videtur quod non liceat creaturam irrationalem maledicere. Maledictio enim praecipue videtur esse licita, inquantum respicit poenam. Sed creatura irrationalis non est susceptiva nec culpae, nec poenae. Ergo eam maledicere non licet.

2. Praeterea. In creatura irrationali nihil invenitur nisi natura, quam Deus fecit. Hanc autem maledicere non licet

etiam in diabolo, ut dictum est (art. praec. ad 4.) Ergo creaturam irrationalem nullo modo licet maledicere.

3. Praeterea. Creatura irrationalis aut est permanens, sicut corpora; aut est transiens, sicut tempora. Sed, sicut Gregorius dicit in IV. Moral. (cap. 11. cir. med.) *otiosum est maledicere non existentem, vaneum vero, si existeret*. Ergo nullo modo licet maledicere creaturam irrationali.

Sed contra est quod Dominus maledixit ficulneae, ut habetur Matth. xxv. & Iob maledixit diei suo, ut habetur Iob 111.

Respondeo dicendum, quod benedictio, vel maledictio proprie ad illam rem pertinet cui potest aliquid bene, vel male contingere, scilicet rationali creaturae. Creaturis autem irrationalibus bonum, vel malum dicitur contingere in ordine ad creaturam rationalem, propter quam sunt.

Ordinantur autem ad eam multipliciter. Uno quidem modo per modum subventionis, inquantum scilicet ex creaturis irrationalibus subvenitur humanae necessitati: & hoc modo Dominus homini dixit Genes. 111. 17. *Maledicta terra in opere tuo*, ut scilicet per eius sterilitatem homo puniretur. Et ita etiam intelligitur quod habetur Deuter. xxv 111. 5. *Benedicta borrea tua: & infra 17. Maledictum borreum tuum*. Sic etiam David maledixit montes Gelboe, secundum Gregorii expositionem (Lib. IV. Moral. cap. 111. in h. & cap. 1v.) Alio modo creatura irrationalis ordinatur ad rationalem per modum significationis: & sic Dominus maledixit ficulneam in significationem Iudaeae. Tertio modo ordinatur creatura irrationalis ad rationalem per modum continentis, scilicet temporis, vel loci: & sic maledixit Iob diei nativitatis suae, propter culpam originalem, quam nascendo contraxit, & propter sequentes poenales: & propter hoc etiam potest intelligi David maledixisse montes Gelboe, ut legitur II. Reg. 1. scilicet propter eadem populi quae in eis contigerat.

Maledicere autem rebus irrationalibus, inquantum sunt creaturae Dei, est peccatum blasphemiae; maledicere autem eis secundum se consideratis est, otiosum, & vanum, & per consequens illicitum.

Et per hoc patet responsio ad obiecta.



## ARTICULUS III. 411

*Utrum maledicere sit peccatum mortale.*

**A**D tertium sic proceditur. Videtur quod maledicere non sit peccatum mortale. Augustinus enim in homilia de igne purgatorio ( quæ est xli. de SS. ante med.) numerat maledictionem inter levia peccata. Hæc autem sunt venialia. Ergo maledictio non est peccatum mortale, sed veniale.

2. Præterea. Ea quæ ex levi motu mentis procedunt, non videntur universaliter esse peccata mortalia. Sed interdum maledictio ex levi motu procedit. Ergo maledictio non est peccatum mortale.

3. Præterea. Gravius est malefacere quam maledicere. Sed malefacere non semper est peccatum mortale. Ergo multo minus maledicere.

Sed contra. Nihil excludit a regno Dei nisi peccatum mortale. Sed maledictio excludit a regno Dei, secundum illud I. ad Cor. vi. 10. *Neque maledicti, neque rapaces regnum Dei possidebunt.* Ergo maledictio est peccatum mortale.

Respondeo dicendum, quod maledictio de qua nunc loquimur, est per quam pronuntiatur malum contra aliquem vel imperando, vel optando. Velle autem, vel imperio movere ad malum alterius, secundum se repugnat caritati, qua diligimus proximum volentes bonum ipsius: & ita secundum suum genus est peccatum mortale, & tanto gravius, quanto personam cui maledicimus, magis amare, & revereri tenemur. Unde dicitur Levit. xx. 9. *Qui maledixerit patri suo, & matri, morte moriatur.*

Contingit tamen verbum maledictionis prolatum esse peccatum veniale vel propter parvitatem mali quod quis alteri maledicendo imprecatur, vel etiam propter affectum eius qui proferit maledictionis verba, dum ex levi motu, vel ex ludo, aut ex surreptione aliqua talia verba proferit: quia peccata verborum maxime ex affectu pensantur, ut supra dictum est ( quæst. lxxii. art. 2. )

Et per hoc patet responsio ad obiecta.

## ARTICULUS IV. 412

*Utrum maledicere sit gravius peccatum quam detractio.*

**A**D quartum sic proceditur. Videtur quod maledictio sit gravius peccatum quam detractio. Maledictio enim videtur esse blasphemia quedam, ut patet per id quod dicitur in Canonica Iudæ 9. quod cum Michael Archangelus cum diabolo disputans, altercassetur de Moysi corpore, non est ausus iudicium inferre blasphemie: & accipitur ibi blasphemia pro maledictione, secundum Glossam (interl.) Blasphemia autem est gravius peccatum quam detractio. Ergo maledictio est gravius detractio.

2. Præterea. Homicidium est detractioe gravius, ut supra dictum est ( quæst. lxxiii. art. 3. ) Sed maledictio est par peccato homicidii: dicit enim Chrysostomus super Matth. ( hom. xx. vers. ii. ) *Cum dixeris, Maledicite ei, & domum evertet, & omnia perire fac, nihil ab homicida differt.* Ergo maledictio est gravius quam detractio.

3. Præterea. Causa præeminet signo. Sed ille qui maledicit, causat malum suo imperio; ille autem qui detrahit, solum significat malum iam existent. Gravius ergo peccat maledictus quam detractor.

Sed contra est quod detractio non potest bene fieri; maledictio autem fit bene, & male, ut ex dictis patet ( art. r. hu. quæst. ) Ergo gravius est detractio quam maledictio.

Respondeo dicendum, quod, sicut in primo habitu est ( quæst. xlviii. art. 5. ) duplex est malum, scilicet culpæ, & poenæ. Malum autem culpæ peius est, ut ibidem ostensum est ( art. 6. ) Unde dicere malum culpæ peius est quam dicere malum poenæ; dummodo sit idem modus dicendi. Ad contumeliosum ergo, & sursurronem, & detractorem, & etiam derisorem pertinet dicere malum culpæ; sed ad maledicentem, prout nunc loquimur, pertinet dicere malum poenæ, non autem malum culpæ, nisi forte sub ratione poenæ. Non tamen est idem modus dicendi: nam ad prædicta quatuor vicia pertinet dicere malum culpæ solum enuntiando; per maledictionem vero dicitur malum poenæ, vel causando per modum imperii, vel optando. Ipsa autem enuntiatio culpæ peccatum est, inquantum aliquod nocumentum ex hoc proximo inferitur: gravius autem est nocere

cumentum inferre quam nocumentum desiderare, ceteris paribus.

Unde detractio secundum communem rationem gravius peccatum est quam maledictio simplex desiderium exprimens; maledictio vero quae sit per modum imperii, cum habeat rationem causae, potest esse detractioe gravior, si maius nocumentum inferat quam sit denigratio famae; vel levior, si minus. Et haec quidem accipienda sunt secundum ea quae per se pertinent ad rationem horum vitiorum.

Possunt autem & alia per accidens considerari, quae praedicta vitia vel augent, vel minuunt.

Ad primum ergo dicendum, quod maledictio creaturae, inquantum creatura est, redundat in Deum; & sic per accidens habet rationem blasphemiae: non autem si maledicatur creaturae propter culpam. Et eadem ratio est de detractioe.

Ad secundum dicendum, quod, sicut dictum est (art. praec.) maledictio uno modo includit desiderium mali: unde si ille qui maledicit, velit malum occisionis alterius, desiderio non differt ab homicida; differt tamen, inquantum actus exterior aliquid adiciit voluntati.

Ad tertium dicendum, quod ratio illa procedit de maledictione, secundum quod importat imperium.

## QUAESTIO LXXVII.

*De fraudulentia, quae committitur in emptio-  
nibus, & venditionibus,  
in quatuor articulos divisa.*

**D**Einde considerandum est de peccatis quae sunt circa voluntarias commutationes: & primo de fraudulentia, quae committitur in emptio- & venditionibus; secundo de usura, quae fit in mutuis. Circa alias enim commutationes voluntarias non invenitur aliqua species peccati, quae distinguatur a rapina, vel furto.

Circa primum quaeruntur quatuor.

Primo de iniusta venditione ex parte pretii, scilicet utrum liceat aliquid vendere plus quam valeat.

Secundo de iniusta venditione ex parte rei venditae.

Tertio. utrum venditor teneatur dicere vitium rei venditae.

Quarto, utrum licitum sit aliquid negotiando plus vendere quam emptum sit.

## ARTICULUS I. 413

*Utrum licite aliquis possit vendere rem plus quam valeat.*

*IV. dist. xxv. quaest. 111. art. 1. quaest. 1. cor. & quaest. 11. art. 2. cor.*

**A**D primum sic proceditur. Videtur quod aliquis licite possit vendere rem plus quam valeat. Iustum enim in commutationibus humanae vitae secundum leges civiles determinatur. Sed secundum eas licitum est emptori, & venditori ut se invicem decipiant (ex Cod. Lib. IV. tit. 44. de rescindenda venditione:) quod quidem fit, inquantum venditor plus vendit rem quam valeat; emptor autem minus quam valeat. Ergo licitum est quod aliquis vendat rem plus quam valeat.

2. Praeterea. Illud quod est omnibus commune, videtur esse naturale, & non esse peccatum. Sed, sicut Augustinus refert XIII. de Trinit. (cap. 111. a princ.) dictum cuiusdam Mimi fuit ab omnibus acceptum, *Vili vultis emere, & cave vendere: cui etiam consonat quod dicitur Proverb. xx. 14. Malum est, malum est, dicit omnis emptor; & cum recesserit, gloriatur*. Ergo licitum est aliquid carius vendere, & vilius emere quam valeat.

3. Praeterea. Non videtur esse illicitum, si ex conventionione agatur id quod fieri debet ex debito honestatis. Sed secundum Philosophum in VIII. Ethicor. (cap. x111. sub. h.) in amicitia utili recompensatio fieri debet secundum utilitatem quam consecutus est ille qui beneficium suscepit: quae quidem quandoque excedit valorem rei datae; sicut contingit cum aliquis multum re aliqua indiget vel ad periculum evitandum, vel ad aliquid commodum consequendum. Ergo licet in contractu emptionis, & venditionis aliquid dare pro maiori pretio quam valeat.

Sed contra est quod dicitur Matth. vii. 12. *Omnia quaecumque vultis ut faciant vobis homines, & vos facite illis*. Sed nullus vult sibi rem vendi carius quam valeat. Ergo nullus debet alteri vendere rem carius quam valeat.

Respondeo dicendum, quod fraudem adhibere ad hoc quod aliquid plus iusto pretio vendatur, omnino peccatum est, inquantum aliquis decipit proximum in damnum ipsius. Unde & Tullius dicit

in Lib. III. de offic. ( in tit. *quod bono viro non est simulandum*, a princ. ) *Tolendum est igitur in rebus contrahendis omne mendacium ; non licitorem venditor , nec qui contra se licetetur , emptor apponatur .*

Si autem fraus deficit , tunc de emptione , & venditione dupliciter loqui possumus . Uno modo secundum se : & secundum hoc emptio , & venditio videtur esse introducta pro communi utilitate utriusque , dum scilicet unus indiget re alterius , & e converso ; sicut patet per Philosophum in I. Polit. ( cap. vi. a princ. ) Quod autem pro communi utilitate inductum est , non debet esse magis in gravamen unius quam alterius : & ideo debet secundum aequalitatem rei inter eos contractus institui . Quantitas autem rei , quae in usum hominis venit , mensuratur secundum pretium datum ; ad quod est inventum numisma , ut dicitur in V. Ethic. ( cap. v. ante med. ) Et ideo si vel pretium excedat quantitatem valoris rei , vel e converso res excedat pretium , tollitur iustitiae aequalitas . Et ideo carius vendere , vel vilius emere rem quam valeat , est secundum se iniustum , & illicitum .

Alio modo possumus loqui de emptione , & venditione , secundum quod per accidens cedit in utilitatem unius , & detrimentum alterius ; puta cum aliquis multum indiget habere rem aliquam , & alius laeditur , si ea careat : & in tali casu iustum pretium erit ut non solum respiciatur ad rem quae venditur , sed ad damnum quod venditor ex venditione incurrit . Et sic licite poterit aliquid vendi plus quam valeat secundum se , quantvis non vendatur plus quam valeat habenti . Si vero aliquis multum iuvetur ex re alterius quam accepit , ille vero qui vendit , non damnificetur carendo re illa , non debet eam supervendere : quia utilitas quae alteri accrescit , non est ( a ) ex vendente , sed ex conditione elementis . Nullus autem debet vendere alteri quod non est suum ; licet possit ei vendere damnum quod patitur . Ille tamen qui ex re alterius accepta multum iuvatur , potest propria sponte aliquid vendenti supererogare ; quod pertinet ad eius honestatem .

Ad primum ergo dicendum , quod , sicut supra dictum est ( q. 2. quest. xcvi. art. 2. ) lex humana populo datur , in quo sunt multi a virtute deficientes ;

non autem datur solum virtuosis . Et ideo lex humana non potuit prohibere quicquid est contra virtutem ; sed ei sufficere ut prohibeat ea quae destruunt hominum convictum ; alia vero habeat quasi licita , non quia ea approbet , sed quia ea non punit . Sic ergo habet quasi licitum , penam non inducens , si abique fraude venditor rem suam supervendat , aut emptor vilius emat ; nisi sit nimis excessus , quia tunc etiam lex humana cogit ad restituendum , puta si aliquis sic deceptus ultra dimidium iusti pretii quantitatem . Sed lex divina nihil impunitum relinquit quod sit virtuti contrarium . Unde secundum divinam legem illicitum reputatur , si in emptione , & venditione non sit aequalitas iustitiae observata : & tenetur ille qui plus habet , recompensare ei qui damnificatus est , si sit notabile damnum . Quod ideo dico , quia iustum pretium rerum non est punctualiter determinatum , sed magis in quadam aestimatione consistit ; ita quod modica additio , vel minus non videtur tollere aequalitatem iustitiae .

Ad secundum dicendum , quod , sicut ibidem dicit Augustinus , *minus ille vel seipsum intuendo , vel alios experiendo , vult velle emere , & care vendere , omnibus id creditur esse commune . Sed quoniam vera virtus est , potest quisque adipisci huiusmodi iustitiam , qua huic restat , & vincat : & ponit exemplum de quodam libro quod modicum pretium de quodam libro propter ignorantiam postulanti iustum pretium dedit . Unde patet quod illud commune desiderium non est naturae , sed vitii : & ideo commune est multis , qui per latam viam vitiorum incedunt .*

Ad tertium dicendum , quod in iustitia commutativa consideratur principaliter aequalitas rei ; sed in amicitia utilis consideratur aequalitas utilitatis : & ideo recompensatio fieri debet secundum utilitatem perceptam ; in emptione vero secundum aequalitatem rei .

## ARTICULUS II. 414

*Utrum venditio reddatur illicita propter defectum rei venditae .*

**A**D secundum sic proceditur . Videtur quod venditio non reddatur iniusta , & illicita propter defectum rei venditae . Minus enim cetera sunt pensanda in re quam

( a ) Ita cum eisdem , Tarras , Alcan , & Paris . Nicolai & posterius edit . Al. ex venditione .

quam rei species substantialis. Sed propter defectum speciei substantialis non videtur reddi venditio rei illicita; puta si aliquis vendat argentum, vel aurum alchimicum pro vero, quod est utile ad omnes humanos usus, ad quos necessarium est argentum, & aurum, puta ad vasa, & ad alia huiusmodi. Ergo multo minus erit illicita venditio, si sit defectus in aliis.

2. Præterea. Defectus ex parte rei, qui est secundum quantitatem, maxime videtur iustitiam contrariari, quæ in æqualitate consistit. Quantitas autem per mensuram cognoscitur: mensura autem rerum quæ in usum hominum veniunt, non sunt determinatæ, sed alicubi maiores, alicubi minores, ut patet per Philosophum in V. Ethic. (cap. vii. in med.). Ergo sicut non potest evitari defectus ex parte rei venditæ, ita videtur quod ex hoc venditio non reddatur illicita.

3. Præterea. Ad defectum rei venditæ pertinet, si ei conveniens qualitas deest. Sed ad qualitatem rei cognoscendam requiruntur magna scientia, quæ plerisque venditoribus deest. Ergo non redditur venditio illicita propter rei defectum.

Sed contra est quod dicit Ambrosius in Lib. III. de offic. (cap. xi. a med.) *Regula iustitia manifesta est quod a vero non declinare virum deceat bonum, nec damno iniusto afficere quemquam, nec doli aliquid annexere.*

Respondeo dicendum, quod circa rem quæ venditur, triplex defectus considerari potest. Unus quidem secundum speciem rei: & hunc quidem defectum si venditor cognoscat in re quam vendit, fraudem committit in venditione: unde venditio illicita redditur. Et hoc est quod dicitur contra quosdam Isa. 1. 22. *Argentum tuum versum est in scoriâ, vinum tuum mixtum est aqua: quod enim permixtum est, patitur defectum quantum ad speciem.*

Alius autem defectus est secundum quantitatem, quæ per mensuram cognoscitur: & ideo si quis scienter utatur deficiente mensura in vendendo, fraudem committit: & est illicita venditio. Unde dicitur Deuter. xxv. 13. *Non habebis in sacculo diversa pondera, maius, & minus; nec eris in domo tua modius maior, & minor: & postea subditur: Abominatur enim Dominus eum qui facit hec, & aueritur omnem iniustitiam.*

Tertius defectus est ex parte qualitatatis, puta si aliquid animal infirmum vendat

quasi sanum: quod si quis scienter fecerit, fraudem committit in venditione: unde est illicita venditio. Et in omnibus talibus non solum aliquis peccat iniustam venditionem faciendâ, sed etiam ad restitutionem tenetur.

Si vero, eo ignorante, aliquis prædictorum defectuum in re vendita fuerit, venditor quidem non peccat, quia facit iniustum materialiter; nec eius operatio est iniusta, ut ex supra dictis patet (quæst. lxx. art. 2.). Tenetur tamen, cum ad eius notitiam pervenerit, damnum recompen-sare emptori.

Et quod dictum est de venditore, etiam intelligendum est ex parte emptoris. Contingit enim quandoque venditorem credere rem suam esse minus pretiosam quantum ad speciem; sicut si aliquis vendat aurum loco aurichalci, emptor, si id cognoscat, iniuste emit, & ad restitutionem tenetur. Et eadem ratio est de defectu qualitatatis, & quantitatis.

Ad primum ergo dicendum, quod aurum, & argentum non solum cara sunt propter utilitatem vasorum, quæ ex eis fabricantur, aut aliorum huiusmodi, sed etiam propter dignitatem, & puritatem substantiæ ipsorum. Et ideo si aurum, vel argentum ab alchimis falsum, veram speciem non habeat auri, & argenti, est fraudulenta, & iniusta venditio: præsertim cum sint aliquæ utilitates auri, & argenti veri, secundum naturalem operationem ipsorum, quæ non conveniunt auro per alchimiam sophisticato; sicut quod habet proprietatem lætificandi, & contra quosdam infirmitates medicinaliter iuvat; frequentius etiam potest poni in operatione, & diutius in sua puritate permanet aurum verum quam aurum sophisticatum. Si autem per alchimiam fieret aurum verum, non esset illicitum ipsum pro vero vendere: quia nihil prohibet artem uti aliquibus naturalibus causis ad producendos naturales, & veros effectus, sicut Augustinus dicit in III. de Trinit. (cap. viii.) de his quæ arte dæmonum fiunt.

Ad secundum dicendum, quod mensuras rerum venalium necesse est in diversis locis esse diversas, propter diversitatem copiarum, & inopiarum rerum: quia ubi res magis abundant, consueverunt esse maiores mensuræ. In unoquoque tamen loco ad rectores civitatis pertinet determinare, quæ sint iustæ mensuræ rerum venalium, pensatis conditionibus locorum, & rerum. Et ideo has mensuras publi-

publica auctoritate, vel consuetudine institutas præterire non licet.

Ad tertium dicendum, quod, sicut Augustinus dicit in XI. de civ. Dei (cap. xvi.) pretium rerum venalium non consideratur secundum gradum naturæ, cum quandoque pluris vendatur unus equus quam unus servus; sed consideratur, secundum quod res in usum hominis veniunt. Et ideo non oportet quod venditor, vel emptor cognoscat occultas rei venditæ qualitates, sed illas solum per quas redditur humanis usibus apta, puta quod equus sit fortis, & bene currat, & similiter in ceteris. Has autem qualitates de facili venditor, & emptor cognoscere possunt.

## ARTICULUS III. 415

*Utrum venditor teneatur dicere vitium rei venditæ.*

*Quol. II. art. 10.*

**A**D tertium sic proceditur. Videtur quod venditor non teneatur dicere vitium rei venditæ. Cum enim venditor emptorem ad emendum non cogat, videtur eius iudicio rem quam vendit, supponere. Sed ad eundem pertinet iudicium, & cognitio rei. Non ergo videtur imputandum venditori, si emptor in suo iudicio decipitur, præcipitanter emendo, absque diligenti inquisitione de conditionibus rei.

2. Præterea. Stultum videtur quod aliquis id faciat unde eius operatio impediat. Sed si aliquis vitia rei vendendæ indicet, impedit suam venditionem: unde Tullius in Lib. III. de offic. (in tit. in contrahibus communibus qua formula etc.) inducit quemdam dicentem: *Quid iam absurdum, quam si domini iussu ita præco prædices: Domum pestilentem vendes?* Ergo venditor non tenetur dicere vitia rei venditæ.

3. Præterea. Magis necessarium est homini ut cognoscat viam virtutis, quam ut cognoscat vitia rerum quæ venduntur. Sed homo non tenetur cuilibet consilium dare, & veritatem dicere de his quæ pertinent ad virtutem, quamvis nulli debeat dicere falsitatem. Ergo multo minus tenetur venditor vitia rei venditæ dicere, quasi consilium dando emptori.

4. Præterea. Si aliquis teneatur dicere defectum rei venditæ, hoc non est nisi ut minuat de pretio. Sed quandoque diminueretur de pretio etiam absque vi-

tio rei venditæ propter aliquid aliud; puta si venditor deferens triticum ad locum, ubi est carissima frumenti, sciat multos posse se venire, qui deferant; quod si sciretur ab ementibus, minus pretium darent. Huiusmodi autem non oportet dicere venditorem, ut videtur. Ergo pari ratione nec vitia rei venditæ.

Sed contra est quod Ambrosius dicit in III. Libro de offic. (cap. x. parum a princ.) *In contrahibus vitia eorum quæ veniunt, prodi iubentur; ac nisi intinaveris venditor, quamvis in ius emptoris transierint, deli actione vacuantur.*

Respondeo dicendum, quod dare alicui occasionem periculi, vel dampni semper est illicitum; quamvis non sit necessarium quod homo alteri semper det auxilium, vel consilium pertinens ad eius qualemcumque promotionem; sed hoc solum est necessarium in aliquo casu determinato, puta cum alius eius curæ subditur, vel cum non potest ei per alium subveniri. Venditor autem, qui rem vendendam proponit, ex hoc ipso dat emptori damna, vel periculi occasionem, quod rem viciosam ei offert, si ex eius vicio damnum, vel periculum incurrere possit. Damnum quidem, si propter huiusmodi vitium res, quæ vendenda proponitur, minoris sit pretii; ipse vero propter huiusmodi vitium nihil de pretio subtrahat: periculum autem, si propter huiusmodi vitium usus rei reddatur impeditus, vel noxius; puta si aliquis alicui vendat equum claudicantem pro veloci, vel ruinofam domum pro firma, vel cibum corruptum, sive venenolum pro bono. Unde si huiusmodi vitia sine occulte, & ipse non detegat, erit illicita, & dolosa venditio; & tenetur venditor ad damni recompensationem.

Si vero vitium fit manifestum, puta cum equus est monoculus, vel cum usus rei etsi non competat venditori, potest tamen esse conveniens aliis, & si ipse propter huiusmodi vitium subtrahat quantum oportet de pretio; non tenetur ad manifestandum vitium rei: quia forte propter huiusmodi vitium emptor vellet plus subtrahi de pretio quam esset subtrahendum. Unde potest licite venditor indemnitati suæ consulere, vitium rei reticendo.

Ad primum ergo dicendum, quod iudicium non potest fieri nisi de re manifesta. Unusquisque enim iudicat, secundum quod cognoscit, ut dicitur in I. Ethic. (cap. III. in med.) Unde si vi-

tia

tia rei quæ vendenda proponitur, sine occulta, nisi per venditorem manifestetur, non sufficeret committitur emptori iudicium. Secus autem esset, si essent vitia manifesta.

Ad secundum dicendum, quod non oportet quod aliquis per præconem vitium rei vendendæ prænuunt: quia si prædicaret vitium, exterrerentur emptores ab emendo, dum ignorarent alias condiciones rei, secundum quas est bona, & utilis. Sed singulariter est dicendum vitium rei ei qui ad emendum accedit, qui potest simul omnes condiciones ab invicem comparare, bonas, & malas. Nihil enim prohibet rem in aliquo vitiosam, in multis aliis utilem esse.

Ad tertium dicendum, quod quamvis homo non teneatur simpliciter omni homini dicere veritatem de his quæ pertinent ad virtutes; teneatur tamen in casu illo de his dicere veritatem quando ex eius facto alteri periculum immineret in detrimentum virtutis, nisi diceret veritatem: & sic est in proposito.

Ad quartum dicendum, quod vitium rei facit rem in presenti esse minoris valoris quam videatur; sed in casu præmissio, in futurum res expectatur esse minoris valoris per superventum negotiatorum, qui ab eumentibus ignoratur: unde venditor qui vendit rem secundum pretium quod invenit, non videtur contra iustitiam facere, si quod futurum est non exponat. Si tamen exponeret, vel de pretio subtraheret, abundantioris esset virtutis; quamvis ad hoc non videatur teneri ex iustitiæ debito.

#### ARTICULUS IV. 416

*Utrum liceat negotiando aliquid carius vendere quam emere.*

*Opusc. XIII. cap. III.*

**A**D quartum sic proceditur. Videtur quod non liceat negotiando aliquid carius vendere quam emere. Dicit enim Chrysostomus (alius Auctor) super Matth. XXI. (hom. XXXVIII. in op. imperf. ante med.) *Quicumque rem comparat, ut integram, & immutatam vendendo lucretur, ille est mercator, qui de templo Dei eiicitur: & idem dicit Cassiodorus super illud Psal. lxx. Quoniam non cognovi litteraturam, vel negotiationem, secundum aliam litteram (LXX. Interpr.)*, "Quid (inquit) est aliud negotiatio, nisi vilius comparare, & carius velle distrahere?"

& subdit: "Negotiatores tales Dominus eiicit de templo." Sed nullus eiicitur de templo nisi propter aliquod peccatum. Ergo talis negotiatio est peccatum.

2. Præterea. Contra iustitiam est quod aliquis rem carius vendat quam valeat, vel vilius emat, ut ex dictis apparet (art. I. huius quæst.) Sed ille qui negotiando rem carius vendit quam emerit, necesse est quod vel vilius emerit quam valeat, vel carius vendat. Ergo hoc sine peccato fieri non potest.

3. Præterea. Hieronymus dicit (epist. II. ad Nepotian. ante med.) *Negotiatorum clericum, ex inope divitem; ex ignobili gloriosum, quasi quamdam pestem fuge*. Non autem negotiatio clericis interdicta esse videtur nisi propter peccatum. Ergo negotiando aliquid vilius emere, & carius vendere, est peccatum.

Sed contra est quod Augustinus dicit super illud Psal. lxx. *Quoniam non cognovi litteraturam*: (conc. I. a med.) "Negotiator avidus acquirendi pro damno blasphematur, pro pretiis rerum mentitur, & peierat. Sed hæc vitia hominibus sunt, non artibus, quæ sine his vitis agi possent." Ergo negotiari secundum se non est illicitum.

Respondeo dicendum, quod ad negotiatores pertinet commutationibus rerum insistere. Ut autem Philosophus dicit in I. Polit. (cap. v. & vi.) duplex est rerum commutatio. Una quidem quasi naturalis, & necessaria, per quam scilicet fit commutatio rei ad rem, vel rerum, & denariorum propter necessitatem vitæ: & talis commutatio non proprie pertinet ad negotiatores, sed magis ad reconomicos, vel politicos, qui habent providere vel domui, vel civitati de rebus necessariis ad vitam.

Alia vero commutationis species est vel denariorum ad denarios, vel quarumcumque rerum ad denarios, non propter res necessarias vitæ, sed propter lucrum querendum: & hæc quidem negotiatio proprie videtur ad negotiatores pertinere, secundum Philosophum (Lib. I. Polit. cap. vi.)

Prima autem commutatio laudabilis est, quia deservit naturali necessitati. Secunda autem iuste vituperatur: quia, quantum est de se, deservit cupiditati lucri, quæ terminum nescit, sed in infinitum tendit.

Et ideo negotiatio secundum se considerata quamdam turpitudinem habet, inquantum non importat de sui ratione

fi nem honestum, vel necessarium. Lucrum tamen, quod est negotiationis finis, etsi in sui ratione non importet aliquid honestum, vel necessarium; nihil tamen importat in sui ratione vitiosum, vel virtuti contrarium: unde nihil prohibet, lucrum ordinari ad aliquem finem necessarium, vel etiam honestum: & sic negotiatio licita reddetur; sicut cum aliquis lucrum moderatum, quod negotiando quaerit, ordinat ad domus suae sustentationem, vel etiam ad subveniendum indigentibus; vel etiam cum aliquis negotiationi intendit propter publicam utilitatem, ne scilicet res necessariae ad vitam patriae desint; & lucrum expetit, non quasi finem, sed quasi stipendium laboris.

Ad primum ergo dicendum, quod verbum Chryllosolimi est intelligendum de negotiatione, secundum quod ultimum finem in lucro constituit: quod praecipue videtur quando aliquis rem non immutatam carius vendit: si enim rem in melius mutatam carius vendat, videtur praemium sui laboris accipere; quamvis & ipsum lucrum possit licite intendi, non sicut ultimum finem, sed propter alium finem necessarium, vel honestum, ut dictum est (in corp.).

Ad secundum dicendum, quod non quicumque carius vendit aliquid quam emit, negotiatur; sed solum qui ad hoc emit, ut carius vendat. Si autem emit rem, non ut vendat, sed ut teneat, & postmodum propter aliquam causam eam vendere velit, non est negotiatio, quamvis carius vendat. Potest enim hoc licite facere, vel quia in aliquo rem melioravit, vel quia pretium rei est mutatum secundum diversitatem loci, vel temporis, vel propter periculum, cui se exposuit, transferendo rem de loco ad locum, vel eam (a) ferri faciendo. Et secundum hoc nec emptio, nec venditio est iniusta.

Ad tertium dicendum, quod clerici non solum debent abstinere ab his quae sunt secundum se mala, sed etiam ab his quae habent speciem mali. Quod quidem in negotiatione contingit: tum propter hoc quod est ordinata ad lucrum terrenum, cuius clerici debent esse contemptores: tum etiam propter frequentiam negotiationum vitia, quia (b) difficulter exiit negotiator a peccatis laborum, ut dicitur Eccli. xxvi. 28. Est & alia causa,

quia negotiatio nimis implicat animum saecularibus curis, & per consequens a spiritualibus retrahit: unde & Apostolus dicit II. ad Timoth. 11. 4. *Nemo militans Deo implicat se negotiis saecularibus.* Licet tamen clericis uti prima commutationis specie, quae ordinatur ad necessitatem vitae, emendo, vel vendendo.

## QUAESTIO LXXVIII.

*De peccato usurae, quod committitur in mutuis,*

*in quatuor articulis divisa.*

**D**Einde considerandum est de peccato usurae, quod committitur in mutuis: & circa hoc quaeruntur quatuor.

Primo, utrum sit peccatum accipere pecuniam in pretium pro pecunia mutuata, quod est accipere usuram.

Secundo, utrum liceat pro eodem quamcumque utilitatem accipere, quasi in recompensationem mutui.

Tertio, utrum aliquis restituere teneatur id quod de pecunia usuraria iusto lucro lucratus est.

Quarto, utrum liceat accipere mutuum pecuniam sub usura.

## ARTICULUS I. 417

*Utrum accipere usuram pro pecunia mutuata sit peccatum.*

III. dist. xxxvii. art. 6. & mal. quaest. xiii. art. 4. & quod. 111. art. 19. & opusc. lxxiii. cap. xiv. & xv.

**A**D primum sic proceditur. Videtur quod accipere usuram pro pecunia mutuata non sit peccatum. Nullus enim peccat ex hoc quod sequitur exemplum Christi. Sed Dominus de se ipso dicit Luc. xix. 23. *Ego veniens cum usuris exegissem illam*, scilicet pecuniam mutuata. Ergo non est peccatum accipere usuram pro mutuo pecuniae.

2. Praeterea. Sicut dicitur in Psalm. xvi. 8. *lex Domini immaculata*; quia scilicet peccatum prohibet. Sed in lege divina conceditur aliqua usura, secundum illud Deut. xxiii. 19. *Non fenerabis fratri tuo ad usuram pecuniam, nec fruges, nec quamlibet aliam rem, sed alieno*: & quod plus est, etiam in praemium reponitur pro lege servata, secundum illud Deut. xxviii. 12. *Fenerabis gentibus*.

(a) Ita cum cod. Alean. aliisque pluribus Nicetaus & recentiores edid. Al. ferri. (b) Vulgata: Difficiliter exiit negotians a negligentia, & non iustificabitur caupo a peccatis laborum.

*sibus multis, & ipse a nullo senus accipies.* Ergo accipere usuram non est peccatum.

3. Præterea. In rebus humanis determinatur iustitia per leges civiles. Sed secundum eas conceditur usuras accipere. Ergo non videtur esse licitum.

4. Præterea. Prætermittitur consilia non obligat ad peccatum. Sed Luc. vi. inter alia consilia ponitur: *Date mutuum, nihil inde sperantes.* Ergo accipere usuram non est peccatum.

5. Præterea. Pretium accipere pro eo quod quis facere non tenetur, non videtur esse secundum se peccatum. Sed non in quolibet casu tenetur pecuniam habens eam proximo mutuare. Ergo licet ei aliquando pro mutuo accipere pretium.

6. Præterea. Argentum monetatum, & in vasa formatum, non differt specie. Sed licet accipere pretium pro vasis argenteis accommodatis. Ergo etiam licet accipere pretium pro mutuo argenti monetati. Usura ergo non est secundum se peccatum.

7. Præterea. Quilibet potest licite accipere rem quam ei dominus rei voluntarie tradidit. Sed ille qui accipit mutuum, voluntarie tradit usuram. Ergo ille qui mutuatur, licite potest accipere.

Sed contra est quod dicitur Exod. xxii. 25. *Si pecuniam mutuum dederis populo meo pauperi, qui habitat tecum, non urgebis eum quasi exactor, nec usuris opprimes.*

Respondeo dicendum, quod accipere usuram pro pecunia mutuata est secundum se iniustum: quia venditur id quod non est; per quod manifeste inæqualitas constituitur, quæ iustitiæ contrariatur.

Ad cuius evidentiam sciendum est, quod quedam res sunt quarum usus est ipsarum rerum consumptio; sicut vinum consumimus, eo utendo ad potum, & triticum consumimus, eo utendo ad cibum. Unde in talibus non debet scorum computari usus rei a re ipsa; sed cuiusque conceditur usus, ex hoc ipso conceditur res: & propter hoc in talibus per mutuum transfertur dominium. Si quis ergo scorum vellet vendere vinum, & vellet scorum vendere usum vini, venderet eandem rem bis, vel venderet id quod non est: unde manifeste per iniustitiam peccaret. Et similitudine iniustitiam committit qui mutuatur vinum, aut triticum, petens sibi dari duas recompensationes; unam quidem restitutionem æqualis rei; aliam vero pretium usus, quod *usura* dicitur.

Quædam vero sunt quorum usus non est ipsa rei consumptio; sicut usus domus est inhabitatio, non autem dissipatio. Et ideo in talibus scorum potest utrumque concedi; puta cum aliquis tradit alteri dominium domus, reservato sibi usu ad aliquod tempus; vel e converso cum quis concedit alicui usum domus, reservato sibi eius dominio. Et propter hoc licite potest homo accipere pretium pro usu domus, & præter hoc petere domum accommodatam, sicut patet in conduktione, & locatione domus.

Pecunia autem, secundum Philosophum in V. Ethic. (cap. v. a med.) & in I. Polit. (cap. v. & vi.) principaliter est inventa ad commutationes faciendas: & ita proprius, & principalis pecuniæ usus est ipsius consumptio, sive distractio, secundum quod in commutationes expenditur. Et propter hoc secundum se est illicitum pro usu pecuniæ mutuatur accipere pretium, quod dicitur *usura*: & sicut alia iniuste acquisita tenetur homo restituere, ita pecuniam quam per usuram accepit.

Ad primum ergo dicendum, quod usura ibi metaphoricè accipitur pro supererescencia bonorum spiritualium, quam exigit Deus, volens ut in bonis acceptis ab eo semper proficiamus; quod est ad utilitatem nostram, non eius.

Ad secundum dicendum, quod Iudeis prohibitum fuit accipere usuram a fratribus suis, scilicet Iudeis: per quod datur intelligi, quod accipere usuram a quocumque homine, est simpliciter malum: debemus enim omnem hominem habere quasi proximum, & fratrem, præcipue in statu Evangelii, ad quod omnes vocantur. Unde in Plal. xlv. 5. absolute dicitur: *Qui pecuniam suam non dedit ad usuram*: & Ezech. xviii. 8. *Qui usuram non accepit.* Quod autem ab extraneis usuram acciperent, non fuit eis concessum quasi licitum, sed permixtum ad maius malum vitandum; ne scilicet a Iudeis Deum colentibus usuras acciperent, propter avaritiam, cui dediti erant, ut habetur Isa. lvi. Quod autem in præmium promittitur, *Feneraberis gentibus multis &c.* senus ibi large accipitur pro mutuo; sicut & Eccli. xxxix. dicitur: *Multi non causa nequitie non feneraverunt, id est non mutuaverunt.* Promittitur ergo in præmium Iudeis abundantia divitiarum, ex qua contingit quod aliis mutuare possint.

Ad tertium dicendum, quod leges humane



manz dimitunt aliqua peccata impunita, propter conditiones hominum imperfectorum; in quibus multae utilitates impedirentur; si omnia peccata districte prohiberentur poenae adhibitis. Et ideo usuras lex humana concessit, non quasi existimans eas esse secundum iustitiam; sed ne impedirentur utilitates multorum. Unde in ipso iure civili (Lib. II. Constit. tit. 4. de usufructu §. Constituitur) dicitur, quod *res quae usu consumuntur, nec ratione naturali, neque civili recipiunt usufructum*; & quod *Senatus non fecit earum rerum usufructum* (nec enim poterat) sed quasi usufructum constituit; concedens scilicet usuras. Et Philosophus naturali ratione ductus dicit in I. Polit. (cap. VII. parum ante med.) quod *usuraria acquisitio pecuniarum est maxime praeter naturam*.

Ad quartum dicendum, quod dare mutuum non semper tenetur homo; & ideo quantum ad hoc ponitur inter consilia. Sed quod homo lucrum de mutuo non querat, hoc cadit sub ratione praeccepti. Potest tamen dici consilium per comparisonem ad dicta Phariseorum, qui putabant usuram aliquam esse licitam; licet & dilectio inimicorum est consilium. Vel loquitur ibi non de spe usurarii lucri, sed de spe quae ponitur in homine non enim debemus mutuum dare, vel quodcumque bonum facere propter spem hominis, sed propter spem Dei.

Ad quintum dicendum, quod ille qui mutuare non tenetur, recompensationem potest accipere eius quod fecit; sed non amplius debet exigere. Recompensatur autem sibi secundum aequalitatem iustitiae, si tantum ei reddatur, quantum mutuavit. Unde si amplius exigit pro usufructu rei, quae alium usum non habet nisi consumptionem substantiae, exigit pretium eius quod non est; & ita est iniusta exactio.

Ad sextum dicendum, quod usus principalis valorum argenteorum non est ipsa eorum consumptio; & ideo usus eorum potest vendi licite, servato dominio rei. Usus autem principalis pecuniae argenteae est distractio pecuniae in commutationes: unde non licet eius usum vendere cum hoc quod aliquis velit eius restitutionem quod mutuo dedit. Sciendum tamen, quod secundarius usus argenteorum valorum posset esse commutatio: & talem usum eorum non liceret vendere. Et similiter potest esse aliquis secundarius usus pecuniae argenteae; ut

puta si quis concederet pecuniam signatam ad ostentationem, vel ad ponendum loco pignoris: & talem usum pecuniae licite homo vendere potest.

Ad septimum dicendum, quod ille qui dat usuram, non simpliciter voluntarie dat, sed cum quadam necessitate, in quantum indiget accipere pecuniam mutuo, quam ille qui habet, non vult sine usura mutuari.

## ARTICULUS II. 418

*Utrum liceat pro pecunia mutuata aliquam aliam commoditatem expetere.*

*Mal. quæst. XIII. art. 4. ad 10. & opusc. xxx. quæst. III. & IV. & opusc. lxxiii. cap. III. & VII.*

**A**D secundum sic proceditur. Videtur quod aliquis possit pro pecunia mutuata aliquam aliam commoditatem expetere. Unusquisque enim licite potest iure indemnitati consulere. Sed quandoque damnum aliquis patitur ex hoc quod pecuniam mutuatur. Ergo licitum est ei supra pecuniam mutuata aliquid aliud pro damno expetere, vel etiam exigere.

2. Præterea. Unusquisque tenetur ex quodam debito honestatis aliquid recompensare ei qui sibi gratiam fecit, ut dicitur in V. Ethic. (cap. V. paulo a princ.) Sed ille qui alicui in necessitate constituto pecuniam mutuatur, gratiam facit, unde & gratiarum actio ei debetur. Ergo ille qui recipit, tenetur naturali debito aliquid recompensare. Sed non videtur esse illicitum obligare se ad aliquid ad quod quis ex naturali iure tenetur. Ergo non videtur esse illicitum, si aliquis pecuniam alteri mutuans, in obligationem deducat aliquam recompensationem.

3. Præterea. Sicut est quoddam munus a manu, ita etiam est quoddam munus a lingua, & ab obsequio, ut dicit Glossa (interl.) Isa. xxxiii. 15. *Beatus qui excutit manus suas ab omni munere*. Sed licet accipere servitium, vel etiam laudem ab eo cui quis pecuniam mutuavit. Ergo pari ratione licet quodcumque aliud munus accipere.

4. Præterea. Eadem videtur esse comparatio dati ad datum, & mutuati ad mutuatum. Sed licet pecuniam accipere pro alia pecunia data. Ergo licet accipere recompensationem alterius mutui pro pecunia mutuata.

5. Præterea. Magis a se pecuniam alie-

nat

pat qui eam mutando dominium transfert, quam qui eam mercatori, vel artifice committit. Sed licet lucrum accipere de pecunia commissa mercatori, vel artifice. Ergo licet etiam lucrum accipere de pecunia mutuata.

6. Præterea. Pro pecunia mutuata potest homo pignus accipere, cuius usus potest pretio aliquo vendi; sicut cum impignoratur ager, vel domus, quæ inhabitatur. Ergo licet aliquod lucrum habere de pecunia mutuata.

7. Præterea. Contingit quandoque quod aliquis carius vendit res suas ratione mutui, aut vilius emit quod est alterius, vel etiam pro dilatione pretium augeat, vel pro acceleratione diminuat: in quibus omnibus videtur aliqua recompensatio fieri quasi pro mutuo pecuniæ. Hoc autem non manifeste apparet illicitum. Ergo videtur licitum esse aliquod commodum de pecunia mutuata (a) expectare, vel etiam exigere.

Sed contra est quod Ezech. xviii. 17. dicitur inter alia quæ ad virum iustum requiruntur: *Si usuram, & superabundantiam non acceperit.*

Respondetur dicendum, quod secundum Philosophum in IV. Ethic. (cap. 2. circ. princ.) omne illud pro pecunia habetur cuius pretium potest pecunia mensurari. Et ideo sicut si aliquis pro pecunia mutuata, vel quacumque alia re quæ ipso usu consumitur, pecuniam accipit ex pacto tacito, vel expresso, peccat contra iustitiam, ut dictum est (art. præc.) ita etiam quicumque ex pacto tacito, vel expresso quodcumque aliud acceperit, cuius pretium pecunia mensurari potest, simile peccatum incurrit.

Si vero accipiat aliquid huiusmodi, non quasi exigens, nec quasi ex aliqua obligatione tacita, vel expressa, sed sicut gratuitum donum, non peccat: quia etiam antequam pecuniam mutuasset, licite poterat aliquid donum gratis accipere: nec peioris conditionis efficitur per hoc quod mutuavit.

Recompensationem vero eorum quæ pecunia non mensurantur, licet promutuo exigere, puta benevolentiam, & amorem eius qui mutuavit, vel aliquid huiusmodi.

Ad primum ergo dicendum, quod ille qui mutuum dat, potest absque peccato in pactum deducere cum eo qui mutuum

accipit, recompensationem damni; per quod subtrahitur sibi aliquid quod debet habere: hoc enim non est vendere usum pecuniæ, sed damnum vitare; & potest esse quod accipiens mutuum maius damnum evitet quam dans incurrat: unde accipiens mutuum, cum sua utilitate damnum alterius recompensat. Recompensationem vero damni, quod consideratur in hoc quod de pecunia non lucratur, non potest in pactum deducere: quia non debet vendere id quod nondum habet, & potest impediri multipliciter ab habendo.

Ad secundum dicendum, quod recompensatio alicuius beneficii dupliciter fieri potest. Uno quidem modo ex debito iustitiæ; ad quod aliquis ex certo pacto obligari potest: & hoc debuit attenditur secundum quantitatem beneficii quod quis accepit. Et ideo ille qui accepit mutuum pecuniæ, vel cuiuscumque similis rei, cuius usus est eius consumptio, non tenetur ad plus recompensandum quam mutuo acceperit: unde contra iustitiam est, si ad plus reddendum obligetur. Alio modo tenetur aliquis ad recompensandum beneficium ex debito amicitiae; in quo magis consideratur affectus, ex quo aliquis beneficium contulit, quam etiam quantitas eius quod fecit: & tali debito non competit civilis obligatio, per quam inducitur quædam necessitas, ut non spontanea recompensatio fiat.

Ad tertium dicendum, quod si aliquis ex pecunia mutuata expectet, vel exigat, quasi per obligationem pacti taciti, vel expressi, recompensationem muneris *ab obsequio*, vel *a lingua*, perinde est ac si expectaret, vel exigeret munus *a manu*: quia utrumque pecunia æstimari potest, ut patet in his qui locant operas suas, quas manu, vel lingua exercent. Si vero munus *ab obsequio*, vel *a lingua* non quasi ex obligatione (b) rei exhibetur, sed ex benevolentia, quæ sub æstimationem pecuniæ non cadit, licet hoc accipere, & exigere, & expectare.

Ad quartum dicendum, quod pecunia non potest vendi pro pecunia ampliori quam sit quantitas pecuniæ mutuatae, quæ restituenda est. Nec ideo aliquid est exigendum, aut expectandum, nisi benevolentia affectus, qui sub æstimationem pecuniæ

(a) Ita cum eod. Camer. Rom. Paris. aliique edd. p. poss. Cod. Alcan. expectare.

(b) Ita mss. & edd. libri communiter, ita Thome Aquin. an legendum sit et: & infra quidam omnes habent verba & calgere, & expectare; quæ prædicti Thomæ suffragantur addita.

pecuniæ non cadit : ex quo potest procedere spontanea mutatio . Repugnat autem ei obligatio ad mutuum faciendum in posterum : quia etiam talis obligatio pecuniæ æstimari posset . Et ideo licet simul mutuanti unum aliquid aliud mutuum recipere ; non autem licet eum obligare ad mutuum in posterum faciendum .

Ad quantum dicendum , quod ille qui mutuatur pecuniam , transfert dominium pecuniæ in eum cui mutuatur : unde ille cui pecunia mutuatur , sub suo periculo tenet eam ; & tenetur eam restituere integre : unde non debet amplius exigere ille qui mutuavit . Sed ille qui committit pecuniam suam vel mercatori , vel artifice per modum societatis cuiusdam , non transfert dominium pecuniæ suæ in illum , sed remanet eius ; ita quod cum periculo ipsius mercator de ea negotiatur , vel artifex operatur : & ideo sic licite potest partem lucri inde provenientis expetere , tamquam de re sua .

Ad sextum dicendum , quod si quis pro pecunia sibi mutuata obliget rem aliquam cuius usus pretio æstimari potest , debet usum illius rei ille qui mutuavit , computare in restitutionem eius quod mutuavit : alioquin si usum illius rei quasi gratis sibi superaddi velit , idem est ac si pecuniam acciperet pro mutuo , quod est usurarium : nisi forte esset talis res cuius usus sine pretio soleat concedi inter amicos , sicut patet de libro accommodato .

Ad septimum dicendum , quod si aliquis carius velit vendere res suas quam sit iustum pretium , ut de pecunia solvenda emptorem expectet , manifeste usura committitur : quia huiusmodi expectatio pretii solvendi habet rationem mutui . Unde quicquid ultra iustum pretium pro huiusmodi expectatione exigitur , est quasi pretium mutui , quod pertinet ad rationem usuræ . Similiter etiam si quis emptor velit rem emere vilius quam sit iustum pretium , eo quod pecuniam ante solvit quam possit ei res tradi , est peccatum usuræ : quia etiam ista anticipatio solutionis pecuniæ habet mutui rationem , cuius quoddam pretium est quod diminuitur de iusto pretio rei emptæ . Si vero aliquis de iusto pretio velit diminueret , ut pecuniam prius habeat , non peccat peccato usuræ .

## ARTICULUS III. 419

*Utrum quicquid de pecunia usuraria quis lucratus fuerit , reddere teneatur .*

*Quel. III. art. 19. & opusc. LXVII.*

**A**D tertium sic proceditur . Videtur quod quicquid de pecunia usuraria aliquis lucratus fuerit , reddere teneatur . Dicit enim Apostolus ad Rom. xi. 16. *Si radix sancta , & rami . Ergo eadem ratione si radix infesta , & rami .* Sed radix fuit usuraria . Ergo quicquid ex ea acquisitum est , est usurarium . Ergo tenetur ad restitutionem illius .

2. Præterea . Sicut extra , de usuris in illa Decretali , *Cum tu , sicut asseris* , dicitur , *possiones quæ de usuris sunt comparatæ , debent vendi , & ipsarum pretia his a quibus sunt extorta , restitui .* Ergo eadem ratione quicquid aliud ex pecunia usuraria acquiritur , debet restitui .

3. Præterea . Illud quod aliquis emit de pecunia usuraria , debetur sibi ratione pecuniæ quam dedit . Non ergo habet maius ius in re quam acquisivit , quam in pecunia quam dedit . Sed pecuniam usurariam tenebatur restituere . Ergo & illud quod ex ea acquirit , tenetur restituere .

Sed contra . Quilibet potest licite tenere id quod legitime acquisivit . Sed id quod acquiritur per pecuniam usurariam , interdum legitime acquiritur . Ergo licite potest teneri .

Respondeo dicendum , quod , sicut supra dictum est ( art. 1. huius quæst. ) res quædam sunt quarum usus est ipsa earum rerum consumptio , quæ non habent usum fructum secundum iura ( Lib. II. Instit. tit. 4. de usufructu §. *Constituitur* . ) Et ideo si talia fuerint per usuram extorta ( puta denarii , triticum , vinum , aut aliquid huiusmodi ) non tenetur homo ad restituendum nisi id quod accepit : quia id quod de tali re est acquisitum , non est fructus huiusmodi rei , sed humanæ industriæ : nisi forte per detentionem talis rei alter sit dampnificatus amittendo aliquid de bonis suis : tunc enim tenetur ad recomensationem nocuiuenti .

Quædam vero res sunt quarum usus non est earum consumptio ; & talia habent usum fructum ; sicut *Uvæ* , & *ager* , & alia huiusmodi , & ideo si quis domum alterius , vel agrum per usuram

extorisset, non solum teneretur restituere domum, vel agrum, sed etiam fructus inde perceptos: quia sunt fructus rerum quarum alius est dominus; & ideo ei debentur.

Ad primum ergo dicendum, quod radix non solum habet rationem materię, sicut pecunia usuraria; sed habet etiam aliquam rationem causę activę, inquantum administrat nutrimentum: & ideo non est simile.

Ad secundum dicendum, quod possessiones quę de usuris sunt comparatę, non sunt eorum quorum sunt usurę, sed illorum qui eas emerunt; sunt tamen obligatę illis a quibus fuerunt usurę acceptę, sicut & alia bona usurarii. Et ideo non præcipitur quod assignentur illę possessiones his a quibus fuerunt acceptę usurę, quia forte plus valent quam usurę quas dederunt; sed præcipitur quod vendantur possessiones, & earum pretia restituantur, scilicet secundum quantitatem usurę acceptę.

Ad tertium dicendum, quod illud quod acquiritur de pecunia usuraria, debetur quidem acquirenti, non propter pecuniam usurariam datam, sicut propter causam instrumentalem, sed propter suam industriam, sicut propter causam principalem: & ideo plus iuris habet in re acquisita de pecunia usuraria quam in ipsa pecunia usuraria.

#### ARTICULUS IV. 420

*Utrum liceat pecuniam accipere mutuo sub usura.*

III. dist. xxxvii. art. 6. ad 6. & mal. quęst. xlii. art. 4. ad 17. & 19. & opusc. xxi. quęst. 111. fin. & opusc. lxxiii. cap. xvii.

**A**D quartum sic proceditur. Videtur quod non liceat pecuniam accipere mutuo sub usura. Dicit enim Apostolus Rom. 1. 32. quod *digni sunt morte, non solum qui faciunt peccata, sed etiam qui consentiunt facientibus*. Sed ille qui accipit pecuniam mutuo sub usuris, consentit usurario in suo peccato, & præbet ei occasionem peccandi. Ergo etiam ipse peccat.

2. Præterea. Pro nullo commodo temporali debet aliquis alteri quancumque occasionem præbere peccandi: hoc enim pertinet ad rationem scandalı activi, quod semper est peccatum, ut supra dictum est (quęst. xlii. art. 2.) Sed ille

qui petit mutuum ab usurario, expresse dat ei occasionem peccandi. Ergo pro nullo commodo temporali excusatur.

3. Præterea. Non minor videtur esse necessitas quandoque deponendi pecuniam suam apud usurarium quam mutuum accipiendi ab ipso. Sed deponere pecuniam apud usurarium omnino videtur esse illicitum; sicut illicitum esset deponere gladium apud furiosum, vel virginem committere luxurioso, seu cibum guloso. Ergo neque licitum est accipere mutuum ab usurario.

Sed contra. Ille qui iniuriam patitur, non peccat, secundum Philosophum in V. Ethicor. (cap. xi. a med.) unde iustitia non est media inter duo vitia, ut ibidem dicitur (cap. v. cir. princ.) Sed usurarius peccat, inquantum facit iniustitiam accipienti mutuum sub usuris. Ergo ille qui accipit mutuum sub usuris, non peccat.

Respondeo dicendum, quod inducere hominem ad peccandum nullo modo licet; uti tamen peccato alterius ad bonum, licitum est: quia & Deus utitur omnibus peccatis ad aliquod bonum, ex quolibet enim malo elicit aliquod bonum, ut dicitur in Enchirid. (August. cap. xi.) Et ideo Augustinus (ep. xlvii. al. cliv. parum a princ.) Publicolę quęrenti, utrumliceret uti iuramento eius qui per falsos deos iurat, in quo manifeste peccat, eis divinam reverentiam adhibens, respondet, quod *qui utitur fide illius qui per falsos deos iurat, non ad malum, sed ad bonum, non peccato illius se sociat, quo per demonia iuravit, sed pacto eius bono, quo fidem servavit. Si tamen induceret eum ad iurandum per falsos deos, peccaret*.

Ita etiam in proposito dicendum est, quod nullo modo licet inducere aliquem ad mutuandum sub usuris; licet tamen ab eo qui hoc paratus est facere, & usuras exercere, mutuum accipere sub usuris, propter aliquod bonum, quod est subventio suę necessitatis, vel alterius: sicut etiam licet ei qui incidit in latrones, manifestare bona quę habet, quę latrones peccant diripiendo, ad hoc quod non occidatur, exemplo decem virorum qui dixerunt ad Ismael: *Noli occidere nos, quia thesauros habemus in agro*, ut dicitur Hier. xli. 8.

Ad primum ergo dicendum, quod ille qui accipit pecuniam mutuo sub usuris, non consentit in peccatum usurarii, sed utitur eo; nec placet ei usurarium

rarum acceptio, sed mutatio, quæ est bona.

Ad secundum dicendum, quod ille qui accipit pecuniam mutuo sub usuris, non dat occasione usurario usuras accipiendi, sed mutuandi. Ipse autem usurarius sumit occasione peccandi ex malitia cordis sui. Unde scandalum passivum ex parte sua est, non autem activum ex parte potentis mutuum. Nec tamen propter huiusmodi scandalum passivum debet alius a mutuo petendo desistere, si indigeat: quia huiusmodi passivum scandalum non provenit ex infirmitate, vel ignorantia, sed ex malitia.

Ad tertium dicendum, quod si quis committeret pecuniam suam usurario non habenti alias unde usuras exerceret, vel hac intentione committeret, ut inde copiosius per usuram lucraretur, daret materiam (a) peccandi: unde & ipse esset particeps culpæ. Si autem aliquis usurario alias habenti unde usuras exerceat, pecuniam suam committat, ut rutilius servetur, non peccat, sed utitur homine peccatore ad bonum.

### QUAESTIO LXXIX.

*De partibus integralibus iustitiæ, quæ sunt facere bonum, & declinare a malo, in quatuor articulos divisa.*

**D**einde considerandum est de partibus quasi integralibus iustitiæ, quæ sunt bonum facere, & a malo declinare, & de vitis oppositis.

Circa quod queruntur quatuor.

Primo, utrum duo prædicta sint partes iustitiæ.

Secundo, utrum transgressio sit speciale peccatum.

Tertio, utrum omisso sit speciale peccatum.

Quarto de comparatione omissionis ad transgressionem.

### ARTICULUS I. 421

*Utrum declinare a malo, & facere bonum, sint partes iustitiæ.*

*Psal. xxxiii. & Psal. xxxv.*

**A**d primum sic proceditur. Videtur quod declinare a malo, & facere bonum, non sint partes iustitiæ. Ad quamlibet enim virtutem pertinet facere bonum opus, & malum vitare. Sed par-

tes non excedunt totum. Ergo declinare a malo, & facere bonum, non debent poni partes iustitiæ, quæ est quedam virtus specialis.

2. Præterea. Super illud Psal. xxxiii. *Diverte a malo, & fac bonum*, dicit Glossa (ord. Cassiod.) „ Illud vitat culpam, „ (scilicet divertere a malo); hoc meretur „ vitam, & palmam, „ scilicet facere bonum. Sed quælibet pars virtutis meretur palmam, & vitam. Ergo declinare a malo non est pars iustitiæ.

3. Præterea. Quæcumque ita se habent quod unum includitur in alio, non distinguuntur ab invicem, sicut partes alicuius totius. Sed declinare a malo includitur in hoc quod est facere bonum: nullus enim simul facit bonum, & malum. Ergo declinare a malo, & facere bonum, non sunt partes iustitiæ.

Sed contra est quod Augustinus in Libro de correptione & gratia (cap. i. cir. med.) ponit, ad iustitiam legis pertinere *declinare a malo, & facere bonum*.

Respondeo dicendum, quod si loquamur de bono, & malo in communi, facere bonum, & vitare malum pertinet ad omnem virtutem: & secundum hoc non possunt poni partes iustitiæ, nisi forte iustitia accipiatur, prout est omnis virtus: quamvis etiam iustitia hoc modo accepta, respiciat quandam rationem boni specialem, prout scilicet est debitum in ordine ad legem divinam, vel humanam.

Sed iustitia, secundum quod est specialis virtus, respicit bonum sub ratione debiti ad proximum: & secundum hoc ad iustitiam specialem pertinet facere bonum sub ratione debiti in comparatione ad proximum, & vitare malum oppositum, scilicet quod est nocivum proximo. Ad iustitiam vero generalem pertinet facere bonum debitum in ordine ad communitatem, & ad Deum, & vitare malum oppositum. Dicuntur autem hæc duo partes iustitiæ generalis, vel specialis, quasi integrales: quia utrumque eorum requiritur ad perfectum actum iustitiæ. Ad iustitiam enim pertinet æqualitatem constituere in his quæ sunt ad alterum, ut ex supra dictis patet (quæst. lxxiii. art. 2.) Eiusdem autem est constituere aliquid, & constitutum conservare in his quæ sunt ad alterum. Constituit autem quis æqualitatem iustitiæ, faciendo bonum, id est red-

(a) Ita mss. & editi passim. Sed Alan. peccanti.

dendo alteri quod ei debetur; conservat autem aequalitatem iustitiae iam constitutae, declinando a malo, id est nullum momentum proximo inferendo.

Ad primum ergo dicendum, quod bonum, & malum hic accipiuntur sub quadam speciali ratione, per quam appropriantur iustitiae: & ideo haec duo ponuntur partes iustitiae secundum aliquam propriam rationem boni, & mali, non autem alicuius alterius virtutis moralis: quia aliae virtutes morales consistunt circa passiones, in quibus bonum facere est venire ad medium, quod est declinare ab extremis quasi a malis: & sic in idem redit, quantum ad alias virtutes, facere bonum, & declinare a malo. Sed iustitia consistit circa operationes, & res exteriores, in quibus aliud est facere aequalitatem, & aliud est factum non corrumpere.

Ad secundum dicendum, quod declinare a malo, secundum quod ponitur pars iustitiae, non importat negationem puram, quod est non facere malum: hoc enim non meretur palmam, sed solum vitae poenam. Importat autem motum voluntatis repudiantis malum, ut ipsum nomen declinationis ostendit; & hoc est meritum, praecipue quando aliquis impugnatur, ut malum faciat, & resistit.

Ad tertium dicendum, quod facere bonum, est actus completivus iustitiae, & quasi pars principalis eius; declinare autem a malo, est actus imperfectior, & secundaria pars eius: & ideo est quasi pars materialis eius, sine qua non potest esse pars formalis completa.

## ARTICULUS II. 423

*Utrum transgressio sit speciale peccatum.*

*Inf. art. 3. ad 3. & art. 4. ad 3.*

**A**D secundum sic proceditur. Videtur quod transgressio non sit speciale peccatum. Nulla enim species ponitur in definitione generis. Sed transgressio ponitur in communi definitione peccati: dicit enim Ambrosius (in Lib. de paradiso cap. VIII. cir. med.) quod peccatum est transgressio legis divinae. Ergo transgressio non est, species peccati.

2. Praeterea. Nulla species excedit suum genus. Sed transgressio excedit peccatum: quia peccatum est dictum, vel factum, vel concupitum contra legem Dei, ut patet per Augustinum XXII. contra Fau-

stum (cap. XXVII. in princ.) transgressio autem est etiam contra naturam, vel consuetudinem. Ergo transgressio non est species peccati.

3. Praeterea. Nulla species continet sub se omnes partes in quas dividitur genus. Sed peccatum transgressionis se extendit ad omnia vicia capitalia, & etiam ad peccata cordis, oris, & operis. Ergo transgressio non est speciale peccatum.

Sed contra est quod opponitur speciali virtuti, scilicet iustitiae.

Respondeo dicendum, quod nomen transgressionis a corporalibus moribus ad morales actus derivatum est. Dicitur autem aliquis secundum corporalem motum transgredi, ex eo quod gradiatur trans terminum sibi praefixum. Terminus autem praefigitur homini, ut ultra non transeat in moralibus per praecipuum negativum. Et ideo transgressio proprie dicitur ex eo quod aliquis agit aliquid contra praecipuum negativum. Quod quidem materialiter potest esse commune omnibus speciebus peccatorum, quia per quamlibet speciem peccati, mortalis homo transgreditur aliquod praecipuum divinum.

Sed si accipiat formaliter, scilicet secundum hanc specialem rationem, quod est facere contra praecipuum negativum, sic est speciale peccatum dupliciter. Uno quidem modo secundum quod opponitur ad genera peccatorum opposita aliis virtutibus: sicut enim ad propriam rationem iustitiae legalis pertinet attendere debitum praeccepti; ita ad propriam rationem transgressionis pertinet attendere contemptum praeccepti. Alio modo secundum quod distinguitur ab omissione, quae contrariatur praeccepto affirmativo.

Ad primum ergo dicendum, quod sicut iustitia legalis est omnis virtus subiecto, & quasi materialiter; ita etiam iniustitia legalis est quasi materialiter omne peccatum: & hoc modo peccatum definitur Ambrosius secundum rationem iniustitiae legalis.

Ad secundum dicendum, quod inclinatio naturae pertinet ad praeccepta legis naturalis. Consuetudo etiam honesta habet vim praeccepti: quia, ut Augustinus dicit in epistola de ieiunio sabbati (XXXVI. al. lxxxvi. parum a princ.) *mos populi Dei pro lege habendus est*. Et ideo tam peccatum, quam transgressio potest esse contra consuetudinem honestam, & contra inclinationem naturalem.

Ad tertium dicendum, quod omnes enumeratae species peccatorum possunt habere transgressionem, non secundum proprias rationes, sed secundum quamdam specialem rationem, ut dictum est (in corp. art.) Peccatum autem omissionis omnino a transgressione distinguitur.

## ARTICULUS III. 423

*Utrum omisso sit speciale peccatum.*

1. 2. *quest. lxxi. art. 5. & II. dist. xxxv. art. 3. & mal. quest. 11. art. 1.*

**A**D tertium sic proceditur. Videtur quod omisso non sit speciale peccatum. Omne enim peccatum aut est originale, aut actuale. Sed omisso non est originale peccatum, quia non contrahitur per originem; nec est actuale, quia potest esse absque omni actu, ut supra habitum est (1. 2. *quest. lxxi. art. 5.*) cum de peccatis in communi ageretur. Ergo omisso non est speciale peccatum.

2. Præterea. Omne peccatum est voluntarium. Sed omisso quandoque non est voluntaria, sed necessaria; puta cum mulier corrupta est quæ virginitatem vovit: vel cum aliquis amittit rem quam restituere tenetur; vel cum sacerdos tenetur celebrare, & habet aliquod impedimentum. Ergo omisso non semper est peccatum.

3. Præterea. Cuilibet speciali peccato est determinare aliquod tempus quando incipit esse. Sed hoc non est determinare in omissione: quia quodcumque non facit, similiter se habet, nec tamen semper peccat. Ergo omisso non est speciale peccatum.

4. Præterea. Omne peccatum speciale specialis virtuti opponitur. Sed non est dare aliquam specialem virtutem cui omisso opponatur: tum quia bonum cuiuslibet virtutis omitti potest: tum quia iustitia, cui specialius videtur opponi, semper requirit aliquem actum etiam in declinatione a malo, ut dictum est (art. 1. hu. *quest. ad 2.*) omisso autem potest esse absque omni actu. Ergo omisso non est speciale peccatum.

Sed contra est quod dicitur Iac. xv. 17. *Scienti bonum, & non facienti peccatum est illi.*

Respondetur dicendum, quod omisso importat prætermisionem boni, non autem cuiuscumque, sed boni debiti. Bonum autem sub ratione debiti pertinet  
§. Tb. Op. Tom. XXII.

proprie ad iustitiam: ad legalem quidem, si debitum accipiat in ordine ad legem divinam, vel humanam; ad specialem autem iustitiam, secundum quod debitum consideratur in ordine ad proximum.

Unde eo modo quo iustitia est specialis virtus, ut supra habitum est (*quest. lxxi. art. 6. & 7.*) etiam omisso est speciale peccatum distinctum a peccatis quæ opponuntur aliis virtutibus; eo vero modo quo facere bonum, cui opponitur omisso, est quædam specialis pars iustitiæ distincta a declinatione mali, cui opponitur transgressio, etiam omisso a transgressione distinguitur.

Ad primum ergo dicendum, quod omisso non est peccatum originale, sed actuale, non quia habet aliquem actum tibi essentialem, sed secundum quod negatio actus reducit ad genus actus: & secundum hoc non agere dicitur ut agere quoddam, sicut supra dictum est (1. 2. *quest. lxxi. art. 6. ad 1.*)

Ad secundum dicendum, quod omisso, sicut dictum est (in corp. art.) non est nisi boni debiti, ad quod aliquis tenetur. Nullus autem tenetur ad impossibile. Unde nullus, si non facit id quod facere non potest, peccat per omissionem. Mulier ergo corrupta quæ virginitatem vovit, non omittit virginitatem non habendo, sed non penitendo de peccato præterito; vel non faciendo quod potest, ad votum adimplendum per continentiam observantiam. Sacerdos etiam non tenetur dicere Missam, nisi supposita debita opportunitate; quæ si delit, non omittit. Et similiter aliquis tenetur ad restitutionem supposita facultate; quam si non habet, nec habere potest, non omittit, dummodo faciat quod potest. Et idem dicendum est de aliis.

Ad tertium dicendum, quod sicut peccatum transgressionis opponitur præceptis negativis, quæ pertinent ad declinandum a malo; ita peccatum omissionis opponitur præceptis affirmativis, quæ pertinent ad faciendum bonum. Præcepta autem affirmativa non obligant ad semper, sed ad tempus determinatum: & pro illo tempore peccatum omissionis incipit esse. Potest tamen contingere quod aliquis tunc sit impotens ad faciendum quod debet: quod quidem si sit præter eius culpam, non omittit quod debet, ut dictum est (in solut. præc. & 1. 2. *quest. lxxi. art. 5.*)

Si vero sit propter eius culpam præ-

cedentem, (puta cum aliquis in fero se inebriavit, & non potest surgere ad matutinas, ut debet) dicunt quidam, quod tunc incipit peccatum omissionis quando aliquis se applicat ad actum illicitum, & impossibile cum illo actu ad quem tenetur.

Sed hoc non videtur verum: quia dato quod excitaretur per violentiam, & iret ad matutinas, non omitteret: unde patet quod praecedens inebriatio non fuit omisso, sed omissionis causa.

Unde dicendum est, quod omisso incipit ei imputari ad culpam, quando fuit tempus operandi; tamen propter causam praecedentem, ex qua omisso sequens redditur voluntaria.

Ad quartum dicendum, quod omisso directe opponitur iustitiae, ut dictum est (in corp. art.) non enim est omisso boni alicuius virtutis, nisi sub ratione debiti, quod pertinet ad iustitiam. Plus autem requiritur ad actum virtutis meritorium quam ad demeritum culpae: quia bonum est ex integra causa, malum autem ex singulis defectibus. Et ideo ad iustitiae meritum requiritur actus, non autem ad omissionem.

#### ARTICULUS IV. 424

*Utrum peccatum omissionis sit gravius quam peccatum transgressionis.*

*Mal. quæst. II. art. I. ad 4. & art. 9. cor.*

**A**D quartum sic proceditur. Videtur gravius quam peccatum omissionis sit gravius quam peccatum transgressionis. Delictum enim videtur idem esse quod delictum; & sic per consequens videtur idem esse omissioni. Sed delictum est gravius quam peccatum transgressionis, quia maiori expiatione indigebat, ut patet Levit. v. Ergo peccatum omissionis est gravius quam peccatum transgressionis.

2. Præterea. Maiori bono maius malum opponitur, ut patet per Philosophum in VIII. Eth. (cap. x. cir. princ.) Sed *facere bonum*, cui opponitur omisso, est nobilior pars iustitiae, quam *declinare a malo*, cui opponitur transgressio, ut ex supradictis patet (art. I. hu. quæst. ad 3.) Ergo omisso est gravius peccatum quam transgressio.

3. Præterea. Peccatum transgressionis potest esse & veniale, & mortale. Sed peccatum omissionis videtur esse temper mortale, quia opponitur præcepto affirmativo. Ergo omisso videtur esse

gravius peccatum quam sit transgressio.

4. Præterea. Maior poena est poena damni, scilicet carentia visionis divinae, quæ debetur peccato omissionis, quam poena sensus, quæ debetur peccato transgressionis, ut patet per Chrysostomum super Matth. (hom. xxiv. aliquant. a med.) Sed poena proportionatur culpæ. Ergo gravius est peccatum omissionis, quam transgressionis.

Sed contra est quod facilius est abstinere a malo faciendo, quam implere bonum. Ergo gravius peccat qui non abstinet a malo faciendo, quod est *transgredi*, quam qui non implet bonum, quod est *omittere*.

Respondendo dicendum, quod peccatum intantum est grave, inquantum a virtute distat. Contrarietas autem est maxima distantia, ut dicitur in X. Metaph. (tex. 13. & 14.) Unde contrarium magis distat a suo contrario quam simplex eius negatio, sicut *nigrum* plus distat ab albo quam simpliciter *non album*: omne enim nigrum est non album, sed non convertitur. Manifestum est autem quod transgressio contrariatur actui virtutis; omisso autem importat negationem ipsius: puta peccatum omissionis est, si quis debitam reverentiam parentibus non exhibeat; peccatum autem transgressionis, si contumeliam, vel quancumque injuriam eis inferat.

Unde manifestum est quod simpliciter, & absolute loquendo, transgressio est gravius peccatum quam omisso; licet aliqua omisso possit esse gravior aliqua transgressionem.

Ad primum ergo dicendum, quod delictum communiter sumptum significat quancumque omissionem; quandoque tamen stricte accipitur pro eo quod omittitur aliquid de his quæ pertinent ad Deum; vel quando scienter, & quasi cum quodam contemptu derelinquitur homo id quod *facere debet*; & sic habet quamdam gravitatem, ratione cuius maiori expiatione indiget.

Ad secundum dicendum, quod ei quod est *bonum facere*, opponitur & *non facere bonum*, quod est omittere, & *facere malum*, quod est transgredi; sed primum contradictorie, secundum contrarie, quod importat maiorem distantiam: & ideo transgressio est gravius peccatum.

Ad tertium dicendum, quod sicut omisso opponitur præceptis affirmativis, ita transgressio opponitur præceptis negativis: & ideo utrumque, si proprie accipia-



ciatur, importat rationem peccati mortalis. Potest autem large dici transgressio, vel omisio, ex eo quod aliquid se præter præcepta affirmativa, vel negativa, disponens ad oppositum ipsorum: & sic utrumque large accipiendo, potest esse peccatum veniale.

Ad quartum dicendum, quod peccato transgressionis respondet & poena damni propter averisionem a Deo, & poena sensus propter inordinatam conversionem ad bonum commutabile. Similiter etiam omisioni non solum debetur poena damni, sed etiam poena sensus, secundum illud Matth. vii. 19. *Omnis arbor quæ non facit fructum bonum, excidetur, & in ignem mittitur*: & hoc propter radicem ex qua procedit, licet non habeat ex necessitate actualem conversionem ad aliquod bonum commutabile.

## QUAESTIO LXXX.

*De partibus potentialibus iustitiæ.*

**D**Einde considerandum est de partibus potentialibus iustitiæ, idest de virtutibus ei annexis: & circa hoc duo sunt consideranda. Primo quidem quæ virtutes iustitiæ annectantur. Secundo considerandum est de singulis virtutibus iustitiæ annexis.

## ARTICULUS UNICUS. 425

*Utrum convenienter assignentur virtutes iustitiæ annexæ.*

*Sup. quæst. lvi. art. 11. ad 1. & 2. & infr. quæst. cxxii. art. 1. corp. & III. dist. xxxiii. quæst. 111. art. 4.*

**A**D primum sic proceditur. Videtur quod inconvenienter assignentur virtutes iustitiæ annexæ. Tullius enim (Lib. II. de invent. aliquant. ante fin.) enumerat sex, scilicet *religionem, pietatem, gratiam, vindicationem, observantiam, veritatem*. Vindicatio autem videtur species esse commutativæ iustitiæ, secundum quam illarum iniuriis vindicta rependitur, ut ex supra dictis patet (quæst. lxi. art. 4.) Non ergo debet poni inter virtutes iustitiæ annexas.

2. Præterea. Macrobius super somnium Scipionis (Lib. I. cap. viii. cir. med.) ponit septem, scilicet *innocentiam, amicitiam, concordiam, pietatem, religio-*

*nem, affectum, humanitatem*, quarum plures a Tullio prætermittuntur. Ergo videtur, insufficienter enumeratas esse virtutes iustitiæ adiunctas.

3. Præterea. A quibusdam aliis ponuntur quinque partes iustitiæ, scilicet *obedientia respectu superioris, disciplina respectu inferioris, æquitas respectu æqualium, fides, & veritas respectu omnium*; de quibus a Tullio non ponitur nisi *veritas*. Ergo videtur insufficienter enumerasse virtutes iustitiæ annexas.

4. Præterea. Andronicus Peripateticus ponit novem partes iustitiæ annexas, scilicet *liberalitatem, benignitatem, vindictivam, eugnomosynam, eusebiam, eucharistiam, sanctitatem, bonam commutationem, legispositivam*; ex quibus etiam Tullius manifeste non ponit nisi *vindicativam*. Ergo videtur insufficienter enumerasse.

5. Præterea. Aristoteles in V. Ethic. (cap. x.) ponit *epikeiam* iustitiæ adiunctam, de qua in nulla præmissarum assignationum videtur mentio esse facta. Ergo insufficienter sunt enumeratæ virtutes iustitiæ annexæ.

Respondeo dicendum, quod in virtutibus quæ adiunguntur alicui principali virtuti, duo sunt consideranda: primo quidem, quod virtutes illæ in aliquo cum principali virtute convenient; secundo, quod in aliquo deficient a perfecta ratione ipsius. Quia vero iustitia ad alterum est, ut ex supra dictis patet (quæst. lvi. art. 2.) omnes virtutes quæ ad alterum sunt, possunt ratione convenientiæ iustitiæ annecti.

Ratio vero iustitiæ consistit in hoc quod alteri reddatur quod ei debetur secundum æqualitatem, ut ex supra dictis patet (quæst. lvi. art. 10. & 11.) Duplīciter ergo aliqua virtus ad alterum existens a ratione iustitiæ deficit: uno quidem modo, in quantum deficit a ratione æqualis; alio modo, in quantum deficit a ratione debiti. Sunt enim quædam virtutes quæ debitum quidem alteri reddunt, sed non possunt reddere æquale. Et primo quidem quicquid ab homine Deo redditur, debitum est; non tamen potest esse æquale, ut scilicet tantum homo ei reddat, quantum debet. secundum illud Psal. cxv. 12. *Quid retribuam Domino pro omnibus quæ retribuit mihi*? Et secundum hoc adiungitur iustitiæ religio, quæ, ut dicit Tullius (loc. cit. in arg. i.) *superioris cuiusdam nature, quam divinam vocant, cultum*,

ram, ceremoniamque (a) offert. Secundo parentibus non potest secundum æqualem recompensari quod eis debetur, ut patet per Philosophum in VIII. Eth. (cap. ult. a med.) & sic adiungitur iustitiæ pietas, per quam, ut Tullius dicit (loc. cit.) sanguine iunctis, patriæque benevolis officium, & diligens tribut cultus. Tertio non potest secundum æquale præmium recompensari ab homine virtus, ut patet per Philosophum in IV. Ethic. (cap. III. ante med.) & sic adiungitur iustitiæ observantia, per quam, ut Tullius dicit (loc. sup. cit.) homines aliqua dignitate antecedentes quodam cultu, & honore (b) dignantur.

A ratione vero debiti iustitiæ defectus potest attendi, secundum quod est duplex debitum, scilicet morale, & legale. Unde & Philosophus in VIII. Ethic. (cap. XIII. circ. med.) secundum hoc duplex iustum assignat. Debitum quidem legale est ad quod reddendum aliquis lege adstringitur: & tale debitum proprie attendit iustitia, quæ est principalis virtus. Debitum autem morale est quod aliquis debet ex honestate virtutis. Et quia debitum necessitatem importat, idcirco tale debitum habet duplicem gradum. Quoddam enim est sic necessarium ut sine eo honestas morum conservari non possit: & hoc habet plus de ratione debiti. Et potest hoc debitum attendi ex parte ipsius debentis: & sic ad hoc debitum pertinet quod homo talem se exhibeat alteri in verbis, & in factis, qualis est. Et ideo adiungitur iustitiæ veritas, per quam, ut Tullius dicit (loc. cit.) immutata ea (c) quæ sunt, aut fuerunt, aut futura sunt, dicuntur. Potest etiam attendi ex parte eius cui debetur, prout scilicet aliquis recompensat alicui secundum ea quæ fecit: quandoque quidem in bonis; & sic adiungitur iustitiæ gratia, in qua, ut Tullius dicit (ibid.) amicitiarum, & officiorum alterius memoria, & alterius remunerandi voluntas continetur: quandoque autem in malis; & sic adiungitur iustitiæ vindicta, per quam, ut Tullius dicit (ibid.) vis, aut iniuria, & omnino quicquid (d) obscurum est, defendendo, aut ulciscendo propulsatur.

Aliud vero debitum est necessarium,

sicut conferens ad maiorem honestatem, sine quo tamen honestas conservari potest: quod quidem debitum attendit liberalitas, affabilitas, sive amicitia, aut alia huiusmodi, quæ Tullius prætermittit in prædicta enumeratione, quia parum habent de ratione debiti.

Ad primum ergo dicendum, quod vindicta quæ fit auctoritate publicæ potestatis, secundum sententiam iudicis, pertinet ad iustitiam commutativam; sed vindicta quam quis facit proprio motu, non tamen contra legem, vel quam quis a iudice requirit, pertinet ad virtutem iustitiæ adiunctam.

Ad secundum dicendum, quod Macrobius videtur attendisse ad duas partes integrantes iustitiæ, scilicet *declinare a malo*, ad quod pertinet *innocentia*, & *facere bonum*, ad quod pertinent *sex alia*: quorum duo videntur pertinere ad æquales, scilicet *amicitia* in exteriori convitio, & *concordia* interiori; duo vero ad superiores, scilicet *pietas* ad parentes, & *religio* ad Deum; duo vero ad inferiores, scilicet *affectus*, in quantum placent bona eorum, & *humanitas*, per quam subvenitur eorum defectibus. Dicit enim Isidorus in Lib. X. Etymol. (ad lit. H.) quod *humanus* dicitur aliquis, quod habeat circa hominem amorem, & *miserationis affectum*: unde *humanitas* dicta est, quia nos invicem tuemur. Et secundum hoc *amicitia* sumitur, prout ordinat exteriorem convictum, sicut de ea Philosophus tractat in IV. Ethic. (cap. VI.) Potest etiam *amicitia* sumi, secundum quod proprie respicit affectum, prout determinatur a Philosopho in VIII. & IX. Ethic. & sic ad amicitiam pertinent tria, scilicet *benevolentia*, quæ hic (e) dicitur *affectus*, & *concordia*, & *beneficentia*, quæ hic vocatur *humanitas*. Hæc autem Tullius prætermittit, quia parum habent de ratione debiti, ut dictum est (in corp. art.)

Ad tertium dicendum, quod *obedientia* includitur in *observantia*, quam Tullius ponit: nam præcellentibus personis debetur & reverentia honoris, & obedientia. Fides autem, per quam sunt dicta, includitur in veritate quantum ad observantiam promissorum. Veritas autem in plus se habet, ut infra patebit (quæst.

(a) Ita cum codicibus Nicetinus, Voces vel cultum, quæ hie leguntur in multis edit. ex marginis inf. fu-  
perius translata perperam sunt. (b) Ita cum cod. Alcan. & Rom. edit. veteres & Patav. Garcia, Theil-  
gl. & Nicetinus dignantur. (c) Ita mss. & editi passim. Al. dict. quæstum. (d) Ita cum codicibus ed. r.  
veteres, & Garcia. Nicetinus, & edit. Patav. obscurum, (e) Ita mss. & edit. passim. Al. perperam  
dicuntur.

(quæst. cix. art. 1. & 3.) *Disciplina* autem non debetur ex debito necessitatis: quia inferiori non est aliquis obligatus in quantum est inferior; potest tamen aliquis superior obligari, ut inferioribus provideat, secundum illud Matth. xxiv. 45. *Fidelis servus, & prudens, quem constituit dominus super familiam suam*: & ideo a Tullio prætermittitur. Potest autem contineri sub humanitate, quam Macrobius ponit; *aquitas* vero sub epikeia, vel amicitia.

Ad quartum dicendum, quod in illa enumeratione ponuntur quedam pertinentia ad particularem iustitiam, quedam autem ad legalem: ad particularem quidem *bona commutatio*; de qua dicit, quod est habitus in commutationibus æqualitatem custodiens: ad legalem autem iustitiam, quantum ad ea quæ communiter sunt observanda, ponitur *legispositiva*; quæ, ut ipse dicit, est scientia commutationum politicarum ad communitatem relatarum. Quantum vero ad ea quæ quandoque particulariter agenda occurrunt, præter communes leges, ponitur *eugnomoſyne*, quasi *bona gnome*, quæ est in talibus directiva, ut supra habuit est (quæst. 11. art. 4.) in tractatu de prudentia: & ideo dicit de ea, quod est *voluntaria iustificatio*, quia scilicet ex proprio arbitrio, id quod iustum est, homo secundum eam servat, non secundum legem scriptam. Attribuuntur autem hæc duo prudentiæ secundum (a) directionem, iustitiæ vero secundum executionem. *Eusebia* vero dicitur, quasi *bonus cultus*, unde est idem quod *religio*: ideo de ea dicit, quod est *scientia Dei famularis*: & loquitur secundum modum quo Socrates dicebat, omnes virtutes esse scientias. Et ad idem reducitur *sanctitas*, ut postea dicitur (quæst. seq. art. 8.) *Eucharistia* autem est idem quod *bona gratia*, quam Tullius ponit, sicut & vindicativam. *Benignitas* autem videtur esse idem cum *affectu*, quem ponit Macrobius. Unde & Ilidorus dicit in Lib. X. Etymol. (ad lit. B.) quod *benignus* est vir sponte ad bene faciendum paratus, & dulcis alloquio. Et ipse Andronicus dicit, quod *benignitas* est habitus volunarie benefactivus. *Liberalitas* autem videtur ad humanitatem pertinere.

Ad quintum dicendum, quod *epikeia* non adiungitur iustitiæ particulari, sed

legali; & videtur esse idem cum ea quæ dicta est *eugnomoſyne*. (b)

## QUAESTIO LXXXI.

De religione,  
in octo articulos divisa.

**D**Einde considerandum est de singulis partibus prædictarum virtutum, quantum ad præsentem intentionem pertinet: & primo considerandum est de religione; secundo de pietate; tertio de observantia; quarto de gratia; quinto de vindicta; sexto de veritate; septimo de amicitia; octavo de liberalitate; nono de epikeia. De aliis autem hic enumeratis supra dictum est partim in tractatu de caritate, scilicet de concordia, & aliis huiusmodi; & partim in hoc tractatu de iustitia, sicut de bona commutatione, & innocentia. De legispositiva autem in tractatu de prudentia.

Circa religionem vero tria consideranda occurrunt.

Primo quidem de ipsa religione secundum se. Secundo de actibus eius. Tertio de vitiis oppositis.

Circa primum quæruntur octo.

Primo, utrum religio consistat tantum in ordine ad Deum.

Secundo, utrum religio sit virtus.

Tertio, utrum religio sit una virtus.

Quarto, utrum religio sit specialis virtus.

Quinto, utrum religio sit virtus rheologica.

Sexto, utrum religio sit præferenda aliis virtutibus moralibus.

Septimo, utrum religio habeat exteriores actus.

Octavo, utrum religio sit eadem sanctitati.

## ARTICULUS I. 425

Utrum religio ordinet hominem solum ad Deum.

Inf. quæst. lxxxiv. art. 1. ad 1.

**A**D primum sic proceditur. Videtur quod religio non ordinet hominem solum ad Deum. Dicitur enim Iac. 1. 27. *Religio munda, & immaculata apud Deum, & Patrem hæc est, visitare pupillos, & viduas in tribulatione eorum, & im-*

(a) Ita mss. & ad idem libræligari. Ad directionem iustitiæ, non secundum executionem.

(b) Ita Nicodæus in textu ad idem sequenti: quia ista prudenter determinat quid expediat magis; illa morum adhibet quales oportet expedire, ut quæst. cxi. patebit.

*et immaculatum se custodire ab hoc saeculo.* Sed visitare viduas, & pupillos dicitur secundum ordinem ad proximum: quod autem dicit, *immaculatum se*, *ab hoc saeculo*, pertinet ad ordinem quo ordinatur homo in seipso. Ergo religio non solum dicitur in ordine ad Deum.

2. Præterea. Augustinus dicit in X. de civ. Dei (cap. 1. a med.) quod *quia latina loquendi consuetudine non imperitorum tantum, verum etiam doctissimorum, cognationibus humanis, atque affinitatibus, et quibuscumque necessitudinibus dicitur exhibenda religio, non eo vocabulo vitatur ambiguum, cum de cultu Divinitatis vertitur questio; ut fidenter dicere valeamus, religionem non esse nisi cultum Dei.* Ergo religio dicitur non solum in ordine ad Deum, sed etiam in ordine ad propinquos.

3. Præterea. Ad religionem videtur latría pertinere: latría enim interpretatur servitus, ut Augustinus dicit in X. de civ. Dei (cap. 1. ad fin.) Servire autem non solum debemus Deo, sed etiam proximis, secundum illud Galat. v. 13. *Per caritatem spiritus servite ad invicem.* Ergo religio importat ordinem etiam ad proximum.

4. Præterea. Ad religionem pertinet cultus. Sed homo dicitur non solum colere Deum, sed etiam proximum, secundum illud Catonis, *Cole parentes.* Ergo etiam religio nos ordinat ad proximum, & non solum ad Deum.

5. Præterea. Omnes in statu salutis existentes Deo sunt subiecti. Non autem dicuntur religiosi omnes qui sunt in statu salutis, sed solum illi qui quibuscumque votis, & observantiis, & ad obediendum aliquibus hominibus se adstringunt. Ergo religio non videtur importare ordinem subiectionis hominis ad Deum.

Sed contra est quod Tullius dicit II. Rhetor. (sc. de invent. aliquant. ante fin.) quod (a) *religio est virtus, quæ superioris cuiusdam naturæ, quam divinam vocant, ceremoniam, cultumque offert.*

Respondeo dicendum, quod, sicut Isidorus dicit in Lib. X. Etymol. (ad lit. R.) *Religiosus, ut ait Cicero, (b) a relectione appellatus est, qui retrahat, et tamquam relegit ea quæ ad cultum divi-*

*num pertinent: & sic religio videtur dicta a relegendo ea quæ sunt divini cultus: quia huiusmodi sunt frequenter in corde revolvenda, secundum illud Prov. 11. 6. In omnibus viis tuis cogita illum.* Quamvis etiam possit intelligi religio ex hoc dicta, quod *Deum reeligere debemus, quem amiseramus negligentes*, sicut Augustinus dicit in X. de civ. Dei (cap. iv. ante med.) Vel potest intelligi religio a religando dicta: unde Augustinus dicit in Lib. de vera religione (prope fin.) *Religetur nos religio uni omnipotenti Deo.*

Sive autem religio dicatur a frequenti relectione, sive ex iterata electione eius quod negligenter amittimus est, sive dicatur a religatione, religio proprie importat ordinem ad Deum. Ipse enim est cui principaliter alligari debemus tamquam indeicienti principio; ad quem etiam nostra electio assidue dirigi debet sicut in ultimum finem; quem etiam negligentes peccando amittimus, & credendo, & fidem protestando recuperare debemus.

Ad primum ergo dicendum, quod religio habet duplices actus: quosdam quidem proprios, & immediatos, quos elicit, per quos homo ordinatur ad solum Deum, sicut sacrificare, adorare, & alia huiusmodi; alios autem actus habet, quos producit mediantibus virtutibus quibus imperat, ordinans eos ad divinam reverentiam: quia scilicet virtus, ad quam pertinet finis, imperat virtutibus ad quas pertinent ea quæ sunt ad finem. Et secundum hoc actus religionis per modum imperii ponitur esse, *visitare pupillos, et viduas in tribulatione eorum*; quod est actus elicitus a misericordia: *immaculatum autem se custodire ab hoc saeculo*, imperative quidem est religionis, elicitive autem temperantiæ, vel alicuius huiusmodi virtutis.

Ad secundum dicendum, quod religio refertur ad ea quæ exhibentur cognationibus humanis, extenso nomine religionis, non autem secundum quod religio proprie dicitur. Unde Augustinus parum ante verba inducta pramittit: *Religio distinctius non quemlibet, sed Dei cultum significare videtur.*

Ad tertium dicendum, quod cum servus dicatur ad dominum, necesse est quod ubi est propria & specialis ratio domi-

(a) Ita ex Tullii recentior editiones cum Nicolaï, qui habet cultum ceremoniamque. Antiqua editiones cum Rom. religio est quædam tutio naturæ, quam divinam vocant, quæ cultum, vel ceremoniam offert. Cod. Alcan. religio est quædam tutio naturæ quæ doctrinam (in voce enim aliteriata est a qua in verbo divinum locum non habet) cultum, ceremoniamque offert. (b) Ita post Nicolaï editione passim, & quidam codices. Cod. Alcan. edit. Rom. aliquos vocat a religionem.

Domini, ibi fit specialis & propria ratio servitutis. Manifestum est autem quod dominium convenit Deo secundum propriam & singularem quandam rationem, quia scilicet ipse omnia fecit, & quia summum in omnibus rebus obtinet principatum: & ideo specialis ratio servitutis ei debetur: & talis servitus nomine latræ designatur apud Græcos; & ideo ad religionem proprie pertinet.

Ad quartum dicendum, quod colere dicimur homines quos honorificatione, vel recordatione, vel præsentia frequentamus: & etiam aliqua quæ nobis subiecta sunt, coli a nobis dicuntur, sicut agricolæ dicuntur ex eo quod colunt agros, & incolæ dicuntur ex eo quod colunt loca quæ inhabitant. Quia tamen specialis honor debetur Deo tamquam primo omnium principio, etiam specialis ratio cultus ei debetur, quæ græco nomine vocatur *Eusebia*, vel *Theosebia*, ut patet per Augustinum in X. de civ. Dei (cap. 1. a med.)

Ad quintum dicendum, quod quamvis religiosi dici possint communiter omnes qui Deum colunt; specialiter tamen religiosi dicuntur qui totam vitam suam divino cultui dedicant, a mundanis negotiis se abstrahentes: sicut etiam *contemplativi* dicuntur, non qui contemplantur, sed qui contemplationi totam vitam suam deputant. Huiusmodi autem non sibi subiciunt homini propter hominem, sed propter Deum, secundum illud Apostoli Galat. iv. 14. *Sicut Angelum Dei excepistis me, sicut Christum Iesum.*

## ARTICULUS II. 427

Utrum religio sit virtus.

I. P. quæst. lx. art. 3. cor. & III. dist. xxxiii. quæst. 111. art. 4. quæst. 1. cor. & opusc. XIX. cap. IV.

**A**D secundum sic proceditur. Videtur quod religio non sit virtus. Ad religionem enim pertinere videtur Deo reverentiam exhibere. Sed revereri est actus timoris, qui est donum, ut ex supra dictis patet (quæst. xix. art. 9.) Ergo religio non est virtus, sed donum.

2. Præterea. Omnis virtus in libera voluntate consistit, unde dicitur *habitus electivus*, vel *voluntarius*. Sed, sicut dictum est (art. præc. ad 3.) ad religionem pertinet latræ, quæ servitutem quandam importat. Ergo religio non est virtus.

3. Præterea. Sicut dicitur in II. Echi. (cap. 1. circ. princ.) apertudo virtutis inest nobis a natura: unde ea quæ pertinent ad virtutes, sunt de dictamine rationis naturalis. Sed ad religionem pertinet caeremonia divinarum naturæ asserere: caeremonialia autem, ut dictum est supra (1. 2. quæst. xcix. art. 3. ad 2. & quæst. cr.) non sunt de dictamine rationis naturalis. Ergo religio non est virtus.

Sed contra est quia connumeratur aliis virtutibus, ut ex præmissis patet (quæst. præc.)

Respondeo dicendum, quod, sicut supra dictum est (quæst. lvi. art. 3. & 1. 2. quæst. lv. art. 3. & 4.) virtus est *quæ bonum facit habentem, & opus eius bonum reddit*: & ideo necesse est dicere, omnem actum bonum ad virtutem pertinere.

Manifestum est autem quod reddere debitum alicui habet rationem boni: quia per hoc quod aliquis alteri debitum reddit, constituitur in proportionem convenienti respectu ipsius, quasi convenienter ordinatus ad ipsum. Ordo autem ad rationem boni pertinet, sicut & modus, & species, ut per Augustinum patet in Libro de natura boni (cap. 111.) Cum ergo ad religionem pertineat reddere honorem debitum alicui, scilicet Deo; manifestum est quod religio virtus est.

Ad primum ergo dicendum, quod revereri Deum est actus doni timoris. Ad religionem autem pertinet facere aliqua propter divinam reverentiam. Unde non sequitur quod religio sit idem quod donum timoris, sed quod ordinetur ad ipsum sicut ad aliquid principalius: sunt enim dona principaliora virtutibus moralibus, ut supra habitum est (quæst. ix. art. 1. ad 3. & 1. 2. quæst. lxxviii. art. 8.)

Ad secundum dicendum, quod etiam servus potest voluntarie exhibere domino suo quod debet; & sic facit de necessitate virtutem, debitum voluntarie reddens: & similiter exhibere Deo debitam servitutem potest esse actus virtutis, secundum quod homo voluntarie hoc facit.

Ad tertium dicendum, quod de dictamine rationis naturalis est quod homo aliqua faciat ad reverentiam divinam. Sed quod hæc determinate faciat, vel illa, istud non est de dictamine rationis naturalis, sed de institutione iuris divini, vel humani.

## ARTICULUS III. 428

*Utrum religio sit una virtus.**Inf. art. 4. ad 1. & 2.*

**A**D tertium sic proceditur. Videtur quod religio non sit una virtus. Per religionem enim ordinamur ad Deum, ut dictum est (art. 1. huius quæst.) In Deo autem est accipere tres personas, & iterum multa attributa, quæ saltem ratione differunt. Diversa autem ratio obiecti sufficit ad diversificandum virtutes, ut ex supra dictis patet (quæst. 1. art. 2. ad 2.) Ergo religio non est una virtus.

2. Præterea. Unius virtutis unus est actus: habitus enim distinguuntur secundum actus. Religionis autem multi sunt actus, sicut colere, & servire, vovere, orare, sacrificare, & multa huiusmodi. Ergo religio non est una virtus.

3. Præterea. Adoratio ad religionem pertinet. Sed adoratio alia ratione adhibetur imaginibus, & alia ipsi Deo. Cum ergo diversa ratio distinguat virtutes, videtur quod religio non sit una virtus.

Sed contra est quod dicitur Ephes. iv. 3. *Unus Deus, una fides*. Sed vera religio protestatur fidem unius Dei. Ergo religio est una virtus.

Respondeo dicendum, quod, sicut supra habitum est (1. 2. quæst. lvi. art. 2. & 3.) habitus distinguuntur secundum diversam rationem obiecti. Ad religionem autem pertinet exhibere reverentiam uni Deo secundum unam rationem, inquantum scilicet est primum principium creationis, & gubernationis rerum. Unde ipse dicit Malach. i. 6. *Si ego pater, ubi honor meus?* Patris enim est & producere, & gubernare. Et ideo manifestum est quod religio est una virtus.

Ad primum ergo dicendum, quod tres personæ divinæ sunt unum principium creationis, & gubernationis rerum: & ideo eis una religio servitur. Diversæ autem rationes attributorum concurrunt ad rationem primi principii, quia Deus producit omnia, & gubernat sapientia, voluntate, & potentia bonitatis suæ. Et ideo religio est una virtus.

Ad secundum dicendum, quod eodem actu homo servit Deo, & colit ipsum: nam cultus respicit Deum excellentiam, cui reverentia debetur; servitus autem respicit subiectionem hominis, qui ex sua conditione obligatur ad exhibendam reverentiam Deo. Et ad hæc duo perti-

nent omnes actus qui religioni attribuuntur: quia per omnes homo protestatur divinam excellentiam, & subiectionem sui ad Deum, vel exhibendo aliquid ei, vel etiam assumendo aliquid divinum.

Ad tertium dicendum, quod imaginibus non exhibetur religionis cultus, secundum quod in seipsis considerantur, quasi res quædam, sed secundum quod sunt imagines ducentes in Deum incarnatum. Motus autem qui est in imaginem, prout est imago, non consistit in ipsa, sed tendit in id cuius est imago. Et ideo ex hoc quod imaginibus Christi exhibetur religionis cultus, non diversificatur ratio latræ, nec virtus religionis.

## ARTICULUS IV. 429

*Utrum religio sit specialis virtus ab aliis distincta.*

**A**D quartum sic proceditur. Videtur quod religio non sit specialis virtus ab aliis distincta. Dicit enim Augustinus X. de civ. Dei (cap. vi. in princ.) *Pecum sacrificium est omne opus quod geritur, ut sancta societate Deo iungamur*. Sed sacrificium pertinet ad religionem. Ergo omne opus virtutis ad religionem pertinet; & sic non est specialis virtus.

2. Præterea. Apostolus dicit I. ad Cor. x. 31. *Omnia in gloriam Dei facite*. Sed ad religionem pertinet aliqua facere ad Dei reverentiam, ut supra dictum est (art. 1. huius quæst. ad 1. & art. 2.) Ergo religio non est specialis virtus.

3. Præterea. Caritas qua diligitur Deus, non est virtus distincta a caritate qua diligitur proximus. Sed, sicut dicitur in VIII. Ethic. (cap. viii. circ. princ.) *honorari propinquum est ei quod est amari*. Ergo religio qua honoratur Deus, non est virtus specialiter distincta ab observantia, vel dulcia, vel pietate, quibus honoratur proximus. Ergo non est virtus specialis.

Sed contra est quod ponitur pars iustitiæ ab aliis eius partibus distincta.

Respondeo dicendum, quod cum virtus ordinetur ad bonum, ubi est specialis ratio boni, ibi oportet esse specialem virtutem. Bonum autem ad quod ordinatur religio, est exhibere Deo debitum honorem. Honor autem debetur alicui ratione excellentiæ. Deo autem competit singularis excellentia, inquantum omnia in infinitum transcendit secundum omni-

omnimodum excessum. Unde ei debetur specialis honor; sicut in rebus humanis videmus quod diversis excellentiis personarum diversus honor debetur, alius quidem patri, alius regi, & sic de aliis.

Unde manifestum est quod religio est specialis virtus.

Ad primum ergo dicendum, quod omne opus virtutis dicitur esse sacrificium, inquantum ordinatur ad Dei reverentiam. Unde ex hoc non habetur quod religio sit generalis virtus, sed quod imperet omnibus aliis virtutibus, ut supra dictum est (art. 1. huius quaest. ad 1.).

Ad secundum dicendum, quod omnia, secundum quod in gloriam Dei fiunt, pertinent ad religionem, non quasi ad elicentem, sed quasi ad imperantem; illa autem pertinent ad religionem elicentem quae secundum rationem suae speciei pertinent ad reverentiam Dei.

Ad tertium dicendum, quod obiectum amoris est bonum; obiectum autem honoris, vel reverentiae est aliquid excellens. Bonitas autem Dei communicatur creaturae, non autem excellentia bonitatis eius. Et ideo caritas qua diligitur Deus, non est virtus distincta a caritate qua diligitur proximus. Religio autem qua honoratur Deus, distinguitur a virtutibus quibus honoratur proximus.

## ARTICULUS V. 430

*Utrum religio sit virtus theologia.*

**A**D quantum sic proceditur. Videtur quod religio sit virtus theologia. Dicit enim Augustinus in Enchir. (cap. 111.) quod *Deus colitur fide, spe, & caritate*, quae sunt virtutes theologiae. Sed cultum Deo asserre pertinet ad religionem. Ergo religio est virtus theologia.

2. Praeterea. Virtus theologia dicitur quae habet Deum pro obiecto. Religio autem habet Deum pro obiecto, quia ad solum Deum ordinat, ut dictum est (art. 1. huius quaest.) Ergo religio est virtus theologia.

3. Praeterea. Omnis virtus vel est theologia, vel intellectualis, vel moralis, ut ex supradictis patet (1. 2. quaest. 177. 178. & 179.) Manifestum est autem quod religio non est virtus intellectualis, quia eius perfectio non attenditur secundum considerationem veri: similiter etiam non est virtus moralis, cuius proprium est tenere medium inter

superfluum, & diminutum: non enim aliquis potest superflue Deum colere, secundum illud Eccli. xlvi. 33. *Benedicentes Dominum exaltate illum, quantum potestis: maior enim est omni laude.* Ergo relinquitur quod sit virtus theologia.

Sed contra est quod ponitur pars iustitiae, quae est virtus moralis.

Respondetur dicendum, quod, sicut supra dictum est (art. praec.) religio est quae Deo debitum cultum asserit. Duo ergo in religione considerantur. Unum quidem quod religio Deo asserit, scilicet cultus: & hoc se habet per modum materiae, & obiecti ad religionem. Aliud autem est id cui asseritur, scilicet Deus, cui cultus exhibetur, non quod actus quibus Deus colitur, ipsum Deum attingant; sicut cum credimus Deo, credendo Deum attingimus. Propter quod dictum est (quaest. 1. art. 1. 2. & 4.) quod Deus est fidei obiectum, non solum inquantum credimus Deum, sed inquantum credimus Deo.

Asseritur autem Deo debitum cultus, inquantum actus quidam quibus Deus colitur, in Dei reverentiam fiunt, puta sacrificiorum oblationes, & alia huiusmodi. Unde manifestum est quod Deus non comparatur ad virtutem religionis sicut materia, vel obiectum, sed sicut finis. Et ideo religio non est virtus theologia, cuius obiectum est ultimus finis; sed est virtus moralis, cuius est esse circa ea quae sunt ad finem.

Ad primum ergo dicendum, quod semper potentia, vel virtus quae operatur circa finem, per imperium movet potentiam, vel virtutem operantem ea quae ordinantur in finem illum. Virtutes autem theologiae, scilicet fides, spes, & caritas, habent actum circa Deum sicut circa proprium obiectum: & ideo suo imperio causant actum religionis, quae operatur quendam in ordine ad Deum. Et ideo Augustinus dicit, quod *Deus colitur fide, spe, & caritate.*

Ad secundum dicendum, quod religio ordinat hominem in Deum, non sicut in obiectum, sed sicut in finem.

Ad tertium dicendum, quod religio non est virtus theologia, neque intellectualis, sed moralis, cum sit pars iustitiae; & medium in ipsa accipitur, non quidem inter passionem, sed secundum quandam aequalitatem inter operationes quae sunt ad Deum. Dico autem *aequalitatem* non absolute, quia Deo non potest tantum exhiberi, quantum ei debetur, sed

sed secundum quamdam considerationem humane facultatis, & divinæ acceptationis. Superfluum autem in his quæ ad divinum cultum pertinent, esse potest, non secundum circumstantiam quanti, sed secundum alias circumstantias; puta quia cultus divinus exhibetur cui non debet exhiberi, vel quando non debet, vel secundum alias circumstantias, prout non debet.

## ARTICULUS VI. 431

*Utrum religio sit præferenda aliis virtutibus moralibus.*

*Inf. quæst. lxxxviii. art. 6. corp. & quæst. clxxxiii. art. 2. corp. & ill. con. cap. xviii. corp. fin. & quæst. vi. art. 11. corp.*

**A**D sextum sic proceditur. Videtur quod religio non sit præferenda aliis virtutibus moralibus. Perfectio enim virtutis moralis consistit in hoc quod attingit medium, ut patet in II. Ethic. (cap. vi.) Sed religio deficit in attingendo medium iustitiæ, quia non reddit Deo omnino æquale. Ergo religio non est potior aliis virtutibus moralibus.

2. Præterea. In his quæ hominibus exhibentur, tanto videtur aliquid esse laudabilius, quanto magis indigenti exhibetur: unde dicitur Ila. lviii. 7. *Frangite esurienti panem tuum.* Sed Deus non indiget aliquo, quod ei a nobis exhibeatur, secundum illud Psal. xv. 2. *Dixi Domino: Deus meus es tu, quoniam bonorum meorum non eges.* Ergo religio videtur minus laudabilis aliis virtutibus, per quas hominibus subvenitur.

3. Præterea. Quanto aliquid sit ex maiori necessitate, tanto minus est laudabile, secundum illud I. ad Corinth. ix. 16. *Si evangelizavero, non est mihi gloria: necessitas enim mihi incumbit.* Ubi autem est maior debitus, ibi est maior necessitas. Cum ergo Deo maxime sit debitum quod ei ab homine exhibetur, videtur quod religio sit minus laudabilis inter virtutes humanas.

Sed contra est quod Exodi xx. ponuntur primo præcepta ad religionem pertinentia, tanquam præcipua. Ordo autem præceptorum proportionatur ordini virtutum, quia præcepta legis dantur de actibus virtutum. Ergo religio est præcipua inter virtutes morales.

Respondendo dicendum, quod ea quæ sunt ad finem, sortiuntur bonitatem ex ordine in finem: & ideo quanto sunt fini

propinquiore, tanto sunt meliora. Virtutes autem morales, ut supra habitum est (art. præc. in corp. & ad 1. & quæst. iv. art. 7.) sunt circa ea quæ ordinantur in Deum sicut in finem. Religio autem magis de propinquo accedit ad Deum quam alie virtutes morales, inquantum operatur ea quæ directe & immediate ordinantur in honorem divinum.

Et ideo religio præminet inter alias virtutes morales.

Ad primum ergo dicendum, quod laus virtutis in voluntate consistit, non autem in potestate: & ideo deficere ab æqualitate, quæ est medium iustitiæ, propter defectum potestatis, non diminuit laudem virtutis, si non fuerit defectus ex parte voluntatis.

Ad secundum dicendum, quod in his quæ exhibentur aliis propter eorum utilitatem, est exhibitio laudabilior quæ sit magis indigenti, quia est utilior. Deo autem non exhibetur aliquid propter eius utilitatem, sed propter eius gloriam, nostram autem utilitatem.

Ad tertium dicendum, quod ubi est necessitas, tollitur gloria supererogationis; non autem excluditur meritum virtutis, si adsit voluntas. Et propter hoc ratio non sequitur.

## ARTICULUS VII. 432

*Utrum religio habeat aliquem exteriorem actum.*

*Inf. quæst. lxxxiv. art. 1. & quæst. lxxxv. art. 2. cor. & ill. con. cap. cx.*

**A**D septimum sic proceditur. Videtur quod religio non habeat aliquem exteriorem actum. Dicitur enim Ioan. iv. 24. *Deus spiritus est, & eos qui adorant eum, in spiritu, & veritate adorare oportet.* Sed exteriores actus non pertinent ad spiritum, sed magis ad corpus. Ergo religio, ad quam pertinet adoratio, non habet actus exteriores, sed interiores.

2. Præterea. Religionis finis est Deo reverentiam, & honorem exhibere. Sed ad irreverentiam alicuius excellentis pertinet, si ea sibi exhibeantur quæ proprie ad inferiores pertinent. Cum ergo ea quæ exhibet homo corporalibus actibus, proprie videantur ad indigentias hominum ordinari, vel ad reverentiam inferiorum creaturarum; ideo videtur quod non congrue possunt assumi in divinam reverentiam.



3. Præterea. Augustinus in VI. de civ. Dei (cap. x.) commendat Senecam de hoc quod vituperat quosdam qui idolis ea exhibebant quæ solent hominibus exhiberi, quia scilicet immortalibus non conveniunt ea quæ sunt mortalium. Sed hæc multo minus conveniunt Deo vero, qui est *excelsus super omnes deos*. Ergo videtur reprehensibile esse quod aliquis corporalibus actibus Deum colat. Non ergo habet religio corporales actus.

Sed contra est quod in Psal. lxxxviii. 3. dicitur: *Cor meum, & caro mea exultaverunt in Deum vivum*. Sed sicut interiores actus pertinent ad cor, ita exteriores actus pertinent ad membra carnis. Ergo videtur quod Deus sit colendus non solum interioribus actibus, sed etiam exterioribus.

Respondendo dicendum, quod Deo reverentiam, & honorem exhibemus, non propter seipsum, quia ex seipso est gloria plenus, cui nihil a creatura addici potest; sed propter nos, quia videlicet per hoc quod Deum reveremur, & honoramus, mens nostra ei subicitur; & in hoc eius perfectio consistit: quælibet enim res perficitur per hoc quod subditur suo superiori, sicut corpus per hoc quod vivificatur ab anima, & aer per hoc quod illuminatur a Sole. Mens autem humana indiget, ad hoc quod coniungatur Deo, sensibilem manducatione: quia *invisibilia Dei per ea quæ facta sunt, intellecta conspiciuntur*, ut Apostolus dicit Rom. i. 20. Et ideo in divino cultu necesse est aliquibus corporalibus uti, ut eis quasi signis quibusdam mens hominis excitetur ad spirituales actus, quibus Deo coniungitur.

Et ideo religio habet quidem interiores actus quasi principales, & per se ad religionem pertinentes; exteriores vero actus, quasi secundarios, & ad interiores actus ordinatos.

Ad primum ergo dicendum, quod Dominus loquitur quantum ad id quod est principale, & per se intentum in cultu divino.

Ad secundum dicendum, quod hiismodi exteriora non exhibentur Deo, quasi his indigeat, secundum illud Psal. xlii. 13. *Numquid manducabo carnes taurorum, aut sanguinem bircorum potabo?* sed exhibentur Deo tamquam signa quædam interiorum, & spiritualium operum, quæ per se Deus acceptat. Unde Augustinus dicit in X. de civ. Dei (cap. v. parum a princ.) *Sacrificium visibile*

*invisibilis sacrificii sacramentum, idest sacramentum signum est.*

Ad tertium dicendum, quod idololatæ deridentur ex hoc quod ea quæ ad homines pertinent, idolis exhibebant, non tamquam signa excitantia eos ad aliqua spiritualia, sed tamquam per se eis accepta; & præcipue quia erant vana, & turpia.

## ARTICULUS VIII. 433.

*Utrum religio sit idem sanctitati.*

**A**D octavum sic proceditur. Videtur quod religio non sit idem sanctitati. Religio enim est quædam specialis virtus, ut habitum est (art. 4. huius quæst.) Sanctitas autem dicitur esse generalis virtus: est enim *faciens fideles, & servantes ea quæ ad Deum sunt iusta*, ut Andronicus dicit. Ergo sanctitas non est idem religioni.

2. Præterea. Sanctitas munditiam importare videtur: dicit enim Dionysius xii. cap. de div. Nom. quod *sanctitas est ab omni immunditia libera, & perfecta, & omnino immaculata munditia*. Munditia autem maxime videtur pertinere ad temperantiam, quæ turpitudines corporales excludit. Cum ergo religio ad iustitiam pertineat, videtur quod sanctitas non sit idem religioni.

3. Præterea. Ea quæ dividuntur ex opposito, non sunt idem. Sed in quadam enumeratione partium iustitiæ sanctitas dividitur religioni, ut supra habitum est (quæst. lxxx.) Ergo sanctitas non est idem quod religio.

Sed contra est quod dicitur Luc. i. 75. *Serviamus illi in sanctitate, & iustitia*. Sed servire Deo pertinet ad religionem, ut supra habitum est (art. 1. huius quæst. ad 3. & art. 3. ad 2.) Ergo religio est idem sanctitati.

Respondendo dicendum, quod nomen sanctitatis duo videtur importare. Uno quidem modo munditiam; & huic significationi competit nomen græcum: dicitur enim *ἁγιος*, quasi sine terra. Alio modo importat firmitatem: unde apud antiquos *sancta* dicebantur quæ legibus erant munita, ut violari non deberent. Unde & dicitur aliquid esse sanctum, quia est lege firmatum. Potest etiam secundum Latinos hoc nomen *sanctus* ad munditiam pertinere; ut intelligatur *sanctus*, quasi *sanguine tinctus*, eo quod antiquitus illi qui purificari volebant, sanguine

guine hostie tangebantur, ut Isidorus dicit in Lib. X. Etymolog. (ad lit. S.)

Et utraque significatio competit, ut sanctitas attribuaturs his quæ divino cultui applicatur; ita quod non solum homines, sed etiam templum, & vasa, & alia huiusmodi sanctificari dicantur ex hoc quod cultui divino applicantur. Munditia enim necessaria est ad hoc quod mens Deo applicetur: quia mens humana inquinatur ex hoc quod inferioribus rebus coniungitur; sicut quælibet res ex immixtione peioris fordescit, ut argentum ex immixtione plumbi. Oportet autem quod mens ab inferioribus rebus abstrahatur, ad hoc quod supremæ rei possit coniungi. Et ideo mens sine munditia Deo applicari non potest. Unde ad Hebr. xii. 14. dicitur: *Pacem sequimini cum omnibus, & sanctimoniam, sine qua nemo videbit Deum.* Firmitas etiam exigatur ad hoc quod mens Deo applicetur: applicatur enim ei sicut ultimo fini, & primo principio: huiusmodi autem oportet maxime immobilia esse. Unde dicebat Apostolus Rom. viii. 38. *Certus sum quod neque mors, neque vita . . . separabit me a caritate Dei.*

Sic ergo sanctitas dicitur per quam mens hominis seipsam, & suos actus applicat Deo. Unde non differt a religione secundum essentiam, sed solum ratione. Nam religio dicitur, secundum quod exhibet Deo debitum famularum in his quæ pertinent specialiter ad cultum divinum, sicut in sacrificiis, oblationibus, & aliis huiusmodi; sanctitas autem dicitur, secundum quod homo non solum hæc, sed aliarum virtutum opera refert in Deum, vel secundum quod homo se disponit per bona quædam opera ad cultum divinum. (a)

Ad primum ergo dicendum, quod sanctitas est quædam specialis virtus secundum essentiam; & secundum hoc est quodammodo eadem religioni. Habet autem quædam generalitatem, secundum quod omnes virtutum actus per imperium ordinat in bonum divinum; sicut & iustitia legalis dicitur generalis virtus, in quantum ordinat omnium virtutum actus in bonum commune.

Ad secundum dicendum, quod temperantia munditiam quidem operatur, non tamen ita quod habeat rationem sanctitatis, nisi referatur in Deum. Unde de ipsa virginitate dicit Augustinus in Lib. de virginitate (cap. viii.) quod non quia

virginitas est, sed quia Deo dicata est, honoratur.

Ad tertium dicendum, quod sanctitas distincta est a religione propter differentiam prædictam, non quia differunt re, sed ratione, ut dictum est (in corp. art.)

## QUAESTIO LXXXII.

### De devotione,

#### in quatuor articulos divisa.

**D**Einde considerandum est de actibus religionis: & primo de actibus interioribus, qui secundum prædicta sunt principales; secundo de actibus exterioribus, qui sunt secundarii. Interiores autem actus religionis videntur esse devotio, & oratio. Primo ergo de devotione agendum est; secundo de oratione.

Circa primum quaeruntur quatuor.

Primo, utrum devotio sit specialis actus.

Secundo, utrum sit actus religionis.

Tertio, de causa devotionis.

Quarto de eius effectu.

## ARTICULUS I. 434

### Utrum devotio sit specialis actus.

Inf. art. 2. cor. & quest. lxxxiii. art. 3. ad 1.

**A**D primum sic proceditur. Videtur quod devotio non sit specialis actus. Illud enim quod pertinet ad modum aliorum actuum, non videtur esse specialis actus. Sed devotio videtur pertinere ad modum aliorum actuum: dicitur enim II. Paralip. xxix. 31. *Obtulit universa multitudo hostias, & laudes, & holocausta mente devota.* Ergo devotio non est specialis actus.

2. Præterea. Nullus specialis actus invenitur in diversis generibus actuum. Sed devotio invenitur in diversis generibus actuum, scilicet in actibus corporalibus, & etiam spiritualibus: dicitur enim aliquis & devote meditari, & devote genuflectere. Ergo devotio non est specialis actus.

3. Præterea. Omnis actus specialis aut est appetitivæ, aut cognoscitivæ virtutis. Sed devotio neutri earum appropriatur, ut patet discurrenti per singulas species actuum utriusque partis, quæ supra enumeratæ sunt (I. P. qu. lxxix. & lxxx. & 1.2. qu. xxxii. art. 4.) Ergo devotio non est specialis actus.

Sed

(a) *De msi. & edis melioris nota. Al. additur pertinentia.*

Sed contra est quod actibus meremur, ut supra habitum est (1. 2. quæst. xxi. art. 3. & 4.) Sed devotio habet specialem rationem merendi. Ergo devotio est actus specialis.

Respondeo dicendum, quod devotio dicitur a devovendo: unde devoti dicuntur qui seipsos quodammodo Deo devoverunt, ut ei se totaliter subdant: propter quod & olim apud Gentiles devoti dicebantur qui seipsos idolis devovebant in mortem pro sui salute exercitus, sicut de duobus Decius Titus Livius narrat (Decad. I. Lib. VIII. cap. viii. & Lib. X. cap. xix.) Unde devotio nihil aliud esse videtur quam voluntas quædam prompte tradendi se ad ea quæ pertinent ad Dei salutem. Unde Exod. xxv. 21. dicitur, quod multitudo filiorum Israel (a) obtulit mente promptissima, atque devota primitias Domino. Manifestum est autem quod voluntas prompte faciendi quod ad Dei servitium pertinet, est quidam specialis actus.

Unde devotio est specialis actus voluntatis.

Ad primum ergo dicendum, quod movens imponit modum motui mobilis. Voluntas autem movet alias vires animæ ad suos actus; & voluntas, secundum quod est finis, movet seipsam ad ea quæ sunt ad finem, ut supra habitum est (1. 2. quæst. viii. art. 2.) Et ideo, cum devotio sit actus voluntatis hominis offerentis seipsam Deo ad ei servitium, qui est ultimus finis, consequens est quod devotio imponat modum humanis actibus, sive sint ipsius voluntatis circa ea quæ sunt ad finem, sive etiam sint aliarum potentiarum, quæ a voluntate moventur.

Ad secundum dicendum, quod devotio invenitur in diversis generibus actuum, non sicut species illorum generum, sed sicut motio moventis invenitur virtute in motibus mobilium.

Ad tertium dicendum, quod devotio est actus appetitivæ parais animæ, & est quidam motus voluntatis, ut dictum est (in corp. art.)

## ARTICULUS II. 435

Utrum devotio sit actus religionis.

Inf. quæst. lxxxiii. art. 3. ad 1. & art. 15. co. & quæst. civ. art. 3. ad 1.

**A**D secundum sic proceditur. Videtur quod devotio non sit actus religionis. Devotio enim, ut dictum est (art. præc.) ad hoc pertinet quod aliquis se Deo tradat. Sed hoc maxime fit per caritatem: quia, ut Dionysius dicit iv. cap. de div. Nom. (parte 1. lect. 10.) *divinus amor extasim facit, non finens amantes suiipsorum esse, sed eorum quæ amant.* Ergo devotio magis est actus caritatis quam religionis.

2. Præterea. Caritas præcedit religionem. Devotio autem videtur præcedere caritatem: quia caritas in Scripturis significatur per ignem, devotio vero per pinguedinem, quæ est ignis materia. (Cantic. viii. 6. & Ps. lxxi. 6.) Ergo devotio non est actus religionis.

3. Præterea. Per religionem homo ordinatur solum ad Deum, ut dictum est (quæst. præc. art. 1.) Sed devotio etiam habetur ad homines: dicuntur enim aliqui esse devoti aliquibus sanctis viris; & etiam subditi dicuntur esse devoti dominis suis, sicut Leo Papa dicit (serm. viii. de passione Dom. cir. med.) quod Iudæi quasi devoti Romanis legibus, dixerunt: *Non habemus Regem nisi Cæsarem.* Ergo devotio non est actus religionis.

Sed contra est quod devotio a devovendo dicitur, ut dictum est (art. præc.) Sed votum est actus religionis. Ergo & devotio.

Respondeo dicendum, quod ad eandem virtutem pertinet velle facere aliquid, & promptam voluntatem habere ad illud faciendum: quia utriusque actus est idem obiectum. Propter quod, ut Philosophus dicit in V. Ethic. (cap. 1. cir. princ.) *iustitia est quæ volunt dominos, & operantur iusta.* Manifestum est autem quod operari ea quæ pertinent ad divinum cultum, seu famulatum, pertinere proprie ad religionem, ut ex prædictis patet (quæst. præc. art. 1. 2. & 3.) Unde etiam ad eam pertinet habere promptam voluntatem ad huiusmodi exequenda: quod est esse devotum.

Et sic patet quod devotio est actus religionis.

D d Ad

Ad primum ergo dicendum, quod ad caritatem pertinet immediate quod homo tradat seipsum Deo, adherendo ei per quamdam spiritus unionem; sed quod homo tradat seipsum Deo ad aliqua opera divini cultus, hoc immediate pertinet ad religionem, mediate autem ad caritatem, quæ est religionis principium.

Ad secundum dicendum, quod pinguedo corporalis & generatur per calorem naturalem digerentem, (a) & ipse naturalis calor habet pinguedinem quasi eius nutrimentum: & similiter caritas & devotionem causat, inquantum ex amore aliquis redditur promptus ad serviendum amico, & etiam per devotionem caritas nutritur; sicut & quælibet amicitia conservatur, & augetur per amicitiam operum exercitium, & meditationem.

Ad tertium dicendum, quod devotio quæ habetur ad Sanctos Dei mortuos, vel vivos, non terminatur ad ipsos, sed transit in Deum, inquantum scilicet in ministris Dei Deum veneramus. Devotio autem quam subditi dicuntur habere ad dominos temporales, alterius est rationis; sicut & temporalibus dominis famulari differt a famulatu divino.

### ARTICULUS III. 436

*Utrum contemplatio, seu meditatio sit devotionis causa.*

*Inf. art. 4. co. & IV. dist. xv. quæst. iv. art. 3. quæst. 2. cor. & mal. quæst. xi. art. 2. ad 7.*

**A**D tertium sic proceditur. Videtur quod contemplatio, seu meditatio non sit devotionis causa. Nulla enim causa impedit suum effectum. Sed subtile meditationes intellectibus multoties devotionem impediunt. Ergo contemplatio, seu meditatio non est devotionis causa.

2. Præterea. Si contemplatio esset propria & per se devotionis causa, oporteret quod ea quæ sunt altioris contemplationis, magis devotionem excitarent. Huius autem contrarium apparet: frequenter enim maior devotio excitatur ex consideratione passionis Christi, & aliis mysteriis humanitatis ipsius, quam ex consideratione divinæ magnitudinis. Ergo contemplatio non est propria devotionis causa.

3. Præterea. Si contemplatio esset propria causa devotionis, oporteret quod illi qui sunt magis apti ad contemplationem, essent etiam magis apti ad devotionem: cuius contrarium videmus: quia devotio frequenter magis invenitur in quibusdam simplicibus viris, & in femineo sexu, in quibus invenitur contemplationis defectus. Ergo contemplatio non est propria causa devotionis.

Sed contra est quod in Psal. xxxviii. 4. dicitur: *In meditatione mea exardescet ignis*. Sed ignis spiritualis causat devotionem. Ergo meditatio est devotionis causa.

Respondetur dicendum, quod causa devotionis extrinseca, & principalis Deus est: de quo dicit Ambrosius super Lucam (cap. ix. sup. illud, *Et conversus increpavit etc.*) quod *Deus, quos dignatur, vocat; & quem vult, religiosum facit: & si voluisset, Samaritanos in devotio devotos fecisset*.

Causa autem intrinseca ex parte nostra oportet quod sit meditatio, seu contemplatio. Dicitur enim (art. 1. hu. quæst.) quod devotio est quidam voluntatis actus ad hoc quod homo prompte se tradat ad divinum obsequium. Omnis autem actus voluntatis ex aliqua consideratione procedit, eo quod bonum intellectum est obiectum voluntatis. Unde & Augustinus dicit in Lib. XIV. de Trinitate (cap. viii. & Lib. X. cap. 1.) quod *voluntas oritur ex intelligentia*. Et ideo necesse est quod meditatio sit devotionis causa, inquantum scilicet homo per meditationem concipit quod se tradat divino obsequio.

Ad quod quidem inducit duplex consideratio. Una quidem quæ est ex parte divinæ bonitatis, & beneficiorum ipsius, secundum illud Psal. lxxxi. 27. *Mibi adhaerere Deo bonum est, & ponere in Domino Deo spem meam*: & hæc consideratio excitat dilectionem, quæ est proxima devotionis causa. Alia vero est ex parte hominis considerantis suos defectus, ex quibus indiget ut Deo innitatur, secundum illud Ps. cxx. 1. *Levavi oculos meos in montes, unde venit auxilium mihi: auxilium meum a Domino, qui fecit celum, & terram*: & hæc consideratio excludit presumptionem, per quam aliquis impeditur ne Deo se subiciat, dum sine virtuti innititur.

Ad primum ergo dicendum, quod considera-

(a) Ita cum pluribus mss. edit. veteris, & Patav. N'c'at: & ipsum calorem naturalem conservat quasi eius nutrimentum.

deratio eorum quæ nata sunt dilectionem Dei excitare, devotionem causat; consideratio vero quorumcumque ad hoc non pertinentium, sed ab eis mentem distrahentium, impedit devotionem.

Ad secundum dicendum, quod ea quæ sunt Divinitatis, sunt secundum se maxime excitantia dilectionem, & per consequens devotionem, quia Deus est super omnia diligendus; sed ex debilitate mentis humanæ est quod sicut indiget manu ductione ad cognitionem divinorum, ita ad dilectionem per aliqua sensibilia nobis nota; inter quæ præcipuum est humanitas Christi, secundum quod in præfatione dicitur: *Ut, dum visibiliter Deum cognoscimus, per hunc in invisibilem amorem rapiamur*. Et ideo ea quæ pertinent ad Christi humanitatem, per modum cuiusdam manu ductionis, maxime devotionem excitant; cum tamen devotio principaliter circa ea quæ sunt Divinitatis, consistat.

Ad tertium dicendum, quod scientia, & quicquid aliud ad magnitudinem pertinet, occasio est quod homo (a) considerat de seipso; & ideo non totaliter se Deo tradat. Et inde est quod huiusmodi quandoque occasionaliter devotionem impediunt; & in simplicibus, & mulieribus devotio abundat, elationem comprimendo. Si tamen scientiam, & quamcumque aliam perfectionem homo perfecte Deo subdat, ex hoc ipso devotio augetur.

#### ARTICULUS IV. 437

*Utrum lætitia sit devotionis effectus.*

**A**D quartum sic proceditur. Videtur quod lætitia non sit devotionis effectus. Quia, ut dictum est (art. præc. ad 2.) passio Christi præcipue ad devotionem excitat. Sed ex eius consideratione consequitur in anima quedam afflictio, secundum illud Thren. 311. 19. *Recordare paupertatis meæ . . . abstinentiæ, & fællis*; quod pertinet ad passionem; & postea subditur: *Memoria memor ero, & tabesceat in me anima mea*. Ergo delectatio, sive gaudium non est devotionis effectus.

3. Præterea. Devotio præcipue consistit in interiori sacrificio spiritus. Sed in Psal. 1. 19. dicitur *Sacrificium Deo spiritus contribulatus*. Ergo afflictio magis

est devotionis effectus quam iucunditas, sive gaudium.

3. Præterea. Gregorius Nyssenus dicit in Lib. de homine (cap. xxi. a med.) quod *sicut risus procedit ex gaudio; ita lacrymæ, & gemitus sunt signa tristitiæ*. Sed ex devotione contingit quod aliqui prorumpant in lacrymas. Ergo lætitia, vel gaudium non est devotionis effectus.

Sed contra est quod in Collecta dicitur: *Quos ieiunia vestra castigant, ipsa quoque devotio sancta lætificet*.

Respondetur dicendum, quod devotio per se quidem, & principaliter spirituales lætitiæ mentis causat; ex consequenti autem, & per accedens causat tristitiam.

Dictum est enim (art. præc.) quod devotio ex duplici consideratione procedit. Principaliter quidem ex consideratione divinæ bonitatis: quia ista consideratio pertinet quasi ad terminum motus voluntatis tradentis se Deo: & ex ista consideratione per se quidem sequitur delectatio, secundum illud Psal. lxxvi.

4. *Memor fui Dei, & delectatus sum*: sed per accedens hæc consideratio tristitiam quandam causat in his qui nondum plene Deo fruuntur, secundum illud Psal. xli. 3. *Sitivit anima meam ad Deum fontem vivum*: & postea sequitur: *Fuerunt mihi lacrymæ meæ panes &c.* Secundario vero causatur devotio, ut dictum est (art. præc.) ex consideratione propriorum defectuum: nam hæc consideratio pertinet ad terminum, a quo homo per motum voluntatis devotæ recedit, ut scilicet non in se existat, sed Deo se subdat. Hæc autem consideratio e converso se habet ad primam: nam per se quidem nata est tristitia causare, recogitando proprios defectus; per accedens autem lætiam, scilicet propter spem divinæ subventionis. Et sic patet quod ad devotionem primo & per se consequitur delectatio; secundario autem & per accedens tristitia quæ est secundum Deum.

Ad primum ergo dicendum, quod in consideratione passionis Christi est aliquid quod contristet, scilicet defectus humanus, propter quem tollendum Christum pati oportuit; & est aliquid quod lætificet, scilicet Dei erga nos benignitas, quæ nobis de tali liberatione providit.

Ad secundum dicendum, quod spiritus, qui ex una parte contribulatur propter præ-

D d 2

(a) Ita Gue'a, Tholozæ, Niclaine, & posteriores edd. communiter. Edit. veteres cum codicibus Rom. Turin. Aliis, aliisque considerat (& consideret) de seipso.

præsentis vitæ defectus, ex alia parte condelectatur ex consideratione divinæ bonitatis, & ex spe divini auxilii.

Ad tertium dicendum, quod lacrymæ prorumpunt non solum ex tristitia, sed etiam ex quadam affectus teneritudine; præcipue cum consideratur aliquid delectabile cum permixtione alicuius tristabilis: sicut solent homines lacrymari ex pietatis affectu, cum recuperant filios, vel caros amicos, quos existimaverant se perdidisse. Et per hunc modum lacrymæ ex devotione procedunt.

## QUÆSTIO LXXXIII.

### De oratione,

*in decem & septem articulos divisa.*

**D**Einde considerandum est de oratione: & circa hoc quaeruntur decem & septem.

Primo, utrum oratio sit actus appetitivæ virtutis, vel cognitivæ.

Secundo, utrum sit conveniens orare Deum.

Tertio, utrum oratio sit actus religionis.

Quarto, utrum solus Deus sit orandus.

Quinto, utrum in oratione sit aliquid determinate petendum.

Sexto, utrum orando debeamus temporalia petere.

Septimo, utrum pro aliis orare debeamus.

Octavo, utrum debeamus orare pro inimicis.

Nono de septem petitionibus orationis dominicæ.

Decimo, utrum orare sit proprium rationalis creaturæ.

Undecimo, utrum Sancti in patria orent pro nobis.

Duodecimo, utrum oratio debeat esse vocalis.

Tertiodecimo, utrum attentio requiratur ad orationem.

Quartodecimo, utrum oratio debeat esse diuturna.

Quintodecimo, utrum oratio sit memorativa.

Decimosexto, utrum peccatores orando aliquid impetrent a Deo.

Decimoseptimo de speciebus orationis.

## ARTICULUS I. 438

*Utrum oratio sit actus appetitivæ virtutis.*

*IV. dist. xv. quæst. xv. art. 1. quæst. 1. & quæst. 2. cor. & ad 2.*

**A**D primum sic proceditur. Videtur quod oratio sit actus appetitivæ virtutis. Orationis enim est exaudiri. Sed desiderium est quod exauditur a Deo, secundum illud Psal. ix. 17. *Desiderium pauperum exaudivit Dominus.* Ergo oratio est desiderium. Sed desiderium est actus appetitivæ virtutis. Ergo oratio.

2. Præterea. Dionysius dicit in 311. cap. de div. Nomin. (lect. 1. cir. princ.) *Ante omnia ab oratione incipere est utile, sicut Deo nosipso tradentes, & uniennes.* Sed unio ad Deum per amorem fit, qui pertinet ad vim appetitivam. Ergo oratio ad vim appetitivam pertinet.

3. Præterea. Philosophus in III. de Anima (tex. 21.) ponit duas operationes intellectivæ partis: quarum prima est indivisibilem intelligentiam, per quam scilicet apprehendimus de unoquoque quid est; secunda vero est compositio, & divisio, per quam scilicet apprehenditur aliquid esse, vel non esse: quibus tertia additur *ratiocinari*, procedendo scilicet de notis ad ignota. Sed oratio ad nullam istarum operationum reducitur. Ergo non est actus intellectivæ virtutis, sed appetitivæ.

Sed contra est quod Isidorus dicit in Lib. X. Etymol. (ad lit. O) quod *orare idem est quod dicere*. Sed dictio pertinet ad intellectum. Ergo oratio non est actus appetitivæ virtutis, sed intellectivæ.

Respondeo dicendum, quod secundum Cassiodorum (sup. illud Psal. xxxviii. *Exaudi orationem meam*) oratio dicitur quasi *oris ratio*. Ratio autem speculativa, & practica in hoc differunt, quod ratio speculativa est apprehensiva solum rerum; ratio vero practica est non solum apprehensiva, sed etiam causativa. Est autem aliquid alterius causa dupliciter. Uno quidem modo perfecte necessitatem inducendo: & hoc contingit quando effectus totaliter subditur potestati causæ. Alio vero modo imperfecte solum disponendo, quando scilicet effectus non subditur potestati causæ totaliter.

Sic ergo & ratio dupliciter est causa

ali-

aliquorum . Uno quidem modo sicut necessitatem imponens : & hoc modo ad rationem pertinet non solum imperare inferioribus potentiis , & membris corporis , sed etiam hominibus subiectis ; quod quidem fit imperando . Alio modo sicut inducens , & quodammodo disponens : & hoc modo ratio petit aliquid fieri ab his qui ei non subiciuntur , sive sint æquales , sive sint superiores .

Utrumque autem horum , scilicet imperare , & petere sive deprecari , ordinationem quandam important , prout scilicet homo disponit aliquid per aliud esse faciendum : unde pertinent ad rationem , cuius est ordinare . Propter quod Philosophus dicit in I. Ethic. ( cap. ult. a med. ) quod *ad optima deprecatur ratio* . Sic autem nunc loquimur de oratione , prout significat quandam deprecationem , vel petitionem , secundum quod Augustinus dicit in Lib. de verb. Dom. ( serm. v. ) quod *oratio petitio quædam est* : & Damascenus dicit in III. Lib. ( orth. Fid. cap. xxiv. in princ. ) quod *oratio est petitio decentium a Deo* . Sic ergo patet quod oratio , de qua nunc loquimur , est rationis actus .

Ad primum ergo dicendum , quod desiderium pauperum dicitur Dominus exaudire , vel quia desiderium est causa petendi , cum petitio quodammodo sit desiderii interpres : vel hoc dicitur ad ostendendum exauditionis velocitatem , quia scilicet dum adhuc aliquid in desiderio pauperum est , Deus exaudit , antequam orationem proponant , secundum illud Isa. lxxv. 24. *Eritque antequam clamet , ego exaudiam eos* .

Ad secundum dicendum , quod , sicut supra dictum est ( I. P. quæst. lxxxiii. art. 4. & 1. 2. quæst. xx. art. 1. ad 3. ) voluntas movet rationem ad suum finem . Unde nihil prohibet , movente voluntate actum rationis tendere in finem caritatis , qui est Deo uniri . Tendit autem oratio in Deum , quasi a voluntate caritatis mota , dupliciter : uno quidem modo ex parte eius quod petitur , quia hoc præcipue est in oratione petendum ut Deo uniamur , secundum illud Psal. xxvi. 4. *Unam petii a Domino , hanc requiram , ut inhabitem in domo Domini omnibus diebus vite mee* : alio modo ex parte ipsius petentis ; quem oportet accedere ad eum a quo petit , vel loco , sicut ad hominem , vel mente , sicut ad Deum . Unde dicit ibidem , quod *quando orationibus invocamus Deum , revelata*

*mente adsumus ipsi* . Et secundum hoc etiam Damascenus dicit ( loc. sup. cit. ) quod *oratio est ascensus mentis in Deum* .

Ad tertium dicendum , quod illi tres actus pertinent ad rationem speculativam ; sed ulterius ad rationem practicam pertinet causare aliquid per modum imperii , vel per modum petitionis , ut dictum est ( in cor. art. )

## ARTICULUS II. 439

*Utrum sit conveniens orare .*

IV. dist. xv. quæst. iv. art. 1. quæst. 3. ad 1. 2. & 3. & ver. quæst. v. art. 2. cor. & opusc. 111. cap. cclv.

**A**D secundum sic proceditur . Videtur quod non sit conveniens orare . Oratio enim videtur esse necessaria ad hoc quod intinemus ei a quo petimus , id quo indigemus . Sed , sicut dicitur Matth. vi. 32. *Scit Pater vester quia his omnibus indigeris* . Ergo non est conveniens Deum orare .

2. Præterea . Per orationem flestitur animus eius qui oratur , ut faciat quod ab eo petitur . Sed animus Dei est immutabilis , & inflexibilis , secundum illud I. Reg. xv. 29. *Porro triumphator in Israel non parcat , nec penitundine flestitur* . Ergo non est conveniens quod Deum oremus .

3. Præterea . Liberalius est dare aliquid non petenti , quam dare petenti : quia , sicut Seneca dicit ( Lib. II. de benefic. cap. 1. cir. princ. ) *nulla res carius emitur quam quæ precibus emptæ est* . Sed Deus est liberalissimus . Ergo non videtur esse conveniens quod Deum oremus .

Sed contra est quod dicitur Luc. xviii.

1. *Oportet semper orare , & non deficere* . Respondeo dicendum , quod triplex fuit circa orationem antiquorum error . Quidam enim posuerunt , quod res humanæ non reguntur divina providentia ; ex quo sequitur quod vanum sit orare , & omnino Deum colere : & de his dicitur Malach. iii. 14. *Dixistis : Vanus est qui servit Deo* . Secunda fuit opinio ponentium , omnia etiam in rebus humanis ex necessitate contingere , sive ex immutabilitate divinæ providentiæ , sive ex necessitate stellarum , sive ex connexionem causarum : & secundum hos etiam excluditur orationis utilitas . Tertia fuit opinio ponentium quidem res humanas divina providentia regi , & quod res humanæ non proveniunt ex necessi-

tate; sed dicebant similiter dispositionem divinæ providentiæ variabilem esse, & quod orationibus, & aliis quæ ad divinum cultum pertinent, dispositio divinæ providentiæ immutatur. Hæc autem omnia in I. Lib. improbata sunt (quæst. XIX. art. 7. & 8. & quæst. XXII. art. 2. & 4. & quæst. CXV. art. 6. & quæst. CXVI.)

Et ideo oportet sic inducere orationis utilitatem, ut neque rebus humanis divinæ providentiæ subiectis necessitatem imponamus, neque etiā divinam dispositionem mutabilem æstimemus.

Ad huius ergo evidentiā considerandum est, quod ex divina providentiā non solum disponitur qui effectus fiant, sed etiā ex quibus causis, & quo ordine proveniant. Inter alias autem causas sunt etiā quorundam causæ actus humani. Unde oportet homines agere aliqua, non ut per suos actus divinam dispositionem impleant, sed ut per actus suos impleant quoddam effectus secundum ordinem a Deo dispositum: & idem etiā est in naturalibus causis. Et simile est etiā de oratione: non enim propter hoc oramus ut divinam dispositionem immutemus, sed ut id impetremus quod Deus disposuit per orationes esse implendum, ut scilicet homines postulando mercantur accipere quod eis Deus omnipotens ante sæcula disposuit donare, ut Gregorius dicit in Lib. I. Dialogorum (cap. VIII. a med.)

Ad primum ergo dicendum, quod non est necessarium nos Deo preces porrigere, ut ei nostras indigentias, vel desideria manifestemus, sed ut nos ipsi consideremus, in his ad divinum auxilium esse recurrendum.

Ad secundum dicendum, quod, sicut dictum est (in corp. art.) oratio nostra non ordinatur ad immutationem divinæ dispositionis, sed ut obtineatur nostris precibus quod Deus disposuit.

Ad tertium dicendum, quod Deus nobis multa præstat ex sua liberalitate, etiā non petita; sed quod aliqua vult præstare nobis petentibus, hoc est propter nostram utilitatem, ut scilicet fiduciam quamdam accipiamus recurrendi ad Deum, & ut recognoscamus eum esse bonorum nostrorum auctorem. Unde Chrysostomus dicit (implic. hom. 11. de orat. cir. princ. & hom. xxx. in Genes. a med.) *Considera quanta est tibi concessa felicitas, quanta gloria attributa, orationibus fabulari cum Deo, cum Christo*

*miscere colloquia, quod velis, quod desideras, postulare.*

### ARTICULUS III. 440

*Utrum oratio sit actus religionis.*

*Inf. art. 15. cor. & IV. dist. xv. quæst. 17. art. 1. quæst. 2. & art. 1. quæst. 1. ad 2.*

**A**D tertium sic proceditur. Videtur quod oratio non sit actus religionis. Religio enim, cum sit pars iustitiæ, est in voluntate sicut in subiecto. Sed oratio pertinet ad partem intellectivam, ut ex supra dictis patet (art. 1. hu. quæst.) Ergo oratio non videtur esse actus religionis, sed doni intellectus, per quod mens ascendit in Deum.

2. Præterea. Actus latræ cadit sub necessitate præcepti. Sed oratio non videtur cadere sub necessitate præcepti, sed ex mera voluntate procedere; cum nihil aliud sit quam volutorum petitio. Ergo oratio non videtur esse religionis actus.

3. Præterea. Ad religionem pertinere videtur ut quis divinæ naturæ cultum, cærimoniamque afferat. Sed oratio non videtur aliquid Deo asserre, sed magis aliquid obtinendum ab eo petere. Ergo oratio non est religionis actus.

Sed contra est quod dicitur Psal. cxl. 2. *Dirigatur oratio mea, sicut incensum in conspectu tuo*; ubi dicit Glossa (intel. & ord. implic.) quod „in huius figura, ram in veteri lege incensum dicebatur, offerri in odorem suavem Domino.“ Sed hoc pertinet ad religionem. Ergo oratio est religionis actus.

Respondetur dicendum, quod, sicut supra dictum est (quæst. lxxx. art. 2. & 4.) ad religionem proprie pertinet reverentiam, & honorem Deo exhibere: & ideo omnia illa per quæ Deo reverentia exhibetur, pertinent ad religionem. Per orationem autem homo Deo reverentiam exhibet, inquantum scilicet ei se subiecit, & proficitur orando se eo indigere sicut auctore suorum bonorum. Unde manifestum est quod oratio est proprie religionis actus.

Ad primum ergo dicendum, quod voluntas movet alias potentias animæ in suum finem, sicut supra dictum est (art. 1. hu. quæst. ad 2.) & ideo religio, quæ est in voluntate, ordinat actus aliarum potentiarum ad Dei reverentiam. Inter alias autem potentias animæ intellectus altior est, & voluntati propinquior: & ideo



ideo post devotionem, quæ pertinet ad ipsam voluntatem, oratio quæ pertinet ad partem intellectivam, est præcipua inter actus religionis, per quam religio intellectus hominis movet in Deum.

Ad secundum dicendum, quod non solum petere quæ desideramus, sed etiam recte aliquid desiderare, sub præcepto cadit. Sed desiderare quidem cadit sub præcepto caritatis, petere autem sub præcepto religionis: quod quidem præceptum ponitur Matth. vii. 7. ubi dicitur: *Petite, & accipietis.*

Ad tertium dicendum, quod orando tradit homo mentem suam Deo, quam ei per reverentiam subicit, & quodammodo præsentat, ut patet ex auctoritate Dionysii prius inducta (art. 1. huius quæst. arg. 2.) Et ideo sicut mens humana præminet exterioribus, (a) vel corporalibus membris, vel exterioribus rebus, quæ ad Dei servitium applicantur; ita etiam oratio præminet aliis actibus religionis.

#### ARTICULUS IV. 443

*Utrum solus Deus debeat orari.*

IV. dist. xv. quæst. iv. art. 5. quæst. 1. & dist. xxxviii. quæst. 1. art. 1. quæst. 1. ad 4.

**A**D quartum sic proceditur. Videtur quod solus Deus debeat orari. Oratio enim est actus religionis, ut dictum est (art. præc.) Sed solus Deus est religione colendus. Ergo solus Deus est orandus.

2. Præterea. Frustra porrigitur oratio ad eum qui orationem non cognoscit. Sed solius Dei est orationem cognoscere: tum quia plerumque oratio magis agitur interiori actu, quem solus Deus cognoscit, quam voce, secundum illud quod Apostolus dicit I. ad Corinth. xiv. 15. *Orabo spiritu, orabo & mente*: tum etiam quia, ut Augustinus dicit in Lib. de cura pro mortuis agenda (cap. xlii. xv. & xvi.) nesciunt mortui, etiam sancti, quid agant vivi, etiam eorum filii. Ergo oratio non est nisi Deo porrigenda.

3. Præterea. Si aliquibus Sanctis orationem porrigimus, hoc non est nisi in quantum sunt Deo coniuncti. Sed quidam in hoc mundo viventes, vel in purgatorio etiam existentes, sunt multum Deo coniuncti per gratiam: ad eos au-

tem non porrigitur oratio. Ergo nec ad Sanctos qui sunt in paradiso, debemus orationem porrigere.

Sed contra est quod dicitur Iob v. 1. *Voca, si est qui tibi respondeat, & ad aliquem Sanctorum convertere.*

Respondeo dicendum, quod oratio porrigitur alicui dupliciter: uno modo, quasi per ipsum implenda; alio modo sicut per ipsum impetranda. Primo quidem modo soli Deo orationem porrigimus: quia omnes orationes nostræ ordinari debent ad gratiam, & gloriam consequendam; quæ solus Deus dat, secundum illud Psal. lxxxiii. 12. *Gratiam, & gloriam dabis Dominus.*

Sed secundo modo orationem porrigimus sanctis Angelis, & hominibus; non ut per eos Deus nostras petitiones cognoscat; sed ut eorum precibus, & meritis orationes nostræ sortiantur effectum. Et ideo dicitur Apocal. viii. 4. quod *ascendit fumus incensorum de orationibus Sanctorum de manu Angeli coram Deo.* Et hoc etiam patet ex ipso modo quo Ecclesia utitur in orando: nam a Sancta Trinitate petimus ut nostri misereatur; ab aliis autem Sanctis quibuscumque petimus ut orent pro nobis.

Ad primum ergo dicendum, quod illi soli impendimus orando religionis cultum, a quo quærimus obtinere quod oramus, quia in hoc protestamur eum bonorum nostrorum auctorem; non autem eis quos requirimus quasi interpellatores nostros apud Deum.

Ad secundum dicendum, quod mortui ea quæ in hoc mundo aguntur, considerata eorum naturali conditione, non cognoscunt, & præcipue interiores motus cordis. Sed Beatis, ut Gregorius dicit in XII. Moral. (cap. xiv. ante med.) in Verbo manifestatur illud quod decet eos cognoscere de eis quæ circa nos aguntur, etiam quantum ad interiores motus cordis, maxime autem excellentiam eorum decet ut cognoscant petitiones ad eos factas vel voce, vel corde: & ideo petitiones, quas ad eos dirigimus, Deo manifestante cognoscunt.

Ad tertium dicendum, quod illi qui sunt in hoc mundo, aut in purgatorio, nondum fruuntur visione Verbi, ut possint cognoscere ea quæ nos cogitamus, vel dicimus: & ideo eorum suffragia non imploramus orando, sed a vivis petimus colloquendo.

(a) Ita mss. Editi & corporatibus.

## ARTICULUS V. 443

*Utrum in oratione debeamus aliquid determinate a Deo petere.*

*IV. dist. xv. quest. iv. art. 4. quest. i. & opusc. iii. cap. cxi.*

**A**D quintum sic proceditur. Videtur a Deo petere debeamus. Quia, ut Damascenus dicit (Lib. III. Fid. orth. cap. xxiv. in princ.) *oratio est petitio de cunctis a Deo*; unde inefficax est oratio per quam petitur id quod non expedit, secundum illud Iac. iv. 3. *Petitio, & non accipitis, eo quod male petatis*. Sed, sicut dicitur Rom. viii. 26. *quid oremus, sicut oportet, nescimus*. Ergo non debemus aliquid orando determinate petere.

2. Præterea. Quicumque aliquid determinate ab alio petit, nititur voluntatem ipsius inclinare ad faciendum id quod ipse vult. Non autem ad hoc tendere debemus ut Deus velit quod nos volumus, sed magis ut nos velinus quod ipse vult, ut dicit Glossa (ord. Aug.) super illud Psal. xxxvii. *Exultate iusti in Domino*. Ergo non debemus aliquid determinate a Deo in oratione petere.

3. Præterea. Mala a Deo petenda non sunt; ad bona autem Deus nos invitat. Frustra autem ab aliquo petitur ad quod accipiendo invitatur. Ergo non est determinate aliquid a Deo in oratione petendum.

Sed contra est quod Dominus Matth. vi. & Luc. xi. docuit discipulos determinate petere ea quæ continentur in petitionibus orationis dominicæ.

Respondeo dicendum, quod, sicut Maximus Valerius refert (Lib. VII. cap. 11. de Socrate Philof.) *Socrates nihil ultra petendum a diis immortalibus arbitrabatur, quam ut bona tribuerent: quia hiadem scirent, quid unicuique esset utile; nos autem plerumque id votis expetimus quod non impetrasse melius foret*.

Quæ quidem sententia aequaliter vera est, quantum ad illa quæ possunt malum eventum habere, quibus etiam homo potest male, & bene uti; sicut sunt divitiæ, quæ, ut ibidem dicitur, multis exitia fuerunt; honores, qui complures persumederunt; regna, quorum exitus sæpe miserabiles cernuntur; splendida coniugia, quæ nonnumquam funditus domos everunt.

Sunt tamen quedam bona quibus ho-

mo male uti non potest, quæ scilicet malum eventum habere non possunt: hæc autem sunt quibus beatificamur, & quibus beatitudinem meremur: quæ quidem Sancti orando absolute petunt, secundum illud Psal. lxxxix. 4. *Offende faciem tuam, & salvi erimus*; & iterum Psal. cxviii. 35. *Deduc me in semitam mandatorum tuorum*.

Ad primum ergo dicendum, quod licet homo ex se scire non possit quid orare debeat; Spiritus tamen, ut ibidem dicitur, in hoc adjuvat infirmitatem nostram, quod inspirando nobis sancta desideria, recte postulare nos facit. Unde Dominus dicit Ioan. iv. 24. quod veros adoratores adorare oportet in spiritu, & veritate.

Ad secundum dicendum, quod cum orando petimus aliqua quæ pertinent ad nostram salutem, conformamus voluntatem nostram voluntati Dei: de qua dicitur I. ad Timoth. ii. 4. quod *vult omnes homines salvos fieri*.

Ad tertium dicendum, quod sic ad bona Deus nos invitat, quod ad ea non passibus corporis, sed piis desideriis, & devotis orationibus accedamus.

## ARTICULUS VI. 443

*Utrum homo debeat temporalia petere a Deo orando.*

*IV. dist. xv. quest. iv. art. 5. quest. i.*

**A**D sextum sic proceditur. Videtur quod homo non debeat temporalia petere a Deo orando. Quæ enim orando petimus, quarimus. Sed temporalia non debemus querere: dicitur enim Matth. vi. 33. *Primum querite regnum Dei, & iustitiam eius; & hæc omnia adicientur vobis*, scilicet temporalia: quæ non querenda dicit, sed adicienda queritis. Ergo temporalia non sunt in oratione a Deo petenda.

2. Præterea. Nullus petit nisi ea de quibus est sollicitus. Sed de temporalibus sollicitudinem habere non debemus, secundum quod dicitur Matth. vi. 25. *Nolite solliciti esse anime vestre, quid manducetis*. Ergo temporalia petere non debemus orando.

3. Præterea. Per orationem nostram mens debet elevari in Deum. Sed petendo temporalia, descendit ad ea quæ infra se sunt, contra id quod Apostolus dicebat II. ad Cor. iv. 18. *Non contemplantur nobis quæ videntur, sed quæ*

*non videntur: quæ enim videntur, temporalia sunt; quæ autem non videntur, æterna.* Ergo non debet homo temporalia in oratione a Deo petere.

4. Præterea. Homo non debet petere a Deo nisi bona, & utilia. Sed quandoque temporalia habita sunt nociva, non solum spiritualiter, sed etiam temporaliter. Ergo non sunt in oratione a Deo petenda.

Sed contra est quod dicitur Prov. xxx. 8. *Tribue tantum victui meo necessaria.*

Respondeo dicendum, quod, sicut Augustinus dicit ad Probam de orando Deum (epist. cxxx. al. cxxi. cap. xii.) *Hoc licet orare quod licet desiderare.* Temporalia autem licet desiderare, non quidem principaliter, ut in eis finem constituamus, sed sicut quædam adminicula, quibus adiuvamur ad tendendum in beatitudinem, inquantum scilicet per ea vita corporalis sustentatur, & inquantum nobis organice deserviunt ad actus virtutum, ut etiam Philosophus dicit in I. Ethic. (cap. viii. ad fin.) Et ideo pro temporalibus licet orare.

Et hoc est quod Augustinus dicit ad Probam (loc. cit. cap. vi. & vii.) quod *sufficientiam vite non indecenter vult quisque eam vult, & non amplius: quæ quidem non appetitur propter seipsam, sed propter salutem corporis, & congruentem habitum personæ hominis, ut non sit inconveniens eis cum quibus vivendum est. Ista ergo cum habentur, ut teneantur; cum non habentur, ut habeantur orandum est.*

Ad primum ergo dicendum, quod temporalia non sunt querenda principaliter, sed secundario. Unde Augustinus dicit in Lib. II. de serm. Dom. in monte (cap. xvi. parum a princ.) *Cum dixit, Illud primo querendum est (scilicet regnum Dei) significavit, quia hoc (scilicet temporale bonum) posterius querendum est, non tempore, sed dignitate; illud tamquam bonum nostrum, hoc tamquam necessarium nostrum.*

Ad secundum dicendum, quod non quælibet sollicitudo rerum temporalium est prohibita, sed superflua, & inordinata, ut supra habitum est (quæst. iv. art. 6.)

Ad tertium dicendum, quod quando mens nostra intendit temporalibus rebus, ut in eis quiescat, remanet in eis depressa; sed quando intendit eis in ordine ad beatitudinem consequendam, non ab eis deprimitur, sed magis elevatur sursum.

Ad quartum dicendum, quod ex quo non petimus temporalia tamquam principaliter quæsitæ, sed in ordine ad aliud, eo tenore a Deo petimus ipsa, ut nobis concedantur, secundum quod expediunt ad salutem.

## ARTICULUS VII. 444

*Utrum debeamus pro aliis orare.*

III. P. quæst. xxi. art. 3. ad 3. & IV. dist. xv. quæst. iv. art. 4. quæst. 3.

**A**D septimum sic proceditur. Videtur quod non debeamus pro aliis orare. In orando enim sequi debemus formam quam Dominus tradidit. Sed in oratione dominica petitiones pro nobis facimus, non pro aliis, dicentes, *Panem nostrum quotidianum da nobis hodie &c.* Ergo non debemus pro aliis orare.

2. Præterea. Ad hoc oratio fit ut exaudiatur. Sed una de conditionibus quæ requiruntur ad hoc quod oratio sit exaudibilis, est ut aliquis oret pro seipso: unde super illud Ioan. xvi. *Si quid petieritis Patrem in nomine meo, dabit vobis*, Augustinus dicit (tract. cii. a princ.) „Exaudiuntur omnes pro seipsis, non autem pro omnibus: unde non simpliciter dictum est, *dabit*, sed *dabit vobis*.” Ergo videtur quod non debeamus pro aliis orare, sed solum pro nobis.

3. Præterea. Pro aliis, si sunt mali, prohibemur orare, secundum illud Hier. vii. 16. *Tu ergo noli orare pro populo hoc... & non obsecras mihi, quia non exaudiam te.* Pro bonis autem non oportet orare, quia ipsi pro se ipsis orantes exaudiuntur. Ergo videtur quod non debeamus pro aliis orare.

Sed contra est quod dicitur Iacobi v. 16. *Orate pro invicem, ut salvemini.*

Respondeo dicendum, quod, sicut dictum est (art. præc.) illud debemus orando petere quod debemus desiderare. Desiderare autem debemus bona non solum nobis, sed etiam aliis: hoc enim pertinet ad rationem dilectionis quam proximis debemus impendere, ut ex supra dictis patet (quæst. xxv. & xxvi.) Et ideo caritas hoc requirit ut pro aliis oremus.

Unde Chrysostomus (alius Auctor) dicit super Matth. (hom. xiv. in op. imperf. parum a princ.) *Pro se orare necessitas cogit; pro altero autem caritas fraternitatis por-*

*hortatur. Dulcior autem ante Deum est oratio, non quam necessitas transmittit, sed quam caritas fraternitatis commendat.*

Ad primum ergo dicendum, quod, sicut Cyprianus dicit in Lib. de oratione dominica (inter princ. & med.) *ideo non dicimus Pater meus, sed noster, nec Da mihi, sed da nobis, quia unitatis magister noluit privatim precem fieri, ut scilicet quis pro se tantum precetur: unum enim orare pro omnibus voluit, quoniam in uno omnes ipse portavit.*

Ad secundum dicendum, quod pro se orare ponitur conditio orationis, non quidem necessaria ad effectum merendi, sed sicut necessaria ad indeficientiam impetrandi. Contingit enim quandoque quod oratio pro alio facta non impetret, etiam si fiat pie, & perseveranter, & de pertinentibus ad salutem, propter impedimentum, quod est ex parte eius pro quo oratur, secundum illud Hier. xv. 1. *Si steterint Moyses, & Samuel coram me, non est anima mea ad populum istum.* Nihilominus tamen oratio meritoria erit oranti, qui ex caritate orat, secundum illud Psal. xxxv. 13. *Oratio mea in sinu meo convertetur:* Glossa (interl.) „id est „et si non eis prodest, ego tamen non sum frustratus mea mercede.“

Ad tertium dicendum, quod etiam pro peccatoribus orandum est, ut convertantur, & pro iustis, ut perseverent, & proficiant. Orantes tamen non pro omnibus peccatoribus exaudiuntur, sed pro quibusdam. Exaudiuntur enim pro prædestinatis, non autem pro præcitis ad mortem: sicut etiam correctio, qua fratres corrigimus, effectum habet in prædestinatis, non in reprobis, secundum illud Eccl. vii. 14. *Nemo potest corrigere quem Deus despexerit.* Et ideo dicitur 1. Ioan. v. 16. *Qui scit fratrem suum peccare peccato non ad mortem, petat; & dabitur ei vita peccanti non ad mortem.* Sed sicut nulli, quamdiu vivit hic, subtrahendum est correctiois beneficium, quia non possumus prædestinatos distinguere a reprobis, ut Augustinus dicit in Lib. de corrupt. & gratia (cap. xv. parum a princ.) ita etiam nulli est negandum orationis suffragium. Pro iustis etiam est orandum triplici ratione. Primo quidem quia multorum preces facilius exaudiuntur: unde super illud Rom. xv. *Adiuvatis me in orationibus vestris,* dicit Glossa (ord. Ambros.) „Bene rogat Apostolus minores pro se orare: „multi enim minimi, dum congregan-

„tur unanimes, fiant magni; & multorum preces impossibile est quod non impetrent,“ illud scilicet quod est impetrabile. Secundo ut ex multis gratia agatur Deo de beneficiis quæ conferuntur iustis; quæ etiam in utilitatem multorum vergunt, ut patet per Apostolum II. ad Corinth. 1. Tertio ut maiores non superbiant, dum considerant se minorum suffragiis indigere.

## ARTICULUS VIII. 445

*Utrum debeamus pro inimicis orare.*

III. dist. xxx. art. 2. corp. & vir. quæst. 21<sup>a</sup> art. 8. corp. fin.

**A**D octavum sic proceditur. Videtur quod non debeamus pro inimiciis orare. Quia, ut dicitur Rom. xv. 4. *quæcumque scripta sunt, ad nostram doctrinam scripta sunt.* Sed in sacra Scriptura inducuntur multæ imprecationes contra inimicos: dicitur enim in Psalm. vi. 11. *Erubescant, & conturbentur omnes inimici mei; convertantur, & erubescant valde velociter.* Ergo & nos debemus orare contra inimicos nostros magis quam pro eis.

2. Præterea. Vindicare de inimicis, in malum inimicorum cedit. Sed Sancti vindictam de inimicis petunt, secundum illud Apoc. vi. 10. *Uxque non vindicas sanguinem nostrum de his qui habitant in terra?* unde & de vindicta impiorum lætantur, secundum illud Psalm. lvi. 11. *Letabitur iustus, cum viderit vindictam.* Ergo non est orandum pro inimicis, sed magis contra eos.

3. Præterea. Operatio hominis, & eius oratio non debent esse contraria. Sed homines quandoque licite impugnant inimicos: alioquin omnia bella essent illicita; quod est contra supra dicta (quæst. xl. art. 1.) Ergo nos non debemus orare pro inimicis.

Sed contra est quod dicitur Matth. v. 44. *Orate pro persequentibus, & calumniantibus vos.*

Respondeo dicendum, quod orare pro alio caritatis est, sicut dictum est (art. præc.) Unde eodem modo quo tenemur diligere inimicos, teneamur pro inimicis orare.

Qualiter autem teneamur inimicos diligere, supra habitum est in tractatu de caritate (quæst. xxv. art. 8. & 9.) ut scilicet in eis diligamus naturam, non culpam: & quod diligere inimicos in generali.

trali est in praecepto, in speciali autem non est in praecepto, nisi secundum praeparationem animi, ut scilicet homo esset paratus etiam specialiter inimicum diligere, & eum iuvare in necessitatibus articulo, vel si veniam peteret. Sed in speciali absolute inimicos diligere, & eos iuvare, perfectionis est.

Et similiter necessitatis est ut in communibus nostris orationibus, quas pro aliis facimus, inimicos non excludamus. Quod autem pro eis specialiter oremus, perfectionis est, non necessitatis, nisi in aliquo casu speciali.

Ad primum ergo dicendum, quod imprecationes quae in sacra Scriptura ponuntur, quadrupliciter possunt intelligi. Primo secundum quod Prophetæ solent in figura imprecantis futura prædicere, ut Augustinus dicit in Lib. I. de sermone Domini in monte (cap. xxx. circ. med.) Secundo prout quædam temporalia mala peccatoribus quandoque a Deo in correctionem mittuntur. Tertio quia intelliguntur petere non contra ipsos homines, sed contra regnum peccati, ut scilicet correctione hominum peccata destruantur. Quarto conformando voluntatem suam divinæ iustitiæ circa damnationem perseverantium in peccato.

Ad secundum dicendum, quod, sicut in eodem Libro (cap. xxxi. a med. & Lib. II. de Qg. Evang. quæst. xlv. ad fin.) Augustinus dicit, *vindicta Martyrum est ut evertatur regnum peccati, quo regnante tanta perpeffi sunt*; vel, sicut dicitur in Libro de Qg. veteris, & novi testamenti (quæst. lxxviii.) *postulant se vindicari, non voce, sed ratione*; sicut sanguis Abel clamavit de terra. Lætantur autem de vindicta non propter eam, sed propter divinam iustitiam.

Ad tertium dicendum, quod licitum est impugnare inimicos, ut compescantur a peccatis; quod cedit in bonum eorum, & aliorum: & sic etiam licet orando petere aliqua temporalia mala inimicorum, ut corrigantur. Et sic oratio, & operatio non erunt contraria.

## ARTICULUS IX. 446

*Utrum convenienter septem petitiones orationis dominicæ assignentur.*

III. dist. xxxiv. quæst. 1. art. 6. & opus. 111. cap. cclv. usque in fin. & opus. vii.

**A**D nonum sic proceditur. Videtur quod inconvenienter septem peti-

tiones orationis dominicæ assignentur. Vanum enim est petere sanctificari illud quod semper est sanctum. Sed nomen Dei semper est sanctum, secundum illud Luc. 1. 49. *Sanctum nomen eius*: regnum etiam vel sit sempiternum, secundum illud Psalm. cxlv. 13. *Regnum tuum, Domine, regnum omnium seculorum*: voluntas etiam Dei semper impletur, secundum illud Isa. xlv. 10. *Omnis voluntas mea fiet*. Vanum ergo est petere quod nomen Dei sanctificetur, quod regnum eius adveniat, & quod voluntas eius fiat.

2. Præterea. Prius est recedere a malo, quam consequi bonum. Inconvenienter ergo videtur præordinari petitiones quæ pertinent ad consequendum bonum, petitionibus quæ pertinent ad amotionem mali.

3. Præterea. Ad hoc aliquid petitur ut donetur. Sed præcipuum donum Dei est Spiritus sanctus, & ea quæ nobis per ipsum dantur. Ergo videtur inconvenienter poni petitiones, cum non respondeant donis Spiritus sancti.

4. Præterea. Secundum Lucam in oratione dominica ponuntur solum quinque petitiones, ut patet Luc. xi. Superfluum ergo fuit quod secundum Mattheum septem petitiones ponuntur.

5. Præterea. Vanum videtur captare benevolentiam eius qui benevolentia sua nos prævenit. Sed Deus sua benevolentia nos prævenit, quia ipse prior duxit nos, ut dicitur I. Ioan. iv. 19. Superflue ergo præmittitur petitionibus: *Pater noster, qui es in celis*: quod videtur ad benevolentiam captandam pertinere.

Sed in contrarium sufficit auctoritas Christi orationem instituentis.

Respondeo dicendum, quod oratio dominica perfectissima est: quia, sicut Augustinus dicit ad Probam (epist. cxxx. al. cxxi. cap. xxi.) *si recte, & congruenter oramus, nihil aliud dicere possumus, quam quod in ista oratione dominica positum est*. Quia enim oratio est quodammodo desiderii nostri interpres apud Deum, illa recte solum orando petimus quæ recte desiderare valemus. In oratione autem dominica non solum petuntur omnia quæ recte desiderare possumus, sed etiam eo ordine quo desideranda sunt; ut sic hæc oratio non solum instruat postulare, sed etiam sit informativa totius nostri affectus. Manifestum est autem quod primo cadit in desiderio nostro finis, deinde ea quæ sunt ad finem. Finis autem noster Deus est; in quem noster affectus tendit duplici-

dupliciter : uno quidem modo , prout volumus gloriam Dei ; alio modo , secundum quod volumus frui gloria eius : quorum primum pertinet ad dilectionem qua Deum in seipso diligimus ; secundum vero pertinet ad dilectionem qua diligimus nos in Deo . Et ideo prima petitio ponitur , *Sanctificetur nomen tuum* , per quam petimus gloriam Dei ; secunda vero ponitur , *Adveniat regnum tuum* , per quam petimus ad gloriam eius pervenire .

Ad finem autem prædictum nos ordinat aliquid dupliciter : uno modo per se ; alio modo per accidens . Per se quidem bonum quod est utile in finem . Est autem aliquid utile in finem beatitudinis dupliciter . Uno modo directe , & principaliter secundum meritum , quo beatitudinem meremur Deo obediendo ; & quantum ad hoc ponitur : *Fiat voluntas tua , sicut in celo , & in terra* . Alio modo instrumentaliter , & quasi coadiuvans nos ad merendum ; & ad hoc pertinet quod dicitur : *Panem nostrum quotidianum da nobis hodie* : sive hoc intelligatur de pane sacramentali , cuius quotidianus usus proficit homini , in quo etiam intelliguntur omnia alia sacramenta : sive etiam intelligatur de pane corporali , ut per panem intelligatur omnis sufficientia victus , sicut dicit Augustinus ad Probam ( ut sup. cap. xi. in med. ) quia & Eucharistia est præcipuum sacramentum , & panis est præcipuus cibus : unde & in Evangelio Matthæi scriptum est , *Super substantialem* , idest præcipuum , ut Hieronymus exponit ( super cap. vi. Matth. ) .

Per accidens autem ordinamur in beatitudinem per remotionem prohibentis . Tria autem sunt quæ nos a beatitudine prohibent . Primo quidem peccatum , quod directe excludit a regno , secundum illud I. ad Cor. vi. 9. *Neque fornicarii , neque idolis servientes &c. regnum Dei possidebunt* ; & ad hoc pertinet quod dicitur : *Dimitte nobis debita nostra* . Secundo tentatio , quæ nos impedit ab observantia divinæ voluntatis ; & ad hoc pertinet quod dicitur : *Et ne nos inducas in tentationem* : per quod non petimus ut non tentemur , sed ut a tentatione non vincamur , quod est in tentationem induci . Tertio pœnalitas præiens , ut quæ impedit sufficientiam vitæ ; & quantum ad hoc dicitur : *Libera nos a malo* .

Ad primum ergo dicendum , quod , sicut Augustinus dicit in Lib. II. de serm. Dom. in monte ( cap. v. in fin. ) cum dicimus , *Sanctificetur nomen tuum* , non

hoc petitur , quasi non sit sanctum nomen Dei , sed ut sanctum ab hominibus habeatur ; quod pertinet ad Dei gloriam in hominibus propagandam . Quod autem dicitur , *Adveniat regnum tuum* , non ita dictum est , quasi Deus nunc non regnet ; sed , sicut Augustinus dicit ad Probam ( ut sup. cap. xi. ante med. ) *desiderium nostrum ad illud regnum excitamus , ut illud nobis veniat , atque in eo regnemus* . Quod autem dicitur , *Fiat voluntas tua* , recte intelligitur , ut obediatur præceptis tuis : *sicut in celo , & in terra* , idest sicut ab Angelis , ita ab hominibus . Unde hæc tres petitiones perfecte complebuntur in vita futura ; aliz vero quatuor pertinent ad necessitatem vitæ præsentis , sicut Augustinus dicit in Enchir. ( cap. cxv. ) .

Ad secundum dicendum , quod cum oratio sit interpres desiderii , ordo petitionum non respondet ordini executionis , sed ordini desiderii , sive intentionis ; in quo prius est finis quam ea quæ sunt ad finem , & consecutio boni quam remotio mali .

Ad tertium dicendum , quod Augustinus in Libro II. de sermone Domini in monte ( cap. xi. ) adaptat septem petitiones donis , & beatitudinibus , dicens : *Si timor Dei est , quo beati sunt pauperes spiritaliter , petamus ut sanctificetur nomen Dei in hominibus timore casto* . *Si pietas est , qua beati sunt mites , petamus ut veniat regnum eius , ut mitemur , nec ei resistamus* . *Si scientia est , qua beati sunt qui lugent , oremus ut fiat voluntas eius ; & sic non lugebimus* . *Si fortitudo est , qua beati sunt qui esuriunt , oremus ut panis noster quotidianus detur nobis* . *Si consilium est , quo beati sunt misericordes , debita dimittamus , ut nobis nostra dimittantur* . *Si intellectus est , quo beati sunt mundo corde , oremus ne habeamus duplex cor temporalia sectando , de quibus tentationes sunt in nobis* . *Si sapientia est , qua beati sunt pacifici , quoniam filii Dei vocabuntur , oremus ut liberemur a malo : ipsa enim liberatio liberos nos faciet filios Dei* .

Ad quartum dicendum , quod , sicut Augustinus dicit in Enchir. ( cap. cxvi. in princ. ) Lucas in oratione dominica petitiones non septem , sed quinque complexus est : ostendens enim , tertiam petitionem duarum præmissarum esse quodammodo repetitionem , prætermittendo eam magis facit intelligi : quia scilicet ad hoc præcipue voluntas Dei tendit ut eius sanctitatem cognoscamus , & cum ipso regne-

regnemus. Quod etiam Matthæus in ultima posuit, *Libera nos a malo*, Lucas non posuit; ut sciat unusquisque in eo se liberari a malo quod non infertur in tentationem.

Ad quintum dicendum, quod oratio non porrigitur Deo, ut ipsum sectamur, sed ut in nobis ipsis fiduciam excitemus postulandi: quæ quidem præcipue excitatur in nobis considerando eius caritatem ad nos, qua bonum nostrum vult; & ideo dicimus, *Pater noster*: & eius excellentiam, qua potest; & ideo dicimus, *Qui es in cælis*.

## ARTICULUS X. 447

*Utrum orare sit proprium rationalis creaturæ.*

IV. dist. xv. quæst. iv. art. 6. quæst. 1. & 3.

**A**D decimum sic proceditur. Videtur quod orare non sit proprium rationalis creaturæ. Eiusdem enim videtur esse petere, & accipere. Sed accipere convenit etiam personis increatis, scilicet Filio, & Spiritui sancto. Ergo etiam eis convenit orare: nam & Filius dicit Ioan. xiv. 16. *Ego rogabo Patrem meum*: & de Spiritu sancto dicit Apostolus (Rom. viii. 26.) *Spiritus postulat pro nobis*.

2. Præterea. Angeli sunt supra rationales creaturas, cum sint intellectuales substantiæ. Sed ad Angelos pertinet orare: unde in Psalm. xcvi. 8. dicitur: *Adorate eum omnes Angeli eius*. Ergo orare non est proprium rationalis creaturæ.

3. Præterea. Eiusdem est orare cuius est invocare Deum; quod præcipue fit orando. Sed brutis animalibus convenit invocare Deum, secundum illud Psalm. cxlvi. 9. *Qui dat iumentis escam ipsorum, & pullis corvorum invocantibus eum*. Ergo orare non est proprium rationalis creaturæ.

Sed contra. Oratio est actus rationis, ut supra habitum est (art. 1. huius quæst.) Sed rationalis creatura a ratione dicitur. Ergo orare est proprium rationalis creaturæ.

Respondendo dicendum, quod, sicut ex supra dictis patet (ibid.) oratio est actus rationis, per quem aliquis superiorem deprecatur, sicut imperium est actus rationis, quo inferior ad aliquid ordinatur. Illi ergo, proprie competit orare qui convenit rationem habere, & superio-

rem, quem deprecari possit. Divinis autem personis nihil est superius; bruta autem animalia non habent rationem.

Unde neque divinis personis, neque brutis animalibus convenit orare; sed proprium est rationalis creaturæ.

Ad primum ergo dicendum, quod divinis personis convenit accipere per naturam; orare autem est accipientis per gratiam. Dicitur autem Filius rogare, vel orare secundum naturam assumptam, scilicet humanam, non secundum divinam; Spiritus autem sanctus dicitur postulare, quia postulantes nos facit.

Ad secundum dicendum, quod intellectus, & ratio non sunt in nobis diversæ potentie, ut in 1. habitum est (quæst. lxxxix. art. 8.) differunt autem secundum perfectum, & imperfectum. Et ideo quandoque intellectuales creaturæ, quæ sunt Angeli, distinguuntur a rationalibus, quandoque autem sub rationalibus comprehenduntur. Et hoc modo dicitur orare esse proprium rationalis creaturæ.

Ad tertium dicendum, quod pulli corvorum dicuntur invocare Deum, propter naturalem desiderium, quo omnia suo modo desiderant consequi bonitatem divinam. Sic etiam bruta animalia dicuntur Deo obedire, propter naturalem instinctum, quo a Deo moventur.

## ARTICULUS XI. 448

*Utrum Sancti qui sunt in patria, orant pro nobis.*

IV. dist. xv. quæst. iv. art. 6. quæst. 2. & dist. xlv. quæst. lxx. art. 3.

**A**D undecimum sic proceditur. Videtur quod Sancti qui sunt in patria, non orant pro nobis. Actus enim alicuius magis est meritorius sibi quam aliis. Sed Sancti qui sunt in patria, non merentur sibi, nec pro se orant, quia iam sunt in termino constituti. Ergo etiam neque pro nobis orant.

2. Præterea. Sancti perfecte suam voluntatem Deo conformant, ut non velint nisi quod Deus vult. Sed illud quod Deus vult, semper impletur. Ergo frustra Sancti pro nobis orant.

3. Præterea. Sicut Sancti qui sunt in patria, sunt superiores nobis, ita & illi qui sunt in purgatorio, quia iam peccare non possunt. Sed illi qui sunt in purgatorio, non orant pro nobis, sed magis nos pro eis. Ergo nec Sancti qui sunt in patria, pro nobis orant.

4. Præterea. Si Sancti qui sunt in patria, pro nobis orarent, superiorum Sanctorum esset efficacior oratio. Non ergo deberet implorari suffragium orationum Sanctorum inferiorum, sed solum superiorum.

5. Præterea. Anima Petri non est Petras. Si ergo animæ Sanctorum pro nobis orarent, quidam sunt a corpore separata, non deberemus interpellare sanctum Petrum ad orandum pro nobis, sed animam eius: cuius contrarium Ecclesia tacet. Non ergo Sancti, ad minus ante resurrectionem, orant pro nobis.

Sed contra est quod dicitur II. Machab. ult. 24. *Hic est qui multum oras pro populo, & universa sancta civitate, Hieremias Propheta Dei.*

Respondetur dicendum, quod, sicut Hieronymus dicit (Lib. cont. Vigilant. ante med.) Vigilantii error fuit, quod dum vivimus, multo pro nobis orare possumus; postquam autem mortui fuerimus, nullius pro alio sit exaudienda oratio; præsertim cum Martyres ultionem sui sanguinis obsecrantes impetrare nequeant.

Sed hoc est omnino falsum: quia cum oratio pro aliis facta ex caritate proveniat, ut dictum est (art. 7. & 8. huius quæst.) quanto Sancti qui sunt in patria, sunt perfectioris caritatis, tanto magis orant pro viatoribus, qui orationibus iuvare possunt; & quanto sunt Deo coniunctiores, tanto eorum orationes sunt magis efficaces: habet enim hoc divinus ordo ut ex superiorum excellentia in inferiora refundatur, sicut ex claritate Solis in aerem. Unde & de Christo dicitur Hebr. vii. 25. (a) *Accedens per semetipsum ad Deum ad interpellandum pro nobis.* Et propter hoc Hieronymus contra Vigilantium (loc. sup. cit.) dicit: *Si Apostoli, & Martyres adhuc in corpore constituti, quando pro se adhuc debent esse solliciti, pro aliis orant; quanto magis post coronas, victorias, & triumphos?*

Ad primum ergo dicendum, quod Sancti qui sunt in patria, cum sint beati, nihil deest beatitudinis, nisi gloria corporis, pro qua orant. Orant autem pro nobis, quibus deest beatitudinis ultima perfectio: & eorum orationes habent efficaciam impetrandi ex præcedentibus eorum meritis, & ex divina acceptatione.

Ad secundum dicendum, quod Sancti impetrant illud quod Deus vult fieri per

orationes eorum: & hoc petunt quod æstimant eorum orationibus implendum secundum Dei voluntatem.

Ad tertium dicendum, quod illi qui sunt in purgatorio, etsi sint superiores nobis propter impeccabilitatem, sunt tamen inferiores quantum ad penas quas patiuntur: & secundum hoc non sunt in statu orandi, sed magis ut oretur pro eis.

Ad quartum dicendum, quod Deus vult inferiora per omnia superiora iuvare: & ideo oportet non solum superiores, sed etiam inferiores Sanctos implorare; alioquin esset solius Dei misericordia imploranda. Contingit tamen quandoque quod imploratio inferioris Sancti efficacior sit, vel quia devotius imploratur, vel quia Deus vult eius sanctitatem declarare.

Ad quintum dicendum, quod quia Sancti viventes meruerunt ut pro nobis orarent, ideo invocamus eos nominibus quibus hic vocabantur, quibus etiam nobis magis innotescunt: & iterum propter fidem resurrectionis insinuandam, sicut legitur Exod. 112. 6. *Ego sum Deus Abraham &c.*

## ARTICULUS XII. 449

*Utrum oratio debeat esse vocalis.*

III. diff. ix. quæst. 1. art. 3. quæst. 3. ad 3.  
& IV. diff. xv. qu. 1v. art. 2. quæst. 1.

**A**D duodecimum sic proceditur. Videtur quod oratio non debeat esse vocalis. Oratio enim, sicut ex dictis patet (art. 4. huius quæst.) principaliter Deo porrigitur. Deus autem locutionem cordis cognoscit. Frustra ergo vocalis oratio adhibetur.

2. Præterea. Per orationem mens hominis debet in Deum ascendere, ut dictum est (art. 1. huius quæst. ad 2.) Sed voces retrahunt homines ab ascensu contemplationis in Deum, sicut & alia sensibilia. Ergo in orationibus non est vobis utendum.

3. Præterea. Oratio debet offerri Deo in occulto, secundum illud Matth. vi.

6. *Tu autem cum oraveris, intra in cubiculum tuum, & clauso ostio ora Patrem tuum in abscondito.* Sed per vocem oratio publicatur. Ergo oratio non debet esse vocalis.

Sed contra est quod dicitur in Psalm. cxli. 1. *Voce mea ad Dominum clamavi.*

(a) *Valere* = Salvere in perpetuum potest accedere per semetipsum ad Deum: semper vivens ad interpellandum pro nobis.



vi, voce mea ad Dominum deprecatur sum.

Respondeo dicendum, quod duplex est oratio, communis, & singularis. Communis quidem oratio est quæ per ministros Ecclesiæ in persona totius fidelis populi Deo offertur: & ideo oportet quod talis oratio innotescat toti populo, pro quo profertur; quod non posset fieri, nisi esset vocalis: & ideo rationabiliter institutum est ut ministri Ecclesiæ huiusmodi orationes etiam alta voce pronuntient, ut ad notitiam omnium possint pervenire.

Oratio vero singularis est quæ offertur a singulari persona cuiuscunque sive profæ, sive pro aliis orantis: & de huiusmodi orationis necessitate non est quod sit vocalis.

Adiungitur tamen vox tali orationi, triplici ratione. Primo quidem ad excitandam interiorem devotionem, quæ mens orantis elevetur in Deum: quia per exteriora signa sive vocum, sive etiam aliorum factorum movetur mens hominis secundum apprehensionem; & per consequens secundum affectionem. Unde Augustinus dicit ad Probam (epist. cxxx. al. cxxi. cap. ix. circ. princ.) quod *verbis, & aliis signis ad augendum desiderium sanctum nos ipsos acutius excitamus*. Et ideo in singulari oratione tantum est vocabus, & huiusmodi signis utendum, quantum proficit ad excitandum interiorem mentem. Si vero mens per hoc distrahatur, vel qualitercunque impediatur, est a talibus cessandum: quod præcipue contingit in his quorum mens sine huiusmodi signis est sufficienter ad devotionem parata. Unde Psalmista Psalm. xxxvi. 8. dicebat: *Tibi dixi cor meum, exquisivi te facies mea*: & de Anna legitur I. Reg. 13. quod *loquebatur in corde suo*. Secundo adiungitur vocalis oratio, quasi ad redditionem debiti, ut scilicet homo Deo serviat secundum illud totum quod ex Deo habet, idest non solum mente, sed etiam corpore: quod præcipue competit orationi, secundum quod est satisfactoria. Unde dicitur Osee ult. 3. *Omnem aufer iniquitatem, & accipe bonum; & reddemus vitulos labiorum nostrorum*. Tercio adiungitur vocalis oratio ex quadam redundancia ab anima in corpus, ex vehementi affectione, secundum illud Psalm. xv. 9. *Latus meum est cor meum, & exaltavi lingua mea*.

Ad primum ergo dicendum, quod vocalis oratio non profertur ad hoc quod

aliquid ignotum Deo manifestetur; sed ad hoc quod mens orantis, vel aliorum excitetur in Deum.

Ad secundum dicendum, quod verba ad aliud pertinentia distrahant mentem; & impediunt devotionem orantis; sed verba significantia aliquid ad devotionem pertinens, excitant mentes, præcipue minus devotas.

Ad tertium dicendum, quod, sicut Chrysostomus (alius Auctor) dicit super Matth. (hom. xlii. in op. imperf. inter med. & fin.) *eo proposito Dominus vetat in conventu orare, ut a conventu videatur. Unde orans nihil novum facere debet, quod suspiciant homines, vel clamando, vel gestibus percutiendo, vel manus expandendo*. Nec tamen, ut Augustinus dicit in Lib. II. de sermone Domini in monte (cap. lxi. in princip.) *videri ab hominibus nefas est; sed ideo hoc agere, ut ab hominibus videaris*.

# ARTICULUS XIII. 450

Utrum de necessitate orationis sit quod sit attentæ.

AD decimumtertium sic proceditur. Videtur quod de necessitate orationis sit quod sit attentæ. Dicitur enim Ioan. iv. 24. *Spiritus est Deus, & eos qui adorant eum, in spiritu, & veritate oportet adorare*. Sed oratio non est in spiritu, si non sit attentæ. Ergo de necessitate orationis est quod sit attentæ.

2. Præterea. Oratio est *ascensus intellectus in Deum*. Sed quando oratio non est attentæ, intellectus non ascendit in Deum. Ergo de necessitate orationis est quod sit attentæ.

3. Præterea. De necessitate orationis est quod careat omni peccato. Sed non est absque peccato quod aliquis orando evagationem mentis patiat: videtur enim deridere Deum; sicut: si alicui homini loqueretur, & non attenderet ad ea quæ ipse proferret: unde Basilii dicit (in Lib. de constit. Monast. cap. i. circ. med.) quod *divinum auxilium est implorandum non remisse, nec mente huc vel illic evagante: eo quod talis non solum non impetrabit quod petit, sed etiam magis Deum iritabit*. Ergo de necessitate orationis videtur quod sit attentæ.

Sed contra est quod etiam sancti viri orando quandoque evagationem mentis patiuntur, secundum illud: Psal. xxxix. 13. *Cor meum dereliquit me*.

Respon-

Respondeo dicendum, quod questio hæc præcipue habet locum in oratione vocali. Circa quam sciendum est, quod necessarium dicitur aliquid dupliciter. Uno modo per quod melius pervenitur ad finem: & sic attentio absolute orationi necessaria est.

Alio modo aliquid dicitur necessarium sine quo res non potest consequi suum effectum. Est autem triplex effectus orationis. Primus quidem communis omnibus actibus caritate informatis, quod est mereri: & ad hunc effectum non ex necessitate requiritur quod attentio addit orationi per totum; sed vis primæ intentionis, qua aliquis ad orandum accedit, reddit totam orationem meritoriam, sicut in aliis meritoriis actibus accidit.

Secundus autem effectus orationis est ei proprius, quod est impetrare: & ad hunc etiam effectum sufficit prima intentio, quam Deus principaliter attendit. Si autem prima intentio desit, oratio nec meritoria est, nec impetrativa: illam enim orationem Deus non audit cui ille qui orat, non intendit, ut Gregorius dicit (implic. Lib. XXII. Moral. cap. xiii. ante med.)

Tertius autem effectus orationis est quem præfentialiter efficit, scilicet quædam spiritualis refectionis mentis: & ad hoc de necessitate requiritur in oratione attentio. Unde dicitur I. Cor. xiv. 14. *Si orem lingua, mens mea sine fructu est.*

Sciendum tamen, quod triplex est attentio, quæ orationi vocali potest adhiberi: una quidem, qua attenditur ad verba, ne aliquis in eis erret; secunda, qua attenditur ad sensum verborum; tertia, qua attenditur ad finem orationis, scilicet ad Deum, & ad rem pro qua oratur: quæ quidem est maxime necessaria; & hanc etiam possunt habere idiotæ: & quandoque intantum abundat hæc intentio, qua mens fertur in Deum, ut etiam aliorum omnium mens obliviscatur, sicut dicit Hugo de Sancto Victore (in Lib. de modo orandi cap. 11. a med.)

Ad primum ergo dicendum, quod in spiritu, & veritate orat qui ex instinctu Spiritus ad orandum accedit, etiam si ex aliqua infirmitate mens postmodum evagetur.

Ad secundum dicendum, quod mens humana propter infirmitatem naturæ distare in alto non potest, pondere enim insignitatis humanæ deprimitur anima

ad inferiora: & ideo contingit quod quando mens orantis ascendit in Deum per contemplationem, subito evagetur ex quadam infirmitate.

Ad tertium dicendum, quod si quis ex proposito in oratione mente evagetur, hoc peccatum est, & impedit orationis fructum. Et contra hoc Augustinus dicit in Regula (sc. epist. cxxi. al. cix. parum ante med.) *Psalmis, & hymnis cum oratis Deum, hoc versetur in corde quod profertur in ore.* Evagatio vero mentis quæ fit præter propositum, orationis fructum non tollit. Unde Basilus dicit (loc. cit. in arg.) *Si vero debilitatus a peccato fixe nequis orare, quantumcumque potes, teipsum corripere; & Deus ignorat: eo quod non ex negligentia, sed ex fragilitate non potes, ut oportet, assistere coram eo.*

#### ARTICULUS XIV. 431

*Utrum oratio debeat esse diuturna.*

IV. dist. xv. quæst. xv. art. 2. quæst. 2. & 3. & Rom. 1. lect. 5. & I. Cor. 111. & I. Thess. v. lect. 2. fin.

AD quartumdecimum sic proceditur. Videtur quod oratio non debeat esse diuturna. Dicitur enim Matth. vi. 7. *Orantes nolite multum loqui.* Sed oportet multum loqui dum orantem, præsertim si oratio sit vocalis, Ergo non debet esse oratio diuturna.

2. Præterea. Oratio est explicativa desiderii. Sed desiderium tanto est sanctius, quanto magis ad unum restringitur, secundum illud Psal. xxvi. 4. *Unam petii a Domino, hanc requiram.* Ergo & oratio tanto est Deo acceptior, quanto est brevior.

3. Præterea. Illicitum videtur esse quod homo transgrediat terminos a Deo præfixos, præcipue in his quæ pertinent ad cultum divinum, secundum illud Exod. xix. 21. *Confessare populum, ne forte velis transcendere propósitos terminos ad videndum Dominum, & pereat ex eis plurima multitudo.* Sed a Deo præfixus est nobis terminus orandi per institutionem orationis dominicæ, ut patet Matth. vi. Ergo non licet ultra orationem protendere.

4. Sed contra. Videtur quod continuè sit orandum: quia Dominus dicit Luc. xviii. 1. *Oportet semper orare, & non desicere:* & I. ad Thessal. v. 17. *Sine intermissione orate.*

Respon-

Respondeo dicendum, quod de oratione dupliciter loqui possumus: uno modo secundum seipsum; alio modo secundum causam suam. Causa autem orationis est desiderium caritatis, ex quo procedere debet oratio: quod quidem in nobis debet esse continuum vel actu, vel virtute: manet enim virtus huius desiderii in omnibus quae ex caritate facimus. Omnia autem debemus in gloriam Dei facere, ut dicitur I. ad Corinth. x. Et secundum hoc oratio debet esse continua. Unde Augustinus dicit ad Probam (epist. cxxx. al. cxxx. cap. ix. in princ.) *In ipsa fide, spe, & caritate continuo desiderio semper oramus.*

Sed ipsa oratio secundum se considerata non potest esse assidua, quia oportet aliis operibus occupari; sed, sicut Augustinus dicit ibid. *ideo per certa intervalla horarum, & temporum etiam verbis rogamus Deum, ut illis rebus signis nostris admonemus, quantumque in hoc desiderio profecerimus nosmetipsi innotescamus, & ad hoc augendum nos ipsos actius excitemus.*

Uniuscuiusque autem rei quantitas debet esse proportionata fini, sicut quantitas potionis sanitati. Unde & conveniens est ut oratio tantum duret, quantum est utile ad excitandum interioris desiderii fervorem. Cum vero hanc mensuram excedit, ita quod sine tædio durare non possit, non est ulterius oratio protendenda. Unde Augustinus dicit ad Probam (epist. cxxx. al. cxxx. cap. x.) *Dicuntur fratres in Aegypto crebras quidem habere orationes, sed eas tamen brevissimas, & raptim quodammodo iaculatas; ne illa vigilanter crebra, quae oranti plurimum necessaria est, per productiones moras evanescat, atque debetetur intentio: ac per hoc etiam ipsi satis offendant, hanc intentionem sicut non esse obtundendam, si perdurare non potest, ita, si perduraverit, non cito esse rumpendam.*

Et sicut hoc est attendendum in oratione singulari per comparisonem ad intentionem orantis, ita etiam in communi oratione per comparisonem ad populi devotionem.

Ad primum ergo dicendum, quod, sicut Augustinus dicit ad Probam (epist. cit. cap. x.) *non est hoc orare in multiloquio, si divitius oritur. Aliud est sermo multus, aliud diuturnus affectus. Nam & de ipso Domino scriptum est, quod pernoctaverit in orando, & quod prolixius oraverit, ut nobis praeberet exemplum.* Et

S. Th. Oper. Tom. XXII.

postea subdit: *Abstine ab oratione multa locutio, sed non desiste multa precatio, si servens perseverat intentio. Nam multum loqui, est in orando rem necessariam superfluis agere verbis; multum autem precari, est ad eum quem precamur, diuturna, & pia cordis excitatione pulsare. Pleurumque autem hoc negotium plus gemitibus quam sermonibus agitur.*

Ad secundum dicendum, quod prolixitas orationis non consistit in hoc quod multa petantur, sed in hoc quod affectus continuetur ad unum desiderandum.

Ad tertium dicendum, quod Dominus non instituit hanc orationem, ut his totis verbis uti debeamus in orando, sed quia ad hæc sola impetranda debet tendere nostrae orationis intentio, qualitercumque ea proferamus, vel cogitemus.

Ad quartum dicendum, quod aliquis continue orat vel propter continuitatem desiderii, ut dictum est (in corp. art.) vel quia non intermitte quin temporibus statutus oret, vel propter effectum sive in ipso orante, qui etiam post orationem remanet magis devotus, sive etiam in alio, puta cum aliquis suis beneficiis provocat alium ut pro se oret, etiam quando ipse ab orando cessat, & quiescit.

## ARTICULUS XV. 453

*Utrum oratio sit meritoria.*

Sup. art. 7. ad 2. & IV. dist. xv. quest. iv. art. 7. quest. 2. per tot. & quest. 3. co. & ad 3.

**A**D decimumquintum sic proceditur. Videtur quod oratio non sit meritoria. Omne enim meritum procedit a gratia. Sed oratio præcedit gratiam, quia etiam ipsa gratia per orationem impetratur, secundum illud Luc. xi. 13. *Pater vester de caelo dabit spiritum bonum precantibus se.* Ergo oratio non est actus meritorius.

2. Præterea. Si oratio aliquid meretur, maxime videtur mereri illud quod orando petitur. Sed hoc non semper meretur: quia multoties etiam Sanctissimi orationes non exaudiuntur; sicut Paulus non est exauditus petens a se renouari stimulum carnis. Ergo oratio non est actus meritorius.

3. Præterea. Oratio præcipue fidei innititur, secundum illud Iacobi 1. 6. *Pe-*  
*sculet autem in fide nihil hesitans. Fides*  
E e autem

autem non sufficit ad merendum, ut patet in his qui habent fidem informem. Ergo oratio non est actus meritorius.

Sed contra est quod super illud Psalm. xxxiv. *Oratio mea in sinu meo convertetur*, dicit Glossa (interl.) „Et si eis non profuit, ego tamen non sum mea mercede frustratus.“ Merces autem non debetur nisi merito. Ergo oratio habet rationem meriti.

Respondeo dicendum, quod, sicut dictum est (art. 13. huius quaest.) oratio praeter effectum spiritualis consolationis, quam praesentialiter affert, duplicem habet virtutem respectu futuri effectus, scilicet virtutem merendi, & virtutem impetrandi.

Oratio autem, sicut & quilibet alius actus virtutis, habet efficaciam merendi, inquantum procedit ex radice caritatis, cuius proprium obiectum est bonum aeternum, cuius fruitionem mere-mur. Procedit tamen oratio a caritate, mediante religione, cuius est actus oratio, ut dictum est (art. 3. huius quaest.) concomitantibus etiam quibusdam aliis virtutibus quae ad bonitatem orationis requiruntur, scilicet humilitate, & fide. Ad religionem enim pertinet ipsam orationem Deo offerre; ad caritatem vero pertinet desiderium rei cuius complementum oratio petit. Fides autem est necessaria ex parte Dei, quem oramus, ut scilicet credamus, ab eo nos posse obtinere quod petimus. Humilitas autem est necessaria ex parte ipsius petentis, qui suam indigentiam recognoscit. Est etiam & devotio necessaria; sed haec ad religionem pertinet, cuius est primus actus necessarius ad omnes consequentes, ut supra dictum est (quaest. praec. art. 1. & 2.)

Efficaciam autem impetrandi habet ex gratia Dei, quem oramus, qui etiam nos ad orandum inducit. Unde Augustinus dicit in Libro de verbis Domini (serm. v. cap. 14. & serm. xxix. cap. 1. in fin.) *Non nos hortaretur ut peteremus, nisi dare veller*: & Chrysostomus dicit (hab. in Car. aur. D. Thom. in cap. xviii. Luc. in princ.) *Numquam oranti beneficia denegat qui ut orantes non deficiant, sua pietate instigat*.

Ad primum ergo dicendum, quod oratio sine gratia gratum faciente meritoria non est, sicut nec aliquis alius actus virtuosus. Et tamen etiam oratio quae impetrat gratiam gratum facientem, procedit ex aliqua gratia, quasi ex gratuito

dono: quia ipsum *orare* est quoddam donum Dei, ut Augustinus dicit in Libro de perseverantia (cap. xxxiii. ad fin.)

Ad secundum dicendum, quod ad aliud principaliter respicit meritum orationis quandoque quam ad id quod petitur. Meritum enim praecipue ordinatur ad beatitudinem; sed petitio orationis directe se extendit quandoque ad aliqua alia, ut ex dictis patet (art. 6. & 7. huius quaest.) Si ergo illud aliud quod petit aliquis pro seipso, non sit ei ad beatitudinem utile, non meretur illud; sed quandoque hoc petendo, & desiderando, meritum amittit; puta si petat a Deo complementum alicuius peccati, quod est non pie orare. Quandoque vero non est necessarium ad salutem, nec manifeste saluti contrarium: & tunc licet orans possit orando mereri vitam aeternam, non tamen meretur illud obtinere quod petit. Unde Augustinus dicit in Libro sententiarum Prosperi (Prosper in Lib. Sentent. quas ex August. collegit, sent. 312.) *Fideliter supplicans Deo pro necessitatibus huius vitae, & misericorditer auditur, & misericorditer non auditur. Quid enim infirmum sit utile, magis novis medicus quam egrotus*. Et propter hoc etiam Paulus non fuit exauditus petens amoveri stimulum carnis, quia non expediebat. Si vero id quod petitur, sit utile ad beatitudinem hominis, quasi pertinens ad eius salutem, meretur illud non solum orando, sed etiam alia bona opera faciendo: & ideo indubitanter accipit quod petit, sed quando debet accipere. *Quadam enim non negantur, sed ut congruo dentur tempore, differuntur*, ut Augustinus dicit super Ioan. (tract. cxi. paulo a princ.) Quod tamen potest impediri, si in petendo non perseveret. Et propter hoc dicit Basilii (in Lib. constit. Monast. cap. 1. vers. fin.) *Ideo quandoque petit, & non accipit, quia perperam postulasti, vel infideliter, vel leviter, vel non consentia tibi, vel destitisti*. Quia vero homo non potest alii mereri vitam aeternam ex condigno, ut supra dictum est (1. 2. quaest. cxiv. ar. 6.) ideo per consequens nec ea quae ad vitam aeternam pertinent, potest aliquando alius ex condigno alteri mereri. Et propter hoc non semper ille auditur qui pro alio orat, ut supra habitum est (art. 7. huius quaest. ad 2. & 3.) Et ideo ponuntur quatuor conditiones, quibus concurrentibus, semper aliquis impetrare quod petit; ut scilicet pro se petat, necessaria ad salutem, pie, & perseveranter.

Ad

Ad tertium dicendum, quod oratio innititur principaliter fidei, non quantum ad efficaciam merendi, quia sic innititur principaliter caritati, sed quantum ad efficaciam impetrandi: quia per fidem habet homo notitiam omnipotentiae divinae, & misericordiae, ex quibus oratio impetrat quod petit.

ARTICULUS XVI. 435

*Utrum peccatores orando impetrent aliquid a Deo.*

*Inf. quæst. clixviii. art. 2. ad 1. & pot. quæst. vi. art. 9. ad 5. & Ioan. iv. lect. 3.*

**A**D sextumdecimum sic proceditur. Videtur quod peccatores orando non impetrent aliquid a Deo. Dicitur enim Ioan. ix. 31. *Scimus quia peccatores Deus non audit*: quod consonat ei quod dicitur Proverb. xxviii. 9. *Qui declinat aures suas, ne audiat legem, oratio eius erit execrabilis*. Oratio autem execrabilis non impetrat aliquid a Deo. Ergo peccatores non impetrant aliquid a Deo.

2. Præterea. Iusti impetrant a Deo illud quod merentur, ut supra habitum est (art. præc. ad 3.) Sed peccatores nihil possunt mereri, quia gratia carent, & etiam caritate, quæ est virtus pietatis, ut dicit Glossa (vetus interl. implic.) II. ad Timoth. iii. super illud, *Habentes quidem speciem pietatis, virtutem autem eius abnegantes*: & ita non pie orant; quod requiritur ad hoc quod oratio impetret, ut supra dictum est (art. præc. ad 2.) Ergo peccatores nihil impetrant orando.

3. Præterea. Chrysostomus (alius Auditor) dicit super Matth. (hom. xiv. in op. imperf. a med.) *Pater non libenter exaudit orationem quam Filius non dilavit*. Sed in oratione quam Christus dilavit, dicitur: *Dimitte nobis debita nostra, sicut & nos dimittimus debitoribus nostris*: quod peccatores non faciunt. Ergo vel mentiuntur hoc dicentes, & sic non sunt exauditione digni; vel si non dicant, non exaudiuntur, quia formam orandi a Christo institutam non servant.

Sed contra est quod Augustinus dicit super Ioannem (tract. xlv. a med.) *Si peccatores non exaudiret Deus, frustra publicanus dixisset: Domine, propitius esto*

*mibi peccatori*: & Chrysostomus (alius Auditor) dicit super Matth. (hom. xviii. in op. imperf. parum ante med.) *Omnis qui petit, accipit; idest siue iustus sit, siue peccator*.

Respondeo dicendum, quod in peccatore duo sunt consideranda, scilicet natura, quam diligit Deus, & culpa, quam odit. Si ergo peccator orando aliquid petit, inquantum peccator, idest secundum desiderium peccati; in hoc a Deo non auditur ex misericordia, sed quandoque auditur ad vindictam, dum Deus permittit peccatorem adhuc amplius ruere in peccata. Deus enim quædam negat propitius, quæ concedit iratus, ut Augustinus dicit (tract. lxxiii. in Io. a princ. & de verb. Dom. serm. lxxx. cap. vii. cir. fi.)

Orationem vero peccatoris ex bono naturæ desiderio procedentem Deus audit, non quasi ex iustitia, quia peccator hoc non meretur, sed ex pura misericordia (vid. art. præc. ad 1.) observatis tamen quatuor præmissis conditionibus (art. præc. ad 2.) ut scilicet pro se petat, necessaria ad salutem, pie, & perseveranter.

Ad primum ergo dicendum, quod, sicut Augustinus dicit super Ioan. (tract. 44. a med.) illud verbum est cæci adhuc inuncti, idest nondum perfecte illuminati; & ideo non est ratum: quamvis possit verificari, si intelligatur de peccatore, inquantum est peccator: per quem etiam modum oratio eius dicitur execrabilis.

Ad secundum dicendum, quod peccator non potest pie orare, quali eius oratio ex habitu virtutis informetur; potest tamen eius oratio esse pia quantum ad hoc quod petit aliquid ad pietatem pertinens; sicut ille qui non habet habitum iustitiæ, potest aliquid iustum velle, ut ex supra dictis patet (quæst. lxxii. art. 1. ad 3. & quæst. lxx. art. 1.) Et quamvis eius oratio non sit meritoria, potest tamen esse impetrativa: quia meritorium innitit iustitiæ, sed impetratio innitit gratiæ.

Ad tertium dicendum, quod, sicut dictum est (art. 7. huius quæst. ad 1.) oratio dominica profertur ex persona communi totius Ecclesiæ: & ideo si aliquis nolens dimittere debita proximo, dicat orationem dominicam, non mentitur, quamvis hoc quod dicit, non sit verum quantum ad suam personam: est enim verum quantum ad personam Ecclesiæ,

extra quam est merito, & ideo fructu orationis caret. Quandoque tamen aliqui peccatores parati sunt debitoribus suis dimittere: & ideo ipsi orantes exaudiuntur, secundum illud Eccli. xxviii. 2. *Relinque proximo tuo nocenti te, & tunc deprecanti tibi peccata solvantur.*

## ARTICULUS XVII. 454

*Utrum convenienter dicantur esse orationis partes, obsecrationes, orationes, postulationes, & gratiarum actiones.*

*IV. dist. xv. quæst. iv. art. 3. & Philip. iv. & I. Tim. ii.*

**A**D declinam septimum sic proceditur. Videtur quod inconvenienter dicantur esse orationis partes, obsecrationes, orationes, postulationes, & gratiarum actiones. Obsecratio enim videtur esse quedam adiuratio. Sed, sicut Origenes dicit super Matth. (tract. xxxv. parum autem si.) non oportet quod vir qui vult secundum Evangelium vivere, adiuret alium: si enim iurare non licet, nec adiurare. Ergo inconvenienter ponitur obsecratio orationis pars.

2. Præterea. Oratio secundum Damascenum (Lib. III. orth. fid. cap. xxv. in princ.) est *petitio decentium a Deo*. Inconvenienter ergo orationes contra postulationes dividuntur.

3. Præterea. Gratiarum actiones pertinent ad præterita; alia vero ad futura. Sed præterita sunt priora futuris. Inconvenienter ergo gratiarum actiones post alia ponuntur.

In contrarium est auctoritas Apostoli I. ad Tim. ii.

Respondeo dicendum, quod ad orationem tria requiruntur. Quorum primum est ut orans accedat ad Deum, quem orat; quod significatur nomine *orationis*: quia oratio est *ascensus intellectus in Deum*. Secundo requiritur petitio, quæ significatur nomine *postulationis*: siue petitio proponatur determinate, quod quidam nominant proprie *postulationem*; siue indeterminate, ut cum quis petit iu-

vari a Deo, quod nominant *supplicationem*; siue solum factum narretur, secundum illud Ioan. xi. 3. *Ece quem amas, infirmatur*, quod vocant *infirmationem*. Tercio requiritur ratio impetrandi quod petitur: & hoc vel ex parte Dei, vel ex parte petentis. Ratio quidem impetrandi ex parte Dei est eius sanctitas, propter quam petimus exaudiri, secundum illud Dan. ix. 17. *Propter temerisum inclina Deus meus aurem tuam*: & ad hoc pertinet *obsecratio*, quæ est per sacra contestatio; sicut cum dicimus: *Per natiuitatem tuam libera nos Domine*. Ratio vero impetrandi ex parte petentis est *gratiarum actio*: quia de acceptis beneficiis gratias agentes, meremur accipere potiora, ut in collecta dicitur. Et ideo dicit Glossa (ord. super illud, *Obsecrationes, orationes &c.*) I. ad Tim. ii. quod in Missa *obsecrationes sunt quæ præcedunt consecrationem*, in quibus quedam sacra commemorantur; *orationes sunt in ipsa consecratione*, in qua mens maxime debet eleuari in Deum; *postulationes autem sunt in sequentibus petitionibus; gratiarum actiones in fine*.

In pluribus etiam Ecclesiæ collectis hæc quatuor possunt attendi: sicut in collecta Trinitatis, quod dicitur, *Omnipotens sempiternus Deus*, pertinet ad orationis ascensum in Deum: quod dicitur, *Qui dedisti famuli tuis &c.* pertinet ad gratiarum actionem: quod dicitur, *Præsta quæsumus &c.* pertinet ad postulationem: quod in fine ponitur, *Per Dominum nostrum &c.* pertinet ab obsecrationem. (a) In collationibus autem Patrum (collat. ix cap. xi. xxi. & xxi.) dicitur: *Obsecratio est imploratio pro peccatis*: oratio, cum aliquid Deo *vovemus*: postulatio, cum pro aliis *petimus*: gratiarum actio, quam per ineffabiles excessus mens Deo refert &c. Sed primum melius est.

Ad primum ergo dicendum, quod obsecratio non est adiuratio ad compellendum, quæ prohibetur, sed ad misericordiam implorandam.

Ad secundum dicendum, quod oratio

(a) Ita miss. Et alibi unus præter Nicolaum, qui hæc habet. In collationibus autem Patrum (coll. ix. ex hæc Abbate cap. xi. & seq.). Obsecratio est imploratio, seu petitio pro peccatis: quia vel pro presentibus vel pro præteritis admittis suis unusquisque compunctus veniam deprecatur. Oratio est cum aliquid vovemus Deo, vel offerimus: cum remittentes huic mundo, spontaneus nos tota cordis intentione Domino servituros; cum pollicemur nos purissimum corporis castitatem, seu immobilem patientiam exhibebimus perpetuo, vel cum de corde nostro radices iræ, seu tristitiæ mortem operantes funditis eruentibus vovemus. Postulatio, cum pro aliis petimus, vel quem dum sumus in fervore spiritus nos constituimus solemus emittere, pro caris nostris, vel pro totius mundi pace poscentes &c. Gratiarum actio quam per ineffabiles excessus mens Deo refert, cum præterita Dei recolit beneficia, vel præterita contemplantur, vel quanta Deus his qui diligunt eum, præparaverit in futurum proficiat &c. Sed primum est melius.

tio communiter supra includit omnia quæ hic dicuntur; sed secundum quod contra alia dividitur, importat proprie ascensum in Deum.

Ad tertium dicendum, quod in diversis præteritis præcedunt futura; sed aliquid unum & idem prius est futurum quam sit præteritum. Et ideo gratiarum actio de aliis beneficiis præcedit postulationem; sed idem beneficium prius postulatur, & ultimo cum acceptum fuerit, de eo gratias aguntur: postulationem autem præcedit oratio, per quam acceditur ad Deum, a quo petimus: orationem autem præcedit obsecratio, qua ex consideratione divinæ bonitatis ad eum audemus accedere.

## QUAESTIO LXXXIV.

*De exterioribus actibus latræ,  
in tres articulos divisa.*

Postea considerandum est de exterioribus actibus latræ: & primo de adoratione, per quam aliquis suum corpus ad Deum venerandum exhibet; secundo de illis actibus quibusdā aliquid de rebus exterioribus Deo offertur; tertio de actibus quibus ea quæ Dei sunt, assumuntur.

Circa primum quaeruntur tria.

Primo, utrum adoratio sit actus latræ.

Secundo, utrum adoratio importet actum interiorē, vel exteriorē.

Tertio, utrum adoratio requirat determinationem loci.

## ARTICULUS I. 455

*Utrum adoratio sit actus latræ, sive religionis.*

III. dist. x. quæst. i. art. 3. & III. cont. cap. cxxix.

Ad primum sic proceditur. Videtur quod adoratio non sit actus latræ, sive religionis. Cultus enim religionis soli Deo debetur. Sed adoratio non debetur soli Deo: legitur enim Gen. xviii. quod Abraham adoravit Angelos: & III. Regum i. dicitur, quod Nathan Propheta ingressus ad Regem David, adoravit eum prope in terram. Ergo adoratio non est actus religionis.

s. Præterea. Religionis cultus debetur Deo, prout in ipso beatificamur, ut patet 5. Tb. Op. Tom. XXII.

et per Augustinum in X. de civ. Dei (cap. i. a med.) Sed adoratio debetur ei ratione maiestatis: quia super illud Psal. xxviii. *Adorate Dominum in atrio sancto eius*, dicit Glossa (ord. Cassiod. super illud Psal. xcv. *Introte in atria eius*): *De his atris venit in atrium, ubi maiestas adoratur*. Ergo adoratio non est actus latræ.

3. Præterea. Unus religionis cultus tribus personis debetur. Non autem una adoratione adoramus tres personas, sed ad invocationem trium personarum singulariter genuflectimus. Ergo adoratio non est actus latræ.

Sed contra est quod Matth. iv. 10. inducitur: *Dominum Deum tuum adorabis, & illi soli serves*.

Respondetur dicendum, quod adoratio ordinatur in reverentiam eius qui adoratur. Manifestum est autem ex dictis (quæst. lxxxi. art. 2. & 3.) quod religionis proprium est reverentiam Deo exhibere. Unde adoratio qua Deus adoratur, est religionis actus.

Ad primum ergo dicendum, quod Deo debetur reverentia propter eius excellentiam; quæ aliquibus creaturis communicatur non secundum æqualitatem, sed secundum quandam participationem: & ideo alia veneratione veneramus Deum, quod pertinet ad latræ; & alia veneratione quædam excellentes creaturas, quod pertinet ad duliam, de qua post dicitur (quæst. cxi.) Et quia ea quæ exterius aguntur, signa sunt interioris reverentiae, quædam exteriora ad reverentiam pertinentia exhibentur excellentibus creaturis, inter quæ maximum est adoratio; sed aliquid est quod soli Deo exhibetur, scilicet sacrificium. Unde Augustinus dicit in X. de civ. Dei (cap. iv. cir. fi.) *Multa de cultu divino usurpata sunt quæ honoribus deferuntur humanis, sive humilitate nimia; sive adulatione persistera; ita tamen ut quibus ea deferuntur, homines haberentur, qui dicuntur colendi, & venerandi; h. autem multum eis additur, & adorandi. Quis vero sacrificandum censuit, nisi ei quem Deum aut scivit, aut putavit, aut finxit?* Secundum reverentiam ergo quæ creaturæ excellenti debetur, Nathan adoravit David; secundum autem reverentiam quæ debetur Deo, Mardocheus noluit adorare Aman, *timent ne honorem Dei transferret ad hominem*, ut dicitur Hester. (iii. & xiii.) & similiter secundum reverentiam debitam creaturæ excellenti.

cellenti, Abraham adoravit Angelos, & etiam Iosue, ut legitur Iosue v. quamvis possit intelligi quod adoraverint adorationem latræ Deum, qui in persona Angeli apparebat, & loquebatur. Secundum autem reverentiam quæ debetur Deo, prohibuit esse Ioannes Angelum adorare, Apoc. ult. tum ad ostendendum dignitatem hominis, quam adeptus est per Christum, ut Angelis æquetur: unde ibi subditur: *Conserva tuus suum, & fratrum suorum*: tum etiam ad excludendum idololatricæ occasionem: unde subditur, *Deum adora*.

Ad secundum dicendum, quod sub maiestate divina intelligitur omnis Dei excellentia; ad quam pertinet quod in ipso, sicut in summo bono, beatificamur.

Ad tertium dicendum, quod quia una est excellentia trium personarum, unus honor, & reverentia eis debetur, & per consequens una adoratio. In cuius figuram cum legitur de Abraham Gen. xviii, quod tres viri ei apparuerunt, adorans unum alloquitur, dicens: *Domine, si inveni gratiam* &c. Terna autem genuflexio signum est ternarii personarum, non autem divinitatis adorationum.

## ARTICULUS II. 436

*Utrum adoratio importet actum corporalem.*

*Sup. quest. lxxxv. art. 7. & III. dist. ix. quest. 1. art. 3. & III. cont. cap. cxix.*

**A**D secundum sic proceditur. Videtur quod adoratio non importet actum corporalem. Dicitur enim Ioan. xv. 23. *Veni adoratores adorabunt Patrem in spiritu, & veritate*. Sed id quod fit in spiritu, non pertinet ad corporalem actum. Ergo adoratio non importat corporalem actum.

2. Præterea. Nomen adorationis ab oratione sumitur. Sed oratio principaliter consistit in interiori actu, secundum illud I. ad Corinth. xiv. 15. *Orabo spiritu, orabo & mente*. Ergo adoratio maxime importat spirituales actum.

3. Præterea. Corporales actus ad sensibilem cognitionem pertinent. Deum autem non attingimus sensu corporis, sed mentis. Ergo adoratio non importat corporalem actum.

Sed contra est quod super illud Exod. xx. *Non adorabis ea, neque coles*, dicit Glossa (ord.) „Nec affectu colas, nec specie adores.“

Respondeo dicendum, quod, sicut Damascenus dicit in IV. Lib. (orth. Fid. cap. xiiii. in princ.) quia ex duplici natura compositi sumus, intellectualem scilicet, & sensibili, duplicem adorationem Deo offerimus; scilicet spirituales, quæ consistit in interiori mentis devotione; & corporalem, quæ consistit in exteriori corporis humilitatione.

Et quia in omnibus actibus latræ, id quod est exterius, refertur ad id quod est interius, sicut ad principalis, ideo ipsa exterior adoratio fit propter interioriorem; ut videlicet per signa humilitatis quæ corporaliter exhibemus, excitetur noster affectus ad subiiciendum se Deo: quia connaturale est nobis ut per sensibilia ad intelligibilia procedamus.

Ad primum ergo dicendum, quod etiam adoratio corporalis in spiritu fit, inquantum ex spirituali devotione procedit, & ad eam ordinatur.

Ad secundum dicendum, quod sicut oratio primordialiter est quidem in mente, secundario autem verbis exprimitur, ut supra dictum est (quæst. lxxxviii. art. 12.) ita etiam adoratio principaliter quidem in interiori Dei reverentia consistit, secundario autem in quibusdam corporalibus humilitatis signis: sicut genuflectimus, nostram infirmitatem designantes in comparatione ad Deum; prosternimus autem nos, quasi proficientes nos nihil esse ex nobis.

Ad tertium dicendum, quod etiam per sensum Deum attingere non possumus; per sensibilia tamen signa mens nostra provocatur ut tendat in Deum.

## ARTICULUS III. 437

*Utrum adoratio requirat determinatum locum.*

I. Tim. 11.

**A**D tertium sic proceditur. Videtur quod adoratio non requirat determinatum locum. Dicitur enim Ioan. xv. 21. *Veni hora, quando neque in monte hoc, neque in Hierosolymis adorabitis Patrem*. Eadem autem ratio videtur esse & de aliis locis. Ergo determinatus locus non requiritur ad adorandum.

2. Præterea. Adoratio exterior ordinatur ad interioriorem. Sed interior adoratio fit ad Deum ut ubique existentem. Ergo exterior adoratio non requirit determinatum locum.

3. Præ-



3. Præterea. Idem Deus est qui in novo, & veteri testamento adoratur. Sed in veteri testamento habebat adoratio ad occidentem, nam ostium tabernaculi respiciebat ad orientem, ut habetur Exod. xxvi. Ergo eadem ratione etiam nunc debemus adorare ad occidentem, si aliquis locus determinatus requiritur ad adorandum.

Sed contra est quod dicitur Isa. lvi. & inducitur Luc. xix. 46. *Domus mea domus orationis vocabitur.*

Respondeo dicendum, quod, sicut dictum est (art. præc.) in adoratione principalis est interior devotio mentis; secundarium autem est quod pertinet exterius ad corporalia signa. Mens autem interior apprehendit Deum, quasi non comprehensum aliquo loco; sed corporalia signa necesse est quod in determinato loco, & situ sint. Et ideo determinatio loci non requiritur ad adorationem principaliter quasi sit de necessitate ipsius, sed secundum quamdam decentiam, sicut & alia corporalia signa.

Ad primum ergo dicendum, quod Dominus per illa verba prænuntiat cessionem adorationis, tam secundum ritum Iudeorum adorantium in Hierusalem, quam etiam secundum ritum Samaritanorum adorantium in monte Garizim. Uterque enim ritus cessavit veniente spirituali Evangelii veritate: secundum quam in omni loco Deo sacrificatur, ut dicitur Malach. i.

Ad secundum dicendum, quod determinatus locus eligitur ad adorandum, non propter Deum qui adoratur, quasi loco concludatur; sed propter ipsos adorantes: & hoc triplici ratione. Primo quidem propter loci consecrationem, ex qua specialia devotionem concipiunt orantes, ut magis exaudiantur, sicut patet (a) ex oratione Salomonis III. Reg. viii. Secundo propter sacra mysteria, & alia sanctitatis signa, quæ ibi continentur. Tertio propter concursum multorum adorantium, ex quo fit oratio magis exaudibilis, secundum illud Matth. xviii. 20. *Ubi sunt duo, vel tres congregati in nomine meo, ibi sum ego in medio eorum.*

Ad tertium dicendum, quod secundum quamdam decentiam adoramus versus orientem: primo quidem propter divinæ maiestatis indicium, quod nobis manifestatur in motu cæli, qui est ab oriente:

secundo propter paradisum in oriente constitutum, ut legitur Genes. ii. secundum litteram LXX. Interpretum, quasi quæramus ad paradisum redire: tertio propter Christum, qui est lux mundi, & Oriens nominatur Zach. vi. & qui. *ascendit super cælum cæli ad orientem:* (Psal. lxxvii. 34.) & ab oriente etiam expectatur venturus, secundum illud Matth. xxiv. 27. *Sicut fulgur exit ab oriente, & patet usque ad occidentem, ita erit & adventus Filii hominis.*

## QUAESTIO LXXXV.

*De his quæ Deo a fidelibus dantur, & primo de sacrificio,*

*in quatuor articulos divisa.*

Postea considerandum est de actibus quibus aliquæ res exteriores Deo offeruntur.

Circa quos occurrit duplex consideratio. Primo quidem de his quæ Deo a fidelibus dantur. Secundo de votis, quibus ei aliqua promittuntur. Circa primum considerandum est de sacrificiis, oblationibus, primitiis, & decimis.

Circa sacrificia quærentur quatuor. Primo, utrum offerre Deo sacrificium sit de lege naturæ.

Secundo, utrum soli Deo sit sacrificium offerendum.

Tertio, utrum offerre sacrificium sit specialis actus virtutis.

Quarto, utrum omnes teneantur ad sacrificium offerendum.

## ARTICULUS I. 458

*Utrum offerre sacrificium Deo sit de lege naturæ.*

Ad primum sic proceditur. Videtur quod offerre sacrificium Deo non sit de lege naturæ. Ea enim quæ sunt iuris naturalis, communia sunt apud omnes homines. Non autem hoc contingit circa sacrificia: nam quidam leguntur obtulisse in sacrificium panem, & vinum, sicut de Melchisedech dicitur Gen. xiv. (b) & quidam hæc, quidam illa animalia. Ergo oblatio sacrificiorum non est de iure naturali.

2. Præterea. Ea quæ sunt iuris naturalis, omnes iusti servaverunt. Sed non

E e 4 legi-

(a) Al. ex adoratione. (b) Ita optimæ MSS. Al. & quidam hæc, quidam illa, ut animalia: hæc & quidam hæc, quidam vero alia, ut animalia.

legitur de Isaac, quod sacrificium obtulerit: neque etiam de Adam; de quo tamen dicitur Sap. x. 2. quod *sapientia adduxit eum a delicto suo*. Ergo oblatio sacrificii non est de iure naturali.

3. Præterea. Augustinus dicit X. de civit. Dei (cap. v. vi. & xix.) quod sacrificia in quadam significantia offeruntur. Voces autem, quæ sunt præcipua inter signa, sicut idem dicit in Lib. II. de doctr. christ. (cap. xii.) non significant naturaliter, sed ad placitum, secundum Philosophum (Lib. I. Periherm. cap. 11. in princ.) Ergo sacrificia non sunt de lege naturali.

Sed contra est quod in qualibet ætate, & apud quaslibet hominum nationes semper fuit aliqua sacrificiorum oblatio. Quod autem est apud omnes, videtur naturale esse. Ergo & oblatio sacrificiorum est de iure naturali.

Respondendo dicendum, quod naturalis ratio dicitur homini quod alicui superiori subdatur, propter defectus quos in se ipso sentit, in quibus ab aliquo superiori eget adiuvari, & dirigi: & quicquid illud sit, hoc est quod apud omnes dicitur Deus.

Sicut autem in rebus naturalibus naturaliter inferiora superioribus subduntur; ita etiam naturalis ratio dicitur homini secundum naturalem inclinationem ut ei quod est supra hominem, subiectionem, & honorem exhibeat secundum suum modum. Est autem modus conveniens homini ut sensibilibus signis utatur ad aliqua exprimenda, quia ex sensibilibus cognitionem accipit. Et ideo ex naturali ratione procedit quod homo quibusdam sensibilibus rebus utatur, offerens eas Deo in signum debitæ subiectionis, & honoris, secundum similitudinem eorum qui dominis suis aliqua offerunt in recognitionem domini. Hoc autem pertinet ad rationem sacrificii. Et ideo oblatio sacrificii pertinet ad ius naturale.

Ad primum ergo dicendum, quod, sicut supra dictum est (1. 2. quæst. xc. art. 2.) aliqua in communi sunt de iure naturali, quorum determinationes sunt de iure positivo: sicut quod malefactores puniantur, habet lex naturalis; sed quod tali poena, vel tali puniantur, est ex constitutione divina, vel humana. Simi-

liter etiam oblatio sacrificii in communi est de lege naturali; & ideo in hoc omnes conveniunt: sed determinatio sacrificiorum est ex institutione humana, vel divina; & ideo in hoc differunt.

Ad secundum dicendum, quod Adam, & Isaac, sicut & alii iusti, Deo sacrificium obtulerunt secundum sui temporis congruentiam, ut patet per Gregorium, qui dicit (Lib. IV. Moral. cap. 111. a princ.) quod apud antiquos per sacrificiorum oblationes remittebatur (a) prius peccatum originale. Non autem de omnibus iustorum sacrificiis fit mentio in Scriptura, sed solum de illis circa quæ aliquid speciale accidit. Potest tamen esse ratio quare Adam non legitur sacrificium obtulisse; ne, quia in ipso notatur origo peccati, simul etiam in eo sanctificationis origo signaretur. Isaac vero significavit Christum, inquantum ipse oblatus est in sacrificium: unde non oportebat ut significaretur quasi sacrificium offerens.

Ad tertium dicendum, quod significare conceptus suos est homini naturale; sed determinatio signorum est secundum humanum placitum.

## ARTICULUS II. 459

*Utrum soli Deo sit sacrificium offerendum.*

1. 2. quæst. ci. art. 3. cor. & III. P. quæst. xlviii. art. 3. cor. & 1. cont. cap. cxx. ff. & Psal. xxviii. & Rom. 8. lect. 7. ff.

**A**D secundum sic proceditur. Videtur quod non soli summo Deo sit sacrificium offerendum. Cum enim sacrificium Deo offerri debeat, videtur quod omnibus illis sit sacrificium offerendum qui Divinitatis consortes sunt. Sed etiam sancti homines efficiuntur divine naturæ consortes, ut dicitur II. Pet. v. unde & de eis in Psal. lxxxv. 6. dicitur: *Ego dixi, Dii esis: Angeli etiam filii Dei nominantur*, ut patet Job 1. Ergo omnibus his debet sacrificium offerri.

2. Præterea. Quanto aliquis maior est, tanto ei maior honor debet exhiberi. Sed Angeli, & Sancti sunt multo maiores quibuscumque terrenis Principibus; quibus tamen eorum subditi multo maiorem honorem impendunt, se coram eis pre-

fer-

(a) Ita legendum videtur verbum quod in v. 11. oblatio peritur, iuxta Malactam. Editi omnes habent peritur contra mentem Gregorii, qui sic. Quod vero apud nos valet aqua baptismatis, hoc erit apud veteres, res vel pro parvulis sola fides, vel pro maioribus virtus sacrificii etc. Editi, Patet, an. 1712, omittit: peritur. Fortè redundat etiam prius.

sternentes, & munera offerentes, quam sit oblatio alicuius animalis, vel rei alterius in sacrificium. Ergo multo magis Angelis, & Sanctis potest sacrificium offerri.

3. Præterea. Tempia, & altaria instituntur ad sacrificia offerenda. Sed templa, & altaria instituntur Angelis, & Sanctis. Ergo etiam sacrificia possunt eis offerri.

Sed contra est quod dicitur Exod. xxii. 20. *Qui immolat diis, occidetur, præterquam Domino soli.*

Respondeo dicendum, quod, sicut dictum est (art. præc.) oblatio sacrificii fit ad aliquid significandum. Significat autem sacrificium quod offertur exterius, interius spirituale sacrificium, quo anima seipsum offert Deo, secundum illud Psalmistæ (Psalm. l. 19.) *Sacrificium Deo spiritus contribulatus*: quia, sicut supra dictum est (2. 3. art. 8. quæst. 17. & quæst. lxxxiv. art. 2.) exteriores actus religionis ad interiores ordinantur. Anima autem se offert Deo in sacrificium, sicut principio suæ creationis, & sicut fini suæ beatificationis. Secundum autem veram fidem solus Deus est creator animarum nostrarum, ut in l. habitum est (quæst. cxviii. art. 2.) In solo etiam eo animæ nostræ beatitudo consistit, ut supra dictum est (1. 2. art. 8. quæst. 17. & c. 11.) Et ideo sicut soli Deo summo debemus sacrificium spirituale offerre; ita etiam soli ei debemus offerre exteriora sacrificia: sicut etiam *orantes*, atque *laudantes*, ad eum dirigimus significantes voces, cui res ipsas in corde, quas significamus, offerimus, ut Augustinus dicit X. de civit. Dei (cap. xix. paulo a princ.)

Hoc etiam videmus in omni republica observari quod summum rectorem aliquo signo singulari honorant; quod cuiuscumque alteri deferretur, esset crimen lætæ maiestatis. Et ideo in lege divina statuitur poena mortis his qui divinum honorem aliis exhibent.

Ad primum ergo dicendum, quod nomen Divinitatis communicatur aliquibus, non per æqualitatem, sed per participationem: & ideo nec æqualis honor eis debetur.

Ad secundum dicendum, quod in oblatione sacrificii non pensatur pretium occisi pecoris, sed significatio, qua hoc fit in honorem summi Rectoris totius uni-

versi. Unde, sicut Augustinus dicit X. de civit. Dei (cap. xix. ad fin.) *dæmones non cadaverinis odoribus, sed divinis honoribus gaudent.*

Ad tertium dicendum, quod, sicut Augustinus dicit VIII. de civit. Dei (cap. ult. in princ.) *non constituimus Martyribus (a) templa, sacerdotia: quoniam non ipsi, sed Deus eorum nobis est Deus: unde Sacerdos non dicit, Offero tibi sacrificium Petre, vel Paule. Sed Deo de illorum victoriis gratias agimus, & nos ad imitationem eorum (b) adhortamur.*

## ARTICULUS III. 460

*Utrum oblatio sacrificii sit specialis actus virtutis.*

**A**D tertium sic proceditur: Videtur quod oblatio sacrificii non sit specialis actus virtutis. Dicit enim Augustinus X. de civit. Dei (cap. vs. in princ.) *Verum sacrificium est omne opus quod agitur, ut sancta societate inheremus Deo.* Sed non omne opus bonum est specialis actus alicuius determinatæ virtutis. Ergo oblatio sacrificii non est specialis actus determinatæ virtutis.

2. Præterea. Maceratio corporis, quæ fit per ieiunium, pertinet ad abstinenciam; quæ autem fit per continentiam, pertinet ad castitatem; quæ autem est in martyrio, pertinet ad fortitudinem. Quæ omnia videntur comprehendi sub sacrificii oblatione, secundum illud Rom. xii. 1. *Exhibeatis corpora vestra hostiam viventem.* Dicit etiam Apostolus ad Hebr. ult. 16. *Beneficentia, & communionis nalis obliuisci: talibus enim hostis promeretur Deus.* Beneficentia autem, & communicatio pertinent ad caritatem, misericordiam, & liberalitatem. Ergo sacrificii oblatio non est specialis actus determinatæ virtutis.

3. Præterea. Sacrificium videtur quod Deo exhibetur. Sed multa sunt quæ Deo exhibentur, sicut devotio, oratio, decimarum, primitiarum, oblationes, & holocausta. Ergo sacrificium non videtur esse aliquis specialis actus determinatæ virtutis.

Sed contra est quod in lege specialia præcepta de sacrificiis dantur, ut patet in principio Levit.

Respondeo dicendum, quod, sicut supra habitum est (1. 2. quæst. xxviii. art. 6. &

(a) Ita mss. ex quibus edid. Rom. alique verba, templa sacerdotalia. Nicolai & edid. posteriores ex Augustini textu: templa, sacerdotia, sacra, & sacrificia: quoniam &c. (b) Ita passim mss. Edid. ex hactenus.

6. & 7.) quando actus unius virtutis ordinatur ad finem alterius virtutis, participat quodammodo speciem eius; sicut cum quis furatur ut fornicetur, ipsum furum accipit quodammodo fornicationis deformitatem; ita quod si etiam alias non esset peccatum, ex hoc iam peccatum esset quod ad fornicationem ordinatur.

Sic ergo sacrificium est quidam specialis actus laudem habens ex hoc quod in divinam reverentiam fit: propter quod ad determinatam virtutem pertinet, scilicet ad religionem. Contingit autem & ea quae secundum alias virtutes fiunt, in divinam reverentiam ordinari; puta cum aliquis elemosinam facit de rebus propriis propter Deum, vel cum aliquis proprium corpus alicui afflictioni subicit propter divinam reverentiam: & secundum hoc etiam actus aliarum virtutum sacrificia dici possunt. Sunt tamen quidam actus qui non habent ex alio laudem, nisi quia fiunt propter reverentiam divinam: & isti actus proprie sacrificia dicuntur, & pertinent ad virtutem religionis.

Ad primum ergo dicendum, quod hoc ipsum quod Deo quodam spiritali societate volumus inhærere, ad divinam reverentiam pertinet: & ideo cuiuscunque virtutis actus rationem sacrificii accipit ex hoc quod agit ut sancta societate Deo inhæreamus.

Ad secundum dicendum, quod triplex est hominis bonum. Primum quidem est bonum animae, quod Deo offertur interiori quodam sacrificio per devotionem, & orationem, & alios huiusmodi interiores actus: & hoc est principale sacrificium. Secundum est bonum corporis, quod Deo quodammodo offertur per martyrium, & abstinenciam, seu continentiam. Tertium est bonum exteriorum rerum, de quo sacrificium offertur Deo; directe quidem, quando immediate res nostras Deo offerimus; mediate autem, quando eas communicamus proximis propter Deum.

Ad tertium dicendum, quod sacrificia proprie dicuntur, quando circa res Deo oblatas aliquid fit; sicut quod animalia occidebantur, & comburebantur; quod panis frangitur, & comeditur, & benedicitur. Et hoc ipsum nomen sonat: nam sacrificium dicitur ex hoc quod homo facit aliquid sacrum. Oblatio autem directe dicitur, cum Deo aliquid offertur, etiamsi nihil circa ipsum fiat; sicut

dicuntur offerri denarii, vel panes in altari, circa quos nihil fit. Unde omne sacrificium est oblatio, sed non convertitur. Primitiae autem oblationes sunt, quia Deo offerebantur, ut legitur Deut. xxvi. non autem sunt sacrificia, quia nihil sacrum circa eas fiebat. Decimae autem, proprie loquendo, non sunt sacrificia, neque oblationes, quia non immediate Deo, sed ministris divini cultus exhibentur.

#### ARTICULUS IV. 461

*Utrum omnes teneantur ad sacrificia offerenda.*

**A**D quartum sic proceditur. Videtur quod non omnes teneantur ad sacrificia offerenda. Dicit enim Apostolus Rom. xii. 19. *Quaecumque lex loquitur, his qui sunt in lege, loquitur.* Sed lex de sacrificiis non fuit omnibus data, sed soli populo Hebraeorum. Ergo non omnes ad sacrificia tenentur.

2. Praeterea. Sacrificia Deo offeruntur ad aliquid significandum. Sed non est omnium huiusmodi significationes intelligere. Ergo non omnes tenentur ad sacrificia offerenda.

3. Praeterea. Ex hoc sacerdos dicuntur, quod sacrificium Deo offerunt. Sed non omnes sunt sacerdotes. Ergo non omnes tenentur ad sacrificia offerenda.

Sed contra est quod sacrificium offerre est de lege naturae, ut supra habetur (art. 1. hu. quæst.). Ad ea autem quae sunt legis naturae, omnes tenentur. Ergo omnes tenentur ad sacrificium Deo offerendum.

Respondeo dicendum, quod duplex est sacrificium, sicut dictum est (art. 2. hu. quæst.). Quorum primum & principale est sacrificium interius, ad quod omnes tenentur: omnes enim teneantur Deo devotam mentem offerre.

Aliud autem est sacrificium exterius, quod in duo dividitur. Nam quoddam est quod ex hoc solum laudem habet quod Deo aliquid offertur in profectionem divinæ subiectionis: & ad hoc aliter tenentur illi qui sunt sub lege nova, vel veteri; aliter illi qui non sunt sub lege. Nam illi qui sunt sub lege, tenentur ad determinata sacrificia offerenda secundum legis praecepta; illi vero qui non erant sub lege, tenebantur ad aliqua exterius facienda in honorem divinum secundum condecenciam ad eos in-

ter quos habitabant, non autem determinate ad hæc, vel ad illa.

Aliud vero est exterius sacrificium, quando actus exteriores aliarum virtutum in divinam reverentiam assumuntur: quorum quidam cadunt sub præcepto, ad quos omnes tenentur; quidam vero sunt supererogationis, ad quos non omnes tenentur.

Ad primum ergo dicendum, quod ad illa determinata sacrificia quæ in lege erant præcepta, non omnes tenebantur; tenebantur tamen ad aliqua sacrificia interiora, vel exteriora, ut dictum est (in cor. art.)

Ad secundum dicendum, quod quamvis non omnes sciant explicite virtutem sacrificiorum, sciunt tamen implicite; sicut & habent fidem implicitam, ut supra habitum est (quæst. 11. art. 6. & 7.)

Ad tertium dicendum, quod sacerdotes offerunt sacrificia, quæ sunt specialiter ordinata ad cultum divinum, non solum pro se, sed etiam pro aliis: quædam vero sunt alia sacrificia, quæ quilibet potest pro se Deo offerre, ut ex supra dictis patet (in corp. art. & art. 2. & 3. hu. quæst.)

## QUAESTIO LXXXVI.

De oblationibus, & primitiis,  
in quatuor articulos divisa.

**P**ostea considerandum est de oblationibus, & primitiis: & circa hoc quaeruntur quatuor.

Primo, utrum aliquæ oblationes sint de necessitate præcepti.

Secundo, quibus oblationes debeantur.

Tertio de quibus rebus fieri debeant.

Quarto specialiter de oblationibus primitiarum, utrum ad eas homines ex necessitate teneantur.

## ARTICULUS I. 463

Utrum homines teneantur ad oblationes ex necessitate præcepti.

**A**D primum sic proceditur. Videtur quod homines non teneantur ad oblationes ex necessitate præcepti. Non enim homines tempore Evangelii tenentur ad observanda caeremonialia præcepta veteris legis, ut supra habitum est (1. 2. quæst. cxxx. art. 3. & 4.) Sed oblationes offerre ponitur inter caeremonialia præcepta veteris legis: dicitur enim

Exod. xxxiii. 14. *Tribus vicibus per singulos annos mihi festa celebrabis: & postea subditur: Non apparebis in conspectu meo vacuus.* Ergo ad oblationes non tenentur nunc homines ex necessitate præcepti.

2. Præterea. Oblationes, antequam fiant, in voluntate hominis consistunt, ut videtur per hoc quod Dominus dicit Matth. v. 23. *Si offers munus tuum ad altare, quasi hoc arbitrio offerentium relinquantur: postquam autem oblationes sunt factæ, non restat locus iterato offerendi eas.* Ergo nullo modo aliquis ex necessitate præcepti ad oblationes tenetur.

3. Præterea. Quicumque aliquid tenetur reddere Ecclesie, si non reddat, potest ad id compelli per subtrahitionem ecclesiasticorum sacramentorum. Sed illicitum videtur his qui offerre noluerint, ecclesiastica sacramenta denegare, secundum illud decretum sextæ Synodi (sc. Constantinopolit. III. & est can. xxxiii. ex his qui Trullani vocantur tom. 6. Concil.) quod habetur 1. quæst. 1. (cap. Nullus) *Nullus qui sacram communionem dispensat, a percipiente gratiam aliquam exeat; si vero exegerit, deponatur.* Ergo non tenentur homines ex necessitate salutis ad oblationes.

Sed contra est quod Gregorius (VII.) dicit (in Conc. Rom. V. can. xii. tom. 10. Concil. & hab. cap. lxxx. de consecrat.) *Omnis Christianus procuret ad Missarum solemniam aliquid Deo offerre.*

Respondeo dicendum, quod, sicut dictum est (quæst. præc. art. 3. ad 3.) nomen oblationis commune est ad omnes res quæ in cultum Dei exhibentur; ita quod si aliquid exhibeatur in cultum divinum, quasi in aliquod sacrum, quod inde fieri debeat, consumendum, & oblatio est, & sacrificium. Unde Exod. xxix. 18. dicitur: *Offeres totum artemem in incensum super altare: oblatio est Domino, odor suavisissimus victimæ Dei: & Levit. 11.1. dicitur: Anima cum obuleris oblationem sacrificii Deo, similia erit eius oblatio.* Si vero sic exhibeatur ut integrum maneat divino cultui deputandum, vel in usus ministrorum expendum, erit oblatio, & non sacrificium. Huiusmodi ergo oblationes de sui ratione habent quod voluntarie offerantur, secundum illud Exod. xxv. 2. *Ab homine qui offert ultroque, accipietis eas.*

Potest tamen contingere quod aliquis ad oblationes teneatur quadruplici ratione.

Pri-

Primo quidem ex precedenti conventionne; sicut cum alicui conceditur aliquis fundus Ecclesiae, ut certis temporibus certas oblationes faciat; quod tamen habet rationem census. Secundo propter precedentem deputacionem, sive promissionem; sicut cum aliquis offert donationem inter vivos, vel cum relinquat in testamento Ecclesiae aliquam rem mobilem, vel immobilem in posterum solvendam. Tertio modo propter Ecclesiae necessitatem; puta si ministri Ecclesiae non haberent unde sustentarentur. Quarto propter consuetudinem: tenentur enim fideles in aliquibus solemnitatibus ad aliquas oblationes consuevas. Tamen in his duobus ultimis casibus remanet oblatio quodammodo voluntaria, scilicet quantum ad quantitatem, vel speciem rei oblatae.

Ad primum ergo dicendum, quod in nova lege homines non tenentur ad oblationes causa solemnitatum legalium, ut in Exodo dicitur, sed ex quibusdam aliis causis, ut dictum est (in corp.).

Ad secundum dicendum, quod ad oblationes faciendas tenentur aliqui, & antequam fiant (sicut in primo, & tertio, & quarto modo) & etiam postquam eas fecerint per deputacionem, sive promissionem: tenentur enim realiter exhibere quod est Ecclesiae per modum deputacionis oblatum.

Ad tertium dicendum, quod illi qui oblationes debitas non reddunt, possunt puniri per subtractionem sacramentorum, non per ipsum sacerdotem, cui sunt oblationes faciendae, ne videatur pro sacramentorum exhibitione aliquid exigere, sed per superiorem aliquem.

## ARTICULUS II. 463

*Utrum solum sacerdotibus debeantur oblationes.*

**A**D secundum sic proceditur. Videtur quod oblationes non solum sacerdotibus debeantur. Inter oblationes enim praecipuae videntur esse quae hostiarum sacrificiis deputantur. Sed ea quae pauperibus dantur, in scripturis *hostiae* dicuntur, secundum illud Hebr. ult. 16. *Beneficentiae, & communione nolite oblivisci: talibus enim hostiis promeretur Deus.* Ergo multo magis oblationes pauperibus debentur.

2. Præterea. In multis parochiis monachi de oblationibus partem habent.

Alia autem est cura clericorum, alia monachorum, ut Hieronymus dicit (ep. 1. ad Heliodor. a med.) Ergo non solum sacerdotibus oblationes debentur.

3. Præterea. Laici de voluntate Ecclesiae emunt oblationes, ut panes, & huiusmodi. Sed non nisi ut hæc in suos usus convertant. Ergo oblationes possunt etiam ad laicos pertinere.

Sed contra est quod dicit eanon Damasi I. Papæ (qui est 111. inter eius decreta tom. 2. Concil.) & habetur x. qu. 1. (cap. *Hanc consuetudinem*) *Oblationes quæ intra sanctam Ecclesiam offeruntur, tantummodo sacerdotibus, qui quondam Domino servire videntur; licet comedere, & bibere: quia in veteri testamento prohibuit Dominus panes sanctos comedere filiis Israel, nisi tantummodo Aaron, & filiis eius.*

Respondeo dicendum, quod sacerdotes quodammodo constituitur sequester, & medius inter populum, & Deum, sicut de Moyse legitur Deut. v. & ideo ad eum pertinet divina dogmata, & sacramenta exhibere populo; & iterum ea quæ sunt populi, puta preces, & sacrificia, & oblationes, per eum Domino debent exhiberi; secundum illud Apostoli ad Hebr. v. 1. *Omnis Pontifex ex hominibus assumptus, pro hominibus constituitur in his quæ sunt ad Deum, ut offerat dona, & sacrificia pro peccatis.*

Et ideo oblationes quæ a populo Deo exhibentur, ad sacerdotes pertinent; non solum ut eas in suos usus convertant, verum etiam ut fideliter eas dispenlent, partim quidem expendendo eas in his quæ pertinent ad cultum divinum, partim vero in his quæ pertinent ad proprium victum: quia qui altari deserviunt, cum altari participant, ut dicitur I. ad Cor. ix.) partim etiam in usus pauperum, qui sunt, quantum fieri potest, de rebus Ecclesiae sustentandi: quia & Dominus in usum pauperum loculos habebat, ut Hieronymus dicit super Mattheum (cap. xviii. sup. illud: *Ut non scandalizemus, & hab. cap. Habebat xii. quæst. 11.*)

Ad primum ergo dicendum, quod ea quæ pauperibus dantur, sicut non proprie sunt sacrificia, dicuntur tamen sacrificia, inquantum eis dantur propter Deum; ita etiam secundum eandem rationem oblationes dici possunt, tamen non proprie dictæ, quia non immediate Deo offeruntur. Oblationes vero proprie dictæ in usum pauperum cedunt, non per dispensationem offerentium, sed per dispensationem sacerdotum.

Ad secundum dicendum, quod monachi, sive alii religiosi possunt oblationes recipere tripliciter. Uno modo; sicut pauperes, per dispensationem sacerdotum, vel ordinationem Ecclesiae. Alio modo, si sint ministri altaris: & tunc possunt accipere oblationes sponte oblatas. Tercio modo, si parochiae sint eorum: & tunc ex debito possunt accipere oblationes tamquam Ecclesiae rectores.

Ad tertium dicendum, quod oblationes, postquam fuerint consecratae, non possunt cedere in usum laicorum; sicut vasa, & vestimenta sacra: & hoc modo intelligitur dictum Damasi Papae (cit. in arg. *Sed contr.*) Illa vero quae non sunt consecrata, possunt in usum laicorum cedere ex dispensatione sacerdotum, sive per modum donationis, sive per modum venditionis.

## ARTICULUS III. 464

*Utrum homo possit oblationes facere de omnibus rebus licite possessis.*

**A**D tertium sic proceditur. Videtur quod non possit homo oblationes facere de omnibus rebus licite possessis. Quia secundum iura humana (1. *Idem*, ff. de condit. ob. turp. caus.) turpiter facit meretrix in hoc quod est meretrix, non tamen turpiter accipit; & ita licite possidet. Sed non licet de eo facere oblationem, secundum illud Deut. xxiii. 18. *Non offeres mercedem prostibuli . . . in domo Domini Dei tui.* Ergo non licet facere oblationem de omnibus licite possessis.

2. Præterea. Ibidem prohibetur quod pretium canis non offeratur in domo Dei. Sed manifestum est quod pretium canis iuste venditi iuste possidetur. Ergo non licet de omnibus iuste possessis oblationem facere.

3. Præterea. Malach. i. 8. dicitur: *Si offeratis claudum, & languidum, nonne malum est?* Sed claudum, & languidum animal est iuste possessum. Ergo videtur quod non de omni iuste possessio possit oblatio fieri.

Sed contra est quod dicitur Prov. xii. 9. *Honora Dominum Deum tuum de tua substantia.* Ad substantiam autem hominis pertinet quicquid iuste possidet. Ergo de omnibus iuste possessis potest fieri oblatio.

Respondendo dicendum, quod, sicut Augustinus dicit in Lib. de verb. Domini

(serm. xxxv. cap. 11. in med.) *si depraveris aliquem invalidum, & de spoliis eius dases alicui iudici, si pro te iudicaret, tanta vis est iustitiae, ut & tibi displiceret. Non est talis Deus tuus, qualis non debes esse nec tu.* Et ideo dicitur Eccli. xxxiv. 21. *Immolantis ex iniquo oblatio est maculata.* Unde patet quod de iniuste acquisitis, & possessis non potest oblatio fieri.

In veteri autem lege, in qua figuræ serviebatur, quædam propter significationem reputabantur immunda, quæ offerre non licebat; sed in lege nova omnis creatura Dei reputatur munda, ut dicitur ad Titum i. Et ideo, quantum est de se, de quolibet licite possessio potest oblatio fieri. Per accidens tamen contingit quod de aliquo licite possessio oblatio fieri non potest; puta si vergat in detrimentum alterius; ut si filius aliquis offerat Deo id unde debet patrem nutrire, quod Dominus improbat Marth. xv. vel propter scandalum, vel propter contemptum, vel aliquid aliud huiusmodi.

Ad primum ergo dicendum, quod in veteri lege prohibebatur oblatio de mercede prostibuli propter immunditiam; in nova autem lege, propter scandalum, ne videatur Ecclesia favere peccato, si de lucro peccati oblationem recipiat.

Ad secundum dicendum, quod canis secundum legem reputabatur animal immundum. Alia tamen animalia immunda redimebantur, & eorum pretium poterat offerri, secundum illud Levit. ult. 27. *Si immundum animal est, redimet qui obtulerit.* Sed canis nec offerebatur, nec redimebatur: tum quia idololatæ canibus utebantur in sacrificiis idolorum: tum etiam quia significant rapacitatem, de qua non potest fieri oblatio. Sed hæc prohibitio cessat in nova lege.

Ad tertium dicendum, quod oblatio animalis cæci, vel claudi reddebatur illicita tripliciter. Uno modo ratione eius ad quod offerebatur: unde dicitur Malach. i. 8. *Si offeratis cæcum ad immolandum, nonne malum est?* sacrificia autem oportebat esse immaculata. Secundo ex contemptu: unde ibidem subditur: *Vos polluisiis nomen meum in eo quod dicitis: Mensa Domini contaminata est, & quod superponitur, contemptibile est.* Tercio modo ex voto præcedenti, ex quo obligatur homo ut integrum reddat quod vovit: unde ibidem subditur: *Maledictus dolosus, qui habet in grege suo masculum, & votum faciens immolat debile Domino.*

Et

Et hæ causæ eadem manent in lege nova; quibus tamen cessantibus, non est illicitum.

## ARTICULUS IV. 465

*Utrum ad primitias solvendas homines teneantur.*

**A**D quartum sic proceditur. Videtur quod ad primitias solvendas homines non teneantur. Quia Exod. xiiii. 9. data lege primogenitorum subditur: *Erit quasi signum in manu tua: & ita videtur esse præceptum cæremoniale*. Sed præcepta cæremonialia non sunt servanda in lege nova. Ergo neque primitiæ sunt solvendæ.

2. Præterea. Primitiæ offerebantur Domino pro speciali beneficio illi populo exhibito: unde dicitur Deut. xxvi. 2. *Tolles de cunctis frugibus tuis primitias, accedesque ad sacerdotem, qui fuerit in diebus illis, & dices ad eum: Propterea hodie coram Domino Deo tuo, quod ingressus sum terram, pro qua iuravit patribus nostris ut daret eam nobis*. Ergo alia nationes non tenentur ad primitias solvendas.

3. Præterea. Illud ad quod aliquis tenetur, debet esse determinatum. Sed non invenitur nec in nova lege, nec in veteri determinata quantitas primitiarum. Ergo ad eas solvendas non tenentur homines ex necessitate.

Sed contra est quod dicitur xvi. quæst. vii. (cap. Decimas: ) *Oportet decimas, & primitias, quas de iure sacerdotum esse sancimus, ab omni populo accipere*.

Respondeo dicendum, quod primitiæ ad quoddam genus oblationum pertinent, quia Deo exhibentur cum quadam professione, ut habetur Deut. xxvi. unde & ibidem subditur: *Suscipiens sacerdos cartallum, scilicet primitiarum, de manu eius qui dedit primitias, ponet ante altare Domini Dei tui: & postea mandatur ei quod dicat: Idcirco nunc offero primitias frugum terræ, quas Dominus dedit mihi*. Offerebantur autem primitiæ ex speciali causa, scilicet in recognitionem divini beneficii; quasi aliquis profiteatur se a Deo fructus terræ percipere, & ideo se teneri ad aliquid de huiusmodi Deo exhibendum, secundum illud I. Paralip. ult. 14. *Quæ de manu tua accepimus, dedimus tibi*. Et quia Deo debemus exhibere id quod præcipuum est, ideo primi-

tias, quasi præcipuum aliquid de fructibus terræ, præceptum fuit Deo offerre. Et quia Sacerdos confituitur pro populo in his quæ sunt ad Deum, ideo primitiæ oblatae a populo in usum sacerdotum cedebant. Unde dicitur Num. xviii. 8. *Locutus est Dominus ad Aaron: Ecce dedi tibi custodiam primitiarum mearum*.

Pertinet autem ad ius naturale ut homo ex rebus sibi datis a Deo aliquid exhibeat ad eius honorem; sed quod talibus personis exhibeatur, aut de primis fructibus, aut in tali quantitate, hoc quidem fuit in veteri lege iure divino determinatum; in nova autem lege definitur per determinationem Ecclesiæ, ex qua homines obligantur ut primitias solvant secundum consuetudinem patriæ, & indigentiam ministrorum Ecclesiæ.

Ad primum ergo dicendum, quod cæremonialia proprie erant in signum futuri; & ideo ad præsentiam veritatis significatæ cessaverunt. Oblatio autem primitiarum fuit in signum præteriti beneficii, ex quo etiam debitum recognitionis causatur secundum dictamen rationis naturalis. Et ideo in generali huiusmodi obligatio manet.

Ad secundum dicendum, quod primitiæ offerebantur in veteri lege, non solum propter beneficium terræ promissionis datæ a Deo, sed etiam propter beneficium fructuum terræ a Deo datorum. Unde dicitur Deut. xxvi. 10. *Offero primitias frugum terræ, quas Dominus dedit mihi*: & hæc secunda causa apud omnes est communis. Potest etiam dici, quod sicut Iudæis speciali quodam beneficio terram promissionis contulit Deus; ita generali beneficio toti humano generi contulit terræ dominium, secundum illud Psalm. cxiii. 16. *Terram dedit filiis hominum*.

Ad tertium dicendum, quod, sicut Hieronymus dicit (sup. illud Ezech. xlv. *Hæ sunt primitiæ*, & hab. cap. 1. de confl.) *ex maiorum traditione introductum est quod qui plurimum, quadragesimam partem dabant sacerdotibus loco primitiarum; qui minimum, sexagesimam*. Unde videtur quod inter hos terminos sint primitiæ offerendæ secundum consuetudinem patriæ. Rationabiliter tamen primitiarum quantitas non fuit determinata in lege: quia, sicut dictum est (in corp. art.) primitiæ dantur per modum oblationis; de cuius ratione est quod (a) sit voluntaria.

QUAEST.



## QUAESTIO LXXXVII.

De decimis,

in quatuor articulos divisa.

**P**ostea considerandum est de decimis : & circa hoc quaeruntur quatuor.

Primo, utrum homines teneantur ad solvendas decimas ex necessitate praecepti.

Secundo de quibus rebus sint decimae dandae.

Tertio, quibus debeant dari.

Quarto, quibus competat eas dare.

## ARTICULUS I. 466

*Utrum homines teneantur dare decimas ex necessitate praecepti.*

*quodl. 11. art. 8. & quodl. v1. art. 10. cor. & Hebr. vii. lo. 3.*

**A**D primum sic proceditur. Videtur quod homines non teneantur dare decimas ex necessitate praecepti. Praeceptum enim de solutione decimarum in lege veteri datur, ut patet Lev. xxvii. 30. *Omnes decimae terrae, sive de frugibus, sive de pomis arborum, Domini sunt :* & infra: *Omniuum decimarum ovium, & bovis, & caprae, quae sub pastoris virga transjeunt, quicquid decimum venerit, sanctificabitur Domino.* Non autem potest computari hoc inter praecepta moralia : quia ratio naturalis non magis dicitur quod decima pars debeat dari, quam nona, vel undecima. Ergo vel est praeceptum iudiciale, vel caeremoniale. Sed, sicut supra habitum est (1. 2. quæst. ciii. art. 3. & quæst. civ. art. 3.) tempore gratiae non obligantur homines neque ad praecepta caeremonialia, neque ad iudicialia veteris legis. Ergo homines nunc non obligantur ad decimarum solutionem.

2. Præterea. Illa sola homines servare tenentur tempore gratiae quæ a Christo per Apostolos sunt mandata, secundum illud Matth. ult. 20. *Docentes eos servare omnia quaecumque mandavi vobis :* & Paulus dicit Ad. xx. 27. *Non enim subterfugi quominus annuntiarem vobis omne consilium Dei.* Sed neque in doctrina Christi, neque in doctrina Apostolorum aliquod continetur de solutione decimarum : nam quod Dominus de decimis di-

cit Matth. xxiii. 23. *Ve vobis, qui decimatis mentham, & anethum &c. Hæc oportuit facere, ad tempus præteritum legalis obliervantiae referendum videtur :* dicit enim Hilarius super Matth. (can. xxiv. circ. med.) *Decimatio illa oleum, quæ in præfigurationem futurorum erat utilis, non decebat omitti.* Ergo homines tempore gratiae non tenentur ad decimarum solutionem.

3. Præterea. Homines tempore gratiae non magis tenentur ad obliervantiam legalium quam ante legem. Sed ante legem non dabantur decimæ ex præcepto, sed solum ex voto : legitur enim Genes. xxviii. 20. quod Iacob *vovit votum dicens : Si fuerit Deus mecum, & custodierit me in via, qua ambulo .... cunctorum quæ dederis mihi, decimas offeram tibi.* Ergo etiam neque tempore gratiae tenentur homines ad decimarum solutionem.

4. Præterea. In veteri lege tenebantur homines ad triplices decimas solvendas. Quarum quasdam solvebant Levitis : dicitur enim Num. xviii. 24. *Levitæ decimarum oblatione contenti erunt, quas in usus eorum, & necessaria separavi.* Erant quoque aliae decimæ, de quibus legitur Deut. xiv. 22. *Decimam partem separabis de cunctis frugibus tuis, quæ nascuntur in terra per annos singulos ; & comedes in conspectu Domini Dei tui in loco quem elegerit Deus.* Erant quoque & aliae decimæ, de quibus ibidem 28. subditur : *Anno tertio separabis aliam decimam ex omnibus quæ nascuntur tibi eo tempore, & repones intra annuas tuas ; venietque Levita, qui aliam non habet partem, neque possessionem tecum, & peregrinus, ac pupillus, & vidua, qui intra portas tuas sunt, & comedens, & saturabuntur.* Sed ad secundas, & tertias decimas homines non tenentur tempore gratiae. Ergo neque ad primas.

5. Præterea. Quod sine determinatione temporis debetur, nisi statim solvatur, obligat ad peccatum. Si ergo homines tempore gratiae obligarentur ex necessitate praecepti ad decimas solvendas in terris in quibus decimæ non solvantur, omnes essent in peccato mortali, & per consequens etiam ministri Ecclesiæ, dissimulando : quod videtur inconveniens. Non ergo homines tempore gratiae ex necessitate tenentur ad solutionem decimarum.

Sed contra est quod Augustinus dicit (serm. cxxix. de temp. versus fin.) & habetur xvi. quæst. 1. (cap. lxi.) *Decima*

*mæ ex debito requiruntur; & qui eas dare noluerint, res alienas invadunt.*

Respondeo dicendum, quod decimæ in veteri lege dabantur ad iustitiationem ministrorum Dei: unde dicitur Malach. III. 10. *Inferte omnem decimationem in horreum meum, ut sit cibis in domo mea.* Unde præceptum de solutione decimarum partim quidem erat morale, inditum naturali (a) rationi; partim autem erat iudiciale, ex divina institutione robur habens. Quod enim eis qui divino cultui ministrabant ad salutem populi totius, populus necessaria victus ministraret, ratio naturalis dicitur; sicut & his qui communi utilitati invigilant, scilicet principibus, & militibus, & aliis huiusmodi, stipendia victus debentur a populo. Unde & Apostolus hoc probat I. ad Cor. IX. 7. per humanas consuetudines, dicens: *Quis militat suis stipendiis umquam? aut qui plantat vineam, & de fructibus eius non edit?*

Sed determinatio certæ partis exhibendæ ministris divini cultus non est de iure naturali; sed est introducta institutione divina, secundum conditionem illius populi cui lex dabatur: qui cum in duodecim Tribus esset divisus, duodecima Tribus, scilicet Levitica, quæ tota erat ministeriis divinis mancipata, possessio non habebat, unde sustentaretur: unde convenienter institutum est ut reliquæ undecim Tribus decimam partem suorum proventuum Levitis darent, ut honorabilius viverent; & quia etiam aliqui per negligentiam erant transgressiores futuri. Unde quantum ad determinationem decimæ partis erat iudiciale; sicut & alia multa specialiter in illo populo instituta erant ad æqualitatem inter homines ad invicem conservandam, secundum populi illius conditionem; quæ iudicialia præcepta dicuntur: licet ex consequenti aliquid significarent in futurum, sicut & omnia eorum facta, secundum illud I. ad Cor. X. 11. *Omnia in figura contingebant illis:* in quo conveniebant cum cæremonialibus præceptis, quæ principaliter instituta erant ad significandum aliquid futurum. Unde & præceptum de decimis solvendis significat aliquid in futurum. Qui enim decimam dat, quæ est perfectionis signum (c) eo quod denarius est quodammodo numerus perfectus, quasi primus limes numerorum, ultra quem numeri non procedunt, sed reiterantur ab uno) novem sibi partibus reservatis,

protestatur quasi in quodam signo ad se pertinere imperfectionem, perfectionem vero quæ erat futura per Christum, esse expectandam a Deo. Nec tamen propter hoc est cæremoniale præceptum, sed iudiciale, ut dictum est (hic super.)

Est autem hæc differentia inter cæremonialia, & iudicialia legis præcepta, ut supra diximus (1. 2. quæst. CIV. art. 3.) quod cæremonialia illicum est observare tempore legis novæ; iudicialia vero etsi non obligent tempore gratiæ, tamen possunt observari absque peccato; & ad eorum observantiam aliqui obligantur, si statuuntur auctoritate eorum quorum est condere legem: sicut præceptum iudiciale veteris legis est quod qui furatus fuerit ovem, reddat quatuor oves, ut legitur Exod. XXXI. quod si ab aliquo rege statuatur, tenentur eius subditi observare.

Ita etiam determinatio decimæ partis solvendæ est auctoritate Ecclesiæ tempore novæ legis instituta, secundum quandam humanitatem; ut scilicet non minus populus novæ legis ministris novi testamenti exhiberet quam populus veteris legis ministris veteris testamenti exhibebat; cum tamen populus novæ legis ad maiora obligetur, secundum illud Matth. V. 20. *Nisi abundaverit iustitia vestra plus quam Scribarum, & Phariseorum, non intrabitis in regnum celorum;* & cum ministri novi testamenti sint maioris dignitatis quam ministri veteris testamenti, ut probat Apostolus II. ad Corinth. II. Sic ergo patet quod ad solutionem decimarum homines tenentur partim quidem ex iure naturali, partim etiam ex institutione Ecclesiæ: quæ tamen, penlatis opportunitatibus temporum, & perionarum, possit aliam partem determinare solvendam.

Et per hoc patet responsio ad primum. Ad secundum dicendum, quod præceptum de solutione decimarum, quantum ad id quod erat morale, datum est in Evangelio a Domino, ubi dicit Matth. X. 10. *Dignus est operarius (b) mercede sua;* & etiam ab Apostolo, ut patet I. Cor. IX. Sed determinatio certæ partis est reservata ordinationi Ecclesiæ.

Ad tertium dicendum, quod ante tempus veteris legis non erant determinati ministri divini cultus; sed dicitur, quod primogeniti erant sacerdotes, qui duplicem portionem accipiebant. Et ideo etiam non erat determinata aliqua pars exhib-

(a) De civ. Dei. Alii ratione. (b) Viginta cibo suo.

exhibenda ministris divini cultus; sed ubi aliquis occurrebat, unusquisque dabat ei propria sponte quod sibi videbatur; sicut Abraham quodam prophetico instinctu dedit decimas Melchisedech sacerdoti Dei summi, ut dicitur Gen. xiv. & similiter Iacob decimas vovit se daturum; quamvis non videatur decimas vovisse, quali aliquibus ministris exhibendas, sed in divinum cultum; puta ad sacrificiorum consummationem: unde signanter dicit: *Offeram tibi decimas.*

Ad quartum dicendum, quod secundae decimae, quae reservabantur ad sacrificia offerenda, locum in nova lege non habent, cessantibus legalibus victimis. Tertiae vero decimae quas cum pauperibus comedere debebant, in nova lege augentur per hoc quod Dominus non solum decimam partem, sed omnia superflua pauperibus iubet exhiberi, secundum illud Lucae xi. 4r. *Quod superest, date elemosynam.* Ipsae etiam decimae quae ministris Ecclesiae dantur, per eos debent in usum pauperum dispensari.

Ad quintum dicendum, quod ministri Ecclesiae maiorem curam debent habere spiritualium bonorum in populo promovendorum, quam temporalium colligendorum: & ideo Apostolus noluit uti potestate sibi a Domino tradita, ut scilicet acciperet stipendia victus ab his quibus Evangelium praedicabat, ne daretur aliquod impedimentum Evangelio Christi. Nec tamen peccabant illi qui ei non subveniebant: alioquin Apostolus eos corrigere non omisisset. Et similiter laudabiliter ministri Ecclesiae decimas Ecclesiae non requirunt, ubi sine scandalo requiri non possent propter dissuetudinem, vel propter aliquam aliam causam. Nec tamen sunt in statu damnationis qui non solvunt in locis illis in quibus Ecclesia non petit; nisi forte propter obstinationem animi, habentes voluntatem non solvendi, etiam si ab eis peterentur.

## ARTICULUS II. 467

*Utrum de omnibus teneantur homines decimas dare.*

**A**D secundum sic proceditur. Videtur quod non de omnibus teneantur homines decimas dare. Solutio enim decimarum videtur esse ex veteri lege introducta. Sed in veteri lege nullum praeceptum datur de personalibus decimis, quae scilicet solvuntur de his quae aliquis ac-

quirat ex proprio actu, puta de mercationibus, vel de militia. Ergo de talibus decimas nullus solvere tenetur.

2. Praeterea. De male acquisitis non debet fieri oblatio, ut supra dictum est (quaest. praec. art. 3.) Sed oblationes, quae immediate Deo exhibentur, magis videntur pertinere ad divinum cultum, quam decimae, quae exhibentur ministris. Ergo etiam nec decimae de male acquisitis sunt solvendae.

3. Praeterea. Levit. ult. non mandatur solvi decima nisi de frugibus, & pomis arborum, & animalibus, quae transeunt sub virga pastoris. Sed praeter haec sunt quaedam alia minuta, quae homini proveniunt, sicut herbae quae nascuntur in horto, & alia huiusmodi. Ergo nec de illis homo decimas dare tenetur.

4. Praeterea. Homo non potest solvere nisi id quod est in eius potestate. Sed non omnia quae proveniunt homini de fructibus agrorum, aut animalium, remanent in eius potestate: quia quaedam aliquando subrahuntur per furtum, vel rapinam; quaedam vero quandoque in alium transferuntur per venditionem; quaedam etiam aliis debentur, sicut principibus debentur tributa, & operariis debentur mercedes. Ergo de his non tenetur aliquis decimas dare.

Sed contra est quod dicitur Gen. xxviii. 22. *Cunctarum quae dederis mihi, decimas offeram tibi.* Sed omnia quae homo habet, sunt ei data divinitus. Ergo de omnibus debet decimas dare.

Respondeo dicendum, quod de unaquaque re praecipue est indicandum secundum eius radicem. Radix autem solutionis decimarum est debitum, quo seminantibus spiritualia debentur carnalia, secundum illud Apostoli I. ad Corinth. ix. 11. *Si nos vobis spiritualia seminavimus, magnum est, si carnalia vestra metamus?* Super hoc enim debitum fundavit Ecclesia determinationem solutionis decimarum. Omnia autem quaecumque homo possidet, sub carnalibus continentur.

Et ideo de omnibus possessis decimae sunt solvendae.

Ad primum ergo dicendum, quod specialis ratio fuit quare in veteri lege non fuit datum praeceptum de personalibus decimis, secundum conditionem populi illius, quia scilicet omnes aliae Tribus certas possessiones habebant, de quibus poterant sufficienter providere Levitis, qui carebant possessionibus; non autem

interdicebatur eis quin de aliis operibus honestis lucrarentur, sicut & alii Iudæi. Sed populus novæ legis est ubique per mundum diffusus; quorum plurimi possessiones non habent, sed de aliquibus negotiis vivunt: qui nihil conferrent ad subsidium ministrorum Dei, si de eorum negotiis decimas non solverent. Ministris etiam novæ legis arctius interdicitur ne se ingerant negotiis lucrativis, secundum illud II. ad Timoth. II. 4. *Nemo militans Deo implicat se secularibus negotiis.* Et ideo in nova lege tenentur homines ad decimas personales, secundum consuetudinem patriæ, & indigentiam ministrorum. Unde Augustinus dicit (serm. 219. de temp. parum a princ.) & habetur XVI. quæst. 1. (cap. Decimæ:) *De militia, de negotio, & officio recte decimas.*

Ad secundum dicendum, quod aliqua male acquiruntur dupliciter. Uno modo quia ipsa acquisitio est iniusta; puta quæ acquiruntur per rapinam, aut furtum, aut usuram: quæ homo tenetur restituere, non autem de eis decimas dare: tamen si aliquis ager sit emptus de usura, de fructu eius tenetur usurarius decimas dare, quia fructus illi non sunt ex usura, sed ex Dei munere. Quædam vero dicuntur male acquisita, quia acquiruntur ex turpi causa; sicut de meretricio, & histrionatu, & aliis huiusmodi: quæ non tenentur restituere. Unde de talibus tenentur decimas dare secundum modum aliarum personalium decimarum. Tamen Ecclesia non debet eas recipere, quamdum sunt in peccato, ne videatur eorum peccatis communicare; sed postquam perituerint, possunt ab eis de his recipi decimæ.

Ad tertium dicendum, quod ea quæ ordinantur in finem, sunt iudicanda secundum quod competunt fini. Decimarum autem solutio est debita, non propter se, sed propter ministros: quorum honestati non convenit ut etiam minima exacta diligentia requirant: hoc enim in vitium computatur, ut patet per Philosophum in IV. Ethic. (cap. 11. a med.) Et ideo lex vetus non determinavit ut de huiusmodi minutis rebus decimæ dentur, sed reliquit hoc arbitrio dare voluntium: quia minima quasi nihil computantur. Unde Pharisei, quasi periclitam legis iustitiam sibi adhibentes, etiam de his minutis decimas solvebant. nec tamen de hoc reprehenduntur a Domino, sed solum de hoc quod maiora,

scilicet spiritualia præcepta, contemnebant; magis autem de hoc eos secundum se commendabiles esse ostendit dicens: *Hæc oportuit facere*, scilicet tempore legis, ut Chrysostomus (alius Auctor) exponit (hom. XLIV. in op. imperf. a med.) Quod etiam videtur magis in quamdam decentiam sonare quam in obligationem. Unde & nunc de huiusmodi minutis rebus non tenentur homines decimas dare, nisi forte propter consuetudinem patriæ.

Ad quartum dicendum, quod de his quæ furto, vel rapina tolluntur, ille a quo auferuntur, decimas solvece non tenetur, antequam recuperet; nisi forte propter culpam, vel negligentiam suam danum incurrit: quia ex hoc Ecclesia non debet damnificari. Si vero vendat triticum non decumatum, potest Ecclesia decimas exigere Ecclesiæ debitas & ab emptore, quia habet rem Ecclesiæ debitam, & a venditore, quia quantum est de se, Ecclesiam defraudavit. Uno tamen solvente, alius non tenetur. Debentur autem decimæ de fructibus terræ, inquantum proveniunt ex divino munere. Et ideo decimæ non cadunt sub tributo, nec etiam sunt obnoxie mercedi operariorum. Et ideo non debent prius deduci tributa, & pretium operariorum, quam solvantur decimæ; sed ante omnia debent decimæ solvi ex integris fructibus.

### ARTICULUS III. 468

*Utrum decimæ sint clericis dande.*

**A**D tertium sic proceditur. Videtur quod decimæ non sint clericis dandæ. Levitis enim in veteri testamento decimæ dabantur, quia non habebant aliquam partem in possessionibus populi, ut habetur Num. XVIII. Sed clerici in novo testamento habent possessiones & patrimoniales interdum, & ecclesiasticas: recipiunt insuper primitias, & oblationes pro vivis, & mortuis. Superfluum ergo est quod eis decimæ dentur.

2. Præterea. Contingit quandoque quod aliquis habet domicilium in una parochia, & colit agros in alia: vel aliquis pastor ducit gregem per unam partem anni in terminis unius parochiæ, & alia parte anni in terminis alterius; vel habet ovile in una parochia, & pascit oves in alia: in quibus, & consimilibus casibus non videtur posse distingui, quibus

bns clericis sint decimæ solvendæ. Ergo non videtur quod aliquibus clericis determinate sint solvendæ decimæ.

3. Præterea. Generalis consuetudo habet in quibusdam terris quod milites decimas ab Ecclesia in feudum tenent: religiosi etiam quidam decimas accipiunt. Non ergo videtur quod solum clericis curam animarum habentibus decimæ debeantur.

Sed contra est quod dicitur Num. xviii. 21. *Fuit Levi cedi omnes decimas Israel in possessionem pro ministerio quo serviunt mihi in tabernaculo.* Sed unus Levi succedunt clerici in novo testamento. Ergo solis clericis decimæ debentur.

Respondendo dicendum, quod circa decimas duo sunt consideranda, scilicet ipsum ius accipiendi decimas, & ipsæ res quæ nomine decimarum dantur. Ius autem accipiendi decimas spirituale est: consequitur enim illud debitum quo ministris altaris debentur sumptus de ministerio, & quo seminantibus spiritualia debentur temporalia: quod ad solos clericos pertinet habentes curam animarum: & ideo eis solis competit hoc ius habere.

Res autem quæ nomine decimarum dantur, corporales sunt: unde possunt in utrumque quorumlibet cedere; & sic possunt etiam ad laicos pervenire.

Ad primum ergo dicendum, quod in veteri lege, sicut dictum est (art. 1. huius quæst. ad 4.) speciales quædam decimæ deputabantur subventioni pauperum. Sed in nova lege decimæ dantur clericis, non solum propter sui sustentationem, sed etiam ut ex eis subveniant pauperibus. Et ideo non superfluum, sed ad hoc necessarium sunt possessiones ecclesiasticæ, & oblationes, & primitiæ simul cum decimis.

Ad secundum dicendum, quod decimæ personales debentur Ecclesiæ in cuius parochia homo habitat; decimæ vero prædiales rationabiliter magis videntur pertinere ad Ecclesiam in cuius terminis prædia sita sunt. Tamen iura determinant, quod in hoc servetur consuetudo diu obtenta (cap. *Cum sint* & cap. *Ad apostolicæ*, de decimis &c.) Pastor autem qui diversis temporibus in duabus parochiis gregem pascit, debet proportionatiter utraq; Ecclesiæ decimasolvere: & quia ex pascuis fructus gregis proveniunt, magis debetur decima gregis Ecclesiæ in cuius territorio grex pascitur, quam illi in cuius territorio ovile locatur.

Ad tertium dicendum, quod sicut res nomine decimarum acceptas potest Ecclesia alicui laico tradere; ita etiam potest ei concedere ut dandas decimas ipsi accipiant, iure accipiendi ministris Ecclesiæ reservato; sive pro necessitate Ecclesiæ, sicut quibusdam militibus decimæ debentur in feudum per Ecclesiam concessæ; sive etiam ad subventionem pauperum, sicut quibusdam religiosis laicis, vel non habentibus curam animarum aliquæ decimæ sunt concessæ per modum elemosinæ. Quibusdam tamen religiosis competit accipere decimas ex eo quod habent curam animarum.

## ARTICULUS IV. 469

*Utrum etiam clerici teneantur decimas dare.*

**A**D quartum sic proceditur. Videtur quod etiam clerici teneantur decimas dare. Quia de iure communi Ecclesia parochialis debet recipere decimas prædiorum quæ in territorio eius sunt. Contingit autem quandoque quod clerici habent in territorio alicuius parochialis Ecclesiæ aliqua prædia propria; vel etiam aliqua alia Ecclesia habet ibi possessiones ecclesiasticas. Ergo videtur quod clerici teneantur dare prædiales decimas.

1. Præterea. Aliqui religiosi sunt clerici, qui tamen tenentur dare decimas Ecclesiis ratione prædiorum quæ etiam manibus propriis excolunt. Ergo videtur quod clerici non sint immunis a solutione decimarum.

3. Præterea. Sicut Num. xviii. præcipitur, quod Levitæ a populo decimas accipiant; ita etiam præcipitur quod ipsi dent decimas summo Sacerdoti. Ergo qua ratione laici debent dare decimas clericis, eadem ratione clerici debent dare decimas summo Pontifici.

4. Præterea. Sicut decimæ debent cedere in sustentationem clericorum; ita etiam debent cedere in subventionem pauperum. Si ergo clerici excusantur a solutione decimarum, pari ratione excusantur & pauperes. Hoc autem est falsum. Ergo & primum.

Sed contra est quod dicit Decretalis Paschalis II. Papæ (inter fragmenta. c. x. Concil. & hab. cap. 11. de decimis &c.) *Novum genus exemptionis est ut clerici a clericis decimas exigant.*

Respondendo dicendum, quod idem non potest

potest esse causa dandi & recipiendi, sicut nec causa agendi & patiendi. Contingit autem ex diversis causis, & respectu diversorum eundem esse dantem & recipientem, sicut agentem & patientem.

Clericis autem, in quantum sunt ministri altaris, spiritualia populo seminaris, decimae a fidelibus debentur. Unde tales clerici, in quantum clerici sunt, id est in quantum habent ecclesiasticas possessiones, decimasolvere non tenentur; ex alia vero causa, scilicet propter hoc quod possident proprio iure, vel ex successione parentum, vel ex emptione, vel quocumque huiusmodi modo, sunt ad decimas solvendas obligati.

Unde patet responso ad primum. Quia clerici de propriis praediis tenenturolvere decimas parochiali Ecclesiae, sicut & alii, etiam si ipsi sint eiusdem Ecclesiae clerici: quia aliud est habere aliquid ut proprium, aliud ut commune. Praedia vero Ecclesiae non sunt ad decimas solvendas obligata, etiam si sint infra terminos alterius parochiae.

Ad secundum dicendum, quod religiosi, qui sunt clerici, si habeant curam animarum, spiritualia populo dispensantes, non tenentur decimas dare, sed possunt ea recipere. De aliis vero religiosis, etiam si sint clerici, qui non dispensant populo spiritualia, est alia ratio: ipsi enim tenentur de iure communi decimas dare; habent tamen aliquam immunitatem secundum diversas concessionis eis a Sede apostolica factas.

Ad tertium dicendum, quod in veteri lege primitiae debebantur Sacerdotibus, decimae autem Levitis. Et quia sub Sacerdotibus Levitae erant, Dominus mandavit ut ipsi loco primitiarum solverent summo Sacerdoti decimam decimae. Unde nunc eadem ratione tenentur clerici summo Pontifici decimam dare, si exigeret. Naturalis enim ratio dicitur ut illi qui habet curam de communitudinis statu, provideatur de bonis omnibus, unde possit exequi ea quae pertinent ad communem salutem.

Ad quartum dicendum, quod decimae debent cedere in subventionem pauperum per dispensationem clericorum. Et ideo pauperes non habent causam accipiendi decimas, sed tenentur eas dare.

## QUAESTIO LXXXVIII

*De voto, per quod aliquid Deo promittitur,*

*in duodecim articulos divisa.*

**D**Einde considerandum est de voto, per quod aliquid Deo promittitur: & circa hoc quaeruntur duodecim.

Primo, quid sit votum.

Secundo, quid cadat sub voto.

Tercio de obligatione voti.

Quarto de utilitate vivendi.

Quinto, cuius virtutis sit actus.

Sexto, utrum magis meritorium sit facere aliquid ex voto quam sine voto.

Septimo de solemnitate voti.

Octavo, utrum possint vivere qui sunt potestati alterius subiecti.

Nono, utrum pueri possint voto obligari ad religionis ingressum.

Decimo, utrum votum sit dispensabile, vel commutabile.

Undecimo, utrum in solemnibus voto continentia possit dispensari.

Duodecimo, utrum requiratur in dispensatione voti, superioris auctoritas.

## ARTICULUS I. 470

*Utrum votum consistat in solo proposito voluntatis.*

*IV. dist. xxxviii. quest. I. art. I. quest. I.*

**A**D primum sic proceditur. Videtur quod votum consistat in solo proposito voluntatis. Quia, secundum quosdam, votum est *conceptio boni propositi cum animi deliberatione firmata, qua quis ad aliquid faciendum, vel non faciendum se Deo obligat*. Sed conceptio boni propositi cum omnibus quae adduntur, potest in solo motu voluntatis consistere. Ergo votum in solo proposito voluntatis consistit.

2. Praeterea. Ipsum nomen voti videtur a voluntate assumptum: dicitur enim aliquis proprio voto facere quae voluntarie facit. Sed propositum est actus voluntatis; promissio autem rationis. Ergo votum in solo acta voluntatis consistit.

3. Praeterea. Dominus dicit Lucæ ix. 62. *Nemo mittens manum ad aratrum, & aspiciens retro, aptus est regno Dei*. Sed ali-

aliquis ex hoc ipso quod habet propositum bene faciendi, mittit manum ad aratrum. Ergo si alpicit retro, desistens a bono proposito, non est aptus regno Dei. Ex solo ergo bono proposito aliquis obligatur apud Deum, etiam nulla promissione facta: & ita videtur quod in solo proposito voluntatis votum consistat.

Sed contra est quod dicitur Eccle. v. 3. *Si quid vovisti Deo, ne moreris reddere: displicet enim ei infidelis, & stulta promissio*. Ergo votum est promittere, & votum est promissio.

Respondetur dicendum, quod votum quamdam oblationem importat ad aliquid faciendum, vel dimittendum. Obligat autem homo se homini ad aliquid per modum promissionis, quæ est rationis actus, ad quam pertinet ordinare. Sicut enim homo imperando, vel deprecando ordinat quodammodo quid sibi ab aliis fiat; ita promittendo ordinat quid ipse pro alio facere debeat. Sed promissio quæ ab homine fit homini, non potest fieri nisi per verba, vel quæcumque exteriora signa; Deo autem potest fieri promissio per solam interiorem cogitationem: quia, ut dicitur I. Reg. xvi. 7. *homines vident ea quæ parent; sed Deus innotet cor*. Exprimuntur tamen quandoque verba exteriora vel ad suipsius excitationem, sicut circa orationem dictum est (quæst. lxxxiii. art. 12.) vel etiam ad alios contestandum, ut non solum desistat a fractione voti propter timorem Dei, sed etiam propter reverentiam hominum. Promissio autem procedit ex proposito faciendi. Propositum autem aliquam deliberationem præexistit, cum sit actus voluntatis deliberatæ. Sic ergo ad votum tria ex necessitate requiruntur: primo quidem deliberatio; secundo propositum voluntatis; tertio promissio, in qua perficitur ratio voti. Superadduntur vero quandoque & alia duo ad quamdam voti confirmationem scilicet pronuntiatio oris, secundum illud Psal. lxx. 13. *Reddam tibi vota mea, quæ distinguunt labia mea*: & iterum testimonium aliorum. Unde Magister dicit in xxxviii. dist. IV. Lib. Sent. quod votum est *testificatio quedam promissionis spontaneæ, quæ Deo, & de his quæ sunt Dei, fieri debet*: quamvis testificatio possit ad interiorem testificationem proprie referri.

Ad primum ergo dicendum, quod conceptio boni propositi non firmatur ex

S. Th. Oper. Tom. XXII.

animi deliberatione, nisi promissione deliberationem consequente.

Ad secundum dicendum, quod voluntas hominis movet rationem ad promittendum aliquid circa ea quæ eius voluntati subduntur: & pro tanto votum a voluntate accipit nomen, quasi a primo movente.

Ad tertium dicendum, quod ille qui mittit manum ad aratrum, iam facit aliquid; sed ille qui solum proponit, nondum aliquid facit; sed quando promittit, iam incipit se exhibere ad faciendum, licet nondum impleat quod promittit: sicut ille qui ponit manum ad aratrum, nondum arat, iam tamen ponit manum ad arandum.

## ARTICULUS II. 471

*Utrum votum semper debeat fieri de meliori bono.*

**A**D secundum sic proceditur. Videtur quod votum non semper debeat fieri de meliori bono. Dicitur enim melius bonum quod ad supererogationem pertinet. Sed votum non solum fit de his quæ sunt supererogationis, sed etiam de his quæ pertinent ad salutem: nam & in baptismo vovent homines abrenuntiare diabolo, & pomis eius, & fidem servare, ut dicit Glossa super illud Psal. lxxv. *Vovete, & reddite Domino Deo vestro*. Iacob etiam vovit quod esset ei Dominus in Deum, ut habetur Gen. xxviii. Hoc autem est maxime de necessitate salutis. Ergo votum non solum fit de meliori bono.

2. Præterea. Iephthæ in catalogo Sanctorum ponitur, ut patet Hebr. xi. Sed ipse filium innocentem occidit propter votum, ut habetur Iudic. xi. Cum ergo occisio innocentis non sit melius bonum, sed sit secundum se illicitum; videtur quod votum fieri possit non solum de meliori bono, sed etiam de illicitis.

3. Præterea. Ea quæ redundant in detrimentum personæ, vel quæ ad nihil sunt utilia, non habent rationem melioris boni. Sed quandoque sunt aliqua vota de immoderatis vigiliis, vel ieiuniis, quæ vergunt in periculum personæ: quandoque etiam sunt aliqua vota de aliquibus indifferentibus, & ad nihil valentibus. Ergo non semper votum est melioris boni.

Sed contra est quod dicitur Deuter.

FF 3

xxxiii.

xxiii. 22. *Si nolueris polliceri, absque peccato eris.*

Respondere dicendum, quod, sicut dictum est (art. præc.) votum est promissio Deo facta. Promissio autem est aliquis quod quis pro aliquo voluntarie facit. Non enim esset promissio, sed comminatio, si quis diceret se contra aliquem facturum. Similiter vana esset promissio, si alicui promitteret id quod ei non esset acceptum. Et ideo cum omne peccatum sit contra Deum, nec aliquod opus sit Deo acceptum, nisi sit virtuosum; consequens est quod de nullo illicito, nec de aliquo indifferente debeat fieri votum, sed solum de aliquo actu virtutis. Sed quia votum promissionem voluntariam importat, necessitas autem voluntatem excludit, id quod est absolute necessarium esse, vel non esse, nullo modo sub voto cadit. Stultum enim esset, si quis voveret se esse moriturum, vel se non esse volaturum.

Illud vero quod non habet absolutam necessitatem, sed necessitatem finis, puta quia sine eo non potest esse salus; cadit quidem sub voto, inquantum voluntarie fit, non autem inquantum est necessitatis.

Illud autem quod neque cadit sub necessitate absoluta, neque sub necessitate finis, omnino esse voluntarium: & ideo hoc propriissime cadit sub voto. Hoc autem dicitur esse maius bonum in comparatione ad bonum quod communiter est de necessitate salutis. Ideo, proprie loquendo, votum dicitur esse de meliori bono.

Ad primum ergo dicendum, quod hoc modo sub voto baptizatorum cadit abrenunciare pompis diaboli, & fidem Christi servare, quia voluntarie fit, licet sit de necessitate salutis: & similiter potest dici de voto Iacob; quamvis etiam possit intelligi, quod Iacob vovit se habere Dominum in Deum per specialem cultum, ad quem vovit tenebatur; sicut per decimum oblationem, & alia huiusmodi, quæ ibi subduntur.

Ad secundum dicendum, quod quædam sunt quæ in omnem eventum sunt bona, sicut opera virtutis: & talia bona possunt absolute cadere sub voto. Quædam vero in omnem eventum sunt mala, sicut ea quæ secundum se sunt peccata: & hæc nullo modo possunt sub voto cadere. Quædam vero sunt quidem in se considerata bona, & secundum hoc possunt cadere sub voto; possunt tamen

habere malum eventum, in quo non sunt observanda. Et sic accidit in voto Iephthæ; qui, ut dicitur Iudic. xi. 29. *votum vovit Domino, dicens: Si tradideris filios Ammon in manus meas, quicumque primus egressus fuerit de foribus domus meæ, mihiq; occurrerit reverenti in pace, eum offeram holocaustum Domino.* Hoc autem poterat malum eventum habere, si occurreret ei aliquod animal non immolandum, sicut alinus, vel homo: quod etiam accidit. Unde & Hieronymus dicit (æquival. Lib. I. contra Iovin. & in cap. vi. & vii. Michææ, & in cap. vii. Hierem.) *In vovendo fuit stultus, quia discretionem non habuit, & in reddendo impius.* Præmittitur tamen ibidem, quod *factus est super eum Spiritus Domini*: quia fides, & devotio ipsius, ex qua motus est ad vovendum, fuit a Spiritu sancto: propter quod ponitur in catalogo Sanctorum, & propter victoriam quam obtinuit, & quia probabile est eum penitus fuisse de facto iniquo, quod tamen aliquod bonum figurabat.

Ad tertium dicendum, quod maceratio proprii corporis, puta per vigiliis, & ieiunia, non est Deo accepta, nisi inquantum est opus virtutis: quod quidem est, inquantum cum debita discretionem fit, ut scilicet concupiscentia refrenetur, & natura non nimis gravetur. Et sub tali tenore possunt huiusmodi sub voto cadere. Propter quod & Apostolus Rom. xii. 1. postquam dixerat, *Exhibeatis corpora vestra hostiam viventem, sanctam, Deo placentem*, addidit, *rationabile obsequium vestrum.* Sed quia in his quæ ad seipsum pertinent, de facili saltum homo in iudicando, talia vota congruentius secundum arbitrium superioris sunt vel servanda, vel prætermittenda; ita tamen quod si ex observatione talis voti magnus, & manifestum gravamen sentiret, & non esset facultas ad superiorem recurrendi, non deberet homo tale votum servare. Vota vero quæ sunt de rebus vanis, & inutilibus, sunt magis deridenda quam servanda.

### ARTICULUS III. 472

*Utrum omne votum obliget ad sui observationem.*

IV. dist. xxxviii. quæst. 1. art. 3. quæst. 1. & art. 4. quæst. 1. co. & ad 3.

**A**D tertium sic proceditur. Videtur quod non omne votum obliget ad sui



sui observationem. Homo enim magis indiget his quæ per alium hominem fiunt, quam Deus, qui *benorum nostrorum non eget*. Sed promissio simplex homini facta non obligat ad observandum, secundum institutionem legis humanæ: quod esse videtur institutum propter mutabilitatem humanæ voluntatis. Ergo multo minus simplex promissio Deo facta, quæ dicitur votum, obligat ad observandum.

2. Præterea. Nullus obligatur ad impossibile. Sed quandoque id quod quis vovit, sit ei impossibile: vel quia dependet ex alieno arbitrio; sicut cum quis voveret aliquid monasterium intrare, cuius monachi eum nolunt recipere: vel propter emergentem defectum; sicut mulier quæ vovit virginitatem servare, & postea corrumpitur; vel vir qui voveret pecuniam dare, & postea amittit pecuniam. Ergo non semper votum est obligatorium.

3. Præterea. Illud ad cuius solutionem est aliquis obligatus, statim solvere tenetur. Sed aliquis non statim solvere tenetur illud quod vovit, præcipue cum sub conditione futura voveret. Ergo votum non semper est obligatorium.

Sed contra est quod dicitur Eccle. v. 3. *Quodcumque voteris, redde: multoque melius est non votum quam post votum promissa non reddere.*

Respondendo dicendum, quod ad fidelitatem hominis pertinet ut solvat id quod promissit. Unde secundum Augustinum (Lib. de mendac. cap. xx. cir. med.) fides dicitur ex hoc quod sunt dicta. Maxime autem debet homo Deo fidelitatem, tum ratione dominii, tum etiam ratione beneficii suscepti: & ideo maxime obligatur homo ad hoc quod impleat vota Deo facta: hoc enim pertinet ad fidelitatem quam homo debet Deo.

Fraus autem voti est quedam infidelitatis species. Unde Salomon rationem assignat quare sint vota reddenda: quia *displicet Deo infidelis promissa*.

Ad primum ergo dicendum, quod secundum honestatem, ex qualibet promissione homo homini obligatur: & hæc est obligatio iuris naturalis. Sed ad hoc quod aliquis obligetur ex aliqua promissione obligatione civili, quadam alia requiruntur. Deus autem etiam bonis nostris non eget, ei tamen maxime obligamur: & ita votum ei factum est maxime obligatorium.

Ad secundum dicendum, quod si illud quod quis vovit, ex quacumque alia cau-

sa impossibile reddatur, debet hoc facere quod in se est, ut saltem habeat promptam voluntatem faciendi quod potest. Unde ille qui vovit monasterium aliquid intrare, debet dare operam, quantum potest, ut ibi recipiatur. Et si quidem intentio eius fuit se obligare ad religionis ingressum principaliter, & ex consequenti elegit hanc religionem, vel hunc locum, quali magis sibi congruentem; tenetur, si non potest ibi recipi, alibi religionem intrare: si autem principaliter intendit se obligare ad hanc religionem, vel ad hunc locum, propter specialem complacentiam huius religionis, vel loci, non tenetur aliam religionem intrare, si cum illi recipere nolunt. Si vero incidit in impossibilitatem implendi votum ex propria culpa, tenetur insuper de propria culpa præterita poenitentiam agere: sicut mulier quæ vovit virginitatem, si postea corrumpatur, non solum debet servare quod potest, scilicet perpetuam continentiam, sed etiam de eo quod amisit peccando, poenitere.

Ad tertium dicendum, quod obligatio voti ex propria voluntate, & intentione causatur: unde dicitur Deuter. xxxiii. 23. *Quod semel egressus est de labiis tuis, observabis; & facies, sicut promissisti Domino Deo tuo, & propria voluntate, & ore tuo locutus es.* Et ideo si in intentione, & voluntate voventis est obligare se ad statim solvendum, tenetur statim solvere; si autem ad certum tempus, vel sub certa conditione, non statim tenetur solvere; sed nec debet tardare ultra quam intendit se obligare: dicitur enim ibidem: *Cum votum voteris Domino Deo tuo, non tardabis reddere: quia requirit illud Dominus Deus tuus; & si moratus fueris, reputabitur tibi in peccatum.*

#### ARTICULUS IV. 473

*Utrum expediat aliquid votum.*

III. cont. cap. cxxxviii.

**A**D quartum sic proceditur. Videtur quod non expediat aliquid votum. Non enim alicui expedit ut privet se bono quod ei Deus donavit. Sed libertas est unum de maximis bonis quæ homini Deus dedit: quia videtur privari necessitatem, quam votum imponit. Ergo non videtur expediens homini quod aliquid voveat.

2. Præterea. Nullus debet se periculo iniicere. Sed quicumque voverit, se periculo iniicit: quia quod ante votum sine periculo poterat præteriri, si non servetur post votum, periculosum est: unde Augustinus dicit in epist. ad Armenitarum, & Paulinam (cxxxvii. al. xlv. vers. fi.) *Quia iam vovisti, iam te obstringisti, aliud facere tibi non licet. Non talis eris, si non feceris quod vovisti, qualis manifestes, si nihil tale vovisses. Minor enim tunc esses, non peior. Modo autem tanto (quod abisti) miserior, si fidem Deo frigeris, quanto beator, si persolveris. Ergo non expedit aliquid vovere.*

3. Præterea. Apostolus dicit I. ad Corinth. iv. 16. *Imitatores mei estote, sicut et ego Christi.* Sed non legitur, neque Christum aliquid vovisse, nec Apostolos. Ergo videtur quod non expedit aliquid vovere.

Sed contra est quod dicitur in Psal. lxxv. 12. *Vovete, & reddite Domino Deo vestro.*

Respondendo dicendum, quod, sicut supra dictum est (art. 1. & 2. huius quæst.) votum est promissio Deo facta. Alia autem ratione promittitur aliquid homini, & alia ratione Deo. Homini quidem promittimus aliquid propter eius utilitatem, cui utile est & quod ei aliquid exhibeamus, & quod eum de futura exhibitione prius certificemus: sed promissionem Deo facimus, non propter eius utilitatem, sed propter nostram. Unde Augustinus dicit in prædicta epistola (2. med.) *Bonignus exactor est, & non egenus, ut qui non crescat ex redditis, sed in se crescere faciat redditores.*

Et sicut id quod damus Deo, non est ei utile, sed nobis, quia quod ei redditur, reddenti additur, ut Augustinus ibidem dicit; ita etiam promissio qua Deo aliquid vovemus, non edit in eius utilitatem, qui a nobis certificari non indiget, sed ad utilitatem nostram, in quantum vovendo voluntatem nostram immobiliter firmamus ad id quod expedit facere. Et ideo expediens est vovere.

Ad primum ergo dicendam, quod sicut non posse peccare non diminuit libertatem; ita etiam necessitas firmatæ voluntatis in bonum non diminuit libertatem, ut patet in Deo, & in beatis: & talis est necessitas voti, similitudinem quandam habens cum confirmatione beatorum. Unde Augustinus dicit in eadem epistola (loc. cit. in arg. 2.) quod *felix necessitas est quæ in meliora compellit.*

Ad secundum dicendum, quod quando periculum nascitur ex ipso facto, tunc factum illud non est expediens, puta quod aliquis per pontem ruinofum transeat fluvium; sed si periculum imminet ex hoc quod homo deficit ab illo facto, non deficit propter hoc esse expediens; sicut expediens est ascendere equum, quamvis periculum imminet cadenti de equo: alioquin oporteret ab omnibus bonis cessare, quæ etiam per accidens ex aliquo eventu possunt esse periculosa. Unde dicitur Eccle. xi. 4. *Qui observat ventum, non seminat: & qui considerat nubes, numquam metet.* Periculum autem vovendi non imminet ex ipso voto, sed ex culpa hominis, qui voluntatem mutat transgrediens votum. Unde Augustinus dicit in eadem epistola: *Non te vovisse pœniteat, immo gaude iam tibi sis non licere quod cum tuo detrimento licuisset.*

Ad tertium dicendum, quod Christo secundum se non comperebat vovere, tum quia Deus erat, tum etiam quia, in quantum homo, habebat firmatam voluntatem in bono, quasi comprehensor existens: quamvis per quandam similitudinem ex persona eius dicatur in Psal. xxi. secundum Glossam (interl. Aug.) *Vota mea reddam in conspectu timentium eum:* loquitur autem de corpore suo, quod est Ecclesia. Apostoli autem intelliguntur vovisse pertinentia ad perfectionis statum, quando Christum, relictis omnibus, sunt secuti.

## ARTICULUS V. 474

*Utrum votum sit actus latræ, sive religionis.*

*Inf. quæst. clxxxix. art. 2. cor. & III. con. cap. cxxxviii. & op. xvii. cap. xii. & op. xviii. cap. iii.*

**A**D quintum sic proceditur. Videtur quod votum non sit actus latræ, sive religionis. Omne enim opus virtutis cadit sub voto. Sed ad eandem virtutem pertinere videtur pronuntiare aliquid, & facere illud. Ergo votum pertinet ad quamlibet virtutem, & non specialiter ad religionem.

2. Præterea. Secundum Tullium (Lib. II. de invent. aliquant. ante fi.) ad religionem pertinet cultum, & caeremoniam Deo asserre. Sed ille qui voverit, nondum aliquid Deo asserit, sed solum pro-

promittit. Ergo votum non est actus religionis.

3. Præterea. Cultus religionis non debet exhiberi nisi Deo. Sed votum non solum fit Deo, sed etiam Sanctis, & prælatis, quibus religiosi profitentes obedientiam vovent. Ergo votum non est religionis actus.

Sed contra est quod dicitur Isai. xix. 21. *Colent eum in hostiis, & muneribus; & vota vovebunt Domino, & solvent.* Sed colere Deum est proprie religionis, sive latræ. Ergo votum est actus latræ, sive religionis.

Respondeo dicendum, quod, sicut supra dictum est (quæst. lxxxix. art. 1. ad 1.) omne opus virtutis ad religionem, seu latræm pertinet per modum imperii, secundum quod ad divinam reverentiam ordinatur; quod est proprius finis latræ. Ordinare autem alios actus in suum finem, pertinet ad virtutem imperantem, non ad virtutes imperatas. Et ideo ipsa ordinatio actuum cuiuscunque virtutis in servitium Dei, est proprius actus latræ.

Manifestum est autem ex prædictis (art. 1. & 2. hu. quæst.) quod votum est quædam promissio Deo facta, & quod promissio nihil est aliud quam ordinatio quædam eius quod promittitur, in eum cui promittitur. Unde votum est ordinatio quædam eorum quæ quis voveret, in divinum cultum, seu obsequium. Et sic patet quod vovere proprie est actus latræ, seu religionis.

Ad primum ergo dicendum, quod illud quod cadit sub voto, quandoque quidem est actus alterius virtutis, sicut ieiunare, & continentiam servare; quandoque vero est actus religionis, sicut sacrificium offerre, vel orare. Utrumque tamen promissio Deo facta ad religionem pertinet, ratione iam dicta (in corp. art.) Unde patet quod votorum quoddam pertinet ad religionem ratione solius promissionis Deo factæ, quæ est essentia voti; (a) quoddam etiam ratione rei promissæ, quæ est voti materia.

Ad secundum dicendum, quod ille qui promittit, inquantum se obligat ad dandum, iam quodammodo dat; sicut dicitur fieri aliquid, cum fit causa eius, quia effectus virtute continetur in causa: & inde est quod non solum danti, sed etiam promittenti gratiæ aguntur.

Ad tertium dicendum, quod votum

soli Deo fit; sed promissio etiam potest fieri homini: & ipsa promissio boni quæ fit homini, potest cadere sub voto, inquantum est quoddam opus virtutis. Et per hunc modum intelligendum est votum quo quis voveret aliquid Sanctis, vel prælatis; ut ipsa promissio facta Sanctis, vel prælatis cadat sub voto materialiter, inquantum scilicet homo voveret Deo, se implendum quod Sanctis, vel prælatis promittit.

## ARTICULUS VI. 475

*Utrum magis sit laudabile, & meritorium facere aliquid ex voto quam sine voto.*

*Inf. quæst. clxxxix. art. 2. cor. & III. P. quæst. xxviii. art. 4. corp. & III. cont. cap. cxxxviii. & opus. xvii. cap. xii. & opus. xviii. cap. xiii.*

**A**D sextum sic proceditur. Videtur quod magis sit laudabile, & meritorium facere aliquid sine voto quam cum voto. Dicit enim Prosper in II. de vita contemplativa (cap. xxiv. in princ.) *Sic abstinere, vel ieiunare debemus, ut non nos necessitati ieiunandi subdamus; ne iam non devoti, sed inviti rem voluntariam faciamus.* Sed ille qui voveret ieiunium, subdit se necessitati ieiunandi. Ergo melius esset, si ieiunaret sine voto.

2. Præterea. Apostolus dicit II. Corinth. ix. 7. *Unusquisque prout destinavit in corde suo, non ex tristitia, aut ex necessitate: hilariter enim datorem diligit Deus.* Sed quidam ea quæ vovent, ex tristitia faciunt; & hoc videtur procedere ex necessitate quam votum imponit, quia necessitas contristans est, ut dicitur V. Metaph. (tex. 6.) Ergo melius est aliquid facere sine voto quam cum voto.

3. Præterea. Votum necessarium est ad hoc quod firmetur voluntas hominis ad rem quam voveret, ut supra habitum est (art. 4. hu. quæst.) Sed non potest firmari melius voluntas ad aliquid faciendum quam cum actu facit illud. Ergo non melius est facere aliquid cum voto quam sine voto.

Sed contra est quod super illud Pf. lxxv. 12. *Vovete, & reddite*, dicit Glossa: „Vovete, vere voluntati consulitur.“ Sed consilium non est nisi de meliori bono. Ergo melius est facere aliquid opus ex voto quam

(a) Alii, quandoque.

quam sine voto: quia qui facit sine voto, implet tantum unum consilium, scilicet de faciendo; qui autem facit cum voto, implet duo consilia, scilicet de vovendo, & faciendo.

Respondetur dicendum, quod triplici ratione facere idem opus cum voto est melius, & magis meritorium quam facere sine voto.

Primo quidem quia vovere, sicut dictum est (art. præc.) est actus laetitiae, quæ est præcipua inter virtutes morales. Nobilioris autem virtutis est opus melius, & magis meritorium. Unde altius inferioris virtutis est melior, & magis meritorium ex hoc quod imperatur a superiori virtute, cuius actus fit per imperium; sicut actus fidei, vel spei melior est, si imperetur a caritate. Et ideo opera aliarum virtutum moralium (puta ieiunare, quod est actus abstinentiæ, & continere, quod est actus castitatis) sunt meliora, & magis meritoria, si fiant ex voto, quia sic iam pertinent ad divinum cultum, quasi quædam Dei sacrificia. Unde Augustinus dicit in Lib. de virg. (cap. viii. circ. princ.) quod *neque ipsa virginitas, quia virginitas est, sed ipsa Deo dedicata est, honoratur; quam fovet, & servat continentia pietatis.*

Secundo quia ille qui voverit aliquid, & facit, plus se Deo subiicit, quam ille qui solum facit: subiicit enim se Deo non solum quantum ad actum, sed etiam quantum ad potestatem, quia de cetero non potest aliud facere; sicut plus daret homini qui daret ei arborem cum fructibus, quam qui daret ei fructus tantum, ut dicit Anselmus in Libro de similitud. (cap. lxxxiv. a princ.) Et inde est quod etiam promittentibus gratia aguntur, ut dictum est (art. præc. ad 2.).

Tertio quia per votum immobiliter voluntas firmatur in bonum. Facere autem aliquid ex voluntate firmata in bonum, pertinet ad perfectionem virtutis, ut patet per Philosophum in II. Ethic. (cap. iv. circ. med.) Sicut etiam peccare mente obstinata, aggravat peccatum, & dicitur peccatum in Spiritum sanctum, ut supra dictum est (quæst. xiv. art. 1.).

Ad primum ergo dicendum quod auctoritas illa est intelligenda de necessitate coactionis, quæ involuntarium causat, & devotionem excludit. Unde significanter dicit: *Ne iam non devoti, sed invoti rem voluntariam faciamus.* Necessitas autem voti per immobilitatem fit

voluntatis: unde & voluntatem confirmat, & devotionem auget. Et ideo ratio non sequitur.

Ad secundum dicendum, quod necessitas coactionis, inquantum est contraria voluntati sterilitatem causat, secundum Philosophum. Necessitas autem voti in his qui sunt bene dispositi, inquantum voluntatem confirmat, non causat tristitiam, sed gaudium. Unde Augustinus sicut in epist. ad Armentarium, & Paulinum (cxxxvii. al. xiv. vers. fin.) *Non te vovisse pœniteat, immo gaude iam tibi hoc non licere quod cum tuo detrimento licebat.* Si tamen ipsum opus secundum se consideratum, triste & involuntarium redderetur post votum, dum tamen remaneat voluntas votum implendi, adhuc est magis meritorium quam si heret sine voto: quia impletio voti est actus religionis, quæ est potior virtus quam abstinencia, cuius actus est ieiunare.

Ad tertium dicendum, quod ille qui facit aliquid sine voto, habet immobilem voluntatem respectu illius operis singularis quod facit, & tunc quando facit; non autem manet voluntas eius omnino firmata in tuturum, sicut vovens, qui suam voluntatem obligavit ad aliud faciendum, & antequam faceret illud singulare opus, & fortasse ad pluries faciendum.

## ARTICULUS VII. 476

*Utrum votum solemnizetur per suspensionem sacri ordinis, & per professionem ad certam regulam.*

*Inf. art. 9. cor. & IV. dist. xxxviii. quæst. 1. art. 2. quæst. 3. & quod. 111. art. 18. cor. & quod. viii. art. 10. cor.*

**A**D septimum sic proceditur. Videtur quod votum non solemnizetur per suspensionem sacri ordinis, & per professionem ad certam regulam. Votum enim, ut dictum est (art. 4. huius quæst.) est promissio Deo facta. Ea vero quæ exterius aguntur ad solemnitatem pertinentia, non videntur ordinari ad Deum, sed ad homines. Ergo per accideas habent ad votum. Non ergo solemnitas talis est propria conditio voti.

2. Præterea. Illud quod pertinet ad conditionem alicuius rei, videtur posse competere omnibus illis in quibus res illa invenitur. Sed multa possunt sub vo-  
la cadere quæ non pertinent neque ad  
sacrum

sacrum ordinem, neque pertinent ad aliquam certam regulam; sicut cum quis vovet peregrinationem, aut aliquid huiusmodi. Ergo solemnitas quæ sit in susceptione sacri ordinis, vel in professione certæ regulæ, non pertinet ad conditionem voti.

3. Præterea. Votum solemnne idem videtur esse quod votum publicum. Sed multa alia vota possunt fieri in publico, quam votum quod emittitur in susceptione sacri ordinis, vel professione certæ regulæ; & huiusmodi etiam vota possunt fieri in occulto. Ergo non solum huiusmodi vota sunt solemnia.

Sed contra est quod solum huiusmodi vota impediunt matrimonium contrahendum, & dirimunt iam contractum: quod est effectus voti solemnitis, ut infra dicitur in tertia huius operis Parte: (quam non abolvit. Vid. Supplem. quæst. lxxxi. art. 2.)

Respondendo dicendum, quod unicuique rei solemnitas adhibetur secundum illius rei conditionem; sicut alia est solemnitas novæ militiæ, scilicet in quodam apparatu eorum, & armorum, & concursu militum; & alia solemnitas nuptiarum, quæ consistit in apparatu sponsi, & sponsæ, & conventu propinquorum.

Votum autem est promissio Deo facta. Unde solemnitas voti attenditur secundum aliquid spirituale, quod ad Deum pertineat, id est secundum aliquam spirituales benedictionem, vel consecrationem, quæ ex institutione Apostolorum adhibetur in professione certæ regulæ, secundo gradu post sacri ordinis susceptionem, ut dicit Dionysius xi. cap. ecclesiasticæ Hierar. Et huius ratio est, quia solemnitates non consueverunt adhiberi, nisi quando aliquis totaliter mancipatur alicui rei. Non enim solemnitas nuptialis adhibetur nisi in celebratione matrimonii, quando uterque coniugum sui corporis potestatem alteri tradit. Et similiter voti solemnitas adhibetur, quando aliquis per susceptionem sacri ordinis divino ministerio applicatur; & in professione certæ regulæ, quando per abrenuntiationem sæculi, & propriæ voluntatis aliquis statum perfectionis assumit.

Ad primum ergo dicendum, quod huiusmodi solemnitas pertinet non solum ad homines, sed ad Deum, in quantum habet aliquam spirituales consecrationem, seu benedictionem, cuius Deus est auctor, etsi homo sit minister, secundum

illud Num. vi. 27. *Invocabunt nomen meum super filios Israel, & ego benedicam eis.* Et ideo votum solemnne habet fortiores obligationem apud Deum quam votum simplex, & gravius peccat qui illud transgreditur. Quod autem dicitur, quod votum simplex non minus obligat apud Deum quam votum solemnne, intelligendum est quantum ad hoc quod utriusque transgressor peccat mortaliter.

Ad secundum dicendum, quod particularibus actibus non consuevit solemnitas adhiberi, sed assumptioni novi status, ut dictum est (in corp. art.) Et ideo cum quis vovet aliqua particularia opera, sicut aliquam peregrinationem, vel aliquod speciale ieiunium, tali voto non congruit solemnitas, sed solum voto quo aliquis totaliter se subiicit divino ministerio, seu famularui: in quo tamen voto quasi universaliter multa particularia opera comprehenduntur.

Ad tertium dicendum, quod vota ex hoc quod fiunt in publico, possunt habere quamdam solemnitatem humanam, non autem solemnitatem spirituales, & divinam, sicut habent vota præmissa, etiam si coram paucis fiant. Unde aliud est votum esse publicum, & aliud esse solemnne.

## ARTICULUS VIII. 477

*Utrum illi qui sunt alterius potestati subiecti, impediuntur a vovendo.*

*Inf. quæst. cxxxix. art. 5. & IV. dist. xxxii. art. 4. & dist. xxxviii. quæst. 2. art. 1. quæst. 3. & opusc. xvii. cap. xii.*

**A**D octavum sic proceditur. Videtur quod illi qui sunt alterius potestati subiecti, non impediuntur a vovendo. Minus enim vinculum superatur a maiori. Sed obligatio qua quis subiicitur homini, est minus vinculum quam votum, per quod aliquis obligatur Deo. Ergo illi qui sunt alienæ potestati subiecti, non impediuntur a vovendo.

2. Præterea. Filii sunt in potestate patris. Sed filii possunt profiteri in aliqua religione etiam sine voluntate parentum. Ergo non impeditur aliquis a vovendo per hoc quod est subiectus potestati alterius.

3. Præterea. Maius est facere quam promittere. Sed religiosi, qui sunt sub potestate prælatorum, possunt aliqua facere sine licentia suorum prælatorum, puta

puta dicere aliquos Psalmos, vel facere aliquas abstinencias. Ergo videtur quod multo magis possint huiusmodi Deo vovendo promittere.

4. Præterea: Quicumque facit quod de iure facere non potest, peccat. Sed subditi non peccant vovendo, quia hoc nunquam invenitur prohibitum. Ergo videtur quod de iure possint vovere.

Sed contra est quod Num. xxx. 4. mandatur, quod si mulier in domo patris sui, & adhuc in puellari ætate aliquid voverit, non tenetur vœ voti, nisi pater eius consenserit: & idem dicit de muliere habente virum. Ergo pari ratione nec alie personæ alterius potestati subiectæ possunt se voto obligare.

Respondeo dicendum, quod, sicut supra dictum est (art. 4. huius quæst.) votum est promissio quædam Deo facta. Nullus autem potest per promissionem se firmiter obligare ad id quod est in potestate alterius, sed solum ad id quod est omnino in sua potestate. Quicumque autem est subiectus alicui, quantum ad id in quo est subiectus, non est suæ potestatis facere quod vult, sed dependet ex voluntate alterius.

Et ideo non potest se per votum firmiter obligare in his in quibus alteri subiacet, sine consensu sui superioris.

Ad primum ergo dicendum, quod sub promissione Deo facta non cadit nisi quod est virtuosum, ut supra dictum est (art. 2. huius quæst.) Est autem contra virtutem ut id quod est alterius, homo offerat Deo, ut supra dictum est (quæst. xxxii. art. 7. & quæst. lxxxvi. art. 3.) Et ideo non potest omnino salvari ratio voti, cum quis in potestate alterius constitutus vovet id quod est in potestate alterius, nisi sub conditione, si ille ad cuius potestatem pertinet, non contradicat.

Ad secundum dicendum, quod ex quo homo venit ad annos pubertatis, si sit liberæ conditionis, est suæ potestatis quantum ad ea quæ pertinent ad suam personam, puta quod obliget se religioni per votum, vel quod matrimonium contrahat; non autem est suæ potestatis quantum ad dispositionem domesticam, unde circa hoc non potest aliquid vovere quod sit ratum sine consensu patris. Servus autem, quia est in potestate domini etiam quantum ad personales operationes, non potest se voto obligare ad religionem, per quam ab obsequio domini sui abstraheretur.

Ad tertium dicendum, quod religiosus subditus est prælato quantum ad suas operationes secundum professionem regulæ. Et ideo etiam si aliquis ad horam aliquid facere possit, quando ad alia non occupatur a prælato; quia tamen nullum tempus est exceptum in quo prælatus non possit eum circa aliquid occupare, nullum votum religiosi est firmum, nisi sit de consensu prælati; sicut nec votum puellæ existentis in domo, nisi sit de consensu patris; nec uxoris, nisi sit de consensu viri.

Ad quartum dicendum, quod licet votum eorum qui sunt alterius potestati subditi, non sit firmum sine consensu eorum quibus subiacentur; non tamen peccant vovendo, quia in eorum voto intelligitur debita conditio, scilicet si suis superioribus placuerit, vel non renitentur.

## ARTICULUS IX. 478

*Utrum pueri possint voto se obligare ad religionis ingressum.*

*Inf. quæst. clxxxix. art. 5. cor. & IV. dist. xxvii. qu. 11. art. 2. cor. & dist. xxxviii. quæst. 1. art. 1. quæst. 3. & opus. xvii. cap. xii. & cap. xiii. ad 10.*

**A**D nonum sic proceditur. Videtur quod pueri non possint voto se obligare ad religionis ingressum. Cum enim ad votum requiratur animi deliberatio, non competit vovere nisi illis qui habent usum rationis. Sed hoc deficit in pueris, sicut & in amentibus, vel furiosis. Sicut ergo amentes, & furiosi non possunt se ad aliquid voto adstringere; ita etiam nec pueri, ut videtur, possunt se voto obligare religioni.

2. Præterea. Illud quod rite potest ab aliquo fieri, non potest ab alio irritari. Sed votum religionis a puero, vel puella factum ante annos pubertatis, potest a parentibus revocari, vel a tutore, ut habetur xx. quæst. 11. (can. Puella.) Ergo videtur quod puer, vel puella ante quatuordecim annos non possit rite vovere.

3. Præterea. Religionem intrantibus annus probationis conceditur secundum regulam B. Benedicti (cap. lxxiii.) & secundum statutum Innocentii IV. (id hab. Alex. II. epist. xxvi. tom. 9. Concil. & hab. cap. Consalvus xvii. quæst. 11.) ad hoc quod probatio obligationem voti

voti præcedat. Ergo illicitum videtur esse quod pueri voto obligentur ad religionem ante probationis annum.

Sed contra. Id quod non est rite factum, non est validum, etiam si a nullo revocetur. Sed votum puellæ etiam ante annos pubertatis emissum, validum est, si intra annum a parentibus non revocetur, ut habetur xx. quæst. 11. (can. Puella.) Ergo licite, & rite possunt pueri voto obligari ad religionem, etiam ante annos pubertatis.

Respondeo dicendum, quod, sicut ex supra dictis patet (art. 7. huius quæst.) duplex est votum, scilicet simplex, & solemne. Et quia solemnitas voti in quadam spirituali benedictione, & consecratione consistit, ut dictum est (ibid.) quæ sit per ministerium Ecclesiæ, ideo solemnizatio voti sub dispensatione Ecclesiæ cadit. Votum autem simplex efficaciam habet ex deliberatione animi, qua quis se obligare intendit.

Quod autem talis obligatio robur non habeat, dupliciter potest contingere: uno quidem modo propter defectum rationis, sicut patet in iuriosis, & in amentibus, qui se voto non possunt obligare ad aliquid, dum sunt in furia, vel amentia: alio modo quia ille qui vover, est alterius potestati subiectus, ut supra dictum est (art. præc.)

Et ista duo concurrunt in pueris ante annos pubertatis, quia & parviunt rationis defectum ut in pluribus, & sunt naturaliter sub cura parentum, vel tutorum, qui sunt eis loco parentum: & ideo eorum vota ex duplici causa robur non habent. Contingit tamen propter naturæ dispositionem, quæ legibus humanis non subditur, in aliquibus, licet paucis, accelerari rationis usum, qui ob hoc dicuntur doli capaces: nec tamen propter hoc in aliquo eximuntur a cura parentum, quæ subiacet legi humanæ respicienti ad id quod frequentius accidit.

Est ergo dicendum, quod si puer, vel puella ante pubertatis annos nondum habeat usum rationis, nullo modo potest ad aliquid se voto obligare. Si vero ante pubertatis annos attingit usum rationis, potest quidem (quantum in ipso est) se obligare; sed votum eius potest irritari per parentes, quorum curæ remanet adhuc subiectus. Quantuncumque tamen sit doli capax, ante annos pubertatis non potest obligari voto solemniori religionis, propter Ecclesiæ statum, quod respicit id quod in pluribus

accidit. Post annos autem pubertatis possunt iam se voto religionis obligare vel simplici, vel solemniori, absque voluntate parentum.

Ad primum ergo dicendum, quod ratio illa procedit de pueris qui nondum attingunt usum rationis, quorum vota sunt invalida, ut dictum est (in corp. art.)

Ad secundum dicendum, quod vota eorum qui sunt in potestate aliorum, habent conditionem implicitam, scilicet si non revocentur a superiore, ex qua licita redduntur, & valida, si conditio existat, ut dictum est (art. præc.)

Ad tertium dicendum, quod ratio illa procedit de voto solemniori, quod sit per professionem.

## ARTICULUS X. 479

*Utrum possit in voto dispensari.*

*IV. dist. xxxviii. quæst. 1. art. 4. quæst. 1. cor. & ad 2. & quæst. 2.*

**A**D decimum sic proceditur. Videtur quod in voto dispensari non possit. Minus enim est commutari votum quam in eo dispensari. Sed votum non potest commutari: dicitur enim Levit. xxvii. 9. *Animal quod immolari potest Domino, si quis voverit, sanctum erit, & mutari non poterit, nec melius malo, nec peius bono.* Ergo multo minus potest dispensari in voto.

2. Præterea. In his quæ sunt de lege naturæ, & in præceptis divinis non potest per hominem dispensari, præcipue in præceptis primæ tabulæ, quæ ordinantur directe ad dilectionem Dei, quæ est ultimus præceptorum finis. Sed implere votum est de lege naturæ, & est etiam præceptum legis divinæ, ut ex supra dictis patet (art. 3. huius quæst.) & pertinet ad præcepta primæ tabulæ, cum sit actus latræ. Ergo in voto dispensari non potest.

3. Præterea. Obligatio voti fundatur super fidelitatem quam homo debet Deo, ut dictum est (art. 3. huius quæst.) Sed in hac nullus potest dispensare. Ergo nec in voto.

Sed contra. Maioris firmitatis esse videtur quod procedit ex communi multorum voluntate, quam quod procedit ex singulari voluntate aliquius personæ. Sed in lege, quæ habet robur ex communi voluntate, potest per hominem dispensari.

fari. Ergo videtur quod etiam in voto per hominem dispensari possit.

Respondendo dicendum, quod dispensatio voti intelligenda est ad modum dispensationis quæ fit in observantia alicuius legis: quia, ut supra dictum est (1. 2. quæst. xc. art. 2.) lex ponitur respiciendo ad id quod est ut in pluribus bonum. Sed quia contingit huiusmodi in aliquo casu non esse bonum, oportuit per aliquem determinari, in illo particulari casu legem non esse servandam. Et hoc proprie est dispensare in lege: nam dispensatio videtur importare quandam commensuratum distributionem, vel applicationem communis alicuius ad ea quæ sub ipso continentur; per quem modum dicitur aliquis dispensare cibum familiæ.

Similiter autem ille qui vover, quodammodo sibi statuit legem, obligans se ad aliquid quod est secundum se, & ut in pluribus bonum. Potest tamen contingere quod in aliquo casu sit vel simpliciter malum, vel inutile, vel maioris boni impeditivum; quod est contra rationem eius quod cadit sub voto, ut ex prædictis patet (art. 2. huius quæst.) Et ideo necesse est quod determinetur in tali casu votum non esse servandum.

Et si quidem absolute determinetur aliquod votum non esse servandum, dicitur esse dispensatio voti; si autem pro hoc quod servandum erat, aliquid aliud imponatur, dicitur commutatio voti. Unde minus est votum commutare quam in voto dispensare; utrumque tamen in potestate Ecclesiæ consistit.

Ad primum ergo dicendum, quod animal quod immolari poterat, ex hoc ipso quod volebatur, sanctum reputabatur, quasi divino cultui mancipatum: & hæc erat ratio, quare non poterat commutari; sicut nec modo posset aliquis rem quam vovit, iam consecratam (puta calicem, vel domum) commutare in melius, vel in peius. Animal autem quod non poterat sanctificari, quia non erat immolaticium, redimi poterat, & debebat, sicut ibidem lex dicit. Et ita etiam nunc commutari possunt vota, si consecratio non interveniat.

Ad secundum dicendum, quod sicut ex iure naturali, & præcepto divino tenetur homo implere votum; ita etiam tenetur ex eisdem obedire superiorum legi, vel mandato. Et tamen cum dispensatur in aliqua lege humana, non fit ut legi humanæ non obediatur, quod est

contra legem naturæ, & mandatum divinum; sed fit ut hoc quod erat lex, non sit lex in hoc casu. Ita etiam auctoritate superioris dispensantis fit ut hoc quod continebatur sub voto, non contineatur, inquantum determinatur in hoc casu hoc non esse congruum materiam voti. Et ideo cum prælatus Ecclesiæ dispensat in voto, non dispensat in præcepto iuris naturalis, vel divini; sed determinat id quod cadebat sub obligatione deliberationis humanæ, quæ non potuit omnia circumspicere.

Ad tertium dicendum, quod ad fidelitatem Deo debitam non pertinet quod homo faciat id quod (a) ad vovendum est malum, vel inutile, vel maioris boni impeditivum, ad quod tendit voti dispensatio: & ideo dispensatio voti non est contra fidelitatem Deo debitam.

## ARTICULUS XI. 480

*Utrum in voto solemnī continentie possit fieri dispensatio.*

*Inf. quæst. cxxxvi. art. 8. ad 3.*

**A**D undecimum sic proceditur. Videtur quod in voto solemnī continentie possit fieri dispensatio. Una enim ratio dispensandi in voto est, si sit impeditivum melioris boni, sicut dicitur (art. præc.) Sed votum continentie, etiam si sit solemne, potest esse impeditivum melioris boni: nam bonum commune est divinius quam bonum unius. Potest autem per continentiam alicuius impediri bonum totius multitudinis; puta si quando per contractum matrimonii aliquarum personarum quæ continentiam voverunt, posset pax patriæ procurari. Ergo videtur quod etiam in solemnī voto continentie possit dispensari.

2. Præterea. Latria est nobilior virtus quam castitas. Sed si quis voverit aliquem actum latriæ, puta offerre Deo sacrificium, potest in illo voto dispensari. Ergo multo magis potest dispensari in voto continentie, quod est de actu castitatis.

3. Præterea. Sicut votum abstinentie observatum potest vergere in periculum personæ, ita etiam observatio voti continentie. Sed in voto abstinentie, si vergat in corporale periculum vovens, potest fieri dispensatio. Ergo etiam pari ratione in voto continentie potest dispensari.

4. Præ-

(a) Ita commutatur. Codex Alcan. hæc et in textu ad vitandum, sed in margine ad vovendum.



4. Præterea. Sicut sub professione religionis, ex qua votum solemnizatur, continetur votum continentiae, ita etiam votum paupertatis, & obedientiae. Sed in voto paupertatis, & obedientiae potest dispensari, sicut patet in illis qui post professionem ad Episcopatum assumuntur. Ergo videtur quod in solemnii voto continentiae possit dispensari.

Sed contra est quod dicitur Eccli. xxvi. 20. *Omnis ponderatio non est digna animae continentis.*

Præterea. Extra, de statu monach. in fine illius Decretalis, *Cum ad monasterium, dicitur: Abdicatio proprietatis, sicut etiam custodia castitatis, adeo annexa est regulæ monachali, ut contra eam nec summus Pontifex possit licentiam inducere.*

Respondeo dicendum, quod in solemnii voto continentiae tria possunt considerari: primo quidem materia voti, scilicet ipsa continentia; secundo perpetuitas voti, scilicet cum aliquis voto se adstringit ad perpetuum observantiam continentiae; tertio ipsa solemnitas voti.

Dicitur ergo quidam, quod votum solemnne est indispensable ratione ipsius continentiae, quæ non recipit condignam recompensationem, ut patet ex auctoritate inducta. Cuius rationem quidam assignant, quia per continentiam homo triumphat de domestico inimico, vel quia per continentiam homo perfecte conformatur Christo secundum puritatem animæ, & corporis.

Sed hoc non videtur efficiter dici: quia bona animæ, utpote contemplatio, & oratio, sunt multo meliora bonis corporis, & magis nos Deo conformant: & tamen potest dispensari in voto orationis, vel contemplationis. Unde non videtur esse ratio quare non possit dispensari in voto continentiae, si respiciatur absolute ad ipsam continentiae dignitatem; præsertim cum Apostolus I. ad Corinth. vii. 34. ad continentiam inducat propter contemplationem, dicens, quod *mulier innupta cogitat quæ Dei sunt.* Finis autem potior est his quæ sunt ad finem.

Et ideo alii rationem huius assignant ex perpetuitate, & universalitate huius voti. Dicunt enim, quod votum continentiae non potest prætermitti, nisi per id quod est omnino contrarium; quod nunquam licet in aliquo voto.

Sed hoc est manifeste falsum. Quia sic ut uti carnali copula est continentiae

contrarium; ita comedere carnes, vel bibere vinum, est contrarium abstinentiae a talibus; & tamen in huiusmodi votis potest dispensari.

Et ideo aliis videtur quod etiam in voto solemnii continentiae possit dispensari propter aliquam communem utilitatem, seu necessitatem, ut patet in exemplo præmissio (in arg. 1.) de pacificatione terrarum ex aliquo matrimonio contrahendo.

Sed quia Decretalis inducta expresse dicit, quod *nec summus Pontifex potest contra custodiam castitatis monacho licentiam dare*; ideo aliter videtur dicendum, quod, sicut supra dictum est (art. præc. arg. 1. & ad 1.) & habetur Levit. ult. illud quod semel sanctificatum est Domino, non potest in alios usus commutari. Non autem potest facere aliquis Ecclesiae prælatus ut id quod est sanctificatum, sanctificationem amittat, etiam in rebus inanimatis; puta quod calix consecratus destinatus esse consecratus, si maneat integer. Unde multo minus potest hoc facere aliquis prælatus ut homo Deo consecratus, quamdiu vivit, consecratus esse desistat. Solemnitas autem voti consistit in quadam consecratione, seu benedictione voventis, ut dictum est (art. 7. hu. quæst.) Et ideo non potest fieri per aliquem prælatum Ecclesiae quod ille qui votum solumne emisit, desistat ab eo ad quod est consecratus; puta quod ille qui est sacerdos, non sit sacerdos; licet possit prælatus ob aliquam causam executionem ordinis inhibere. Et simili ratione Papa non potest facere quod ille qui est professus religionem, non sit religiosus; licet quidam lurræ ignoranter contrarium dicant.

Est ergo considerandum, utrum continentia sit essentialiter annexa ei ad quod votum solemnizatur: quia si non est essentialiter annexa, potest manere solemnitas consecrationis sine debito continentiae: quod non potest contingere, si sit essentialiter annexum ei ad quod votum solemnizatur. Non est autem essentialiter annexum debitum continentiae Ordini sacro, sed ex statuto Ecclesiae: Unde videtur quod per Ecclesiam possit dispensari in voto continentiae solemnizato per susceptionem sacri ordinis. Est autem debitum continentiae essentialiter statui religionis, per quem homo abrenuntiat sæculo, totaliter Dei servitio mancipatus: quod non potest simul stare cum matrimonio, in quo incumbit necessitas pro-

procreandæ uxoris, & prolis, & familiaris, & rerum quæ ad hoc requiruntur. Unde Apostolus dicit I. ad Corinth. VII. 33. quod qui est cum uxore, sollicitus est quæ sunt mundi, quomodo placeat uxori, & divisus est. Unde nomen Monachi ab unitate sumitur, per oppositum ad divisionem prædictam. Et ideo in voto solemnizato per professionem religionis non potest per Ecclesiam dispensari: & rationem assignat Decretalis, quia castitas est annexa regulæ monachali.

Ad primum ergo dicendum, quod periculis rerum humanarum est obviandum per res humanas, non autem per hoc quod res divinæ convertantur in usum humanum. Professi autem religionem mortui sunt mundo, & vivunt Deo: unde non sunt revocandi ad vitam humanam occasione cuiuscumque eventus.

Ad secundum dicendum, quod in voto temporalis continentie dispensari potest, sicut & in voto temporalis orationis, vel temporalis abstinentie. Sed quod in voto continentie per professionem solemnizato non possit dispensari, hoc non est, inquantum est actus castitatis, sed inquantum incipit ad latrariam pertinere per professionem religionis.

Ad tertium dicendum, quod cibus directe ordinatur ad conservationem personæ: & ideo abstinentia cibi directe potest vergere in periculum personæ. Unde ex hac ratione recipit votum abstinentie dispensationem. Sed coitus non ordinatur directe ad conservationem personæ, sed ad conservationem speciei: unde nec directe abstinentia coitus per continentiam vergit in periculum personæ. Sed si per accidens ex ea aliquod periculum personale accidat, potest aliter subveniri, scilicet per abstinentiam, vel alia corporalia remedia.

Ad quartum dicendum, quod religiosus qui fit Episcopus, sicut non absoluitur a voto continentie, ita nec a voto paupertatis: quia nihil debet habere tamquam proprium, sed sicut dispensator communium bonorum Ecclesiæ: similiter etiam non absoluitur a voto obedientie; sed per accidens obedire non tenetur, si superiori non habeat; sicut nec Abbas monasterii, qui tamen non est ab obedientia voto absolutus.

Auctoritas vero Ecclesiastica, quæ in contrarium obicitur, intelligenda est quantum ad hoc quod nec secunditas carnis, nec aliquod corporale bonum est comparandum bono continentie, quæ

inter bona animæ computatur, ut Augustinus dicit in Lib. de sanct. virg. (cap. VII. & VIII. & Lib. de bono coniug. cap. XXI.) Unde signanter dicitur, animæ continentis, non carnis continentis.

## ARTICULUS XII. 481

*Utrum ad commutationem, vel dispensationem voti requiratur prælati auctoritas.*

*Sup. art. 1. ad 3. & IV. diff. XXXVIII. quæst. 1. art. 1. quæst. 1. ad 4. & art. 4. quæst. 1. cor. Et ad 2. & quæst. 4. per tot.*

**A**D duodecimum sic proceditur. Videtur quod ad commutationem, vel dispensationem voti non requiratur prælati auctoritas. Aliquis enim potest intrare religionem absque auctoritate alicuius superioris prælati. Sed per introitum religionis absolvitur homo a votis in sæculo factis, etiam a voto terre sanctæ. Ergo voti commutatio, vel dispensatio potest esse absque auctoritate superioris prælati.

2. Præterea. Dispensatio voti in hoc consistere videtur quod determinatur in quo casu votum non sit observandum. Sed si prælatus male determinet, non videtur esse vovens absolutus a voto: quia nullus prælatus potest dispensare contra præceptum divinum de implendo voti, ut dictum est (art. 10. hu. quæst. ad 2. & art. præc.) Similiter etiam si aliquis propria auctoritate recte determinet, in quo casu votum non sit implendum, non videtur voto teneri: quia votum non obligat in casu in quo habet peiorem eventum, ut dictum est (art. 2. hu. quæst.) Ergo dispensatio voti non requirit auctoritatem alicuius prælati.

3. Præterea. Si dispensare in voto pertinet ad potestatem prælatorum, pari ratione pertinet ad omnes. Sed non pertinet ad omnes dispensare in quolibet voto. Ergo non pertinet ad potestatem prælatorum dispensatio voti.

Sed contra. Sicut lex obligat ad aliquid faciendum, ita & votum. Sed ad dispensandum in præcepto legis requiritur superioris auctoritas, ut supra dictum est (1. 2. quæst. xcvi. art. 4.) Ergo pari ratione etiam in dispensatione voti.

Respondeo dicendum, quod, sicut supra dictum est (art. 1. & 2. hu. quæst.) votum est promissio Deo facta de aliquo quod sit Deo acceptum. Quid sit autem

in

in aliqua promissione acceptum ei cui promittitur, ex eius pendet arbitrio. Prælati autem in Ecclesia gerit vicem Dei. Et ideo in commutatione, vel dispensatione votorum requiritur prælati auctoritas, qui in persona Dei determinat, quid sit Deo acceptum, secundum illud II. Cor. 11. 20. *Nam & ego quod donavi, si quid donavi: propter vos in persona Christi: & signanter dicit, propter vos, quia omnis dispensatio petita a prælato debet fieri ad honorem Christi, in cuius persona dispensat, vel ad utilitatem Ecclesiae, quæ est eius corpus.*

Ad primum ergo dicendum, quod omnia alia vota sunt quorundam particularium operum; sed per religionem homo totam vitam suam Dei obsequio deputat. Particulare autem in universalis includitur: & ideo Decretalis dicit (cap. *Scripturæ*, de voto &c.) quod *reus voti fracti non habetur quæ temporale obsequium in perpetuum religionis observantiam commutat.* Nec tamen religionem ingrediens tenetur implere vota vel ieiuniorum, vel orationum, vel aliorum huiusmodi quæ existens in sæculo fecit: quia religionem ingrediens moritur priori vitæ: & etiam singulares observantiae religioni non competunt; & religionis omnis fatis hominem onerat, ut alia superaddere non oporteat.

Ad secundum dicendum, quod quidam dixerunt, quod ideo prælati possunt in votis pro libito dispensare, quia in quolibet voto includitur conditionaliter voluntas prælati superioris, sicut supra dictum est (art. 8. huius quæst.) quod in votis subditorum (puta servi, vel filii) intelligitur conditio, *si placuerit patri, vel domino, vel si non veniantur.* Et sic subditus absque omni remorsu conscientiae possit votum prætermittere, quandoqueque sibi a prælato diceretur.

Sed prædicta positio falso innuitur: quia cum potestas prælati spiritualis, qui non est dominus, sed dispensator, in adificationem sit data, & non in destructionem, ut patet II. ad Cor. x. sicut prælatus non potest imperare ea quæ secundum se Deo displicent, scilicet peccata; ita non potest prohibere ea quæ secundum se Deo placent, scilicet virtutis opera. Et ideo absolute potest homo votum ea. Ad prælatum tamen pertinet diiudicare, quid sit magis virtuosum, & Deo magis acceptum. Et ideo in manifestis dispensatio prælati non excusaret a

*S. Th. Oper. Tom. XXII.*

culpa; puta si prælatus dispensaret cum aliquo super voto de ingressu religionis, nulla apparenti causa obstante. Si autem esset causa apparens, per quam saltem in dubium verteretur, posset stare iudicio prælati dispensantis, vel commutantis; non ramen iudicio proprio, quia ipse non gerit vicem Dei; nisi forte in casu in quo id quod vovit, esset manifeste illicitum, & non posset opportune ad superiorem recurrere.

Ad tertium dicendum, quod quia summus Pontifex gerit plenarie vicem Christi in tota Ecclesia, ipse habet plenitissimam potestatem dispensandi in omnibus dispensabilibus votis. Aliis autem inferioribus prælati committitur dispensatio in votis quæ communiter sunt, & indigent frequenti dispensatione, ut habeant de facili homines ad quem recurrant; sicut sunt vota peregrinationum, & ieiuniorum, & aliorum huiusmodi. Vota veto maiora, puta continentia, & peregrinationis terræ sanctæ, reservantur summo Pontifici.

## QUAESTIO LXXXIX

*De iuramento,*

*in decem articulis divisa.*

**D**Einde considerandum est de actibus exterioribus latræ, quibus aliquid divinum ab hominibus assumitur, quod est vel sacramentum aliquid, vel ipsum nomen divinum. Sed de sacramenti assumptione locus erit tractandi in tercia huius operis parte; de assumptione autem nominis divini nunc agendum est. Assumitur autem divinum nomen ab homine tripliciter: uno modo per modum iuramenti ad propria verba confirmanda; alio modo per modum adiurationis ad alios inducendum; tertio modo per modum invocationis ad orandum, vel laudandum. Primo ergo de iuramento agendum est: circa quod quaeruntur decem.

Primo, qui sit iuramentum.

Secundo, utrum sit licitum.

Tertio, qui sint comites iuramenti.

Quarto, cuius virtutis sit actus.

Quinto, utrum sit appetendum, & frequentandum, tamquam utile & bonum.

Sexto, utrum liceat iurare per creaturam.

Septimo, utrum iuramentum sit obligatorium.

Ottavo, quæ sit maior obligatio, utrum iuramenti, vel voti.

G 5

No.

Nono, utrum in iuramento possit dispensari.

Decimo, quibus, & quando liceat iurare.

## ARTICULUS I. 482

*Utrum iurare sit testem Deum invocare.*

*Inf. quæst. xcviii. art. 2. cor. & III. dist. xxxix. art. 1.*

**A**D primum sic proceditur. Videtur quod iurare non sit testem Deum invocare. Quicumque enim inducit auctoritatem sacræ Scripturæ, inducit Deum in testimonium, cuius verba proponuntur in sacra Scriptura. Si ergo iurare est testem Deum invocare, quicumque inducit auctoritatem sacræ Scripturæ, iuraret. Hoc autem est falsum. Ergo & primum.

2. Præterea. Ex hoc quod aliquis inducit aliquem in testem, nihil ei reddit. Sed ille qui per Deum iurat, aliquid Deo reddit: dicitur enim Math. v. 33. *Reddes Domino iuramenta tua*: & Augustinus dicit (serm. xxviii. de verb. Apost. cap. vi. ante med.) quod iurare est *iur veritatis Deo reddere*. Ergo iurare non est Deum teste invocare.

3. Præterea. Aliud est officium iudicis, & aliud testis, ut ex supradictis patet (quæst. lxxvii. & lxx.) Sed quandoque iurando implorat homo divinum iudicium, secundum illud Psal. vii. 9. *Si reddidi retribuētibus mihi mala, decedam merito ab inimicis meis inanis*. Ergo iurare non est testem Deum invocare.

Sed contra est quod Augustinus dicit in quodam serm. de periurio (loc. sup. cit.) *Quid est iurare per Deum, nisi, Testis est Deus?*

Respondendo dicendum, quod, sicut Apostolus dicit ad Heb. vi. iuramentum ad confirmationem ordinatur. Confirmatio autem in scibilibus per rationem fit; quæ procedit ex aliquibus naturaliter notis, quæ sunt infallibiliter vera. Sed particularia facta contingentia hominum non possunt per rationem necessariam confirmari: & ideo ea quæ de his dicuntur, solent confirmari per testes. Sed humanum testimonium non est sufficiens ad huiusmodi confirmandum, propter duo: primo quidem propter defectum veritatis humanæ, quia plurimi in mendaciis labuntur, secundum illud Psal.

xvi. 10. *Os eorum locutum est (a) mendacium*: secundo propter defectum cognitionis, quia homines non possunt cognoscere neque futura, neque cordium occulta, vel etiam absentia; de quibus tamen homines loquuntur: & expedit rebus humanis ut certitudo aliqua de his habeatur. Et ideo necessarium fuit recurrere ad divinum testimonium: quia Deus neque mentiri potest, neque cum aliquo latet.

Assumere autem Deum in testem dicitur iurare: quia quasi pro iure introductum est ut quod sub invocatione divini testimonii dicitur, pro vero habeatur.

Divinum autem testimonium quandoque inducitur ad asserendum præsentia, vel præterita; & hoc dicitur *iuramentum asseritorium*; quandoque autem inducitur divinum testimonium ad confirmandum aliquid futurum: & hoc dicitur *iuramentum promissorium*. Ad ea vero quæ sunt necessaria, & per rationem investiganda, non inducitur iuramentum: derisibilis enim videretur, si quis in disputatione alicuius scientiæ vellet propositum per iuramentum probare.

Ad primum ergo dicendum, quod aliud est testimonio Dei ut iam dato; quod sit, cum aliquis auctoritatem sacræ Scripturæ inducit: & aliud est testimonium Dei implorare ut exhibendum; quod sit in iuramento.

Ad secundum dicendum, quod dicitur aliquis reddere iuramenta Deo: ex hoc quod implet illud quod iurat: vel quia in hoc ipso quod invocatur Deum in testem, recognoscit eum habere omnium cognitionem, & infallibilem veritatem.

Ad tertium dicendum, quod alicuius testimonium invocatur ad hoc quod testis invocatus veritatem manifestet circa ea quæ dicuntur. Deus autem manifestat, an verum sit quod dicitur, dupliciter: uno modo simpliciter revelando veritatem, vel per internam inspirationem, vel etiam per facti denudationem, dum scilicet producit in publicum quæ erant occulta: alio modo per poenam mentientis; & tunc simul est iudex, & testis, dum puniendo mendacem manifestat mendacium. Et ideo duplex est modus iurandi. Unus quidem per simplicem Dei contestationem; sicut cum aliquis dicit, *Est mihi Deus testis*: vel *Coram Deo loquor*: vel, *Per Deum*, quod idem est, ut dicit Augustinus (Lib. I. de serm. Dom. in monte cap. xvii. a princ. & loc,

(a) *Volgaris superblum.*

loc. cit.) Alius modus iurandi est per execrationem, dum scilicet aliquis se, vel aliquid ad se pertinens ad poenam obligat, nisi sit verum quod dicitur.

## ARTICULUS II. 483

*Utrum sit licitum iurare.*

*Inf. art. 3. cor. & III. dist. XXXIX. quest. 1. art. 2. quest. 2. & Rom. 1. lect. 5. & Heb. vi. lect. 4.*

**A**D secundum sic proceditur. Videtur quod non sit licitum iurare. Nihil enim quod prohibetur in lege divina, est licitum. Sed iuramentum prohibetur Matth. v. 34. *Ego dico vobis, non iurare omnino* & lac. v. 12. dicitur: *Ante omnia fratres mei, nolite iurare.* Ergo iuramentum est illicitum.

2<sup>a</sup> Præterea. Id quod est a malo, videtur esse illicitum: quia, ut dicitur Matth. VII. 18. *non potest arbor mala fructus bonos facere*: Sed iuramentum est a malo: dicitur enim Matth. v. 37. *Sit autem sermo vester, Est, est, Non, non*. Quod autem his abundantius est, a malo est. Ergo iuramentum videtur esse illicitum.

3. Præterea. Exquirere signum divine providentiæ est tentare Deum: quod est omnino illicitum, secundum illud Deuter. vi. 16. *Non tentabis Dominum Deum tuum*. Sed ille qui iurat, videtur exquirere signum divine providentiæ, dum perit divinum testimonium, quod est per aliquem evidentem effectum. Ergo videtur quod iuramentum sit omnino illicitum.

Sed contra est quod dicitur Deuter. vi. 13. *Dominum Deum tuum timebis, & per nomen eius iurabis*.

Respondetur dicendum, quod nihil prohibet, aliquid esse secundum se bonum, quod tamen cedit in malum eius qui non utitur eo convenienter: sicut sumete Eucharistiam est bonum; & tamen qui indigni sumis, iudicium sibi munducas, & bibis, ut dicitur I. ad Corinth. xi. 29.

Sic ergo in proposito dicendum est, quod iuramentum secundum se est licitum, & honestum. Quod patet ex origine, & ex fine: ex origine quidem, quia iuramentum est introductum ex fide, qua homines credunt Deum habere infallibilem veritatem, & universalem omnium cognitionem, & provisionem; ex fine autem, quia iuramentum inducitur ad iustificandum homines, & ad finiendum controversias, ut dicitur ad Heb. vi.

Sed iuramentum cedit in malum aliquid ex eo quod male utitur eo, id est sine necessitate, & cautela debita: Videtur enim parvam reverentiam habere ad Deum, qui cum ex levi causa testem inducit; quod non præsumeret etiam de aliquo viro honesto. Imminet etiam periculum perituri, quia de facili homo in verbo delinquit, secundum illud Iacobi III. 2. *Si quis in verbo non offensus, hic perfectus est vir*. Unde & Eccli. XXIII. 9. dicitur: *Iurationi non assuecat os tuum: multi enim casus in illa*.

Ad primum ergo dicendum, quod Hieronymus super Matth. v. (sup. illud, *Ego autem dico vobis, non iurare*) dicit: *Confidera, quod Salvator non per Deum iurare prohibuerit, sed per calum, & terram. Hanc enim per elementa iurandi pessimam consuetudinem habere Iudei noscuntur*. Sed ista responsio non sufficit: quia Iacobus addidit, *Neque aliud quodcumque iuramentum*. Et ideo dicendum est, quod, sicut Augustinus dicit in Lib. de mendacio (cap. v. cir. med.) *Apostolus in epistolis suis iurans, ostendit quomodo accipiendum esset quod dictum est: Dico vobis, non iurare omnino: ne scilicet iurando ad facilitatem iurandi perveniantur, & ex facilitate iurandi ad consuetudinem, & a consuetudine in peritium decidatur. Et ideo non invenitur iurasse nisi scribens, ubi consideratio cautior non habet linguam præcipientem*.

Ad secundum dicendum, quod, sicut Augustinus dicit in Lib. I. de serm. Dom. in monte (cap. XVII. ante med.) *si iurare cogeris, scias de necessitate venire infirmitatis eorum quibus aliquid iurades, quæ utique infirmitas malum est. Itaque non dixit, Quod amplius est, malum est, sed, a malo est. Tu enim non malum facis, qui bene uteris iuratione, ut alteri persuadeas quod utiliter persuades; sed a malo est illius cuius infirmitate iurare cogeris*.

Ad tertium dicendum, quod ille qui iurat, non tentat Deum, quia non implorat divinum auxilium absque utilitate, & necessitate: & præterea non exponit se alicui periculo, si Deus testimonium adhibere noluerit in presenti: adhibebit autem pro certo testimonium in futuro, quando illuminabit abscondita tenebrarum, & manifestabit consilia cordium, ut dicitur I. ad Corinth. IV. 5. Et illud testimonium nulli iuranti dicitur vel pro eo, vel contra eum.

## ARTICULUS III. 484

*Utrum convenienter ponantur tres comites iuramenti, videlicet iustitia, iudicium, & veritas.*

*Inf. art. 7. cor. & quæst. xcvi. art. 1. ad 1. & III. dist. xxxix. quæst. 311. & quod. v. art. 7.*

**A**D tertium sic proceditur. Videtur quod inconvenienter ponantur tres comites iuramenti, videlicet iustitia, iudicium, & veritas. Ea enim quorum unum includitur in altero, non sunt connumeranda tamquam diversa. Sed horum trium unum includitur in altero: quia veritas est pars iustitiæ secundum Tullium (Lib. II. de invent. aliquant. ante fi.) Iudicium autem est actus iustitiæ, ut supra habitum est (quæst. lx. art. 1.) Ergo inconvenienter ponantur tres comites iuramenti.

2. Præterea. Multa alia requiruntur ad iuramentum, scilicet devotio, & fides, per quam credamus Deum omnia scire, & mentiri non posse. Ergo videtur quod insufficienter tres comites iuramenti enumerantur.

3. Præterea. Hæc tria in quolibet opere humano requirenda sunt: nihil enim debet fieri contra iustitiam, aut veritatem, aut sine iudicio, secundum illud I. ad Timoth. v. 21. (a) *Nihil facias sine praeiudicio*, id est sine præcedenti iudicio. Ergo hæc tria non magis debent associari iuramento quam aliis humanis actibus.

Sed contra est quod dicitur Hierem. xv. 2. *Iurabis, Vivis Dominus, in veritate, in iudicio, & in iustitia*: quod exponens Hieronymus dicit (& hab. cap. 11. xxii. quæst. 11.) *Animadvertendum est, quod ius iurandum hos habet comites, scilicet licet veritatem, iudicium, & iustitiam.*

Respondéo dicendum, quod, sicut supra dictum est (art. præc.) iuramentum non est bonum nisi ei qui bene utitur iuramento. Ad bonum autem utrumque iuramenti duo requiruntur. Primo quidem quod aliquis non leviter, sed ex necessaria causa, & discrete iuret; & quantum ad hoc requiritur iudicium, scilicet discretionis ex partis iurantis. Secundo quantum ad id quod per iuramentum confirmatur, ut scilicet neque sit falsum, neque sit aliquid illicitum; & quantum ad hoc requiritur veritas, per

quam aliquis iuramento confirmat quod verum est, & iustitia, per quam confirmat quod licitum est.

Iudicio autem caret iuramentum incautum; veritate autem iuramentum mendax; iustitia autem iuramentum iniustum, sive illicitum.

Ad primum ergo dicendum, quod iudicium non sumitur hic pro executione iustitiæ, sed pro iudicio discretionis, ut dictum est (in corp.) Neque etiam veritas hic accipitur, secundum quod est pars iustitiæ, sed secundum quod est quidam conditio locutionis.

Ad secundum dicendum, quod devotio, & fides, & omnia huiusmodi quæ exiguntur ad debitum modum infandi, intelliguntur in iudicio: alia enim duo pertinent ad rem de qua iuratur, ut dictum est (in corp. art.) Quamvis posset dici, quod iustitia pertinet ad causam pro qua iuratur.

Ad tertium dicendum, quod in iuramento est periculum magnum, tum propter Dei magnitudinem, cuius testimonium invocatur, tum etiam propter labilitatem lingue humanæ, cuius verba iuramento confirmantur. Et ideo huiusmodi magis requiruntur ad iuramentum quam ad alios humanos actus.

## ARTICULUS IV. 485

*Utrum iurare sit actus religionis, seu latritæ.*

**A**D quartum sic proceditur. Videtur quod iuramentum non sit actus religionis, seu latritæ. Actus enim latritæ sunt circa aliqua sacra, & divina. Sed iuramenta adhibentur circa controversias humanas, ut Apostolus dicit ad Heb. vi. Ergo iurare non est actus religionis, seu latritæ.

2. Præterea. Ad religionem pertinet cultum Deo asferre, ut Tullius dicit (Lib. II. de invent. aliquant. ante fi.) Sed ille qui iurat, nihil Deo offert, sed Deum inducit in testem. Ergo iurare non est actus religionis, seu latritæ.

3. Præterea. Finis religionis, seu latritæ est reverentiam Deo exhibere. Hoc autem non est finis iuramenti, sed potius aliquod verbum confirmare. Ergo iurare non est actus religionis.

Sed contra est quod dicitur Deut. vi. 13. *Dominum Deum tuum timebis; & soli serviies, ac per nomen illius iurabis.*

(a) *Palgas; ut hæc custodias sine praeiudicio, nihil facies, in alteram partem declinando.*

bis. Loquitur autem sibi de servitute latræ. Ergo iurare est actus latræ.

Respondeo dicendum, quod, sicut ex dictis patet (art. 1. huius quæstionis) ille qui iurat, invocatur divinum testimonium ad confirmandum ea quæ dicit. Nihil autem confirmatur nisi per aliquid quod certius est, & potius. Et ideo in hoc ipso quod homo per Deum iurat, proficitur Deum potius, utpote cuius veritas est indefectibilis, & cognitio universalis; & sic Deo aliquo modo reverentiam exhibet. Unde & Apostolus dicit ad Heb. vi. 16. quod homines per maiorem se iurant; & Hieronymus dicit super Matth. v. (super illud, *Ego autem dico, non iurare*) quod qui iurat, aut veneratur, aut diligit eum per quem iurat. Philosophus etiam dicit in I Metaph. (cap. 111. a medio) quod iuramentum est honorabilissimum. Exhibere autem reverentiam Deo pertinet ad religionem, si-  
ve latræ.

Unde manifestum est quod iuramentum est actus religionis, si-ve latræ.

Ad primum ergo dicendum, quod in iuramento duo considerantur: scilicet testimonium quod inducitur; & hoc est divinum; & id super quod inducitur testimonium, vel quod facit necessitatem testimonium inducendi; & hoc est humanum. Pertinet ergo iuramentum ad religionem ratione primi, non autem ratione secundi.

Ad secundum dicendum, quod in hoc ipso quod aliquis assumit Deum in testimonium per modum iuramenti, proficitur eum maiorem; quod pertinet ad Dei reverentiam, & honorem; & sic aliquid offert Deo, scilicet reverentiam, & honorem.

Ad tertium dicendum, quod omnia quæ facimus, debemus in Dei reverentiam facere; & ideo nihil prohibet, si in hoc ipso quod intendimus hominem certificare, Deo reverentiam exhibeamus. Sic enim debemus aliquid in Dei reverentiam facere ut ex hoc utilitas proximi proveniat: quia etiam Deus operatur ad suam gloriam, & nostram utilitatem.

## ARTICULUS V. 486

*Utrum iuramentum sit appetendum & frequentandum, tamquam utile & bonum.*

*Sup. quæst. lxxxix. art. 3. cor. & 1. 2. quæst. cvii. art. 2. cor. & ad 2. & III. dist. xxxix. quæst. 1. art. 2. quæst. 1. & Psal. xiv. fin. & Rom. 1. lect. 5.*

**A**D quintum sic proceditur. Videtur quod iuramentum sit appetendum, & frequentandum, tamquam utile & bonum. Sicut enim votum est actus latræ, ita & iuramentum. Sed facere aliquid ex voto est laudabilis, & magis meritorium: quia votum est actus latræ, ut supra dictum est (quæst. lxxxviii. art. 5.) Ergo pari ratione facere, vel dicere aliquid cum iuramento, est laudabilis; & sic iuramentum est appetendum tamquam per se bonum.

2. Præterea. Hieronymus dicit super Matth. (loc. cit. art. præc.) quod qui iurat, aut veneratur, aut diligit eum per quem iurat. Sed venerari, aut diligere Deum, est appetendum tamquam per se bonum. Ergo & iuramentum.

3. Præterea. Iuramentum ordinatur ad confirmationem, seu certificationem. Sed quod homo confirmet suum dictum, bonum est. Ergo iuramentum est appetendum tamquam bonum.

Sed contra est quod dicitur Eccli. xxviii. 12. *Vir multum iurans replebitur iniquitate*; & Augustinus dicit in Lib. de mendacio (cap. xv. a medio) quod præceptum Domini de prohibitione iuramenti ad hoc constitutum est, ut, quantum in te est, non affligeres, non quasi pro bono cum aliqua delatione ardeas iniurandum.

Respondeo dicendum, quod id quod non quaeritur nisi ad subveniendum infirmitati, vel defectui, non numeratur inter ea quæ sunt per se appetenda, sed inter ea quæ sunt necessaria; sicut patet de medicina, quæ quaeritur ad subveniendum infirmitati. Iuramentum autem quaeritur ad subveniendum alicui defectui, quo scilicet unus homo alteri discedit. Et ideo iuramentum non est habendum inter ea quæ sunt per se appetenda, sed inter ea quæ sunt huic vitæ necessaria, quibus indebit utitur quicumque eis utitur ultra terminos necessitatis.

Unde Augustinus dicit in Lib. I. de serm. Dom. in monte (cap. xvii. cir.

G g 3 med.)

med.) *Qui intelligit non in bonis, idest iuramentum habendam, reseruet se, quantum potest, ut non ea utatur, nisi necessitas cogat.*

Ad primum ergo dicendum, quod alia ratio est de voto, & iuramento. Nam per votum aliquid in Dei reverentiam ordinamus: unde ex hoc ipso fit religionis actus. Sed in iuramento e converso reverentia divini nominis assumitur ad promissi confirmationem. Et ideo illud quod iuramento confirmatur, non propter hoc fit religionis actus: quia secundum finem morales actus speciem sortiuntur.

Ad secundum dicendum, quod ille qui iurat, utitur quidem veneratione, aut dilectione eius per quem iurat; non autem ordinat iuramentum ad venerandum, aut diligendum cum per quem iurat, sed ad aliquid aliud quod est necessarium praesenti vitae.

Ad tertium dicendum, quod sicut medicina est utilis ad sanandum, & tamen quanto est virtuosior, tanto maius nocumentum inducit, si non debite sumatur; ita etiam iuramentum utile quidem est ad confirmationem; tamen quanto est magis venerandum, tanto est magis periculosum, nisi debite inducatur: quia, ut dicitur Eccli. xxxiii. 23. *si frustraveris, idest deceperis fratrem, delictum ipsum supra ipsum erit: & si dissimularis, quasi per simulationem iurando falsum, delinquit dupliciter, quia scilicet simulata aequitas est duplex iniquitas: & si in vacuum iuraveris, idest sine debita causa, & necessitate, non iustificabitur.*

#### ARTICULUS VI. 487

*Utrum liceat per creaturas iurare.*

III. dist. xxxix. art. 1. & in expof. lit. & Heb. vi. lect. 4.

**A**D sextum sic proceditur. Videtur quod non liceat per creaturas iurare. Dicitur enim Matth. v. 34. *Ego dico vobis, non iurare omnino, neque per caelum, neque per terram, neque per Hierosolimam, neque per caput tuum: quod exponens Hieronymus dicit: "Confidetur, quod hic Salvator non per Deum iurare prohibuit, sed per caelum, & terram &c."*

2. Praeterea. Poena non debetur nisi culpae. Sed iuranti per creaturas adhibetur poena: dicitur enim xxxii. quaest.

1. (cap. ix.) *Clericum per creaturam*

*iurantem acerrime obiurgandum; si perstiteris in vitio, excommunicandum placuit.* Ergo illicitum est per creaturas iurare.

3. Praeterea. Iuramentum est actus laetiae, sicut dictum est (art. 4. hu. quaest.) Sed cultus laetiae non debetur alicui creaturae, ut patet Rom. 1. Ergo non licet iurare per aliquam creaturam.

Sed contra est quod Ioseph iuravit per salutem Pharaonis, ut legitur Gen. xlii. Ex consuetudine etiam iuratur per Evangelium, & per reliquias, & per Sanctos.

Respondeo dicendum, quod, sicut supra dictum est (art. 1. hu. quaest. ad 3.) duplex est iuramentum. Unum quidem quod fit per simplicem contestationem, in quantum scilicet testimonium Dei invocatur: & hoc iuramentum innititur divinae veritati, sicut & fides. Fides autem est per se quidem & principaliter de Deo, qui est ipsa veritas; secundario autem de creaturis, in quibus veritas Dei relucet, ut supra dictum est (quaest. 1. art. 1.) Et similiter iuramentum principaliter refertur ad ipsum Deum, cuius testimonium invocatur; secundario autem assumuntur ad iuramentum aliquae creaturae, non secundum se, sed in quantum in eis divina veritas manifestatur; sicut iuramus per Evangelium, idest per Deum, cuius veritas in Evangelio manifestatur; & per Sanctos, qui hanc veritatem crediderunt, & observaverunt.

Alius autem modus iurandi est per execrationem: & in hoc iuramento inducitur creatura aliqua, ut in qua divinum iudicium exerceatur: & sic solet homo iurare per caput suum, aut per filium suum, aut per aliquam aliam rem, quam diligit, sicut & Apostolus iuravit II. ad Cor. 1. 23. dicens: *Ego testem Deum invoco in animam meam.*

Quod autem Ioseph per salutem Pharaonis iuravit, utroque modo intelligi potest: vel per modum execrationis, quasi salutem Pharaonis obligaverit Deo; vel per modum contestationis, quasi contestando veritatem divinae iustitiae, ad cuius executionem principes terrae constituuntur.

Ad primum ergo dicendum, quod Dominus prohibuit iurare per creaturas, ita quod eis exhibeatur reverentia divina. Unde Hieronymus ibidem subdit, quod *Iudaei per Angelos, & cetera butumodi iurantes, creaturas venerabantur Dei honore.* Et eadem ratione puniuntur secun-



secundum Canones (loc. cit. in arg. 2.) clericus per creaturam iurans; quod ad blasphemiam infidelitatis pertinet. Unde in sequenti cap. dicitur: *Si quis per capillum Dei, vel caput iuraverit, vel alio modo blasphemia contra Deum usus fuerit, si in ecclesiastico ordine est, deponatur.*

Et per hoc patet responsio ad secundum.

Ad tertium dicendum, quod cultus latræ adhibetur ei cuius testimonium iurando invocatur: & ideo præcipitur Exod. xxxiii. 13. *Per nomen externorum deorum non iurabitis*: non autem exhibetur cultus latræ creaturis quæ in iuramento assumuntur secundum modos prædictos.

## ARTICULUS VII. 438

*Utrum iuramentum habeat vim obligandi.*

III. dist. xxxix. art. 3. quæst. 1. & 2. & IV. dist. xxxix. art. 1. ad 4. & quod. xii. art. 14. & quod. v. art. 17. & quod. xii. art. 22.

**A**D septimum sic proceditur. Videtur quod iuramentum non habeat vim obligandi. Inducitur enim iuramentum ad confirmandum veritatem eius quod dicitur. Sed quando aliquis dicit aliquid de futuro, verum dicit, etiamsi non eveniat quod dicit; sicut Paulus, quamvis non fuerit profectus Corinthum, sicut dixerat, non tamen est mentitus, ut patet II. Cor. 1. Ergo videtur quod iuramentum non sit obligatorium.

2. Præterea. Virtus non est virtuti contraria, ut dicitur in Prædicamentis (cap. de oppos.) Sed iuramentum est actus virtutis, ut dictum est (art. 4. huius quæst.) Quandoque autem esset contra virtutem, aut in aliquod eius impedimentum, si quis servaret id quod iuravit; sicut cum aliquis iurat se facere aliquod peccatum, vel cum iurat desistere ab aliquo opere virtutis. Ergo iuramentum non est semper obligatorium.

3. Præterea. Quandoque aliquis invitus compellitur ad hoc quod sub iuramento aliquid promittat. Sed tales a iuramenti nexibus sunt per Romanos Pontifices absoluti, ut habetur extra, de iure iur. cap. *Verum in ea quæst. &c.* Ergo iuramentum non semper est obligatorium.

4. Præterea. Nullus potest obligari ad duo opposita. Sed quandoque oppositum est quod intendit iurans, & quod intendit ille cui iuramentum præstatur. Ergo iuramentum non potest esse semper obligatorium.

Sed contra est, quod dicitur Matth. v. 33. *Reddes Domino iuramenta tua.*

Respondeo dicendum, quod obligatio refertur ad aliquod quod est faciendum, vel dimittendum. Unde non videtur respicere iuramentum assertorium (quod est de præsentī, vel de præterito) neque etiam iuramentum de his quæ sunt per alias causas fienda, sicut si quis iuramento assereret, quod cras pluvia esset futura; sed solum in his quæ sunt fienda per illum qui iurat.

Sicut autem iuramentum assertorium, quod est de præterito, vel de præsentī, debet habere veritatem; ita etiam & iuramentum de his quæ sunt fienda a nobis in futurum. Et ideo utrumque iuramentum habet quamdam obligationem; diversimode tamen: quia in iuramento quod est de præterito, vel præsentī, obligatio est non respectu rei quæ iam fuit, vel est, sed respectu ipsius actus iurandi; ut scilicet iuret id quod iam verum est, vel fuit: sed in iuramento quod præstatur de his quæ sunt fienda a nobis, obligatio cadit & contra super rem quam aliquis iuramento firmavit: tenetur enim aliquis ut faciat verum esse id quod iuravit; alioquin deest veritas iuramento.

Si autem esset talis res quæ in eius potestate non fuit, deest iuramento discretionis iudicium; nisi forte quod erat ei possibile quando iuravit, reddatur ei impossibile per aliquem eventum; puta cum aliquis iurat se pecuniam soluturum, quæ ei postmodum vi, vel furto subtrahitur: tunc enim videtur excusatus esse a faciendo quod iuravit; licet teneatur facere quod in se est, sicut etiam supra circa obligationem notavimus (quæst. præc. art. 3. ad 2.) Si vero sit quidem possibile fieri, sed fieri non debeat, vel quia est per se malum, vel quia est boni impeditivum, tunc iuramento deest iustitia: & ideo iuramentum non est servandum in eo casu quo est peccatum, vel boni impeditivum: (a) secundum enim Augustinum (cap. iv. Lib. de bono coniug. sed hab. exprel. cap. *Si aliquid*, & cap. *Inter cetera* xxii. quæst. iv.) utrumque eorum vergit in deterius exitum.

G g 4

Sic

(a) Ita edidit omnes, quos vidimus, libri. Ced. Alcan. aliquot secundum enim utrumque horum vergit in deterius exitum.

Sic ergo dicendum est, quod quicumque iurat aliquid se facturum, obligatur ad faciendum, ad hoc quod veritas impleatur; si tamen alii duo comites adsint, scilicet iudicium, & iustitia.

Ad primum ergo dicendum, quod aliud est de simplici verbo, aliud de iuramento, in quo divinum testimonium implo- ratur. Sufficit enim ad veritatem verbi, quod aliquis dicat id quod proponit se facturum: quia hoc iam verum est in sua causa, scilicet in proposito facien- tis. Sed iuramentum adhiberi non debet nisi in re de qua aliquis firmiter certus est. Et ideo si iuramentum adhibeatur, propter reverentiam divini testimonii quod invocatur, obligatur homo ut faciat esse verum id quod iuravit, secun- dum suam possibilitatem, nisi in deterio- rem exitum vergat, ut dictum est (in cor. art.)

Ad secundum dicendum, quod iura- mentum potest vergere in deteriore exitum dupliciter. Uno modo quia ab ipso principio habet peiorem exitum: vel quia est secundum se malum (sicut cum aliquis iurat se perpetraturum adul- terium) sive quia est maioris boni im- peditivum; puta cum aliquis iurat se non intraturum religionem, vel quod non fiet clericus, aut quod non accipiet prælationem in casu in quo expedire cupit accipere, vel si quid aliud est huiusmo- di. Huiusmodi enim iuramentum a prin- cipio est illicitum; differenter tamen: quia si quis iuret se facturum aliquod peccatum, & peccavit iurando, & pec- cat iuramentum servando; si quis autem iurat se non facturum aliquod malum bonum, quod tamen facere non tene- tur, peccat quidem iurando, in quantum ponit obicem Spiritui sancto, qui est bo- ni propositi inspirator; non tamen pec- cat iuramentum servando, sed multo melius facit, si non servet. Alio modo vergit in deteriore exitum propter aliquid quod de novo emerit, quod fuit impræmeditatum; sicut potest in iura- mento Herodis, qui iuravit puellæ sal- tanti se daturum quod petisset: hoc enim iuramentum poterat esse a principio li- citum, intellecta debita conditione, scilicet si peteret quod dare deceret; sed impletio iuramenti fuit illicita. Unde Ambrosius dicit in l. de officiis (cap. l. veris. fin.) *Est contra officium nonnum- quam promissum solvere, sacramentum*

*custodire; (a) sicut Herodes, qui ne- cem Ioannis præstitit, ne promissum ne- garet.*

Ad tertium dicendum, quod in iura- mento quod quis coactus facit, duplex est obligatio. Una quidem qua obligatur homini, cui aliquid promittit: & talis obligatio tollitur per coactionem, quia ille qui vim intulit, hoc meretur ut ei promissum non servetur. Alia autem est obligatio qua quis Deo obligatur, ut impleat quod per nomen eius promisit: & talis obligatio non tollitur in foro conscientie, quia magis debet damnum temporale sustinere quam iuramentum violare. Potest tamen repetere in iudi- cio quod solvit, vel prælato denunciare, non obstante quod contrarium iuravit, quia tale iuramentum vergeret in deterio- rem exitum, esset enim contra iustitiam publicam. Romani autem Pontifi- ces ab huiusmodi iuramentis homines absolverunt, non quasi decernerent huiusmodi iuramenta non esse obligatoria, sed quasi huiusmodi obligationes ex iusta causa relaxantes.

Ad quartum dicendum, quod quando non est eadem iurantis intentio, & eius cui iurat, si hoc proveniat ex dolo iurantis, debet iuramentum servari secun- dum sanum intellectum eius cui iura- mentum prælatum. Unde liidorus dicit (Lib. II. de sum. bono cap. xxxz. a med.) *Quicumque arte verborum capi- ret, Deus tamen, qui conscientie testis est, ita hoc accipit, sicut ille cui iuratur, intelligit.* Et quod hoc intelligatur de dolo iuramento, patet per id quod subditur: *Dupliciter reus fit qui & nomen Dei in vanum assumit, & proximum dolo capis.* Si autem iurans dolum non adhi- beat, obligatur secundum intentionem iurantis. Unde Gregorius dicit XXVI. Moral. (cap. vii. cir. med.) *Humanæ aures talia verba nostra iudicant, qualia foris sonant; divina vero iudicia talia foris audiunt, qualia ex intimis proferuntur.*

#### ARTICULUS VIII. 489

*Utrum maior sit obligatio iuramenti quam voti.*

**A**D octavum sic proceditur. Videretur quod maior sit obligatio iuramen- ti quam voti. Votum enim est simplex pro-

(a) Niclaus: sicut Herodes necem Ioannis &c. Edit. Rom. aliique vetusta: Est contra officium nonnumquam promissum solvere sac. mentum, sicut Herodes, qui necem Ioannis præstavit &c.

promissio. Sed iuramentum supra promissionem adhibet divinum testimonium. Ergo maior est obligatio iuramenti quam voti.

2. Præterea. Debilius solet per fortius confirmari. Sed votum interdum confirmatur iuramento. Ergo iuramentum est fortius quam votum.

3. Præterea. Obligatio voti causatur ex animi deliberatione, ut supra dictum est (quæst. lxxxviii. art. 1.) obligatio autem iuramenti causatur ex divina veritate, cuius testimonium invocatur. Cum ergo veritas Dei excedat deliberationem humanam; videtur quod obligatio iuramenti sit fortior quam obligatio voti.

Sed contra. Per votum obligatur aliquis Deo; per iuramentum autem obligatur aliquis interdum homini. Magis autem obligatur homo Deo quam homini. Ergo maior est obligatio voti quam iuramenti.

Respondeo dicendum, quod utraque obligatio, scilicet voti, & iuramenti, causatur ex aliquo divino; aliter tamen, & aliter: nam obligatio voti causatur ex fidelitate quam Deo debemus, ut scilicet ei promissum solvamus; obligatio autem iuramenti causatur ex reverentia quam debemus ei; ex qua tenemur quod verificemur id quod per nomen eius promittimus. Omnis autem infidelitas irreverentiam continet; sed non convertitur: videtur enim infidelitas subiecti ad dominium esse maxima irreverentia.

Et ideo votum ex ratione sua magis est obligatorium quam iuramentum.

Ad primum ergo dicendum, quod votum est promissio, non quacumque, sed Deo facta; cui infidelem esse gravissimum est.

Ad secundum dicendum, quod iuramentum non adhibetur voto quasi aliquid firmitus, sed ut per duas res immobiles maior firmitas habeatur.

Ad tertium dicendum, quod deliberatio animi dat firmitatem voto, quantum ex parte voventis est; habet tamen maiorem firmitatis causam ex parte Dei, cui votum offertur.

## ARTICULUS IX. 490

*Utrum aliquis possit in iuramento dispensare.*

**A**D nonum sic proceditur. Videtur quod nullus possit dispensare in iu-

ramento. Sicut enim veritas requiritur ad iuramentum assertorium, quod est de præterito, vel præfenti; ita etiam ad iuramentum promissorium, quod est de futuro. Sed nullus potest cum aliquo dispensare quod de præfentibus, vel præteritis iuret contra veritatem. Ergo etiam nullus potest dispensare, quod non faciat aliquis esse verum id quod cum iuramento in futurum promisit.

2. Præterea. Iuramentum promissorium inducitur ad utilitatem eius cui fit promissio. Sed ille, ut videtur, non potest relaxare, quia est contra reverentiam divinam. Ergo multo minus per aliquem alium potest super hoc dispensari.

3. Præterea. In voto quilibet Episcopus potest dispensare, exceptis quibusdam votis quæ soli Papæ reservantur, ut supra habitum est (quæst. præc. art. 12. ad 3.) Ergo pari ratione in iuramento, si esset dispensabile, quilibet Episcopus posset dispensare: quod tamen videtur esse contra iura (cap. *Aufloritate*, & seq. xv. quæst. vi. & cap. *Si vero*, de iureiurando.) Non ergo videtur quod in iuramento possit dispensari.

Sed contra est quod votum est maioris obligationis quam iuramentum, ut supra dictum est (art. præc.) Sed in voto potest dispensari. Ergo & in iuramento.

Respondeo dicendum, quod, sicut supra dictum est (art. 10. quæst. præc.) necessitas dispensationis tam in lege, quam in voto est propter hoc quod id quod in se vel universaliter consideratum, est utile, & honestum, secundum aliquem particularem eventum potest esse inhonestum, & nocivum; quod non potest cadere nec sub lege, nec sub voto. Quod autem aliquid sit inhonestum, vel nocivum, repugnat his quæ debent attendi in iuramento: nam si sit inhonestum, repugnat iustitiæ; si sit nocivum, repugnat iudicio.

Et ideo pari ratione etiam in iuramento dispensari potest.

Ad primum ergo dicendum, quod dispensatio quæ fit in iuramento, non se extendit ad hoc quod aliquid contra iuramentum fiat: hoc enim est impossibile, cum observatio iuramenti cadat sub præcepto divino, quod est indispensabile. Sed ad hoc se extendit dispensatio iuramenti, ut id quod sub iuramento cadebat, sub iuramento non cadat, quasi non existens debita materia iuramenti;

ti, sicut & de voto supra diximus (quaest. præc. art. 10. ad. 2.) Materia autem iuramenti assertorii, quod est de præterito, vel præsentis, in quamdam necessitatem iam transiit, & immutabilis facta est: & ideo dispensatio non referretur ad materiam, sed referretur ad ipsum actum iuramenti: unde talis dispensatio directe esset contra præceptum divinum. Sed materia iuramenti promissorii est aliquid futurum, quod variari potest; ita scilicet quod in aliquo eventu potest esse illicitum, vel nocivum, & per consequens non esse debita materia iuramenti: & ideo dispensari potest in iuramento promissorio, quia talis dispensatio respicit materiam iuramenti, & non contrariatur præcepto divino de iuramenti observatione.

Ad secundum dicendum, quod homo potest alteri promittere aliquid sub iuramento dupliciter. Uno modo, quando promittit aliquid pertinens ad utilitatem ipsius; puta si sub iuramento promittat se servitutum ei, vel pecuniarum daturum: & a tali promissione potest absolvere ille cui promissio facta est: intelligitur enim iam ei solvisse promissum quando facit de eo secundum eius (a) voluntatem. Alio modo promittit aliquis alteri quod pertinet ad honorem Dei, vel utilitatem aliorum; puta si aliquis sub iuramento promittat alicui, se intraturum religionem, vel aliquod opus pietatis faciendum: & tunc ille cui promittitur, non potest absolvere promittentem: quia promissio non est facta ei principaliter, sed Deo; nisi forte sit interposita conditio, ratione cuius possit, scilicet si illi videbitur cui promittitur, vel aliquid aliud tale.

Ad tertium dicendum, quod quandoque illud quod cadit sub iuramento promissorio, est manifeste repugnans iustitiae: vel quia est peccatum, sicut cum aliquis iurat se faciendum homicidium; vel quia est maioris boni impeditivum, sicut cum aliquis iurat se non intraturum religionem: & tale iuramento dispensatione non indiget. Sed in primo casu tenetur aliquis tale iuramentum non servare; in secundo autem casu licitum est & servare, & non servare, ut supra dictum est (art. 7. huius quaest. ad. 2.) Quandoque vero aliquid sub iuramento promittitur de quo dubium est, utrum sit licitum vel illicitum, proficuum vel nocivum, aut simpliciter, aut

in aliquo casu: & in hoc potest quilibet Episcopus dispensare. Quandoque vero sub iuramento promittitur aliquid quod est manifeste licitum, & utile: & in tali iuramento non videtur habere locum dispensatio, vel commutatio, nisi aliquid melius occurrat ad communem utilitatem faciendum, quod maxime videtur pertinere ad potestatem Papæ, qui habet curam universalis Ecclesiæ, vel etiam absoluta relaxatio, quod etiam ad Papam pertinet in omnibus generaliter quæ ad dispensationem rerum ecclesiasticarum pertinent, super quas habet plenitudinem potestatis; sicut & ad unumquemque pertinet irritare iuramentum quod a subditis factum est, circa ea quæ eius potestati subduntur; sicut pater potest irritare iuramentum puellæ, & vir uxoris, ut dicitur Num. xxx. sicut & supra de voto dictum est (quaest. præc. art. 8. & 9.)

## ARTICULUS X. 490

*Utrum iuramentum impediatur per aliquam conditionem personæ, vel temporis.*

### III. dist. xxxix. in expof. lit.

**A**D decimum sic proceditur. Videtur quod iuramentum non impediatur per aliquam conditionem personæ, vel temporis. Iuramentum enim ad confirmationem inducitur, ut patet per Apostolum ad Hebr. vi. Sed cuilibet convenit confirmare dictum suum, & quolibet tempore. Ergo videtur quod iuramentum non impediatur per aliquam conditionem personæ, vel temporis.

2. Præterea. Maius est iurare per Deum quam per Evangelia: unde Chrysostomus (alius Auctor) dicit (hom. xlv. in op. imperf. a med.) *Si aliquis iurat per Deum, modicum videtur facere qui iurat per Deum; sed qui iurat per Evangelia, maius aliquid fecisse videtur. Quibus dicendum est: Stulti, Scripturæ propter Deum factæ sunt, non Deus propter Scripturas.* Sed cuilibet conditionis personæ, & quolibet tempore in communi locutione consueverunt iurare per Deum. Ergo multo magis licitum est eis iurare per Evangelia.

3. Præterea. Idem non causatur ex contrariis causis: quia contrariæ causæ sunt contrariarum. Sed aliqui excluduntur a iuramento propter defectum perso-

DE 2

(a) Ita post emendationem Garcia editi possunt, Verba exempli cum nisi, utilitatem.

næ, sicut pueri ante quatuordecim annos, & etiam illi qui semel fuerunt perijuri. Non ergo videtur quod aliqui prohibeantur iurare vel propter dignitatem, sicut clerici, aut etiam propter temporis solemnitatem.

4. Præterea. Nullus homo vivens in hoc mundo est tantæ dignitatis, sicut Angelus: dicitur enim Matth. xi. 11. *quod qui minor est in regno celorum, maior est illo*, scilicet Ioanne Baptista adhuc in mundo vivente. Sed Angelo convenit iurare: dicitur enim Apoc. x. 6. *quod Angelus iuravit per viventem in sæcula sæculorum*. Ergo nullus homo propter dignitatem debet excusari a iuramento.

Sed contra est quod habetur 11. quæst. v. (cap. iv.) *Presbyter vice iuramenti per sanctam consecrationem interrogetur: & xxii. quæst. v. (cap. xxii.) dicitur: Nullus ex ecclesiastico ordine cuiquam laico quicquam super sancta Evangelia iurare præsumat*.

Respondendo dicendum, quod in iuramento duo sunt consideranda. Unum quidem ex parte Dei, cuius testimonium inducitur: & quantum ad hoc debetur iuramento maxima reverentia. Et propter hoc a iuramento excluduntur pueri ante annos pubertatis, qui non coguntur ad iurandum, quia nondum habent perfectum usum rationis, quo possint cum reverentia debita iuramentum præstare: & iterum perijuri, qui ad iuramentum non admittuntur, quia ex retroactis præsumitur quod debitam reverentiam iuramento non exhibebunt. Et propter hoc etiam ut iuramento debita reverentia exhibeatur, dicitur xxii. quæst. v. (cap. xvi.) *Honustum est ut qui in sanctis audent iurare, hoc ieiunus faciat cum omni bonestate, & timore Dei*.

Aliud autem est considerandum ex parte hominis, cuius dictum iuramento confirmatur. Non enim indiget dictum hominis confirmatione, nisi quia de eo dubitatur. Hoc autem derogat dignitati personæ ut dubitetur de veritate eorum quæ dicit: & ideo *personis magnæ dignitatis non convenit iurare*. Propter quod dicitur 11. quæst. v. cap. Si quis presbyter, quod sacerdotes ex levi causa iurare non debent: tamen pro aliqua necessitate, vel magna utilitate licitum est eis iurare, & præcipue pro spiritualibus negotiis; pro quibus etiam iuramenta competit præstare in solemnibus diebus,

quibus est spiritualibus rebus vacandum. Non autem tunc sunt iuramenta præstanda pro rebus temporalibus, nisi forte ex magna necessitate.

Ad primum ergo dicendum, quod quidam sunt qui dictum suum confirmare non possunt propter defectum eorum; & quidam sunt quorum dictum adeo debet esse certum quod confirmatione non egeat.

Ad secundum dicendum, quod iuramentum secundum se consideratum tanto fortius est, & magis obligat, quanto maius est id per quod iuratur, ut Augustinus dicit ad Publicolam (epist. xlvii. al. cliv. aliquant. a princ.) & secundum hoc maius est iurare per Deum quam per Evangelia. Sed potest esse e converso propter modum iurandi; utpote si iuramentum, quod fit per Evangelia, fiat cum quadam deliberatione, & solemnitate; iuramentum autem quod fit per Deum, fiat leviter, & absque deliberatione.

Ad tertium dicendum, quod nihil prohibet aliquid tolli ex contrariis causis per modum superabundantiæ, & defectus: & hoc modo aliqui impediuntur a iuramento, quia sunt maioris auctoritatis quam quod eos iurare deceat; aliqui vero, quia sunt minoris auctoritatis quam quod eorum iuramento stet.

Ad quartum dicendum, quod iuramentum Angeli inducitur, non propter defectum ipsius, quasi non fit eius simplici dicto credendum, sed ad ostendendum id quod dicitur, ex infallibili Dei dispositione procedere; sicut etiam & Deus aliquando in Scripturis iurans inducitur, ad ostendendum immobilitatem eius quod dicitur, sicut Apostolus dicit ad Hebr. vi.

## QUAESTIO XC.

De assumptione divini nominis per modum adiurationis, in tres articulos divisa.

Postea considerandum est de assumptione divini nominis per modum adiurationis: & circa hoc quaeruntur tria.

Primo, utrum liceat adiurare homines.

Secundo, utrum liceat adiurare demones.

Tertio, utrum liceat adiurare irracionales creaturas.

## ARTICULUS I. 492

*Utrum liceat adiurare hominem.*

*Sup. quest. lxxxiii. art. 17. ad 1.*

**A**D primum sic proceditur. Videtur quod non liceat hominem adiurare. Dicit enim Origenes super Matth. (tract. lv. ante med.) *Affirmo, quoniam non oportet ut vir qui vult secundum Evangelium vivere, adiuret alterum. Si enim iurare non licet, quantum ad evangelicum Christi mandatum, notum est quia nec adiurare alterum licet. Et propterea manifestum est quod Princeps sacerdotum Iesum illicite adiuravit per Deum vivum.*

**¶** Præterea. Quicumque adiurat aliquem, quodammodo ipsum compellit. Sed non licet alium invitum cogere. Ergo videtur quod nec liceat aliquem adiurare.

**3.** Præterea. Adiurare est aliquem ad iurandum inducere. Sed inducere aliquem ad iurandum est superiorum, qui inferioribus iuramenta imponunt. Ergo inferiores superiores suos non possunt adiurare.

Sed contra est quod etiam Deum per aliqua sacra obsecramus, eum obsecrantes. Apostolus etiam fideles obsecrat per misericordiam Dei, ut patet Rom. xii. quod videtur ad quandam adiurationem pertinere. Ergo licitum est alios adiurare.

Respondeo dicendum, quod ille qui iurat iuramento promissorio per reverentiam divini nominis, quod ad confirmationem suæ promissionis inducit, seipsum obligat ad faciendum quod promittit; quod est seipsum immobiliter ordinare ad aliquid agendum. Sicut autem homo seipsum ordinare potest ad aliquid agendum, ita etiam & alios, superiores qui dem deprecando, inferiores autem imperando, ut ex supra dictis patet (quæst. lxxxiii. art. 1.) Cum ergo utraque ordinatio per aliquod divinum confirmatur, est adiuratio. In hoc tamen differunt, quod homo est suorum actuum dominus, non autem est dominus eorum quæ sunt ab alio agenda & ideo sibiipsum potest necessitatem imponere per divini nominis invocationem; non autem hanc necessitatem potest aliis imponere, nisi subditis, quos potest ex debito præstiti iuramenti compellere.

Si ergo aliquis per invocationem divini nominis, vel cuiuscumque rei fa-

cræ, alicui non sibi subdito adiurando necessitatem agendi aliquid imponere intendat, sicut imponit sibiipsum iurando, talis adiuratio illicita est, quia usurpat potestatem in alium, quam non habet; tamen propter aliquam necessitatem superiores inferiores suos tali genere adiurationis contringere possunt.

Si vero intendat solummodo per reverentiam divini nominis, vel alicuius rei sacræ, aliquid ab alio obtinere absque necessitatis impositione; talis adiuratio licita est respectu quorumlibet.

Ad primum ergo dicendum, quod Origenes loquitur de adiuratione qua aliquis alicui necessitatem imponere intendit, sicut imponit sibiipsum iurando. Sic enim Princeps sacerdotum præsumpsit Dominum Iesum Christum adiurare.

Ad secundum dicendum, quod illa ratio procedit de adiuratione quæ necessitatem imponit.

Ad tertium dicendum, quod adiurare non est aliquem ad iurandum inducere, sed per quamdam similitudinem iuramenti a se inducti, alium ad aliquid agendum provocare. Alter tamen adiuratione utimur ad hominem, & aliter ad Deum: nam adiurando hominem, eius voluntatem per reverentiam rei sacræ immutare intendimus: quod quidem non intendimus circa Deum, cuius voluntas est immutabilis. Sed quod a Deo per æternam eius voluntatem aliquid obtineamus, non est ex meritis nostris, sed ex eius bonitate.

## ARTICULUS II. 493

*Utrum liceat dæmones adiurare.*

**A**D secundum sic proceditur. Videtur quod non liceat dæmones adiurare. Dicit enim Origenes super Matth. (tract. lv. ante med.) *Non est secundum potestatem datam a Salvatore adiurare dæmonia: Iudaicum enim est hoc.* Non autem debemus Iudeorum ritus imitari, sed potius uti potestate a Christo data. Ergo non est licitum dæmones adiurare.

**2.** Præterea. Multi necromanticis incantationibus dæmones invocant per aliquid divinum; quod est adiurare. Si ergo licitum est dæmones adiurare, licitum est necromanticis incantationibus uti: quod patet esse falsum. Ergo & primum.

**3.** Præterea. Quicumque adiurat aliquem, ex hoc ipso aliquam societatem cum

cum ipso facit. Sed non licet cum dæmonibus societatem facere, secundum illud I. Cor. x. 20. *Nolote vos socios fieri dæmoniorum*. Ergo non licet dæmones adiurare.

Sed contra est quod dicitur Marc. ult. 27. *In nomine meo dæmonia eiciuntur*. Sed inducere alium ad aliquid agendum propter nomen divinum, hoc est adiurare. Ergo licitum est dæmones adiurare.

Respondendo dicendum, quod sicut dictum est (art. præc.) duplex est adiurandi modus: unus quidem per modum deprecationis, vel inductionis ob reverentiam alicuius sacri; alius autem per modum compulsionis. Primo autem modo non licet dæmones adiurare: quia ille modus adiurandi videtur ad quamdam benevolentiam, vel amicitiam pertinere, qua non licet ad dæmones uti.

Secundo autem adiurationis modo, qui est per compulsionem, licet nobis ad aliquid uti, & ad aliquid non licet. Dæmones enim in cursu huius vite nobis adversarii constituuntur. Non autem eorum actus nostre dispositioni subduntur, sed dispositioni divinæ, & sanctorum Angelorum: quia, ut Augustinus dicit in III. de Trin. (cap. iv. ante med.) *spiritus defector regitur per spiritum iustum*. Possimus ergo dæmones adiurando per virtutem divini nominis, tamquam inimicos repellere, ne nobis nocent spiritualiter, vel corporaliter, secundum potestatem divinam datam a Christo, secundum illud Luc. x. 19. *Eccce dedi vobis potestatem calcandi supra serpentes, & scorpiones, & supra omnem virtutem inimici; & nihil vobis nocerebit*.

Non tamen licitum est eos adiurare ad aliquid ab eis addiscendum, vel etiam ad aliquid per eos obtinendum: quia hoc pertineret ad aliquam societatem cum ipsis habendam: nisi forte ex speciali inspiratione, vel revelatione divina, aliqui Sancti ad aliquos effectus dæmonum operatione utantur; sicut legitur de beato Iacobo, quod per dæmones fecit Heremogenem ad se adduci.

Ad primum ergo dicendum, quod Origenes loquitur de adiuratione quæ non fit potestative per modum compulsionis, sed magis per modum cuiusdam benevolæ deprecationis.

Ad secundum dicendum, quod necromantici utuntur adiurationibus, & invocationibus dæmonum ad aliquid ab eis

addiscendum, vel adipiscendum: & hoc est illicitum, ut dictum est (in cor.) Unde Chrysostomus dicit Mar. 1. exponens illud verbum Domini, quod spiritui immundo dixit, *Obmutesce, & exi ab homine*: (conc. 11. de Lazaro, inter ptine. & med.) „Salutiferum hic nobis dogma, datur, ne credamus dæmonibus, quantumcumque denuntient veritatem.“ Ad tertium dicendum, quod ratio illa procedit de adiuratione qua imploratur auxilium dæmonum ad aliquid agendum, vel cognoscendum: hoc enim videtur ad quamdam societatem pertinere. Sed quod aliquis adiurando dæmones repellat, hoc est ab eorum societate recedere.

## ARTICULUS III. 494

*Utrum liceat irrationalem creaturam adiurare.*

**A**D tertium sic proceditur. Videtur quod non liceat adiurare irrationalem creaturam. Adiuratio enim fit per locutionem. Sed frustra sermo dirigitur ad eum qui non intelligit, qualis est irrationalis creatura. Ergo vanum est, & illicitum irrationalem creaturam adiurare.

2. Præterea. Ad eum videtur competere adiuratio ad quam pertinet iuratio. Sed iuratio non pertinet ad creaturam irrationalem. Ergo videtur quod ad eam non liceat adiuratio tui.

3. Præterea. Duplex est adiurationis modus, ut ex supra dictis patet (art. 1. & 2. præc.). Unus quidem per modum deprecationis; quo non possumus uti ad irrationalem creaturam, quæ non est domini sui actus. Alia autem adiuratio est per modum compulsionis; qua etiam, ut videtur, ad eam uti non possumus: quia non est nostrum creaturis irrationalibus imperare; sed solum illius de quo dicitur Matth. VIII. 27. *quia vultis, & mare obediunt ei*. Ergo nullo modo, ut videtur, licet uti adiuratione ad irrationales creaturas.

Sed contra est quod Simon, & Iudas leguntur adiurasse dracones, & eis precepisse ut in desertum locum discederent.

Respondendo dicendum, quod creature irrationales ab alio aguntur ad proprias operationes. Eadem autem actio est eius quod agitur & movetur, & eius quod agit & movet; sicut motus sagittæ etiam est

est quædam operatio sagittantis. Et ideo operatio irrationalis creaturæ non solum ipsi attribuitur, sed principaliter Deo, cuius dispositione omnia moventur. Pertinet etiam ad diabolum, qui permissione divina utitur aliquibus irrationalibus creaturis ad nocendum hominibus.

Sic ergo adiuratio, qua quis utitur ad irrationalem creaturam, potest intelligi dupliciter: Uno modo ut adiuratio referatur ad ipsam irrationalem creaturam secundum se: & sic vanum esset irrationalem creaturam adiurare.

Alio modo ut referatur ad eum, a quo irrationalis creatura agitur, & movetur: & sic dupliciter adiuratur irrationalis creatura. Uno quidem modo per modum deprecationis ad Deum directæ: quod pertinet ad eos qui divina invocatione miracula faciunt. Alio modo per modum compulsionis: quæ refertur ad diabolum, qui in nocumentum nostrum utitur irrationalibus creaturis. Et talis est modus adiurandi in Ecclesiæ exorcismis, per quos dæmonum potestas excluditur ab irrationalibus creaturis. Adjurare autem dæmones ab eis auxilium implorando, non licet.

Et per hoc patet responsio ad obiecta.

### QUAESTIO XCI.

*De assumptione divini nominis ad invocandum per orationem, vel laudem, in duos articulos divisa.*

**D**einde considerandum est de assumptione divini nominis ad invocandum per orationem, vel laudem. Et de oratione quidem iam dictum est (quæst. lxxxviii.) Unde nunc de laude restat dicendum.

Circa quam quaeruntur duo.

Primo, utrum Deus sit ore laudandus.

Secundo, utrum in laudibus Dei sint cantus adhibendi.

### ARTICULUS I. 493

*Utrum Deus sit ore laudandus.*

III. dist. ix. quæst. 1. art. 3. quæst. 3. cor. & ad 2. & IV. dist. xv. quæst. 1. art. 1. quæst. 1. cor. & Ps. lxx. con. 1. & 2. & Epb. v. lect. 7.

**A**d primum sic proceditur. Videtur quod Deus non sit ore laudandus. Dicit enim Philosophus in I. Eth. (cap. ult.) *Optimum non est laus, sed maius aliquid, & melius.* Sed Deus est super omnia optima. Ergo Deo non debetur laus, sed aliquid maius laude: unde & Eccli. xliii. 33. dicitur, quod Deus *maior est omni laude.*

2. Præterea. Laus Dei ad cultum ipsius pertinet, est enim religionis actus. Sed Deus mente colitur magis quam ore: unde Dominus Matth. xv. contra quosdam inducit illud Isa. xxix. 13. *Populus hic labiis me (a) honorat, cor autem eorum longe est a me.* Ergo laus Dei magis consistit in corde quam in ore.

3. Præterea. Homines ad hoc ore laudantur, ut ad meliora provocentur: sicut enim mali ex suis laudibus superbiunt, ita boni ex suis laudibus ad meliora provocantur: unde dicitur Proverb. xxvii. 21. *Quomodo probatur in inflatorio argentum, sic probatur homo ore laudantium.* Sed Deus per verba hominum non provocatur ad meliora, tum quia immutabilis est, tum quia summe bonus est, & non habet quod crescat. Ergo Deus non est laudandus ore.

Sed contra est quod in Psal. lxxi. 6. dicitur: *Labiis exultationis laudabit os meum.*

Respondetur dicendum, quod verbis alia ratione utimur ad Deum, & alia ratione ad hominem. Ad hominem enim utimur verbis, ut conceptum nostri cordis, (b) quem non potest cognoscere nisi verbis nostris, ei exprimamus. Et ideo laude oris ad hominem utimur, ut vel ei, vel aliis innotescat quod bonam opinionem de laudato habemus; ut per hoc & ipsum qui laudatur, ad meliora provocemus, & alios apud quos laudatur, in bonam opinionem, & reverentiam, & imitationem ipsius inducamus. Sed ad Deum verbis utimur, non quidem ut ei qui est inspector cordium, nostros conceptus manifestemus, sed ut nos ipsos

(a) Vulgata glorificat. (b) De communiter. Celsi, Arian, & Camer, quem non potest cognoscere, verbis nostris ei exprimamus.



& alios audientes ad eius reverentiam inducamus.

Et ideo necessaria est laus oris, non quidem propter Deum, sed propter ipsum laudantem: cuius affectus excitatur in Deum ex laude ipsius, secundum illud Psal. xlix. 23. *Sacrificium laudis benificabit me, & illis iter, quo ostendam illi salutem Dei.* Et inquantum homo per divinam laudem affectu ascendit in Deum, intantum per hoc retrahitur ab his quae sunt contra Deum, secundum illud Isa. xlviii. 9. *Laude mea infrenabo te, ne intercas.* Prodest etiam laus oris ad hoc quod aliorum affectus provocetur in Deum: unde dicitur in Psal. xxxiii. 1. *Semper laus eius in ore meo: & postea subditur. Audiant mansueti, & latentur: Magnificate Dominum mecum.*

Ad primum ergo dicendum, quod de Deo duplitter possumus loqui. Uno modo quantum ad eius essentiam: & sic, cum sit incomprehensibilis, & ineffabilis, maior est omni laude. Debetur autem ei secundum hanc comparisonem reverentia, & laetitia honor: unde & in Psal. lxxv. secundum translationem Hieronymi (in suo Psalter. Hebraico, & in Verl. Chald.) dicitur: *Tibi flet laus, Deus*, quantum ad primum; & *tibi redetur votum*, quantum ad secundum. Alio modo secundum effectus ipsius, qui in nostram utilitatem ordinantur: & secundum hoc debetur laus Deo: unde dicitur Isa. lxxiii. 7. *Miserationum Domini recordabor: laudem Domini super omnibus quae reddidit nobis Dominus: & Dionysius dicit 1. cap. de div. Nomin. (a med. lect. 11.) Omnem sanctorum Theologorum hymnum, id est divinam laudem, invenies ad beatos Thearchias, id est Divinitatis, processus manifestative, & laudative Dei nominationes dividendum.*

Ad secundum dicendum, quod laus oris inutilis est laudanti, si sit sine laude cordis. Tunc enim loquitur Deo laudem, dum magnalia operum eius recitat cum affectu. Valet tamen exterior laus oris ad excitandum interiorem affectum laudantis, & ad provocandum alios ad Dei laudem, sicut dictum est (in corp. art.)

Ad tertium dicendum, quod Deum non laudamus propter utilitatem suam, sed propter utilitatem nostram, ut dictum est (in corp. art.)

## ARTICULUS II. 496

*Utrum in divinis laudibus sint cantus assumendi.*

*Locis art. 1. indutis.*

**A**D secundum sic proceditur. Videtur quod cantus non sint assumendi in laudem divinam. Dicit enim Apostolus ad Coloss. iii. 16. *Docentes, & commoventes vosmetipsos in psalmis, & hymnis, & canticis spiritualibus.* Sed nihil debemus assumere in divinum cultum praeter ea quae nobis auctoritate Scripturae traduntur. Ergo videtur quod non debemus uti in divinis laudibus canticis corporaliibus, sed solum spiritualibus.

2. Praeterea. Hieronymus super illud ad Ephes. v. *Cantantes, & psallentes in cordibus vestris Domino*, (& hab. cap. *Cantantes*, dist. xcii.) dicit: „Audiant haec adolescentuli, audiant hi quibus in Ecclesia est psallendi officium: Deo non voce, sed corde cantandum: nec in tragediorum modum guttur, & fauces medicamine liniendae sunt, ut in Ecclesia, theatrales moduli audiantur, & cantica.“ Non ergo in laudes Dei sunt cantus assumendi.

3. Praeterea. Laudare Deum convenit parvis, & magnis, secundum illud Apoc. xix. 5. *Laudem dicite Deo nostro omnes sanctis eius, & qui timeis Deum, pusilli, & magni.* Sed maiores, qui sunt in Ecclesia, non decet cantare: dicit enim Gregorius (in Regist. Lib. IV. epist. xlv. a princ.) & habetur in Decretis dist. xcii. cap. *In sancta Romana Ecclesia. Praesenti decreto constituo ut in sede hac sacri altaris ministri cantare non debeant.* Ergo cantus non conveniunt divinis laudibus.

4. Praeterea. In veteri lege laudabatur Deus in musicis instrumentis, & humanis cantibus, secundum illud Psal. xxxii. 2. *Conspicimini Domino in cithara, in psalterio decem chordarum psallite illi: cantate ei canticum novum.* Sed instrumenta musica, sicut cithara, & psalteria, non assumit Ecclesia in divinas laudes, ne videatur iudaizare. Ergo pari ratione nec cantus in divinas laudes sunt assumendi.

5. Praeterea. Principalior est laus mentis quam laus oris. Sed laus mentis impeditur per cantus: tum quia cantantium intentio abstrahitur a consideratione eorum quae cantant, dum circa cantum flu-

student: tum etiam quia ea quæ cantantur, minus ab aliis intelligi possunt, quam si sine cantu proferrentur. Ergo cantus non sunt in divinis laudibus assumendi.

Sed contra est quod beatus Ambrosius in Ecclesia Mediolanensi cantus instituit, ut Augustinus refert Lib. IX. Confess. (cap. VII.)

Respondeo dicendum, quod, sicut dictum est (art. præc.) laus vocalis ad hoc necessaria est ut affectus hominis provocetur in Deum. Et ideo quæcumque ad hoc utilis esse possunt, in divinis laudes congruenter assumuntur. Manifestum est autem quod secundum diversas melodias sonorum, animi hominum diversimode disponuntur, ut patet per Philosophum in VIII. Politic. (cap. 6. & VII.) & per Boetium in prologo musice (seu Lib. I. cap. 1. a med.)

Et ideo salubriter fuit institutum ut in divinas laudes cantus assumerentur, ut animi infirmorum magis provocarentur ad devotionem. Unde Augustinus dicit in X. Confess. (cap. XXXIII. a med.) *Adducor cantandi consuetudinem approbare in Ecclesia, ut per oblectamenta aurium infirmior animus in affectum pietatis assurgat*: & de seipso dicit in IX. Confess. (cap. VI. in fin.) *Flevi in hymnis, & canticis tuis, suavescentis Ecclesie tue vocibus commotus acriter*.

Ad primum ergo dicendum, quod cantica spiritualia possunt dici non solum ea quæ interius canuntur in spiritu, sed etiam ea quæ exterius ore cantantur, inquantum per huiusmodi cantica spiritualis devotio provocatur.

Ad secundum dicendum, quod Hieronymus non simpliciter vituperat cantum, sed reprehendit eos qui in Ecclesia cantant more theatro, non propter devotionem excitandam, sed propter ostentationem, vel delectationem provocandam. Unde Augustinus dicit in X. Confess. (cap. XXXIII. cir. fin.) *Cum mihi accidit ut me amplius cantus quam res quæ canitur, moveat, penitenter me peccare confiteor; & tunc mallem non audire cantantem*.

Ad tertium dicendum, quod nobilior modus est provocandi homines ad devotionem per doctrinam, & prædicationem quam per cantum. Et ideo diaconi, & prælati, quibus competit per prædicationem, & doctrinam animos hominum provocare in Deum, non debent canti-

bus insistere, ne per hoc a maioribus retrahantur. Unde ibidem Gregorius dicit: *Consuetudo est valde reprehensibilis ut in diaconatus ordine constituti modulationi vocis inserviant, quos ad prædicationis officium, & elemosinarum studium vacare congruebat*.

Ad quartum dicendum, quod, sicut Philosophus dicit in VIII. Polit. (cap. VI. cir. med.) *neque fistulas ad disciplinam est adducendum, neque aliquod aliud artificiale organum, puta cittharam, & si quid tale alterum est; sed quæcumque faciunt auditores bonos*. Huiusmodi enim musica instrumenta magis animum movent ad delectationem, quam per ea formetur interius bona dispositio. In veteri autem testamento usus erat talium instrumentorum: tum quia populus erat magis durus, & carnalis, unde erat per huiusmodi instrumenta provocandus, sicut & per promissiones terrenas: tum etiam quia huiusmodi instrumenta corporalia aliquid figurabant.

Ad quintum dicendum, quod per cantum quo quis studiose ad delectandum utitur, abstrahitur animus a consideratione eorum quæ cantantur. Sed si aliquis cantet propter devotionem, attentius considerat quæ dicuntur: tum quia diutius moratur super eodem: tum quia, ut Augustinus dicit in X. Confess. (cap. XXXIII. a princ.) *omnes affectus spiritus nostri pro suavi diversitate habent proprios modos in voce, atque cantu, quorum occulta familiaritate excitantur*. Et eadem etiam est ratio de audientibus, in quibus est (a) aliqui non intelligant quæ cantantur, intelligunt tamen propter quod cantantur, scilicet ad laudem Dei: & hoc sufficit ad devotionem excitandam.

## QUAESTIO XCII.

*De vitiis religioni oppositis, & primo de superstitione;*  
*in duos articulos divisa.*

Postea considerandum est de vitiis religioni oppositis: & primo de illis quæ cum religione conveniunt in hoc quod exhibent cultum divinum; secundo de vitiis manifestam contrarietatem ad religionem habentibus, per contemptum eorum quæ pertinent ad divinum cultum. Primum autem horum pertinet ad superstitionem; secundum ad irreligiositatem. Unde primo considerandum est de ipsa

(a) scilicet aliquando.

ipsa superstitione, & de partibus eius: deinde de irreligiositate, & partibus eius.

Circa primum quaeruntur duo.

Primo, utrum superstitio sit vitium religioni contrarium.

Secundo, utrum habeat plures partes, seu species.

## ARTICULUS I. 497

*Utrum superstitio sit vitium religioni contrarium.*

*Inf. quæst. xciv. art. 1. cor. & quæst. xcv. art. 1. cor. & quæst. cxxii. art. 3. cor. & I. dist. ix. quæst. 11. art. 1. quæst. 2. ad 3.*

**A**D primum sic proceditur. Videtur quod superstitio non sit vitium religioni contrarium. Unum enim contrarium non ponitur in definitione alterius. Sed religio ponitur in definitione superstitionis. dicitur enim superstitio esse religio *supra modum servata*, ut patet in Glossa (interl.) ad Coloss. 11. super illud, *Quæ sunt rationem habentia sapientie in superstitione*. Ergo superstitio non est vitium religioni contrarium.

2. Præterea. Isidorus dicit in Lib. X. Etymolog. (ad lit. S.) *Superstitioes aie Cicero appellatos, qui totos dies deprecabantur, & immolabant, ut sui sibi liberi superstities fierent*. Sed hoc etiam potest fieri secundum veræ religionis cultum. Ergo superstitio non est vitium religioni oppositum.

3. Præterea. Superstitio quemdam excessum importare videtur. Sed religio non potest habere excessum: quia, sicut supra dictum est (quæst. lxxx. art. 5. ad 3.) secundum eam non contingit æquale Deo reddere eius quod debemus. Ergo superstitio non est vitium religioni oppositum.

Sed contra est quod Augustinus dicit in Lib. de decem chordis (cap. ix. a med.) *Tangis primam chordam, qua colitur unus Deus, & cecidis bestia superstitionis*. Sed cultus unius Dei pertinet ad religionem. Ergo superstitio religioni opponitur.

Respondeo dicendum, quod, sicut supra dictum est (quæst. lxxx. art. 5. ad 3.) religio est virtus moralis. Omnis autem virtus moralis in medio consistit, ut supra habitum est (1. 2. quæst. lxxv. art. 1.) Et ideo duplex vitium virtuti morali opponitur: unum quidem secundum ex-

*5. Tb. Oper. Tpm. XXXI*

cessum; aliud autem secundum defectum. Contingit autem excedere medium virtutis non solum secundum circumstantiam quæ dicitur *quantum*, sed etiam secundum alias circumstantias: unde & in aliquibus virtutibus, sicut in magnanimitate, & magnificentia, vitium excedit virtutis medium: non quia ad maius aliquid tendat quam virtus, sed forte ad minus; transcendit tamen virtutis medium, inquantum facit aliquid cui non debet, vel quando non debet, & similiter secundum alia huiusmodi, ut patet per Philosophum in IV. Ethic. (cap. 1. & v.)

Sic ergo superstitio est vitium religioni oppositum secundum excessum: non quia plus exhibeat in cultum divinum quam vera religio; sed quia exhibet cultum divinum vel cui non debet, vel eo modo quo non debet.

Ad primum ergo dicendum, quod sicut bonum metaphorice dicitur in malis, prout dicimus bonum latronem; ita etiam nomina virtutum quandoque transumptive accipiuntur in malis; sicut prudentia quandoque ponitur pro astutia, secundum illud Luc. xvi. 8. *Filius huius sæculi prudentiores filiis lucis sunt*: & per hunc modum superstitio dicitur esse religio.

Ad secundum dicendum, quod aliud est etymologia nominis, & aliud est significatio nominis. Etymologia attenditur secundum id a quo imponitur nomen ad significandum; hominis vero significatio attenditur secundum id ad quod significandum nomen imponitur: quæ quandoque diversa sunt: nomen enim lapidis imponitur a latione. pedis; non tamen hoc significat; alioquin ferrum, cum pedem lædat, lapis esset. Similiter etiam nomen superstitionis non oportet quod significet illud a quo nomen est impositum.

Ad tertium dicendum, quod religio non potest habere excessum secundum quantitatem absolutam; potest tamen habere excessum secundum quantitatem proportionis, prout scilicet in cultu divino sit aliquid quod fieri non debet.

## ARTICULUS II. 498

*Utrum sint diversæ superstitionis species.*

*Inf. quæst. xciv. art. 1.*

**A**D secundum sic proceditur. Videtur quod non sint diversæ superstitionis species.

H h

spe-

species. Quia secundum Philosophum in I. Topic. (cap. xiii. ante med.) *sumum oppositorum dicitur multipliciter, & reliquum*. Sed religio, cui opponitur superstitio, non habet diversas species, sed omnes eius actus ad unam speciem referuntur. Ergo nec superstitio habet diversas species.

2. Præterea. Opposita sunt circa idem. Sed religio, cui opponitur superstitio, est circa ea quibus ordinamur in Deum, ut supra habitum est (quæst. lxxx. art. 1.) Non ergo species superstitutionis, quæ opponitur religioni, possunt attendi secundum aliquas divinationes humanorum eventuum, vel secundum aliquas observationes humanorum actuum.

3. Præterea. Ad Coloss. ii. super illud, *Quæ sunt rationem habentia sapientia in superstitutione*, dicit Glossa (ord. Ambrosii in h. cap.) „idest in simulata religione.“ Ergo etiam simulatio debet poni species superstitutionis.

Sed contra est quod Augustinus in II. de doctr. christi. (cap. xx. xxi. xxxii. xxxiii. & xxiv.) diversas species superstitutionis assignat.

Respondendo dicendum, quod, sicut supra dictum est (art. præc.) vitium superstitutionis consistit in hoc quod transcendit virtutis medium secundum aliquas circumstantias, ut supra dictum est (ibid. & 1. quæst. lxxx. art. 9.) Non enim quælibet circumstantiarum corruptarum diversitas variat peccati speciem, sed solum quando referuntur ad diversa obiecta, vel diversos fines: secundum hoc enim morales actus speciem sortiuntur, ut supra habitum est (1. 2. quæst. 1. art. 3. & quæst. xviii. art. 4. 6. 10. & 11.)

Diversificantur ergo superstitutionis species primo quidem ex parte modi; secundo ex parte obiecti. Potest enim divinus cultus exhiberi vel cui exhibendus est, scilicet Deo vero, modo tamen indebito; & hæc est prima superstitutionis species: vel cui non debet exhiberi, scilicet cuicumque creaturæ; & hoc est aliud superstitutionis genus, quod in multas species dividitur secundum diversos fines divini cultus. Ordinatur enim primo divinus cultus ad reverentiam Deo exhibendam; & secundum hoc prima species huius generis est idololatria, quæ divinam reverentiam indebite exhibet creaturæ. Secundo ordinatur ad hoc quod homo instruat a Deo, quem colit: & ad hoc pertinet superstitio divinatoria, quæ demones con-

sulit per aliqua pacta cum eis inita vel tacita, vel expressa. Tercio ordinatur divinus cultus ad quamdam directionem humanorum actuum secundum instituta Dei, qui colitur: & ad hoc pertinet superstitio quarundam observationum.

Et hæc tria tangit Augustinus in II. de doctr. christi. (cap. xx. in princ.) dicens, *superstitiosum esse quicquid institutum est ab hominibus ad faciendam, & colendam idola pertinens*; & hoc pertinet ad primum. Et postea subdit (ibid.) *Vel ad consultationes, & pacta quedam significationum cum demonibus placita, atque sœderata*: quod pertinet ad secundum. Et post pauca subdit; *& cetera huiusmodi*: quod pertinet ad tertium.

Ad primum ergo dicendum, quod, sicut Dionysius dicit iv. cap. de div. Nom. (par. iv. lect. 22.) *bonum contingit ex una & integra causa; malum autem ex singularibus defectibus*. Et ideo uni vituri plura vitia opponuntur, ut supra habitum est (art. præc. & quæst. x. art. 5.) Verbum autem Philosophi veritatem habet in oppositis in quibus est eadem ratio multiplicationis.

Ad secundum dicendum, quod divinationes, & observationes aliquæ pertinent ad superstitutionem, inquantum dependent ex aliquibus operationibus demonum; & sic pertinent ad quædam pacta cum eis inita.

Ad tertium dicendum, quod simulata religio ibi dicitur, quando traditioni humanæ nomen religionis applicatur, prout in Glossa sequitur. Unde ista simulata religio nihil est aliud quam cultus Deo vero exhibitus modo indebito; sicut si aliquis tempore gratiæ vellet colere Deum secundum veteris legis ritum; & de hac ad litteram loquitur Glossa.

## QUAESTIO XCII.

*De speciebus superstitutionis,  
in duos articulos divisa.*

DEinde considerandum est de speciebus superstitutionis: & primo de superstitutione indebiti cultus veri Dei; secundo de superstitutione idololatriæ; tertio de superstitutione divinationum; quarto de superstitutione observationum.

Circa primum quaeruntur duo.

Primo, utrum in cultu veri Dei possit esse aliquid perniciosum,

Se-

Secundo, utrum possit ibi esse aliquid superfluum.

## ARTICULUS I. 499

*Utrum in cultu veri Dei possit esse aliquid perniciosum.*

**A**D primum sic proceditur. Videtur quod in cultu veri Dei non possit esse aliquid perniciosum. Dicitur enim Joel. 11. 32. *Omnis quicumque invocaverit nomen Domini, salvus erit.* Sed quicumque colit Deum quocumque modo, invocat nomen eius. Ergo omnis cultus Dei confert ad salutem. Nullus ergo est perniciosus.

2. Præterea. Idem Deus est qui colitur a iustis quacumque munditate. Sed ante legem datam iustis absque peccato mortali colebant Deum, qualitercumque eis placebat: unde & Iacob proprio voto se obligavit ad specialem cultum, ut habetur Genesis xxviii. Ergo etiam modo nullus Dei cultus est perniciosus.

3. Præterea. Nihil perniciosum in Ecclesia sustinetur. Sustinet autem Ecclesia diversos ritus colendi Deum: unde Gregorius scribit Augustino Episcopo Anglorum (Lib. XII. Regist. epist. xxxi. ad interrogat. 3.) proponenti quod sunt diversæ Ecclesiarum consuetudines in Missarum celebratione: *Mibi, inquit, placet, ut sive in Romanis, sive in Galliciarum partibus, seu in qualibet Ecclesia aliquid invenisti quod plus omnipotenti Deo possit placere, sollicite eligas.* Ergo nullus modus colendi Deum est perniciosus.

Sed contra est quod Augustinus dicit in epist. ad Hieronymum (lxxxii. al. xix. ante med.) & habetur in Glossa ad Galat. 11. (interl. & ord. sup. illud; *Uti nos in servitute etc.*) quod *legalia observata post veritatem Evangelii divulgatam sunt mortifera*: & tamen legalia ad cultum Dei pertinent. Ergo in cultu Dei potest esse aliquid mortiferum.

Respondetur dicendum, quod, sicut Augustinus dicit in Lib. de mendacio (cap. xiv. in princ.) *mendacium maxime perniciosum est quod fit in his quæ ad christianam religionem pertinent.* Est autem mendacium, cum aliquis exterius significat contrarium veritati. Sicut autem significatur aliquid verbo, ita etiam significatur aliquid facto: & in tali significatione facti consilium exterior religionis

cultus, ut ex supra dictis patet (quaest. lxxxii. art. 7.) Et ideo si per cultum exteriorum aliquid falsum significetur, erit cultus perniciosus.

Hoc autem contingit dupliciter. Uno quidem modo ex parte rei significatæ, a qua discordat significatio cultus: & hoc modo tempore novæ legis peractis iam Christi mysteriis, perniciosum est uti caeremoniis veteris legis, quibus Christi mysteria figurabantur tutura; sicut etiam perniciosum esset, si quis verbo confiteretur Christum esse passurum.

Alio modo potest contingere falsitas in exteriori cultu ex parte colentis: & hoc præcipue in cultu communi, qui per ministros exhibetur in persona totius Ecclesie. Sicut enim falsarius esset qui aliqua proponeret ex parte alicuius, quæ non essent ei comissa; ita vitium falsitatis incurrit qui ex parte Ecclesie cultum exhibet Deo contra modum divina auctoritate ab Ecclesia constitutum, & in Ecclesia consuetum. Unde Ambrosius dicit (sup. illud I. Corin. xi. *Quicumque edis panem*: ) *Indignus est qui aliter celebrat mysterium quam Christus tradidit.* Et propter hoc etiam Glossa (ord. Ambrosii. super illud, *Quæ sunt rationem habentia*) dicit ad Colos. 11. quod *superstitio est quando traditioni humane religionis nomen applicatur.*

Ad primum ergo dicendum, quod eum Deus sit veritas, illi invocant Deum qui in spiritu, & veritate eum colunt, ut dicitur Ioan. iv. Et ideo cultus continens falsitatem non pertinet proprie ad Dei invocationem, quæ salvat.

Ad secundum dicendum, quod ante tempus legis iusti per interiorum instinctum instruebantur de modo coleudi Deum, quos alii sequebantur; postmodum vero exterioribus præceptis circa hoc homines sunt instructi, quæ præterire peius esset.

Ad tertium dicendum, quod diversæ consuetudines Ecclesie in cultu divino; in nullo veritati repugnant: & ideo sunt servandæ, & eas præterire illicitum est.

## ARTICULUS II. 500

*Utrum in cultu Dei possit esse aliquid superfluum.*

*Sup. quest. lxxxv. art. 5. ad 1. & quest. xcii. art. 1. cor. & ad 3. & infra quest. civ. art. 2. ad 2.*

**A**D secundum sic proceditur. Videtur quod in cultu Dei non possit esse aliquid superfluum. Dicitur enim Eccli. xlii. 32. *Glorificantes Deum quantumcumque poteritis, supervalebit adhuc.* Sed cultus divinus ordinatur ad Deum glorificandum. Ergo nihil superfluum in eo potest esse.

2. Præterea. Exterior cultus est profectio quædam cultus interioris, quo Deus colitur fide, spe, & caritate, ut Augustinus dicit in Enchirid. (cap. 121.) Sed in fide, spe, & caritate non potest esse aliquid superfluum. Ergo neque in divino cultu.

3. Præterea. Ad divinum cultum pertinet ut ea Deo exhibeamus quæ a Deo accepimus. Sed omnia bona nostra a Deo accepimus. Ergo si totum quicquid possumus, facimus ad Dei reverentiam, nihil superfluum erit in divino cultu.

Sed contra est quod Augustinus dicit in II. de doctr. christi. (cap. xviii.) quod *bonus, verusque Christianus etiam in litteris sacris superstitionis signum repudiat.* Sed per sacras litteras Deus colendus ostenditur. Ergo etiam in cultu divino potest esse superstitio ex aliqua superfluitate.

Respondeo dicendum, quod aliquid dicitur superfluum dupliciter. Uno modo secundum absolutam quantitatem; & secundum hoc non potest esse aliquid superfluum in divino cultu: quia nihil potest homo facere quod non sit minus eo quod Deo debet.

Alio modo potest esse aliquid superfluum secundum quantitatem proportionis, quia scilicet non est fini proportionatum. Finis autem divini cultus est ut homo Deo æt. gloriam, & ei se subiciat mente, & corpore. Et ideo quicquid homo faciat quod pertinet ad Dei gloriam, & ad hoc quod mens hominis Deo subiciatur, & etiam corpus permoderatam refrenationem concupiscentiarum, secundum Dei, & Ecclesie ordinationem, & consuetudinem eorum quibus homo convivit; non est superfluum in divino cultu. Si autem aliquid sit

quod quantum est de se, non pertinet ad Dei gloriam, neque ad hoc quod mens hominis feratur in Deum, aut quod carnis concupiscentiæ inordinate retineantur, aut etiam si sit præter Dei, & Ecclesie institutionem, vel contra consuetudinem communem, quæ secundum Augustinum (epist. xxxvi. al. lxxxvi. ad Casulanum parum a princ.) pro lege habenda est; totum hoc reputandum est superfluum, & supersticiosum: quia in exterioribus solum consensu, ad interiorum Dei cultum non pertinet. Unde Augustinus in Lib. de vera religione (cap. 121. a med.) inducit quod dicitur Luc. xvii. 21. *Regnum Dei intra vos est*, contra supersticiosos, qui scilicet exterioribus principalem curam impendunt. Ad primum ergo dicendum, quod in ipsa Dei glorificatione implicatur quoddam quod sit, pertineat ad Dei gloriam: per quod excluditur superstitionis superfluitas.

Ad secundum dicendum, quod per fidem, spem, & caritatem anima subicitur Deo: unde in eis non potest esse aliquid superfluum. Aliud autem est de exterioribus actibus, qui quandoque ad hæc non pertinent.

Ad tertium dicendum, quod ratio illa procedit de superfluo quantum ad quantitatem absolutam.

## QUAESTIO XCIV.

*De idololatria,*

*in quatuor articulos divisa.*

**D**Einde considerandum est de idololatria: & circa hoc quaeruntur quatuor.

Primo, utrum idololatria sit species superstitionis.

Secundo, utrum sit peccatum.

Tertio, utrum sit gravissimum peccatorum.

Quarto de causa huius peccati.

Utrum autem cum idololatriæ sit communicandum, dictum est supra, cum de inidelitate ageretur (quest. x. art. 7. & 10.)

ARTICULUS I. 501

*Utrum idololatria recte ponatur species  
superstitionis.*

III. dist. ix. quæst. 1. art. 1. quæst. 3. ad 3.  
& III. contra cap. cxx.

**A**D primum sic proceditur. Videtur  
quod idololatria non ponatur re-  
cte species superstitionis. Sicut enim hæ-  
retici sunt infideles, ita & idolola-  
træ. Sed hæresis est species infidelitatis,  
ut supra habitum est (quæst. xi. art. 1.)  
Ergo & idololatria, non autem supersti-  
tionis.

2. Præterea. Latria pertinet ad virtu-  
tem religionis, cui opponitur superstitionis.  
Sed idololatria videtur univoce dici latri-  
a cum ea quæ ad veram religionem  
pertinet: sicut enim appetitus falsæ bea-  
titudinis cum appetitu veræ beatitudinis  
univoce dicitur; ita cultus falforum deo-  
rum, qui dicitur idololatria, univoce  
videtur dici cum cultu veri Dei, qui est  
latria veræ religionis. Ergo idololatria  
non est species superstitionis.

3. Præterea. Illud quod nihil est, non  
potest esse alicuius generis species. Sed ido-  
latria nihil esse videtur: dicit enim A-  
postolus I. ad Corinth. viii. 4. *Scimus  
quia nihil est idolum in mundo: & infra  
cap. x. 19. Quid ergo? Dico, quod idolis  
immolatum sit aliquid, aut quod idolum  
sit aliquid?* quasi dicat, non. Immolare  
autem idolis proprie ad idololatriam per-  
tinet. Ergo idololatria, quasi nihil ex-  
istens, non potest esse superstitionis spe-  
cies.

4. Præterea. Ad superstitionem perti-  
net exhibere cultum divinum cui non  
debetur. Sed cultus divinus sicut non  
debetur idolis, ita nec aliis creaturis:  
unde Rom. i. 25. quidam vituperantur  
de hoc quod colunt, & servierunt po-  
tius creaturæ quam Creatori. Ergo incon-  
venienter huiusmodi superstitionis species  
idololatria nominatur, sed deberet potius  
nominari latria creaturæ.

Sed contra est quod A. 8. xvii. 16. di-  
citur, quod cum Paulus Silam, & Ti-  
S. Tb. Oper. Tom. XXII.

motheum Athenis expectaret, incitaba-  
tur spiritus eius in ipso, videns idolola-  
triam dedisse civitatem: & postea 22. di-  
xit: *Viri Athenienses, per omnia quasi su-  
perstitiosos vos video.* Ergo idololatria ad  
superstitionem pertinet.

Respondeo dicendum, quod, sicut su-  
pra dictum est (quæst. xcii. art. 1.) ad  
superstitionem pertinet excedere debitum  
modum divini cultus. Quod quidem præ-  
cipue fit quando divinus cultus exhibe-  
tur cui non debet exhiberi. Debet au-  
tem exhiberi soli summo Deo, increato,  
sicut supra habitum est (quæst. lxxxix.  
art. 1.) cum de religione ageretur. Et  
ideo cuicumque creaturæ divinus cultus  
exhibeatur, supersticiosum est. (a) Hu-  
iusmodi autem divinus cultus sicut crea-  
turæ a sensibilibus exhibebatur per aliqua  
sensibilia signa, puta sacrificia, ludos,  
& alia huiusmodi; ita etiam exhibebatur  
creaturæ repræsentatæ per aliquam for-  
mam sensibilem, vel figuram, quæ ido-  
lum nuncupatur.

Diversimode tamen cultus divinus ido-  
lis exhibebatur. Quidam enim per quam-  
dam nefariam artem imagines quasdam  
construebant, quæ virtute dæmonum ali-  
quos certos effectus habebant: unde pu-  
tabant, in ipsis imaginibus esse aliquid  
Divinitatis, & per consequens quod di-  
vinus cultus eis deberetur. Et hæc fuit  
opinio Hermetis Trimegisti, ut Augu-  
stinus dicit in VIII. de civit. Dei (cap.  
xxiii.) Alii vero non exhibebant cul-  
tum Divinitatis ipsis imaginibus, sed  
creaturis, quarum erant imagines. Et  
utrumque horum tangit Apostolus ad  
Rom. i. 23. Nam quantum ad primum, di-  
cit: *Mutaverunt gloriam incorruptibilis  
Dei in similitudinem imaginis corruptibili-  
lis hominis, & volucrum, & quadrupe-  
dum, & serpentium:* quantum autem ad  
secundum subdit: *Coluerunt, & servie-  
runt potius creaturæ quam Creatori.*

Horum tamen fuit triplex opinio. Qui-  
dam enim aestimabant, quasdam homi-  
nes deos fuisse, quos per eorum imagi-  
nes colebant, sicut Iovem, Mercurium,  
& alios huiusmodi. Quidam vero æsti-  
mabant, eorum mundum esse unum  
Deum, non propter corporalem substan-  
tiam,

H b 3

tiam,

(a) Hanc lectionem ex cod. Med. restitimus: quam lvi cum varietate habent nonnulli alii ediderunt, & edi-  
tiones antiquæ cum Patav. ann. 1698. videlicet pro creaturæ a sensibilibus, id est hominibus, canibus, &c. re-  
gretur creaturæ insensibili. Neclaus in mss. Sicut autem per aliqua sensibilia signa sensibilibus creaturis  
exhibebatur cultus divinus, puta per sacrificia &c. Edit. Lugdun. 1677. Sicut autem per aliqua sensibilia  
signa cultus exhibetur Deo, puta per sacrificia &c. Edit. Patav. an. 1715. Sicut autem per aliqua sensi-  
bilia signa cultus exhibetur Deo, puta per sacrificia, oblationes &c. alia huiusmodi; ita etiam exhibe-  
batur creaturæ repræsentatæ &c.

tiam, sed propter animam, quam Deum esse credebant, dicentes Deum nihil aliud esse quam animam motu, & ratione mundum gubernantem; sicut & homo dicitur sapiens propter animam, non propter corpus. Unde putabant, toti mundo, & omnibus partibus eius esse cultum Divinitatis exhibendum, cælo, aeri, aquæ, & omnibus huiusmodi partibus: & ad hæc reiecebant nomina, & imagines suorum deorum, sicut Varro dicebat, & narrat Augustinus in VII. de civit. Dei (cap. 11. & xxii.) Alii vero, scilicet Platonici, posuerunt unum esse summum Deum causam omnium; post quem ponebant esse substantias quasdam spirituales a summo Deo creatas, quas *deos* nominabant, participatione scilicet Divinitatis, nos autem eos *Angelos* dicimus; post quos ponebant animas cælestium corporum, & sub his dæmones, quos dicebant esse aerea quædam animalia; & sub his ponebant animas hominum, quas per virtutis meritum ad deorum, vel dæmonum societatem assumere credebant: & his omnibus cultum Divinitatis exhibebant, ut Augustinus narrat in VIII. de civit. Dei (cap. xiv.)

Has autem duas ultimas opiniones dicebant pertinere ad physicam Theologiam, quam Philosophi considerabant in mundo, & docebant in scholis: aliam vero de cultu hominum dicebant pertinere ad Theologiam fabularem, quæ secundum fignenta poetarum repræsentabatur in theatris: aliam vero opinionem de imaginibus dicebant pertinere ad civilem Theologiam, quæ per pontifices celebrabatur in templis.

Omnia autem hæc ad superstitionem idolatriæ pertinebant. Unde Augustinus dicit in II. de doct. christ. (cap. xx. in princ.) *Superstitiosum est quicquid institutum ab hominibus est ad faciendam, & colendam idola pertinens, vel ad colendam sicut Deum creaturam, partemve ullam creature, vel &c.*

Ad primum ergo dicendum, quod sicut religio non est fides, sed fidei protestatio per aliqua exteriora signa; ita superstitio est quædam infidelitatis protestatio per exteriorem cultum: quam quidem protestationem nomen idolatriæ significat, non autem nomen hæresis, sed solum falsam opinionem. Et ideo hæresis est species infidelitatis; sed idolatriæ est species superstitionis.

Ad secundum dicendum, quod nomen

latræ dupliciter potest accipi. Uno enim modo potest significare humanum æsum ad cultum Dei pertinentem: & secundum hoc non variatur significatio huius nominis *latræ*, cuiusque exhibeatur: quia illud qui exhibetur, non cadit secundum hoc in eius definitione: & secundum hoc latræ univoce dicitur, secundum quod pertinet ad veram religionem, & secundum quod pertinet ad idolatriam; sicut solutio tributum univoce dicitur, sive exhibeatur vero Regi, sive falso. Alio modo accipitur latræ, prout est idem religioni: & sic, cum sit virtus, de ratione eius est quod cultus divinus exhibeatur ei cui debet exhiberi: & secundum hoc latræ æquivoce dicitur de latræ veræ religionis, & de idolatriæ; sicut prudentia æquivoce dicitur de prudentia quæ est virtus, & de prudentia quæ est carnis.

Ad tertium dicendum, quod Apostolus intelligit, *idolum nihil esse in mundo*: quia imagines illæ quæ idola dicebantur, non erant animatæ, aut aliquam virtutem Divinitatis habentes, sicut Hermes ponebat, quasi esset aliquid compositum ex spiritu, & corpore: & similiter intelligendum est, quod *idolis immolatum non est aliquid*: quia per huiusmodi immolationem carnes immolatiæ neque aliquam sanctificationem consequuntur, ut Gentiles putabant, neque aliquam immundiciam, ut putabant Iudæi.

Ad quartum dicendum, quod ex communi consuetudine, qua creaturas quascunque colebant Gentiles sub quibusdam imaginibus, impositum est hoc nomen *idolatriæ* ad significandum quencumque cultum creaturæ, etiam si sine imaginibus fieret.

## ARTICULUS II. 308

*Utrum idolatriæ sit peccatum.*

III. cont. cap. cxx.

**A**D secundum sic proceditur. Videtur autem quod idolatriæ non sit peccatum. Nihil enim est peccatum quod vera fides in cultum Dei assumit. Sed vera fides imagines quasdam assumit ad divinum cultum; nam & in tabernaculo erant imagines Cherubim, ut legitur Exod. xxv. & in Ecclesia quædam imagines ponuntur, quas fideles adorant. Ergo idolatriæ, secundum quam idola adorantur, non est peccatum.

2. PRÆ-



3. Præterea. Cuilibet superiori est reverentia exhibenda. Sed Angeli, & animæ Sanctorum sunt nobis superiores. Ergo si eis exhibeatur reverentia per aliquem cultum vel sacrificiorum, vel aliquorum huiusmodi, non erit peccatum.

3. Præterea. Summus Deus interiori cultu mentis est colendus, secundum illud Ioan. iv. 24. *Deum oportet adorare in spiritu, & veritate*: & Augustinus dicit in Enchir. (cap. 111.) quod *Deus colitur fide, spe, & caritate*. Potest autem contingere quod aliquis exterius idola colat, interius tamen a vera fide non discedat. Ergo videtur quod sine præiudicio divini cultus possit aliquis exterius idola colere.

Sed contra est quod Exod. xx. 5. dicitur: *Non adorabis ea* (scilicet exterius) *neque coles* (scilicet interius) ut Glossa (ordin.) exponit: & loquitur de sculptilibus, & imaginibus. Ergo peccatum est idolis exterioribus, vel interioribus cultum exhibere.

Respondendo dicendum, quod circa hoc aliqui dupliciter erraverunt. Quidam enim putaverunt, quod offerre sacrificium, & alia ad latræ pertinentia, non solum summo Deo, sed etiam aliis supradictis, esset debitum, & per se bonum, eo quod cuilibet superiori naturæ divinam reverentiam exhibendam putabant, quasi Deo propinquiore. Sed hoc irrationabiliter dicitur. Nam etsi omnes superiores revereri debeamus; non tamen eadem reverentia omnibus debetur; sed aliquid speciale summo Deo debetur, qui singulari ratione omnes excellit: & hoc est latræ cultus.

Nec potest dici, sicut quidam putaverunt, hæc visibilia sacrificia diis aliis congruere, illi vero summo Deo, tamquam meliori, meliora, scilicet puræ mentis officia: quia, ut Augustinus dicit in X. de civit. Dei (cap. xix. cir. princ.) *exteriora sacrificia ita sunt signa interiorum, sicut verba sonantia signa sunt rerum*. Quocirca sicut orantes, utque laudantes ad eum dirigimus significantes voces, cui res ipsas in corde, quas signi-

ficamus, offerimus; ita sacrificantes non alteri visibile sacrificium offerendum esse novimus, quam ei cuius in cordibus nostris invisibile sacrificium esse nos ipsi debemus.

Alii vero æstimaverunt, latræ cultum exteriorum non esse idolis exhibendum tamquam per se bonum, aut optimum; sed tamquam vulgari consuetudini consonum, ut Augustinus in VI. de civit. Dei (cap. x. ad fi.) introducit Senecam dicentem: *Sic, inquit, adorabimus ut meminerimus, huiusmodi cultum magis ad morem quam ad rem pertinere*: & in Lib. de vera religione (cap. v. in princ.) Augustinus dicit, *non esse religionem a Philosophis quaerendam, qui eadem sacra recipiebant cum populis; & de suorum deorum natura, ac summo bono diversas, contrariasque sententias in scholis personabant*. Et hunc etiam errorem secuti sunt quidam hæretici asserentes, non esse periculosum, si quis persecutionis tempore deprehensus, exterius idola colat, dum tamen fidem in mente servet.

Sed hoc apparet manifeste falsum. Nam cum exterior cultus sit signum interioris cultus; sicut est periculosum mendacium, si quis verbis asserat contrarium, eius quod per veram fidem tenet in corde; ita etiam est perniciosa falsitas, si quis exteriorum cultum exhibeat alicui contra id quod sentit in mente. Unde Augustinus dicit contra Senecam in VI. de civit. Dei (cap. x. in fi.) quod *condamnabilius colebat idola, quo illa quæ mendaciter agebat, sic ageret, ut eum populus veraciter agere existimaret*.

Ad primum ergo dicendum, quod neque in veteris legis tabernaculo, seu templo, neque etiam nunc imagines in Ecclesia instituuntur, ut eis cultus latræ exhibeatur, sed ad quamdam significationem; ut per huiusmodi imagines mentibus hominum imprimatur, & confirmetur fides de excellentia Angelorum, & Sanctorum. (a) Secus autem est de imagine Christi, cui ratione Divinitatis latræ debetur, ut dicitur in Tertio (quæst. xxv. art. 3.)

Ad secundum, & tertium patet respon-

H h 4

spou-

(a) Nicolaus hoc addit ex oculis clausis. Quamvis hoc ipso quod Sanctorum excellentiam significant, inferiori quidam adoratione, seu dulia, sicut ipsi sunt Sancti, quos repræsentant, non absoluta quidem, quæ præteritis ipsis exhibetur, sed respectiva tantum possit, & debet adorari. Sed adorari non dicuntur proprie, nec sic dici consueverunt antiqui illi; quia latræ, quæ proprie ac simpliciter adoratio dicitur, illis exhiberi non potest: ut in VII. generali Synodo ad. 2. & deinceps, ac postmodum ad. 7. patet ubi honorariam tantum adorationem imaginibus exhiberi debere dicitur. Secus est &c.

homo per ea quæ dicta sunt ( in corp.) (b)

### ARTICULUS III. 503

*Utrum idololatria sit gravissimum peccatorum.*

1. 2. *quæst. cii. art. 3. ad 11. & mai. quæst. 11. art. 10. cor. & I. Cor. xii. lect. 1.*

**A**D tertium sic proceditur. Videtur quod idololatria non sit gravissimum peccatorum. Pessimum enim opponitur optimo, ut dicitur in VIII. Ethic. (cap. x. cir. princ.) Sed cultus interior, qui consistit in fide, spe, & caritate, est melior quam cultus exterior. Ergo infidelitas, desperatio, & odium Dei, quæ opponuntur cultui interiori, sunt graviora peccata quam idololatria, quæ opponitur cultui exteriori.

2. Præterea. Tanto aliquod peccatum gravius est, quanto magis est contra Deum. Sed directius aliquis videtur contra Deum agere blasphemando, vel fidem impugnando, quam cultum Dei alii exhibendo, quod pertinet ad idololatriam. Ergo blasphemia, vel impugnatio fidei est gravius peccatum quam idololatria.

3. Præterea. Minora mala maioribus malis puniri videntur. Sed peccatum idololatriæ punitum est peccato contra naturam, ut dicitur ad Rom. 1. Ergo peccatum contra naturam est gravius peccato idololatriæ.

4. Præterea. Augustinus dicit XX. contra Faust. (cap. ix. cir. princ.) *Neque vos, scilicet Manichæos, paganos dicimus, aut schisma paganorum, sed cum eis habere quandam similitudinem, eo quod multos colatis deos: verum vos in hoc esse eis longe deteriores, quod illi ea colunt quæ sunt, sed pro diis colenda non sunt; vos autem ea colitis quæ omnino non sunt.* Ergo vitium hæreticæ pravitatis est gravius quam idololatria.

5. Præterea. Super illud ad Galat. iv. *Quomodo convertimini iterum ad infirma, & ægna elementa?* dicit Glossa Hieronymi ( & Petri Lomb. in hunc loc. ) *Legis observantia, cui dediti tunc erant, erat peccatum pene par servituti idolorum, cui ante conversionem vacaverant.* Non ergo peccatum idololatriæ est gravissimum.

Sed contra est quod Levit. xv. super illud quod dicitur de immunditia mulieris patientis fluxum sanguinis, dicit Glossa (ord. Hesich.) *Omne peccatum est immunditia animæ, sed idololatria maxime.*

Respondeo dicendum, quod gravitas alicuius peccati potest attendi dupliciter. Uno modo ex parte ipsius peccati; & sic peccatum idololatriæ gravissimum est. Sicut enim in terrena republica gravissimum esse videtur quod aliquis honorem regium alteri impendat quam vero Regi, quia quantum in se est, totum reipublicæ perturbat ordinem; ita in peccatis quæ contra Deum committuntur, quæ tamen sunt maxima, gravissimum esse videtur quod aliquis honorem divinum creaturæ impendat, quia, quantum est in se, facit alium Deum in mundo, minuens principatum divinum.

Alio modo potest attendi gravitas peccati ex parte ipsius peccantis; sicut dicitur gravius esse peccatum eius qui peccat scienter, quam eius qui peccat ignoranter: & secundum hoc nihil prohibet, gravius peccare hæreticos, qui scienter corrumpunt fidem, quam accepterunt, quam idololatrias ignoranter peccantes: & similiter etiam aliqua alia peccata possunt esse maiora propter maiorem contemptum peccantis.

Ad primum ergo dicendum, quod idololatria præsupponit interiorem infidelitatem, & adiecit exteriori indebitum cultum. Si vero sit exterior tantum idololatria absque interiori infidelitate, additur culpa falsitatis, ut prius dictum est (art. præc.)

Ad secundum dicendum, quod idololatria

(a) *Hic incipit S. Thomas. Hac insuper Nicolaus. Ad argumentum in oppositum dicendum, quod in Iaco Etadi supradicto non de imaginibus proprie sumptis intelligitur quod adorari non debeant, sed solummodo de similitudinibus vel simulacris, ut ex verbis ipsius textus patet: ubi dicitur: Non facies tibi sculptile (sive græce idolum) neque omnem similitudinem &c. Differentia enim inter idolum, simulacrum, & imaginem proprie dictam hæc est, quod nullam rem repræsentat idolum, sed figmentum duntaxat: simulacrum est quidem alicuius rei physicam entitatem habentis effigies, vel representatio, sed non moralitatem dignitatem habentis, quæ sit adorationis fundamentum, ut simulacrum Solis &c. imago autem proprie dicta non entitatem tantum, seu physicam realitatem, sed moralem etiam dignitatem ad adorandum repræsentat, puta imago Christi, vel sanctorum. Vel dicendum, quod non quilibet similitudo loco prædicto prohibetur, sed similitudo eorum tantum quæ in cala, in terra, & in aquis Gentiles adorabant: sicut ibidem Inducitur. Et præterea non simpliciter eiusmodi similitudo prohibetur fieri, coli, vel adorari, sed honore vel cultu qui soli Deo exhibendus est, quasi aliquam in se divinitatem contineret, sicut dictum est in corpore articuli.*

Idolatria includit magnam blasphemiam, inquantum Deo subtrahitur dominii singularitas, & fidem opere impugnat idololatria.

Ad tertium dicendum, quod quia de ratione peccati est quod sit contra voluntatem; peccatum per quod aliud puniatur, oportet esse magis manifestum, ut ex hoc homo sibiipsum, & aliis detestabilis reddatur; non autem oportet quod sit gravius: & secundum hoc peccatum quod est contra naturam, minus est peccatum quam idololatria. Sed quia est manifestius, ponitur quasi conveniens poena peccati idololatriæ; ut scilicet sicut homo per idololatriam pervertit ordinem divini honoris, ita per peccatum contra naturam propriæ naturæ confusibilem perversitatem patiatur.

Ad quartum dicendum, quod hæresis Manichæorum etiam quantum ad genus peccati gravius est quam peccatum aliorum idololatriarum: quia magis derogant divino honori, ponentes duos deos contrarios, & multa vana, & fabulosa de Deo fingentes. Secus autem est de aliis hæreticis, qui unum Deum confitentur, & eum solum colunt.

Ad quintum dicendum, quod observatio legis tempore gratiæ non est omnino æqualis idololatriæ secundum genus peccati, sed pene æqualis: quia utrumque est species pestiferæ superstitionis.

## ARTICULUS IV. 504

*Utrum causa idololatriæ fuerit ex parte hominis.*

*II. dist. xv. quæst. i. art. 2. cor. & III. cont. cap. cxx. & pos. quæst. lxx. art. 4. cor.*

**A**D quartum sic proceditur. Videtur ex parte causæ idololatriæ non fuerit ex parte hominis. In homine enim nihil est nisi vel natura, vel virtus, vel culpa. Sed causa idololatriæ non potuit esse ex parte naturæ hominis; quin potius naturalis ratio hominis dicitur quod sit unus Deus, quod non sit mortuus cultus divinus exhibendus, neque rebus inanimatorum. Similiter etiam nec idololatria habet causam in homine ex parte virtutis: quia non potest arbor bona malos fructus facere, ut dicitur Matth. vii. 18. Neque etiam ex parte culpæ: quia, ut dicitur Sap. xiv. 27. *insanorum idolorum cultura omnis mali causa est, & ini-*

*tium, & finis.* Ergo idololatria non habet causam ex parte hominis.

2. Præterea. Ea quæ ex parte hominis causantur, omni tempore in hominibus inveniuntur. Non autem semper fuit idololatria; sed in secunda ætate legitur esse adinventam vel a Nembroth, qui (ut dicitur) cogebat homines ignem adorare; vel a Nino, qui imaginem patris sui Beli adorari fecit: apud Græcos autem, ut Ildorus refert (Lib. VIII. Etymol. cap. xi. aliquant. a princ.) Prometheus primus simulacra hominum de iuro finxit: Iudæi vero dicunt, quod Ismael primus simulacrum de luto fecit: cessavit etiam in sexta ætate idololatria ex magna parte. Ergo idololatria non habuit causam ex parte hominis.

3. Præterea. Augustinus dicit XXI. de civit. Dei (cap. vi. a med.) *Neque posuit primum, nisi illis (scilicet dæmonibus) docentibus, disci quid quisque illorum appetat, quid exhorreat, quo invitetur nomine, vel cogatur: unde magica artes, earumque artifices extiterunt.* Eadem autem ratio videtur esse de idololatria. Ergo idololatriæ causa non est ex parte hominum.

Sed contra est quod dicitur Sap. xiv. 14. *Supervacuitas hominum hæc, scilicet idola, adinvenit in orbe terrarum.*

Respondetur dicendum, quod idololatriæ est duplex causa. Una quidem dispositiva: & hæc fuit ex parte hominum; & hoc tripliciter. Primo quidem ex inordinatione affectus, prout scilicet homines aliquem hominem vel nimis amantes, vel nimis venerantes, honorem divinum ei impenderunt. Et hæc causa assignatur Sap. xiv. 15. *Acerbo luctu dolens pater cito sibi rupti filii fecit imaginem, & illum qui tunc quasi homo mortuus fuerat, nunc tanquam deum colere cepit: & ibidem etiam subditur, quod homines aut affectui, aut Regibus deservientes, incommunicabile nomen, scilicet Divinitatis, lignis, & lapidebus imposuerunt.* Secundum propter hoc quod homo naturaliter de representatione delectatur, ut Philodophus dicit in Poetica sua (cap. ii. in princ.) & ideo homines rudes a principio videntes per diligentiam artificum imagines hominum expressive factas, Divinitatis cultum eis impenderunt: unde dicitur Sap. xiii. 21. *Si quis artifex sabet de sicut lignum rectum secuerit, & per scientiam suæ artis figures illud, & assimilet imagini hominis, de substantia sua, & filiis, & nuptiis votum faciens inquiri.* Ter-

Tertio propter ignorantiam veri Dei, cuius excellentiam homines non considerantes, quibuldam creaturis, propter pulchritudinem, seu virtutem, Divinitatis cultum exhibuerunt: unde dicitur Sap. xiiii. 1. *Neque operibus attendentes, agnoverunt quis artifex esset; sed aut ignem, aut spiritum, aut citatum aerem, aut gyrum stellarum, aut nimiam aquam, aut Solem, aut Lunam, refoves orbis terrarum, deos putaverunt.*

Alia autem causa idololatriæ consummativa fuit ex parte dæmonum, qui se colendos hominibus errantibus exhibuerunt, in idolis dando responsa, & aliqua quæ videbantur hominibus mirabilia, faciendo: unde & in Psal. xcv. 1. dicitur: *Omnes dii gentium dæmonia.*

Ad primum ergodicendum, quod causa dispositiva idololatriæ fuit ex parte hominis naturæ defectus vel per ignorantiam intellectus, vel per inordinationem affectus, ut dictum est (in cor. art.) & hoc etiam ad culpam pertinet. Dicitur autem idololatria esse causa, initium, & finis omnis peccati: quia non est aliquod genus peccati quod interdum idololatria non producat, vel expresse inducendo per modum causæ, vel occasione præbendo per modum initii, vel per modum finis, inquantum peccata aliqua assumebantur in cultum idolorum; sicut occisiones hominum, & mutilationes membrorum, & alia huiusmodi: & tamen aliqua peccata possunt idololatriam præcedere, quæ ad ipsam hominem disponent.

Ad secundum dicendum, quod in prima ætate non fuit idololatria propter recentem memoriam creationis mundi, ex qua adhuc vigeat cognitio unitus Dei in mente hominum; in sexta autem ætate idololatria est exclusa per virtutem, & doctrinam Christi, qui de diabolo triumphavit.

Ad tertium dicendum, quod ratio illa procedit de causa consummativa idololatriæ.

## QUAESTIO XCV.

*De superstitione divinativa,*

*in octo articulos divisa.*

Postea considerandum est de superstitione divinativa: & circa hoc quaeruntur octo.

Primo, utrum divinatio sit peccatum.

Secundo, utrum sit species superstitionis.

Tertio de speciebus divinationis.

Quarto de divinatione quæ sit per dæmones.

Quinto de divinatione quæ sit per alstra.

Sexto de divinatione quæ sit per somnia.

Septimo de divinatione quæ sit per auguria, & alias huiusmodi observationes.

Octavo de divinatione quæ sit per sortes.

## ARTICULUS I. 505

*Utium divinatio sit peccatum.*

II. *dist. xv. quæst. 1. art. 3. ad 4. & III. contr. cap. cliv. & Isa. 111. lect. 4. princ.*

**A**D primum sic proceditur. Videtur quod divinatio non sit peccatum. Divinatio enim ab aliquo divino nominatur. Sed ea quæ sunt divina, magis ad sanctitatem pertinent quam ad peccatum. Ergo videtur quod divinatio non sit peccatum.

2. Præterea. Augustinus dicit in Lib. 1. de lib. arbit. (cap. 1. ante med.) *Quis audeat dicere, disciplinam esse malum?* & iterum: *Nulla modo dixerim, aliquam intelligentiam malam esse posse.* Sed aliquæ artes sunt divinativæ, ut patet per Philosophum in Lib. de memoria (cap. 1. parum a princ.) videtur etiam ipsa divinatio ad aliquam intelligentiam veritatis pertinere. Ergo videtur quod divinatio non sit peccatum.

3. Præterea. Naturalis inclinatio non est ad aliquod malum, quia natura non inclinat nisi ad simile sibi. Sed ex naturali inclinatione homines sollicitantur prænosceræ futuros eventus; quod pertinet ad divinationem. Ergo divinatio non est peccatum.

Sed contra est quod dicitur Deut. xviii. 11. *Non sit qui sythones consulat, neque divinos:* & in Deut. xxvi. quæst. v. (cap. 11.) dicitur: *Qui divinationes expetunt, sub regula quinquennii iaceant, secundum gradus poenitentiae definitos.*

Respondendo dicendum, quod nomine divinationis intelligitur quædam prænuntiatio futurorum. Futura autem dupliciter prænosci possunt: uno quidem modo in suis causis; alio modo in seipsis. Cau-

Causæ autem futurorum tripliciter se habent. Quædam enim producunt ex necessitate & semper suos effectus: & huiusmodi effectus futuri per certitudinem prænotici, & prænuntiari possunt ex consideratione suarum causarum; sicut astrologi prænuntiant eclipses futuras. Quædam vero causæ producunt suos effectus, non ex necessitate, & semper, sed ut in pluribus, raro tamen deficiunt: & per huiusmodi causas possunt prænotici effectus futuri, non quidem per certitudinem, sed per quamdam coniecturam; sicut astrologi per considerationem stellarum quædam prænotificare, & prænuntiare possunt de pluviiis, & siccitatibus; & medici de sanitate, vel morte. Quædam vero causæ sunt quæ si secundum se considerentur, se habent ad utrumlibet; quod præcipue videtur de potentiis rationalibus, quæ se habent ad opposita, secundum Philosophum (Lib. IX. Metaph. tex. 3. & 18.) & tales effectus, vel etiam si qui effectus ut in paucioribus casu accidunt ex naturalibus causis, per considerationem causarum prænotici non possunt: quia eorum causæ non habent inclinationem determinatam ad huiusmodi effectus. Et ideo effectus huiusmodi prænotici non possunt, nisi in seipsis considerentur. Homines autem in seipsis huiusmodi effectus considerare possunt, solum dum sunt præsentis, sicut cum homo videt Socratem currere, vel ambulare; sed considerare huiusmodi in seipsis, antequam fiant, est Dei proprium, qui solus in sua æternitate videt ea quæ futura sunt, quasi præsentia, ut in I. habitum est (quæst. xiv. art. 13. & quæst. lvi. art. 3. & quæst. lxxxvi. art. 4.) Unde dicitur Isa. xli. 23. *Annuntiate quæ ventura sunt in futurum; & sciemus quia dii estis vos.* Si quis ergo huiusmodi futura prænuntiare, aut prænotificare quocunque modo præsumperit, nisi Deo revelante, manifeste usurpat sibi quod Dei est: & ex hoc aliqui divini dicuntur. Unde dicit Iulianus in Lib. VIII. Etyolog. (cap. ix. cir. med. & hab. cap. Igitur, xxvi. quæst. xv.) *Divini didi, quasi Deo pleni: Divinitate enim se plenos simulant, & astutia quadam fraudulentia, hominibus futura coniectant.*

Divinatio ergo non dicitur, si quis prænuntiet ea quæ ex necessitate eveniunt, vel ut in pluribus; quæ humana ratione prænotici possunt: neque etiam, si quis futura alia contingentia, Deo revelante, cognoscat: tunc enim non ipse

divinat, id est quod divinum est, facit; sed magis quod divinum est, suscipit. Tunc autem solum dicitur divinare, quando sibi indebito modo usurpat prænuntiationem futurorum eventum. Hoc autem constat esse peccatum. Unde divinatio semper est peccatum. Et propter hoc Hieronymus dicit super Michæam (a med. comment. in cap. iir.) quod *divinatio semper in malam partem accipitur.*

Ad primum ergo dicendum, quod divinatio non dicitur ab ordinata participatione alicuius divini, sed ab indebita usurpatione, ut dictum est (in corp. art.)

Ad secundum dicendum, quod artes quædam sunt ad prænotandum futuros eventus qui ex necessitate, vel frequenter proveniunt, quæ ad divinationem non pertinent. Sed ad alios futuros eventus cognoscendos non sunt aliquæ veræ artes, seu disciplinæ, sed fallaces, & vanæ, ex deceptione dæmonum introductæ, ut dicit Augustinus in XXI. de civit. Dei (cap. vi. & vii.)

Ad tertium dicendum, quod homo habet naturalem inclinationem ad cognoscendum futura secundum modum humanum, non autem secundum indebitum divinationis modum.

## ARTICULUS II. 506

*Utrum divinatio sit species superstitionis.*

*Infr. art. 3. cor. princ. & II. dist. xv. quæst. 1. art. 3. ad 4. & III. cont. cap. cliv.*

**A**D secundum sic proceditur. Videtur quod divinatio non sit species superstitionis. Ideo enim non potest esse species diversorum generum. Sed divinatio videtur esse species curiositatis, ut Augustinus dicit in Lib. de vera religione (cap. xxxviii.) Ergo videtur quod non sit species superstitionis.

2. Præterea. Sicut religio est cultus debitus, ita superstitio cultus indebitus. Sed divinatio non videtur ad aliquem cultum indebitum pertinere. Ergo divinatio non pertinet ad superstitionem.

3. Præterea. Superstitio religioni opponitur. Sed in vera religione non invenitur aliquid divinationi per contrarium respondens. Ergo divinatio non est species superstitionis.

Sed

Sed contra est quod Origenes dicit (a) in Periarcho: (ubi non occurrit, sed hab. expref. hom. xvi. in Num. a med.) *Est quedam operatio demonum in ministerio praescientiae, quae artibus quibusdam ab his qui se demonibus mancipaverunt, nunc per sortis, nunc per auguria, nunc ex contemplatione umbrarum comprehendendi videtur. Haec autem omnia operationes demonum fieri non dubito.* Sed, ut Augustinus dicit in II. de doct. christ. (cap. xxxiii. a med.) *quicquid procedit ex societate demonum, & hominum, superstitionum est.* Ergo divinatio est species superstitionis.

Respondeo dicendum, quod, sicut supra dictum est (art. 1. quaest. xcii. & xciv.) superstitione importat indebitum cultum Divinitatis. Ad cultum autem Dei pertinet aliquid dupliciter: uno modo, cum aliquid Deo offertur, vel sacrificium; vel oblatio, vel aliquid huiusmodi; alio modo, cum aliquid divinum assumitur, sicut supra dictum est de iuramento (quaest. lxxxix. in praefat. & art. 5. ad 2.) Et ideo ad superstitionem pertinet, non solum cum sacrificium demonibus offertur per idololatriam, sed etiam cum aliquis assumit auxilium demonum ad aliquid faciendum, vel cognoscendum. Omnis autem divinatio ex operatione demonum provenit, vel quia expresse demones invocantur ad futura manifestanda, vel quia demones ingerunt se vanis inquisitionibus futurorum, ut mentes hominum implicent vanitate: de qua vanitate dicitur in Ps. xxxix. 5. *Non respexit in vanitates, & insanias falsas.* Vana autem inquisitio futurorum est, quando aliquis futurum praescire tentat, unde praesciri non potest.

Manifestum est ergo quod divinatio species superstitionis est.

Ad primum ergo dicendum, quod divinatio pertinet ad curiositatem quantum ad finem intentum, qui est praecognitio futurorum; sed pertinet ad superstitionem quantum ad modum operationis.

Ad secundum dicendum, quod huiusmodi divinatio pertinet ad cultum demonum, inquantum aliquis utitur quodam pacto tacito, vel expresse cum demonibus.

Ad tertium dicendum, quod in nova lege mens hominis arcetur a temporalium sollicitudine. Et ideo non est in nova lege aliquid institutum ad praecognitionem futurorum eventuum de temporali-

bus rebus. In veteri autem lege, quae promittebat tertena, erant consultationes de futuris ad religionem pertinentibus. Unde dicitur Iia. vii. 19. *Et cum dixerint ad vos: Querite a pythonibus, & a divinis, qui stident in incantationibus suis, subdit quasi responsionem: Numquid non populus a Deo suo requirit visionem pro vivis, & mortuis? Fuerunt tamen in novo testamento etiam aliqui prophetiae spiritum habentes, qui multa de futuris eventibus praedixerunt.*

### ARTICULUS III. 507

*Utrum sit determinare plures divinationis species.*

*Opusc. xxv. cap. xv.*

**A**D tertium sic proceditur. Videtur quod non sit determinare plures divinationis species. Ubi enim est una ratio peccandi, non videntur plures esse peccati species. Sed in omni divinatione est una ratio peccandi, quia scilicet utitur aliquis pacto demonum ad cognoscendum futura. Ergo divinationis non sunt plures species.

2. Praeterea. Actus humanus speciem sortitur ex fine, ut supra habitum est (1. 2. quaest. 11. art. 3. & quaest. lxviii. art. 6.) Sed omnis divinatio ordinatur ad unum finem, scilicet ad praenuntiationem futurorum. Ergo omnis divinatio est unius speciei.

3. Praeterea. Signa non diversificant speciem peccati: si enim aliquis detrahat verbis, vel scripto, vel nutu, est eadem species peccati. Sed divinationes non videntur differre nisi secundum diversa signa, ex quibus accipitur praecognitio futurorum. Ergo non sunt diversae divinationis species.

Sed contra est quod Isidorus in Lib. VIII. Etymol. (cap. ix.) enumerat diversas species divinationis.

Respondeo dicendum, quod, sicut dictum est (ar. praec.) omnis divinatio utitur ad praecognitionem futuri eventus aliquo demonum consilio, vel auxilio: quod quidem vel expresse imploratur, vel praeter intentionem hominis se occulte daemon ingerit ad praenuntiandum futura quaedam quae hominibus sunt ignota, ei autem cognita per modos de quibus in primo dictum est (quaest. lxxi. art. 3.) Demones autem expresse invo-

cati

(a) Sic uti a misit in Periarcho.

cati solent, futura prænuntiare multiplicitur. Quandoque quidem præstigiis quibusdam apparitionibus se aspectui, & auditui hominum ingerentes ad prænuntiandum futura: & hæc species vocatur *præstigium* ex eo quod oculi hominum perstringuntur. Quandoque autem per somnia: & hæc vocatur *divinatio somniorum*. Quandoque vero per mortuorum aliquorum apparitionem, vel locutionem: & hæc species vocatur *necromantia*: quia, ut dicit Ildorus Lib. VIII. Etymol. (cap. ix. ante med.) *νεκρὰ* græcè *mortuum*, *μαντὴν* vero *divinatio* nuncupatur: quia quibusdam præcrationibus, addibito sanguine, videntur resuscitati mortui divinare, & ad interrogata respondere. Quandoque vero futura prænuntiat per homines vivos, sicut in arreptitiis patet: & hæc est *divinatio per pythones*: & ut Ildorus dicit (loc. cit.) *pythones a Pythia Atolline sunt dicti, qui dicebatur esse auctor divinandi*: Quandoque vero futura prænuntiat per aliquas figuras, vel signa, quæ in rebus inanimatis apparent: quæ quidem si appareant in aliquo corpore terrestri, puta in ligno, vel ferro, vel lapide polito, vocatur *geomantia*; si autem in aqua, *hydromantia*; si autem in aere, *aeromantia*; si autem in igne, *pyromantia*; si autem in visceribus animalium immolatorum in aris dæmonum, vocatur *arsuspicium*.

Divinatio autem quæ fit absque expressa dæmonum invocatione, in duo genera dividitur. Quorum primum est, quando ad prænoscendum futura aliquid consideramus in dispositionibus aliquarum rerum. Et si quidem aliquis conetur futura prænoscere ex consideratione situs, & motus siderum, hoc pertinet ad astrologos, qui & *gentiliaci* dicuntur, propter natalium considerationes dierum. Si vero per motus, vel voces avium, seu quorumcumque animalium, sive per sternutationes hominum, vel membrorum saltem, hoc pertinet generaliter ad *augures*; quod dicitur a garritu avium, sicut *auspicium* ab inspectione avium: quorum primum pertinet ad aures, secundum ad oculos: in avibus enim huiusmodi præcipue considerari solent. Si vero huiusmodi consideratio fiat circa verba hominum absque intentione dicta, quæ quis retorquet ad futurum, quod vult prænoscere, hoc vocatur *omen*: & sicpe Valerius Maximus dicit (Lib. I. cap. v. in princ.) *omnium observatio ali-*

quo (a) *contactu religionis innexa est: quoniam non sortuito motu, sed divina providentia consilare creditur: quæ fecit ut Romanis deliberantibus utrum ad alium locum migrarent, forte eo tempore centurio quidam exclamaret: Signifer, statue signum, hic optime manebimus: quam vocem auditam pro omine acceperunt, transiendi consilium omittentes*. Si autem considerentur aliquæ dispositiones figurarum in aliquibus corporibus visui occurrentes, erit alia divinationis species: nam ex lineamentis manus consideratis divinationis sumpta, *chiromantia* vocatur, quæ si divinator manus (*χείρ* enim græcè dicitur manus) divinator vero ex quibusdam signis in spatula alieuius animalis apparentibus, *spatulamantia* vocatur.

Ad secundum autem divinationis genus, quod est sine expressa dæmonum invocatione, pertinet divinatio quæ fit ex consideratione eorum quæ eveniunt ex quibusdam quæ ab hominibus serio fiunt ad aliquid occultum inquirendum; sive per protractionem punctorum, quod pertinet ad artem *geomantie*; sive per considerationem figurarum, quæ proveniunt ex plumbo liquefacto in aqua prolecto; sive ex quibusdam schedulis scriptis, vel non scriptis in occulto repositis, dum consideratur quam quis accipiat; vel etiam ex sectutis inæqualibus propositis, quis maiorem, vel minorem accipiat; vel taxillorum proiectione, quis plura puncta proiciat; vel etiam cum consideratur, quid aperienti librum occurrat: quæ omnia *sortium* nomen habent.

Sic ergo patet, triplex esse divinationis genus: quorum primum est per manifestam dæmonum invocationem; quod pertinet ad *necromanticos*: secundum autem est per solam considerationem dispositionis, vel motus alterius rei; quod pertinet ad *augures*: tertium est, dum facimus aliquid, ut nobis manifestetur aliquod occultum; quod pertinet ad *sortes*. Sub quolibet autem horum multa continentur, ut patet ex dictis (in corp. art.)

Ad primum ergo dicendum, quod in omnibus prædictis est eadem generalis ratio peccandi, sed non eadem specialis: multo enim gravius est dæmones invocare, quam aliqua facere quibus dignum sit ut se dæmones ingerant.

Ad secundum dicendum, quod cognitio futurorum, vel occultorum est ultim

(a) Ita cum librali ad illi remittitur, utique cum eis, Alia, aliisque contractis religioni.

mus finis, ex quo sumitur generalis ratio divinationis. Distinguuntur autem diversae species secundum propria obiecta, sive materias, prout scilicet in diversis rebus occultorum cognitio consideratur.

Ad tertium dicendum, quod res quas divinantes attendunt, considerantur ab eis non sicut signa quibus expriment quod iam sciunt, sicut accidit (a) in detractione; sed sicut principia cognoscendi. Manifestum est autem quod diversitas principiorum diversificat speciem, etiam in scientiis demonstrativis.

#### ARTICULUS IV. 508

*Utrum divinatio quae fit per invocationes demonum, sit licita.*

*Inf. quæst. xcvi. art. 1. cor. & III. cont. cap. cliv.*

**A**D quartum sic proceditur. Videtur quod divinatio quae fit per invocationes demonum, non sit illicita. Christus enim nihil illicitum commisit, secundum illud I. Petr. II. 22. *Qui peccatum non fecit.* Sed Dominus a dæmone interrogavit, *Quod tibi nomen est?* qui respondit, *Legio, multi enim sumus,* ut habetur Mar. v. 9. Ergo videtur quod liceat a dæmonibus aliquid occultum interrogare.

2. Præterea. Sanctorum animæ non favent illicitis interrogantibus. Sed Sauli interroganti de eventu futuri belli a muliere habente spiritum pythonis apparuit Samuel, & ei futurum eventum prædixit, ut legitur I. Regum xxviii. Ergo divinatio quae fit per interrogationem a dæmonibus, non est illicita.

3. Præterea. Licetum esse videtur veritatem ab aliquo sciente inquirere, quam utile est scire. Sed quandoque utile est scire aliqua occulta, quæ per dæmones sciri possunt, sicut apparet in inventionibus furorum. Ergo divinatio quae fit per invocationem demonum, non est illicita.

Sed contra est quod dicitur Deut. xviii. 10. *Non invenietur in te qui a spiritibus sciscitetur, neque pythones consulat.*

Respondetur dicendum, quod omnis divinatio quae fit per invocationes demonum, est illicita, duplici ratione. Quamvis prima sumitur ex parte principii divinationis, quod scilicet est pactum

expressè cum dæmone initum per ipsam dæmonis invocationem: & hoc est omnino illicitum: unde contra quosdam dicitur II. ai. xxviii. 15. *Discessit: Percussimus sedus cum monte, & cum inferno fecimus pactum:* & adhuc gravius est, si sacrificium, vel reverentia dæmoni invocato exhiberetur.

Secunda vero ratio sumitur ex parte futuri eventus. Dæmon enim, qui intendit perditionem hominum, ex huiusmodi suis responsis, etiam si aliquando vera dicat, intendit homines assuescere ad hoc quod ei credatur; & sic intendit perducere in aliquid quod sit salutis humanæ nocivum. Unde Athanasius exponens illud quod habetur Lucæ iv. *Increpavit illum, dicens, Obmutesce,* dicit (hab. implic. orat. 1. cont. Arian. aliquant. a princ. & in Cat. aur. D. Th.) *Quantvis vera fateretur dæmon, compecebat tamen Christus eius sermonem, ne simul cum veritate etiam suam iniquitatem promulget; ut nos etiam assuesciant, ne curemus de talibus, etsi vera loqui videatur. Nefas enim est ut, cum adsit nobis Scriptura divina, a diabolo instruiamur.*

Ad primum ergo dicendum, quod, sicut Beda dicit Lucæ viii. (sup. illud, *Quod tibi nomen est?* Lib. III. comment. cap. viii.) *Non velut inscius Dominus inquit, sed ut confessa peste, quam tolerabat, virtus curantis gravior emicaret.* Aliud autem est inquirere aliquid a dæmone sponte occurrente; quod quandoque licet propter utilitatem aliorum, maxime quando divina virtute potest compelli ad vera dicenda: & aliud est dæmonem invocare ad cognitionem occultorum acquisitionem ab ipso.

Ad secundum dicendum, quod, sicut Augustinus dicit ad Simplicianum (Lib. II. quæst. III. ante med.) *non est absurdum credere, aliqua dispensatione permisisse ut non dominante arte magica, vel potentia, sed dispensatione occulta, quæ pythonesiam, & Saulum latebat, se ostenderet spiritus iusti alicuius Regis, divina cum sententia percussurus.*

Vel non vere spiritus Samuelis a requie sua excitatus est, sed aliquod phantasma, vel illusio imaginaria diaboli machinationibus facta, quam Scriptura Samuelem appellat; sicut solent imagines rerum suarum nominibus appellari.

Ad tertium dicendum, quod nulla utilitas temporalis potest comparari detractum

(a) In col. 4. m. 4. ali. 4. 40. Editi posunt demonstrationem



mento spiritualis salutis, quod imminet ex inquisitione occulorum per demonum invocationem.

ARTICULUS V. 309

*Utrum divinatio quæ fit per astra, sit illicita.*

1. dist. xv. quæst. i. art. 3. ad 4. & III. cont. cap. cliv. & Gal. IV. lect. 4.

**A**d quintum sic proceditur. Videtur quod divinatio quæ fit per astra, non sit illicita. Licet enim ex consideratione causarum prænuntiare effectus, sicut medici ex dispositione agnitionis prænuntiant mortem. Sed corpora celestia sunt causa eorum quæ fiunt in hoc mundo, ut etiam Dionysius dicit IV. cap. de div. Nomin. (par. 1. lect. 2. & 3.) Ergo divinatio quæ fit per astra, non est illicita.

2. Præterea. Scientia humana ex experientis originem sumit, ut patet per Philosophum in I. Metaph. (cap. 1. non longe a princ.) Sed per multa experientia aliqui compererunt, ex consideratione siderum aliqua futura posse prænosci. Ergo non videtur esse illicitum tali divinatione uti.

3. Præterea. Divinatio dicitur esse illicita, inquantum innititur pacto cum demonibus. iniro. Sed hoc non fit in divinatione quæ fit per astra, sed solum consideratur dispositio creaturarum Dei. Ergo videtur quod huiusmodi divinatio non sit illicita.

Sed contra est quod dicit Augustinus in IV. Confess. (cap. xii. in princ.) *Illos planetarios, quos Mathematicos vocant, consulere non desistebam, quod quasi nullum eis esset sacrificium, & nulle preces ad aliquem spiritum, ob divinationem dirigerentur: quod tamen christiana, & vera pietas repellit, & damnat.*

Respondendo dicendum, quod, sicut dictum est (art. 1. & 11. huius quæst.) divinationi, quæ ex opinione fallia, vel vana procedit, ingerit se operatio demonis, ut hominum animos implicet vanitati, aut falsitati. Vana autem, & fallia opinio utitur, si quis ex consideratione siderum futura velit præcognoscere, quæ per ea præcognosci non possunt. Est ergo considerandum, quid per celestium corporum inspectionem de futuris possit præcognosci. Et de his quidem quæ ex necessitate eveniunt, mani-

festum est quod per considerationem stellarum possunt præcognosci; sicut astrologi prænuntiant eclipses futuras.

Circa præcognitionem vero futurorum eventuum ex consideratione stellarum, diversi diversa dixerunt. Fuerunt enim qui dicerent, quod stellæ potius significant quam faciant ea quæ ex earum consideratione prænuntiantur. Sed hoc irrationabiliter dicitur. Omne enim corporale signum vel est effectus eius, cuius est signum (sicut fumus significat ignem, a quo causatur) vel procedit ab eadem causa; & sic dum designat causam, per consequens significat effectum; sicut iris quandoque significat serenitatem, inquantum causa eius est causa serenitatis. Non potest autem dici, quod dispositiones celestium corporum, & motus sint effectus futurorum eventuum: nec iterum possunt reduci in aliquam superiorem causam communem, quæ sit corporalis; possunt autem reduci in unam causam communem, quæ est providentia divina. Sed alia ratione disponuntur a divina providentia motus, & situs celestium corporum, & alia ratione eventus contingentium futurorum: quia illa disponuntur secundum rationem necessitatis, ut semper, & eodem modo proveniant; hæc autem secundum rationem contingentie, ut variabiliter contingant. Unde non potest esse quod ex inspectione siderum accipiatur præcognitio futurorum, nisi licet ex causis præcognoscantur effectus.

Duplices autem effectus subrahuntur causalitati celestium corporum. Primo quidem omnes effectus per accidens contingentes sive in rebus humanis, sive in rebus naturalibus: quia, ut probatur in VI. Metaph. (tex. 4. 5. & 6.) ens per accidens non habet causam, & præcipue naturalem; cuiusmodi est virtus celestium corporum: quia quod per accidens fit, neque est ens proprie, neque unum; sicut quod lapide cadente fiat terramotus, vel quod hominesediente sepulcrum, inveniatur thesaurus: hæc enim, & huiusmodi non sunt simpliciter unum, sed simpliciter multa. Operatio autem naturæ semper terminatur ad aliquid unum, sicut & procedit ab uno principio, quod est forma rei naturalis. Secundo autem subrahuntur causalitati celestium corporum actus liberi arbitrii, quod est facultas voluntatis, & rationis. Intellectus enim, sive ratio non est corpus, nec actus organi corporei; & per consequens

quens nec voluntas, quæ est in ratione, ut patet per Philosophum in III. de Anima (tex. 42.) Nullum autem corpus potest imprimere in rem incorpoream. Unde impossibile est quod corpora cælestia directe imprimant in intellectum, & voluntatem: hoc enim esset ponere intellectum non differre a sensu: quod Aristoteles in Lib. II. de Anima (tex. 150. & 151.) imponit his qui dicebant, quod talis voluntas est in hominibus, qualem in diem inducit pater virorum, deorumque, scilicet Sol, vel cælum. Unde corpora cælestia non possunt esse per se causa operationum liberi arbitrii; possunt tamen ad hoc dispositive inclinare, in quantum imprimunt in corpus humanum, & per consequens in vires sensitivas, quæ sunt actus corporalium organorum, quæ inclinant ad humanos actus. Quia tamen vires sensitivæ obediunt rationi, ut patet per Philosophum in III. de Anima (tex. 42. & 47) & I. Etich. (cap. ult. a med.) nulla necessitas ex hoc libero arbitrio imponitur; sed contra inclinationem cælestium corporum homo potest per rationem operari.

Si quis ergo consideratione astrorum utatur ad præcognoscendum futuros casuales, vel fortuitos eventus, aut etiam ad cognoscendum per certitudinem futura opera hominum; procedit hoc ex falsa, & vana opinione: & sic operatio demonis se immiscet: unde erit divinatio superstitiosa, & illicita. Si vero aliquis utatur consideratione astrorum ad præcognoscendum futura quæ ex cælestibus causantur corporibus, puta siccitates, & pluvias, & alia huiusmodi, non erit illicita divinatio, nec superstitiosa.

Et secundum hoc patet responsio ad primum.

Ad secundum dicendum, quod hoc quod astrologi ex consideratione astrorum frequenter vera prænuntiant, contingit dupliciter. Uno quidem modo, quia plures hominum passiones corporales sequuntur; & ideo actus eorum disponuntur ut in pluribus secundum inclinationem cælestium corporum: pauci autem sunt, id est soli sapientes, qui ratione huiusmodi inclinationes moderentur: & ideo astrologi in multis vera prænuntiant, & præcipue in communibus eventibus, qui dependent ex multitudine. Alio modo propter demones se immiscentes. Unde Augustinus in II. super Gen. ad lit. (cap. xvii. ad fin.) dicit: *Fatendum est, quando a Mathematicis vera dicuntur, inflin-*

*tu quodam occultissimo dici, quem nescientes humane mentes patiuntur; quod tamen ad decipiendo homines fit spirituum immundorum, & seductorum operatione, qui quædam vera de temporalibus rebus nosse permittuntur. Unde concludit: Quapropter bono Christiano, sive Mathematico, sive quilibet impie divinatorum, & maxime dicentes vera, cavendi sunt; ne consortio demoniorum animam deceptam patto quodam societatis irretiant.*

Et per hoc patet responsio ad tertium.

## ARTICULUS VI. 510

*Utrum divinatio quæ fit per somnia, sit illicita.*

III. cont. cap. cliv. & opusc. xxv. cap. iv.

**A**D sextum sic proceditur. Videtur quod divinatio quæ fit per somnia, non sit illicita. Ut enim instructio divina non est illicitum. Sed in somniis homines instruuntur a Deo: dicitur enim Iob xxxiii. 15. *Per seminium in visione nocturna, quando irruit populus super homines, & dormiunt in lectulo, tunc aperit, scilicet Deus, aures virorum, & erudiens eos instruit disciplina.* Ergo uti divinatione quæ est per somnia, non est illicitum.

1. Præterea. Illi qui interpretantur somnia, proprie utuntur divinatione hominiorum. Sed sancti viri leguntur somnia interpretati; sicut Ioseph est interpretatus somnia pincernæ Pharaonis, & maristri pistorum, ut legitur Gen. xl. & Daniel interpretatus est somnium Regis Babylonis, ut habetur Dan. ii. & iv. Ergo divinatio somniorum non est illicita.

3. Præterea. Illud quod communiter homines experiuntur, irrationabile est negare. Sed omnes experiuntur somnia habere aliquam significationem futurorum. Ergo vanum est negare somnia habere vim divinationis. Ergo licitum est eis intendere.

Sed contra est quod dicitur Deuter. xviii. 10 *Non inveniat in te qui obsecret somnia.*

Respondeo dicendum, quod, sicut dictum est (art. 2. & 6. huius quæst.) divinatio quæ innititur falsæ opinioni, est superstitiosa, & illicita. Ideo considerare oportet, quid sit verum circa præcognitionem futurorum de somniis. Sane autem somnia futurorum eventuum quan-

doque quidem causa; puta cum mens aliquis sollicita ex his quæ videt in somniis, inducitur ad aliquod faciendum, vel vitandum: quandoque vero somnia sunt signa aliquorum futurorum eventuum, inquantum reducuntur ad aliquam causam communem somniis, & futuris eventibus; & secundum hoc plurimæ præcognitiones futurorum in somniis fiunt. Est ergo considerandum, quæ sit causa somniorum, & an possit esse causa futurorum eventuum, vel ea possit cognoscere.

Sciendum est ergo, quod somniorum causa quandoque quidem est interior, quandoque autem exterior. Interior autem somniorum causa est duplex. Una quidem animalis, inquantum scilicet ea occurrunt hominis phantasie in dormiendo circa quæ eius cogitatio, & affectio fuit immorata in vigilanti: & talis causa somniorum non est causa futurorum eventuum: unde huiusmodi somnia per accidens se habent ad futuros eventus; & si quandoque simul concurrant, erit casuale. Quandoque vero causa intrinseca somniorum est corporalis: nam ex interiori dispositione corporis formatur aliquis motus in phantasia conveniens tali dispositioni; sicut homini in quo abundante frigidi humores, occurrunt insomnia, quod sit in aqua, vel nive: & propter hoc medici dicunt esse intendendum somniis ad cognoscendum interiores dispositiones.

Causa autem somniorum exterior similiter est duplex, scilicet corporalis, & spiritualis. Corporalis quidem, inquantum imaginatio dormientis immutatur vel ab aere continenti, vel ex impressione cælestis corporis; ut sic dormienti aliqua phantasia appareant conformes cælestium dispositioni. Spiritualis autem causa est quandoque quidem a Deo, qui ministerio Angelorum aliqua hominibus revelat in somniis, secundum illud Num. xxi. 6. *Si quis fuerit inter vos Propheta Domini, in visione apparebo ei, vel per somnium loquar ad illum.* Quandoque vero operatio demonum aliqua phantasia dormientibus apparent, ex quibus quandoque aliqua futura revelantur his qui cum eis habent pacta illicita.

Sic ergo dicendum, quod si quis utatur somniis ad præcognoscenda futura, secundum quod somnia procedunt ex revelatione divina, vel ex causa naturali intrinseca, sive extrinseca, quantum potest se virtus talis causæ extendere; non erit illicita divinatio. Si autem huius-

modi divinatio causetur ex revelatione demonum, cum quibus pacta habentur expressa, quia ad hoc invocantur, vel tacita, quia huiusmodi divinatio extenditur ad quod se non potest extendere; erit divinatio illicita, & superstitiosa.

Et per hoc patet responsio ad obiecta.

# ARTICULUS VII. 311

*Utrum divinatio quæ fit per auguria, & omina, & alias huiusmodi observationes exteriorum rerum, sit illicita.*

III. cont. cap. cliv. & opus. xxv. cap. 111. & v. & I. a. 11. lect. 2. princ.

**A**D septimum sic proceditur. Videtur quod divinatio quæ fit per auguria, & omina, & alias huiusmodi observationes exteriorum rerum, non sit illicita. Si enim esset illicita, sancti viri ea non uterentur. Sed de Ioseph legitur quod auguriis intendebat: legitur enim Gen. xlv. quod dispensator Ioseph dixit: *Scyphus quem furati estis, ipse est in quo bibit dominus meus, & in quo augurari solet: & ipse postea dixit fratribus suis: An ignoratis quod non sit similis mei in augurandi scientia?* Ergo uti tali divinatione non est illicitum.

2. Præterea. Aves aliqua circa futuros eventus temporum naturaliter cognoscunt, secundum illud Hierem. viii. 7. *Milvus in celo cognovit tempus suum; turtur, & hirundo, & cicoma custodierunt tempus adventus sui.* Sed naturalis cognitio est infallibilis, & a Deo. Ergo uti cognitione avium ad præcognoscendum futura, quod est augurari, non videtur esse illicitum.

3. Præterea. Gedeon in numero Sanctorum ponitur, ut patet ad Heb. xi. Sed Gedeon usus fuit omine, ex hoc quod audivit recitationem, & interpretationem cuiusdam somni, ut Iudic. vii. dicitur: *Similiter Eliezer servus Abrahamæ, ut legitur Gen. xxiv. Ergo videtur quod talis divinatio non sit illicita.*

Sed contra est quod dicitur Deuteronom. xviii. 10 *Non inveniat in te qui observet auguria.*

Respondeo dicendum, quod motus, vel garritus avium, vel quæcumque dispositiones in huiusmodi rebus consideratæ manifestum est quod non sunt causa futurorum eventuum. Unde ex eis futura cognosci non possunt sicut ex causis. Relinquitur ergo quod si eis aliqua futura

tra cognoscantur, hoc erit, inquantum sunt effectus aliarum causarum, quæ etiam sunt causantes, vel præcognoscences futuros eventus. Causa autem operationum brutorum animalium est instinctus quidam, quo moventur motu naturali: non enim habent dominium sui actus.

Hic autem instinctus potest ex duplici causa procedere. Uno quidem modo ex causa corporali. Cum enim bruta animalia non habeant nisi animam sensitivam, cuius omnes potentiae sunt actus corporaliū organorum, subiacet eorum animæ dispositioni continentium corporum, & primordially caelestium. Et ideo nihil prohibet aliquas eorum operationes esse futurorum signa, inquantum conformantur dispositionibus corporum caelestium, & aeris continentis, ex quibus proveniunt aliqui futuri eventus. In hoc tamen duo considerari oportet. Primum quidem, ut operationes huiusmodi non extendantur nisi ad præcognoscenda futura quæ causantur per motus caelestium corporum, ut supra dictum est (art. 5. & 6. præc.) Secundo, ut non extendantur nisi ad ea quæ aliqualem possunt ad huiusmodi animalia pertinere: consequitur enim per caelestia corpora cognitionem quandam naturalem, & instinctum ad ea quæ eorum vitæ sunt necessaria; sicut sunt immutationes quæ sunt per pluvias, & ventos, & alia huiusmodi.

Alio modo instinctus huiusmodi causantur ex causa spirituali; scilicet vel ex Deo, ut patet in columba super Christum descendente, & in corvo qui pavit Heliam, & in cete qui absorbit, & eiecit Ionam; vel etiam ex demonibus, qui utuntur huiusmodi operationibus brutorum animalium ad implicandos animos hominum vanis opinionibus. Et eadem ratio videtur esse de omnibus aliis huiusmodi, præterquam de omnibus: quia verba humana, quæ accipiuntur pro ordine, non subduntur dispositioni stellarum; disponuntur tamen secundum divinam providentiam, & quandoque secundum demonum operationem.

Sic ergo dicendum, quod omnis huiusmodi divinatio, si extendatur ultra illud ad quod potest pertingere secundum ordinem naturæ, vel divinæ providentiæ, est superfluitosa, & illicita.

Ad primum ergo dicendum, quod hoc quod Ioseph dixit, non esse aliquem sibi similem in scientia augurandi, secundum

Augustinum, iocō dixit, non serio, reſerens forte hoc ad illud quod vulgus de eo opinabatur: & sic etiam dispensator eius locutus est.

Ad secundum dicendum, quod illa auctoritas loquitur de cognitione avium respectu eorum quæ ad eas pertinent: & ad hæc præcognoscenda, considerare earum voces, & motus non est illicitum; puta si quis ex hoc quod cornicula frequenter erocitat, prædicat pluviam cito esse futuram.

Ad tertium dicendum, quod Gedeon observavit recitationem, & expositionem somnii, accipiens ea pro ordine, quasi ordinata ad sui instructionem a divina providentia: & similiter Eliezer attendit verba puellæ, oratione præmissa ad Deum.

## ARTICULUS VIII. 512

*Utrum divinatio sortium sit illicita.*

III. cont. cap. cliv. & opusc. xxv. cap. iv. & v. & Eph. 1. lect. 4. fin.

AD octavum sic proceditur. Videtur quod divinatio sortium non sit illicita. Quia super illud Psal. xxx. *In manibus tuis sortes meæ*, dicit Glossa Augustini (ord.), „Sortes non est aliquid mali, sed res in humana dubitatione divinam indicans voluntatem.“

2. Præterea. Ea quæ a Sanctis in Scripturis observata leguntur, non videntur esse illicita. Sed sancti viri tam in veteri, quam in novo Testamento inveniuntur sortibus usi esse: legitur enim Ios. vii. quod Iosue ex præcepto Domini, iudicio sortium punivit Acham, qui de anathemate surripuerat: Saul etiam sorte deprehendit, filium suum Ionatham mel comedis, ut habetur I. Regum xiv. Ionas etiam a facie Domini fugiens, sorte deprehensus est, & in mare deiectus, ut legitur Ionæ i. Zacharias etiam sorte exiit ut incensum poneret, ut legitur Luc. i. Mathias etiam est sorte ab Apostolis ad Apostolatū electus, ut legitur Act. i. Ergo videtur quod divinatio sortium non sit illicita.

3. Præterea. Pugna pugilum, quæ *monomachia* dicitur (idest singularis concertatio) & iudicia ignis, & aquæ, quæ dicuntur vulgaria, videntur ad sortes pertinere: quia per huiusmodi aliqua exquiruntur occulta. Sed huiusmodi non videntur esse illicita: quia & Davidum Philisthæo singulare iussisse certamen legitur,

gitur, ut habetur I. Reg. xvii. Ergo videtur quod divinatio sortium non sit illicita.

Sed contra est quod in Decr. xxvi. quæst. v. (cap. vii.) dicitur: *Sortes, quibus cuncta res in vestris discriminatis (a) provinciis, quas patres damnaverunt, nihil aliud quam divinationes, & maleficia esse discernimus. Quamobrem volumus omnino illas damnari; & ultra inter Christianos nolumus nominari, & ne exerceantur, sub anathematis interdicto prohibemus.*

Respondeo dicendum, quod, sicut supra dictum est (art. 3. hu. quæst.) sortes proprie dicuntur, cum aliquid sit, ut eius eventus considerato aliquid occultum innoteat. Et quidem si queratur iudicio sortium quid cui sit exhibendum, si ve illud sit res possessa, si ve sit honor, si ve dignitas, seu pena, aut actio aliqua, vocatur *sortes divinatoria*: si autem inquiratur quid agere oporteat, vocatur *sortes consultoria*: si vero queratur quid sit futurum, vocatur *sortes divinatoria*. Actus autem hominum, qui requiruntur ad sortes, non subduntur dispositioni stellarum, nec etiam eventus ipsorum. Unde si quis ea intentione sortibus utatur, quali huiusmodi actus humani qui requiruntur ad sortes, secundum dispositionem stellarum fortiantur effectum; vana, & falsa est opinio, & per consequens non carens demonum inspectione: ex quo talis divinatio erit superstitiosa, & illicita.

Hac autem causa remota, necesse est quod sortium actum expectetur eventus vel ex fortuna, vel ex aliqua spiritali causa dirigente. Et si quidem ex fortuna, quod locum habere potest solum in divinatoria sorte, non videtur habere nisi forte vitium vanitatis; sicut si aliqui non valentes aliquid concorditer dividere, velint sortibus ad divisionem uti, quasi fortunæ exponentes quam quis partem accipiat.

Si vero ex spiritali causa expectetur sortium iudicium, quandoque quidem expectatur ex demonibus; sicut legitur Ezech. xxi. 21. quod Rex Babylonis stetit in bivio, in capite duarum viarum, divinationem querens, committens sagittas interrogavit idola, & extra consuluit: & tales sortes sunt illicitæ, & secundum Canones prohibentur. Quandoque vero expectatur a Deo, secundum illud Prov. xvi. 33. *Sortes mittuntur in sinum,*

*sed a Domino temperantur*: & talis fors secundum se non est malum, ut Augustinus dicit (loc. cit. in arg. 1.)

Potest tamen in hoc quadrupliciter peccatum incidere. Primo quidem, si absque ulla necessitate ad sortes recurratur: hoc enim videtur ad Dei tentationem pertinere. Unde Ambrosius dicit super Lucam (cap. i. sup. illud, *Factum est autem*): *Qui sorte eligitur, humano iudicio non comprehenditur*. Secundo, si quis etiam in necessitate absque reverentia Dei sortibus utatur. Unde super Actus Apostolorum dicit Beda (in fin. comment. cap. i.) *Sed si qui necessitate aliqua compulsi, Deum putant sortibus exemplo Apostolorum esse consulendum, videant hoc ipsos Apostolos non nisi collecto fratum consilio, & precibus ad Deum suus egisse*. Tercio, si divina oracula ad terrena negotia convertantur. Unde Augustinus dicit ad inquisitiones Ianuarii (epist. lv. al. cxix. cap. xx. cir. med.) *Qui de paginis evangelicis sortes legunt, etiam optandum sit ut id potius faciant quam ad demonia consulenda concurrant; tamen etiam ista mihi displicet consuetudo, ad negotia secularia, & ad vitæ huius vanitates divina oracula velle convertere*. Quarto, si in electionibus ecclesiasticis, quæ Spiritus sancti inspiratione fieri debent, aliquot sortibus utatur. Unde, sicut Beda dicit super Act. Apost. (loc. sup. cit.) *Matthias ante Pentecosten ordinatus sorte queritur, quia scilicet nondum erat plenus Spiritus sanctus in Ecclesia usque; septem autem diaconi postea non sorte, sed electione discipulorum sunt ordinati*. Secus autem est in temporalibus dignitatibus, quæ ad terrena disponenda ordinantur; in quarum electione plerumque homines sortibus utuntur, sicut & in temporalium rerum divisione.

Si vero necessitas imminet, licitum est cum debita reverentia sortibus divinum iudicium implorare. Unde Augustinus dicit ad Honor. (quæ est cccxviii. al. clxxx. vers. fi.) *Si inter Dei ministros sit discipulatio, qui eorum persecutionis tempore maneant, ne fuga fiat omnium, & qui eorum fugiant, ne morte omnium delectetur Ecclesia; si hæc discipulatio aliter non potuerit terminari, quantum mihi videtur, qui maneant, & qui fugiant, sorte legendi sunt*. Et in I. de doct. christ. (cap. xxviii.) dicit: *Si tibi abundaret aliquid quod oporteret dari ei qui non haberet, nec duobus dari posset*.

I i 2

fi ti-

(2) Ita cum eisd. Asian. & Rom. veteres edidit, & Nodding, Al. iudicia.

*si tibi occurrerent duo, quorum neuter alium vel indigentia, vel erga te aliqua necessitudine superaret; nihil iustius faceres quam ut sorte eligeres, cui dandum esset quod dari utrique non posset.*

Et per hoc patet responsio ad primum, & secundum.

Ad tertium dicendum, quod iudicium ferri candentis, vel aquae ferventis ordinatur quidem ad alicuius peccati occulendi inquisitionem per aliquid quod ab homine fit; & in hoc convenit cum sortibus: inquantum tamen expectatur aliquis miraculosus effectus a Deo, excedit communem sortium rationem. Unde huiusmodi iudicium illicitum redditur: tum quia ordinatur ad iudicanda occulta, quae divino iudicio reservantur: tum etiam quia huiusmodi iudicium non est auctoritate divina sancitum. Unde 11. quaest. v. decreto Stephani Papae V. (cap. Consultasti) dicitur: *Ferri candentis, vel aquae ferventis examinatione confessionem extorqueri a quolibet, sacri non censent Canonis: Et quod sanctorum Patrum documento sancitum non est, superstitiosa adinventio non est presumendum. Spontanea enim confessio, vel testium approbatione publicata delicta, habito praeculis Dei timore, concessa sunt nostro regimini iudicare; occulta vero, & incognita illi sunt relinquenda qui solus novit corda filiorum hominum.* Et eadem ratio videtur esse de lege duellorum; nisi quod plus accedit ad communem rationem sortium, inquantum non expectatur ibi miraculosus effectus; nisi forte quando pugiles sunt valde impares virtute, vel arte.

## QUAESTIO XCVI.

*De superstitionibus observantiarum, in quatuor articulos divisa.*

**P**ostea considerandum est de superstitionibus observantiarum: & circa hoc quaeruntur quatuor.

Primo de observantiis ad scientiam acquirendam, quae traduntur in arte notoria.

Secundo de observantiis quae ordinantur ad aliqua corpora immutanda.

Tertio de observantiis quae ordinantur ad coniecturas fumendas fortuniorum, vel infortuniorum.

Quarto de suspensionibus sacrorum verborum ad collum.

## ARTICULUS I.

513

*Utrum uti observantiis artis notoriae sit illicitum.*

**A**D primum sic proceditur. Videtur quod uti observantiis artis notoriae non sit illicitum. Dupliciter enim aliquid dicitur illicitum: uno modo secundum genus operis, sicut homicidium, vel furtum; alio modo ex eo quod ordinatur ad malum finem, sicut cum aliquis dat elemosynam propter inanem gloriam. Sed ea quae observantur in arte notoria, secundum genus operis non sunt illicita, sunt enim quaedam ieiunia, & orationes ad Deum: ordinantur etiam ad bonum finem, scilicet ad scientiam acquirendam. Ergo uti huiusmodi observationibus non est illicitum.

2. Praeterea. Dan. 1. 17. legitur, quod pueris abstinenter dedit Deus scientiam, & disciplinam in omni libro, & scientiam. Sed observantiae artis notoriae sunt secundum aliqua ieiunia, & abstinenter quasdam. Ergo videtur quod divinitus sortitur ars illa effectum. Non ergo illicitum est ea uti.

3. Praeterea. Ideo videtur esse inordinatum a demonibus inquirere de futuris, quia ea non cognoscunt, sed hoc est proprium Dei, ut dictum est (quaest. praec. art. 1.) Sed veritates scientiarum daemones sciunt, quia scientiae sunt de his quae sunt ex necessitate, & semper; quae subiacent humanae cognitioni, & multo magis demonum, qui sunt perspicaciores, ut Augustinus dicit (Lib. de divinat. daem. cap. 111. & 14. & Lib. II. sup. Gen. ad lit. cap. xviii. sub fi.) Ergo non videtur esse peccatum uti arte notoria, etiam per daemones sortiantur effectum.

Sed contra est quod dicitur Deuter. xviii. 10. *Non inveniantur in te qui quaerant a mortuis veritatem: quae quidem inquisitio innititur auxilio demonum.* Sed per observantias artis notoriae inquiritur cognitio veritatis per quaedam pacta significationum cum demonibus inita. Ergo uti arte notoria non est licitum.

Respondeo dicendum, quod ars notoria est & illicita, & inefficax. Illicita quidem est, quia utitur quibusdam ad scientiam acquirendam quae non habent secundum se virtutem causandi scientiam, sicut inspectione quarundam figurarum, & prolacione quorundam igno-

torum verborum, & aliis huiusmodi. Et ideo huiusmodi ars non utitur his ut causis, sed ut signis; non autem ut signis divinitus institutis, sicut sunt sacramentalia signa. Unde relinquitur quod sint supervacua signa, & per consequens pertinentia ad *poëta quaedam significationem cum demonibus placita atque fœderata*. Et ideo ars potiora penitus est repudianda, & fugienda a Christiano, sicut & aliae artes magicae, vel noxiae superstitionis, ut Augustinus dicit in II. de doct. christl. (cap. xxviii. cir. med.)

Est etiam huiusmodi ars inefficax ad scientiam acquirendam. Cum enim per huiusmodi artem non intendatur acquisitio scientiae per modum homini connaturalem, scilicet adveniendi, vel addiscendo, consequens est quod ille effectus vel expectetur a Deo, vel a demonibus. Certum est autem aliquos a Deo sapientiam, & scientiam per infusionem habuisse; sicut de Salomone legitur III. Reg. iii. & II. Paral. i. Dominus etiam discipulis suis dixit Luc. xxi. 13. *Ego dabo vobis os, & sapientiam; cui non poterunt resistere, & contradicere omnes adversarii vestri*. Sed hoc donum non datur quibuscumque, aut cum certa observatione, sed secundum arbitrium Spiritus sancti, secundum aliud I. ad Corinth. xxi. 8. *Alii quidam datur per Spiritum sermo sapientiae, alii sermo scientiae secundum eundem Spiritum*; & postea subditur: *Hec omnia operatur unus atque idem Spiritus, dividens singulis prout vult*. Ad daemones autem non pertinet illuminare intellectum, ut habitum est in prima huius operis parte (quæst. cix. art. 3.) Acquisitio autem scientiae, & sapientiae fit per illuminationem intellectus; & ideo nullus unquam per daemones scientiam acquisivit. Unde Augustinus dicit in X. de civit. Dei (cap. ix. cir. med.) *Porphyrium sateri theurgicis thetis, id est operationibus daemonum, animae intellectuali nihil purificationis accedere, quod eam faciat idoneam ad videndum Deum suum, & perspicendam ea quæ vera sunt*, qualia sunt omnia scientiarum theorematum. Possent tamen daemones hominibus colloquentes verbis exprimere aliqua scientiarum documenta; sed hoc non queritur per artem notorium.

Ad primum ergo dicendum, quod acquirere scientiam bonum est; sed acquirere eam modo indebito non est bonum.

*S. Tb. Oper. Tom. XXII.*

(a) Ita cum edidit hæc, veteres omnes, & Nicolaus, Theologi particulam *non introsum putant*: quæ tamen, talavina signatur.

num: & ad hunc finem intendit ars notoria.

Ad secundum dicendum, quod pueri illi non abstinebant secundum vanam observantiam artis motoriae, sed secundum auctoritatem legis divinæ, nolentes inquinari cibis gentilium: & ideo merito obedientiae consecuti sunt a Deo scientiam, secundum illud Psalm. cxviii. 100. *Super senes intellecti, quia mandata tua quaesivi*.

Ad tertium dicendum, quod exquirere cognitionem futurorum a demonibus, non solum est peccatum propter hoc quod ipsi futura non cognoscunt, sed propter societatem cum eis initam, quæ etiam in proposito (a) non habet locum.

## ARTICULUS II. 514

*Utrum observationes ad corporum immutationem ordinatæ, puta ad sanitatem, vel ad aliquid huiusmodi, sint illicitæ.*

III. contr. cap. v. & opusc. xxvi. & Gal. iv. lect. 4.

**A**D secundum sic proceditur. Videtur quod observationes ordinatæ ad corporum immutationem, puta ad sanitatem, vel ad aliquid huiusmodi, non sint illicitæ. Licet enim est uti naturalibus virtutibus corporum ad proprios effectus inducendos. Res autem naturales habent quasdam virtutes occultas, quarum ratio ab homine assignari non potest; sicut quod adamus trahit ferrum, & multa alia, quæ Augustinus enumerat XXI. de civ. Dei (cap. v. & vii.) Ergo videtur quod uti huiusmodi rebus ad corpora immutanda non sit illicitum.

2. Præterea. Sicut corpora naturalia subduntur corporibus caelestibus, ita etiam corpora artificialia. Sed corpora naturalia sortiuntur quasdam virtutes occultas speciem consequentes ex impressione caelestium corporum. Ergo & corpora artificialia, puta imagines, sortiuntur aliquam virtutem occultam a corporibus caelestibus ad aliquos effectus cauendos. Ergo uti eis, & aliis huiusmodi non est illicitum.

3. Præterea. Daemones etiam possunt multipliciter corpora transmutare, ut dicit Augustinus III. de Trin. (cap. vii. & ix.) Sed eorum virtus a Deo est. Ergo licet uti eorum virtute ad aliquas huiusmodi immutationes faciendas.

I i 3 Sed

Sed contra est quod Augustinus dicit in II. de doct. christ. ( cap. xx. ) quod ad superstitionem pertinent molimina magicarum artium, & ligaturæ, & remedia, quæ medicorum quoque disciplina condemnat, sive in præcationibus, sive in quibusdam notis, quas characteres vocant, sive in quibuscumque rebus suspendendis, atque ligandis.

Respondeo dicendum, quod in his quæ fiunt ad aliquos effectus particulares inducendos, considerandum est, utrum naturaliter videantur posse tales effectus causare: sic enim non erit illicitum, licet enim causas naturales adhibere ad proprios effectus.

Unde si naturaliter non videantur posse tales effectus causare, consequens est quod nec adhibeantur ad hos effectus causandos tamquam causæ, sed solum quasi signa: & sic pertinent ad pacta significationum cum dæmonibus inita. Unde Augustinus dicit in XXI. de civ. Dei ( cap. vi. cir. med. ) *Illicijuntur dæmones per creaturas, quas non ipsi, sed Deus condidit, delectabilibus pro sua diversitate diversis, non ut animalia cibis, sed ut spiritus signis, quæ cuiusque delectationi congruunt, per varia genera lapidum, herbarum, signorum, animalium, carminum, rituum.*

Ad primum ergo dicendum, quod si simpliciter adhibeantur res naturales ad aliquos effectus producendos, ad quos possunt naturaliter habere virtutem, non est superstitiosum, vel illicitum. Si vero adiungantur vel characteres aliqui, vel aliqua nomina, vel aliæ quæcumque vanæ observationes, quæ manifestum est naturaliter efficaciam non habere, erit superstitiosum, & illicitum.

Ad secundum dicendum, quod virtutes naturales corporum naturalium consequuntur eorum formas substantiales, quas sortiuntur ex impressione cælestium corporum: & ideo ex eorumdem impressione sortiuntur quædam virtutes activas. Sed corporum artificialium formæ procedunt ex conceptione artificis; & cum nihil aliud sint quam compositio, ordo, & figura, ut dicitur in I. Phisic. ( tex. 46. ) non possunt habere naturalem virtutem ad agendum: & inde est quod ex impressione cælestium corporum nullam virtutem sortiuntur, in quantum sunt artificialia, sed solum secundum materiam naturalem. Falsum est ergo quod Porphyrio videbatur, ut Augustinus dicit in X. de civit. Dei ( cap. xi. a

med. & Lib. XXI. cap. vi. ) *herbis, & lapidibus, & animalibus, & sonis certis quibusdam, ac vocibus, & figurantibus, atque figmentis, quibusdam etiam observatis in cæli conversione motibus fidetur, fabricari in terra ab hominibus potestates idoneas variis effectibus exequendis; quasi effectus magicarum artium ex virtute cælestium corporum provenirent.* Sed, sicut Augustinus ibidem subdit ( cap. xi. a med. ) *totum hoc ad dæmones pertinet, iudificatores animarum sibi subditarum.* Unde etiam imagines quas astronomicas vocant, ex operatione dæmonum habent effectum: cuius signum est quod necesse est eis inscribi quoddam characteres, qui naturaliter ad nihil operantur: non enim est figura actionis naturalis principium. Sed in hoc distant astronomicæ imagines a necromanticis, quod in necromanticis fiunt expresse invocationes, & præstigia quædam, unde pertinent ad expresse pacta cum dæmonibus inita; sed in aliis imaginibus sunt quædam tacita pacta per quædam figurarum seu characterum signa.

Ad tertium dicendum, quod ad dominium divinæ maiestatis, cui dæmones subsunt, pertinet ut eis utatur Deus ad quodcumque voluerit. Sed homini non est potestas super dæmones commissæ, ut eis licite possit uti ad quodcumque voluerit; sed est ei contra dæmones bellum indictum. Unde nullo modo licet homini dæmonum auxilio uti per pacta tacita, vel expresse.

### ARTICULUS III. 515

*Utrum observationes quæ ordinantur ad præcognoscendum aliqua fortuna, vel infortunia, sint illicitæ.*

*Opusc. xxvi. & Galat. xv. lect. 4.*

**A**D tertium sic proceditur. Videtur quod observationes quæ ordinantur ad præcognoscendum aliqua fortuna, vel infortunia, non sint illicitæ. Inter alia enim infortunia hominum sunt etiam infirmitates. Sed infirmitates in hominibus quædam signa præcedunt, quæ etiam a medicis observantur. Ergo observare huiusmodi significationes non videtur esse illicitum.

2. Præterea. Irrationabile est negare illud quod quasi communiter omnes experiuntur. Sed quasi omnes experiuntur quod aliqua tempora, vel loca, vel verba audita, vel occurus hominum, sive ani-



animalium, sive distorti, aut inordinati actus, aliquod praesagium habent boni, vel mali futuri. Ergo observare ista non videtur esse illicitum.

3. Præterea. Actus hominum, & eventus ex divina providentia disponuntur secundum ordinem quendam; ad quem pertinere videtur quod præcedentia sint lubsequentium signa; unde ea quæ antiquis patribus contigerunt, signa sunt eorum quæ in nobis complentur, ut patet per Apostolum I. ad Corinth. x. Observare autem ordinem ex divina providentia procedentem, non est illicitum. Ergo observare huiusmodi præstigia non videtur esse illicitum.

Sed contra est quod Augustinus dicit in II. de doctr. christ. (cap. xx.) quod *ad passum cum demonibus inita pertinent millia inanum observationum; puta si membrum aliquod salterit; si iunctim ambulantes amicus lapis, aut canis, aut puer medius intervenierit; limen calcare, cum ante domum suam aliquis transiit; redire ad lectum, si quis eum se calciat, sternutaverit; redire domum, si procedens offenderit; cum vestis a soricibus roditur, plus timere suspensionem mali futuri quam præsens damnum dolere.*

Respondetur dicendum, quod homines huiusmodi observationes attendunt, non ut qualdam causas, sed ut signa quædam futurorum eventuum bonorum, vel malorum. Non observantur autem sicut signa a Deo tradita, cum non sint introducta ex auctoritate divina, sed magis ex vanitate humana, cooperante demonum malicia, qui nituntur animos hominum huiusmodi vanitatibus implicare.

Et ideo manifestum est omnes huiusmodi observationes esse superstitiosas, & illicitas; & videntur esse quædam reliquæ idololatriæ, secundum quam observabantur auguria, & quidam dies fasti, vel infasti: quod quodammodo pertinet ad divinationem quæ fit per astra, secundum quæ diversificantur dies: (a) nisi quod huiusmodi observationes sunt sine ratione, & arte: unde sunt magis vanæ, & superstitiosæ.

Ad primum ergo dicendum, quod infirmitatum causæ præcedunt in nobis, ex quibus aliqua signa procedunt futurorum morborum, quæ licite a medicis observantur. Unde & si quis præstigia futurorum eventuum consideret ex sua causa, non erit illicitum; ut si servus

timeat flagella videns iram domini sui; & simile etiam esse posset, si quis timeret nocumentum alicui pueri ex oculo falcinante, de quo dictum est in I. Lib. (quæst. cxvii. art. 3. ad 2.) Sic autem non est in huiusmodi observationibus.

Ad secundum dicendum, quod hoc quod a principio in istis observationibus aliquid veri homines experti sunt, accidit casu; sed postmodum cum homines incipiunt suum animum huiusmodi observantis implicare, multa secundum huiusmodi observationes eveniunt per deceptionem demonum; ut in his observationibus homines implicati curiosiores fiunt, & se magis inferant multiplicibus laqueis perniciosis erroris, ut Augustinus dicit in II. de doctr. christ. (cap. xxiii. paulo a princ.)

Ad tertium dicendum, quod in populo Iudæorum, ex quo Christus erat natus, non solum dicta, sed etiam facta fuerunt prophetica, ut Augustinus dicit contra Faustum (Lib. IV. cap. ii. & Lib. XXII. cap. xxiv.) Et ideo licitum est illa facta assumere ad nostram instructionem, sicut signa divinitus data. Non autem omnia quæ aguntur per divinam providentiam, sic ordinantur, ut sint futurorum signa. Unde ratio non sequitur.

## ARTICULUS IV. 516

Utrum suspendere divina verba ad collum sit illicitum.

Quod. xii. cap. xiv.

AD quartum sic proceditur. Videtur quod suspendere divina verba ad collum non sit illicitum. Non enim divina verba minoris sunt efficaciz, cum scribuntur, quam cum proferuntur. Sed licet aliqua sacra verba dicere ad aliquos effectus (puta ad sanandum infirmos) sicut *Pater noster*, vel *Ave Maria*, vel qualitercumque nomen Domini invocetur, secundum illud Marci ult. 17. *In nomine meo eicient demonia, linguis loquentur novis, serpentes tollent.* Ergo videtur quod licitum sit aliqua sacra scripta collo suspendere in remedium infirmitatis, vel cuiuscumque nocimenti.

2. Præterea. Verba sacra non minus operantur in corporibus hominum quam in corporibus serpentum, & aliorum animalium. Sed incantationes quandam efficaciam habent ad reprimendum serpentes, vel ad sanandum quædam alia animalia: unde dicitur in Psal. lvi. 3. *Sicut*

(a) Ita cum est, *Alcan, edit. p. 8m.* Alii. Videtur ergo quod huiusmodi &c.

*aspidis surdae, & obturantis aures suas, quæ non exaudiet vocem incantantium, & venefici incantantis sapienter.* Ergo licet suspendere sacra verba ad remedium hominum.

3. Præterea. Verbum Dei non est minoris sanctitatis quam reliquæ Sanctorum: unde Augustinus dicit (in Lib. I. hom. hom. xxv. ante med.) quod *non minus est verbum Dei quam corpus Christi*. Sed reliquias Sanctorum licet homini collo suspendere, vel qualitercumque portare ad suam protectionem. Ergo pari ratione licet homini verbo, vel scripto verba sacre Scripturæ ad suam tutelam assumere.

4. Sed contra est quod Chrysostomus (alius Auctor) dicit super Matth. (hom. xlii. in op. imperf. a med.) *Quidam aliquam partem Evangelii scriptam circa collum portant. Sed nonne quotidie Evangelium in Ecclesia legitur, & auditur ab omnibus? Cui ergo in auribus posita Evangelia nihil prosunt, quomodo possunt eum circa collum suspensa salvare? Deinde ubi est virtus Evangelii? In figuris litterarum, an in intellectu sensuum? Si in figuris, bene circa collum suspendis; si in intellectu, ergo melius in corde posita prosunt quam circa collum suspensa.*

Respondet dicendum, quod in omnibus incantationibus, vel scripturis suspensis duo cavenda videntur. Primo quidem quid sit quod profertur, vel scribitur: quia si est aliquid ad invocationes demonum pertinens, manifeste est superstitiosum, & illicitum. Similiter etiam videtur esse cavendum, si contineat ignota nomina, ne sub illis aliquid illicitum lateat. Unde Chrysostomus dicit super Matth. (loc. sup. cit.) quod *Pharisæorum magnificentium fimbrias suas exemplo nunc multi aliqua nomina Hebraica Angelorum confingunt, & scribunt, & alligant; quæ non intelligentibus metuenda videntur.* Est etiam cavendum ne aliquid falsitatis contineat: quia sic eius effectus non posset expectari a Deo, qui non est testis falsitatis.

Deinde cavendum est secundo ne cum verbis sacris contineantur aliqua vana, puta aliqui characteres inscripti, præter signum crucis: aut si spes habeatur in modo scribendi, aut ligandi, aut in quacunque huiusmodi vanitate, quæ ad divinam reverentiam non pertineat: quia hoc iudicaretur superstitiosum: alias autem est licitum. Unde in Decretis dici-

citur xxvi. quæst. v. cap. *Non liceat Christianis &c. Nec in collectionibus herbarum, quæ medicinales sunt, aliquas observationes, aut incantationes licet attendere, nisi tantum cum symbolo divino, aut dominica oratione, ut tantum creator, & Deus omnium honoretur.*

Ad primum ergo dicendum, quod etiam proficere divina verba, aut invocare divinum nomen, si respectus habeatur solum ad reverentiam Dei, a qua expectatur effectus, licitum erit; si vero habeatur respectus ad aliquid aliud vane observatum, illicitum erit.

Ad secundum dicendum, quod etiam in incantationibus serpentum, vel quorumcumque animalium, si respectus habeatur solum ad verba sacra, & ad virtutem divinam, non erit illicitum. Sed plerumque tales incantationes habent illicitas observantias, & per demones sortuntur effectum; & præcipue in serpentibus, quia serpens fuit primum demonis instrumentum ad hominem decipiendum. Unde dicit Glossa (ord. Aug.) ibidem: *Notandum, quia non laudatur (a) res a Scriptura, undecumque datur in Scriptura similitudo; ut patet de iniquo iudice, qui rogantem viduam non audit.*

Ad tertium dicendum, quod eadem etiam ratio est de portatione reliquiarum: quia si portentur ex fiducia Dei, & Sanctorum, quorum sunt reliquiae, non erit illicitum; si autem circa hoc attenderetur aliquid aliud vanum, puta quod vas esset triangulare, aut aliquid aliud huiusmodi, quod non pertineret ad reverentiam Dei, & Sanctorum, esset superstitiosum, & illicitum.

Ad quartum dicendum, quod Chrysostomus loquitur, quando respectus habetur magis ad figuras scriptas quam ad verborum intellectum.

## QUAESTIO XCVII.

### De tentatione Dei.

#### in quatuor articulis divisa.

Deinde considerandum est de vitiis religioni oppositis per religionis defectum, quæ manifestam habent contrarietatem ad religionem: unde sub irreligiositate continentur. Huiusmodi autem sunt ea quæ pertinent ad contemptum, sive ad irreverentiam Dei, & rerum sacrarum. Primo ergo considerandum est de vitiis quæ pertinent directe ad irre-

verentiam Dei. Secundo de his quæ pertinent ad irreverentiam sacrarum rerum.

Circa primum considerandum occurrit de tentatione, qua Deus tentatur; & de periurio, in quo nomen Dei irreverenter assumitur.

Circa primum quærentur quatuor.

Primo, in quo consistit Dei tentatio.

Secundo, utrum sit peccatum.

Tertio, cui virtuti opponatur.

Quarto de comparatione eius ad alia vicia.

## ARTICULUS I. 517

*Utrum Dei tentatio consistat in aliquibus factis, in quibus solius divinæ potestatis expectatur effectus.*

*IV. dist. xli. art. 4. ad 2. & II. Cor. xi. fin.*

**A**D primum sic proceditur. Videtur quod tentatio Dei non consistat in aliquibus factis, in quibus solius divinæ potestatis expectatur effectus. Sicut enim Deus tentatur ab homine, ita etiam homo tentatur & a Deo, & ab homine, & a dæmone. Sed non quodcumque tentatur homo, expectatur aliquis effectus potestatis ipsius. Ergo etiam neque per hoc quod Deus tentatur, expectatur solus effectus potestatis ipsius.

2. Præterea. Omnes illi qui per invocationem divini nominis miracula operantur, expectant aliquem effectum solius divinæ potestatis. Si ergo in factis huiusmodi consisteret divina tentatio, quicumque miracula facerent, Deum tentarent.

3. Præterea. Ad perfectionem hominis pertinere videtur ut prætermittis humanis auxiliis in solo Deo spem ponat. Unde Ambrosius super illud Luc. ix. *Nihil suleritis in via &c.* dicit: „Qualis debeat esse qui evangelizat regnum Dei, præceptis evangelicis designatur; hoc est ut subditi secularis adminiculi non requirant, siquidem tutus putet sibi, quo minus ista requiratur, magis posse suppetere.“ Et B. Aetha dixit: „Medicinam corporalem corpori meo nunquam exhibui; sed habeo Dominum Iesum Christum, qui solo sermone restituit universa.“ Sed Dei tentatio non consistit in eo quod ad perfectionem pertinet. Ergo Dei tentatio non consistit in huiusmodi factis, in quibus expectatur solum Dei auxilium.

Sed contra est quod Augustinus dicit

XXII. contra Faustum (cap. xxxvi. a med.) quod *Christus, qui palam docendo, & arguendo, & tamen inimicorum vitiis valere in se aliquid non finendo, Dei demonstrabat potestatem; idem tamen sumendo, & latendo hominis infirmitatem; ne Deum tentare audeat, quando habet quod faciat, ut quod cavere oportet, evadat.* Ex quo videtur in hoc Dei tentationem consistere, quando prætermittit homo facere quod potest ad periculum evadenda, respiciens solum ad auxilium divinum.

Respondeo dicendum, quod tentare est proprie experimentum sumere de eo qui tentatur. Sumimus autem experimentum de aliquo & verbis, & factis: verbis quidem, ut experiamur an sciat quod quærimus, vel an possit, aut velit illud implere; factis autem, cum per ea quæ facimus, exploramus alterius prudentiam, vel voluntatem, vel potestatem.

Utrumque autem horum contingit dupliciter. Uno quidem modo aperte; sicut cum quis tentatorem se profiteatur, sicut Sampson Iud. xiv. proposuit Philisthæis problema ad eos tentandum. Alio vero modo insidiosè, & occulte; sicut Pharisæi tentaverunt Christum, ut legitur Matth. xxii. Rursus quandoque quidem expresse, puta cum quis dicit, vel facto intendit experimentum sumere de aliquo; quandoque vero interpretative, quando scilicet etsi hoc non intendat ut experimentum sumat, id tamen agit, vel dicit, quod ad nihil aliud videtur ordinabile nisi ad experimentum sumendum.

Sic ergo homo tentat Deum quandoque verbis, quandoque factis: verbis quidem Deo colloquimur orando: unde in sua petitione expresse aliquis Deum tentat, quando ea intentione aliquid a Deo postulat, ut exploret Dei scientiam, potestatem, vel voluntatem: factis autem expresse aliquis Deum tentat, quando per ea quæ facit, intendit experimentum sumere divinæ potestatis, sive pietatis, aut scientiæ. Sed quasi interpretative Deum tentat qui etsi non intendit experimentum de Deo sumere, aliquid tamen petit, vel facit quod ad nihil aliud est utile nisi ad probandam Dei potestatem, vel bonitatem, vel cognitionem: sicut cum quis equum currere facit, ut evadat hostes, hoc non est experimentum de equo sumere; sed si equum currere faciat absque aliqua utilitate, hoc nihil aliud esse videtur quam experimentum sumere de equi velocitate. Et idem

idem est in omnibus aliis rebus. Quando ergo propter aliquam necessitatem, seu utilitatem committit se aliquis divino auxilio in suis petitionibus, vel factis, hoc non est Deum tentare: dicitur enim in II. Paralip. xx. 12. *Cum ignoramus quid agere debeamus, hoc solum habemus residui ut oculos nostros dirigamus ad te.* Quando vero hoc agitur absque utilitate, & necessitate, hoc est interpretative tentare Deum. Unde super illud Deut. vi. *Non tentabis Dominum Deum tuum*, dicit Glois. (ordin.) „Deum tentat qui „habens quod faciat, sine ratione committit se periculo, experiens utrum „possit liberari a Deo.“

Ad primum ergo dicendum, quod homo etiam quandoque factis tentatur, utrum possit, vel sciat, vel velit huiusmodi factis auxilium, vel impedimentum praestare.

Ad secundum dicendum, quod Sancti suis precibus miracula facientes, ex aliqua necessitate, vel utilitate moventur ad petendum divinæ potestatis effectus.

Ad tertium dicendum, quod prædicatores regni Dei ex magna necessitate, & utilitate subsidia temporalia prætermittunt, ut verbo Dei expeditius vacent: & ideo si soli Deo innituntur, non ex hoc tentant Deum; sed si absque utilitate, vel necessitate humana subsidia deserere, tentarent Deum. Unde & Augustinus dicit XXII. contra Faustum (cap xxxvi. a med.) quod: *Paulus non figit quasi non credendo in Deum, sed ne Deum tentaret, si fugere noluisse, cum sic fugere potuisset.* Beata vero Agatha experta erat erga se divinam benevolentiam, ut vel inirmitates non pateretur, pro quibus corporali medicina indigeret, vel statim sentiret divinæ sanationis effectum.

## ARTICULUS II. 518

*Utrum tentare Deum sit peccatum.*

I. P. quæst. cxii. art. 2. cor.

**A**D secundum sic proceditur. Videtur quod tentare Deum non sit peccatum. Deus enim non præcepit aliquod peccatum. Præcepit autem ut homines eum probent; quod est eum tentare: dicitur enim Malach. iii. 10. *Inferre omnem decimam in horreum meum, ut fructus in domo mea; & probate me super hoc, dicit Dominus, si non aperueris oculos cataractas celi.* Ergo videtur: quod tentare Deum non sit peccatum.

2. Præterea. Sicut aliquis tentatur ad hoc quod experientia sumatur de scientia, vel potentia eius, ita etiam de bonitate, vel voluntate ipsius. Sed licitum est quod aliquis experimentum sumat divinæ bonitatis, sive etiam voluntatis: dicitur enim in Psal. xxxiii. 9. *Gustate, & videte, quoniam suavis est Dominus: & ad Rom. xii. 2. Ut probetis, quæ sit voluntas Dei bona, & beneplacens, & perfecta.* Ergo tentare Deum non est peccatum.

3. Præterea. Nullus vituperatur in Scriptura ex eo quod a peccato cessat, iudic. magis si peccatum committat. Vituperatur autem Achaz, qui Domino dicenti, *Pete tibi signum a Domino Deo tuo*, respondit, *Non petam, & non tentabo Dominum*: & dictum est ei: *Numquid parum est vobis molestos esse hominibus, quia molesti estis & Deo meo?* ut dicitur Isa. vii. 11. De Abraham autem legitur Gen. xv. 8: quod dixit ad Dominum: *Unde scire possum, quod possessorus sim eam?* scilicet terram repromissam a Deo. Similiter etiam Gedeon signum a Deo petiit de victoria repromissa, ut legitur Iudic. vi. Qui tamen ex hoc non reprehenduntur. Ergo tentare Deum non est peccatum.

Sed contra est, quod prohibetur in lege Dei: dicitur enim Deus vi. 16. *Non tentabis Dominum Deum tuum.*

Respondeo dicendum, quod, sicut supra dictum est (art. præc.) tentare est experimentum sumere. Nullus autem experimentum sumit de eo de quo est certus. Et ideo omnis tentatio ex aliqua ignorantia, vel dubitatione procedit vel eius qui tentat (sicut cum quis experimentum de aliqua re sumit ut eius qualitatem cognoscat) sive aliorum (sicut cum quis experimentum de aliquo sumit, ut aliis ostendat) per quem modum Deus dicitur nos tentare. Ignorare autem, vel dubitare de his quæ pertinent ad Dei perfectionem, est peccatum. Unde manifestum est quod tentare Deum ad hoc quod ipse tentans cognoscat Dei virtutem, est peccatum.

Si quis autem ad hoc experimentum sumat eorum quæ ad divinam perfectionem pertinent, non ut ipse cognoscat, sed ut aliis demonstret; hoc non est tentare Deum; cum: subdit iusta necessitas, seu pia utilitas, & aliaque ad hoc concurrere debent. Sic enim Apostoli petiverunt a Domino, ut in nomine Iesu Christi fierent signa, ut dicitur A. 4.

ad

ad hoc scilicet quod virtus Christi infidelibus manifestaretur.

Ad primum ergo dicendum, quod solutio decimarum erat in lege praecepta; ut supra habitum est (quaest. lxxxvii. art. 1.) unde habebat necessitatem ex obligatione praecepti, & utilitatem quae ibi dicitur, *ut sit cibis in domo mea*: unde solvendo decimas non tentabant Deum. Quod autem ibidem subditur, *Et probate me*, non est intelligendum causaliter, quasi ad hoc solvere deberent decimas, ut probarent si Deus aperiret eis cataractas caeli; sed consecutive, quia scilicet si decimas solverent, experimento probaturi erant beneficia quae eis Deus conferret.

Ad secundum dicendum, quod duplex est cognitio divinae bonitatis, vel voluntatis. Una quidem speculativa: & quantum ad hanc non licet dubitare, nec probare, utrum Dei voluntas sit bona, vel utrum Deus sit suavis. Alia autem est cognitio divinae voluntatis, sive bonitatis effectiva, sive experimentalis; dum quis experitur in seipso gustum divinae dulcedinis, & complacentiam divinae voluntatis, sicut de Hierotheo dicit Dionysius 11. cap. de div. Nom. (lect. 4. cir. fin.) quod *didici divina ex compassione ad ipsa*. Et hoc modo monemur ut probemus Dei voluntatem, & gustemus eius suavitatem.

Ad tertium dicendum, quod Deus volebat signum dare Regi Achaz, non pro ipso solum, sed pro totius populi instructione: & ideo reprehenditur quasi impeditor communis boni, & salutis, quod signum petere volebat. Nec petendo tentasset Deum, tum quia ex mandato Dei petiisset, tum quia hoc pertinebat ad utilitatem communem. Abraham autem signum petit ex instinctu divino: & ideo non peccavit. Gedeon vero ex debilitate fidei signum petiisse videtur: & ideo a peccato non excusatur, sicut ibid. Glossa (Aug. Lib. Qq. sup. Iudic. quaest. xlix ante med.) dicit; sicut & Zacharias peccavit, dicens Luc. 1. 18. ad Angelum, *Unde hoc sciam?* unde & propter hanc incredulitatem punitus fuit.

Sciendum tamen, quod dupliciter aliquis signum petit a Deo. Uno modo ad explorandam divinam potestatem, aut veritatem dicti eius: & hoc de se pertinet ad Dei tentationem. Alio modo ad hoc quod instruarur, quid circa aliquod factum sit placitum Deo: & hoc nullo modo pertinet ad Dei tentationem.

ARTICULUS III. 519

*Utrum tentatio Dei opponatur virtuti religionis.*

**A**D tertium sic proceditur. Videtur quod tentatio Dei non opponatur virtuti religionis. Tentatio enim Dei habet rationem peccati ex hoc quod homo de Deo dubitat, ut dictum est (art. praec.) Sed dubitare de Deo pertinet ad peccatum infidelitatis, quod opponitur fidei. Ergo tentatio Dei magis opponitur fidei quam religioni.

2. Præterea. Eccli. xviii. 23. dicitur: *Ante orationem prepara animam tuam, & noli esse quasi homo qui tentat Deum*: ubi dicit Glossa (interlinearis) „qui „ (scilicet tentans Deum) orat quod do „ cuit, sed non facit quod iussit. “ Sed hoc pertinet ad presumptionem, quae opponitur spei. Ergo videtur quod tentatio Dei sit peccatum oppositum spei.

3. Præterea. Super illud Psal. lxxviii. *Et tentaverunt Deum in cordibus suis*, dicit Glossa (interl.) quod „ tentare Deum „ est dolose postulare, „ ut in verbis sit „ simplicitas, cum sit in corde malicia. “ Sed dolus opponitur virtuti veritatis. Ergo tentatio Dei non opponitur religioni, sed veritati.

Sed contra est quod, sicut ex prædicta Glossa habetur, *tentare Deum est inordinatè postulare*. Sed debito modo postulare est adus religionis, ut supra habitum est (quaest. lxxxiii. art. 3.) Ergo tentare Deum est peccatum religioni oppositum.

Respondeo dicendum, quod, sicut ex supra dictis patet (quaest. lxxxii. art. 1. & seq.) finis religionis est Deo reverentiam exhibere. Unde omnia illa quae directe pertinent ad irreverentiam Dei, religioni opponuntur. Manifestum est autem quod tentare aliquem, ad irreverentiam eius pertinet. Nullus enim praesumit tentare eum de cuius excellentia certus est. Unde manifestum est quod tentare Deum est peccatum religioni oppositum.

Ad primum ergo dicendum, quod, sicut supra dictum est (quaest. lxxxii. art. 7.) ad religionem pertinet potestati fidei per aliqua signa ad divinam reverentiam pertinentia. Et ideo ad irreligiositatem pertinet quod ex incertitudine fidei homo aliqua faciat quae ad divinam irreverentiam pertinent; cuiusmo-

di

di est tentare Deum : & ideo est irreligiositas species.

Ad secundum dicendum, quod ille qui ante orationem animam suam non præparat, dimittendo si quid adversum aliquem habet, vel alias ad devotionem se non disponendo, non facit quod in se est, ut exaudiatur a Deo : & ideo quasi interpretative tentat Deum. Et quamvis huiusmodi interpretativa tentatio videatur ex præsumptione, seu indiscretionem provenire; tamen hoc ipsum ad irreverentiam Dei pertinet quod homo præsumptuose, & sine debita diligentia se habeat in his quæ ad Deum pertinent. Dicitur enim I. Pet. v. 6. *Humiliamini sub potenti manu Dei*; & II. ad Tim. ii. 13. *Solicite cura te ipsum probabilem exhibere Deo*. Unde etiam huiusmodi tentatio irreligiositatis species est.

Ad tertium dicendum, quod in comparatione ad Deum, qui novit cordis abscondita, non dicitur aliquis dolose postulare, sed per respectum ad homines : unde dolus per accidens se habet ad tentationem Dei : & propter hoc non oportet quod tentatio Dei directe opponatur veritati.

#### ARTICULUS IV. 320

*Utrum tentatio Dei sit gravius peccatum quam superstitio.*

**A**D quantum sic proceditur. Videtur quod tentatio Dei sit gravius peccatum quam superstitio. Maior enim poena pro maiori peccato insertur. Sed gravius est punitum in Iudæis peccatum tentationis Dei, quam peccatum idololatriæ, quod tamen est præcipuum inter superstitiones : quia pro peccato idololatriæ interfecti sunt ex eis (a) viginti tria millia hominum, ut legitur Exod. xxxii. pro peccato autem tentationis omnes universaliter in deserto perierunt, terram promissionis non intrantes, secundum illud Psal. xciv. 9. *Tentaverunt me patres vestri*; & postea subditur : *Quibus iuravi in ira mea, si introibunt in requiem meam*. Ergo tentare Deum est gravius peccatum quam superstitio.

3. Præterea. Tanto aliquod peccatum videtur esse gravius, quanto magis virtuti opponitur. Sed irreligiositas, cuius species est tentatio Dei, magis opponitur virtuti religionis quam superstitio,

quæ habet aliquam similitudinem cum ipsa. Ergo tentatio Dei est gravius peccatum quam superstitio.

3. Præterea. Maius peccatum videtur esse irreverenter se habere ad parentes, quam reverentiam parentibus debitam aliis exhibere. Sed Deus est honorandus a nobis sicut omnium pater, ut dicitur Malach. i. Ergo maius peccatum esse videtur tentatio Dei, per quam irreverenter nos habemus ad Deum, quam idololatria, per quam reverentia Deo debita exhibetur creaturæ.

Sed contra est quod super illud Deuteronom. xvii. *Cum reperti fuerint apud te etc.* dicit Glossa (ordin.) „Lex errorum, & idololatriam maxime detestatur : cur : maximum enim est scelus, honoris Creatoris impendere creaturæ.“

Respondendo dicendum, quod in peccatis quæ religioni adversantur, tanto aliquid gravius est, quanto magis divinæ reverentiæ adversatur. Cui quidem munus adversatur quod aliquis de divina excellentia dubitet, quam quod contrarium per certitudinem sentiat. Sicut enim magis est infidelis qui in errore confirmatus est, quam qui de veritate fidei dubitat; ita etiam magis contra Dei reverentiam agit qui suo facto protestatur errorem contra divinam excellentiam, quam qui protestatur dubitationem. Superstitiosius autem protestatur errorem, ut ex dictis patet (quæst. xcxi.). Ille autem qui tentat Deum verbis, vel factis, protestatur dubitationem de divina excellentia, ut dictum est (art. 1. & 2. huius quæst.)

Et ideo gravius est peccatum superstitionis quam peccatum tentationis Dei.

Ad primum ergo dicendum, quod peccatum idololatriæ non fuit punitum illa poena quasi sufficienti; sed in posterum pro illo peccato gravior poena relervabatur : dicitur enim Exod. xxxii. 34. *Ego autem in die ultionis visitabo hoc peccatum eorum*.

Ad secundum dicendum, quod superstitio habet similitudinem cum religione, quantum ad materiale actum quem exhibet, sicut religio; sed quantum ad finem, plus contrariatur ei quam tentatio Dei, quia plus pertinet ad divinam irreverentiam, ut dictum est (in corp. art.)

Ad tertium dicendum, quod de ratione divinæ excellentiæ est quod sit singularis, & incommunicabilis. Et ideo idem est contra divinam reverentiam agere

(a) Ita mss. & editi omnes, præter Patav. ubi legitur quasi viginti tria; & indicatur superior quæstio lxxv. art. 4. arg. 2. quo loco item habent adverbium quasi, ut iam notavimus.

aliquid, & divinam reverentiam alteri communicare. Non est autem similis ratio de honore parentum, qui potest sine culpa aliis communicari.

## QUAESTIO XCVIII.

De periurio,  
in quatuor articulis divisa.

**D**Einde considerandum est de periurio: & circa hoc quaeruntur quatuor. Primo, utrum falsitas requiratur ad periurium.

Secundo, utrum periurium sit semper peccatum.

Tertio, utrum semper sit peccatum mortale.

Quarto, utrum peccet ille, qui inlungit iuramentum periuro.

## ARTICULUS I. 521

*Utrum falsitas eius quod in iuramento confirmatur, requiratur ad periurium.*

*Inf. quaest. cxxiii. art. 3. ad 3. & III. dist. xxxix. art. 4.*

**A**D primum sic proceditur. Videtur quod falsitas eius quod in iuramento confirmatur, non requiratur ad periurium. Utenim supra dictum est (quaest. lxxxix. art. 3.) sicut veritas debet concommitari iuramentum, ita etiam iudicium, & iustitia. Sicut ergo incurritur periurium per defectum veritatis; ita etiam per defectum iudicii, puta cum aliquis indistrecte iurat; & per defectum iustitiae, puta cum aliquis iurat aliquid illicitum.

2. Præterea. Illud per quod aliquid confirmatur, potius esse videtur eo quod confirmatur per illud; sicut in syllogismo principia sunt potiora conclusione. Sed in iuramento confirmatur dictum hominis per assumptionem divini nominis. Ergo magis videtur esse periurium, cum aliquis iurat per falsos deos, quam si veritas desit dicto hominis quod iuramento confirmatur.

3. Præterea. Augustinus dicit in Lib. de verbis Apostoli Iacobi (serm. xxviii. cap. ii.) *Homines falsum iurant, vel cum fallunt, vel cum falluntur*: & ponit tria exempla: quorum primum est: (a) *Fac illum iurare qui verum putat esse pro quo*

*iurat, & tamen falsum est*: secundum est: *Da alium, qui scit falsum esse, & iurat tamquam verum sit*: tertium est: *Da alium, qui putat falsum esse, & iurat tamquam verum sit, quod forte verum est*: de quo postea subdit, quod *periurum est*. Ergo aliquis veritatem iurans potest esse periurus. Non ergo falsitas requiritur ad periurium.

Sed contra est quod periurium definitur esse *mendacium iuramento firmatum*.

Respondeo dicendum, quod, sicut supra dictum est (quaest. xcii. art. 2.) morales actus ex hinc speciem sortiuntur. Finis autem iuramenti est confirmatio dicti humani: cui quidem confirmationi falsitas opponitur: per hoc enim confirmatur aliquid dictum, quod ostenditur firmiter esse verum: quod quidem non potest contingere de eo quod falsum est. Unde falsitas directe evacuat finem iuramenti: & propter hoc a falsitate præcipue specificatur perversitas iuramenti, quod *periurium* dicitur.

Et ideo falsitas est de ratione periurii.

Ad primum ergo dicendum, quod, sicut Hieronymus dicit Hier. iv. (sup. illud *Iurabis, Vivit Dominus*) quodcumque illorum trium defuerit, periurium est, non tamen eodem ordine. Sed. primo quidem & principaliter periurium est, quando desit veritas, ratione iam dicta (in corp.) Secundario autem, quando desit iustitia: quocumque enim modo quis iurat illicitum, ex hoc ipso falsitatem incurrit, quia obligatus est ad hoc quod contrarium faciat. Tertio vero, quando desit iudicium: quia cum indistrecte iurat, ex hoc ipso periculo se committit falsitatem incurrendi.

Ad secundum dicendum, quod principia in syllogismis sunt potiora, tamquam habentia rationem activi principii, ut dicitur in II. Physic. (tex. lxxxix.) sed in moralibus actibus principalior est finis quam principium activum. Et ideo licet sit perversum iuramentum, quando aliquis verum iurat per falsos deos; tamen ab illa perversitate inramenti *periurium* non nominatur, quod tollit iuramenti finem, falsum iurando.

Ad tertium dicendum, quod actus morales procedunt a voluntate, cuius obiectum est bonum apprehensum. Et ideo si falsum apprehendatur ut verum, erit quidem relatum ad voluntatem materialiter.

(a) Ita post Garziam Theoloti, Nodding, & editi: omittit. In ed. Alen. desit in secundo exemplo tamquam verum sit, & initia tertia Fac illum alium &c. In ed. Rom. alii sunt verba: Fac illum iurare quod verum putat esse pro quo iurat: secundum est: Da alium qui scit falsum esse, & iurat tamen esse: Da alium &c.

liter falsum, formaliter autem verum. Si autem id quod est falsum, accipiat ut falsum, erit falsum & materialiter, & formaliter. Si autem id quod est verum, apprehendatur ut falsum, erit verum materialiter, & falsum formaliter. Et ideo in quolibet istorum casuum salvatur aliquo modo ratio periurii propter aliquem falsitatis modum. Sed quia in unoquoque potius est id quod est formale, quam id quod est materiale, non ita est periurus ille qui falsum iurat, quod putat esse falsum: dicit enim ibid. Augustinus: *Interest, quemadmodum verbum procedat ex animo, quia ream linguam non facit nisi rea mens.*

## ARTICULUS II. 522

*Utrum omne periurium sit peccatum..*

**A**D secundum sic proceditur. Videtur quod non omne periurium sit peccatum. Quicumque enim non implet quod iuramento confirmavit, periurus esse videtur. Sed quandoque aliquis iurat se facturum aliquid illicitum (puta adulterium, vel homicidium) quod si faciat, peccat. Si ergo etiam non faciendo peccaret peccato periurii, sequeretur quod esset perplexus..

2. Præterea. Nullus peccat faciendo quod melius est. Sed quandoque aliquis periurando facit quod melius est; sicut cum quis iuravit se non intraturum religionem, vel quæcumque opera virtutis non facturum. Ergo non omne periurium est peccatum..

3. Præterea. Ille qui iurat facere alterius voluntatem, nisi eam faciat, videtur incurrere periculum. Sed quandoque potest contingere quod non peccat, si eius non impleat voluntatem; puta cum præcipit ei aliquid nimis durum, & importabile. Ergo videtur quod non omne periurium sit peccatum..

4. Præterea. Iuramentum promissorium se extendit ad futura, sicut assertorium ad præterita, & præsentia. Sed potest contingere quod tollatur obligatio iuramenti per aliquid quod in futurum emerget; sicut cum aliqua civitas iurat se aliquid servaturam, & postea superveniunt novi cives, qui illud non iuraverunt; vel cum Canonicus aliquis iurat statuta Ecclesiæ alicuius se servaturum, & postmodum aliqua fiunt de novo. Ergo videtur quod iste qui transgreditur iuramentum, non peccat..

Sed contra est quod Augustinus dicit in Libr. de verbis Apost. Iacobi (serm. xxviii. cap. ii.) de periurio loquens: *Videtur, quam ista detestanda sit bellua, & de rebus humanis exterminanda.*

Respondetur dicendum, quod, sicut supra dictum est (quæst. lxxxix. art. 1.) iurare est Deum talem invocare. Pertinet autem ad Dei irreverentiam, quod aliquis cum testem invocet falsitatis: quia per hoc dat intelligere vel quod Deus veritatem non cognoscat, vel quod falsitatem testificari velit. Et ideo periurium manifeste est peccatum religioni contrarium, cuius est Deo reverentiam exhibere..

Ad primum ergo dicendum, quod ille qui iurat se facturum aliquid illicitum, iurando incurrit periurium propter defectum iustitiæ; sed si non impleat quod iuravit, in hoc periurium non incurrit: quia hoc non erat tale quid quod sub iuramento cadere posset.

Ad secundum dicendum, quod ille qui iurat se non intraturum religionem, vel non daturum elemosynam, vel aliquid huiusmodi, iurando periurium incurrit propter defectum iudicii: & ideo quando facit id quod melius est, non est periurus, sed periurio contrarius: contrarium enim eius quod facit, sub iuramento cadere non poterat.

Ad tertium dicendum, quod cum aliquis iurat, vel promittit se facturum voluntatem alterius, intelligenda est debita conditio: si scilicet id quod ei mandatur, licitum sit, & honestum, & portabile, sive moderatum..

Ad quartum dicendum, quod quia iuramentum est actio personalis, ille qui de novo fit civis alicuius civitatis, non obligatur quasi iuramento ad servanda illa, quæ civitas se servaturam iuravit; tamen tenetur ex quadam fidelitate, ex qua obligatur ut sicut fit socius bonorum civitatis, ita etiam fiat particeps onerum. Canonicus vero qui iurat se servaturum statuta edita in aliquo collegio, non tenetur ex iuramento ad servandum futura, nisi intenderit se obligare ad omnia statuta præterita, & futura; tenetur tamen ea servare ex ipsa vi statutorum, quæ habent coactivam virtutem, ut ex supraddictis patet (1. 2. quæst. xcvi. art. 4.)



ARTICULUS III. 323

*Utrum omne periurium sit peccatum mortale.*

*Sup. quaest. lxxx. art. 5. corp. & III. dist. xxxix. art. 5. quaest. 1.*

**A**D tertium sic proceditur. Videtur quod non omne periurium sit peccatum mortale. Dicitur enim Extra de iureiur. (cap. Verum:) *In ea questione quae ponitur, an a sacramenti vinculo absoluantur qui illud inviti pro vita, & rebus servandis fecerunt, nihil aliud arbitramur, quam quod antecessores nostri Romani Pontifices arbitrati fuisse noscuntur; qui tales a iuramenti nexibus absolventur. Ceterum, ut agatur consultius, & auferatur materia deicrandi, non eis ita expresse dicitur, ut iuramenta non servent; sed si ea non attenderint, non ob hoc sunt tamquam pro mortali crimine puniendi.* Non ergo omne periurium est peccatum mortale.

2. Præterea. Sicut Chrysostomus (alius Auctor.) dicit (hom. xlv. in op. imperf. a med. & hab. cap. Si aliqua xxi. quaest. 1.) *maius est iurare per Deum quam per Evangelium.* Sed non semper peccat mortaliter qui per Deum iurat aliquod falsum; puta si ex ioco, vel lapsu linguae aliquis tali iuramento in communi sermone utatur. Ergo nec etiam si aliquis frangat iuramentum, quod solemniter per Evangelium iurat, semper erit peccatum mortale.

3. Præterea. Secundum iura propter periurium aliquis incurrit infamiam, ut habetur vi. quaest. 1. cap. Infames. Non autem videtur quod propter quodlibet periurium aliquis infamiam incurrat; sicut dicitur de assertorio iuramento violato per periurium. Ergo videtur quod non omne periurium sit peccatum mortale.

Sed contra. Omne peccatum quod contrariatur præcepto divino, est peccatum mortale. Sed periurium contrariatur præcepto divino: dicitur enim Levit. xix. 12. *Non periurabis in nomine meo.* Ergo est peccatum mortale.

Respondeo dicendum, quod secundum doctrinam Philosophi (Lib. I. Poster. tex. 5.) *propter quod unumquodque tale, illud magis.* Videmus autem quod ea quæ ex se sunt peccata venialia, vel etiam bona ex genere, si in contemptum Dei fiant, sunt peccata mortalia. Undemul-  
to magis quicquid est quod de sui ratio-

ne pertinet ad contemptum Dei, est peccatum mortale. Periurium autem de sui ratione importat contemptum Dei: ex hoc enim habet rationem culpæ, ut dictum est (art. præc.) quia ad irreverentiam Dei pertinet.

Unde manifestum est quod periurium ex sui ratione est peccatum mortale.

Ad primum ergo dicendum, quod, sicut supra dictum est (quaest. lxxxix. art. 7. ad 3.) coactio non aufert iuramento promissorio vim obligandi, respectu eius quod licite fieri potest. Et ideo si aliquis non impleat quod coactus iuravit, nihilominus periurium incurrit, & mortaliter peccat. Potest tamen per auctoritatem summi Pontificis ab obligatione etiam iuramenti absolvi, præsertim si coactus fuerit tali metu qui cadere posset in constantem virum. Quod autem dicitur, quod tales non sunt puniendi tamquam pro mortali crimine, non hoc ideo dicitur, quia non peccent mortaliter, sed quia poena eis minor infligitur.

Ad secundum dicendum, quod ille qui iocose periurat, non evitat divinam irreverentiam, sed quantum ad aliquid magis augeat: & ideo non excusatur a peccato mortali. Ille autem qui ex lapsu linguae falsum iurat, si quidem advertat se iurare, & falsum esse quod iurat, non excusatur a peccato mortali, sicut nec a Dei contemptu; si autem hoc non advertat, non videtur habere intentionem iurandi, & ideo a crimine periurii excusatur. Est ergo gravius peccatum, si quis solemniter iuret per Evangelium, quam si per Deum in communi sermone iuret, tum propter scandalum, tum propter maiorem deliberationem. Quibus aequaliter hinc inde pensatis, gravius est, si quis per Deum iurans periuret, quam si periuret iurans per Evangelium.

Ad tertium dicendum, quod non propter quodlibet peccatum mortale aliquis infamis efficitur ipso iure. Unde non sequitur, si ille qui iurat falsum iuramento assertorio, non est infamis ipso iure, sed solum per sententiam definitivam factam contra eum in accusatione, propter hoc non peccet mortaliter. Ideo autem magis reputatur infamis ipso iure qui frangat iuramentum promissorium solemniter factum, quia in eius potestate remanet, postquam iuravit, ut det suo iuramento veritatem: quod non contingit in iuramento assertorio.

AR-

## ARTICULUS IV. 524

*Utrum peccet qui iniungit iuramentum et qui periurat.*

III. dist. xxxix. art. 5. quaest. 2.

**A**D quartum sic proceditur. Videtur quod ille peccet qui iniungit iuramentum ei qui periurat. Aut enim scit eum verum iurare, aut falsum. Si scit eum verum iurare, pro nihilo ei iuramentum iniungit; si autem credit eum falsum iurare, quantum est de se, inducit eum ad peccandum. Ergo videtur quod nullo modo debeat quis alicui iuramentum iniungere.

2. Præterea. Minus est accipere iuramentum ab aliquo, quam iuramentum iniungere alicui. Sed recipere iuramentum ab aliquo non videtur esse licitum; & præcipue si periuret, quia in hoc videtur consentire peccato. Ergo videtur quod multo minus liceat exigere iuramentum ab eo qui periurat.

3. Præterea. Dicitur Levit. v. 1. *Si peccaverit anima, & audierit vocem iurantis falsum, testisque fuerit quod aut ipse vidit, aut conscius est, nisi indicaverit, portabit iniquitatem suam.* Ex quo videtur quod aliquis sciens aliquem iurare falsum, teneatur eum accusare. Non igitur licet ab eo exigere iuramentum.

Sed contra. Sicut peccat ille qui falsum iurat, ita ille qui per falsos deos iurat. Sed licet uti iuramento eius qui per falsos deos iurat, ut Augustinus dicit ad Publicolam (ep. eliv. a princ.). Ergo licet iuramentum exigere ab eo qui falsum iurat.

Respondetur dicendum, quod circa eum qui exigit ab alio iuramentum, distinguendum videtur. Aut enim exigit iuramentum pro seipso, propria sponte; aut exigit iuramentum pro alio, ex necessitate officii sibi commissi.

Et si quidem aliquis pro seipso exigit iuramentum tamquam persona privata, distinguendum videtur, ut Augustinus dicit in serm. de periuriis (qui est xxviii. de verb. Apost. cap. x.) *Si enim nescit eum iuraturum falsum, & ideo dicit, iura mihi, ut fides ei (a) fiat, non est peccatum; tamen est humana tentatio, quia scilicet procedit ex quadam infirmitate, qua homo dubitat alium esse verum dicturum. Et hoc est illud (b) iuramentum de quo Dominus dicit Matth. v.*

37. (c) *Quod amplius est, a malo est. Si autem scit eum fecisse, scilicet contrarium eius quod iurat, & cogit eum iurare, homicida est: ille enim de suo periurio se interimit; sed iste manum innocentis impressit.*

Si autem aliquis exigit iuramentum tamquam persona publica, secundum quod exigit ordo iuris, ad petitionem alterius; non videtur esse in culpa, si ipse iuramentum exigit, sive sciat eum falsum iurare, sive verum: quia non videtur ille exigere, sed ille ad cuius instantiam exigit.

Ad primum ergo dicendum quod obiectio illa procedit, quando pro se aliquis exigit iuramentum; & tamen non semper scit eum iurare verum, vel falsum; sed quandoque dubitat de facto, & eredit eum verum iuraturum; & tunc ad maiorem certitudinem exigit iuramentum.

Ad secundum dicendum, quod sicut Augustinus dicit ad Public. (loc. cit. ante med.) *quomodo dictum sit, ne iuremus, numquam tamen me in Scripturis sanctis legisse memini, ne ab aliquo iurationem accipiamus.* Unde ille qui iurationem recipit, non peccat; nisi forte quando propria sponte ad iurandum cogit eum quem scit falsum iuraturum.

Ad tertium dicendum, quod, sicut Augustinus dicit (in Lib. Qq. sup. Levit. quaest. x.) *Moyses non expressit in prædicta auctoritate, cui sit indicandum periurium alterius: & ideo intelligitur quod debeat indicari talibus qui magis possunt prodesse quam obesse periuro. Similiter etiam non expressit, quo ordine debeat manifestari: & ideo videtur servandus ordo evangelicus, si sit peccatum periuri occultum; & præcipue quando non vergit in detrimentum alterius, quia in tali casu non haberet locum ordo evangelicus, ut supra dictum est (quaest. xxxiii. art. 8. & quaest. lxxviii. art. 3.)*

Ad quartum dicendum, quod licet malo uti propter bonum, sicut & Deus utitur; non tamen licet aliquem ad malum inducere. Unde licet eius qui per falsos deos iurare paratus est, iuramentum recipere; non tamen licet eum inducere ad hoc quod per falsos deos iuret. Alia tamen ratio videtur esse in eo qui per verum Deum falsum iurat: quia in tali iuramento deest bonum fidei, qua utitur aliquis in iuramento illius,

(a) Al. sic. (b) ut. illud malum. (c) Vulgata: Quod autem his bandarius est &c. (d) Ita mss. & editi omnes, Tuncque iustitiam.

lius qui verum per falsos deos iurat, ut Augustinus dicit ad Publicolam (hoc. cit. a princ.) Unde in iuramento eius qui falsum per verum Deum iurat, non videtur esse aliquod bonum, quo uti liceat.

## QUAESTIO XCIX.

## De sacrilegio,

## in quatuor articulos divisa.

**D**Einde considerandum est de vitiis ad irreligiositatem pertinentibus, quibus rebus sacris irreverentia exhibetur. & primo de sacrilegio; secundo de simonia. Circa primum quaeruntur quatuor. Primo, quid sit sacrilegium. Secundo, utrum sit speciale peccatum. Tercio de speciebus sacrilegii. Quarto de pena sacrilegii.

## ARTICULUS I. 525

*Utrum sacrilegium sit sacrae rei violatio.*

*Inf. art. 2. ad 3. & quaest. cliv. art. 10. ad 3.*

**A**D primum sic proceditur. Videtur quod sacrilegium non sit sacrae rei violatio. Dicitur enim xvii. quaest. iv. (in appendice Grat. ad cap. Si quis suadente) *Committunt sacrilegium qui de Principis iudicio disputant, dubitantes an is dignus sit honore quem Principes elegerit.* Sed hoc ad nullam rem sacram pertinere videtur. Ergo sacrilegium non importat sacrae rei violationem.

2. Praeterea. Ibidem (cap. Constituit) subditur, *quod si quis permiserit Iudaeis officia publica exercere, velut in sacrilegium excommunicatio proferatur.* Sed officia publica non videntur ad aliquod sacrum pertinere. Ergo videtur quod sacrilegium non importet violationem alicuius sacri.

3. Praeterea. Maior est virtus Dei quam virtus hominis. Sed res sacra a Deo sanctitatem obtinent. Ergo non possunt per homines violari: & ita sacrilegium non videtur esse sacrae rei violatio.

Sed contra est quod Hieronymus dicit in Lib. X. Etyim. (ad lit. S.) *quod sacrilegus dicitur ab eo quod sacra legit, id est furatur.*

Respondendo dicendum, quod, sicut ex supra dictis patet (quaest. lxxxix. art. 5. & t. 2. quaest. ci. art. 4.) sacrum dicitur aliquid ex eo quod ad divinum cultum ordinatur. Sicut autem ex eo quod aliquid ordinatur in finem bonum, sortitur rationem boni;

*S. Th. Oper. Tom. XXII.*

ita etiam ex hoc quod aliquid deputatur ad cultum Dei, efficitur quoddam divinum; & sic ei quaedam reverentia debetur, quae refertur in Deum.

Et ideo omne illud quod ad irreverentiam rerum sacrarum pertinet, ad iniuriam Dei pertinet, & habet sacrilegii rationem.

Ad primum ergo dicendum, quod secundum Philosophum in I. Ethic. (cap. 11. in fi.) bonum commune gentis est quoddam divinum: & ideo antiquitus rectores reipublicae divini vocabantur, quasi divinae providentiae ministri, secundum illud Sap. vi. 5. *Cum essetis ministri regni illius, non recte iudicastis.* Et sic per quamdam nominis extensionem illud quod pertinet ad irreverentiam Principis, scilicet disputare de eius iudicio, an oporteat (a) ipsum sequi, secundum quamdam similitudinem sacrilegium dicitur.

Ad secundum dicendum, quod populus christianus per fidem, & sacramenta Christi sanctificatus est, secundum illud I. ad Cor. vi. 11. *Sed abluti estis, sed sanctificati estis.* Et ideo I. Pet. ii. 9. dicitur: *Vos estis gens electum, regale sacerdotium, gens sancta, populus acquisitionis.* Et ideo id quod fit in iniuriam populi christiani, scilicet quod infideles ei praestantur, pertinet ad irreverentiam sacrae rei. Unde rationabiliter sacrilegium dicitur.

Ad tertium dicendum, quod violatio hic large dicitur quaecumque irreverentia, vel exhonoriatio. Sicut autem honor est in honorante, non autem in eo qui honoratur, ut dicitur in I. Ethic. (cap. v.) ita etiam irreverentia est in eo qui irreverenter se habet; quamvis etiam nihil noceat ei cui irreverentiam exhibet. Quantum ergo est in ipso, rem sacram violat, licet illa in se non violetur.

## ARTICULUS II. 526

*Utrum sacrilegium sit peccatum speciale.*

**A**D secundum sic proceditur. Videtur quod sacrilegium non sit peccatum speciale. Dicitur enim xvii. quaest. iv. (in appendice Grat. ad cap. Si quis suadente) *Committunt sacrilegium qui in divina legis sanctitatem aut nesciendo committunt, aut negligendo violant, & offendunt.* Sed hoc fit per omne peccatum: nam peccatum est dictum, vel factum, vel concupiscit contra legem Dei, ut Augustinus dicit XXII. contra Faustum (cap. xxvii. in princ.) Ergo sacrilegium est generale peccatum.

K k

2. Prae-

(a) Ita in cod. Camer. Thesigi, Nicolais, & posterioribus edis, Codex Alcan. Edis. Rom. aliquos veteres cum, relatum ad Principem.

2. Præterea. Nullum speciale peccatum continetur sub diversis generibus peccatorum. Sed sacrilegium sub diversis generibus peccatorum continetur; puta sub homicidio, si quis sacerdotem occidat; sub luxuria, si quis virginem sacram violat, vel quamcumque mulierem in loco sacro; sub furto, si quis rem sacram furatus fuerit. Ergo sacrilegium non est speciale peccatum.

3. Præterea. Omne speciale peccatum invenitur distinctum ab aliis peccatis, ut de iniustitia speciali Philosophus dicit in V. Ethicor. (cap. 11.) Sed sacrilegium non videtur inveniri absque aliis peccatis, sed quandoque coniungitur furto, quandoque homicidio, ut dictum est (in arg. præc.) Non ergo est speciale peccatum.

Sed contra est quod opponitur speciali virtuti, scilicet religioni, ad quam pertinet revereri Deum; & divina. Ergo sacrilegium est speciale peccatum.

Respondeo dicendum, quod ubicumque invenitur specialis ratio deformitatis, ibi necesse est quod sit speciale peccatum: quia species cuiuslibet rei præcipue attenditur secundum rationem formalem ipsius, non autem secundum materiam, vel subiectum. In sacrilegio autem invenitur specialis ratio deformitatis, qua scilicet violatur res sacra per aliquam irreverentiam. Et ideo est speciale peccatum, & opponitur religioni.

Sicut enim Damascenus dicit in Lib. IV. (orthod. Fid. cap. 111. cir. med.) *purpure regale indumentum sacra honoratur, & glorificatur; & si quis hanc perforaverit, morte damnatur*, quasi contra Regem agens: ita etiam si quis rem sacram violat, ex hoc ipso contra Dei reverentiam agit; & sic per irreligiositatem peccat.

Ad primum ergo dicendum, quod illi dicuntur sacrilegium in divinæ legis sanctitatem committere qui legem Dei impugnant, sicut hæretici, & blasphemi: qui ex hoc quod Deo non credunt, incurrunt infidelitatis peccatum; ex hoc vero quod divinæ legis verba pervertunt, sacrilegium incurrunt.

Ad secundum dicendum, quod nihil prohibet unam specialem rationem peccati in pluribus peccatorum generibus inveniri, secundum quod diversa peccata ad finem unius peccati ordinantur, prout etiam in virtutibus apparet quibus imperatur ab una virtute. Et hoc modo quocumque genere peccati aliquis faciat contra reverentiam debitam sacris rebus, sacrilegium formaliter committit; licet materiali-

ter sint ibi diversa genera peccatorum. Ad tertium dicendum, quod sacrilegium interdum invenitur separatim ab aliis peccatis, eo quod actus non habet aliam deformitatem, nisi quia res sacra (a) violatur; puta si quis iudex capiat aliquem de loco sacro, quem in aliis locis licite capere posset.

## ARTICULUS III. 527

*Utrum species sacrilegii distinguantur secundum res sacras.*

*Inf. quæst. cliv. art. 10. ad 3.*

Ad tertium sic proceditur. Videtur quod species sacrilegii non distinguantur secundum res sacras. Materialis enim diversitas non diversificat speciem, si sit eadem ratio formalis. Sed in violatione quarumcumque rerum sacrarum videtur esse eadem ratio formalis peccati, & quod non sit diversitas nisi materialis. Ergo per hoc non diversificatur sacrilegii species.

2. Præterea. Non videtur esse possibile quod aliqua sint eiusdem speciei, & cum hoc differant specie. Sed homicidium, & furtum, & illicitus concubitus, sunt diversæ species peccatorum. Ergo non possunt convenire in una specie sacrilegii: & ita videtur quod sacrilegii species distinguantur secundum diversas species aliorum peccatorum, & non secundum diversitatem rerum sacrarum.

3. Præterea. Inter res sacras connumerantur etiam personæ sacræ. Si ergo una species sacrilegii esset qua violatur persona sacra, sequeretur quod omne peccatum quod persona sacra committeret, esset sacrilegium, quia per quodlibet peccatum violatur persona peccantis. Non ergo species sacrilegii accipiuntur secundum res sacras.

Sed contra est quod actus, & habitus distinguuntur secundum obiecta. Sed res sacra est obiectum sacrilegii, ut dictum est (art. i. h. quæst.) Ergo species sacrilegii distinguuntur secundum differentiam rerum sacrarum.

Respondeo dicendum, quod, sicut dictum est (ibid.) peccatum sacrilegii in hoc consistit quod aliquis irreverenter se habet ad rem sacram. Debetur autem reverentia rei sacræ ratione sanctitatis. Et ideo secundum diversam rationem sanctitatis rerum sacrarum, quibus irreverentia exhibetur, necesse est quod sacrilegii species distinguantur. Tanto enim sacrilegium est gravius, quanto res sacra in quam peccatur, maiorem obtinet sanctitatem.

At-

(a) id. videtur,

Attribuitur autem sanctitas & personis sacris, idest divino cultui dedicatis, & locis sacris, & rebus quibuldam aliis sacris. Sanctitas autem loci ordinatur ad sanctitatem hominis, qui in loco sacro cultum Deo exhibet. Dicitur enim II. Machab. v. 19. *Non propter locum gentem, sed propter gentem Dominus locum elegit.* Et ideo gravius peccatum est sacrilegium quo peccatur contra personam sacram, quam quo peccatur contra locum sacrum. Sunt tamen in utraque sacrilegii specie diversi gradus, secundum differentiam personarum, & locorum sacrorum.

Similiter etiam & tertia species sacrilegii, quæ circa alias res sacras committitur, diversos habet gradus, secundum differentiam rerum sacrarum. Inter quas summum locum obtinent ipsa sacramenta, quibus homo sanctificatur: quorum præcipuum est Eucharistia sacramentum, quod continet ipsum Christum. Et ideo sacrilegium quod contra hoc sacramentum committitur, gravissimum est inter omnia. Post sacramenta autem secundum locum tenent vasa consecrata ad sacramentorum susceptionem, & ipsæ imagines sacræ, & reliquæ Sanctorum, in quibus quodammodo ipsæ personæ Sanctorum venerantur, & dehonorentur; deinde ea quæ pertinent ad prænum Ecclesiæ, & ministrorum; deinde ea quæ sunt deputata ad sustentationem ministrorum, sive sint mobilia, sive immobilia. Quicumque autem contra quodcumque prædictorum peccat, crimen sacrilegii incurrit.

Ad primum ergo dicendum, quod non est in omnibus prædictis eadem ratio sanctitatis. Et ideo differentia sacrarum rerum non solum est differentia materialis, sed etiam formalis.

Ad secundum dicendum, quod nihil prohibet aliqua duo esse secundum aliquod unius speciei, & secundum aliud diversarum; sicut Socrates, & Plato conveniunt in specie animalis; differunt autem in specie colorati, si unus sit albus, & alius niger. Et similiter etiam possibile est aliqua duo peccata differre specie secundum materiales actus, convenire autem in specie secundum unam rationem formalem sacrilegii; puta si quis sanctimonialia violaverit verberando, vel concubendo.

Ad tertium dicendum, quod omne peccatum quod sacra persona committit, materialiter quidem, & quasi per accidens est sacrilegium. Unde Hieronymus (Bernard. Lib. II. de Considerat. cap. 1.) dicit, quod *nugæ in ore sacerdotis sacrile-*

*gium sunt, vel blasphemia.* Formaliter autem, & proprie illud solum peccatum sacræ personæ sacrilegium est quod agitur directe contra eius sanctitatem; puta si virgo Deo dicata fornicetur. Et eadem ratio est in aliis.

## ARTICULUS IV. 528

*Utrum pœna sacrilegii debeat esse pecuniaria.*

*Inf. quæst. cliv. art. 10. ad 2.*

**A**D quartum sic proceditur. Videtur quod pœna sacrilegii non debeat esse pecuniaria. Pœnam enim pecuniaria non solet imponi pro culpa criminali. Sed sacrilegium est culpa criminalis: unde capitali sententia punitur secundum leges civiles. Ergo sacrilegium non debet puniri pœna pecuniaria.

2. Præterea. Idem peccatum non debet duplici pœna puniri, secundum illud Nahum 1. 9. *Non conjuges duplex tribulatio.* Sed pœna sacrilegii est excommunicatio: maior quidem, si violentia inferatur in personam sacram, vel si aliquis incendat, vel irangat Ecclesiæ; minor autem in aliis sacrilegiis. Ergo non debet sacrilegium puniri pœna pecuniaria.

3. Præterea. Apostolus dicit I. ad Thessal. 11. 3. *Non sumus aliquando in occasione avaritiæ.* Sed hoc videtur ad occasionem avaritiæ pertinere quod pœna pecuniaria exigatur pro violatione rei sacræ. Ergo non videtur talis esse conveniens sacrilegii pœna.

Sed contra est quod dicitur XVII. quæst. IV. (cap. xx.) *Si quis contumax, vel superbus fugitivum servum de atrio Ecclesiæ per vim abstraxerit, non gentes solidos componat: & ibidem postea subdit (cap. XXI.) Quisquis inventus fuerit reus sacrilegii, triginta libras examinati argenti purissimi componat.*

Respondeo dicendum, quod in pœnis infligendis duo sunt consideranda. Primo quidem æqualitas, ad hoc quod pœna sit iusta, ut scilicet in qua quis peccat, per hoc torqueatur, ut dicitur Sap. vi. 17. Et hoc modo conveniens pœna sacrilegii, qui sacris iniuriam infert, est excommunicatio, per quam a sacris arceatur.

Secundo autem consideratur utilitas. Nam pœnæ quasi medicinæ quædam infliguntur, ut horrenti homines a peccato desistant. Sacri leges autem, qui sacra non reveretur, non sufficienter videtur a peccando arceri: per hoc quod sacra ei interdiciuntur, de quibus non curat: & ideo se-

cundum leges humanas adhibetur capitalis poena; secundum vero Ecclesiae statuta, quae mortem corporalem non infligit, adhibetur poena pecuniaria, ut saltem poenis temporalibus homines a sacris revocentur.

Ad primum ergo dicendum, quod Ecclesiae mortem corporalem non infligit, sed loco eius infligit excommunicationem.

Ad secundum dicendum, quod necesse est duas poenas adhiberi, quando per unam non sufficienter revocatur aliquis a peccando. Et ideo oportuit supra poenam excommunicationis adhiberi aliquam temporalem poenam, ad coercendum homines qui spiritualia contemnunt.

Ad tertium dicendum, quod si pecunia exigetur ab obsequio rationabili causa, hoc videtur ad obsequium avaritiae pertinere. Sed quando exigitur ad hominum correctionem, habet manifestam utilitatem: & ideo non pertinet ad occasionem avaritiae.

## QUAESTIO C.

*De simonia,*

*in sex articulos divisa.*

**D**Einde considerandum est de simonia: & circa hoc quaeruntur sex.

Primo, quid sit simonia.

Secundo, utrum liceat pro sacramentis pecuniam accipere.

Tertio, utrum liceat accipere pecuniam pro spiritualibus actibus.

Quarto, utrum liceat vendere ea quae sunt spiritualibus annexa.

Quinto, utrum solum munus a manu faciat simoniacum, an etiam munus a lingua, & ab obsequio.

Sexto de poena simoniaci.

## ARTICULUS I. 329

*Utrum simonia sit studiosa voluntas emendi, vel vendendi aliquid spirituale, vel spirituali annexum.*

*IV dist. xxv. quaest. III. art. 1. quaest. 1. per tot. Et quaest. 3.*

**A**D primum sic proceditur. Videtur quod simonia non sit studiosa voluntas emendi, vel vendendi aliquid spirituale, vel spirituali annexum. Simonia enim est haecis quaedam: dicitur enim 1. quaest. 1. (cap. Eos qui per pecunias) *Tolerabilior est Macedonii, & eorum qui circa ipsum sunt sancti Spiritus impugnatorum impia heresis, quam simoniacorum. Illi enim creaturam, & servum Dei Patris, & Filii Spiritum*

*sanctum delirando fatentur; isti vero eundem Spiritum sanctum efficiunt servum suum. Omnis enim dominus quod habet, si vult, vendit, sive servum, sive aliquid aliud eorum quae possidet. Sed infidelitas non consistit in voluntate, sed magis in intellectu, sicut & fides, ut ex supra dictis patet (quaest. 1. art. 2. & quaest. x. art. 2.)* Ergo simonia non debet per voluntatem definiri.

2. Præterea. Studiose peccare est peccare ex malitia; quod est peccare in Spiritum sanctum. Si ergo simonia est studiosa voluntas peccandi, sequitur quod tempus sit peccatum in Spiritum sanctum.

3. Præterea. Nihil est magis spirituale quam regnum caelorum. Sed licet emere regnum caelorum: dicit enim Gregorius in quadam hom. (v. in Evang. ante med.) *Regnum caelorum tantum valet, quantum habes.* Ergo non est simonia velle emere aliquid spirituale.

4. Præterea. Nomen simoniae a Simone mago acceptum est: de quo legitur Act. viii. quod obtulit Apostolis pecuniam ad spirituales potestatem emendam, ut scilicet quibuscumque manus imponeret, reciperent Spiritum sanctum. Non autem legitur, quod aliquid voluerit vendere. Ergo simonia non est voluntas vendendi aliquid spirituale.

5. Præterea. Multae aliae sunt voluntariae commutationes præter emptionem, & venditionem, sicut permutatio, & transactio. Ergo videtur quod insufficienter definitur simonia.

6. Præterea. Omne quod est spirituale annexum, est spirituale. Superflue ergo additur, *vel spirituali annexum.*

7. Præterea. Papa secundum quosdam non potest committere simoniam. Potest autem emere, vel vendere aliquid spirituale. Ergo simonia non est voluntas emendi, vel vendendi aliquid spirituale, vel spirituali annexum.

Sed contra est quod Gregorius (VII.) dicit in Registo: (ut hab. cap. Presbyter, 1. quaest. 1. ex Regesto) *Altare, vel decimas, vel Spiritum sanctum emere, vel vendere, simoniacam heresim esse, nullus fidelium ignorat.*

Respondeo dicendum, quod, sicut supra dictum est (1. 2. quaest. xviii. art. 2.) auctus aliquis est malus ex genere, eo quod cadit super materiam indebitam. Emptio autem, & venditio est materia iudebita res spiritualis triplici ratione. Primo quidem quia res spiritualis non potest aliquo terreno pretio compensari; sicut de sapientia dicitur Proverb. iii. 15. *Preziosior est cunctis opibus; & omnia quae desiderantur*

*sub*

*viderantur, huic non valent comparari.* Ideo enim Petrus in ipsa sui radice Simonis pravitatem condemnans, dixit (Act. viii. 20.) *Pecunia tua tecum sit in perditionem: quoniam donum Dei existimasti pecunia possideri.* Secundo quia id non potest esse debita venditionis materia, cuius venditor non est dominus, ut patet in auctoritate supra inducta (in arg. 1.) Prælati autem Ecclesie non est dominus spiritualium rerum, sed dispensator, secundum illud I. ad Cor. iv. 1. *Sic nos existimet homo ut ministros Christi, & dispensatores mysteriorum Dei.* Tertio quia venditio repugnat spiritualium Origini, quæ ex gratia voluntate Dei proveniunt. Unde & Dominus dicit Matth. x. 8. *Gratis accipitis, gratis date.*

Et ideo aliquis emendo, vel vendendo rem spirituales, irreverentiam exhibet Deo, & rebus divinis: propter quod peccat peccato irreligiositatis.

Ad primum ergo dicendum, quod sicut religio consistit in quadam fidei protestatione, quam tamen aliquis interdum non habet in corde; ita etiam vitia opposita religioni habent quandam protestationem infidelitatis, licet quandoque non sit infidelitas in mente. Secundum hoc ergo simonia hæresis dicitur secundum exteriorem protestationem: quia in hoc quod aliquis vendit donum Spiritus sancti, quodammodo protestatur se esse dominum spiritualis doni: quod est hæreticum. Secundum tamen, quod Simon magus, præter hoc quod ab Apostolis Spiritus sancti gratiam pecunia emere voluit, dixit, quod mundus non erat a Deo creatus, sed a quadam superna virtute, ut dicit Idorius in Lib. VIII. Etym. (cap. v. in princ.) Et sic secundum hoc inter alios hæreticos simoniaci computantur, ut patet in Lib. Augustini de hæresibus (hæresi 1.)

Ad secundum dicendum, quod, sicut supra dictum est (quæst. lvi. art. 4.) iustitia, & omnes partes eius, & per consequens omnia vitia opposita, sunt in voluntate sicut in subiecto. Et ideo convenienter simonia per voluntatem definitur. Additur autem *stultitia*, ad designandum electionem, quæ principaliter pertinet ad virtutem, & vitium. Non autem omnis qui peccat electione, peccat peccato in Spiritum sanctum, sed solum qui peccatum eligit per contemptum eorum per quæ homines solent retrahi a peccando, ut supra dictum est (quæst. xiv. art. 1. & 2.)

Ad tertium dicendum, quod regnum caelorum dicitur emi, dum quis dat quod habet, propter Deum, large sumpto nomi-

ne emptionis, secundum quod accipitur pro merito: quod tamen non pertingit ad perfectam rationem emptionis: tum quia non sunt condignæ passionibus temporis, nec aliqua nostra cura, vel opera ad futuram gloriam, qua revelabitur in nobis, ut dicitur Rom. viii. 18. tum quia meritum non consistit principaliter in exteriori dono, vel actu, vel passione, sed in interiori affectu.

Ad quartum dicendum, quod Simon magus ad hoc emere voluit potestatem spirituales, ut eam postea venderet. Dicitur enim 1. quæst. 111. (cap. *Salvator*) quod *Simon magus donum Spiritus sancti emere voluit, ut ex venditione signorum, quæ per eum fierent, multiplicatam pecuniam lucraretur.* Et sic illi qui spiritualia vendunt, conformantur Simoni mago in intentione; in actu vero illi qui emere volunt: illi autem qui vendunt, in actu imitantur Giezi discipulum Heliæ, de quo legitur IV. Reg. v. quod accepit pecuniam a leproso mundato: unde venditores spiritualium possunt dici non solum *Simoniari*, sed etiam *Giezite*.

Ad quintum dicendum, quod nomine emptionis, & venditionis intelligitur omnis contractus non gratuitus. Unde nec permutatio præbendarum, vel ecclesiasticorum beneficiorum fieri potest auctoritate partium absque periculo simoniae, sicut nec transactio, ut iura determinant (cap. *Questum*, de rerum permutat. & cap. *Super* de transactionib.) Potest tamen prælati ex officio suo permutationes huiusmodi facere pro causa utili, vel necessaria.

Ad sextum dicendum, quod sicut anima vivit secundum seipsam, corpus autem vivit ex unione animæ; ita etiam quedam sunt spiritualia secundum seipsa, sicut sacramenta, & alia huiusmodi; quedam autem dicuntur spiritualia ex hoc quod talibus adherent. Unde 1. quæst. 111. cap. *Si quis obiecerit*, dicitur, quod *spiritualia sine corporalibus rebus non proficiunt, sicut nec anima sine corpore corporaliter vivit.*

Ad septimum dicendum, quod Papa potest incurrere vitium simoniae, sicut & quilibet alius homo. Peccatum enim tantum in aliqua persona est gravius, quanto maiorem obinet locum. Quamvis enim res Ecclesie sint eius ut principalis dispensatoris; non tamen sunt eius ut domini, & possessoris. Et ideo si reciperet pro aliqua re spirituali pecuniam de redditibus Ecclesie alicuius, non eareret vitio simoniae:

K k 3 & si-

& similiter etiam posset simoniam committere, recipiendo pecuniam ab aliquo laico non de bonis Ecclesiae.

## ARTICULUS II. 530

*Utrum semper sit illicitum pro sacramentis pecuniam dare.*

III. dist. xxv. quaest. 111. art. 2. quaest. 1.

**A**D secundum sic proceditur. Videtur quod non semper sit illicitum pro sacramentis pecuniam dare. Baptismus enim est ianua sacramentorum, ut in tertia parte dicitur (quaest. lxxviii. art. 6. & quaest. lxxviii. art. 3.) Sed licet, ut videtur, in aliquo casu dare pecuniam pro baptismo, puta quando faciens puerum morientem sine pretio baptizare non vellet. Ergo non semper est illicitum emere, vel vendere sacramenta.

2. Præterea. Maximum sacramentorum est Eucharistia, quæ in Missa consecratur. Sed pro Missis cantandis aliqui sacerdotes præbendam, vel pecuniam accipiunt. Ergo licet multo magis alia sacramenta emere, vel vendere.

3. Præterea. Sacramentum poenitentiae est sacramentum necessitatis, quod præcipue in absolutione consistit. Sed quidam absolventes ab excommunicatione pecuniam exigunt. Ergo non semper est illicitum sacramentum emere, vel vendere.

4. Præterea. Consuetudo facit ut non sit peccatum id quod alias peccatum esset, sicut Augustinus dicit (Lib. XXII. cont. Faust. cap. xlvii. in princ.) quod *habere plures uxores, quando mos erat, crimen non erat*. Sed apud quosdam est consuetudo quod in consecrationibus Episcoporum, benedictionibus Abbatum, & ordinationibus clericorum pro chrismate, vel oleo sancto, & aliis huiusmodi aliquid detur. Ergo videtur quod hoc non sit illicitum.

5. Præterea. Contingit quandoque quod aliquis malitiose impedit aliquem vel ab Episcopatu obtinendo, vel ab aliqua alia dignitate. Sed licet unicuique redimere suam vexationem. Ergo licitum videtur in tali casu pecuniam dare pro Episcopatu, vel aliqua alia ecclesiastica dignitate.

6. Præterea. Matrimonium est quoddam sacramentum. Sed quandoque datur pecunia pro matrimonio. Ergo licitum est sacramentum vendere.

Sed contra est quod dicitur 1. quaest. 1. (cap. xix.) *Qui pro pecunia quemquam consecraverit, alienus sit a sacerdotio*.

Respondetur dicendum, quod sacramenta

novæ legis sunt maxime spiritualia, in quantum sunt causa spiritualis gratiæ, quæ pretio æstimari non potest; & eius rationi repugnat quod non gratuito detur. Dispensantur autem sacramenta per Ecclesiæ ministros, quos oportet a populo sustentari, secundum illud Apostoli I. ad Cor. ix. 13. *Nescitis quoniam qui in sacris operantur, quæ de sacris sunt, edunt; & qui altari deserviunt, cum altari participant?*

Sic ergo dicendum est, quod accipere pecuniam pro spirituali sacramentorum gratia, est crimen simoniæ, quod nulla consuetudine potest excusari: quia consuetudo non præiudicat iuri naturali, vel divino. Per pecuniam autem intelligitur omne illud cuius pretium potest pecunia æstimari, ut Philosophus dicit in IV. Ethic. (cap. 1. circ. princ.) Accipere autem aliqua ad sustentationem eorum qui sacramenta Christi ministrant, secundum ordinationem Ecclesiæ, & consuetudines approbatas, non est simonia, neque peccatum. Non enim sumitur tamquam pretium mercedis, sed tamquam stipendium necessitatis. Unde super illud I. ad Tim. v. *Qui bene præsumt Presbyteri &c.* dicit Glossa Augustini (Lib. de Pastorib. cap. 11. in fin.), „Accipiant sustentationem necessitatis a populo, mercedem dispensationis a Domino.“

Ad primum ergo dicendum, quod in casu necessitatis quilibet potest baptizare. Et quia nullo modo est peccandum, pro eodem est habendum, si sacerdos absque pretio baptizare non velit, ac si non esset qui baptizaret. Unde ille qui gerit curam pueri, in tali casualitate potest eum baptizare, vel a quocumque alio facere baptizari. Posset tamen licite aquam a sacerdote emere, quæ est purum elementum corporale. Si autem esset adultus qui baptismum desideraret, & immineret mortis periculum, nec sacerdos eum vellet sine pretio baptizare, deberet, si posset, per alium baptizari: quod si non posset ad alium habere recursum, nullo modo deberet pretium pro baptismo dare, sed potius absque baptismo decedere: suppleretur enim ei ex baptismo flammis quod ei ex sacramento deesset.

Ad secundum dicendum, quod sacerdos non accipit pecuniam quasi pretium consecrationis Eucharistiæ, aut Missæ decantandæ (hoc enim esset simoniacum;) sed quasi stipendium suæ sustentationis, ut dictum est (in corp.)

Ad tertium dicendum, quod pecunia non exigitur ab eo qui absolvitur, quasi pretium



tium absolutionis (hoc enim esset simoniacum); sed quasi poena culpæ præcedentis, pro qua fuit excommunicatus.

Ad quartum dicendum, quod, sicut dictum est (in corp. art. & 1. 2. quæst. xcvi. art. 3.) consuetudo non præiudicat iuri naturali, vel divino, quo simonia prohibetur. Et ideo si aliqua ex consuetudine exigantur quasi pretium rei spiritualis, cum intentione emendi, vel vendendi, est manifeste simonia, & præcipue si ab invito exigantur: si vero exigantur quasi quædam stipendia per consuetudinem approbata, non est simonia; si tamen desit intentio emendi, vel vendendi, sed intentio referatur ad solam consuetudinis observantiam, & præcipue quando aliquis voluntarie solvit. In his tamen omnibus sollicite cavendum est quod habet speciem simoniæ, vel cupiditatis, secundum illud Apostoli I. ad Thessal. ult. 22. *Ab omni specie mala abstinete vos*.

Ad quintum dicendum, quod antequam alicui acquiratur ius in Episcopatu, vel quacunque dignitate, vel præbenda, per electionem, vel provisionem, seu collationem, simoniacum esset advertantium oblatula pecunia redimere: sic enim per pecuniam pararet sibi viam ad rem spirituales obtinendam. Sed postquam ius alicui iam acquisitum est, licet per pecuniam iniusta impedimenta removeat.

Ad sextum dicendum, quod quidam dicunt, quod pro matrimonio licet pecuniam dare: quia in eo non confertur gratia. Sed hoc non est usquequaque verum, ut in tertia parte huius operis dicitur. (Quam non absolvit. Vide Supplem. quæst. xlii. art. 3.)

Et ideo aliter dicendum est, quod matrimonium non solum est Ecclesiæ sacramentum, sed etiam naturæ officium. Et ideo dare pecuniam pro matrimonio, in quantum est naturæ officium, licitum est; in quantum vero est Ecclesiæ sacramentum, est illicitum. Et ideo secundum iura (cap. Cum in Ecclesiæ de simonia) prohibetur ne per benedictionem nuptiarum aliquid exigatur.

### ARTICULUS III. 531

*Utrum liceat dare, & accipere pecuniam pro spiritualibus actibus.*

IV. dist. xxv. quæst. 111. art. 2. quæst. 2. & quo. viii. art. 11.

**A**D tertium sic proceditur. Videtur quod licitum sit dare, & accipere pecuniam pro spiritualibus actibus. Ut

enim prophetiæ est spiritualis actus. Sed pro usu prophetiæ olim aliquid dabatur, ut patet I. Reg. ix. & III. Reg. xiv. Ergo videtur quod liceat dare, & accipere pecuniam pro actu spirituali.

2. Præterea. Oratio, prædicatio, laus divina sunt actus maxime spirituales. Sed ad impetrandum orationum suffragia pecunia datur sanctis viris, secundo illud Luc. xvi. 9. *Facite vobis amicos de mammona iniquitatis*: prædicatores etiam spiritualia seminantibus temporalia debentur secundum Apostolum I. ad Cor. ix. celebrantibus etiam divinas laudes in ecclesiastico officio, & processiones facientibus aliquid datur; & quandoque annui redditus ad hoc assignantur. Ergo licitum est pro spiritualibus actibus accipere aliquid.

3. Præterea. Scientia non est minus spiritualis quam potestas. Sed pro usu scientiæ licet pecuniam accipere; sicut advocato licet vendere iustum patrocinium, & medico consilium sanitatis, & magistro officium doctrinæ. Ergo pari ratione videtur quod liceat prælato aliquid accipere pro usu spiritualis suæ potestatis, puta pro correctione, vel dispensatione, vel aliquo huiusmodi.

4. Præterea. Religio est status spiritualis perfectionis. Sed in aliquibus monasteriis aliquid ab his qui recipiuntur, exigitur. Ergo licet pro spiritualibus aliquid exigere.

Sed contra est quod dicitur 1. quæst. 1. (cap. ct.) *Quicquid invisibilis gratie consolatione tribuitur, nunquam quæstibus, vel quibuslibet præmiis venditari penitus debet*. Sed omnia huiusmodi spiritualia per invisibilem gratiam tribuuntur. Ergo non licet ea quæstibus, vel præmiis venditare.

Respondeo dicendum, quod sicut sacramenta dicuntur spiritualia, quia spiritualement conferunt gratiam; ita etiam quædam alia dicuntur spiritualia, quia ex spirituali gratia procedunt, & ad eam disponunt: quæ tamen per hominum ministerium exhibentur, quos oportet a populo sustentari, cui spiritualia administrant, secundum illud I. ad Cor. ix. 7. *Qui militas suis stipendiis utrumquam? ... Qui pascit gregem, & de lacte gregis non manducat?*

Et ideo vendere quod spirituale est in huiusmodi actibus, aut emere, simoniacum est. Sed accipere, aut dare aliquid pro sustentatione ministrantium spiritualia, secundum ordinationem Ecclesiæ, & consuetudinem approbatam, licitum est; ita tamen quod desit intentio emptionis, vel venditionis, & quod ab invitis non exigatur per spiritualium subractionem, quæ

quæ sunt exhibenda : hoc enim haberet quamdam venditionis speciem.

Gratis tamen spiritualibus prius exhibitis, licite possunt statui, & consuetæ oblationes, & quicumque alii proventus exigendi a nolentibus, & valentibus solvere, auctoritate superioris interveniente.

Ad primum ergo dicendum, quod, sicut Hieronymus dicit super Michæam (post med. comm. ad cap. III.) munera quædam sponte exhibebantur bonis prophetis ad sustentationem ipsorum, non quasi ad emendum prophetiam utrumque; quem tamen pleudo prophetæ retorquebant ad quæstum.

Ad secundum dicendum, quod illi qui dant elemosynas pauperibus, ut orationum ab ipsis suffragia impent, non eo tenore dant, quasi intendentes orationes emere; sed per gratuitam beneficentiam pauperum animos provocant ad hoc quod pro eis gratis & ex caritate orent. Prædicantibus etiam temporalia debentur ad sustentationem prædicantium, non autem ad emendum prædicationis verbum. Unde super illud I. ad Timoth. v. *Qui bene præsent Presbyteri &c.* dicit Glossa (Augustini Lib. de Pastorib. cap. 11. ad fin.) „Necessitatis est accipere unde vitur, caritatis est præbere: non tamen venale est Evangelium, ut pro his prædicetur: si enim sic vendunt, magnam rem vili vendunt pretio.“ Similiter etiam aliqua temporalia dantur Deum laudantibus in celebratione ecclesiastici officii sive pro vivis, sive pro mortuis, non quasi pretium, sed quasi sustentationis stipendium. Et eo etiam tenore pro processionibus faciendis in aliquo funere aliquæ elemosynæ recipiuntur. Si autem huiusmodi pacto interveniente fiant, aut etiam cum intentione emptionis, vel venditionis, simoniacum esset. Unde illicita esset ordinatio, si in aliqua Ecclesia statueretur quod non fieret processio in funere alicuius, nisi solveret certam pecunie quantitatem: quia per tale statutum præcluderetur via gratis officium pietatis aliquibus impendendi. Magis autem licita esset ordinatio, si statueretur, quod omnibus certam elemosynam dantibus tali honor exhiberetur: quia per hoc non præcluderetur via alii exhibendi. Et præterea prima ordinatio habet speciem exactionis; secunda autem habet speciem gratuitæ recompensationis.

Ad tertium dicendum, quod ille cui committitur spiritualis potestas, ex officio obligatur ad usum potestatis sibi commissæ in spiritualium dispensatione; & etiam

pro sua sustentatione statuta stipendia habet ex redditibus Ecclesiæ: & ideo si aliquid acciperet pro usu spiritualis potestatis, non intelligeretur locare operas suas, quas ex debito suscepti officii debet impendere, sed intelligeretur vendere ipsum spiritualis gratiæ usum. Et propter hoc non licet pro quacunque dispensatione aliquid accipere; nec etiam pro hoc quod vires suas committant; nec etiam pro hoc quod subditos suos corrigant, vel a corrigendo desistant. Licet tamen eis accipere procuraciones, quando subditos visitant, non quasi pretium correctionis, sed quasi debitum stipendium. Ille autem qui habet scientiam, & non suscepit cum hoc officium, ex quo obligetur aliis usum scientiæ impendere, licite potest pretium suæ doctrinæ, vel consilii accipere, non quasi veritatem, aut scientiam vendens, sed quasi operas suas locans. Si autem ex officio ad hoc teneretur, intelligeretur ipsam vendere veritatem: unde graviter peccaret; sicut patet in illis qui instituantur in aliquibus Ecclesiis ad docendum clericos Ecclesiæ, & alios pauperes, pro quo ab Ecclesia beneficium recipiunt; a quibus non licet eis aliquid recipere, nec ad hoc quod doceant, nec ad hoc quod aliqua testa faciant, vel prætermittant.

Ad quartum dicendum, quod pro ingressu monasterii non licet aliquid exigere, vel accipere quasi pretium; licet tamen, si monasterium sit tenue, quod non sufficiat ad tot personas nutriendas, gratis quidem ingressum monasterii exhibere, sed accipere aliquid pro victu personarum quæ in monasterio fuerit recipienda, si ad hoc non sufficiant monasterii opes. Similiter etiam licitum est, si propter devotionem, quam aliquis ad monasterium ostendit, largas elemosynas faciendo, facilius in monasterio recipiatur: sicut etiam licitum est aliquem & converso provocare ad devotionem monasterii per temporalia beneficia, ut ex hoc inclinetur ad monasterii ingressum; licet non sit licitum ex pacto aliquid dare, vel recipere pro ingressu monasterii, ut habetur 1. quæst. 11. cap. *Quam pio.*

#### ARTICULUS IV. 532

*Utrum sit licitum pecuniam accipere pro his quæ sunt spiritualibus annexa.*

*Sup. art. 1. ad 6. & IV. dist. xxv. quæst. 111. art. 2. quæst. 3.*

**A**D quartum sic proceditur. Videtur quod licitum sit pecuniam accipere pro

pro his quæ sunt spiritualibus annexa. Omnia enim temporalia videntur spiritualibus annexa: quia temporalia sunt propter spiritualia quærenda. Si ergo non licet vendere ea quæ sunt spiritualibus annexa, nihil temporale vendere licebit: quod patet esse falsum.

2. Præterea. Nihil videtur magis esse spiritualibus annexum quam vasa consecrata. Sed calicem licet vendere pro redemptione captivorum, ut Ambrosius dicit (Lib. II. de offic. cap. xxviii.) Ergo licitum est vendere ea quæ sunt spiritualibus annexa.

3. Præterea. Spiritualibus annexa dicuntur ius sepulturæ, ius patronatus, & ius primogenituræ secundum antiquos (quia primogeniti ante legem sacerdotis officioungebantur) & etiam ius accipiendi decimas. Sed Abraham emit ab Ephron sepulcrum duplicem in sepulcrum, ut habetur Genes. xxiii. Iacob autem emit ab Esau ius primogenituræ, ut habetur Genes. xxv. Ius etiam patronatus transit cum re vendita, & in feudum conceditur: decimæ etiam concessæ sunt quibuscumque militibus, & redimi possunt: prælati etiam interdum retinent sibi ad tempus fructus præbendarum, quas conferunt; cum tamen præbendæ sint spiritualibus annexæ. Ergo licet emere, & vendere ea quæ sunt spiritualibus annexa.

Sed contra est quod dicit Paschalis Papa, & habetur i. quæst. iii. cap. Si quis obsecerit. *Quisquis horum alterum vendit, sine quo nec alterum provenit, neutrum invenditum derelinquit. Nullus ergo emat Ecclesiam, vel præbendam, vel aliquid ecclesiasticum.*

Respondetur dicendum, quod aliquid potest esse annexum spiritualibus dupliciter. Uno modo sicut ex spiritualibus dependens; sicut habere beneficia ecclesiastica dicitur spiritualibus annexum, quia non competit nisi habenti officium clericale: unde huiusmodi nullo modo possunt esse sine spiritualibus. Et propter hoc ea nullo modo vendere licet: quia, eis venditis, intelligitur etiam spiritualia venditioni subici.

Quædam autem sunt annexa spiritualibus, inquantum ad spiritualia ordinantur; sicut ius patronatus, quod ordinatur ad præsentandum clericis ad ecclesiastica beneficia; & vasa sacra, quæ ordinantur ad sacramentorum usum: unde huiusmodi non præsupponunt spiritualia, sed magis ea ordine temporis præcedunt. Et ideo aliquo modo vendi possunt, non autem inquantum sunt spiritualibus annexa.

Ad primum ergo dicendum, quod omnia temporalia annexantur spiritualibus sicut ini: & ideo ipsa quidem temporalia vendere licet; sed ordo eorum ad spiritualia sub venditione cadere non debet.

Ad secundum dicendum, quod etiam vasa sacra sunt spiritualibus annexa sicut ini: & ideo eorum consecratio vendi non potest. Tamen pro necessitate Ecclesiæ, & pauperum, materia eorum vendi potest, diuimodo præmissa oratione prius confringantur: quia post confractionem non intelliguntur esse vasa sacra, sed purum metallum: unde si ex eadem materia similia vasa iterum integrarentur, indigerent iterum consecrari.

Ad tertium dicendum, quod sepulcrum duplex, quam Abraham emit in sepulcrum, non habetur quod erat terra consecrata ad sepeliendum: & ideo licebat Abraham terram illam emere ad utrumque sepulcrum, ut ubi insisteret sepulcrum; sicut etiam nunc liceret emere aliquem agrum communem ad instituendum ibi cæmeterium, vel etiam Ecclesiam. Tamen quia apud Gentiles loca sepulcræ deputata religiosa reputantur, si Ephron pro loco sepulcræ intendit pretium accipere, peccavit vendens, licet Abraham non peccaverit emens, quia non intendebat emere nisi terram communem: licet enim etiam nunc terram, ubi quondam fuit Ecclesia, vendere, aut emere in casu necessitatis; sicut & de materia sacrorum vasorum dictum est (in solut. præc.) Vel excusatur Abraham, quia in hoc redemit suam vexationem. Quamvis enim Ephron gratis ei sepulcrum offerret, perpendit tamen Abraham quod gratis recipere sine eius offensa non posset. Ius autem primogenituræ debebatur Iacob ex divina electione, secundum illud Malach. i. 2. *Iacob dilexi, Esau autem odio habui:* & ideo Esau peccavit primogenita vendens; Iacob autem non peccavit emendo, quia intelligitur suam vexationem redemisse. Ius autem patronatus per se vendi non potest; nec in feudum dari; sed transit cum villa quæ venditur, vel conceditur. Ius autem spirituale accipiendi decimas non conceditur laicis, sed tantummodo res temporales, quæ nomine decimæ dantur, ut supra dictum est (quæst. lxxxvii. art. 3.) Circa collationem vero beneficiorum sciendum est, quod si Episcopus antequam beneficium alicui conferat, ob aliquam causam ordinaverit aliquid subtrahendum de fructibus beneficii con-

conferendi, & in pios usus expendendum, non est illicitum, si vero ab eo cui beneficium confertur, requiratur aliquid sibi exhiberi de fructibus illius beneficii, idem est ac si aliquid munus ab eo exigeretur, & non caret vitio simoniae.

### ARTICULUS V. 533

*Utrum liceat spiritualia dare pro munere quod est ab obsequio, vel a lingua.*

*IV. dist. xxv. quest. lxx. art. 3.*

**A**D quintum sic proceditur. Videtur quod liceat spiritualia dare pro munere quod est ab obsequio, vel a lingua. Dicit enim Gregorius in Registro (Lib. II. epist. xviii. in princ.) *Eccllesiasticis utilitatibus deservientes, ecclesiastica dignum est remuneratione gaudere.* Sed deservire ecclesiasticis utilitatibus pertinet ad munus ab obsequio. Ergo videtur quod licitum sit pro obsequio accepto ecclesiastica beneficia largiri.

2. Præterea. Sicut carnalis videtur esse intentio, si quis alicui det beneficium ecclesiasticum pro suscepto servitio, ita etiam si quis det intuitu consanguinitatis. Sed hoc non videtur esse simoniacum: quia non est ibi emptio, vel venditio. Ergo nec primum.

3. Præterea. Id quod solum ad preces alicuius fit, gratis fieri videtur; & ita non videtur locum habere simonia, quæ in emptione, vel venditione consistit. Sed munus a lingua intelligitur, si quis ad preces alicuius ecclesiasticum beneficium conferat. Ergo non est simoniacum.

4. Præterea. Hypocritæ spiritualia opera faciunt, ut laudem humanam consequantur; quæ ad munus linguae pertinet videtur: nec tamen hypocritæ dicuntur simoniaci. Non ergo per munus a lingua simonia contrahitur.

Sed contra est quod Urbanus II. Papa dicit (epist. xvii. ad Lucium to. io. Concil. & hab. cap. *Salvator*, 1. quest. lxx.) *Quisquis res ecclesiasticas non ad quod instituta sunt, sed ad propria sacra munera linguae, vel indebiti obsequii, vel pecunie largitur, vel adipiscitur, simoniacus est.*

Respondetur dicendum, quod, sicut supra dictum est (art. 2. huius quest.) nomine pecunie intelligitur cuiuscunque pretium quod pecunia mensurari potest. Manifestum est autem quod, obsequium hominis ad aliquam utilitatem ordinatur, quæ potest pretio pecunie aestimari: unde & pecuniaria mercede ministri conducuntur. Et ideo idem est quod aliquis det rem spirituales pro aliquo obsequio temporali

exhibito, vel exhibendo, ac si daret pro pecunia data, vel promissa, qua illud obsequium aestimari posset. Similiter etiam quod aliquis satisfaciatur precibus alicuius ad temporalem gratiam querendam, ordinatur ad aliquam utilitatem, quæ potest pecunie pretio aestimari.

Et ideo sicut contrahitur simonia accipiendo pecuniam, vel quamlibet aliam rem exteriorem (quod pertinet ad munus a manu); ita etiam contrahitur per munus a lingua, vel ab obsequio.

Ad primum ergo dicendum, quod si aliquis clericus alicui prælato impendat obsequium honestum, & ad spiritualia ordinatum (puta ad Ecclesie utilitatem, vel ministrorum eius auxilium) ex ipsa devotione obsequii redditur dignus ecclesiastico beneficio, sicut & propter alia bona opera: unde non intelligitur esse munus ab obsequio: & in hoc casu loquitur Gregorius. Si vero sit inhonestum obsequium, vel ad carnalia ordinatum (puta quia servitur prælato ad utilitatem consanguineorum suorum, vel patrimonii sui, vel ad aliquid huiusmodi) erit munus ab obsequio; & est simoniacum.

Ad secundum dicendum, quod si aliquis aliquid spirituale alicui confert gratis propter consanguinitatem, vel quamcumque carnalem affectionem, est quidem illicita, & carnalis collatio; non tamen simoniaca, quia nihil ibi accipitur: unde hoc non pertinet ad contractum emptio-nis, & venditionis, in quo fundatur simonia. Si tamen aliquis det beneficium ecclesiasticum alicui hoc pacto, vel intentione, ut exinde eius consanguineis provideat, est manifesta simonia.

Ad tertium dicendum, quod munus a lingua dicitur vel ipsa laus pertinet ad favorem humanum, qui sub pretio cadit, vel etiam preces, ex quibus acquiritur favor humanus, vel contrarium evitatur. Et ideo si aliquis principaliter ad hoc intendit, simoniam committit. Videtur autem ad hoc principaliter intendere qui preces pro indigno porrectas exaudit: unde ipsum factum est simoniacum. Si autem preces pro digno porrigantur, ipsum factum non est simoniacum, quia subest debita causa, ex qua illi pro quo preces porriguntur, spirituale aliquid conferatur. Tamen potest esse simonia in intentione, si non attendatur ad dignitatem personæ, sed ad favorem humanum. Si vero aliquis pro se rogat, ut obtineat curam animarum, ex ipsa presumptione redditur indignus; & tunc preces sunt pro indigno. Licite tamen potest ali-

aliquis, si sit indigens, pro se beneficium ecclesiasticum petere sine cura animarum.

Ad quartum dicendum, quod hypocrita non dat aliquid spirituale propter laudem, sed solum demonstrat, & simulando magis furtive surripit laudem humanam quam emat. Unde non videtur pertinere ad vitium simoniz.

ARTICULUS VI. 534

*Utrum sit conveniens simoniaci poena ut privetur eo quod per simoniam acquisivit.*

IV. dist. xxv. quæst. I. art. 3. quæst. 1. ad 1.

**A**D sextum sic proceditur. Videtur quod non sit conveniens simoniaci poena ut privetur eo quod per simoniam acquisivit. Simonia enim committitur ex eo quod alicuius muneris interventu spiritualia acquiruntur. Sed quedam sunt spiritualia, quæ semel adepta non possunt amitti, sicut omnes characteres qui per aliquam consecrationem imprimuntur. Ergo non est conveniens poena, ut quis privetur eo quod simoniace acquisivit.

2. Præterea. Contingit quandoque quod ille qui est Episcopatum per simoniam adeptus, præcipiat subito ut ab eo recipiat Ordines; & videtur quod ei debeat obedire, quamdiu ab Ecclesia toleratur. Sed nullus debet aliquid recipere ab eo qui non habet potestatem conferendi. Ergo Episcopus non amittit episcopalem potestatem, si eam simoniace acquisivit.

3. Præterea. Nullus debet puniri pro eo quod non est factum eo sciente & volente: quia poena debetur peccato, quod est voluntarium, ut ex supra dictis patet (1. 2. quæst. lxxiv. art. 1. & 2.) Contingit autem quandoque quod aliquis simoniace consequitur aliquid spirituale procurantibus aliis, eo nesciente, & nolente. Ergo non debet puniri per privationem eius quod ei collatum est.

4. Præterea. Nullus debet reportare commodum de suo peccato. Sed si ille qui consecutus est beneficium ecclesiasticum per simoniam, restitueret quod percepit, quandoque hoc redundaret in utilitatem eorum qui fuerunt simoniæ participes; puta quando prælati, & totum collegium in simonia consensit. Ergo non semper est restituendum quod per simoniam acquiritur.

5. Præterea. Quandoque aliquis per simoniam in aliquo monasterio recipitur, & votum solemne ibi facit profitendo. Sed nullus debet absolvi ab obligatione voti propter culpam commissam. Ergo non debet monachus, quod simoniace acquisivit, amittere.

6. Præterea. Exterior poena in hoc mundo non infligitur pro interiori motu cordis, de quo solius Dei est iudicare. Sed simonia committitur ex sola intentione, vel voluntate: unde & per voluntatem definitur, ut dictum est (art. 1. hu. quæst.) Ergo non debet semper aliquis privari eo quod simoniace acquisivit.

7. Præterea. Multo maius est promoveri ad maiora quam in susceptis permanere. Sed quandoque simoniaci ex dispensatione promoventur ad maiora. Ergo non semper debent suscipere privari. Sed contra est quod dicitur 1. quæst. 1. cap. Si quis Episcopus (ex Concilio Chalced. cap. 11.) *Qui ordinatus est simoniace, nihil ex ordinatione, vel promotione, quæ est per negotiationem facta, proficiat; sed sit alienus a dignitate, vel sollicitudine quam pecunia acquisivit.*

Respondendo dicendum, quod nullus potest licite retinere id quod contra voluntatem domini acquisivit: puta si aliquis dispensator de rebus domini sui daret alicui contra voluntatem, & ordinationem domini sui, ille qui acciperet, licite retinere non posset. Dominus autem, cuius Ecclesiarum prælati sunt dispensatores, & ministri, ordinavit ut spiritualia gratis darentur, secundum illud Math. x. 8. *Gratis accepistis, gratis date.*

Et ideo qui muneris intervenit spiritualia quæcumque assequitur, ea licite retinere non potest. Insuper autem simoniaci tam vendentes, quam ementes spiritualia, aut etiam mediatores aliis poenis puniuntur; scilicet infamia, & depositione, si sint clerici; & excommunicatione, si sint laici, ut habetur 1. quæst. 1. cap. Si quis Episcopus.

Ad primum ergo dicendum, quod ille qui simoniace recipit sacrum ordinem, recipit quidem characterem ordinis propter efficaciam sacramenti; non tamen recipit gratiam, neque ordinis executionem: eo quod quasi furave suscepit characterem contra principalis domini voluntatem: & ideo est ipso iure suspensus & quoad se, ut scilicet de executione sui ordinis se non intromittat, & quoad alios, ut scilicet nullus ei communice in ordinis executione; sive sit peccatum eius publicum, sive occultum. Nec potest repetere pecuniam quam turpiter dedit, licet alius inuste detineat. Si vero sit simoniacus, quia consultit ordinem simoniace, vel quia dedit, vel recepit beneficium simoniace, vel fuit mediator simoniæ, si est publicum, est ipso iure suspensus & quoad se, & quoad alios; si autem est occultum, est suspensus ipso iure quoad se tantum, non autem quoad alios.

Ad secundum dicendum, quod nec propter præceptum eius, nec etiam propter ex-

com-

communicationem debet aliquis recipere ordinationem ab Episcopo quem scit simoniace promotum. & si ordinetur, non recipit ordinis executionem, etiam si ignorat eum esse simoniacum, sed indiget dispensatione. Quamvis quidam dicunt, quod si non potest probare eum esse simoniacum, debet obedire recipiendo ordinem, sed non debet exequi sine dispensatione. Sed hoc abique ratione dicitur: quia nullus debet obedire alicui ad communicandum sibi in facto illicito. Ille autem qui est ipso iure suspensus & quoad se, & quoad alios, illicite confert ordinem. Unde nullus debet ipsi communicare, recipiendo ab eo quacumque ex causa. Si autem ei non constet, non debet peccatum credere alterius; & ita cum bona conscientia debet ab eo ordinem recipere. Si autem Episcopus sit simoniacus aliquo alio modo quam per promotionem suam simoniace factam, potest ab eo ordinem recipere, si sit occultum: quia non est suspensus quoad alios, sed solum quoad seipsum, ut dictum est (in solut. præced.)

Ad tertium dicendum, quod hoc quod aliquis privetur eo quod accepit, non solum est poena peccati, sed etiam quandoque est effectus acquisitionis iniusta: puta cum aliquis emit rem aliquam ab eo qui vendere non potest. Et ideo si aliquis scienter, & propria sponte simoniace accipiat ordinem, vel ecclesiasticum beneficium, non solum privatur eo quod accepit, ut scilicet careat executione ordinis, & beneficium resignet (a) cum fructibus inde perceptis, sed etiam ulterius punitur, quia notatur infamia: (b) & tenetur ad restituendos fructus non solum perceptos, sed etiam eos qui percipi potuerunt a possessore diligenti: (quod tamen intelligendum est de fructibus qui supersunt, deductis expensis factis causa fructuum) exceptis fructibus illis qui alias expensis sunt in utilitatem Ecclesiae. Si vero eonoscit, nec volente, per alios alicuius promotio simoniace procuratur, caret quidem ordinis executione, & tenetur resignare beneficium, quod est consecutus, cum fructibus extantibus; non autem tenetur restituere fructus consumptos, qui bona fide possedit: nisi forte inimicus eius fraudulenter pecuniam daret pro alicuius promotione, vel nisi ipse expresse contradixerit: tunc

enim non tenetur ad renuntiandum, nisi forte postmodum pacto consenserit, solvendo quod fuit promissum.

Ad quartum dicendum, quod pecunia, vel possessio, vel fructus simoniace accepta debent restitui Ecclesiae, in cuius iniuriam data fuerunt, non obstant quod praelatus, vel aliquis de collegio illius Ecclesiae fuit in culpa: quia eorum peccatum non debet aliis nocere: ita tamen quod quantum fieri potest, ipsi qui peccaverunt, inde commodum non consequantur. Si vero praelatus, & totum collegium sunt in culpa, tunc debet cum auctoritate superioris vel pauperibus, vel alteri Ecclesiae erogari.

Ad quintum dicendum, quod si aliqui sunt in monasterio simoniace recepti, debent abrenunciare: & si his scientibus commissi est simonia, post Concilium generale (c) sine spe restitutionis de monasterio suo repelluntur, & ad agendam perpetuam poenitentiam sunt in arctiori regula ponendi, vel in aliquo loco eiusdem ordinis, si arctior ordo non inveniretur. Si vero hoc fuit ante Concilium, debent in aliis locis eiusdem ordinis collocari. Et si hoc fieri non potest, dispensative debent in eisdem monasteriis recipi, ne in saeculo evagentur, mutatis tamen prioribus locis, & interioribus assignatis. Si vero ipsis ignorantibus, sive ante Concilium, sive post, sint simoniace recepti, postquam renunciaverint, possunt de novo recipi, locis mutatis, ut dictum est.

Ad sextum dicendum, quod quoad Deum sola voluntas facit simoniacum; sed quoad poenam ecclesiasticam exteriorem non punitur ut simoniacus, ut abrenunciare teneatur; sed debet de mala intentione poenitere.

Ad septimum dicendum, quod dispensare cum eo qui est beneficiarius simoniace scienter, solus Papa potest; in aliis autem talibus potest etiam Episcopus dispensare; ita tamen quod prius abrenunciet quod simoniace acquisivit; & tunc dispensationem consequatur; vel parvam, ut habeat laicam communionem; vel magnam, ut post poenitentiam in alia Ecclesia in suo ordine remaneat; vel poenitentem, ut remaneat in eadem, sed in minoribus ordinibus; vel maximam, ut in eadem Ecclesia etiam maiores ordines exequatur, non tamen praelationem accipiat.

FINIS TOMI XXII.

(a) Ita cum missi, melius nota ad illi pariter. Al. cum fructibus imperceptis. (b) Ad illi Nescit ut dicitur cap. 8. q. 1. quodammodo. (c) Lateranense videlicet sub Innocentio III.





